



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

~~.....~~ RBS

N
132





303647348

**T. LIVII PATAVINI
HISTORIARUM**

AB URBE CONDITA

LIBRI QUI SUPERSUNT OMNES,

EX RECENSIONE

ARN. DRAKENBORCHII.

ACCEDUNT

NOTÆ INTEGRÆ

EX EDITIONIBUS

J. B. L. CREVIERII.

CUM

INDICE RERUM LOCUPLETISSIMO.

TOM. I.

OXONII,

EXCUDERAT W. BAXTER;

**IMPENSIS J. PARKER, ET R. BLISS: ET R. PRIESTLEY, ET
G. ET W. B. WHITTAKER, LONDINI.**

MDCCCXI.



T. LIVII PATAVINI
HISTORIARUM
AB URBE CONDITA
LIBRI.

EPITOME LIBRI I.

ADVENTUS Æneæ in Italiam, et ejus res gestæ referuntur. Ascanii regnum Albæ, et deinceps Silviorum. Numitoris filia, a Marte compressa, ¹ nati Romulus et Remus. Amulius obtruncatus. Urbs a Romulo condita. Senatus lectus. Cum Sabinis bellatum. Opima spolia Jovi Feretrio lata. ² In curias populus divisus. Fidenates et Veientes victi. Romulus consecratus. Numa Pompilius ritus sacrorum tradidit; Jano templum constituit; ejusque portam, pacatis omnibus circa populis, primus clausit. cum Dea Egeria sibi congressus nocturnos esse simulans, feroces populi animos ad religionem perpulit. Tullus Hostilius Albanos bello petiit. Post hæc trigeminarum pugna. Horatius absolutus. Metti Fuffetii supplicium. Alba diruta, Albani in civitatem recepti. Sabinis bellum indictum. Ad postremum fulmine Tullus absumtus. Ancus Marcius ceremonias, a Numa institutas, renovavit. Latinis victis et ad civitatem adscitis montem Aventinum adsignavit. ³ Politorium, urbem Latinorum, bello repetitam, quam prisci Latini occupaverant, diruit. pontem sublicium in Tiberim fecit. Janiculum collem urbi addidit. fines imperii protulit. Ostiam condidit. ⁴ Regnavit annos viginti quatuor. Eo regnante Lucumo, Damarati Corinthii filius, a Tarquiniiis, Etruriæ civitate, Romam venit; et, in amicitiam Anci receptus, Tarquinii nomen ferre cepit; et post mortem Anci regnum excepit. Centum additis, Patrum numerum auxit. La-

¹ Nati Romulus et Remus] Unus ab Hearnio inspectus codex habet nati ex ea.

² In curias populus divisus] Olim in centurias: male et contra historię sdem. Emendavit Sigonius ex c. 13. hujus libri.

³ Politorium, urbem Latinorum]

Hæc ob nimiam brevitatem obscuriora sunt. Res clare narratur cap. 33.

⁴ Regnavit annos triginta tres] Imo viginti quatuor, ex cap. 34. infra; sicque et Dufatius edidit, et Hearnius, qui ita reperisse se in uno MS. testatur.

tinis subegit, circum designavit, ludos edidit. Sabinorum bello petitus equitum centurias ampliavit. Tentandæ scientiæ causa Atti Navii auguris, consuluisse fertur, an id, de quo cogitaret, effici posset: quod quum ille fieri posse respondisset, jussisse, eum novacula cotem præcidere; idque protinus ab Atto factum. Sabinos præterea acie vicit, urbem muro circumdedit, cloacas fecit. Occisus est ab Anci filiis, quum regnasset annos triginta octo. Successit ei Ser. Tullius, natus ex captiva nobili Corniculana; cui puero, adhuc in cunis posito, caput arsisse traditum est. ⁵ Veientes atque Etruscos prælio fudit. Censum primus egit. Lustrum condidit, quo civium capita censa octoginta millia esse dicuntur. Classes centuriasque descripsit. Pomærium protulit. Colles urbi, Quirinalem, Viminalem, Esquilinumque adjecit. Templum Dianæ cum Latinis in Aventino fecit. Interfectus est a ⁶ L. Tarquinio, Prisci filio, consilio filiæ suæ Tulliæ, ⁷ quum regnasset annos quadraginta quatuor. Post hunc L. Tarquinius Superbus, neque Patrum, neque populi jussu, regnum invasit: quo die scelerata Tullia per patris jacentis corpus carpentum egit. Armatos circa se ad custodiam corporis sui habuit. Turnum Herdonium fraude interemit. Bellum cum Volscis gessit; et ex eorum præda templum Jovi in Capitolio fecit. Terminus et Juventas non addixere: quorum aræ moveri non potuerunt. Filii Sex. Tarquini dolo Gabios in potestatem suam redegit. Hujus filius Delphos profectis, et consulentibus, quis eorum regnaturus esset Romæ, dictum est, eum regnaturum, qui primus matrem osculatus esset. Quod responsum quum ipsi aliter interpretarentur, Junius Brutus, qui cum iis profectus erat, prolapsus se simulavit, et terram osculatus est. idque factum ejus eventus rei comprobavit. Nam quum, impotenter se gerendo, Tarquinius Superbus omnes in odium sui adduxisset; ad ultimum, propter expugnatam nocturna vi a Sexto filio ejus Lucretiæ pudicitiam (quæ, vocato patre ad se Tricipitino et viro Collatino, obtestata, ne inulta mors ejus esset, cultro se interemit) Bruti opera maxime expulsus est, quum regnasset annos viginti quinque. Tunc consules primum creati sunt L. Junius Brutus et L. Tarquinius Collatinus.

⁵ *Is Veientes*] Vulgo abest pronomen *is*. Sed illud in veteribus libris reperiri Sigonius affirmat.

⁶ *L. Tarquinio Prisci filio*] Vid. not. ad cap. 46. hujus libri.

⁷ *Quum regnasset annos triginta quatuor*] Lege *quadraginta quatuor*,

quomodo habetur infra, cap. 48. Et hic quoque Dujatii et Hearnii editiones a reliquis recedunt, et eum quem volumus numerum præferunt. Hearnius quidem niti se profitetur unius MS. codicis auctoritate.

PRÆFATIO.

FACTURUSNE ¹ operæ pretium sim, si a primordio Urbis res populi Romani perscripserim, nec satis scio; nec, si sciam, dicere ausim: quippe qui, quum veterem, tum ² vulgatam esse rem, videam, dum novi semper scriptores, aut in rebus certius aliquid adlaturos se, aut scribendi arte rudem vetustatem superaturos, credunt. Utcumque erit, juvabit tamen, rerum gestarum memoriæ principis terrarum populi pro virili parte et me³ ⁴ ipsum consuluisse; et, si in tanta scriptorum turba mea fama in obscuro sit, nobilitate ac magnitudine eorum, meo qui nomini obficient, me consoler. ⁵ Res est præterea ⁶ et immensi operis, ut quæ supra septingentesimum annum repetatur; et quæ, ab exiguis profecta initiis, eo creverit, ut jam magnitudine laboret sua: et legentium plerisque, haud dubito, quin primæ origines proximæque originibus minus præbitura voluptatis sint, ⁶ festinantibus ad hæc nova, quibus jam pridem præ-

² me del. Crev.

1 Opera pretium] Rem utilem, et cui haud frustra impensa opera sit.

2 Vulgatam rem] Rem vulgo a scriptoribus historiarum factitatam. Hæc igitur mens est Livii. Est hic vetus et usitatus scribentium mos, ut si historiam, etiam post multos alios, condere aggrediantur, sentiant et dicant sese facturos operæ pretium; rati aut in rebus certius aliquid allaturos se, aut scribendi arte rudem vetustatem superaturos. Ego facturussne operæ pretium sim, nec satis scio; nec, si sciam, dicere ausim, ne pravam ceterorum consuetudinem videar imitari.

3 Et ipsum consulisse] Vulgo, et me ipsum. Sed et me eleganter supprimunt plurimi et optimi MSS. tum Gronovio, tum nobis inspecti. Notum est illud Virgilii: *Ille meus errare locos, ut cernis, et ipsum Ludere quæ vellem.* Sic et Justin. l. XIV. c. 4. *Aut si ipsos pudet roganti utrum adhibere, ferrum hæc date.*

4 Res est præterea] Res quam tractandam suscipio, respublica nempe Romana, cujus universam historiam

scribendo complecti volo, est argumentum quod ex crescere debeat in immensum opus; ut quæ supra septingentesimum annum repetatur, eademque ab exiguis. . .

5 Et immensi] Connexa procul dubio sunt duo, quæ proxime sequuntur, orationis membra, ut quæ supra . . . et quæ ab exiguis. . . quum utrumque rationem afferat cur res sit immensi operis. Itaque vel delenda est vocula et ante immensi: (quam quidem ignorat unus e nostris codicibus) vel dicendum est ei respondere et legentium plerisque, prout quasi scripsisset Livius: *Præterea et res est immensi operis. . . et legentium plerisque.* Non raro apud nostrum particulas illas et et, quum tum, ita collocatæ reperiuntur, ut, licet quoad sensum sibi respondeant, quoad structuram tamen verborum ex adverso esse non respiciant. Sic infra c. 25. *Feroces et suapte ingenio, et pleni adhortantium vocibus:* et l. VI. c. 23. *Feror quum ætate et ingenio, tum multitudinis. . . spe inflatus.*

6 Festinantibus ad hæc nova] Quia

valentis populi vires se ipsæ conficiunt. Ego contra hoc quoque laboris præmium petam, ut^b me a conspectu malorum, quæ nostra tot per annos vidit ætas, tantisper, certe dum prisca illa tota mente repeto, avertam, ⁷ omnis expers curæ, quæ scribentis animum, etsi non flectere a vero, sollicitum tamen efficere possit. Quæ⁸ ante conditam condendamve urbem, poeticis magis⁹ decora fabulis, quam incorruptis rerum gestarum monumentis, traduntur, ea nec adfirmare, nec refellere, in animo est. Datur hæc venia antiquitati, ut, miscendo humana divinis, primordia urbium augustiora faciat. Et, si cui populo licere oportet, consecrare origines suas, et ad Deos referre auctores, ea belli gloria est populo Romano, ut, quum suum conditorisque sui parentem Martem potissimum ferat, tam et hoc gentes humanæ patiantur æquo animo, quam imperium patiuntur. Sed hæc et his similia, ¹⁰ utcumque animadversa aut existimata erunt, haud in magno equidem ponam discrimine. Ad illa mihi pro se quisque acriter intendat animum, quæ vita, qui mores fuerint: per quos viros, quibusque artibus, domi militiæque, et partum et auctum imperium sit. labente deinde paullatim disciplina, velut ¹¹ desidentes primo mores sequatur animo; deinde ut magis magisque lapsi sint; tum ire cœperint præcipites: donec ad hæc tempora, quibus nec vitia nostra, nec remedia pati possumus, perventum est. Hoc illud est præcipue in cognitione rerum salubre ac frugiferum, omnis te exempli documenta in inlustri posita monumento intueri: inde tibi tuæque reipublicæ, quod imitere, capias: inde, fœdum inceptu, fœdum exitu, quod vites. Ceterum aut me amor negotii suscepti fallit, aut nulla umquam respublica nec major, nec sanctior, nec bonis

^b uti Gron. Crev.

nimirum ardent desiderio cognoscendæ ante omnia historiæ novissimorum horum temporum, quibus jam pridem prævalentis populi vires se ipsæ per bella civilia conficiunt.

⁷ *Omnis expers curæ*] Non verebatur Livius, ne rebus Numæ aut Servii Tullii memorandis cujusquam animum offenderet. Itaque remotissimæ illius antiquitatis historiam scribenti vacuus omni cura erat animus: non itidem futurus erat Cæsariana tempora tractanti.

⁸ *Ante . . condendam . . urbem*] His verbis designari videtur tempus remotius, quo videlicet nondum is erat rerum status, ut brevi Roma condenda foret: ^a puta, tempus ante Romulum natum.

⁹ *Decora*] Magis convenientia poeticis figmentis, quam incorruptæ et sinceræ rerum gestarum historiæ. *Decora fabulis*, quomodo infra c. 42. *Hunc ordinem vel paci decorum, vel bello.*

¹⁰ *Utcunque*] *Utcunque animadversa*, i. e. quoquomodo ad ea attenderis, sive acriter, sive negligentius. *Utcunque existimata*, i. e. quoquomodo de iis judicaveris, sive vera, sive falsa putaveris.

¹¹ *Desidentes*] Paulatim labi incipientes. Translatio ducta ab iis, quæ leni motu in semet deprimuntur. *Desidentes* hic a *desido*. Ceterum hic olim legebatur *dissidentes*. Correxerunt Lipsius e suis libris.

exemplis ditior fuit: ¹² nec in quam civitatem^c tam seræ avaritia luxuriaque inmigraverint: nec ubi tantus ac tam diu paupertati ac parsimoniæ honos fuerit. adeo, quanto rerum minus, tanto minus cupiditatis erat. ¹³ Nuper divitiæ avaritiam, et abundantes voluptates desiderium per luxum atque libidinem pereundi perdendique omnia invexere. Sed querelæ, ne tum quidem gratæ futuræ, quum forsitan et necessariæ erunt, ab initio certe tantæ ordiendæ^d rei absint. Cum bonis ¹⁴ potius omnibus votisque ac precationibus Deorum Dearumque, si, ut poetis, nobis quoque mos esset, libentius inciperemus, ut ¹⁵ orsis tanti operis successus prosperos darent.

^c civitatem del. Gron.

^d ordiunda Gron. Crev.

¹² *Nec in quam civitatem*] Ultimam vocem, quam ignorant vulgo editi, Jac. Gronovius exstare affirmat in antiquissima omnium editione ab Andrea adornata, et in Aldina anni 1518. in scriptis vero septem. Nos eam itidem in omnibus nostris invenimus. Huic MSS. codicum consensui repugnare fas non esse duximus. Offendit editores, quæ visa est non necessaria vox. Sed ejusmodi iterationes, vel nominis ejusdem post relativum, vel diversorum ejusdem sensus nominum, creberrimæ sunt apud Latinos scriptores.

¹³ *Nuper*] *Divitiæ invexere avaritiam*, i. e. sitim divitiarum; et abun-

dantes voluptates desiderium ipsarum voluptatum, dum luxu solutos cives libido quædam pereundi perdendique omnia agit. Alii malunt *desiderium pereundi perdendique omnia per luxum atque libidinem*.

¹⁴ *Potius . . . libentius*] Sufficiebat *libentius*. * Sed ejusmodi pleonasmus non inusitati sunt apud optimos scriptores, qui perspicuitati maxime serviunt.

¹⁵ *Orsis tanti operis*] Tanto instituto operi. *Orsa operis* inceptum opus. Sic Statius IV. Sylv. 7. ad Maximum Junium: *Orsa Sallustii brevis*, pro opere ipso Sallustii.

T. LIVII PATAVINI

LIBER I.

JAM primum omnium satis constat, Troja capta, in ceteros sævitum esse Trojanos; duobus, ¹ Ænea Antenoreque, et vetusti jure hospitii, et quia pacis reddendæque Helenæ semper auctores fuerant, omne jus belli Achivos abstinuisse. ² Casibus deinde variis Antenorem cum multitudine Hene- Antenoris fata. tûm, qui, seditione ex Paphlagonia pulsi, et sedes et ducem, rege Pylæmenē ad Trojam amisso, quærebant, venisse in intimum maris Hadriatici sinum: Euganeisque, qui inter mare Alpesque incolebant, pulsus, Henetos Trojanosque eas tenuisse terras: et in quem primum egressi sunt locum, Troja vocatur, ³ pagoque inde Trojano nomen est, gens universa Veneti adpellati. Ænean, ab simili clade domo pro- Æneæ fata. fugum, sed ad majora initia rerum ducentibus fatis, primo in Macedoniam venisse: inde in Siciliam quærentem sedes delatum: ⁴ ab Sicilia classe Laurentem agrum tenuisse: Trojæ et huic loco nomen est. Ibi egressi Trojani, ut quibus ab immenso prope errore nihil, præter arma et naves, superesset, quum prædam ex agris agerent, Latinus rex Aboriginesque, qui tum ea tenebant loca, ad arcendam vim advenarum armati ex urbe atque agris concurrunt. ⁵ Duplex in-

¹ Ænea Antenorque Crev.

¹ *Ænea Antenorque*] Decem codices allegat Jac. Gronovius, in quibus exstet hæc scriptura, quam et sex nostri retinent. Eam itaque admisimus. Sensus est: Achivos jus omne belli, id est, quidquid jure belli in victos licet, nulla ex parte exercere in Æneam Antenoremque voluisse. Sic infra l. II. c. 12. Por-sena ad Mucium: *jure belli liberum te . . . dimitto.*

² *Casibus deinde variis*] Hæc communiter cadunt in Antenorem et Ænean, quorum mox casus varii describuntur.

³ *Pagoque inde Trojano nomen est*] Atque ex illa origine pagus quidam agri Veneti ad nostram usque ætatem Trojani nomen retinuit. Pagus con-

stat ex pluribus vicis, gens autem ex pluribus pagis. Itaque hic bene distinguitur pagus Trojanus a vico Troja, et a gente universa Venetis.

⁴ *Ab Sicilia, classe Laurentem agrum tenuisse*] Ideo observat Livius Æneam ab Sicilia classe Laurentem agrum tenuisse, ut indicet eum non ab Sicilia in proxima Italiæ transgressum, pedestri deinde itinere ad Laurentem agrum pervenisse, sed recto cursu ab Sicilia ad Laurentis agri littora navibus delatum fuisse. Hunc locum vanis conjecturis sollicitant ambo Gronovii.

⁵ *Duplex exinde*] Scripti aliquot a Gronovio memorati, et quatuor e nostris: *duplex inde.*

de^b fama est: alii proelio victum Latinum pacem cum Ænea, deinde adfinitatem junxisse tradunt: alii, quum instructæ acies constitissent, priusquam signa canerent, processisse Latinum inter primores, ducemque advenarum evocasse ad colloquium; percunctatum deinde, qui mortales essent, unde, aut quo casu profecti domo, quidve quærentes in agrum Laurentem exissent? postquam audierit, multitudinem Trojanos esse; ducem Ænean, filium Anchisæ et Veneris; cremata patria et domo profugos sedem condendæque urbi locum quærere, et nobilitatem admiratum gentis virique, et animum vel bello vel paci paratum, dextera data fidem futuræ amicitiae sanxisse. Inde foedus ictum inter duces, inter exercitus salutationem factam. Ænean apud Latinum fuisse in hospitio. ibi Latinum apud Penates Deos domesticum publico adjunxisse foedus, filia Æneæ in matrimonium data: ea res utique Trojanis spem adfirmat tandem stabili certaue sede finiendi erroris. Oppidum condunt. Æneas ab nomine uxoris Lavinium adpellat. Brevi stirps quoque virilis ex novo matrimonio fuit; ⁶ cui Ascanium parentes dixere nomen.

Lavinium
conditur.
Ascanius
nascitur.

II. Bello deinde Aborigines Trojanique simul petiti. Turnus rex Rutulorum, cui pacta Lavinia ante adventum Æneæ fuerat, prælatum sibi advenam ægre patiens, simul Æneæ Latinoque bellum intulcrat. Neutra acies læta ex eo certamine abiit: victi Rutuli: victores Aborigines Trojanique ducem Latinum amisere. Inde Turnus Rutulique, diffisi rebus, ad florentes Etruscorum opes Mezentiumque, eorum regem, confugiunt: qui, ⁷ Cære opulento tum oppido imperitans, jam inde ab initio minime lætus novæ origine urbis, et tum nimio plus, quam satis tutum esset adcolis, rem Trojanam crescere ratus, haud gravatim socia arma Rutulis junxit. Æneas, adversus tanti belli terrorem ut animos Aboriginum sibi conciliaret, ⁸ ne sub eodem jure solum, sed etiam nomine, omnes essent, Latinos utramque gentem adpellavit. Nec deinde Aborigines Trojanis studio ac fide erga regem Ænean cessere: fretusque his animis coalescentium in dies magis duorum populorum Æneas, quamquam tanta opibus Etruria erat, ut jam non terras solum, sed

Mezentius.

Latini.

^b exinde Gron. Crev.

⁶ Cui Ascanium] Vocem cui abesse a quibusdam scriptis testatur Gronovius. Idem de uno a se inspecto Hearnii affirmat. Unus quoque e nostris illam non exhibet. Sane Livius potuit hoc loco pronomen, ut sæpe alias, omittere.

⁷ Cære opulento tum oppido] Livii

ævo Cære jam non opulentum oppidum erat. Restabant tantum rudera, teste Strabone, l. v.

⁸ Ne sub eodem jure] Ut non solum eodem imperio iisdemque legibus regerentur, sed etiam eodem omnes nomine essent.

mare etiam per totam Italiae longitudinem, ab Alpibus ad fretum Siculum, fama nominis sui inplesset, tamen, quum
⁹ manibus bellum propulsare posset, in aciem copias eduxit.
¹⁰ Secundum inde proelium Latinis, Æneæ etiam ultimum Æneæ operum mortalium fuit. ¹¹ situs est, ¹² quemcumque eum ^{mors.} dici jus fasque est, ¹³ super Numicium flumen. Jovem ¹⁴ indigetem adpellant.

III. Nondum maturus imperio Ascanius Æneæ filius erat: tamen id imperium ei ad puberem ætatem incolume mansit. ¹⁵ tantisper tutela muliebri (tanta indoles in Lavinia erat) res Latina et regnum avitum paternumque puero stetit. ¹⁶ Haud nihil ambigam, (quis enim rem tam veterem ¹⁷ pro certo adfirmet?) hiccine fuerit Ascanius, an major, quam hic, Creüsa matre Ilio incolumi natus, comesque inde paternæ fugæ, quem Iulum eundem Julia gens auctorem nominis sui nuncupat. Is Ascanius, ubicumque et quacumque matre genitus, (certe natum Ænea constat) abundante Lavinii multitudine, florentem jam (ut tum res erant) atque opulentam urbem matri, seu novercæ, reliquit: novam ipse aliam ¹⁸ sub Albano monte condidit; quæ, ¹⁹ ab situ porrectæ in dorso urbis, Longa Alba adpellata. Inter La-
 Alba Longa
 conditur.
 vinium et Albam Longam coloniam deductam triginta ferme interfuere anni: tantum tamen opes creverant, maxime fasis Etruscis, ut ne morte quidem Æneæ, nec deinde, inter muliebrem tutelam rudimentumque primum puerilis regni, movere arma aut Mezentius Etruscique, aut ulli alii

⁹ *Manibus propulsare bellum*] Inclusus intra muros propulsare hostem.

¹⁰ *Secundum*] Intellige secundum ordinem, cui mox opponitur etiam ultimum. Primum prælium Aboriginibus simul Trojanisque fuerat adversus Turnum.

¹¹ *Situs est*] Conditus, sepultus. Monumentum ipsi a Latinis extructum Augusti ævo adhuc visebatur, teste Dionysio Hal. l. 1.

¹² *Quemcumque*] Quocumque eum nomine appellari humana divinaque jura volunt. Relatis enim in deorum numerum novum nomen apud cœlestes imponebatur: ut Romulus dictus est *Quirinus*, Melicertes *Palaemon*. De vocibus *jus* et *fas*, vid. not. ad c. 32. infra.

¹³ *Super*] Juxta. *Super Numicium*, ut scribit Auctor lib. de Origine gentis Romanæ.

¹⁴ *Indigetem*] Dii indigetes erant ii, quos merita in cœlum vocaverant, quasi inde, i. e. e terra geniti. Hinc

Æneam, quem hic Livius vocat *Indigetem*, Dionys. Halicarnasseus Græce *χθόνιος Διὸς*, i. e. terrenum deum appellat.

¹⁵ *Tantisper*] Interea dum Ascanius adolescit.

¹⁶ *Haud nihil ambigam*] Dubito utrum Ascanius, qui post Æneam regnavit, fuerit hic, i. e. puer is, de quo hactenus, quem diximus natum ex Lavinia; an alter major ætate quam hic, Creusa matre . . . natus.

¹⁷ *Pro certo*] Sic infra l. IV. 55. *illa pro certo habenda*. † Malit Gronovius *pro certa*: ei assentitur unus ex Hearnii codicibus.

¹⁸ *Sub Albano monte*] In eo monte, qui postea *Albanus* de nomine urbis dictus est.

¹⁹ *Ab situ*] Ab situ urbis porrectæ in longum super clivo montis, *Longa* cognominata est. *Alba* nomen ab colore suis cum triginta olim porcellis ab Ænea repertæ deductum esse volunt Virg. Æn. VIII. et Auctor libri de Origine gentis Romanæ.

Albani
reges.

adcolæ auti sint. Pax ita convenerat, ut Etruscis Latinisque fluvius Albula, quem nunc Tiberim vocant, finis esset. ²⁰ Silvius deinde regnat, Ascanii filius, casu quodam in silvis natus. Is Ænean Silvium creat. is deinde Latinum Silvium. Ab eo ²¹ coloniae aliquot deductae, Prisci Latini appellati. Mansit Silviis postea omnibus cognomen, qui Albæ regnarunt. Latino Alba ortus, Alba Atys, Atye Capys, Capye Capetus, Capeto Tiberinus; qui, in trajectu Albulæ amnis submersus, celebre ad posteros nomen flumini dedit. Agrippa inde Tiberini filius; post Agrippam Romulus Silvius, a patre accepto imperio, regnat. Aventino, fulmine ipse ictus, regnum per manus tradidit: is, sepultus in eo colle, qui nunc est pars Romanæ urbis, cognomen colli fecit. Proca deinde regnat: is Numitorem atque Amulium procreat. Numitori, qui stirpis maximus erat, regnum vetustum Silviae gentis legat. Plus tamen vis potuit, quam voluntas patris aut verecundia ætatis. Pulso fratre, Amulius regnat: addit sceleri scelus: stirpem fratris virilem interimit: fratris filiae Rheæ Silviae per speciem honoris, quum ²² Vestalem eam legisset, perpetua virginitate spem partus adimit.

Romuli et
Remi ortus.

IV. Sed ²³ debebatur, ut opinor, fatis tantæ origo urbis, maximique, ²⁴ secundum Deorum opes imperii principium. Vi compressa Vestalis, quum geminum partum edidisset, seu ita rata, ²⁵ seu quia Deus auctor culpæ honestior erat, Martem incertæ stirpis patrem nuncupat. Sed nec Dii, nec homines, aut ipsam, aut stirpem a crudelitate regia vindicant. sacerdos vincta in custodiam datur; pueros in profluentem aquam mitti jubet. ²⁶ Forte quadam divinitus super ripas Tiberis effusus lenibus stagnis, nec adiri usquam ²⁷ ad justi

²⁰ *Sylvius. . . Ascanii filius*] Eum Virg. VI. Æn. v. 763. et Dion. l. I. Æneæ ipsius filium fuisse volunt.

²¹ *Colonia*] Nominantur ab Auctore libri de Orig. gentis Romanæ, Præneste, Tibur, Gabii, Tusculum, Cora, Pometia, Corioli, (sic enim legendum videtur, non *Locri*) Crustumium, Cameria, Bovillæ, ceteraque oppida circumquaque. Virgilius VI. Æn. v. 773. et seq. numerat quoque inter colonias Albanorum regum, Nomentum, Fidenas, Collatiam, Castrum Inui, et Bolam.

²² *Vestalem*] De vestalibus vide infra c. 20.

²³ *Debebatur . . . fatis tantæ origo urbis*] Oportebat ut fata divinumque numen præfuisse origini tantæ urbis viderentur, et rem humanis consiliis

frustra impeditam ipsa per se ad felicem exitum perduxisse.

²⁴ *Secundum deorum opes*] Post ipsorum deorum imperium.

²⁵ *Seu quia deus auctor culpæ honestior erat*] Seu quia honestius putabat a se nominari posse Deum auctorem culpæ, quam virum mortalem.

²⁶ *Forte quadam divinitus*] Non insolitum antiquis Fortem ipsam, sive ea quæ casu eveniunt, divinæ curæ assignare. Sic aliquoties Plutarchus *Δία τιν' ὄψεσθαι*. Blanditur tamen Gruteri conjectura: *Forte quadam, an divinitus*; quum præsertim Sueton. in Claud. c. 13. casu quodam, an divinitus.

²⁷ *Ad justi cursum. . . amnis*] Ad eum locum, ubi amnis pleno alveo fluebat. *Justum* quocunque in genere est

cursum poterat. annis; et, posse quamvis languida mergi aqua infantes, spem ferentibus dabat: ita velut defuncti regis imperio, in proxima adluvie, ²⁸ ubi nunc ficus Ruminalis est, (Romularem vocatam ferunt) pueros exponunt. Vastæ tum in iis locis solitudines erant. Tenet fama, quum fluitantem alveum, quo expositi erant pueri, tenuis in sicco aqua destituisset, lupam sitientem ex montibus, qui circa sunt, ad puerilem vagitum cursum flexisse: eam submissas infantibus adeo mitem præbuisse mammas, ut lingua lambentem pueros magister regii pecoris invenerit. Faustulo ^{Educatio et adolescentia.} fuisse nomen ferunt. Ab eo ad stabula Larentiæ uxori educandos latos. Sunt, qui Larentiam, vulgato corpore, lupam inter pastores vocatam putent; inde locum fabulæ ac miraculo datum. ²⁹ Ita geniti, itaque^c educati, quum primum adolevit ætas, nec in stabulis, nec ad pecora segnes, venando peragraræ ³⁰ circa saltus. Hinc, robore corporibus animisque sumto, jam non feras tantum subsistere, sed in latrones, præda onustos, inpetus facere, pastoribusque rapta dividere: et cum his, crescente in dies grege juvenum, ³¹ seria ac jocos celebrare.

V. Jam tum in Palatino monte ³² Lupercal ³³ hoc fuisse ludicrum ferunt, et a Pallanteo, urbe Arcadica, Pallantium, dein ³⁴ Palatium^d, montem adpellatum. Ibi Evandrum, qui ³⁵ ex eo genere Arcadum ³⁶ multis ante tempestatibus ea tenuerat^e loca, sollemne adlatum ex Arcadia instituisse, ut nudi juvenes, ³⁷ Lyceum Pana venerantes, ³⁸ per lusum

^c ita Gron. Crev. ^d Palatium deinde Palatinum Gron. Crev. ^e tenuerit Crev.

id quod suam quamdam plenitudinem et absolutionem habet. *Justus exercitus, justis armis, justa ætas.*

²⁸ *Ubi nunc ficus Ruminalis est*] In media urbe Roma. Vid. Festum in voce *Ruminalem*.

²⁹ *Ita geniti*] Quomodo geniti, expositi, educati, agniti demum a Numitore Romulus ac Remus fuerint, fusius ac plenius disserunt Dion. l. I.; Plut. in Rom. Ceterum unus e codd. regis habet *itaque educati*, quemadmodum et MSS. a Gronovio inspecti.

³⁰ *Circa saltus*] Saltus qui circa erant.

³¹ *Seria ac jocos celebrare*] *Seria*, ut pugnas adversus latrones, adversus vastatrices agrorum feras: *jocos*, ut ludicra certamina, solennem festorum dierum lasciviam. *Celebrare* est magna frequentia, magno cum hominum numero peragere.

³² *Lupercal*] Hoc nomen plerumque designat locum ipsum in Palatino monte Pani Lyceo consecratum. Hic

dubitari non potest quin referatur ad ludicrum. Scripsit fortasse Livius *Lupercale hoc ludicrum*, quomodo Sueton, in Aug. c. 31. *Lupercale sacrum*.

³³ *Hoc*] Quod hodieque apud nos celebratur. Sic infra c. 42. *Hunc ordinem*, l. e. eum qui hodieque servatur: et sæpe alias.

³⁴ *Palatium, deinde Palatinum*] Optimi e scriptis nostris, ut et quidam e Gronovianis, *Pallantium, deinde Palatium*. Et eodem modo infra c. 7. et c. 12. *Palatium, Palatio*, ubi vulgo editi habent *Palatinum, Palatino*.

³⁵ *Ex eo genere Arcadum*] Ex illa Arcadum tribu quæ Pallanteum incolabat.

³⁶ *Multis antea tempestatibus tenuerit loca*] Sic habent plurimi codices, Gronovio teste: quibus adstipulantur quinque e nostris. Vulgo ea tenuerat loca.

³⁷ *Lyceum Pana*] Pan dictus est

atque lasciviam currerent; quem Romani deinde vocarunt Inuum. Huic deditis ludicro, quum sollemne notum esset, insidiosos ob iram prædæ amissæ latrones, quum Romulus vi se defendisset, Remum cepisse; captum regi Amulio tradidisse, ³⁹ ultro accusantes. Crimini maxime dabant, in Numitoris agros ab his inpetum fieri: inde eos, conlecta juvenum manu, hostilem in modum prædas agere. sic Numitori ad supplicium Remus deditur. Jam inde ab initio Faustulo spes fuerat, regiam stirpem apud se educari; nam et expositos jussu regis infantes sciebat, et tempus, quo ipse eos sustulisset, ad id ipsum congruere; sed rem in maturam, nisi aut per occasionem, aut per necessitatem, aperiri noluerat. necessitas prior venit. ita, metu subactus, Romulo rem aperit. Forte et Numitori, quum in custodia Remum haberet, audissetque, geminos esse fratres, ⁴⁰ comparando et ætatem eorum, et ipsam minime servilem indolem, tetigerat animum memoria nepotum: sciscitandoque ⁴¹ eodem pervenit, ut haud procul esset, quin Remum agnosceret. Ita ⁴² undique regi dolus nectitur. Romulus, non cum globo juvenum, (nec enim erat ad vim apertam par) sed aliis alio itinere jussis certo tempore ad regiam venire pastoribus, ad regem inpetum facit: et a domo Numitoris alia comparata manu adjuvat Remus. ita regem obtruncant.

Romulus
et Remus a
Numitore
agniti.

Amulium
obtruncant,
et Numito-
rem restitu-
unt.

VI. Numitor, inter primum tumultum hostes invasisse urbem atque adortos regiam dictitans, quum pubem Albanam in arcem præsidio armisque obtinendam avocasset; postquam^f juvenes, perpetrata cæde, pergere ad se gratulantes vidit, extemplo advocato concilio, scelera in se fratris, originem nepotum, ut geniti, ut educati, ut cogniti essent, cædem deinceps tyranni, seque ejus auctorem ostendit. Juvenes, per mediam concionem agmine ingressi,

^f pro *postquam* Gron. et Crev. propemodum semper exhibent *posteaquam*. Id in universum monuisse satius, opinor, erit, quam tædium lectoribus eadem adnotatione prope singulis paginis excitare.

Lyceus, inquit Servius ad VIII. *Æn.* v. 343. *quod lupos non sinat in oves sævire.* Lupus enim Græcis est λύκος. Idem ait Pani montem Lyceum in Arcadia consecratum fuisse. *De *Inui* appellatione vid. Serv. ad VI. *Æn.* v. 775.

38 *Per lusum*] Olim editi, *per lusum*. Correxerunt Gronovius: nec ullam tamen allegavit auctoritatem, quasi hæc emendatio sola conjectura niteretur. At duo e regis codd. vel optimi, et Sorbonicus, diserte exhibent *per lusum*.

39 *Utro*] Hujus vocis hæc vis est, ut denotet quidpiam geri ab aliquo,

contra quam ab eo expectetur, aut fieri deceat. Sic hoc loco latrones, qui omnibus suppliciis, tum ob latrocinia, tum ob injustam vim in Romulum et Remum, digni erant, ipsi eos accusant.

40 *Comparando*] Comparando ætatem et indolem horum juvenum, cum ea et ætate et indole, qua esse debant nepotes, si adhuc viverent.

41 *Eodem*] Quo Faustulus. Nisi forte malis *eo demum*. Duo e nostris MSS. *eo pervenit*.

42 *Undique*] Et ab Romulo, et ab Numitore.

quum avum regem salutassent, secuta ex omni multitudine consentiens vox ratum nomen imperiumque regi effecit. Ita Numitori Albana permissa re, Romulum Remumque Urbis condendæ cupiditas cepit, in iis locis, ubi expositi, ubique educati erant, condendæ consilium capiunt. et ⁴³ supererat multitudo Albanorum Latinorumque. ad id pastores quoque accesserant, qui omnes facile spem facerent, parvam Albam, parvum Lavinium præ ea urbe, quæ conderetur, fore. Intervenit deinde his cogitationibus avitum malum, regni cupiditas, atque inde fœdum certamen coortum a satis miti ⁴⁴ principio. Quoniam gemini essent, nec ætatis verecundia discrimen facere posset, ut Dii, quorum tutelæ ea loca essent, auguriis legerent, qui nomen novæ urbi daret, qui conditam imperio regeret, Palatium ^a Romulus, Remus Aventinum ad inaugurandum ⁴⁵ templa capiunt.

VII. Priori Remo augurium venisse fertur, sex vultures: jamque, nunciato augurio, quum duplex numerus Romulo se ostendisset, utrumque regem sua multitudo consalutaverat. ⁴⁶ tempore illi præcepto, at hi numero avium, regnum trahebant. Inde, cum altercatione congressi, ⁴⁷ certamine irarum ad cædem vertuntur. ibi in turba ictus Remus cecidit. Vulgatior fama est, ludibrio fratris Remum novos transiluisse muros: inde ab irato Romulo (quum verbis quoque increpitans adjecisset, *Sic deinde, quicumque alius transiliet mœnia mea*) interfectum. Ita solus potitus imperio Romulus; ⁴⁸ condita urbs conditoris nomine adpellata. Palatium primum, in quo ipse erat educatus, muniit: sacra Diis aliis Albano ritu, Græco Herculi, ut ab Evandro instituta erant, facit. Herculem ¹ in ea loca, Geryone interemto, boves

Remus a fratre occiditur.

Roma cond. Ol. VII. 1. 2. ante C. N. 751.

Herculis adventus in Latium.

³ principio. Hic minorem interpunctionem habet Gron. conjuncta oratione ad reget usque. Ibi autem major interpunctio dirimit orationem. ^h Palatium Gron. Crev. ¹ Herculem etc. Hic initium capitis septimi fecit

⁴³ * Supererat multitudo] Abundabat.

⁴⁴ Principio] Nempe, ut, quoniam essent gemini... dii auguriis legerent...

⁴⁵ Templo] Templum dicebatur et spatium quoddam in aere ab augure definitum, intra quod auspicia captabat; et ipse locus, ubi sedem ceperat ad captanda auspicia. A templo ita intellecto dictum est contemplari.

⁴⁶ * Tempore illi præcepto] Illi qui Remo favebant, regnum ad eum trahebant, sive ejus esse debere contendebant, quod augurium ei oblatum tempore prius esset: hi, qui Romulo, ad eum pertinere regnum dicebant, quod major sese ei ostendisset avium numerus.

⁴⁷ * Certamine irarum] Dum certant utriusque iræ, et ex ipso conflictu exardescunt.

⁴⁸ Condita urbs] Ex Catonis sententia, Roma condita est ipsis Palatibus, XI. Kal. Maii anni 1. Olympiadis VII. ante Christum 751. Mirum profecto hic non indicasse Livium, quot annos existimaret ab urbe condita ad sua tempora elapsos esse. Quid de ea re noster scriptor senserit, expendit doctissimus Dodwellus, Dissert. X. de Cyclis Romanorum: et eum Catonianam æram secutum fuisse, quæ Varroniana duobus annis brevior est, probare nititur. Dodwellum secutus est in sua Livii editione vir multijugæ eruditionis, Jo. Clericus; nos Clericum.

Cacus.

Evander
Arcas.Ara Maxi-
ma.

mira specie abegisse memorant, ac prope Tiberim fluviam, qua, præ se armentum agens, nando trajecerat, loco herbido, ut quiete et pabulo læto reficeret boves, et ipsum fessum via procubuisse. ibi quum eum, cibo vinoque gravatum, sopor obpressisset, pastor adcola ejus loci, nomine Cacus, ferox viribus, captus pulchritudine boum, quum avertere eam prædam vellet; quia, si agendo armentum in speluncam compulisset, ipsa vestigia quærentem dominum eo deductura erant; aversos boves, eximium quemque pulchritudine, caudis in speluncam traxit. Hercules, ad primam auroram somno excitus, quum gregem perlustrasset oculis, et partem abesse numero sensisset, pergit ad proximam speluncam, si forte eo vestigia ferrent. quæ ubi omnia foras versa vidit, nec in partem aliam ferre, confusus atque incertus animi, ex loco infesto agere porro armentum occepit. Inde quum actæ boves quædam ad desiderium, ut fit, relictarum mugissent, reddita inclusarum ex spelunca boum vox Herculem convertit. quem quum vadentem ad speluncam Cacus vi prohibere conatus esset; ictus clava, fidem pastorum nequidquam invocans, morte occubuit. Evander tum ea, profugus ex Peloponneso, ⁴⁹ auctoritate magis, quam imperio, regebat loca: venerabilis vir miraculo ⁵⁰ litterarum, rei novæ inter rudes artium homines; venerabilior divinitate credita Carmentæ matris, quam fatiloquam, ante Sibyllæ in Italiam adventum, miratæ hæc gentes fuerant. Is tum Evander, concursu pastorum, trepidantium circa advenam manifestæ reum cædis, excitus, postquam facinus facinorisque causam audivit, habitum formamque viri aliquantum ampliorem angustio-remque humana intuens, rogitat, qui vir esset? Ubi nomen patremque ac patriam accepit; *Jove nate, Hercules, salve, inquit; te mihi mater, veridica interpres Deum, aucturum cœlestium numerum cecinit; tibi que aram hic dicatum iri, quam opulentissima olim in terris gens Maximam vocet, tuoque ritu colat.* Dextra Hercules data, *accipere se omen inpleturumque fata,* ⁵¹ *ara condita atque dicata,* ait. Ibi tum primum bove ⁵² ex-

Creverius. Similes variationes in sequentibus, ne tanti quidem plerumque momenti, notare non placuit.

49 * *Auctoritate magis quam imperio*] *Auctoritate suadendi magis*, ut loquitur Tac. Germ. 11. *quam jubendi potestate.* *Auctoritas* ejus est, cui ætas, merita, genus, venerationem conciliant, ita ut cum reverentia audiatur. *Imperium* ejus est, qui jubet, cui parere ceteros necesse est.

50 *Litterarum*] Hic intellige ipsas litterarum notas, seu formas. Hoc idem narrant Dion. I. Tac. XI. Ann.

14. et Auctor libri de Or. gentis Rom. cujus hæc sunt verba: *Docuit Italos legere et scribere.*

51 *Ara condita*] An Evander aram condidit ac dicavit? an potius ipse Hercules sibi? Utroque auctores trahunt. Vid. hinc Dionys. l. I. Virg. VIII. Æn. v. 271. illinc Ovid. l. Fast. v. 581. Solin. c. 2.

52 *Eximia*] Vox sacrorum propria. *Eximiae hostiæ* erant, ut legimus

inia capta de grege sacrum Herculi, adhibitis ad ministerium dapemque Potitiis ac Pinariis, quæ tum familiæ maxime inclitæ ea loca incolebant, factum. Forte ita evenit, ut Potitii ad tempus præsto essent, iisque exta adpo-^{Potitii et} nerentur; Pinarii, extis adesis, ad ceteram venirent da-^{Pinarii.} pem. inde institutum mansit, donec Pinarium genus fuit, ne extis sollemnium vescerentur. Potitii, ab Evandro edocti, antistites sacri ejus per multas ætates fuerunt: ⁵⁵ donec, tradito ⁵⁴ servis publicis sollemni familiæ ministerio, genus omne Potitiorum interiit. Hæc tum sacra Romulus una ex omnibus peregrina suscepit; jam tum immortalitatis virtute partæ, ad quam eum sua fata ducebant, fautor.

VIII. Rebus divinis rite perpetratis, vocataque ad concilium multitudinem, quæ coalescere in populi unius corpus nulla re, præterquam legibus, poterat, ⁵⁵ jura dedit: quæ ita sancta generi hominum agresti fore ratus, si se ipse venerabilem insignibus imperiū fecisset, quum cetero habitu se augustiorem, tum maxime ⁵⁶ lictoribus duodecim sumtis, fecit. Alii ab numero avium, quæ augurio regnum portenderant, eum secutum numerum putant. ⁵⁷ me haud pœnitet eorum sententiæ esse, quibus et ⁵⁸ adparitores et hoc genus ab Etruscis finitimis, unde ⁵⁹ sella curulis, unde ⁶⁰ toga prætexta sumta est, numerum quoque ipsum ductum

Rempubli-
cam ordinat
Romulus.

apud Macrobiū l. III. Saturn. c. 5. quæ ad sacrificium destinata eximiebantur e grege.

⁵³ Donec tradito] Vid. infra l. IX. c. 29.

⁵⁴ Servis publicis] Servis Reipublicæ, qui non huic illive civi, sed communi Reipublicæ servirent.

⁵⁵ Jura dedit] Romuli leges, et totum, quem ille descripsit, ordinem civitatis, fuscæ exponit Dion. II.

⁵⁶ Lictoribus] Lictores dicebantur, teste Festo, quod fasces virgarum ligatos præferebant regibus, ac deinde magistratibus iis qui imperium habebant. Intra virgas illas securis ita obligata erat, ut ferrum in summo fasce extaret. Eorum munus erat, ut populum summoverent, fontes virgis cederent et securi ferirent.

⁵⁷ Me haud pœnitet eorum sententiæ esse] Hoc nobis suspectum esset loquendi genus, nisi eodem rursus infra, c. 39. Livius uteretur: eorum magis sententiæ sum: et l. XXVII. c. 25. cujus sententiæ et Fabius fuit.

⁵⁸ Et adparitores, et hoc genus] Et apparitores, et hoc apparitorum genus, nempe lictores. Apparitores communi vocabulo appellantur ii omnes,

qui præsto sunt imperiis seu regum, seu magistratum exequendis. Lictores unum quoddam apparitorum genus. Melius tamen fortasse reciso altero et legeretur, quod monet Jac. Gronovius, Et apparitores hoc genus, id est, hoc genus apparitorum. Neque enim verisimile est nullos Albanis regibus stipatores et apparitores fuisse, unde exemplum sumere Romulus potuerit. Sed hoc genus apparitorum, illo habitu, illis insignibus, qui fasces et secures præferrent, lictores denique, ab Etruscis ductos esse facile credi potest.

⁵⁹ Sella curulis] Ex ebore. Sellæ curulis appellatio deducitur apud A. Gellium l. III. c. 18. a curru: quia nempe il quibus illa utendi jus erat, eam currui quo vehebantur imponere solerent.

⁶⁰ Toga prætexta] Toga propria Romanorum vestis, albo colore. Tunice superinjiciebatur. Toga prætexta purpuram in ora habebat: unde eam Græci vocant *πικρίσπον*. Prætexta dicebatur a prætexendo, quia nimirum purpura ei prætexta erat. Ea utebantur magistratus, pueri ingenui, &c.

placet: ⁶⁰ et ita habuisse Etruscos, quod, ex duodecim populis communiter creato rege, singulos singuli populi lictores dederint. Crescebat interim urbs, munitionibus^k alia atque alia adpetendo loca, quum in spem magis futuræ multitudinis, quam ⁶¹ ad id, quod tum hominum erat, ⁶² munirent. Deinde, ne vana urbis magnitudo esset, adjiciendæ multitudinis causa, vetere consilio condentium urbes, qui, obscuram atque humilem conciendo ad se multitudinem, natam e terra sibi prolem ementiebantur, ⁶³ locum, qui nunc septus descendantibus inter duos lucos est, ⁶⁴ Asylum aperit. eo ex finitimis populis turba omnis sine discrimine, liber an servus esset, avida novarum rerum perfugit: idque primum ad coeptam magnitudinem roboris fuit. Quum jam virium haud poeniteret, ⁶⁵ consilium deinde viribus parat. centum creat senatores: sive quia is numerus satis erat; sive quia soli centum erant, ⁶⁶ qui creari Patres possent. Patres certe ab honore, patriciique progenies eorum adpellati.

Urbem auge-

Asylum aperit.

Senatum instituit.

Patres et Patricii.

Connubia petit a finitimis.

IX. Jam res Romana adeo erat valida, ut cuilibet finitimarum civitatum bello par esset; sed, ⁶⁷ penuria mulierum, hominis ætatem duratura magnitudo erat. quippe quibus nec domi spes prolis, nec cum finitimis connubia essent. Tum ex consilio Patrum Romulus legatos circa vicinas gentes misit, qui societatem connubiumque novo

^k quum alia a. a. a. loca in spem etc. Gron. Crev.

⁶⁰ Et ita habuisse Etruscos] Vid. Dion. l. III.

⁶¹ Ad id quod tum hominum erat] Qui una cum Romulo urbem condere coeperant, non plures fuere, si Dionysio credimus, l. II. quam ter mille pedites, et pauciores trecentis equitibus. Ad eam paucitatem illos redegerat cruentum inter Romulum ac Remum ob regni cupidinem prælium. Quando autem Romulus excessit e vivis, peditum reliquit sex et quadraginta millia, et mille ferme equites.

⁶² Munirent] Tuta et habitationi commoda efficerent. Eodem quoque sensu intelligenda est supra vox munitionibus.

⁶³ Locum qui nunc septus] Locum qui nunc septo clausus occurrit descendantibus ex Capitolio circa eam partem quæ vocatur inter duos lucos. Hæ enim voces inter duos lucos sunt loci nomen, qui quidem hanc appellationem Livii ævo etiamnum retinebat, quamvis nulli jam ibi essent luci. Vid. Dion. l. II. Cicero IV. ad Att. 3. Assequitur inter lucos hominem Milo. Et quidem hic Sorbonicus codex,

omissa voce duos, habet inter lucos.

⁶⁴ Asylum] Vox Græca est, significans locum in quo neminem violare liceat: a particula α quæ privandi vim habet, et verbo στέλλω, spolio, laedo.

⁶⁵ Consilium .. viribus parat] Consilium regendis viribus addit.

⁶⁶ Qui creari Patres possent] Multum arridet Sigonii conjectura, qui clere patres possent. Firmat hanc emendationem locus ex oratione Decii, infra l. X. c. 8. Patricios primo esse factos, qui patrem clere possent. Et vero hic vix possunt a Livio indicari senatores Patrum nomine, quum nondum dixerit eam illis appellationem fuisse datam.

⁶⁷ Penuria mulierum] Ob paucitatem mulierum, non omnimodam inopiam. Neque enim fieri potuit, ut nulla in tanto virorum numero mulier esset. Atque hac quidem in re habemus consentientes Dionys. l. II. et Plut. in Rom. Itaque ubi infra Livius ait Romanis non fuisse domi spem prolis, intelligendum est sufficientis liberorum multitudinis ad tuendam urbis magnitudinem.

populo peterent. *Urbes quoque, ut cetera, ex infimo nasci: deinde quas sua virtus ac Dii juvent, magnas opes sibi magnumque nomen facere. Satis scire, origini Romanæ et Deos adfuisse, et non defuturam virtutem. proinde ne gravarentur homines cum hominibus sanguinem et genus miscere.* Nusquam benigne legatio audita est: adeo simul spernebant, simul tantam in medio crescentem molem sibi ac posteris suis metuebant. A plerisque rogitantibus dimissi, *Ecquod feminis quoque asylum aperuissent? id enim demum compar. connubium fore.* Ægre id Romana pubes passa, et haud dubie ad vim spectare res cœpit. cui tempus locumque aptum ut daret Romulus, ægritudinem animi dissimulans, ludos ex industria parat, Neptuno Equestri sollemnes: ⁶⁸ Consualia vocat. Indici deinde finitimis spectaculum ^{Consualia.} jubet: quantoque adparatu tum sciebant, aut poterant, ⁶⁹ concelebrant; ut rem claram expectatamque facerent. ⁷⁰ Multi mortales convenere, studio etiam videndæ novæ urbis; maxime proximi quique, Cæninenses, Crustumini, Antemnates. Jam Sabinorum omnis multitudo, cum liberis ac conjugibus, venit. invitati hospitaliter per domos, quum situm mœniaque et frequentem tectis urbem vidissent, mirantur tam brevi rem Romanam crevisse. Ubi spectaculi ^{U. C. 4.} tempus venit, deditæque eo mentes cum oculis erant, tum ^{A. C. 748.} ex composito orta vis: signoque dato juvenus Romana ⁷¹ ad rapiendas virgines discurrit. magna pars forte, ut in ^{Rapiuntur} quem quæque inciderat, raptæ; quasdam forma eccellente, ^{Sabinæ.} primoribus Patrum destinatas, ex plebe homines, quibus datum negotium erat, domos deferebant. Unam, longe ante alias specie ac pulchritudine insignem, a globo Talassii cujusdam raptam ferunt. multisque sciscitantibus, cuinam eam ferrent, identidem, ne quis violaret, Talassio ferri clamitatum. inde nuptialem hanc vocem factam. Turbato per metum ludicro, mœsti parentes virginum profugunt, incusantes violati hospitii fœdus, Deumque invocantes, cujus ad sollemne ludosque, ⁷² per fas ac fidem decepti, venissent. Nec raptis aut spes de se melior, ⁷³ aut indigna-

⁶⁸ *Consualia*] A Conso deo: sive ille idem cum Neptuno Equestri fuit, quod hic innuere videtur Livius; sive Genius quidam occultorum consiliorum dux et præses, qui in illo solenni conjunctos cum Neptuno honores haberet.

⁶⁹ *Concelebrant*] Ita instruunt, ut sint quam maxime celebres, et eorum late fama spargatur.

⁷⁰ *Multi mortales*] Emphasis est in hac voce *mortales*, ad significandam ingentem hominum cujusvis ordinis,

ætatis, et sexus multitudinem. Vid. A. Gell. XIII. 27.

⁷¹ *Ad rapiendas virgines*] Raptæ sunt virgines ^{688.} teste Dion. l. II.

⁷² *Per fas ac fidem decepti*] Decepti per speciem divini juris et religionum et fidei hospitalia. De voce *fas* vid. not. 38. ad c. 32. infra.

⁷³ *Aut indignatio est minor*] Verbum est revocavimus, quod exstare in quinque codicibus a se inspectis testatur Gronovius, et in quinque itidem e nostris reperitur.

tio est¹ minor: sed ipse Romulus circuibat, docebatque: patrum id superbia factum, qui connubium finitimis negassent: illas tamen in matrimonio, in societate fortunarum omnium civitatisque, et, quo nihil carius humano generi sit, liberum fore. Mollirent modo iras, et, quibus fors corpora dedisset, darent animos. Sæpe ex injuria postmodum gratiam ortam: eoque melioribus usuras viris, quod adniscurus pro se quisque sit, ⁷⁴ ut, quum suam vicem functus officio sit, parentum etiam patriæque expleat desiderium. Accedebant blanditiæ virorum, factum purgantium cupiditate atque amore: quæ maxime ad muliebri ingenium efficaces preces sunt.

X. Jam admodum mitigati animi raptis erant. at raptarum parentes tum maxime sordida veste lacrimisque et querelis civitates concitabant. nec domi tantum indignationes continebant, sed congregabantur undique ad Titum Tatium, ⁷⁵ regem Sabinorum: et legationes eo, quod maximum Tatii nomen in his regionibus erat, conveniebant. Cæninenses Crustuminique et Antemnates erant, ad quos ejus injuriæ pars pertinebat. Lente agere iis Tattus Sabinique visi sunt. Ipsi inter se tres populi communiter bellum parant. Ne Crustumini quidem atque Antemnates, pro ardore iraque Cæninensium, satis se inpigre movent. ita per se ipsum ⁷⁶ nomen Cæninum in agrum Romanum impetum facit. Sed effuse vastantibus fit obviu cum exercitu Romulus, levique certamine docet, vanam sine viribus iram esse: exercitum fundit fugatque: fustum persequitur: ⁷⁷ regem in prælio obtruncat et spoliât. duce hostium occiso, urbem primo impetu capit. Inde exercitu victore reducto, ipse cum factis vir magnificus, tum factorum ostentator haud minor, spolia ducis hostium cæsi suspensa fabricato ad id apte ⁷⁸ ferculo gerens, in Capitolium ascendit: ibique ea quum ad quercum pastoribus sacram deposuisset, simul cum dono designavit templo Jovis fines, cognomenque addidit Deo: ⁷⁹ Jupiter Feretri, inquit, hæc tibi victor Romulus rex regia arma fero, templumque iis regio-

Bellum Cæninense.

Jupiter Feretrius.

¹ est del. Gron.

⁷⁴ Ut, quum suam vicem] Ut, quum secundum suam vicem, seu, quod ad se proprie spectat, suo quisque functus officio sit, i. e. quum eum suæ quisque conjugii amorem præstiterit, quem vir uxori debeat, cumulationem insuper impendat caritatis modum, quo patriæ et parentum amissorum illis jacturam desideriumque expleat.

⁷⁵ Regem Sabinorum] Quiritium, Sabinorum e Curibus. Vid. Dionys. l. II.

⁷⁶ Nomen Cæninum] Populus Cæninus.

⁷⁷ Regem] Acronem, ex Plut. in Romulo.

⁷⁸ Ferculo] Trunco quercus in tropei modum formato, ex quo Acronis arma loco et ordine quodque suo collocata suspenderat, ut habet Plut. ibid.

⁷⁹ Jupiter Feretri] Jupiter Feretrius dictus est a feretro, sive ferculo illo spoliis, quod, ut modo narrabat Livius, ipsi sacrabatur.

nibus, quas modo animo metatus sum, dedico, sedem ⁸⁰ opimis spoliis, quæ, regibus duobusque hostium cæsis, me auctorem sequentes, posteris ferent. Hæc templi est origo, quod primum omnium Romæ sacratum est. ita deinde Diis visum, nec irritam conditoris templi vocem esse, qua laturos ea spolia posteros nuncupavit: nec, multitudine compotum ejus doni, vulgari laudem. ⁸¹ bina postea, inter tot annos, tot bella, opima parta sunt spolia. adeo rara ejus fortuna decoris fuit.

XI. Dum ea ibi Romani gerunt, Antemnatum exercitus Antemnates per occasionem ac solitudinem hostiliter in fines Romanos ^{victi.} incursionem facit. raptim et ad hos Romana ⁸² legio ducta ⁸³ palatos ⁸⁴ in agris obpressit. Fusi igitur primo inpetu et clamore hostes: oppidum captum. duplicique victoria ovan-tem Romulum Hersilia conjux, precibus raptarum fatigata, orat, ut parentibus earum det veniam, et in civitatem accipiat: ita rem coalescere concordia posse. facile inpetratum. Inde contra Crustuminos profectus, bellum. inferen- Crustumini ^{victi.} tes. Ibi minus etiam, ⁸⁴ quod ⁸⁴ alienis cladibus ceciderant ^{victi.} animi, certaminis fuit. Utroque colonis missæ. plures inventi, qui propter ubertatem terræ in Crustuminum nomi- U. C. 5. na darent. et Romam inde frequenter migratum est, a pa- A. C. 747. rentibus maxime ac propinquis raptarum. Novissimum ab Sabinis bellum ortum, multoque id maximum fuit. Sabinum bellum. nihil enim per iram aut cupiditatem actum est: nec ostenderunt bellum prius, quam intulerunt. Consilio etiam additus dolus. Sp. Tarpeius Romanæ præerat arci. Hujus filiam virginem auro conrumpit Tatius, ut armatos in arcem accipiat. aquam forte ea tum sacris extra moenia

⁸² palatos Gron. Crev.

⁸⁴ quod jam End.

⁸⁰ Opimis spoliis] *Opimus* ab *ope* (quæ vox denotat abundantiam et opes) opulentum, luculentum, amplum in suo quidque genere significat. Sic *opimæ divitiæ* apud Plautum, *opimæ præda* apud Phædrum, &c. Hinc etiam *opima spolia* dicta, quæ duci hostium detracta erant, tanquam eximia, et supra omne reliquorum spoliis genus excellentia. Vid. Perizon. Animadv. Hist. c. 7.

⁸¹ Bina] Secunda tulit A. Cornelius Cosus, Larte Tolumnio rege Veientium occiso, anno u. c. 318. Vid. infra IV. 19. Tertia M. Claudius Marcellus ex Britomaro Gallorum rege, anno u. c. 590. Vid. infra XX. 55.

⁸² Legio] A legendo dicta, teste Var. l. IV. de lingua Lat. quod legionis milites viritum legi solerent. Pri-

ma legio sub Romulo trium millium peditum, et trecentorum equitum fuit, auctore Plut. in Romulo. Postea sæpe variavit hic numerus: ita ut plerumque quatuor peditum millia, aliquando quinque, raro autem admodum stante republica sex millia contineret; itemque modo trecentos equites, modo, sed rarius, quadringentos. Dividebatur in centurias sexaginta, manipulos triginta, cohortes decem, teste Cincio apud A. Gell. l. XVI. c. 4. * Vid. infra VIII, 8.

⁸³ Palatos] Plurimi scripti, tum Gronoviani, tum nostri, *palatos*. Sed parum interest.

⁸⁴ Quod jam alienis] Particulam jam a Sigonio insertam omittunt sex Gronovio inspecti codices, tres nostris.

petitum ierat. Accepti obrutam armis necavere: seu ut vi capta potius arx videretur, seu prodendi exempli caussa, ne quid usquam fidum proditori esset. ⁸⁵ Additur fabulae°, quod vulgo Sabini aureas armillas magni ponderis brachio laevo, gemmatosque magna specie annulos habuerint, pepigisse eam, quod in sinistris manibus haberent; eo scuta illi pro aureis donis congesta. Sunt, qui eam ex pacto tradendi, quod in sinistris manibus esset, ⁸⁶ directo arma petisse dicant: et fraude visam agere, sua ipsam peremptam mercede.

XII. Tenuere ⁸⁷ tamen arcem Sabini: atque inde postero^p die, quum Romanus exercitus instructus, quod inter Palatinum Capitolinumque collem campi est, complexset, non prius descenderunt in æquum, quam, ira et cupiditate recuperandæ arcis stimulante animos, in adversum Romani subiere. Principes utrimque pugnam ciebant; ab Sabinis Mettus^q Curtius, ab Romanis Hostus Hostilius. hic rem Romanam iniquo loco ad prima signa animo atque audacia sustinebat. Ut Hostus cecidit, confestim Romana inclinatur acies; fusaque est ad veterem portam Palatii. Romulus, et ipse turba fugientium actus, arma ad coelum tollens, *Jupiter, tuis, inquit, jussus avibus hic in Palatio^r prima urbi fundamenta jeci. arcem jam, scelere emtam, Sabini habent. inde huc armati, superata media valle, tendunt. At tu, pater Deum hominumque, hinc saltem arce hostes: deme terrorem Romanis, fugamque fœdam siste. Hic ego tibi templum⁸⁸ Statori Jovi, quod monumentum sit posteris, tua præsentī ope servatam urbem esse, voveo.* Hæc precatus, ⁸⁹ veluti si^r sensisset auditas preces, *Hinc, inquit, Romani, Jupiter optimus maximus resistere atque iterare pugnam jubet.* Restitere Romani, tamquam coelesti voce jussi. ipse ad primores Romulus provolat. Mettus Curtius ab Sabinis princeps ab arce decucurrebat, et effusos egerat Romanos, toto quantum foro spatium est. nec procul jam a porta Palatii erat, clamitans, *Vicinus perfidos hospites, inbelles hostes. Jam sciunt, longe aliud esse virgines rapere, aliud pugnare cum viris.* In eum, hæc glo-

Jupiter
Stator.

° *fabula* Gron. Crev.
° *Palatino* Eæd.

^p *postera* Eæd.
° *si del.* Eæd.

^q *Mettius*. Sic semper Eæd.

⁸⁵ *Additur fabula*] Scripta lectio *fabulae*: quod mendum esse recte judicavere Glareanus et Sigonius.

⁸⁶ *Directo*] Expressis verbis scuta petisse. Id factum intellige, quum acceptis in arcem Sabinis, mercedem proditiōis repōceret.

⁸⁷ *Tamen*] Quasi dicat: quidquid

existimandum sit de allata modo fabella, illud tamen, illud certe constat tenuisse arcem Sabinos.

⁸⁸ *Statori*] A *sistendo*. Modo dixit *fugamque fœdam siste*.

⁸⁹ *Veluti sensisset*] Complures MSS. tum e Gronovianis, tum e nostris, *veluti si sensisset*.

riantem, cum globo ferocissimorum juvenum Romulus inpetum facit. Ex equo tum forte Mettus pugnabat: ⁹⁰ eo pelli facilius fuit: pulsum Romani persequuntur. et alia Romana acies, audacia regis accensa, fundit Sabinos. Mettus in paludem sese, strepitu sequentium trepidante equo, conjecit: ⁹¹ adverteratque ea res etiam Sabinos tanti periculo viri. Et ille quidem, adnuentibus ac vocantibus suis, favore multorum addito animo, evadit. Romani Sabinique in media convalle duorum montium redintegrant proelium. sed res Romana erat superior.

XIII. Tum Sabinæ mulieres, quarum ex injuria bellum Matronæ prælium dirimunt. ortum erat, crinibus passis scissaque veste, victo malis muliebri pavore, ausæ se inter tela volantia inferre, ex transverso inpetu facto, dirimere infestas acies, dirimere iras; hinc patres, hinc viros orantes, *ne se sanguine nefando soceri generique respergerent*: ⁹² *ne parricidio macularent partus suos, nepotum illi, liberum hi progeniem. Si adfinitatis inter vos, si connubii piget, in nos vertite iras: nos causa belli, nos vulnerum ac cædium viris ac parentibus sumus. melius peribimus, quam* ⁹³ *sine alteris vestrum viduæ aut orbæ vivemus.* Movet res tum multitudinem, tum duces. Si- U. C. 7. A. C. 745. Pax convenit. lentium et repentina fit quies. inde ad foedus faciendum duces prodeunt: nec pacem modo, sed et civitatem unam ex duabus faciunt: regnum consociant, imperium omne conferunt Romam. Ita geminata urbe, ut Sabinis tamen aliquid daretur, Quirites a Curibus adpellati. ⁹⁴ monumentum ejus Quirites unde dicti. pugnae, ubi primum ex profunda emersus palude equus Curtium in vado statuit, Curtium lacum adpellarunt. Ex bello tam tristi læta repente pax cariores Sabinas viris ac parentibus, et ante omnes Romulo ipsi, fecit. Itaque, quum populum in ⁹⁵ curias triginta divideret, nomina earum curiis

⁹⁰ * *Eo pelli facilius fuit*] Ideo (quia nempe ex equo pugnabat, qui semel exsternatus sessorem vel invitum abripit et aufert) pelli Mettium facilius fuit.

⁹¹ *Adverteratque ea res etiam Sabinos*] Ea res animos oculosque Sabinorum illuc converterat. Olim hic legebatur *averteratque*. Lipsius mutavit: recte: nisi malis *advertitque*, ut habetur in uno e regiis codd.

⁹² *Ne parricidio*] Ne partus suos, qui Sabinorum nepotes, Romanorum liberi erant, hac macula respergerent, ut parricidarum progenies dicerentur. *Nepotum et liberum progeniem*, i. e. nepotes et liberos.

⁹³ * *Sine alteris vestrum viduæ aut orbæ*] Viduæ, si Romanos maritos no-

stros amiserimus bello; orbæ, si Sabinos parentes nostros.

⁹⁴ *Monumentum*] Locum eum, ubi primum ex profunda emersus palude equus Curtium in vado statuit, adpellarunt Curtium lacum; quod monumentum ejus pugnae est, sive in monumentum ejus pugnae. Hoc autem nomen locus ille retinuit, licet postea aggesta terra repletus esset; quod docet Dion. l. II. Aliam de hujus appellationis origine opinionem refert Livius VII. 6.

⁹⁵ *Curias*] Curia hic accipitur pro decima parte tribus. Romulus enim, ut habetur apud Dion. l. II. diviso universo populo in partes tres, quas sive a numero, sive a tributo dando tribus appellavit, unamquamque rur-

inposuit. Id non traditur, quum haud dubie aliquanto numerus major hoc mulierum fuerit, ætate, an dignitatibus suis virorumve, an sorte lectæ sint, quæ nomina curiis darent. Eodem tempore et centuriæ tres equitum conscriptæ sunt, ⁹⁶ Ramnenses ab Romulo, ab Tito Tatius Titienses appellati. Lucerum nominis et originis causa incerta est. Inde non modo commune, sed concors etiam, regnum duobus regibus fuit.

U. C. 12.
A. C. 740.
T. Tatii
mors.

Bellum
cum Fide-
natibus.

XIV. Post aliquot annos propinqui regis Tatii legatos Laurentium pulsant. quumque Laurentes jure gentium agerent, apud Tatium gratia suorum et preces plus poterant. Igitur illorum poenam in se vertit. nam Lavinii, quum ad sollemne sacrificium eo venisset, concursu facto, interficitur. Eam rem minus ægre, quam dignum erat, tulisse Romulum ferunt. seu ⁹⁷ ob infidam societatem regni, seu quia haud injuria cæsum credebat. Itaque bello quidem abstinuit: ut tamen ⁹⁸ expiarentur legatorum injuriæ regisque cædes, foedus inter Romam Laviniumque urbes renovatum est. Et cum his quidem insperata pax erat: aliud multo propius, atque in ipsis prope portis, bellum ortum. Fidenates, nimis vicinas prope se convallescere opes rati, priusquam tantum roboris esset, quantum futurum adparebat, occupant bellum facere. juventute armata inmissa, vastatur agri quod inter urbem ac Fidenas est. Inde ad lævam versi, quia dextra Tiberis arcebat, cum magna trepidatione agrestium populantur: tumultusque repens, ex agris in urbem inlatus, pro nuncio fuit. Excitus Romulus (neque enim dilationem pati tam vicinum bellum poterat) exerci-

sus tribum in decem curias partitus est. Singulis curiis sua sacra attribuit, assignatis diis et heroibus, quos colerent; locis, in quæ convenirent; sumptibus in sacra, quos e publico præberi jussit. His autem curiis nomina Sabinarum mulierum imposita negant Varro apud Dion. l. II. et Plut. in Romulo.

⁹⁶ *Ramnenses . . . Titienses . . . Lucerum*] Fuerunt hæc tribuum nomina, e quibus desumptæ sunt equitum centuriæ tribubus ipsis cognomines. Hoc testantur et Plut. in Romulo, et ipse Livius, qui X. 6. Ramnes, Titienses, Luceres antiquas tribus appellat. Porro Dionysius, ut supra diximus, initio statim ab Romulo divisum in tribus populum tradit: quas tamen hoc tempore institutas fuisse *Titiensium* appellatio probare videtur. Sed hæc recte conciliaveris, si dixeris, duplicato per Sabinorum adjectionem populo, novam institutam esse divisionem,

novisque his tribubus nova indita nomina. Illud quidem satis constat, in Ramnensem tribum conjectos eos, qui secuti Romulum ex Albanis fuerant, pastoresque aliquot Græciani generis, qui ante conditam urbem ea loca incolebant; in Titiensem, Sabinos: in Lucerensem, advenas omnes, sive eos qui in lucum confugerant, sive e finitimis populis in civitatem adscitos tum, aut qui postea adsciti fuere.

⁹⁷ *Ob infidam societatem regni*] Quia Tatius infidus regni socius fuerat. Itaque quod supra dicitur *concors duobus regibus regnum* fuisse, id eo sensu intelligendum est, ut res nullam ad apertam discordiam proruperint, licet occultæ subessent inter eos suspensiones.

⁹⁸ *Expiarentur*] Expiatione civili: i. e. ut satisfaceret et Laurentibus, et Romanis. GRONOVIVS.

tum educit: castra a Fidenis ⁹⁹ mille passuum locat. ibi modico praesidio relicto, egressus omnibus copiis, partem militum ¹ locis circa densa obsita virgulta obscuris subside-
dere in insidiis iussit; cum parte maiore atque omni equitatu profectus, id quod quaerebat, tumultuoso et minaci genere pugnae, adequitando ipsis prope portis, hostem excivit; fugae quoque, quae simulanda erat, eadem equestre pugna causam minus mirabilem dedit. et quum, velut inter pugnae fugaeque consilium trepidante equitatu, pedes quoque referret gradum, plenis repente portis effusi hostes impulsa Romana acie, studio instandi sequendique trahuntur ad locum insiliarum. Inde subito exorti Romani transversam invadunt hostium aciem. Addunt pavorem mota e castris signa eorum, qui in praesidio relicti fuerant. ita multiplici terrore perculsi Fidenates, prius pene quam Romulus, quique cum eo equis ierant, circumagerent frenis equos, terga vertunt: multoque effusius, (quippe vera fuga) ² qui simulantes paullo ante secuti erant oppidum repetebant. non tamen eripuerunt se hosti: haerens in terga Romanus, prius quam fores portarum objicerentur, velut agmine uno inrumpit.

XV. Belli Fidenatis contagione irritati ³ Veientium animi et consanguinitate, (nam Fidenates quoque Etrusci fuerunt) et quod ipsa propinquitas loci, si Romana arma omnibus infesta finitimis essent, stimulabat, in fines Romanos excucurrerunt, populabundi magis, quam iusti more belli. Itaque non castris positis, non exspectato hostium exercitu, raptam ex agris praedam portantes, Veios rediere: Romanus contra, postquam hostem in agris non invenit, dimicationi ultimae instructus intentusque, Tiberim transit. quem postquam castra ponere, et ad urbem accessurum Veientes audivere; obviam egressi, ut potius acie decernerent, quam inclusis de tectis moenibusque dimicarent. Ibi, viribus nulla arte adjunctis, tantum veterani robore exercitus rex Romanus vicit:

Bellum
cum Veientibus.

⁹⁹ Mille passuum] Intellige praepositionem ad. et passuum regitur a nomine mille. Tam enim dicitur mille hominum, quam mille homines. Itaque hic mille passuum idem est, ac si scripsisset Livius ad mille passus.

¹ Locis circa densa] Possit fortasse utrumque exponi: subidere iussit in locis obscuris partem militum circa densa virgulta, i. e. ubique sparsam inter densa virgulta undequaque obsita, seu circumjacentia. Verum rectius multo dici videretur obsitas virgultis locus, quam obsita virgulta. Itaque Gronovius emendat: Partem

militum locis circa densa obsitis virgulto obscuram subidere in insidiis iussit.

² Qui simulantes] Melius legere videremur: qui simulantes, id est, qua regione, qua via Romanos simulantes fugam secuti erant, eadem oppidum repetebant.

³ Veientium animi . . . excucurrerunt] Mira profecto locutio. Sed quia longo intervallo nomen a verbo distat, licere sibi putavit Livius ad sensum magis, quam ad nudam vocum proprietatem attendere.

persecutusque fusos ad moenia hostes, urbe valida muris ac situ ipso munita abstinuit: agros rediens vastat, ulciscendi magis, quam prædæ, studio. Eaque clade, haud minus quam adversa pugna, subacti Veientes pacem petitem oratores Romam mittunt. Agri parte multatis in centum annos induciæ datæ. Hæc ferme, Romulo regnante, domi militiæque gesta: quorum nihil absonum fidei divinæ originis divinitatisque post mortem creditæ fuit; non animus in regno avito recuperando, non condendæ urbis consilium, non bello ac pace firmandæ. ⁴ ab illo enim profectu viribus datis tantum valuit, ut in quadraginta deinde annos tutam pacem haberet. multitudini tamen gratior fuit, quam Patribus; longe ante alios acceptissimus militum animis. trecentosque armatos ad custodiam corporis, quos ⁵ Celeres adpellavit, non in bello solum, sed etiam in pace, habuit.

U. C. 37.
A. C. 715.
Mors
Romuli.

XVI. His ⁶ immortalibus editis operibus, quum ad exercitum recensendum concionem in campo ad Capræ paludem haberet, subito coorta tempestas cum magno fragore tonitribusque tam denso regem operuit nimbo, ut conspectum ejus concioni abstulerit. nec deinde in terris Romulus fuit. Romana pubes, sedato tandem pavore, postquam ex tam turbido die serena et tranquilla lux rediit, ubi vacuam sedem regiam vidit, etsi satis credebat Patribus, qui proximi steterant, sublimem raptum procella; tamen, ⁷ velut orbitatis metu icta, mœstum aliquamdiu silentium obtinuit. Deinde, a paucis initio facto, Deum Deo natum, regem, parentemque urbis Romanæ salvere universi Romulum jubent. ⁸ pacem precibus exposcunt, uti volens propitius suam semper sospitet progeniem. ⁹ Fuisse credo tum quoque aliquos, qui discerptum regem Patrum manibus taciti arguerent: manavit enim hæc quoque, sed perobscura, fama. Illam alteram admiratio viri et pavor præsens nobilitavit. Consilio etiam unius hominis addita rei dicitur fides. namque

⁴ *Ab illo enim profectu*] Ab incrementis illis quibus Roma regnante Romulo aucta erat, tantas collegit vires.

⁵ *Celeres*] Sive a celeritate in exequendis ministeriis, sive a duce eorum Celere, sive denique a Græca voce Κίλῆς, *eques*. Certe *Celeres* primo dictos, qui postea equites dicti sunt, testantur Plin. XXXIII. 2. et Festus.

⁶ *Immortalibus*] Huic ampullatæ et sesquipedali voci non est hic locus. Legamus potius *mortalibus*. Respiciebat nempe Livius Romuli divinitatem, cui opponit mortalia ejus opera. Sic cap. 2. supra: *Secundum inde præ-*

lium Latinis, Æneæ etiam ultimum operum mortalium fuit.

⁷ *Velut orbitatis metu*] Metu non absimili ejus qui orbatos parente occupat.

⁸ *Pacem precibus exposcunt*] Usitata locutio in sacris. *Pacem deum* poscebant, id est, ut placidi ipsis et faventes dii essent.

⁹ *Fuisse credo tum quoque aliquos*] Rem memorat Plutarchus, et alii; nec aliter sensere doctissimi quique et cordatissimi Romanorum. Hinc Tarquinius Superbus *Romulum insepultum perisse* dictitat, infra c. 40. Popularem hic opinionem sequitur Livius.

Proculus Julius, sollicita civitate desiderio regis, et infensa Patribus, gravis, ut traditur, quamvis magnæ rei auctor, in concionem prodit. *Romulus, inquit, Quirites, parens urbis hujus, prima hodierna luce cælo repente delapsus, se mihi obvium dedit. quum, perfusus horrore venerabundusque, adstitissem, petens precibus, ut contra intueri fas esset; abi, nuncia, inquit, Romanis, Cælestes ita velle, ut mea Roma caput orbis terrarum sit: proinde rem militarem colant: sciantque, et ita posteris tradant, nullas opes humanas armis Romanis resistere posse. hæc, inquit, locutus, sublimis abiit.* Mirum, ¹⁰ quantum illi viro, nuncianti hæc, fidei^t fuerit; quamque desiderium Romuli apud plebem exercitumque, facta fide immortalitatis, lenitum sit.

XVII. Patrum interim animos certamen regni ac cupido versabat. nec dum a singulis, quia nemo magnopere eminebat in novo populo, ¹¹ pervenerant factiones: inter ordines certabatur. oriundi ab Sabinis, ne, quia post Tatii mortem ab sua parte non erat regnatum, ¹² in societate æqua possessionem imperii amitterent, sui corporis creari regem volebant. Romani veteres peregrinum regem adspernabantur. In variis voluntatibus ¹³ regnari tamen omnes volebant, libertatis dulcedine nondum experta. Timor deinde Patres incessit, ne civitatem sine imperio, exercitum sine duce, multarum circa civitatum irritatis animis, vis aliqua externa adoriretur. et esse igitur aliquod caput placebat; et nemo alteri concedere in animum inducebat. Ita rem inter se ¹⁴ centum Patres, decem decuriis factis, singulisque in sin-

^t fides Gron. Crev.

¹⁰ Quantum . . . fides fuerit] Quidam reponunt fides. Sed nihil mutandum. et quantum refertur ad verbum fuerit, non ad nomen fides. Sic apud Virg. III. Æn. v. 348.

Et multum lachrymas verba inter singula fudit.

Et Plaut. Prolog. Menæchm. Tantum . . . adest benignitas. Et Ter. Eun. Act. I. sc. 2. Forsitan hic mihi parum habeat fidem.

¹¹ Pervenerant] Rectius videretur pervenerant. Sed profecto majus aliquid hic ulcus latet. Optimi quique codices habent, teste Gronovio, factionibus. Unde ingeniose conjicit Grævius: Necdum ad singulos . . . pervenerat, supple, certamen regni ac cupido. Factionibus inter ordines certabatur. Favent huic emendationi tres e nostris codd. qui exhibent pervenerat factionibus.

¹² In societate æqua] Quamvis æqua

societas esset Sabinos inter et veteres Romanos, ac proinde jus imperii ad utrosque ex æquo pertineret.

¹³ Regnari] Hoc debetur Lipsio. Vulgati habebant regem: scripti, inter quos quinque e nostris, regnare. Muretus, Gronovio memorante, in uno quodam e suis plane reperit regnari. Hoc tenendum, et sensu ita postulante, et auctore Plutarcho, qui procul dubio intuens hunc Livii locum, sic habet initio Numæ, ε μὲν ἀλλὰ βασιλεύοντες μὲν ἰδίῳ νόμῳ.

¹⁴ Centum Patres] Dionysius l. II. ducentos hoc tempore fuisse ait, propterea quod, fœdere cum Tatiano facto, veteribus senatoribus a Romulo creatis centum e Sabinis allekti essent. Plutarchus, qui in Romulo centum adjectos senatores, Sabinis in civitatem acceptis, itidem memorat, in Numa tamen solos centum quinquaginta senatores hoc tempore

U. C. 38.
A. C. 714.

Interreg-
num an-
num.

gulas decurias creatis, qui summæ rerum præessent, con-
sociant. decem imperitabant, unus cum insignibus imperii
et lictoribus erat: ¹⁵ quinque dierum spatio finiebatur im-
perium, ac per omnes in orbem ibat: annumque interval-
lum regni fuit. id ab re, quod nunc quoque tenet nomen,
Interregnum adpellatum. Fremere deinde plebs; multi-
plicatam servitutem, centum pro uno dominos factos: nec
ultra nisi regem, et ab ipsis creatum, videbantur passuri.
Quum sensissent ea moveri Patres, obferendum ultro rati,
quod amissuri erant, ita gratiam ineunt, summa potestate
populo permissa, ut non plus darent juris, quam detine-
rent¹⁶. decreverunt enim, ut, cum populus regem jussisset,
id sic ratum esset, ¹⁶ si Patres auctores fierent: hodieque in
legibus magistratibusque rogandis ¹⁷ usurpatur idem jus, vi
adempta. priusquam populus suffragium ineat, in incertum
comitiorum eventum Patres auctores fiunt. Tum interrex,
concione advocata: *Quod bonum, faustum, felixque sit, in-*
quit, Quirites, regem create; ita Patribus visum est. Patres
deinde, si dignum, qui secundus ab Romulo numeretur, creari-
tis, auctores fient. Adeo id gratum plebi fuit, ut, ne victi
beneficio viderentur, id modo sciscerent juberentque, ut
senatus decerneret, qui Romæ regnaret.

Electio
Numæ.

XVIII. Inclita justitia religioque ea tempestate Numæ
Pompilii erat. Curibus Sabinis habitabat, consultissimus
vir, ut in illa quisquam ætate esse poterat, omnis di-
vini atque humani juris. Auctorem doctrinæ ejus, quia non
exstat alius, falso Samium Pythagoran edunt: quem, Ser-
vio Tullio regnante Romæ, centum amplius post annos, in
ultima Italiæ ora, circa Metapontum Heracleamque et Cro-
tona, juvenum ¹⁸ æmulantium studia coetus habuisse constat.
Ex quibus locis etsi ejusdem ætatis fuisset, ¹⁹ quæ^x fama

¹⁵ retinerent Gron. Crev.

^x quæ Eæd.

fauses scribit. Sed Dionysiano nu-
mero standum videtur.

¹⁵ *Quinque dierum spatio finieba-*
tur imperium] Unius interregis, si
Dionysio credimus: totius decuriæ,
si Plutarcho in Numæ. Ceterum
Dionysii fides potior habenda esse hac
in re videtur, quum postea, quamdiu
interregis imperium et nomen in re-
publica fuit, semper quilibet inter-
rex ad quinque dies potestatem ha-
buerit.

¹⁶ *Si Patres auctores fierent]* Si
Patres auctoritate sua rem compro-
barent.

¹⁷ *Usurpatur]* *Usurpatur idem*
jus, ut Patres auctores fiant: vi ad-

empta, i. e. vis ac robur abest; quum
Patres auctores fiant, antequam po-
pus suffragium ineat, nec proinde
possint, quemadmodum olim, negan-
do auctoritatem, irritum efficere quod
populus jussisset. Vid. infra VIII. 12.
et XI. 28. De hoc loco fuse disserit
Gronovius, L. I. Observ. c. 25.

¹⁸ *Æmulantium studia]* Placita
ipsius æmulantium, et sectam se-
quentium. Sic et apud Cic. pro Mur.
n. 61. *Zeno, cujus inventorum æmuli*
Stoici nominantur.

¹⁹ *Quæ fama]* Sic plerique scripti
et antiqui editi: duo tamen e regis
codd. *qua fama*, quam lectionem
Sigonius in contextum immisit.

in Sabinos, aut quo linguae commercio, quemquam ad cupiditatem discendi excivisset? quove praesidio unus per tot gentes, dissonas sermone moribusque, pervenisset? ²⁰ Suapte igitur ingenio temperatum animum virtutibus fuisse opinor magis; instructumque non tam peregrinis artibus, quam disciplina tetrica ac tristi veterum Sabinorum. quo genere nullum quondam incorruptius fuit. Audito nomine Numae, Patres Romani, quamquam inclinari opes ad Sabinos, rege inde sumto, videbantur, tamen, neque se quisquam, nec factionis suae alium, nec denique Patrum aut civium quemquam praeferre illi viro ausi, ad unum omnes Numae Pompilio regnum deferendum decernunt. Adcitus, sicut Romulus augurato urbe condenda regnum adeptus est, de se quoque Deos consuli jussit. inde ab augure (cui deinde, honoris ergo, publicum id perpetuumque sacerdotium fuit) deductus in arcem, in lapide ad meridiem versus consedit. Augur ad laevam ejus, capite velato, sedem cepit, dextra manu baculum sine nodo aduncum tenens, quem lituum adpellaverunt. inde ubi, prospectu in urbem agrumque capto, Deos precatus, ²¹ regiones ab oriente ad occasum determinavit; ²² dexteris ad meridiem partes, laevas ad septentrionem esse dixit. ²³ Signum contra, quo longissime conspectum oculi ferebant, animo finivit. Tum, lituo in laevam manum translato, ²⁴ dextra in caput Numae inposita, precatus est ita: *Jupiter pater, si est fas, hunc Numam Pompilium, cujus ego caput teneo, regem Romae esse, uti tu signa nobis certa adclarassis inter eos fines, quos feci.* Tum ²⁵ peregit verbis auspicia, quae mitti vellet. quibus missis, declaratus rex Numa de templo descendit.

U. C. 39.
A. C. 713.
Inauguratio Numae.

XIX. Qui, regno ita potitus, urbem novam, conditam vi et armis, jure eam legibusque ac moribus de integro condere parat. quibus quum inter bella adsuescere videret non posse, quippe ²⁶ efferatos militia, animos: mitigandum fero-

Numae instituta.

Y capite Gron.

²⁰ *Suapte . . ingenio*] Per semetipsum, non aliena doctrina. *Ingenium* est id quod ingentum est, vis insita; et opponitur doctrinae, arti.

²¹ *Regiones*] Coeli regiones ab oriente ad occasum certis terminis definit, inter quos sibi auspicia mitti postulare.

²² *Dexteris ad meridiem*] Hinc patet augurem fuisse versa in orientem facie. Quod quidem auguribus solitum etiam aliunde constat.

²³ *Signum contra*] Ex adverso observavit aliquid insigne et notatu facile, voluitque hoc esse signum, et quasi metam qua auspicia termina-

rentur, ita ut intra illud signum captaret auspicia, nec ullam rationem haberet eorum quae ultra possent contingere.

²⁴ *Dextra in caput Numae inposita*] Sic edi jussimus, auctoribus quinque e nostris codd. plurimasque Gronovianis. Vulgo *in capite*.

²⁵ *Peregit verbis*] Singula enunciat.

²⁶ *Efferatos . . . animos*] Hanc lectionem formavit Gronovius. Turba editorum habebat *efferatis . . . animis*: quidam scripti, inter quos tres e nostris, *efferari . . . animos*; alii, *efferos . . . animos*.

Janus belli
et pacis in-
dex.

Dea Egeria.

cem populum armorum desuetudine ratus, ²⁷ Janum ad infimum ²⁸ Argiletum, indicem pacis bellicque, fecit: apertus ut in armis esse civitatem; clausus pacatos circa omnes populos significaret. Bis deinde post Numæ regnum clausus fuit: semel T. Manlio consule, post Punicum primum perfectum bellum: iterum, quod nostræ ætati Dii dederunt, ut videremus, post bellum Actiacum, ab Imperatore Cæsare Augusto, pace terra marique parta. Clauso eo, quum omnium circa finitimorum societate ac foederibus junxisset animos, positis externorum periculorum curis, ne luxuriarentur otio animi, quos metus hostium disciplinaque militaris continuerat; omnium primum, rem, ad multitudinem inperitam et illis seculis rudem, efficacissimam, Deorum metum injiciendum ratus est. qui quum descendere ad animos sine aliquo commento miraculi non posset, simulat sibi cum Dea Egeria congressus nocturnos esse: ejus se monitu, quæ acceptissima Diis essent, sacra instituere; sacerdotes suos cuique Deorum præficere. Atque omnium primum, ²⁹ ad cur-

²⁷ *Janum*] Jani sedem. Janus antiquissimus Latii rex fuit, multaque ad vitæ usum necessaria primus rudes tum homines edocuit. Pingebatur bifrons, aliquando etiam quadrifrons. Plura de eo vid. apud Macrob. I. Saturn. c. 7. et præsertim 9.

²⁸ *Argiletum*] Colliculus fuit ad orientem Palatini montis, in forum Romanum vergens. Varias hujus appellationis causas vide, si lubet, apud Servium ad VIII. Æneid. v. 345.

²⁹ *Ad cursum lunæ*] De anno Romano hæc fere habet Macrob. I. Saturnal. capp. 12. 13. et 14. Annus a Romule ordinatus habuit menses decem, dies quatuor et trecentos. Sed quum hic numerus neque solis cursui, neque lunæ rationibus conveniret, identidem tantum dierum sine ullo mensis nomine assumebatur, quantum ad defectum illum supplendum opus foret. Numa ad lunæ cursum in duodecim menses descripsit annum, adjectis Januario et Februario mensibus. Sed quia duodecim menses lunares non efficiunt nisi dies trecentos quinquaginta quatuor, desuntque dies undecim cum quadrante, ut ad solaris anni finem perveniatur; hos residuos dies octies, exemplo a Græcis sumpto, multiplicatos, ita ut nonaginta dies efficerentur, ita per octo annorum spatium dispensabant, ut biennio quoque unum mensem intercalarent, qui alternis binos vicenosque, alternis ternos et vicenos habe-

ret dies. Verum Numa unum diem anno suo in honorem imparis numeri addiderat: unde fiebat, ut octavo quoque anno octo abundarent dies. Ut huic incommodo occurrerent, tertio quoque octennio non nonaginta, sed sex et sexaginta tantum intercalabant dies. Ita quarto et vigesimo demum anno, plenis omnium annorum spatiis, dies cum solis cursu congruebant. His autem omnibus intercalationibus destinatus erat Februarius mensis, cujus post tertium et vicesimum diem intercalabatur. Hæc non inscite ordinata turbabat pontificum, quibus anni digerendi cura demandata erat, partim imperitia, partim ambitio: qui temere ac pro libidine, in gratiam sæpe publicanorum aut principum civium annum aut decurtabant sine necessitate aut producebant. Huic confusioni tandem remedium attulit dictator Cæsar, Egyptiosque imitatus annum solare instituit, quo etiamnum, emendato tamen in quibusdam, utimur. Henr. Dodwellus Dissert. X. de Cyclis Romanorum, sect. 108. censet annum Romuli e mensibus decem, diebus 304. fictitium esse, nec unquam in usu civili fuisse: fieri tamen potuisse ut annus apud Romanos primo decem mensium fuerit, sed ita ut decem illi menses totum solaris cursus spatium exhaurirent, nec dies 304. sed 365. continerent. Idem ibid. sect. 100. anni lunaris ordinationem, quæ a

sum lunæ, in duodecim menses describit annum. quem (quia tricenos dies singulis mensibus luna non explet, ³⁰ desuntque dies solido anno, qui solstitiali circumagitur orbe) ³¹ intercalaribus mensibus interponendis, ita dispensavit, ut quarto et vigesimo anno ad metam eandem Solis, unde orsi essent, plenis annorum omnium spatiis ³² dies congruerent. Idem ³³ nefastos dies fastosque fecit, quia aliquando nihil cum populo agi utile futurum erat.

XX. Tum sacerdotibus creandis animum adjecit, quamquam ipse plurima sacra obibat, ea maxime, quæ nunc ad ³⁴ Dialectem flaminem pertinent. Sed, quia in civitate bellicosa plures Romuli, quam Numæ, similes reges putabat fore, iturosque ipsos ad bella, ne sacra regiae vices desererentur, flaminem Jovi adsidium sacerdotem creavit, Flamines: insignique eum veste et curuli regia sella adornavit. huic duos flamines adjecit: Marti unum, alterum ³⁵ Quirino. ³⁶ Virginesque Vestæ legit, Alba oriundum sacerdotium, et genti conditoris haud alienum. his, ut adsiduæ templi antistites essent, stipendium de publico statuit: virginitate

Livio ceterisque Numæ tribuitur, deberi potius existimat Tarquinio Superbo. De anno vetere Romano vid. et Joseph. Scaliger. de Emendat. Temporum. l. II.

³⁰ *Desunt dies solido anno*] Desunt anno lunari dies ad complementum solidi anni qui

³¹ *Intercalaribus mensibus interponendis*] Hic quoque bonam opem tulit Livio Gronovius. Ante eum legebatur, *intercalares mensibus interponendo*. Ille fecit id quod edidimus. Ei adstipulatur unus ex Hearnii codicibus. Quatuor e nostris habent *interponendos*: unus diserte *interponendis*.

³² *Dies congruerent*] Dies annorum civilium pari cum diebus annorum solarium numero cursum absolverent ad eandem metam solis unde orsi erant.

³³ *Nefastos dies fastosque*] *Fasti* dies erant, quibus licebat tria verba solennia fari, *Do, Dico, Addico*; seu ferre de re controversa in iudicio sententiam: *nefasti*, quibus non licebat. Nefastis autem diebus agi cum populo non poterat, i. e. populus non poterat in suffragium mitti.

³⁴ *Dialectem flaminem*] Jovis sacerdotem. *Flaminis* appellationem Festus deducit a *fluo*, quo caput cinctum flamines habebant. Quod quidem duplici modo intelligi potest. Nam et pilei eorum apex filo laneo totus ve-

labatur; et, Servio teste ad VIII. *Æn.* v. 664. quum Flamines pileum per æstus ferre non possent, nec fas esset eos nudo capite incedere, filo tantum capita religare cœperunt. Porro flamen Jovi addictus *Dialis* dictus est *Διὸς ἱερεὺς*, sive a *Dijove*, quo nomine antiqui Jovem vocabant. De multis, hisque gravibus impositis flamini Diali caerimoniis consule A. Gell. l. X. c. 16.

³⁵ *Quirino*] Romulo. *Curis* apud Sabinos hasta. Inde Romulus, postquam in deorum numerum relatus est, tanquam Martius quidam deus ac pugnax, *Quirinus* dictus est. Vid. Plut. in Rom. Mars quoque sub Quirini nomine colebatur. *Quirinus*, inquit Servius ad VI. *Æneid.* v. 859. *est Mars qui præest paci, et intra civitatem colitur. Nam belli Mars extra civitatem templum habuit.* Hinc Mars Gradivus et Quirinus pater simul junguntur infra l. V. c. 52. et utrique ancilia tribuuntur.

³⁶ *Virgines Vestæ*] *Æterni* ignis arcanorumque Vestæ sacrorum custodes. Quatuor a Numa lectæ sunt: postea duæ additæ. Vestales necesse erat per triginta annos deæ sacris operari: totoque hoc tempore a nuptiis prohibebantur. Eo elapso, nubere licebat, si libuisset. Plura de vestalibus vid. apud Dion. l. II. Plut. in Numa, et A. Gell. l. I. c. 12.

Salii.

Pontifex.

Prodigio-
rum procu-
ratio.Pop. Ro-
mani religio
et tranquil-
litas.

aliisque ceremoniis venerabiles ac sanctas fecit. ³⁷Salios item duodecim Marti ³⁸Gradivo legit, ³⁹tunicæque pictæ insigne dedit, et super tunicam æneum pectori tegumen: coelestiaque arma, quæ ⁴⁰ancilia adpellantur, ferre, ac per urbem ire canentes carmina cum tripudiis sollemnique saltatu jussit. ⁴¹Pontificem deinde ⁴²Numam Marcium, Marci filium, ex Patribus legit, eique sacra omnia exscripta ⁴³exsignataque adtribuit; quibus hostiis, quibus diebus, ad quæ templa sacra fierent, atque unde in eos sumtus pecunia erogaretur. Cetera quoque omnia publica privataque sacra Pontificis scitis subjecit: ut esset, quo consultum plebes veniret; ne quid divini jura, negligendo patrios ritus, peregrinosque adsciscendo, turbaretur. Nec coelestes modo ceremonias, sed justa quoque funebria placandosque Manes, ut idem Pontifex edoceret; quæque prodigia, fulminibus aliove quo visu² missa, ⁴⁴susciperentur atque ⁴⁵curarentur: ad ea elicienda ex mentibus divinis, Jovi Elicio aram in Aventino dicavit, Deumque consuluit auguriis, ⁴⁶quæ suscipienda essent.

XXI. Ad hæc consultanda procurandaque, multitudine omni a vi et armis conversa, et animi aliquid agendo oc-

² viso Gron. Crev.

³⁷Salios] Sic dictos a saltando, sive saltando et tripudiando.

³⁸Gradivo] Gradivus Mars appellatus est a gradiendo in bella ultro citroque, sive a vibratione hastæ, quod Græci dicunt ἀγδαίνω. FESTUS.

³⁹Tunicæ pictæ] Tunica variis coloribus et figuris ad picturæ similitudinem exornatæ. Tunica brevior et adstrictior fuit, quam toga, cui supponebatur.

⁴⁰Ancilia] Ancille acutum breve ex utroque latere recisum, ita ut summum infimumque latius medio pateret. Hujusmodi acutum e cælo delapsum regnante Numa fabulantur: quod ne aliquando posset surripi, undecim similia facta, ut indiscreta humani operis similitudo insidiatoribus omnem internoscendi divinitus missi facultatem adimeret. Vide Dionysium de Saliis et ancilibus fuisse disserentem lib. II.

⁴¹Pontificem] Nempe maximum, licet tum pontificis maximi appellatio fortasse in usu non fuerit. Plures enim pontifices a Numa creatos et alii scriptores consensu tradunt, et ex ipso Livio adstrui potest. Vid. c. 4. l. IV. atque etiam c. 6. l. X. ubi

quatuor pontifices ea tempestate fuisse scribit, quum tamen nusquam mentionem fecerit aucti pontificum numeri. Ceterum pontifices dictos voluit a ponte faciendo. Nam ab his, inquit Varro l. IV. de lingua Lat. pons publicus est factus primum et constitutus æpe, quam ideo et ult, sive ultra, et cis Tiberim sacra non mediocri ritu fiunt. Eorum munia et jura sigillatim exponit Dion. l. II.

⁴²Numam Marcium] Veteres editi, Numa. Sed multis probat Sigonius in nota ad hunc locum, legendum esse Numam: quod et in quibusdam scriptis reperisse se testatur: et nos itidem in quatuor nostris invenimus.

⁴³Exsignata] Eodem signo impressa, quo et ipsum exemplar unde exscripta fuerant.

⁴⁴Susciperentur] Judicarentur esse ejusmodi, ut eorum ratio haberi deberet. Quædam enim aliquando negligebantur.

⁴⁵Curarentur] Procurarentur: et sic fortasse scripserat Livius. Procurare autem prodigia, expiare est.

⁴⁶Quæ] Quænam prodigia.

cupati erant, et Deorum adsidua insidens cura, quum interesse rebus humanis coeleste Numen videretur, ea pietate omnium pectora inbuerat, ut fides ac iusjurandum, ⁴⁷ proximo legum ac poenarum metu², civitatem regerent. ⁴⁸ et quum ipsi se homines in regis, velut unici exempli, mores formarent; tum finitimi etiam populi, qui ante, castra, non urbem positam in medio ad sollicitandam omnium pacem, crediderant, in eum verecundiam adducti sunt, ut civitatem totam in cultum versam Deorum violari ducerent nefas. Lucus erat, quem medium ex opaco specu fons perenni rigabat aqua. quo quia se persaepe Numa sine arbitris, velut ad congressum Deæ, inferebat, Camoenis eum lucum sacravit; quod earum ibi concilia eum conjuge sua Egeria essent. Et ⁴⁹ soli Fidei sollemne instituit. ad id sacrarium flamines bigis, ⁵⁰ curru arcuato, vehi jussit, manuque ad digitos usque involuta rem divinam facere: significantes fidem tutandam, ⁵¹ sedemque ejus etiam in dextris sacratam esse. Multa alia sacrificia locaque sacris faciendis, quæ ⁵² Argeos pontifices vocant, dedicavit. Omnium tamen maximum ejus operum fuit tutela, per omne regni tempus, haud minor pacis, quam regni. Ita duo deinceps reges, alius alia via, ille bello, hic pace, civitatem auxerunt. Romulus septem et triginta regnavit annos: Numa tres et quadraginti. Tum valida, tum temperata et belli et pacis artibus, erat civitas.

XXII. Numæ morte ad interregnum res rediit. Inde U. C. 82. Tullum Hostilium, nepotem Hostilii, cujus in infima arce A. C. 670. clara pugna adversus Sabinos fuerat, regem populus jussit. Tullus Hostilius Patres auctores facti. Hic non solum proximo regi dissimilis, sed ferocior etiam Romulo fuit. tum ætas viresque, tum avita quoque gloria animum stimulabat. Senescere

² *proxime l. a. p. metum* Ead.

⁴⁷ *Proxime metum*] Non minus quam metus. Olim hic legebatur, *proximo metu*. Mutatum est ex Mureti et Tan. Fabri sententia.

⁴⁸ *Et quum ipsi se homines . . . formarent; tum finitimi etiam . . . adducti sunt*] Non raro particula *quum*, quamvis habeat respondentem sibi tum, cum verbo tamen subjunctivi modi conjungitur. Exempla reperies et apud nostrum, III. 34. IV. 60. VIII. 21. et apud Cic. quum alibi sæpius, tum lib. de Amic. n. 23.

⁴⁹ *Soli*] Obscura sane hoc loco vox, et fortasse, quod Rycquio visum, recidenda, tanquam male nata ex vicino verbo *solenne*.

⁵⁰ *Curru arcuato*] Curru tecto superne, et cameræ in modum.

⁵¹ *Sedemque ejus etiam in dextris sacratam esse*] Non modo ipsam fidem sacratam esse, sed etiam sedem ejus in dextris, et pignus illud fidei quod dextra datur.

⁵² *Argeos*] *Argeos*, inquit Varro l. IV. de lingua Lat. *dictos putant a principibus qui duce Hercule Argivo venerunt, et in Saturnia subederunt*. Festus addit in illis locis sepultos esse quosdam Argivorum illustres viros. Porro *Saturnia* fuit urbs a Saturno condita in eo monte, qui post Capitolinus dictus est.

igitur civitatem otio ratus, undique materiam excitandi belli quærebat. Forte evenit, ut agrestes Romani ex Albano agro, Albani ex Romano prædas in vicem agerent. Imperitabat tum C. Cluilius Albæ. utrimque legati fere sub idem tempus ad res repetendas missi. Tullus præceperat suis, ne quid prius, quam mandata, agerent. satis sciebat, negaturum Albanum; ita pie bellum indici posse. Ab Albanis socordius res acta: excepti hospitio ab Tullo blande ac benigne, comiter regis convivium celebrant. tantisper Romani et res repetiverant priores, et neganti Albano bellum in trigesimum diem indixerant. hæc renuntiant Tullo. Tum legatis Tullus dicendi potestatem, quid petentes venerint, facit. illi, omnium ignari, primum purgando terunt tempus: *Se invitos quidquam, quod minus placeat Tullo, dicturos; sed imperio subigi: res repetitum se venisse. Ni reddantur, bellum indicere jussos.* Ad hæc Tullus: *Nunciate inquit, regi vestro, regem Romanum Deos facere testes, uter prius populus res repetentes legatos adspersatus dimiserit,* ⁵³ *ut in eum omnes expetant hujusce clades belli.*

U. C. 85.
A. C. 667.
Bellum
cum Alba-
nia.

XXIII. Hæc nunciant domum Albani. Et bellum utrimque summa ope parabatur, civili simillimum bello, prope inter parentes natosque; Trojanam utramque prolem, quum Lavinium ab Troja, ab Lavinio Alba, ab Albanorum stirpe regum oriundi Romani essent. Eventus tamen belli minus miserabilem dimicationem fecit: quod nec acie certatum est; et, tectis modo dirutis alterius urbis, duo populi in unum confusi sunt. Albani priores ingenti exercitu in agrum Romanum inpetum fecere. castra ab urbe haud plus quinque millia passuum locant, fossa circumdant: fossa Cluilia ab nomine ducis per aliquot secula adpellata est, donec cum re nomen quoque vetustate abolevit. In his castris Cluilius Albanus rex moritur; dictatorem Albani Mettum Fuffetium creant. Interim Tullus ferox, præcipue morte regis, magnumque Deorum numen, ab ipso capite orsum, ⁵⁴ in omne nomen Albanum expetiturum poenas ob bellum in-pium dictitans, nocte, præteritis hostium castris, infesto exercitu in agrum Albanum pergit. Ea res ab stativis excivit Mettum. ducit ⁵⁵ quam proxime ad hostem potest; inde legatum præmissum nunciare Tullo jubet, priusquam dimi-

⁵³ *Ut in eum omnes expetant hujusce clades belli]* Ut in eum recidant omnes hujusce belli clades. Sic Plaut. Amphitr. Act. I. sc. 2. v. 32. *Delictum suum suamque culpam expetere in mortalem ut sinat.* Et rursus Act. II. sc. 1. v. 42. *Cujus ego hodie in tergo faxo ista expetant mendacia.*

⁵⁴ *In omne nomen Albanum expeti-*

turum poenas] Merito suspicatur Sanctius vocem *poenas* non esse a Livio: *et deorum numen*, id est, supremum ac justum arbitrium, hic dici *expetiturum* in Albanos, quemadmodum c. super. *ut in eum omnes expetant hujusce clades belli.*

⁵⁵ *Quam proxime]* Magis placeret *qua proxime.* GRONOVIVS.

cent, opus esse conloquio: si secum congressus sit, satis scire, ea se adlaturum, quæ nihilo minus ad rem Romanam, quam ad Albanam, pertineant. Haud adspersus Tullus, tametsi ⁵⁶ vana adferebantur, ⁵⁷ in aciem^b educit. Exeunt contra et Albani. Postquam instructi utrimque stabant, cum paucis procerum in medium duces procedunt. Ibi in-
fit Albanus: *Injurias et non redditas res ex fœdere, quæ repetitæ sint, et ego regem nostrum* ⁵⁸ *Cluiliū, causam hujusce esse belli, audisse videor: nec te dubito, Tulle, eadem præ te ferre. sed, si vera potius, quam dictu speciosa, dicenda sunt, cupido imperii duos cognatos vicinosque populos ad arma stimulat. Neque, recte an perperam, interpretor: fuerit ista ejus delib-
ratio, qui bellum suscepit. me Albani gerendo bello ducem cre-
avere. Illud te, Tulle, monitum velim: Etrusca res quanta circa nos teque maxime sit, quo propiores vos, hoc magis scis. multum illi terra, plurimum mari pollent. Memor esto, jam, quum signum pugnae dabis, has duas acies spectaculo fore; ut fessos confectosque, simul victorem ac victum adgrediantur. Itaque si nos Dii amant, quoniam, non contenti libertate certa, in dubiam imperii servitiiue aleam imus, ineamus aliquam viam, qua utri utris imperent, sine magna clade, sine multo sanguine utriusque populi, decerni possit. Haud displicet res Tullo, quamquam, tum indole animi, tum spe victoriæ, ferocior erat. Quærentibus utrimque ratio initur, cui et fortuna ipsa præbuit materiam.*

XXIV. Forte in duobus tum exercitibus erant ⁵⁹ trigemi-
mini fratres, nec ætate, nec viribus dispares. ⁶⁰ Horatios
Curiatiosque fuisse satis constat; nec ferme res antiqua
alia est nobilior. tamen in re tam clara nominum error ma-
net; utrius populi Horatii, utrius Curiatii fuerint. Aucto-
res utroque trahunt: plures tamen invenio, qui Romanos
Horatios vocent. hos ut sequar, inclinatur animus. Cum

Horatio-
rum et Cu-
riatiorum
certamen
proponitur.

^b suos in aciem Gron.

⁵⁶ Vana] Ad Tulli mentem. Feroci enim regi, quidquid moram dimicationi allaturum erat, vanum videbatur. Tan. Faber suspicatur legendum *afferri rebatur*.

⁵⁷ In aciem educit] Sic Andreas, et multi vett. editi: sic MSS. Gronovio et Hearnio inspecti, quibus favent tres e nostris. Omnes ignorant *et suos*, quod sine ulla necessitate hic addiderant male seduli emendatores.

⁵⁸ Cluiliū. . . audisse videor] Intelligere, quum diceret. Similis locutionis exemplum vid. infra IV. 20. Ordo verborum, qui paulo est intricatior, sic formari debet: *Et ego regem*

nostrum Cluiliū audisse videor, quum diceret injurias et non redditas res ex fœdere causam hujusce esse belli.

⁵⁹ Trigemini] Terni eodem partu editi. Sic accipiendam esse hanc vocem patet ex Dion. III. et Plin. VII. 3. Porro *trigemini* et *tergemini* fratres dicuntur; at *tergemina* tantum spolia, non *trigemina*.

⁶⁰ Horatios Curiatiosque] Eos consobrinos fuisse Dion. tradit l. III. natos ex duabus sororibus, filiabus Sécienii Albani; quarum altera Curiatio Albeæ, altera Horatio Romæ nuptum data fuerat.

Fœderis fe-
riendi ritus.

trigeminis agunt reges, ut pro sua quisque patria dimicent ferro. ibi imperium fore, unde victoria fuerit. nihil recusatur: tempus et locus convenit. Priusquam dimicarent, fœdus ictum inter Romanos et Albanos est his legibus, ut, ⁶¹ cujusque populi cives eo certamine vicissent, is alteri populo cum bona pace imperitaret. Fœdera alia aliis legibus, ceterum eodem modo omnia, fiunt. Tum ita factum accepimus, nec ullius vetustior fœderis memoria est. ⁶² Fecialis regem Tullum ita rogavit: *Jubesne me, Rex, cum patre patrato populi Albani fœdus ferire?* jubente rege, ⁶³ *Sagmina*, inquit, *te, Rex, posco.* Rex ait, ⁶⁴ *Puram tollito.* Fecialis ex arce graminis herbam puram adtulit. postea regem ita rogavit: *Rex, facisne me tu regium nuncium populi Romani Quiritium?* ⁶⁵ *vasa, comitesque meos?* Rex respondit: ⁶⁶ *Quod sine fraude mea populique Romani Quiritium fiat, facio.* Fecialis erat ⁶⁷ M. Valerius. patrem patratum Sp. Fusium fecit, verbena caput capillosque tangens. ⁶⁸ Pater patratus ad jusjurandum patrandum, id est, sanciendum fit fœdus; ⁶⁹ multisque id verbis, quæ longo effata carmine ⁷⁰ non operæ est referre, peragit. Legibus deinde recitatis: *Audi, inquit, Jupiter; audi, pater patrato populi Albani; audi tu, populus Albanus;* ⁷¹ *ut illa palam prima postrema ex illis* ⁷² *tabulis*

⁶¹ * *Cujusque*] Antiquè dictum pro *cujus*.

⁶² *Fecialis*] Feciales sacerdotes fuisse a Numa instituti, quorum scitis jus omne belli pacisque subjectum erat. Quo ritu indicerent bella, vid. infra, c. 32. De omni eorum officio ac munere consule Dion. II.

⁶³ *Sagmina*] *Sagmina*, inquit Festus, *vocantur verbenæ, hoc est, herba puræ, quia ex loco sancto secabantur*: et, teste Plin. XXII. 2. idem sunt, quod *gramen ex arce cum sua terra evulsum*. * Rex arce verbenæ sumebantur dandæ fecialibus, teste Livio infra XXX. 43.

⁶⁴ *Puram*] Supple herbam.

⁶⁵ *Vasa*] Supellectilem. Vasa autem et comites fecialis non utique erant regii nuntii; sed illius tamen muneris sanctitatem ac dignitatem, suo quæque modo et ratone, participabant.

⁶⁶ *Quod sine fraude mea . . fiat*] Ita ut id fiat sine damno meo; ita ut nihil inde in me damni aut incommodi derivetur. Cautio usitata in ejusmodi formulis.

⁶⁷ *M. Valerius*] *M. Veturius* e nummo legendum esse monet Bege-
rus ad Florum, p. 44. HEARNIUS.

⁶⁸ *Pater patratus*] Pater patratus fit ad jusjurandum patrandum, atque inde illi nomen est: jusjurandum autem patrare hic idem est ac fœdus sancire.

⁶⁹ *Multisque id verbis*] Nimirum, antequam fœderis leges recitarentur, aliquod carmen erat verbosius, quod pater patratus pronuntiare deberet. Illud omittit Livius, satisque habet si alterum carmen afferat, quo, post leges recitatas, omnis fœderis sancendi ritus concludebatur. Porro *carmen* hic nihil aliud est, quam certa solennisque verborum formula.

⁷⁰ *Non operæ est*] Operæ pretium non est. Idem loquendi modus occurrit l. IV. c. 8. et alibi sæpius.

⁷¹ *Ut illa palam*] *Ut illa recitata sunt palam* et omnibus audientibus, tum *prima*, tum *postrema*, a capite ad calcem.

⁷² *Tabulis ceræ*] Sive tabulis nudis, in quibus insculptæ fuissent fœderis leges; sive tabulis cera illitis. In ceratis tabulis vulgo scribere solebant antiqui. At fœdera, leges, et alia id genus insculpere in nudo ligno, aut ære mos erat. Exempla passim suppetunt.

ceræ recitata sunt sine dolo malo, utique ea hic hodie rectissime intellecta sunt, illis legibus populus Romanus prior non deficiet. Si prior defexit publico consilio, dolo malo; 73 tu illo die, Jupiter, populum Romanum sic ferito, ut ego hunc porcum hic hodie feriam: tantoque magis ferito, quanto magis potes pollesque. Id ubi dixit, porcum 74 saxo silice percussit. Sua item carmina Albani suumque jusjurandum per suum dictatorem suosque sacerdotes peregerunt.

XXV. Fœdere icto, trigemini, sicut convenerat, arma capiunt. Quum sui utrosque adhortarentur, *Deos patrios, patriam ac parentes, quidquid civium domi, quidquid in exercitu sit, illorum tunc arma, illorum intueri manus: 75 feroces et suopte ingento, et pleni adhortantium vocibus, in medium inter duas acies procedunt. Consederant utrimque pro castris duo exercitus, periculi magis præsentis, quam curæ expertes. quippe imperium agebatur, in tam paucorum virtute atque fortuna positum. 76 itaque ergo erecti suspensique in 77 minime gratum spectaculum animo intenduntur. Datur signum. infestisque armis, velut acies, terni juvenes, magnorum exercituum animos gerentes, concurrunt: nec his, nec illis periculum suum; publicum imperium servitiumque obversatur animo, futuraque ea deinde patriæ fortuna, quam ipsi fecissent. Ut primo statim concursu increpuere arma, micantesque fulsere gladii, horror ingens spectantes perstringit: et, neutro inclinata spe, torpebat vox spiritusque. Consertis deinde manibus, quum jam non motus tantum corporum, agitatioque anceps 78 te-*

Certaminis
descriptio.

73 *Tu illo die Jupiter]* Sigonius jamdiu observavit scriptos habere *tum ille dies Jupiter*. Consentiant unus e Gronovianis, et unus e nostris. inde manifestum est legi debere *Diespiter*, ut Sigonius, et Turnebus l. XI. Advers. c. 17. voluere. Turbat *et ille*: quod facile crediderimus natum esse a mala cura eorum, qui quum legerent *dies Jupiter*, voluerunt fulcire nomen *dies* addito pronomine. Ut ut sit, emendare videmur debere, *tum Diespiter*, vel *tum tu Diespiter*. Omnem dubitationem eximit Festus a Sigonio allegatus, qui in voce *lapidem* affert hanc jurandi formulam: *si scius fallo, tum me Diespiter . . . bonis ejiciat. Diespiter* autem Jupiter dictus est, quasi *diei pater*.

74 * *Saxo silice]* *Saxum* generis nomen est: *silix* speciem lapidis indicat, quem dicimus *caillou*. Sic infra XXX. 43. *lapides silices*.

75 *Feroces et]* Vid. not. 5. ad præfat. supra.

76 * *Itaque ergo]* Similiter hæ duæ voculæ junguntur infra III. 31. et IX. 31.

77 * *Minime gratum spectaculum]* Hoc ideo videtur observare Livius, quod apud Romanos non absimilia sæpe pugnantium inter se virorum spectacula ad populi voluptatem edebantur. At vero hoc Horatorum Curiatorumque pugnantium spectaculum, non voluptati spectantibus, sed magnæ sollicitudini erat.

78 *Telorum armorumque]* *Arma* commune vocabulum est, quo continentur et ea arma quibus feritur hostis, et ea quibus corpus protegitur. Sed et arctiore significatione *arma* proprie sunt ea quæ ad tuendum corpus valent, et opponuntur *telis* quibus hostis impetitur: ut hic, et c. 43. infra. Eadem ratio est complurium vocabulorum, quæ et genus, et alteram e speciebus denotant. Sic in jure *cognati* sunt et ii quicunque sanguine juncti sunt, et ii speciatim

lorum armorumque, sed vulnera quoque et sanguis spectaculo essent; duo Romani, super alium alius, vulneratis tribus Albanis, exspirantes conruerunt. ad quorum casum quum conclamasset gaudio Albanus exercitus, Romanas legiones jam spes tota, nondum tamen cura, deseruerat, exanimes vice unius, quem tres Curiatii circumsteterant. Forte is integer fuit, ut universis solus nequaquam par, sic adversus singulos ferox. ergo, ut segregaret pugnam eorum, capessit fugam, ita ratus secuturos, ut quemque vulnerare adfectum corpus sineret. Jam aliquantum spatii ex eo loco, ubi pugnatum est, aufugerat, quum respiciens videt magnis intervallis sequentes: unum haud procul ab sese abesse. in eum magno impetu rediit^c. Et, dum Albanus exercitus inclamat Curiatiis, uti^d opem ferant fratri, jam Horatius, cæso hoste victor, secundam pugnam petebat. tum⁷⁹ clamore, qualis ex insperato faventium solet, Romani adjuvant militem suum: et ille defungi prælio festinat. Prius itaque quam alter, qui nec procul aberat, consequi posset, et alterum Curiatium conficit. Jamque, æquato Marte, singuli supererant; sed nec spe, nec viribus pares. alterum, intactum ferro corpus et geminata victoria, ferocem in certamen tertium dabant: alter, fessum vulnere, fessum cursu trahens corpus, victusque fratrum ante se strage, victori objicitur hosti. nec illud prælium fuit. Romanus exsultans, *Duos, inquit, fratrum Manibus dedi: tertium*⁸⁰ *caussæ belli hujusce, ut Romanus Albano imperet, dabo.* Male sustinenti arma gladium superne jugulo defigit: jacentem spoliatur. Romani ovantes ac gratulantes Horatium accipiunt; eo majore cum gaudio, quo prope metum res fuerat. Ad sepulturam inde suorum nequaquam paribus animis vertuntur; quippe imperio alteri aucti, alteri ditioris alienæ facti. Sepulcra exstant, quo quisque loco cecidit. duo Romana uno loco propius Albam, tria Albana Romam versus; sed distantia locis,⁸¹ et ut^e pugnatum est.

^c redit Gron. Crev.

^d ut Eæd.

^e ut et Gron.

qui per fœminei sexus personas conjunguntur, quo sensu opponuntur *agnatis*. Sic *adoptio* et de omni adoptionis genere dicitur, et peculiariter de adoptione eorum qui sunt in potestate patris, tuncque opponitur *arrogationi*. Eadem ratio est *gregis* et *armenti*: ^a*grex* enim est quorumlibet animalium congregatio, et speciatim de minoribus pecudibus dicitur, ut ovibus, capris: quo sensu opponitur *armento*, quod majoris est pecoris, ut boum, equorum.

⁷⁹ *Clamore, qualis ex insperato faventium solet*] Clamore, qualem edere solent ii, qui eum, quem victum jam crediderant, ex insperato resurgere videntes, ejus spei renascenti favent. Intuetur Livius ea quæ in pugnis gladiatorum, in spectaculis Circensibus, accidere solebant.

⁸⁰ *Causæ belli hujusce*] Emendatio Gronovii: quam firmant duo ex MSS. Hearnii. Antea *causam*: insulse.

⁸¹ *Et ut pugnatum est*] Hic ordo magis placuit, quam qui vulgo habe-

XXVI. Priusquam inde digrederentur, roganti Metto, ex fœdere icto quid imperaret, imperat Tullus, uti juventutem in armis habeat; usurum se eorum opera, si bellum cum Veientibus foret. ita exercitus inde domos abducti. Princeps Horatius ibat, trigemina^f spolia præ se gerens: cui soror virgo, quæ desponsa uni ex Curiatiis fuerat, obvia ante portam Capenam fuit: cognitoque super humeros fratris⁸² paludamento sponsi, quod ipsa confecerat, solvit crines, et flebiliter nomine sponsum mortuum adpellat. Movet feroci juveni animum comploratio sororis in victoria sua Horatius tantoque gaudio publico. Stricto itaque gladio, simul ver-^{sororem occidit.} bis increpans, transfigit puellam. *Abi hinc cum⁸³ immaturo amore ad sponsum, inquit, oblita fratrum mortuorum vivique, oblita patriæ. Sic eat, quaecumque Romana lugebit hostem.* Atrox visum id facinus Patribus plebique: sed⁸⁴ recens meritum facto obstabat. tamen raptus in jus ad regem. Rex, ne ipse tam tristis ingratiue ad vulgus iudicii, aut, secundum iudicium, supplicii auctor esset, concilio populi advocato, *Duumviros, inquit, qui Horatio perduellionem judicent secundum legem, facio.* Lex horrendi⁸⁶ carminis erat: *Duum-*^{In jus vocatur.} *viri perduellionem judicent. Si a duumviris provocarit, provocatione certato: si vincent, caput obnubito: ⁸⁷infelici arbori recte suspendito: verberato vel intra ⁸⁸pomærium, vel extra pomærium.* Hac lege duumviri creati, qui se absolvere non rebantur ea lege,⁸⁹ ne innoxium quidem, posse, quum con-

^f *tergemina* Gron. Crev.

tur, ut et pugnatum est. Et id quod dedimus habet Campani editio. Sic et se reperisse testatur Jac. Gronovius in scripto vel optimo: et servant duo e nostris.

⁸² * *Paludamento*] Paludamentum solenni et usitato significato est chlamys imperatoria. Sed ex hoc loco videtur concludere posse, illud præcipuorum quoque ducum, etsi imperatores totius exercitus non essent, gestamen fuisse. Quin et omnia militaria ornamenta antiquitus *paludamenta* dicta fuisse Festus testis est. † Vide quoque infra II. 49.

⁸³ *Immaturo*] Intempestivo.

⁸⁴ * *Recens meritum facto obstabat*] Recens meritum in rempublicam vetabat factum ejus crudelissimum in sororem, pro rei atrocitate, expendi et mulctari.

⁸⁵ *Qui Horatio perduellionem judicent*] *Perduellis* hostis, a radice ductum bellum. *Perduellio* proprie crimen ejus, qui hostile aliquid in regem aut rempublicam gessit. sed illo

ævo videtur quodvis facinus capitali pœna dignum perduellionis lege comprehensum fuisse. Alioquin Horatius ea lege reus agi non potuisset. *Qui Horatio perduellionem judicent*, i. e. qui sententiam ferant in Horatium, tanquam perduellionis manifestum: non qui judicent, an instar perduellis sit habendus, quo modo Clericus exponit; quum duumviri sententiam in reum ferant his verbis: *tibi perduellionem judico.*

⁸⁶ * *Carminis*] Vid. not. 69. ad c. 24. supra.

⁸⁷ *Infelici arbori*] Vel stipiti, ex quo fontes suspenduntur; quo ligno nullum infelicius: (et ita interpretatur Lipsius, l. I. de cruce, c. 2.) vel ligno ex ea arbore, quæ sit in infelicium numero. Aliæ enim felices, aliæ infelices arbores apud antiquos habebantur: qua de re vid. Macrob. l. II. Saturn. c. 16.

⁸⁸ *Pomærium*] Vid. infra c. 44.

⁸⁹ *Ne innoxium quidem*] Duumviri se ea lege non rebantur absolvere

demaissent, tūm alter ex his, *P. Horati, tibi perduellionem judico*, inquit, *I, lictor, conliga manus*. Accesserat lictor, injiciebatque laqueum. tum Horatius, auctore Tullo, ⁹⁰ clemente legis interprete, *Provoco*, inquit. ⁹¹ ita de provocatione certatum ad populum est. Moti homines sunt in eo judicio, maxime P. Horatio patre proclamante, se filiam jure cæsam judicare. ni ita esset, ⁹² patrio jure in filium animadversurum fuisse. Orabat deinde, ne se, quem paulo ante cum egregia stirpe conspexissent, orbem liberis facerent. Inter hæc senex, juvenem amplexus, spolia Curiatorum fixa eo loco, qui nunc ⁹³ Pila Horatia adpellatur, ostentans, *Hunc cine,* aiebat, *quem modo decoratum ovantemque victoria incedentem vidistis, Quirites, eum* ⁹⁴ *sub furca vinctum inter verbera et cruciatus videre potestis? quod vix Albanorum oculi tam deforme spectaculum ferre possent. I, lictor, conliga manus, quæ paulo ante armatæ imperium populo Romano pepererunt. I, caput obnube liberatoris urbis hujus: arbori infelici suspende: verbera, vel intra pomærium, modo* ⁹⁵ *inter illa pila et spolia hostium; vel extra pomærium, modo* ⁹⁶ *intra sepulcra Curiatorum. Quo enim ducere hunc juvenem potestis, ubi non sua decora eum a tanta fœditate supplicii vindicent?* Non tulit populus nec patris lacrimas, nec ipsius ⁹⁷ parem in omni periculo animum: absolveruntque admiratione magis virtutis, quam jure causæ. Itaque, ut cædes manifesta aliquo tamen piaculo lueretur, imperatum patri, ut ⁹⁸ filium expiaret pecunia publica. Is, quibusdam piacularibus sacrificiis factis, quæ deinde genti Horatiæ tradita sunt, transmisso per viam tigillo, capite adoperto, velut ⁹⁹ sub jugum misit juvenem.

Absolvitur
a P. R.

§ ut del Gron. Crav.

Horatium posse, ne si innoxius quidem fuisset: i. e. ne si justa quidem ipsi causa fuisse videretur occidendæ sororis. Lex enim jubebat *perduellionem judicari*, i. e. condemnari eum, qui perduellionis crimine teneretur. Civem autem indemnatum occidere, perduellio tunc fuisse videtur. Unde quum Horatius negare non posset a se interfectam sororem, ipsius legis vi absolvi nullo modo poterat a duumviris.

⁹⁰ *Clemente legis interprete*] Clementer Horatium admonente, ut beneficio legis uteretur, qua licebat provocare.

⁹¹ *Ita de provocatione certatum*] Recte videtur Tan. Faber particulam *de* tollere: quomodo supra habetur, *provocatione certato*. Modius affert e codd. Lipsii, ita *denuum provocatione*: quod fortasse verum est.

⁹² *Patrio jure*] Ex lege Romuli jus

vitiæ necisque patri in liberos erat.

⁹³ *Pila Horatia*] Columna, quæ in monumentum tergeminae Horatii victoriæ erecta, Livii adhuc ævo stabat.

⁹⁴ *Sub furca*] Vid. not. 5. ad c. 36. l. 11.

⁹⁵ *Inter illa pila*] E pilis nimirum in terram defixis videntur suspensa fuisse spolia Curiatorum, donec erigeretur pila seu columella Horatia.

⁹⁶ *Inter sepulcra*] Vulgo *intra*, obscure et minus proprie. *Inter* in vet. codicibus legi Modius affirmat, quibus consentiunt quatuor regil et Sorbolicus.

⁹⁷ *Parem in omni periculo animi*] Eandem animi firmitudinem in judicio, quæ in pugna fuerat.

⁹⁸ *Pecunia publica*] Pecunia publice præbita in piacularia sacra.

⁹⁹ *Sub jugum*] Quid sit jugum, vid. infra III. 28.

Id hodie quoque ¹ publice semper refectum manet. Sororium tigillum vocant. Horatiæ sepulcrum, quo loco conruerat icta, constructum est saxo quadrato.

XXVII. Nec diu pax Albana mansit. ² invidia vulgi, quod tribus militibus fortuna publica commissæ fuerit, vanum ingenium dictatoris corrupit; et, quoniam recta consilia haud bene evenerant, pravis reconciliare popularium animos cœpit. Igitur, ut prius in bello pacem, sic in pace bellum quærens, quia suæ civitatî animorum plus, quam viri-um, cernebat esse, ad bellum palam atque ex edicto gerendum ³ alios concitat populos: suis per speciem societatis proditionem reservat. ⁴ Fidenates, colonia Romana, Veientibus sociis consilii adsumtis, pacto transitionis Albanorum ad bellum atque arma incitantur. Quum Fidenæ aperte descissent, Tullus, Metto exercituque ejus ab Alba adcito, contra hos-^{Bellum cum Fidenatibus.} tes ducit. ubi Anienem transiit, ad confluentes collocat castra. Inter eum locum et Fidenas Veientium exercitus Tiberim transierat. Hi et in acie prope flumen tenere dextrum cornu: in sinistro Fidenates propius montes consistunt. Tullus adversus Veientem hostem dirigit suos: ⁵ Albano contra legionem Fidenatium collocat. Albano non ⁶ plus animi erat, quam fidei. nec manere ergo, nec transire aperte ausus, sensim ad montes succedit. Inde, ubi satis subisse sese ratus est, ⁷ erigit totam aciem: fluctuantemque animo, ut tereret tempus, ordines explicat. Consilium erat, qua fortuna rem daret, ea inclinare vires. Miraculo primo esse Romanis, qui proximi steterant, ut nudari latera sua sociorum digressu senserunt: inde eques citato equo nunciat regi, abire Albanos. Tullus in re trepida duodecim vovit ⁸ Salios, fanaque Pallori ac Pavori. *equitem*, clara increpans voce, ut hostes exaudirent, *redire in prælium* jubet: *nihil trepidatione opus esse: suo jussu circumduci Albanum exercitum, ut Fidenatium nuda terga invadant.* ⁹ idem impe-

^h gerendum Crev.

¹ Publice] Publico sumptu.

² Invidia vulgi] Odium populi Albani, succensentis Mettio dictatori suo propterea, quod tribus militibus fortuna publicæ gentis commissæ fuerat, avertit a fide et religione fœderis servandi Mettium, qui ingenio erat vano, levi, inconsiderato, fidei parum tenaci.

³ Fidenates, colonia Romana] Romulus, teste Dion. l. II. coloniam in urbem Fidenas deduxerat; quod suo loco prætermissum hic verbo indicat Livius. Atque non abs re fuerit monere lectorem, hoc idem et sæpe alias a nostro factitatum.

⁴ Erigit] Stare jubet. Ubi enim agmen sistitur, miles et corpus et hastam erigit. Sic apud nos dicitur *faire alte*, olim *faire haut*, quomodo vertit hoc loco Vigenarius.

⁵ Salios] Qui cognominati sunt *Agonales*, sive *Collini*, quod eorum sacrarium esset in Collino templo, qui vel idem fuit cum Quirinali, antiquitus Agonali monte, vel ejusdem pars. Salii autem a Numa instituti *Palatini* dicebantur, quod eorum sacra in Palatino monte essent. Utrumque pares ritus erant ac caerimonie. Dion. l. II.

⁶ Idem imperat] Magis placeret eidem.

Romani
victores.

rat, ut hastas equites erigere jubeat. Id factum magnæ parti peditum Romanorum conspectum abeuntis Albani exercitus intersepsit. qui viderant, id, quod ab rege auditum erat, rati, eo acrius pugnant. Terror ad hostes transit: et audiverant clara voce dictum: et magna pars Fidenatium, ⁷ ut qui coloni additi Romanis essent, Latine sciebant. Itaque, ne subito ex collibus decursu Albanorum intercluderentur ab oppido, terga vertunt. Instat Tullus, fusoque Fidenatium cornu, in Veientem, alieno pavore perculsum, ferocior redit. Nec illi tulere inpetum: sed ab effusa fuga flumen objectum a tergo arcebat. Quo postquam fuga inclinavit; alii, arma foede jactantes, in aquam cæci ruebant; alii, dum cunctantur in ripis, inter fugæ pugnaeque consilium obpressi. Non alia ante Romana pugna atrocior fuit.

Supplicium
de Metto
sumtum.

XXVIII. Tum Albanus exercitus, spectator certaminis, deductus in campos. Mettus Tullo devictos hostes gratulatur: contra Tullus Mettum benigne adloquitur. ⁸ Quod bene vertat, castra Albanos Romanis castris jungere jubet: ⁹ sacrificium lustrale in diem posterum parat. Ubi inluxit, paratis omnibus, ut adsolet, vocari ad concionem utrumque exercitum jubet. Præcones, ab extremo orsi, primos excivere Albanos. hi novitate etiam rei moti, ut regem Romanum concionantem audirent, proximi constitere. Ex composito armata circumdatur ¹⁰ Romana legio. centurionibus datum negotium erat, ut sine mora imperia exsequerentur. Tum ita Tullus inquit: *Romani, si umquam ante alias ullo in bello fuit, quod primum Diis immortalibus gratias ageretis, deinde vestra ipsorum virtuti, hesternum id praelium fuit. Dimicatum est enim non magis cum hostibus, quam, quæ dimicatio major atque¹ periculosior est, cum proditione ac perfidia sociorum. Nam, ne vos falsa opinio teneat, injussu meo Albani subiere ad montes: nec imperium illud meum, sed consilium et imperii simulatio fuit: ut nec, vobis ignorantibus deseri vos,*

¹ ac Gron. Crev.

⁷ *Ut qui coloni]* Ut qui ad Romanos colonos in suam urbem a Romulo deductos et ipsi additi essent coloni, eodem jure quo Romani. Quod quidem postea in Antio colonia factum fuisse, disertis verbis narrat Livius VIII. 14. Hæc Jacobus Gronovius. Fatendum tamen est hic nescio quid esse salebrosum. Emendabat Tan. Faber, ut *quæis coloni additi Romani essent*: Dujatius, ut *qui coloni additi e Romanis essent*. ⁸ Quum Fidenatium civitas ex colonis Romanis et ex vete-

rum Fidenatium reliquiis constaret, Fidenates Etrusci ab admistis sibi colonis Romanis edocti Latine plerique sciebant.

⁸ *Quod bene vertat]* Solennis bene precandi formula, usitata in incipientibus omnibus quæ sunt paulo gravioris momenti.

⁹ *Sacrificium lustrale]* Vid. not. 35. ad c. 44. infra.

¹⁰ *Romana legio]* Romanus exercitus. Sic infra II. 26. *Sabina legio*.

verteretur a certamine animus; et hostibus, circumveniri se a tergo ratis, terror ac fuga injiceretur. Nec ea culpa, quam arguo, omnium Albanorum est; ducem secuti sunt: ut et vos, si quo ego inde agmen declinare voluissem, fecissetis. Mettus ille est ductor itineris hujus, Mettus idem hujus machinator belli, Mettus foederis Romani Albanique ruptor. Audeat deinde talia alius, nisi in hunc insigne jam documentum mortalibus dedero. ¹¹ Centuriones armati Mettum ^k circumstant. rex cetera, ut orsus erat, peragit. Quod bonum, faustum, felixque sit populo Romano ac mihi, vobisque, Albani; populum omnem Albanum Romam traducere in animo est; civitatem dare plebi; primores in patres legere; unam urbem, unam rempublicam facere. Ut ex uno quondam in duos populos divisa Albana res est, sic nunc in unum redeat. Ad hæc Albana pubes, inermis ab armatis septa, in variis voluntatibus, communi tamen metu cogente, silentium tenet. Tum Tullus: *Mette Fuffeti*, inquit, si ipse discere posses fidem ac foedera servare, vivo tibi ea disciplina a me adhibita esset. Nunc quoniam tuum insanabile ingenium est, at tu tuo supplicio doce humanum genus ea sancta credere, quæ a te violata sunt. Ut igitur paullo ante animum inter Fidenatem Romanamque rem ancipitem gessisti, ita jam corpus passim distrahendum dabis. Exinde, ¹² duabus admotis quadrigis, in currus earum distentum inligat Mettum. deinde in diversum iter equi concitati, lacerum in utroque curru corpus, qua inhæserant vinculis membra, portantes. Avertere omnes a tanta foeditate spectaculi oculos. Primum ultimumque illud ¹³ supplicium apud Romanos exempli parum memoris legum humanarum fuit. in aliis gloriari licet, nulli gentium mitiores placuisse poenas.

XXIX. Inter hæc jam præmissi Albam^l erant equites, qui multitudinem traducerent Romam. Legiones deinde ductæ ad diruendam urbem. Quæ ubi intravere portas, non quidem fuit tumultus ille, nec pavor, qualis captarum esse urbium solet, quum, effractis portis, stratisve ariete muris, aut arce vi capta, clamor hostilis et cursus per urbem armatorum omnia ferro flammaque miscet: sed silentium triste ac tacita moestitia ita defixit omnium animos, ut, præ metu obliti quid relinquerent, quid secum ferrent,

^k Mettum del. Gron.

^l Albam l. Albani Gron.

¹¹ Centuriones armati Mettum circumstant] Reduximus vocem Mettum, quæ in nuperis editionibus incuria operarum omissa erat; sed exstat in Campano, Andrea; ut et eam in MSS. omnibus comparere testatur Jac. Gronovius, et habent quinque e nostris.

¹² Duabus . . quadrigis] Quaternis

hinc inde equis. Hic equos, non currus intelligi apparet ex eo quod sequitur, in currus earum.

¹³ Supplicium . . . exempli] Supplicium in quo daretur exemplum acerbitalis ab humanitatis legibus abhorrens.

U. C. 87.
A. C. 665.
Alba diruta.

Albani Ro-
mam mi-
grant.

deficiente consilio, rogitantesque alii alios, nunc in liminibus starent, nunc errabundi domos suas, ¹⁴ultimum illud visuri, pervagarentur. Ut vero jam equitum clamor exire jubentium instabat, jam fragor tectorum quæ diruebantur, ultimis urbis partibus audiebatur, pulvisque ex distantibus locis ortus, velut nube inducta omnia inpleverat; raptim ¹⁵quibus quisque poterat elatis, quum larem ac penates, tectaue, in quibus natus quisque educatusque esset, relinquentes exirent: jam continens agmen migrantium inpleverat vias: et conspectus aliorum mutua miseratione integrabat lacrimas. vocesque etiam miserabiles exaudiebantur; mulierum præcipue, quum obsessa ab armatis templa augusta præterirent, ac velut captos relinquerent Deos. Egressis urbem Albanis, Romanus passim publica privataque omnia tecta adæquat solo, unaque hora ¹⁶quadringentorum annorum opus, quibus Alba steterat, excidio ac ruinis dedit. Templis tamen Deum (ita enim edictum ab rege fuerat) temperatum est.

Caelius
mons urbi
additus.

XXX. Roma interim crescit Albæ ruinis. duplicatur civium numerus. ¹⁷Caelius additur urbi mons; et, quo frequentius habitaretur, eam sedem Tullus regiæ capit, ibique habitavit. Principes Albanorum ¹⁸in Patres, ut ea quoque pars reipublicæ cresceret, legit Tullios^m, Servilios, Quintiosⁿ, Geganos, Curiatios, Claelios: ¹⁹templumque ²⁰ordi-

^m *Julios* Gron. Crev.

ⁿ *Quintios* Ead.

¹⁴ *Ultimum illud*] Ultima illa vice: quemadmodum apud Curt. I. IV. c. 43. *hoc jam tertio*. Vulgo editi habent *ultimum illas*, nempe domos, *visuri*. *Illud* legi affirmat Gronovius in scriptis omnibus et antiquioribus editis. Firmant tres e nostris codd. Vetus-
tissimus quidem omnium habet *illas*; sed duæ ultimæ litteræ *as* a recentiore manu sunt, et alio atramento.

¹⁵ *Quibus quisque poterat*] Hellenismus, pro *iis quæ quisque poterat*. Sic I. IV. c. 39. *Quibus poterat saucis ductis secum*.

¹⁶ *Quadringentorum*] Sequitur Livius eundem calculum, quem Virgil. I. *Æn.* v. 276. et Justinus, I. XLIII. c. I. Dionysius cum plerisque numerat annos 489. quibus Alba steterit.

¹⁷ *Caelius . . . mons*] De hoc monte vid. quæ habent Dion. II. et III. et Tac. IV. *Annal.* c. 65.

¹⁸ *In Patres . . . legit*] Patriciorum ordini adscripsit; et, si qua senatoria loca vacabant, in ea allegit.

¹⁹ *Templumque*] Fecit curiam, quæ

Hostilia appellata est, quod esset templum senatui ab se aucto. Senatus haberi non poterat, nisi in loco ab auguribus consecrato, quod *templum* appellabatur.

²⁰ *Ordini ab se aucto*] Eo sensu dici videtur hic auctus a Tullo ordo senatorius, quod earum gentium ab eo numerus auctus esset, ex quibus senatores legebantur. Neque enim verisimile est ipsorum senatorum numerum tunc auctum fuisse. Nam imperante Romulo, post ictum cum Tatio foedus, senatorum numerum ad ducentos accrevisse perquam probabile est. Vid. not. 14. ad c. 17. supra. Tarquinius Priscus postea centum addidit: (vid. infra c. 35.) tuncque trecentos fuisse senatores ex Dion. I. III. constat. Itaque quod supra dicitur, a Tullo principes Albanorum in Patres lectos fuisse, id ita intelligendum videtur, ut patriciorum ordini adscripti fuerint: nisi si qui forte loca tum in ordine senatorio vacantia expleverint.

ni ab se aucto curiam fecit, ²¹ quæ Hostilia usque ad patrum nostrorum ætatem adpellata est. et, ut omnium ordinum viribus aliquid ex novo populo adjiceretur, equitum decem ²² turmas ex Albanis legit. Legiones et veteres eo- U. C. 100.
dem supplemento explevit, et novas scripsit. Hac fiducia A. C. 652.
virium Tullus Sabinis bellum indicit, genti ea tempestate Bellum
secundum Etruscos opulentissimæ viris armisque. Utrim- cum Sabi-
que injuriæ factæ, ac res nequidquam erant repetitæ. Tull- nis.
lus ad ²³ Feroniæ fanum mercatu frequenti negotiatores Romanos comprehensos querebatur. Sabini suos prius in
²⁴ lucum confugisse, ac Romæ retentos. hæ causæ belli ferebantur. Sabini, haud parum memores, et suarum virium partem Romæ ab Tatio locatam, et Romanam rem nuper etiam adjectione populi Albani auctam, circumspicere et ipsi externa auxilia. Etruria erat vicina, proximi Etruscorum Veientes. Inde, ob residuas bellorum iras maxime sollicitatis ad defectionem animis, voluntarios traxere: et apud vagos quosdam ex inopi plebe etiam merces valuit. ²⁵ Publico auxilio nullo adjuti sunt. valuitque apud Veientes (nam de ceteris minus mirum est) pacta cum Romulo ²⁶ induciarum fides. Quum bellum utrimque summa ope ²⁷ pararent, ²⁸ vertique in eo res videretur, utri prius arma inferrent, ²⁹ occupat Tullus in agrum Sabinum transire. Pugna atrox ad silvam Malitiosam fuit. ubi et peditum quidem robore, ceterum equitatu aucto nuper, plurimum Romana acies valuit. Ab equitibus repente invectis turbati ordines sunt Sabinorum: nec pugna deinde illis constare, nec fuga explicari sine magna cæde potuit.

XXXI. Devictis Sabinis, quum in magna gloria magnisque opibus regnum Tulli ac tota res Romana esset, nun-

° *pararetur* Gron.

²¹ *Quæ Hostilia*] Quum diruta esset, dictatore Cæsare, decretum fuit ut instauraretur, et pro Hostilia, Julia appellaretur.

²² *Turmas*] *Turma* quasi *terma* dicta est, quod terdenis equitibus constaret. FESTUS.

²³ *Feroniæ*] *Feronia* dea vel nympha fuit, de qua varii varia afferunt. Vid. Dion. II. et III. et Servium ad VII. Æn. v. 799. et VIII. v. 564.

²⁴ *Lucum*] Asylum a Romulo apertum, nec adhuc septo clausum, ut indicat Dion. l. III.

²⁵ ° *Publico auxilio*] Auxilio publice a Veientibus decreto, quod Veiens populus publico consilio mitteret.

²⁶ *Induciarum*] Quæ ruptæ quidem ipso regnante Tullo fuerant, sed vi-

dentur fuisse renovatæ. Vid. infra c. 42. et ea quæ ibi annotabimus. Romulus autem hic appellatur, quia primus illarum auctor. Perizonius Animadv. Histor. c. 4. scripsisse Livium censet *Pacta cum Tullo*.

²⁷ *Pararent*] Hæc est scriptorum omnium lectio, teste Jac. Gronovio. Consentunt quatuor regii, et Sorbonicus. Vulgo *pararetur*: parvo sane discrimine. Sed vel ideo recedendum non erat a vet. codicum auctoritate.

²⁸ ° *Vertique in eo res videretur*] Et multum interesse ad summam belli videretur.

²⁹ ° *Occupat . . . transire.*] i. e. festinat transire.

Lapidibus
pluit in Al-
bano mon-
te.

Tulli mor-
bus et mors.

U. C. 114.

A. C. 638.

Ancus Mar-
cius rex e-
lectus.

ciatum regi Patribusque est, in monte Albano lapidibus pluuisse. Quod quum credi vix posset, missis ad id visendum prodigium, in conspectu, ³⁰ haud aliter quam quum grandinem venti glomeratam in terras agunt, crebri cecidere coelo lapides. Visi etiam audire vocem ingentem ex summi cacuminis luco, ut patrio ritu sacra Albani facerent, quæ, velut Diis quoque simul cum patria relictis, oblivioni dederant: et aut Romana sacra susceperant, aut fortunæ, ut fit, obirati, cultum reliquerant Deum. Romanis quoque ab eodem prodigio novemdiale sacrum publice susceptum est: seu voce cœlesti ex Albano monte missa, (nam id quoque traditur) seu aruspicum monitu. mansit certe sollemne, ut, quandoque idem prodigium nunciaretur, feriæ per novem dies agerentur. Haud ita multo post pestilentia laboratum est. unde quum pigritia militandi oriretur, nulla tamen ab armis quies dabatur ab bellicoso rege; salubriora etiam credente militiæ quam domi, juvenum corpora esse: donec ipse quoque longinquo morbo est implicitus. Tunc adeo fracti simul cum corpore sunt spiritus illi feroces, ut, qui nihil ante ratus esset minus regium, quam sacris dedere animum, repente omnibus magnis parvisque superstitionibus obnoxius degeret, religionibusque etiam populum inpleret. vulgo jam homines eum statum rerum, qui sub Numa rege fuerat, requirentes, unam opem ægris corporibus relictam, si pax veniaque ab Diis impetrata esset, credebant. Ipsum regem tradunt, volventem commentarios Numæ, quum ibi quædam occulta sollemnia sacrificia Jovi Elicio facta invenisset, ³¹ operatum his sacris se abdidisse: sed non rite initum aut curatum id sacrum esse; nec solum nullam ei oblatam cœlestium speciem, sed ira Jovis sollicitati prava religione, fulmine ictum cum domo ³² conflagrasse. Tullus magna gloria belli regnavit annos duos et triginta.

XXXII. Mortuo Tullo, res, ut institutum jam inde ab initio erat, ad Patres redierat: hique interregem nominaverant. quo comitia habente, Ancum Marcium regem populus creavit: Patres fuere auctores. Numæ Pompilii regis nepos, filia ortus, Ancus Marcius erat. qui, ut regnare cepit, et avitæ gloriæ memor, et quia proximum regnum,

30 * *Haud aliter quam quum grandinem*] Et vero hæc ipsa res erat: nec lapides illi quidquam aliud, quam grando in modum et magnitudinem lapidum formata.

31 * *Operatum*] Sacrorum verbum. Virgilius, Georg. I. 339. *lætis operatus in herbis*.

32 *Conflagrasse*] Plerique scriptores, teste Dion. I. III. Tulli mortem

Ancus Marcio successoris ejus adscribunt: qui captato tempore, quo turbida ac procellosa tempestas solitudinem circa regiam fecerat, cum globo amicorum irruerit, obtruncatisque rege ac conjuge filiisque ejus, ignem aliquot locis sedibus subjecerit, ac deinde in vulgus rumorem de fulmine sparserit.

cetera egregium, ab una parte haud satis prosperum fuerat, aut neglectis religionibus, aut prave cultis; ³³ longe ^p antiquissimum ratus, sacra publica, ut ab Numa instituta erant, ^{Sacra rite colenda curat.} facere; omnia ea ex commentariis regis ³⁴ pontificem^q, in ³⁵ album relata, proponere in publico jubet. inde et civibus otii cupidis, et finitimis civitatibus facta spes, in avi mores atque instituta regem abiturum. Igitur Latini, cum quibus, Tullo regnante, ictum foedus erat, sustulerant animos: et, quum incursionem in agrum Romanum fecissent, repetentibus res Romanis superbe responsum reddunt; desidem Romanum regem inter sacella et aras acturum esse regnum rati. ³⁶ Medium erat in Anco ingenium, et Numæ, et Romuli memor: et, præterquam quod avi regno magis necessariam fuisse pacem credebat, quum in novo, tum feroci populo; etiam, quod illi contigisset otium, sine injuria id se haud facile habiturum: tentari patientiam, et tentatam contemni: temporaque esse Tullo regi aptiora, quam Numæ. Ut tamen, quoniam Numa in pace religiones institisset, a se bellicæ ceremoniæ proderentur; nec gererentur solum, sed etiam indicerentur bella aliquo ritu; jus ab antiqua gente Æquicolis, quod nunc feciales habent, descripsit, quo res repetuntur. Legatus, ubi ad fines eorum venit, ^{Belli indiciendi ritus.} unde res repetuntur, capite velato ³⁷ filo (lanæ velamen est) *Audi, Jupiter; inquit, audite, fines; (cujuscumque gentis sunt, nominat)* ³⁸ *audiat fas. Ego sum publicus nuncius populi Romani, juste pieque legatus venio, verbisque meis fides sit.* Peragit deinde postulata. Inde Jovem testem facit:

p *longeque* Gron.

q *add. maximum* Gron.

³³ *Longe antiquissimum*] Rem sibi ante alias omnes curandam, providendam. Plerique scripti et omnes editi præferunt *longeque*. At manifestum est particulam *que* vacare, quod observavit Gronovius. Quum igitur idem affirmet eam abesse a duobus scriptis, non dubitavimus eradere.

³⁴ *Pontificem*] Vulgati adjiciunt *maximum*: sed a compluribus scriptis et antiquioribus editis abest illa vox, teste J. Fr. Gronovio: nec eam agnoscunt quinque e nostris codicibus. Jac. Gronovius insuper observat non modo supra c. 20. *pontificem* nude et sine additamento a Livio nominari, sed et l. II. c. 2. et c. 27. nec ante pontificis maximi mentionem reperiri apud nostrum, quam l. III. c. 54. Quæ quum ita sint, judicavimus vocem *maximum* hic esse a mala manu, ac proinde tollendam.

³⁵ *Album*] Tabulam gypso fortasse

obductam, aut alia qua simili materia.

³⁶ * *Medium erat in Anco ingenium*] In Anco ingenium erat pacis simul et belli artibus temperatum, ex Romuli indole, et ex Numæ, mistum.

³⁷ *Filo lanæ velamen est*] Hæc nobis locutio suspecta est. Possis tamen exponere: velamen est e filo laneo: vel, tolerabilius fortasse, *capite velato filo*, id est, velatus filo caput: *lanæ*, sive e lana, *velamen est*. De filo vid. not. 34. ad c. 20. supra.

³⁸ *Audiat Fas*] *Fas lex divina est*, inquit Isidor. l. V. Orig. c. 2. *jus, lex humana*. Unde et Serv. ad l. Georg. v. 269. *fas et jura interpretatur divina humanaque jura. Nam ad religionem*, inquit, *fas; jura pertinent ad homines*. Hic igitur feccialis testatur ipsum Fas, sive leges divinas, quas ab iis, quibus bellum indicit, violatas esse contendit.

*Si ego injuste inpieque illos homines illasque res dedier nuntio populi Romani mihi exposco, tum*³⁹ *patriæ compotem me nunquam siris' esse. Hæc, quum fines suprascandit, hæc, quicumque ei primus vir obvius fuerit, hæc, portam ingrediens, hæc, forum ingressus, paucis verbis carminis concipiendique jurisjurandi mutatis, peragit: si non deduntur, quos exposcit, diebus tribus et triginta*⁴⁰ *(tot enim sollemnes sunt) peractis, bellum ita indicit: Audi, Jupiter, et tu, Juno, Quirine, Diique omnes cælestes, vosque terrestres, vosque inferni, audite. Ego vos testor, populum illum (quicumque est, nominat) injustum esse, neque jus persolvere. Sed de istis rebus in patria majores natu consulemus, quo pacto jus nostrum adipiscamur.*⁴¹ *Cum his nuntius Romam ad consulendum redit. Confestim rex his ferme verbis Patres consulebat:*⁴² *Quarum rerum, litium, caussarum condixit pater patratus populi Romani Quiritium patri patrato priscorum Latinorum hominibusque priscis Latinis, quas res dari, fieri, solvi oportuit, quas res nec dederunt, nec fecerunt, nec solverunt, dic, inquit ei, quem primam sententiam rogabat, quid censes? Tum ille: Puro pioque duello quærendas censeo, itaque*⁴³ *consentio, consciscoque. Inde ordine alii rogabantur: quandoque pars major eorum, qui aderant, in eandem sententiam ibat,*⁴⁴ *bellum erat consensu'. Fieri solitum, ut fecialis*⁴⁵ *hastam ferratam, aut sanguineam præustam ad fines eorum ferret, et, non minus tribus puberibus præsentibus, diceret: Quod populi priscorum Latinorum hominesque prisci Latini adversus populum Romanum Quiritium fecerunt, deliquerunt, quod po-*

³⁹ *sinas* Gron. Crev. ⁴⁰ *consensum* Crev. Gronoviana tollit interpunctionem majorem post *consensu*.

³⁹ *Patriæ compotem me nunquam sinas esse*] Tres optimi e nostris codd. pro *sinas* habent *siris*, id est, siveris: ut voluit Gronovius.

⁴⁰ *Tot enim sollemnes sunt*] Tot enim sunt jure fecialium præscripti dies, quos elabi necesse sit antequam bellum indicatur.

⁴¹ *Cum his*] His peractis.

⁴² *Quarum rerum*] Supple *gratia, causa*, hoc sensu: Quibus de rebus convenit patri patrato populi Romani cum patre patrato priscorum Latinorum, (in illo nempe fœdere, quod regnante Tulio ictum esse cum Latinis initio capitis hujus Livius memoravit) quas quidem res nec fecerunt . . . de iis dic, quid censes?

⁴³ *Consentio*] Supple *bellum*: i. e. mea sententia bellum indici et fieri decerno. Populus nempe jubebat bellum, senatus sentiebat, ut pa-

tet ex formula indicendi belli, quæ infra sequitur, et ex c. 6. l. VIII. *Consensit et senatus bellum.*

⁴⁴ *Bellum erat consensum*] Hanc optimam lectionem unius codicis a Gronovio inspecti audacter recepimus. *Bellum consensum* eadem figura dicitur, qua *bellum consentio, consensit et senatus bellum*. Participium autem *consensus* reperitur apud Gellium, l. XV. c. 26. Distinctionem quoque mutavimus eodem auctore Gronovio, et novæ periodi initium fecimus ab his verbis *fieri solitum*. Vulgati habent: *bellum erat consensu fieri solitum, ut fecialis*.

⁴⁵ *Hastam . . . sanguineam*] Vel e sanguineo frutice, de quo Plinius l. XVI. c. 18. vel sanguine cruentatam. Vid. Turneb. Advers. l. VIII. c. 23. et l. XI. c. 17.

populus Romanus Quiritium bellum cum priscis Latinis jussit esse, senatusque populi Romani Quiritium censuit, consensit, conscivit, ut bellum cum priscis Latinis fieret; ob eam rem ego populusque Romanus populis priscorum Latinorum hominibusque priscis Latinis bellum indico facioque. id ubi dixisset, hastam in fines eorum emittebat. Hoc tum modo ab Latinis repetitæ res, ac bellum indictum: moremque eum posteriores acceperunt.

XXXIII. Ancus, demandata cura sacrorum flaminibus sacerdotibusque aliis, exercitu novo conscripto profectus, Politorium, urbem Latinorum, vi cepit; secutusque morem ^{Bellum} regum priorum, qui rem Romanam auxerant hostibus in ^{cum Lati-} civitatem accipiendis, multitudinem omnem Romam tra-^{nia.} duxit. et, quum circa Palatium, sedem veterum Romanorum¹, Sabini Capitolium atque arcem, Coelium montem Albani inplessent; Aventinum novæ multitudini datum. ^{Aventinus} additi eodem haud ita multo post, Tellenis Ficanaque cap-^{mons addi-} tis, novi cives. Politorium inde rursus bello repetitum, ^{tus.} quod vacuum occupaverant prisci Latini. eaque causa di-ruendæ urbis ejus fuit Romanis, ne hostium semper receptaculam esset. Postremo, omni bello Latino Medulliam compulso, aliquamdiu ibi ⁴⁶ marte incerto, varia victoria, pugnatum est: nam et urbs tuta munitionibus, præsidioque firmata valido erat, et, castris in aperto positis, aliquoties exercitus Latinus cominus cum Romanis signa contulerat. Ad ultimam, omnibus copiis connisus, Ancus ⁴⁷ acie pri-⁴⁸ mum vincit: inde, ⁴⁹ ingenti præda potitus, Romam redit, tum quoque multis millibus Latinorum in civitatem accep-⁵⁰ tis; quibus, ut jungeretur Palatio Aventinum, ⁵⁰ ad Mur-^{Janiculum} ciæ datæ sedes. ^{urbi con-} Janiculum quoque adjectum; non inopia ^{junctum.}

¹ *veteres Romani* Gron. Crev.

⁴⁶ *Marte incerto, varia victoria]* Inanis repetitio. Dele duas postre-
mas voces, temere insertum glos-
sena.

⁴⁷ *Acie primum vincit]* Dion. l. III. captam ab Anco Medulliam scribit. Et vero ipse Livianæ narrationis contextus postulare videtur, ut indicetur, quid illa urbe fuerit factum: præsertim quum, nisi ejus mentio fiat, non satis appareat, quid hic opus sit *et primum*. Itaque suspicari fortasse possumus excidisse hic nonnullas voces, quibus captam eam Livius significaverat.

⁴⁸ *Ingenti præda potitus]* MSS. omnes Gronovii, *potens*: quibus adstipulantur quatuor regni nostri codices, et Sorbonicus, et Andreas. Eodem allu-

dit codex e Biblioth. Victorina, qui habet *petens*.

⁴⁹ *Ad Murcia]* Circa ædem Veneris Murciæ. *Murcia* quasi *Murtea*. *Murtea* autem primo dicta fuerat, vel quia myrtus Veneri sacra, vel a myrteto prope hanc ædem consito. Alii *Murciam* desidie deam fuisse volunt, quæ homines *murcidos*, sive ignavos faceret.

⁵⁰ *Janiculum]* Sic dictum, sive a Jano, qui ibi vel sit sepultus, vel habitaverit; sive, auctore Festo, quod per eum, tanquam per *januam*, populus Romanus transierit in agrum Etruscum. Id tum communiter ab Anco, non vere adjectum aut conjunctum urbi videtur. Vid. nott. 56. et 57. ad c. 10. et 51. l. II.

Imperii fi-
nes prolati.

U. C. 121.
A. C. 631.
L. Tarqui-
nius Ro-
mam venit.

Ejus genus
et fata.

loci, sed ne quando ea arx hostium esset. ⁵¹ id non muro solum, sed etiam, ob commoditatem itineris, ⁵² ponte sub-
licio, tum primum in Tiberi^u facto, conjungi urbi placuit.
Quiritium quoque fossa, haud parvum munimentum a
planioribus aditu locis, Anci regis opus est. Ingenti incre-
mento rebus auctis, quum in tanta multitudine hominum,
discrimine recte an perperam facti confuso, facinora clan-
destina fierent, carcer ad terrorem increscentis audaciæ
media urbe, imminens foro, ædificatur. Nec urbs tantum
hoc rege crevit, sed etiam ager finesque. Silva Mæsia Vei-
entibus ademta, usque ad mare imperium prolatum, et in
ore Tiberis Ostia² urbs condita: salinæ circa factæ,
egregieque rebus bello gestis, ædis³ Jovis Feretrii ampli-
cata.

XXXIV. Anco regnante, Lucumo, vir inpiger ac di-
vitiis potens, Romam con migravit, cupidine maxime ac spe
magni honoris, cujus adipiscendi Tarquiniis (nam ibi quo-
que peregrina stirpe oriundus erat) facultas non fuerat.
⁵³ Damarati² Corinthii filius erat; qui, ob seditiones domo
profugus, quum Tarquiniis forte consedisset, uxore ibi du-
cta, duos filios genuit. Nomina his Lucumo atque Aruns
fuerunt. Lucumo superfuit patri, bonorum omnium hæres:
Aruns prior quam pater moritur, uxore gravida relicta.
Nec diu manet superstes filio pater: qui quum, ⁵⁴ ignorans
norum ventrem ferre, inmemor in testando nepotis deces-
sisset, puero, post avi mortem in nullam sortem bonorum
nato, ab inopia Egerio inditum nomen. Lucumoni contra,
omnium hæredi bonorum, quum divitiæ jam animos face-
rent, auxit ducta in matrimonium Tanaquil, summo loco nata,

^u Tiberim Crev.

² Hostia Gron.

³ ædes Gron. Crev.

² Demarati Crev.

⁵¹ Id non muro solum] Intellige, non conjungi, quod sequitur, sed cingi, muniri, aut aliud quid simile. Non enim in urbem tunc inclusum fuit Janiculum, ut modo observavimus. Sæpe suppleri hoc modo aliquod verbum necesse est in oratione pluribus membris constante. Vid. not. 84. ad c. 67. l. III. infra.

⁵² Ponte . . in Tiberim facto] Sic habere veterem suum librum testatur Sigonius. Consensit Victorin. codex. Sic et Epitome: pontem in Tiberim fecit. Itaque judicavimus vulgatam lectionem in Tiberi ab iis esse, qui et supra c. 18. fecerant in capite Numæ, ubi emendavimus ex scriptis quamplurimis in caput.

⁵³ Demarati] De Demarati origine et casibus plura habet Dion. l. III.

⁵⁴ Ignorans norum ventrem ferre] Notabilis hic nobis locutio occurrit in duobus codicibus: ignorans norum ventrem. Verbum ferre in iis non comparet. Cogitent eruditi an non hæc vera sit Livii scriptura. certe hæc figura loquendi non sapit librarii manum. Et firmat Horatius, Epod. 17. Tuusque venter Pactumeius: id est, Pactumeius (hoc nomen erat ejus quem Canidia pro filio suo ostentabat) Pactumeius vere natus ex te est, ex utero tuo vere prodiit. Eodem modo usus est Tacitus appellatione uteri: Annal. l. I. c. 59. Subjectus servitio uxoris uterus; et XV. 23. Jam senatus uterum Poppæ commendaverat diis. Plura consimilia exempla collegit doctissimus Bentleius in nota ad Horatii locum modo memoratum.

et ⁵⁵ quæ haud facile iis, in quibus nata erat, humiliora sineret ea quæ innupsisset. Spernentibus Etruscis Lucumonem exsule, advena ortum, ferre indignitatem non potuit; oblitaque ingenitæ erga patriam caritatis, dummodo virum honoratum videret, consilium migrandi ab Tarquiniis cepit. Roma est ad id potissimum visa. in novo populo, ubi omnis repentina atque ex virtute nobilitas sit, futurum locum forti ac strenuo viro: regnasse Tatium Sabinum: arcessitum in regnum Numam a Curibus: et Ancum ⁵⁶ Sabina matre ortum, ⁵⁷ nobilemque una imagine Numæ esse. Facile persuadet, ut cupido honorum, et cui Tarquinii materna tantum patria esset. Sublatis itaque rebus commigrant Romanam. Ad Janiculum forte ventum erat. ibi ei, carpento sedenti cum uxore, aquila, suspensis demissa leniter alis, pileum aufert: superque carpentum cum magno clangore volitans, rursus, velut ministerio divinitus missa, capiti apte reponit. inde sublimis abiit. Accepisse id augurium læta dicitur Tanaquil, perita, ut vulgo Etrusci, coelestium prodigiorum mulier. Excelsa et alta sperare complexa virum jubet. ⁵⁸ eam alitem ea regione cœli et ejus Dei nunciam venisse. circa summum culmen hominis auspiciū fecisse. levasse humano superpositum capiti decus, ut divinitus eidem redderet. Has spes cogitationesque secum portantes, urbem ingressi sunt; domicilioque ibi comparato, L. Tarquinium ⁵⁹ Priscum edidit nomen^a. ⁶⁰ Romanis^b conspi-

^a nomen edidit Crev.

^b Jam et Romanis Gron. Crev.

⁵⁵ Quæ haud facile] Quæ haud æquo animo pateretur eam domum, in quam nubendo transierat, humiliorem esse ea unde orta erat. Gronovius ex certissima conjectura jussit legi quæ innupsisset, quum prius haberetur quæ innupsisset.

⁵⁶ Sabina matre] Perizonius Anim. Hist. c. 3. legi jubet Sabino patre: quum Sabina mater objici Anco non possit, ut quæ regis Numæ filia ingentem claritudinem filio conciliaret; quemadmodum hoc ipso loco Tanaquil agnoscit his verbis, nobilemque una imagine Numæ esse. Contra Sabinus pater recte objici Anco potest, homo peregrinus, nec ulla re notus, præterquam suo cum Pompilia matrimonio. Unde Seneca Ep. 108. Anci pater nullus: Numæ nepos dicitur.

⁵⁷ Nobilem . . una imagine] Ex solo avo Numa claritudinem ac nobilitatem trahere. Imagines majorum suorum in celebriore domus parte asservant Romani: non omnium tamen, sed eorum qui curulem magistratum gessissent, quorum posteri

nobiles nuncupabantur. Hinc imagines pro nobilitate. Quid sit autem curulis magistratus, vid. in not. ad c. 7. l. IV.

⁵⁸ Eam . . ea . . ejus] Per epiphonema. Magna illi portendi, sive spectaretur ea ales quæ auspiciū fecisset, sive ea regio cœli unde venisset, sive is deus, nempe Jupiter, cujus nuncia esset.

⁵⁹ Priscum] Sigonius existimat delendam esse hanc vocem. Longe enim verisimilius esse putat Tarquinium non cognominatum fuisse Priscum, nisi multis post annis, ut a Superbo, qui eodem nomine ac prænomine erat, distingueretur. Atque ita censet Dion. l. IV. Eam vocem ab uno e MSS. suis abesse testatur Hearnius.

⁶⁰ Jam et Romanis . . . et ipse quoque] Voculas jam et, ac quoque ignorat Andreas. Eas itidem abesse a sex membranis et primis editionibus affirmat Gronovius. Nec agnoscunt tres e nostris optimi. Et quid iis opus?

cum eum novitas divitiarumque faciebant: et ipse^c fortunam benigno adloquio, comitate⁶¹ invitandi, beneficiisque quos poterat sibi conciliando, adjuvabat; donec in regiam quoque de eo fama perlata est: notitiamque eam brevi, apud regem⁶² liberaliter dextreque obeundo officia, in familiaris amicitiae adduxerat jura, ut publicis pariter ac privatis consiliis⁶³ bello^d domique interesset: et, per omnia expertus, postremo tutor etiam liberis regis testamento institueretur.

Moritur
Ancus.

Tarquinius
regnum
ambit.

U. C. 138.
A. C. 614.
Eligitur.

XXXV. Regnavit Ancus annos quatuor et viginti, cuilibet superiorum regum belli pacisque et artibus et gloria par. Jam filii prope puberem aetatem erant. eo magis Tarquinius instare, ut quam primum comitia regi creando fierent. Quibus indictis, sub tempus pueros venatum ablegavit. isque primus et petisse ambitiose regnum, et orationem dicitur habuisse ad conciliandos plebis animos compositam:⁶⁴ *quum, se non rem novam petere: quippe qui non primus, quod quisquam indignari mirarive posset, sed tertius Romae peregrinus regnum adfectet: et Tatium non ex peregrino solum, sed etiam ex hoste, regem factum: et Numam, ignarum urbis, non petentem, in regnum ultro adcitum. Se, ex quo sui potens fuerit, Romam cum conjuge ac fortunis omnibus commigrasse: majorem partem aetatis ejus, qua civilibus officiis fungantur homines, Romae se, quam in vetere patria, vixisse. domi militiaeque⁶⁵ sub haud poenitendo magistro, ipso Anco rege, Romana se jura, Romanos ritus didicisse. Obsequio et observantia in regem cum omnibus, benignitate erga alios cum rege ipso certasse.* Haec eum haud falsa memorantem ingenti consensu populus Romanus regnare jussit. Ergo virum, cetera egregium, secuta, quam in petendo habuerat, etiam regnantem ambitio est. nec minus regni sui firmandi, quam augendae reipublicae memor,⁶⁶ centum in Patres legit; qui

^c et ipse quoque Gron. Crev.

^d belli Crev.

61 * *Invitandi*] Nempe ad coenam, ad epulas.

62 * *Liberaliter dextreque*] Eo modo qui et ingenuum ac nobilem hominem deceret, et solertem probaret. *Liberalis* est id quod homine libero dignum est.

63 *Belli domique*] Vulgo *bello domique*. Sed pro ea scriptura quam admisimus, faciunt duo e regiis codd. probatissimi, et solennis loquendi consuetudo.

64 *Quum, se non rem novam*] Eliminanda videtur particula *quum*, cui nihil est quod respondeat. Unus e nostris codd. habet *tum*; alius habuit, sed recentiore manu mutatum est in *cum*. Illud *tum* oriri potuit ex ultima

syllaba vocis *compositam*. Deleatur sive *tum*, ut superfluum, sive *cum*, ut turbans etiam orationis structuram.

65 * *Sub haud poenitendo magistro*] Sub magistro, cujus eum poenitere non debeat: idque dictum accipe *κατὰ λυσιτερίαν*, et idem valere puta, ac si dixisset: quem summo cum honore appellare possit; cujus discipulum fuisse sibi honori esse intelligat.

66 *Centum in Patres legit*] Plebeios homines centum, clarissimos quosque virtute factisque, primo in patriciorum ordinem, deinde in senatum allegit. Tunc trecentorum senatorum numerus expletus est, quum antea ducenti forent. Dion. l. III.

deinde ⁶⁷ minorum gentium sunt adpellati. factio haud dubis regis, cujus beneficio in curiam venerant. Bellum pri-
 mum cum Latinis gessit, et oppidum ibi Apiolas vi cepit: <sup>Bellum cum Latini-
 nis.</sup> prædaque inde majore, quam quanta belli fama fuerat, re-
 vecta, ludos opulentiùs instructiusque, quam priores reges,
 fecit. Tum primum ⁶⁸ circo, qui nunc maximus dicitur, <sup>Circus ma-
 ximus.</sup> designatus locus est. loca divisa Patribus equitibusque, ubi
⁶⁹ spectacula sibi quisque facerent; fori adpellati. Specta-
 vere ⁷⁰ furcis duodenos ab terra spectacula alta sustinenti-
 bus pedes. Ludicrum fuit equi pugilesque, ex Etruria
 maxime adciti. sollemnes deinde annui mansere ludi, Ro- <sup>Ludi Ro-
 mani.</sup> mani Magnique varie adpellati. Ab eodem rege et circa
 forum privatis ædificanda divisa sunt loca; porticus taber-
 naeque factæ.

XXXVI. Muro quoque lapideo circumdare urbem para-
 bat, quum Sabinum bellum coëptis intervenit. Adeoque ea <sup>Bellum
 cum Sabinis.</sup> subita res fuit, ut prius Anienem transirent hostes, quam
 obviam ire ac prohibere exercitus Romanus posset. Itaque
 trepidatum Romæ est. et primo dubia victoria magna
 utrinque cæde pugnatum est. Reductis deinde in castra
 hostium copiis, datoque spatio Romanis ad comparandum
 de integro bellum, Tarquinius, equitem maxime suis deesse
 viribus ratus, ad Ramnes, Titienses, Luceres, quas centu-
 rias Romulus scripserat, addere alias constituit, suoque insig-
 nes relinquere nomine. Id quia inaugurato Romulus fece-
 rat, negare Attus ⁷¹ Navius, inclitus ea tempestate augur, <sup>Attus
 Navius.</sup> neque mutari, neque novum constitui, nisi aves addixissent,
 posse. Ex eo ira regi mota, eludensque artem, (ut ferunt)
*Agedum, inquit, ⁷¹ divine tu, inaugura, fierine possit, quod nunc
 ego mente concipio.* Quum ille, in augurio rem expertus,
 profecto futuram dixisset; *Atqui hoc⁷² animo agitavi, inquit,
 te novacula cotem discissurum. cape hæc, et perage quod aves
 tuæ fieri posse portendunt.* tum illum haud cunctanter disci-
 disse cotem ferunt. ⁷² Statua Atti⁷³ capite velato, quo in loco
 res acta est, ⁷³ in comitio, in gradibus ipsis ad lævam curiæ

* *Acclis* Gron. Crev. † *hæc* Eæd. ‡ *Atti l. Accli posita capite etc.* Gron.

⁶⁷ * *Minorum gentium*] *Mimus* in-
 signum familiarum. Nempe *majorum
 gentium Patres* habiti et dicti sunt ii,
 qui originem ducebant ab iis quos
 Romulus ex primis Romanis, ac deinde
 ex Sabinis, etiam quos Tullus ex Al-
 banis in Patres legerat.

⁶⁸ *Circo*] Ejus descriptionem vid.
 apud Dion. l. III.

⁶⁹ *Spectacula*] *Sedilia* e quibus spec-
 tarent.

⁷⁰ * *Furcis duodenos*] E spectaculis,
 sive sedilibus, altis duodenos ab terra

pedes: quæ quidem sedilia furcis sus-
 tinebantur.

⁷¹ *Divine tu, inaugura*] *Andrææ*
 editio, omnium princeps: *Divine, in-
 inaugurato.*

⁷² *Statua Accli capite velato*] Dele-
 vimus verbum *posita*, quod Sigonius
 invexit; Gronovius in compluribus
 scriptis non comparere affirmat, qua-
 tuor regii nobis inspecti codices et
 Sorbonicus ignorant.

⁷³ * *In Comitio*] Comitium fuit pars
 fori Romani, cui nomen ab eo, quod

fuit : cotem quoque eodem loco sitam fuisse memorant, ut esset ad posteros miraculi ejus monumentum. Auguriis certe sacerdotioque augurum tantus honos accessit, ut nihil belli domique postea, nisi auspicato, gereretur : concilia populi, exercitus vocati, ⁷⁴ summa rerum, ubi aves non admisissent, ⁷⁵ dirimerentur. Neque tum Tarquinius de equitum centuriis quidquam mutavit : numero alterum tantum adjecit, ut ⁷⁶ mille et octingenti equites in tribus centuriis essent. ⁷⁷ Posteriores modo sub iisdem nominibus, qui additi erant, adpellati sunt : quas nunc, quia ⁷⁸ geminatæ sunt, ⁷⁹ sex vocant centurias.

Sabini funduntur.

XXXVII. Hac parte copiarum aucta, iterum cum Sabinis configitur. Sed præterquam quod viribus creverat Romanus exercitus, ex occulto etiam additur dolus, missis, qui magnam vim lignorum, in Anienis ripa jacentem, ardentem in flumen conjicerent : ventoque juvante accensa ligna, ⁸⁰ et pleraque, in ratibus inpacta, sublicis quum hærent, ⁸¹ pontem incendunt^b. Ea quoque res in pugna terrorem adtulit Sabinis. ⁸² Effusis eadem fugam inpediit : multique mortales, quum hostem effugissent, in flumine ipso periere : quorum fluitantia arma ad urbem cognita in Tiberi prius pene, quam nunciari posset, insignem victoriam fecere. Eo prælio præcipua equitum gloria fuit. utrimque ab cornibus positos, quum jam pelleretur media peditum suorum acies, ita incurrisse ab lateribus ferunt, ut non sisterent modo Sabinas legiones ferociter instantes cedentibus, sed subito

^b succendunt Gron. Crev.

illuc primum populus Romanus coire, sive ad Comitia convenire cæperat.

⁷⁴ * *Summa rerum*] Denique ea quæ in republica maximi momenti sunt.

⁷⁵ * *Dirimerentur*] Differrentur, rejicerentur in aliud tempus.

⁷⁶ *Mille et octingenti*] Quomodo duplicatus equitum numerus mille et octingentos dederit, non satis apparet. Romulus tres equitum centurias conscripsit, supra c. 13. Tullus (supra 30.) decem turmas ex Albanis legit : quæ, quum singulæ tricenis equitibus constarent, universæ trecentos efficiunt. Itaque, si Livium solum consulamus, sexcentos tantum equites ante Tarquinium habemus. Dionys. l. II. scribit mille ferme equites a Romulo relictos fuisse : qui numerus, cum iis quos Tullus addidit, justo major erit.

⁷⁷ *Posteriores*] Solummodo ii, qui additi erant, appellati sunt posteriores, sub iisdem tamen nominibus : ita ut Ramnenses, Titienses, Luceres poste-

riores dicerentur.

⁷⁸ *Geminatæ sunt*] Ex ordinatione Ser. Tullii, de qua infra c. 43.

⁷⁹ *Sex centurias*] Sic dictas *ἑξῆς*, quia omnium antiquissimæ. Huc refer *sex* illa *suffragia*, de quibus Festus.

⁸⁰ *Et pleraque in ratibus*] Quorum major pars in rates imposita erat. Quum tamen hunc pontem e ratibus fuisse scribat Dionysius, et ligna, quæ in eum Romani immiserunt, omnia, non tantum pleraque, scaphis fuisse delata, non aspernanda videtur Gronovii conjectura : *et pleraque ratibus inpacta sublicisque quum hærent.*

⁸¹ *Pontem*] Quem Sabini fecerant ad confluentes Tiberis et Anienis.

⁸² *Effusis*] Multo aptius esset, quod subjicit Jac. Gronovius, *et fusi*. *Fusi* enim recte opponuntur pugnantibus, non item *effusi*. Et similiter infra, VII. 33. *et fluere* coaluerat in *effluere*.

⁸³ in fugam averterent¹. Montes effuso cursu Sabini petebant, et pauci tenuere; maxima pars, ut ante dictum est, ab equitibus in flumen acti sunt. Tarquinius, instandum perterritis ratus, præda captivisque Romam missis, spoliis hostium (votum id Vulcano erat) ingenti cumulo accensis, pergit porro in agrum Sabinum exercitum inducere: et, quamquam male gesta res erat, nec gesturos melius sperare poterant, tamen, quia consulendi res non dabat spatium, iere obviam Sabini tumultuario milite. iterumque ibi fusi, perditis jam prope rebus, pacem petiere.

XXXVIII. Collatia, et quidquid ⁸⁴ circa Collatiam agri Collatia Sabiniis adempta. erat, Sabinis ademptum. ⁸⁵ Egerius (fratris hic filius erat regis) Collatiæ in præsidio relictus. deditosque Collatinos ita accipio, eamque deditionis formulam esse. Rex interrogavit: *Estisne vos legati oratoresque missi a populo Collatino, ut vos populumque Collatinum* ⁸⁶ *dederetis? Sumus. Estne populus Collatinus in sua potestate? Est.* ⁸⁷ *Deditisne vos, populumque Collatinum, urbem, agros, aquam, terminos, delubra, utensilia, divina, humanaque omnia, in meam populi que Romani ditionem? Dedimus. At ego recipio.* Bello Sabino ⁸⁸ perfecto, Tarquinius triumphans Romam rediit. inde priscis Latinis bellum fecit. ubi nusquam ad universæ rei Bellum cum Latinis. dicationem ventum est: ad singula oppida circumferendo arma, omne nomen¹ Latinum domuit. Corniculum, Ficulea² vetus, Cameria, Crustumerium, Ameriola, Medullia, Nomentum, hæc de priscis Latinis, aut qui ad Latinos defecerant, capta oppida. Pax deinde est³ facta. Majore inde animo pacis opera inchoata, ⁸⁹ quam quanta mole Pacis opera. gesserat bella: ut non quietior populus domi esset, quam militiæ fuisset. Nam et muro lapideo, cujus exordium operis Sabino bello turbatum erat, urbem, qua nondum munierat,

¹ verterent Gron.

² Sabino bello Gron. Crev.

³ nomen omne Eæd.

⁴ Ficuleas Eæd.

⁵ est del. Eæd.

⁸³ *In fugam averterent*] Sic quatuor regii codices et Sorbonicus: sic et complures Gronoviani. Vulgo *in fugam verterent*.

⁸⁴ *Circa Collatiam*] Scripti quamplurimi: *citra Collatiam*.

⁸⁵ *Egerius... Collatiæ in præsidio relictus*] In eam urbem imperium a patruo accepit, nullis nec juris nec temporis limitibus definitum. Atque inde ipsi et posteris Collatini cognomen. Dion. l. III.

⁸⁶ *Ut... dederetis*] Campani editio, *dedatis*: quod quidem magis placeret.

⁸⁷ *Deditisne vos populumque Collatinum*] Sigonius exturbaverat particulam *que*. Eam reposuimus, admo-

nente Jac. Gronovio, qui sic habere complures scriptos docet, quibus assentitur Campani editio, cum quatuor regiiis codd. et Sorbonico. Firmant quoque ea quæ præcedunt, *ut vos populumque Collatinum dedatis*.

⁸⁸ *Tarquinius triumphans*] Hæc prima apud Livium triumphi mentio occurrit. Et vero non desunt scriptores, qui Tarquinium hujus pompæ repertorem fuisse scribant: quanquam Dion. et Plut. ejus originem ad Romulum referunt. Brevis triumphi descriptio habetur infra, III. 29.

⁸⁹ *Quam quanta mole*] Quam quanta vi, quanto molimine, quanto apparatu bella gesserat.

cingere parat: et infima urbis loca circa forum aliasque interjectas collibus convalles, quia ex planis locis haud facile evehebant aquas, cloacis ⁹⁰ e fastigio in Tiberim ductis siccat: et aream ad ædem in Capitolio Jovis, quam voverat bello Sabino, jam præsagiente animo futuram olim amplitudinem loci, occupat fundamentis.

Servius
Tullius.

XXXIX. Eo tempore in regia prodigium visu eventumque mirabile fuit. Puero dormienti, cui Ser. Tullio nomen fuit, caput arsisse ferunt multorum in conspectu. Plurimo igitur clamore inde ad tantæ rei miraculum orto excitos ⁹¹ reges. et quum quidam ⁹² familiarium aquam ad restinguendum ferret, ab regina retentum: ⁹³ sedatoque eam tumultu, moveri vetuisse puerum; donec sua sponte experrectus esset. Mox cum somno et flammam abiisse. Tum abducto in secretum viro Tanaquil, *Viden' tu puerum hunc, inquit, quem tam humili cultu educamus?* ⁹⁴ *Scire licet hunc lumen quondam rebus nostris dubiis futurum, præsidiumque regiæ adflictae. proinde* ⁹⁵ *materiem ingentis publice privatimque decoris omni indulgentia nostra nutriamus.* Inde puerum liberum loco cœptum haberi, erudiri que artibus, ⁹⁶ quibus ingenia ad magnæ fortunæ cultum excitantur. Evenit facile, quod Diis cordi esset. Juvenis evasit vere indolis regiæ. nec, quum quæreretur gener Tarquinio, quisquam Romanæ juventutis ulla arte conferri potuit: filiamque ei suam rex despondit. Hic quacumque de causa tantus illi honos habitus, credere prohibet serva natum eum, parvumque ipsum servisse. Eorum magis sententiæ sum, qui, Corniculo capto, Ser. Tullii, qui princeps in illa urbe fuerat, gravidam viro occiso uxorem, quum inter reliquas captivas cognita esset, ob ⁹⁷ unicam nobilitatem ab regina Romana prohibitam ferunt servitio partum, Romæ edidisse Prisci Tarquiniiⁿ domo. Inde tanto beneficio et inter mu-

ⁿ in Prisci T . . . Gron. Crev.

⁹⁰ *E fastigio*] Gronovius a compluribus MSS. et vett. editis abesse testatur particulam *e*. Duo e nostris optimi eam habent, sed ante vocem *cloacis*. Legamus cum Gronovio *cloacis fastigio ductis*, i. e. per proclive ductis, ita ut totum opus a Tiberi flumine ad caput cloacarum in fastigium assurgeret.

⁹¹ *Reges*] Regem ac reginam.

⁹² *Familiarium*] Antiquæ pro servorum. Seneca Ep. 47. (Majores nostri) dominum, patremfamilia appellaverunt: servos, quod adhuc in minimis durat, familiares.

⁹³ *Sedatoque eam tumultu*] Sic dedit Gronovius ex conjectura: quam

tuentur duo ex MSS. Hearnii. Antea edebatur *sedatoque jam*.

⁹⁴ * *Scire licet*] Ex hoc prodigio intelligere possumus.

⁹⁵ * *Materiem ingentis*] Hunc puerum, qui magnum erit et reipublicæ, et domui nostræ decus.

⁹⁶ *Quibus ingenia*] Quorum ope homines eos spiritus concipiunt, ut possint magnam fortunam splendide ac decenter sustinere. *Cultus magnæ fortunæ* hic intelligitur de iis omnibus, quæ principibus viris dignitatem quandam et auctoritatem conciliant.

⁹⁷ * *Unicam*] Eximiam, præcellentem.

lires familiaritatem auctam, et puerum, ut in domo a parvo eductum, in caritate atque honore fuisse: fortunam matris, quod capta patria in hostium manus venerit, ut serva natus crederetur, fecisse.

XL. Duodequadragesimo ferme anno, ex quo regnare coeperat Tarquinius, non apud regem modo, sed apud Patres plebemque, longe maximo honore Ser. Tullius erat. Tum Anci filii duo etsi antea semper pro indignissimo habuerant, se patrio regno tutoris fraude pulsos, regnare Romæ advenam, ⁹⁸ non modo civicæ, sed ne Italicæ quidem stirpis; tum impensius ⁹⁹ his indignitas crescere, si ne ab Tarquinio quidem ad se rediret regnum, sed præceps inde porro ad servitia caderet: ut in eadem civitate post ¹ centesimum fere annum, quam Romulus Deo prognatus, Deus ipse, tenuerit regnum, donec in terris fuerit, id servus serva natus possideat. tum commune Romani nominis, tum præcipue id domus suæ dedecus fore, si, Anci regis virili stirpe salva, non modo advenis, sed servis etiam, regnum Romæ pateret. Ferro igitur eam arcere contumeliam statuunt. ² Sed et injuriæ dolor in Tarquinium ipsum magis, quam in Servium, eos stimulabat: et quia gravior ultor cædis, si superesset, rex faturus erat, quam privatus: tum, Servio occiso, quemcumque alium generum delegisset, eundem regni hæredem facturum videbatur. Ob hæc ipsi regi insidiæ parantur. Ex pastoribus duo ferocissimi delecti ad facinus, quibus consueti erant uterque agrestibus ferramentis, in vestibulo regiae, quam potuere tumultuosissime, specie rixæ in se omnes adparitores regios convertunt; inde, quum ambo regem adpellarent, clamorque eorum penitus in regiam pervenisset, vocati ad regem pergunt. Primo uterque vociferari, et certatim alter alteri obstrepere, coerciti ab lictore, et jussi ³ in vicem dicere, tandem obloqui desistunt. Unus rem ex composito orditur. Cum ^o intentus in eum se Tarquinius rex totus averteret, alter elatam securim in caput dejecit: ^{occiditur.} relictoque in vulnere telo, ambo se foras ejiciunt.

XLI. Tarquinium moribundum quum, qui circa erant, excepissent, illos fugientes lictores comprehendunt. clamor

^o Dum Gron. Crev.

⁹⁸ Non modo civicæ] Non modo non. Vid. infra, l. II. c. 23. et l. IV. c. 3.

⁹⁹ His indignitas crescere] His, filii Anci. Indignitas, indignatio: quemadmodum l. V. c. 45. Inde primam sceleratio sui, deinde indignitas, atque ex ea ira animos cepit.

¹ Centesimum fere] Centesimus jam et duodequadragesimus agebatur annus, ex quo Romulus decesserat.

Sed filii Anci consulto decurtant annorum numerum ad augendam invidiam ex ipsa temporum vicinitate.

² Sed et] Tres affert causas, cur regi potius ipsi, quam Servio, insidias paraverint; quas distinguuntur tribus hinc particulis Et, Et, Tum. Recte igitur admonet Gronovius expungendam esse voculam quia in hoc secundo membro et quia gravior.

³ In vicem] Alternatim.

Servius cu-
ram rerum
capessit.

U. C. 176.
A. C. 576.
Servius a
senatu reg-
nare jussus.

inde concursusque populi, mirantium quid rei esset. Tanaquil inter tumultum claudi regiam jubet, arbitros ejecit^p: simul, quæ curando vulneri opus sunt, tamquam spes subesset, sedulo comparat: simul, si destituat spes, alia præsidia molitur. Servio propere adcito quum pene exsanguem virum ostendisset; dextram tenens orat, ne inultam mortem soceri, ne socrum inimicis ludibrio esse sinat. *Tuum est, inquit, Servi, si vir es, regnum; non eorum, qui alienis manibus pessimum facinus fecere. Erige te, Deosque duces sequere, qui clarum hoc fore caput divino quondam circumfuso igni portenderunt. Nunc te illa cælestis⁴ excitet flamma. nuno expergiscere vere. Et nos peregrini regnavimus. Qui sis, non unde natus sis, reputa. Si tua re subita consilia torpent, at tu mea sequere.* Quum clamor inpetusque multitudinis vix sustineri posset, ex superiore parte ædium per fenestras, in novam viam versas, (habitabat enim rex⁵ ad Jovis Statoris) populum Tanaquil adloquitur: Jubet bono animo esse, ⁶ sopitum fuisse regem subito ictu. ferrum haud alte in corpus descendisse. jam ad se redisse. Inspectum vulnus, absterso cruore. omnia salubria esse. confidere prope diem ipsum eos visuros. Interim Ser. Tullio jubere populum dicto audientem esse. Eum jura redditurum, ⁷ obiturumque alia regis munia esse^q. Servius cum ⁸ trabea et lictoribus prodit; ac, sede regia sedens, alia decernit, de aliis consulturum se regem esse simulat. Itaque, per aliquot dies, quum jam exspirasset Tarquinius, celata morte, per speciem alienæ fuigendæ vicis suas opes firmavit. tum demum palam facto, et comploratione in regia orta, Servius præsidio firmo munitus, primus injussu populi, voluntate Patrum regnavit. Anci liberi, jam tum^r comprehensis sceleris ministris, ut vivere regem, et tantas esse opes Servii nunciatum est, Suessam Pometiam exsulatum ierant.

^p ejecit Gron. Crev,

^q esse del. Eæd.

^r tunc Eæd.

⁴ *Excitet expergiscere vere]* Eleganter alludit ad somnum illum ejusdem Servii pueri, de quo supra c. 39.

⁵ *Ad Jovis Statoris]* Ædem. Ellipsis usitatissima. Sic supra c. 33. *ad Murcia.*

⁶ *Sopitum]* Usu sensuum mentisque privatum, in deliquium animi lapsum. Sic infra, VIII. 6. *Impactus imo ita est saxo, ut sopiretur.*

⁷ *Obiturumque alia regis munia]* Parum interest. Sed tamen Jac. Gronovius annotavit quamplurimos scriptos apponere *esse*: quod exhibent quoque tres e nostris.

⁸ *Trabea]* Sueton. in libro de ge-

nere vestium, teste Servio ad VII. Æn. v. 612. tria dicit esse genera trabearum. Unum diis sacratum, quod est tantum de purpura. Aliud regium, quod est purpureum, habet tamen album aliquid. Tertium augurale, de purpura et cocco. *Trabea* nomen inde fuisse volunt, quod quibusdam velut *trabibus*, seu fasciis diversicoloribus distingueretur: quod tamen non convenit in eam quæ diis sacrata erat. Ea usi, post reges exactos, consules, sed raro ac certis occasionibus, manente saltem republica; triumphantes; augures; Equites, in transvectione equorum, Idibus Quintilibus,

XLII. Nec jam ⁸ publicis magis consiliis Servius, quam privatis, munire opes. et ne, qualis Anci liberum animus adversus Tarquinium fuerat, talis adversus se ⁹ Tarquinii liberum esset, duas filias juvenibus regiis, Lucio atque Arunti Tarquiniis, jungit. ¹⁰ Nec rupit tamen fati necessi- Filias Tar-
quiniis col-
locat. tatem humanis consiliis, quin invidia regni etiam inter domesticos infida omnia atque infesta faceret. Peropportune ad praesentis quietem status bellum cum Veientibus (¹¹ jam enim induciae exierant) aliisque Etruscis sumtum. In eo bello et virtus et fortuna enituit Tullii. fusoque ingenti hostium exercitu, haud dubius rex, seu Patrum, seu plebis animos periclitaretur, Romam rediit. ¹² Adgrediturque inde ad ¹³ pacis longe maximum opus. Ut, quemadmodum Numa divini auctor juris fuisset, ita Servium conditorum omnis in civitate discriminis ¹⁴ ordinumque, quibus inter gradus dignitatis fortunaeque aliquid interlucet, posterifama ferrent. ¹⁵ Censum enim instituit, rem saluberrimam U. C. 197.
A. C. 555.
Censum instituit. tanto futuro imperio: ex quo belli pacisque munia non viritim, ut ante, sed pro habitu pecuniarum fierent. Tum classes ¹⁶ centuriasque et ¹⁷ hunc ordinem ex censu descripsit, vel paci decorum, vel bello.

XLIII. Ex iis, qui centum millium ¹⁷ aëris, aut majore

¹⁷ ad del. Ræd.

⁸ *Publicis . . . consiliis*] Consiliis, quae ad parandas sibi publice, apud senatum, apud populum, vires spectarent. *Privatis*, quae privatas insidias, per domestica necessitudinum et affinitatum munimenta, praecaverent.

⁹ *Tarquinii liberum*] Vid. quae infra annotabimus ad c. 46.

¹⁰ *Nec rupit tamen fati necessitatem . . . , quia*] Fati necessitas potentior fuit humanis consiliis: nec potuit Servius impedire, quin . . .

¹¹ *Jam . . . induciae exierant*] Jamdudum exierant, si eas intelligantur induciae, quas in centum annos Romulus fecerat: quum ab ipsius morte centum jam et quadraginta anni effluerint. Dicamus ergo eas fuisse regnante Tullo instauratas. Vid. sup. c. 30.

¹² *Adgrediturque inde pacis longe maximum opus*] Sex codices Gronovio inspecti habent *ad pacis*: quibus accedunt duo e nostris. In eo, qui est omnium quos tractavimus antiquissimus, non exstat *ad*, sed aliquo spatio dividuntur voces *inde pacis*, ut appareat voculam illam erasam fuisse.

¹³ *Ordinumque*] Variorumque ordinum, in quos pro vario dignitatis fortunaeque gradu distributi cives, non jam permixti aut confusi, sed eleganter a sese mutuo distincti conspiciuntur.

¹⁴ *Censum . . . instituit*] Jussit cives omnes dare nomina, et aestimare pecunia possessiones suas, addito juramento, se vere illas et bona fide aestimasse; adscriptis ætatis annis, et parentum nominibus, atque etiam liberorum et conjugum; ad hæc, quam quisque regionem urbis, quemve pagum incolet. Censum quinto quoque anno exeunte agi debebat. Fuere et alia præclara Servii instituta, quae a Livio prætermissa fuisse memorat Dion. l. IV.

¹⁵ *Centurias*] Sic dictas, non a centenariio civium numero, quem omnes fortasse aliquanto, plerumque multis partibus excedebant; sed exemplo sumpto ab equestribus centuriis, quae initio centum equitibus constabant.

¹⁶ *Hunc ordinem*] Qui hodieque manet.

¹⁷ *Æris*] Assium. libralium. Igitur primæ classis census, si millesima

Classes.

rem, censum haberent, octoginta confecit centurias, quadragenas ¹⁸ seniorum ac juniorum. Prima classis omnes adpellati. Seniores, ad urbis custodiam ut præsto essent: juvenes, ut foris bella gererent. arma his imperata, galea, clipeum, ocreæ, lorica; omnia ex ære. hæc ut tegumenta corporis essent. tela in hostem, hastaque et gladius. Additæ huic classi ¹⁹ duæ fabrum centuriæ, quæ sine armis stipendia facerent. datum munus, ut machinas in bello ferrent. Secunda classis intra centum usque ad quinque et septuaginta millium censum instituta; et ex his, senioribus junioribusque, viginti conscriptæ centuriæ: arma imperata, ²⁰ scutum pro clipeo, et præter lorica omnia eadem. ²¹ Tertiæ classis in quinquaginta millium censum esse voluit. totidem centuriæ et hæ, eodemque discrimine ætatum, factæ: nec de armis quidquam mutatum; ocreæ tantum ademptæ. In quarta classe census quinque et viginti millium, totidem centuriæ factæ. arma mutata, ²² nihil præter hastam et verutum datum. Quinta classis aucta, centuriæ triginta factæ: fundas lapidesque missiles hi secum gerebant. ²³ in his ²⁴ accensi, cornicines, ²⁵ tibicinesque, in tres

æris ad argentum proportio servetur, aestimari poterit marcis, seu selibris argenti Parisiensibus 156. cum duabus uncis: secundæ, 117. cum tribus semunciis: tertiæ, 78. cum una uncia: quartæ, 39. cum una semuncia: quintæ, 17. cum tribus semunciis. Rationes hujus estimationis attulimus in disputatione de ponderibus et pecuniis. Ille autem census intelligendus est, non de redditu annuo, sed de sorte ipsa bonorum uniuscujusque classis.

18 *Seniorum*] Qui sextum et quadragessimum ætatis annum attigissent. *Juniorum*, a decimo septimo ætatis anno ad quadragessimum sextum. Vid. A. Gell. l. X. c. 28. Hæc de re accurate disputat Lipsius l. I. de Militia Rom. Dial. 2.

19 *Duæ fabrum centuriæ*] Has Dionysius secundæ classi, verius fortasse, attribuit.

20 *Scutum pro clipeo*] Clypeus rotundus et brevior. Scutum, teste Polyb. l. VI. formæ oblongæ, quatuor pedes longum, latum duos cum semisse, ut totum corpus protegeret: ideoque datum secundæ classi, quæ lorica non haberet. Posteaquam Romani milites stipendium de publico accipere, scuta omnibus data fuisse auctor est Liv. VIII. 8.

21 *Tertiæ classis*] *Tertius classis*

centurias in, id est usque ad quinquaginta millium censum esse voluit. Vox centurias hic supplenda est, quomodo centuriæ infra, ut secundæ classis vocarentur. Possis quoque debere voculam in.

22 *Nihil præter hastam et verutum*] Probabilius arma assignat Dionysius huic classi, scutum, hastam, et gladium. Neque enim verisimile videtur duas classes, et quidem numerosissimas, levi armaturæ attributas fuisse. Et fortasse hic pro verutum legendum est scutum.

23 *In his*] In harum triginta centuriarum numero inclusi. Sic enim tota universarum centuriarum summa numerum imparem servabit: quod Servium voluisse verisimile est, ut ultima centuria sperare posset futurum, ut divisis æqualiter in duas partes ceterarum omnium sententiis, suffragio suo res tota inclinaretur. Id enim etsi vix, ac ne vix quidem futurum erat, tamen spes illa omnino præcidenda infimæ plebi non fuit, ut melius acciperet immutatum suffragiorum ordinem. Dionysius, nulla accensorum facta mentione, duas cornicinum tubicinumque centurias addit triginta hujusce classis centuriis.

24 *Accensi*] Quinam hi sint accensi in unam peculiarem centuriam com-

centurias distributi. ²⁶ Undecim millibus hæc classis censebatur. Hoc minor census reliquam multitudinem habuit. inde una centuria facta est immunis militia. Ita pedestri exercitu ornato distributoque, equitum ex primoribus civitatis duodecim scripsit centurias. ²⁷ Sex item alias centurias tribus ab Romulo institutis sub iisdem, quibus inauguratæ erant, nominibus fecit. Ad equos emendos ²⁸ dena millia æris ex publico data; ²⁹ et, quibus equos alerent, viduæ adtributæ, quæ bina millia æris in annos singulos penderent. Hæc omnia in dites a pauperibus inclinata onera. Deinde est honos additus. non enim (ut ab Romulo Suffragia, traditum ceteri servaverant reges) viritim suffragium eadem vi eodemque jure promiscue omnibus datum est: sed gradus facti, ut neque exclusus quisquam suffragio videretur, et vis omnis penes primores civitatis esset. Equites enim vocabantur primi; octoginta inde primæ classis centuriæ: ibi ³⁰ si variaret, quod raro incidebat, ut secundæ classis vocarentur: nec fere umquam infra ita descenderent, ut ad infimos pervenirent. ³¹ Nec mirari oportet, hunc ordinem,

tributi, haud facile est discernere. *Accensæ* colligitur ex Festo in vocibus *Adcensi* et *Adscriptiti*, et ex Varrone, l. III. de vita pop. Romani, dictos eos fuisse, qui legionibus adscribi et accenseri solerent, extra numerum censumque legionum, ut in demortuorum locum subrogarentur, interim inter leviter armatos pugnaturi. Hinc *accensæ* in legione commemorat Livius, VIII. 8. qui leviter armati erant, et in postremam aciem rejiciebantur. Ex his quoque dabantur adjutores centurionibus, teste eodem Varrone ibidem. Nominabantur *accensi* sive *edcensi*, propterea quod ad censum legionum additi forent. Sed hic quaerimus speciale aliquod ministerium, quod qui exercerent, possent cum cornicinibus tubicinibusque comparari. *Accensi* etiam fuere in magistratuum apparitoribus, ducto, ut videtur, et nomine, et ipsa re ab *accensæ* illis militaribus. Videndum an credi debeat hoc, qui et imperatorum in bello et magistratuum in urbe imparis exequendis præsto essent, fuisse in usum peculiarem centuriam conjectos, et de his hoc loco agere Livium.

²⁵ *Tubicines*] Magis placeret *tubictæ*. Dionys. habet *Σάλευροι*.

²⁶ *Undecim millibus*] Dionysius, duodecim millibus et quingentia.

²⁷ *Sex item*] Præter duodecim superiores centurias equitum, sex item

alias fecit e tribus ab Romulo institutis. Eadem tamen illa nomina servavit, quibus inauguratæ erant. Itaque dicebantur Ramnenses primi, Ramnenses secundi; Titienses primi, &c. quod diserte docet Festus.

²⁸ *Dena millia æris*] Quæ aestimari possunt marcis argenti 16. cum quinque uncia. *Una millia æris*, 8. cum una uncia.

²⁹ *Et quibus equos alerent, viduæ attributæ*] Quis unquam sic locutus est? *viduæ quibus alerent equos*. Recte Gronovius videtur reponere: *et qui equos alerent*, id est, ut haberent in sumptum, quo alerent equos. Sic Cicero, l. XI. ad Att. ep. 11. *ut sis qui utamur*, et XIII. 28. *habere qui utar*.

³⁰ *Si variaret*] Si in diversas partes irent prima illa suffragia . . . , mos fuit, sive oportebat, ut secundæ classis centuriæ vocarentur. Sin autem consentirent octodecim equitum, et octoginta primæ classis centuriæ, nihil jam opus erat reliquas classes ad suffragium vocari. Fuerunt enim omnino ad Livii mentem centuriæ 191. ex Dionysii autem sententiâ, 198. Utroque autem modo prima classis sola cum equitum centuriis ceteras omnes classes numero suffragiorum vincebat.

³¹ *Nec mirari oportet*] Nec mirari oportet hanc centuriarum descriptionem, quæ nunc est, non quadrare ad

qui nunc est, post expletas quinque et triginta tribus, ³² duplicato earum numero, centuriis juniorum seniorumque, ad

centurias seniorum juniorumque secundum institutam ab Servio summam, postquam, expletis quinque et triginta tribubus, prope duplicatus est earum, nempe tribuum, numerus. Servius enim, quadrifariam urbe divisa regionibus collibusque, tribus appellavit eas partes, quæ habitabantur: ita ut hæc Servianæ tribus regionibus et locis descriptæ sint, non etiam generibus hominum, quorum habita ratio fuerat in antiquis tribubus Ramnensium, Titiensium, Luce-rum. (Vid. not. 96. ad c. 13. supra.) Tribus igitur a Servio institutæ nihil quidquam ad centuriarum distributionem numerumque initio pertinere. At postea in iis centuriæ inclusæ sunt. Unde factum est, ut aucto tribuum numero, augeri necesse fuerit et centuriarum numerum. His autem tribubus, in quas urbs divisa erat, quæque ideo urbanæ dicebantur, nomina indidit Servius ducta a regionibus urbis, quæ unicuique assignatæ erant: Palatinamque, Suburbanam, Collinam, et Esquilinam vocavit.

32 *Duplicato*] Quatuor tribus urbanas instituit Servius. Universum quoque agrum Romanum pariter divisit: quot vero in partes, non satis inter auctores constat. Ceterum, quum Livius tribus unam et viginti factas scribat anno u. c. 259. l. II. c. 21. adjecta tum, ut videtur, Claudia tribu, nec antea mentionem fecerit aucti tribuum numeri; eundemque tribuum numerum appellet in iudicio Coriolani Dionysius, l. VII. admodum verisimile est viginti tribus a Servio relictas: quo ex numero si demas urbanas quatuor, efficitur rusticas tribus sexdecim initio fuisse. Quæ autem tribus, quum initio viginti fuerint, ad quinque et triginta postea excrevere, earum haud immerito dici potest duplicatus quodammodo numerus.

Explicatis jam singulis pene difficillimi hujus loci vocibus, explanandum superest, quid sit id quod hic paucissimis verbis, atque adeo obscure a Livio indicatur. Ceterum, ut in re pervetusta, cuiusque levia admodum apud antiquos scriptores vestigia extent, expectandum non est, ut plana omnia et aperta faciamus.

Si qua in eam rem aut certa plane, aut saltem probabilia ex veterum monumentis eruerunt doctissimi viri, Sigonius, Gruchius &c. ea afferemus. Primo igitur docet Livius institutum ab Servio circa centurias, et classes, et comitia centuriata, ordinem immutatum postea fuisse: quod idem testatur Dionysius, qui etiam addit mutationem illam ejusmodi fuisse, ut rem in causam plebis inclinaret. 2º. Ex verbis Livii colligere possumus illam mutationem ex eo ortam esse, quod, centuriis in tribus postmodum inclusis, augeri non potuerit tribuum numerus, quin simul et centuriarum numerus augeretur. Quod quidem centuriæ factæ sint tribuum partes, id aliunde etiam probatur: tum ex eo quod quæ centuriæ a Livio appellantur, (XXIV. 7. Aniensis juniorum: XXVI. 22. Veturia juniorum, et Veturia seniorum: XXVII. 6. Galeria juniorum) eæ omnes tribubus sint cognomines: tum ex eo quod passim in comitiis centuriatis mentio occurrit tribuum; ut apud nostrum, l. V. c. 18. apud Cic. IIª. Agraria, n. 4. tum ex eo denique, quod Cicero pro Plancio, n. 49. centuriam vocet partem tribus. 3º. Probabile videtur non ita auctum esse centuriarum numerum, ut singulæ classes pro portione crescerent: sed additamentum illud ita divisum fuisse, ut prima classis suffragiorum numero reliquas universas vincere desineret. Id suadere videtur locus insignis e Phil. IIª. n. 82. in quo Cicero narrat Dolabellæ comitiis non primam modo, sed et secundam classem ad suffragia vocatam fuisse. Admodum enim verisimile est his comitiis nullam varietatem in suffragiis primæ classis fuisse, quum dictator Cæsar Dolabellam consulem esse juberet, ut Cicero testatur ejusdem orationis n. 80. Si ergo his temporibus prima classis plures centurias etiamnum habuisset, quam ceteræ quatuor universæ, nihil fuisset opus, ut secunda classis in suffragia mitteretur. 4º. De tempore, quo centuriæ ad tribuum divisionem traductæ fuere, nihil certi afferre possumus: nisi quod hæc mutatio facta videtur esse ante annum u. c. 358, quo Livius in comitiis centuriatis jure-vocatarum tribuum mentionem

institutam ab Ser. Tullio summam non convenire. quadrifariam enim urbe divisa regionibus collibusque, quæ habitabantur partes, Tribus eas adpellavit; ut ego arbitror, ab tributo: nam ejus quoque æqualiter ex censu conferendi ab eodem inita ratio est. Neque hæ tribus ad centuriarum distributionem numerumque quidquam pertinere.

XLIV. Censu perfecto, quem maturaverat metu legis ^{Servius lustrum condit.} de ³³ incensis latæ cum vinculorum minis mortisque, edixit, ut omnes cives Romani, equites peditesque, in suis quisque centuriis, ³⁴ in campo Martio prima luce adessent. Ibi instructum exercitum omnem ³⁵ suovetaurilibus lustravit. idque conditum lustrum adpellatum, quia is censendo finis factus est. Millia octoginta eo lustro civium censa dicuntur. Adjicit ³⁶ scriptorum antiquissimus Fabius Pictor, ^{Numerus civium.} eorum, qui ferre arma possent, eum numerum fuisse. Ad eam multitudinem urbs quoque amplificanda visa est. Addit duos colles, Quirinalem Viminalemque. inde ³⁷ deinceps ^{Urbs amplifcata.} ³⁸ auget Esquilias: ibique ipse, ut loco dignitas fieret, habitat. Aggere et fossis et muro circumdat urbem. ita

facit, l. V. c. 18. 5°. Denique, si quis quærat, quonam modo centuriæ in tribubus includi potuerint, quum centuriæ ex censu, tribus ex regionibus descriptæ essent; respondebimus nullius non ordinis ac census homines in unaquaque tribu fuisse, quum tribus non generibus hominum, sed regionibus descriptæ essent. Igitur quicumque in Palatina tribu, v. g. censum primæ classis haberent, ii in duas aut plures centurias distribuebantur: similiter ii qui secundæ, tertiæ &c. classium censum haberent. At rem ulterius persequi, numerumque centuriarum in unaquaque tribu inclusarum statuere velle, prorsus divinare est. Fuit et alia mutatio circa suffragiorum ordinem, sed quæ nihil ad hunc locum pertineat. Vid. c. 18. l. V.

³³ *Incensis*] Iis qui censi non fuissent.

³⁴ *In campo Martio*] In agro urbem inter et Tiberim sito: quem postea campum Martium appellatum fuisse Livius memorat, II. 5. Vid. quæ annotabimus ad hunc locum.

³⁵ *Suovetaurilibus*] Circumductis ter circum exercitum verre, ariete, tauro; deinde Marti immolatis. Pro verre Dionysius habet hircum. Sed eum refellere videtur ipsa *suovetaurilibus* appellatio. Supra c. 28. mentio jam facta est lustralis sacrificii, quod

fortasse idem est cum his *suovetaurilibus*. Alia reperitur appellatio hujus sacrificii, *solitaurilia*: qua de voce vid. Festum.

³⁶ *Scriptorum antiquissimus Fabius Pictor*] Eorum qui historiam apud Romanos scripsere, antiquissimus: qui tamen recens admodum auctor videbitur, si comparetur ad primordia urbis Romæ. Vixit enim secundi Punici belli temporibus, ut testatur Livius infra, XXII. 7. Scripsisse eum Græce tradit Dionys. l. I. Latine, docet Cicero, II. de Or. 53. et I. de Leg. 6. ut videatur utraque lingua idem argumentum tractasse. Eum plus æquo favisse Romanis in historia, et interdum studiosiorem fuisse patriæ, quam veritatis, arguit Polyb. I. 14. et III. 8. et 9. Ceterum, etsi nemo ante eum Romanus justam historiam condiderat, tamen Fasti, Commentarii, Annales a pontificibus componebantur, de quibus vid. nostrum, IV. 3. et ea quæ ibi annotabimus.

³⁷ *Deinceps*] Continuo ordine. Rtenim mons Esquilinus Viminali proximus est.

³⁸ *Auget Esquilias*] Additis ædificiis et incolis. *Esquilias* autem fortasse appellationem acceperant ab *Esculis*, quomodo mons *Viminalis*, idemque *Fagutalis*, a *viminibus* et *fugis*; itemque mons *Querquetulanus*, qui postea *Cælius*, a *querquetis*.

poncerium profert. Poncerium, verbi vim solam intuetur, ³⁹ postmcerium interpretantur esse. Est autem magis circa murum locus, quem in condendis urbibus quondam Etrusci, qua murum ducturi erant, certis circa terminis inaugurato consecrabant: ut neque interiore parte ædificia ⁴⁰ mœnibus continuarentur, quæ nunc vulgo etiam ⁴¹ conjungunt; et extrinsecus puri aliquid ab humano cultu pateret soli. Hoc spatium, quod neque habitari, neque arari fas erat, non magis quod post murum esset, quam quod murus post id, poncerium Romani adpellarant. et in urbis incremento semper, quantum mœnia processura erant, tantum termini hi consecrati proferebantur.

Communia
sacra Rom.
et Latino-
rum.

XLV. Aucta civitate magnitudine urbis, formatis omnibus domi et ad belli et ad pacis usus, ne semper armis opes adquirerentur, consilio augere imperium conatus est, simul et aliquod addere urbi decus. Jam tum erat inclitum Dianæ Ephesiæ fanum: id communiter a civitatibus Asiæ factum fama ferebat. Quum consensum Deosque consociatos laudaret mire Servius inter procures Latinorum, cum quibus publice privatimque hospitia amicitiasque de industria junxerat; sæpe iterando eadem perpulit tandem, ut ⁴² Romæ fanum Dianæ populi Latini cum populo Romano facerent. Ea erat confessio, caput rerum Romam esse, de quo toties armis certatum fuerat. ⁴³ Id quamquam omisum jam ex omnium cura Latinorum, ob rem toties infelicitè tentatam armis, videbatur; uni se ex ⁴⁴ Sabinis fors dare visa est privato consilio imperii recuperandi. Bos in Sabinis nata cuidam patrifamiliæ dicitur, miranda magnitudine ac specie. Fixa per multas ætates cornua in vestibulo templi Dianæ monumentum ei fuere miraculo. Habita, ut erat, res prodigii loco est: et cecinere vates, cujus civitatis eam civis ⁴⁵ Dianæ immolasset, ibi fore im-

Bos insignis
magnitudi-
nis macta-
ta.

¹ et del. Gron. Crev.

³⁹ *Postmcerium interpretantur esse*] Læge divisim cum Perizonio, *post mærum*, sive *murum*. Antiqui enim pro littera *æ* usurpabant interdum *æ*: scribebantque *cæruerant* pro *curaverant*. Ceterum emendatio Perizonii omnino videtur necessaria. Non enim negat Livius *poncerium* dictum esse quasi *postmcerium*: sed contendit ea voce designari locum circa murum, tam cum post quem murus esset, quam qui post murum.

⁴⁰ *Mœnibus continuarentur*] Prepe muros extruerentur.

⁴¹ *Conjungunt*] Ita jungunt, ut mœnia urbis sint privatarum ædium partes: unde fiebat, ut Augusti sero

hand facile esset ea dignoscere, teste Dion. l. IV.

⁴² *Romæ*] In Aventino, ut docet Dion. ibid.

⁴³ *Id quamquam omisum*] Id quamquam videbantur jam omnes Latini ex animo curaque omisisse, nec amplius de principatu cum Romanis velle contendere.

⁴⁴ *Sabinis*] Qui, non secus ac Latini, et de imperio cum Romanis certaverant, et spem jam omnem abiecerant.

⁴⁵ *Dianæ immolasset*] Aventinensi, ut docet Vul. Max. VII. 3. Ideo bovem Sabinus Romam adduxit.

perium; idque carmen pervenerat ad antistitem fani Dianæ. Sabinus, ⁴⁶ ut prima^a apta dies sacrificio visa est, bovem Romam actam deducit ad fanum Dianæ, et ante aram statuit. Ibi antistes Romanus, quum eum magnitudo victimæ celebrata fama movisset, memor responsi Sabinum ita adloquitur: *Quidnam tu, hospes, paras?* inquit, ⁴⁷ *inceste sacrificium Dianæ facere? Quin tu ante vivo perfunderis flumine? Infima valle præfluit Tiberis.* Religione tactus hospes, qui omnia, ut prodigio responderet eventus, cuperet rite facta, ex templo descendit ad Tiberim. Interea Romanus inmolat Dianæ bovem. id mire gratum regi atque civitati fuit.

XLVI. Servius, quamquam jam usu haud dubium^x regnum possederat, tamen, quia interdum jactari voces a juvene Tarquinio audiebat, se injussu populi regnare, conciliata prius voluntate plebis, agro capto ex hostibus viritim diviso, ausus est ferre ad populum, *vellent, juberentne, se regnare?* tantoque consensu, quanto haud quisquam alius ante, rex est declaratus. Neque ea res Tarquinio spem ⁴⁸ adfectandi regni minuit: immo eo inpensius, quia ⁴⁹ de agro plebis ⁵⁰ adversa Patrum voluntate senserat agi, criminandi Servii apud Patres, crescendique in curia sibi occasionem datam ratus est, et ipse juvenis ardentis animi, et domi uxore Tullia inquietum animum stimulante. Tulit enim et Romana regia sceleris tragici exemplum, ut tædio regum maturior veniret libertas; ultimumque regnum esset, quod scelere partum foret. Hic L. Tarquinius (Prisci Tarquinii regis filius neposne fuerit, parum liquet; pluribus tamen auctoribus ⁵¹ filium ediderim) fratrem habuerat Aruntem Tarquinium, mitis ingenii juvenem. His duobus,

L. Tarquinius regnum adfectat.

^a primum Gron. Crev.

^x dubie Eæd.

⁴⁶ *Ut primum apta dies*] Quinque MSS. ut prima, teste Gronovio. Assentiuntur duo e nostris.

⁴⁷ *Inceste*] Non caste, non pure. Vox sacrorum propria.

⁴⁸ *Affectandi*] Non concupiscendi; quid enim est spes concupiscendi regni? sed occupandi. Non abe simili sensu Terentius et Virgilius dicunt *afsectare viam pro tenere viam*.

⁴⁹ *De agro plebis adversa Patrum voluntate . . . agi*] Offensos esse animos Patrum, quum ageret apud eos Servius de dividendo plebi agro.

⁵⁰ *Adversa Patrum voluntate*] Hanc sermonis elegantiam reddidit Livio Gronovius ex duobus scriptis. Alludunt quatuor e nostris, qui habent *adversam Patrum voluntatem*. Ante Gronovii emendationem edebatur *adversum Patrum voluntatem*.

⁵¹ *Filium ediderim*] Inviète probat Dionysius illum Tarquinii Prisci nepotem fuisse, non filium. Varis enim argumentis colligit necesse esse, ut quum Priscus interfectus est, ipse quidem octogenarius ad minimum esset, Tanaquil vero 75. annos nata. Unde efficitur L. Tarquinium, qui fratrem natu minorem Aruntem habuit, debuisse procul dubio, si Prisci Tarquinii filius dicatur, esse 27. annorum, quum Priscus occisus est: quum ipse regnare occæpit, 71. quum Roma expulsus, 96. quum obiit, 110. annorum: quæ profecto omnia nemini probari possint. Suspiciatur Dionysius inde natum esse eorum errorem, quos hic auctores sequitur Livius, quod fortasse Priscus nepotes suos adoptaverit. Hæc fuse tractata vide apud Dion. circa initia l. IV.

Tulliae ambitio.

ut ante dictum est, duæ Tulliae, regis filiae, nupserant, et ipsæ longe dispares moribus. Forte ita inciderat, ne duo violenta ingenia matrimonio jungerentur, fortuna, credo, populi Romani, quo diuturnius Servii regnum esset, constituique civitatis mores possent. Angebatur ferox Tullia, ⁵² nihil materiae in viro neque ad cupiditatem, neque ad audaciam esse; tota in alterum versa Tarquinium, eum mirari, eum virum dicere, ac regio sanguine ortum: spernere sororem, quod virum nacta muliebri ⁵³ cessaret audacia, ⁵⁴ Contrahit celeriter similitudo eos, ut fere fit malum malo aptissimum. sed initium turbandi omnia a femina ortum est. Ea, secretis viri alieni adsuefacta sermonibus, nullis verborum contumeliis parcere, ⁵⁵ de viro ad fratrem, de sorore ad virum; et se rectius ⁵⁶ viduam, et illum coelibem futurum fuisse contendere, quam cum impari jungi, ut elanguescendum aliena ignavia esset. Si sibi eum, quo digna esset, Dii dedissent virum, domi se propediem visuram regnum fuisse, quod apud patrem videat. Celeriter adolescentem suæ temeritatis inplet. Aruns Tarquinius et ⁵⁷ Tullia minor prope continuatis funeribus quum domos vacuas novo matrimonio fecissent, ⁵⁸ junguntur nuptiis, magis non prohibente Servio, quam adprobante.

Nubit sororis viro.

Violenta ejus consilia.

XLVII. Tum vero in dies ⁵⁹ infestior Tullii senectus, infestius coepit regnum esse. jam enim ab scelere ad ⁶⁰ aliud spectare mulier scelus: nec nocte, nec interdiu virum conquiescere pati, ne gratuita præterita parricidia essent. *Non sibi defuisse, ⁶¹ cui nupta diceretur, nec cum quo tacita serviret:*

7 ad del. Gron. Crev.

⁵² * *Nihil materiae*] Nihil in viri ingenio reperiri ex illo habitu mentis, qui velut materia est ad cupiditatem, ad audaciam inflammari facilis; qui, ad cupiditatem, ad audaciam excitari et incendi facile potest.

⁵³ *Cessaret audacia*] Cessaret ab audacia, careret audacia. Eodem modo supprimit præpositionem Lucanus l. IV. v. 24.

Prima dies belli cessavit Marte cruento.

Possumus tamen suspicari Livium scripsisse a muliebri cessaret audacia; ac præpositionem ob id intercidiisse, quod vox præcedens nacta eadem littera finiatur. Porro non est quod quisquam miretur a muliere supra modum audaci audaciam haberi mulierum propriam.

⁵⁴ *Contrahit celeriter*] Eos similitudo, quod vulgo accidit, celeriter contrahit, utpote aptissimos sibi invicem, quia uterque malus.

⁵⁵ *De viro ad fratrem*] Supple viri. De sorore ad virum, supple sororis.

⁵⁶ *Viduam*] Vidua, si jurisconsultis credamus, non ea solum dicitur, quæ viro orbata est, sed et ea quæ nunquam nupsit.

⁵⁷ *Tullia minor*] Major, ex Dionysii sententia, qui Tulliam majorem majori Tarquinio Lucio, minorem minori Arunti nupsisse tradit.

⁵⁸ *Junguntur*] L. Tarquinius et Tullia altera.

⁵⁹ *Infestior*] Audacius impugnata. Præsentius jam ei coepit periculum impendere.

⁶⁰ *Aliud spectare*] Campanus, Andreas, et aliquot Gronovii codices ad aliud. Accedunt quatuor e nostra.

⁶¹ * *Cui nupta diceretur*] Observa verbum diceretur. Cujus hæc vis est, ut Tullia se cum impari junctam, nomine tenus, non re nuptam fuisse existimet.

desuisse, qui se regno dignum putaret: qui meminisset, se esse Prisci Tarquinii filium; qui habere, quam sperare regnum mallet. Si tu is es, cui nuptam esse me arbitror, et virum et regem adpello: sin minus, eo nunc pejus mutata est res, quod ⁶² isthic cum ignavia est scelus. Quin adcingeris? Non tibi ab Corintho, nec ab Tarquiniis, ut patri tuo, ⁶³ peregrina regna moliri necesse est. Dii te penates patriique, et patris imago, et domus regia, et in domo regale solium, et nomen Tarquinium creat vocatque regem. Aut si ad hæc parum est animi, quid frustraris civitatem? quid te ut regium juvenem ⁶⁴ conspici sinis? Facesse hinc Tarquinius, aut Corinthum. ⁶⁵ Devolvere retro ad stirpem, fratri similior, quam patri. His aliisque increpando juvenem instigat, nec conquiescere ipsa potest: si, quum Tanaquil, peregrina mulier, tantum moliri potuisset animo, ut duo continua regna viro, ac deinceps genero, dedisset; ipsa, regio semine orta, ⁶⁶ nullum momentum in dando adimendoque regno faceret. His muliebribus instinctus furis Tarquinius circumire et prensare², ⁶⁷ minorum maxime gentium, Patres; admonere paterni beneficii, ac pro eo gratiam repetere; adlicere donis juvenes: tum de se ingentia pollicendo, tum regis criminibus omnibus locis crescere. postremo, ut jam agendæ rei tempus visum est, stipatus agmine armatorum, in forum inrupit; inde, omnibus perculsis pavore, in regia sede pro curia sedens, Patres in curiam per præconem ad regem Tarquinium citari jussit. Convenere extemplo, alii jam ante ad hoc præparati, alii metu, ⁶⁸ ne non venisse fraudi esset, novitate ac miraculo adtoniti, et jam de Servio actum rati. Ibi Tarquinius, maledicta ⁶⁹ ab stirpe ultima orsus; Servum, servoque natum, post mortem indignam parentis sui, non interregno, ut antea, inito, non comitiis habitis, non per suffragium populi, non auctoribus Patribus, muliebri dono regnum occupasse. Ita natum, ita creatum regem, fautorem infimi generis hominum, ex quo ipse sit, odio alienæ honestatis ereptum primoribus agrum sordidissimo cuique divisisse: omnia onera, quæ communia quondam fuerint, inclinasse

L. Tarquinius regnum invadit.

² prehensare Eæd.

⁶² * Isthic] In te. Pronomen iste, et quæcumque vocabula ab eo originem trahunt, respiciunt sæpe eam quam Grammatici vocant secundam personam.

⁶³ * Peregrina regna moliri] Magno molimine eniti ad regnum, ad quod nullum, utpote peregrinus, jus habere.

⁶⁴ Conspici] Insignem et conspicuum esse. Sic l. XXI. c. 4. Arma atque equi conspiciebantur.

⁶⁵ * Devolvere retro ad stirpem] Redi-
re delabere ad ea loca unde tibi origo

ducitur.

⁶⁶ * Nullum momentum . . . faceret] Nihil efficeret, quo in hanc illamve partem res inclinaretur.

⁶⁷ Minorum . . . gentium Patres] Vid. sup. c. 35.

⁶⁸ * Ne, non venisse fraudi esset] Ne crimini sibi daretur, atque adeo in periculum inciderent, si non venissent.

⁶⁹ Ab stirpe ultima] Ab stirpe usque, a qua orsus, tanquam ab aliquo principio ultimo, reliquam omnem Servii vitam exagitavit.

in primores civitatis : instituisse censum, ut ⁷⁰ insignis ad invidiam locupletiorum fortuna esset, et parata unde, ubi vellet, egentissimis largiretur.

XLVIII. Huic orationi Servius quum intervenisset, trepido nuncio excitatus, extemplo a vestibulo curiæ magna voce, *Quid hoc, inquit, Tarquini, rei est? qua tu audacia me vivo vocare ausus es Patres? aut in sede considerare mea?* Quum ille ferociter ad hæc, *Se patris sui tenere sedem, multo, quam servum, potiolem filium regis regni heredem : satis illum diu per licentiam eludentem insultasse dominis ;* clamor ab utriusque fautoribus oritur, et concursus populi fiebat in curiam : adparebatque regnaturum, qui vicisset. Tum Tarquinius, necessitate jam ^a ipsa cogente ultima audere, multo et ætate et viribus validior, medium adripit Servium ; elatumque e curia in inferiorem partem per gradus dejicit. Inde ⁷¹ ad cogendum senatum in curiam redit. Fit fuga regis ad paritorum atque comitum. Ipse prope exsanguis, quum semianimi ⁷² regio comitatu domum se reciperet, pervenissetque ad summum Cyprium vicum, ab iis, qui missi ab Tarquinio fugientem consecuti erant, interficitur. Creditur, quia non abhorret a cetero scelere, admonitu Tulliae id factum. carpento certe (id quod satis constat) in forum invecta, nec reverita coetum virorum, evocavit virum e curia ; regemque prima adpellavit. a quo facessere jussa ex tanto tumultu, quum se domum reciperet, pervenissetque ad summum Cyprium vicum, ubi ⁷³ Dianium nuper fuit ; ⁷⁴ flectenti carpentum dextra in ⁷⁵ Virbium clivum, ut in collem Esquiliarium eveheretur, restitit pavidus, atque inhibuit frenos is, qui jumenta agebat, jacentemque dominæ Servium trucidatum ostendit. Foedum inhumanumque inde traditur scelus, monumentoque locus est : Sceleratum vicum vocant, quo amens, ⁷⁶ agitantibus furiis sororis ac viri, Tullia per patris corpus carpentum egisse fertur ; partemque sanguinis

Servius
interficitur.

Tulliae in-
pietas.

^a add. etiam Gron. Crev.

⁷⁰ *Insignis ad invidiam]* Conspicua et velut spectaculo proposita ad excitandam invidiam.

⁷¹ *Ad cogendum senatum]* Qui in tanto tumultu diffugere videlicet ac dilabi parabat.

⁷² *Regio comitatu]* Diffugerant primo regis apparitores et comites. At postea, lenito pavore, ad eum recurrere potuerunt.

⁷³ *Danium]* Locus Dianæ sacratus, ex Festo, apud quem legendum esse *Danium*, non *Danius*, recte censet Jos. Scaliger. Quomodo *Danium*, sic et *Minervium*, et *Vulcanium* dicebatur.

⁷⁴ *flectente]* Tullia jubente flecti

carpentum ad dextram. Nisi forte legendum est cum Gronovio, *Flectens*, neque *is qui jumenta agebat*.

⁷⁵ *Virbium]* Vix dubitari potest, quin in hac voce sit mandum. Virbins enim clivus extra urbem fuit. Ex Festo legendum videtur *Orbium* : cui nomen a flexuosis orbibus, teste eodem. Huic cognomen *scelerati* habuisse probabile est ; certe non Cyprio vico, ut constat ex Varr. l. IV. de lingua Latina.

⁷⁶ *Agitantibus furiis sororis ac viri]* Turbantibus et efferantibus mentem furiis ultricibus sceleris, quo illa sororem et virum necaverat.

ac cædis paternæ cruento vehiculo, contaminata ipsa respersaque, tulisse ad penates suos virique sui: quibus iratis, malo regni principio similes prope diem exitus sequerentur. Ser. Tullius regnavit annos quatuor et quadraginta, ita ut bono etiam moderatoque succedenti regi difficilis æmulatio esset. Ceterum id quoque ad gloriam accessit, quod cum illo simul justæ ac legitima regna occiderunt. Id ipsum tam mite ac tam moderatum imperium tamen, quia unius esset, deponere eum in animo habuisse quidam auctores sunt; ni scelus intestinum liberandæ patriæ consilia agitantibus intervenisset.

XLIX. Inde L. Tarquinius regnare occepit, ⁷⁷ cui Superbo cognomen facta indiderunt, quia socerum gener se-
pultura prohibuit, *Romulum quoque insepultum perisse* dicti-
tans: primores Patrum, quos Servii rebus favisse crede-
bat, interfecit: conscius deinde male quærendi regni ab se
ipso adversus se exemplum capî posse, armatis corpus circumsepsit. neque enim ad jus regni quidquam præter vim habebat; ut qui neque populi jussu, neque auctoribus Patribus regnaret. Eo accedebat, ut in caritate civium nihil spei reponenti metu regnum tutandum esset: quem ut pluribus incuteret, cognitiones capitalium rerum sine consiliis
per se solus exercebat: perque eam causam occidere, in
exsilium agere, ⁷⁸ bonis multare poterat non suspectos modo aut invisos, sed unde nihil aliud, quam prædam, sperare posset. Ita Patrum præcipue numero inminuto, statuit nullos in Patres legere; quo contemtior paucitate ipsa ordo esset, minusque per se nihil agi indignarentur. Hic enim regum primus traditum a prioribus morem de omnibus senatum consulendi solvit: domesticis consiliis rempublicam administravit: bellum, pacem, fœdera, societates per se ipse, cum quibus voluit, injussu populi ac senatus, fecit diremitque. Latinorum sibi maxime gentem conciliabat,
ut peregrinis quoque opibus tutior inter cives esset. neque
hospitia modo cum primoribus eorum, sed adfinitates quoque jungebat. Octavio Mamilio Tusculano, (is longe princeps Latini nominis erat, si famæ credimus, ab Uli-

Servii laus.

U. C. 220.

A. C. 582.

Tarquinius

Superbus

regnat.

Metu regnum firmat.

Latinos sibi conciliat.

⁷⁷ Cui Superbo cognomen facta indiderunt] Facta ea quæ hic notantur, crudelitatem omnem magis probant, quam superbium, eo sensu quo hæc vox vulgo accipitur. Sed *superbus* idem prorsus interdum valet, quod ab Aristotele abhorretur. Virgilius, quo nomine proprietatem Latini sermonis aut cognovit accusatus, aut servavit, hic in VIII. Æn. libro hoc nomen eo, quem volumus, sensu usurpavit:

Quos illi bello profugos egere superbo. Et,

——Foribusque affixa superbis
Ora virum tristi pendeant pallida
tabo.

⁷⁸ Bonis multare poterat] Libenter assentimur Gronovio delenti verbum poterat, sine quo et vividior narratio est, et magis congrua Tarquinii meritis, cui parum erat posse, nisi et faceret quod poterat.

xe^b Deaque Circe oriundus) ei Mamilio filiam nuptum dat; perque eas nuptias multos sibi cognatos amicosque ejus conciliat.

Conventus Latinorum. L. Jam magna Tarquinii auctoritas inter Latinorum proceres erat; quum, in diem certam ut ad ⁷⁹ lucum Ferentinæ conveniant, indicit: esse, quæ agere de rebus communibus velit. Conveniunt frequentes prima luce. ipse Tarquinius diem quidem servavit; sed paullo ante, quam sol occideret, venit. Multa ibi tota die in concilio variis jactata sermonibus erant. Turnus Herdonius ab Aricia ferociter in absentem Tarquinium erat invectus; *Haud mirum esse,* ⁸⁰ *Superbo^c inditum Romæ cognomen.* (jam enim ita clam quidem mussitantes, vulgo tamen, eum adpellabant.) *An quidquam superbius esse, quam ludificari sic omne nomen Latinum? Principibus longe ab domo excitis, ipsum, qui concilium indixerit, non adesse. tentari profecto patientiam, ut, si jugum acceperint, obnoxios premat. Cui enim non adparere, adfectare eum imperium in Latinos?* ⁸¹ *Quod si sui bene crediderint cives, aut si creditum illud, et non raptum parricidio sit, credere et Latinos (quamquam ne sic quidem alienigenæ) debere.* ⁸² *Sin suos ejus pœniteat, (quippe qui alii super alios trucidentur, exsulatum eant, bona amittant,) quid spei melioris Latinis portendi? Si se audiant, domum suam quemque inde abituros: neque magis observaturos diem concilii, quam ipse, qui indixerit, observet.* Hæc atque alia eodem pertinentia seditiosus ⁸³ facinorosusque homo, hisque artibus opes domi nactus, quum maxime dissereret, intervenit Tarquinius. Is finis orationi fuit. Aversi omnes ad Tarquinium salutandum. qui, silentio facto, monitus a proximis ut purgaret se, quod id temporis venisset, *disceptatorem, ait, se sumtum*

^b Ulysæ Gron. Crev.

^c add. ei Gron.

⁷⁹ *Lucum Ferentinæ]* Lucus ille fuit ad caput aquæ Ferentinæ, de quo mentio fit infra, c. 51. sive, quomodo appellatur II. 38. *caput Ferentinum.* Hunc et fontem et lucum sub radicibus montis Albani fuisse, eoque, post Albam dirutam, usque ad P. Decium Murem consulem, populos Latinos convenire solitos, ut imperium communi consilio administrarent, ex Festo discimus in voce *Prætor*.

⁸⁰ *Superbo inditum]* Vulgo *Superbo ei inditum.* Sed Andreas et Campanus ignorant *ei ei*, ut et Gronovii codd. et unus e MSS. Hearnii, et omnes nostri. Sic et I. III. c. 65. *Insectandisque Patribus, unde Aspero etiam inditum est cognomen, tribuna-*

tum gessit.

⁸¹ *Quod si sui]* Si bene cessit Romanis, quod ei commiserint imperium, aut si omnino commiserunt debere Latinos quoque illud eidem committere: imo non debere, etiam si res ita se haberet, quum sit alienigena. Ceterum ante Gronovium legabatur *deberent.* Ille emendavit ex uno MS. vel optimo. Duo e nostris favent, qui exhibent *deberet.*

⁸² *Sin suos ejus pœniteat]* Sin autem ille displiceat suis civibus, si graventur, et oderunt ejus imperium.

⁸³ *Facinorosus]* Audax, temerarius. Nempe facinus semper vim et audaciam, non semper scelus labem adjunctam habet.

inter patrem et filium: cura reconciliandi eos in gratiam moratum esse: et, quia ea res exemisset illum diem, postero die acturum, quæ constituisset. ⁸⁴ Ne id quidem ab Turno tulisse tacitum ferunt. dixisse enim, ⁸⁵ *Nullam breviorē esse cognitionem, quam inter patrem et filium, paucisque transigi verbis posse: ni pareat patri, habiturum infortunium esse.*

LI. Hæc Aricinus in regem Romanum increpans ex concilio abiit. Quam rem Tarquinius aliquanto, quam videbatur, ægrius ferens, confestim Turno necem machinatur; ut eundem terrorem, quo civium animos domi ob-^{Ab eo ob-} presserat, Latinis injiceret. et quia ⁸⁶ pro imperio palam in-^{primitur.} terfici non poterat, oblato falso crimine insontem obpressit. per adversæ factionis quosdam Aricinos servum Turni auro corrupit, ut in deversorium ejus vim magnam gladiorum inferri clam sineret. ea quum una nocte perfecta essent, Tarquinius, paullo ante lucem aditis ad se principibus Latinorum, quasi re nova perturbatus, *moram suam hesternam, velut Deorum quadam providentia inlatam, ait, saluti sibi atque illis fuisse. ab Turno dici sibi et primoribus populorum paruri necem, ut Latinorum solus imperium teneat. Aggressurum fuisse hesterno die in concilio. dilatam rem esse, quod auctor concilii afuerit^d, quem maxime peteret. Inde illam absentis insectationem esse natam, quod morando spem destituerit. Non dubitare, si vera deferantur, quin prima luce, ubi ventum in concilium sit, instructus cum conjuratorum manu armatusque venturus sit. Dici, gladiatorum ingentem numerum esse ad eum convectum. id vanum nec ne sit, extemplo sciri posse. Rogare eos, ut inde secum ad Turnum veniant.* Suspectam fecit rem et ingenium Turni ferox, et oratio hesterna, et mora Tarquini; quod videbatur ob eam differri cædes potuisse. Eunt inclinatis quidem ad credendum animis, tamen, nisi gladiis deprehensis, cetera vana existimaturi. Ubi est eo ventum, Turnum ex somno excitatum circumsistunt custodes: comprehensusque servus, qui caritate domini vim parabant, quum gladii abditi ex omnibus locis deverticuli^e protraherentur; enimvero manifesta res visa, injectæque Turno catenæ: et confestim Latinorum concilium magno cum tumultu advocatur. Ibi ⁸⁷ tam atrox invidia orta est, gladiis in medio positis, ut, indicta causa,

^d *afuerit* Gron. Crev.

^e *deverticuli* Ead.

⁸⁴ *Ne id quidem*] Tarquinius, ut ferunt, ne id quidem tulit, sive abstulit tacitum ab Turno: i. e. hanc Tarquini excusationem silentio non transmisit Turnus. Dicitur quis tacitum ferre id, cui nemo reclamatur. Sic III. 45. *Ut tacitum feras, quod celari vis.*

⁸⁵ *Nullam breviorē esse cogniti-*

onem] Nullam litem brevius et facilius dijudicari posse. Cognitione hoc loco est disceptatio judiciaria.

⁸⁶ *Pro imperio*] Aperto jussu: quod Galli dicimus, *d'autorité.*

⁸⁷ *Tam atrox invidia orta est*] Odiā tam atrociter incensa sunt in Turnum, tanquam facinoris manifestum.

novo genere lethi, dejectus ad caput aquæ Ferentinæ, crâte superne injecta saxisque congestis, mergeretur.

Fœdus cum
Latinis.

LII. Revocatis deinde ad concilium Latinis, Tarquinius, conlaudatisque, qui Turnum ⁸⁸ novantem res pro manifesto parricidio merita pœna adfecissent, ita verba fecit: *Posse quidem se vetusto jure agere, quod, quum omnes Latini ab Alba oriundi sint, in eo fœdere teneantur, quo ab Tullo res omnis Albana cum colonis suis in Romanum cesserit imperium. Ceterum se utilitatis id magis omnium causa censere, ut renovetur id fœdus: secundaque potius fortuna populi Romani ut participes Latini fruantur, quam urbium excidia vastationesque agrorum, quas Anco prius, patre deinde suo regnante, perpassi sint, semper aut expectent, aut patiantur.* Haud difficulter persuasum Latinis, quamquam in eo fœdere superior Romana res erat. ceterum et capita nominis Latini stare ac sentire cum rege videbant, et Turnus sui cuique periculi, si adversatus esset, recens erat documentum. Ita renovatum fœdus, indictumque junioribus Latinorum, ut ex fœdere die certa ad lucum Ferentinæ armati frequentes adessent. Qui ubi ad edictum Romani regis ex omnibus populis convenere; ne ducem suum, neve ⁸⁹ secretum imperium, propriave signa haberent, miscuit manipulos ex Latinis Romanisque, ut ⁹⁰ ex binis singulos faceret, binosque ex singulis. ita geminatis manipulis centuriones inposuit.

Bellum
cum Vol-
scis.

LIII. Nec, ut injustus in pace rex, ita dux belli pravus fuit. quin ea arte æquasset superiores reges, ni ⁹¹ degeneratum in aliis huic quoque decori obfecisset. Is primus Volscis bellum in ducentos amplius post suam ætatem annos movit, Suessamque Pometiam ex his vi cepit. ubi quum ⁹² dividenda ' præda ⁹³ quadringenta talenta argenti aurique

' *divendita* Gron. Crev.

⁸⁸ * *Novantem res*] Locutio propria de his qui aut molluntur seditionem, aut quocunque pacto reipublicæ statum miscere ac perturbare aggrediuntur.

⁸⁹ * *Secretum*] Separatum, distinctum, proprium.

⁹⁰ *Ex binis singulos*] *Ex binis* manipulis *singulos* fecit: i. e. milites e binis manipulis desumptos in unum manipulum contribuit: *ex singulis binos*: i. e. duas unius manipuli partes in binos distribuit. Porro *manipuli* appellatio inde ducta fuit, auctoribus Plut. in Romulo, et Ovid. III. Fast. quod ii qui Romulum primo secuti sunt, pro signis militaribus haberint perticas, quæ manipulos fœni in summo præfixos gestarent.

⁹¹ *Degeneratum in aliis*] Ipse animus ac vita in ceteris degener. *Degeneratum* est in recto casu, et refertur ad verbum *offecisset*. Crebra occurrunt apud Livium hujus loquendi formæ exempla.

⁹² *Divendita præda*] Andreas habet *dividenda*, ut et MSS. a Gronovio inspecti, et quatuor e nostris. Unde ille legendum putat *divendenda*.

⁹³ *Quadringenta talenta argenti aurique*] Si hæc sana sunt, sensus erit: eam summam auri argenti que, si in talenta argenti redigetur, quorum vulgatissimus erat usus in æstimandis pecuniis, efficeret quadringenta argenti talenta; id est, marcas argenti Parisienses 3750. Ceterum valde suspectum nobis est illud

⁹⁴refecisset^a; concepit animo eam amplitudinem Jovis templi, quæ digna Deum hominumque rege, quæ Romano imperio, quæ ipsius etiam loci majestate esset. Captivam pecuniam in ædificationem ejus templi seposuit. Excepit deinde eum lentius spe bellum, quo Gabios, propinquam urbem, nequidquam vi adortus, quum⁹⁵ obsidendi quoque urbem spes pulso a moenibus adempta esset, postremo minime arte Romana, fraude ac dolo, adgressus est; nam quum, velut posito Gabios bello, fundamentis templi jaciendis aliisque urbanis operibus intentum se esse simularet, Sextus filius ejus, qui⁹⁶ minimus ex tribus erat, transfugit ex eocomposito Gabios, patris in se sævitiam intolerabilem conquerens; *Jam ab alienis in suos vertisse superbiam: et liberorum quoque cum frequentia tædere; ut, quam in curia solitudinem fecerit, domi quoque faciat: ne quam stirpem, ne quem heredem regni relinquat. Se quidem inter tela et^b gladios patris elapsam, nihil usquam sibi tutum, nisi apud hostes L. Tarquini, credidisse. Nam, ne errarent, manere his bellum, quod positum simuletur; et per occasionem eum incautos invasurum. Quod si apud eos supplicibus locus non sit, pererraturum se omne Latium: ⁹⁷Volscosque^c se inde, et Æquos, et Hernicos petiturum; donec ad eos perveniat, qui a patrum crudelibus atque impiis suppliciis tegre liberos sciant. Forsitan etiam ardoris aliquid ad bellum armaque se adversus superbissimum regem ac ferocissimum⁹⁸ populum inventurum. Quum, si nihil morarentur, infensus ira porro inde abiturus videretur, benigne ab Gabinis excipitur. vetant mirari, si, qualis in cives, qualis in socios, talis ad ultimum in liberos esset. In se ipsum postremo sæ-*

Gabios
fraude ad-
greditur.

^a *recepisset* Gron. Crev.
et Æquos etc. Eæd.

^b *ac* Eæd.

^c *add. pulsumque se inde Volcos*

additamentum aurique, quod omittit Florentinus codex a Gronovio allegatus, itemque antiquissimus e nostris regis, et Sorbonicus. Nec ullum unquam scriptorem ita locutum esse, ut hic legitur in vulgatis libris, credimus.

⁹⁴ *Recepisset*] Reservasset, seposuisset. Nempe Tarquinius, quod disertis verbis docet Dionysius, decimam partem Pomietinarum manubiarum in ædificationem templi Capitolini seposuit. Sed Dion. parum probabiliter decimam hanc partem ad quadringenta talenta excessisse tradit. Longe verisimilius est totam Pomietinam prædam fuisse quadringentorum talentorum, ex quibus quadraginta, decima nimirum pars, recepta seu reservata a Tarquinio fuerint ad ædificandum Capitolium.

Nec alia fuisse videtur mens Livii.

⁹⁵ *Obsidendi quoque urbem*] Recte observat Gronovius non videri necessariam repetitionem vocis *urbem*, quæ superiore jam versu habetur.

⁹⁶ *Minimus*] Maximus apud Dion.

⁹⁷ *Pulsumque se inde Volcos et Æquos*] Tres e nostris codd. ut et aliquot Gronovio memorati, ignorant *et pulsam*, habentque *Volcos*, sive *Volcosque se inde et Æquos*.

⁹⁸ *Populum*] Nihil huc opus esse visum est emendatione Tan. Fabri, qui legi jubet *patrem*. Imo longe melior et ad rem accommodatior est vulgata lectionis sensus. Ratio enim ducta a ferocia populi Romani proprie tangit eos, quos se ad arma concitaturum sperat Sextus: non item crudelitas patris in liberos.

viturum, ⁹⁹ si alia desint. ¹ Sibi vero gratum adventum ejus esse: futurumque credere brevi, ut, illo adjuvante, ab portis Gabinis sub Romana mœnia bellum transferatur.

Sex. Tar-
quinii doli,

LIV. Inde in ² concilia ^k publica adhiberi. ubi, quum de aliis rebus adsentire se veteribus Gabinis diceret, quibus hæ notiores essent, ipse idemdem belli auctor esse, in eo sibi ³ præcipuam prudentiam adsumere, quod utriusque populi vires nosset, sciretque invisam profecto superbiam regiam civibus esse, quam ferre ne liberi quidem potuissent. Ita quum sensim ad rebellandum primores Gabinorum incitaret, ipse cum promptissimis juvenum prædatum atque in expeditiones iret, et, dictis factisque omnibus ad fallendum instructis, vana adcresceret fides, dux ad ultimum belli legitur. Ibi quum, inscia multitudine ⁴ quid ageretur, prælia parva inter Romam Gabiosque fierent, quibus plerumque Gabina res superior esset; tum certatim summi infimique Gabinorum Sex. Tarquinius dono Deum sibi missum ducem credere. Apud milites vero obeundo pericula ac labores, pariter prædam munifice largiendo, tanta caritate esse, ut non pater Tarquinius potentior Romæ, quam filius Gabiis esset. Itaque, postquam satis virium conlectum ad omnes conatus videbat, tum e suis unum sciscitatum Romam ad patrem mittit, quidnam se facere vellet? quandoquidem, ut omnia unus Gabiis posset, ei Dii dedissent. Huic nuncio, quia, credo, dubiæ fidei videbatur, nihil voce responsum est. rex, velut deliberabundus, in hortum ædium transit, sequente nuncio filii: ibi, inambulans tacitus, summa papaverum capita dicitur baculo decussisse. Interrogando expectandoque responsum nuncius fessus, ut re imperfecta, redit Gabios; quæ dixerit ipse, quæque viderit, refert: seu ira, seu odio, seu superbia insita ingenio, nullam eum vocem emisisse. Sexto ubi, quid vellet parens, quidve præciperet tacitis ambagibus, patuit; primores civitatis, criminando alios apud populum, alios ⁵ sua ipsos invidia opportunos interemit. multi palam; quidam, in quibus minus speciosa criminatio erat futura, clam interfecti. Patuit quibusdam volentibus fuga, aut in exilium acti sunt,

^k consilia Crev.

⁹⁹ Si alia desint] Gronovio magis placeret alii.

¹ Sibi vero] Particula vero exprimit certiolem ac pleniorcm affirmati-onem: fere ut supra, c. 41. *enimvero manifesta res visa.*

² Consilia] Sic Andreas et quinque e nostris codicibus. non, ut vulgo editi, *conci'ia*. De harum vocum discrimine

dicemus in not. ad l. XXII. c. 53.

³ Præcipuam prudentiam] Majorem, quam ceteri haberent, notitiam rerum ac peritiam.

⁴ Quid ageretur] Quid secreti consilii lateret.

⁵ Sua ipsos invidia opportunos] Qui facilius opprimi poterant, propter odium pridem in ipsos conceptum.

absentiumque bona juxta atque interemptorum ⁶ divisui¹ fuere. Largitionis inde prædæque et dulcedine privati^m commodi sensus malorum publicorum adimi, donec, orba consilio auxilioque, Gabina res regi Romano sine ulla dimicatione in manum traditur.

LV. ⁷ Gabiis receptis, Tarquinius pacem cum Æquorum Gabii re. gente fecit; foedus cum Tuscis renovavit. Inde ad negotia ^{cepti} urbana animum convertit. quorum erat primum, ut ⁸ Jovis templum ⁹ in monte Tarpeio, monumentum regni sui nominisque, relinqueret: Tarquinius reges ambos, patrem vovisse, filium perfecisse. Et, ut libera a ceteris religionibus area ^{Ædificatur Capitolini Jovis ædes,} esset tota Jovis templique ejus, quod inædificaretur, ¹⁰ exaugurare fana sacellaque statuit; quæ aliquot ibi a Tatio rege, primum in ipso discrimine adversus Romulum pugnae vota, consecrata inaugurataque postea fuerant. Inter principia condendi hujus operis ¹¹ movisse numen ad indicandam tanti imperii molem traditur Deos: nam, quum omnium sacellorum exaugurationes admitterent aves, in ¹² Termini fano non addixere. Id^a omen auguriumque ita acceptum est; non motam Termini sedem, unumque eum Deorum non evocatum sacratis sibi finibus, firma stabiliæque cuncta portendere. Hoc perpetuitatis auspicio accepto, secutum aliud

¹ *divisa* Gron. Crev.

^m *et privati dulcedine* Eæd.

^a *Idque* Eæd.

⁶ *Divisi fuere*] Multo elegantius est, et magis Livium sapit, quod ex optimo cod. affert Jac. Gronovius, *divisi fuere*. Et alludit antiquissimus e nostris, qui a prima manu habuit *divisi*. Sorbonicus cod. utramque lectionem exhibet in hunc modum, *divisæ ut fuere*: dubitante scilicet librario, utra potior foret, et ideo ambas notante: cujus moris crebra exempla occurrunt in MSS. Livius ipse asserit sibi *et divisi*, l. XXXIII. c. 46. *Vectigalia publica . . . prædæ ac divisi principum quibusdam et magistratibus erant.*

⁷ *Gabiis receptis*] Recuperatam dicit hanc urbem, quod e numero Latinorum esset, quæ foedere cum Tullo olim, ac deinde cum Tarquinio ipso,icto in Romanum cesserant imperium. Ideo et supra c. 54. dicitur Sextus Gabinos ad *rebellandum* incitasse.

⁸ *Jovis*] Junonisque ac Minervæ.

⁹ *In monte Tarpeio*] Huic monti nomen erat *Tarpeio* a Tarpela virgine (de qua supra c. 11.) illic sepulta. Ceterum quo tempore eum locum Tarquinius Jovi consecravit, ossa

Tarpeis alio delata sunt, nomenque ejus exolevit, nisi quod *Tarpeis* saxi nomen semper retinuit ea rupes, ex qua deicere damnatos solebant. Vid. Justi Rycqui librum de Capitolio.

¹⁰ *Exaugurare fana*] Augurato consecrata fuerant, nec religione liberari, nisi augurato, poterant. Has autem exaugurationes Tarquinio Prisco attribuit Dion. l. III. et merito; siquidem inde totius operis initium sumi oportuit.

¹¹ *Movisse numen*] Traditur deos exeruisse potentiam et providentiam suam ad indicandum, quale et quantum futurum esset Romanum imperium. *Numen* proprie non est Deus ipse, sed Dei nutus, potentia, voluntas.

¹² *Termini*] Et Juventatis, ipso teste Livio, l. V. c. 54. Porro Terminus deus dicebatur, cujus in tutela erant agrorum fines. Non pingebatur facie humana, sed lapide designabatur. Eum edocti ab Numa Romani et publice et privatim colebant, non caesa, saltem per multas ætates, victimis, sed cibis et primitiis frugum. Vid. Dion. l. II. et Plut. in Numa.

magnitudinem imperii portendens prodigium est. ¹³ caput humanum integra facie aperientibus fundamenta templi dicitur adparuisse. Quæ visa species, haud per ambages, arcem eam imperii caputque rerum fore portendebat. idque ita cecinere vates, quique in urbe erant, quosque ad eam rem consultandam ex Etruria advenerant. ¹⁴ Angebatur ad impensas regis animus. Itaque ¹⁵ Pometinæ manubiæ, quæ perducendo ad culmen operi destinatæ erant, vix in ¹⁶ fundamenta subpeditavere. eo magis Fabio, præterquam quod antiquior est, crediderim ¹⁷ quadringenta^o ea sola talenta fuisse, quam ¹⁸ Pisoni, qui ¹⁹ quadraginta millia pondo argenti seposita in eam rem scribit; ²⁰ summam pecuniæ neque ex unius tum urbis præda sperandam, et ²¹ nullius, ne horum quidem magnificentiae operum, fundamenta non exsuperaturam.

LVI. Intentus perficiendo templo, fabris undique ex Etruria aditis, non pecunia solum ad id publica est usus, sed operis etiam ex plebe qui quum haud parvus et ipse militiæ adderetur labor, minus tamen plebs gravabatur, se templa Deum exædificare manibus suis: quæ posthac et ad alia, ut specie minora, sic laboris aliquanto majoris, traducebatur.

^o quadringenta Crev.

¹³ *Caput humanum integra facie*] Vivo et spiranti simile, ut memorat Dionys. l. IV. qui et illud hominis recens occisi fuisse, et calido etiam tum recentique sanguine manasse tradit.

¹⁴ *Angebatur*] His prodigiis.

¹⁵ *Pometinæ manubiæ*] Ea pars Pometinarum manubiarum, quam supra c. 53. receptam, sive reservatam a Tarquinio Livius memoravit.

¹⁶ *Fundamenta*] Atqui Tarquinius Prius supra c. 88. memoratur aream ad ædem in Capitolio Jovis fundamentis occupasse. Sed hæc non difficile conciliari possunt, si cum Dion. dicamus solum superstruendo operi æquatum, et extractis aggeribus complanatum fuisse a Prius; fundamenta ipsius ædificii jacta a Superbo.

¹⁷ *Quadringenta . . . talenta*] Sic habent et hoc loco, et supra c. 53. tum scripti nostri, tum Andree et Campani editiones, et ceteræ omnes, quas quidem videre contigit, præter Gronovianam et eas quæ ex illa descriptæ sunt, in quibus legitur *quadringenta*; nec ulla tamen in Gronoviana offertur ratio, cur a veteri lectione recessum sit. Jam vero non est veri-

simile quadringenta talenta, id est, pondus argenti marcarum Paris. 37,500. vix suppeditasse in fundamenta unius templi illis temporibus, quibus maximus Romanorum census centum millibus assium, id est, marcis argenti nostratibus paulo plus 166. aestimabatur.

¹⁸ *Pisoni*] L. Calpurnius Piso Frugi reliquit annales aviliter scriptos, inquit Cicero in Bruto, n. 106. Tribunus plebis erat primo anno tertii Punici belli, teste eodem ibid. Consul fuit anno u. c. 619. Censuram post aliquot annos gessit, unde passim a Dionysio, Plinio, Censorino vocatur Piso censorius.

¹⁹ *Quadraginta millia pondo*] Quadragies mille libras Romanas argenti, quæ efficiunt marcas Parisienses 62,500.

²⁰ *Summam*] Olim quæ summam. Gronovius recte eiecit *et quam*: ex mera tamen conjectura.

²¹ *Nullius*] Majorem, quam ut impenderetur in ulla fundamenta, cujuscunque tandem sint magnificentiae, ne si forent quidem ejus magnificentiae, quam in hodiernis ædificiis conspicimus.

opera; ²² foros in circo faciendos, cloacamque maximam, Fori in circo: cloaca maxima. receptaculum omnium purgamentorum urbis, sub terram agendam: quibus duobus operibus vix nova hæc magnificentia quidquam adæquare potuit. His laboribus exercita plebe, quia et urbi multitudinem, ubi usus non esset, onerabatur esse, et colonis mittendis occupari latius imperii fines volebat; Signiam Circeiosque colonos misit, præsidia urbi futura ²³ terra marique. Hæc agenti portentum terre- Tarquinii bile visum. anguis, ex columna lignea elapsus, quum ter- porienti causa Delphos mittit. rorem fugamque in regiam fecisset, ipsius regis non tam subito pavore perculit pectus, quam anxiiis inplevit curis. Itaque quum ad publica prodigia Etrusci tantum vates adhiberentur, hoc velut domestico exterritus visu, Delphos ad maxime inclitum in terris oraculum mittere statuit. neque responsa ²⁴ sortium ulli alii committere ausus, duos filios per ignotas ea tempestate terras, ignotiora maria, in Græciam misit. Titus et Aruns profecti. comes his additus L. Junius Brutus, ²⁵ Tarquinia ²⁶ sorore regis natus, ²⁷ juvenis L. Junius Brutus. longe alius ingenio, quam cujus simulationem induerat. Is, quum primores civitatis, in quibus fratrem suum ab avunculo interfectum audisset, neque in animo suo quidquam regi timendum, neque in fortuna concupiscendum relinquere statuit, contemptuque ^p tutus esse, ubi in jure parum præsidii esset. Ergo ex industria factus ad imitationem stultitiæ, quum se suaque prædæ esse regi sineret, Bruti quoque haud abnuvit cognomen: ut sub ejus obtentu cognominis liberator ille populi Romani animus latens opperiretur tempora sua. Is tum ab Tarquiniis ductus Delphos, ludibrium verius, quam comes, aureum baculum inclusum ²⁷ corneo cavato ad id baculo tulisse donum Apollini dicitur, per ambages effigiem ingenii sui. Quo postquam ventum est, perfectis patris mandatis, cupido ²⁸ incessit animos juvenum sciscitandi, ad quem eorum regnum Romanum esset venturum. Ex infimo specu vocem redditam ferunt:

P contemptu Gron. Crev.

²² *Foros*] Sedilia, e quibus ludi spectarentur. Vid. supra c. 35.

²³ *Terra marique*] Signia in mediterranea Latii regione sita est, Circeii ad oram maris.

²⁴ *Sortium*] Multa fuere oracula, a quibus responsa per sortes dabantur, ut exponemus in not. ad VIII.

²⁴ Inde *sortium* nomen commune factum est quibuslibet oraculorum responsis, etiam his quæ voce edebantur.

²⁵ *Sorore*] Amita ex Dion.

²⁶ *Juvenis*] Ei tamen non ita multo post l. II. c. 4. duo esse dicuntur adolescentes filii. Sed vox *juvenis* latius multo patet, quam nostra illa *jeune homme*. Supra observavimus ad c. 43. *juniores* dictos a Romanis ad annum ætatis 45.

²⁷ *Corneo*] E corno arbore.

²⁸ *Incessit animos*] Intravit animos. Verbum *incessit* hic intelligimus ductum ab *incesso*, *is*, non ab *incedo*.

Imperium summum Romæ habebit, qui vestrum primus, o juvenes, osculum matri tulerit. Tarquinii, ut Sextus, qui Romæ relictus fuerat, ignarus responsi expersque imperii esset, rem summa ope taceri jubent; ipsi inter se, uter prior, quum Romam redissent, matri osculum daret, sorti permittunt. Brutus, alio ratus spectare ²⁹ Pythicam vocem, velut si prolapsus cecidisset, terram osculo contigit: scilicet, quod ea communis mater omnium mortalium esset. Rediit inde Romam, ubi adversus Rutulos bellum summa vi parabatur.

Bellum
cum Rutu-
lis.

Contentio
regiorum
juvenum de
uxoribus.

LVII. Ardeam Rutuli habebant, gens, ut in ea regione atque in ea ætate, divitiis præpollens. eaque ipsa causa belli fuit, quod rex Romanus tum ipse ditari, exhaustus magnificentia publicorum operum, tum præda delinire popularium animos studebat; præter aliam superbiam regno infestos etiam, quod se in fabrorum ministeriis ac servili tamdiu habitos opere ab rege indignabantur. Tentata res est, si primo inpetu capi Ardea posset. ubi id parum processit, obsidione munitionibusque cœpti premi hostes. In iis stativis, ut fit longo magis, quam acri bello, satis liberi commeatus erant; primoribus tamen magis, quam militibus. Regii quidem juvenes interdum otium convivii commensationibusque inter se terebant. forte potantibus his apud Sex. Tarquinius, ubi et Collatinus cœnabat Tarquinius, ³⁰ Egerii filius, incidit de uxoribus mentio: suam quisque laudare miris modis. inde certamine accenso, Collatinus negat *verbis opus esse, paucis id quidem horis posse sciri, quantum ceteris præstet Lucretia sua.* Quin, si vigor juventæ inest, conscendimus equos, invisimusque præsentis nostrarum ingenia? Id ³¹ cuique spectatissimum sit, quod nec opinato viri adventu obcurrerit oculis. Incaluerant vino. ³² age sane, omnes. citatis equis avolant⁹ Romam. Quo quum, primis se intendentibus tenebris, pervenissent, pergunt inde Collatiam: ubi Lucretiam, haudquaquam ut regias nurus, quas ³³ in convivio luxuque cum æqualibus viderant tempus terentes, sed nocte sera deditam lanæ inter lucubrantem ancil-

⁹ *avolant* Gron. Crev.

²⁹ *Pythicam vocem*] Oraculum Apollinis. *Pythicus* enim unum est ex Apollinis cognominibus, ei inditum vel a serpente Pythonē interempto, vel a Græco verbo *πυθάνω*, quod est sciscitari. Ejus sacerdotem Delphis Pythiam vocatam fuisse, nemo est qui ignoret.

³⁰ *Egerii filius*] Nepos, ex Dion.

³¹ *Id cuique spectatissimum*] Certissimum documentum ex eo capie-

tur, quod deprehenderit vir inopinato superveniens.

³² *Age sane*] Verba sunt Tarquiniorum assentientium dictis Collatini.

³³ *In convivio luxuque*] Hic agnoscimus figuram illam quam grammatici vocant *ἡ δὲ δούλη*. *In convivio luxuque* idem est atque, in convivio luxurioso, id est, delicato, lautitiis omnibus instructo.

las in medio ædium sedentem inveniunt. Muliebris certaminis laus penes Lucretiam fuit. adveniens vir Tarquini-^{Lucretia} que excepti benigne. victor maritus comiter invitat regios ^{præfertur.} juvenes. Ibi Sex. Tarquinius mala libido Lucretiæ per vim stuprandæ capit. tum forma, tum spectata castitas incitat. Et tum quidem ab nocturno juvenili ludo in castra redeunt.

LVIII. Paucis interjectis diebus, Sex. Tarquinius in scio ^{Ei vim in-} Collatino, cum comite uno Collatiam venit. ubi exceptus ^{fert Tarqui-} benigne ab ignaris consilii, quum post cœnam in hospitale ^{nus.} cubiculum deductus esset, amore ardens, ³⁴ postquam satis tuta³⁴ circa, sopitique omnes videbantur, stricto gladio ad dormientem Lucretiam venit, sinistraque manu mulieris pectore obpresso, *Tace, Lucretia, inquit, Sex. Tarquinius sum; ferrum in manu est: moriere, si emisericis vocem.* Quum pavida ex³⁵ somno mulier ³⁵ nullam opem prope, mortem imminentem videret; tum Tarquinius fateri amorem, orare, miscere precibus minas, versare in omnes partes muliebrem animum. ubi obstinatum videbat, et ne mortis quidem metu inclinari, addit ad metum dedecus: cum mortua jugulatum servum nudum positurum, ait, ut in sordido adulterio ne ceta dicatur. Quo terrore quum vicisset obstinatum pudicitiam ³⁶ velut victrix libido, profectusque inde Tarquinius, ferox expugnato decore muliebri, esset; Lucretia, mœsta tanto malo, nuncium Romam eundem ad patrem, Ardeam- ^{Vocat illa} que ad virum mittit, ut cum singulis fidelibus amicis veni- ^{patrem et} ant: ita facto maturatoque opus esse; rem atrocem inci- ^{virum.} disse. Sp. Lucretius cum P. Valerio Volessi filio, Collatinus cum L. Junio Bruto venit; cum quo forte Romam rediens ab nuncio uxoris erat conventus. Lucretiam sedentem mœstam in cubiculo inveniunt. adventu suorum lacrimæ obortæ. quærentique viro, ³⁷ *Satin' salvæ? Minime, inquit; quid enim salvæ est mulieri, amissa pudicitia? Vestigia viri alieni, Collatine, in lecto sunt tuo. Ceterum corpus est tantum violatum, animus insons. mors testis erit. Sed date dextras fidemque, haud inpune adultero fore. Sex. est Tarquinius, qui hostis pro hospite priore nocte vi armatus mihi, sibi que si vos viri estis, pestiferum hinc abstulit gaudium.* Dant ordine

³⁴ satis omnia tuta Gron. Crev.

³⁵ e Ræd.

³⁴ Postquam satis omnia tuta circa, sopitique omnes] Complures MSS. a Jac. Gronovio excussæ, et quatuor e nostris ignorant vocem omnia. Quin et Sorbonicus etiam rō omnes, quod sequitur, omittit.

³⁵ Nullam opem prope] Nullum auxilium in propinquo.

³⁶ Velut victrix] Sibi tanquam de egregia scilicet victoria plaudens. Ceterum hic offendere potest nomen victrix tam vicinum verbo vicisset. Fortasse aliquid mendi subest.

³⁷ Satin' salvæ] Supple res cæcæ. Formula salutandi.

omnes fidem : consolantur ægram animi, avertendo noxam ab coacta in auctorem delicti. mentem peccare, non corpus : et, unde consilium afuerit¹, culpam abesse. Vos, inquit, videritis, quid illi debeatur : ego me, etsi peccato absolvo, supplicio non libero. nec ulla deinde impudica Lucretiæ exemplo *Se occidit.* *vivet.* Cultrum, quem sub veste abditum habebat, eum in corde defigit : prolapsaque in vulnus, moribunda cecidit.³⁸ Conclamant vir paterque.

LIX. Brutus, illis luctu occupatis, cultrum ex vulnere Lucretiæ extractum, manantem cruore præ se tenens, *Conjuratio in Tarquinium.* *Per hunc,* inquit, *castissimum ante regiam injuriam sanguinem juro, vosque, Dii, testes facio, me L. Tarquinium Superbum, cum scelerata conjuge et omni liberorum stirpe, ferro, igni, quacumque dehinc vi possim,*³⁹ *exsequuturum. nec illos, nec alium quemquam regnare Romæ passurum.* Cultrum deinde Collatino tradit; inde Lucretio ac Valerio, stupentibus miraculo rei, unde novum in Bruti pectore ingenium. Ut præceptum erat, jurant : totique ab luctu versi in iram, Brutum, jam inde ad expugnandum regnum vocantem, sequuntur ducem. Elatum domo Lucretiæ corpus in forum deferunt, concientque miraculo, ut sit, rei novæ atque indignitate homines. pro se quisque scelus regium ac vim queruntur. Movet tum patris mœstitia, tum Brutus, castigat lacrimarum atque inertium querelarum, auctorque, quod viros, quod Romanos deceret, arma capiendi adversus hostilia ausos. Ferocissimus quisque juvenum cum armis voluntarius adest. sequitur et cetera juvenus. Inde,⁴⁰ pari præsidio relicto Collatiæ ad portas, custodibusque datis, ne quis eum motum⁴¹ regibus nunciaret, ceteri armati, duce Bruto, Romam profecti. Ubi eo ventum est, quacumque incedit, armata multitudo pavorem ac tumultum facit. rursus, ubi antelre primores civitatis vident,⁴² quidquid sit, haud temere esse rentur. Nec minorem motum animorum Romæ tam atrox res facit, quam Collatiæ fecerat. Ergo ex omnibus locis urbis in forum curritur. Quo simul ven-

¹ *afuerit* Gron. Crev.

³⁸ *Conclamant vir paterque*] Quinque nostri codd. *conclamat.* Et ita loqui interdum amasse Latinos, ut verbum singularis numeri cum duobus pluribusve nominibus jungerent, constat. De Horatio quidem id probat Bentlejus in not. ad Od. 24. l. l.

³⁹ *Exsequuturum*] Rhenanus conjicit *exsequuturum.*

⁴⁰ *Pari præsidio relicto Collatiæ . . . ceteri*] Possumus utcumque exponere in hunc modum, ut intelligamus

eos, qui Collatiæ relictis in præsidio fuere, pares fuisset numero iis qui Bruto duce Romam profecti. Sed hoc durius videtur et obscurius. Multum blanditur Gronovii conjectura : *Pari præsidio relictis.*

⁴¹ *Regibus*] Regi et regibus juvenibus. Vid. supra e. 39.

⁴² *Quidquid sit*] Quidquid tandem illud sit, haud sine causa ferunt putant.

tum est, præco ad ⁴³ tribunum Celerum, in quo tum magistratu forte Brutus erat, populum advocavit. Ibi oratio habita, nequaquam ejus pectoris ingenique, quod simulatum ad eam diem fuerat, de vi ac libidine Sex. Tarquini, de stupro infando Lucretiæ et miserabili cæde, de orbitate Tricipitini, cui morte filiae causa mortis indignior ac miserabilior esset. addita superbia ipsius regis, miseriæque et labores plebis in fossas cloacasque exhauriendas demeræ. Romanos homines, victores omnium circa populorum, opifices ac lapidas pro bellatoribus factos. Indigna Ser. Tullii regis memorata cædes, et invecta corpori patris nefando vehiculo filia; ⁴⁴ invocatique ultores parentum Dii. His atrocioribusque, credo, aliis, ⁴⁵ quæ præsens rerum indignitas haudquaquam relatu scriptoribus facilia subjicit, memoratis, incensam multitudinem perpulit, ut imperium regi abrogaret, exsulesque esse juberet L. Tarquinium cum conjuge ac liberis. Ipse junioribus, qui ultro nomina dabant, lectis armatisque ad concitandum inde adversus regem exercitum Ardeam in castra est profectus; imperium in urbe Lucretio, ⁴⁶ præfecto urbis jam ante ab rege instituto, relinquit. Inter hunc tumultum Tullia domo profugit, execrantibus, quacumque incedebat, invocantibusque ⁴⁷ parentum furias viris mulieribusque.

Populus Romanus in Tarquinos concitatur.

LX. Harum rerum nunciis in castra perlatis, quum re nova trepidus rex pergeret Romam ad comprimendos motus, flexit viam Brutus, (senserat enim adventum) ne ob-

⁴³ * *Tribunum Celerum*] Præfectum equitum quos ad custodiam corporis sui Tarquinius, exemplo Romuli, delegerat. Hic non inter duces militares modo, sed et inter urbanos magistratus, ut apparet ex hoc loco, numerabatur. De Celeribus vid. supra c. 15.

⁴⁴ * *Invocatique*] Et invocati sunt a Bruto perorante.

⁴⁵ * *Quæ præsens*] Quæ suggerit iis, qui in re præsentibus sunt, indignitas et atrocitas rerum incurrens in oculos; sed quæ scriptoribus post longum temporis intervallum non sunt relatu facilia.

⁴⁶ * *Præfecto urbis*] Præfectus urbis his temporibus magistratus fuit extraordinarius, de quo sic habet Tac. VI. Ann. c. 11. *Profectis domo regibus, ac mox, libertate urbi constituta, magistratibus, ne urbs sine imperio foret, in tempus deligebatur, qui jus redderet, ac subitis mederetur: feruntque ab Romulo Dentrem Romulum, post ab Tullo Hostilio Numam Marcium,*

et ab Tarquinio Superbo Sp. Lucretium, impositos. Dein consules mandabant. Id servatum, donec prætores creari cepti sunt. Tum enim, absentibus consulibus, prætor urbanus omnia consulum munia obibat: nisi quod, Feriarum Latinarum causa profectis in montem Albanum consulibus, ad usurpandum antiquitatis morem præfectus urbi constituebatur, qui simulacrum verius hujus potestatis, quam ipsam potestatem gereret. De præfectis urbis sub Cæsaribus vid. Tac. loco supra memorato.

⁴⁷ * *Parentum furias*] Furias ultices scelerum a liberis in parentes commissorum. Eodem fere modo locutus est Cicero pro Cluent. n. 171. *a socrus, ab uxorum, a fratris, a liberam patris actum esse præcipitem in sceleratorum sedem: et pro Rosc. Amer. n. 67. Furia, quæ . . . parentum penas a consceleratissimis filijs repetant.* * Sic supra c. 48. *agitantibus furis sororis ac viri.*

Expellun-
tur.

U. C. 245.
A. C. 507.
Primi Coss.

vius fieret; eodemque fere tempore, diversis itineribus, Brutus Ardeam, Tarquinius Romam, venerunt. Tarquinio clausæ portæ, exsiliūque indictum: liberatorem urbis læta castra accipere: exactique inde liberi regis. Duo patrem secuti sunt, qui exsulatum Cære in Etruscos ierunt. Sex Tarquinius, ⁴⁸Gabios, tamquam in suum regnum, profectus, ab ultoribus veterum simultatum, quas sibi ipse cædibus rapinisque conciverat, est interfectus. L. Tarquinius Superbus regnavit annos quinque et viginti. Regnatum Romæ ab condita urbe ad liberatam annos ducentos quadraginta quatuor. Duo consules inde comitiis centuriatis a præfecto urbis ⁴⁹ex commentariis Ser. Tullii creati sunt, L. Junius Brutus et L. Tarquinius Collatinus.

⁴⁸ *Gabios, tamquam in suum regnum]* Et vero regem eum Gabiorum constituisse pater dicitur a Dionys. l. IV.

⁴⁹ *Ex commentariis Ser. Tullii]* Vidimus supra c. 46. et Dionys. quoque testatur Servium in animo habu-

isse deponere imperium. Potuit itaque commentarios conficere, in quibus eam regendæ reipublicæ formam describeret, quam libera olim civitas Romana constituere deberet. Atque hoc modo intelligenda videntur hæc Livii verba.

EPITOME LIBRI II.

BRUTUS jurejurando populum adstrinxit, neminem regnare Romæ passuros; Tarquinius Collatinum, collegam suum, propter adfinitatem Tarquiniolorum suspectum, coegit consulatu se abdicare, et civitate cedere. bona regum diripi jussit: agrum Marti consecravit, qui Campus Martius nominatus est. adolescentes nobiles, in quibus suos quoque¹ et sororis filios, quia conjuraverant de recipiendis regibus, securi percussit. servo indici, cui Vindicio nomen fuit, libertatem dedit: ex cujus nomine vindicta est adpellata. Quum adversus reges, qui contractis Veientium et Tarquiniensium copiis bellum intulerant, exercitum duxisset, in acie cum Arunte filio Superbi conmortuus est: eumque matronæ annum luxerunt. P. Valerius consul legem de provocatione ad populum tulit. Capitolium dedicatum est. Porsena rex Clusinorum, bello pro Tarquiniis suscepto, quum ad Janiculum venisset, ne Tiberim transiret, virtute Coclitis Horatii prohibitus est; qui, dum alii pontem sublicium rescindunt, solus Etruscos sustinuit; et, ponte rupto, armatus se in flumen misit, et ad suos tranavit. Alterum accessit virtutis exemplum a Mucio: qui, quum ad feriendum Porsenam castra hostium intrasset, occiso scriba, quem regem esse putabat, comprehensus, inpositam altaribus manum, in quibus sacrificatum erat, exuri passus est; dixitque tales trecentos esse conjuratos in mortem ipsius regis. quorum admiratione coactus Porsena pacis condiciones ferre, bellum omisit, acceptis obsidibus. ex quibus virgo una Clælia, deceptis custodibus, per Tiberim ad suos tranavit: et, quum reddita esset, a Porsena honorifice remissa, equestri statua donata est. Ap. Claudius ex Sabinis Romam transfugit: ob hoc Claudia tribus adjecta est. Numerus tribuum amplatus est, ut essent viginti una. Adversus Tarquinium

¹ *Et fratris filios*] Sic olim edebatur. Sigonius legi jussit, et sororis filios: intelligitque Aquillios et Vitellios, qui sororis Collatini filii erant. Sed debuerat ergo Collatini quoque nomen adjicere. Quod nisi fiat, intelligi necesse erit Bruti, non Collatini sororis filios. Præterea Dionysius quidem et Plutarchus docent Aquillios et Vitellios Collatino sanguine junctos fuisse. Sed hujus cognationis

mentionem nullam facit Livius. Vitelliorum tantum sororem Bruto nuptam fuisse indicat. Et hoc fortasse voluerat auctor epitomes. Quem ad sensum si verba refingenda sunt, lege suos quoque filios et uxoris fratres. * Hæc non consentiunt cum Livio, nec cum ceteris scriptoribus: ac proinde vel mendosa sunt, vel incuriose ab auctore epitomes scripta.

Superbum, cum Latinorum exercitu bellum inferentem, A. Postumius dictator prospere pugnavit apud lacum Regillum. Plebs, quum propter nexos ob æs alienum in Sacrum montem secessisset, consilio Menenii Agrippæ a seditione revocata est. Idem Agrippa, quum decessisset, propter paupertatem publico inpendio elatus est. Tribuni plebis quinque creati sunt. Oppidum Volscorum Corioli captum est virtute et opera C. Marcii, qui ob hoc Coriolanus vocatus est. Ti. Atinius, vir de plebe, quum in visu admonitus esset, ut de quibusdam religionibus ad senatum perferret, et neglexisset, amisso filio, debilis factus, postquam delatus ad senatum lectica eadem illa indicaverat, usu pedum recepto, domum reversus est. Quum C. Marcius Coriolanus, qui in exilium erat pulsus, dux Volscorum factus, exercitum hostium urbi Romæ admovisset, et missi ad eum primum legati, postea sacerdotes frustra deprecati essent, ne bellum patriæ inferret; Veturia mater et Volumnia uxor impetraverunt ab eo, ut recederet. Lex agraria primum lata est. Sp. Cassius consularis regni crimine damnatus est necatusque. Oppia virgo Vestalis ob incestum viva defossa est. Quum vicini hostes Veientes incommodi magis, quam graves essent, familia Fabiorum id bellum gerendum deposcit; misitque in id trecentos sex armatos, qui ad Cremeram ad unum ab hostibus cæsi sunt, uno inpubere domi relicto. Ap. Claudius consul, quum adversus Volscos contumacia exercitus male pugnatum esset, decimum quemque militum fuste percussit. Res præterea adversum Volscos, et Æquos, et Veientes, et seditiones inter Patres plebenique continet.

T. LIVII PATAVINI

LIBER II.

LIBERI jam hinc populi Romani res, pace belloque gestas, annuos magistratus, imperiaque legum, potentiora quam hominum, peragam. Quæ libertas ut lætior esset, proximi regis superbia fecerat. nam priores ita regnarunt, ut haud inmerito omnes deinceps conditores ¹ partium certè urbis, quas novas ipsi sedes ab se auctæ multitudini addiderunt, numerentur: neque ambigitur, quin Brutus idem, qui tantum gloriæ, Superbo exacto rege, meruit, ² pessimo publico id factururus fuerit, si libertatis in maturæ cupidine priorum regum alicui regnum extorsisset. Quid enim futurum fuit, si illa pastorum convenarumque plebs, transfuga ex suis populis, sub tutela inviolati templi aut libertatem, aut certe impunitatem adepta, soluta regio metu, agitari cœpta esset tribuniciis procellis? et in aliena urbe cum Patribus serere certamina, priusquam pignora conjugum ac liberorum, caritasque ipsius soli, cui longo tempore adsuescitur, animos eorum consociasset? Dissipatæ res nondum adultæ discordia forent: ³ quas fovit tranquilla moderatio imperii, eoque nutriendo perduxit, ut bonam frugem libertatis maturis jam viribus ferre possent. Libertatis autem originem inde, magis quia annum imperium consulare factum est, quam quod deminutum quidquam sit ex regia potestate, numeres. Omnia jura, ⁴ omnia insignia primi consules tenuere. id mo-

U. C. 245.
A. C. 507.
L. Junio
Bruto, L.
Tarquinio
Collatino
Coss.

Libertas
Pop. Rom.
tempestive
constituta.

¹ *Partium certe urbis*] Ita regnarunt, ut conditores, non quidem urbis, sed partium saltem a se additarum haberi possint. Vulgati habent *corptar urbis*, quod infictum est. Illam alteram lectionem stabiliunt tres e nostris codd. vel optimi, unus Rhenani, tres Gronovio inspecti.

² *Pessimo publico*] Magno reipublice et civitatis Romanæ damno.

³ *Quas fovit*] Translatio ducta ab herbula illa, quæ ex semine prodians sensim adolescit, et salubriter attemperata frigoris et caloris moderatione nutrita, eas acquirit vires, ut frugem spicem ferre jam et sustinere possit. Sunt quibus hoc loco Livius spectasse

videatur humani corporis incrementa, quod a primo ortu tenesum et imbecille sedula nutrix blande fovet, et, facillimo ad concoquendum cibo, læte diu nutritum eo perducit, ut solida deinde e frugibus alimenta firmior stomachus portare et conficere queat. ⁴ *Tranquilla moderatio imperii* est mite ac moderatum imperium regum, tranquillitatem publicam fovens.

⁴ *Omnia insignia*] Præter coronam auream, sceptrum, et purpuream auro intertextam trabeam. Quanquam trabea quidem usi consules, sed raro; statis nempe festis diebus, et in triumphali pompa. Vid. Dion. l. III. p. 196. et l. IV. p. 268. edit. Wechel. 1866.

U. C. 245. do cautum est, ne, ⁵ si ambo fasces haberent, duplicatus ter-
 A. C. 507. ror videretur. Brutus prior, concedente collega, fasces ha-
 buit: qui non acrior vindex libertatis fuerat, quam deinde
 custos fuit. Omnium primum avidum novæ libertatis po-
 pulum, ne postmodum flecti precibus aut donis regiis pos-
 set, juréjurando adegit, neminem Romæ passuros regnare.
 Deinde, quo plus virium in senatu frequentia etiam ordinis
 faceret, cædibus regis deminutum Patrum numerum, pri-
 moribus equestris gradus lectis, ad trecentorum summam
⁶ explevit. traditumque inde fertur, ut in senatum ⁷ vocaren-
 tur, qui Patres, quique conscripti essent. ⁸ conscriptos, vi-
 delicet, in novum senatum adpellabant lectos. Id mirum
 quantum profuit ad concordiam civitatis jungendosque Pa-
 tribus plebis animos.

Rex sacrifi-
 culus.

Collatinus
 ob Tarqui-
 nii nomen
 invisus.

II. Rerum deinde divinarum habita cura. et, quia quæ-
 dam publica sacra per ipsos reges factitata erant, ⁹ ne ubi-
 ubi regum desiderium esset, regem sacrificulum creant. Id
 sacerdotium pontifici ¹⁰ subjecere, ¹¹ ne additus nomini ho-
 nos aliquid libertati, cujus tunc prima erat cura, obficeret.
 ac ¹² nescio, an, nimis undique eam minimis quoque rebus
 muniendo, modum excesserint. Consulis enim alterius,
 quum nihil aliud obfenderit, nomen invisum civitati fuit.
Nimum Tarquinius regno adsuesse. initium a Prisco factum.
Regnasse deinde Ser. Tullium. ¹³ ne intervallo quidem facto

⁵ *Si ambo fasces haberent*] Vult
 Dion. l. V. institutum tunc, ut
 utrumque consulem duodecim lic-
 tores præcederent, sed ita ut alteri
 secures cum fascibus, alteri fasces soli
 præferrentur: singulis autem mensi-
 bus secures sibi vicissim collegæ tra-
 derent. Usus postea in multis variavit.

⁶ *Explevit*] Tarquinius Priscus tre-
 centorum Patrum numerum exple-
 verat. Vid. supra not. 66. ad c. 35. l. I.
 Verum Tarquini Superbi crudelitas
 ad eam paucitatem Patres redegerat,
 ut hoc tempore soli sex et triginta su-
 pra centum remanerent. Brutus igitur,
 sive Valerius, sive uterque, vari-
 ant enim auctores, centum et sexa-
 ginta et quatuor e primoribus eques-
 tris gradus in senatum legit, sed ita
 ut qui eorum de plebe erant, prius in
 patriciorum ordinem adscriberentur.
 Dionysius eos omnes, qui tum in sena-
 tum lecti fuere, de plebe fuisse scri-
 bit: parum fortasse probabiliter.
 Eum vide l. V. et Plut. in Popl.

⁷ *Vocarentur*] Sive per præconem,
 qui citabat Patres in curiam, (quo de
 more vid. infra III. 38.) sive edicto
 consulis, aut cujuslibet alterius magis-

tratus cui senatus convocandi jus es-
 set.

⁸ *Conscriptos . . . appellabant*] Post-
 ea obtinuit, ut senatores omnes pro-
 miscue Patres conscripti appellarentur.

⁹ *Ne ubi ubi*] Ne quacunque in re,
 quocunque in loco. Sic Horat. Sat. 3.
 l. I. v. 88. *nummos undecumque extricat.*
 Ceterum vulgo editi ante Gronovium
 habebant *necubi*; a scripti, partim *nec-*
ubi ibi, partim *necubi ubi*. Inde ille
 effecit id quod habes in contextu.

¹⁰ *Subjecere*] Scivere insuper, ne
 regi sacrificulo aut magistratum ge-
 rere, aut orationem habere ad popu-
 lum liceret.

¹¹ *Ne additus nomini honos*] Ne, si
 nomini per se magnifico adderetur
 aliquis honos, id obficeret libertati.

¹² *Nescio an*] Fortasse. Plerumque
 enim in hac loquendi formula vis est
 affirmandi; ac supplenda est particu-
 la *non*.

¹³ *Ne intervallo quidem facto*] Ne
 intervallum quidem, quo regnaverit
 Ser. Tullius, efficere potuisse ut Su-
 perbus Tarquinius oblivisceretur reg-
 ni tanquam alieni, nec quidquam
 jam ad se pertinentis; sed illum, vel-

oblitum, tamquam alieni, regni Superbum Tarquinium velut U. C. 245.
hæreditatem gentis scelere ac vi repetisse. Pulso Superbo, pe- A. C. 507:
nes Collatinum imperium esse. Nescire Tarquinius privatos
vivere. non placere nomen. periculosum libertati esse. Hic pri-
 mo sensim tentantium animos sermo per totam civitatem
 est datus, sollicitamque suspicione plebem Brutus ad conci-
 onem vocat. Ibi omnium primum iusjurandum populi re-
 citat. *Neminem regnare passuros, nec esse Romæ, unde peri-*
culum libertati foret. Id summa ope tuendum esse: neque ul-
lam rem, quæ eo pertineat, contemnendam. Invitum se dicere
hominis causa: nec dicturum fuisse, ni caritas reipublicæ vin-
ceret. Non credere populum Romanum, solidam libertatem
recuperatam esse. ¹⁴ *Regium genus, regium nomen, non solum*
in civitate, sed etiam in imperio esse. Id obficere, id obstare
libertati. Hunc tu, inquit, tua voluntate, L. Tarquini, remove
metum. Meminimus, fatemur, ejecisti reges. Absolve benefi-
cium tuum. Aufer hinc regium nomen. Res tuas tibi non solum
reddent cives tui, auctore me; sed, si quid deest, munifice ¹⁵ *au-*
gebunt. Amicus abi. exonera civitatem vano forsitan metu.
Ita persuasum est animis, cum gente Tarquinia regnum hinc
abiturum. Consuli primo tam novæ rei ac subitæ admiratio
 incluserat vocem. Dicere deinde incipientem primores ci-
 vitatis circumstant, eadem multis precibus orant. Et ce-
 teri quidem movebant minus. postquam Sp. Lucretius,
¹⁶ major ætate ac dignitate, socer præterea ipsius, agere varie,
 rogando alternis suadendoque, cœpit, ut vinci se consensu
 civitatis pateretur; timens consul, ne postmodum privato
 sibi eadem illa cum bonorum amissione, additaque alia insu-
 per ignominia, acciderent, abdicavit se consulatu: rebusque
 suis omnibus Lavinium translatis, civitate cessit. Brutus
 ex senatusconsulto ad populum tulit, ut omnes Tarquinia
 gentis exsules essent: collegam sibi comitiis centuriatis
 creavit P. Valerium, quo adiutore reges ejecerat.

Sufficitur
P. Valerius.

ut hæreditatem paternam, regnum
repetisse etiam per vim et scelus.

¹⁴ *Regium genus*] Bruto ipsi ma-
ternum genus erat ex regibus. Jam
vero mirum profecto, liberatorem ur-
bis Collatinum ob unius nominis in-
vidiam civitate ejici. Itaque etsi cum
Livio sentire videtur Cicero III. de
Off. n. 40. verius tamen existimamus
quod Dion. l. V. et Plut. in Popl. nar-
rant; Collatinum non pulsum urbe,
nisi postquam Aquilios. sororis filios
merito supplicio eripere conatus, in
suspicionem civibus suis venerit pro-
pensionis in tyrannos animi.

¹⁵ *Augebunt*] Et vero viginti talen-
ta (marcæ argenti Parisienses 1875.)

ipsi de publico data: quinque (mar-
cas 468. cum sex unciiis) de suo Bru-
tus largitus est. Dionys. l. V.

¹⁶ *Major dignitate*] Quonam
modo *major dignitate* Lucretius pri-
vatus, quam Collatinus consul!
Nempe *dignitas* differt ab honore, seu
magistratu, nec unquam eo sensu
apud probos Latinitatis auctores su-
mitur. *Dignitas* idem fere est quod
amplitudo, et coalescit ex iis rebus
omnibus quæ alicui splendorem, ex-
istimationem, venerationem concili-
ant; genere, rebus gestis, actis hono-
ribus, ætate, virtute, etc. Itaque ho-
nore Lucretium Collatinus anteibat;
dignitate Collatinum Lucretius.

U. C. 245.
A. C. 507.

Conjuratio
de regibus
revocandis.

III. Quum haud cuiquam in dubio esset, bellum ab Tarquiniiis imminere, id quidem spe omnium serius fuit. ceterum, id quod non timebant, per dolum ac prodicionem prope libertas amissa est. Erant in Romana juventute adolescentes aliquot, nec ii tenui loco orti, quorum in regno libido solutior fuerat, æquales sodalesque adolescentium Tarquiniorum, adsueta more regio vivere. Eam tum, æquato jure omnium, licentiam quærentes, libertatem aliorum in suam vertisse servitutem inter se conquerebantur. *Regem hominem esse, a quo inpetres, ubi jus, ubi injuria opus sit: ¹⁷ esse gratiæ locum, esse beneficio; et irasci et ignoscere posse: inter amicum atque inimicum discrimen nosse, Leges rem surdam, inexorabilem esse, salubriorem melioremque inopi, quam potenti: nihil laxamenti nec veniæ habere, si modum excesseris. periculosum esse, in tot humanis erroribus ¹⁸ sola innocentia vivere.* Ita, jam sua sponte ægris animis, legati ab regibus superveniunt, sine mentione redditus bona tantum repetentes. eorum verba postquam in senatu audita sunt, per aliquot dies ea consultatio tenuit: ne non reddita, belli causa; reddita, belli materia et adjumentum essent. Interim ¹⁹ legati alii alia moliri, aperte bona repetentes, clam recuperandi regni consilia struere. ²⁰ et, tamquam ad id quod agi videbatur, ambientes nobilium adolescentium animos pertentant. a quibus placide oratio accepta est, his literas ab Tarquiniiis reddunt; et de accipiendis clam nocte in urbem regibus colloquuntur.

IV. Vitelliis ²¹ Aquillisque fratribus primo commissa res est. Vitelliorum soror consuli nupta Bruto erat: jamque ex eo matrimonio adolescentes erant liberi, Titus Tiberiusque. eos quoque in societatem consilii avunculi adsumunt. præterea et nobiles aliquot adolescentes conscii adsumti, quorum vetustate memoria abiit. Interim quum in senatu vicisset sententia, quæ censebat reddenda bona; eamque ipsam causam moræ in urbe haberent legati, quod spatium

¹⁷ *Esse gratiæ locum, esse beneficio*] Regem gratia flecti ac moveri, beneficio conciliari posse.

¹⁸ *Sola innocentia vivere*] Solius innocentiae præsidio vivere ac tutos esse.

¹⁹ *Legati alii alia moliri*] Hæc scriptura vitiosa est. Etenim, ut recte annotat Dujatius, non diversi legati bona repetebant, et clam juvenum animos tentabant: sed iidem apud senatum de bonorum restitutione, apud juvenes nobiles de accipiendis in urbem regibus agebant. Hinc maluit ille, quod quidam libri habent: *legati cum aliis alia moliri.*

Nobis magis placeret recidere sive aliis, sive cum aliis: unde exurgeret hæc clara omnino et plana lectio, *legati alia moliri*, quam quæ supra memorata sunt de regionum bonorum restitutione.

²⁰ *Et, tamquam ad id*] Et, per speciem ejus negotii quod curare credebantur, circumeuntes domos.

²¹ *Aquillis*] Sorore Collatini genitis, ex Dion. et Plut. Vitellios quoque Plutarchus alia sorore Collatini natos tradit. Eosdem fratres uxoris alterius consulis Bruti fuisse omnes consentiant.

ad vehicula comparanda a consulibus sumsissent, quibus U. C. 246. regum asportarent res; omne id tempus cum conjuratis A. C. 507. consultando absumunt, evincuntque instando, ut literæ sibi ad Tarquinius darentur: nam aliter quî credituros eos, non vana ab legatis super rébus tantis adferri? Datae literæ, ut pignus fidei essent, manifestum facinus fecerunt. nam quum, pridie quam legati ad Tarquinius proficiscerentur, ²² et cœnatum forte apud Vitellios esset, conjuratique ibi, remotis arbitris, multa inter se de novo, ut fit, consilio egissent; sermonem eorum ex servis unus excepit, qui jam antea id senserat agi: sed eam occasionem, ut literæ legatis darentur, quæ deprehensæ rem coarguere possent, expectabat. postquam datas sensit, rem ad consules detulit. Consules, ad Obprimi-
deprehendendos legatos conjuratosque profecti domo, sine ^{tur.} tumultu rem omnem obpressere: literarum in primis habita cura, ne interciderent. proditoribus extemplo in vincula coniectis, de legatis paullulum addubitatum est: et quamquam visi sunt commisisse, ut hostium loco essent, jus tamen gentium valuit.

V. De bonis regiis, quæ reddi ante censuerant, ²³ res Bona Tar-
integra refertur ad Patres. illi victi ira vetuere reddi, vetuere ^{quiniorum}
in publicum redigi. Diripienda plebi sunt data; ut, ²⁴ con- ^{diripiuntur}
tacta regia præda, spem in perpetuum cum his pacis amit- ^{aut conse-}
teret. Ager Tarquiniorum, qui inter urbem ac Tiberim fuit, ^{crantur.}
consecratus Marti, ²⁵ Martius deinde campus fuit. Forte
ibi tum seges farris dicitur fuisse matura messi. quem
campi fructum quia ²⁶ religiosum erat consumere, desectam
cum stramento segetem magna vis hominum simul inmissa
corbibus fudere in Tiberim, tenui fluentem aqua, ut mediis
caloribus solet. ita in vadis hæsitantis frumenti acervos
sedisse inlitos limo. Insulam inde paullatim, et aliis, quæ
fert temere flumen, eodem invectis, factam. postea credo
additas moles, ²⁷ manuque adjutum, ut tam eminens area,
firmaque ^a templis quoque ac porticibus sustinerdis esset.

^a *Arma Gron. Crev.*

²² *Et cœnatum forte*] Delenda videtur particula *et*: quæ quidem abest a codice Victorino.

²³ *Res integra refertur ad Patres*] Jubentur deliberare Patres tanquam de negotio integro et intacto, ita ut super illo decernerent eodem modo ac si nihil unquam de eo statutum esset.

²⁴ *Contacta regia præda*] Quum diripiendo bona regum, commissa adversus eos noxa sese obligasset, sese adversus eos nocentem fecisset.

²⁵ *Martius deinde campus fuit*] Dion. L. V. contendit hunc agrum

jam olim Marti sacrum fuisse, sed a Tarquinio religionum spreto segetibus consitum: ideo religiosum fuisse, sive nefas visum esse Romanis, hujus campi fructum consumere. Hic sollemnis locus habendis comitiis cœnuriatis. In eo quoque juventutem exerceri solitam notum est.

²⁶ *Religiosum erat*] Nefas videbatur, et religionibus contrarium: quia nempe ager modo consecratus fuerat.

²⁷ *Manuque adjutum*] Et humano opere solum, quod fortuito casu coalescere inceperat, firmatum.

U. C. 246. Direptis bonis regum, damnati proditores, sumtumque supplicium, conspectus eo, quod poenae capiendae ministerium patri de liberis consulatus inposuit, et, qui spectator erat amovendus, eum ipsum fortuna exactorem supplicii dedit. Stabant deligati ad palum nobilissimi juvenes. sed a ceteris, velut ab ignotis capitibus, consulis liberi omnium in se averterant oculos, ²⁸ miserebatque non poenae magis homines, quam sceleris, quo poenam meriti essent; illos, eo potissimum anno patriam liberatam, patrem liberatorem, consulatum ortum ex domo Junia, Patres, plebem, quidquid Deorum hominumque Romanorum esset, induxisse in animum, ut superbo quondam regi, tum infesto exsuli, proderent. Consules in sedem processere suam, missique lictores ad sumendum supplicium nudatos virgis caedunt, securique feriunt: quum inter omne tempus pater, vultusque, et os ejus spectaculo esset, ²⁹ eminente animo patrio inter publicae poenae ministerium. Secundum poenam nocentium, ut in utramque partem arcendis sceleribus exemplum nobile esset, praemium indici, pecunia ex aerario, libertas et civitas, data. Ille primum dicitur ³⁰ vindicta liberatus. quidam ³¹ vindictae quoque nomen tractum ab illo putant; Vindicio ipsi nomen fuisse. ³² Post illum observatum, ut, qui ita liberati essent, in civitatem accepti viderentur.

Proditores
poenas dant.

Tarquini
bellum mo-
liuntur.

VI. His, sicut acta erant, nunciatis, incensus Tarquinius

²⁸ *Miserebat . . . sceleris*] Quia nempe tanta erat illius caecitas et amentia, ut, quemadmodum loquitur ipse Livius, infra VIII. 18. *capitis magis mentibus, quam consceleratis, similis res videretur.*

²⁹ *Eminente*] Erumpentibus paterni in liberos affectus indicibus inter triste illud supplicii de eis exigendi ministerium, quod ipsi consulatus imponebat. Hic genuinus est hujus loci sensus; qui et ex natura ducitur, et probatur oppositione vocum *patrio, publicae*. Si qui *patrium animum* accipiunt pro amore in patriam, ii et insolentem his vocibus significationem affingunt, et omnem pulcherrimae hujus sententiae vim ac venustatem corrumpunt. Quorsum enim attineret observare, in eo patre, qui liberos ob prodendae patriae consilia ad supplicium tradat, amorem erga patriam eminere?

³⁰ *Vindicta liberatus*] Hic maxime solennis mos fuit servos manumittendi. Per consulem primo, deinde secutis temporibus per praetorem urbanum peragebatur. Dominus

servum ante praetorem sistebat, et alapa percussum circumagebat, atque ita emittebat manu. Tum praetor vindictam, i. e. virgam capiti ejusdem servi imponebat. Qua deinde lictor a praetore accepta caput servi percutiebat, faciem palma tergumque verberabat. Quibus actis, tum nomen servi in acta a scriba referebatur. Haec fere habet Rosinus l. I. Ant. Rom. c. 20. ex Boetio in Top. Ciceronis, Isidor. l. IX. aliisque collecta.

³¹ *Vindicta nomen tractum ab illo*] Vel fortasse probabilius ex eo quod illa virga in libertatem vindicaretur servus.

³² *Post illum observatum*] Servius manumissionem per censum introduxerat, quae fiebat, quum servi nomen dominus in tabulas census referendum curaret: quo facto simul libertatem et civitatem adipiscebatur is qui manumittebatur. Vid. Dion. l. IV. Post Vindicium observatum est ut non il modo qui per censum, sed et il qui vindicta liberati essent, in civitatem accepti viderentur.

non dolore solum tantæ ad irritum cadentis spei, sed etiam **U. C. 245.**
odio iraque, postquam dolo viam obseptam vidit, bellum **A. C. 507.**
aperte moliendum ratus, circumire supplex Etruriæ urbes;
orare maxime Veientes Tarquiniensesque, *ne* ³³ *se ortum,*
eiusdem sanguinis, extorrem, egentem, ex tanto modo regno, cum
liberis adolescentibus ante oculos suos perire sinerent. Alios
peregre in regnum Romam aditos: se regem, augmentem bello
Romanum imperium, a proximis scelerata conjuratione pulsum.
eos inter se, quia nemo unus satis dignus regno visus sit, partes
regni rapuisse; bona sua diripienda populo dedisse, ne quis
expers sceleris esset. Patriam se regnumque suum repetere, et
persequi ingratos cives velle. Ferrent opem, adjuvarent; suas
quoque veteres injurias ultum irent, toties cæsas legiones, agrum
adentum. Hæc moverunt Veientes: ac pro se quisque,
Romano saltem duce, ignominias demendas, belloque amis-
sa repetenda, minaciter fremunt. Tarquinienses nomen
ac cognatio movet. pulchrum videbatur, suos Romæ reg-
nare. Ita duo duarum civitatum exercitus, ad repetendum
regnum belloque persequendos Romanos, secuti Tarqui-
nium. Postquam in agrum Romanum ventum est, obviam
hosti consules eunt. Valerius quadrato agmine peditem
ducit: Brutus ad explorandum cum equitatu antecessit.
Eodem modo primus ³⁴ *eques* hostium agminis fuit, (præ-
erat Aruns Tarquinius, filius regis) rex ipse cum legionibus
sequebatur. Aruns, ubi ex lictoribus procul consulem esse,
deinde jam propius ac certius facie quoque Brutum cogno-
vit, inflammatus ira, *Ille est vir, inquit, qui nos extorres ex-*
pulit patria. Ipse, en, ille, nostris decoratus insignibus, mag-
nifice incedit. Dii regum ultores adeste. Concitat calcaribus
equum, atque in ipsum infestus consulem dirigit. Sen-
sit in se iri Brutus. Decorum erat tum ipsis capessere pug-
nam ducibus: avide itaque se certamini obfert. adeoque
infestis animis concurrerunt, neuter, dum hostem vulnera-
ret, sui protegendî corporis memor, ut, contrario ictu per **Bruti mors.**
parmam uterque transfixus, duabus hærentes hastis mori-
bundi ex equis lapsi sint. simul et cetera equestris pugna
cœpit; neque ita multo post et pedites superveniunt. Ibi **Pugna du-**
varia victoria, et velut æquo Marte pugnatum est. dextra **bia.**
utrimque cornua vicere, læva superata. Veientes, vinci
ab Romano milite adsueta, fusi fugatique ^b. Tarquiniensis,
novus hostis, non stetit solum, sed etiam ab sua parte Ro-
manum pepulit.

VII. Ita quum pugnatum esset, tantus terror Tarquinium
atque Etruscos incessit, ut, omissa irrita re, nocte ambo

^b add. *sunt* Gron. Crev.

³³ *Se ortum*] Ex se, ex Etruscis
ortum.

³⁴ *Eques*] Equitatus in hostium
agmine primum locum tenuit.

U. C. 245. exercitus, Veiens Tarquiniensisque, suas quisque abirent.
 A. C. 507. domos. Adjiciunt miracula huic pugnae: silentio proximae noctis ex silva Arsia ingentem editam vocem; ³⁵ Silvani vocem eam creditam; haec dicta, *Uno plus Etruscorum cecidisse in acie; vincere bello Romanum.* Ita certe inde abiire Romani, ut victores; Etrusci pro victis. Nam, postquam inluxit, nec quisquam hostium in conspectu erat, P. Valerius consul spolia legit, triumphansque inde Romam rediit. collegae funus, quanto tum potuit adparatu, fecit. sed multo majus morti decus publica fuit moestitia, eo ante omnia insignis, quia matronae ³⁶ annum, ut parentem, eum luxerunt, quod tam acer ultor violatae pudicitiae fuisset. Consuli deinde, qui superfuerat, ut sunt mutabiles vulgi animi, ³⁷ ex favore non invidia modo, sed suspicio etiam cum atroci crimine orta. Regnum eum adfectare fama ferebat: quia nec collegam subrogaverat in locum Bruti, et aedificabat in summa ³⁸ Velia. ibi alto atque munito loco arcem inexpugnabilem fore. Haec dicta vulgo creditaque ³⁹ quum indignitate angerent consulis animum, vocato ad concilium populo, ⁴⁰ submissis fascibus in concionem ascendit^c. Gratum id multitudini spectaculum fuit; submissa sibi esse imperii insignia: confessionemque factam, populi, quam consulis, majestatem vimque majorem esse. Ubi audire jussi, consul *laudare fortunam collegae, quod, liberata patria, in summo honore, pro republica dimicans, matura gloria, nec dum se vertente in invidiam, mortem occubisset. se superstitem gloriae suae ad crimen atque invidiam superesse: ex liberatore patriae ⁴¹ ad Aquillios se^d Vitelliosque recidisse.* Numquamne ergo, inquit, ulla adeo a vobis spectata virtus erit, ut suspicione violari nequeat? Ego me, illum acerrimum regum hostem, ipsum cupiditatis regni crimen subitum timerem? Ego, si ⁴² in ipsa arce

Valerius
adfectati
regni insi-
mulatur.

Submittit
fascis po-
pulo.

Se purgat.

^c ascendit Gron. Crev.

^d se del. Eaed.

³⁵ *Sylvani*] Cui nomen a *sylva*, quod esset arborum et pecoris deus, ut habetur apud Virg. *Aen.* VIII. 601.

³⁶ *Annum*] Decem mensium. Non enim ultra hoc spatium maximus luctus excurrerat, ex instituto Numae. Plut. in Numa.

³⁷ *Ex favore*] Pro favore, quo populus Valerium prosequabatur.

³⁸ *Velia*] Editiore parte montis Palatini.

³⁹ *Quum indignitate angerent*] Andreas auctius: *Quum indignitate quoque angerent.* Recte. Praeter invidiae popularis periculum, etiam ipsa indignitateangebatur consulis animus.

⁴⁰ *Submissis fascibus*] Tunc e-

tiam fascibus secures demsit. Inde institutum mansit, ut fasces cum securibus nunquam in urbe consulibus praerentur. Dionysius l. V.

⁴¹ *Ad Aquillios Vitelliosque recidisse*] Eo recidisse, ut cum Aquilliis Vitelliisque compararetur.

⁴² *In ipsa arce Capitolioque*] *Ara* et *Capitolium*, ubi proprie et accurate loquerentur, duae diversae erant ejusdem montis partes. Sed utram *arcis*, utram *Capitolii* nomine appellarent, in utra templum Jovis esset, ambigitur. Probabilius tamen est, templum in ea parte fuisse, quae *Capitolium* proprie vocaretur. Vide Nardinum *Rom. Vet.* l. V. c. 14.

Capitolioque habitarem, metui me crederem posse a civibus U. C. 246.
meis? tam levi momento mea apud vos fama pendet? Adeone A. C. 507.
est fundata leviter fides, ut, ubi sim, quam qui sim, magis re-
ferat? Non obstabunt P. Valerii aedes libertati vestrae, Quiri-
tes; tata erit vobis Velia. Deferam non in planum modo
aedes, sed colli etiam subjiciam: ut vos supra suspectum me
civem habitetis. In Velia aedificent, quibus melius, quam P.
Valerio, creditur libertas. Delata confestim materia omnis
infra Veliam; et, ubi nunc ⁴³ *Vicæpotæ est, domus in in-*
fimo clivo aedificata.

VIII. Latæ deinde leges, non solum quæ regni suspici- ^{Leges ab eo}
 one consulem absolverent, sed quæ adeo in contrarium ^{latæ.}
⁴⁴ verterent, ut ⁴⁵ popularem etiam facerent. inde cognomen
 factum Publicolæ est. ante omnes de provocatione adver-
 sus magistratus ad populum, ⁴⁶ sacrandoque cum bonis ca-
 pite ejus, qui regni occupandi consilia inisset, gratæ in vul-
 gus leges fuere. Quas quum solus pertulisset, ut sua unius
 in his gratia esset, tum deinde comitia collegæ subrogando
 habuit. Creatus Sp. Lucretius consul, qui magno natu, non
 subficientibus jam viribus ad consularia munera obeunda,
 intra paucos dies moritur. Subfectus in Lucretii locum ^{Subfectus}
 M. Horatius Pulvillus. Apud quosdam veteres auctores ^{Bruto Lu-}
 non invenio Lucretium consulem: Bruto statim Horatium ^{cretius;}
 subgerunt. credo, quia nulla gesta res insignem fecerit con- ^{huic Hora-}
 sulatum, memoria intercidisse. Nondum dedicata erat in ^{tius.}
 Capitolio Jovis aedes. Valerius Horatiusque consules sor-
 titi, uter dedicaret. Horatio sorte evenit. Publicola ad
 Veientium bellum profectus. Ægrius, quam dignum erat, ^{Capitolium}
 tulere Valerii necessarij, dedicationem tam incliti templi ^{dedicatur.}
 Horatio dari. id omnibus modis impedire conati, postquam
 alia frustra tentata erant, ⁴⁷ postem jam tenenti consuli
 fœdum inter precationem Deum nuncium incutiunt;
mortuum ejus filium esse, 48 funestaque familia dedicare eum
templum non posse. Non crediderit factum, an tantum ani-
 mo roboris fuerit, nec traditur certum, ⁴⁹ nec interpretatio
 est facilis. ⁵⁰ Nihil aliud ad eum nuncium a proposito aver-

⁴³ *Vicæpotæ*] Victoriæ, supple
 aed. Vicæpotæ nomen a vincendo
 et potiundo.

⁴⁴ *Verterent*] Supple rem, opinio-
 nem hominum.

⁴⁵ *Popularem*] Populo acceptum.

⁴⁶ *Sacrando*] Diris devovendo.
 Eum, cujus caput hoc sensu sacrum
 erat, cuivis impune occidere licebat.
 Bona ejus divendebantur, ac pecunia
 ex his redacta Cereri sacra erat. Vid.
 Liv. III. 55. Dionys. l. VI. p. 410.

⁴⁷ *Postem jam tenenti consuli*]
 Templi quod dedicabat, postem. Et-

enim, ut ait Cic. pro domo, n. 121.
Postem teneri in dedicatione oportere
videor audisse templi.

⁴⁸ *Funesta . . . familia*] *Funesta*
familia dicebatur tantisper, dum ca-
 daver humatum non esset, neque jus-
 ta persoluta. Apud Virgil. Misenus
 insepultus *totam . . . incertat funere*
classem. Æn. l. VI. v. 150.

⁴⁹ *Nec interpretatio est facilis*] Nec
 facile est ex mera conjectura decer-
 nere.

⁵⁰ *Nihil aliud . . . quam*] Dunta-
 xat.

U. C. 245. sus, quam ut cadaver efferri ⁵¹ juberet, tenens postem, pre-
A. C. 507. cationem peragit, et dedicat templum. Hæc post exactos
reges domi militiæque gesta primo anno. Inde P. Valerius
iterum, T. Lucretius consules facti.

U. C. 246. IX. Jam Tarquinii ad ⁵² Lartem Porsenam, Clusinum
A. C. 506. regem, perfugerant. ibi, miscendo consilium precesque,
P. Valerio nunc orabant, *ne se, oriundos ex Etruscis, ejusdem sanguinis*
II. T. Lucretio Coss. *nominisque, egentes exulare pateretur*: nunc monebant etiam,
ne orientem morem pellendi reges inultum sineret. ⁵³ *Satis liber-*
tatem ipsam habere dulcedinis. Nisi, quanta vi civitates eam
expetant, tanta regna reges defendant, æquari summa infimis.
nihil excelsum, nihil, quod supra cetera emineat, in civitatibus
fore. Adesse finem regnis, rei inter Deos hominesque pulcher-
rimæ. Porsena, tum regem esse Romæ, tum Etruscæ gen-
tis regem, amplum Tuscis ratus, Romam infesto exercitu
venit. Non umquam alias ante tantus terror senatum inva-
sit. Adeo valida res tum Clusina erat, magnumque Porse-
næ nomen. nec hostes modo timebant, sed suosmet ipsi
cives, ne Romana plebs metu perculsa, receptis in urbem
regibus, vel cum servitute pacem acciperet. Multa igitur
blandimenta plebi per id tempus ab senatu data. annonæ in-
primis habita cura, et ad frumentum comparandum missi,
alii in Volscos, alii Cumas. ⁵⁴ Salis quoque vendendi arbitri-

Porsena
bellum in-
fert P. Ro-
mano.

⁵¹ *Juberet*] Nimirum consul illud omen non accepit, sed repudiavit et abjecit. Observat Turnebus Adversar. l. V. c. 7. *oblativa* auguria, i. e. ea quæ incogitantibus offerebantur, licuisse repudiare: non item *impetrativa*, quæ quis a diis petita impetrasset.

⁵² *Lartem*] Volunt plerique interpretes *Lartem* nomen esse honoris, eoque vocabulo intelligi debere supremum quemdam moderatorem appositum duodecim Lucumonibus, sive regibus, quos duodecim Etruriæ populi sibi quisque præficiebant. Dionysius tamen accepit pro nomine Porsenæ. Sic enim habet l. V. *Λάρτιος ὄνομα, Περσίνος ἑτερονόμιον*, i. e. nomine *Lar*, cognomine *Porsena*.

⁵³ *Satis libertatem ipsam habere dulcedinis, nisi*] Ante vocem *nisi* supplendum est aliquod orationis membrum, quale esset: *et civitates omnes sese in libertatem vindicaturas, nisi &c.* Hoc non insolitum Latinis. Sic infra, l. III. c. 38. *Jam caput fieri libertatem repentium, si se plebs comitem senatui det.* Nihil ergo opus est mutare hic interpunctionem, quod facit Jac. Gronovius, qui edidit: *satis libertatem ipsam habere dulcedinis. Nisi . . . reges defendant, æquari*

summa infimis.

⁵⁴ *Salis quoque*] Difficillimum hunc locum feliciter emendare videtur Gronovius hoc modo: *salis quoque vendendi arbitrium, quia impenso pretio venibat, in publicum omne sumptum, ademptum privatis*: i. e. Quum sal nimio pretio veniret, nempe ob aviditatem eorum quibus salinæ circa Ostiam ab Anco rege factæ (l. I. c. 33.) locabantur, ejus vendendi potestas in publicum translata est, adempta privatis. Salinas voluerunt non jam exerceri a publicanis, quibus locatæ fuerant, sed in publicum receptas actoribus publicis mandari. Quod quidem sic Gallice reddere possemus: *Les Gabelles furent ôtées à ceux à qui on les avoit données à ferme, pour être dorénavant exercées par des commis.* *Arbitrium* secretiore significatu hic sumitur pro jure vendendi salis publicanis locato, sive eo quod Gallice diceremus *le parti du sel*. Sic fere Cic. post redit. in sen. n. 17. *arbitria funeris soluebantur*: et pro domo, n. 98. *arbitria petentes funeris*. Ubi *arbitria funeris* merces est pendenda libitinariis, qui jura Libitinæ, sive funerum apparandorum, a populo redemerant.

um, quia inpenso pretio venibat, in publicum omni sumtu, U. C. 246. ademtum privatis. ⁵⁵ Portoribusque * et tributo plebes† libera- A. C. 506. ta, ut divites conferrent, qui oneri ferendo essent: pauperes satis stipendii pendere, si liberos educarent. Itaque hæc indulgentia Patrum, asperis postmodum rebus in obsidione ac fame, adeo concordem civitatem tenuit, ut regium nomen non summi magis, quam infimi horrerent: nec quisquam unus malis artibus postea tam popularis esset, quam tum bene imperando universus senatus fuit.

X. Quum hostes adessent, pro se quisque in urbem ex agris demigrant: urbem ipsam sepiunt præsiidiis. alia muris, alia Tiberi objecto videbantur tuta. Pons sublicius iter pene hostibus dedit: ni unus vir fuisset, Horatius Cocles; (id munimentum illo die fortuna urbis Romanæ habuit) qui, pos- Hor. Cocli-
tis fortitu-
do. tus forte in statione pontis, quum captum repentino inpetu Janiculum, atque inde citatos decurrere hostes vidisset, trepidamque turbam suorum arma ordinesque relinquere, reprehensans singulos, obsistens, obtestansque Deum et hominum fidem, testabatur *nequidquam* ⁵⁶ *deserto præsidio eos fugere.* ⁵⁷ *Si transitum pontem a tergo reliquissent, jam plus hostium in Palatio Capitolioque, quam in Janiculo fore. Itaque monere, prædicere, ut pontem ferro, igni, quacumque vi possent, interrompant. Se inpetum hostium, quantum corpore uno posset obsisti, excepturum.* Vadit inde in primum aditum pontis: insignisque inter conspecta ⁵⁸ cedentium pugnae terga, obversis cominus ad ineundum proelium armis, ipso miraculo audaciæ obstupefecit hostes. duos tamen cum eo pudor tenuit, Sp. Lartium ac T. Herminium, ambos claros genere factisque. Cum his primam periculi procellam, et quod tumultuosissimum pugnae erat, parumper sustinuit. deinde eos quoque ipsos, exigua parte pontis relicta, revocantibus qui rescindebant, cedere in tutum coegit. Circumferens inde truces minaciter oculos ad procures Etruscorum, nunc singulos provocare, nunc increpare omnes, *Servitia regum superborum, suæ libertatis inmemores, alienam obpugnatum venire.* Cunctati aliquamdiu sunt, dum alius alium, ut proelium incipiant, circumspectant. pudor deinde commovit aciem, et, clamore sublato, undique in unum hostem tela conjiciunt. Quæ quum in objecto cuncta scuto hæsisent, neque ille

* Portoribus quoque Gron. Crev.

† plebe Eæd.

⁵⁵ Portoribus] Vectigalibus, quæ pro importatione et exportatione mercium solvebantur.

⁵⁶ Deserto præsidio] Deserto loco in quo præsidii causa constituti fuerant, nempe Janiculo.

⁵⁷ Si transitum pontem] Si pontem, postquam eum ipsi transissent, a ter-

go relinquerent, nec eum abrumperent. . . Constaret sensus, etiamsi vox pontem abesset. Si transitum reliquissent, i. e. si reliquissent hostibus transiendi copiam.

⁵⁸ Cedentium pugnae] Malleus cum Gronovio pugna.

U. C. 246. minus obstinatus ingenti pontem obtineret gradus, jam in-
 A. C. 506, petu conabantur detrudere virum; quum simul fragor rupti
 pontis, simul clamor Romanorum alacritate perfecti operis
 sublatus, pavore subito inpetum sustinuit. Tum Coele,
⁵⁹ *Tiberine pater*, inquit, *te sancte precor, hæc arma et hunc*
militem propitio flumine accipias. Ita ⁶⁰ sic armatus in Ti-
 berim desiluit: multisque superincidentibus telis incolumis
 ad suos tranavit, rem ausus plus famæ habituram ad poste-
 ros, quam fidei. Grata erga tantam virtutem civitas fuit:
 statua in ⁶¹ comitio posita, agri quantum uno die circuma-
 ravit, datum. Privata quoque inter publicos honores studia
 eminebant. nam in magna inopia pro domesticis copiis
 unusquisque ei aliquid, fraudans se ipse victu suo, contulit.

Porsena ur-
 bem obsi-
 det.

XI. Porsena, primo conatu repulsus, consiliis ab obpug-
 nanda urbe ad obsidendam versis, præsidio in Janiculo lo-
 cato, ipse in plano ripisque Tiberis castra posuit; navibus
 undique adcitis, et ad custodiam, ne quid Romam frumenti
 subvehi sineret, et ut prædatum milites trans flumen per
 occasiones aliis atque aliis locis ⁶² trajiceret³: brevique adeo
 infestum omnem Romanum agrum reddidit, ut non cetera
 solum ex agris, sed pecus quoque omne in urbem compelle-
 retur, neque quisquam extra portas propellere auderet.
 Hoc tantum licentiæ Etruscis, non metu magis, quam con-
 silio concessum. namque Valerius consul, intentus in occa-
 sionem multos simul et effusos improviso adoriundi, in par-
 vis rebus negligens ultor, gravem se ad majora vindicem
 servabat. Itaque, ut eliceret prædatores, edicit suis, poste-
 ro die frequentes porta Esquilina, quæ aversissima ab hoste
 erat, expellerent pecus; scituros id hostes ratus, quod in
 obsidione et fame servitia infida transfugerent. Et sciere
 perfugæ indicio; multoque plures, ut in spem universæ
 prædæ, flumen trajiciunt. P. Valerius inde T. Herminium
 cum modicis copiis ⁶³ ad secundum lapidem Gabina via oc-
 cultum considerare jubet: Sp. Lartium cum expedita juven-

³ *trajicerent* Gron. Crev.

⁵⁹ *Tiberine pater*] Numen invocat
 fluvii. Virg. VIII. Æn. v. 81. *Deus*
ipse loci . . . Tiberinus. Ubi Servius,
Bene Tiberinus, quia supra dixerat
deus. Nam in sacris Tiberinus . . .
vocatur.

⁶⁰ *Sic armatus*] Sicut erat arma-
 tus, quali eum habitu deprehendebat
 saliendo in fluvium necessitas. *et sic*
 interdum eleganter in hunc modum
 usurpatur. Virgilius Æneidos libro
 II. v. 644. *Sic o sic positum affati*
discedite corpus: et Cic. pro Sex. Ro-
scio, n. 71. Sic nudos in flumen deji-

cere.

⁶¹ *Comitio*] Comitium pars fort
 Romani, in qua fuere Rostra, ac con-
 cilia populi plerumque agebantur.
^{*} Vid. not. 73. ad I. 36. supra.

⁶² *Trajicerent*] Recte Gronovius
trajiceret: quod habet unus ex ipsius
 MSS. Vel lege cum uno e nostris: *si-*
nerent . . . trajicerent.

⁶³ *Ad secundum lapidem*] Ad se-
 cundum ab urbe miliarium. In viis
 publicis singula miliaria lapidibus sig-
 nabantur.

tute ad portam Collinam stare, donec hostis prætereat. de U. C. 246: inde se objicere, ne sit ad flumen reditus. Consul alter 4. C. 506: T. Lucretius porta Nævia cum aliquot manipulis militum egressus: ipse Valerius Cœlio monte cohortes delectas educit. hique primi adparuere hosti. Herminius, ubi tumultum sensit, ⁶⁴concurrit ex insidiis, ⁶⁵versisque in Valerium Etruscis terga cædit. dextra lævaque, hinc a porta Collina, illinc ab Nævia redditus clamor. ita cæsi in medio prædatores, neque ad pugnam viribus pares, et ad fugam septis omnibus viis. finisque ille ⁶⁶tam effuse evagandi^a Etruscis fuit.

XII. Obsidio erat nihilominus et frumenti cum summa caritate inopia; sedendoque expugnaturum se urbem spem Porsena habebat; quum C. Mucius, adolescens nobilis, cui C. Mucii indignum videbatur, populum Romanum ⁶⁷servientem, facinus. quum sub regibus esset, nullo bello nec ab hostibus ullis obsessum esse; liberum eundem populum ab iisdem Etruscis obsideri, quorum sæpe exercitus fuderit; ⁶⁸itaque, magno audacique aliquo facinore eam indignitatem vindicandam ratus, primo sua sponte penetrare in hostium castra constituit. dein metuens, ne, si consulum injussu et ignaris omnibus iret, forte deprehensus a custodibus Romanis retraheretur ut transfuga, ⁶⁹fortuna tum urbis orimen adfirmante, senatum adiit: *Transire Tiberim, inquit, Patres, et intrare, si possim, castra hostium volo; non prædo, nec populatio- num in vicem ultor. majus, si Dii juvant, in animo est facinus.* Adprobant Patres: abdito intra vestem ferro, proficiscitur. Ubi eo venit, in confertissima turba prope regium tribunal constitit. Ibi quum stipendium forte militibus daretur, et scriba, cum rege sedens pari fere ornatu, multa ageret, eum milites vulgo adirent, timens sciscitari, uter Porsena esset, ne ignorando regem semet ipse aperiret quis esset, ⁷⁰quo temere traxit fortuna facinus, scribam pro rege obtruncat.

^a vagandi Gron. Crev.

⁶⁴ Concurrit ex insidiis] Lege con-
currit.

⁶⁵ Versisque in Valerium Etruscis] Olim in Lucretium. Sed quum infra dicatur ab porta Nævia redditus clamor, qua egressus Lucretius erat, non potest hic Lucretio locus esse. Id recte observavit Glareanus, et jussit legi in Valerium, ut constet sibi narratio.

⁶⁶ Tam effuse vagandi] Aliquot scripti, tum Jac. Gronovio, tum nobis inspecti, habent evagandi.

⁶⁷ Servientem, quum sub regibus esset] Vox servientem glossa sapere

videtur. Certe sufficit alterum membrum, quum sub regibus esset.

⁶⁸ Itaque] Adeoque: et idcirco. Connectit hæc particula membrum cui præfigitur cum eo quod præcessit.

⁶⁹ Fortuna urbis] Quod status urbis obsessæ et ad summam inopiam redactæ hanc criminationem probabilem faceret.

⁷⁰ Quo temere] Scribam obtruncat, in quem non consilio aut judicio; sed temerario fortunæ impulsu actus est.

U. C. 246. A. C. 506. Vadentem inde, qua per trepidam turbam cruento mucrone sibi ipse fecerat viam, quum, concursu ad clamorem facto, comprehensum regii satellites retraxissent, ante tribunal regis destitutus, tum quoque, inter tantas fortunæ minas, metuendus magis, quam metuens: *Romanus sum, inquit, civis. C. Mucium vocant. hostis hostem occidere volui. nec ad mortem minus animi est, quam fuit ad cædem. Et facere et ⁷¹ pati fortia, Romanum est. Nec unus in te ego hos animos gessi: longus post me ordo est idem petentium decus. Proinde in hoc discrimen, si juvat, adcingere, ut in singulas horas ⁷² capite dimices tuo; ferrum hostemque in vestibulo habeas regiæ. Hoc tibi juventus Romana indicimus bellum. Nullam aciem, nullum prælium timueris. Uni tibi, et cum singulis res erit. Quum rex, simul ⁷³ ira infensus, periculoque conterritus, circumdari ignes minitabundus juberet, nisi expromeret propere, quas insidiarum sibi minas per ambages jaceret: En tibi, inquit, ut sentias, quam vile corpus sit iis, qui magnam gloriam vident: ⁷⁴ dextramque accenso ad sacrificium foculo injicit. quam quum velut alienato ab sensu torreret animo; ⁷⁵ prope attonitus miraculo rex, quum ab sede sua prosiluisset, amoverique ab altaribus juvenem jussisset, Tu vero abi, inquit, in te magis, quam in me hostilia ausus. Juberem macte virtute esse, si pro mea patria ista virtus staret. Nunc ⁷⁶ jure belli liberum te, intactum inviolatumque hinc dimitto. Tum Mucius, quasi remunerans meritum, Quandoquidem, inquit, est apud te virtuti honos, ut beneficio tuleris a me, quod minis nequisti; trecenti conjuravimus principes juventutis Romanæ, ut in te hac via grassaremur. Mea prima sors fuit. ceteri, ⁷⁷ ut cuique ceciderit primo, quoad te opportunum fortuna dederit, suo quisque tempore, aderunt.*

XIII. Mucium dimissum, cui postea ⁷⁸ Scævolæ a clade

71 * *Pati fortia*] Pati ea, quæ non possit tolerare, nisi fortis et constantis animi vir.

72 *Capite dimices tuo*] In periculum de vita tua venias. Ac fortasse hic desit particula *de*. Dicunt enim Latini *de capite, de fortunis, de gloria, de salute dimicare*: nec ullum nobis succurrit exemplum suppressæ præpositionis in ejusmodi locutionibus.

73 *Ira infensus*] Magis placet *infensus*: quod præferunt duo ex Hearnii codicibus.

74 *Dextramque*] Operæ pretium est videre de hoc Mucii facto nobile Martialis epigramma, quod est 21. lib. I. Quanquam hæc lectori cordato mirabilia profecto, quam veriora videbuntur. Et quidem de his igni-

bus, injectaque in accensum foculum a Mucio dextra silet Dionysius.

75 * *Prope attonitus*] Attonitus, si vim verbi spectes, est is qui fulmine afflatus est, qui proinde corpore et animo immobilis stupet. Itaque significantior illa vox est, quam hæc nostra, quæ tamen ab ea originem ducit, *étonné*.

76 *Jure belli liberum*] Immunem ab his, quæ in te mihi jure belli licent.

77 * *Ut cuique ceciderit primo*] Resecunda videtur vox *primo*: quæ et impedit sensum potius quam juvat, et huc potuit immigrare ex versu præcedenti, ubi reperitur *prima*.

78 *Scævolæ*] Quia amissa dextra manu, læva uti cogeatur, vocatus est Scævola. Scævos enim, seu scæ-

dextræ manus cognomen inditum, legati a Porsena Romam U. C. 346. secuti sunt. Adeo moverat eum et primi periculi casus, A. C. 506. quo nihil se præter errorem insidiatoris texisset, et subeunda dimicatio toties, quot conjurati supercissent, ut pacis Porsena de pace agit. conditiones ⁷⁹ ultro ferret Romanis. Jactatum in conditionibus nequidquam de Tarquiniis in regnum restituendis, magis quia id negare ipse nequiverat Tarquiniis, quam quod negatum iri sibi ab Romanis ignoraret. ⁸⁰ De agro Veientibus restituendo inpetratum: expressaque necessitas obsides dandi Romanis, si Janiculo præsidium deduci vel-
lent. His conditionibus composita pace, exercitum ab Janiculo deduxit Porsena, et agro Romano excessit. Patres C. Mucio virtutis caussa trans Tiberim agrum dono dedere, quæ postea sunt Mucia prata adpellata. Ergo, ita honorata virtute, feminæ quoque ad publica decora excitatæ. Et ¹ Clælia virgo, una ex obsidibus, quum castra Etrusco- Clælia. rum forte haud procul ripa Tiberis locata essent, frustrata custodes, dux agminis virginum inter tela hostium Tiberim tranavit: sospitesque omnes Romam ad propinquos restituit. Quod ubi regi nunciatum est, primo incensus ira, oratores Romam misit ad Clæliam obsidem deposcendam; alias haud magni facere: deinde in admirationem versus, *supra Coclites Muciosque dicere id facinus esse, et præ se ferre, quemadmodum, si non dedatur obses, pro rupto se foedus habiturum; sic deditam, inviolatam ad suos remissurum.* Utrunque constitit fides: et Romani pignus pacis ex foedere restituerunt: et apud regem Etruscum non tuta solum, sed honorata etiam, virtus fuit: laudatamque virginem ⁸¹ parte

¹ Et del. Gron. Crev.

vole is est qui sinistra manu, pro dextra, utitur: a Græco *Σαίος*, sinister.

⁷⁹ *Utro*] Vid. not. §9. ad c. 5. l. I.

⁸⁰ *De agro*] Illum agrum Dionys. l. V. tradit vocitatum fuisse *Septem pagos*; quem, eodem et Plutarcho in Rom. testibus, Veientibus Romulus ademerat. Eum sibi, non Veientibus reddi postulat Porsena apud Dionysium. Quod quidem non abhorret a vero, quum ipse Livius infra c. 15. nulla Veientium facta mentione, eum a Porsena restitutum Romanis narret.

⁸¹ *Parte obsidum se donare dixit*] Quota parte? Nempe dimidia. Ubi etiam *pars et partes* ita in oratione ponuntur, ut certæ quædam et determinatæ portiones finiri videantur, nec tamen diserte explicetur quales illæ partes sint; tum intelligendæ sunt partes ejusmodi, quibus una si-

milis addita totum efficiat. Sic hoc loco dimidiam obsidum partem intelligimus, cui altera dimidia pars addita totum efficeret. Sic infra c. 41. ubi dicuntur *duæ agri partes* Hernicis *ademptæ*, intelligendæ sunt *duæ* tertiæ partes, quibus una adhuc tertia pars addita totum efficeret. Quo quidem in loco res manifestissima est, quum eodem capite objiciatur Cassio, qui *duas* illas agri partes Hernicis ademerat, quod iis *tertiā* agri *partem* reddiderit. Quomodo hic vox *parte* absolute ponitur pro *dimidia parte*, sic et apud Ovid. l. V. Metam. v. 453. *Neque adhuc epota parte.* Jam Ceres aliquam partem biberat, ut ex contextu narrationis patet; at nondum dimidiam partem. Vide et epigr. Martialis, quod est 24. l. II. * Simile exemplum vid. infra VIII. 4.

U. C. 246. obsidum se donare dixit: ipsa, quos vellet, legeret. Pro-
A. C. 506. ductis omnibus, elegisse ⁸² *impubes* ¹ dicitur: quod et virgi-
nitati decorum, et consensu obsidum ipsorum ⁸³ probabile
erat, eam ætatem potissimum liberari ab hoste, quæ maxi-
me opportuna injuriæ esset. Pace redintegrata, Romani
novam in femina virtutem novo genere honoris, statua
equestri, donavere. in summa Sacra via fuit posita virgo
insidens equo.

XIV. Huic tam pacatæ profectioni ab urbe regis Etrus-
ci abhorrens mos, traditus ab antiquis, usque ad nostram
ætatem inter cetera sollemnia manet ⁸⁴ bonis vendendis,
bona Porsenæ regis vendendi. Cujus originem moris ne-
cesse est aut inter bellum natam esse, neque omissam in
pace; ⁸⁵ aut a¹ mitiore crevisse principio, quam hic præ se
ferat titulus bona hostiliter vendendi. Proximum vero est
ex iis, quæ traduntur, Porsenam discedentem ^m ab Janicu-
lo, castra opulenta, convecto ex propinquis ac fertilibus
Etruriæ arvis commeatu, Romanis dono dedisse, inopi tum
urbe ab longinqua obsidione. ea deinde, ne populo inmisso
diriperentur hostiliter, venisse, bonaque Porsenæ adpellata,
gratiam muneris magis significante titulo, quam auctionem
fortunæ regiæ, quæ ne ⁸⁶ in potestatem quidem populi Ro-
mani esset. Omisso Romano bello, Porsena, ne frustra in
ea loca exercitus adductus videretur, cum parte copiarum
filium Aruntem Ariciam obpugnatum mittit. Primo Ari-
cinos res necopinata perculerat. arcessita deinde auxilia, et
a Latinis populis et a Cumis, tantum spei fecere, ut acie
decernere auderent. Proelio inito, adeo concitato inpetu se
intulerant Etrusci, ut funderent ipso incursu Aricinos.
Cumanæ cohortes, arte adversus vim usæ, declinavere
paullulum; ⁸⁷ effuseque prælatos hostes conversis signis ab
tergo adortæ sunt. Ita in medio, prope jam victores, cæsi
Etrusci: pars perexigua, duce amisso, quia nullum propius
perfugium erat, Romam inermes et fortuna et specie sup-
plicum delati sunt. ibi benigne excepti divisique in hospi-

¹ *impuberes* Gron. Crev.

¹ a del. Emd.

^m *descendentem* Emd.

⁸² *Impuberes*] Plurimi scripti, tum Gronoviani, tum nostri, *impubes*. Grammatici observant dici quoque *impubem*, ut *impuerem*.

⁸³ *Probabile*] Quod ipsi obsides non poterant, quin probarent.

⁸⁴ *Bonis vendendis*] In sectionibus, quum venderentur bona quæ essent publici juris, ut habet Plut. in Popl.

⁸⁵ *Aut mitiore*] Aut ortam esse ac manavisse a mitiore principio, quam

præ se ferant hæc verba solennia, ex quibus bona Porsenæ hostiliter vendi videantur.

⁸⁶ *In potestatem esset*] Consuetæ loquendi leges postulare videntur *in potestate*. * Neminem offendere debet hæc loquendi forma, quæ apud optimos scriptores usitata est. Vid. infra XXIV. 1.

⁸⁷ *Effuse prælatos*] Effuso cursu prætervectos locum in quo Cumanæ subsederant.

tia. Curatis vulneribus, alii profecti domos, nuncii hospitalium beneficiorum. Multos Romæ hospitem urbisque caritas tenuit. his locus ad habitandum datus, quem deinde *Tusculum vicum* adpellarunt.

XV. ⁸⁸ P. Lucretius inde et P. Valerius Publicola^a con- U. C. 247.
sules facti. Eo anno postremum legati a Porsena de redu- A. C. 505.
cendo in regnum Tarquinio venerunt. quibus quum respon-
sum esset, missurum ad regem senatum legatos; missi con-
festim honoratissimus quisque ex Patribus. *Non, quin
breuiter reddi responsum potuerit, non recipi reges, ideo po-
lius delectos Patrum ad eum missos, quam legatis ejus Ro-
mæ daretur responsum: sed ut in perpetuum mentio ejus
rei finiretur, neu in tantis mutuis beneficiis in vicem animi
sollicitarentur: quum ille peteret, quod contra libertatem
populi Romani esset; Romani, nisi in perniciem suam fa-
ciles esse vellent, negarent, cui nihil negatum vellent. Non
in regno populum Romanum, sed in libertate esse. ita indu-
xisse in animum, hostibus potius, quam regibus, portas pate-
facere. Eam esse voluntatem omnium, ut, qui libertati erit
in illa urbe finis, idem urbi sit. Proinde, si salvam esse
vellet Romam, ut patiatur liberam esse, orare. Rex, vere-
cundia victus, Quando id certum atque obstinatum est, in-
quit, neque ego obtundam sæpius eadem nequidquam agendo:
nee Tarquinius spe auxilii, quod nullum in me est, frustra-
bor. Alium hinc, seu bello opus est, seu quiete, exsilio quæ-
rant locum, ne quid meam vobiscum pacem distineat. Dictis
facta amicia adjecit. obsidum quod reliquum erat, reddi-
dit. agrum Veientem, foedere ad Janiculum icto ademtum,
restituit. Tarquinius, spe omni reditus incisa, exsulatum
ad generum Mamilium Octavium Tusculum abiit. Roma-
nis pax fida ita cum Porsena fuit.*

Tarquinius
Tusculum
in exsili-
um
abit.

XVI. ⁸⁹ Consules^o M. Valerius, P. Postumius. Eo anno U. C. 249.
bene pugnatum cum Sabinis. consules triumpharunt. Ma- A. C. 503.
jore inde mole Sabini bellum parabant. adversus eos, et ne
quid simul ab Tusculo (unde, etsi non apertum, suspectum
tamen bellum erat,) repentini periculi oriretur, P. Valerius U. C. 250.
quartum, T. Lucretius iterum consules facti. Seditio, inter A. C. 502.
belli pacisque auctores orta in Sabinis, aliquantum inde
virium transtulit ad Romanos. namque Attus^p Clausus, cui Attus
postea Ap. Claudio fuit Romæ nomen, cum pacis ipse auc-
Clausus Ro-
mam trans-
fugit.

^a add. *tertium* Gron. Crev.

^o add. *deinde* Eæd.

^p *Atta* Eæd.

⁸⁸ P. Lucretius] Dionysius et
scriptores fastorum Publicolæ ter-
tium consuli collegam adjungunt M.
Horatium iterum.

⁸⁹ Consules *deinde*] Omissum hic,
seu librariorum, seu fortasse Livii
ipsius incuria, par consulum: Sp.
Lartius, T. Herminius.



Claudia tri-
bus.
Attus Clau-
sus inter
Patres lec-
tus.

P. Valerii
mora.
U. C. 281.
A. C. 501.

Bellum
cum Au-
runcis.

tor a ⁹⁰ turbatoribus belli premeretur, nec par factioni esset, ⁹¹ ab Regillo, magna clientium comitatus manu, Romam transfugit. His civitas data agerque trans Anienem. ⁹² vetus Claudia tribus, additis postea novis tribulibus, qui ex eo venirent⁹ agro, adpellata. Appius, inter Patres lectus, haud ita multo post in principum dignationem pervenit. Consules, infesto exercitu in agrum Sabinum profecti, quum ita vastatione, dein^r proelio, afflixissent opes hostium, ut diu nihil inde rebellionis timere possent, triumphantes Romam redierunt. P. Valerius, omnium consensu princeps belli pacisque artibus, anno post, Agrippa Menenio, P. Postumio consulibus, moritur, gloria ingenti, copiis familiaribus adeo exiguis, ut funeri sumtus deesset: de publico est elatus. Luxere matronæ, ut Brutum. Eodem anno duæ coloniæ Latinæ, Pometia et Cora, ad Auruncos deficiunt. cum Auruncis bellum initum: fusoque ingenti exercitu, qui se ingredientibus fines consulibus ferociter obtulerat, omne Auruncum bellum Pometiam compulsus est. Nec magis post proelium, quam in proelio, cædibus temperatum est. et cæsi aliquanto plures erant, quam capti; et captos passim trucidaverunt. ne ab obsidibus quidem, qui trecenti accepti numero erant, ⁹³ iram belli hostis abstinuit. Et hoc anno Romæ triumphatum.

⁹ venerant Gron. Crev.

^r deinde Eaed.

⁹⁰ *Turbatoribus belli*] Insolens profecto ac paulo durior loquendi forma, quæ tamen fortasse non temere mutari debeat. *Turbatores belli* nimirum intelligi possunt ii, qui per turbas ac violentas actiones bellum concitant. * Placeret tamen magis legere, *ab hortatoribus belli*: uti apud Virgilium, *Hortator scelerum Æolides*; et apud Ovid. *Trist. IV. 2. 32. Hortator pugnae consiliumque fuit.*

⁹¹ *Ab Regillo*] Jac. Gronovius ex vestigiis MSS. legi jubet *ab vico Regillo*. Vid. primam ejus dissertationem Epistolicam ad calcem II. tomi Liviani in editione anni 1679.

⁹² *Vetus*] Hæc quidem possunt fortasse sic accipi, ut ii qui cum Atta Clauso Romam venerant, appellati fuerint *vetus Claudia tribus*, posteaquam accesserunt novi tribules: ita ut hæc appellatio non in totam tribum, sed in veterrimam ejus partem caderet. Sed si hæc mens Livii fuit, eam clarius expressam cuperemus. Verisimile est latere vitium in voce *vetus*. Fortasse Livius dederat, *ager-*

que trans Anienem attributus. Claudia tribus, additis postea novis tribulibus, qui ex eo venirent agro, (sic enim quatuor e scriptis nostris, non *venerant*) *appellata*. Nempe tribum Claudiam non existimandum est hoc statim tempore formatam fuisse. Nam et Dionys. l. V. eam lapsu temporis coaluisse tradit, et Livius ipse hoc idem infra c. 21. innuere videtur. Ibi enim videmus tribus unam et viginti eo anno factas. Quum autem ex quo tribus a Servio Tullio institutas et ordinatas memoravit, nullius novæ tribus, præterquam Claudie, nomen appellet, vix est ut aliter tribus unam et viginti factas esse intelligamus, quam adjecta tribu Claudia. Quod quidem eo verisimilius est, quod eo ipso anno. Ap. Claudius consul erat, qui hunc nomini suo ac genti addere honorem voluisse merito videri potest.

⁹³ *Iram belli hostis abstinuit*] *Hostis* intelligendus est populus Romanus bellans cum Auruncis. Conjectura Lipsii. MSS. magno consensu

XVII. Secuti consules, Opiter Virginius et Sp. Cassius, U. C. 262. A. C. 500. Pometiam primo vi, deinde ⁹⁴ vineis aliisque operibus, ob-
pugnaverunt. in quos Aurunci, magis jam inexpiabili odio, quam spe aliqua aut occasione, coorti, quum plures igni, quam ferro, armati ⁹⁵ excucurrissent*, cæde incendioque cuncta complent. vineis incensis, multis hostium vulneratis et occisis, consulum quoque alterum, (sed utrum, nomen auctores non adjiciunt) gravi vulnere ex equo dejectum, prope interfecerunt. Romam inde, male gesta re, reditum. inter multos saucios consul spe incerta vitæ ⁹⁶ relictus. Interjecto deinde haud magno spatio, quod vulneribus curandis supplendoque exercitui satis esset, tum ⁹⁷ ira majore belli, tum viribus etiam auctis, Pometiæ arma inlata. et quum, vineis reffectis aliaque mole belli, jam in eo esset, ut in muros evaderet miles, deditio est facta. ceterum nihilo minus foede, dedita urbe, quam si capta foret, Aurunci passim principes securi percussi, ⁹⁸ sub corona venierunt ⁹⁹ co-

* *excucurrissent* Gron. Crev.

habent, teste Gronovio, *ira belli hostilis abstinuit*: unde ille efficit, *ira belli hostilia abstinuit*. Tres e nostris antiquissimi favent ei, quæ editos obtinebat ante Lipsium, lectioni *ira belli abstinuit*.

⁹⁴ *Vineis*] Vineæ erant machinæ lignis et cratibus contextæ, ac terra adopertæ, quæ subjectis rotulis impellebantur. Harum tecto muniti obsidentes vel murorum fundamenta ferro subruebant, vel arietem mœnibus incutiebant. De vineis agit Lips. l. I. Poliorcet. dial. 7.

⁹⁵ *Excucurrissent*] Sorbonicus codex, ut et aliquot a Jac. Gronovio allegati, *excucurrissent*.

⁹⁶ *Relictus*] In castris ad Pometiam.

⁹⁷ *Ira majore belli*] Vox ultima abest ab uno e nostris codd. et ab Andree editione; nec sane necessaria est.

⁹⁸ *Sub corona*] Captivi coronati vendebantur. Vid. A. Gell. VII. 4.

⁹⁹ *Coloni alii*] Quum *Auruncis* principibus opponat *colonos alios* Livius, hoc videtur significare, Auruncos in numero colonorum fuisse: a quibus tamen diversos fuisse ostendit supra, dum c. præc. sic habet: *Pometia et Cora, colonia Latinæ, ad Auruncos deferre*. Sunt qui, ut sese hac difficultate expediant, has voces *coloni alii* detorqueant in hunc sensum: *alii*, nempe *coloni*: i. e. ipsi Pometini. Quod sane durum videtur,

nec prorsus admittendum. Omnino vix fieri potest, ut Livium negemus in hac belli Aurunci narratione parum fuisse diligentem. Postquam enim Pometiam ad Auruncos defecisse narravit, ita deinde semper de illa urbe loquitur, quasi non socia Auruncorum civitas, sed Aurunci nominis urbs atque Auruncorum gentis fuisset. Bellum enim Auruncum Pometiam compellitur. Ubi sermo est de eruptione in Romanos facta, Aurunci soli, nulla Pometinorum facta mentione, nominantur. Denique hic opponuntur Auruncis principibus coloni alii. Veniebat in mentem fieri fortasse potuisse ut, quum duplex Suessa sit, altera Volscorum, quæ et Pometia dicebatur, altera Auruncorum, nominis errore deceptus Livius id ad Suessam Pometiam retulerit, quod de Suessa Aurunca narratum a vetustioribus repererat. Hæc paulo audacior conjectura firmatur tamen ex eo quod, quum oppidum, quod hic a Romanis capitur, dirutum dicatur, infra capp. 22. et 25. septimo post anno Suessam Pometiam videamus non modo superstitem, sed iis et viribus, quæ morari exercitum victorem possint, et opibus, quæ direptæ egen-tem militem recrearent. Quæ de Pometia vi capta et diruta narrat hoc loco Livius, eadem fere Dionysius de Cameria, veteris Latii urbe: de bello cum Auruncis omnino silet. Fatendum est veterum illorum temporum histo-

loni alii; oppidum dirutum, ager venit. Consules, magis ob iras graviter ultas, quam ob magnitudinem perfecti belli, triumpharunt.

U. C. 253.
A. C. 499.

Primus
dictator.

XVIII. Insequens annus Postumum Cominium et T. Lartium consules habuit. Eo anno Romæ, quum per ludos ab Sabinorum juventute per lasciviam scorta raperentur, concursu hominum rixa ac prope prælium fuit; parvaque ex re ad rebellionem spectare res videbatur. ¹ Supra belli Latini metum id quoque accesserat, quod triginta jam conjurasse populos, concitante Octavio Mamilio, satis constabat. In hac tantarum expectatione rerum sollicita civitate, ² dictatoris primum creandi mentio orta. ³ sed nec quo anno, nec quibus consulibus, quia ex factione Tarquinia essent, (id quoque enim traditur) parum creditum sit, nec quis primum dictator creatus sit, satis constat. apud veterimos tamen auctores T. Lartium dictatorem primum, Sp. Cassium ⁴ magistrum equitum, creatos invenio. ⁵ Consulares legere: ita lex jubebat, de dictatore creando lata. Eo magis adducor, ut credam Lartium, qui ⁶ consularis erat, potius, quam M. Valerium, M. filium, Volesi nepotem, qui nondum consul fuerat, moderatorem et magistrum consulibus adpositum. ⁷ qui, si maxime ex ea familia legi dictatorem vellent, patrem multo potius M. Valerium, spectatæ virtutis et consularem virum, legissent. Creato dictatore primum Romæ, postquam ⁸ præferri secures viderunt, mag-

riam densis tenebris involutam esse.

* Hic aliquid peccavisse videtur, vel librariorum manus, vel fortasse ipse Livius. Utut sit, *coloni* hic intelligendi sunt, ex iis quæ præcedunt, Pometini, quorum urbs colonia erat Latina.

1 * *Supra belli Latini metum*] Libenter amplectimur certissimam Dujatii conjecturam, qui legendum censet, *belli Sabini*. Melius quoque nobis videretur, *super . . . metum*. Sic infra 27. *Super hæc timor incessit Sabini belli*: et c. 51. *Super bellum annona premente*. † Vulgata quidem lectio stare posse non videtur. Triginta enim illi populi, qui conjurasse, Octavio Mamilio concitante, mox dicuntur, non alii sunt, quam Latini ipsi.

2 *Dictatoris*] Dictatoris summum belli ac pacis, ceterarumque rerum omnium imperium erat: ei dicto audientes esse omnes oportebat; nec ab eo, saltem primis hisce temporibus, licebat provocare. In sex menses creabatur: sed pauci dictatores hunc magistratum tamdiu retinue-

runt.

3 *Sed nec quo anno*] Dionysius, l. V. primi dictatoris creationem rejicit in quartum abhinc annum, quo T. Lartius iterum consul fuit cum Q. Clælio: eaque probabilior opinio est. Vide super totius hujus sexennii historia, et rerum per illud gestarum ordine, observationes doctissimi viri *De la Curne* in commentariis regię inscriptionum et litterarum Academię, tomo VIII.

4 *Magistrum equitum*] Dictator, qui alio nomine vocabatur *magister populi*, adsciscebatur sibi *magistrum equitum*, cui potestas in equites committeretur; sed ita tamen, ut ipse dictatoris imperio subjectus foret.

5 *Consulares legere*] Legere in dictatorem ac magistrum equitum viros consulares.

6 *Consularis erat*] Imo quum maxime consul.

7 *Qui si maxime*] Refer *et* qui ad Patres Romanos eligentes dictatorem.

8 * *Præferri secures*] Consulibus enim non præferebantur in urbe secu-

nus plebem metus incessit, ut intentiores essent ad dicto U. C. 253.
parendum. neque enim, ut in consulibus, qui pari pot- A. C. 499.
estate essent, alterius auxilium, neque provocatio erat; ne-
que ullum usquam, nisi in cura parendi, auxilium. Sabinis
etiam creatus Romæ dictator (eo magis quod propter se
creatum crediderant) metum incussit. itaque legatos de pace
mittunt. quibus, orantibus dictatorem senatumque, ut ve-
niam erroris hominibus adolescentibus darent, responsum;
*ignosci adolescentibus posse, senibus non posse, qui bella ex bel-
lis sererent.* actum tamen est de pace: inpetrataque foret,
si, quod inpensæ factum in bellum erat, præstare Sabini
(id enim postulatum erat) in animum induxissent. Bellum
indictum. tacitæ induciæ quietum annum tenuere.

XIX. Consules Ser. Sulpicius, M'. Tullius. nihil dig- U. C. 254.
num memoria actum. T. Æbutius deinde et C. Vetusius. A. C. 498.
His consulibus Fidenæ obsessæ, Crustumeria capta, Præ-
neste ab Latinis ad Romanos descivit. nec ultra bellum
Latinum, ⁹ gliscens jam per aliquot annos, dilatum. A. Bellum
Postumius dictator, T. Æbutius magister equitum, magnis cum Lat-
copiis peditum equitumque profecti, ad lacum Regillum in nis.
agro Tusculano agmini hostium occurrerunt. et, quia Tar- U. C. 255.
quinios esse in exercitu Latinorum auditum est, sustineri A. C. 497.
ira non potuit, quin extemplo configerent. Ergo etiam
proelium ¹⁰ aliquanto, quam cetera, gravius atque atrocius
fuit. non enim duces ad regendam modo consilio rem ad-
fuere, sed, ¹¹ suismet ipsis corporibus dimicantes, miscuere
certamina. nec quisquam procerum ferme hac aut illa¹ ex
acie sine vulnere, præter dictatorem Romanum, excessit.
In Postumium, prima in acie suos adhortantem instruen-
temque, ¹² Tarquinius Superbus, quamquam jam ætate et
viribus erat gravior, equum infestus admisit: ictusque ab
latere, concursu suorum receptus in tutum est. Et ad al-
terum cornu Æbutius magister equitum in Octavium Ma-
milius inpetum dederat. nec fefellit veniens Tusculanum
ducem: ¹³ contra quem et ille concitat equum. tantaque
vis ¹⁴ infestis venientium hastis fuit, ut brachium Æbutio

Pugna ad
Regillum
lacum.

¹ illac Gron. Crev.

res, ut observavimus in not. 40. ad c.
7. supra.

⁹ *Gliscens*] Quod occulte collectis
viribus pararetur.

¹⁰ *Aliquanto*] Haud paulo. *Ali-*
quantum haberi debet tanquam ali-
quid medium inter *paulum* et *mul-*
tum.

¹¹ *Suismet ipsis corporibus*] Lege
cum Gronovio *ipsi*. Sic enim semper
fere Livius.

¹² *Tarquinius Superbus*] Dionysio
videtur merito parum verisimile, Tar-
quinius Superbus, tunc nonagena-
rio proximum, in illa acie fuisse.

¹³ *Contra quem*] Contra Æbutium
ipse quoque Mamilius equum conci-
tat.

¹⁴ *Infestis venientium hastis*] Qui-
dam scripti *invenientium*. Unde Gro-
novius haud improbabiler conjicit
invehentium, supple *sq.*

U. C. 255. A. C. 497. trajectum sit, Mamilio pectus percussum. Hunc quidem in secundam aciem Latini recepere. Æbutius, quum sancio brachio tenere telum non posset, pugna excessit. Latinus dux, nihil deterritus vulnere, prælium ciet; et, quia suos perculos videbat, arcessit cohortem exsulum Romanorum, cui L. Tarquinii filius præerat. ea, quod^u maiore pugnabat ira ob erepta bona patriamque ademtam, pugnam parumper restituit.

XX. Referentibus jam pedem ab ea parte Romanis, M. Valerius, Publicolæ frater, conspicatus ferocem juvenem Tarquinium, ostentantem se in prima exsulum acie, domestica etiam gloria accensus, ut, cujus familiæ decus ejecti reges erant, ejusdem interfecti forent, subdit calcaria equo, et Tarquinium infesto spiculo petit. Tarquinius retro in agmen suorum infenso cessit hosti. Valerium, temere invectum in exsulum aciem, ex transverso quidam adortus transfigit: nec quidquam equitis vulnere equo retardato, moribundus Romanus, labentibus super corpus armis, ad terram defluxit. Dictator Postumius, postquam cecidisse talem virum, exsules ferociter citato agmine invehit, suos perculos cedere animadvertit; cohorti suæ, quam delectam manum præsidii caussa circa se habebat,¹⁵ dat signum, ut, quem suorum fugientem viderint, pro hoste habeant. ita metu ancipiti versi a fuga Romani in hostem, et restituta acies. Cohors dictatoris tum primum prælium iniit. integris corporibus animisque fessos adorti exsules cædunt. Ibi alia inter procures coorta pugna. Imperator Latinus, ubi cohortem exsulum a dictatore Romano prope circumventam vidit, ex subsidiariis manipulos aliquot in primam aciem secum rapit. hos agmine venientes T. Herminius legatus conspicatus, interque eos insignem veste armisque Mamilium noscitans, tanto vi maiore, quam paullo ante magister equitum, cum hostium duce prælium iniit, ut et uno ictu transfixum per latus occiderit Mamilium, et ipse inter spoliandum corpus hostis veruto percussus, quum victor in castra esset relatus, inter primam curationem exspiraverit. Tum ad equites dictator advolat, obtestans, ut, fesso jam pedite,¹⁶ descendant ex equis, et pugnam capessant. Dicto parvare: desiliunt ex equis, provolant in primum, et pro¹⁷ antesignanis parmas objiciunt. Recipit extemplo ani-

^u quo Gron. Grev.

¹⁵ *Dat signum*] Per totam cohortem perferri hoc imperium suum jubet, ut. . . Vid. not. ad l. V. c. 36.

¹⁶ *Descendant ex equis*] Quid igitur tunc agebat equitatus Latinorum? Recte observat Clericus mirum videri debere, quod multis pugnis Livius

factitatum memorat, ut equites Romani descenderent ex equis: quasi hostilis equitatus aut nullus esset, aut torpore quodam defixus.

¹⁷ *Antesignanis*] *Antesignani* ii sunt, qui ante signa in acie locantur. Probat Lipsius l. IV. de Milit. Rom.

num pedestris acies, postquam juventutis proceres æquato genere pugnae secum partem periculi sustinentes vidit. Tum demum impulsī Latini, perculsaque inclinavit acies. Equitibus admoti equi, ut persequi hostem posset⁷. secuta et pedestris acies. Ibi, nihil nec divinæ nec humanæ opis Dictator prætermittens, ædem Castori vovisse fertur: ac pronunciasse militi præmia, qui primus, qui secundus, castra hostium intrasset. tantusque ardor fuit, ut eodem impetu, quo fuderant hostem, Romani castra caperent. Hoc modo ad lacum Regillum pugnatum est. Dictator et magister equitum triumphantes in urbem rediere.

XXI. Triennio deinde nec certa pax, nec bellum fuit. U. C. 256. Consules Q. Clælius et ¹⁸ T. Lartius. Inde A. Sempronius et M. Minucius. His consulibus ¹⁹ ædes Saturno dedicata: ²⁰ Saturnalia institutus festus dies. A. deinde Postumius et T. Virginius consules facti. ²¹ Hoc demum anno U. C. 258. ad Regillum lacum pugnatum, apud quosdam invenio; A. C. 494. Postumium, quia collega dubiæ fidei fuerit, se consulatu abdicasse; dictatorem inde factum. Tanti errores implicant temporum, aliter apud alios ordinatis magistratibus, ut, nec qui consules ²² secundum quosdam, nec quid quoque anno actum sit, in tanta vetustate non rerum modo, sed etiam auctorum, digerere possis. Ap. Claudius deinde et P. Servilius consules facti. Insignis hic annus est nuncio Tarquinii mortis. Mortuus est Cumis, quo se post fractas opes

A. C. 496.
U. C. 257.
A. C. 495.

U. C. 259.
A. C. 493.

⁷ Equitibus Gron. Crev.

⁷ possent Eæd.

Dial. 3. antesignanorum nomine intelligi totam primam aciem, sive Hastatos legionum: non quod ii ante omnia signa essent, siquidem sua habere; sed quia ante præcipua legionum signa, quæ longius ab hoste removebantur.

¹⁸ T. Lartius] Hic dictator hoc anno primus creatus fuit ex Dionysii sententia, ut jam annotavimus ad c. 18. supra.

¹⁹ Ædes Saturno] Legimus Saturni. Vid. infra not. ad l. V. c. 23. Hæc ædes fuit ærarium populi Romani, in quo tum pecunia, tum acta publica asservabantur. † Eam describit Macrob. Saturn. l. I. c. 8.

²⁰ Saturnalia] Saturnalibus mos fuit crebra convivia agitare, et mittere sibi invicem quum alia munera, tum etiam cereas. Quin ipsi domini servos suos convivii liberalibus et opiparis accipiebant, hisque ministrabant. Hæc feriæ celebrabantur a. d. XIV. Kal. Januar. ac primo uno die absolutebantur. Augustus eas triduo servari iussit. Vid. Macrob. l. I. Sa-

turn. capp. 7. et 10. et Lips. Saturn. l. I. capp. 3. et 4.

²¹ Hoc demum anno] Ita narrat Dionysius: atque hæc sententiam firmat ipse Livius infra, dum scribit anno sequenti Volscis bellum illatum, propterea quod auxilia comparaverant, quæ Latinis mitterent. Cujus injuriæ ultionem statim executos esse Romanos post pugnam ad Regillum lacum longe verisimilius est, quam in quintum post annum rejecisse; quod ex Livii narratione conficitur. Adde quod A. Postumius, tum quum a Livio memorantur creatus esse dictator, (supra c. 19.) nondum consul fuerat: quod repugnat legi de dictatore creando latæ, ipso teste Livio, supra c. 18. At hoc anno consul est, ac proinde dictator legi potest.

²² Secundum] Post: ut sensus sit, quosdam esse consules, quibus quinam successerint definiri non possit. Possis legere secundum quos, sive quoniam: ut incertum sit quinam præcesserint, quinam secuti fuerint.

U. C. 259. Latinorum ad Aristodemum tyrannum contulerat. Eo nuncio erecti Patres, erecta plebes. sed Patribus²³ nimis luxuriosa ea fuit lætitia: plebi, cui ad eam diem summa ope inservitum erat, injuriæ a primoribus fieri cœpere. Eodem anno Signia colonia, quam rex Tarquinius deduxerat, suppleto numero colonorum, iterum deducta est. Romæ²⁴ tribus una et viginti factæ. Ædes Mercurii dedicata est idibus Maiis.

Bellum
cum
Volscis.

XXII. Cum Volscorum gente Latino bello neque pax, neque bellum fuerat. nam et Volsci comparaverant auxilia, quæ mitterent Latinis, ni maturatum ab dictatore Romano esset; et maturavit Romanus, ne prælio uno cum Latino Volscoque contenderet. Hac ira consules in Volscum agrum legiones duxere. Volscos, consilii pœnam non metuentes, necopinata res perculit. Armorum inmemores obsides dant trecentos principum a Cora atque Pometia liberos. ita sine certamine inde abductæ legiones. Nec ita multo post Volscis levatis metu suum rediit ingenium: rursus occultum parant bellum, Hernicis in societatem armorum adsumtis. Legatos quoque ad sollicitandum Latium passim dimittunt. Sed recens ad Regillum lacum accepta clades²⁵ Latinos ira odioque ejus, quicumque arma suaderet, ne ab legatis quidem violandis abstinuit. Comprehensos Volscos Romam duxere. Ibi traditi consulibus. indicatumque est, Volscos Hernicosque parare bellum Romanis. Relata re ad senatum, adeo fuit gratum Patribus, ut et captivorum sex millia Latinis remitterent, et de fœdere, quod prope in perpetuum negatum fuerat, rem ad novos magistratus rejicerent. Eninvero tum Latini gaudere facto, pacis auctores²⁶ in ingenti gloria esse. Coronam auream Jovi donum in Capitolium mittunt. cum legatis donoque, qui captivorum remissi ad suos fuerant, magna circumfusa multitudo venit. Pergunt domos eorum, apud quem quisque servie-

²³ *Nimis luxuriosa*] Non satis moderata.

²⁴ *Tribus una et viginti factæ*] Ad-dita, ut videtur, tribu Claudia. Vid. not. 32. ad I. 43. et not. 92. ad 16. supra. † Olim hic, quemadmodum et in epitome, legebatur *una et triginta*. Sed Dionysius l. VII. in judicio Coriolani, quod paulo post hæc tempora factum est, unam et viginti tantum tribus memorat. Et ex Livianæ historiæ variis locis, nempe VI. 5. VII. 15. VIII. 17. IX. 20. X. 9. et Epit. l. XIX. discimus quatuordecim diversis temporibus tribus adjectas esse: ita ut, si nunc triginta et una forent, earum universarum

numerus ad quinque et quadraginta excessisset, quum tamen apud omnes constet quinque tantum et triginta tribus Romanas fuisse. Denique Sigonius in suis libris legisse se testatur, *una et viginti*: quod et nos reperimus in antiquissimo e nostris. Merito igitur ille hunc numerum reposuit.

²⁵ *Latinos . . . ne ab legatis quidem violandis abstinuit.*] Fecit ut Latini ne ab legatis quidem violandis se abstinerent.

²⁶ *In ingenti gloria esse*] Scripti quidam et Campanus, ignorant præpositionem.

rant: gratias agunt, liberaliter habiti cultique in calamitate sua. inde hospitia jungunt. Numquam alias ante publice privatimque Latinum nomen Romano imperio conjunctius fuit. U. C. 259. A. C. 493.

XXIII. Sed et bellum Volscum imminebat, et civitas, Turbæ ob
secum ipsa discors, intestino inter Patres plebemque flagra-
bat odio, maxime propter ²⁷ nexos ob æs alienum. Fremebant, se, foris pro libertate et imperio dimicantes, domi a civibus captos et obpressos esse; tutioremque in bello, quam in pace, inter hostes, quam inter cives, libertatem plebis esse. invidiamque eam, sua sponte gliscentem, insignis unius calamitas accendit. Magno natu quidam cum omnium malorum suorum insignibus se in forum projecit. obsita erat squalore vestis, foedior corporis habitus pallore ac macie peremti. Ad hoc, promissa barba et capilli efferaverant speciem oris. Noscitabatur tamen in tanta deformitate, et ²⁸ ordines duxisse aiebant, aliaque militiæ decora vulgo, miserantes eum, jactabant. ipse, testes honestarum aliquot locis pugnarum, cicatrices adverso pectore ostentabat. Sciscitantibus unde ille habitus? unde deformitas? quum circumfusa turba esset prope in concionis modum, Sabino bello, ait, se militantem, quia propter populationes agri non fructu modo caruerit, sed villa incensa fuerit, direpta omnia, pecora abacta, tributum iniquo suo tempore imperatum, æs alienum fecisse: id, cumulatam usuris, primo se agro paterno avitque exuisse, deinde fortunis aliis: postremo, velut tabem, pervenisse ad corpus. Ductum se ab creditore, non in servitium, sed in ergastulum et carnicinam esse. Inde ostentare tergum, foedum recentibus vestigiis verberum. Ad hæc visa auditaque clamor ingens oritur. Non jam foro se tumultus continet, sed passim totam urbem pervadit. ²⁹ Nexu vincti solutique se undique in publicum proripiunt, inplorant Quiritium fidem. Nullo loco deest seditionis voluntarius comes. multis passim agminibus per omnes vias cum clamore in forum curritur. Magno cum periculo suo, qui forte Patrum in foro erant, in eam turbam inciderunt. nec temperatum manibus foret, ni propere consules, P. Servilius et Ap. Claudius, ad comprimendam seditionem intervenissent. In eos multitudo versa, ostentare vincula sua deformitatemque aliam. Hæc se me-

²⁷ Nexos] Neri erant ii, qui quum creditoribus suis satisfacere non possent, iis addicebantur, et in vinculis, haud secus ac servi, habebantur.

²⁸ Ordines duxisse] Centurionem fuisse. Ordo erat altera pars manipuli: dux ordinis, centurio. Vid. infra VIII. 8.

²⁹ Nexu vincti solutique] Et ii qui

quum maxime in vinculis apud creditores erant; et ii qui, quum olim nexi fuissent, dissoluto ære alieno liberati fuerant. Sigonius, cui adstipulantur duo ex MSS. Hearnii, legendum censet: neri, vincti solutique: id est, nexi, alii cum vinculis ipsis, alii soluti, sine vinculis, se in publicum proripiunt.

U. C. 259. ritos dicere, exprobrantes suam quisque alius alibi militiam.
 A. C. 498. Postulare multo minaciter magis, quam suppliciter, ut senatum vocarent: curiamque ipsi, futuri arbitri moderatoresque publici consilii, circumsistunt. Pauci admodum Patrum, quos casus obtulerat, contracti ad consules: ceteros metus non curia modo, sed etiam foro arcebat. nec agi quidquam ³⁰ per infrequentiam poterat senatus. Tum vero eludi atque extrahi se multitudo putare; et, Patrum qui abessent, non casu, non metu, sed impediendæ rei causa abesse, et consules ipsos tergiversari; nec dubie ludibrio esse miseras suas. Jam prope erat, ut ne consulum quidem majestas coërceret iras hominum. quum incerti, morando an veniendo, plus periculi contraherent, tandem in senatum veniunt: frequentique tandem curia, ³¹ non modo inter Patres, sed ne inter consules quidem ipsos, satis conveniebat. Appius, vehementis ingenii vir, imperio consulari rem agendam censebat: uno aut altero adrepto, quieturos alios. Servilius, lenibus remediis aptior, concitatos animos flecti, quam frangi, putabat quum tutius, tum facilius esse.

XXIV. Inter hæc major alius terror. Latini equites cum tumultuoso advolant nuncio: *Volscos infesto exercitu ad urbem obpugnandam venire.* quæ audita (adeo duas ex una civitate discordia fecerat) longe aliter Patres ac plebem adfecere. Exsultare gaudio plebes; ultores superbie Patrum adesse dicere Deos. alius alium confirmare, ³² ne nomina darent: cum omnibus potius, quam solos, perituros. Patres militarent, Patres arma caperent, ut penes eosdem pericula belli, penes quos præmia, essent. At verò curia, mœsta ac trepida ancipiti metu et ab cive et ab hoste, Servilium consulem, cui ingenium magis popolare erat, orare, ut tantis circumventam terroribus expediret rempublicam. Tum consul, misso senatu, in concionem prodit. ibi curæ esse Patribus ostendit, ut consulatur plebi. ceterum deliberationi ³³ de maxima quidem illa, sed tamen parte civitatis, metum pro universa republica intervenisse. nec posse, quum hostes prope ad portas essent, bello prævertisse quidquam:

Metu hostis
compositæ.

³⁰ *Per infrequentiam. . . senatus*] Ut senatusconsultum rite fieret, certum quemdam senatorum numerum adesse oportebat: qui quidem pro diversis reipublicæ temporibus diversus fuit; major nimirum, prout crescebat senatorum universorum numerus.

³¹ *Non modo inter Patres, sed ne inter consules quidem*] Non modo non coëveniebat inter Patres, sed ne inter consules quidem. Ubi in altero membro reperitur *ne . . . quidem*, in priore

post *non modo* intelligendum est *non*. Vid. supra I. 40. et infra IV. 3. V. 42. IX. 19.

³² *Ne nomina darent*] Ne, citati ad sumendam militiam, responderent, aut nomina sua inscribenda præberent; sed militiam detrectarent.

³³ *De maxima quidem*] De plebe, quæ maxima quidem esset pars civitatis, sed tamen pars tantum, non tota civitas.

nec,³⁴ si sit laxamenti aliquid, aut plebi honestum esse, nisi U. C. 259. mercede prius accepta, arma pro patria non cepisse; ³⁵ ne- A. C. 493. que Patribus satis decorum, per metum potius, quam postmodo voluntate, afflictis civium suorum fortunis consuluisse. ³⁶ Concioni deinde edicto addidit fidem, quo edixit, *Ne quis civem Romanum vinctum aut clausum teneret, quo minus ei nominis edendi apud consules potestas fieret. Ne quis militis, donec in castris esset, bona possideret aut venderet: ³⁷liberos nepotesve ejus moraretur.* Hoc proposito edicto, et, qui aderant, nexi profiteri extemplo nomina; et undique ex tota urbe proripientium se ex privato, quum retinendi jus creditori non esset; concursus in forum, ³⁸ ut sacramento, dicerent, fieri. Magna ea manus fuit; neque aliorum magis in Volscis bello virtus atque opera enituit. Consul copias contra hostem educit. parvo dirimente intervalllo castra ponit.

XXV. Proxima inde nocte Volsci, discordia Romana freti, si qua nocturna transitio proditiove fieri possit, tentant castra. Sensere vigiles: excitatus exercitus, signo dato: concursum est ad arma. Ita frustra id inceptum Volscis fuit. reliquum noctis utrimque quieti datum. Postero die prima luce Volsci, fossis replecis, vallum invadunt. Jamque ab omni parte munimenta vellebantur, quum consul, quamquam cuncti undique, et nexi ante omnes, ut signum daret, clamabant, experiendi animos militum causa, parumper moratus, postquam satis adparebat ingens ardor, dato tandem ad erumpendum signo, militem avidum certaminis emittit. Primo statim incursu pulsati hostes: fugientes Victi Vol- tibus, quoad insequi pedes potuit, terga caesa: eques usque ^{sci.} ad castra pavidos egit. mox ipsa castra, legionibus circumdatis, quum Volscos inde etiam pavor expulisset, capta direptaque. Postero die ad Suessam Pometiam, quo confugerant hostes, legionibus ductis, intra paucos dies oppidum capitur: captum praedae datum. inde paulum recreatus

³⁴ *Si sit laxamenti aliquid*] Si hostis non tantopere urgeat.

³⁵ *Neque Patribus*] Hic requiri videtur particula *aut*, potius quam *neque*.

³⁶ *Concioni deinde*] Ea, quae in concione dixerat, comprobavit, et ejusmodi esse ostendit, quibus fides haberi posset, edicto.

³⁷ *Liberos nepotesve ejus moraretur.*] Liberi erant in potestate patris, qui eos poterat vendere, qui in eos jus vitae necisque habebat. Itaque tanquam res patris, haud aliter fere quam servi, habebantur. Nihil mi-

rum igitur eos a patre pignori opponi, a creditoribus retineri potuisse, donec debitum solveretur. Idem jus fuit avi paterni in nepotes et filio. Hic igitur vetat Servilius retineri in vinculis cujusquam civis Romani liberos nepotesve, qui ob aes alienum patrum aut avitum nexi essent.

³⁸ *Ut sacramento dicerent*] Ut sacramento militari se obligarent. Sacramentum illud solenne sic conceptum erat, ut jurarent se *jura* *conventuros*, neque *injussu* *abitu-* *ros*. Vid. infra III. 20. XXII. 38.

U. C. 259. egens miles. Consul cum maxima gloria sua victorem exercitum ³⁹ Romam reducit. decedentem Romam Ecetranorum Volscorum legati, rebus suis timentes post Pometiam captam, adeunt. His ex senatusconsulto data pax, ager ademptus.

Tumultus
Sabinus.

XXVI. Confestim et Sabini Romanos territavere: ⁴⁰ tumultus enim fuit verius, quam bellum. Nocte in urbe nunciatum est, exercitum Sabinum prædabundum ad Anienem amnem pervenisse. ibi passim diripi atque incendi villas. Missus extemplo eo cum omnibus copiis equitum A. Postumius, qui dictator bello Latino fuerat. secutus consul Servilius cum delecta peditum manu. Plerosque palantes eques circumvenit. nec adveniienti peditum agmini restitit Sabina legio. Fessi, tum itinere, tum populatione nocturna, magna pars in villis repleti cibo vinoque, vix fugæ quod satis esset virium habuere. Nocte una audito perfectoque bello Sabino, postero die, in magna jam spe undique partæ pacis, legati Aurunci senatum adeunt, ni decedatur Volscis agro, bellum indicentes. Cum legatis simul exercitus Auruncorum domo profectus erat. cujus fama, haud procul jam ab Aricia visi, tanto tumultu concivit Romanos, ut nec consuli ordine Patres, nec pacatum responsum arma inferentibus arma ipsi capientes dare possent. Ariciam infesto agmine itur: nec procul inde cum Auruncis signa conlata, prælioque uno debellatum est.

Bellum
cum Auruncis.

Turbæ ob
nexos re-
crudecunt.

XXVII. Fuis Auruncis, victor tot intra paucos dies bellis Romanus promissa consulis fidemque senatus expectabat: quum Appius, et insita superbia animo, et ut collegæ vanam faceret fidem, quam asperrime poterat, jus de creditis pecuniis dicere. deinceps et, qui ante nexi fuerant, creditoribus tradebantur, et nectebantur alii. Quod ubi cui militi inciderat, collegam adpellabat: concursus ad Servilium fiebat, illius promissa jactabant, illi exprobrabant sua quisque belli merita cicatricesque acceptas. postulabant, ut aut² referret ad senatum, aut² ut auxilio esset consul civibus suis, imperator militibus. Movebant consulem hæc; sed tergiversari res cogeabat. adeo in alteram causam non collega solum præceps ierat, sed omnis factio nobilium. ita, medium se gerendo, nec plebis vitavit odium, nec apud Patres gratiam iniit. Patres mollem consulem

² aut—aut del. Gron. Crev.

³⁹ * *Romam reducit, decedentem Romam*] Inutiliter hic et parum concinne iteratur vox *Romam*. Ea posteriore loco deleri potest.

⁴⁰ *Tumultus . . . verius, quam bellum*] Hic *tumultus* levius est, quam

bellum. At longe alia vis hujus vocis est, ubi de *Gallico tumultu* agitur, aut *decretus tumultus* dicitur. Hoc fusius explicabimus in not. ad c. 9. l. VII.

et ⁴¹ambitiosum rati; plebes fallacem. brevique adparuit, U. C. 269.
⁴²æquasse eum Appii odium. Certamen consulibus incide- A. C. 493.
 rat, uter ⁴³dedicaret Mercurii ædem. Senatus a se rem ad
 populum rejecit: utri eorum dedicatio jussu populi data es-
 set, eum præesse annonæ, mercatorum collegium instituere,
⁴⁴sollemnia pro pontifice jussit suscipere. Populus dedica-
 tionem ædis dat M. Lætorio, ⁴⁵primi pili centurioni: quod
 facile adpareret, non tam ad honorem ejus, cui curatio al-
 tior fastigio suo data esset, factum, quam ad consulum igno-
 miniam. Sævire inde ⁴⁶utique consulum alter Patresque.
 sed plebi creverant animi; et longe alia, quam primo insti-
 tuerant, via grassabantur. Desperato enim consulum sena-
 tusque auxilio, quum in jus duci debitorem vidissent, undi-
 que convolabant. neque decretum exaudiri consulis præ-
 strepitu et clamore poterat: neque, quum decresset,
 quisquam obtemperabat. Vi agebatur, metusque omnis
 et periculum ⁴⁷libertatis, quum in conspectu consulis
 singuli a pluribus violarentur, in creditores a debitoribus
 verterant^a. Super hæc timor incessit Sabini belli; de-
 lectuque decreto, nemo nomen dedit, furente Appio, et
 insectante ⁴⁸ambitionem collegæ; qui populari silentio
 rempublicam proderet, et ad id, quod de credita pecunia jus
 non dixisset, adjiceret, ut ne delectum quidem ex senatus-
 consulto haberet. *non esse tamen desertam omnino rempubli-
 cam, neque projectum consulare imperium. Se unum et suæ et
 Patrum majestatis vindicem fore.* Quum circumstaret ⁴⁹quo-

^a verterat Gron. Crev.

41 * *Ambitionem*] Aucupandi favo-
 ris popularis cupidum.

42 * *Æquasse eum*] Eum non mi-
 nus invisum esse populo, quam Ap-
 pium.

43 *Dedicaret Mercurii ædem*] Hu-
 jus dedicationis mentio jam facta est
 supra c. 21. sed hic nempe fusius
 narratur id, quod illic uno tantum
 verbo indicatum fuerat.

44 *Sollemnia pro pontifice susci-
 pere*] Celebrare, præse et præeun-
 te pontifice, quædam sacra auspican-
 dæ huic collegii mercatorum institu-
 tionis. Nempe *pro pontifice* hic sumi-
 tur, quemadmodum fere apud Gell.
 XV. 27. *pro collegio*. Ita censet Bo-
 sius, Exercit. Hist. de pontif. max.
 c. 4.

45 *Primipili centurioni*] *Primipili*
centurio erat centurio primi Triario-
 rum ordinis, adeoque primus totius
 legionis centurio. Hujus magna erat
 dignatio. Consilii particeps erat.
 Aquila erat præpositus. Dicebatur

primipili centurio, quasi centurio
 primi ordinis Pilanorum. Triarii
 enim, quia antiquitus proprium ipso-
 rum telum pilum erat, Pilani voca-
 bantur, teste Varr. l. 4. de lingua
 Lat. Vid. infra VIII. 8. Observatum
 est a Lipsio hanc vetustissimam esse
 hujus ordinis mentionem. Vid. Lips.
 de Milit. Rom. l. II. dial. 8.

46 * *Utique consulum alter*] Maxi-
 me consulum alter, nempe Appius:
 nam Servilius mollius contumeliam
 ferebat.

47 * *Libertatis*] Hæc vox videtur re-
 secanda. † Testatur Gronovius abes-
 se a membranis Florentinis hanc vo-
 cem. Ac sane ea sublata sensus est
 commodior.

48 * *Ambitionem*] Nimium indul-
 gentem populo mollitiem.

49 *Quotidiana multitudo*] Multitudo
 solita, quæ quotidie concurrere sole-
 bat. Nisi satius fuerit, mutato dua-
 rum vocum ordine, legere *mul-
 titudo quotidiana licentia accensa*: ita

U. C. 259. tidiana multitudo licentia accensa, adripi unum insignem
A. C. 493. ducem seditionum jussit. Ille, quum a lictoribus jam trahe-
retur, provocavit: nec cessisset provocationi consul, quia
non dubium erat populi judicium, nisi ægre victa pertina-
cia foret, consilio magis et auctoritate principum, quam po-
puli clamore. ⁵⁰ adeo supererant animi ad sustinendam in-
vidiam. Crescere inde malum in dies, non clamoribus mo-
do apertis, sed, quod multo perniciosius erat, secessione oc-
cultisque conloquiis. Tandem invisi plebi consules magis-
tratu abeunt, Servilius neutris, Appius Patribus mire gra-
tus.

U. C. 260. XXVIII. A. Virginius inde et T. Vetusius consulatum
A. C. 492. ineunt. Tum vero plebes, incerta quales habitura consules
esset, coetus nocturnos, ⁵¹ pars^b Esquiliis, pars in Aventino,
facere; ⁵² ne in foro subitis trepidaret consiliis, et omnia
temere ac fortuito ageret. Eam rem consules rati, ut erat,
perniciosam, ⁵³ ad Patres deferunt: sed delatam consulere
ordine non licuit. adeo tumultuose excepta est clamori-
bus undique et indignatione Patrum, si, quod imperio con-
sulari ⁵⁴ exsequendum esset, invidiam ejus consules ad sena-
tum rejicerent. *Profecto si essent in republica magistratus,
nullum futurum fuisse Romæ, nisi publicum, concilium. Nunc
in mille curias concionesque (quum alia in Esquiliis, alia in A-
ventino fiant concilia) dispersam et dissipatam esse rempub-
licam. Unum, Hercule, virum, (id enim plus esse, quam con-
sulem) qualis Ap. Claudius fuerit, momento temporis discussu-
rum illos coetus fuisse.* Conrepti consules quum, quid ergo se
facere vellent, (nihil enim segnius molliusve, quam Patri-
bus placeat, acturos) percunctarentur, decernunt, ut delec-
tum quam acerrimum habeant. ⁵⁵ otio lascivire plebem.
Dimisso senatu, consules in tribunal adscendunt. citant no-
minatim juniores. Quum ad nomen nemo responderet,
circumfusa multitudo in concionis modum negare, *Ultra
decipi plebem posse. Numquam unum militem habituros, ⁵⁶ ni
præstaretur fides publica. libertatem unicuique prius reddendam*

^b add. in Gron. Crev.

ut et quotidiana jungatur cum licen-
tia.

⁵⁰ * Adeo supererant animi] Adeo
plus etiam illi viro, quam satis esset,
animorum erat ad resistendum odiis
popularibus.

⁵¹ Pars in Esquiliis] Plurimi ex
Gronovianis MSS. quinque e nostris,
Andreas, et Campanus, omittunt et
in.

⁵² * Ne in foro subitis trepidaret
consiliis] Ne trepidaret incerta in fo-
ro, si subito et in re presenti capien-

da consilia essent.

⁵³ Ad Patres deferunt] Andreas
habet referunt: quod hac in re solen-
ne ac proprium est verbum. Id ut
admittatur hoc loco, opus erit in-
legi: sed relatum.

⁵⁴ * Exsequendum] Vindicandum.

⁵⁵ * Otio lascivire] Licentia ex otio
collecta ferocire.

⁵⁶ * Ni præstaretur fides publica]
Ni id quod fide publica promissum
erat, re et effectu exhiberetur.

esse, quam arma danda: ut pro patria civibusque, non pro do- U. C. 266.
minis, pugnent. Consules, quid mandatum esset a senatu, A. C. 492.
videbant: sed eorum, qui intra parietes curiæ ferociter lo-
querentur, neminem adesse, invidiæ suæ participem: et ad-
patebat atrox cum plebe certamen. Prius itaque, quam
ultima experirentur, senatum iterum consulere placuit. tum
vero ad sellas consulum prope^c convolvere minimus quis-
que natu Patrum, abdicare consulatum^d jubentes, et depo-
nere imperium, ad quod tuendum animus deesset.

XXIX. ⁵⁷ Utraque re satis experta, tum demum consu-
les: *Ne prædictum negetis, Patres conscripti, adest ingens se-
ditio. Postulamus, ut ii, qui maxime ignaviam increpant, ad-
sint nobis habentibus delectum. Acerrimi cujusque arbitrio,
quando ita placet, rem agemus.* Redeunt in tribunal; citari
nominatim unum ex iis, qui in conspectu erant, dedita ope-
ra jubent. Quum staret tacitus, et circa eum aliquot ho-
minum, ne forte violaretur, constitisset globus, lictorem ad
eum consules mittunt. quo repulso, tum vero *indignum fa-
cinus esse* clamitantes, qui Patrum consulibus aderant, de-
volant de tribunali, ut lictori auxilio essent. Sed ab lictore,
⁵⁸ nihil aliud quamprehendere prohibito, quum conversus
in Patres inpetus esset, consulum intercurso rixa sedata
est: in qua tamen, sine lapide, sine telo, plus clamoris at-
que irarum, quam injuriæ, fuerat. Senatus, tumultuose
vocatus, tumultuosius consulitur, ⁵⁹ quæstionem postulanti-
bus iis, qui pulsati fuerant, decernente ferocissimo quoque,
non sententiis magis, quam clamore et strepitu. Tandem,
quum iræ resedissent, exprobrantibus consulibus, nihilo
plus sanitatis in curia, quam in foro esse, ordine consuli
coepit. Tres fuere sententiæ. P. Virginius ⁶⁰ rem non
vulgabat: *de iis tantum, qui, fidem secuti P. Servilii consulis,* Variæ sen-
Volco, Aurunco, Sabinoque militassent bello, agendum cense- tentiæ in
bat. T. Lartius^e, *Non id tempus esse, ut merita tantummodo* senatu.
exsolverentur. totam plebem ære alieno demersam esse: ⁶¹ nec
sisti posse, ni omnibus consulatur. quin, si alia aliorum sit con-
ditio, accendi magis discordiam, quam sedari. Ap. Claudius,
et natura inmitis, et efferatus hinc plebis odio, illinc Pa-
trum laudibus, *Non miseriis, ait, sed licentia, tantum conci-*

^c *propere*, Gron. Crev.
Ræd.

^d *consulatus* Ræd.

^e *Largius* sic et in sqq.

⁵⁷ *Utraque re*] Et senatus⁷ et ple-
bis pertinacia.

⁵⁸ *Nihil aliud quem*] Tantum-
modo.

⁵⁹ *Quæstionem postulanti-
bus*] Pos-
tulantibus ut inquireretur in auctores
injuriae.

⁶⁰ *Rem non vulgabat*] Nolebat om-
nibus indulgeri.

⁶¹ *Nec sisti posse*] Nec posse rem
sustineri, inhiberi, quominus ad per-
niciem feratur. Familiaris Livio lo-
cutio.

A. C. 260. *tum turbarum; et* ⁶² *lascivire magis plebem, quam sœvire. Id*
 U. C. 492. *adeo malum ex provocatione natum. quippe minas esse consu-*
lum, non imperium; ubi ad eos, qui una peccaverint, provocare
liceat. Agedum, inquit, dictatorem, a quo provocatio non est,
creemus. Jam hic, quo nunc omnia ardent, conticescet furor.
Pulset tum mihi lictorem, qui sciet, jus de tergo vitæque sua
penes unum illum esse, cujus majestatem ⁶³ *violavit* ¹.

XXX. Multis, ut erat, horrida et atrox videbatur Appii
 sententia: rursus Virginii Lartiique exemplo haud salubres;
 utique Lartii ⁶⁴ putabant sententiam, quæ totam fidem tol-
 leret. medium maxime et ⁶⁵ moderatum utroque consilium
 Virginii habebatur. Sed factione, respectuque rerum priva-
 tarum, quæ semper obfecere obficientque publicis consiliis,
 Appius vicit: ac prope fuit, ut dictator ille idem crearetur.
 quæ res utique alienasset plebem periculosissimo tempore,
 quum Volsci Æquique et Sabini forte una omnes in armis
 essent. Sed curæ fuit consulibus et senioribus Patrum,
⁶⁶ ut imperium, suo vehemens, mansueto permitteretur in-
 genio. M'. Valerium dictatorem, Volesi filium, creant.
 M'. Valeri-
 us dictator. Plebes, etsi adversus se creatum dictatorem videbat, tamen,
 quum provocationem fratris lege haberet, nihil ex ea fami-
 lia triste nec superbum timebat. Edictum deinde, a dicta-
 tore propositum, confirmavit animos, Servilii fere consulis
 edicto conveniens. sed et homini et potestati melius rati
 credi, omisso certamine nomina dedere. ⁶⁷ Quantus num-
 quam ante exercitus, legiones decem effectæ: ternæ inde
 datæ consulibus, quatuor dictator usus. Nec poterat jam
 bellum differri. Æqui Latinum agrum invaserant. oratores
 Latinorum a senatu petebant, ut aut mitterent subsidium,
 aut se ipsos tuendorum finium causa capere arma sinerent.

Bellum
 cum Æquis,
 Latinorum
 causa.

¹ *violavit* Crev.

⁶² *Lascivire*] Licentia ex otio col-
 lecta feroçire.

⁶³ *Violavit*] Codex e biblioth. Victor.
 et Campani editio *violaverit*: unus e
 reglis codd. a secunda manu *violavit*:
 idque verum visum est. Vulgo *viola-*
vit: quod minus proprium erat,
 quum in hoc loco non de re jam facta
 agatur, sed indicetur, quid, si illa po-
 natur facta, secuturum sit.

⁶⁴ *Putabant sententiam*] Recte ju-
 dicat post Gebhardum Gruterumque
 Gronovius hæc verba delenda esse,
 tanquam glossema temere inductum.
Utique, id est, præcipue *Largii* sen-
 tentia videbatur exemplo haud salu-
 bria, * quæ omnino fidem ex societa-

te humana tolleret, liberando debito-
 res omnes a necessitate solvendi ea,
 quæ mutua acceperant.

⁶⁵ *Moderatum utroque*] Ex utro-
 que, Appii nempe et Largii, consilio
 temperatum: quod et fidei, et huma-
 nitati consuleret.

⁶⁶ *Ut imperium, suo vehemens,*
mansueto permitteretur ingenio] *Ut*
imperium suo ingenio, id est, vi sua,
 natura sua, *vehemens*, *permitteretur*
mansueto ingenio, id est, viro mansue-
 ti ingenii.

⁶⁷ * *Quantus nunquam ante exerci-*
tus] Legiones decem effectæ, qui ex-
 ercitus major erat, quam unquam an-
 tea scriptus fuisset.

Tutius visum est, defendi inermes Latinos, quam pati re- U. C. 260.
tractare arma. Vetustius consul missus est. is finis popula- A. C. 492.
tionibus fuit. Cessere Æqui campis: locoque magis,
quam armis, freti, summis se jugis montium tutabantur.
Alter consul, in Volscos profectus, ne et ipse tereret tem- Bellum
pus, vastandis maxime agris hostem ad conferenda propius cum Vol-
castra dimicandumque acie excivit. Medio inter castra scis.
campo, ante suum quisque vallum, infestis signis consti-
tere. multitudine aliquantum Volsci superabant. Itaque
effusi et contemptim pugnam iniere. Consul Romanus
nec promovit aciem, nec clamorem reddi passus, defixis
pilis stare suos jussit: ubi ad manum venisset hostis, tum
coortos tota vi gladiis rem gerere. Volsci, cursu et clamore
fessi, quum se velut stupentibus metu intulissent Romanis,
postquam impressionem sentire ex adverso factam, et ante
oculos micare gladios, haud secus, quam si in insidias inci-
dissent, turbati vertunt terga; et ne ad fugam quidem satis
virium fuit, quia cursu in proelium ierant. Romani contra,
quia principio pugnae quieti steterant, vigentes corporibus,
facile adepti fessos, et castra inpetu ceperunt, et, castris
exutum hostem Velitras persecuti, uno agmine victores
cum victis in urbem inrupere. ⁶⁸ plusque ibi sanguinis, pro-
miscua omnium generum cæde, quam in ipsa dimicatione,
factum. paucis data venia, qui inermes in deditionem vene-
runt.

XXXI. Dum hæc in Volscis geruntur, dictator Sabinos, Bellum
ubi longe plurimum belli fuerat, ⁶⁹ fundit, fugatque, exuitque cum Sabi-
castris. Equitatu inmisso mediam turbaverat hostium ⁷⁰ a- nis.
ciem, qua, dum se cornua latius pandunt, parum apte intror-
sum ordinibus aciem firmaverant. turbatos pedes invasit. eo-
dem inpetu castra capta, debellatumque est. Post pugnam ad
Regillum lacum non alia illis annis pugna clarior fuit. dicta-
tor triumphans urbem invehitur. Super solitos honores locus
in circo ipsi posterisque ad spectaculum datus; sella in eo
loco curulis posita. Volscis devictis Veliternus ager adem-
tus: Velitras coloni ab urbe missi et colonia deducta. Cum
Æquis post aliquanto pugnatum est, invito quidem consule,
quia loco iniquo subeundum erat ad hostes: sed milites, ex-
trahi rem criminantes, ut dictator, priusquam ipsi redirent

⁶⁸ * Plus . . . sanguinis . . . factum] Plus sanguinis fustum, plus cædis fac-
tum. Vid. infra not. ad XXXV.
51.

⁶⁹ Fundit fugatque exuitque cas-
tris] Plerique scripti non agnoscunt
particulam que ante castris. Unus e
astris, quomodo voluit Gronovius, et

exuit castris. Atque id lenius ad au-
res accidit, quam vulgatum.

⁷⁰ Aciem, qua . . . parum apte . . .
aciem firmaverant] Recte hunc lo-
cum emendare videtur Gronovius.
Aciem quam . . . parum apte intror-
sum ordinibus firmaverant.

U. C. 260. in urbem, magistratu abiret, irritaque, sicut ante consulis,
 A. C. 492. promissa ejus caderent, perpulere, ut forte temere in adver-
 Equi victi. sos montes agmen erigeret. Id male commissum ignavia
 hostium in bonum vertit: qui, priusquam ad conjectum teli
 veniretur, obstupefacti audacia Romanorum, relictis castris,
 quæ munitissimis tenuerant locis, in ⁷¹ adversas valles desilu-
 ere: ⁷² ubi satis prædæ, et victoria incruenta fuit. Ita trifa-
 riam re bello bene gesta, de domesticarum rerum eventu nec
 Turbes do-
 mesticæ. Patribus nec plebi cura decesserat. tanta quum gratia, tum
 arte præparaverant foeneratores, quæ non modo plebem, sed
 ipsum etiam dictatorem frustrarentur. Namque Valerius,
 post Vetusii consulis reditum, omnium ⁷³ actionum in senatu
 primam habuit pro victore populo, retulitque, quid * nexis
 fieri placeret. quæ quum rejecta relatio esset, *Non placeo,*
inquit, concordiae auctor, optabitis, ⁷⁴ me Dius fidius, prope
diem, ut mei similes Romana plebes patronos habeat. Quod ad
me adtinet, neque frustrabor ultra cives meos, neque ipse frustra
dictator ero. Discordiae intestinæ, bellum externum fecere, ut
hoc magistratu egeret respublica. Pax foris parta est, domi
impeditur. privatus potius, quam dictator, seditioni interero.
 ita, curia egressus, dictatura se abdicavit. Adparuit caussa
 plebi, suam vicem indignantem magistratu abisse. itaque,
 velut persoluta fide, quoniam per eum non stetisset quin
 præstaretur, decedentem domum cum favore ac laudibus
 prosecuti sunt.

XXXII. Timor inde Patres ⁷⁵ incessit, ne, si dimissus
 exercitus foret, rursus coetus occulti conjurationesque fie-
 rent. itaque, quamquam per dictatorem delectus habitus
 esset, tamen, quoniam in consulum verba jurassent, sacra-
 mento teneri militem rati, per caussam renovati ab Æquis
 belli educi ex urbe legiones jussere. quo facto maturata est
 seditio. Et primo agitatum dicitur de consulum cæde, ut
 solverentur sacramento: doctos deinde, nullam scelere reli-

§ add. de Gron. Crev.

⁷¹ *Adversas*] Lege cum eodem *a-*
versas.

⁷² *Ubi*] Merito observat Tan. Fa-
 ber hic videri legendum *ibi*.

⁷³ * *Actionum*] Hoc nomine desig-
 natur quidquid agit magistratus, sive
 apud senatum, sive apud populum;
 quidquid vel Patribus decernendum,
 vel populo sciendum proponit.
 Vult Livius hoc loco, dictatorem, an-
 tequam ulla alia de re ageret in se-
 natu, retulisse, sive jussisse Patres
 deliberare de fide victori populo præ-
 standæ.

⁷⁴ *Medius Fidius*] Formula juran-
 di: ita me juvet *dias Fidius*. Eo-
 dem sensu Plaut. *Asin. Act. I. Sc. I.*
Per deum Fidium. Dias est, Festo
interprete, ab Jove genus ducens.
Fidius, qui fidei præest, auctore Di-
onya. qui l. II. p. 113. et l. IV. p.
*257. Sancum Græce reddit *ἱερὸς**
Δία. Sancus autem idem est, qui
Fidius, teste Ovid. VI. Fast. v. 213.
Vid. not. ad c. 20. l. VIII. infra.

⁷⁵ * *Incessit*] Vid. not. 28. ad c. 66.
 l. I.

gionem exsolvi, Sicinio quodam auctore, injussu consulum U. C. 260. in ⁷⁶ Sacrum montem secessisse (trans Anienem amnem A. C. 492. est^h) tria ab urbe millia passuum. ea frequentior fama est, ^{Secessio plebis in Sacrum montem.} quam, cujus Piso auctor est, in Aventinum secessionem factam esse. Ibi sine ullo duce vallo fossaque communis castris quieti, rem nullam nisi necessariam ad victum sumendo, per aliquot dies, neque lacesiti neque lacescentes, sese tenere. Pavor ingens in urbe, metuque mutuo suspensa erant omnia. Timere relictam ab suis plebes violentiam Patrum, timere Patres residem in urbe plebem, incerti manere eam, an abire mallent. quam diu autem tranquillam, quæ secesserit, multitudinem fore? quid futurum deinde, si quod externum interim bellum existat? nullam profecto, nisi in concordia civium, spem reliquam ducere. eam per æqua, per iniqua, reconciliandam civitati esse. ⁷⁷ Placuit igitur oratorem ad plebem mitti Menenium Agrippam, facundum virum et, quod ⁷⁸ inde oriundus erat, plebi carum. Is, intromissus in castra, prisco illo dicendi et horrido modo, nihil aliud, quam hoc, narrasse fertur: *Tempore, quo in homine non, ut nunc, omnia in unum consentiebant, sed singulis membris suum cuique consilium, suus sermo fuerat, indignatas reliquas partes, sua cura, suo labore ac ministerio ventri omnia quæri: ventrem, in medio quietum, nihil aliud, quam datis voluptatibus frui: conspirasse inde, ne manus ad os cibum ferrent, nec os acciperet datum, nec dentes conficerent. hac ira, dum ventrem fame domare vellent, ipsa una membra totumque corpus ad extremam tabem venisse. Inde adparuisse, ventris quoque haud segne ministerium esse: nec magis ali, quam alere eum, reddentem in omnes corporis partes hunc, quo vivimus vigemusque, divisum pariter in venas maturum, confecto cibo, sanguinem.* Comparando hinc, quam intestina corporis seditio similis esset iræ plebis in Patres, flexisse mentes hominum.

^h Signa parentheses. et voc. *est* del. Eæd.

⁷⁶ *Sacrum montem*] Ex eo ipso facto sic cognominatam, quia eum locum in quo consederat plebs, quum rediret in urbem, consecravit: (vid. Dion. l. VI.) vel quia in eo condita sacrata lex, de qua infra c. 33.

⁷⁷ *Placuit*] Hujus secessionis historiam nimis profecto in arctum contraxit noster. Eam fuisse et fortasse prolixius persecutus est Dionysius lib. VI. Ex eo discimus rem ultra trium mensium spatium extractam: secessionem quippe factam ante Kal. Septembres; plebem autem non rediisse, nisi a. d. IV. Idus Decembres: initio missos fuisse a senatu oratores, qui impunitatem plebi offerrent, eos-

que rejectos fuisse: deinde, quum novi consules Post. Cominius et Sp. Cassius magistratum iniissent, post varias in senatu altercationes, tandem convenisse ut decem legati mitterentur ad plebem cum amplissima potestate: in iis fuisse Agrippam Menenium.

⁷⁸ *Inde*] Nimirum ex plebe. Atqui tamen consulatum gesserat: (supra c. 16.) unde certo colligitur eum patricium fuisse. Solis enim tum patriciis patebat consulatus. At recte observat Dujatius eum potuisse ex eorum esse numero, quos ex equestri gradu in senatum Brutus allegasse dicitur initio hujus libri.

U. C. 260.
A. C. 492.
Plebs re-
ducta.

Tribuni
Pl. creati.

Volsci
victi.

C. Marcii
opera Co-
rioli capti.

XXXIII. Agi deinde de concordia coeptum, ⁷⁹ concessumque in conditiones, ut plebi sui magistratus essent sacrosancti, quibus auxilii latio adversus consules esset; neve cui Patrum capere eum magistratum liceret. Ita ⁸⁰ tribuni plebei creati duo, C. Licinius et L. Albinus. hi tres collegas sibi creaverunt. in his Sicinium fuisse, seditionis auctorem; de duobus, qui fuerint, minus convenit. ⁸¹ Sunt, qui duos tantum in Sacro monte creatos tribunos esse dicant, ibique sacratam legem latam. Per secessionem plebis Sp. Cassius et Postumus Cominius consulatum inierunt. his consulibus cum Latinis populis ictum foedus. ad id ferendum consul alter Romæ mansit; alter, ad Volscum bellum missus, Antiates Volscos fundit fugatque: compulsos in oppidum Longulam persecutus, moenibus potitur. Inde ⁸² Poluscam, item Volscorum, cepit: tum magna vi adortus est Coriolos. Erat tum in castris inter primores juvenum C. Marcius, adolescens et consilio et manu promptus, cui cognomen postea Coriolano fuit. Quum subito exercitum Romanum,

⁷⁹ *Concessumque in conditiones*] De nexis, quorum causa fons fuit et origo hujus seditionis, silet Livius. At apud Dion. invenimus has plebi a Menenio propositas fuisse conditiones, ut qui solvendo non essent, illis omnibus aë alienum remitteretur: qui aut jam creditoribus addicti, aut, elapso solutionis die, ex legis vi addicendi forent, illi essent liberi: in futurum, de communi plebis et Patrum sententia statueretur quid sanciri opus esset. Nihil tamen novum videtur sancitum fuisse, scilicet quia tribunicia potestas plebi concessa satis validum munimentum visa est adversus injurias fueneratorum.

⁸⁰ *Tribuni plebei creati duo*] Quinque a populo curiatis comitiis creatos fuisse tribunos plebis tradit Dion. Primo loco ponit (qua quidem in parte ceteri omnes, præter nostrum, cum eo consentiunt) L. Junium quemdam, qui cognominari volebat Brutus, cujusque maxime consilio plebs in componenda cum Patribus pace usa erat, et C. Sicinium secessionis auctorem. His adjungit C. et P. Licinios, et Sp. Icilium Rugam. Tribuni autem plebei inde nomen traxerunt, teste Varr. l. IV. de ling. Lat. quod ex tribunis militum facti essent. * Tribuni autem militum ab antiquis tribubus Ramnensium, Titiensium, Lucerum, quibus terni præficiebantur in bello, dicti fuerant.

⁸¹ *Sunt qui . . . dicant ibi . . . sacra-*

tam legem latam] *Sacratæ leges sunt, inquit Festus, quibus sancitum est, qui quid adversus eas fecerit, sacer adici deorum sit cum familia pecuniaque.* Itaque non sola lex de tribunis plebis sacrata fuit. Aliarum quoque sacratarum legum mentio identidem apud Livium occurrit, ut III. 32. et VII. 41. Imo et apud alios populos sacratæ leges latæ reperiuntur, puta Æquos et Volscos, teste Livio IV. 26. Lex tamen de tribunis, quia sacratarum omnium legum celeberrima, et populo carissima fuit, *lex sacrata sæpe* *αὐτ' ἱερὰ* dicitur. Porro dubitari non potest, quin hæc sacrata lex hoc tempore lata sit. Sed illud inter scriptores fortasse ambigebatur, utrum in ipso Sacro monte, an in urbe post reditum plebis lata fuisset. Eam autem hoc modo recitat Dionysius: *Tribunum nemo in ordinem redigito, neque invitum quidquam facere cogito, nec verberato, nec alium verberare jubeto; nec occidito, nec occidi jubeto. Si quis contra fecerit, sacer esto, et bona ejus Cereri sacra sunt: et qui eum occiderit, purus a cæde esto.* Hanc legem omnes juraverunt seque et posteros in sempiternum observaturos. Præter tribunos, duos quoque tum ædiles plebis, concedentibus Patribus, creaverunt, qui tribunorum administri et adjutores essent. Dion. l. VI.

⁸² *Poluscam item*] Sic recte Sigonius. Antea protinus *Mucamitem*. Polusca rursus appellatur infra c. 39.

Coriolos obsidentem, atque in oppidanos, quos intus clausos U. C. 361. habebat, intentum sine ullo metu extrinsecus imminentis A. C. 491. belli, Volscae legiones, profectae ab Antio, invasissent, eodemque tempore ex oppido erupissent hostes, forte in statione Marcius fuit. Is, cum delecta militum manu, non modo inpetum erumpentium retudit, sed per patentem portam ferox inrupit: caedeque ⁸³ in proxima urbis facta, ignem, temere arreptum, imminentibus muro aedificiis iniecit. Clamor inde oppidanorum, mixtus muliebri puerilique ploratu ⁸⁴ ad terrorem, ut solet, primo ortu et Romanis auxit animum, et turbavit Volscos, utpote capta urbe, cui ad ferendam opem venerant. Ita fusi Volsci Antiates, Corioli oppidum captum. tantumque sua laude obstitit famae consulis Marcius, ut, nisi foedus cum Latinis, columna aenea insculptum, monumento esset, ab Sp. Cassio uno, quia collega afuerat ¹ ictum, Postumum Cominium bellum gessisse cum Volscis, memoria cessisset. Eodem anno Agrippa Agr. Menenius moritur, vir ⁸⁵ omni vita pariter Patribus ac plebi carus; post secessionem carior plebi factus. Huic interpreti arbitroque concordiae civium, legato Patrum ad plebem, reductori plebis Romanae in urbem sumtus funeri defuit. extulit eum plebs ⁸⁶ sextantibus conlatis in capita.

XXXIV. Consules deinde T. Geganius, P. Minucius U. C. 262. facti. Eo anno, quum et foris quieta omnia a bello essent, A. C. 490. et domi sanata discordia, aliud multo gravius malum civitatem invasit: caritas primum annonae, ⁸⁷ ex incultis per secessionem plebis agris; fames deinde, ⁸⁸ qualis clausis solet. ventumque ad interitum servitiorum utique et plebis esset, ni consules providissent, dimissis passim ad frumentum coemendum, non in Etruriam modo dextris ab Ostia litoribus, laevoque per Volscos mari usque ad Cumas, sed ⁸⁹ quae-

¹ *abfuerat* Gron. Crev.

⁸³ *In proxima urbe*] In loca urbis quae portae proxima erant. Duo e nostris MSS. addunt, sed a secunda manu, *partis*. Utatur cui placuerit. Quidam e Gronovianis codd. habent *in proxima urbe*. Inde Jac. Gronovius efficit *in prima urbe*, id est, in prima urbis parte.

⁸⁴ *Ad terrorem, ut solet, primo ortu*] Rhenanus *primo ortu* exponit statim. Sed haud paulo melius videtur quod suggerit Gronovius, *ad terrorem... primum ortus*. Certe *ortus* extat in Campani editione, et a secunda manu in duobus regis codd. vel optimis.

⁸⁵ *Omnis vitae*] Aliquot scripti a Jac. Gronovio allegati, et omnes nos-

tri habent *omnium vitae*: ut videatur legendum esse *omni in vita*.

⁸⁶ *Sextantibus*] Sextans est sexta pars assis Romani.

⁸⁷ *Ex incultis per secessionem plebis agris*] Nempe secessio illa ultra trium mensium spatium extracta erat, idque ipso sementis tempore. Plebs enim secessit ante Kalendas Septembres, nec rediit in urbem, nisi a. d. IV. Idus Decembres.

⁸⁸ *Qualis clausis solet*] Non minus saeva, quam quae solet clausam et obsessam urbem fatigare.

⁸⁹ *Quaesitum in Sicilia*] Plerique scripti *in Sicilia*. Bene. Sed vos *quaesitum* vacare videtur.

U. C. 262. A. C. 400. **situm in Siciliam^k quoque. adeo finitimorum odio longin-**
quis coegerant indigere auxiliis. Frumentum Cumis quum
coemptum esset, naves pro bonis Tarquiniorum ab Aristode-
mo tyranno, ⁹⁰ qui hæres erat, retentæ sunt. in Volscis
Promptinoque ne emi quidem potuit: periculum quoque ab
inpetu hominum ipsis frumentatoribus fuit. Ex Tuscis fru-
mentum Tiberi venit: eo sustentata est plebs. Incommodo
bello in tam artis commeatibus vexati forent, ni Volscos,
jam moventes arma, pestilentia ingens invasisset. ea clade
conterritis hostium animis, ut etiam, ubi ea remisisset, ter-
rore aliquo tenerentur, et Velitris auxere numerum colono-
rum Romani, et ⁹¹ Norbæ in montes novam coloniam, quæ
U. C. 263. A. C. 489. arx in Promptino esset, miserunt. M. Minucio deinde et
A. Sempronio consulibus, magna vis frumenti ex Sicilia
M. Minucio advecta: agitatumque in senatu, quanti plebi daretur. Multi
II. A. Sem- venisse tempus premendæ plebis putabant, recuperandique
pronio II. jura, quæ extorta secessionem ac vi Patribus essent: in primis
Coss. Marcius Coriolanus, hostis tribunicie potestatis, Si anno-
nam, inquit, veterem volunt, jus pristinum reddant Patribus.
Cur ego plebeios magistratus, cur Sicinium potentem¹ video,
⁹² sub jugum missus, tamquam a latronibus redemptus? Egone
has indignitates diutius patiar, quam necesse est? Tarquinium
regem qui non ⁹³ tulerim, Sicinium feram? secedat nunc, avo-
cet plebem: patet via in Sacrum montem aliosque colles. Ra-
piant frumenta ex agris nostris, quemadmodum ⁹⁴ tertio anno
rapuere. ⁹⁵ Utantur^m annona, quam furore suo fecere. Audeo
dicere, hoc malo domitos ipsos potius cultores agrorum fore,
quam ut armati per secessionem coli prohibeant. ⁹⁶ Haud tam
facile dictu est, faciendumne fuerit, quam potuisse arbitror
fieri, ut, conditionibus laxandi annonam, et tribuniciam

^k Sicilia Gron. Crev. ¹ add. *pollentemque Ezed.* ^m *Fruantur, utantur Gron.*

⁹⁰ *Qui hæres erat]* Quo jure hæres Tarquiniorum esset Aristodemus, non liquet. Aliter rem narrat Dionys. quem vide l. VII.

⁹¹ *Norbæ in montes . . . miserunt]* Reponendum videtur *Norbam*. Nisi forte quis mavult hoc modo supplere: *Miserunt coloniam in montes, quæ colonia esset Norbæ.*

⁹² ** Sub jugum missus]* Non minus contumeliosæ habitus, quam si qui victi bello sub jugum ab hostibus mittuntur: quo de more vid. infra III. 28. *Tamquam a latronibus redemptus.* Coactus me redimere quo-vis pretio a ducibus plebis, perinde ac si in latronum manus incidissem.

⁹³ *Tulerim]* Hæc dicit Marcius, non ex sua persona, sed cujusvis senatoris, aut si MAVIS, senatus universi.

⁹⁴ *Tertio anno]* Tertio ante anno.

⁹⁵ *Utantur annona quam]* Utantur annona arcta et dura, qualem ipse sibi fecere per seditionis furorem, incultos relinquendo agros. Ante primum verbum inseruerat Rhenanus *fruantur*. Sed illud additamentum ignorant omnes scripti Gronovio inspecti, quinque e nostris, Campanus, Andreas, et omnes veteres editi. Itaque delendum duximus, ut Clericus jam fecerat.

⁹⁶ ** Haud tam facile]* Potuisse arbitror fieri, (utrum fieri debuerit, haud facile dictu est) ut Patres et a tribunitia potestate, et ab omnibus legibus quas inviti sibi imponi tulerant in Sacro monte, sese liberarent, si hanc conditionem exegissent pro laxando annonæ pretio.

potestatem, et omnia invitis jura inposita Patres demerent U. C. 263.
sibi. A. C. 489.

XXXV. Et senatui nimis atrox visa sententia est, et plebem ira prope armavit. *Fame se jam, sicut hostes, peti; cibo victuque fraudari: peregrinum frumentum, quæ sola alimenta ex insperato fortuna dederit, ab ore rapi, nisi C. Marcio vincti dedantur tribuni,*⁹⁷ *nisi de tergo plebis Romanæ satisfiat. Eum sibi carnificem novum exortum, qui aut mori, aut servire jubeat.* In exeuntem e curia inpetus factus esset, ni perop- C. Marcus
portune tribuni diem dixissent. Ibi ira est subpressa. se accusatus.
judicem quisque, se dominum vitæ necisque inimici factum videbat. Contemptim primo Marcus audiebat minas tribuni-
cias: auxilii, non poenæ, jus datum illi potestati; plebisque, non Patrum, tribunos esse. sed adeo infensa erat coorta plebs, ut ⁹⁸ unius poena defungendum esset Patribus. Restiterunt tamen ⁹⁹ adversa invidia, ¹ usque sunt, qua suis quisque, qua totius ordinis viribus. Ac primo tentata res est, si, dispositis clientibus, absterrendo singulos a coitionibus conciliisque, disjicere rem possent. Universi deinde processere, (quidquid erat Patrum, reos diceres) precibus plebem exposcentes; *unum sibi civem, unum senatorem, si innocentem absolvere nollent, pro nocente donarent.* Ipse quum die dicta non adesset, perseveratum in ira est. ² Damnatu absens in Damnatus
Volcos exsulatum abiit, minitans patriæ, hostilesque jam in Volcos
tum spiritus gerens. Venientem Volsci benigne excepere; exsulatum
benigniusque in dies colebant, quo major ira in suos eminebat, crebræque nunc querelæ, nunc minæ percipiebantur. Hospitio utebatur Attii Tulli. Longo is tum princeps Volsci nominis erat, Romanisque semper infestus. ita quum alterum vetus odium, alterum ira recens stimularet, consilia conferunt de Romano bello. Haud facile credebant, ple-

⁹⁷ * *Nisi de tergo plebis Romanæ satisfiat*] Nisi satisfiat odio ejus in plebem, serviendo verberibus in tergo civium. Hoc ideo dicunt plebei, quia tribunorum erat prohibere ne consules injuria et pro libidine virgis animadvertent in cives; et multa quoque coercere, aut ad populi judicium adducere creditores qui in nexos atrociter sævirent.

⁹⁸ *Unius poena defungendum*] Uno ad poenam tradito, totus ordo periculo imminenti eximendus.

⁹⁹ *Adversas invidias*] Quamvis illis adversaretur, quamvis luctandum illis esset adversus odium publicum, quo flagrabat quisquis Coriolanum defenderet.

¹ * *Usque sunt*] Eleganthus videtur: *siveque sunt*: ut infra c. 50. ubi

corporibus armisque.

² *Damnatus absens*] Presentem fuisse tradunt Dion. l. VII. et Plut. in Coriol. Ceterum multa apud eodem scriptores circa damnationem Coriolani gesta reperies, quas suo more omisit Livius. eos vide locis citatis. Hoc unum annotabimus, tum primum habita fuisse comitia tributa, in quibus populus per tribus suas descriptus suffragium ferret. Quod quidem ut fieret ideo annui sunt tribuni, quia centuriatis comitiis, quas Patres postulabant, vis omnis penes primores erat; non item tributis, ubi nulla census, sed locorum regionumque quibus quisque habitaret, ratio habebatur. De comitiis tributis vid. not. 13. ad c. 56. infra.

U. C. 263.
A. C. 489.

bem suam impelli posse, ut toties infelicitè tentata arma caperent. Multis sæpe bellis, pestilentia postremo amissa juventute, fractos spiritus esse: arte agendum in exoleto jam vetustate odio, ut recenti aliqua ira exacerbarentur animi.

Ingratus
Jovi præ-
sultator.

XXXVI. ³ Ludi forte ex instauratione magni Romæ parabantur. instaurandi hæc caussa fuerat. Ludis mane servum quidam paterfamilie, ⁴ nondum commisso spectaculo, ⁵ sub furca cæsum medio egerat circo. cœpti inde ludi, velut ea res nihil ad religionem pertinuisset. Haud ita multo post Ti. Atinio, de plebe homini, somnium fuit. Visus Jupiter dicere, *Sibi ludis præsultatorem displicuisse: nisi magnifice instaurarentur hi ludi, periculum urbi fore. iret, ea consulibus nunciaret.* Quamquam haud sane liber erat religione animus, verecundia tamen majestatis magistratuum ⁶ timorem vicit, ne in ora hominum pro ludibrio abiret. Magno illi ea cunctatio stetit. filium namque intra paucos dies amisit. cujus repentinæ cladis ne caussa dubia esset, ægro animi eadem illa in somnis observata species visa est rogitare, *Satin' magnam spreti numinis haberet mercedem? majorem instare, ni eat propere, ac nunciet consulibus.* Jam præsentior res erat: cunctantem tamen ac prolatantem ingens vis morbi adorta est ⁷ debilitate subita. Tum enimvero Deorum ira admonuit. fessus igitur malis præteritis instantibusque, consilio propinquorum adhibito, quum visa atque audita, et obversatum toties somno Jovem, minas irasque coelestes ⁸ repræsentatas casibus suis, exposuisset; consensu inde haud dubio omnium, qui aderant, in forum ad consules lectica adfertur. inde in curiam jussu consulum delatus,

³ *Ludi . . . Magni*] Vid. supra I. 35.

⁴ *Nondum commisso spectaculo*] Nondum cœpto spectaculo. Verbum committi proprium et solenne in hac re est, quia nimirum in spectaculis committuntur inter se certaturi; eadem prorsus ratione qua dicitur committi prælium.

⁵ *Sub furca*] Furca duplex fuit: alia, quam gestare tantummodo jubebantur servi nequam ignominie causa, et per omnem viciniam circumferre, ut omnibus eorum improbitas notesceret. Inde, ut docet Plut. in Coriol. *furciferi* appellatio in improbum mancipium. Alia furca instrumentum fuit supplicii, aliquando capitalis. Ei inserebatur nudi hominis cervix: deinde duo ejus rami videntur demissi fuisse per humeros versus pectus secundum brachiorum longi-

tudinem, quæ expansa utrimque ad furcæ cornua alligabantur. Hanc fuisse furcæ formam et usum suadere videntur ea quæ hoc ipso loco Dionysius habet, collata cum 49. c. Neronis apud Suet. Vide totam rem fuisse tractatam a Lipsio, l. III. de Cruce.

⁶ *Timorem vicit, ne*] Vicit timorem irarum coelestium, verente Atinio ne abiret pro ludibrio, tanquam ludibrium, in ora hominum, id est, ne in sermones hominum incideret, ac ludibrio haberetur.

⁷ *Debilitate*] Paralyti. Infra Atinius dicitur *captus omnibus membris.*

⁸ *Repræsentatas*] Statim et in præsentem exhibitas et ad effectum perductas. Nimirum eodem sensu hic accipienda videtur vox *repræsentatas*, quo quis dicitur ei repræsentare præmium, cui promiserit, vel poenam, cui denunciaverit.

eadem illa quum Patribus ingenti omnium admiratione U. C. 263.
enarrasset; ecce aliud miraculum: qui captus omnibus A. C. 489.
membris delatus in curiam esset, eum functum officio pedi-
bus suis domum rediisse, traditum memoriae est.

XXXVII. Ludi quam amplissimi ut fierent, senatus de-
crevit^a. Ad eos ludos, auctore Attio Tullo, vis magna Vol- Attii Tulli
scorum venit. Priusquam committerentur ludi, Tullus, ut Volsci
domi compositum cum Marcio fuerat, ad consules venit. dolus.
dicit esse, quæ secreto agere de republica velit. Arbitris
remotis, *Invitus*, inquit, ⁹ *quod sequius sit, de meis civibus*
loquor. Non tamen admissum quidquam ab iis criminatum
venio, sed cautum, ne admittant. Nimio plus, quam velim,
nostrorum ingenia sunt mobilia. Multis id cladibus sensimus.
Quippe qui non nostro merito, sed vestra patientia, incolumes
simus. Magna hic nunc Volscorum multitudo est. ludi sunt.
spectaculo intenta civitas erit. Memini, quid per eandem oc-
casionem ¹⁰ *ab Sabinorum juventute in hac urbe commissum*
sit. horret animus, ne quid inconsulte ac temere fiat. Hæc,
nostra vestraque causa, prius dicenda vobis, consules, ratus
sum. Quod ad me adtinet, extemplo hinc domum abire in ani-
mo est, ¹¹ *ne cuius facti dictive contagione præsens violer.* Hæc
locutus abiit. Consules quum ad Patres rem dubiam sub
auctore certo detulissent, auctor magis, ut fit, quam res, ad
præcavendum vel ex supervacuo movit. factoque senatus-
consulto, ut urbem excederent Volsci, præcones dimittun- Volsci urbs
tur, qui omnes eos proficisci ante noctem juberent. Ingens exacti.
pavor primo discurrentes ad suas res tollendas in hospitia
perculit. Proficiscentibus deinde indignatio oborta: *Se,*
ut consceleratos contaminatosque, ab ludis, festis diebus, cœtu
quodammodo hominum Deorumque, abactos esse.

XXXVIII. Quum prope continuato agmine irent, præ-
gressus Tullus ad ¹² caput Ferentinum, ut quisque veniret,
primores eorum excipiens, ¹³ querendo indignandoque, et
eos ipsos ¹⁴ sedulo audientes secunda iræ verba, et per eos
multitudinem aliam in subjectum viæ campum deduxit. Ibi
in concionis modum orationem exorsus, ¹⁵ *Veteres populi* A Tullo
concitati.

^a *decernit* Gron. Crev.

⁹ *Quod sequius sit*] Quod civibus
meis labem aliquam aspergat. *Se-*
quior, sequius idem quod deterior, de-
terius: a voce *secus* quæ non modo
significat *aliter*, sed etiam usurpatur
pro non bene, ubi rem mollire oratione
opus est.

¹⁰ *Ab Sabinorum juventute*] Vide
supra c. 18.

¹¹ *Ne cuius facti*] Ne, si rema-
neam et præsens adsim, in me trans-
eat velut ex contagione labes ac sus-

picio alicujus inconsulti dicti factive.

¹² *Caput Ferentinum*] Vid. not.
79. ad c. 50. l. 1.

¹³ *Querendo*] Non minus placeret
querendo.

¹⁴ *Sedulo audientes secunda iræ*
verba] Cum cura et attentione au-
dientes verba quæ obsecundarent, fa-
verent iræ qua incensi erant.

¹⁵ *Veteres... Volscorum*] Hæc ver-
ba non immerito censet Gronovius
dici ex persona historici, nec quic-

U. C. 268. *Romani injurias, cladesque gentis Volscorum, ut omnia, inquit,*
 A. C. 489. *obliviscamini alia, hodiernam hanc contumeliam quo tandem*
animo fertis, ¹⁶ qua° per nostram ignominiam ludos com-
misere? An non sensistis, triumphatum hodie de vobis esse?
vos omnibus, civibus, peregrinis, tot finitimis populis, spectaculo
abeuntes fuisse? vestras conjuges, vestros liberos ¹⁷ traductos per
ora hominum? Quid eos, qui audivere vocem præconis? quid,
qui vos videre abeuntes? quid eos, qui huic ignominioso agmini
fuere obvii, existimasse putatis? nisi aliquod profecto nefas esse,
quo, si intersimus spectaculo, violaturi simus ludos, ¹⁸ piaculum-
que merituri: ideo nos ab sede piorum, cætu, concilioque abigi.
Quid deinde? illud non succurrit, vivere nos, quod maturari-
mus proficisci? si hoc^p profectio, et non fuga est. Et hanc
urbem vos non hostium ducitis, ubi, si unum diem morati essetis,
moriendum omnibus fuit? Bellum vobis indictum est; magno
eorum malo, qui indixere, si viri estis. Ita et sua sponte ira-
rum pleni, et incitati, domos inde digressi sunt; instigan-
doque suos quisque populos effecere, ut omne Volscum no-
men deficeret.

Volsci de-
 ficiunt, du-
 cibuscibus Attio
 Tullo et
 C. Marcio.

XXXIX. Imperatores ad id bellum de omnium populorum
 sententia lecti Attius Tullus et C. Marcius exsul Romanus,
 in quo aliquanto plus spei repositum. Quam spem nequa-
 quam fefellit: ut facile adpareret, ducibus validiorem, quam
 exercitu, rem Romanam esse. Circeios profectus, primum
 colonos inde Romanos expulit, liberamque eam urbem Vol-
 scis tradidit. Inde, ¹⁹ in Latinam viam transversis tramitibus
 transgressus, Satricum, Longulam, Poluscam, Coriolos,
²⁰ novella hæc Romanis oppida ademit. Inde Lavinium
 recepit: tunc deinceps Corbionem, Vitelliam, Trebiam, La-
 vicos, Pedum cepit. Postremum ad urbem a Pedito ducit;
 et, ad fossas Cluilias quinque ab urbe millia passuum cas-

^o qui Gron. Crev.

^p hæc Eæd.

quam pertinere ad Tulli orationem. Unde sic legit, unica sublata littera: *Oratione exorsus veteres populi Romani injurias, cladesque gentis Volscorum.* Quod sane non spernendum.

¹⁶ Qui] Romanos intellige, qui etsi non nominati fuerunt, satis tamen ex ipso orationis contextu monstrantur. Similiter abruptum *et qui* vid. c. 18. supra: *Qui si maxime ex ea familia &c.*

¹⁷ Traductos per ora hominum] Alludit ad triumphum, in quo captivi traducebantur in oculis populi victoris, eique spectaculo erant.

¹⁸ Piaculum . . . merituri] Id commissuri, quod sit piaculo dignum.

¹⁹ In Latinam viam . . . transgres-

sus] Quatuor hæc oppida, quorum nomina sequuntur, citra Latinam viam sunt Circeiis proficiscenti. Itaque non satis apparet, quare Marcius ante in Latinam viam transgressus fuisse, quam has urbes copisse dicatur.

²⁰ Novella] Nuper ab Romanis acquisita. Vid. supra c. 33. Quum tamen complures scripti allegati ab utroque Gronovio, et omnes nostri præferant novellam, non vana suspicio est hac in voce latere nomen aliqujus urbis. Conjicit Gronovius pater Bovillas, filius Mugillam. Probabiliter quoque Cluverius pro Trebiam reponit Toleriam, Ital. Ant. l. III.

tris positis, populatur inde agrum Romanum; custodibus U. C. 263.
inter populatores missis, qui patriciorum agros intactos ser- A. C. 489.
varent: sive infensus plebi magis, sive ut discordia inde
inter Patres plebemque oriretur. Quæ profecto orta esset,
adeo tribuni jam ferocem per se plebem criminando in pri-
mores civitatis instigabant. sed externus timor, maximum
concordiæ vinculum, quamvis suspectos infensosque inter
se jungebat animos. Id modo non conveniebat; quod sena-
tus consulesque nusquam alibi spem, quam in armis, pone-
bant: plebes omnia, quam bellum, malebat. ²¹ Sp. Nautius U. C. 266.
jam et Sex. Furius consules erant. Eos recensentes legio- A. C. 486.
nes, præsidia per muros aliaque, in quibus stationes vigilias- Sp. Nautio,
que esse placuerat, loca distribuentes, multitudo ingens Sex. Furio
pacem poscentium primum seditioso clamore conterruit. Coss.
deinde vocare senatum, referre de legatis ad C. Marcium
mittendis coegit. Acceperunt relationem Patres; postquam
adparuit, labare plebis animos; missique de pace ad Mar- Legationes
cium oratores atrox responsum retulerunt: *Si Volscis ager* virorum ad
redderetur, posse agi de pace: si præda belli per otium frui Coriola-
velint, memorem se et civium injuriæ, et hospitum beneficii,
adnisurum, ut adpareat exsilio sibi irritatos, non fractos, ani-
mos esse. Iterum deinde iidem missi non recipiuntur in
castra. Sacerdotes quoque, suis insignibus velatos, isse
supplices ad castra hostium, ²² traditum est, nihilo magis
quam legatos flexisse animum.

XL. Tum matronæ ad Veturiam, matrem Coriolani,
Volumniamque uxorem frequentes coeunt. id publicum con-
siliū, an muliebris timor fuerit, parum invenio. Pervicere Mulierum
certe, ut et Veturia, magno natu mulier, et Volumnia, duos legatio.
parvos ex Marcio ferens filios secum, in castra hostium
irent: et, quam armis viri defendere urbem non possent,
mulieres precibus lacrimisque defenderent. Ubi ad castra
ventum est, nunciatumque Coriolano, adesse ingens mulie-
rum agmen, in primo (ut qui nec publica majestate in lega-
tis, nec in sacerdotibus tanta obfusa oculis animoque reli-
gione motus esset) multo obstinatioꝝ adversus lacrimas mu-
liebres erat. Dein familiarium quidam, qui insignem mœs-
titia inter ceteras cognoverat Veturiam, inter nurum nepo-
tesque stantem, *Nisi me frustrantur, inquit, oculi, mater tibi* Veturias
conjuxque et liberi adsunt. Coriolanus, prope ut amens ad Coriola-
num filium
oratio.

²¹ Sp. Nautius et Sex. Furius] Ante hos consules duplex par consu-
lum inserit Dionysius: in annum
264. Q. Sulpiciū Camerinum et Sp.
Lartium Flavum, quorum in consulatu
ludi vitio facti: in annum 265. C.
Julium Julum et P. Pinarium Rufum,
qui ludos instaurare. Eos consul-

tone, falsos putans, an per incuriam
omiserit Livius, parum liquet. Eo-
rum tamen in numerandis annis ra-
tionem habuisse videtur, l. III. c. 30.

²² Traditum est] Non aspernanda
est Jac. Gronovii conjectura, tradi-
tum, et nihilo magis. Simile exem-
plum vid. infra VII. 40.

U. C. 266. ²³ consternatus, ab sede sua quum ferret matri obviam complexum, mulier in iram ex precibus versa, ²⁴ *Sine, priusquam complexum accipio, sciam, inquit, ad hostem, an ad filium, venerim: captiva mater-ne castris tuis sim? In hoc me longa vita et infelix senecta traxit, ut exulem te, deinde hostem viderem? Potuisti populari hanc terram, quæ te genuit atque aluit? Non tibi, quamvis infesto animo et minaci pervenieras, ingredienti fines ira cecidit? non, quum in conspectu Roma fuit, succurrit, intra illa mœnia domus ac penates mei sunt, mater, conjux, liberique? Ergo ego nisi peperissem, Roma non obpugnaretur; nisi filium haberem, libera in libera patria mortua essem.* ²⁵ *Sed ego nihil jam pati, nec tibi turpius quam mihi miseri, possum: nec, ut sim miserrima, diu futura sum. De his videris: quos, si pergis, aut inmatura mors, aut longa servitus manet.* Uxor deinde ac liberi amplexi: fletusque ab omni turba mulierum ortus, et comploratio sui patriæque, fregere tandem virum. complexus inde suos dimittit: ipse ²⁶ retro ab urbe castra movit. Abductis deinde legionibus ex agro Romano, invidia rei obpressum ²⁷ periisse tradunt; alii alio leto. ²⁸ apud Fabium, longe antiquissimum auctorem, usque ad senectutem vixisse eundem invenio. Refert certe, hanc sæpe eum exacta ætate usurpasse vocem, *Multo miseri, seni exsilium esse.* ²⁹ Non inviderunt laudes suas mulieribus viri Romani. adeo sine obtreptione gloriæ alienæ ³⁰ vivebatur. Monumento quoque quod esset, tem-

²³ * *Consternatus*] Turbatus animo, nec jam potens sui.

²⁴ *Sine*] Operæ pretium est conferre inter se tres pulcherrimas orationes, quas tres scriptores eloquentissimi de hoc eodem argumento scripserunt, tanquam a matre Coriolani habitas: hanc Livii, concitatissimam et tragicum pene spirantem; Dionysii, placidiorem; Plutarchi, ex utroque affectu velut temperatam. Hæ postremæ duæ quemdam historiarum quasi colorem retinere magis fortasse videbuntur: Liviana excelsior esse et Romana matre dignior.

²⁵ *Sed ego nihil jam pati*] Sed ego nec quidquam jam pati possum, quod non magis turpe tibi sit, quam miserum mihi; nec, etiamsi miserrima sim, diu futura misera sum, ut quæ ob senectam haud procul a morte absim. De liberis tuis, qui hic se sistunt tibi, vide quid agas. * Hæc igitur totius hujus loci mens est. Quia Veturia, in iis quæ proxime præcedunt, de se ipsa loquuta est, hic corrigit dicta, probando sua quidem parum referre, qualis eventus

belli futurus sit; tum quia, si quid ipsa miserum ac triste patiat, plus inde dedecoris in Coriolanum, quam miseriæ in se redundaturum sit; tum quia ob senectam diu misera esse non possit: sed rem magnopere pertinere ad parvos Coriolani liberos.

²⁶ *Retro ab urbe castra movit*] Eo consilio ut Volscos impellere conaretur ad pacem faciendam cum populo Romano; si mentionem pacis aspernarentur, ipse imperium deponeret. Dion. L VIII.

²⁷ *Perisse tradunt*] Ita narrat Dion. ib.

²⁸ *Apud Fabium*] Pictorem, de quo egimus in not. 36. ad l. 44.

²⁹ *Non inviderunt laudes suas*] Aliquot scripti, tum e Gronovianis, tum e nostris, habent *laude sua*.

³⁰ *Vivebatur*] Cujacius, l. XII. Observat. c. 24. hoc loco inserit verba hæc, tanquam e Liviano exemplari: *Tunc enim primum sancitum est, ut mulieribus de via cederetur, ut inauribus aureis, ut purpurea veste, ut aureis segmentis, ut novo vitæ discrimine, uterentur. Monumento quoque &c.*

plum Fortunæ Muliebri ædificatum dedicatumque est. Red- U. C. 266.
iere deinde Volsci, adjunctis Æquis, in agrum Romanum. A. C. 486.
sed Æqui Attium Tullum haud ultra tulere ducem. Hinc
ex certamine, Volsci Æquine imperatorem conjuncto exer-
citu darent, seditio, deinde atrox prælium ortum. Ibi for-
tuna populi Romani duos hostium exercitus, haud minus
pernicioso, quam pertinaci certamine, confecit. Consules U. C. 267.
T. Sicinius et C. Aquillius. Sicinio Volsci, Aquillio Her- A. C. 485.
nici (nam ii quoque in armis erant) provincia evenit. T. Sicinio, C. Aquillio
anno Hernici devicti: cum Volscis æquo Marte discessum Coss.
est.

XLI. Sp. Cassius deinde et Proculus Virginius consules U. C. 268.
facti. ³¹ cum Hernicis foedus ictum: ³² agri partes duæ ad- A. C. 484.
emtæ. inde dimidium Latinis, dimidium plebi divisurus Sp. Cassio
consul Cassius erat. Adjiciebat huic muneri agri aliquan- III. Proc.
tum, quem publicum possideri a privatis criminabatur. Id Virgino
multos quidem Patrum, ipsos possessores, periculo rerum Coss.
suarum terrebat. sed et ³³ publica Patribus sollicitudo ine-
rat, largitione consulem periculosas libertati opes struere.
Tum primum ³⁴ lex agraria promulgata est; numquam Lex agra-
deinde usque ad hanc memoriam sine maximis motibus ria.
rerum agitata. Consul alter largitioni resistebat, auctori-
bus Patribus, nec omni plebe adversante: quæ primo cœ-
perat ³⁵ fastidire, munus vulgatum a civibus isse in socios.
sæpe deinde et Virginium consulem in concionibus velut
vaticinantem audiebat, *Pestilens collegæ munus esse. Agros*
illos servitutem iis, qui acceperint, laturos. regno viam fieri.
Quid ita enim adsumi socios et nomen Latinum? Quid adti-
nuisse, Hernicis, paullo ante hostibus, capti agri partem ter-
tiam⁹ reddi, nisi ut hæ gentes pro Coriolano duce Cassium
habeant? Popularis jam esse dissuasor et intercessor legis
agrariæ cœperat. uterque deinde consul certatim plebi in-
dulgere. Virginius dicere, passurum se adsignari agros,
dum ne cui, nisi civi Romano, adsignentur. Cassius, quia

⁹ *tertiam partem* Gron. Crev.

De hujusmodi tamen præmiis mulie-
rum silent Dionys. et Plut. et illa
cultus elegantia magnificentiaque pa-
rum sapere videtur rudem horum
temporum simplicitatem.

³¹ *Cum Hernicis foedus*] Hanc et
Hernici foederis, et seditionis Cassia-
næ historiam fusiùs exequitur Dion.
et in multis a Livio dissidet. Eum
adi l. VIII.

³² *Agri partes duæ*] Agri bello
capti duæ tertiæ partes adeptæ:
tertia Hernicis reddita, quod mox
Cassio objicietur a collega.

³³ *Publica sollicitudo*] Metus et
cura pro republica.

³⁴ *Lex Agraria*] De agro, qui ex
hostibus captus ac proinde publicus
erat, aut adimendo privatis qui eum
occupaverant, aut inopibus dividen-
do.

³⁵ *Fastidire munus vulgatum a ci-*
vibus isse in socios] Merito resecat
Gronovius *et isse*. ⁶ Sensus est: Fas-
tidire munus, quod non proprium
esset civium, sed communicatum so-
ciis quoque, jam vile et vulgare vide-
retur.

U. C. 268. in agraria largitione ³⁶ ambitiosus in socios, eoque civibus
 A. C. 484. vilior erat, ut alio munere sibi reconciliaret civium animos,
 jubere, pro Siculo frumento pecuniam acceptam retribui
 populo. Id vero haud secus, quam praesentem mercedem
 regni, adspersa plebes. adeo propter suspicionem insitam
 regni, velut abundarent omnia, munera ejus in animis ho-
 minum ³⁷ respuebantur. Quem, ubi primum magistratu
 abiit, damnatum necatumque constat. Sunt, qui patrem
 auctorem ^r ejus supplicii ferant: eum, cognita domi causa,
 verberasse ac necasse, ³⁸ peculiumque filii Cereri consecra-
 visse. signum inde factum esse, et inscriptum, EX CASSIA
 FAMILIA DATUM. Invenio apud quosdam, idque ³⁹ pro-
 pius fidem est, ⁴⁰ a quaestoribus K.^r Fabio et L. Valerio
 diem dictam perduellionis, damnatumque populi judicio:
 U. C. 269. dirutas publice aedes. ea est arca ante Telluris aedem. Cete-
 A. C. 483. rum sive illud domesticum, sive publicum fuit judicium,
 Ser. Corne- damnatur Ser. Cornelio, Q. Fabio consulibus.
 lio, Q. Fa-
 bio Coss.

XLII. Haud diuturna ira populi in Cassium fuit. ⁴¹ Dul-
 cedo agrariae legis ipsa per se, demto auctore, subibat ani-
 mos: accensaque ea cupiditas est malignitate Patrum; qui,
 devictis eo anno Volscis Aequisque, militem praeda fraudava-
 vere. quidquid captum ex hostibus est, vendidit Fabius con-

^r auctorem Gron.

^r K. l. C. sic et in sqq. Gron. Crev.

³⁶ * *Ambitiosus in socios*] Ambientes sociorum gratiae studens.

³⁷ *Respuebantur*] Gliscentem seditionem compescuit senatus edicendo, ut decem viri consulares eligerentur, qui agrum publicum finirent, ac pronunciarent, quantum ejus locari, quantum populo dividi oporteret: horum autem decemvirorum electio ad sequentis anni consules rejiceretur. Verum hoc senatusconsultum discutiendae seditioni factum, postquam illum fructum, qui ex eo petebatur, attulit, neglectum est.

³⁸ *Peculium . . . filii*] *Peculium* proprie est id quod servus concedente domino possidet. Similiter usurpatur pro eo quod filius possidet concessu patris, quia nempe quemadmodum servi in domini potestate, ita et liberi in potestate patris erant, et quidquid acquirebant, id patri, non sibi, acquirebant. Nihil itaque habebant vere suum: sed si quae eis pater utenda permisisset, in ea pater, tanquam in peculium servi dominus, plenam potestatem retinebat. Vide Instit. Justin. l. II. tit. 9. et ibi Vinium.

³⁹ * *Propius fidem*] Credibilius, cui

fides facilius haberi possit. Vox *adem* regitur a praepositione *ad* suppressa.

⁴⁰ *A quaestoribus*] Haec prima apud Livium mentio quaestorum occurrit. Antiquior tamen est eorum origo, quam Plutarchus ad Publicolam consulem, primo constitutae libertatis anno; Tacitus XI. Ann. c. 22. et alii ad reges etiam referunt. Horum praecipuum munus fuit curam aerarii gerere. *Quaestores* a *quaerendo* dicti sunt, quod conquirerent pecunias publicas, atque etiam maleficia, quae postea triumviri capitales conquiverent, teste Varr. l. IV. de lingua Lat. Non insolitum ipsis fuisse accusare ad plebem eos qui se aliquo scelere obstrinxissent, patet tum ex hoc loco, tum ex capp. 24. et 25. l. III. Eos habuisse jus vocandi ad concionem populi Dionysius affirmat l. VIII.

⁴¹ *Dulcedo agrariae legis*] Hoc anno et insequentibus, semper tribuni fraudem Patrum accusabant, postulabantque ut sua ipsi consulta exquerentur, decemviroque, sicut polliciti fuerant, dividendis agris eligerent. Sed incassum abierunt omnes eorum conatus.

sul, ac redegit in publicum. Invisum erat Fabium nomen plebi propter novissimum consulem: tenere tamen Patres, ut cum L. Æmilio K. Fabius consul crearetur. U. C. 270. A. C. 482. Eo infestior facta plebes seditione domestica bellum externum excivit: bello deinde civiles discordiæ intermissæ. uno animo Patres ac plebes rebellantes Volscos et Æquos, duce Æmilio, prospera pugna vicere. Plus tamen hostium fuga, quam prælium, absumsit. adeo pertinaciter fusos insecuti sunt equites. Castoris ædes eodem anno Idibus Quinctilibus dedicata est. vota erat Latino bello, ⁴² Postumio dictatore. filius ejus, duumvir ad id ipsum creatus, dedicavit. Sollicitati et eo anno sunt dulcedine agrariæ legis animi plebis. Tribuni plebis ⁴³ popularem potestatem lege populari celebrabant. Patres, satis superque ⁴⁴ gratuiti furoris in multitudine credentes esse, largitiones temeritatisque invitamenta horrebant. acerrimi Patribus duces ad resistendum consules fuere. Ea igitur pars reipublicæ vicit. nec in præsens modo, sed in venientem etiam annum M. Fabium ⁴⁵ Kæsonis fratrem, et magis invisum alterum plebi, accusatione U. C. 271. A. C. 481. Sp. Cassii, L. Valerium ⁴⁶ consules¹ dedit. Certatum eo quoque anno cum tribunis est. vana lex, vanique legis auctores, M. Fabio, L. Valerio Coss. jactando irritum munus, facti. Fabium inde nomen ingens post tres continuos consulatus, unoque velut tenore omnes expertos tribuniciis certaminibus, habitum. itaque, ut bene locatus, mansit in ea familia aliquamdiu honos. Bellum inde Veiens initum; et Volsci rebellarunt. sed ad bella externa prope supererant vires: ⁴⁷ abutebanturque iis inter semetipsos certando. Accessere ad ægras jam omnium mentes prodigia cœlestia, prope quotidianas in urbe agrisque ostentantia minas. ⁴⁸ motique ira numinis causam nullam aliam vates canebant, publice privatimque, nunc extis, nunc per aves consulti, quam haud rite sacra fieri. qui terrores tamen eo evasere, ut Oppia, virgo Vestalis, damnata incesti poenas dederit.

XLIII. ⁴⁹ Q. Fabius inde et C. Julius consules facti. U. C. 272. A. C. 480.

¹ consulem Gron. Crev.

⁴² * *Postumio*] Lege a *Postumio*.

⁴³ * *Popularem potestatem*] Potestatem suam, quæ per se grata populo erat, acceptissima in vulgus lege celebrabant, id est, celebrationem favore hominum et magno circa se civium concursu efficiebant.

⁴⁴ * *Gratuiti*] Spontanei, etiam sine ulla proposita mercede.

⁴⁵ *Cæsonis*] Et Q. Fabii quoque, qui tertio ante anno consul.

⁴⁶ *Consulem dedit*] Lege consules, quomodo Sigonius haberi affirmat in

VOL. I.

vett. suis libris, quibus succinunt duo e nostris.

⁴⁷ *Abutebanturque iis inter semet ipsos certando*] Lege cum Gronovio *inter semet ipsi*, ut c. seq. *nisi inter semet ipsi seditionibus sæviant*. Nec unquam fere aliter Livius.

⁴⁸ * *Motique ira numinis*] Et vates nullam aliam causam afferebant, cur irati dii numen suum per illa prodigia exerent. Vid. not. 11. ad c. 55. l. I.

⁴⁹ *Q. Fabius inde*] Pro inde duo ex

K

diit. Perturbatis iterum Patribus, Ap. Claudius, ⁵³ *Victam* U. C. 274.
tribuniciam potestatem, dicere, priore anno; in præsentia re A. C. 478.
ipsa, exemplo in perpetuum: quando inventum sit, suis ipsam Intercessio
viribus dissolvi. Neque enim umquam defuturum, qui et ex tribunicia.
collega victoriam sibi, et gratiam melioris partis bono publico
velit quæsitam. Et plures, si pluribus opus sit, tribunos ad
auxilium consulum paratos fore; et unum vel adversus omnes
satis esse. Darent modo et consules et primores Patrum ope-
ram, ut, si minus omnes, aliquos tamen ex tribunis reipublicæ
ac senatui conciliarent. Præceptis Appii moniti Patres, et
universi comiter ac benigne tribunos adpellare; et consula-
res, ut cuique privatim ⁵⁴ *aliquid juris adversus singulos*
erat, partim gratia, partim auctoritate obtinere, ut tri-
bunicia potestatis vires salubres vellent reipublicæ esse.
quatuorque tribunorum adversus unum moratorem publici
commodi auxilio delectum consules habent. Inde ad Vei- Bellum
ens bellum profecti; quo undique ex Etruria auxilia con- Veiens.
venerant, non tam Veientium gratia concitata, quam quod
in spem ventum erat, discordia intestina dissolvi rem Roma-
nam posse. Principesque in omnium Etruriæ populorum
conciliis fremebant, Æternas opes esse Romanas, nisi inter
semet ipsi seditionibus sæviunt. id unum venenum, eam labem
⁵⁵ *civitatibus opulentis repertam, ut magna imperia mortalia*
essent. Diu sustentatum id malum, partim Patrum consiliis,
partim patientia plebis, jam ad extrema venisse. Duas civi-
tates ex una factas: suos cuique parti magistratus, suas leges
esse. Primum in delectibus sævire solitos; eosdem in bello
tamen paruisse ducibus. qualicunque urbis statu, manente dis-
ciplina militari, ⁵⁶ *sisti potuisse: ⁵⁷ jam non parendi magistrati-*
bis morem in castra quoque Romanam militem sequi. Proximo
bello in ipsa acie, in ipso certamine, consensu exercitus traditam
ultro victoriam victis Æquis: signa deserta, imperatorem in acie
relictum, injussu in castra reditum. Profecto, si instetur, suo milite
vinci Romam posse. Nihil aliud opus esse, quam indici ostendique
bellum: cetera sua sponte fata et Deos gesturos. Ea^x spes Etrus-
cos armaverat^x, multis in vicem casibus victos victoresque.

^x *Hæ—armaverant* Gron. Crev.

⁵³ *Victam*] Priore anno ita victam esse tribuniciam potestatem, ut re victa sit tantum semel et in præsentia; exemplo, cujus documentum in omne deinde tempus profuturum sit, victa sit in perpetuum.

⁵⁴ *Aliquid juris adversus singulos*] Aliqua necessitudo cum singulis.

⁵⁵ *Civitatibus opulentis . . . magna imperis*] Harum vocum magnificentia parum sane convenire videtur tenuitati virium Romanarum, illo de

quo nunc Livius agit tempore. Sed assuetus noster Romanam magnitudinem intueri, interdum ad priorum temporum imbecillitatem ea transfert, quæ ipsi splendor et opes sævi sui subjiciebant.

⁵⁶ *Sisti potuisse*] Vid. not. 61. ad c. 29. supra.

⁵⁷ *Jam non parendi magistratibus morem*] Sensus est: jam mos non parendi magistratibus sequitur in castra Romanum militem.

U. C. 274.
A. C. 478.

Coss. castris
se tenent.

Pugnam
poscit miles
Rom.

XLV. Consules quoque Romani nihil præterea aliud, quam suas vires, sua arma, horrebant: memoria pessimi proximo bello exempli ⁵⁸ terrebat^r, ne rem committerent eo, ubi duæ simul acies timendæ essent. Itaque castris se tenebant, tam ancipiti periculo ⁵⁹aversi. diem tempusque forsitan ipsum lenituum iras, sanitatemque animis adlatuum. Veiens hostis Etruscique eo magis præpropere agere; lacescere ad pugnam: primo obequitando castris provocandoque; postremo, ut nihil movebant, qua consules ipsos, qua exercitum increpando: *Simulationem intestinæ discordiæ* ⁶⁰*remedium timoris inventum: et consules magis non* ⁶¹*confidere, quam non credere, suis militibus. Novum seditionis genus, silentium otiumque inter armatos.* ad hæc in novitatem generis originisque, qua falsa, qua vera jacere. Hæc, quum sub ipso vallo portisque streperent, haud ægre consules pati. at inperitæ multitudinis^r nunc indignatio, nunc pudor, pectora versare, et ⁶²ab intestinis avertere malis: nolle inultos hostes; nolle successum, non Patribus, non consulibus: externa et domestica odia certare in animis. Tandem superant externa. adeo superbe insolenterque hostis eludebat. frequentes in prætorium conveniunt, poscunt pugnam, postulant, ut signum detur. Consules, velut deliberabundi, capita conferunt, diu conloquuntur. pugnare cupiebant; sed retro revocanda et abdenda cupiditas erat, ut adversando remorandoque incitato semel militi adderent inpetum. Redditur responsum, in maturam rem agi, nondum tempus pugnae esse: castris se tenerent. Edicunt inde, ut abstineant pugna. si quis injussu pugnaverit, ut in hostem animadversuros. Ita dimissis, quo minus consules velle credunt, crescit ardor pugnandi. accedunt insuper hostes ferocius multo, ut statuisset non pugnare consules cognitum est. Quippe inpune se insultaturos, non credi militi arma. rem ad ultimum seditionis erupturam, finemque venisse Romano imperio. His freti obcursant portis, ingerunt probra, ægre abstinent, quin castra obpugnent. Enim vero non ultra contumeliam pati Romanus posse: totis castris undique ad consules curritur. non jam sensim, ut ante, per centurionum principes postulant; sed passim omnes clamoribus agunt. Matura res erat; tergiversantur tamen. Fabius deinde, ad crescentem

^r terrebantur Gron. Crev.

² multitudini Eæd.

⁵⁸ *Terrebantur*] Parum interest. Sed tamen elegantius videtur quod Gronovius ex tribus MSS. affert, *terrebat*, nempe ipsos consules. Duo e nostris codd. consentiunt: omnium antiquissimus eodem alludit, exhibetque *tenebat*.

⁵⁹ *Aversi*] A consilio prodeundi

in aciem.

⁶⁰ *Remedium timoris*] Artificium dissimulando timori.

⁶¹ *Confidere*] Militum animis ac robori. *Credere* voluntati.

⁶² *Ab intestinis avertere malis*] Sensim avocare a civilibus odiis.

tumultum jam metu seditionis collega concedente, quum U. C. 274. silentium classico fecisset; *Ego istos, Cn. Manli, posse vincere scio; velle ne scirem, ipsi fecerunt. Itaque certum atque decretum est, non dare^a signum, nisi victores se redituros ex hac pugna jurant^b. Consulem Romanum miles semel in acie fefellit; Deos numquam fallit.* Centurio erat M. Flavoleius, inter primores pugnae flagitator. *Victor, inquit, M. Fabi, revertar ex acie.* Si fallat, Jovem patrem, Gradivumque Martem, aliosque iratos invocat Deos. Idem deinceps omnis exercitus in se quisque jurat. Juratis datur signum, arma capiunt; eunt in pugnam, irarum speique pleni. Nunc jubent Etruscos probra jacere, nunc armatis sibi quisque lingua promptum hostem obferri. Omnium illo die, qua plebis, qua Patrum, eximia virtus fuit. Fabium nomen, Fabia gens maxime enituit. multis civilibus certaminibus infensos plebis animos illa pugna sibi reconciliare statuunt. Instruitur acies: nec Veiens hostis Etruscaeque legiones detrectant.

XLVI. Prope certa spes erat, non magis secum pugnatos, quam pugnaverint cum Æquis. majus quoque aliquod, in tam irritatis animis et ⁶³ occasione ancipiti, haud desperandum esse facinus. Res aliter longe evenit. nam non alio ante bello infestior Romanus (adeo hinc contumeliis hostes, hinc consules mora exacerbaverant) proelium iniit. Vix explicandi ⁶⁴ ordinis spatium Etruscis fuit, quum, ⁶⁵ pilis in- Proelium ter primam trepidationem abjectis temere magis, quam committitur. emissis, pugna jam in manus, jam ad gladios, ubi Mars est atrocissimus, venerat. Inter primores genus Fabium insigne spectaculo exemploque civibus erat. ex his Q. Fabium, (tertio hic anno ante consul fuerat) principem in confertos Veientes euntem, ferox viribus et armorum arte Tuscus, incautum inter multas versantem hostium manus, gladio per pectus transfigit. telo extracto, praeceps Fabius in vulnus abiit. Sensit utraque acies unius viri casum, cedebatque inde Romanus: quum M. Fabius consul transiluit jacentis corpus, objectaque parma, *Hoc jurastis, inquit, milites, fugientes vos in castra redituros? adeo ignavissimos hostes magis timetis, quam Jovem Martemque, per quos jurastis? At ego injuratus aut victor revertar, aut prope te hic, Q. Fabi,*

^a dari Gron.^b jurent Gron. Crev.

⁶³ Occasione ancipiti] Ubi victoria incerta futura erat. Romani certam ex Æquis victoriam deseruerant. Quid fiet igitur, inquiebant Veientes, hac in occasione, ubi certamen anceps futurum est?

⁶⁴ Ordinis] Mallet Gronovius, et

merito quidem, ordines.

⁶⁵ Pilis inter primam] Inter initia pugnae, dum acies ex propero ad pugnam procursu nondum bene constiterant, pilis negligenter et in incertum abjectis potius, quam certa manu vibratis in hostem.

U. C. 374. *dimicans cadam.* Consuli tum K. Fabius prioris anni consul, *Verbisne istis, frater, ut pugnent, te inpetraturum credis? Dii inpetrabunt, per quos juravere. Et nos, ut decet procures, ut Fabio nomine est dignum, pugnando potius, quam adhortando, accendamus militum animos.* Sic in primum infestis hastis provolant duo Fabii, totamque moverunt secum aciem.

Vincuntur
Veientes.

XLVII. Prælio ex parte una restituto, nihilo segnius in altero cornu Cn. Manlius consul pugnam ciebat: ubi prope similis fortuna est versata. nam ut altero in cornu Q. Fabium, sic in hoc ipsum consulem Manlium, jam velut fusos agentem hostes, et inpigre milites secuti sunt; et, ut ille gravi vulnere ictus ex acie cessit, interfectum rati, gradum retulere. cessissentque loco, ni consul alter, cum aliquot turmis equitum in eam partem citato equo advectus, vivere clamitans collegam, se victorem fuso altero cornu adesse, rem inclinatham sustinuisset. Manlius quoque ad restituendam aciem se ipse coram obfert. Duorum consulum cognita ora accendunt militum animos. simul et ⁶⁶ vanior jam erat hostium acies, dum, abundante multitudine freti, subtracta subsidia mittunt ad castra obpugnanda. In quæ haud magno certamine inpetu facto, dum prædæ magis, quam pugnae memores terunt^c tempus; triarii Romani, qui primam inruptionem sustinere non potuerant, missis ad consules nunciis, quo loco res essent, conglobati ⁶⁷ ad prætorium redeunt, et sua sponte ipsi prælium^d renovant: et Manlius consul, revector in castra, ad omnes portas milite obposito, hostibus viam clauserat. Ea desperatio Tuscis rabiem magis, quam audaciam, accendit. nam quum incursantes, quacumque exitum ostenderet spes, vano aliquoties inpetu issent; globus juvenum unus in ipsum consulem insignem armis invadit. Prima excepta a circumstantibus tela. sustineri deinde vis nequit^e. Consul mortifero vulnere ictus cadit, fusique circa omnes. Tuscis crescit audacia. Romanos terror per tota castra trepidos agit. et ad extrema ventum foret, ni legati, rapto consulis corpore, patefecissent una porta hostibus viam. Ea erumpunt; consternatoque agmine abeuntes in victorem alterum incidunt consulem. ibi iterum cæsi fusique passim. Victoria egregia parata, tristis tamen duobus tam claris funeribus. Itaque consul, decernente senatu triumphum, *Si exercitus sine imperatore triumphare possit, pro eximia eo bello opera facile passurum,* respondit: *se, familia funesta Q. Fabii fratris morte,*

^c *tererent* Gron. Crev.

^d *prælium ipsi* Eæd.

^e *nequill* Crev.

⁶⁶ *Vanior*] Minus densa, minus conferta, minus firma.

nem castrorum, in qua tentoria consulum erant.

⁶⁷ *Ad prætorium*] Ad eam regio-

republica ex parte orba consule altero amisso, publico privato- U. C. 274.
que deformem luctu lauream non accepturum. Omni acto tri- A. C. 478.
 umpho depositus triumphus clarior fuit. adeo spreta in tem-
 pore gloria interdum cumulatior redit. Funera deinde duo
 deinceps collegæ fratrisque ducit. idem in utroque laudator,
 quum, concedendo illis suas laudes, ipse maximam partem
 earum ferret. Neque inmemor ejus, quod initio consulatus
 inbiberat, reconciliandi animos plebis, saucios milites cu-
 randos dividit Patribus. Fabiis plurimi dati: nec alibi
 majore cura habiti. Inde populares jam esse Fabii: nec
 hoc ulla, nisi salubri reipublicæ, arte.

XLVIII. Igitur non Patrum magis, quam plebis, studiis U. C. 275.
 K. Fabius cum T. Virginio consul factus, ⁶⁸ neque bella, A. C. 477.
 neque delectus, neque ullam aliam priorem curam agere, K. Fabio
 quam ut, jam aliqua ex parte inchoata concordie spe, pri- III. T. Vir-
 ginio Coss.
 mo quoque tempore cum Patribus coalescerent animi ple-
 bis. Itaque principio anni censuit, priusquam quisquam
 agrariæ legis auctor tribunus existeret, ⁶⁹ occuparent Pa-
 tres ipsi suum munus facere: captivum agrum plebi quam
 maxime æqualiter darent. ⁷⁰ verum esse, habere eos, quo-
 rum sanguine ac sudore partus sit. Adspernati Patres
 sunt: questi quoque quidam, nimia gloria ⁷¹ luxuriare et
 evanescere vividum quondam illud Kæsonis ingenium.
 Nullæ deinde urbanæ factiones fuere. Vexabantur incur-
 sionibus Æquorum Latini. eo cum exercitu Kæso missus,
 in ipsorum Æquorum agrum depopulandum transit. Æqui
 se in oppida receperunt, murisque se tenebant: eo nulla
 pugna memorabilis fuit. At a Veiente hoste clades accep-
 ta temeritate alterius consulis. actumque de exercitu fo-
 ret, ni K. Fabius in tempore subsidio venisset. Ex eo
 tempore neque pax neque bellum cum Veientibus fuit; res
⁷² proxime formam latrocinii venerat. Legionibus Roma-
 nis cedebant in urbem. ubi abductas senserant legiones,
 agros incursabant; bellum quiete, quietem bello in vicem
 eludentes. Ita neque omitti tota res, nec^f perfici poterat.
 et alia bella aut præsentia instabant, ut ab Æquis Volscis-
 que, non diutius, quam recens dolor proximæ cladis transi-

^f neque Gron. Crev.

⁶⁸ *Neque bella*] Lege belli.

⁶⁹ *Occuparent Patres*] Darent pri-
 us operam quam citissime Patres, ut
 hoc munus ab ipsorum benignitate
 plebs haberet.

⁷⁰ *Verni*] Æquum.

⁷¹ *Luxuriare et evanescere*] Lo-
 van jactantiorumque fieri, et in vana
 consilia pronum, vanæ gloriæ appe-

tentem. Similitudo ducta a nimia
 frumentorum in herbis copia, quæ
 sæpe in tenuia et inania grana eva-
 nescit.

⁷² *Proxime formam latrocinii ve-*
nerat] Prope similis erat latrocinio.
Proxime formam, quomodo supra c.
 41. *propius idem.*

U. C. 275. ret, quiescentibus: aut mox moturos se adparebat Sabinos
 A. C. 477. semper infestos, Etruriamque omnem. sed Veiens hostis,
 assiduus magis, quam gravis, contumeliis sæpius, quam pe-
 riculo, animos agitabat: quod nullo tempore negligi pote-
 rat, aut averti alio ⁷⁹ sinebat. Tum Fabia gens senatum
 adiit^s. consul pro gente loquitur: *Assiduo magis, quam*
magno præsidio, ut scitis, Patres conscripti, bellum Veiens
eget. Vos alia bella curate: Fabios hostes Veientibus date.
Auctores sumus, tutam ibi majestatem Romani nominis fore.
Nostrum id nobis velut familiare bellum, privato sumtu gerere
in animo est. Respublica et milite illic et pecunia vacet.
 Gratiae ingentes actæ. Consul e curia egressus, comitante
 Fabiorum agmine, qui in vestibulo curiæ senatusconsul-
 tum expectantes steterant, domum rediit. Jussi armati
 postero die ad limen consulis adesse, domos inde disce-
 dunt.

Fabii susci-
 piunt bel-
 lum cum
 Veientibus.

XLIX. Manat tota urbe rumor: Fabios ad coelum lau-
 dibus ferunt. Familiam unam subisse^b civitatis onus:
 Veiens bellum in privatam curam, in privata arma versum.
 Si sint duæ roboris ejusdem in urbe gentes; deposcant,
 hæc Volscos sibi, illa Æquos: populo Romano tranquillam
 pacem agente, omnes finitimos subigi populos posse. Fabii
 posteroⁱ die arma capiunt. quo jussi erant, conveniunt.
 Consul, ⁷⁴ paludatus egrediens, in vestibulo gentem omnem
 suam instructo agmine videt. acceptus in medium, signa
 ferri jubet. Numquam exercitus neque minor numero, ne-
 que clarior fama et admiratione hominum, per urbem in-
 cessit. ⁷⁵ Sex et trecenti milites, omnes patricii, omnes unius

^s adit Gron. Crev.

^b subisse Eæd.

ⁱ postera Eæd.

⁷³ *Sinebat*] Placuit igitur senatui, ut præsidium in finibus agri Romani continenter haberetur. Sed duplex angebat difficultas, tum quod pecunia, exhausto continuis bellis ærario, non suppeteret; tum quod non facile reperirentur, qui in militiam gravem et assiduam nomina darent. Ideo Fabia gens suam senatui et reipub. operam offert. Dion. l. IX.

⁷⁴ *Paludatus*] Paludamento indutus. Paludamentum proprie chlamys imperatoria. Livius tamen usurpavit, l. I. c. 26. pro veste militari Curiatii, qui non fuit imperator. Sed reponit Gronovius, in nota ad XLI. 10. Curiatium, etsi non imperatorem, tamen instar imperatoris alicujus fuisse, hominem illustrissimum, cujus et fratrum virtuti summa rei

Albanæ permissa esset: nihil itaque mirum esse eos insignitius ornatos fuisse. * Vid. not. 82. ad c. 26. l. I.

⁷⁵ *Sex et trecenti milites*] Ex Dionysio, totum agmen e quatuor fere hominum millibus constabat; at major pars e clientibus et sodalibus Fabiorum erat; e Fabia gente sex et trecenti viri. Perizonius Animadv. Hist. c. 5. variis nec fortasse spernendis argumentis convellere nititur unanimem scriptorum omnium de sex et trecentis Fabiis consensum: et probabiliter admodum suspicatur totum agmen sex et trecentorum virorum fuisse, sed quorum multo maxima pars e clientibus et sodalibus Fabiorum esset. Eum adi, diversarumque, quas affert, rationum mo-
 menta sedulo expende.

gentis, quorum neminem ducem sperneret egregius qui- U. C. 275.
 buslibet temporibus ⁷⁶ senatus, ibant, unius familiæ viribus A. C. 477.
 Veienti populo pestem minitantes. Sequebatur turba, pro-
 pria alia cognatorum sodaliumque, nihil medium, nec
 spem, nec curam, sed immensa omnia volventium animo;
 alia ⁷⁷ publica, sollicitudine excitata, favore et admiratione
 stupens; *ire fortes, ire felices jubent, inceptis eventus pares*
reddere: consulatus inde ac triumphos, omnia præmia ab se,
omnes honores sperare. Prætereuntibus Capitolium arcem-
 que et alia templa, quidquid Deorum oculis, quidquid animo
 obcurrit, precantur, ut illud agmen faustum atque felix mit-
 tant, sospites brevi in patriam ad parentes restituant. In-
 cassum missæ preces. Infelici via ⁷⁸ dextro Jano portæ
 Carmentalis profecti, ad Cremeram flumen perveniunt. is
 opportunus visus locus communiendo præsidio. L. Æmi- U. C. 276.
 lius inde et C. Servilius consules facti. et, donec nihil aliud A. C. 476.
 quam in populationibus res fuit, non ad præsidium modo L. Æmilio
 tutandum Fabii satis erant, sed tota regione qua Tusculum II. C. Ser-
 vilio Coss.
 ager Romano adjacet, sua tuta omnia, infesta hostium, va-
 gantes per utrumque finem, fecere. Intervallum deinde
 haud magnum populationibus fuit: dum et Veientes, adcito
 ex Etruria exercitu, præsidium Cremeræ obpugnant; et
 Romanæ legiones, ab L. Æmilio Consule adductæ, comi-
 nus cum Etruscis dimicant acie. quamquam vix dirigendi
 aciem spatium Veientibus fuit. adeo inter primam trepida-
 tionem, ⁷⁹ dum post signa ordines introeunt, subsidiaque
 locant, invecta subito ab latere Romana equitum ala, non
 pugnae modo incipiendæ, sed consistendi, ademit locum.
 Ita, fusi retro ad saxa Rubra, (ibi castra habebant) pacem
 supplices petunt. cujus inpetratæ, ab insita animis levitate,
 ante deductum Cremera Romanum præsidium, poenituit.

L. Rursus cum Fabiis erat Veienti populo, sine ullo ma- Fabii Ve-
 joris belli adparatu, certamen: nec erant incursiones modo entium vic-
 in agros, aut subiti inpetus incursantium, sed aliquoties æ- tores.
 quo campo conlatisque signis certatum. gensque una populi
 Romani sæpe ex opulentissima, ut tum res erant, Etrusca

⁷⁶ *Senatus*] Multo magis placeret
exercitus: quod Tan. Fabro et Duja-
 tio visum. Ovid. II. Fast. v. 200. de
 his Fabiis loquens: *E quis dux fieri*
quilibet aptus erat.

⁷⁷ *Publica sollicitudine excitata*]
 Excitata ad prosequendos Fabios, non
 privatis necessitudinibus, sed sollici-
 tudine ad rempublicam spectante.

⁷⁸ *Dextro Jano*] Per dextrum Ja-
 num, sive transitum portæ Carmen-
 talis. Janus enim interdum sumitur
 pro quodam quasi fornice per quem

via pateat. Cicero l. II. de Nat.
 deor. n. 67. *Transitiones pervia Jani*
 dicuntur. Carmentalis igitur porta
 duos tresve tales Janos sive transitus
 habuit: per dextrum profecti sunt
 Fabii. Sic censet Jac. Gron. in Dis-
 sertat. epist. 2^a. ad calcem tomi II.
 Liviani. Vide et Martinium in voce
Janus.

⁷⁹ *Dum post signa ordines intro-*
eunt] Dum ordines, sequentes signa,
 prodeunt in locum pugnae destina-
 tum.

U. C. 276. civitate victoriam tulit. Id primo acerbum indignumque
 A. C. 476. Veientibus visum. inde consilium ex re natum insidiis fero-
 cem hostem captandi: gaudere etiam, multo successu Fa-
 biis audaciam crescere. Itaque et pecora prædantibus ali-
 quoties, velut casu incidissent, obviam acta: et agrestium
 fuga vasti relictæ agri: et subsidia armatorum, ad arcendas
 populationes missa, sæpius simulato, quam vero, pavore re-
 fugerunt. Jamque Fabii adeo contemserant hostem, ut sua
 invicta arma neque loco neque tempore ullo crederent sus-
 tineri posse. hæc spes provexit, ut ad conspecta procul a
 Cremera magno campi intervallo pecora (quamquam rara
 hostium adparebant arma) decurrerent. et quum improvidi
 effuso cursu insidias circa ipsum iter locatas superassent,
 palatique passim vaga, ut fit pavore injecto, raperent peco-
 ra; subito ex insidiis consurgitur, et adversi et undique
 hostes erant. Primo clamor circumlatus exterruit, dein te-
 la ab omni parte accidebant. coeuntibusque Etruscis, jam
 Cæsi a Vei- continenti agmine armatorum septi, quo magis se hostis in-
 entibus. ferebat, cogeantur breviori spatio et ipsi orbem conligere.
 quæ res et paucitatem eorum insignem, et multitudinem
 Etruscorum, ⁸⁰ multiplicatis in arto ordinibus, faciebat.
 Tum, omissa pugna, quam in omnes partes parem intende-
 rant, in unum locum se omnes inclinant. ⁸¹ eo nisi corpori-
 bus armisque, ⁸² rupere cuneo viam. Duxit via in editum
 leniter collem. inde primo restitere. mox, ut respirandi su-
 perior locus spatium dedit, recipiendique a pavore tanto
 animum, pepulere etiam subeuntes: vincebatque auxilio loci
 paucitas, ni jugo circummissus Veiens in verticem collis
 evasisset. ita superior rursus hostis factus. Fabii cæsi ad
 unum omnes, præsidiumque expugnatum. trecentos sex pe-
 risse satis convenit: ⁸³ unum ⁸⁴ prope puberem ætate relic-

⁸⁰ *Multiplicatis in arto ordinibus*] Quum ordines, sive orbis illi, quibus Romanos cingebant, plures fierent, propterea quod in arctum cogerentur.

⁸¹ *Eo nisi*] In eam partem nitentes.

⁸² *Rupere cuneo viam*] In cuneum formata acie, viam sibi per vim aperuerunt. *Rumpere* sæpe idem est ac per vim et impetu facere aliquid. Sic *rupto turbine*, et *rumpebat questus*, apud Virgilium.

⁸³ *Unum*] Sic scriptores omnes, qui hac de re egerunt. Et sane omnes, qui proximis temporibus in annalibus et consularibus fastis Fabii reperiuntur, ab uno Q. Fabio M. F. Vibulano videntur orti: quandoqui-

dem deinceps proximi patrem Quintum, avum Marcum; remotiores, avum Quintum illum habuisse in fastis leguntur. Solus Dionysius, quæ de uno superstite Fabio dicuntur, tanquam theatricis figmentis similia rejicit, quia ipsi fieri omnino non potuisse videatur, ut non quibusdam e trecentis illis Fabiis aut fratres im- puberes essent, aut filii. Sed nulla jam aut parva admodum remaneret difficultas, si cum Perizonio statuere- tur, longe minimam in isto agmine partem e Fabiis ipsis fuisse. Eum vide loco supra memorato.

⁸⁴ *Prope puberem ætate*] Hunc eodem modo vocat hoc loco Dionysi- us *παῖδιον*, sive puerulum. Tunc igitur major tredecim annis esse non

tum, ⁸⁵ stirpem genti Fabiæ, dubiisque rebus populi Romani sæpe domi bellicque vel maximum futurum auxilium.

LI. ⁸⁶ Quum hæc accepta clades esset, jam C. Horatius et U. C. 277.
T. Menenius consules erant. Menenius adversus Tuscos A. C. 475.
victoria elatos confestim missus. Tum quoque male pugna- C. Horatio,
tum est, et ⁸⁷ Janiculum hostes occupavere: obsessaque T. Menenio
urbs foret, super bellum annona premente, (transierant enim Coss.
Etrusci Tiberim) ni Horatius consul ex Volscis esset revo-
catus: adeoque id bellum ipsis institit moenibus, ut primo
pugnatum ⁸⁸ ad Spei sit æquo Marte, iterum ad portam Col-
linam. Ibi quamquam ⁸⁹ parvo momento superior Romana
res fuit, meliorem tamen militem, recepto pristino animo, in
futura proelia id certamen fecit. A. Virginius et Sp. Servi- U. C. 278.
lius consules fiunt. ⁹⁰ post acceptam proximam pugnae cladem A. C. 474.
Veientes abstinuere acie. populationes erant, et ⁹¹ velut ab A. Virgino,
arce Janiculi passim in Romanum agrum inpetus dabant. Sp. Servilio
non usquam pecora tuta, non agrestes erant. Capti deinde Coss.
eadem arte sunt, qua ceperant Fabios. secuti dedita opera
passim ad inlecebras propulsa pecora, præcipitavere in insi-
dias. ⁹² quo plures erant, major cædes fuit. Ex hac clade
atrox ira majoris cladis causa atque initium fuit. trajecto
enim nocte Tiberi, castra Servilii consulis adorti sunt ob-
pugnare. inde fusi magna cæde in Janiculum se ægre re- Veientes
cepere^k. Confestim consul et ipse transit Tiberim, castra victi.
sub Janiculo communit. postero die, luce orta, nonnihil et

^k receperunt Gron. Crev.

potuit. Atqui tamen eum undecimo post anno consulem videmus L. III. c. I. unde efficitur eum quarto et vicesimo ætatis anno consulem fuisse. Quod etsi non est incredibile, utpote quod postea in Valerio Corvo factum reperiamus, at certe ab his scriptoribus observari debuerat, ubi de consulatione ejus egerunt. Ceterum non immerito suspicatur Gronovius Livium scripsisse prope puberem ætatem, ut supra I. 35.

⁸⁵ *Stirpem genti Fabiæ*] Propagatum, et vetitum interire gentem Fabiam; futurumque et per se, et multo magis per posteros, vel maximum dubiis et labantibus populi Romani rebus auxilium.

⁸⁶ *Quum hæc accepta clades esset, jam ... consules erant*] Videtur legendum *Quum hæc accepta clades est*.

⁸⁷ *Janiculum hostes occupavere: obsessaque urbs foret*] Hic Livius loquitur de Janiculo, tanquam ab urbe

dissito: in quo consentientem habet Dionysium, qui hunc montem sexdecim tunc stadiis, id est, duobus milliaribus ab urbe abfuisse tradit. Itaque minus proprie videtur Livius dixisse l. I. c. 33. Janiculum adjectum urbi ab Anco rege.

⁸⁸ *Ad Spei*] Ad ædem Spei, stadio ab urbe octavo, sive ad mille passus, teste Dionysio.

⁸⁹ *Parvo momento superior*] Paulo superior, non plene et sine controversia victrix.

⁹⁰ *Post acceptam proximam pugnae cladem*] Libenter sequimur Gronovium emendantem *proxima pugna*: sicut et haud multum infra legendum videtur *hesterna felicitate pugnae*, non *hesterna*.

⁹¹ *Velut ab arce Janiculi*] E Janiculo tanquam ex arce.

⁹² *Quo plures erant*] Quo plures erant quam Fabii, eo major illorum tunc cædes fuit, quam Fabiorum ad Cremeram fuerat.

U. C. 278. hesterna felicitate pugnae ferox, magis tamen, quod inopia
A. C. 474. frumenti, quamvis in praecipitia, dum celeriora essent, age-
bat consilia, temere adverso Janiculo ad castra hostium
aciem erexit, foediusque inde pulsus, quam pridie pepule-
rat, interventu collegae ⁹³ ipse exercitusque ejus est servatus.
inter duas acies Etrusci, quum in vicem his atque illis terga
darent, occidione occisi. Ita obpressum temeritate felici
Veiens bellum.

LII. Urbi cum pace laxior etiam annona rediit, et ad-
vecto ex Campania frumento, et, postquam timor sibi cui-
que futurae inopiae abiit, eo, quod abditum fuerat, prolato.
Ex copia deinde otioque lascivire rursus animi; et pristina
mala, postquam foris deerant, domi quaerere. tribuni ple-
bem agitare suo veneno, agraria lege; in resistentes incitare
Patres, nec in universos modo, sed in singulos. Q. Consi-
dus et T. Genucius, auctores agrariae legis, T. Menenio
diem dicunt. invidiae erat amissum Cremerae praesidium,
quum haud procul inde stativa consul habuisset. ⁹⁴ Eum ob-
presserunt¹. Quum et Patres haud minus, quam pro Cori-
olano, adnisi essent, et patris Agrippae favor haud dum ex-
olevisset; in multa temperarunt tribuni. ⁹⁵ quum capitis an-
quisissent, ⁹⁶ duo millia aeris damnato ⁹⁷ multam dixerunt^m.
⁹⁸ ea in caput vertit. Negant tulisse ignominiam aegritudi-
nemque: inde morbo absumtum esse. Alius deinde reus
Sp. Servilius, ut consulatu abiit, C. Nautio et P. Valerio
consulibus, initio statim anni, ab L. Caedicio et T. Statio
tribunis die dicta, non, ut Menenius, precibus suis aut Pa-
trum, sed cum multa fiducia innocentiae ⁹⁹ gratiaeque, tribu-
nicios inpetus tulit. Et huic proelium cum Tuscis ad Jani-
culum erat crimini. sed fervidi animi vir, ut in publico peri-
culo ante, sic tum in suo, non tribunos modo, sed plebem,
oratione feroci refutando, exprobrandoque T. Menenii dam-
nationem mortemque, (cujus patris munere restituta quon-

U. C. 279.
A. C. 473.
C. Nautio,
P. Valerio
Coss.

¹ *oppressere* Gron. Crev.

^m *edixerunt* Eaed.

⁹³ *Ipsae exercitusque ejus*] Quatuor
regii codices cum Sorbonico, Campa-
nus et Andreas omittunt *et ejus*,
quod sine ulla necessitate inseruit
Gronovius.

⁹⁴ *Eum oppressere*] Gronovius e-
mendat, *ea*, nempe invidia, *oppressit*:
in quo parum abit a scriptis, qui ha-
bent *eam oppressit*.

⁹⁵ *Quum capitis anquisissent*] Quum litem ei capitalem intendis-
sent, sive iudicium de capite ejus in-
stituissent.

⁹⁶ *Duo millia aeris*] Asses 2000.
aestimari possunt tribus argenti mar-

cis Parisiensibus cum una uncia.

⁹⁷ *Multam edixerunt*] Magis pla-
ceret *dixerunt*: sic enim solet Livi-
us.

⁹⁸ *Ea in caput vertit*] Ea multa
capitalis illi fuit; mortis causa illi
fuit.

⁹⁹ *Gratiaeque*] Intempestiva hic
videtur gratiae mentio. Ecquam enim
gratiam apud populum habere pote-
rat vir in pace adversus agrariae legi,
in bello temeritatis manifestus? Ve-
niebat in mentem *causaeque*, quam
scilicet ille optimam et justissimam
esse defenderet.

dam plebs eos ipsos, quibus tum sæviret, magistratus, eas U. C. 279. leges haberet) periculum audacia discussit. juvit et Virginius A. C. 473. collega, testis productus, participando laudes: magis tamen Menenianum (¹ adeo mutaverant animum) profuit judicium.

LIII. ² Certamina domi finita. Veiens bellum exortum; Bellum quibus Sabini arma conjunxerant. P. Valerius consul, ad- Veiens et Sabinum. citis Latinorum Hernicorumque auxiliis, cum exercitu Veios missus, castra Sabina, quæ pro mœnibus sociorum locata erant, confestim adgreditur; tantamque trepidationem iniecit, ut, dum dispersi alii alia manipulatim excurrunt ad arcedam hostium vim, ea porta, cui signa primum intulerat, caperetur. intra vallum deinde cædes magis, quam prælium, esse. tumultus e castris et in urbem penetrat; tamquam Veis captis, ita pavidæ Veientes ad arma currunt. pars Sabinis eunt subsidio; pars Romanos, toto impetu intentos in castra, adoriuntur. Paullisper aversi turbatique sunt. deinde et ipsi utroque versis signis resistunt: et eques, ab consule inmissus, Tuscos fundit fugatque. eademque hora duo exercitus, duæ potentissimæ et maximæ finitimæ gentes superatæ sunt. Dum hæc ad Veios geruntur, Volsci Æquique in Latino agro posuerant castra, populatique fines erant. eos per se ipsi Latini, adsumtis Hernicis, sine Romano aut duce aut auxilio, castris exuerunt. Ingenti præda, præter suas recuperatas res, Bellum potiti sunt. missus tamen ab Roma consul in Volscos C. Nau- cum Volscis et Æquis. tius. Mos, credo, non placebat, sine Romano duce exercituque socios propriis viribus consiliisque bella gerere. nullo genus calamitatis contumeliæque non editum in Volscos est: nec tamen percelli potuere, ut acie dimicarent.

LIV. L. Furius inde et C. Manlius consules. Manlio U. C. 280. Veientes provincia evenit. non tamen bellatum. induciæ in A. C. 472. annos quadraginta petentibus datæ, frumento stipendioque L. Furio, C. imperato. Paci externæ confestim ³ continuatur discordia Manlio domi. agrariæ legis tribuniciis stimulis plebs furebat. Con- Coss. Ro- sules, nihil Menenii damnatione, nihil periculo deterriti mæ discor- Servilii, summa vi resistunt. ⁴ abeuntes magistratu Cn.^a dia. Genacius tribunus plebis adripuit. L. Æmilius et Opiter L. Æmilio Virginius consulatum ineunt. Vopiscum Julium pro Virgi- III. Opit. Virginio Coss.

^a Cn. L. Consules Gron. Crev.

¹ *Adeo mutaverant animum*] Val- de Livianum esset: *Adeo mutaverant animi*. Sic l. XXXIX. c. 51. *Mores quidem populi Romani quantum mutaverint.*

² *Certamina domi finita*] Unus e nostris codicibus plane, quomodo Gronovius volebat, exhibet: *Certamina domi finita Veiens bellum exortum.*

³ *Continuatur*] Statim et sine ullo

intervallo succedit.

⁴ *Abeuntes magistratu consules*] Vox consules præfigitur præcedenti periodo. Ejus hoc loco ingrata repetitio est. Unus e codicibus ab Hearnio inspectis, et tres e nostris habent: *Abeuntes magistratu Cn. Genacius arripuit*: quæ lectio videtur vulgatæ anteponeunda.

U. C. 281.
A. C. 471.
Furius et
Manlius ad
populum
rei.

Tribunus
occisus.

nio in quibusdam annalibus^o consulem invenio. Hoc anno (quoscumque consules habuit) rei ad populum Furius et Manlius circumeunt sordidati non plebem magis, quam juniores Patrum. suadent, monent, *Honoribus et administratione reipublicæ abstineant*; consulares vero fasces, prætextam, curulemque sellam, nihil aliud, quam pompam funeris, putent. *claris insignibus*⁵ *velut infulis velatos ad mortem destinari.* Quod si consulatus tanta dulcedo sit, jam nunc ita in animum inducant, consulatum captum et oppressum ab tribunicia potestate esse; consuli, velut adparitori tribunicio, omnia ad nutum imperiumque tribuni agenda esse. Si se commoverit, si respexerit Patres, si aliud, quam plebem, esse in republica crediderit, *exsilium C. Marcii, Menenii damnationem et mortem, sibi proponat ante oculos.* His accensi vocibus Patres consilia inde, non publica, sed in privato, ⁶ seductaque a plurium conscientia, habuere. ubi quum id modo constaret, jure an injuria eripiendos esse reos, atrocissima quæque maxime placebat sententia. nec auctor quamvis audaci facinori deerat. Igitur judicii die, quum plebs in foro erecta expectatione staret, mirari primo, quod non descenderet tribunus: deinde, quum jam mora suspectior fieret, deterritum a primoribus credere, et desertam ac proditam causam publicam queri. Tandem, qui obversati vestibulo tribuni fuerant, nunciant domi mortuum esse inventum. quod ubi in totam concionem pertulit rumor; sicut acies funditur duce occiso, ita dilapsi passim alii alio. Præcipuus pavor tribunos invaserat, quam nihil auxilii sacratæ leges haberent, morte collegæ monitos. Nec Patres satis moderate ferre lætitiā. adeoque neminem noxæ pœnitebat, ut etiam insontes fecisse videri vellent, palamque ferretur malo demandam tribuniciam potestatem.

Discordie. LV. ⁷ Sub hac pessimi exempli victoria delectus edicitur: paventibusque tribunis, sine intercessione ulla consules rem peragunt. Tum vero irasci plebes, tribunorum magis silentio, quam consulum imperio, et dicere, *Actum esse de libertate sua; rursus ad antiqua reditum; cum Genucio una mortuam ac sepultam tribuniciam potestatem. aliud agendum ac cogitandum, quomodo resistatur Patribus. Id autem unum consilium esse, ut se ipsa plebs, quando aliud nihil auxilii habeat, defendat.* Quatuor et viginti lictores⁸ *adparere consu-*

^o in quibusdam pro Virginio annalibus Gron. Crev.

⁵ *Velut infulis*] Elegans similitudo ducta a victimis, quæ infulis ac vittis velatæ mactabantur.

⁶ *Seducta . . . a plurium conscientia*] Quorum multos consocios esse non sinnerent.

⁷ *Sub hac . . . victoria*] Post hanc victoriam. Sic et l. XLV. c. 10. *Sub adventu Romanorum.* Et Florus, l. III. c. 6. *Sub ipso hostis recessu.*

⁸ *Adparere consulibus*] Ministros esse et apparitores consulum.

libus, et eos ipsos plebis homines. Nihil contemtius, neque in- U. C. 281.
firmius, si sint qui contemnant. Sibi quemque ea magna at- A. C. 471.
que horrenda facere. His vocibus alii alios quum incitas-
sent, ad Voleronem Publium, de plebe hominem, quia, Voleronis
quod ⁹ ordines duxisset, negaret se militem fieri debere, audacia.
lictor missus est a consulibus. Volero adpellat tribunos.
Quum auxilio nemo esset, consules spoliari hominem, et
virgas expediri jubent. Provoco, inquit, ad populum, Vo-
lero; quoniam tribuni civem Romanum in conspectu suo virgis
cadi malunt, quam ipsi in lecto suo a vobis trucidari. quo fe-
rocius clamitabat, eo infestius circumscindere et spoliare
lictor. Tum Volero, et prævalens ipse, et adjuvantibus
¹⁰ advocatis, repulso lictore, ubi indignantium pro se acer-
rimus erat clamor, eo se in turbam confertissimam recipit,
clamitans, Provoco, et fidem plebis inploro. adeste cives! ad-
este commilitones! nihil est, quod expectetis tribunos, quibus
ipsis vestro auxilio opus est. Concitati homines, veluti ad
proelium, se expediunt: adparebatque, ¹¹ omne discrimen
adesse; nihil cuiquam sanctum, non publici fore, non pri-
vati juris. Huic tantæ tempestati quum se consules ob-
tulissent, facile experti sunt, parum tutam majestatem sine
viribus esse. violatis lictoribus, fascibus fractis, e foro in
curiam compelluntur; incerti, quatenus Volero exerceret
victoriam. Conticescente deinde tumultu, quum in sena-
tum vocari jussissent, queruntur injurias suas, vim plebis,
Voleronis audaciam. Multis ferociter dictis sententiis, vi-
cere seniores, quibus, ira Patrum adversus temeritatem ple-
bis certari, non placuit.

LVI. Voleronem amplexa favore plebs proximis comi- Fit trib.
tiis tribunum plebi^p creat in eum annum, qui L. Pinarium, plebis.
P. Furium consules habuit. contraque omnium opinionem, U. C. 282.
qui eum vexandis prioris anni consulibus ¹² permissurum A. C. 470.
tribunatum credebant, post publicam caussam privato do- L. Pinario,
lore habito, ne verbo quidem violatis consulibus, rogatio- P. Furio;
nem tulit ad populum, ut plebei magistratus tributis co- Coss.
mittiis fierent. ¹³ Haud parva res sub titulo prima specie mi- Lex Pub-
lilia.

^p plebei Crev.

⁹ Ordines duxisset] Centurio fuit.
set. Vid. not. 28. ad c. 23. supra.

¹⁰ Advocatis] Iis qui causæ ejus
favere se profitebantur, et ei apud
populum, ad quem provocabat, ad-
futuros.

¹¹ Omne discrimen adesse] Omnia
in discrimen et in periculum vocari;
nec quemquam reveritatum, aut ea
que publico jure sancta sunt, puta
leges, potestates; aut ea que privata
necessitudine cara sunt, amicitiam,

cognitionem.

¹² Permissurum tribunatum] Me-
taphora sumpta ab illis qui *permittere*
equum dicuntur, hoc est, incitare, et
ei frenos immittere ad liberum cur-
sum. Est igitur *permissurum tribu-*
natum *vexandis consulibus*, tribuna-
tui frena laxaturum, potestate impo-
tenter usurum ad vexandos consules.
Gronovius.

¹³ Haud parva res] Hæc non fa-
cile conciliari posse videntur cum iis

U. C. 282. A. C. 470. nime atroci ferebatur; sed quæ patriciis omnem potestatem per clientium suffragia creandi, quos vellent, tribunos auferret. Huic actioni, gratissimæ plebi, quum summa vi resisterent Patres; nec, quæ una vis ad resistendum erat, ut intercederet, aliquis ex collegio auctoritate aut consulum aut principum adduci posset; ¹⁴ res tamen, suo ipsa molimine gravis, certaminibus in annum ¹⁵ extrahitur. Plebs Voleronem tribunum reficit. Patres, ad ultimum dimicationis rati rem venturam, Ap. Claudium, Appii filium, jam inde a paternis certaminibus invisum infestumque plebi, consulem faciunt. Collega ei T. Quinctius datur. Principio statim anni nihil prius, quam de lege, agebatur. sed ut inventor legis Volero, sic Lætorius collega ejus, ¹⁶ auctor quum recentior, tum acrior erat. Ferocem faciebat belli gloria ingens; quod ætatis ejus haud quisquam manu promptior erat. Is, quum Volero nihil, præterquam de lege, loqueretur, insectatione abstinens consulum, ¹⁷ ipse in accusationem Appii, familiæque superbissimæ ac crudelissimæ in plebem Romanam, exorsus, quum a Patribus non consulem, sed carnificem ad vexandam et lacerandam plebem, creatum esse contenderet; rudis in militari homine lingua non subpetebat libertati animoque. Itaque, deficiente oratione, *Quandoquidem* ¹⁸ *non tam facile loquor*, inquit, *Quirites, quam, quod locutus sum, præsto, crastino die adeste. Ego hic aut in conspectu vestro moriar, aut perferam legem.* Occupant tribuni ¹⁹ templum postero die. consules nobilitasque ad inpe-

U. C. 283.
A. C. 469.

Ap. Clau-
dio, T.
Quinctio
Coss.

Lætorii
Tr. Pl.
certamina
cum Appio
Coss.

9 add. tam Gron. Crev.

quæ infra de hac eadem re habet Livius in fine c. 60. ubi *plus dignitatis comitiis per hanc actionem detractum* ait, *quam virium aut plebi additum, aut ademptum Patribus.* Nec vero mediocriter imminuta videtur hac lege Patrum potentia. Primo enim Patres ex comitiis tributis submovebantur, quod docet noster in illo c. 60. loco quem jam attulimus. Inde est, quod comitia hæc habebantur plebis propria, et leges in iis latæ *plebiscitis* nuncupabantur. Vid. infra III. 55. et Gell. XV. 27. 2º. Dionysius hac ipsa de lege agens l. IX. docet liadem comitiis necessarium non fuisse ut senatus auctor fieret. 3º. nihil in iis opus fuisse sacris aut auspiciis, quorum arbitri Patres erant. At quomodo per clientium suffragia minus valerent Patres tributis comitiis, quam curiatis, quibus antea tribuni creabantur, haud satis liquet.

14º *Res . . . suo ipsa molimine gravis*] Res per se gravis, et quæ ad exitum

perduci sine magno et proinde lento molimine non posset.

15 *Extrahitur*] Dionysius aliam affert causam: pestilentiam nempe, quæ atrocissima, etsi non diuturna, urbem invasit.

16º *Auctor*] Approbator, firmator, et qui auctoritatem legi præstaret.

17 *Ipsæ in accusationem . . . exorsus*] Delenda videtur præpositio: nisi malis ex uno e nostris codd. *ipsæ incusationem.*

18 *Non tam facile*] Andreas, Campanus, omittunt *tam*, itemque scripti a Gronovio inspecti, et quatuor regii, et Sorbonicus. Nec raro supprimit eam vocem Livius, ut et *et magis*. Vid. V. 21. XXV. 29. XXVI. 18.

19 *Templum*] *Templum* est omnis locus auguriis consecratus. Hic intelligendum est fortasse Capitolium ex Dion. l. IX. Ceterum comitium quoque ipsum, eo sensu quem modo finivimus, *templum* fuisse probabile est. Siquidem auspiciato agi cum po-

diendam legem in concione consistunt. ²⁰ Submoveri Lætorius jubet, præterquam qui suffragium ineant. Adolescentes nobiles stabant, nihil cedentes ²¹ viatori. tum ex his prebendi quosdam Lætorius jubet. Consul Appius negare jus esse tribuno in quemquam, nisi in plebeium. ²² Non enim populi, sed plebis, eum magistratum esse. nec illum ipsum submovere pro imperio posse more majorum; quia ita dicatur: *Si vobis videtur, discedite, Quirites.* Facile et contemtum de jure disserendo perturbare Lætorium poterat. Ardens igitur ira tribunus viatorem mittit ad consulem: consul lictorem ad tribunum, ²³ privatum esse clamitans, ²⁴ sine imperio, sine magistratu; violatusque esset tribunus, ni et concio omnis atrox coorta pro tribuno in consulem esset; et concursus hominum in forum ex tota urbe concitæ multitudinis fieret. Sustinebat tamen Appius pertinacia tantam tempestatem: certatumque haud incruento prælio foret, ni Quinctius, consul alter, consularibus negotio dato, ut collegam vi, si aliter non possent, de foro abducerent, ipse nunc plebem sævientem precibus lenisset, nunc orasset tribunos, ut concilium dimitterent. *Darent iræ spatium. non vim tuam illis tempus ademturum, sed consilium viribus additurum. et Patres in populi, et consulem in Patrum fore potestate.*

LVII. Ægre sedata ab Quinctio plebs, multo ægrius consul alter a Patribus. Dimisso tandem concilio plebis,

pulo non poterat, nisi in loco inaugurato, ut patet ex Liv. III. 20. Comitia autem curiata, in quibus auspicia necessaria erant, in comitio habitare constat. Suggestum quidem certe, ex quo conciones ad populum habebantur, quodque postea *Rœstra* appellatum est, *templum* vocitatur et a Livio, VIII. 14. et passim a Cicerone, ut in Vatim. n. 24. Vide etiam infra l. III. c. 17.

²⁰ *Submoveri Lætorius jubet, præterquam qui*] Tum quum in Sacro monte composita inter Patres plebemque pax fuerat, concessum erat plebi, ut quoties tribuni concionem advocarent, ei se patricii ne inticerent. Dion. l. VII.

²¹ *Viatori*] *Viatores* erant ex eorum numero, qui magistratibus apparebant; inde sic dicti, teste Festo, quod quum sæpius Romani rusticarentur, crebrior apparitorum illorum opera erat in vis quam in urbe, quod ex agris homines plerumque vocabantur a magistratibus. Idem testatur Cic. de Senectute, n. 56. Tribunis viato-

res, non lictores apparebant.

²² *Non... populi, sed plebis*] *Populus* est tota natio, et Patres plebemque complectitur. *Plebs* est pars populi, extra quam Patricii erant.

²³ *Privatum*] Hunc locum mire illustrat allatus a Sigonio Plutarchi locus e Quæst. Rom. c. 81. *Cur, inquit, quum prætexta alii magistratus ulantur, tribunus plebis non utitur? An, quia tribunus plebis magistratus non est? Neque enim ex sella tribuni jus dicunt: neque principio anni, ut reliqui magistratus, incunt: neque creato dictatore se abdicant, sed translato omni ad dictatorem imperio, ipsi tamen suam potestatem retinent, quasi magistratus non sint.... Tribunatus impedimento potius est magistratui, quam magistratus.*

²⁴ *Sine imperio*] Imperium duplex: civile, quod et *potestas* dicitur, quo auspicio jus, et juris dicendi potestas continebatur: militare, quod ad rem bellicam spectabat. Horum neutrum competeat tribuno.

U. C. 283. senatum consules habent. ubi quum timor atque ira in
 A. C. 469. vicem sententias variassent; quo magis, spatio interposito,
²⁵ ab inpetu ad consultandum advocabantur, eo plus abhorre-
 bant a certatione animi. adeo ut Quinctio gratias agerent,
 quod ejus opera mitigata discordia esset. Ab Appio petitur,
²⁶ *Ut tantam consularem majestatem esse vellet, quanta esse in
 concordi civitate posset*¹. Dum tribuni consulesque ad se quis-
 que omnia trahunt², nihil relictum esse virium in medio: ²⁷ *dis-
 tractam laceratamque rempublicam magis, quorum in manu sit,
 quam ut incolumis sit, quæri*. Appius contra testari Deos
 atque homines, rempublicam prodi per metum ac deserui. non
 consulem senatui, sed senatum consuli deesse. graviores accipi
 leges, quam in Sacro monte acceptæ sint. Victus tamen Pa-
 trum consensu quievit. lex silentio perfertur.

Tribuni
 tributis
 comitiis
 creati.

LVIII. Tum primum tributis comitiis creati tribuni sunt:
²⁸ numero etiam addito³, tres, perinde ac duo antea⁴ fue-
 rint, Piso auctor est. Nominat quoque tribunos, C. Sici-
 nium, L. Numitorium, M. Duilium, Sp. Icilium, L. Mæci-
 lium. Volscum Æquicumque inter seditionem Romanam
 est bellum coortum. vastaverant agros, ut, si qua secessio
 plebis fieret, ad se receptum haberet. Compositis deinde
 rebus, castra retro movere. Ap. Claudius in Volscos mis-
 sus. Quinctio Æqui provincia evenit. Eadem in militia
 sævitia Appii, quæ domi, esse⁵ liberior, quod sine tribuni-
 ciis vinculis erat. Odisse plebem plus quam paterno odio:
 se victum ab ea: se ²⁹ unico consule objecto adversus tri-
 buniciam potestatem, perlatam legem esse; quam minore
 conatu, nequaquam tanta Patrum spe, priores inpedierint
 consules. Hæc ira indignatioque ferocem animum ad vex-
 andum sævo imperio exercitum stimulabat. nec ulla vi do-
 mari ³⁰ poterat. tantum certamen animis inbiberant. Seg-

¹ *quanta in concordi civitate esse posset* Gron. Crev. ² *trahant* Eæd. ³ *ad-
 ditos—ante Crev.* ⁴ *ante Gron.* ⁵ *esse; eo liberior* Gron. Crev.

²⁵ *Ab impetu ad consultandum ad-
 vocabantur*] Fervido irarum æstu
 paulatim residente, ad rem tranquillo
 et sedato animo inspiciendam invitati
 transibant.

²⁶ *Ut tantam*] Ne majorem con-
 sularem majestatem esse vellet, quam
 quanta esse posset salva civitatis con-
 cordia.

²⁷ *Distractam laceratamque rem-
 publicam magis quorum in manu sit
 . . quæri*] Hic agnoscenda est Græca
 loquendi forma et casuum inversio:
 prorsus quasi scriptum esset: quæri
 magis, quorum in manu et potestate
 sit etiam distracta et lacerata respub-
 lica, quam ut incolumis sit. Sic

Terent. Adelph. Act. V. sc. 4. *illum
 ut vivat optant*: et Hec. III. 5. *Om-
 nem rem scio ut sit gesta*.

²⁸ *Numero etiam additos tres*] *Scripti complures et vett. editi ha-
 bent addito*: quod etsi placuit Jac.
 Gronovio, nos, quomodo stare possit,
 non videmus.

²⁹ *Unico consule*] Quem senatus
 consulem fecisset, tanquam unum
 maxime idoneum ad retundendos tri-
 bunitios impetus.

³⁰ *Poterat*] Magis placeret *pote-
 rant*, quomodo in proxime sequenti-
 bus *imbiberant*. Et sic habere vet.
 lib. monet Sigonius. Duo e nostris,
poterat . . . imbiberat.

niter, otiose, neglegenter, contumaciter omnia agere. nec pudor, nec metus coercebat. Si citius agi vellet agmen, tardius sedulo incedere: si adhortator operis adesset, omnes sua sponte ³¹ motam remittere industriam. ³² præsenti vultus demittere, tacite prætereuntem exsecrari: ut invictus ille odio plebeio animus interdum moveretur. Omni nequidquam acerbitate prompta, nihil jam cum militibus agere: a centurionibus corruptum exercitum dicere: *tribunos plebei* cavillans interdum et *Volerones* vocare.

LIX. Nihil eorum Volsci nesciebant, instabantque eo magis, sperantes idem certamen animorum adversus Appium habiturum exercitum Romanum, quod adversus Fabium consulem habuisset. Ceterum multo Appio, quam Fabio, violentior fuit. Non enim vincere tantum noluit, ut Fabianus exercitus, sed vinci voluit. Productus in aciem turpi fuga petit castra; nec ante restitit, quam signa inferentem Volscum munimentis vidit, foedamque extremi agminis cædem. ³³ Tum expressa vis ad pugnandum, ut victor jam a vallo submoveretur hostis: satis tamen adpareret, capi tantum castra militem Romanum noluisse. ³⁴ alii gaudere sua clade atque ignominia. Quibus nihil infractus ferox Appii animus, quum insuper sævire vellet, concionemque advocaret, concurrunt ad eum legati tribunique, monentes, ne utique ³⁵ experiri vellet imperium, cujus vis omnis in consensu obedientium esset. Negare vulgo milites, se ad concionem ituros; passimque exaudiri voces postulantium, ut castra ex Volso agro moveantur. Hostem victorem paullo ante prope in portis ac vallo fuisse; ingentisque mali non suspicionem modo, sed apertam speciem obversari ante oculos. Victus tandem, (quandoquidem nihil præter tempus ³⁶ noxæ lucrarentur) remissa concione, iter

³¹ *Motam*] Cave hanc vocem cum Clerico sollicitis, qui infelicem plane et inelegantem conjecturam obtrudit, vultque reponi *notam*. Nihil clarius. Quum milites sua sponte manum operi admovissent, si hortaturus Appius supervenisset, omnes consulto segnius agere.

³² * *Præsenti vultus demittere*] Ubi præsens Appius esset, vultum et oculos defigere in terram, ne eum intuerentur.

³³ *Tum expressa vis ad pugnandum*] Tum milites coacti vires exercere ad arcendum munimentis hostem.

³⁴ *Alii gaudere sua clade*] Mendum esse putamus in voce *alii*, cui nihil est quod respondeat, nec quoad verba, nec quoad sensum. Nec libri

nos quidquam juvant. Vide an legi possit *alia . . . sua clade*: ut sensus sit, militem Romanum capi tantum castra noluisse; ceterum, quod attineat ad reliquam cladem suam et ignominiam, nempe fugam ex acie, cædem plurimorum, ea gavisum fuisse.

³⁵ * *Experiri . . . imperium*] Periclitari et tentare, quænam esset imperii vis, quantum imperatori in milites liceret.

³⁶ *Noxæ*] Milites qui in noxa erant. *Noxa* est id omne quod nocet, sive culpa, sive læsio, sive ipse homo qui culpam commisit, damnumve intulit. Hoc ultimo sensu intelligitur ac definitur a Justiniano Instit. l. IV. tit. 8. Sic et *servitia* pro *servis*, *operæ* pro *operariis* dicuntur.

U. C. 283. in insequentem diem pronunciari quum jussisset, prima luce
 A. C. 469. classico signum profectionis dedit. Quum maxime agmen
 e castris explicaretur, Volsci, ut eodem signo excitati, novissimos adoriuntur. A quibus perlatus ad primos tumultus, eo pavore signaque et ordines turbavit, ut neque imperia exaudiri, neque instrui acies possent. nemo ullius, nisi fugæ, memor. Ita effuso agmine ³⁷ per stragem corporum armorumque evasere, ut prius hostis desisteret sequi, quam Romanus fugere. Tandem, conlectis ex dissipato cursu militibus, consul, quum revocando nequidquam suos persecutus esset, in pacato agro castra posuit; advocataque concione, invectus haud falso in proditorem exercitum militaris disciplinæ, desertorem signorum; ubi signa, ubi arma essent, singulos rogicans, inermes milites, signo amisso signiferos; ad hoc centuriones ³⁸ duplicariosque, qui reliquerant ordines, virgis cæsos securi percussit. cetera multitudo sorte decimus quisque ad supplicium lecti.

Quinctii
 Cos. comi-
 tas.

LX. Contra ea in Æquis inter consulem ac militem comitate ac beneficiis certatum est. et natura Quinctius erat lenior, et sævitia infelix collegæ, quo is magis gauderet ingenio suo, effecerat. Huic tantæ concordie ducis exercitusque non ausi obferre se, Æqui vagari¹ populandum hostem per agros passi. Nec ullo ante bello latius inde actæ prædæ. omnis militi data est. Addebantur et laudes, quibus, haud minus quam præmio, gaudent militum animi. Tum duci, tum propter ducem Patribus quoque placatior exercitus rediit; sibi parentem, alteri exercitui dominum datum ab senatu, memorans. Varia fortuna belli, atroci discordia domi forisque annum exactum, insignem maxime comitia tributa efficiunt; ³⁹ res major victoria suscepti certaminis, quam usu. plus enim dignitatis comitiis ipsis detractum est, Patribus ex concilio submovendis, quam virium aut plebi additum est², aut dentum Patribus.

U. C. 284.
 A. C. 468.
 L. Valerio
 II. TI. Æ-
 milio Cos.

LXI. Turbulentior inde annus excepit, L. Valerio, Ti. Æmilio consulibus, cum³ propter certamina ordinum de lege agraria, tum propter iudicium Ap. Claudii: cui acerri-
⁴⁰ mo adversario legis, causamque possessorum publici agri, tamquam tertio consuli, sustinenti, M. Duilius et C. Sici-

¹ *se Æqui; vagari etc.* Gron. Crev.

² *est del. Ead.*

³ *tum Ead.*

³⁷ *Per stragem corporum armorumque]* Per corpora armaque strata passim in agris.

³⁸ *Duplicarios]* Qui duplicia cædia ob virtutem acciperent. Usitatum fuit apud Romanos hoc modi virtutem militarem remunerare. Vid. Liv. VII. 37.

³⁹ *Res major]* Vid. not. 13. ad c. 56.

⁴⁰ *Tanquam tertio consuli]* Hæc non ita intelligi debent, quasi communi cum duobus consulibus animo ipse, tanquam tertius consul, possessorum causam sustineret. Uterque enim consul favebat legi, quod docet

nus ⁴¹ diem dixere. Numquam ante tam invisus plebi reus U. C. 384.
ad iudicium vocatus populi est, ⁴² plenus suarum, plenus pater- A. C. 468.
narum irarum. Patres quoque ⁴³ non temere pro ullo æque Accusatur
adnisi sunt: propugnatorem senatus, majestatisque vindicem Appius.
sua, ad omnes tribunicios plebeiosque obpositum tumultus,
modum dumtaxat in certamine egressum, iratæ objici plebi ^b.
Unus e Patribus, ipse Ap. Claudius, et tribunos, et plebem,
et suum iudicium pro nihilo habebat. Illum non minas
plebis, non senatus preces percellere umquam potuere, non
modo ut ⁴⁴ vestem mutaret, aut supplex prensaret homines;
sed ne ut ex consueta quidem asperitate orationis (quum ad
populum agenda causa esset) aliquid leniret atque submit-
teret. Idem habitus oris, eadem contumacia in vultu, ⁴⁵ idem
in oratione spiritus erat: adeo ut magna pars plebis Ap-
pium non minus reum timeret, quam consulem timuerat.
Semel causam dixit, quo semper agere omnia solitus erat,
accusatorio spiritu. adeoque constantia sua et tribunos ob-
stupefecit et plebem, ut diem ipsi sua voluntate prodicerent:
⁴⁶ trahi deinde rem sinerent. Haud ita multum interim Ante judi-
temporis fuit. ante tamen, quam prodicta dies veniret, cium mor-
⁴⁷ morbo moritur. cujus quum laudationem tribuni plebis bo moritur.
impedire conarentur, plebs fraudari sollemni honore supre-
mum diem tanti viri noluit; et laudationem tam æquis auri-
bus mortui audivit, quam vivi accusationem audierat; et
exsequias frequens celebravit.

LXII. Eodem anno Valerius consul, cum exercitu in Æ-
quos profectus, quum hostem ad praelium elicere non pos-
set, castra obpugnare est adortus. Prohibuit foeda tempes-
tas, cum grandine ac tonitribus cœlo dejecta. Admiratio-
nem deinde auxit, signo receptui dato, adeo tranquilla se-
renitas reddita: ut, velut numine aliquo defensa castra ob-

^b *objici iratæ plebi* Gron. Crev.

Dionysius, et Livius ipse de Æmilio
agnoscit initio lib. seq. Appius igitur
ideo tanquam tertius erat consul,
quod consulum ipse partes obiret.

⁴¹ *Diem dixere*] Capitis anquisie-
runt: crimini dantes, quod iniquas
adversus plebem in senatu sententias
diceret: quod seditionem excitasset,
sacrosancto tribuni corpori violentas
intulisset manus; quod denique ex-
ercitui præpositus, cum magna clade
atque ignominia reversus esset.

⁴² *Plenus suarum . . . irarum*] Intelligimus iras, non quas Appius
gereret in plebem, sed quibus plebs
in eum flagraret. Sensus est igitur:
qui et per se, et ob memoriam patris,
supra modum iratam in se plebem

haberet.

⁴³ *Non temere*] Raro.

⁴⁴ *Vestem mutaret*] Reus mos erat
sordidam togam induere, squalorem
toto habitu præferre, barbam capil-
lumque promittere, ut miserabiliores
essent.

⁴⁵ *Idem . . . spiritus*] Eadem fero-
cia.

⁴⁶ *Trahi*] Velut languescere; non,
in longum extrahi. Nullus enim hic
moræ locus, quum Appius, antequam
predicta dies veniat, moriatur.

⁴⁷ *Morbo moritur*] Mortem sibi
conscivisse tradit Dionysius: propin-
quos et affines sparsisse in vulgus eum
morbo mortuum esse.

U. C. 284.
A. C. 468.

pugnare iterum religio fuerit. omnis ira belli ad populationem agri vertit. Alter consul Æmilius in Sabinis bellum gessit. et ibi, quia hostis mœnibus se tenebat, vastati agri sunt. Incendiis deinde, non villarum modo, sed etiam vicorum, quibus frequenter habitabatur, Sabini exciti, quum prædatoribus obcurrissent, ancipiti prælio digressi, postero die retulere castra in tutiora loca. Id satis consuli visum, cur pro victo relinqueret hostem, integro inde decedens bello.

U. C. 285.
A. C. 467.
T. Numicio,
A. Virginio
Coss.

Bellum
cum Æquis
et Volscis.

LXIII. Inter hæc bella, manente discordia domi, T. Numicius Priscus, A. Virginus consules facti. Non ultra videbatur latura plebes dilationem agrariæ legis, ultimaque vis parabatur, quum Volscos adesse, fumo ex incendiis villarum fugaque agrestium, cognitum est. ea res maturam jam seditionem ⁴⁸ ac ^c prope erumpentem repressit. Consules, coacti extemplo ab senatu ad bellum, educta ex urbe juventute, tranquillior ceteram plebem fecerunt. Et hostes quidem, nihil aliud quam perfusis vano timore Romanis, citato agmine abeunt. Numicius Antium adversus Volscos, Virginius contra Æquos profectus. ibi ex insidiis prope magna accepta clade, virtus militum rem, prolapsam negligentia consulis, restituit. Melius in Volscis imperatum est. Fusi primo prælio hostes, fugaque in urbem Antium, ut tum res erant, opulentissimam acti. quam consul obpugnare non ausus, Cenonem, aliud oppidum, nequaquam tum opulentum, ab Antiatibus cepit. Dum Æqui Volscique Romanos exercitus tenent, Sabini usque ad portas urbis populantes incessere. deinde ipsi paucis post diebus ab duobus exercitibus, utroque per iram consule ingresso in fines, plus cladum, quam intulerant, acceperunt.

U. C. 286.
A. C. 466.

T. Quinctio,
Q. Servilio Coss.
Bellum
Sabinum.

LXIV. Extremo anno pacis aliquid fuit; sed, ut semper alias, sollicitæ certamine Patrum et plebis. Irata plebs interesse consularibus comitiis noluit. Per Patres clientesque Patrum ⁴⁹ consules creati T. Quinctius, Q. Servilius. similem annum priori consules habent, seditiosa initia, bello deinde externo tranquilla. Sabini, Crustuminos campos citato agmine transgressi, quum cædes et incendia circum Anienem flumen fecissent, a porta prope Collina mœnibusque pulsi, ingentes tamen prædas hominum pecorumque egere. quos Servilius consul infesto exercitu insecutus, ipsum quidem agmen adipisci æquis locis non potuit; populationem adeo effuse fecit, ut nihil bello intactum relinque-

^c ac del. Gron.

⁴⁸ *Ac prope erumpentem*] Revocavimus particulam *ac*, quæ exstat in vett. editis, et in omnibus nostris scriptis, ac videtur necessaria.

⁴⁹ *Consules creati . . . consules ha-*

bent] Odiosa repetitio. Legamus cum Dujatio: *consules creati, T. Quinctius, Q. Servilius, similem annum priori habent.*

ret, ⁵⁰ multiplicique capta præda rediret. Et in Volscis res- U. C. 286.
 publica egregie gesta, quum^d ducis, tum militum opera. A. C. 466.
 Primum æquo campo signis conlatis pugnatum, ⁵¹ ingenti Volscum.
 cæde utrimque, plurimo sanguine. et Romani, quia pauci-
 tas damno sentiendo propior erat, gradum retulissent; ni
 salubri mendacio consul, fugere hostes ab cornu altero cla-
 mitans, concitasset aciem. inpetu facto, dum se putant vin-
 cere, vicere. Consul, metuens ne nimis instando renovaret
 certamen, signum receptui dedit. Intercessere pauci dies,
 velut tacitis induciis utrimque quiete sumta: per quos in-
 gens vis hominum ex omnibus Volscis Æquisque populis in
 castra venit, haud dubitans, si senserint, Romanos nocte
 abituros. Itaque ⁵² tertia fere vigilia ad castra obpugnanda
 veniunt. Quinctius, sedato tumultu, quem terror subitus
 exciverat, quum manere in tentoriis quietum militem jussis-
 set, Hernicorum cohortem in stationem educit; cornicines
 tubicinesque, ⁵³ in equos^e inpositos, canere ante vallum ju-
 bet, sollicitumque hostem ad lucem tenere. reliquum noctis
 adeo tranquilla omnia in castris fuere, ut somni quoque
 Romanis copia esset. Volscos species armatorum peditum,
 quos et plures esse, et Romanos putabant, fremitus hinni-
 tusque equorum, qui, et insueto sedente equite, et insuper
 aures agitante sonitu, sæviebant, intentos velut ad inpetum
 hostium tenuit.

LXV. Ubi inluxit, Romanus, integer satiatumque somno
 productus in aciem, fessum stando et vigiliis Volscum pri-
 mo inpetu perculit. quamquam cessere magis, quam pulsi
 hostes sunt: quia ab tergo erant clivi, in quos ⁵⁴ post prin-
 cipia integris ordinibus tutus receptus fuit. Consul, ubi ad
 iniquum locum ventum est, sistit aciem. miles ægre teneri,
 clamare et poscere, ut percussis instare liceat. Ferocius
 agunt equites: circumfusi duci vociferantur^f se ante signa

^d tum Gron. Crev.
 rantur etc. Gron. Crev.

^e equis Gron.

^f equites circumfusi duci: vocife-

⁵⁰ * *Multiplici præda*] Multis
 partibus majore præda, quam quan-
 tum prius ceperant Sabini.

⁵¹ *Ingenti cæde plurimo san-
 guine*] Alterutrum ex his vacat. *In-
 genti cæde* potius delendum videtur,
 ut glossema additum interpretandis
 his vocibus, *plurimo sanguine*, qua-
 rum rarior usus.

⁵² *Tertia vigiliis*] Distingue-
 batur tempus noctis in quatuor vigi-
 lias, quarum unaquæque trium hora-
 rum erat. Itaque tertia vigilia a me-
 dia nocte incipiebat, nona noctis hora
 fiebatur. Singulis autem vigiliis,
 signo buccina dato, vigiles mutabantur.

⁵³ *In equos inpositos*] Sic habent
 tres e nostris probatissimi codd. Sic
 et edebatur ante Sigonium, qui jussit
 legi in *equis*: sed invito Livio, ut
 credimus. Supra I. 18. restituimus
 itidem ex MSS. *Dextra in caput Nu-
 mæ inposita*, quum vulgati præfer-
 rent *in capite*: et eodem libro, c. 33.
Ponte in Tiberim facto.

⁵⁴ *Post principia*] Post primam
 aciem. Frons nempe sola Volsci ex-
 ercitus turbata est. A tergo primæ
 aciei, ordines integri et salvi tutum
 in clivos receptum habuere. Vid. Gron.
 I. IV. Observ. c. 10.

U. C. 286. ituros. Dum cunctatur consul, virtute militum fretus, loco
 A. C. 466. parum fidens, conclamant se ituros: clamoremque res est
 secuta. Fixis in terram pilis, quo leviores ardua evaderent,
 cursu subeunt. Volscus, effusis ad primum inpetum missili-
 bus telis, saxa objacentia pedibus ingerit in subeuntes, tur-
 batosque ictibus crebris urget ex superiore loco. sic prope
 oneratum est sinistrum Romanis cornu, ni referentibus jam
 gradum consul, increpando simul temeritatem, simul igna-
 viam, pudore metum excussisset. Restitere primo obstina-
 tis animis: deinde, ⁵⁵ ut in obtinentes locum vires ferebant,
 audent ultro gradum inferre; et, clamore renovato, commo-
 vent aciem. tum rursus, inpetu capto, enituntur, atque ex-
 superant iniquitatem loci. Jam prope erat, ut in summum
 clivi jugum evaderent, quum terga hostes dedere: effusoque
 cursu pene agmine uno fugientes sequentesque castris inci-
 dere. In eo pavore castra capiuntur. qui Volscorum effu-
 gere potuerunt, Antium petunt. Antium et Romanus ex-
 ercitus ductus: paucos circumsessum dies deditur, ⁵⁶ nulla
 obpugnantium nova vi; sed quod jam inde ab infelici pug-
 na castrisque amissis ceciderant animi.

⁵⁵ *Ut in obtinentes locum vires fe-
 rebant]* Postquam vires dabant inva-
 dere hostem, qui superiorem locum
 obtinebat.

⁵⁶ * *Nulla oppugnantium nova vi]*
 Non quod vires Romanorum majores
 tunc essent quam priore anno, quo
 Antium oppugnare ausi non fuerant.

EPITOME LIBRI III.

SEDITIONES de agrariis legibus factæ. Capitolium, ab exsulis et servis occupatum, cæsis iis receptum est. Census bis actus est. priore lustro censa sunt civium capita centum quatuor millia ducenta quatuordecim, præter orbos orbasque. sequenti, centum septemdecim millia ducenta novemdecim. Quum adversus Æquos res male gesta esset, L. Quinctius Cincinnatus dictator factus, quum rure intentus rustico operi esset, ad id bellum gerendum arcessitus est. Is victos hostes sub jugum misit. Tribunorum plebis numerus ampliatus est, ut essent decem, trigesimo sexto anno a primis tribunis plebis. Petitis per legatos, et adlatis Atticis legibus, ad constituendas eas proponendasque decemviri pro consulibus sine ullis aliis magistratibus creati, altero et trecentesimo anno, quam Roma condita erat: et, ut a regibus ad consules, ita a consulibus ad decemviros translatum imperium. Hi, ¹decem tabulis legum positis, quum modeste se in eo honore gessissent, et ob id in alterum quoque annum eundem esse magistratum placuisset, ²duabus tabulis ad decem adjectis, quum complura impotenter fecissent, magistratum noluerunt deponere, et in tertium annum retinuerunt: donec ³inviso eorum imperio finem adtulit libido Ap. Claudii. Qui, ⁴quum in amorem virginis incidisset, submisso, qui eam in servitutem peteret, necessitatem patri ejus Virginio imposuit, rapto ex taberna proxima cultro, ut filiam interimeret; quum aliter eam tueri non posset, ne in potestatem stuprum inlaturi veniret. Hoc tam magnæ ⁵luxuriæ exemplo plebs incitata montem Aventinum occupavit, coegitque decemviros abdicare se magistratu. ex quibus Appius et unus collegarum, qui præcipue pœnam meruerant, in carcerem conjecti; ceteri in exilium acti. Res præterea contra Sabinos, et Volscos, et Æquos prospere gestas continet, et parum honestum populi Romani judicium: qui, iudex inter Ardeates et Aricinos sumtus, agrum, de quo ambigebatur, sibi adjudicavit.

¹ Decem tabulis legum positis] Imo prepositis. Sic enim Livius, c. 34. hujus libri. Et hoc solenne verbum est in ejusmodi rebus.

² Duabus tabulis ad decem adjectis] Hæc, quæ non reperiebantur in veteribus editis, concinnavit Sigonius partim ex vestigiis depravata antiqua

lectionis, partim ex Livio ipso.

³ Inviso eorum imperio] Gronovius legit injusto.

⁴ Quum in amorem virginis] In Pithæi Var. lect. notatur Virginitas virginis, quod verum videtur.

⁵ Luxuriæ] Duo ex MSS. Hæc, injuria: quod non displicet.

T. LIVII PATAVINI

LIBER III.

U. C. 287. **ANTIO** capto, Ti. Æmilius et Q. Fabius consules fiunt.
A. C. 465. ¹ Hic erat Fabius Quintus, qui unus extinctæ ad Creme-
Ti. Æmilio ram genti superfuerat. Jam priore consulatu Æmilius
II. Q. Fabio dandi agri plebi fuerat auctor. Itaque secundo quoque
Coss. consulatu ejus et agrarii se in spem legis erexerant, et tri-
buni rem contra consules sæpe tentatam, adjutore utique
consule, obtineri posse rati, suscipiunt; et consul manebat
in sententia sua. Possessores et magna pars Patrum, ² tri-
buniciis se jactare actionibus principem civitatis, et largi-
endo de alieno popularem fieri querentes, totius invidiam
rei a tribunis in consulem averterant. Atrox certamen ade-
rat, ni Fabius consilio neutri parti acerbo rem expedisset.
T. Quinctii ductu et auspicio agri capti priore anno ali-
quantum a Volscis esse: Antium, propinquam, opportunam,
et maritimam urbem, coloniam deduci posse: ita sine que-
relis possessorum plebem in agros ituram, civitatem in con-
cordia fore. Hæc sententia accepta est. Triumviros agro
dando ³ creat T. Quinctium, A. Virginium, P. Furium. jussi
nomina dare, qui agrum accipere vellent. Fecit statim (ut fit)
fastidium copia; adeoque pauci nomina dedere, ut ad explen-
dum numerum coloni Volsci adderentur: cetera multitudo
poscere Romæ agrum malle, quam alibi accipere. Æqui a
Q. Fabio (is eo cum exercitu venerat) pacem petiere, irri-
tamque eam ipsi subita incursione in agrum Latinum fecere.

Antium
colonia
deducitur.

U. C. 288. II. Q. Servilius, insequenti anno (is enim cum Sp. Pos-
A. C. 464. tumio consul fuit) in Æquos missus, in Latino agro stativa
Q. Servilio habuit. ⁴ intra castra quies necessaria morbo implicitum ex-
II. Sp. Pos- ercitus tenuit. Extractum in tertium annum bellum est,
tumio Coss. U. C. 289. Q. Fabio et T. Quinctio consulibus. Fabio extra ordinem,
A. C. 463. quia is victor pacem Æquis dederat, ea provincia data. qui
Q. Fabio
II. T. Quinc-
tio III. Coss.

¹ *Hic erat Fabius Quintus*] Qui quidem pugnae Cremerensis tempore dictus est *prope puberem ætatem* fuisse. Hic autem annus ab illa pugna undecimus agitur. Unde apparet Fabium quarto fere et vicesimo ætatis anno consulem factum esse: quod et Valerio Corvo contigisse memorabitur infra VII. 26.

² *Tribuniciis se jactare actionibus*] Eum qui principem locum in civitate teneret, sibi favorem et gloriam aucupari ex iis quæ apud populum tribuni

agerent, vel agendo eadem quæ tribuni.

³ *Creat*] Creandos curat consul. Veteres editi, et aliquot scripti, inter quos unus e nostris, habent *creant*: quod intelligendum erit de populo.

⁴ *Intra castra*] Omnes scripti nostri, ut et Gronoviani, et vett. editi, si Campanum excipias, carent præpositione *intra*. Itaque cum Gronovio videmur legere debere, *stativa habuit. Castris quies necessaria . . . exercitum tenuit. Ut infra hoc libro c. 26. Castris se pavidus tenebat.*

haud dubia spe profectus, famam nominis sui pacaturam U. C. 239. Æquos, legatos in concilium gentis missos nunciare jussit; A. C. 463. Q. Fabium consulem dicere, se ex Æquis pacem Romam tulisse, ab Æqua bellum adferre, eadem dextra armata, Æquicum quam pacatam illis antea dederat. quorum id perfidia et perjurio fiat, Deos nunc testes esse, mox fore ultores. Se tamen, utcumque sit, etiam nunc, pœnitere sua sponte Æquos, quam pati hostilia, malle. Si pœniteat, tutum receptum ad expertam clementiam fore: sin perjurio gaudeant, Diis magis iratis, quam hostibus, gesturos bellum. Hæc dicta adeo nihil moverunt quemquam, ut legati prope violati sint, exercitusque in Algidum adversus Romanos missus. Quæ ubi Romam sunt nunciata, indignitas rei, magis quam periculum, consulem alterum ab urbe excivit. ita duo consulares exercitus ad hostem accessere acie instructa, ut confestim dimicarent. Sed quum forte haud multum diei superesset, unus ab statione hostium exclamat: *Ostentare hoc est, Romani, non gerere bellum. in noctem imminentem aciem instruitis. longiore luce ad id certamen, quod instat, nobis opus est. Crastino die oriente sole redite in aciem: erit copia pugnandi, ne timete.* His vocibus irritatus miles in diem posterum in castra reducitur, ⁵ longam venire noctem ratus, quæ moram certamini faceret. Tum quidem corpora cibo somnoque curant. ubi inluxit postero die, prior aliquanto constitit Romana acies; tandem et Æqui processere. Proelium fuit utrimque vehemens; quod et Romanus ira odioque pugnabat, et Æquos conscientia contracti culpa periculi, et desperatio futuræ sibi postea fidei, ultima audere et experiri cogebat. Non tamen sustinuerunt aciem Romanam Æqui: pulsique quum in fines suos se recepissent, nihilo inclinioribus ad pacem animis ferox multitudo increpare duces, quod in aciem, qua pugnandi arte Romanus excellat, commissa res sit. Æquos populationibus incursionibusque meliores esse; et multas passim manus, quam magnam molem unius exercitus, rectius bella gerere.

III. Relicto itaque castris præsidio, egressi tanto cum tumultu invasere fines Romanos, ut ad urbem quoque terrorem pertulerint. necopinata etiam res plus trepidationis fecit, quod nihil minus, quam ne victus ac prope in castris obsessus hostis memor populationis esset, timeri poterat; agrestesque, pavidi incidentes portis, non populationem, nec prædonum parvas manus, sed, omnia vano augentes timore, exercitus et legiones adesse hostium, et infesto agmine ruerre ad urbem, clamabant. Ab his proximi ⁶ audita incerta,

⁵ Longam venire noctem ratus] quia moram certamini esset factura.
 Adeo avidus pugnae, ut noctem, quæ ⁶ Audita incerta, eoque vaniora] In-
 adventaret, longam sibi fingeret, certa, quia audierant tantum, non vi-

U. C. 289. A. C. 463. eoque vaniora, ferre ad alios. cursus clamorque vocantium ad arma haud multum a pavore captæ urbis abesse. Forte ab Algido Quinctius consul redierat Romam, (id remedium timori fuit) tumultuque sedato, victos timeri increpans hostes, præsidia portis inposuit. Vocato dein^a senatu, quum, ex auctoritate Patrum ⁷ justitio indicto, profectus ad tutandos fines esset, Q. Servilio præfecto urbis relicto, hostem in agris^b non invenit. Ab altero consule res gesta egregie est. qui, qua venturum hostem sciebat, gravem præda, eoque inpeditiore agmine incedentem adgressus, funestam ei populationem fecit. Pauci hostium evasere ex insidiis: præda omnis recepta est. sic finem justitio, quod quatri-duum fuit, reditus Quinctii consulis in urbem fecit. ⁸ Census deinde actus, et conditum ab^c Quinctio lustrum. censa civium capita centum quatuor millia et ducenta ⁹ quatuordecim^d dicuntur, ¹⁰ præter orbos orbasque. In Æquis nihil deinde memorabile actum. in oppida sua se recepere, uri sua popularique passi. Consul, quum aliquoties per omnem hostium agrum infesto agmine populabundus isset, cum ingenti laude prædaque Romam rediit.

U. C. 290. A. C. 462. A. Postumio, Sp. Furio Coss. IV. Consules inde A. Postumius Albus, Sp. Furius Fusus. ¹¹ Furios Fusios scripsere quidam. id admoneo, ne quis in-
mutationem virorum ipsorum esse, quæ nominum est, pu-
tet. Haud dubium erat, quin cum Æquis alter consulum

^a deinde Gron. Crev. ^b agros Eæd. ^c a Eæd. ^d centum quatuor et viginti millia ducenta quindecim Gron. pro quindecim habet quatuordecim Crev.

derant; adeoque mendaciis aucto-
ra.

⁷ Justitio indicto] Fusius explicat poster quid sit justitium, infra c. 27. his verbis: justitium edicit: claudi tabernæ tota urbe jubet: vetat quem-
quam privatas quicquam rei agere. Dicebatur justitium ex eo quod jus sisteretur, sive jurisdictio intermitteretur. Hoc in tumultuosis ac turbulentis temporibus solebat indici, quum aut propinquum muris bellum, aut violenta intra urbem seditio, cives omnes a privatarum rerum cura ad publicam avocabat.

⁸ Census . . . actus] Census a Ser. Tulio rege, ut vidimus l. 42. institutus, et quater actus, teste Val. Max. l. III. c. 4. regnante deinde Superbo intermissus, secundo post exactos reges anno revocatus fuerat, auctore Dionys. l. V. Ter deinde ante hunc annum actum esse, primo a dictatore T. Lartio, anno 256. tum a consilibus Sp. Cassio, Postumo Cominio, anno 261. tertio a L. Furio, A. sive C. Manlio Coss. anno 280. discimus

ex eodem Dionysio. Eum vide libris V. VI. et IX. Igitur hic census de quo nunc agit Livius, novus est ab urbe condita.

⁹ Quatuordecim] Sic habet Andreas, et vet. libri Sigonii, et omnes nostri. Vulgo nunc quindecim.

¹⁰ Præter orbos orbasque] Atque etiam feminas omnes, pueros, servitia, negotiatores, opifices inquilinos: quorum quidem inquilinorum magna Romæ copia erat, propterea quod Romani fere agris vacabant, nec vulgo tum aut institores erant mercium, aut ulla sellularia arte victum quærebant. Quin etiam id per leges illis non lieuisse Dionysius affirmat l. II. p. 98. et l. IX. p. 583. sed hoc non caret difficultate. Ut ut sit, horum omnium, quos modo recensuimus, numerus, eodem Dionysio auctore, l. IX. his temporibus civium censorum numerum triplo excedebat.

¹¹ Furios Fusios scripsere quidam] Quos Furios dicimus, quidam scripsere Fusios.

bellum gereret. Itaque Æqui ab Ecetranis Volscis præsi-^{U. C. 290.}
dium petiere. quo cupide {oblato, (adeo civitates hæc ¹² per-^{A. C. 462.}
petuo in Romanos odio certavere) bellum summa vi para-
batur. Sentiunt Hernici, et prædicunt Romanis, Ecetra-
num ad Æquos descisse suspecta et colonia Antium fuit, ^{Antium}
quod magna vis hominum inde, quum oppidum captum es-^{colonia}
set, confugisset ad Æquos. isque miles per bellum Æqui-^{suspecta.}
cum vel acerrimus fuit. Compulsis deinde in oppida Æ-
quis, ea multitudo dilapsa quum Antium redisset, sua spon-
te jam infidos colonos Romanis abalienavit. Necdum ma-
tura re, quum defectionem parari delatum ad senatum esset,
datum negotium est consulibus, ut, principibus coloniae Ro-
mam excitis, quærerent quidnam rei esset. qui quum haud
gravati^e venissent, introducti a consulibus ad senatum ita
responderunt ad interrogata, ut magis suspecti, quam vene-
rant, dimitterentur. Bellum inde haud dubium haberi.
Sp. Furius, consulum alter, cui ea provincia evenerat, pro-^{Furius}
fectus in Æquos, Hernicorum in agro populabundum hos-^{Cos. male}
tem invenit; ignarusque multitudinis, quia nusquam uni-^{rem gerit.}
versa conspecta fuerat, inparem copiis exercitum temere
pugnæ commisit. primo concursu pulsus se in castra recepit.
neque is finis periculi fuit. namque et proxima nocte et pos-
tero die tanta vi castra sunt circumsessæ atque obpugnata,
ut ne nuncius quidem inde mitti Romam posset. Hernici, ^{Obsidetur}
et male pugnatum, et consulem exercitumque obsideri, nun-^{in castris.}
ciaverunt. tantumque terrorem incussere Patribus, ut (quæ
forma senatusconsulti ultimæ semper necessitatis habita est)
Postumio alteri consulum negotium daretur, ¹³ *Videre^e ne*
quid respublica detrimenti caperet. Ipsum consulem Romæ
manere ad conscribendos omnes, qui arma ferre possent,
optimum visum est; ¹⁴ pro consule T. Quinctium subsidio
castris cum sociali exercitu mitti. ad eum explendum Lati-
ni, Hernicique, et colonia Antium dare Quinctio subitarios
milites (ita tum repentina auxilia adpellabant) jussi.

V. Multi per eos dies motus multique inpetus hinc atque
illinc facti, quia, superante multitudine, hostes carpere mul-
tifariam vires Romanas, ut non subfecturas ad omnia, ad-
gressi sunt. simul castra obpugnabantur, simul pars exerci-
tus ad populandum agrum Romanum missa, urbemque ip-
sam, si qua fortuna daret, tentandam. L. Valerius ad præ-
sidium urbis relictus; consul Postumius ad arcendas popula-

^e gravate Gron. Crev.

^f videret Euth.

¹² *Perpetuo in Romanos*] Emula-
tionem inter se quamdam perpetui in
Romanos odii gesserunt.

¹³ *Videret ne quid*] Eo senatuscon-
sulto summa rerum omnium potestas

consulibus permittebatur. Vid. Sal-
lust. Cat. c. 29. et Cic. in Cat. l. n. 4.

¹⁴ *Proconsule*] Hæc prima procon-
sulis mentio occurrit apud Livium.

U. C. 290. tiones finium missus. Nihil remissum ab ulla parte curæ
 A. C. 462. aut laboris. vigiliæ in urbe, stationes ante portas, præsidia-
 que in muris disposita, et, quod necesse erat in tanto tumultu, justitium per aliquot dies servatum. Interim in castris Furius consul, quum primo quietus obsidionem passus esset, in incautum hostem ¹⁵ decumana porta erupit, et, quum persequi posset, metu substitit ^z, ne qua, ex parte altera, in castra vis fieret. Furium legatum (frater idem consulis erat) longius extulit cursus: nec suos ille redeuntes, persequendi studio, neque hostium ab tergo incursum vidit. ita exclusus, multis sæpe frustra conatibus captis, ut viam sibi ad castra faceret, acriter dimicans cecidit. Et consul, nuncio circumventi fratris conversus ad pugnam, dum se temere magis, quam satis caute, in mediam dimicationem infert, vulnere accepto, ægre ab circumstantibus ereptus, et suorum animos turbavit, et ferociores hostes fecit. qui, cæde legati et consulis vulnere accensi, ¹⁶ nulla deinde vi sustineri potuere, quum ^h compulsi in castra Romani rursus obsiderentur, nec spe, nec viribus pares. venissetque in periculum summa rerum, ni T. Quinctius peregrinis copiis cum Latino Hernicoque exercitu subvenisset. Is, intentos in castra Romana Æquos legatique caput ferociter ostentantes ab tergo adortus, simul ad signum a se procul editum ex castris eruptione facta, magnam vim hostium circumvenit. Minor cædes, fuga effusior Æquorum in agro fuit Romano. in quos palatos, prædam agentes, Postumius aliquot locis, quibus opportuna inposuerat præsidia, inpetum dedit. ii vagi, dissipato agmine fugientes, in Quinctium victorem, cum saucio consule revertentem, incidere. Tum consularis exercitus egregia pugna consulis vulnus, legati et cohortium

A T. Quinctio liberatur.

^z substitit Gron.

^h quin Crev.

¹⁵ *Decumana porta*] Castra Romana quadrata, ut plurimum, fuere, et quatuor habuere portas. Harum ea quæ aversissima erat ab hoste, *Decumana* dicebatur a decimis cohortibus (si credimus Lipsio, l. V. de militia Romana, Dial. 5.) juxta eam tendentibus. Unaquæque enim legio in decem cohortes dividebatur. Primæ autem cujusque legionis cohortes juxta Prætorium tendebant, quod in fronte castrorum fuit: ceteræ deinde ex ordine usque ad decimas easdemque postremas, quæ in postrema castrorum parte, adeoque prope portam *Decumanam* locabantur. Reliquæ castrorum portæ fuere *Prætoria*, quæ Prætorio proxima, et versa in hostem: in lateribus *Principales* duæ,

sic dictæ quod in eo loco essent, ubi tendebant *principes* ordines, id est, primi ordines, capita et apices castrorum, puta tribuni, præfecti, primique centurionum. Hæc fere Lipsius.

¹⁶ *Nulla deinde vi sustineri potuere, quin compulsi in castra Romani*] Nulla vi hostibus resisti potuit, aut prohiberi quominus compulsi in castra Romani rursus obsiderentur. Ceterum hic vulgo legitur *quam compulsi*. Sed *quoniam* firmant aliquot scripti e Gronovianis, unus e nostris: et jam Clericus in textum admiserat. Sorbonicus codex lectionem expeditissimam offert, quæ fortasse multis placebit... *potuere. Compulsi in castra Romani rursus obsidentur.*

ultus est cædem. magnæ clades ultro citroque illis diebus U. C. 290. et inlatæ et acceptæ. Difficile ad fidem est in tam antiqua A. C. 462. re, quot pugnaverint ceciderintve, exacto adfirmare numero. audet tamen ¹⁷ Antias Valerius concipere summas. Romanos cecidisse in Hernico agro quinque millia ac trecentos: ex prædatoribus Æquorum, qui populabundi in finibus Romanis vagabantur, ab A. Postumio consule duo millia et ¹ quadringentos cæsos: ceteram multitudinem, prædam agentem, quæ inciderit in Quinctium, nequaquam pari defunctam esse cæde. interfecta inde quatuor millia, et, exsequendo subtiliter numerum, ducentos, ait, et triginta. ¹⁸ Ut ^k Romam reditum et ¹ justitium remissum est, cælum visum est ardere plurimo igni; portentaque alia aut obversata oculis, aut vanas exterritis ostentavere species. His avertendis terroribus in triduum feriæ indictæ, per quas omnia delubra ¹⁹ pacem Deum exposcentium virorum mulierumque turba inplebantur. Cohortes inde Latinæ Hernicæque ab senatu, gratiis ob inpigram militiam actis, remissæ domos. Antiates, mille milites, ²⁰ quia serum auxilium post prælium venerant^m, prope cum ignominia dimissi.

VI. Comitia inde habita. creati consules L. Æbutius, P. U. C. 291. Servilius Kalendis Sextilibus, ut tunc principium ²¹ anni A. C. 461. agebatur, consulatum ineunt. Grave tempus et forte annus L. Æbutio, P. Servilio pestilens erat urbi agrisque, nec hominibus magis, quam pe- Coss. cori; et auxere vim morbi, ²² terrore populationis pecoribus agrestibusque in urbem acceptis. Ea conludio mixtorum Pestis omnis generis animantium et odore insolito urbanos, et Romæ. agrestem confertum in arcta tecta, æstu ac vigiliis angebat, ministeriaque in vicem ac ²³ contagio ipsa vulgabant morbos. Vix instantes sustinentibus clades repente legati Her-

¹ et del. Eæd.
Cælum etc. Eæd.

^k Ut l. Inde Eæd.
^m venerat Gron.

¹ et l. est: justitium remissum.

¹⁷ Antias Valerius] Historiarum scriptor, Sisennæ æqualis, teste Vel- leio, l. II. c. 9. Vixit ergo Syllanis temporibus. Ejus opus magnæ molis fuit, cujus librum LXXV. memorat Gellius, VII. 9. Suspecta ejus fides est Livio, qui eum arguit in numeris augendis intemperantissimum fuisse, l. XXXVI. c. 38. atque etiam mendacii plane arcessit, XXVI. 49.

¹⁸ Inde Romam reditum est: justitium remissum] Magna scriptorum, sive Gronovianorum, sive nostrorum, manus: Numerum CC. ait, et XXX. Ut Romam reditum est, justitium remissum est. Unde suspicatur Gronovius: et exsequendo subtiliter numerum, CC. ait, et XXXVI. Romam reditum, et justitium remissum est.

¹⁹ Pacem deum] Vid. not. 8. ad l. 16. supra.

²⁰ Quia serum auxilium . . . venerant] Sic complures scriptos habere affirmat Gronovius: et servant quatuor regii: melius quam, ut vulgo editur, venerat.

²¹ Anni] Consularis; non civilis, cujus initium semper a Januario. Tempus autem solenne ineundis magistratibus multum variavit usque ad annum urbis 599. (Vid. infra, XLVII. 36.) quo statutum, ut Kal. Januariis consules inirent.

²² Terrore populationis] Andreas, Sigonius, et tres ex MSS. Hearnii, terrores.

²³ Contagio ipse] Contactus.

U. C. 291. nici nunciant, in agro suo Æquos Volcosque conjunctis
 A. C. 461. copiis castra posuisse. inde exercitu ingenti^a fines suos de-
 Æqui et populari. Præterquam quod infrequens senatus indicio
 Volaci præ- erat sociis, afflictam civitatem pestilentia esse, moestum
 dantur. etiam responsum tulere: *ut per se ipsi Hernici cum Latinis
 res suas tutarentur. Urbem Romanam subita Deum ira mor-
 bo populari. Si qua ejus mali quies veniat, ut anno ante, ut sem-
 per alias, sociis opem laturos.* Discessere socii, pro tristi nun-
 cio tristiores domum referentes; quippe quibus per se susti-
 nendum bellum erat, quod vix Romanis fulti viribus sustinu-
 issent. Non diutius se in Hernico hostis continuit. pergit in-
 de infestus in agros Romanos, etiam sine belli injuria vasta-
 tos. Ubi quum obviis nemo, ne inermis quidem, fieret, per-
 que omnia, non præsiidiis modo deserta, sed etiam cultu
 agresti, transirent; pervenere ad tertium lapidem Gabina via.
 Mortuus Æbutius erat Romanus consul. collega ejus Servilius
 exigua in spe trahebat animam. adfecti plerique principum,
 Patrum major pars, militaris fere ætas omnis: ut non mo-
 do ad expeditiones, quas in tanto tumultu res poscebat, sed
 vix ad quietas stationes viribus subficerent. Munus vigili-
 arum senatores, qui per ætatem ac valetudinem poterant,
 per se ipsi obibant: ²⁴ circuitio ac cura ²⁵ ædilium plebei
 erat. ad eos summa rerum ac majestas consularis imperii
 venerat.

VII. Deserta omnia, sine capite, sine viribus, Dii præsi-
 des ac fortuna urbis tutata est, quæ Volscis Æquisque, præ-
 donum potius mentem, quam hostium, dedit. ²⁶ adeo enim
 nulla spes non potiundi modo, sed ne adeundi quidem Ro-
 mana moenia, animos eorum cepit, tectaque procul visa at-
 que imminentes tumuli avertere mentes eorum; ut, totis
 passim castris ²⁷ fremitu orto, *quid in vasto ac deserto agro
 inter tabem pecorum hominumque desides sine præda tempus te-
 rerent, quam integra loca, Tusculanum agrum, opimum copiis,
 petere possent?* signa repente convellerent, transversisque
 itineribus per Lavicanos agros in Tusculanos colles transi-
 rent. eo vis omnis tempestasque belli conversa est. Inte-
 rim Hernici Latinique, pudore etiam, non misericordia so-
 lum, moti, si nec obstitissent communibus hostibus, infesto
 agmine Romanam urbem petentibus, nec opem ullam ob-

^a ingenti exercitu Gron. Crev.

²⁴ *Circuitio ac cura*] Circuibant
 vigilas et eas reote obundas cura-
 bant ædiles plebei.

²⁵ *Ædilium plebei*] Hoc primum
 loco Livius ædiles plebei appellat.
 Vid. not. 80. ad c. 33. l. II.

²⁶ *Adeo enim*] Volsci Romanam op-
 pugnare, si Dionysio fides. Sed

utque natura loci et validis munimen-
 tis defensa, facile viri hostium arcuit.

²⁷ *Fremitu orto, quid*] Fremitu or-
 to rogitantium inter se, *quid* . . .
 Hoc non moneremus, nisi Tan. Fa-
 ber videretur locum hunc parum in-
 tellexisse, dum vult recidere *et quid*.

sessis sociis ferrent, conjuncto exercitu Romam pergunt. U. C. 291.
 Ubi quum hostes non invenissent, secuti famam ac vesti- A. C. 461.
 gia, obvii fiunt descendantibus ab Tusculano in Albanam Latinos
 vallem. ibi haudquaquam æquo prælio pugnatum est, fides vincunt.
 que sua sociis parum felix in præsentia fuit. Haud minor
 Romæ fit morbo strages, quam quanta ferro sociorum facta
 erat. consul, qui unus supererat, moritur. mortui et alii clari
 viri, M. Valerius, T. Virginius Rutilus, augures; Ser. Sul-
 picius, ²⁸ curio maximus. et per ignota capita late evagata est
 vis morbi: inopsque senatus auxilii humani, ad Deos popu-
 lum ac vota vertit. jussi cum conjugibus ac liberis suppli-
 catum ire, pacemque exposcere Deum. Ad id, quod sua
 quemque mala cogeant, auctoritate publica evocati, omnia
 delubra implent. stratae passim matres, crinibus templa ver-
 rentes, veniam irarum coelestium, finemque pesti exposcunt.

VIII. Inde paullatim, seu pace Deum inpetrata, seu gra-
 viore tempore anni jam circumacto, defuncta morbis cor-
 pora salubriora esse incipere: versisque animis jam ad pub-
 licam curam, quum aliquot ²⁹ interregna exissent, P. Vale-
 rius Publicola tertio die, quam interregnum inierat, consules U. C. 292.
 creat L. Lucretium Tricipitinum et T. Veturium Geminum; A. C. 460.
 sive ille Vetusius fuit. Ante diem tertium Idus Sextiles L. Lucretio,
 consulatum ineunt, jam satis valida civitate, ut non solum T. Veturio
 arcere bellum, sed ultro etiam inferre posset. Igitur nunci-
 antibus Hernicis, in fines suos transcendisse hostes, inpigre
 promissum auxilium. duo consulares exercitus scripti. Ve-
 turius missus in Volscos ad bellum ultro inferendum. Tri- Volsci præ-
 cipitinus, populationibus arcendis sociorum agro obpositus, donec.
 non ultra, quam in Hernicos, procedit. Veturius primo
 prælio hostes fundit fugatque. Lucretium, dum in Her-
 nicis sedet, prædonum agmen fefellit, supra montes Prænes-
 tinos ductum, inde ³⁰ demissum in campos. Vastavere agros
 Prænestinum Gabinumque: ex Gabino in Tusculanos flexe-
 re colles. urbi quoque Romæ ingens præbitus terror, ³¹ ma-
 gis in re subita, quam quod ad arcendam vim parum virium
 esset. Q. Fabius præerat urbi. is, armata juventute, dispo-

²⁸ Curio maximus] Unicuique tri-
 ginta curiarum, in quas divisam fuis-
 se urbem vidimus supra I. 13. suus
 fuit curio, qui rem divinam pro suis
 curialibus faceret. Curionibus omni-
 bus moderator quidam impositus erat,
 curio maximus; qui quidem comitis
 curiatis creabatur.

²⁹ Interregna] Interregni origo
 supra memorata est a Livio, l. I. c.
 18. post Romuli mortem. Et res, et
 nomen mansit etiam post pulcos re-
 ges. Quando nullus erat patricius
 magistratus, patricii coibant, et pro-

debant interregem, cujus imperium
 quinque diebus finiretur: quo elapso
 tempore, alius prodebatur interrex,
 et sic deinceps, donec creati consules
 forent.

³⁰ Demissum in campos] Olim di-
 scimus. Genus mendii usitatissimum,
 dum *dimittere* pro *demittere*, *digredi*
 pro *degredi*, et alia quædam hujus-
 modi sæpe ab indoctis librariis incul-
 cantur. Mutavit hoc loco Gronovius.

³¹ Magis in re subita] Magis, quia
 subita res fuit.

U. C. 294. sitisque praesidiis, tuta omnia ac tranquilla fecit. Ita-
 A. C. 460. que hostes, praeda ex proximis locis rapta, adpropinqua-
 re urbi non ausi, quum circumacto agmine redirent, quan-
 to longius ab urbe hostium abscederent, eo solutiore cura in
 Lucretium incidunt consulem, jam ante exploratis itine-
 ribus suis instructum, et ad certamen intentum. Igi-
 tur praeparatis animis, repentino pavore perculosos adorti,
 aliquanto pauciores multitudinem ingentem fundunt fugant-
 que; et compulsos in cavas valles, quum exitus haud in fa-
 cili essent, circumveniunt. Ibi Volscum nomen prope dele-
 tum est. tredecim millia quadringentos septuaginta ceci-
 disse in acie ac fuga, mille ducentos quinquaginta vivos
 captos, signa viginti septem militaria relata, in quibusdam
 annalibus invenio. ubi etsi adjectum aliquid numero sit,
 magna certe caedes fuit. Victor consul, ingenti praeda po-
 titus, eadem in stativa rediit. Tum* consules castra con-
 jungunt: et Volsci Aequique adflictas vires suas in unum
 contulere. Tertia illa pugna eo anno fuit. eadem fortuna
 victoriam dedit. fuis hostibus, etiam castra capta.

Casi.

Lex Teren-
tilla.

IX. Sic res Romana in antiquum statum rediit: secun-
 daeque belli res extemplo urbanos motus excitaverunt. C.
 Terentillus Arsa tribunus plebis eo anno fuit. is, consulibus
 absentibus, ratus locum tribuniciis actionibus datum, per
 aliquot dies Patrum superbiam ad plebem criminatus, maxi-
 me in consulare imperium, tamquam nimium, nec tolera-
 bile liberae civitati, invehebatur: *nomine enim tantum minus*
invidiosum, re ipsa prope atrocius, quam regium, esse. Quippe
duos pro uno domino^p acceptos, immoderata, infinita potestate:
qui, soluti atque effrenati ipsi, omnes metus legum omniaque
supplicia verterent in plebem. Quae ne aeterna illis licentia sit,
³² *legem se promulgaturum, ut quinque viri creentur legibus de*
imperio consulari scribendis. Quod populus in se jus dederit,
eo consulem usurum: non ipsos libidinem ac licentiam suam
pro lege habituros. Qua promulgata lege, quum timerent
 Patres, ne, absentibus consulibus, jugum acciperent, sena-
 tus a praefecto urbis Q. Fabio vocatur: qui adeo atrociter
 in rogationem latoremque ipsum est invectus, ³³ ut nihil, si

* Tunc Gron. Crev.

^p dominos Eaed.

³² *Legem se promulgaturum]* Huc
 usque, teste Dion. init. l. X. per-
 scripta non erant jura omnia, quibus
 civitas regeretur. Sed antiquitus
 regum arbitrio lites dirimebantur:
 et, quod justum illi judicassent, id
 pro lege erat. Eodem modo penes
 consules juris arbitria fuere: nisi
 quod perpauca in iis libris, quos Di-
 onysius sacros nominat, quique for-
 tasse erant pontificum commentarii,

consignata fuere, quae legis vim ha-
 berent. At eos ipsos libros soli no-
 rant et legebant patricii. Terentillus
 igitur aliquod juris corpus fieri vole-
 bat, quo in omnibus negotiis, tum
 publicis, tum privatis, civitas utere-
 tur.

³³ *Ut nihil]* Ut nihil superesset
 minarum ac terroris, quod intenta-
 rent consules, si ambo infesti circum-
 starent tribunum.

ambo consules infesti circumstarent tribunum, relictum mi- U. C. 292.
narum atque terroris sit: *insidiatum eum, et tempore capto* A. C. 460.
adortum rempublicam. Si quem similem ejus priore anno, in-
ter morbum bellumque, irati Dii tribunal dedissent, non potu-
isse sisti. Mortuis duobus consulibus, jacente ægra civitate in
conlutione omnium rerum, ad tollendum e republica consulare
imperium laturum leges fuisse; ducem Volscis Æquisque ad ob-
pugnandam urbem futurum. Quid tandem? illi¹ non licere, si
quid consules superbe in aliquem civium aut crudeliter fecerint,
diem dicere? accusare his ipsis iudicibus, quorum in aliquem
sevitum sit? Non illud² consulare imperium, sed tribuniciam
potestatem invisam intolerandamque facere: quam pacatam re-
conciliatamque Patribus de integro in antiqua redigi mala. ne-
que illum se deprecari, quo minus pergat, ut cœperit. Vos, in-
quit Fabius, ceteri tribuni, oramus, ut primum omnium cogite-
tis, potestatem istam ad singulorum auxilium, non ad perniciem
universorum, comparatam esse. tribunos plebis vos creatos, non
hostes Patribus. Nobis miserum, invidiosum vobis est, deser-
tam rempublicam invadi. non jus vestrum, sed invidiam, minue-
ritis. Agite cum collega, ut rem integram in adventum consu-
lum differat. ne Æqui quidem ac Volsci, morbo absumtis priore
anno consulibus, crudeli superboque nobis bello institere.
Agunt cum Terentillo tribuni: dilataque in speciem ac-
tione, ³⁴ re ipsa sublata, consules extemplo arcessiti.

X. Lucretius cum ingenti præda, majore multo gloria
rediit. et auget gloriam adveniens, exposita omni in campo
Martio præda, ut suum quisque per triduum cognitum abdu-
ceret. reliqua vendita, quibus domini non exstiteret. Debe-
batur omnium consensu consuli triumphus: sed dilata res
est, tribuno de lege agente. id antiquius consuli fuit. Jac-
tata per aliquot dies quum³ in senatu res, tum ad populum
est. cessit ad ultimum majestati consulis tribunus, et desti-
tit. tum imperatori exercituique honos suus redditus. Tri-
umphavit de Volscis Æquisque: triumphantem secutæ suæ
legiones. alteri consuli datum, ut ³⁵ ovans sine militibus ur-
bem iniret. Anno deinde insequenti⁴ lex Terentilla, ab to-

Lucretius
triumphat.

¹ Quid? tandem illi etc. Gron.
² sequenti Eæd.

³ illum Gron. Crev.

⁴ tum Eæd.

³⁴ Re ipsa sublata] In præsentem
annum. Anno enim sequenti relata
a toto collegio est.

³⁵ Ovans] Ovatio, minor trium-
phus. Ovationis nomen deducit Plut.
in Marcello, ab ove quæ tum macta-
batur, quum in majore triumpho
immolaretur taurus: Festus ab eo
clamore quem faciunt redeuntes ex
pugna victores milites geminata O
littera. In ea describenda variant in
quibusdam scriptores; sed hæc plu-

rium auctoritate firmantur: cum
nempe, cui ovatio decreta fuerat, pe-
dibus urbem ingressum esse; non to-
ga picta neque trabea, sed prætexta
tantum indutum; coronatum myrto,
non lauro; et ingenti agmine tibici-
num cinctum. Vid. plura apud Di-
onysium, l. V. p. 314. Plut. in Mar-
cello; Gellium, l. V. c. 6. Primus
ovans urbem ingressus est P. Postu-
mius Tubertus, anno ab exactis regi-
bus septimo. Dion. ibid.

U. C. 393.
A. C. 459.
P. Volum-
nio, Ser.
Sulpicio
Coss.

Volsci et
Æqui bel-
lum instau-
rant.

Conten-
tiones do-
mesticæ.

to relata collegio, novos adgressa consules est. erant consu-
les P. Volumnius, Ser. Sulpicius. Eo anno cœlum ardere
visum; terra ingenti concussa motu est. bovem locutam,
cui rei priore anno fides non fuerat, creditum. Inter alia
prodigia et ³⁶ carnem^a pluit: quem imbrem ingens nume-
rus avium intervolutando rapuisse fertur. quod intercudit,
³⁷ sparsum ita jacuisse per aliquot dies, ut nihil odor muta-
ret. ³⁸ Libri per duumviros sacrorum aditi: pericula a con-
ventu alienigenarum prædicta, ne qui in loca summa urbis in-
petue, cædesque inde fierent. inter cetera monitum, ut sedi-
tionibus abstineretur. Id factum ad impediendam legem,
tribuni criminabantur, ingensque aderat certamen. Ecce
(³⁹ ut idem in singulos annos orbis volveretur) Hernici
nunciant, Volscos et Æquos, etsi adiciæ res sint, reficere
exercitus; Antii summam rei positam; Ecetræ Antiates
colonos palam concilia facere. id caput, eas vires belli esse.
Ut hæc dicta in senatu sunt, delectus edicitur^x: consules
belli administrationem inter se dispartiri jussi, alteri ut Vol-
sci, alteri ut Æqui provincia esset. Tribuni coram in foro
personare, *Fabulam compositam Volsci belli, Hernicos⁴⁰ ad
partes paratos. jam ne virtute quidem premi libertatem populi
Romani, sed arte eludi. quia, occidione prope occisos Volscos et
Æquos movere sua sponte arma posse, jam⁴¹ fides abierit, novos*

^a carne Gron. Crev.

^x indicitur Eæd.

^y id fides Eæd.

³⁶ Carne pluit] Scripti et pleri-
que vet. editorum carnem pluisse:
quod verum videtur. Intelligendum
est ex sensu traditum est, vel aliud
quid simile.

³⁷ Sparsum ita jacuisse] Sigonius
ex vet. suis libris affert sparsum hu-
mi.

³⁸ Libri] Sibyllini. Hos scribit
Dion. l. IV. ad Tarquinium Super-
bum delatos esse a muliere quadam
externa, quam plurimi Sibyllam Cu-
manam fuisse volunt. Hanc novem
habuisse libros, quos quum rex nollet
tanti emere, quanti illa indicaverat,
abisse mulierem, et tres libros exus-
sis: deinde pro sex reliquis idem
persolvi sibi pretium postulavisse: ac
multo magis aspernante rege, rursus
tres ex superstitionibus cremavisse, pro-
que tribus, qui jam soli restabant,
tantum adhuc auri postulavisse,
quantum primo petierat: regem ad-
miratum ac religione tactum emisse.
Hanc fabulam eodem modo multi
narrant: nisi quod plerique Tarqui-
nio Prisco libros fuisse oblatos vo-
lunt; quidam etiam eos initio plures
tribus non fuisse. Horum librorum

mandata est duumviris cura qui eos
asservare conditos in cella subterra-
nea in Capitolio, et in gravibus peri-
culis, aut ob fœda et insolita prodig-
ia, jussu senatus inspicere, eaque
quæ in his reperissent, ad senatum
referre, et exequenda curare debe-
rent. Horum sacerdotum postea nu-
merus ad decem primo, teste Livio,
VI. 37. et 42. deinde ad quindecim
excrevit, unde collegio quindecim vi-
rorum nomen in perpetuum adhæsit;
postremo etiam ad sexaginta, si cre-
dimus Servio ad VI. Æn. v. 73.

³⁹ Ut idem] Ut eadem rerum
conversio, eadem vices in singulos
annos redirent.

⁴⁰ Ad partes] Hæc vox refertur
ad fabulam, in qua actores partes su-
as agunt. Sensus est igitur, Herni-
cos paratos esse et edoctos a Patribus
ad agendas suas, velut in fabula, par-
tes, à jouer leur rôle dans la pièce.

⁴¹ Id fides abierit] Fides abierit
circa id: hoc est, id, nempe Volscos
et Æquos sua sponte movere arma,
credi jam non possit. Simili modo
locutus est Livius, V. 34. quod qui-
dem continens memoria sit. Tamen

hostes quæri. coloniam fidam, propinquam, infamem fieri. bel- U. C. 293.
lum innoxiiis Antiatis indici, geri cum plebe Romana. quam, A. C. 459.
oneratam armis, ex urbe præcipiti agmine acturi essent, exsilio :
et relegatione civium ulciscentes tribunos. Sic, ⁴² ne quid aliud
actum putent, victam legem esse ; nisi, dum in integra res sit,
dum domi, dum togati sint, caveant, ne possessione urbis pellan-
tur, ne jugum accipiant. Si animus sit, non de fore auxilium.
consentire omnes tribunos. nullum terrorem externum, nullum
periculum esse. Cavisse Deos priore anno, ut tuto libertas de-
fendi posset. Hæc tribuni.

XI. At ex parte altera consules in conspectu eorum, po-
 sitis sellis, delectum habebant. eo decurrunt tribuni, concio-
 nemque secum trahunt. citati pauci, velut rei experiundæ
 causa: et statim vis coorta. Quemcumque lictor jussu
 consulisprehendisset, tribunus mitti jubebat. neque suum
 cuique jus modum faciebat, sed virium spe ⁴³ et manu obti-
 nendum erat, quod intenderes. Quemadmodum se tribuni
 gessissent in prohibendo delectu, sic Patres in lege, quæ
 per omnes ⁴⁴ comitiales dies ferebatur, impedienda gerebant.
 Initium erat rixæ, quum ⁴⁵ discedere populum jussissent
 tribuni, quod Patres ⁴⁶ se submoveri haud sinebant. nec fere
 seniores rei intererant; quippe quæ non consilio regenda,
 sed permissa temeritati audaciæque esset. ⁴⁷ Multum et con-
 sules se abstinebant, ne cui in conlutione rerum majestatem
 suam contumeliæ obferrent. Kæso erat Quinctius, ferox Kæso
 juvenis, qua nobilitate gentis, qua corporis magnitudine et ² Quinctius.
 viribus. ad ea munera, data a Diis, et ipse addiderat multa.
 belli decora, facundiamque in foro; ut nemo, non lingua,
 non manu, promptior in civitate haberetur. Hic, quum in
 medio Patrum agmine constitisset, eminens inter alios, vel-
 ut omnes dictaturas consulatusque gerens in voce ac viri-
 bus suis, unus inpetus tribunicios popularesque procellas
 sustinebat. Hoc duce, sæpe pulsi foro tribuni, fusa ac fu-
 gata plebs est. qui obvius fuerat, mulcatus nudatusque abi-
 bat: ut satis adpareret, si sic agi liceret, victam legem esse.

² ac Gron. Crev.

hoc loco quatuor e nostris MSS. pro
 id exhibent jam.

⁴² *Ne quid aliud actum putent*] Ne quam aliam mentem, ne quod aliud
 consilium fuisse Patribus et consulibus
 putent.

⁴³ *Et manus*] Antiqua lectio, sed
 manus. Vim quandam habet repetitio
 r̄i sed.

⁴⁴ *Comitiales dies*] Quibus comitia
 haberi poterant. Ab Numa enim
 constitutum fuisse docuit Livius l. I.
 c. 19. ut quibusdam diebus agi cum
 populo non liceret.

⁴⁵ *Discedere*] Ad suffragia ferenda.
 In septum quoddam, quod *ovile* dice-
 batur, unaquæque tribus ex ordine,
 prout vocabatur, per pontes, sive an-
 gustas vias intrabat, ut suffragium
 daret.

⁴⁶ *Se summoverti haud sinebant*] Nimirum obstinati in eodem vestigio
 perstabant cum clientium manu, ne
 populus se in suas tribus digerere
 posset.

⁴⁷ *Multum . . . se abstinebant*] Magna cura se abstinebant ab his
 turbis.

U. C. 293.
A. C. 459.
Ei dies
dicitur.

Tum, prope jam percussis aliis tribunis, A. Virginius, ex collegio unus, Kæsoni capitis diem dicit. atrox ingenium accenderat eo facto magis, quam contrerruerat: eo acrius obstare legi, agitare plebem, tribunos velut justo persequi bello. Accusator pati reum ruere, invidiæque flammam ac materiam ⁴⁸ criminibus suis subgerere: legem interim, non tam ad spem perferendi, quam ad lacesendam Kæsonis temeritatem, ferre. Ibi multa, sæpe ab juventute inconsulte dicta factaque, in unius Kæsonis suspectum incidunt ingenium: tamen legi resistebatur. Et A. Virginius idem plebi: ⁴⁹ *Ecquid^a sentitis jam vos, Quirites, Kæsonem simul civem, et legem quam cupitis, habere non posse? Quamquam quid ego legem loquor? libertati obstat, omnes Tarquinius superbia exsuperat. Expectate, dum consul aut dictator fiat, quem privatum viribus et audacia regnantem videtis.* Adsentiebantur multi, pulsatos se querentes, et tribunum ad rem peragendam ultro incitabant.

XII. Jam aderat iudicio dies, adparebatque vulgo homines in damnatione Kæsonis libertatem agi credere. tum demum coactus cum multa indignitate prensabat singulos. sequebantur necessarii, principes civitatis. T. Quinctius Capitolinus, qui ter consul fuerat, quum multa referret sua familiæque decora, adfirmabat: *Neque in Quinctia gente, neque in civitate Romana tantam indolem tam maturæ virtutis umquam exstitisse.* ⁵⁰ *Suum primum militem fuisse, se sæpe vidente pugnasse in hostem.* Sp. Furius, ⁵¹ *missum ab Quinctio Capitolino sibi eum in dubiis suis rebus venisse subsidio. neminem unum esse, cujus magis opera putet* ⁵² *rem^b restitutam.* L. Lucretius, consul anni prioris, recenti gloria nitens, suas laudes participare cum Kæsone, memorare pugnas, referre egregia facinora, nunc in expeditionibus, nunc in acie: suadere et monere, *juvenem egregium, instructum naturæ fortunæque omnibus bonis,* ⁵³ *maximum momentum rerum ejus civitatis, in quamcunque venisset, suum, quam alienum, mallent civem esse. Quod obfendat in eo, fervorem et*

^a add. inquit Gron. Crev.

^b rempublicam Eæd.

⁴⁸ * *Criminibus suis*] Criminationibus tribunitiis.

⁴⁹ *Ecquid, inquit, sentitis*] Quatuor e nostris codd. ignorant et inquit, quod inseruit Sigonius.

⁵⁰ *Suum primum militem fuisse*] Se duce prima stipendia fecisse: vel, si primum sumitur pro nomine adjectivo, primum locum inter suos milites virtute et factis tenuisse.

⁵¹ *Missum subsidio*] Plurimi scripti, tum Gronoviani, tum nostri, una voce auctiores sunt: *ipsum missum.*

Antiquissimus tamen e nostris eam omittit. Et sane illa onerat potius orationem, quam juvat.

⁵² *Rempublicam restitutam*] Hic scripti fere respuunt *publicam*. Enimvero satis est laudis, ut observat Gronovius, dici *rem*, id est, pugnam, *restitutam* Cæsonis opera.

⁵³ * *Maximum momentum*] Qui, in quamcunque civitatem venisset, ejus viribus magnum pondus, magnam accessionem esset adjecturus.

audaciam ætatem quotidie auferre; quod desideretur consilium; U. C. 298. id in dies crescere. Senescentibus vitiis, maturescente virtute, A. C. 450. sinerent tantum virum senem in civitate fieri. Pater inter hos L. Quinctius, cui Cincinnato cognomen erat, non iterando laudes, ne cumlaret invidiam, sed veniam errori atque adolescentiæ petendo, ⁵⁴ sibi, qui non dicto, non facto quemquam offendisset, ut condonarent filium, orabat. Sed alii ⁵⁵ aversabantur preces, aut verecundia, aut metu: alii, se suosque mulcos querentes, atroci responso iudicium suum præferebant.

XIII. Premebat reum, præter vulgatam invidiam, crimen unum; quod M. Volscius Fictor, qui ante aliquot annos tribunus plebis fuerat, testis exstiterat, *Se haud multo post, quam pestilentia in urbe fuerat, in juventutem grassantem in* ⁵⁶ *Subura incidisse. ibi rixam natam esse, fratremque suum majorem natu, necdum ex morbo satis validum, pugno ictum ab* ^c *Kæsone cecidisse semianimem. Inter manus domum ablatum, mortuumque inde arbitrari, nec sibi rem exsequi tam atrocem per consules superiorum annorum licuisse.* Hæc Volscio clamitante, adeo concitati homines sunt, ut haud multum absuerit, quin inpetu populi Kæso interiret. Virginus adripi jubet hominem, et in vincula duci. ⁵⁷ patricii contra vi^d resistunt. T. Quinctius clamat, *Cui rei capitalis dies dicta sit, et de quo futurum prope diem iudicium, eum* ⁵⁸ *indemnatum indicta causa non debere violari.* Tribunus supplicium negat sumturum se de indemnato; servaturum tamen in vinculis esse ad iudicii diem. ut, qui hominem necaverit, de eo supplicii sumendi copia populo Romano fiat. Adpelati tribuni ⁵⁹ medio decreto jus auxilii sui expediunt: in vincula conjici vetant: sisti reum, pecuniamque, nisi sistatur, populo promitti, placere pronunciant. Summam pecuniæ

^c a Gron. Crev.

^d vi contra vim Eæd.

⁵⁴ * Sibi . . . ut condonarent filium] Ut in gratiam patris ignoscerent filio.

⁵⁵ Aversabantur preces] Precanti aurem non præbebant: aut verecundia, ne tali viro negarent; aut metu, ne principem civitatis acius offenderent, si preces ejus semel auditas aspernarentur.

⁵⁶ Subura] Vel Suburra, alias Succus, fuit regio urbis, a qua prima tribus urbana Suburrana dicta.

⁵⁷ Patricii vi contra vim resistunt] Scripti, sive Gronovio, sive nobis inspecti, partim exhibent Patricii vi resistunt, partim Patricii contra vi resistunt: et hoc postremum Gronovio verum videtur.

⁵⁸ Indemnatum . . . non debere violari] Hinc apparet Romanis moribus civem in vincula non ante conjici solitum esse, quam convictus foret. Vid. et c. 56. infra.

⁵⁹ Medio decreto jus auxilii sui expediunt] Expediunt, i. e. extricant. Tribuni metuebant ne, si omnino liberum et sui juris Cæsonem dimisissent, plebs concitata sibi non obtemperaret: si patricio homini tribunium auxilium imploranti non auscultarent, ne juris sui firmandi et augendæ potestatis egregiam occasionem prætermitterent. Itaque decreto ejusmodi, quod et plebi aliquid, et Cæsoni concederet, huic ancipiti periculo jus suum eximunt.

U. C. 293.
A. C. 459.

Kæso in
exsilium
abit.

quantam æquum esset promitti, veniebat in dubium: id ad senatum rejicitur. Reus, dum consulerentur Patres, retentus in publico est. vades dare placuit. ⁶⁰ unum vadem tribus millibus æris obligarunt. quot darentur, permissum tribunis est. decem finierunt. ⁶¹ tot vadibus accusator vadatus est reum. Hic primus ⁶² vades publicos dedit. dimissus e foro nocte proxima in Tuscos in exsilium abiit. Judici die quum excusaretur ⁶³ solum vertisse exsilii causa, nihilominus Virginio comitia habente, collegæ adpellati dimisere concilium: pecunia ⁶⁴ a patre exacta crudeliter, ut, divenditis omnibus bonis, aliquamdiu trans Tiberim, veluti relegatus, ⁶⁵ devio^e quodam tugurio viveret.

XIV. Hoc judicium et promulgata lex exercuit civitatem: ab externis armis otium fuit. Quum, velut victores, tribuni, percussis Patribus Kæsonis exsilio, prope perlatam esse crederent legem, et, ⁶⁶ quod ad seniorès Patrum pertinet, cessissent possessione reipublicæ; juniores, id maxime quod Kæsonis sodalium fuit, auxere iras in plebem, non minuerunt animos. sed ibi plurimum profectum est, quod modo quodam temperavere inpetus suos. Quum primo post Kæsonis exsilium lex cœpta ferri est, instructi paratique, cum ingenti clientium exercitu, sic tribunos, ubi primum submoventes præbuere causam, adorti sunt, ⁶⁷ ut nemo unus inde præcipuum quidquam gloriæ domum invidiæve ferret; mille pro uno Kæsones exstitisse, plebes quereretur. Mediis diebus, quibus tribuni de lege non agerent, nihil eisdem illis placidius aut quietius erat. benigne salutare, adloqui plebis homines, domum invitare, ⁶⁸ adesse in foro, tribunos ipsos cetera pati sine interpellatione

Sodalium
Kæsonis
temperata
comitate
ferocia.

^e in devio Gron. Crev.

⁶⁰ *Unum vadem*] Decreverunt ut quilibet vas sponderet se tria millia æris (quæ æstimamus marcis argenti quatuor cum uncis quatuor et semuncia) populo daturum, si Cæso ad diem dictam non adesset.

⁶¹ *Tot vadibus*] Tot sponsores, nempe decem, exegit accusator ab reo.

⁶² *Vades publicos*] Vades qui in publicum obligarentur, pecuniamque populo promitterent, nisi reus sisteretur.

⁶³ *Solum vertisse*] *Solum vertere* dicebantur, qui locum ac sedem mutabant.

⁶⁴ *A patre exacta*] Exacta a vadibus est: a patre data vadibus.

⁶⁵ *Devio*] Variant in hac voce scripti et editi. Sigonius dedit *vili*, Andreas *agello*. Id quod habes in con-

textu, Rhenanus et Gronovius amplexi sunt, quum invenirent in scriptis *devo*. Unus e nostris non procul abit, *de ullo*.

⁶⁶ *Quod ad seniores Patrum pertineret, cessissent*] Seniores quidem Patrum abjecissent spei et conatum administrandæ, ex voluntate et utilitate sua et ordinis sui, reipublicæ, ejusque possessionem tribunis reliquissent.

⁶⁷ *Ut nemo unus*] Ut, nemine ita inter ceteros insignem se præbente, ut eorum dux videri posset, omnes domum referrent parem, et gloriæ apud suos, et apud plebem invidiæ et odii modum.

⁶⁸ *Adesse*] Iis litigantibus; causas eorum suscipere, aut certe auctoritate et gratia, tanquam advocati, juvare.

concilia habere: numquam ulli, neque publice, neque pri- U. C. 293.
vatis, truces esse, nisi quum de lege agi cœptum esset. A. C. 459.
Alibi popularis juvenus erat. nec cetera modo tribuni
⁶⁹ tranquillo¹ peregere, sed reſecti quoque in inſequentem
annum. ne voce quidem incommoda, nedum ut ulla viſ
fieret, paulatim² permulcendo tractandoque ⁷⁰ mansueſce-
rant plebem. His per totum annum artibus lex eluſa eſt.

XV. Accipiunt civitatem placidiorem conſules C. Clau- U. C. 294.
dius, Appii filius, et P. Valerius Publicola. Nihil novi A. C. 458.
novus annus adtulerat. legis ferendæ aut accipiendæ eura C. Claudio,
civitatem tenebat. Quantum juniores Patrum plebi ſe ma- P. Valerio
gis inſinuabant, eo acrius contra tribuni tendebant, ut plebi II. Coſſ.
ſuſpectos eos criminando facerent. *Conjurationem factam,*
Kæſonem Romæ eſſe: interficiendorum tribunorum, trucidandæ
plebis conſilia inita. Id negotii datum ab ſenioribus Pa-
trum, ut juvenus tribuniciam poteſtatem e republica tolleret,
formaque eadem civitatis eſſet, quæ ante Sacrum montem oc-
cupatum fuerat. Et ab Volſcis et Æquis ſtatum jam ac
prope ſollemne in ſingulos annos bellum timebatur: pro-
piusque aliud novum malum, necopinato exortum. Exſules
ſervique, ad quatuor millia hominum et quingenti, duce Ap.
Herdonio Sabino, nocte Capitolium atque arcem occupave- Herdonius
re. Confestim in arce facta cædes eorum, qui conjurare et Capitolium
ſimul capere arma noluerant. alii inter tumultum præcipites occupat.
pavore in forum devolant. alternæ voces, *Ad arma, et Hos-*
tes in urbe ſunt, audiebantur. Conſules et armare plebem,
et inermem pati timebant. Incerti, quod malum repenti-
nam, externum an inteſtinum, ab odio plebis, an ab ſervili
fraude, urbem invaſiſſet; ſedabant tumultus, ſedando inter-
dum movebant. nec enim poterat pavida et conſternata
multitudo regi imperio. Dant tamen arma, non vulgo;
tantum ut, incerto hoſte, præſidium ſatis fidum ad omnia
eſſet. Solliciti reliquum noctis, incertique, qui homines,
quantus numerus hoſtium eſſet, in ſtationibus diſponendis
ad opportuna omnis urbis loca, egere. Lux deinde aperuit
bellum ducemque belli. Servos ad libertatem Ap. Herdo-
nius ex Capitolio vocabat, *Se miſerrimi cujuſque ſuſcepiffe*
cauſſam, ut exſules injuria pulſos in patriam reduceret, et ſer-
vitiis grave jugum demeret. id malle populo Romano auctore
feri. Si ibi ſpes non ſit, ſe Volſcos, et Æquos, et omnia ex-
trema tentaturum et concitaturum.

¹ tranquille Gron. Crev.

² ſerret, paulatim L. ſerret. Paulatim etc. Crev.

⁶⁹ Tranquilla peregere] Campani posteriore hoc loco poteſt intelligi
editio, et magna ſcriptorum manus, mari.
inter quos omnes noſtri, tranquillo. ⁷⁰ Mansueſceſcerant plebem] Junio
Sic infra XXIV. 8. Non tranquillo res patricii.
navigamus. Id tamen intereſt, quod

U. C. 394.
A. C. 458.

Tribuni
vetant ar-
ma sumi in
Herdoni-
um.

Valerius
Coes inve-
hitur in
tribunos.

XVI. Dilucere res magis Patribus atque consulibus. præter ea tamen, quæ denunciabantur, ne Veientium, neu Sabinorum id consilium esset, timere : et, quum tantum in urbe hostium esset, mox Sabinæ Etruscæque legiones ex composito adessent; tum æterni hostes Volsci et Æqui, non ad populandos, ut ante, fines, sed ad urbem, ut ex parte captam, venirent. Multi et varii timores. inter ceteros eminebat terror servilis, ne suus cuique domi hostis esset. cui nec credere, nec non credendo, ne infestior fieret, ⁷¹ fidem abrogare, satis erat tutum. ⁷² Vixque concordia sisti videbatur posse. tantum, superantibus aliis ⁷³ ac emergentibus malis, nemo tribunos aut plebem timebat. mansuetum id malum, et per aliorum quietem malorum semper exoriens, tumque esse peregrino terrore sopitum videbatur. At id prope unum maxime inclinatis rebus incubuit. tantus enim tribunos furor tenuit, ut non bellum, sed vanam imaginem belli, ad avertendos ab legis cura plebis animos, Capitolium insedissee contenderent : patriciorum hospites clientesque, si perlata lege frustra tumultuatos esse se sentiant, majore, quam venerint, silentio abituros. Concilium inde legi perferendæ habere, avvocato populo ab armis. Senatum interim consules habent, alio se majore ab tribunis metu ostendente, quam quem nocturnus hostis intulerat.

XVII. Postquam arma poni, et discedere homines ab stationibus nunciatum est, P. Valerius, collega senatum retinente, se ex curia proripit, inde in ⁷⁴ templum ad tribunos venit: *Quid hoc rei est, inquit, tribuni? Ap. Herdonii ductu et auspicio rempublicam eversuri estis? Tam felix vobis contrumpendis fuit, qui servitia vestra non commovit auctor? Quum hostes supra caput sint, discedi ab armis, legesque ferri placet?* Inde ad multitudinem oratione versa: *Si vos urbis, Quirites, si vestri nulla cura tangit; at vos veremini* ⁷⁵ *Deos vestros^a ab hostibus captos. Jupiter optimus maximus, Juno*

^a vestros l. patrios Gron. Crev.

⁷¹ *Fidem abrogare*] Non habere fidem, non credere. Sic Cic. pro Q. Rosc. n. 44. *quibus abroges fidem jurisjurandi*, i. e. quibus fidem habendam in jurejurando neges: et l. IV. Acad. Quæst. n. 36. *æqualiter omnibus abrogatur fides*, id est, nulli creditur. Recidendum ergo hic videtur inane glossema, *non credendo*.

⁷² *Vixque concordia sisti*] Vixque, etiam concordie manente civitate, videbatur resisti posse huic malo. Vid. not. 61. ad II. 29.

⁷³ *Ac emergentibus*] Raro admodum, et fortasse nunquam particulam ac reperias apud Ciceronem, Livium,

Virgilium, et alios aureæ Latinitatis scriptores, locatam ante vocalem. Videndum an admitti possit scriptura Sorbonici ac Victorini codd. *ac emergentibus*, nempe rempublicam.

⁷⁴ *Templum*] Hæc comitia in foro habebantur. *Comitia interim in foro sunt*, inquit Valerius in oratione mox secutura. Itaque templum, de quo hic agitur, vel comitium est, vel suggestum ex quo tribuni ad populum concionabantur. Vid. not. 19. ad c. 56. l. II.

⁷⁵ *Deos patrios*] Omnes nostri MSS. ut ante Sigonium legebatur, *Deos vestros*.

*regina, et Minerva, alii Dii Deæque obsidentur. castra servo- U. C. 294.
rum publicos vestros penates tenent. Hæc vobis forma sanæ A. C. 458.
civitatis videtur? Tantum hostium non solum intra muros est,
sed in arce supra forum curiamque: comitia interim in foro
sunt: senatus in curia est: velut quum otium superat, senator
sententiam dicit: alii Quirites suffragium ineunt. Non, quid-
quid Patrum plebisque est, consules, tribunos, ⁷⁶ Deos, homines-
que omnes armatos opem ferre, in Capitolium currere, liberare
ac pacare augustissimam illam domum Jovis optimi maximi
decurrit? Romule pater, tu mentem tuam, qua quondam arcem
ab his iisdem Sabinis auro captam recepisti, da stirpi tuæ.
jube hanc ingredi viam, quam tu dux, quam tuus ingressus
exercitus est. Primus, en, ego consul, quantum mortalis Deum
possum, te ac tua vestigia sequar. Ultimum orationis fuit,
Se arma capere, vocare omnes Quirites ad arma. si quis inpe-
diat, ⁷⁷ jam se consularis imperii, jam tribunicie potestatis sa-
cratarumque legum oblitum, quisquis ille sit, ubicumque sit, in
Capitolio, in foro, pro hoste habiturum. Juberent tribuni,
quoniam in Ap. Herdonium vetarent, in P. Valerium consu-
lem sumi arma. ausurum se in tribunis, quod ⁷⁸ princeps fami-
liæ suæ ausus in regibus esset. Vim ultimam adparebat futu-
ram, spectaculoque seditionem Romanam hostibus fore.
nec lex tamen ferri, nec ire in Capitolium consul potuit.
nox certamina coepta obpressit: tribuni cessere nocti, ti-
mentes consulum arma. Amotis inde seditionis auctoribus,
Patres circumire plebem, inferentesque se in circulos, ser-
mones temporis aptos serere: admonere, *Ut viderent, in quod
discrimen rempublicam adducerent. Non inter Patres ac ple-
bem certamen esse; sed simul Patres plebemque, arcem urbis,
templa Deorum, penates publicos privatosque hostibus dedi.*
Dum hæc in foro sedandæ discordiæ causa aguntur, con-
sules interim, ne Sabini, ne Veiens hostis moveretur, circa
portas murosque discesserant.*

⁷⁶ Deos...armatos....currere] Vox
deus suspecta est Gronovio, qui repo-
nendum censet cives. Sicque non in-
concinna est gradatio: Consules, tri-
bunos, cives, hominesque omnes. Neque
enim cives erant, quotquot in urbe
habitabant. Magnus numerus erat
et servorum, et opificum inquilino-
rum. Vid. not. 10. ad c. 3. hujus libri.

⁷⁷ Jam se consularis imperii... ob-
litum] Oblitum quid esset consulare
imperium, quibus limitibus contine-
retur; et eodem agentem modo, quo,
si consul infinita esset potestate, et
imperium sine provocatione haberet.

⁷⁸ Princeps familiæ suæ] Publicola
aucter sui cognominis. Illum Dion.

l. XI. p. 688. affirmat hujus Valerii
consulis patrem fuisse. Unde non
immerito videtur Glareanus requirere
Livii diligentiam, quod Valerius hic
Publicolam principem familiæ suæ
vocet: quæ appellatio atavo aut tri-
tavo conveniret magis, quam patri.
Ac sane c. seq. idem hic Valerius di-
sertis verbis Publicolæ cognomen sibi
a majoribus traditum ait: *Memorem
cognominis, quo populi colendi velut
hereditaria cura sibi a majoribus tra-
dita esset.* Itaque dubitari non pot-
est, quin Livius parum accurate lo-
quentem de genere suo Valerium in-
ducat.

U. C. 294.
A. C. 458.

Tusculani
Romanis
auxilium
ferunt.

Pugna ad-
versus Her-
donium.

Valerius
Coes. occi-
ditur.

Recupe-
ratur Ca-
pitoliū.

XVIII. Eadem nocte et Tusculum de arce capta, Capitolioque occupato, et alio turbatæ urbis statu nunciū veniunt. L. Mamilius Tusculi tum dictator erat. is, confestim convocato senatu, atque introductis nunciis, magno opere censeret, *Ne expectent, dum ab Roma legati, auxilium petentes, veniant: periculum ipsum, discrimenque, ac ⁷⁹ sociales Deos, fidemque foederum id poscere. Demerendi beneficio tam potentem, tam propinquam civitatem, numquam parem occasionem daturus Deos.* Placet ferri auxilium; Juventus conscribitur, arma dantur. Romam prima luce venientes, procul speciem hostium præbuere. Æqui aut Volsci venire visi sunt. deinde, ubi vanus terror abiit, accepti in urbem, agmine in forum descendunt. ibi jam P. Valerius, relicto ad portarum præsidia collega, instruebat aciem. Auctoritas viri movebat, adfirmantis, *Capitolio recuperato, et urbe pacata, ⁸⁰ si edoceri se sissent, quæ fraus ab ¹ tribunis occulta in lege ferretur, memorem se majorum suorum, memorem cognominis, ⁸¹ quod ² populi colendi velut hereditaria cura sibi ⁸² a maioribus tradita esset, concilium plebis non impediturum.* Hunc ducem secuti, nequidquam reclamantibus tribunis, in clivum Capitolinum erigunt aciem. adjungitur et Tusculana legio. certare socii civesque, utri recuperatæ arcis suum decus facerent. dux uterque suos adhortatur. Trepidare tum hostes: nec ulli satis rei, præterquam loco, fidere. trepidantibus inferunt signa Romani sociique. Jam in vestibulum perruperant templi, quum P. Valerius, inter primores pugnam ciens, interficitur. P. Volumnius consularis vidit cadentem. is, dato negotio suis, ut corpus obtegerent, ipse in locum vicemque consulis provolat. Præ ardore inpetuque tantæ rei sensus non pervenit ad militem: prius vicit, quam se pugnare sine duce sentiret. Multi exsulum cæde sua foedavere templum; multi vivi capti; Herdonius interfectus. Ita Capitolium recuperatum. De captivis, ut quisque liber aut servus esset, ⁸³ suæ fortunæ a quoque sumtum supplicium est. Tuscūlanis gratiæ actæ: Capitolium purgatum atque lustratum. In consulis domum plebes ⁸⁴ quadrantes, ut funere ampliore efferretur, jactasse fertur.

XIX. Pace parta, instare tum tribuni Patribus, ut P.

¹ a Gron. Crev.

² quo Ræd.

⁷⁹ * *Sociales deos*] Deos arbitros et testes pactorum quibus socii inter se devincti sunt.

⁸⁰ * *Si edoceri se sissent*] Si se sissent edoceri, quænam in lege, quam ferebant tribuni, occulta fraus lateret. † Proba Rhenani emendatio, quum scripti plerique habeant *si se doceri sissent*.

⁸¹ *Quo populi colendi*] Sic recte

Gronovius, qui assentiuntur duo ex MSS. Hearnii. Vulgo *quod*.

⁸² * *A maioribus*] Imo a patre, qui primus cognomen Publicolæ tulit.

⁸³ *Suæ fortunæ a quoque sumtum supplicium est*] Servile supplicium, crux: liberi homines, ut plurimum, securi percutiebantur.

⁸⁴ * *Quadrantes*] Quadrans est quarta pars assis Romani.

*Valerii fidem exsolverent: instare Claudio, ⁸⁵ ut collega Deos U. C. 294. Manes fraude liberaret, agi de lege sineret. Consul, antequam A. C. 458. collegam sibi subrogasset, negare, passurum agi de lege. Hæ tenuere contentiones usque ad comitia consulis subrogandi. Decembri mense, summo Patrum studio, L. Quinctius Cincinnatus, pater Kæsonis, consul creatur, qui magistratum statim occiperet. Percussa erat plebes, consulem habitura iratum, potentem favore Patrum, virtute sua, tribus liberis, quorum nemo Kæsoni cedebat magnitudine animi; consilium et modum adhibendo, ubi res posceret, priores erant. Is, ut magistratum iniit, assiduis concionibus pro tribunali, non in plebe coercenda, quam senatu castigando, vehementior fuit: *cujus ordinis languore perpetui jam tribuni plebis, non ut in republica populi Romani, sed ut in perdita domo, lingua criminibusque regnarent. Cum Kæsone filio suo virtutem, constantiam, omnia juventutis belli domique decora pulsa ex urbe Romana et fugata esse. loquaces, seditiosos, semina discordiarum, iterum ac¹ tertium tribunos* Subfectus Valerio L. Quinctius. *pessimis artibus regia licentia vivere. A. inquit, ille Virginius, quia in Capitolio non fuit, minus supplicii, quam Ap. Herdonius, meruit? plus hercule aliquanto, qui vere rem æstimare velit. Herdonius, si nihil aliud, hostem se fatendo prope denunciavit, ut arma caperetis: hic, negando bella esse, arma vobis ademit, nudosque servis vestris et exsulis objecit. Et vos (C. Claudii pace, et P. Valerii mortui loquar) prius in clivum Capitolinum signa intulistis, quam hos hostes de foro tolleretis? ⁸⁶ Pudet Deorum hominumque, quum hostes in arce, in Capitolio essent, exsulum et servorum dux, profanatis omnibus, in cella Jovis optimi maximi habitaret, Tusculi ante, quam Romæ, sumta sunt arma. In dubio fuit, utrum L. Mamilius Tusculanus dux, an P. Valerius et C. Claudius consules Romanam arcem liberarent: et qui ante Latinos, ne pro se quidem ipsis, quam in finibus hostem haberent, adtingere arma passi sumus; nunc, nisi Latini sua sponte arma sumsissent, capti et deleti eramus. Hoc est, tribuni, auxilium plebi ferre, inermem eam hosti trucidandam objicere? Scilicet, si quis vobis humillimus homo de vestra plebe, (quam partem, velut^m abruptam a cetero populo, vestram patriam peculiaremque rempublicam fecistis) si quis ex his domum suam obsessam a familia* Invehitur in tribunos.*

¹ atque Gron. Crev.^m veluti Eæd.

⁸⁵ *Ut collega Deos Manes]* Ut collegam mortuum fraudis crimine liberaret, præstando fidem ab illo datam.

⁸⁶ *Pudet deorum hominumque]* Pudore perfundor, quum cogito deos

hominesque tanti flagitii nobis socios esse. Sic Terent. Heaut. Act. II. sc. 2. v. 18. meo patri . . . *cujus nunc pudet me, id est, de quo cogitare non possum, quin me pudor vitæ mem capiat.*

U. C. 204. armata nunciaret, ferendum auxilium putaretis. Jupiter
 A. C. 468. optimus maximus, exsulum atque servorum septus armis,
 nulla humana ope dignus erat? et hi postulant, ut sacro-
 sancti habeantur, quibus ipsi Dii⁸⁷ neque sacri, neque sancti
 sunt? At enim, divinis humanisque obruti sceleribus,⁸⁸ legem
 vos hoc anno perlaturus dictitatis? Tam hercule illo die, quo
 ego consul sum creatus, male gesta respublica est, pejus multo,
 quam quum P.^a Valerius consul periit, si tuleritis. Jam pri-
 mum omnium, inquit, Quirites, in Volscos et Æquos mihi atque
 collegæ legiones ducere in animo est. Nescio quo fato magis
 bellantes, quam pacati, propitios habemus Deos. quantum peri-
 culum ab illis populis fuerit, si Capitolium ab exsulis obses-
 sum scissent, suspicari de præterito, quam re ipsa experiri, est
 melius.

Religiosa
 jurisju-
 randi re-
 verentia.

XX. Moverat plebem oratio consulis: erecti Patres res-
 titutam credebant rempublicam: consul alter, comes animo-
 sior, quam auctor, suscepisse collegam priorem actionem tam
 gravis rei facile passus,⁸⁹ in peragendis consularis officii par-
 tem ad se vindicabat. Tum tribuni, eludentes velut vana dic-
 ta,⁹⁰ persequi quærendo, quonam modo exercitum educturi con-
 sules essent, quos delectum habere nemo passurus esset? Nobis
 vero, inquit Quinctius, nihil delectu opus est; quum, quo tempore
 P. Valerius ad recipiendum Capitolium arma plebi dedit, om-
 nes in verba juraverint, conventuros se jussu consulis, nec injussu
 abituros. Edicimus itaque, omnes, qui in verba jurastis, cras-
 tina die armati ad lacum Regillum adsitis. Cavillari tum tri-
 buni, et populum exsolvere religione velle: privatum eo tem-
 pore Quinctium fuisse, quum sacramento adacti sint. Sed non-
 dum hæc, quæ nunc tenet seculum, negligentia Deum ve-
 nerat: nec interpretando sibi quisque jusjurandum et leges
 aptas faciebat, sed suos potius mores ad ea adcommo-
 dabat. Igitur tribuni, ut inpediendæ rei nulla spes erat,⁹¹ de pro-
 ferendo exercitu agere. eo magis, quod, et augures jussos
 adesse ad Regillum lacum, fama exierat, locumque inaugurari,
 ubi auspicato cum populo agi posset; ut, quidquid Romæ vi

^a P. del. Gron. Crev.

⁸⁷ Neque sacri, neque sancti sunt] Sacrum est id quod religio consecra-
 vit: sanctum, quod ne violetur, sanc-
 tione cautum est. Itaque sanctus
 minus valet, quam sacer.

⁸⁸ * Legem vos. . . perluros. . . .
 si tuleritis] Ferre legem et perferre
 hoc differunt, quod is fert legem, qui
 eam proponit populo sciendam;
 perfert is qui hoc assequitur, ut illa a
 populo accipiatur, jubeatur.

⁸⁹ In peragendis] In illis quæ pera-
 ganda erant: ubi peragere opus foret

ea, quorum auctor Quinctius erat, con-
 sulem agebat, consulis partes imple-
 bat.

⁹⁰ * Persequi quærendo] Instare,
 ulterius progredi, quærendo. Sic
 plane infra VI. 14. Exsequantur
 quærendo.

⁹¹ De proferendo exercitu] Horum
 verborum sensus admodum obscurus
 est. Modius, deleta voce exercitu,
 legit, de proferenda nempe re agere.
 Proferre rem est differre, protrahere.

tribunicia rogatum esset, id comitiis ibi abrogaretur. Omnes ° U. C. 204.
id jussuros, quod consules vellent. neque enim provocationem A. C. 458.
esse longius ab urbe mille passuum: et tribunos, si eo adveni-
ant, in alia turba Quiritium subjectos fore consulari imperio.
 Terrebant hæc: sed ille maximus terror animos agitabat,
 quod sæpius Quinctius dictitabat^p, *Se consulum comitia non*
habiturum. Non ita civitatem ægram esse, ut consuetis reme-
diis sisti possit. dictatore opus esse reipublicæ, ut, qui se moverit
ad sollicitandum statum civitatis, sentiat sine provocatione dic-
taturam esse.

XXI. Senatus in Capitolio erat. eo tribuni cum pertur-
 bata plebe veniunt. multitudo clamore ingenti, nunc con-
 sulum, nunc Patrum, fidem inplorant. nec ante moverunt
 de sententia consulem, quam tribuni se in auctoritate Pa-
 trum futuros esse polliciti sunt. Tunc, referente consule de
 tribunorum et plebis postulatis, senatusconsulta fiunt, *Ne-*
que tribuni legem eo anno ferrent, neque consules ab urbe exer-
citum educerent. In reliquum magistratus continuari, et eos-
dem tribunos refici, judicare senatum contra rempublicam esse.
 Consules fuere in Patrum potestate: tribuni, reclamantibus
 consulibus, resecti. Patres quoque, ne quid cederent plebi,
 et ipsi L. Quinctium consulem reficiebant. Nulla toto anno
 vehementior actio consulis fuit. *Mirer, inquit, si vana ves-*
tra, Patres conscripti, auctoritas ad plebem est 9 ? ⁹² *Vos elevatis*
eam. quippe, quia plebs senatusconsultum in continuandis ma-
gistratibus solvit, ipsi quoque solutum vultis, ne temeritati mul-
titudinis cedatis: tamquam id sit plus posse in civitate, plus
levitatis ac licentiæ habere. levius enim vaniusque profecto est,
sua decreta et consulta tollere, quam aliorum. Imitamini, Pa-
tres conscripti, turbam inconsultam: et, qui exemplo aliis esse
debetis, aliorum exemplo peccetis potius, quam alii vestro recte
faciant; dum ego ne imiter tribunos, nec me contra senatuscon-
sultum consulem renunciari patiar. Te vero, C. Claudii, ad-
hortor, ut et ipse populum Romanum hac licentia arceas: et de
me hoc tibi persuadeas, me ita accepturum, ut non honorem
meum a te impeditum, sed ⁹³ *gloriam spreti honoris auctam, in-*
vidiamque, quæ ex continuato eo inpenderet, levatam putem.
 Communiter inde edicunt, *Ne quis L. Quinctium consulem*
faceret. si quis fecisset, se id suffragium non observaturos.

XXII. Consules creati Q. Fabius Vibulanus tertium et U. C. 295.
 L. Cornelius Maluginensis. Census actus eo anno. lus- A. C. 457.
 trum propter Capitolium captum, consulem occisum, condi- Q. Fabio
 III. L. Cor-
 nelio Coss.

° omne Gron.
 r ex del. Gron.

p dictabat Ead.

9 ad plebem auctoritas est ? Gron. Crev.

⁹² Vos elevatis eam] Vos eam im-
 minuitis, pondus ei detrahitis.

Auctum me gloria spreti honoris, id
 est, consulatus.

⁹³ Gloriam spreti honoris auctam]

U. C. 295.
A. C. 457.

Bellum
cum
Volscis.

Vincuntur
Volsci.

Arx Tuscu-
lana ab
Æquis cap-
ta.

religiosum fuit. Q. Fabio, L. Cornelio consulibus, principio anni statim res turbulenta. Instigabant plebem tribuni, bellum ingens a Volscis et Æquis Latini atque Hernici nunciabant. jam Antii Volscorum legiones esse: et ipsam colomiam ingens metus erat defecturam. segreque inpetratum a tribunis, ut ⁹⁴ bellum præverti sinerent. Consules inde partiti provincias. Fabio, ut Antium legiones duceret, datum: Cornelio, ut Romæ præsidio esset; ne qua pars hostium, qui Æquis mos erat, ad populandum veniret. Hernici et Latini jussi milites dare ex foedere: duæque partes sociorum in exercitu, tertia civium fuit. Postquam ad diem præstitutum venerunt socii, consul extra portam Capenam castra locat. inde, lustrato exercitu, Antium profectus, haud procul oppido stativisque hostium consedit. Ubi quum Volsci, quia nondum ab Æquis venisset exercitus, dimicare non ausi, quemadmodum quieti vallo se tuta-
rentur, pararent; postero die Fabius, non permixtam unam sociorum civiumque, sed trium populorum tres separatim acies circa vallom hostium instruxit. Ipse erat medius cum legionibus Romanis. inde signum observare jussit, ut pariter et socii rem inciperent, referrentque pedem, si receptui cecinisset. equites item ⁹⁵ suæ cuique parti ⁹⁶ post principia conlocat. Ita trifariam adortus castra circumvenit: et, quum undique instaret, non sustinentes inpetum Volscos vallo deturbat. Transgressus inde munitiones, pavidam turbam inclinatamque in partem unam castris expellit. Inde effuse fugientes eques, cui superare vallum haud facile fuerat, quum ad id spectator pugnae adstitisset, libero campo adeptus, parte victoriae fruitur, territos cædendo. Magna et in castris et extra munimenta cædes fugientium fuit: sed præda major; quia vix arma secum efferre hostis potuit. deletusque exercitus foret, ni fugientes silvæ texissent.

XXIII. Dum ad Antiam hæc geruntur, interim Æqui, robore juventutis præmisso, arcem Tusculanam inprovviso nocte capiant: reliquo exercitu haud procul moenibus Tusculi considant, ut distenderent hostium copias. Hæc celeriter Romam, ab Roma in castra Antium perlata, movent Romanos haud secus, quam si Capitolium captam nunciaretur. adeo et recens erat Tusculanorum meritum, et simili-

⁹⁴ *Bellum præverti*] Belli priorem curam geri, quam leiga.

⁹⁵ *Suæ cuique parti*] Planius foret vel *suæ quoque parti*, vel *suos cuique parti*. Tamen et Livius itidem, si editis fidem habeamus, l. XXV. c. 17. *motibus. . . suæ cuique genti assuetis*; XXVI. 29; et Virg. Ecl. VII. v. 54. *suæ quæque sub arbore poma*. An dicemus

hæc quoque vitiosa esse: et apud Livium legi debere *motibus. . . suæ quibusque genti assuetis*; apud Virgilium, *suæ quæque sub arbore poma*?

⁹⁶ *Post principia*] Post primam aciem, quæ tota ex peditibus erat. Eandem locutionem notavimus supra II. 65.

tudo ipsa periculi reposcere datum auxillium videbatur. U. C. 295. Fabius, omissis omnibus, prædam ex castris raptim Antium A. C. 457. convehit. Ibi modico præsidio relicto, citatum agmen Tusculum rapit. nihil præter arma, et quod cocti ad manum fuit cibi, ferre militi licuit. Commeatum ab Roma consul Cornelius subvehit. aliquot menses Tusculi bellatum. parte exercitus consul castra Æquorum obpugnabat: partem Tusculanis dederat ad arcem recuperandam. Vi numquam eo subiri potuit. fames postremo inde detraxit hostem. ⁹⁷ Quo postquam ventum ad extremum est, inermes nudique omnes sub jugum ab Tusculanis missi. hos, ignominiosa fugam domum se recipientes, Romanus consul in Algido consecutus, ad unum omnes occidit. Victor ad Columnen (id loco nomen est) ⁹⁸ exercitu relicto castra locat. Et alter consul, postquam mœnibus jam Romanis^{*}, pulso hoste, periculum esse desierat, et ipse ab Roma profectus. Ita bifariam consules ingressi hostium fines, ⁹⁹ ingenti certamine hinc Volscos, hinc Æquos populantur. Eodem anno descisse Antiatas, apud plerosque auctores invenio. L. Cornelium consulem id bellum gessisse, oppidumque cepisse, certum adfirmare, quia nulla apud vetustiores scriptores ejus rei mentio est, non ausim.

Auxilio Romano-
rum re-
cepta.

XXIV. Hoc bello perfecto, tribunicium domi bellum Tribunicia Patres territat. Clamant, fraude fieri, quod foris teneatur^{conten-} exercitus: ¹ frustrationem eam legis tollendæ esse. se nihilomi-^{tiones.} nus rem susceptam peracturos. Obtinuit tamen P. Lucretius præfectus urbis, ut actiones tribunicia in adventum consulum differrentur. Erat et nova exorta causa motus. A. Cornelius et Q. Servilius ² quæstores M. Volscio, quod falsus haud dubie testis in Kæsonem exstitisset, diem dixerant. multis enim emanabat indiciis, neque fratrem Volscii, ex quo semel fuerit æger, umquam non modo visum in publico, sed ne adsurrexisse quidem ex morbo, multorumque tabe mensium mortuum; nec his temporibus, in quæ testis crimen conjecisset, Kæsonem Romæ visum: adfirmantibus, qui una meruerant, secum eum tum ³ frequentem ad signa

^{*} Romanis jam Gron. Crev.

⁹⁷ Quo postquam ventum ad extremum est] Postquam eo tandem ventum est, ut fames hostem ex arce Tusculana detraheret.

⁹⁸ Exercitu relicto] Legendum videtur reducto. Vox relicto procul dubio vitiosa est.

⁹⁹ Ingenti certamine] Acriter inter se certantes, uter plus damni hostibus inferret.

¹ Frustrationem eam legis tollendæ

esse] Hac specie, hoc colore fraudulentem uti patricos tollendæ legis causa.

² Quæstores] Vid. not. 40. ad c. 41. l. II.

³ Frequentem ad signa sine ullo commentu fuisse] Assiduum fuisse ad signa, apud exercitum; nec ullum sumpsisse ab imperatore commeatum, sive facultatem discedendi ab exercitu.

U. C. 295. sine ullo commeatu fuisse. ⁴ni ita esset, multi privatim
 A. C. 457. ferebant Volscio iudices¹. Quum ad iudicium ire non au-
 deret, omnes eæ res, in unum congruentes, haud magis
 dubiam damnationem Volscii, quam Kæsonis ⁵Volscio
 teste fuerat, faciebant. In mora tribuni erant, qui comitia
 quæstores habere de reo, nisi prius habita de lege essent,
 passuros negabant. ita extracta utraque res in consulum
 adventum est. Qui ubi triumphantes victore cum exercitu
 urbem inierunt, quia silentium de lege erat, perculsos mag-
 na pars credebant tribunos. At illi, (etenim extremum anni
 jam erat) quartum adfectantes tribunatum, in comitiorum
 disceptationem ab lege certamen averterant. et quum con-
 sules nihilo minus adversus continuationem tribunatus,
 quam si lex minuendæ suæ majestatis causa promulgata
 ferretur, tetendissent, victoria certaminis penes tribunos fuit.
 Eodem anno Æquis pax est petentibus data. Census, res
 Lustrum
 decimum. priore anno inchoata, perficitur: idque ⁶lustrum ab origine
 urbis decimum conditum. Fuerunt censa civium capita
 centum septemdecim millia trecenta novemdecim⁷. Con-
 sulum magna domi bellicue eo anno gloria fuit: quod et
 foris pacem peperere, et domi, etsi non concors, ⁷minus
 tamen, quam alias, infesta civitas fuit.

U. C. 296.
 A. C. 456.
 L. Minu-
 cio, C.
 Nautio II.
 Coss.

XXV. L. Minucius inde et C. Nautius consules facti duas
 residuas anni prioris causas exceperunt. Eodem modo
 consules legem, tribuni iudicium de Volscio inpediebant: sed
 in quæstoribus novis major vis, major auctoritas erat. Cum

¹ iudicem Gron. Crev. ² centum triginta duo millia quadringenta novem Eæd.

⁴ Ni ita esset] Præter quæstores, qui publice et vi magistratus sui Volscium accusabant, multi privatim et suo nomine eum in jus vocabant, et coram iudice secum disceptare jubebant, spondendo se certam quandam pecuniæ summam daturus, si reus probaret non ita se rem habere. In intentione litis actor et reus se mutuo sponsione provocabant; et utrique necesse erat spondere, se, nisi rem probaret ita esse quemadmodum contenderet, certam quandam pecuniæ summam, quæ finiebatur, soluturum. Vid. Asc. Ped. in l. I. in Verrem, n. 116. Talium sponsionum exempla habes apud Cic. III. de Off. n. 77. Val. Max. l. II. c. 8. Porro quum actor *ferre iudicem* reo dicitur, intelligendum est ab eo nominatim offerri ac proponi aliquem e iudicibus, apud quem de jure utriusque disceptaretur: qui si probaretur reo, tum iudex convenisse dicebatur. Quum autem in singulas lites iudicem, vel iudices dari

oporteret ab eo magistratu, cujus erat jurisdictio, nempe primis temporibus a consule, postea a prætore; actor et reus communiter ab eo postulabant, ut hic qui convenerat sibi iudex daretur. Nonnunquam actor reo dabat, ut ipse *iudicem diceret*, i. e. eum e iudicibus, quem ipsi videretur, eligeret et a magistratu postularet. Sic infra, c. 56. Virginius Appium compellat his verbis: *Unius tantum criminis ni iudicem dices*. Ceterum Andreas et vetustiores editi habent hoc loco *iudices*: optimæ membranæ, teste Gronovio, *iudicis*. Itaque ille credit Livium scripsisse *iudices*, quia nempe multi, et alius alium ferebant Volscio iudicem.

⁵ Volscio teste] Ob testimonium Volscii.

⁶ Lustrum decimum] Vid. not. 8. ad c. 3. hujus libri.

⁷ Minus ... infesta] Minus vexata discordiis.

M. Valerio, ⁸ Valerii filio, Volesi nepote, quæstor erat T. U. C. 296. Quinctius Capitolinus, qui ter consul fuerat. Is, ⁹ quoniam A. C. 456. neque Quinctiæ familiæ Kæso, neque reipublicæ maximus juvenum restitui posset, falsum testem, qui dicendæ causæ innoxio potestatem ademisset, justo ac pio bello persequeretur. Quum Virginius maxime et tribuni de lege agerent, duum mensium spatium consulibus datum est ad inspiciendam legem: ut, quum edocuissent populum, ¹⁰ quid fraudis occultæ ferretur, sinerent deinde suffragium inire. hoc intervalli datum res tranquillas in urbe fecit. Nec diuturnam ^{Bellum} quietem Æqui dederunt: qui, rupto fœdere, quod ictum ^{cum Æquis.} erat priore anno cum Romanis, imperium ad Gracchum Clœlium deferunt. is tum longe princeps in Æquis erat. Graccho duce ¹¹ in Lavicanum agrum, inde in Tusculanum, hostili populatione veniunt, plenique prædæ ^{*} in Algido castra locant. In ea castra Q. Fabius, P. Volumnius, A. Postumius, legati ab Roma, venerunt questum injurias, et ex fœdere res repetitum. eos Æquorum imperator, *quæ mandata habeant ab senatu Romano, ad quercum jubet dicere: se* ^{Legati Rom. spreti.} *alia interim acturum.* quercus ingens arbor prætorio imminabat, cujus umbra opaca sedes erat. Tum ex legatis unus abiens, *et hæc, inquit, sacrata quercus, et quidquid Deorum est, audiant fœdus a vobis ruptum: nostrisque et nunc querelis adsint, et mox armis; quam Deorum hominumque simul violata jura exsequemur.* Romam ut rediere legati, senatus jussit, alterum consulem contra Gracchum in Algidum exercitum ducere: alteri populationem finium Æquorum provinciam dedit. Tribuni suo more impedire delectum. et forsitan ad ultimum impedissent; sed novus subito additus terror est.

XXVI. Vis Sabinorum ingens prope ad mœnia urbis infesta populatione venit. fœdati agri, terror injectus urbi est. Tum plebs benigne arma cepit. reclamantibus frustra tribunis, magni duo exercitus scripti. alterum Nautius contra Sabinos duxit: castrisque ad Eretum positis, per expeditiones parvas, plerumque nocturnis incursionibus, tantam vastitatem in Sabino agro reddidit, ut, comparati ad eam, pro-

Sabini bellum inferunt.

^{*} præda Gron. Crev.

⁸ Valerii filio] Is procul dubio idem est, qui biennio post consul, vocatur in Fastis Capitolinis M. Valerius, M'. filius, Volusi nepos. Lege igitur hoc loco cum Sigonio, M'. sive Manii filio. Neque enim, ut idem recte annotat, quum quis nominabatur, a patris nomine gentilitio, sed a prænومine designabatur. Manius ille Valerius fuit dictator anno u. c. 260.

⁹ Quoniam neque] Hæc verba indi-

care videntur Cæsonem jam tum in exilio periisse. Cicero tamen pro Domo, n. 86. eum restitutum fuisse in pristinam dignitatem tradit.

¹⁰ Quid fraudis occultæ ferretur] Vid. not. 80. ad c. 18. supra.

¹¹ In Lavicanum] Sic scribendum, non quomodo Sigon. et MSS. Lanuvium. Vid. Cluver. Ital. Ant. p. 777. HEARNIUS. Campanus edidit Lavinium.

U. C. 296.
A. C. 456.
Minucius
male rem
gerit adver-
sus Æquos.

L. Quinc-
tius dicta-
tor.

Ex opere
rustico su-
mitur.

pe intacti bello fines Romani viderentur. Minucio neque fortuna nec vis animi eadem in gerendo negotio fuit. nam, quum haud procul ab hoste castra posuisset, nulla magnopere clade accepta, castris se pavidus tenebat. Quod ubi senserant¹ hostes, crevit ex metu alieno, ut fit, audacia: et, nocte adorti castra, postquam parum vis aperta profecerat, munitiones postero die circumdant, quæ priusquam, undique vallo objecto, clauderent exitus, quinque equites, inter stationes hostium emissi, Romam pertulere, consulem exercitumque obsideri. Nihil nec tam inopinatum, nec tam insperatum accidere potuit. Itaque tantus pavor, tanta trepidatio fuit, quanta, si urbem, non castra, hostes obsiderent. Nautium consulem arcessunt. in quo quum parum præsidii videretur, dictatoremque dici placeret, qui rem perculsam restitueret, L. Quinctius Cincinnatus consensu omnium dicitur. ¹² Operæ pretium est audire, qui omnia præ divitiis humana spernunt, neque honori magno locum, neque virtuti putant esse, nisi ubi effuse adfluant opes. Spes unica imperii populi Romani L. Quinctius trans Tiberim, contra eum ipsum locum, ubi nunc navaliam sunt, quatuor jugerum colebat agrum, quæ prata Quinctia vocantur. Ibi ab legatis, seu fossam fodiens ¹³ palæ innisus, seu quum araret; operi certe, id quod constat, agresti intentus; salute data in vicem redditaque, rogatus, *ut, quod bene verteret ipsi rei que publicæ, togatus mandata senatus audiret*, admiratus, rogitansque, *satin' salva essent omnia?* togam proferre e tugurio proferre uxorem Raciliam jubet. Qua simul, absteraso pulvere ac sudore, velatus processit, dictatorem eum legati gratulantes consalutant: in urbem vocant: qui terror sit in exercitu, exponunt. Navis Quinctio publice parata fuit, transvectumque tres obviam egressi filii excipiunt; inde alii propinqui atque amici; tum Patrum major pars. Ea frequentia stipatus, antecedentibus lictoribus, deductus est domum: et plebis concursus ingens fuit. sed ea nequaquam tam læta Quinctium vidit; et imperii nimium, et virum ¹⁴ in ipso imperio vehementiorem rata. Et illa quidem nocte nihil præterquam vigilatum est in urbe.

XXVII. Postero die dictator, quum ante lucem in forum venisset, magistrum equitum dicit L. Tarquitium patriciæ

¹ *Y senserunt* Gron. Crev.

² *tam* posterius del. Eæd.

¹² *Operæ pretium est*] Digna res est, quam audiant et attendant ii, qui omnia

¹³ *Palæ*] Olim *palo*. Emendavit Gronovius ex verissima conjectura.

¹⁴ *In ipso imperio*] Non male videtur Dujatius recidere particulam *in*. Plebes rebatur Quinctium esse et

nimum imperii, id est, nimium imperioso magistratu, dictatura nempe, metuendum; et *virum imperio ipso vehementiorem*, id est, eum cujus vehementius et imperiosius esset, quam ipsius dictaturæ, ingenium. Supra II. 30. dictaturam Livius vocavit *imperium suo ingenio vehementius*.

gentis, sed qui, ¹⁵ quum stipendia pedibus propter pauper- U. C. 396.
tatem fecisset, bello tamen primus longe Romanæ juventu- A. C. 456.
tis habitus esset. Cum magistro equitum in concionem ve-
nit, justitium edicit, claudi tabernas tota urbe jubet, vetat
quemquam privatæ quidquam rei agere. Tum, quicumque
ætate militari essent, armati, cum cibariis in dies quinque
coctis ¹⁶ vallisque duodenis, ante solis occasum Martio in cam-
po adessent: quibus ætas ad militandum gravior esset, vicino
militi, dum is arma pararet, vallumque peteret, cibaria coque-
re jussit. Sic juvenus discurrit ad vallum petendum. sum-
mere, unde cuique proximum fuit: prohibitus nemo est: in-
pigreque omnes ad edictum dictatoris præsto fuere. Inde
composito agmine, ¹⁷ non itineri magis apti^a quam proelio, si
res ita tulisset, legiones ipse dictator, magister equitum suos
equites ducit. In utroque agmine, quas tempus ipsum posce-
bat adhortationes erant: *adderent gradum, maturato opus esse;*
ut nocte ad hostem ¹⁸ *pervenire possent. consulem exercitumque Ro-*
manum obsideri. tertium diem jam clausos esse: quid quæque
nox aut dies ferat, incertum esse: puncto sæpe temporis maxi-
mam rerum momenta verti. Adcelera signifer, sequere miles,
inter se quoque, gratificantes ducibus, clamabant. media
nocte in Algidum perveniunt: et, ut sensere, se jam prope
hostes esse, signa constituunt.

XXVIII. Ibi dictator, quantum nocte prospici poterat,
equo circumvectus, contemplatusque qui tractus castrorum,
quæque forma esset, tribunis militum imperavit, ut sarcinas
in unum conjici jubeant, militem cum armis valloque redire
in ordines suos. facta, quæ imperavit. Tum, ¹⁹ quo fuerant^b
ordine in via, exercitum omnem longo agmine circumdat
hostium castris, et, ubi signum datum sit, clamorem omnes
tollere jubet. clamore sublato, ante se quemque ducere fos-
sam, et jacere vallum. Editio imperio, signum secutum est. ^{Circumval-}
lat Equos.
jussa miles exsequitur, clamor hostes circumsonat. Superat
inde castra hostium, et in castra consulis venit: alibi pavo-

^a apto Gron. Crev.

^b fuerat Gron.

¹⁵ Quum stipendia pedibus . . . fe-
ciat]. Quum in peditum numero mi-
litasset.

¹⁶ Vallisque duodenis] Valli sunt
rami arborum cæsi, ex quibus solo in-
fixis et inter se implicitis fit vallum.
Leves eos, et bifurcos plerosque, vel
trium, aut, quem plurimum, quatuor
ramorum cadebant Romani, teste ip-
so Livio, XXXIII. 5.

¹⁷ Non itineri magis apto] Andre-
as, Campanus, plures MSS. tum Gron-
ovii, tum Hearnii, et quinque e nos-
tris habent apti: quod melius videtur.

Itaque in fine periodi legendum erit
ducunt.

¹⁸ Pervenire possent] Optimi pos-
set. Scribendum perveniri posset,
quod ex suo vet. libro notavit Mure-
tus. Hæc fere Gronovius. Antiquis-
simus e nostris consentit cum libro
Mureti, nisi quod ultimum i vocis
perveniri est a secunda manu.

¹⁹ Quo fuerant ordine] Vulgo fue-
rat. Sed quod edidimus, tenent scrip-
ti quos excussit Gronovius optimi,
nostri omnes, Campanus, Andreas, et
unus e MSS. Hearnii.

U. C. 298. rem, alibi gaudium ingens facit. Romani, *civilem esse cla-*
 A. C. 456. *morem, atque auxilium adesse*, inter se gratulantes, ultro ex stationibus ac vigiliis territant hostem. Consul differendum negat: *Illo clamore non adventum modo significari, sed rem ab suis cœptam: mirumque esse, ni jam exteriori parte castra hostium obpugnentur. Itaque arma suos capere, et se subsequi jubet.* ²⁰ Nocte initum prælium est a legionibus: dictatori clamore significant, ab ea quoque parte rem in discrimine esse. Jam se ²¹ ad prohibenda circumdari opera Æqui parabant, quum, ab interiore hoste prælio cœpto, ne per media sua castra fieret eruptio, a munientibus ad pugnantes introrsum versi, vacuum noctem operi dedere. pugnatumque cum consule ad lucem est. Luce prima jam circumvallati ab dictatore erant, et vix adversus unum exercitum pugnam sustinebant. tum a Quinctiano exercitu, qui confestim a perfecto opere ad arma rediit, invaditur vallum. hic instabat nova pugna: illa^d nihil remiserat prior. Tum, ancipiti malo urgente, a prælio ad preces versi, hinc dictatorem, hinc consulem orare, ne in occidione victoriam ponerent, ut inermes se inde abire sinerent. Ab consule ad dictatorem ire jussis ignominiam infensus addidit. Gracchum Clœlium ducem principesque alios vinctos ad se adduci jubet, oppido Corbione decedi; *Sanguinis se Æquorum non egere: licere abire: sed, ut exprimatur tandem confessio, subactam domitamque esse gentem, sub jugum abituros.* Tribus hastis jugum fit, humi fixis duabus, superque eas transversa una deligata. ²² sub hoc jugo dictator Æquos misit.

Sub jugum
mittit.

XXIX. Castris hostium receptis, plenis omnium rerum, (nudos enim emiserat) prædam omnem suo tantum militi dedit: consularem exercitum ipsumque consulem increpans, *Carebis, inquit, prædæ parte, miles, ex eo hoste, cui prope prædæ fuisti. et tu, L. Minuci, donec consularem animum incipias habere, legatus his legionibus præeris.* Ita se Minucius abdicat consulatu, jussusque ad exercitum manet. Sed adeo tum imperio meliori animus mansuete obediens erat, ut beneficii magis, quam ignominiae, hic exercitus memor, et coronam auream dictatori libram pondo decreverit, et proficiscentem eum patronum salutaverit. Romæ a Q. Fabio

^c est: legionibus dictatoris etc. Crev.

^d illa del. Gron. Crev.

²⁰ Nocte initum prælium est] A legionibus consulis. Legionibus dictatoris clamore significant consulis legiones, ab ea, id est, a sua quoque parte rem in discrimine esse, sive pugnari. Quam damus lectionem, eam plane exhibet codex Sorbonicus, et item duo e regiis antiquissimi, nisi quod habent hi clamores, sed ita ut littera s in vetustissimo sit a secunda

manu. Gronovius edidit Nocte initum prælium est a legionibus: dictatori clamore significant.

²¹ Ad prohibenda circumdari opera] Ad prohibendum ne opera sibi circumdarentur; ne circum sua castra duceretur a Romanis fossa, vallumque jaceretur.

²² Sub hoc jugo... misit] Rectius fortasse emisit. Infra: nudos enim emiserat.

præfecto urbis senatus habitus triumphantem Quinctium, U. C. 296. quo veniebat agmine, urbem ingredi jussit. ducti ante cur- A. C. 456.
rum hostium duces: militaria signa prælata: secutus exercitus præda onustus. Epulæ instructæ dicuntur fuisse ante omnium domos: epulantesque ²³ cum carmine triumphali et ²⁴ sollemnibus jocis, comissantium modo, currum secuti sunt. Eo die L. Mamilio Tusculano, adprobantibus cunctis, civitas data est. Confestim se dictator magistratu abdicasset, ni comitia M. Volscii falsi testis tenuissent: ea ne Volscius
impedirent tribuni, dictatoris obstitit metus. Volscius falsus testis
damnatus Lanuvium in exsilium abiit. Quinctius sexto damnatus.
decimo die dictatura, in sex menses accepta, se abdicavit. Per eos dies consul Nautius ad Eretum cum Sabinis egregie pugnabat. ad vastatos agros ea quoque clades accessit Sabinis. Minucio Fabius Quintus successor in Algidum missus. Extremo anno agitatum de lege ab tribunis est. sed, quia duo exercitus aberant, ne quid ferretur ad populum, Patres tenuere. plebes vicit, ut quintum eosdem tribunos crearent. Lupos visos in Capitolio ferunt a canibus fugatos; ob id prodigium lustratum Capitolium esse. Hæc eo anno gesta.

XXX. Sequuntur consules Q. Minucius, C. Horatius U. C. 297. Pulvillus. Cujus initio anni quum foris otium esset, domi A. C. 455.
seditiones iidem tribuni, eadem lex faciebat. ulteriusque Q. Minucio,
ventum foret, (adeo exarserant animis^e) ni, velut dedita ope- C. Horatio
ra, nocturno inpetu Æquorum Corbione amissum præsidium nunciatum esset. Senatui consules vocant, jubentur
subitarium scribere exercitum, atque in Algidum ducere. Inde, posito legis certamine, nova de delectu contentio orta^f. ²⁵ Vincebaturque consulare imperium tribunicio auxilio, Bella cum
quum alius additur terror: Sabinum exercitum prædatum Æquis et
descendisse in agros Romanos, inde ad urbem venire. Is Sabinis.
metus perpulit^g, ut scribi militem tribuni sinerent; non sine
pactione tamen, ut, quoniam ipsi quinquennium elusi essent,
parvumque id plebi præsidium foret, decem deinde tribuni
plebis crearentur. Expressit hoc necessitas Patribus. id
modo excepere, ne postea eosdem tribunos juberent. Tri-

^e animi Gron. Crev.^f exorta Eæd.^g percussit Eæd.

²³ Cum carmine triumphali] Militibus triumphum nomine cientibus, ut loquitur noster l. XLV. c. 38. sive sæpius accinentibus *Io triumphæ!* Vid. Hor. Od. IV. 2. et Epod. 9. Ovid. Trist. IV. 2. Tibull. II. 5.

²⁴ Sollemnibus jocis] Jocis in triumpho usitatis, quos militaris tumultum gestiens et gaudio lasciviens, furebat sive in devictos hostes, sive in duces suos, et ipsum nonnunquam

imperatorem. Vide infra IV. 53. et Sueton. Cæs. 49. et 51.

²⁵ * Vincebatur . . . consulare imperium tribunicio auxilio] Vincebantur consules a tribunis. Observa hoc loco proprietatem verborum. Consulum imperium erat. Tribuni nec imperium, nec potestatem habebant, sed auxilii lationem adversus consules. Vid. supra II. 33. et nott. 23. et 24. ad II. 56.

U. C. 297. A. C. 455. **bunicia comitia** (ne id quoque post bellum, ut cetera, vanum esset) extemplo habita. ²⁶ Tricesimo sexto anno a primis tribunis plebis, decem creati sunt, ²⁷ bini ex singulis classibus. ²⁸ itaque cautum est, ut postea crearentur. Delectu deinde habito, Minucius, contra Sabinos profectus, non invenit hostem. Horatius, quum jam Æqui, Corbione interfecto præsidio, Ortonam etiam cepissent, in Algido pugnat: multos mortales occidit: fugat hostem non ex Algido modo, sed a Corbione Ortonaque. Corbionem etiam diruit propter proditum præsidium.

U. C. 298. A. C. 454. M. Valerio, Sp. Virgino Coss. XXXI. Deinde M. Valerius, Sp. Virginius consules facti. ²⁹ Domi forisque otium fuit. annona propter aquarum intemperiem laboratum est. ³⁰ De Aventino publicando lata lex est. Tribuni plebis iidem refectioni^a sequente anno, T. Romilio, C. Veturio consulibus, ³¹ legem omnibus concionibus suis celebrabant. *Pudere se numeri sui nequidquam aucti,*

U. C. 299. A. C. 453. T. Romilio, C. Veturio Coss.

^a refectioni. Hi sequente—celebrant. Gron. Crev.

²⁶ Tricesimo sexto anno] Exeunte, si numeretur duplex illud par consulum, omisum a Livio, de quo monuimus ad c. 39. l. II. Si eorum ratio non haberetur, hic annus esset tricesimus quintus incipiens, ut cuivis patebit numeranti a consulibus Sp. Cassio et Postumo Cominio, quorum in magistratu primi tribuni creati sunt.

²⁷ Bini ex singulis classibus] In quinque classes distributus erat populus universus a Ser. Tullio. Vid. I. 43. supra.

²⁸ Itaque] Et ita: scilicet decem tribuni, bini ex singulis classibus.

²⁹ Domi . . . otium fuit] Imo non mediocres contentiones, auctore Dion. ob legem quam de Aventino publicando Icilius ferebat.

³⁰ De Aventino publicando] Vidi-mus l. I. c. 33. Aventinum montem novis civibus e Politorio, Tellenis, Ficanaque datum, ut in eo scilicet habitarent. Sed nimirum illi aut eum non totum occupaverunt, aut in alia deinde loca commigraverunt: siquidem eum hoc tempore publicum populi Romani fuisse, atque etiam magna ex parte arboribus obsitum memorat Dion. l. X. De eo igitur Icilius tribunus plebis legem ferebat, ut, quæ privati jure parta possiderent, ea penes dominos manerent: quæ per vim aut fraudem occupassent, ea, restitutis ex arbitrorum sententia impensis, populo addicerentur, et cum ceteris, quæ publica mansissent, sine pretio plebi ad ædificandum dividerentur. Quum consules

senatum tribunis non præberent, ut pro more Patres auctores fierent, antequam plebs in suffragium mitteretur; Icilius novo exemplo, quum antea tribuni semper de senatu cogendo potestatem integram consulibus reliquissent, consules ad subœllia tribunorum venire et senatum sibi præbere jussit. Inde iræ et jurgia. Tandem tribunus vicit: lex comitiis centuriatis perlata est: totusque is annus in ædificando Aventino absumptus. Dion. l. X.

³¹ Legem omnibus concionibus suis celebrant] Legis assiduam mentionem faciunt in omnibus suis ad populum orationibus. † Mirum profecto videri debet a Livio hic omittas esse cruentas prope tribunorum cum consulibus contentiones, et asperissimam Sicil Dentati adversus eosdem consules actionem pro lege agraria, quam tribuni revocabant. Vide apud Dion. l. X. luculentam ejus orationem, in qua se ipse commendans narrat se quadragesimum jam annum militantem, centum viginti pugnis interfuisse: vulnera quinque et quadraginta, adversa omnia, excepisse: virtutis ergo donatum fuisse quatuordecim coronis civicis, tribus muralibus, octo præliaribus, torquibus aureis tribus supra octoginta, armillis aureis sexaginta, hastis decem et octo, phaleris quinque et viginti. Cetera pete ex Dion. Siccium laudant quoque Val. Max. III. 2. et Plin. VII. 28.

si ea res æque suo biennio jaceret, ac toto superiore lustro jacu- U. C. 299.
isset. Quum maxime hæc agerent, trepidi nuncii ab Tus- A. C. 453.
culo veniunt, Æquos in agro Tusculano esse. Fecit pudor-
rem recens ejus populi meritum morandi auxilii: ³² ambo
consules, cum exercitu missi, hostem in sua sede in Algido
inveniunt. Ibi pugnatum. supra septem millia hostium Victi Æqui.
cæsa: alii fugati: præda parta ingens. Eam propter ino-
piam ærarii consules vendiderunt. Invidiæ tamen res ad
exercitum fuit. ³³ ea denique¹ tribunis materiam criminandi
ad plebem consules præbuit. Itaque ergo, ut magistratu
abiere, Sp. Tarpeio, A. Aterio consulibus, dies dicta est U. C. 300.
Romilio ab ³⁴ C. Claudio Cicerone, tribuno plebis; Veturio A. C. 452.
ab L. Alieno, ædile plebis. Uterque magna Patrum indig- Sp. Tarpeio,
natione damnatus, Romilius ³⁵ decem millibus æris, Veturius A. Aterio
quindecim². Nec hæc priorum calamitas consulum segni- Cosa.
ores novos fecerat consules. *et se damnari posse aiebant: et*
plebem, et tribunos legem ferre non posse. Tum, abjecta lege,
quæ promulgata consenuerat, tribuni lenius agere cum Pa-
tribus. *Finem tandem certaminum facerent. si plebeia leges*
displicerent, at illi communiter legum latores, et ex plebe, et ex
Patribus, qui utrisque utilia ferrent, quæque æquandæ liberta-
tis essent, sinerent creari. Rem non adspernabantur Patres:
daturum leges neminem, nisi ex Patribus, aiebant. Quum de
legibus conveniret, de latore tantum discreparet; missi le- Legati
gati Athenas Sp. Postumius Albus, A. Manlius, ³⁶ P.¹ Sul- Athenas
picius Camerinus; jussique inclitas leges Solonis descri- missi, le-
bere, et aliarum Græciæ civitatum instituta, mores, juraque gum causa.
noscere.

XXXII. Ab externis bellis quietus annus fuit; quietior U. C. 301.
insequens, P. Curiatio³ et Sex. Quinctilio consulibus, per- A. C. 451.
petuo silentio tribunorum: quod primo legatorum, qui Athe- P. Curiatio,
nas ierant, legumque peregrinarum expectatio præbuit; tilio Cosa.
tilio Cosa.

¹ ea denique l. eademque Crev. ² quindecim millibus Gron. Crev. ³ Ser. Crev.
³ Curiatio Gron.

³² *Ambo consules*] Quum tribuni
delectum impedirent, senatus jussit
patricios cum clientibus bellum per
se ipsos adversus Æquos gerendum
suscipere: hisque civibus, qui consu-
libus paruissent, propitios; qui eos
deseruissent, iratos invocavit deos.
Tum Siccus, de quo supra, sponte
nomen dedit, atque etiam octingen-
tos secum traxit voluntarios, quorum
stipendia emerita erant: cum quibus
ab infenso consule in apertam perni-
ciem missus, malevolentiam ducis
virtute effugit, præcipuumque victo-
riæ decus tulit. Vid. Dion. l. X.

³³ *Eademque*] Sic legi sensus pos-
tulat; et in hujus lectionis confirma-

tionem Modius et Gronovius singulos
libros, nos omnes nostros allegamus.
Vulgo ea denique.

³⁴ *C. Claudio Cicerone*] Ab Siccio
Dentato, quem favor plebis ad tribu-
natum evexerat, accusatum esse Ro-
milium Dionys. et Plin. auctores sunt.

³⁵ *X. millibus æris*] Id est, argenti
marcis Paris. 15. cum uncis 5. *XV.*
millibus, marcis 23. uncis tribus cum
dimidia.

³⁶ *Ser. Sulpicius*] Libri edunt *P.*
Sulpicius. Sed quum hos legatos vi-
ros consulares fuisse Dionysius affir-
met, hic idem est Sulpicius, qui con-
sul fuisse memoratur supra c. 10. Ibi
autem prænomen habet *Ser.*

U. C. 301. deīn^a duo simul mala ingentia exorta, fames pestilentiaque,
 A. C. 451. foeda homini, foeda pecori. Vastati agri sunt: urbs assiduis exhausta funeribus; multæ et claræ lugubres domus. Flamen Quirinalis Ser. Cornelius mortuus; augur C. Horatius Pulvillus: in cuius locum C. Veturium eo cupidius, quia damnatus a plebe erat, augures legere. Mortuus consul Quinctilius, quatuor tribuni plebis. Multiplici clade foedatus annus. ab hoste otium fuit. inde consules C. Menenius, P. Sestius Capitolinus. Neque eo anno quidquam belli externi fuit. domi motus orti. Jam redierant legati cum Atticis legibus. eo intentius instabant tribuni, ut tandem scribendarum legum initium fieret. Placet creari decemviros sine provocatione, et ne quis eo anno alius magistratus esset. Admischerentur plebei, controversia aliquamdiu fuit. postremo concessum Patribus, modo ne³⁷ lex Icilia de Aventino,³⁸ aliæque sacratæ leges abrogarentur.

Decemviri
 creati

XXXIII. ³⁹ Anno trecentesimo altero, quam condita Roma erat, iterum mutatur forma civitatis, ab consulibus ad decemviros, ⁴⁰ quemadmodum ab regibus ante ad consules venerat, translato imperio. Minus insignis, quia non diuturna, mutatio fuit. læta enim principia magistratus ejus⁴¹ nimis luxuriavere. eo citius lapsa res est, repetitumque, duobus uti mandaretur consulum nomen imperiumque.

^a deinde Gron. Crev.

³⁷ *Lex Icilia de Aventino*] De qua supra ad c. 31.

³⁸ *Aliæque sacratæ leges*] Excipienda est lex sacrata de tribunis, quæ locum non habuit sub Decemviris, quibus administrantibus rempublicam nulli tribuni fuere. De sacratis legibus vid. not. 81. ad c. 33. l. II.

³⁹ *Anno trecentesimo altero*] Henr. Dodwellus Diss. X. de cyclis Romanorum, sect. 86. hic *altero* exponit *secundo*, putatque Decemviros anno trecentesimo secundo exeunte designatos esse, magistratum gessisse anno trecentesimo tertio. Sed non videtur pati Latinitas, ut *trecentesimus alter* intelligatur *trecentesimus secundus*. *Alter* quidem idem est interdum ac *secundus*, sed ita ut numerus qui designatur per vocem *alter*, proxime semper sequatur eum numerum cui conjungitur. Sic *alter* ab illo, *unus et alter*. Sic infra IX. 34. *En illius Appii progenies, qui Decemvir in annum creatus, altero anno se ipse creavit; tertio, nec ab se, nec ab ullo creatus &c.* Igitur annus *trecentesimus alter*, sive *alter a trecentesimo*, est profecto *trecentesimus primus*. Et frustra nobis objiceretur rationes annorum

exactorum, et eorum qui sequuntur, aliud postulare. Præterquam quod enim in ea re aliqua est difficultas, ut videre quis poterit in notis ad II. 16. et 39. et ad IV. 7. nunquam nobis persuadebimus ita diligentem et religiosum in numerandis annis fuisse Livium, ut omnia sibi plane et ad amussim convenient. Nihil tamen mutavimus in annis qui ad marginem apponuntur ex sententia Dodwelli, ne totam chronologiæ ejus rationem, quæ alioquin sat belle se habet, perturbaremus.

⁴⁰ *Quemadmodum ab regibus ante ad consules venerat*] Ultimum verbum redundat, et centonis ab imperito aliquo emendatore assuti speciem refert. Quid enim desideres in hac oratione? *Ab consulibus ad Decemviros, quemadmodum ad regibus ante ad consules, translato imperio.* Facile est in penultimo membro supplere *translatum fuerat*.

⁴¹ *Nimis luxuriavere*] Vertere se in illam, quæ prospera comitari solet, lasciviam, insolentiam, fastum. Hæc enim censura cadit in Decemviros, qui a bonis et faustis initiis cito degeneravere.

Decemviri creati Ap. Claudius, T. Genucius, P. Sestius, L. U. C. 302.
 Veturius, C. Julius, A. Manlius, Ser. Sulpicius, P. Curia- A. C. 450.
 tius, T. Romilius, Sp. Postumius. Claudio et Genucio,
 quia designati consules in eum annum fuerant, pro honore
 honos^o redditus: et Sestio alteri consulum prioris anni,
 quod eam rem collega invito ad Patres retulerat. His U. C. 303.
 proximi habiti legati tres^p, qui Athenas ierant. simul ut A. C. 449.
 pro legatione tam longinqua præmio esset honos: simul
 peritos legum peregrinarum ad condenda nova jura usui
 fore credebant. Supplere ceteri numerum. Graves quo-
 que ætate electos novissimis suffragiis ferunt, quo minus
 ferociter aliorum scitis adversarentur. Regimen totius ma-
 gistratus penes Appium erat favore plebis. adeoque novum
 sibi ingenium induerat, ut plebicola repente omnisque auræ
 popularis captator evaderet, pro truci sævoque insectatore
 plebis. Decimo die jus populo singuli reddebant. eo die
⁴² penes præfectum juris fasces duodecim erant: ⁴³ collegis
 novem singuli accensi adparebant. ⁴⁴ et in unica concordia
 inter ipsos (qui consensus privatis interdum inutilis esset)
 summa adversus alios æquitas erat. Moderationis eorum
 argumentum exemplo unius rei notasse, satis erit. Quum
 sine provocatione creati essent, defosso cadavere domi
 apud P. Sestium, patriciæ gentis virum, invento, prolato-
 que in concionem, in re juxta manifesta atque atroci, C.
 Julius decemvir diem Sestio dixit, et accusator ad populum
 exstitit, cujus rei judex legitimus erat: ⁴⁵ decessitque jure
 suo, ut demtum de vi magistratus populi libertati adjiceret.

Decemviro-
rum an-
nus I.

Initio mo-
derati de-
cemviri.

XXXIV. ⁴⁶ Quum promptum hoc jus velut ex oraculo
 incorruptum pariter ab his summi infimique ferrent, tum
 legibus condendis opera dabatur: ingentique hominum ex-
 spectatione propositis decem tabulis, populum ad concio-
 nem advocaverunt: et, *quod bonum, faustum, felixque rei-*
publicæ, ipsis, liberisque eorum esset, ire, et legere leges propo-
sitas jussere. Se, quantum decem hominum ingeniis provideri

Decem ta-
bularum le-
gem fe-
runt.

^o honor Gron. Crev.

P legati tres habiti Ead.

⁴² Penes præfectum juris] Penes
 eum Decemvirum qui juri dicendo
 præfectus erat.

⁴³ Collegis novem singuli accensi
 apparebant] Unusquisque ceterorum
 Decemvirorum unum accensum ha-
 bebant, qui ad sua jussa præsto esset.
 Accensum Gallice possumus interpre-
 tari haissier.

⁴⁴ Et in unica] Et quum Decem-
 viri mira inter se concordia agerent,
 quæ magistratuum concordia inter-
 dum privatis exitiosa esse posset,
 summam adversus alios æquitatem
 retinebant.

⁴⁵ Decessitque jure suo] Omnes
 libri nostri addunt præpositionem ex
 jure. Fortasse de jure: ut Cic. pro
 Sex. Roscio, n. 73. de meo jure dece-
 dam.

⁴⁶ Quum promptum] Quum sum-
 mi pariter infimique ab his accipie-
 bant hoc jus promptum, i. e. para-
 tum quodammodo, quod omnibus si-
 ne mora pateret, idemque incorrup-
 tum, velut ex oraculo prolatum, sive
 depromptum: tum præterea legibus
 condendis operam dabant Decemviri.
 De particulis quum, tum vid. not. 48.
 ad c. 21. l. I.

U. C. 303. *potuerit, omnibus summis infimisque jura æquasse. plus pollere*
 A. C. 449. *multorum ingenia consiliaque. Versarent in animis secum*
unamquamque rem, agitarent deinde sermonibus: atque in me-
dium, quid in quaque re plus minusve esset, conferrent. Eas
*leges habiturum populum Romanum,*⁴⁷ *quas consensus omnium*
non jussisse latas magis, quam tulisse, videri posset. Quum
ad rumores hominum de unoquoque legum capite edito sa-
tis correctæ viderentur, centuriatis comitiis decem tabula-
rum leges perlatæ sunt: qui nunc quoque, in hoc inmenso
aliarum super alias acervatarum legum cumulo, fons omnis
publici privatique est juris. Vulgatur deinde rumor, duas
deesse tabulas; quibus adjectis, absolvi posse velut corpus
omnis Romani juris. Ea expectatio, quum dies comitio-
rum adpropinquaret, desiderium decemviros iterum crean-
di fecit. Jam plebs, præterquam quod consulum nomen,
haud secus quam regum, perosa erat, ne tribunicium qui-
*dem auxilium,*⁴⁸ *cedentibus in vicem adpellatione decemvi-*
ris, quærebat.

Iterum cre-
antur de-
cemviri.

XXXV. Postquam vero comitia decemviris creandis in
⁴⁹ trinum nundinum indicta sunt; ⁵⁰ tanta exarsit ambitio,
 ut primores quoque civitatis (metu credo, ne tanti possessio
 imperii, vacuo ab se relicto loco, haud satis dignis pateret)
 prensarent homines; honorem, summa ope a⁹ se inpugna-
 tum, ab ea plebe, cum qua contenderant, suppliciter peten-
 tes. ⁵¹ Demissa jam in discrimen dignitas, ea ætate, iisque
 Ap. Claudii honoribus actis, stimulabat Ap. Claudium. nescires, utrum
 ambitio.

⁹ ab Gron. Crev.

^r cisque Eæd.

⁴⁷ * *Quas consensus omnium, non*
jussisse latas magis, quam tulisse] Fer-
 re leges, magistratum erat; jubere,
 populi. Hic Decemviri volunt leges
 novas, non juberi solum a populo
 universo, sed quodammodo ferri.
 Non enim illis satis est consulere po-
 pulum, utrum accipiat nunc leges,
 quales ipsi eas edidere; sed et earum
 sensum ac verba dirigi ac finiri vo-
 lunt ex consensu omnium.

⁴⁸ *Cedentibus invicem]* Cedentibus
 sibi mutuo Decemviris in appella-
 tione, i. e. si quis sese ab aliquo ex iis
 læsum ratus, collegam ejus appella-
 ret.

⁴⁹ *Trinum nundinum]* Trinum
 nundinum, sive trinundinum, erat id
 temporis spatium intra quod ter nun-
 dinæ agebantur. Nundinæ autem
 nono quoque die, unde etiam traxere
 nomen, recurrebant; ut rustici, octo
 diebus agris operati, nono die in ur-
 bem vendendi mercandique causa
 commearent. Igitur comitia, sive

legibus rogandis, sive iudiciis exer-
 cendis, sive creandis magistratibus,
 trinundino ante indici solebant, ut
 rustici, qui non fere in urbem, nisi
 nundinis, veniebant, rem versare ani-
 mis et expendere, spatio dato, pos-
 sent, antequam in suffragium mitte-
 rentur.

⁵⁰ * *Tanta exarsit ambitio]* Tantum
 certamen, tantus fuit ardor petendi
 honoris. Sedulo distingue *ambitionem*
 ab *ambitu*. *Ambitus* crimen est, et
 designat pravas legibusque vetitas
 vias affectandi alicujus magistratus
 vel imperii. *Ambitio* desiderium ho-
 norum indicat, sed innoxium ac legi-
 timum.

⁵¹ *Demissa]* Ap. Claudium cura
 quædam et sollicitudo stimulabat,
 quum videret clarissimos viros, ea æ-
 tate, eisque honoribus actis, demittere
 in discrimen dignitatem suam. Ce-
 terum hoc loco recte jussit legi Gro-
 nqvius *demissa* pro *dimissa*.

inter decemviros, an inter candidatos, numerares. Propior U. C. 303.
interdum petendo, quam gerendo, magistratui erat. cri- A. C. 449.
minari optimates, extollere candidatorum levissimum quem-
que humillimumque. ipse medius inter tribunicios Duilios
Iciliisque in foro volitare, per illos se plebi venditare: do-
nec collegæ quoque, qui unice illi dediti fuerant ad id tem-
pus, coniecere in eum oculos, mirantes quid sibi vellet.
Adparere, nihil sinceri esse; *Profecto haud gratuitam in
tanta superbia comitatem fore. nimium*⁵² *in ordinem se ipsum
cogere, et vulgari cum privatis, non tam properantis abire ma-
gistratu, quam viam ad continuandum magistratum quærentis,
esse.* Propalam obviam ire cupiditati parum ausi, obsecun-
dando mollires inpetum adgrediuntur. comitiorum illi ha-
bendorum, quando minimus natus sit, manus consensu in-
jungunt. Ars hæc erat, ne semet ipse creare posset; quod
præter tribunos plebis (et id ipsum pessimo exemplo) nemo
umquam fecisset. ille enimvero, quod bene vertat, habitum
se comitia professus, impedimentum pro occasione ar-
ripuit. dejectisque honore⁵³ per coitionem duobus Quinc-
tiis, Capitolino et Cincinnato, et patruo suo C. Claudio,
constantissimo viro in optimatum causa, et aliis ejusdem
fastigii civibus, nequaquam splendore vitæ pares decemvi-
ros creat: se in primis, quod haud secus factum improba-
bant boni, quam nemo facere ausurum crediderat. Creati
cum eo M. Cornelius Maluginensis, M. Sergius, L. Mi-
nucius, Q. Fabius Vibulanus,⁵⁴ Q. Poetelius, T. Antonius
Merenda, K. Duilius, Sp. Oppius Cornicen, M'. Rabuleius.

XXXVI. Ille finis Appio alienæ personæ ferendæ fuit. suo
jam inde vivere ingenio cœpit, novosque collegas jam prius,
quam inirent magistratum, in suos mores formare. Quoti-
die coibant remotis arbitris: inde inpotentibus instructi
consiliis, quæ secreto ab aliis coquebant, jam haud dissimu-
lando superbiam,⁵⁵ rari aditus, conloquentibus difficiles, ad
Idus Maias rem perduxere. Idus tum Maiæ sollemnes U. C. 304.
ineundis magistratibus erant. Initio igitur magistratus pri- A. C. 448.
mum honoris diem denunciatione ingentis terroris insignem Decemvi-
fecere. nam quam ita priores decemviri servassent, ut unus rorum an-
nus II.

• *Patilius Gron. Crev.*

⁵² *Is ordinem seipsum cogere*] Se-
parem quodammodo ceteris e vulgo
facere. Potestate sua supra ceteros
eminebat, et extra ordinem reliquo-
rum positus erat Appius. Vulgando
se cum privatis, sese redigit quodam-
modo in ordinem, e quo suus eum
magistratus eminebat.

⁵³ *Per coitionem*] Coeundo cum
ceteris candidatis adversus ingratos
sibi competitores. Olim hic legeba-

tur *contionem*. Emendavit verissi-
me Sigonius, quamvis repugnantibus
libris.

⁵⁴ *Q. Patilius . . . Cæso Duilius,
Sp. Oppius Cornicen*] Hos plebeios
fuisse tradit Dionysius.

⁵⁵ *Rari aditus*] Hæ voces acci-
piendæ sunt in patrio casu. Vult
Livius novos Decemviros fuisse *rari
aditus*.

U. C. 304.
A. C. 448.
Decemvi-
rorum inso-
lencia et
tyrannia.

fasces haberet, et hoc insigne regium in orbem, suam cujusque vicem, per omnes iret, subito omnes cum duodenis fascibus prodire. Centum viginti lictores forum inpleverant, et fascibus secures inligatas præferebant. ⁵⁶ nec attinuisse demi securim, quum sine provocatione creati essent, interpretabantur. Decem regum species erat, multiplicatusque terror non infimis solum, sed primoribus Patrum, ratis cædis causam ac principium quæri. ut, si quis memorem libertatis vocem aut in senatu aut in populo misisset, statim virgæ securesque etiam ad ceterorum metum expedirentur. Nam, præterquam quod in populo nihil erat præsidii, sublata provocatione, ⁵⁷ intercessionem quoque consensu sustulerant: quum priores decemviri adpellatione collegæ corrigi reddita ab se jura tulissent; et quædam, quæ sui iudicii videri possent, ad populum rejecissent. Aliquamdiu æquatus inter omnes terror fuit: paullatim totus vertere in plebem coepit. Abstinebatur a Patribus: in humiliores ⁵⁸ libidine crudeliterque consulebatur: hominum, non causarum, toti erant; ut apud quos gratia vim æqui haberet. Judicia domi conflabant, pronunciabant in foro. Si quis collegam adpellasset, ab eo, ad quem venerat, ita discedebat, ut poeniteret, non prioris decreto stetisse. Opinio etiam sine auctore exierat, non in præsentis modo temporis eos injuriam conspirasse, sed foedus clandestinum inter ipsos jurejurando ictum, ne comitia haberent, perpetuoque decemviratu possessum semel obtinerent imperium.

XXXVII. Circumspectare tum patriciorum vultus plebei, et ⁵⁹ inde libertatis captare auram, unde servitutem timendo in eum statum rempublicam adduxerant. Primores Patrum odisse decemviros, odisse plebem: nec probare,

† *decedebat* Gron.

⁵⁶ * *Nec attinuisse demi securim* *interpretabantur*] Consuetudo erat jam inde a Valerio Publicola tradita, ne secures fascibus illigatæ præferrentur in urbe consulibus. Sed id Decemviri ideo factum esse dicebant, quod a consulibus provocare ad populum liceret. Unde, quum ipsi sine provocatione creati essent, interpretabantur, id est, interpretando mentem hujus consuetudinis, statuebant ea se non teneri, nec ullam esse rationem cur demerent e fascibus secures.

⁵⁷ *Intercessionem . . . consensu sustulerant*] Omnes nostri *consensus sustulerant*: ut verum videatur quod habent Andreas et Campanus, *consensus sustulerat*. Sensus est: quum

inter se consentirent, et, quidquid ab uno decretum foret, omnes tuerentur, sublata erat intercessio; illorum injuriis qui intercederet et obsisteret, nemo erat. Imo, ut infra habetur, *si quis collegam adpellasset, ita discedebat, ut poeniteret non prioris decreto stetisse*.

⁵⁸ * *Libidine*] Pro libidine, ita ut facerent quidquid ipsis liberet, nulla juris aut æquitatis habita ratione.

⁵⁹ * *Inde libertatis captare auram, unde*] A patriciis servitutem dum timent plebei, statum reipublicæ mutari voluerant, Decemviralemque potestatem institui. Nunc ab iisdem afflari sibi dulcem restituendæ libertatis spem intenti expectant.

quæ fierent; et credere, haud indignis accidere. auide ru- U. C. 304.
endo ad libertatem ⁶⁰ in servitutem elapsos^u juvare nolle: A. C. 448.
cumulare quoque injurias, ut tædio præsentium consules
duo tandem et status pristinus rerum in desiderium veniant.

Jam et processerat pars major anni, et duæ tabulæ legum Duæ tabu-
ad prioris anni decem tabulas erant adjectæ: nec quidquam læ prioribus
jam supererat, si hæ quoque leges centuriatis comitiis per- X. additæ.
latæ essent, cur eo magistratu reipublicæ opus esset. ⁶¹ Ex-
spectabant, quam mox consulibus creandis comitia ediceren-
tur. Id modo plebes agitabat, quonam modo tribuniciam
potestatem, munimentum libertati, rem intermissam, repa-
rarent. Quum interim mentio comitiorum nulla fieri, et
decemviri, qui primo tribunicios homines, quia id populare
habebatur, circum se ostentaverant plebei^z, patriciis juve-
nibus sepserant latera. eorum catervæ tribunalia obsede-
rant. Hi ⁶² ferre, agere plebem plebisque res; ⁶³ quum
fortuna, qua quidquid cupitum foret, potentioris esset. Et
jam ne tergo quidem abstinebatur: virgis cædi, alii securi
subjici; et, ne gratuita crudelitas esset, bonorum donatio
sequi domini supplicium. Hac mercede juvenus nobilis
corrupta non modo non ire obviam injuriæ, sed propalam
licentiam suam malle, quam ompiam libertatem.

XXXVIII. Idus Maiæ venerunt. Nullis subrogatis ma- U. C. 305.
gistratibus, privati pro decemviris, neque animis ⁶⁴ ad impe- A. C. 447.
rium inhibendum inminutis, neque ⁶⁵ ad speciem honoris Decemvi-
insignibus, prodeunt. id vero regnum haud dubie videri. nus III.

Deploratur in perpetuum libertas; nec vindex quisquam
existit, aut futurus videtur. nec ipsi solum desponderant ani-
mos, sed contemni cœpti erant a finitimis populis: ⁶⁶ imperi-
umque ibi esse, ubi non esset libertas, indignabantur. Sabini Sabini
magna manu incursionem in agrum Romanum fecere. late- agrum
que populati, quum hominum atque pecudum inulti prædas Rom. popu-
egissent, recepto ad Eretum, quod passim vagatum erat, lantur.
agmine, castra locant, spem in discordia Romana ponentes,
eam impedimentum delectui fore. Non nuncii solum, sed

^u lapsos Crev.

^z plebi Gron. Crev.

⁶⁰ In servitutem lapsos] Sic edidit Campanus: melius quam, ut vulgo, lapsos.

⁶¹ Expectabant quam max] Pro-
pediem futurum credebant ut... Di-
ceremus Galli, ils n'attendoient que le
moment.

⁶² Ferre, agere] Diripere. Vid.
not. ad XXII. 3. infra.

⁶³ Quum fortuna, qua] Locus cor-
ruptus, quem varii varie tentarunt,
nemo efficaciter sanavit. Tolerabilis
videtur Dujatii conjectura: Hi ferre,

agere plebem, plebisque res fortunas-
que: quidquid cupitum foret, poten-
tioris esse.

⁶⁴ Ad imperium inhibendum] Exer-
cendum; ad utendum imperio in eos
qui resisterent. Sic infra: imperioque
inhibendo in paucos præferocis animi:
et alibi sæpius.

⁶⁵ Ad speciem] Ad pompam et os-
tentationem.

⁶⁶ Imperiumque] Legit Perizonius,
imperium qui. Vid. not. 89. ad IV. 17.
infra.

U. C. 306.
A. C. 447.
Æqui Tus-
culanum.

Senatum
vocant de-
cemviri.

per urbem agrestium fuga trepidationem iniecit. Decemviri consultant, quid opus facto sit. destitutis inter Patrum et plebis odia addidit¹ terrorem insuper alium fortuna. Æqui alia ex parte castra in Algido locant: depopulatumque inde excursionibus Tusculanum agrum legati ab Tusculo, præsidium orantes, nunciant. Is pavor perpulit² decemviro, ut senatum, simul duobus circumstantibus urbem bellis, consulerent. citari jubent in curiam Patres, haud ignari, quanta invidiæ inmineret tempestas: omnes vastati agri periculorumque imminentium causas in se congesturos, tentationemque eam fore abolendi sibi magistratus, ni consensu resisterent, imperioque inhibendo acriter in paucos præferocis animi, conatus aliorum comprimerent. Postquam audita vox in foro est præconis, Patres in curiam ad decemviros vocantis; velut nova res, quia intermiserant jamdiu morem consulendi senatus, mirabundam plebem convertit, *quidnam incidisset, cur ex tanto intervallo rem desuetam usurparent. Hostibus belloque gratiam habendam, quod solitum quidquam liberæ civitatis fieret.* Circumspectare omnibus fori partibus senatorem, raroque usquam noscitare: curiam inde ac solitudinem circa decemviros intueri; ⁶⁷ quum et ipsi invisum consensu³ imperium, et plebs, quia privatis jus non esset vocandi senatum, non convenire Patres interpretarentur; ⁶⁸ jam caput fieri libertatem repetentium, si se plebs comitem senatui det, et, quemadmodum Patres vocati non cœant in senatum, sic plebs abnuat delectum. Hæc fremunt⁴ plebes. Patrum haud fere quisquam in foro, in urbe rari erant. indignitate rerum cesserant in agros; ⁶⁹ suarumque rerum erant, amissa publica: tantum ab injuria se abesse rati, quantum a⁵ coetu congressuque inpotentium dominorum se amovissent. Postquam citati non conveniebant, dimissi circa domos adparitores, simul ⁷⁰ ad pignora capi-

¹ addit Gron. Crev.

² percussit Eæd.

³ consensus invisum Eæd.

⁴ fremebat Eæd.

⁵ e Eæd.

⁶⁷ *Quum et ipsi*] Quum et ipsi Decemviri interpretarentur suum imperium invisum esse consensu; i. e. hujus solitudinis causam esse judicarent, quod imperium suum omnibus omnino invisum esset: et plebs interpretaretur, ideo non convenire Patres, quia....

⁶⁸ *Jam caput fieri*] Jam, dum detrectant senatores imperium Decemvirale, dari quodammodo caput repetentibus libertatem, omniaque bene cessura, si se plebs comitem senatui det. Sæpe ante particulas *si*, aut *nisi*, suppleri oportet aliquod orationis membrum ex sensu et mente scri-

bentis. Sic l. II. supra, c. 9. *Satis libertatem ipsam habere dulcedinis, nisi.... regna reges defendant.*

⁶⁹ *Suarum... rerum erant, amissa publica*] Amissa reipublicæ possessione, quam pro libidine vexabant Decemviri, solummodo privatarum rerum suarum curam gerebant.

⁷⁰ *Ad pignora capienda*] Senatores oportebat in curiam ad edictum magistratus convenire. Quod si facere neglexissent, multa iis dicebatur. Eam ut solvere cogerentur, pignora ab iis auferebantur: quæ, si multa soluta non esset, cædebantur, id est, vendebantur. Hujus moris insigne

enda, sciscitandumque, num consulto detrectarent? referunt, senatum in agris esse. Lætius id decemviris accidit, quam si præsentes detrectare imperium referrent. Jubent adiri omnes, senatumque in diem posterum edicunt; qui aliquanto spe ipsorum frequentior convenit. quo facto proditam a Patribus plebs libertatem rata, quod iis, qui jam magistratu abissent, privatisque, si vis abesset, tamquam jure cogentibus, senatus paruiisset.

XXXIX. Sed magis obedienter ventum in curiam est^b, quam⁷¹ obnoxie dictas sententias accepimus. L. Valerium Potitum, proditum memoriæ est, ⁷² post relationem Ap. Claudii, priusquam ordine sententiæ rogarentur, postulando ut de republica liceret dicere, prohibentibus minaciter decemviris, proditurum se ad plebem denunciarent, tumultum excivisse. Nec minus ferociter M. Horatium Barbatum isse in certamen, *Decem Tarquinius* adpellantem, admonentemque, *Valeriis et* ⁷³ *Horatiis ducibus pulsos reges.* ⁷⁴ *Nec nominis homines tum pertæsum esse; quippe quo Jovem adpellari fas sit, quo Romulum conditorem urbis, deincepsque reges adpellatos, quod sacris etiam, ut sollemne, retentum sit. Superbiam violentiamque tum perosos regis. quæ si* ⁷⁵ *in rege tum eodem, aut in filio regis, ferenda non fuerint, quem latu- rum in tot privatis? Viderent, ne, vetando in curia libere ho- mines loqui, extra curiam etiam moverent vocem. neque se videre, qui sibi minus privato ad concionem populum vocare, quam illis senatum cogere, liceat. Ubi vellent, experirentur,* ⁷⁶ *quanto ferocior dolor^c libertate sua vindicanda, quam cupi-*

U. C. 305.
A. C. 447.

Asperæ
sententiæ
in decem-
viris.

^b est del. Gron. Crev.

^c add. in Eæd.

exemplum vid. apud Cic. Phil. I. n. 11. et n. 12.

⁷¹ *Obnoxie*] Timide, tanquam ab humilliter servientibus.

⁷² *Post relationem Ap. Claudii*] Postquam Ap. Claudius retulit, quibus de rebus deliberari oporteret. *Referre* est verbum proprium de eo qui aliquid proponit, de quo sententiam dici velit.

⁷³ *Horatiis ducibus pulsos reges*] Ex Livii historia non satis patet, quo jure Horatii se pellendis urbe regibus duces fuisse prædicare possint. At Dion. tradit M. Horatio auctore defecisse exercitum a Superbo: et eodem iterum consule Porsenam, qui Tarquinius in patriam restituendos suscepit, coactum esse re infecta discedere. Vid. Dion. l. IV. et V.

⁷⁴ *Nec nominis homines tum pertæsum esse*] Quidam scripti, *nomen*. Noster Sorbonicus, ut et unus e Gronovianis, ambiguus: *nomen is*, incerto

librario, utrum *nomen* an *nominis* scribendum esset. Legit Gronovius: *nec nomen homines tum pertæsum esse*.

⁷⁵ *In rege tum eodem, aut in filio regis*] Possumus quidem exponere, in hoc eodem rege, cujus modo mentio facta est, aut in Sexto ejus filio. Sed *et eodem* hoc modo intellectum, et supervacuum omnino est, et fortasse parum Latine dictum. Quid, si loquamur? *in rege tum eodem et filio regis*: id est, in eo qui simul et rex esset, et regis (Tarquinii Prisci) filius.

⁷⁶ *Quanto ferocior*] Plerique et scripti, et vet. editi, inter quos Andreas et Campanus, *fortior*: quod mutari nihil attinebat. Illud majoris deliberationis est, quod hanc e suis fere omnibus scriptis, quibus succiunt nostri, lectionem affert Gronovius: *quanto fortior dolor libertate sua vindicanda, quam cupiditas injusta dominatione, esset*. Id durum fortasse abruptumque multis videbitur, sup-

U. C. 305. *ditas*^d *injusta dominatione, esset*^e. De bello Sabino eos referre;
 A. C. 447. *tamquam majus ullum populo Romano bellum sit, quam cum*
iis, qui, legum ferendarum caussa creati, nihil juris in civitate
reliquerint; qui comitia, qui annuos magistratus, qui vicissitudi-
nem imperitandi (quod unum exæquandæ sit libertatis) sustule-
rint; qui privati fasces et regium imperium habeant. Fuisse,
regibus exactis, patricios magistratus creatos^f; *postea, post seces-*
sionem plebis, plebeios. Cujus illi partis essent, rogitare? Po-
pulares? quid enim eos per populum egisse? Optimates? qui
anno jam prope senatum non habuerint; tunc ita habeant, ut
de republica loqui prohibeant? Ne nimium in metu alieno spei
ponerent. graviora, quæ patiantur, videri jam hominibus, quam
quæ metuant.

XL. Hæc vociferante Horatio, quum decemviri⁷⁷ nec
 iræ nec ignoscendi modum reperirent, nec, quo evasura res
 esset, cernerent; C. Claudii, qui patruus Appii decemviri
 erat, oratio fuit precibus, quam jurgio, similis, orantis per
 sui fratris parentisque ejus manes; *Ut civilis potius societa-*
tis, in qua natus esset, quam fœderis, nefarie icti cum collegis,
meminisset. multo id magis se illius caussa orare, quam reipub-
licæ. Quippe rempublicam, si a volentibus nequeat, ab inritis
jus expetituram. Sed ex magno certamine magnas excitari
ferme iras; earum eventum se horrere. Quum aliud, præter-
quam de quo retulissent, decemviri dicere prohiberent, Clau-
dium interpellandi verecundia fuit. Sententiam igitur pere-
git, nullum placere senatusconsultum fieri. Omnesque ita
accipiebant, privatos eos a Claudio judicatos: multique ex
consularibus verbo ad sensi sunt. Alia sententia, asperior
in speciem, vim minorem aliquanto habuit, quæ patricios
*coire ad prodendum interregem jubebat.*⁷⁸ *censendo enim,*
quoscumque magistratus esse, qui senatum haberent, judi-
cabat; quos privatos fecerat auctor nullius senatusconsulti
faciendi. Ita labante jam caussa decemvirorum, L. Corne-
lius Maluginensis, M. Cornelii decemviri frater, quum ex
consularibus ad ultimum dicendi locum consulto servatus
esset, simulando curam belli, fratrem collegasque ejus tue-
batur: quonam fato incidisset, mirari se dictitans, ut decem-

L. Corne-
 lius decem-
 viros tue-
 tur.

^d inser. in Gron. Crev. ^e *esset* l. *retinenda esset* Ead. ^f *magistratus creatos;*
 l. *magistratus*,—Gron. *magistratus*:—Crev.

primi præpositionem *in*, et *et* *vindica-*
anda in altero orationis membro in-
 telligi. Fecit tamen consensus MSS.
 ut rem silentio transmittere non susti-
 neremus.

⁷⁷ *Nec ire, nec ignoscendi modum]*
 Nec quatenus exercere iras, nec qua-
 tenus patientia uti deberent.

⁷⁸ *Censendo enim]* Quum enim

hujus alterius sententiae auctores cen-
 serent aliquid, aliquid decernerent;
 judicabant eos, qui senatum habe-
 rent, esse quoscumque, seu quales-
 cunque magistratus. Vult Livius eos,
 qui nullum senatusconsultum facien-
 dum esse dicebant, nihil censuisse.
 Et sane nihil censere dici potest is,
 qui nihil fieri censet.

viros, qui decemviratum petissent, ⁷⁹ aut socii, aut hi maxime U. C. 305. obpugnarent? aut quid ita, quum per tot menses vacua civitate A. C. 447. nemo, justine magistratus summæ rerum præessent, controversiam fecerit; nunc demum, quum hostes prope ad portas sint, civiles discordias serant: nisi quod in turbido minus perspicuum fore putent, quid agatur. Ceterum neminem, majore cura occupatis animis, ⁸⁰ verum esse, præjudicium rei tantæ adferre. Sibi placere, de eo, quod Valerius Horatiusque ante Idus Maias decemviros abisse magistratu insinulent, bellis, quæ immineant, perfectis, republica in tranquillum redacta, senatu disceptante, agi: et jam nunc ita se parare Ap. Claudium, ut comitiorum, quæ decemviris creandis decemvir ipse habuerit, sciat sibi rationem reddendam esse, utrum in unum annum creati sint, an donec leges, quæ deessent, perferrentur. In præsentia omnia præter bellum omitti placere: cujus si falso famam vulgatam, vanaque non nuncios solum, sed Tusculanorum etiam legatos, adtulisse putent, speculatores mittendos censere, qui certius explorata referant. Sin fides et nunciis et legatis habeatur, delectum primo quoque tempore haberi; decemviros, quo cuique eorum videatur, exercitus ducere; nec rem aliam præverti.

XLI. ⁸¹ In hanc sententiam ut discederetur, juniores Pa-

⁷⁹ Aut socii, aut hi maxime] Sensus horum verborum perquam obscurus est. Non satis enim intelligitur, qui sint hi socii, aut quorum socii, nec quoniam designentur in tertio partitionis membro, aut hi maxime. Legi fortasse posset aut soli, aut hi maxime. Miratur M. Cornelius, quod ii qui Decemviratum petissent, aut soli, aut vehementissime præter ceteros omnes, Decemviros oppugnent. Nempe asperrimæ sententiæ, quæ nullum senatusconsultum fieri jubebat, auctor erat C. Claudius, qui petierat Decemviratum. Et Quintios quoque Cincinnatum et Capitolinum, quos supra dejectos honore ab Appio memoravit Livius, nominatim numerat Dionysius inter eos, qui Decemviros hic insectantur et impugnant.

⁸⁰ Verum] Æquum. Non æquum esse, dum majore cura occupantur animi, quemquam de re tanta præjudicare. Præjudicium est id quod prius judicatum, aliquod momentum affert ad futurum judicium.

⁸¹ In hanc sententiam ut discederetur] Ut in hanc sententiam senatusconsultum fieret. Verbum discedere hac in re proprium ac solenne est. Nimirum in hunc modum senatus-

consulta fiebant. Is magistratus qui ad senatum de re aliqua retulerat, rogatis sententiis, eam quam ipse magis e republica ducebat, primam pronuntiabat. Tum, ut senatus judicaret, his verbis utebatur: "Qui hoc censetis, illuc transite: qui alia omnia, in hanc partem." Tum igitur fiebat *discessio*: et senatores in hanc illamve partem *discedebant*, sive transibant, prout hæc aut illa iis sententia placuerat. Itaque ad senatusconsulta omnia *discessionem* opus erat: et in omni senatusconsulto verbi *discedere* usus est. Vocabant tamen propria et peculiari appellatione senatusconsultum *per discessionem* factum, id quod non rogatis neque dictis sententiis, in re scilicet vel clara indubitataque, vel levi et tralatitia, statim transeuntibus in unam partem senatoribus omnibus, aut longe majore parte, fiebat. Ex illo deliberandi more pendet hæc locutio *pedibus ire in sententiam*: quum scilicet, sive unus aliquis, sive plures, sive omnes, non voce et oratione sententiam exponerent; sed solo pedum motu, transeundo scilicet in hanc illamve partem, censerent. Hæc fere Manut. libro de senatu Rom.

U. C. 905.
A. C. 447.

Vincunt
in senatu
decemviri.

Delectum
habent.

trum evincebant. ⁸² Ferociores iterum coorti Valerius Horatiusque vociferari, *ut de republica liceret dicere. dicturos ad populum, si in senatu per factionem non liceat. Neque enim sibi privatos, aut in curia, aut in concione, posse obstare; neque se imaginariis fascibus eorum cessuros esse.* Tum Appius, jam prope esse ratus, ut, ni violentiæ eorum pari resisteretur audacia, victum imperium esset: ⁸³ *Non erit melius*, inquit, *nisi de quo consulimus, vocem misisse.* et ad Valerium, negantem ⁸⁴ se privato reticere, lictorem accedere jussit. Jam Quiritium fidem inplorante Valerio a curiæ limine, L. Cornelius complexus Appium, ⁸⁵ non cui simulabat consulendo, diremit certamen. factaque per Cornelium Valerio dicendi gratia, quæ vellet, quum libertas non ultra vocem excessisset, decemviri propositum tenere. Consulares quoque ac seniores ab residuo tribuniciaë potestatis odio, cujus desiderium plebi multo acrius, quam consularis imperii, rebantur esse, prope malebant postmodo ⁸ ipsos decemviros voluntate abire magistratu, quam invidia eorum exsurgere rursus plebem. si leniter ducta res sine populari strepitu ad consules redisset, aut bellis interpositis, aut moderatione consulum in imperiis exercendis, posse in oblivionem tribunorum plebem adduci. Silentio Patrum edicitur delectus. juniores, quum sine provocatione imperium esset, ad nomina respondent. legionibus scriptis, ⁸⁶ inter se decemviri comparabant, quos ire ad bellum, quos præesse exercitibus oporteret. Principes inter decemviros erant Q. Fabius et Ap. Claudius. bellum domi majus, quam foris, adparebat. Appii violentiam aptiorem rati ad comprimendos urbanos motus: ⁸⁷ in Fabio minus in bono constans, quam navum ^b in malitia, ingenium esse. Hunc enim virum, egregium olim domi militiaeque, decemviratus collegæque ita mutaverant, ut

⁸ postmodum Gron. Crev.

^b gnavum Eæd.

⁸² *Ferociores*] Omnes scripti *ferociioresque*: præter Sorbonicum, qui consentit cum vulgatis.

⁸³ *Non erit melius*] Verba minantis: quæ idem prorsus valent, ac si dixisset Appius: malum sibi arcesset, quicumque vocem emiseric alio de negotio, quam de quo consulimus. Sic fere infra, c. 48. *Quiesce erit melius.*

⁸⁴ *Se privato reticere*] Se reticere ex jussu privati hominis. *Privato* in dandi casu.

⁸⁵ * *Non cui simulabat consulendo*] Simulabat L. Cornelius se consulere Valerio, et impendentia ejus capiti ab irato Appio mala velle avertere. Re autem ipsa consulebat Appio, et cupiebat prohibere, ne, si implacabilem

se præberet Appius, inde aliquod nasceretur seditionis incendium, quo et ipse et ceteri Decemviri conflagrarent.

⁸⁶ * *Inter se ... comparabant*] Inter se communi consilio decernebant. Familiaris Livio locutio.

⁸⁷ *In Fabio minus*] *Minus* hic resolvendum videtur in has voces *magis non*, quomodo apud Ter. in Hec. Act. IV. sc. 4. *Non tibi illud factum minus placet, quam mihi*: i. e. Non tibi magis illud factum non placet, seu displicet, quam mihi. Sensus igitur erit: in Fabio magis esse ingenium non constans, sive inconstans in bono, quam gnavum in malitia.

Appii, quam sui, similis mallet esse. hinc bellum in Sabi- u. c. 305.
nis, M'. Rabuleio et Q. Poetelio¹ additis collegis, manda- A. C. 447.
tam. M. Cornelius in Algidum missus cum L. Minucio et
T. Antonio et K. Duilio et M. Sergio: Sp. Oppium Ap.
Claudio adiutorem ad urbem tuendam, ⁸⁸ æquo omnium
decemvirorum imperio, decernunt.

XLII. Nihilo militiæ, quam domi, melius respublica Male rem
administrata est. Itha modo in ducibus culpa, quod, ut gerunt.
odio essent civibus, fecerant. alia omnis penes milites noxa
erat: qui, ne quid ductu atque auspicio decemvirorum pros-
pere usquam gereretur, vinci se per suum atque illorum
dedecus patiebantur. Fusi et ab Sabinis ad Eretum, et in
Algido ab Æquis, exercitus erant. ab Ereto per silentium
noctis profugi, propius urbem, inter Fidenas Crustumeriam-
que, loco edito castra communierant. persecutis hostibus
nusquam se æquo certamine committentes, natura loci ac
vallo, non virtute aut armis, tutabantur. Majus flagitium
in Algido, major etiam clades accepta: castra quoque amis-
sa erant; exutusque omnibus utensilibus miles, Tusculum
se, fide misericordiaque victurus hospitem, (quæ tamen^k
non fefellerunt) contulerat. Romam tanti erant^l terrores
adlati, ut, posito jam decemvirali odio, Patres vigilias in
urbe habendas censerent: omnes, qui per ætatem arma
ferre possent, custodire moenia, ac pro portis stationes agere
juberent: ⁸⁹ arma Tusculum ad supplementum decernerent,
decemvirosque, ab arce Tusculi degressos, in castris militem
habere: castra alia a Fidenis in Sabinum agrum transferri:
belloque ultro inferendo deterreri hostes a consilio urbis
obpugnandæ.

XLIII. Ad clades ab hostibus acceptas duo nefanda L. Sicci
facinora decemviri belli domique adjiciunt. L. ⁹⁰ Siccium mors.
in Sabinis, ⁹¹ per invidiam decemviralem tribunorum crean-
dorum secessionisque mentiones ad vulgus militum sermo-
nibus occultis serentem, prospeculatum ad locum castris
capiendum mittunt. datur negotium militibus, quos mise-
rant expeditionis ejus comites, ut eum opportuno adorti
loco interficerent. Haud inultum interfecere. nam circa
repugnantem aliquot insidiatores cecidere, quum ipse se

¹ Partitio Gron. Crev.

^k qui tum Eæd.

^l erant del. Eæd.

⁸⁸ Æquo omnium] Ita ut par im-
perium Appii et Oppii esset, ac De-
cemvirorum omnium foret, si in urbe
essent.

⁸⁹ Arma Tusculum ad supplemen-
tum] Multum placet Gronovii con-
jectura: Arma... ac supplementum.

⁹⁰ Siccium] De quo supra in not.
31. ad c. 31. *Virum stupendæ in bello

fortitudinis, et qui multis quoque jam
antea civilibus adversus Patres certa-
minibus inclaruerat: de quo opera
pretium est consulere Dionys. l. X.
Valer. Max. III. 2. Plin. VII. 28.

⁹¹ Per invidiam Decemviralem]
Captanda occasione ex publico in De-
cemviros odio, et simul illud quoque
fovendo.

U. C. 375. **prævalidus, pari viribus animo, circumventus tutaretur.**
 A. C. 447. Nunciant in castra ceteri, præcipitatum in insidias esse Siccium egregie pugnans, militesque quosdam cum eo amissos. Primo fides nunciantibus fuit. Profecta deinde cohors ad sepeliendos, qui ceciderant, decemvirorum permissu, postquam nullum spoliatum ibi corpus, Sicciumque in medio jacentem armatumque, omnibus in eum versis corporibus, videre; hostium neque corpus ullum, nec vestigia abeuntium; profecto ab suis interfectum memorantes, retulere corpus. Invidiæque plena castra erant, et Romam ferri protinus Siccium placebat, ni decemviri funus militare ei publica impensa facere maturassent. Sepultus ingenti militum moestitia, pessima decemvirorum in vulgus fama, est.

Appii
libido.

XLIV. Sequitur aliud in urbe nefas, ab libidine ortum, haud minus fœdo eventu, quam quod per stuprum cædemque Lucretiæ urbe regnoque Tarquinius expulerat: ut non finis solum idem decemviris, qui regibus, sed causa etiam eadem imperii amittendi esset. Ap. Claudium virginis plebeiæ stuprandæ libido cepit. Pater virginis L. Virginius⁹² honestum ordinem in Algidio ducebat, vir exempli recti domi militiæque. Perinde uxor instituta fuerat,⁹³ liberique instituebantur. Desponderat filiam L. Icilio tribunicio, viro acri, et pro causa plebis expertæ virtutis. Hanc virginem adultam, forma excellentem,⁹⁴ Appius, amore ardens, pretio ac spe perlicere adortus, postquam omnia pudore septa animadverterat, ad crudelem superbamque vim animum convertit. M. Claudio clienti negotium dedit,⁹⁵ ut virginem in servitutem adsereret, neque cederet secundum libertatemulantibus vindicias: quod pater puellæ abesset, locum injuriæ esse ratus. Virgini, venienti in forum, (ibi namque in tabernis literarum ludi erant) minister decemviri libidinis manum injecit;⁹⁶ serva sua natam (servamque adpellans) esse. sequique se jubebat, cunctantem vi abstracturum. Pavida puella stupente, ad clamorem nutricis, fidem

Virginia in
servitutem
adseritur.

⁹² *Honestum ordinem . . . ducebat*] Ordo hic sumi debet, quemadmodum et sæpe alias, pro centuria, quæ altera pars est manipuli; cujus ductor centurio. Porro ordines alii aliis honestiores erant. Vult igitur Livius Virginium alicui ex illis honestioribus ordinibus præfulsere.

⁹³ *Liberique*] Vox *liberi* de unico filio unicave filia dicebatur. Itaque nihil vetat hic intelligi solam Virginiam.

⁹⁴ *Appius amore ardens*] Melius *amens*, quod habent complures scripti, tum Gronoviani, tum nostri.

⁹⁵ *Ut virginem*] Ut postularet virginem sibi addici, tanquam servam suam: neque cederet iis qui postulaturi essent, ut, lite pendente, Virginia in possessione libertatis maneret. *Vindiciarum* nomine intelligitur momentanea possessio rei controversæ, donec de ipsa rei proprietate decretorio judicio statuatur: Gallice, *la provision*.

⁹⁶ *Serva sua natam*] Placet id quod e vetustioribus editis affert Gronovius: *serva sua natam servamque appellans sequi se jubebat*. Andreas etiam caret *τῇ* sc.

Quiritium inplorantis, fit concursus. Virginii patris spon- U. C. 305.
sique Iciliū populare nomen celebratur. notos gratia eorum, A. C. 447.
turbam indignitas rei virgini conciliat. Jam a vi tuta erat;
quum ⁹⁷ adsertor nihil opus esse multitudine concitata ait,
se jure grassari, non vi. Vocat puellam in jus; ⁹⁸ auctori-
bus, qui aderant, ut sequeretur. Ad tribunal Appii perven-
tum est. notam judici fabulam petitor, quippe apud ipsum
auctorem argumenti, peragit; puellam, domi suæ natam,
furtoque inde in domum Virginii translata, ⁹⁹ subpositam
ei^a esse. Id se indicio compertum adferre, probaturumque
vel ipso Virginio iudice, an quem major pars injuriæ ejus
pertineat. Interim dominum sequi ancillam, æquum esse.
¹ Advocati puellæ, quum Virginium reipublicæ causa di-
xissent abesse, biduo adfuturum, si nunciatum ei sit; ini-
quum esse, absentem de liberis dimicare; postulant, ut rem
integram in patris adventum differat; lege ab ipso lata vin-
dicias det secundum libertatem; neu patiatur, virginem ad-
ultam famæ prius, quam libertatis, periculum adire.

XLV. Appius decreto præfatus, *quam libertati faverit, eam ipsam legem declarare, quam Virginii amici postulationi suæ prætendant.* ² *Ceterum ita in ea firmum libertati fore præsidium, si nec caussis, nec personis variet. In his enim, quæ adserantur in libertatem, ³ quia quivis lege agere possit, id juris esse: in ea, quæ in patris manu sit, neminem esse alium, cui dominus possessione cedat. Placere itaque patrem arcessi. interea juris sui jacturam adsertorem non facere, quin ducat puellam sistendamque in adventum ejus, qui pater dicatur, promittat.* Adversus injuriam decreti quum multi magis freme-

^m ei del. Gron. Crev.

⁹⁷ *Adsertor*] M. Claudius, qui virginem in servitutem asserebat, seu petebat.

⁹⁸ *Auctoribus qui aderant*] Iis qui aderant puellæ, sive advocatis puellæ, ut infra appellantur, suadentibus ei ut sequeretur. Eodem sensu verbum *adesse* usurpatum est, supra e. 14. et apud Hor. Sat. 9. l. 1. *Si me amas . . . paulum hic ader.*

⁹⁹ *Suppositam esse*] Andreas, Campanus, multi e MSS. Gronovii, et omnes nostri: *suppositam ei esse.*

¹ *Advocati puellæ*] Ii qui aderant Virginie, et ejus causam auctoritate, gratia, consilio tuebantur. *Advocatus* est, teste Asconio in Divin. qui aut jus suggerit, aut præsentiam suam in judicio commodat amico.

² *Ceterum ita*] Ceterum non aliter in ea lege firmum libertati fore præsidium, quam si illa lex non detorqueatur ad causas et personas diver-

sas ab iis, de quibus accipi debet. *In his enim personis, quæ quum in servitute sint, adserantur in libertatem, id juris esse*, i. e. hoc jus servari, nempe ut vindiciæ dentur secundum libertatem, *quia quivis possit lege agere*, i. e. actionem in judicio intendere, et negotium in se suscipere. *In ea persona, quæ in patris manu sit, qualis erat Virginia, neminem esse alium, cui dominus*, i. e. is qui se dominum esse contendit, lite pendente, *possessione cedat*, quia solus pater, cujus in manu sit, eam defendendi et vindicandi jus habeat.

³ *Quia quivis lege agere possit*] Is qui, quum serviret, sese in libertatem vindicari postulabat, non poterat jus suum proprio nomine persequi. Necessesse erat, ut homo liber periculo suo causam ejus tuendam susciperet. Cuius autem e populo illa actio dabatur.



U. C. 305.
A. C. 447.

Icilli con-
tentio cum
Appio.

rent, quam quisquam unus ⁴ recusare auderet; P. Numitorius, puellæ avunculus, et sponsus Icilius interveniunt. datque inter turbam via, quum multitudo Icili maxime interventu resisti posse Appio crederet, lictor *decesse* ait: vociferantemque Icilium submovet. Placidum quoque ingenium tam atrox injuria accendisset. *Ferro hinc tibi submovendus sum, Appi, inquit, ⁵ ut tacitum feras, quod celari vis. Virginem ego hanc sum ducturus, nuptam pudicamque habiturus. Proinde omnes collegarum quoque lictores convoca, expediri virgas et secures jube: non manebit extra domum patris sponsa Icili. Non, si tribuniciū auxilium et provocationem, plebi Romanæ duas arces libertatis tuendæ, ademistis, ideo in liberos quoque nostros conjugesque regnum vestræ libidini datum est. Sævite in tergum et in cervicēs nostras, pudicitia saltem in tuto sit. Huic si vis adferetur, ego præsentiam Quiritium pro sponsa, Virginium militum pro unica filia, omnes Deorum hominumque inplorabimus fidem. ⁶ neque tu istud umquam decretum sine cæde nostra referes. Postulo, Appi, etiam atque etiam consideres, quo progrediare. Virginium viderit, de filia, ubi venerit, quid agat. Hoc tantum sciat, sibi, ⁷ si hujus vindictis cesserit, conditionem filiæ quærendam esse. me, vindicantem sponsam in libertatem, vita citius deseret, quam fides.*

XLVI. Concitata multitudo erat, certamenque instare videbatur. lictores Icilium circumsteterant: nec ultra minas tamen processum est. Quum Appius, *Non Virginiam defendi ab Icilio, sed inquietum hominem, et tribunatum etiam nunc spirantem, ⁸ locum seditionis quærere, diceret; non præbiturum se illi eo die materiam: sed ut jam sciret, non id petulantia suæ, sed Virginio absenti et patrio nomini et libertati, datum, jus eo die se non dicturum, neque decretum interpositurum: a M. Claudio petiturum, ut decederet jure suo, vindicarique puellam in posterum diem pateretur. Quod nisi pater postero die adfuisset, denunciare se Icilio similibusque Icili, ⁹ neque legi suæ latorem, neque decemviro constantiam defore: nec se utique collegarum lictores convocaturum ad coer-*

⁴ *Recusare*] Quidam scripti, et Campanus, *reclamare*.

⁵ *Ut tacitum feras*] Ut per silentium ac nemine reclamante consequare id quod celari vis. Vid. not. ad c. 51. l. I.

⁶ *Neque tu istud . . . decretum . . . referes*] Verbum *referes* hic videtur eodem fere sensu usurpatum, quo superius dictum est, *ut tacitum feras*. Neque tu id assequere, quod hoc decreto jubes: non efficies ut id decretum valeat et ratum habeat effectum.

⁷ *Si hujus vindictis*] *Hujus*, M.

Claudii assertoris. *Vindictis*. Hic *vindictæ* sumi videntur pro actione qua petitur possessio, non pro possessione ipsa.

⁸ *Locum seditionis quærere*] Nobis, ut et Gronovio, magis Livianum videretur *seditioni*.

⁹ *Neque legi suæ latorem . . . defore*] Se, qui tulisset illam legem, eam nempe ipsam, quam postulationi suæ advocati Virginiae prætendebant, daturum operam ut ei pareretur; eo scilicet modo intellectæ, quo illam interpretatus fuerat.

cendos seditionis auctores. contentum se suis lictoribus fore. U. C. 905. A. C. 447.
 Quum dilatum tempus injuriæ esset, secessissentque advocati puellæ, placuit omnium primum, fratrem Icili filiumque Numitorii, inpigros juvenes, pergere inde recta ad portam, et, quantum adcelerari posset, Virginium adiri e castris. In eo verti puellæ salutem, si postero die vindex injuriæ ad tempus præsto esset. Jussi pergunt, citatisque equis nuncium ad patrem perferunt. ¹⁰ Quum instaret adsertor puellæ, ut vindicaret, sponsoresque daret; atque id ipsam agi diceret Icilius, sedulo tempus terens, dum præciperent iter nuncii missi in castra, manus tollere undique multitudo, et se quisque paratum ad spondendum Icilio ostendere. Atque ille lacrimabundus, *Gratum est, inquit; crastina die vestra opera utar. sponsorum nunc satis est.* Ita vindicatur Virginia, spondentibus propinquis. Appius, paullisper moratus, ne ejus rei causa sedisse videretur, postquam, omissis rebus aliis præ cura unius, nemo adibat, domum se recepit; collegisque in castra scribit, *ne Virginio commeatum dent, atque etiam in custodia habeant.* Inprobum consilium serum, ut debuit, fuit: et jam commeatu sumto profectus Virginio prima vigilia erat, quum postero die mane de retinendo eo nequidquam literæ redduntur.

XLVII. At in urbe prima luce, quum civitas in foro ex-
 spectatione erecta staret, Virginio sordidatus ¹¹ filiam suam ^{pro filia cum Appia contendit.} obsoleta veste, comitantibus aliquot matronis, cum ¹² ingenti advocatone in forum deducit. Circumire ibi et prensare homines coepit; et non orare solum precariam opem, sed pro debita petere, *Se pro liberis eorum ac conjugibus quotidie in acie stare: nec alium virum esse, cujus strenue ac ferociter facta in bello plura memorari possent. Quid prodesse, si, incolumi urbe, quæ, capta, ultima timeantur, liberis suis sint patienda?* ¹³ Hæc prope concionabundus circumibat homines. Similia his ab Icilio jactabantur. comitatus muliebris plus tacito fletu, quam ulla vox, movebat. Adversus quæ omnia obstinato animo Appius (tanta vis amentiae verius, quam amoris, mentem turbaverat) in tribunal escendit ¹⁴: et, ultro querente pauca petitor, *quod jus sibi pridie* ¹⁴ *per ambitionem dictum non esset,* priusquam aut ille postulatum perageret, aut Virginio respondendi daretur locus, Appius interfatur.

¹⁴ ascendit Gron. Crev.

¹⁰ Quum instaret asserter puellæ] Quum is qui assererat Virginiam in servitutem, instaret Icilio, ut se defensorem libertatis puellæ in jure profiteretur, et daret qui sponderent fore ut ea postero die sisteretur coram Decemviro.

¹¹ Filiam suam] Campanus, Andreas, et, teste Gronovio, omnes vet.

editi habent *filiam secum.* Consentiunt omnes codices nostri.

¹² Ingenti advocatone] Magna advocatorum multitudine.

¹³ Hæc prope concionabundus] Hæc prope in concionis modum jactans.

¹⁴ Per ambitionem] Captandæ in vulgus gratiæ causa.

U. C. 305. Quem decreto sermonem prætenderit, forsā aliquem verum
 A. C. 447. auctores antiqui tradiderint. quia nusquam ullum in tanta
 fœditate decreti verisimilem invenio; id, quod constat, nu-
 dum videtur proponendum, decresse vindicias secundum
 servitutem. Primo stupor omnes admiratione rei tam atro-
 cis defixit. silentium inde aliquamdiu tenuit. Dein^o quum
 M. Claudius, circumstantibus matronis, iret ad prehenden-
 dam virginem, lamentabilisque eum mulierum comploratio
 excepisset; Virginus, intentans in Appium manus, *Icilio,*
inquit, Appi, non tibi, filiam despondi: et ad nuptias, non ad
stuprum, educavi. Placet pecudum ferarumque ritu promiscue
in concubitus ruere? Passurine hæc isti sint, nescio. non spero
esse passuros illos, qui arma habent. Quum repelleretur ad-
 sertor virginis a globo mulierum circumstantiumque advo-
 catorum, silentium factum per præconem.

XLVIII. Decemvir, alienatus^p ad libidinem animo, ne-
 gat, *hesterno tantum convicio Icili violentiaque Virginii, cu-*
jus testem populum Romanum habeat, sed certis quoque indi-
ciis compertum se habere, nocte tota cœtus in urbe factos esse
ad movendam seditionem. Itaque se, haud inscium ejus dimi-
cationis, cum armatis descendisse; non ut quemquam quietum
violaret, sed ut turbantes civitatis otium pro majestate imperii
coerceret. Proinde quiesce erit melius. I, inquit, lictor,
submove turbam; et da viam domino adprehendendum manci-
pium. Quum hæc intonuisset plenus iræ, multitudo ipsa se
 sua sponte dimovit, desertaque præda injuriæ puella stabat.
 Tum Virginus, ubi nihil usquam auxilii vidit, *Quæso,* in-
 quit, *Appi, primum ignosce patrio dolori, si quid inclemen-*
tius in te sum invecus: deinde sinas hic coram virgine nutricem
percontari, quid hoc rei sit? Ut, si falso pater dictus sum,
æquiore hinc animo discedam. Data venia, seducit filiam ac
 nutricem prope¹⁵ Cloacinæ ad tabernas, quibus nunc Novis
 est nomen. atque ibi ab lanio cultro arrepto, *Hoc te uno,*
quo possum, ait, modo, filia, in libertatem vindico. Pectus
 deinde puellæ transfigit; respectansque ad tribunal, *Te,* in-
 quit, *Appi, tuumque caput sanguine hoc¹⁶ consecro.* Clamore
 ad tam atrox facinus orto excitus Appius, comprehendi Vir-
 ginium jubet. ille ferro, quacumque ibat, viam facere: do-
 nec, multitudine etiam¹⁷ prosequentium tuente, ad portam

Virginus
 filiam oc-
 cidit.

^o Deinde Gron. Crev.

^p alienato Eæd.

¹⁵ Cloacinæ] Volunt interpretes
 hic legendum esse Cluacinæ, nempe
 Veneris: propterea quod Cluacinæ
 templum in foro esset, quo in loco
 res nunc geritur; Cloacinæ vero æ-
 des in alia foret urbis regione. Ve-
 nus Cluacina sic dicta fuerat ab anti-
 quo verbo cluere, i. e. purgare. Clui-

cina nomen invenerat ex eo quod ef-
 figies ejus in cloaca reperta esset.
 Plura de Venere Cluacina pete ex
 Plin. l. XV, c. 29. de Cloacina, ex
 Lactant. l. I. de falsa relig. c. 20.

¹⁶ Consecro] Diris devoveo.

¹⁷ Prosequentium juvenum] Re-
 duximus vocem juvenum, quam et in

perrexit. Icilius Numitoriusque exsanguis corpus sublatum U. C. 395. ostentant populo: scelus Appii, puellae infelicem formam, A. C. 447. necessitatem patris deplorant. Sequentes clamitant matronae, *Eamne liberorum procreandorum conditionem? ea pudicitiae præmia esse?* ceteraque, quæ in tali re muliebris dolor, quo est moestior imbecillo animo, eo miserabilia magis querentibus subjicit. Virorum et maxime Iciliii vox tota, tribunicie potestatis ac provocationis ad populum ereptæ, publicarumque indignationum, erat.

XLIX. Concitatur multitudo partim atrocitate sceleris, Orta inde partim spe per occasionem repetendæ libertatis. Appius certamina. nunc vocari Icilium, nunc ¹⁸ retractantem ^a arripi; postremo, quum locus adeundi adparitoribus non daretur, ipse, cum agmine patriciorum juvenum per turbam vadens, in vincula duci jubet. Jam circa Icilium non solum multitudo, sed duces quoque multitudinis erant L. Valerius et M. Horatius. qui, repulso lictore, si jure ageret, vindicare se a privato Icilium aiebant; si vim adferre conaretur, ibi quoque se haud inpares fore. Hinc atrox rixa oritur. Valerium Horatiumque lictor decemviri invadit. franguntur a multitudine fasces. In concionem Appius adscendit. Sequuntur Horatius Valeriusque. eos concio audit. decemviro obstrepitur. Jam ¹⁹ pro imperio Valerius discedere a privato lictores jubebat: quum, fractis animis, Appius, vitæ me- Appius pul- tuens, in domum se propinquam foro, insciis adversariis, sus foro. capite obvoluto, recepit. Sp. Oppius, ut auxilio collegæ esset, in forum ex altera parte inrumpit. videt imperium victum. Agitatus ^r deinde consiliis, atque ²⁰ ex omni parte assentiendo multis auctoribus ²¹ trepidus, senatum postremo vocari jussit. ea res, quod magnæ parti Patrum displicere acta decemvirorum videbantur, spe per senatum finiendæ potestatis ejus multitudinem sedavit. Senatus nec plebem irritandam censuit; et multo magis providendum, ne quid Virginii adventus in exercitu motus faceret.

L. Itaque missi juniores Patrum in castra, quæ tum ²² in

^a *detrectantem* Gron. Crev.

^r *Agitatis* Eæd.

Colon. membranis reperit Modius, et in omnibus vet. editis exstare Gron. affirmat. Matronarum et virorum mox separationem Livius meminit.

¹⁸ *Retractantem*] Hæc est vetus lectio, quam servant quinque, e nostris codd. Infra itidem c. 52. nullo, qui per aetatem ire posset, retractante. Itaque minime opus fuerat hic reponi *detrectantem*: quod, tanquam ab inani conjectura profectum, eiecimus.

¹⁹ *Pro imperio*] Vid. not. 86. ad I.

51.

²⁰ *Ex omni parte assentienda multis auctoribus trepidus*] Trepidus et incertus animi, quum multis ex omni parte consilia suggerentibus, modo huic, modo illi assentiretur.

²¹ *Trepidus*] Hic aliquid ulceris subesse docent scripti, qui magno consensu exhibent *trepidaverat*. An *trepida in re*?

²² *In monte Vecilio*] Nomen loci parum cogniti, in quem translata fuerant castra.

U. C. 305.
A. C. 447.
Motus in
castris.

monte Vecilio erant, nunciant decemviris, *ut omni ope ab seditione milites contineant*: ubi Virginus majorem, quam reliquerat in urbe, motum excivit. Nam, præterquam quod agmine prope quadringentorum hominum veniens, qui ab urbe indignitate rei accensi comites ei se dederant, ²³ *conspectus est*; strictum etiam telum, respersusque ipse cruore, tota in se castra convertit. et togæ, multifariam in castris visæ, majoris aliquanto, quam erat, speciem urbanæ multitudinis fecerant. Quærentibus, *quid rei esset*, flens diu vocem non misit: tandem, ut jam ex trepidatione concurrentium turba constitit, ac silentium fuit, ordine cuncta, ut gesta erant, exposuit. Supinas deinde tendens manus, commilitones appellans, orabat, *Ne, quod scelus Ap. Claudii esset, sibi adtribuerent: neu se, ut parricidam liberam, aversarentur. Sibi vitam filiae sua cariorum fuisse, si liberæ ac pudicæ vivere licitum fuisset. quum, velut servam, ad stuprum rapi videret, morte amitti melius ratum, quam contumelia, liberos, misericordia se in speciem crudelitatis lapsum. Nec se superstitem filiae futurum fuisse, nisi spem ulciscendæ mortis ejus in auxilio commilitonum habuisset. Illis quoque enim filias, sorores, conjugesque esse. nec cum filia sua libidinem Ap. Claudii extinctam esse; sed, quo inpunitior sit, eo effrenatior fore. Aliena calamitate documentum datum illis cavendæ similis injuriæ. quod ad se adtineat, uxorem sibi fato ereptam: filiam, quia non ultra pudica victura fuerit, miscram, sed honestam¹, mortem obcubuisse. Non esse jam Appii libidini locum in domo sua. ab alia violentia ejus eodem se animo suum corpus vindicaturum, quo vindicaverit filiae. Ceteri sibi ac liberis suis consulerent. Hæc Virginio vociferanti subclamabat multitudo, nec illius dolori, nec suæ libertati se defuturos. Et inmixti turbæ militum togati, quum eadem illa querendo, docendoque quanto visa, quam audita, indigniora potuerint videri, simul profligatam jam rem nunciando Romæ esse; ²⁴ *insecutique*², qui Appium prope interemtum in exilium abisse dicerent, perpulerunt, ut ad arma conclamaretur, ²⁵ *vellerentque signa*, et Romam proficiscerentur. Decemviri simul his, quæ videbant, simul his³, quæ acta*

¹ a Gron. Crev.

² *misera sed honesta morte* Eæd.

³ *insecutosque* Gron.

³ *is* Gron. Crev.

²³ *Conspectus est*] Conspicuum fuit, incurritque in oculos.

²⁴ *Insecutique*] Sic legendum censet Gronovius, quomodo et in uno MSS. haberi testatur. Duo hic hominum genera distinguuntur: alterum, qui cum Virginio venerant, nec aliud nunciare poterant, nisi Romæ omnia barbarum plena, remque magna ex parte confectam esse: alterum, qui

hos in castra secuti fuerant, et, quum imperium Decemvirale vi victum viderent, augentes mendaciorem, etiam Appium in exilium abisse jactabant. Particulas *quum . . . simul* eo sensu accipit Gronovius, quo vulgo dicitur *quum . . . tum*.

²⁵ *Vellerent . . . signa*] Vid. not. 38. ad 54. infra.

Romæ audierant, perturbati, alius in aliam partem castrorum, ad sedandos motus discurrunt: et leniter agentibus responsum non redditur: imperium si quis inhiheret, *et viros et armatos se esse*, respondetur. Eunt agmine ad urbem, et Aventinum insidunt; ut quisque obcurrerat, plebem ad repetendam libertatem creandosque tribunos plebis adhortantes. alia vox nulla violenta audita est. Senatum Sp. Oppius habet: nihil placet aspere agi: quippe ab ipsis ²⁶ datum locum seditionis esse. Mittuntur tres legati consulares, Sp. Tarpeius, C. Julius, ²⁷ P. Sulpicius, qui quærent senatus verbis, *cujus jussu castra deseruissent? aut quid sibi vellent, qui armati Aventinum obsedissent? belloque averso ab hostibus patriam suam cepissent?* Non defuit, quid responderetur: deerat, qui daret responsum, nullodum certo duce, nec satis audentibus singulis invidiæ se obferre. id modo a multitudine conclamatum est, *ut L. Valerium et M. Horatium ad se mitterent. his se daturus responsum.*

LI. Dimissis legatis, admonet milites Virginius, *in re non maxima paullo ante trepidatum esse, quia sine capite multitudo fuerit: responsumque, quamquam non inutiliter, fortuito tamen magis consensu, quam communi consilio esse. Placere decem creari, qui summæ rei præessent, militarique honore tribunos militum adpellari.* Quum ad eum ipsum primum is honos deferretur, *Melioribus meis vestrisque rebus reserveate*, inquit, *ista de me judicia. Nec mihi filia inulta honorem ullum jucundum esse patitur; nec in perturbata republica eos utile est præesse vobis, qui proximi invidiæ sint. Si quis usus mei est, nihilo minor ex privato capietur.* Ita decem numero tribunos militares creant. Neque in Sabinis quievit exercitus. ibi quoque, auctore Icilio Numitorioque, secessio ab decemviris facta est, non minore motu animorum Siccii cædis memoria revocata, quam quem nova fama de virgine adeo fœde ad libidinem petita accenderat. Icilius ubi audivit tribunos militum in Aventino creatos, ne comitiorum militarium ²⁸ prærogativam urbana comitia iisdem tribunis plebis creandis sequerentur, peritus rerum popularium inminensque ei potestati, et ipse prius, quam iretur ad urbem, pari potestate eundem numerum ab suis

7 Virginia Gron. Crev.

²⁶ Datum locum seditionis esse] Lege seditioni, ut supra c. 46.

²⁷ Ser. Sulpicius] Vid. not. 36. ad c. 31. supra.

²⁸ Prærogativam] Prærogativa ea erat sive tribus, sive centuria, quæ prima sententiam rogabatur. Interdum etiam usurpatur pro ipsa illius sive tribus, sive centuriæ sententia.

Ejus tanta auctoritas fuit, ut, teste Cic. pro Mur. n. 38. *semper omnes valuerit prærogativam*, i. e. prærogativæ sententiam major semper suffragiorum numerus comprobaverit. Metuit igitur Icilius, ne, sicut ceteræ tribus prærogativæ sententiam, ita comitiorum militarium judicium urbana comitia sequerentur.

U. C. 305. creandum curat. Porta Collina urbem intravere sub signis, mediaque urbe agmine in Aventinum pergunt. ibi, conjuncti alteri exercitui, viginti tribunis militum negotium dederunt, ut ex suo numero duos crearent, qui summæ rerum præessent. M. Oppium, Sex. Manilium creant. Patres, solliciti de summa rerum, quum senatus quotidie esset, jurgiis sæpius terunt tempus, quam consiliis. Sicci cædes decemviris, et Appiana libido, et dedecora militiæ objiciebantur. Placebat, Valerium Horatiumque ire in Aventinum. illi negabant se aliter ituros, quam si decemviri deponerent insignia magistratus ejus, quo anno jam ante abissent. Decemviri, querentes ²⁹ se in ordinem cogi, non ante, quam perlatis legibus, quarum caussa creati essent, deposituros imperium se aiebant.

Plebs in
Sacrum
montem
abit.

LII. Per M. Duilium, qui tribunus plebis fuerat, certior facta plebs, contentionibus assiduis nihil transigi, in Sacrum montem ex Aventino transit; adfirmante Duilio, *non prius, quam deseri urbem videant, curam in animos Patrum descensuram. admoniturum Sacrum montem constantiæ plebis.* ³⁰ *scituros, quod sine restituta potestate redigi in concordiam res nequeant.* ³¹ Via Nomentana, cui tum Ficulensi² nomen fuit, profecti, castra in monte Sacro locavere; modestiam patrum suorum nihil violando imitati. Secuta exercitum plebs, nullo, qui per ætatem ire posset, retractante. Prosequuntur conjuges liberique, *cuinam se relinquerent in ea urbe, in qua nec pudicitia, nec libertas sancta esset*, miserabiliter rogantes. Quum vasta Romæ omnia insueta solitudo fecisset, in foro præter paucos seniorum nemo esset; vocatis utique in senatum Patribus, desertum adparuisset forum; plures jam, quam Horatius et Valerius, vociferabantur, *Quid expectabitis, Patres conscripti? Si decemviri finem pertinaciæ non faciunt, ruere ac deflagrare omnia passuri estis? Quod autem istud imperium est, decemviri; quod amplexi tenetis? Tectis ac parietibus jura dicturi estis? Non pudet, lictorum vestrorum majorem prope numerum in foro conspici, quam* ³² *togatorum aliorumque?* *Quid, si hostes ad urbem veniant, facturi estis? quid, si plebs mor, ubi parum*

² Ficulnensi Gron. Crev.

³ que del. Crev.

²⁹ *Se in ordinem cogi*] Vid. not. 52. ad c. 35. hujus libri.

³⁰ *Scituros quod*] Hanc quidem loquendi formam tuentur, et immerito plerisque suspectam esse contendunt doctissimi Grammatici, auctor novæ Methodi linguæ Lat. et Perizonius in notis ad Minervam Sancti l. III. c. 14. At hic notandum, *et quod* nulla MSS. auctoritate niti. Igitur quum MSS. et Rhenani, et Gronovii, et ple-

rique e nostris habeant *sciturosque*, videndum an debeat ex utriusque, Rhenani nempe et Gronovii, sententia legi *scituros quam*.

³¹ *Via Nomentana*] Via illa Ficuleam, sive Ficulneam, eademque Nomentum ducebat. Inde illi duplex appellatio.

³² *Togatorum aliorum*] Immiserat Sigonius particulam *que* post *et aliorum*, quam postea omnes editiones

*secessione moveamur, armata veniat? Occasune urbis vultis U. C. 395.
 finire imperium? Atqui aut plebs non est habenda, aut haben- A. C. 447.
 di sunt tribuni plebis. Nos citius caruerimus patriciis magis-
 tratibus, quam illi plebeiis. Novam inexpertamque eam potes-
 tatem eripere patribus nostris, ³³ ne nunc, dulcedine semel
 capti, ferant desiderium. ³⁴ quum præsertim nec nos tempere-
 mus imperiis, quo minus illi auxilii egeant. Quum hæc ex
 omni parte jactarentur, victi consensu decemviri, futuros
 se, quando ita videatur, in potestate Patrum adfirmant. Id
 modo simul orant ac monent, ut ipsis ab invidia caveatur:
 nec suo sanguine ad supplicia Patrum plebem adsuefaci-
 ant.*

LIII. Tum Valerius Horatiusque, missi ad plebem con- Valerius et
 ditionibus, quibus videretur, revocandam, componendasque Horatius
 res, decemviris quoque ab ira et inpetu multitudinis præca- plebem re-
 vere jubentur. Profecti gaudio ingenti plebis in castra ac- vobcant.
 cipiuntur; quippe liberatores haud dubie et motus initio,
 et exitu rei. Ob hæc^b advenientibus gratiæ actæ. Icilius
 pro multitudine verba facit. Idem, quum de conditionibus
 ageretur, quærentibus legatis, quæ postulata plebis essent,
 composito jam ante adventum legatorum consilio, ea pos-
 tulavit, ut adpareret, in æquitate rerum plus, quam in ar-
 mis, reponi spei. Potestatem enim tribuniciam, provoca-
 tionemque repetebant, quæ ante decemviros creatos auxi-
 lia plebis fuerant, et ne cui fraudi esset, concisse milites
 aut plebem ad repetendam per secessionem libertatem.
 De decemvirorum modo supplicio atrox postulatum fuit.
 Dedi quippe eos æquum censebant, vivosque igni con-
 crematuros minabantur. Legati ad ea: ³⁵ *Quæ consilii
 fuerunt, adeo æqua postulastis, ut ultro vobis deferenda fue-
 rint. libertati enim ea præsidia petitis, non licentiæ ad inpug-
 nandos alios. Iræ vestræ magis ignoscendum, quam indulgen-
 dum est. quippe qui crudelitatis odio in crudelitatem ruitis, et
 prius pene, quam ipsi liberi sitis, dominari jam in adversarios
 vultis. Numquamne quiescet civitas nostra a suppliciis, aut*

^b add. *de* Gron. Crev.

receperant, nimium patienter. Ete-
 nim illa impedit sensum et obcurat:
 nec tanta esse debuerat librorum Si-
 gonii, qui persæpe malæ notæ fuisse
 deprehenduntur, auctoritas, ut his vel
 cum sensus dispendio obtemperare-
 tur. Si quibus in libris illa particula
 hoc loco reperitur, videtur nata ex
 vicinitate vocis *quid*, quæ sequitur.

³³ *Ne*] Nedum. Sic plane Cic. l. IX.
 ad Fam. ep. 26. *Me vero nihil isto-
 rum ne juvenem quidem movit un-
 quam, ne nunc senem.*

³⁴ * *Quum præsertim nec nos*] Quum præsertim nos quoque non de-
 mus operam, exercendo moderate
 imperia, ut illi minus egeant auxilio
 tribunorum.

³⁵ * *Quæ consilii fuerunt . . . Iræ
 vestræ*] Iræ, ut observat Cicero pro M.
 Marc. n. 9. *est inimica consilio*. Igi-
 tur hic opponuntur consilium et iræ.
 Quæ judicio et matura deliberatione
 postulastis, ea æquissima sunt. Alia
 ratio est eorum quæ ira incitante pe-
 titis.

U. C. 305. *Patrum in plebem Romanam, aut plebis in Patres? Scuto*
 A. C. 447. *vobis magis, quam gladio, opus est.* ³⁶ *Satis superque humilis*
est, qui jure æquo in civitate vivit, nec inferendo injuriam, nec
patiendo. Etiam, si quando metuendos vos præbituri estis,
quam, recuperatis magistratibus legibusque vestris, judicia
penes vos erunt de capite nostro fortunisque; tunc, ut quæque
caussa erit, statuetis. nunc libertatem repeli satis est.

LIV. Facerent ut vellent permittentibus cunctis, mox
 redituros se legati rebus perfectis adfirmant. Profecti
 quum mandata plebis Patribus exposuissent, alii decemviri,
 quandoquidem præter spem ipsorum supplicii sui nulla
 mentio fieret, haud quidquam abnuere. Appius, truci in-
 genio et invidia præcipua, odium in se aliorum suo in eos
 metiens odio, *Haud ignoro, inquit, inminet fortuna. Video,*
donec arma adversariis tradantur, differri adversus nos certa-
men. dandus invidiæ est sanguis. Nihil ne ego quidem moror,
quo minus decemviratu abeam. Factum senatusconsultum,
Ut decemviri se primo quoque tempore magistratu abdicarent.
Q. Furius ³⁷ *pontifex maximus tribunos plebis crearet. et ne*
cui fraudi esset secessio militum plebisque. His senatuscon-
sultis perfectis, dimisso senatu, decemviri prodeunt in con-
cionem, abdicantque se magistratu, ingenti hominum læti-
tia. Nunciantur hæc plebi. legatos, quidquid in urbe homi-
num supererat, prosequitur. Huic multitudini læta alia
turba ex castris obcurrit, congratulantur libertatem concor-
diamque civitati restitutam. Legati pro concione: Quod
bonum, faustum, felixque sit vobis, rei que publicæ, redite in
patriam ad penates, conjuges, liberosque vestros: sed, qua hic
modestia fuistis, ubi nullius ager in tot rerum usu^c necessario
tantæ multitudinī est violatus, eam modestiam ferte in ur-
bem. in Aventinum ite, unde profecti estis. Ibi felici loco, ubi
prima initia inchoastis libertatis vestræ, tribunos plebi^d crea-
bitis. præsto erit pontifex maximus, qui comitia habeat. In-
gens adsensus alacritasque cuncta adprobantium fuit.
³⁸ *Convellunt^e inde signa, profectique Romam certant cum*

^c usu rerum Gron. Crev.

^d plebis Crev.

^e convertunt Gron.

³⁶ *Satis superque]* Hæc sententia non satis videtur accurata. Non enim ideo quis humilis est, multo minus humilis ultra quam satis sit, quia jure æquo cum ceteris vivit. Nec quidquam hic opis aut ab interpretibus, aut a MSS.

³⁷ *Pontifex maximus]* Pontifex maximus tributis comitiis deligebatur. Ideo videtur idoneus auctor judicatus tribunis creandis, qui et ipsi tributis comitiis creabantur. Et quidem vix aliter fieri poterat, quum

nullus tum esset in civitate magistratus; ab interrege autem, patricio magistratu, tribunos plebei creari consentaneum non esset. De appellatione pontificis maximi vid. not. 34. ad I. 32.

³⁸ *Convellunt signa]* Hæc est veterum omnium editorum lectio, quam immerito expulerat Rhenanus, substitueratque convertunt. Etenim, ut recte observat Gronovius in nota ad hunc locum, tunc converti signa dicuntur, quum jam mota in aliam

obviis gaudio. armati per urbem silentio in Aventinum per-
veniant. ibi extemplo, pontifice maximo comitia habente,
tribunos plebis creaverunt, omnium primum ³⁹ A. Virgi-
nium, inde L. Icilium, et P. Numitorium avunculum Virgi-
niae, auctores secessionis. Tum C. Sicinium, progeniem
ejus, quem primum tribunum plebis creatum in Sacro mon-
te, proditum memoriae est; et M. Duilium, qui tribunatum
insignem ante decemviros creatos gesserat, nec in decemvi-
ralibus certaminibus plebi defuerat. ⁴⁰ Spe deinde magis,
quam meritis, electi, M. Titinius^f M. Pomponius, C. Apro-
nius, P. Villius, C. Oppius. Tribunatu inito, L. Icilius
extemplo plebem rogavit, et plebs scivit, ne cui fraudi esset
secessio ab decemviris facta. Confestim de consulibus
creandis cum provocatione M. Duillius^g rogationem pertu-
lit. ea omnia in pratis Flaminiis concilio plebis acta, quem
nunc circum Flaminium adpellant.

LV. Per interregem deinde consules creati, L. Valerius, U. C. 306.
M. Horatius; qui extemplo magistratum occeperunt. quo-
rum consulatus popularis sine ulla Patrum injuria, nec sine
offensione fuit. quidquid enim libertati plebis caveretur,
id suis decedere opibus credebant. Omnium primum,
quum veluti in controverso jure esset, tenerentur Patres
⁴¹plebiscitis, legem centuriatis comitiis tulere, *Ut, quod tri-
butim plebis jussisset, populum teneret.* qua lege tribuniciis
rogationibus telum acerrimum datum est. Aliam deinde
consularem legem de provocatione, unicum praesidium li-
bertatis, decemvirali potestate eversam, non restituunt mo-
do, sed etiam in posterum muniunt, ⁴²sanciendo novam le-
gem, *Ne quis ullum magistratum sine provocatione crearet. qui
creasset, eum jus fasque esset occidi: neve ea caedes capitalis noxae
haberetur.* Et quum plebem hinc provocatione, hinc tribuni-
cio auxilio satis firmassent, ipsis quoque tribunis, ut sacro-
sancti viderentur, (cujus rei prope jam memoria aboleverat)
relatis quibusdam ex magno intervallo ceremoniis, renova-
runt; et quum religione inviolatos eos, tum lege etiam fece-
runt, sanciendo, *Ut, qui tribunis plebis, aedilibus, ⁴³judicibus,*

^e L. Crev.

^f Titinius Gron. Crev.

^g Duilius Ead.

partem feruntur: convelli, quum fixa
alicubi, moveri incipiunt. At in
presenti negotio proficiscitur exerci-
tus Romanus e Sacro monte, ubi
conederat aliquamdiu et castra loca-
verat. Itaque convellenda erant sig-
na, non convertenda. Plura vide
apud ipsum Gronovium. ^{*} Vid. etiam
insigne hujus moris exemplum infra
XXII. 3.

³⁹ L. Virginius] Supra, c. 44.
Pater virginis L. Virgilius. Male
ergo hic edebatur A. Virginius.

VOL. I.

⁴⁰ * Spe . . . magis quam meritis] Magis quia sperabatur, eos bene me-
rituros de populo, quam in mercedem
praecedentium meritorum.

⁴¹ Plebiscitis] Iis legibus, quas
plebs, plebeio magistratu rogante, tri-
butis comitiis jussisset. Vid. not. 13.
ad II. 56.

⁴² Sanciendo novam legem] Non
male Sigonius, nova lege.

⁴³ Judicibus] Hac appellatione
negat infra Livius designari hoc loco
consules, nec docet quoniam intelligi

F

U. C. 306. ⁴⁴ *decemviris nocuisset, ejus caput Jovi sacrum esset.* ⁴⁵ *familia ad ædem Cereris,* ⁴⁶ *Liberi, Liberæque venum iret.* Hac lege juris interpretes negant quemquam sacrosanctum esse: sed eum, qui eorum cuicumque nocuerit, sacrum sanciri. Itaque ædilem prehendi ducique a majoribus magistratibus: quod etsi non jure fiat, (noceri enim ei, cui hac lege non liceat) tamen argumentum esse, non haberi pro sacrosancto ædilem: tribunos ⁴⁷ *vetere jurejurando plebis, quum primum eam potestatem creavit, sacrosanctos esse.* Fuere, qui interpretarentur, eadem hac Horatia lege ⁴⁸ consulibus quoque et prætoribus, quia iisdem auspiciis, quibus consules, crearentur, cautum esse: judicem enim consulem adpellari. Quæ refellitur interpretatio, quod his temporibus ⁴⁹ nondum consulem judicem, sed prætorem, adpellari mos fuerit. Hæ consulares leges fuere. Institutum etiam ab iisdem consulibus, ut senatusconsulta in ædem Cereris ad ædiles plebis deferrentur; quæ antea ^h arbitrio consulum supprimebantur vitiabanturque. M. Duilius deinde tribunus plebis plebem rogavit, plebesque *seivit; qui plebem sine tribunis reliquisset, quique magistratum sine provocatione creasset, tergo ac capite puniretur.* Hæc omnia, ut invitis, ita non adversantibus patriciis, transacta; quia nondum in quemquam unum sæviebatur.

LVI. Fundata deinde et potestate tribunicia, et plebis

^h ante Gron. Crev.

debeant. Perizonius, dissert. I. de Prætorio c. 7. intelligit ædiles ipsos, quos Dionys. l. VI. creatos dicit, ut inter alia munia etiam *dijudicarent lites, quas illis tribuni permetterent;* atque inde appellatos non modo *tribunorum ministros et collegas,* sed etiam *divites judices.* Verum huic interpretationi id repugnat, quod *ædiles* hac in lege jam appellati sunt solenni et maxime usitato nomine, nec proinde videntur posse rursus *judicum* appellatione designari. Nobis id unum liquet, in tota hac lege agi de plebeiis magistratibus, vel hominibus de plebe negotium publicum gerentibus. In gratiam enim et commodum plebis solius lata est. Deinde, si fuere judices qui in consilio essent tribunis et ædilibus lites dijudicantibus, de iis hunc locum interpretandum esse putaverimus.

⁴⁴ *Decemviris]* Haud facile videtur assignari posse, quinam sint hi *Decemviri.* Neque enim profecto cavet plebs Decemviris legum ferendarum causa creatis, a quorum crudelitate sese armis vindicaverat. Pomponius de Orig. juris memorat De-

cemviros *stilitibus,* sive litibus *judicandis:* sed eos longo post hanc ætatem tempore creatos. Sigonius secatur nodum, et hanc vocem ejicit, quam a vett. suis libris abesse affirmat.

⁴⁵ *Familia]* *Familia* pro bonis: ut in actione *familiæ eriscundæ,* i. e. dividendæ hæreditatis. Sic et *familiæ emptor* hæres, qui fingebatur emere bona a testatore.

⁴⁶ *Liberi]* Non ejus, qui Semele natus erat: sed ejus, qui Cereris filius cum ea colebatur, et cum Libera, quam et Venerem esse volunt. Vid. Cic. de Nat. Deor. l. II. n. 62.

⁴⁷ *Vetere jurejurando]* Vid. not. 81. ad c. 33. l. II.

⁴⁸ *Consulibus quoque]* Consulibus, tanquam designatis *judicum* vocabulo: Prætoribus, quia iisdem auspiciis, quibus consules, crearentur.

⁴⁹ *Nondum consulem]* Nondum consul judicis nomen, sed prætoris gerebat. Ceterum hanc Livii opinionem impugnat Perizonius, et contendit consules jam a primis temporibus *judicum* nomine insignitos fuisse, dissert. I. de Prætor. c. 7.

libertate, tum tribuni adgredi singulos tutum maturumque U. C. 306.
 jam rati, accusatorem primum Virginium et Appium reum A. C. 446.
 deligunt. Quum diem Appio Virginius dixisset, et Appius, stipatus patriciis juvenibus, in forum descendisset; redintegrata extemplo est omnibus memoria foedissimæ potestatis, quum ipsum satellitesque ejus vidissent. Tum Virginius, *Oratio*, inquit, *rebus dubiis inventa est. Itaque* Appius accusatur.
*neque¹ ego accusando apud vos eum tempus teram, a cujus crudelitate vosmet ipsi armis vindicastis: nec istum ad cetera scelera impudentiam in defendendo se adjicere patiar. Omnium igitur tibi, Ap. Claudii, quæ in pie nefarieque per biennium alia super alia es ausus, gratiam facio. unius tantum criminis,*⁵⁰ *ni judicem dices, te ab libertate in servitutem contra leges vindicias non dedisse, in vincula te duci jubeo. Nec in tribunicio auxilio Appius, nec in judicio populi ullam spem habebat. attamen et tribunos adpellavit: et, nullo morante, arreptus a viatore, Provoco, inquit. Audita vox una vindex libertatis, ex eo missa ore, quo vindiciæ nuper ab libertate dictæ erant, silentium fecit. Et, dum pro se quisque, Deos tandem esse, et non neglegere humana, fremunt, et superbiæ crudelitatisque, etsi seras, non leves tamen venire pœnas; provocare, qui provocationem sustulisset; et inplorare præsidium populi, qui omnia jura populi obtrisset; rapique in vincula egentem jure libertatis, qui liberum corpus in servitutem addixisset; ipsius Appii inter concionis murmur, fidem populi Romani inplorantis, vox audiebatur. Majorum merita in rempublicam domi militiæque commemorabat: suum infelix erga plebem Romanam studium, quod æquandarum legum causa cum maxima offensione Patrum*⁵¹ *consulatu abisset: suas leges, quibus manentibus lator earum in vincula ducatur. Ceterum*⁵² *sua propria bona malaque, quum causæ dicendæ data facultas sit, tum se experturum. In præsentia se communi jure civitatis civem Romanum die dicta postulare, ut dicere liceat, ut judicium populi Romani experiri. non ita se invidiam pertimuisse, ut nihil in æquitate et misericordia civium suorum spei habeat. Quod si indicta causa in vincula ducatur, iterum se tribunos plebei adpellare, et monere, ne imitentur, quos oderint. Quod si tri-*

¹ neque del. Gron.

⁵⁰ *Ni judicem dices]* Nisi judicem, quem libuerit, designabis, cui te sitas probaturus, te ab libertate....
 Vid. not. 4. ad c. 24. supra.

⁵¹ *Consulatu abisset]* Consul designatus fuerat Appius in eum annum quo Decemviri primum creati sunt. (supra c. 33.) Eo consulatu abiit, id est, eum consulatum non

gessit, obsecutus populo, qui Decemviros malebat.

⁵² *Sua propria bene malaque]* Quid sibi proprie in causa aut prodesset, aut nocere posset; quam ex parte propria sui ipsius causa aut firma esset, aut laboret. Opponit propria sua bona malaque communi civitatis juri, quod mox invocaturus est.

U. C. 308. *buni* ⁵³ *eodem fœdere obligatos se fateantur tollendæ adpellationis causa, in quam conspirasse decemviros criminati sint;*
 A. C. 446. ⁵⁴ *ait se provocare ad populum: inplorare leges de provocatione, et consulares, et tribunicias, eo ipso anno latas. Quem enim provocaturum, si hoc indemnato indicta causa non liceat? cui plebeio et humili præsidium in legibus fore, si Ap. Claudio non sit? se documento futurum, utrum novis legibus dominatio, an libertas firmata sit: et* ⁵⁵ *adpellatio provocatioque adversus injuriam magistratuum ostentata tantum inanibus literis, an vere data sit.*

LVII. Contra ea^k Virginius, unum Ap. Claudium et legum expertem et civilis et humani fœderis esse, aiebat. *Respicerent tribunal homines, castellum omnium scelerum: ubi decemvir ille perpetuus, bonis, tergo, sanguini civium infestus, virgas securesque omnibus minitans, Deorum hominumque contemtor, carnificibus, non lictoribus, stipatus, jam ab rapinis et cædibus animo ad libidinem verso, virginem ingenuam in oculis populi Romani, velut bello captam, ab^l complexu patris abreptam, ministro cubiculi sui clienti dono dederit. Ubi crudeli decreto nefandisque vindictis dexteram patris in filiam armaverit: ubi, tollentes corpus semianime virginis, sponsum avunculumque in carcerem duci jusserit; stupro interpellato magis, quam cæde, motus. et illi carcerem ædificatum esse, quod domicilium plebis Romanæ vocare sit solitus. Proinde, ut ille iterum ac sæpius provocet, sic* ⁵⁶ *se iterum ac sæpius judicem illi ferre, ni vindicias ab libertate in servitutem dederit. si ad judicem non eat, pro damnato in vincula duci jubere. Ut haud quoquam improbante, sic magno motu animorum, quum tantî viri supplicio suamet plebi jam nimia libertas videretur, in carcerem est conjectus. tribunus ei diem* ⁵⁷ *prodixit.*

In carcerem
ducitur.

Inter hæc ab Latinis et Hernicis legati gratulatum de concordia Patrum ac plebis Romam venerunt; donumque ob eam Jovi optimo maximo coronam auream in Capitolium tulere parvi ponderis, prout res haud opulentæ erant, colebanturque religiones pie magis, quam magnifice. Iisdem auctoribus cognitum est, Æquos Volcosque summa vi bel-

^k ea del. Gron. Crev.

^l a Eæd.

⁵³ *Eodem fœdere . . . tollendæ adpellationis causa, in quam]* Posses referre et quam ad nomen adpellationis. Sed id vetat vox *eadem*, quæ manifeste respicit relativum sequens. Itaque non dubitamus, quin legendum sit in quod.

⁵⁴ *Ait]* Lege cum Jac. Gronovio at. Sic l. l. c. 41. Si tua re subita consilia torpent, at tu mea sequere. Vid. et c. 31. hujus libri, et IX. l.

⁵⁵ *Adpellatio]* Jus appellandi tri-

bunos. *Provocatio ad populum.*

⁵⁶ *Se . . . judicem illi ferre, ni]* Vid. not. 4. ad c. 24. hujus libri.

⁵⁷ *Prodixit]* Sic habent tres e scriptis nostris vel optimi et antiquissimi, ut conjecerant doctissimi viri Barn. Brissonius, et Henr. Valartus. Vulgus editorum dederat *prodixit*. Sensus est: Diem longiorem judicio dixit, judicium remisit in aliam diem remotiorem. Sic supra II. 61. et diem ipsi sua voluntate prodicerent.

lum adparare. Itaque partiri provincias consules jussi. U. C. 306.
 Horatio Sabini, Valerio Æqui Volscique evenere. Quum A. C. 446.
 ad ea bella delectum edixissent, favore plebis non juniores
 modo, sed emeritis etiam stipendiis, pars magna voluntari-
 orum, ad nomina danda præsto fuere. eoque non copia
 modo, sed genere etiam militum, veteranis admixtis, firmior
 exercitus fuit. Priusquam urbem egrederentur, leges de-
 cemvirales, quibus *tabulis duodecim* est nomen, in æs incisas Tabulæ
 in publico proposuerunt. Sunt, qui jussu tribunorum ædi- XII.
 les functos eo ministerio scribant.

LVIII. C. Claudius, (qui, perosus decemvirorum scelera,
 et ante omnes fratris filii superbie infestus, Regillum, anti-
 quam in patriam, se contulerat) is magno jam natu, quum
 ad pericula ejus deprecanda redisset, cujus vitia fugerat,
 sordidatus cum gentilibus clientibusque in foro prensabat
 singulos; orabatque, *Ne Claudie genti eam inustam maculam* C. Claudius
vellent, ut carcere et vinculis viderentur digni: virum, honora- pro Appio
tissimæ imaginis futurum ad posterum, legum latorem condito- deprecatur.
remque Romani juris, jacere vinctum inter fures nocturnos ac
latrones. Averterent ab ira parumper ad cognitionem cogita-
tionemque animos: et potius unum tot Claudis deprecantibus
condonarent, quam propter unius odium multorum preces ad-
spernarentur. Se quoque id generi ac nomini dare, nec cum eo
in gratiam redisse, cujus adversæ fortunæ velit subcursum.
Virtute libertatem recuperatam esse: clementia concordiam or-
dinum stabiliri posse. Erant, quos moveret sua magis pie-
 tate, quam ejus, pro quo agebat, causa. sed Virginus, sui
 potius ut misererentur, orabat, *filiaque: nec gentis Claudie*
⁵⁸ *regnum in plebem sortitæ, sed necessariorum Virginie et*
⁵⁹ *trium tribunorum preces audirent; qui, ad auxilium plebis*
creati, ipsi plebis fidem atque auxilium implorarent. Justiores
 hæ lacrimæ videbantur. itaque, spe incisa, priusquam pro-
 dicta dies adesset, Appius ⁶⁰ sibi mortem conscivit. Sub Appius sibi
 inde arreptus a P. Numitorio Sp. Oppius, proximus invi- necem con-
 dia ⁶¹ quod in urbe fuerat, quum injustæ vindiciæ a collega sciscit.
 dicerentur. Plus tamen facta injuria Oppio, quam non Oppius
 prohibita, invidiæ fecit. testis productus, qui, septem et vi- accusatur.
 ginti enumeratis stipendiis, octies ⁶¹ extra ordinem donatus,

^m et del. Crev.

ⁿ invidiæ proximus Gron. Crev.

⁵⁸ * *Regnum in plebem sortitæ*] Cui
 fato videretur datum, ut regnum et
 tyrannicam dominationem in plebem
 exerceret.

⁵⁹ *Trium tribunorum*] Jusserat
 legi Sigonius, et *trium*. Voculam et,
 tanquam superfluum, ex auctoritate
 quatuor scriptorum delevimus.

⁶⁰ *Sibi mortem conscivit*] Dionys.

tradit homines vulgo existimasse eum
 jussu tribunorum necatum.

⁶¹ * *Extra ordinem donatus*] Non
 cum manipulo suo aut centuria, sed
 solus et extra commilitonum ordi-
 nem donatus. Sæpe universus ali-
 quis manipulus ob insignem in re
 militari præstitam operam donaba-
 tur. Sed præcipuo splendore emine-

U. C. 306.
A. C. 446.
In vincula
ductus, ibi
moritur.

donaque ea gerens in conspectu populi, scissa veste tergum laceratum virgis ostendit, nihilum deprecans, *quin, si quam suam noxam reus dicere posset, privatus iterum in se^o sæviret.* Oppius quoque ductus in vincula est, et ante iudicii diem finem ibi vitæ fecit. Bona Claudii Oppiique tribuni publicaverunt. collegæ eorum exsilii causa solum verterunt: bona publicata sunt. et M. Claudius, adsertor Virginie, die dicta damnatus, ipso remittente Virginio ultimam poenam, dimissus Tibur exsulatum abiit: Manesque Virginie, mortuæ quam vivæ felicioris, per tot domos ad petendas poenas vagati, nullo relicto sote tandem quieverunt.

Duili Trib.
plebis æqui-
tas.

LIX. Ingens metus incesserat Patres, vultusque jam iidem tribunorum erant, qui decemvirorum fuerant, quum M. Duilius tribunus plebis, ⁶² inhibito salubriter modo nimis potestatis, *Et libertatis, inquit, nostræ, et poenarum ex inimicis satis est. itaque hoc anno nec diem dici cuiquam, nec in vincula duci quemquam sum passurus. Nam neque vetera peccata repeti jam oblitterata placet,* ⁶³ *quum nova expiata sint decemvirorum suppliciis; et nihil admissum iri, quod vim tribuniciam desideret, spondet perpetua consulum amborum in libertate vestra tuenda cura.* Ea primum moderatio tribuni metum Patribus demisit, eademque auxit consulum invidiam; quod adeo toti plebis fuissent, ut Patrum salutis libertatisque prior plebeio magistratui, quam patricio, cura fuisset; et ante inimicos satietas poenarum suarum cepisset, quam obviam ituros licentiæ eorum consules adpareret. Multique erant, qui mollius consultum dicerent, quod legum ab iis latorum Patres auctores fuissent. ⁶⁴ neque erat dubium, quin, turbato reipublicæ statu, tempori subcubuissent.

Bellum
cum Æquis
et Volscis.

LX. Consules, rebus urbanis compositis, fundatoque plebis statu, in provincias diversi abiere. Valerius adversus conjunctos jam in Algido exercitus Æquorum Volscorumque ⁶⁵ sustinuit consilio bellum. Quod si extemplo rem fortunæ commisisset, ⁶⁶ haud scio, an (qui tum animi ab

^o in se iterum Gron. Crev.

bant ea dona, quæ unus quis miles aut centurio extra ceterorum ordinem referret.

⁶² *Inhibito . . . modo nimis potestati]* Apposito et adhibito modo nimium jam ferocienti potestati tribunitiæ. Quemadmodum hic *inhibere modum potestati*, sic infra IV. 53. *Damnum aliamve coercionem detrectantibus militiam inhibenti.* Et eodem lib. c. 56. *consulibus quoque . . . vim super tali re inhibitam.* Vulgo *potestatis*: mendose, procul dubio, et contra Latine lingue proprietatem. Gronovius monstraverat legendum *potestati*: quod nos eo libentius recepimus, quod sic plane habet antiquissi-

mus e scriptis nostris a prima manu: littera s in fine atramento recentiore allita est.

⁶³ *Quum nova]* Scripti nostri omnes, ut et aliquot e Gronovianis, *quum et nova.*

⁶⁴ *Neque erat dubium, quin]* Et constabat Patres, turbato reipublicæ statu, quum in totum senatorium ordinem partem invidiæ Decemviralis, quasi contagione quadam, manasse intelligerent, cessasse tempori.

⁶⁵ *Sustinuit . . . bellum]* Traxit, nec se statim pugne commisit.

⁶⁶ *Haud scio an]* Supple, non. Hæc loquendi forma idem valet, ac *fortasse.*

decemvirorum infelicibus auspiciis Romanis hostibusque U. C. 306.
A. C. 446. erant) magno detrimento certamen staturum fuerit. Castris, mille passuum ab hoste positis, copias continebat. hostes medium inter bina castra spatium acie instructa complebant. provocantibusque ad praelium responsum Romanus nemo reddebat. tandem fatigati stando, ac nequidquam expectando certamen, Æqui Volscique, postquam concessum propemodum de victoria credebant, pars in Hernicos, pars in Latinos prædatum abeunt. relinquitur magis castris præsidium, quam satis virium ad certamen. quod ubi consul sensit^p, reddit inlatum antea terrorem: instructaque acie ultro hostem laccessit. Ubi illi, conscientia quid abesset virium, detractavere pugnam, crevit extemplo Romanis animus, et pro victis habebant paventes intra vallum. Quum per totum diem stetissent intenti ad certamen, ⁶⁷ nocti^q cessere: et Romani quidem pleni spei corpora curabant. Haudquaquam pari hostes animo nuncios passim trepidi ad revocandos prædatores dimittunt. recurritur ex proximis locis; ultiores non inventi. Ubi inluxit, egreditur castris Romanus, vallum invasurus, ni copia pugnae fieret. et, postquam multa jam dies erat, neque movebatur quidquam ab hoste, jubet signa inferri consul. motaque acie, indignatio Æquos et Volscos incessit, si victores exercitus vallum potius, quam virtus et ⁶⁸ arma tegerent^r. Igitur et ipsi efflagitatum ab ducibus signum pugnae accepere. Jamque pars egressa portis erat, deincepsque alii servabant ordinem, in suum quisque locum descendentes, quum consul Romanus prius, quam totis viribus fulta constaret hostium acies, intulit signa: ⁶⁹ adortusque nec omnes dum eductos, nec, qui erant, satis explicatis ordinibus, prope fluctuantem turbam trepidantium huc atque illuc, circumspectantiumque se ac suos, addito turbatis mentibus clamore atque inpetu, invadit. Retulere primo pedem hostes. deinde, quum animos conlegissent, et undique duces, *victisne cessuri essent*, increparent, restituitur pugna.

LXI. Consul ex altera parte Romanos *meminisse* jubebat, *illo die primum liberos pro libera urbe Romana pugnare. Sibimet ipsis victuros, non ut decemvirorum victores præmium essent. Non Appio duce rem geri, sed consule Valerio, a liberatoribus populi Romani orto, liberatore ipso. Ostenderent, prioribus præliis per duces, non per milites, stetisse, ne vince-*

^p sensit consul Gron. Crev.

^q nocte Gron.

^r contegerent Gron.

⁶⁷ Nocti cessere] Sic plurimi MSS. Gronovio inspecti, et omnes nostri: melius quam quomodo vulgati, nocte.

⁶⁸ Arma tegerent] Dederat Siginus *contegerent*. Sed reclamant quinque e nostris codicibus: quorum no-

bis potior auctoritas fuit.

⁶⁹ * Adortusque nec omnes dum eductos] Adortusque eos, quum necdum omnes educti essent, nec ii, qui erant educti, satis temporis ad explicandos ordines habuissent.

U. C. 306.
A. C. 446.

rent. Turpe esse, contra cives plus animi habuisse, quam contra hostes: et domi, quam foris, servitutem magis timuisse. Unam Virginiam fuisse, cujus pudicitiae in pace periculum esset: unum Appium civem periculosae libidinis. at, si fortuna belli inclinet, omnium liberis ab tot millibus hostium periculum fore. ⁷⁰ *Nolle ominari, quae nec Jupiter, nec Mars pater passuri sint* ⁷¹ *iis auspiciis conditae urbi accidere.* Aventini Sacrique montis admonebat, ut, ubi libertas parita esset paucis ante mensibus, eo imperium inlibatum referrent: ostenderentque, eandem indolem militibus Romanis post exactos decemviros esse, quae ante creatos fuerit: nec, aequatis legibus, innutritam virtutem populi Romani esse. Haec ubi inter signa peditum dicta dedit; avolat^a deinde ad equites, *Agite, juvenes, inquit, praestate virtute peditem, ut honore atque ordine praestatis. Primo concursu pedes movit hostem. pulsum vos, inmissis equis, exigite e campo. Non sustinebunt inpetum.* Vincuntur. *et nunc cunctantur magis, quam resistunt.* Concitant equos, permittuntque in hostem, pedestri jam turbatum pugna: et, perruptis ordinibus, elati ad novissimam aciem, pars libero spatio circumvecti, jam fugam undique capessentes plerosque a castris avertunt, praeterequitanterque absterrent. Peditum acies, et consul ipse, visque omnis belli fertur in castra: captisque cum ingenti caede, majore praeda potitur. Hujus pugnae fama perlata non in urbem modo, sed in Sabinos ad alterum exercitum. In urbe laetitia modo celebrata est; in castris animos militum ad aemulandum decus accendit. Jam Horatius ⁷² eos, excursionibus sufficiendo, proeliisque levibus experiundo, adsuefecerat sibi potius fidere, quam meminisse ignominiae decemvirorum ductu acceptae; parvaeque certamina in summam totius profecerant spei. Nec cessabant Sabini, feroces ab re prioris anno bene gesta, lacerare atque instare, rogitanter, *Quid latrocinii modo procursantes pauci recurrentesque tererent tempus, et in multa praelia parvaeque carperent summam unius belli? Quin illi congrederentur acie, inclinandamque semel fortunae rem darent?* LXII. Ad id, quod sua sponte satis conlectum animorum erat, indignitate etiam Romani accendebantur. Jam alterum exercitum victorem in urbem rediturum; sibi ultro

Bellum
cum Sabi-
nis.

^a *advolat* Gron. Crev.

⁷⁰ *Nolle ominari*] Ea erat veterum superstitio, ut ipsam malorum mentionem saevi esse ominis existimarent. Ideo hic consul abstinere ab enumerandis sigillatim malis, quae victis timenda forent, sed ea intelligi vult potius, quam a se nominari.

⁷¹ *Iis auspiciis*] Talibus, tam felicibus, tam magnis auspiciis.

⁷² *Eos excursionibus sufficiendo*] Si

vox *excursionibus* in dandi casu accipietur, sensus erit: eos subministrando quodammodo, eorum opera utendo ad excusiones: si in auferendi casu; eos excursionibus exercendo, et quasi imbuendo: quo sensu Cicero in Hortensio dixit, *Sufficiant lanam medicamentis*; et Virg. l. II. Aen. v. 210. *Ar dentesque oculos suffecti sanguine et igni.*

per centumelias hostem insultare. quando autem se, si tum U. C. 306.
non sint, pares hostibus fore? Ubi hæc fremere militem in A. C. 446.
 castris consul sensit, concione advocata, *Quemadmodum,*
inquit, in Algido res gesta sit, arbitror vos, milites, audisse:
qualem liberi populi exercitum decuit esse, talis fuit. con-
sultu collegæ, virtute militum victoria parta est. Quod ad
me adinet, id consilii animique habiturus sum, ⁷³ quod vos
mihî effeceritis. et trahi bellum salubriter, et mature per-
fici potest. Si trahendum est, ego, ut in dies spes virtusque
vestra crescat, eadem, qua institui, disciplina efficiam. Si
jam satis animi est, decernique placet, agitedum, clamorem,
qualem in acie sublaturi estis, tollite hic, indicem voluntatis
virtutisque vestræ. Postquam ingenti alacritate clamor est
 sublatus, *Quod bene vertat, gesturum se illis morem, postero-*
que die in aciem deducturum, adfirmat. Reliquum diei ad-
 parandis armis consumtum est. Postero die simul instrui
 Romanam aciem Sabini videre, et ipsi, jam pridem avidi ^{Pugna cum}
 certaminis, procedunt. Proelium fuit, quale inter fidentes ^{iisdem.}
 sibimet ambo⁷⁴ exercitus, veteris perpetuæque alterum glo-
 riæ, alterum nuper nova victoria elatum. Consilio etiam
 Sabini vires adjuvere. nam quum æquassent aciem, duq ex-
 tra ordinem millia, quæ in sinistrum cornu Romanorum in
 ipso certamine inpressionem facerent, tenuera. quæ ubi,
 inlatis ex transverso signis, degravabant prope circumven-
 tum cornu; equites duarum legionum sexcenti fere ex equis
 desiliunt, cedentibusque jam suis provolant in primum; si-
 mulque et hosti se obponunt, et, æquato primum periculo,
 pudore deinde animos peditum accendunt. Verecundiæ
 erat, equitem suo alienoque marte pugnare: peditem ne ad
 pedes quidem degresso equiti parem esse.

LXIII. Vadunt igitur in proelium ab sua parte omis-
 sum; et locum, ex quo cesserant, repetunt: momentoque
 non restituta modo pugna, sed inclinatur etiam Sabinis
 cornu. Eques inter ordines peditum tectus se ad equos
 recipit. transvolat inde in partem alteram, suis victoriæ
 nuncius; simul et in hostes jam pavidos, quippe fuso suæ
 partis validiore cornu, inpetum facit. non aliorum eo proe-
 lio virtus magis enituit. Consul providere omnia, laudare
 fortes, increpare, sicubi segnior pugna esset. Castigati for-
 tum statim virorum operam edebant: tantumque hos pu-
 dor, quantum alios laudes excitabant. Redintegrato cla- ^{Vincunt}
 more, undique omnes connisi hostem avertunt, nec deinde ^{Romani.}

⁷³ inser. milites Gron. Crev.

⁷⁴ ambo Ead.

⁷³ Quod vos, milites, mihî effeceri-
 tis] Effeceritis hic parum proprie dic-
 tum videtur. Sed et vox milites abest
 ab aliquot scriptis, tum Gronovianis,

tum nostris. Lege ergo quomodo ha-
 bet plane unus codex a Gronovio in-
 spectus, Quod vos mihî feceritis.

U. C. 306.
A. C. 446.

Romana vis sustineri potuit. Sabini, fusi passim per agros, castra hosti ad prædam relinquunt. ibi non sociorum, sicut in Algido, res, sed suas Romanus, populationibus agrorum amissas, recipit. Gemina victoria duobus bifariam præliis parta, maligne senatus in unum diem supplicationes consulum nomine decrevit. Populus injussu et altero die frequens iit supplicatum. et hæc vaga popularisque supplicatio studiis prope celebratior fuit. Consules ex composito eodem biduo ad urbem accessere, senatumque in Martium campum evocavere. ubi quum de rebus ab se gestis agerent, questi primores Patrum, senatum inter milites dedita opera terroris caussa haberi. itaque inde consules, ne criminationi locus esset, in prata Flaminia, ubi nunc ædes Apollinis est, (⁷⁴ jam * tum Apollinarem adpellabant) avocavere senatum. Ubi quum ingenti consensu Patrum negaretur triumphus, L. Icilius tribunus plebis tulit ad populum de triumpho consulum, multis dissuasum prodeuntibus, maxime C. Claudio vociferante, *De Patribus, non de hostibus, consules triumphare velle; gratiamque pro privato merito in tribunum, non pro virtute honorem, peti. numquam ante de triumpho per populum actum, semper æstimationem arbitriumque ejus honoris penes senatum fuisse. ne reges quidem majestatem summi ordinis inminuisse. ne ita omnia tribuni potestatis suæ implerent, ut nullum publicum consilium sinerent esse. Ita demum liberam civitatem fore, ita æquatas leges, si sua quisque jura ordo, suam majestatem teneat.* In eandem sententiam multa et a ceteris senioribus Patrum quum essent dicta, omnes tribus eam rogationem acceperunt. Tum primum, sine auctoritate senatus, populi jussu triumphatum est.

Contentiones de triumpho Coss.

Jussu plebis triumphant.

Tribuni Pl. refici volunt.

Vetat Duilius.

LXIV. Hæc victoria tribunorum plebisque prope in haud salubrem ⁷⁵ luxuriam vertit, conspiratione inter tribunos facta, ut iidem tribuni reficerentur, et, quo sua minus cupiditas emereret, consulibus quoque continuarent magistratum. Consensum Patrum caussabantur, quo per contumeliam consulum jura plebis labefacta essent. *Quin futurum, nondum firmatis legibus, si novos tribunos per factiones suas consules adorti essent? non enim semper Valerios Horatiosque consules fore, qui libertati plebis suas opes postferrent.* Forte quadam utili ad tempus, ut comitiis præesset, potissimum M. Duilio sorte evenit, viro prudenti,

* circum jam tum Gron. Crev.

⁷⁴ Circum jam tum] Vocem circum abesse a MSS. et Vett. editis affirmat Gronovius: nec eam agnoscunt quinque e nostris. Unde ea deleta legendum suspicatur: jam tum Apollinar quam vocem fingit ad

exemplum usitatarum illarum, Lupercal, Bacchanal, Latiar, Palatuar, apud Festum in voce Septimontio.

⁷⁵ Luxuriam] Lætitiam insolentem, et nova atque illicita tentandi avidam.

et ex continuatione magistratus invidiam imminentem cer- U. C. 306.
nenti. qui quum ex veteribus tribunis negaret ullius se ratio- A. C. 446.
nem habiturum, pugnarentque collegæ, ut liberas tribus in
suffragium mitteret, aut concederet sortem comitiorum colle-
gis, habituris e lege potius comitia, quam ex voluntate Pa-
trum; injecta contentione, Duilius, consules ad subsellia
adcitos quum interrogasset, quid de comitiis consularibus
in animo haberent, respondissentque, se novos consules
creaturos, ⁷⁶ auctores popularis sententiæ haud populares
nactus, in concionem cum iis processit. Ubi quum consu-
les, producti ad populum, interrogatique, si eos populus
Romanus, memor libertatis per illos receptæ domi, memor
militiæ rerumque gestarum, consules iterum faceret, quid-
nam facturi essent, nihil sententiæ suæ mutassent; conlau-
datis consulibus, quod perseverarent ad ultimum dissimiles
decemvirorum esse, comitia habuit: et, quinque tribunis
plebis creatis, quum præ studiis aperte petentium novem
tribunorum alii candidati ⁷⁷ tribus non explerent, concilium
dimisit; nec deinde comitiorum causa habuit. Satisfac-
tum legi aiebat, quæ, numero nusquam præfinito tribunis,
modo ut relinquerentur, sanciret; et ab iis, qui creati es-
sent, cooptari collegas juberet. Recitabatque rogationis
carmen, in quo, *Si tribunos plebei decem rogabo, si qui
vos minus hodie decem tribunos plebei* ⁷⁸ *feceritis: hi tum uti,
quos sibi collegas cooptassint, ut illi legitimi eadem lege tri-
buni plebei sint, ut illi, quos hodie tribunos plebei feceri-
tis.* Duilius, quum ad ultimum perseverasset, negando
quindecim tribunos plebei² rempublicam habere posse, victa
collegarum cupiditate, pariter Patribus plebique acceptus,
magistratu abiit.

LXV. Novi tribuni plebis in cooptandis collegis Pa- U. C. 307.
trum voluntatem foverunt. duos etiam patricios ⁷⁹ consula- A. C. 445.
resque, Sp. Tarpeium et A. Aterium, cooptavere. Consules Lar. Her-
creati, Lar. Herminius, T. Virginius Cælimontanus, nihil T. Virgi-
magnopere ad Patrum aut plebis causam inclinati, otium nio Coss.
domi ac foris habuere. L. Trebonius tribunus plebis, infes-
tus Patribus, quod se ab iis in cooptandis tribunis fraude

¹ si quos—fecerint Gron. Crev.

² plebi Gron.

⁷⁶ *Auctores popularis sententiæ haud populares nactus*] Sensus expeditior multo foret, si in alium locum retracta particula *haud* legeremus: *auctores haud popularis sententiæ populares nactus*, id est, nactus gratos populo auctores sententiæ haud acceptæ in vulgus. Sententia illa haud popularis, est ipsius Duilii sententiæ de non reficiendis tribunis plebei, quod populus optabat. Auctores populares

sunt consules, qui tum acceptissimi erant populo.

⁷⁷ *Tribus non explerent*] Non possent legitimum et necessarium suffragiorum numerum ferre, sive a maiore tribuum parte creari.

⁷⁸ *Fecerint*] Videtur scriptum fuisse, *feceritis*; quemadmodum infra: *ut illi quos hodie tribunos plebei feceritis.*

⁷⁹ *Consulares*] Vid. supra c. 31.

U. C. 307. A. C. 445. captum, proditum a collegis, aiebat, rogationem tulit, ut qui plebem Romanam tribunos plebi rogaret, is usque eo rogaret, dum decem tribunos plebi^a faceret; insectandisque Patribus, unde Aspero etiam inditum est cognomen, tribunatum gessit.

U. C. 308. A. C. 444. M. Geganio, C. Julio Coss. Inde M. Geganus Macerinus et C. Julius, consules facti, ⁸⁰ coitiones tribunorum, adversus nobilium juventutem ortas, sine insectatione potestatis ejus, conservata majestate Patrum, sedare. plebem, decreto ad bellum Volscorum et Æquorum delectu, ⁸¹ sustinendo rem, ab seditionibus continuere: urbano quoque otio foris omnia tranquilla esse adfirmantes, per discordias civiles externos tollere animos. Cura pacis concordiae quoque intestinae caussa fuit. Sed alter semper ordo gravis alterius modestiae erat. quiescenti plebi ab junioribus Patrum injuriae fieri coeptae. ubi tribuni auxilio humilioribus essent, in primis parum proderat: deinde ne ipsi quidem inviolati erant, utique postremis mensibus, quum et per coitiones potentiorum injuria fieret, et vis potestatis omnis aliquanto posteriore anni parte languidior ferme esset: jamque plebs ita in tribunatu ponere aliquid spei, si similes Icilio tribunos haberet: nomina^b tantum se biennio habuisse. Seniores contra Patrum, ut nimis feroces suos credere juvenes esse; ita malle, si modus excedendus esset, suis, quam adversariis, superesse animos. adeo moderatio tuendae libertatis, dum æquari velle simulando ita se quisque extollit, ut deprimat alium, in difficili est: cavendoque ne metuant homines, metuendos ultro se efficiunt: et injuriam a nobis repulsam, tamquam aut facere aut pati necesse sit, injungimus aliis.

Juniorum
e Patribus
in plebem
injuriarum.

U. C. 309. A. C. 443. T. Quinctio IV. Agr. Furio Coss. LXVI. T. Quinctius Capitolinus quartum et Agrippa Furius, consules inde facti, nec seditionem domi, nec foris bellum, acceperunt: sed imminebat utrumque. Jam non ultra discordia civium reprimi poterat, et tribunis et plebe incitata in Patres, quum dies alicui nobilium dicta novis semper certaminibus conciones turbaret. ⁸² ad quarum primum strepitum, velut signo accepto, arma cepere Æqui ac Volsci: simul quod persuaserant iis duces, cupidi praedarum, ⁸³ biennio ante delectum indictum haberi non potuisse, abnuente jam plebe imperium. eo adversus se non esse missos exercitus. dissolvi licentia militandi morem. nec pro

Æqui et
Volsci bellum
Rom. inferunt.

^a plebei Gron. Grey.

^b nomine Eaed.

⁸⁰ Coitiones] Hæc vox opportuna corruptoribus, hic, ut sæpe alias, depravata fuerat, legebaturque conciones. Correxerit Sigonius ex conjectura: quam firmat Sorbonicus codex. Victorinus præfert contentiones.

⁸¹ Sustinendo rem] Trahendo, proferendo rem, i. e. delectum. Sic c. 60.

supra: sustinuit bellum, id est, traxit.

⁸² Ad quarum] Melius videretur ad quorum, ut referatur ad eum certaminum.

⁸³ Biennio ante] Hic biennium intelligi necesse est, non integrum, sed inchoatum tantummodo: quum anno superiore delectus indictus sit.

communis jam patria Romam esse. quidquid irarum simul- U. C. 309.
 tatumque cum externis fuerit, in ipsos verti. obcæcatos lupos A. C. 443.
 intestina rabie opprimendi occasionem esse. Coniunctis Ad moenia
 exercitibus Latinum primum agrum perpopulati^c sunt: ipsa Romæ
 deinde postquam ibi nemo vindex obcurrerebat, tum vero, accedunt.
 exsultantibus belli auctoribus, ad moenia ipsa Romæ popu-
 labundi regione portæ Esquilinæ accessere, vastationem
 agrorum per contumeliam urbi^d ostentantes. unde post-
 quam inulti, prædam præ se agentes, retro ad Corbionem
 agmine iere, Quinctius consul ad concionem populum vo-
 cavit.

LXVII. Ibi in hanc sententiam locutum accipio: *Etsi* T. Quinctii
 mihi nullius noxæ conscius, Quirites, sum, tamen cum pudore oratio ad
 summo in concionem vestram processi. Hoc vos scire, hoc pos-
 teris memoriæ traditum iri, *Æquos et Volscos, vix Hernicis*
modo pares, T. Quinctio quartum consule, ad moenia urbis
Romæ impune armatos venisse. Hanc ego ignominiam, (quam-
quam jam diu ita vivitur, is status rerum est, ut nihil boni di-
vinet animus) si huic potissimum imminere anno scissem, vel
exilio, vel morte, si alia fuga honoris non esset, vitassem.
Ergo, si viri arma illa habuissent, quæ in portis fuere nostris,
capi Roma me consule potuit? satis honorum, satis superque
vite erat: mori consulem tertium oportuit. Quem tandem
ignavissimi hostium contempsere? nos consules? an vos Quiri-
tes? Si culpa in nobis est, auferte imperium indignis; et,
si id parum est, insuper penas expetite. Si in vobis, nemo
Deorum nec hominum sit, qui vestra puniat peccata, Qui-
rites; vosmet tantum eorum pœniteat. Non illi vestram
ignaviam contempsere, nec suæ virtuti confisi sunt; quippe
toties furi fugatique, castris exuti, agro multati, sub jugum
missi, et se et vos uovere. Discordia ordinum est venenum
urbis hujus; Patrum ac plebis certamina: dum nec nobis
imperii, nec vobis libertatis est modus, dum lædet vos pa-
tricioꝝ, hos^e plebeioꝝ magistratum, sustulere illi animos.
Pro Deûm fidem, quid vobis vultis? Tribunos plebis concupis-
tis. concordia causa concessimus. Decemviros desiderastis.
creari passi sumus. Decemvirorum vos pertæsum est. coegi-
mus abire magistratu. Manente in eosdem privatos ira ves-
tra, mori atque exulare nobilissimos viros honoratissimosque
passi sumus. Tribunos plebis creare^f iterum voluistis. creas-
tis. Consules facerestrarum partium, etsi Patribus vide-
bamus iniquum; patricium quoque magistratum plebi donum
fieri vidimus. auxilium tribunicium, provocationem ad popu-
lum, scita plebis injuncta Patribus. sub titulo æquandarum le-
gum, nostra jura oppressa tulimus et ferimus. Qui finis erit

^c populati Gron. Crev.^d urbi per contumeliam Ead.^e nos Ead.^f creari Gron.

U. C. 309. discordiarum? *Ecquando unam urbem habere, ecquando com-*
 A. C. 448. *munem hanc esse patriam licebit? Victi nos æquiore animo qui-*
escimus, quam vos victores. Satisne est, nobis vos metuendos
esse? Adversus nos Aventinum capitur, adversus nos Sacer
occupatur mons. ⁸⁴ *Esquilias quidem ab hoste prope captas, et*
scandentem in ⁸⁵ *aggerem Volscum hostem nemo submovit. in*
nos viri, in nos armati estis.

LXVIII. *Agitedum, ubi hic curiam circumsederitis, et fo-*
rum infestum feceritis, et carcerem inpleveritis, principibus; iis-
dem istis ferocibus animis egredimini extra portam Esquil-
nam: aut, si ne hoc quidem audetis, ex muris visite agros ves-
tros ferro ignique vastatos, prædam abigi, fumare incensa pas-
sim tecta. At enim communis res per hæc loco est pejore: ager
uritur, urbs obsidetur, belli gloria penes hostes est. Quid tan-
dem? privatae res vestrae in quo statu sunt? Jam unicuique
ex agris sua damna nunciabuntur. quid est tandem domi, unde
ea expleatis? Tribuni vobis amissa reddent ac restituent? vocis
verborumque quantum voletis, ingerent, et criminum in princi-
pes, et legum aliarum super alias, et concionum. Sed ex illis
concionibus numquam vestrum quisquam re, fortuna, domum
auctior rediit. Ecquis retulit aliquid ad conjugem ac libe-
ros, præter odia, offensiones, simultates publicas privatasque?
a quibus semper non vestra virtute innocentiaque, sed auxilio
alieno tuti sitis. At, Hercules, quum ⁸⁶ *stipendia, nobis con-*
sulibus, non tribunis ducibus, et in castris, non in foro, facie-
batis, et in acie vestrum clamorem hostes, non in concione Pa-
tres Romani horrebant, præda parta, agro ex hoste capto, pleni
fortunarum gloriaeque, simul publicæ, simul privatae, trium-
phantes domum ad Penates redibatis. nunc oneratum vestris
fortunis hostem abire sinitis. Hærete adfixi concionibus, et in
foro vivite: sequitur vos necessitas militandi, quam fugitis.
Grave erat in Æquos et Volscos proficisci? Ante portas est
bellum. si inde non pellitur, jam intra mœnia erit, et arcem et
Capitolium scandet, et in domos vestras vos persequetur.
⁸⁷ *Biennio ante senatus delectum haberi, et educi exercitum in*
Algidum jussit. sedemus desides domi, mulierum ritu inter nos

^f in del. Gron.

^g et Gron. Crev.

⁸⁴ *Esquilias prope captas, et*
. . . . hostem nemo submovit] Verbum
submovit in utrumque non convenit.
 Sed sæpe plura orationis membra
 uno eodemque verbo claudi videntur,
 quum ad verum sensum aliud sup-
 plendum sit. Sic Cic. X. ad Att. 4.
Fortunam, qua illi florentissima, nos
durior confictati videmur. Vid. Sanc-
 tti Min. l. IV. c. 8. et Perizonii notas
 ibidem. Hic igitur in priore oratio-
 nis membro supplendum est *nemo de-*

fendit, aut aliud quid simile.

⁸⁵ *Aggerem]* Esquilinus collis illa
 parte adibatur per aggerem Tarquini
 Superbi.

⁸⁶ *Stipendia faciebatis]* Non-
 dum stipendia militi Romano solve-
 bantur. Sed hic Livius temporis sui
 morem in scribendo sequitur, quo
stipendia facere et militare promiscue
usurpabantur.

⁸⁷ *Biennio ante]* Vid. not. 83. ad
 c. 66.

altercantes ; præsentī pace læti, nec cernentes, ex otio illo brevi U. C. 309. multiplex bellum rediturum. His ego gratiora dictu alia esse A. C. 443. scio : sed me vera pro gratis loqui, et si meum ingenium non moneret, necessitas cogit. Vellem equidem vobis placere, Quirites ; sed multo malo vos salvos esse, qualicumque erga me animo futuri estis. Natura hoc ita comparatum est, ut, qui apud multitudinem sua causa loquitur, gratior eo sit, cujus mens nihil, præter publicum commodum, videt. nisi forte adsen- tatores publicos, plebicolas istos, qui vos nec in armis nec in otio esse sinunt, vestra vos causa incitare et stimulare putatis. Concitati, aut honori, aut quæstui illis estis : et quia in con- cordia ordinum nullos se usquam esse vident, malæ rei se, quam nullius, turbarum ac seditionum, duces esse volunt. Quarum rerum si vos tædium tandem capere potest, et patrum vestrosque antiquos mores vultis pro his novis sumere, nulla supplicia recuso ; nisi paucis diebus hos populatores agrorum nostrorum fusos fugatosque castris exuero, et a portis nostris mœnibusque ad illorum urbes hunc belli terrorem, quo nunc vos adtoniti estis, transtulero.

LXIX. *Raro alias tribuni popularis oratio acceptior ple- bi, quam tunc severissimi consulis, fuit. Juventus quoque, quæ inter tales metus detrectationem militiæ telum acerrim- um adversus Patres habere solita erat, arma et bellum^h spectabat : et agrestium fuga spoliatique in agris et vulne- rati, foediora iis, quæ subiciebantur oculis, nunciantes, to- tam urbem ira inplevere. In senatum ubi ventum est, ibi Congestæ vero in Quinctium omnes versi, ut unum vindicem majes- in T. tatis Romanæ intueri ; et primores Patrum dignam dicere Quinctium concionem imperio consulari, dignam tot consulatibus ante- laudes. actis, dignam vita omni, plena honorum sæpe gestorum, sæ- pius meritorum. Alios consules aut per proditionem digni- tatis Patrum plebi adulatos, aut acerbe tuendo jura ordinis asperiores domando multitudinem fecisse : T. Quinctium orationem memorem majestatis Patrum, concordiaeque ordi- num, et temporum in primis habuisse. Orare eum collegam- que, ut capesserent rempublicam : orare tribunos, ut uno animo cum consulibus bellum ab urbe ac mœnibus propulsari vellent, plebemque obedientem in re tam trepida Patribus præberent : ⁸⁸ adpellare tribunos communem patriam, auxi- liumque eorum inplorare, vastatis agris, urbe prope obpug- nata. Consensu omnium delectus decernitur habeturque. Delectus Quum consules in concione pronunciassent, Tempus non habetur. esse ⁸⁹ causas cognoscendi ; omnes juniores postero die prima*

^h bellum et arma Gron. Crev.

⁸⁸ Appellare] Nimirum communis patriæ appellat tribunos.

⁸⁹ Causas cognoscendi] Disceptan-

di et dijudicandi causas, quibus quis- que fretus, sibi immunitatem a militia concedendam esse contenderet. Ni-

U. C. 309. *luce in campo Martio adessent; cognoscendis causis eorum, qui nomina non dedissent, bello perfecto se daturus tempus; pro desertore futurum, cuius non probassent causam:* omnis juvenus adfuit postero die. ⁹⁰ Cohortes sibi quæque centuriones legerunt: bini senatores singulis cohortibus præpositi. Hæc omnia adeo mature perfecta accepimus, ut signa, eo ipso die a quæstoribus ex ærario promta delataque in campum, quarta diei hora mota ex campo sint: exercitusque novus, paucis cohortibus veterum militum voluntate sequentibus, manserit ad decimum lapidem. Insequens dies hostem in conspectum dedit, castraque ad Corbionem castris sunt conjuncta. Tertio die, quum ira Romanos, illos, quum toties rebellassent, conscientia culpæ ac desperatio, irritaret, mora dimicandi nulla est facta.

Volsci et
Æqui vin-
cuntur.

LXX. In exercitu Romano quum duo consules essent potestate pari; quod saluberrimum in administratione magnarum rerum est, summa imperii, concedente Agrippa, penes collegam erat: et prælatus ille facilitati submittentis se comiter respondebat, communicando consilia laudesque, et æquando inparem sibi. In acie Quinctius dextrum cornu, Agrippa sinistrum tenuit: Sp. Postumio Albo legato datur media acies tuenda; legatum alterum Ser. Sulpicium equitibus præficiunt. Pedites ab dextro cornu egregie pugnavere, haud segniter resistentibus Volscis. Ser. Sulpicius per mediam hostium aciem cum equitatu perrupit. unde quum eadem reverti posset ad suos, priusquam hostis turbatos ordines reficeret, terga inpugnare hostium satius visum est. momentoque temporis, in aversam incursando aciem, ancipiti terrore dissipasset hostes, ni suo proprio eum prælio equites Volscorum et Æquorum exceptum aliquamdiu tenuissent. Ibi vero Sulpicius negare *cunctandi tempus esse, circumventos interclusosque ab suis vociferans, ni equestre prælium connisi omni vi perficerent. Nec fugare equitem integrum satis esse, conficerent equos virosque, ne quis reveheretur inde ad prælium, aut integraret pugnam.*

mirum omnes juniores Romani nomina militum dare debebant: nec quicquam poterat hoc munus detrectare, nisi causam aliquam attulisset, quæ consulibus probaretur. Qui talem aliquam causam habebant, dicebantur *causarii*.

^{90 Cohortes}] Cohors habebat Hastatos, Principes, Triarios: e singulis manipulum unum. Manipulus dividebatur in duos Ordines, sive centurias, quibus singulis præerat centurio. Itaque sex erant in una cohorte centuriones: homines quadringenti

triginta quatuor. Manipuli enim Hastatorum et Principum, ex Livio VIII. 8. centum viginti quatuor homines singuli continebant; manipuli Triariorum, centum octoginta sex. Cohors igitur decima pars legionis, et quasi parva legio. Quod hic dicitur centuriones a cohortibus ipsis lectos, id contra solennem militiæ morem est, ex quo centuriones a consulibus, et, permissu eorum, a tribunis constitui solebant. Vid. Lipa. de Mil. Rom. I. II. Dial. 4. et 8.

non posse illos resistere sibi, quibus conferta peditum acies U. C. 309.
cessisset. Haud surdis auribus dicta: inpressione una to- A. C. 443.
 tum equitatum fudere, magnam vim ex equis præcipitavere,
 ipsos equosque spiculis confodere. is finis pugnae equestris
 fuit. Tunc, adorti peditum aciem, nuncios ad consules rei
 gestae mittunt, ubi jam inclinabatur hostium acies. nuncius
 deinde et vincentibus Romanis animos auxit, et referentes
 gradum perculit Æquos. In media primum acie vinci cœ-
 pti, qua permissus equitatus turbaverat ordines. Sinistrum
 deinde cornu ab Quinctio consule pelli cœptum; in dextro
 plurimum laboris fuit. Ibi Agrippa, ætate viribusque fe-
 rox, quum omni parte pugnae melius res^c geri, quam apud
 se, videret, accepta signa ab signiferis ipse inferre, quædam
 jacere etiam in confertos hostes cœpit. Cujus ignominiae
 metu concitati milites, invasere hostem. ita æquata ex omni
 parte victoria est. Nuncius tum a Quinctio venit, vic-
 torem jam se imminere hostium castris; nolle inrumpere,
 antequam sciat debellatum et in sinistro cornu esse. Si
 jam fudisset hostes, conferret ad se signa, ut simul omnis
 exercitus præda potiretur. Victor Agrippa cum mutua
 gratulatione ad victorem collegam castraque hostium venit,
 ibi paucis defendentibus, momentoque fuis, sine certamine
 in munitiones inrumpunt: ⁹¹ prædaque ingenti compotem
 exercitum, suis etiam rebus recuperatis, quæ populatione
 agrorum amissæ erant, reducunt. Triumphum nec ipsos
 postulasse, nec delatum iis ab senatu, accipio: nec traditur
 caussa sprete aut non sperate honoris. Ego quantum in
 tanto intervallo temporum conjicio, quum Valerio atque
 Horatio consulibus, qui præter Volscos et Æquos Sabini
 etiam belli perfecti gloriam pepererant, negatus ab senatu
 triumphus esset, verecundiae fuit pro parte dimidia rerum
 consulibus petere triumphum. ne etiam, si inpetrassent, ma-
 gis hominum ratio, quam meritorum, habita videretur.

LXXI. Victoriæ honestam, ex hostibus partam, turpe Turpe ju-
 domi de finibus sociorum judicium populi deformavit. Ari-
 dini atque Ardeates de ambiguo agro quum sæpe bello cer-
 tassent, multis in vicem cladibus fessi, judicem populum
 Romanum cepere. Quum ad causam orandam venissent,
 concilio populi a magistratibus dato, magna contentione ac-
 tum. jamque editis testibus, quum tribus vocari, et populum
 ire suffragium oporteret, consurgit P. Scaptius de plebe,
 magno natu: et, *Si licet, inquit, consules, de republica dicere,*
errare ego populum in hac causa non patiar. Quum, ut va-
 num, eum negarent consules audiendum esse, vociferantem-

^c rem Gron. Crev.

⁹¹ * Præda . . . ingenti compotem] *qua satis compotem.* Hujus loquendi
 Sk Salustius, neque animo, neque lin- formæ rarissima sunt exempla.

U. C. 309. que, *prodi publicam causam*, submoveri jussissent, tribunos
A. C. 443. adpellat. Tribuni, ut fere semper reguntur a multitudine
magis, quam regunt, dedere cupidæ audiendi plebi, ut, quæ
vellet, Scaptius diceret. Ibi inquit, *Annum se tertium et octo-
gesimum agere, et in eo agro, de quo agitur, militasse, non ju-
venem, vicesima jam stipendia merentem, quum ad Coriolos sit
bellatum. Eo rem se^d vetustate oblitteratam, ceterum suæ me-
moriæ infixam, adferre: agrum, de quo ambigitur, finium Co-
riolanorum fuisse, captisque Coriolis, jure belli publicum popu-
li Romani factum. Mirari se, quonam more Ardeates Arici-
nique, cujus agri jus numquam usurpaverint incolumi Coriolana
re, eum se a populo Romano, quem pro domino judicem fece-
rint, intercepturos sperent. Sibi exiguum vitæ tempus super-
esse: non potuisse se tamen inducere in animum, quin, quem
agrum miles pro parte virili^e manu cepisset, eum senex quoque
voce, qua una posset, vindicaret. Magnopere se suadere populo,
ne inutili pudore suam ipse causam damnaret.*

LXXII. Consules quum Scaptium non silentio modo,
sed cum adsensu etiam, audiri animadvertissent, Deos ho-
minesque testantes flagitium ingens fieri, Patrum primores
arcessunt. cum his circumire⁹² tribunos, orare, *Ne pessimum
facinus pejore exemplo admitterent judices, in suam rem⁹³ li-
tem vertendo, quum præsertim, etiamsi fas sit, curam emolumen-
ti sui judici esse, nequaquam tantum agro intercipiendo acqui-
ratur, quantum amittatur alienandis injuria sociorum animis.
Nam famæ quidem ac fidei damna majora esse, quam quæ æsti-
mari possent. Hoc legatos referre domum: hoc vulgari: hoc
socios audire: hoc hostes. quo cum dolore hos? quo cum gaudio
illos? 94 Scaptione hoc, 95 concionali seni, adsignaturos putarent
finitimos populos? Clarum hac fore imagine 96 Scaptium^f popu-*

^d se rem Gron. Crev.

^e pro virili parte Eæd.

^f add. nomen Eæd.

92 Tribunos] Admittenda videtur
Perizonii emendatio, circumire tribus.
Nam et ipsum verbum circumire me-
lius quadrat in tribus, quam in tribu-
nos: et sequens oratio dirigitur ad
eos qui rem judicaturi erant. Popu-
li autem erat, non tribunorum, judi-
care.

93 Litem] Id de quo lis erat. Sic
infra interceptoris litis aliena.

94 Scaptione] Putarentne finitimos
populos hujus judicii infamiam et
turpitudinem assignaturos Scaptio, ac
non potius in universum populum
Romanum eam rejecturos?

95 Concionali seni] Forum terere
solito, et totos dies in concionibus
consumere: quod erat otiosi hominis,
et propterea probro dabatur apud Ro-
manos. Cic. l. I. ad Att. ep. 16. Con-

cionalis hircudo ararti, misera ac jeju-
na plebecula. Vid. Gronov. l. IV. de
Pecun. Vet. c. 9.

96 Scaptium nomen] Posterio-
rem vocem a compluribus MSS. abesse
Gronovius ibidem testatur: nec eam
in ullo e nostris reperimus. Et sane
quid ea est opus? Clarum hac fore
imagine Scaptium, id est, hac actione
nobilem et celebrem Scaptium fore.
Notum est imagines fuisse insigne no-
bilitatis apud Romanos. Quod igitur
accidit hominibus novis, qui ad hono-
res admissi jus imaginis accipiunt, aut
quod nobilibus sunt imagines, argu-
mentum ingens gloriæ, id Scaptio hanc
actionem, quasi aucto agro publico, do-
lent fore ad populum: qui tamen ipse
populus eadem actione invidiosum
quadruplatoris et interceptoris litis

lum Romanum ⁹⁷ *quadruplatoris et interceptoris litis alienæ per-* U. C. 309.
sonam laturum. quem enim hoc privatae rei judicem fecisse, ut sibi A. C. 443.
⁹⁸ *controversiosam adjudicaret rem? Scaptium ipsum id quidem,*
etsi præmortui jam sit pudoris, non facturum. Hæc consules,
 hæc Patres vociferantur. sed plus cupiditas et auctor cupidi-
 tatis Scaptius valet. Vocatæ tribus judicaverunt, agrum
 publicum populi Romani esse. Nec abnuitur ita fuisse, si
 ad iudices alios itum foret: nunc haud sane quidquam
⁹⁹ *bono causæ* ^s *levatur* ^h *dedecus iudicii. idque non Aricinis*
Ardeatibusque, quam Patribus Romanis, foedius atque acer-
bius visum. Reliquum anni quietum ab urbanis motibus et
 ab externis mansit.

^s *bona causæ* Gron.

^h *elevatur* Kad.

alienæ nomen sibi quærat. Ita exponit
 hunc locum Gronovius.

⁹⁷ *Quadruplatoris]* *Quadruplato-*
res delatores erant criminum publico-
 rum: in qua re quartam partem ex
 damnatorum bonis, quos detulerant,
 consequabantur. Alii dicunt *quadru-*
platores esse eorum reorum accusato-
 res, qui convicti quadrupli damnari
 soleant, ut aleæ &c. Aec. Pedianus in
 Divin.

⁹⁸ *Controversiosam]* Vox rarissima,
 nec fortasse mendi experta. Certe Si-
 gonius affirmat veteres suos libros
 habere *controversam*.

⁹⁹ *Bono causæ elevatur]* Bonitate
 causæ imminuitur. Huc usque ede-
 batur *bona causæ*: sed illud alterum,
 quod admisimus, in compluribus MSS.
 exstare testatur Gronovius, et servant
 tres e nostris antiquissimi.

EPITOME LIBRI IV.

LEX de connubio Patrum et plebis a tribunis plebis contentione magna, Patribus repugnantibus, perlata est. ¹ Tribuni militares. Aliquot annis res populi Romani domi militiaeque per hoc genus magistratus administratae sunt. Item Censores tunc primum creati sunt. ² Ager Ardeatibus populi Romani iudicio ablati, missis in eum colonis, restitutus est. Quum fame populus Romanus laboraret, Sp. Maelius, eques Romanus, frumentum populo sua impensa largitus est: et, ob id factum conciliata sibi plebe, regnum adfectans a C. Servilio Ahala, magistro equitum, jussu Quinctii Cincinnati dictatoris occisus est: L. Minucius index bove aurata donatus est. Legatis Romanis a Fidenatibus occisis, quoniam ob rempublicam occubuerant, statuæ in Rostris positæ sunt. Cossus Cornelius tribunus militum, occiso Tolumnio rege Veientium, opima spolia secunda retulit. Mam. Æmilius dictator, censuræ honore, qui antea per quinquennium gerebatur, anni et sex mensium spatio finito, ob eam rem a censoribus notatus est. Fidenæ in potestatem redactæ, eoque coloni missi sunt. quibus occisis, Fidenates, quum defecissent, a Mam. Æmilio dictatore victi sunt, et Fidenæ captæ. Conjunctio servorum oppressa est. Postumius, tribunus militum, propter crudelitatem ab exercitu occisus est. Stipendium ex ærario tum primum militibus datum est. Res præterea gestas adversus Volscos, et Fidenates, et Faliscos, continet.

¹ *Tribuni militares*] Vox ultima addita est a nescio quo. Sigonius locum mancum reperit in suis libris, nec explevit. Judicet lector, an his verbis satis clare designentur tribuni militum consulari potestate, hoc præsertim loco, ubi hujus generis magis-

tratum prima mentio occurrit. Si unum tantum hic vocabulum deerat, libentius legere possemus: *Tribuni consulares*. Vid. not. 33. ad c. 55. hujus libri.

² *Ager Ardeatinus*] Rescribit Gronovius, *Ardeatibus*.

T. LIVII PATAVINI

LIBER IV.

U. C. 310.
A. C. 442.
M. Genu-
cio, C. Cur-
tio Coss.
Lex de con-
nubio Pa-
trum et
plebis.
De commu-
nicando
cum plebe
consulatu.

HOS secuti M. Genucius et C. Curtius consules. Fuit annus domi forisque infestus. nam anni principio et ¹ de con- nubio Patrum et plebis C. Canuleius tribunus plebis rogatio- nem promulgavit; qua contaminari sanguinem suum Patres, confundique ²jura gentium rebantur: et mentio, primo sensim inlata a tribunis, ut alterum ex plebe consulem liceret fieri, eo processit deinde, ut rogationem novem tribuni promulgarent, *ut populo potestas esset, seu de plebe, seu de Patribus vellet, con- sules faciendi.* Id vero si fieret, non vulgari modo cum infimis, sed prorsus auferri a primoribus ad plebem, summum imperi- um credebant. Laeti ergo audiere Patres, Ardeatium populum ob injuriam agri abjudicati descisse, et Veientes depopulatos extrema agri Romani, et Volscos Æquosque ob communi- tam ³ Verruginem fremere. adeo vel infelix bellum ignomi- niosæ paci ⁴præferebant. His itaque in majus etiam ac- ceptis, ut inter strepitum tot bellorum conticescerent actio- nes tribuniciaë, delectus haberi, bellum armaque vi summa adparari jubent; si quo intentius possit, quam T. Quinctio consule adparatum sit. Tum C. Canuleius pauca in senatu vociferatus, *nequidquam territando consules avertere plebem a cura novarum legum; numquam eos se vivo delectum habituros, antequam ea, quæ promulgata ab se collegisque essent, plebes scirisset; et* ⁵ confestim ad concionem advocavit.

II. Eodem tempore et consules senatum in tribunum, et

⁵ et del. Gron. Crev.

¹ *De connubio Patrum ac plebis]* Decemviri duabus postremis tabulis inseruerant legem, ne patriciis cum plebeiis licita essent connubia: non aliam ob causam, si conjecturæ Dio- nysii fides habetur, quam ne per affi- nitates et connubia concordia inter ordines coalesceret. Dionysius l. X.

² *Jura Gentium]* *Gens* est hoc lo- co, quæ e multis *familiis* conficitur. *Gens* enim complectitur eos omnes, qui eodem sunt et nomine et cogno- mine. Jam vero ii soli *gentem habere* dicebantur, qui ab ingenuis oriundi essent, quorum majorum nemo servi-

tutem servivisset, qui capite non es- sent diminuti: teste Cic. in Topicis, n. 29. Inde patricii solos se *gentem habere* gloriabantur, (vid. Liv. X. 8.) quod tales a Romulo electi essent, quales modo ex Cicerone descripsi- mus. Propterea *jura gentium con- fundi* ac perturbari *rebantur* admisto plebeiorum sanguine, quos negabant *gentem habere*.

³ *Verruginem]* Oppidum in Vol- scorum Æquorumque confinio: de quo nulla hactenus a Livio facta men- tio est.

⁴ *Præferebant]* Volsci et Æqui.

tribunus populum in consules incitabat. Negabant con- U. C. 310.
sules, jam ultra ferri posse furores tribunicios. ventum jam ad A. C. 442.
finem esse; domi plus belli concitari, quam foris. Id adeo non Adversus
plebis, quam Patrum; neque tribunorum magis, quam consu- utramque
lum, culpa accidere. cujus rei præmium sit in civitate, cam legem ora-
maximis semper auctibus crescere: sic pace bonos, sic bello fieri. tio Coss.
Maximum Romæ præmium seditionum esse: id et singulis uni-
versisque semper honori fuisse. Reminiscerentur, quam majes-
tatem senatus ipsi a patribus accepissent, quam liberis tradituri
essent; ⁵ ut (quemadmodum plebs gloriari posset) auctiorem
ampliolemque esse. Finem ergo non fieri, nec futuram, donec,
quam felices seditiones, tam honorati seditionum auctores essent.
Quas quantasque res C. Canuleium adgressum? conluionem
gentium, ⁶ perturbationem ⁷ auspiciorum publicorum privato-
rumque adferre, ne quid sinceri, ne quid incontaminati sit: ut,
discrimine omni sublato, nec se quisquam, nec suos noverit. Quam
enim aliam vim connubia promiscua habere, nisi ut ferarum prope
ritu vulgentur concubitus plebis Patrumque? ut, qui natus sit, ig-
noret, cujus sanguinis, ⁸ quorum sacrorum sit; dimidius Patrum
sit, dimidius plebis, ne secum quidem ipse concors. Parum id vi- Adversus
deri, quod omnia divina humanaque turbentur: jam ad consulatum legem de
vulgi turbatores adcingi; et primo, ut alter consul ex plebe fieret, Coss. ple-
id modo sermonibus tentasse: nunc rogari, ut, seu ex Patribus, beilis.
seu ex plebe velit, populus consules creet: et creaturos haud dubie
ex plebe seditiosissimum quemque. Canuleios igitur Icilioque
consules fore. ne id Jupiter optimus maximus sineret, ⁹ regiae
majestatis imperium eo recidere: et se milles morituros potius,
quam ut tantum dedecoris admitti patiantur. Certum habere,
majores quoque, si divinassent, concedendo omnia non mitiorem
in se plebem, sed asperiores alia ex aliis iniquiora postulando,
quam prima inpetrasset, futuram, primo quamlibet dimicatio-

⁵ Ut, quemadmodum] Locus corrup-
tus, cujus tamen sensum assequi haud
difficile est. Queruntur consules,
quod Patres tradituri non essent libe-
ris majestatem senatus auctiorem
ampliolemque, quemadmodum plebs
gloriari posset futurum, ut majesta-
tem plebis ampliolem posteris trade-
ret, quam a patribus accepisset. * Ad
eum sensum refingi potest periodus,
si loco particulæ ut leges an, et in
fine resceat esse.

⁶ Perturbationem auspiciorum] Con-
tendebant patricii se solos auspicia ha-
bere: (vid. infra c. 6. et l. VI. c. 41.) in-
certum autem fore, cujus sanguinis,
plebeine an patricii, futuri essent ii
qui ex connubiis Patrum et plebis
nascituri essent.

⁷ Auspiciorum . . . privatorum] Au-

spicia privata videntur fuisse ea, quæ
super privatorum negotiis captaban-
tur. Apud antiquos, inquit Val. Max.
l. II. c. 1. non solum publice, sed et-
iam privatim nihil gerebatur, nisi au-
spicio prius sumpto. Videntur autem
patricii tunc contendisse plebeios au-
spicari omnino non posse. Vide infra
c. 6.

⁸ Quorum sacrorum] Sua cuique
genti propria fuere sacra. Nobile ex-
emplum horum gentilitiorum sacro-
rum vide l. V. c. 46.

⁹ Regiæ majestatis imperium] Im-
perium consulare, in quo inest regia
majestas. Supra II. 1. Omnia jura re-
giæ potestatis, omnia insignia primi
consules habuere. Unde et infra VIII.
32. Consules, regia potestas.

U. C. 310. *nem subituros fuisse potius, quam eas leges sibi inponi paterentur.*
 A. C. 442. *quia tum concessum sit de tribunos, ¹⁰ iterum concessum esse. ¹¹ Finem non fieri posse. in eadem civitate tribunos plebis et Patres esse: aut hunc ordinem, aut illum magistratum tollendum esse: potiusque sero, quam numquam obviam eundem audaciæ temeritatique. ¹² Illine ut inpune primo discordias se-rentes concitent finitima bella, deinde adversus ea, quæ concita-verint, armari civitatem defendique prohibeant? et, quam hos-tes ¹³ tantum non arcessierint, exercitus conscribi adversus hostes non patiantur? Sed audeat Canuleius in senatu proloqui, se, nisi suas leges tamquam victoris Patres accipi sinant, delectum haberi prohibiturum. quid esse aliud, quam minari, se proditu-rum patriam? obpugnari atque capi passurum? quid eam vo-cem animorum, non plebi Romanæ, sed Volscis et Æquis et Veientibus adlaturam? Nonne, Canuleio duce, se speraturos Capitolium atque arcem scandere posse, si Patribus tribuni, cum jure ac majestate adempta, animos etiam eripuerint? Consules paratos esse duces prius adversus scelus civium, quam adversus hostium arma.*

Canuleii
 oratio pro
 legibus
 suis.

III. Quum maxime hæc in senatu agerentur, Canuleius pro legibus suis et adversus consules ita disseruit: *Quanto-pere vos. Quirites, contemnerent Patres, quam indignos duce-rent, qui una secum urbe intra eadem mœnia viveretis, sæpe equidem et ante videor animadvertisse: nunc tamen maxime, quod adeo atroces in has rogationes nostras coorti sunt: quibus quid aliud quam admonemus, cives nos eorum esse, et, si non easdem opes habere, eandem tamen patriam incolere? Altera connubium petimus, quod finitimis externisque dari solet. nos quidem civitatem, quæ plus quam connubium est, hostibus etiam victis dedimus. Altera nihil novi ferimus; sed id, quod populi est, repetimus atque usurpamus: ut, quibus velit, populus Ro-manus honores mandet. Quid tandem est, cur cœlum ac terras misceant? cur in me inpetus modo pene in senatu sit factus? negent se manibus temperaturos, violaturosque denuncient sa-crosanctam potestatem? Si populo Romano liberum suffragium datur, ut, quibus velit, consulatum mandet, et non præciditur spes plebeio quoque, si dignus summo honore crit, apiscendi*

Pro lege de
 Coss. ple-
 beia.

10 *Iterum concessum esse*] De tri-bunis creandis, qui per triennium, quo rempublicam rexerunt Decem-viri, nulli fuerant. Id ita perspicuum crederemus, ut monitore non esset opus, nisi Clericus de Decemviris hunc locum intellexisset.

11 *Finem non fieri posse.* In eadem] Gronovius recte videtur emendare: *Finem non fieri. Non posse in eu-dem . . .*

12 * *Illine ut*] Ellipsis ad expri-men-dam indignationem appositissima. Quam si explere volueris, intellige: Quis hoc illis concedat, ut . . . Parti-cula autem ut cadit in omnia verba quæ deinceps sequuntur subjunctivi modi, *concitent . . . prohibeant . . . non patiantur . . . audeat.*

13 *Tantum non*] Fere, propemo-dum.

summi honoris, stare urbs hæc non poterit? de imperio actum est? U. C. 310. et ¹⁴ perinde hoc valet, plebeius ne consul fiat, tamquam servum ^{A. C. 442.} aut libertinum aliquis consulem futurum dicat? Ecquid sentitis, in quanto contemptu vivatis? Lucis vobis hujus partem, si liceat, adimant. quod spiratis, quod vocem mittitis, quod formas hominum habetis, indignantur. Quin etiam (¹⁵ si Diis placet) ¹⁶ nefas aiunt esse, consulem plebeium fieri. Obsecro vos, si non ad ¹⁷ fastos, non ad ¹⁸ commentarios pontificum admittimur; ne ea quidem scimus, quæ omnes peregrini etiam sciunt? consules in locum regum successisse? nec aut juris, aut majestatis quidquam habere, quod non in regibus ante fuerit? ¹⁹ En umquam creditis fando auditum esse, Numam Pompilium, non modo non patricium, sed ne civem quidem Romanum, ex Sabino agro adcitum, populi jussu, Patribus auctoribus, Romæ regnasse? L. deinde Tarquinium, ²⁰ non Romanæ modo^b, sed ne Italicæ quidem gentis, Damarati^c Corinthii filium, ²¹ incolam ab Tarquiniis, vivis liberis Anci, regem factum? Ser. Tullium post hunc, captiva Corniculana natum, patre nullo, matre serva, ingenio, virtute regnum tenuisse? Quid enim de T. Tatio Sabino dicam, quem ipse Romulus, parens urbis, in societatem regni accepit? Ergo, dum nullum fastiditur genus, in quo eniteret virtus, crevit imperium Romanum. Poeniteat nunc vos plebei consulis, quam majores nostri advenas reges non fastidierint, et ne regibus quidem exactis clausa urbs fuerit peregrinæ virtuti. Claudiam certe gentem post reges exactos ex Sabinis non in civitatem modo accepimus, sed etiam in patriciorum numerum? Ex peregrinone patricius, deinde consul fiat? civis

^b non modo Romanæ Gron. Crev.

^c Demarati Crev.

14^a Perinde hoc valet, plebeiusne consul fiat] Et quum hoc queritur, licetne plebeium consulem fieri, perinde hoc accipiendum est, tanquam

15 Si diis placet] Usitata in indignatione loquendi formula.

16 Nefas aiunt esse] Adversum religiones esse dicunt. Vid. not. 38. ad l. 32. de proprietate vocis fas, cui opponitur nefas.

17 Fastor] Fasti duplicis generis fuere: alii, quibus et Kalendarii nomen datur, in quibus tota dierum fastorum nefastorumque, festorum vel profestorum etc. ratio continebatur. Hos fastos evulgavit Cn. Flavius scriba, ut habetur l. IX. c. 46. Alii, in quibus nomina magistratuum cujusque anni, et res gestæ maxime ad memoriam insignes perscribebantur. Tales sunt Fasti Capitolini, Fasti Siculi etc. Utrumque fastorum genus

a pontificibus, qui tum omnes patricii erant, curabatur: utrumque a vulgi notitia removebatur. De posteriore maxime videtur hic sermo esse.

18 Commentarios] In quibus pontifices suorum temporum historiam summam describebant. Vid. l. VI. c. 1. ubi pontificum commentarii inter historica monumenta recensentur. Penes pontifices fuisse conficiendorum annalium curam testantur quum alii multi, tum Cic. l. II. de Or. n. 52.

19 En umquam] Nunquamne? Vid. l. X. c. 8. XXIV. 14. XXX. 21.

20 Non modo Romanæ] Non modo non. Vid. l. I. c. 40.

21 Incolam ab Tarquiniis] Qui ab urbe Tarquiniis domicilium suum contulerat Romam. Incola opponitur civi, et is est qui aliunde in aliquam regionem, sive urbem immigravit.

U. C. 310. *Romanus si sit ex plebe, præcisa consulatus spes erit? Utrum*
 A. C. 442. *tandem non credimus fieri posse, ut vir fortis ac strenuus, pace*
belloque bonus, ex plebe, sit Numæ, L. Tarquinio, Ser. Tullio
similis? An ne, si sit, quidem ad gubernacula reipublicæ acce-
dere eum patiemur? potiusque ²² *decemviris, teterrimis morta-*
lium, qui tum omnes ex Patribus erant, quam optimis regum
²³ *novis hominibus, similes consules sumus habituri?*

IV. *At enim nemo post reges exactos de plebe consul fuit.*
Quid postea? Nullane res nova institui debet? et, ²⁴ *quod non-*
dum est factum (multa enim nondum sunt facta in novo popu-
lo) ea, ne si utilia quidem sint, fieri oportet? Pontifices, ²⁵ *au-*
gures, Romulo regnante, nulli erant: ab Numa Pompilio cre-
ati sunt. census in civitate et descriptio centuriarum classium-
que non erat: ab Ser. Tullio est facta. Consules numquam
fuerant: regibus exactis creati sunt. Dictatoris nec imperium
nec nomen fuerat: apud patres esse coepit. Tribuni plebis,
²⁷ *ædiles,* ²⁸ *quæstores, nulli erant: institutum est, ut fierent.*
Decemviros legibus scribendis intra decem hos annos et creavi-
mus, et e republica sustulimus. Quis dubitat, quin, in æternum
urbe condita, in ^d *inmensum crescente, nova imperia, sacerdotia,*
jura gentium hominumque instituuntur? Hoc ipsum, ne con-
nubium Patribus cum plebe esset, non decemviri tulerunt pau-
cis his annis ²⁹ *pessimo exemplo publico, cum summa injuria*
plebis? An esse ulla major aut insignitior ^e *contumelia potest,*
quam partem civitatis, velut contaminatam, indignam commu-

Pro lege de
 connubio
 Patrum et
 plebis.

^d et in Crev.

^e insignior Gron. Crev.

²² *Decemviris qui tum omnes*
ex Patribus erant] Annotavimus su-
 pra III. 35. ex posterioribus Decem-
 viris tres, si Dionys. credimus, ple-
 beios fuisse.

²³ *Novis hominibus]* Novi homines
 apud Romanos opponuntur nobilibus,
 et il sunt qui quum nullum ex majo-
 ribus insignitum curulibus magistra-
 tibus habebant, primi suæ stirpis ad
 honores sese evexere.

²⁴ *Quod nondum ea]* Nota
 formam loquendi, quæ Grammaticas
 leges aspernatur. Vox *multa*, ut
 propior, attraxit *ea*. Sic l. XXIII.
 c. 3. *Quod sæpe optastis, Campani,*
ut supplicii sumendi vobis ex improbo
ac detestabili senatu potestas esset, eam
nunc habetis.

²⁵ *Augures nulli]* Nullum
 augurum collegium. Jam ante Nu-
 mam periti auguriorum viri in nego-
 tiis consulebantur. Ille eos in colle-
 gium redegit, publicosque populi Ro-
 mani Sacerdotes esse jussit.

²⁶ *Apud patres]* Patrum memoria:

ante annos nimirum 57.

²⁷ *Ædiles]* De ædilitatis origine
 vid. not. 81. ad c. 33. l. II.

²⁸ *Quæstores]* Jam observavimus
 ad c. 41. l. II. quæstorum originem
 a Plutarcho ad Publicolam consulem,
 a plerisque ad reges etiam referri.
 Verum Tacitus scribit l. XI. Ann. c.
 22. eum honorem non coeptum esse a
 populi mandari, nisi aliquot annis
 post exactos Tarquinius: antea vero
 a regibus primo, mox a consulibus
 delectos quæstores fuisse. Inde facile
 nasci potuit ea opinio, quam hic Li-
 vius sequitur: ita ut pro primis om-
 nino quæstoribus habiti sint, qui pri-
 mi tantum a populo delecti fuerant.

²⁹ *Pessimo exemplo publico]* Vox
exemplo hic otiosa est. Non male le-
 geris, ea deleta, cum Gronovio: *pes-*
simo publico. Sic l. II. c. 1. *Neque*
ambigitur quin Brutus pessimo
publico id facturus fuerit. Hoc loco
 tamen plerique scripti, et veteres editi
 ignorant vocem *publico*, nec aliud
 præferunt quam *pessimo exemplo*.

bio haberi? Quid est aliud, quam ³⁰ exsiliū intra eadem mœ- U. C. 310.
 nia, quam relegationem pati? Ne adfinitatibus, ne propinqui- A. C. 442.
 tatibus immisceamur, cavent; ne societur sanguis. Quid? hoc
 si polluit nobilitatem istam vestram, quam plerique oriundi ex
 Albanis et Sabinis, non genere nec sanguine, sed per cooptatio-
 nem in Patres habetis, aut ab regibus lecti, aut post reges ex-
 actos jussu populi; sinceram servare privatis consiliis non pote-
 ratis, nec ducendo ex plebe, neque vestras filias sororesque enu-
 bere sinendo e Patribus? Nemo plebeius patriciæ virgini vim
 adferret: patriciorum ista libido est. nemo invitum pactionem
 nuptialem quemquam facere coegisset. Verum enim vero lege
 id prohiberi, et connubium tolli Patrum ac plebis, id demum
 contumeliosum plebi est. cur enim non ³¹ confertis, ne sit connu-
 bium divitibus ac pauperibus? Quod privatorum consiliorum
 ubique semper fuit, ut, in quam cuique feminae convenisset do-
 mum, nuberet; ex qua pactus esset vir domo, in matrimonium
 duceret; id vos sub legis superbissimæ vincula conjicitis, qua
 dirimatis societatem civilem, duasque ex una civitate faciatis.
 Cur non sancitis, ne vicinus patricio sit plebeius? ne eodem
 itinere eat? ne idem convivium ineat? ne in foro eodem con-
 sistat? Quid enim in re est aliud, si plebeiam patricius dux-
 erit, si patriciam plebeius? quid juris tandem mutatur? nempe
³² patrem sequuntur liberi. nec, quod nos ex connubio vestro pe-
 lamus, quidquam est, præterquam ut hominum, ut civium nu-
 mero simus. nec, vos (nisi in contumeliam ignominiamque
 nostram certare juvat) quod contendatis, quidquam est.

V. Denique, utrum tandem populi Romani, an vestrum
 nannum imperium est? Regibus exactis, utrum vobis domi-
 natio, an omnibus æqua libertas parta est? Oportet licere
 populo Romano, si velit, jubere legem. an, ut quæque rogatio
 promulgata erit, vos delectum pro pœna decernetis? et, simul
 ego tribunus vocare tribus in suffragium cœpero; tu statim
 consul sacramento juniores adiges, et in castra educes? et mi-
 naberis plebi, minaberis tribuno? Quid, si non, ³³ quantum
 istæ minæ adversus plebis consensum valerent, ³⁴ bis jam ex-
 perti essetis? scilicet, quia nobis consultum volebatis, certamine
 abstinuistis. an ideo non est dimicatum, quod, quæ pars firmior,
 eadem modestior fuit? Nec nunc erit certamen, Quirites. ani-
 mos vestros illi tentabunt semper, vires non experientur. Ita-
 que ad bella ista, seu falsa, seu vera sunt, consules, parata

³⁰ Exsiliū . . . relegationem] Re-
 legatio minor est pœna, quam exili-
 um. Exilio civitas amittitur, non
 relegatione. Vid. Institut. Justin.
 l. i. tit. 12. et 16. et ibi Vinnium.

³¹ Confertis] Simul fertis legem:
 id quoque lege lata sciendum cura-
 tis.

³² Patrem sequuntur liberi] Ex
 justo matrimonio nati. Partus extra
 nuptias conceptus uterum sequitur.

³³ Quantum] Quam parum.

³⁴ Bis jam experti essetis] Seces-
 sionibus plebis 1º. in Sacrum mon-
 tem, 2º. in Aventinum.

U. C. 310. *vobis plebes est, si, connubiis redditis, unam hanc civitatem*
 A. C. 442. *tandem facitis; si coalescere, si jungi miscerique vobis priva-*
tis necessitudinibus possunt; si spes, si aditus ad honores viris
strenuis et fortibus datur; si in consortio, si in societate rei-
*publicæ esse, si, quod æquæ libertatis est,*³⁵ *in vicem annuis*
magistratibus parere atque imperitare licet. Si hæc impedit
aliquis, ferte sermonibus, et multiplicata fama bella; nemo
est nomen daturus, nemo arma capturus, nemo dimicaturus
pro superbis dominis, cum quibus nec in re publica honorum,
nec in privata connubii societas est.

Perfertur
 lex de con-
 nubio.

Tr. militum
 consulari
 potestate.

VI. Quum in concionem et consules processissent, et res a perpetuis orationibus in altercationem vertisset; interroganti tribuno, *cur plebeium consulem fieri non oporteret?* ut fortasse vere, sic parum utiliter in præsens certamen³⁶ respondit, *quod nemo plebeius auspicia haberet. ideoque decem-viros connubium diremisse, ne incerta prole auspicia turbarentur.* Plebes ad id maxime indignatione exarsit, quod auspicari, tamquam invisi Diis immortalibus, negarentur posse. nec ante finis contentionum fuit, (quum et tribunum acerrimum auctorem plebes^f nacta esset, et ipsa cum eo pertinacia certaret) quam victi tandem Patres, ut de connubio ferretur, consensere: ita maxime rati contentionem de plebeiis consulibus tribunos aut totam deposituros, aut post bellum dilatuos esse; contentamque interim connubio plebem paratam delectui fore. Quum Canuleius, victoria de Patribus et plebis favore ingens esset, accensi alii tribuni ad certamen pro rogatione sua summa vi pugnant, et, crescente in dies fama belli, delectum impediunt. Consules, quum per senatum, intercedentibus tribunis, nihil agi posset, consilia principum domi habebant. adparebat, aut hostibus, aut civibus de victoria concedendum esse. Soli ex consularibus Valerius atque Horatius non intererant consiliis. C. Claudii sententia consules armabat in tribunos: Quinctiorum, Cincinnatique et Capitolini, sententiæ abhorrebant a cæde violandisque, quos, foedere icto cum plebe, sacrosanctos accepissent. Per hæc consilia eo deducta res est, ut tribunos militum consulari potestate promiscue ex Patribus ac plebe creari sinerent; de consulibus creandis nihil mutaretur. eoque contenti tribuni, contenta plebs fuit. Comitia tribunis consulari potestate tribus creandis indicuntur. quibus indictis, extemplo, quicumque

^f *plebs* Gron. Crev.

³⁵ *Invicem annuis magistratibus]*
 Per annuos magistratus, annuos honores, qui per plebeios ac patricios velut in orbem eant, parere et impe-

ritare vicissim.

³⁶ *Respondit]* Consulum alter: nisl malis ex Victorino codice legere *respondcrunt.*

aliquid seditiose dixerat, aut fecerat, ³⁷ quam maxime tri- U. C. 310.
bunicii, et prensare homines, et concurrare toto foro can- A. C. 442.
didati cœpere: ut patricos desperatio primo, irritata plebe,
adipiscendi honoris, deinde indignatio, si cum his gerendus
esset honos, deterreret. postremo coacti tamen a primoribus
petiere, ne cessasse possessione reipublicæ viderentur. E-
ventus eorum comitiorum docuit, alios animos in conten-
tione libertatis dignitatisque, alios, secundum deposita cer-
tamina, incorrupto iudicio esse: tribunos enim omnes pa- U. C. 311.
tricos creavit populus, contentus eo, ³⁸ quod ratio habita A. C. 441.
plebeiorum esset. Hanc modestiam æquitatemque et alti-
tudinem animi ubi nunc in uno inveneris, quæ tum * populi
universi fuit?

VII. ³⁹ Anno trecentesimo decimo, quam urbs Roma
condita erat, primum tribuni militum pro consulibus ma-
gistratum ineunt, A. Sempronius Atratinus, L. Atilius, T. A. Sempro-
Cæcilius; quorum in magistratu concordia domi pacem nio, &c.
etiam foris præbuit. Sunt, qui propter adjectum Equo- Tribb. Mil.
rum Volscorumque bello et Ardeatium defectioni Veiens
bellum, quia duo consules obire tot simul bella nequirent,
tribunos militum tres creatos dicant, sine mentione pro-
mulgatæ legis de consulibus creandis ex plebe, et imperio
et insignibus consularibus usos. Non tamen pro firmato
jam stetit magistratus ejus jus; quia tertio mense, quam
inierunt, augurum decreto, perinde ac vitio creati, honore
abiere; quod C. Curtius, qui comitiis eorum præfuerat, pa-
rum recte ⁴⁰ tabernaculum cepisset. Legati ab Ardea Ro-

§ tunc Gron. Crev.

³⁷ *Quam maxime*] Omnes scripti nostri, ut et veteres libri quos vidit Sigonius, adjiciunt hunc ante vocem quam. Fortasse dederat Livius: quicumque aliquid seditiose dixerat aut fecerat nunquam, maxime tribunicii.

³⁸ *Quod ratio habita plebeiorum erat*] Quod plebei admissi ad petendum magistratum essent, tanquam legitimi candidati.

³⁹ *Anno trecentesimo decimo*
primum tribuni militum pro consulibus magistratum ineunt] Hic rursum dissident numeri nostri a Livianis. Sed in his interdum Livius haud facile secum ipse conciliatur. † Hos tribunos militum inisse quidem magistratum anno 310. sed eum gessisse anno 311. existimat Dodwellus, diss. X. de Cyclis Rom. sect. 86. Parum, ut nobis videtur, ad Livii mentem, qui nusquam in consulibus, et illis magistratibus quorum nomine annus

insigniebatur, distinguit annum initi ab anno gesti magistratus. Sed et si annus *trecentesimus alter*, debet intelligi, ut probavimus in nota 39. ad III. 33. *trecentesimus primus*, sed exiens, ita ut trecentesimo secundo magistratum gesserint primi Decemviri, hic annus, quo et ineunt et gerunt magistratum primi tribuni militares, erit ipse trecentesimus decimus. Servavimus tamen in margine annum eum quem vult Dodwellus, vitandæ confusionis causa.

⁴⁰ *Tabernaculum cepisset*] Comitiorum centuriatorum causa exercitus imperabatur, civesque omnes armati sub signis, in suis quique centuriis, in campum Martium conveniebant. Is igitur magistratus, qui comitiis præerat, tabernaculum, tanquam dux exercitus, extra pomerium capiebat. In eo autem capiendò quædam observari oportebat, quæ si minus rite acta

U. C. 311. mam venerunt, ita de injuria querentes, ut, si demeretur ea,
 A. C. 441. in foedere atque amicitia mansuros, restituto agro, adpare-
 ret. Ab senatu responsum est, *judicium populi rescindi ab
 senatu non posse, præterquam quod nullo nec exemplo nec jure
 fieret, concordia etiam ordinum causa. Si Ardeates*⁴¹ *sua
 tempora exspectare velint, arbitriumque senatui levandæ inju-
 riæ suæ permittant, fore, ut postmodo*^b *gaudeant, se iræ mo-
 deratos; sciantque, Patribus æque curæ fuisse, ne qua injuria
 in eos oriretur, ac ne orta diuturna esset.* Ita legati, quum
⁴²se rem integram relatu-
 ros dixissent, comiter dimissi. Pa-
 tricii, quum sine ⁴³curuli magistratu respublica esset, coïere,
 et interregem creavere. contentio, consulesne, an tribuni
 militum crearentur, in interregno rem dies complures tenuit.
 Interrex ac senatus, consulum comitia; tribuni plebis et
 plebs, tribunorum militum ut habeantur, tendunt. Vicerunt
 Patres, quia et plebs, patriciis seu hunc seu illum delatura
 honorem, frustra certare supersedit: et principes plebis ea
 comitia malebant, quibus non haberetur ratio sui, quam qui-
 bus ut indigni præterirentur. tribuni quoque plebis ⁴⁴cer-
 tamen sine effectu in beneficio apud primores Patrum reli-
 quere. T. Quinctius Barbatus interrex consules creat L.
 Papirium Mugillanum, L. Sempronium Atratinum. His
 consulibus cum Ardeatibus foedus renovatum est. idque
 monumenti est, consules eos illo anno fuisse, qui neque in
 annalibus priscis, neque in libris magistratum inveniuntur.
 credo, quod tribuni militum initio anni fuerunt, eo, per-
 inde ac si totum annum in imperio fuerint, ⁴⁵subfectis his
 consulibus, prætermissa nomina consulum horum. ⁴⁶Licinius

^b postmodum Gron. Crev.

essent, quidquid comitiis illis jussum
 erat; pro irrito habebatur. Insigne
 exemplum vide apud Cic. l. II. de
 Nat. deor. n. 10. et 11. Plutarchus
 qui in vita Marcelli eandem illam rem
 a Cicerone memoratam paulo aliter
 narrat, tabernaculum capi scribit ad
 sumenda auspicia.

⁴¹ *Sua tempora*] Opportuna sena-
 tui Romano tempora.

⁴² *Se rem integram relatu-
 ros*] Se
 negotium hoc de integro, et nova de-
 liberatione perpendendum civibus suis
 permissuros.

⁴³ *Curuli magistratu*] Curules ma-
 gistratus ii fuere qui sella curuli ute-
 bantur: quales tum dictatores, con-
 sules, tribuni militares; postea censo-
 res, prætores, sediles curules. De
 sella curuli vid. not. 58. ad c. 8. l. I.

⁴⁴ *Certamen sine effectu in benefi-
 cio apud primores Patrum reliquere*]

Voluerunt beneficii loco haberi a pri-
 moribus Patrum quod certamen sine
 effectu reliquissent, nec rem tentatam
 urgere perseverassent.

⁴⁵ *Subfectis his consulibus, præter-
 missa nomina consulum horum*] Totum
 hoc additamentum *subfectis his consu-
 libus* a mala manu esse nobis videtur.
 Sine eo constat optime sua orationi
 claritas; et ingrata est repetitio, *his
 consulibus . . . consulum horum.*

⁴⁶ *Licinius Maecr*] Scriptor et ali-
 bi sæpe Livio memoratus. Eum Vos-
 sius, l. I. de Histor. Lat. c. 10. suspi-
 catur eundem esse qui a Cicerone
 prætor jamjam damnandus repetun-
 darum, ut narrabitur libro C. capp.
 6. et 7. mortem sibi ipse conscivit:
 non spernendum oratorem, Cicerone
 judice in Bruto n. 238. patrem insigni-
 nis oratoris, Licinii Calvi. Certe
 hunc de quo Livius agit historiarum

Macer auctor est, et in foedere Ardeatino, et in ⁴⁷ linteis libris ⁴⁸ ad Monetæ inventa. Et foris, quum tot terrores a finitimis ostentati essent, et domi otium fuit.

VIII. Hunc annum (seu tribunos modo, seu tribunis sub- U. C. 312.
fectos consules quoque habuit) sequitur annus haud dubiis A. C. 440.
consulibus, M. Geganio Macerino iterum, T. Quinctio M. Geganio
⁴⁹ Capitolino quintum consulibus. Idem hic annus censuræ II. T.
initium fuit, rei a parva origine ortæ: quæ deinde tanto V. Coss.
incremento aucta est, ut morum disciplinæque Romanæ Censuræ
penes eam regimen, senatus, equitumque centuriæ, decoris initium.
dedecorisque discrimen sub ditione ejus magistratus, ⁵⁰ pub-
licorum jus privatorumque locorum ⁵¹ vectigalia populi
Romani sub nutu atque arbitrio essent. Ortum autem
initium rei est, quod in populo, ⁵² per multos annos incenso,
neque differri census poterat, neque consulibus, quum tot
populorum bella imminerent, ⁵³ operæ erat id negotium
agere. ⁵⁴ Mentio inlata ab senatu est, *Rem operosam ac*
minime consularem suo proprio magistratu egere: cui scriba-
rum ministerium, ⁵⁵ custodiæque et tabularum cura, cui ⁵⁶ ar-
bitrium formulæ censendi subjiceretur. Et Patres, quam-
quam rem parvam, tamen, quo plures patricii magistratus
in republica essent, læti accipere: id, quod evenit, futurum
credo etiam rati, ut mox opes eorum, qui præessent, ipsi
honori jus majestatemque adjicerent. Et tribuni, (id quod

¹ ins. et Gron.

scriptorem, fulsæ perantiquæ, ut inter plebeios, nobilitatis constat ex l. VII. infra, c. 9.

⁴⁷ *Linteis libris*] In quos magistratum nomina referebantur, ut apparet ex capp. 13. et 20. infra. Unde mirum videtur quonam modo Livius paulo ante scribere potuerit horum consulum nomina in magistratum libris non inveniri, quæ in linteis libris exstare non negat. Sed nimirum libros linteos non inspexerat Livius, nec fortasse ii jam exstabant quum ille scriberet; in iis autem magistratum libris quos adire potuerat, nomina horum consulum non comprebant.

⁴⁸ *Ad Monetæ*] De sede Monetæ vid. l. VII. c. 28.

⁴⁹ *Capitolino quintum consulibus*] Recte observat Gronovius ultimam vocem vacare.

⁵⁰ *Publicorum jus privatorumque locorum*] Censuræ erat urbis templa, vias, aquas tueri: cavere ne privati loca quæ publici essent juris, occuparent, et occupata repetere ac vindicare.

⁵¹ *Vectigalia*] Sigonius edi jussit

et vectigalia: sed copulativam respiciunt omnes nostri codd.

⁵² *Per multos annos*] Per septemdecim annos: nempe a consulatu Q. Fabii et L. Cornelli, quod discrete testatur Dionysius l. XI.

⁵³ *Operæ erat*] Operæ pretium erat, vacabat. Vid. l. 24.

⁵⁴ *Mentio illata ab senatu est*] Legge cum Pighio: *mentio illata ab consulibus*, sive potius *ab iis*, nam consules in superiore periodo appellati sunt, *in senatu est*. Certe vulgata lectio aliquid habet, quod offendere debeat. Si enim *mentio illata ab senatu est*, quonam modo paulo infra *Patres* dici possunt eam rem læti accepisse.

⁵⁵ *Custodiæque et tabularum cura*] Hic subest aliquid mendii. Vel dele voculam *et*; vel scribe *custodiæque tabularum et cura*.

⁵⁶ *Arbitrium formulæ censendi*] Jus statuendi qua formula, i. e. qua ratione quisque censendus esset; quam in tribum, quam in centuriam referendus: quomodo æstimandus cujusque census, &c.

U. C. 312. tunc erat) magis necessariam, quam speciosi ministerii pro-
A. C. 440. curationem intuentes, ne in parvis quoque rebus incommode
adversarentur, haud sane tetendere. Quum a primoribus
civitatis spretus honor esset, Papirium Semproniumque,
quorum de consulatu ⁵⁷ dubitabatur, ut eo magistratu parum
solidum consulatum explerent, censui agendo populus
suffragiis præfecit. Censores ab re adpellati sunt.

Ardeatium
intestinae
discordiae.

IX. Dum hæc Romæ geruntur, legati ab Ardea veni-
unt, pro veterrima societate renovatoque foedere recenti,
auxilium prope eversæ urbi inplorantes. Frui namque pace,
optimo consilio cum populo Romano servata, per intestina
arma non licuit; quorum causa atque initium traditur ex
certamine factionum ortum: quæ fuere eruntque pluribus
populis magis exitio, quam bella externa, quam fames mor-
hive, quæque alia in Deum iras, velut ultima publicorum
malorum, vertunt. Virginem plebei generis, maxime for-
ma notam, petiere juvenes: alter virgini genere par, tutori-
bus fretus, qui et ipsi ejusdem corporis erant; nobilis alter,
nulla re, præterquam forma, captus. adjuvabant eum opti-
matium studia, per quæ in domum quoque puellæ certamen
partium penetravit. nobilis superior judicio matris esse,
quæ quam splendidissimis nuptiis jungi puellam volebat.
tutores, in ea quoque re partium memores, ad suum tendere.
Quum res peragi intra parietes nequisset, ventum in jus est.
postulatu audito matris tutorumque, magistratus secundum
parentis arbitrium dant jus nuptiarum. sed vis potentior
fuit. namque tutores, inter suæ partis homines de injuria
decreti palam in foro concionati, manu facta virginem ex
domo matris rapiunt. adversus quos infestior coorta opti-
matium acies sequitur accensum injuria juvenem. fit præ-
lium atrox. Pulsa plebs, nihil Romanæ plebi similis, ar-
mata ex urbe profecta, colle quodam capto, in agros opti-
matium cum ferro ignique excursions facit. ⁵⁸ urbem quo-
que, omnis etiam expertem ante certaminis, multitudine
opificum ad spem prædæ evocata, obsidere parat. nec ulla
species cladesque belli abest; ⁵⁹ velut contacta civitate rabie
duorum juvenum, funestas nuptias ex occasu patriæ peten-
tium. Parum parti utrique domi armorum bellicue est
visum. optimates Romanos ad auxilium urbis obsessæ,
plebs ad expugnandam secum Ardeam Volscos excivere^k.

Ardeam
obsident
Volsci.

^k excitavere Gron.

⁵⁷ *Dubitatur*] Vulgo *dubitabatur*:
ridicule. Non enim poterat tunc re-
centi re dubitari. Emendavimus ex
uno e reglis codd. et editione Andree.

⁵⁸ *Urbem quoque omnis etiam ex-
pertem ante certaminis*] Nulla nimi-
rum pars damni adhuc pervenerat ad
urbem, id est, ad muros et ædificia.

Ceterum particulae quoque, etiam, hic
inculcatae merito displicere possunt.
Sorbonicus codex habet *omnis et ex-
pertem*. Libenter deleverimus sive *et*,
sive *etiam*.

⁵⁹ *Velut contacta civitate rabie*] Vel-
ut si duorum juvenum rabies toti se
civitati per contagionem infudisset.

Priores Volsci, duce Æquo Clœlio¹, Ardeam venerunt², et U. C. 312. moenibus hostium vallum objecere. Quod ubi Romam est³ A. C. 440. nunciatum, extemplo M. Geganius consul, cum exercitu profectus, tria millia passuum ab hoste locum castris cepit, præcipitique jam die curare corpora milites jubet. quarta deinde vigilia signa profert: cœptumque opus adeo adproperatum est, ut, sole orto, Volsci firmiore se munimento ab Romanis circumvallatos, quam a se urbem, viderent. et alia⁴ parte consul muro Ardeæ⁶⁰ brachium injunxerat; qua ex oppido sui commeare possent.

X. Volscus imperator, qui ad eam diem, non commeatu præparato, sed ex populatione agrorum rapto in diem frumento aluisset militem, postquam septus vallo repente inopem omnium rerum videt, ad colloquium consule evocato, *si solvendæ obsidionis causa venerit Romanus, abducturum se inde Volscos*, ait. Adversus ea consul, *victis conditiones accipiendas esse, non ferendas*, respondit; *neque, ut venerint ad obpugnandos socios populi Romani suo arbitrio, ita abituros Volscos esse. Dedi imperatorem, arma poni, jubet, fatentes victos se esse, et⁵ imperio parere. aliter, tam abeuntibus, quam manentibus, se hostem infensum, victoriam potius ex Volscis, quam pacem infidam, Romam relaturum.*⁶¹ Volsci exiguum⁶² spem in armis, alia undique abscissa, quum tentassent, præter cetera adversa loco quoque iniquo ad pugnam congressi, iniquiore ad fugam, quum ab omni parte cæderentur, ad preces a certamine versi, dedito imperatore traditisque armis, sub jugum missi, cum singulis vestimentis ignominiae cladisque pleni dimittuntur. et, quum haud procul urbe Tusculo consedisent, vetere Tusculanorum odio inermes obpressi dederunt poenas, vix nunciis cædis relictis.⁶³ Romanus⁶ Ardeæ turbatas seditione res, principibus ejus motus securi percussis, bonisque eorum in publicum Ardeatium redactis, composuit: demtamque injuriam judicii tanto beneficio populi Romani Ardeates credebant; senatui superesse aliquid ad delendum publicæ avaritiæ monumentum videbatur. Consul triumphans in urbem redit⁷, Clœlio duce Volscorum ante currum ducto, prælatisque spoliis, quibus dearmatum exercitum hostium sub jugum miserat. Æquavit, quod haud facile est, Quinctius consul togatus armati gloriam collegæ: ⁶³ quia⁸ concordiae pacisque domesticam

A Romanis
obsidentur.

Victi, dedito
duce, sub
jugum mit-
tuntur.

Ardeæ res
compositæ.

¹ Clœlio Gron. Crev. ² venerunt Gron. venerant Crev. ³ et del. Crev.
⁴ add. Consul Gron. ⁵ rediit Clœlio Volaco um duce Gron. Crev. ⁶ qui Crev.

⁶⁰ Brachium] Vallum pertingens a castris Romanis ad urbem. Vid. Lips. l. II. Poliorcet. dial. 2.

⁶¹ Volsci] Volsci exiguum spem quam habebant in armis, alia spe un-

VOL. I.

digni abscissa, quum tentassent.

⁶² Romanus Ardeæ] Hic editi addebant vocem consul: sed eam ignorant omnes scripti.

⁶³ Qui concordiae] Duo e nostris

R

U. C. 312. curam, jura infimis summisque moderando, ita tenuit, ut
A. C. 440. eum et Patres severum consulem, et plebs satis comem crediderint. Et adversus tribunos ⁶⁴ auctoritate plura, quam certamine, tenuit. quinque consulatus, eodem tenore gesti, vitæque omnis consulariter actæ, verendum pene ipsum magis, quam honorem, faciebant. eo tribunorum militarium nulla mentio his consulibus fuit.

U. C. 313. XI. Consules creant M. Fabium Vibulanum, Postu-
A. C. 439. mum Æbutium Cornicinem. Fabius et Æbutius consules,
M. Fabio, quo majori gloriæ rerum, domi forisque gestarum, succedere
Post. Æbutio Coss. se cernebant, (maxime autem memorabilem annum apud finitimos socios hostesque esse, quod Ardeatibus in re præcipiti tanta foret cura subventum) eo impensius, ut delerent prorsus ex animis hominum infamiam judicii, senatusconsultum fecerunt; ut, quoniam civitas Ardeatium intestino tumultu redacta ad paucos esset, coloni eo præsidii causa adversus Volscos scriberentur. Hoc palam relatum in tabulas, ut plebem tribunosque falleret judicii rescindendi consilium initum. Consenserant autem, ut, multo majore parte ⁶⁵ Rutulorum colonorum, quam Romanorum, scripta, nec ager ullus divideretur, nisi is, qui interceptus judicio infami erat; nec ulli prius Romano ibi, quam omnibus Rutulis divisus esset, gleba ulla agri adsignaretur. Sic ager ad Ardeates rediit. Triumviri ad coloniam Ardeam deducendam creati Agrippa Menenius, T. Clælius Siculus, M. Æbutius Elva. qui, per minime popolare ministerium agro adsignando sociis, quem populus Romanus suum judicasset, quum plebem offendissent, ne primoribus quidem Patrum satis accepti, quod nihil gratiæ cujusquam dederant; vexationes, ad populum jam die dicta ab tribunis, ⁶⁶ coloni¹ adscripti remanendo in colonia, quam testem integritatis justitiæque habebant, vitavere.

Ardeatibus
ager reddi-
tus, qui ju-
dicio infami
interceptus
erat.

U. C. 314.
A. C. 438.
C. Furio,
M. Papirio
Coss.

XII. Pax domi forisque fuit et hoc et insequente² anno, C. Furio Pacilo et M. Papirio Crasso consulibus. Ludi, ab decemviris per secessionem plebis a Patribus ex senatusconsulto voti, eo anno facti sunt. Causa seditionum nequidquam a Poetelio³ quæsitæ. qui, tribunus plebis iterum ⁶⁷ ea ipsa denunciando factus, neque, ut de agris dividendis

¹ coloni Gron.

² insequenti Gron. Crev.

³ Petillio Gron. Petilio Crev.

que, unus qua, alius qui, ut Sigoniani libri. Atque hoc ultimum nobis elegantius visum est, quam vulgatum quia.

⁶⁴ Auctoritate] Per reverentiam, quam ei sua virtus gravitasque conciliabat. Vid. not. 49. ad l. 7.

⁶⁵ Rutulorum] Ardeatium. Ardea enim Rutulorum erat: quod nemo

plane est qui ignoret.

⁶⁶ Coloni adscripti] Sic habent aliquot scripti a Gronovio inspecti, et omnes nostri. Vulgati coloni.

⁶⁷ Ea ipsa] Ea nempe quæ mox memoratur frustra jactasse: se de agrorum divisione et de tribunorum militarium comitiis acturum.

plebi referrent consules ad senatum, pervincere potuit: et, U. C. 314.
 quum magno certamine obtinuisset, ut consulerentur Pa- A. C. 498.
 tres, consulum an tribunorum placeret comitia haberi, con-
 sules creari jussi sunt. ludibrioque erant minæ tribuni, de-
 nunciantis se delectum impediturum; quum, quietis finiti-
 mis, neque bello, neque belli adparatu opus esset. Sequitur
 hanc tranquillitatem rerum annus, Proculo Geganio Mace- U. C. 315.
 rino, L. Menenio Lanato consulibus, multiplici clade ac A. C. 417.
 periculo insignis, seditionibus, fame, regno prope per largi- Proc. Ge-
 tionis dulcedinem in cervices accepto. Unum afuit bellum ganio, L.
 externum: quo si adgravatæ res essent, vix ope Deorum Menenio
 omnium ⁶⁸ resisti^a potuisset. Coepere a fame mala, seu Fames.
 adversus annus frugibus fuit, seu dulcedine concionum et
 urbis deserto agrorum cultu. nam utrumque traditur. et
 Patres plebem desidem, et tribuni plebis nunc fraudem nunc
 negligentiam consulum accusabant. Postremo perpulere
 plebei, haud adversante senatu, ut L. Minucius præfectus
 annonæ crearetur; felicior in eo magistratu ad custodiam
 libertatis futurus, quam ad curationem ministerii sui:
 quamquam postremo annonæ quoque levatæ haud inmeri-
 tam et gratiam et gloriam tulit. Qui ⁶⁹ quum, multis circa
 finitimos populos legationibus terra marique nequidquam
 missis, (nisi quod ex Etruria haud ita multum frumenti ad-
 vectum est) nullum momentum annonæ fecisset; et, revo-
 lutus ad dispensationem inopiæ, profiteri cogendo frumen-
 tum, et vendere, quod usu^x menstruo superesset, fraudando-
 que parte diurni cibi servitia, criminando inde et objici-
 endo iræ populi frumentarios, acerba inquisitione aperiret
 magis, quam levaret, inopiam; multi ex plebe, spe amissa,
 potius quam ut cruciarentur trahendo animam, capitibus
 obvolutis se in Tiberim præcipitaverunt.

XIII. Tum Sp. Mælius ex equestri ordine, ut illis tem- Periculosæ
 poribus, prædives, rem utilem, pessimo exemplo, pejore largitiones
 consilio, est adgressus. frumento namque ex Etruria privata Sp. Mælii
 pecunia per hospitem clientiumque ministeria coëmto,
 (quæ, credo, ipsa res ad levandam publica cura annonam
 impedimento fuerat) largitiones frumenti facere instituit:
 plebemque, hoc munere delinitam, quacumque incederet,
⁷⁰ conspectus elatusque supra modum hominis privati,

^a *sist* Gron. Crev.^x *usui* Eæd.

⁶⁸ *Sist* potuisset] Hanc loquendi
 formam amatam Livio restituit hoc
 loco Gronovius, vel repugnantibus
 libris, qui habent *resisti*, vel *res sist* l.

⁶⁹ *Quum* *nullam momentum*
annonæ fecisset] Quum nihil profecis-
 set ad levandam annonam: et revolu-
 tus ad dispensationem inopiæ, et eo

redire coactus, ut exiguum illud fru-
 menti, quod erat in urbe, quodam or-
 dine dispensandum curaret, non cui-
 que pro arbitrio consumendum relin-
 queret.

⁷⁰ *Conspectus*] Insignis, et in se
 oculos hominum convertens. Vid.
 not. 64. ad l. 47.

U. C. 315. A. C. 437. secum trahere; haud dubium consulatum favore ac spe despondentem. Ipse, ut est humanus animus insatiabilis eo quod fortuna spondet, ad altiora et non concessa tendere. et, quoniam consulatus quoque eripiendus invitis Patribus esset, de regno agitare: id unum dignum tanto adparatu consiliorum et certamine, quod ingens exsudandum esset, præmium fore. Jam comitia consularia instabant. quæ res eum, necdum compositis maturisve satis consiliis, obpressit. Consul sextum creatus T. Quinctius Capitolinus, minime opportunus vir ⁷¹ novanti res: collega additur ei Agrippa Menenius, cui Lanato erat cognomen. U. C. 316. A. C. 436. T. Quinctio VI. Agr. Menenio Coss. et L. Minucius præfectus annonæ, seu ⁷² refectus, seu, quoad res posceret, in incertum creatus. nihil enim constat, nisi in libros linteos utroque anno relatum inter inagistratus præfecti nomen. Hic Minucius, ⁷³ eandem publice curationem agens, quam Mælius privatim agendam susceperat, quum in utraque domo genus idem hominum versaretur, rem compertam ad senatum refert, *Tela in domum Mælii conferri, eumque conciones domi habere: ac non dubia regni consilia esse. tempus agendæ rei nondum stare; cetera jam convenisse; et tribunos mercede emptos ad proclendam libertatem, et partita ducibus multitudinis ministeria esse. Serius se pene, quam tutum fuerit, ne cujus incerti vanique auctor esset, ea deferre.* ⁷⁴ Quæ postquam sunt audita, et undique primores Patrum et prioris anni consules increparent, quod eas largitiones cœtusque plebis in privata domo passi essent fieri, et novos consules, quod exspectassent, donec a præfecto annonæ tanta res ad senatum deferretur, quæ consulem non ⁷⁵ auctorem solum desideraret, sed etiam vindicem; tum T. Quinctius, consules inmerito increpari, ait, qui, constricti legibus de prodicatione ad dissolvendum imperium latis, nequaquam tantum virium in magistratu ad eam rem pro atrocitate vindicandam, quantum animi, haberent. opus esse non forti solum viro, sed etiam ⁷⁶ libero exsolutoque legum vinculis. Itaque se dictatorem L. Quinctium dicturum. ibi animum parem tantæ potestati esse. Adprobantibus cunctis, primo Quinctius abnuere: et, quid sibi vellent, rogitare, qui se ætate

⁷¹ * *Novanti res*] Vid. not. 88. ad I. 52.

⁷² * *Refectus*] Iterum creatus, si potestas ejus cum anno finem acceperat.

⁷³ *Eandem publice curationem agens*] Conjectura Florebelli a Sigonio et Gronovio comprobata. Antea *Eandem reipublicæ curationem.*

⁷⁴ * *Quæ postquam sunt audita, et .. increparent*] Hæc orationis structura

parum videtur accurata. Sed non ab simili modo Cic. in Verr. l. IV. n. 36. *Si . . . scriptum nihil est; horum autem temporum . . . nullas tabulas proferas.*

⁷⁵ * *Auctorem*] Auctor est hic is qui princeps rem capessit, et se ceteris rei incipiendæ ducem, monitorem, exemplumque præbet.

⁷⁶ *Libero exsolutoque legum vinculis*] Ex his Quintii verbis colligi posse

exacta tantæ dimicationi objicerent. Dein, quum undique plus in illo senili animo non consilii modo, sed etiam virtutis esse, quam in omnibus aliis dicerent, laudibusque haud inmeritis onerarent, et consul nihil remitteret; precatus tandem Deos immortales Cincinnatus, ne senectus sua in tam trepidis rebus damno dedecorive reipublicæ esset, dictator a consule dicitur. ipse deinde C. Servilium Ahalam magistrum equitum dicit.

U. C. 316.
A. C. 436.
Creatur
dictator
Cincinnati-
tus.

XIV. Postero die, dispositis præsiidiis, quum in forum descendisset, conversaque in eum plebs novitate rei ac miraculo esset, et Mæliani atque ipse dux eorum in se intentam vim tanti imperii cernerent; expertes consiliorum regni, *qui tumultus, quod bellum repens, aut dictatoriam majestatem, aut Quinctium post octogesimum annum rectorem reipublicæ quæsisset*, rogarent; missus ab dictatore Servilius magister equitum ad Mælium, *Vocat te, inquit, dictator.* Quum pavidus ille, *quid vellet*, quæreretur; Serviliusque *causam dicendam esse proponeret, crimenque, a Minucio delatum ad Senatum, diluendum*; tunc Mælius recipere se in catervam suorum, et primum circumspectans tergiversari: postremo, quum adparitor jussu magistri equitum duceret, ereptus a circumstantibus, fugiensque, fidem plebis Romanæ inplorare: et obprimi se consensu Patrum dicere, quod plebi benigne fecisset: orare, ut opem sibi ultimo in discrimine ferrent, neve ante oculos suos trucidari sinerent. Hæc eum vociferantem adsecutus Ahala Servilius obtruncat: respersusque cruore obtruncati, stipatus caterva patriciorum juvenum, dictatori renunciat, vocatum ad eum Mælium, repulso adparitore concitantem multitudinem, poenam meritam habere. Tum dictator, *Macte virtute, inquit, C. Servili, esto, liberata republica.*

Mælius ad
eum vocatur.

Occiditur.

XV. Tumultuantem deinde multitudinem ⁷⁷ incerta estimatione facti ad concionem vocari jussit; et, *Mælium jure cæsum*, pronunciavit, *etiam si regni crimine insons fuerit*; *qui vocatus a magistro equitum ad dictatorem non venisset.* Se ad causam cognoscendam consedis-
rum fuisse Mælium similem causæ fortunam. Vim parantem, ne judicio se committeret, vi coercitum esse. nec cum eo, tamquam cum cive, agendum fuisse; qui natus in libero populo inter jura legesque, ex qua urbe reges exactos sciret, eodemque anno ⁷⁸ sororis filios regis, et liberos consulis liberatoris

Factum defendit dicta-
tor.

videtur, a dictatore tunc provocationem ad populum non fuisse. Tamen l. III. c. 55. Livius latam esse legem memoravit, *Ne quis ullum magistratum sine provocatione crearet.* Verum fortasse lege illa sanctum jus nondum pro firmato stabat, neque adhuc

potuerat antiquitus assignatam dictaturæ majestatem imminuere.

⁷⁷ *Incerta estimatione facti*] Quum dubitaretur quid de Ahala facto judicandum esset.

⁷⁸ *Sororis filios regis*] Hæc verba non immerito scrupulum movere doc-

U. C. 316. *patriæ, propter pactionem indicatam recipiendorum in urbem regum, a patre securi esse percussos; ex qua Collatinum Tarquinium consulem nominis odio abdicare se magistratu atque exulare jussum; in qua de Sp. Cassio, post aliquot annos, propter consilia inita de regno supplicium sumtum; in qua nuper decemviros bonis, exilio, capite multatos ob superbiam regiam, in ea Sp. Mælius spem regni conceperit. Et quis homo? quamquam nullam nobilitatem, nullos honores, nulla merita cuiquam ad dominationem pandere viam; sed tamen Claudias, Cassios, consulatibus, decemviratibus, suis majorumque honoribus, splendore familiarum sustulisse animas, quo nefas fuerit: Sp. Mælium, cui tribunatus plebis magis optandus, quam sperandus, fuerit, frumentarium divitem,⁷⁹ bilibris farris sperasse libertatem se civium suorum emisse,⁸⁰ ciboque obijciendo ratum victorem finitimorum omnium populum in servitutem perlici posse: ut, quem senatorem concoquere civitas vix posset, regem ferret; Romuli conditoris, ab Diis orti, recepti ad Deos, insignia atque imperium habentem. Non pro scelere id magis, quam pro monstro, habendum. Nec satis esse sanguine ejus expiatum, nisi tecta parietesque, intra quæ tantum amentia conceptum esset, dissiparentur;⁸¹ bonaque, contacta pretiis regni mercandi, publicarentur. jubere itaque, quæstores vendere ea bona, atque in publicum redigere.*

XVI. Domum deinde, ut monumento area esset obpressæ nefariæ spei, dirui extemplo jussit. id ⁸² Æquimælium adpellatum est. L. Minucius ⁸³ bove aurato extra portam Trigeminam est donatus, ne plebe quidem invita, quia frumentum Mælianum, assibus in modios aestimatum, plebi divisit. Hunc Minucium, apud quosdam auctores, transisse a Patribus ad plebem, undecimumque tribunum plebis cooptatum, seditionem motam ex Mæliana cæde sedasse, invenio. Ceterum vix credibile est, numerum tribunorum Patres augeri passos, idque potissimum exemplum a patrio homine introductum; nec deinde id plebem concessum

tissimis viris, Glareano et Sigonio. Possunt fortasse tamen utcunque exponi de Bruti liberis, qui erant, ex Livii mente, sororis Tarquinii Superbi non quidem filii, sed nepotes. * Sed potius credimus hic aliquod ulcus latere. Si majora moliri liceret, legeremus: eodemque anno liberos consulis liberatoris patriæ, et alterius (Collatini) sororis filios. Vid. not. 21. ad II. 4.

79 *Bilibris farris*] Binas singulis civibus libras farris largiendo.

80 * *Ciboque obijciendo*] Tanquam feris, quæ esca objecta alliciuntur in fraudem et laqueum. *Cibus* vox est

hac in re propria. Horat. Epod. 6. *Projectum odoravit cibum.*

81 *Bona . . . contacta*] Bona velut contagione quadam vitata ex domini scelere, qui illis mercari regnum voluerat.

82 *Æquimælium*] Id est, solo æquata Mælii domus.

83 *Bove aurato*] Auratis nimirum cornibus. Sed turbant hæc verba extra portam Trigeminam. In tali dono inepta est mentio loci. Plinius Minucio statuem positam extra portam Trigeminam memorat l. XVIII. c. 3. Hic ergo scribe bove aurato, et statua extra . . .

semel obtinuisse, aut certe tentasse. sed ante omnia ⁸⁴ refellit U. C. 316. falsum imaginis titulum paucis ante annis ⁸⁵ lege cautum, A. C. 436. ne tribunis collegam cooptare liceret. Q. Cæcilius, Q. Junius, Sext. Titinius⁷, soli ex collegio tribunorum neque tulerant de honoribus Minucii legem; et criminari nunc Minucium, nunc Servilium apud plebem, querique indignam necem Mælii non destiterant. Pervicerunt igitur, ut tribunorum militum potius, quam consulum, comitia haberentur; haud dubii, quin sex locis (tot enim jam creari licebat) et plebei aliqui, profitendo se ultores fore Mælianæ cædis, crearentur. Plebs, quamquam agitata multis eo anno et variis motibus erat, nec plures, quam tres, tribunos consulari potestate creavit, et in iis L. Quinctium Cincinnati filium: ex ejus dictaturæ invidia tumultus quærebatur. ⁸⁶ Prælati suffragiis Quinctio Mam. Æmilius, vir summæ dignitatis. L. Julium tertium creant.

XVII. In horum magistratu Fidenæ, colonia Romana, U. C. 317. ad Lartem Tolumnium Veientium regem ac Veientes defe- A. C. 435. cere. Majus additum defectioni scelus. C. Fulcinium, Mam. Clælium Tullum, Sp. Antium, L. Roscium, legatos Roma- Æmilio, &c. Tribb. nos, causam novi consilii quærentes, jussu Tolumnii inter- Mil. fecerunt. Levant quidam regis facinus. in tesserarum pro- Legati spero jactu vocem ejus ambiguum, ut occidi jussisse videre- Rom. a Fi- denatibus tur, ab Fidenatibus exceptam, causam mortis legatis fuisse. cæsi. Rem incredibilem; interventu Fidenatium, novorum socio- rum, consulentium de cæde ruptura jus gentium, non aver- sam ab intentione lusus animum: nec deinde in horrorem versum facinus. propius est fidem, obstringi Fidenatium po- pulum, ne respicere spem ullam ab Romanis posset, consci- entia tanti sceleris voluisse. Legatorum, qui Fidenis cæsi erant, statuæ publice in Rostris positæ sunt. Cum Veien- tibus Fidenatibusque, præterquam finitimis populis, ab causa etiam tam nefanda bellum exersis, atrox dimicatio instabat. Itaque ⁸⁷ ad curam summæ rerum, quieta plebe tribunisque ejus, nihil controversiæ fuit, quin consules cre- arentur M. Geganus Macerinus tertium et L. Sergius Fi- U. C. 318. denas; a bello credo, quod deinde gessit, adpellatum². Hic A. C. 434. enim primus cis Anienem cum rege Veientium secundo præ- M. Geganio III. L. Ser- lio conflixit, nec incruentam victoriam retulit. Major ita- gio Coss. que ex civibus amissis dolor, quam lætitia fuis hostibus

⁷ Titinius Gron. Crev.

² appellatus Ead.

⁸⁴ * Refellit falsum imaginis titu- lum . . . lege cautum] Id probat falso adscriptum esse imagini Minucii titu- lum tribunatus, quod lege cautum fuerat, ne &c.

⁸⁵ Lege] Trebonia, de qua l. III.

c. 65.

⁸⁶ * Prælati suffragiis Quinctio] Prior quam Quinctius nominatus est.

⁸⁷ Ad curam] Quiescente a seditio- nibus plebe ob curam de summa re- rum.

U. C. 318.
A. C. 434.
Dictator
Mam.
Æmilius.

fuit. et senatus, ut in trepidis rebus, dictatorem dici Mam. Æmilium jussit. Is magistrum equitum ex collegio prioris anni, quo simul tribuni militum consulari potestate fuerant, L. Quinctium Cincinnatum, dignum parente juvenem, dixit. Ad delectum a consulibus habitum centuriones veteres belli periti adjecti, et numerus amissorum proxima pugna expletus. Legatos Quinctium Capitolinum et M. Fabium Vibulanum sequi se dictator jussit. ⁸⁸ Quum potestas major, tum vir quoque potestati par, hostes ex agro Romano trans Anienem submovere, ⁸⁹ collesque inter Fidenas atque Anienem ceperunt, referentes castra: nec ante in campos ⁹⁰ degressi sunt, quam ⁹¹ legiones auxilio Faliscorum venerunt. Tum demum castra Etruscorum pro moenibus Fidenarum posita. et dictator Romanus haud procul inde ad confluentes consedit in utriusque ripis amnis, ⁹² qua sequi munimento poterat, vallo interposito. postero die in aciem eduxit.

Veientes
cum sociis
pugnant ad-
versus Ro-
manos.

XVIII. Inter hostes variæ fuere^a sententiæ. Faliscus, procul ab domo militiam ægre patiens, satisque fidens sibi, poscere pugnam: Veienti Fidenatique plus spei in trahendo bello esse. Tolumnius, quamquam suorum magis placebant consilia, ne longinquam militiam non paterentur Falisci, postero die se pugnaturum edicit. Dictatori ac Romanis, quod detrectasset pugnam hostis, animi accessere: posteroque die, jam militibus castra urbemque se obpugnatos frementibus, ni copia pugnae fiat, utrinque acies inter bina castra in medium campi procedunt. Veiens, multitudine abundans, qui inter dimicationem castra Romana adgrederentur, post montes circummisit. Trium populorum

^a *fuere variæ* Gron. Crev.

⁸⁸ *Quum potestas major*] Hæc duo, nempe potestatis dictatoriæ, quæ major est consulari, terror, et virtus Mam. Æmilii tantæ potestati par, tantum vel sola fama valere, ut hostes recederent ex agro Romano trans Anienem, et referentes castra, ceperint colles inter Fidenas atque Anienem.

⁸⁹ *Collesque*] Doctissimus Perizonius in nota ad XXVIII. 12. infra, editionis Gronovianæ anni 1679. legendum putat *colles qui*; *et qui* refert ad *hostes*, qui *ceperunt colles*: ita ut idem sensus remaneat, quem modo exposuimus, sed structura orationis meliorem in formam redigatur. Nec offendere debet pronomen postpositum. Nam, ut observat idem Perizonius, id familiare est Livio. Sic l. V. c. 14. *comitiis, auspiciis quæ fierent*:

et l. XLII. c. 1. *per oppida, iter quæ faciendum erat*: et eodem l. c. 19. *qui regnum suum, Persei qui secuturi amicitiam esset*: et XLV. 12. *redde responsum, senatui quod referam. et qui* in hunc modum postpositum sæpe abiit in particulam *que*, ut hoc loco, ut aliis, quos ex Perizonii mente et monitu refingendos designabimus lectori.

⁹⁰ *Degressi*] Sic bene Sigonius pro *digressi*.

⁹¹ *Legiones*] Legiones Faliscorum venerunt auxilio Fidenatibus.

⁹² *Qua sequi*] Vallo interposito in eo loco, ad quem usque sequi ripas utriusque amnis poterat muniendo et castra metando; quo ripæ utriusque amnis non ita divergebant, ut non posset secundum eas castra protendere,

exercitus ita stetit instructus, ut dextrum cornu Veientes, U. C. 318. sinistram Falisci tenerent, medii Fidenates essent. Dictator dextro cornu adversus Faliscos, sinistro contra Veientem Capitolinus Quinctius intulit signa. ante mediam aciem cum equitatu magister equitum processit. Parumper silentium et quies fuit, nec Etruscis, nisi cogerentur, pugnam inituris, et dictatore arcem Romanam respectante, ut ab auguribus, ⁹³ simul aves rite admisissent, ex composito tolleretur signum. Quod simul ^b conspexit, primos equites clamore sublato in hostem emisit. secuta peditum acies ingenti vi conflictit. Nulla parte legiones Etruscae sustinere inpetum Romanorum. eques maxime resistebat; equitumque longe fortissimus ipse rex, ab omni parte effuse sequentibus obsequitans Romanis, trahebat certamen.

XIX. Erat tum inter equites tribunus militum A. Cornelius Cossus, eximia pulchritudine corporis, animo ac viribus par, memorque generis, quod, amplissimum acceptum, majus auctiusque reliquit posteris. is quum ad inpetum Tolumnii, quacumque se intendisset, trepidantes Romanas videret turmas, insignemque eum regio habitu volitantem tota acie cognosset, *Hiccinne est, inquit, ruptor fœderis humani, violatorque gentium juris? Jam ego hanc mactatam victimam, (si modo sancti quidquam in terris esse Dii volunt) legatorum Manibus dabo.* Calcaribus subditis, infesta cuspide in unum fertur hostem. quem quum ictum equo dejecisset, confestim et ipse hasta innisus se in pedes excepit. Adsurgentem ibi regem umbone resupinat, repetitumque sæpius cuspide ad terram adfixit. tum exsanguis detracta spolia; caputque abscisum ^c victor spiculo gerens, terrore cæsi regis hostes fundit. Ita equitum quoque fusa acies, quæ una fecerat anceps certamen. Dictator legionibus fugatis ^d instat, et ad castra compulsos cædit. Fidenatium plurimi locorum notitia effugere in montes. Cossus, Tiberim cum equitatu transvectus, ex agro Veientano ingentem detulit prædam ad urbem. Inter proelium et ad castra Romana pugnatum est adversus partem copiarum, ab Tolumnio, ut ante dictum est, ad castra missam. Fabius Vibulanus corona primum vallum defendit: intentos deinde hostes in vallum, egressus ⁹⁴ dextra principali, cum triariis repente invadit. quo pavore injecto, cædes minor, quia pauciores erant; fuga non minus trepida, quam in acie, fuit.

XX. Omnibus locis re bene gesta, dictator senatusconsulto jussuque populi triumphans in urbem rediit. Longe

^b ubi Gron. Crev.

^c abscisum Eæd.

^d fugatis legion. Eæd.

⁹³ * Simul aves rite admisissent] quum ex eorum vel volatu, vel cantu, Simul suspicia secunda contigissent. felix aliquod augurium obtigit. Eadem locutio reperitur supra I. 36. ⁹⁴ Dextra principali] Vid. not. 15. Aves admittere vel addicere dicuntur, ad c. 5. l. III.

U. C. 318. maximum triumphi spectaculum fuit Cossus, spolia opima
 A. C. 434. regis interfecti gerens. in eum milites carmina incondita,
 Cossi spolia æquantes eum * Romulo, canere. Spolia in æde Jovis Fe-
 retrii prope Romuli spolia, quæ, prima Opima adpellata,
 sola ea tempestate erant, cum sollemni dedicatione dono
 fixit. averteratque in se a curru dictatoris civium ora, et
 celebritatis ejus diei fructum prope solus tulerat. Dictator
⁹⁵ coronam auream libram pondo ex publica pecunia, populi
 jussu, in Capitolio Jovi donum posuit. Omnes ante me
 auctores secutus, A. Cornelium Cossum tribunum militum
 secunda spolia opima Jovis Feretrii templo intulisse, expo-
 sui. ceterum, præterquam quod ⁹⁶ ea rite opima spolia ha-
 bentur, quæ dux duci detraxit; nec ducem novimus, nisi
 cujus auspicio bellum geritur; titulus ipse, spoliis inscrip-
 tus, ⁹⁷ illos meque arguit, consulem ea Cossum cepisse.
⁹⁸ Hoc ego quum Augustum Cæsarem, templorum omnium
 conditorem aut restitutorem, ingressum ædem Feretrii Jovis,
 quam vetustate dilapsam refecit, se ipsum in ⁹⁹ thorace lin-
 teo scriptum legisse audissem; prope sacrilegium ratus
 sum, Cosso spoliorum suorum Cæsarem, ipsius templi auc-
 torem, subtrahere testem. ¹ qui si ea in re sit error, quod

* cum Gron.

⁹⁵ *Coronam auream libram pondo]* Sic jussit legi Gronovius, lib. I. de Pecun. vet. c. 6. Vetustius editi habent *libra*: scripti omnes nostri *libra*.

⁹⁶ *Ea rite opima spolia habentur, quæ dux duci detraxit]* Hæc quidem vulgaris opinio fuit. Sed non ita visum Varroni, qui disertis verbis affirmat, ut ex Festo cognoscimus, *Opima spolia etiam esse, si manipularis miles detraxerit, dummodo duci hostium*. De ea re vid. Periz. Animadv. Histor. c. 7.

⁹⁷ *Illos meque arguit]* Adversus illos meque ipsum probat.

⁹⁸ *Hoc ego quum Augustum seipsum legisse audissem]* Post *Augustum* suppleri necesse est *dicentem*. Quum audissem ego Augustum dicentem, seipsum legisse hoc. Vid. not. 58. ad c. 23. l. I.

⁹⁹ *Thorace linteo]* Quem videlicet Cossus Tolumnio detraherat.

¹ *Qui si]* Huic loco magna obscuritas inest, et fortasse ab ipso Livio affectata, dum vult ita Augusto contra rei veritatem assentari, ut tamen intelligenti et attento lectori subodorandum relinquat, quid ipse apud animum suum sentiat. Hæc ergo vi-

detur esse hujus intricatissimi loci sententia. Pro certo ponit Livius, non ex sua nimirum, sed ex Augusti mente, spolia opima Cossum consulem cepisse. Sed quum scriptores omnes in hunc annum spolia ejus opima, in nonum, sive potius decimum post annum ejusdem consulatum conferant; in alterutro erraverint, necesse est: et vel in hunc annum revocandus est Cossi consulatus, vel in decimum post annum rejicienda spolia. Utrum retrahendus sit in hunc annum Cossi consulatus, in medio Livius relinquit: in decimum post annum spolia vix ac ne vix quidem rejici posse ait. Daberet quidem, quum hoc ultimum fieri posse propemodum neget, illud alteram amplecti ac pro firmo tueri: idque procul dubio fecisset, si ex animi sententia Augusto assensus esset. Sed veri vi victus, rem non audet affirmare, ac dubiam relinquit. *Si*, inquit, i. e. an ea in re, sive in eo sit ille error, (eorem nempe qui Cossum spolia opima tribunum militum cepisse dicunt) quod Cossi consulatus in nonum, sive decimum potius post annum rejectus sit, *existimatio communis omnibus est*, i. e. cuilibet de eo

² tam veteres annales, quodque magistratuum libri, quos U. C. 318. linteos in aede repositos Monetae Macer Licinius citat A. C. 434. idemtidem auctores, ³ nono post demum anno cum T. Quinctio Penno A. Cornelium Cossum consulem habeant, existimatio communis omnibus est. nam etiam illud accedit, ne tam clara pugna in eum annum transferri posset, quod inbelle triennium ferme pestilentia inopiaque frugum circa A. Cornelium consulem fuit: adeo ut quidam annales, ⁴ velut funesti, nihil præter nomina consulum subgerant. Tertius ab consulatu Cossi annus tribunum eum militum consulari potestate habet; eodem anno magistrum equitum: quo in imperio alteram insignem edidit pugnam equestrem. ⁵ ea libera conjectura est. Sed (ut ego arbitror) vana ver-

suam existimationem, sive suum iudicium interponere licet. Sed in decimum post annum rejici spolia non possunt. Nam, præter consensum scriptorum omnium, qui in hunc, in quo nunc versamur, annum ea contulerunt, etiam illud accedit, ne tam clara pugna in eum annum, i. e. decimum post annum, transferri posset, quod inbelle triennium circa illud tempus, quo Cossus consul fuisse memoratur in annalibus ac libris magistratuum, fuit. Particulam si pro an non raro usurpat Livius, ut observabimus ad XXXI. 9. Ceterum longe aliter Livium de spoliis Cossi opimis sensit, quam hic præ se ferat, vel ex eo patet, quod infra c. 32. in oratione Mam. Æmilii dictatoris Cossus adhuc dicatur tribunus militum spolia opima Jovis Feretrii templo intulisse.

² *Tam veteres*] Valde veteres. * Nisi forte magis placebit resecare tam.

³ *Nono*] Hoc a Sigonio est, quum prius legeretur *septimo*. Perizonius in Animadv. Hist. c. 7. mallet *decimo*, quæ scriptura propius accedit ad *ed septimo*. Quod si admittatur, in numerandis decem annis hic ipse annus includendus erit.

⁴ *Velut funesti*] Quasi ob crebra funera maestitiam præferentes.

⁵ *Ea libera conjectura est*] In his, quæ proxime præcedunt, novam attulit conjecturam: nimirum, ut Cossus magister equitum tertio ab consulatu anno spolia opima cepisse dicatur. Ea, inquit, libera conjectura est: i. e. per me licet hanc conjecturam, qui voluerit, amplectatur. Hoc autem dicit, non quod illam probabilem ducat, quippe quam mox refellet; sed ut significet se non esse in

mora, quominus ea utatur, si cui libuerit. Mox transit ad illam refellendam. *Sed, ut ego arbitror*, inquit, *vana versare in omnes opiniones licet*: quasi diceret, hoc nempe usu venit, simul atque a veritate recessum est, ut, tanquam sine duce, in quolibet opinionum commenta divagentur conjecturæ. Versari sane et quasi circumagi in quascunque opiniones, meo quidem iudicio, possunt res vane, ac nullo veritatis fundamento subnixæ: qualia sunt ea quascunque de spoliis opimis a Cosso non consule detractis jactabuntur; quæ quidem certissime vana sunt, quum is qui pugnam edidit, recentibus spoliis in sacra sede positis... sese consulem scripserit. Illa tamen inscriptio non plane litem secundum Augustum dabat. Observat enim Perizonius lib. et cap. supra memoratis, admodum verisimile esse illam ab Cossi posteris potius, quam ab ipso Cosso positam fuisse. Deinde probat idem hunc apud Romanos morem obtinuisse, ut in monumentis quæ ad gloriam alicujus celebrandam destinarentur, si ille consul fuisset, nominibus ejus adjungeretur titulus consulatus. Credamus itaque Livio et Augusto, neque enim tantis testibus facile abroganda fides, hæc de qua agimus inscriptionem hoc fere modo se habuisse: A. CORNELIUS COSSUS CONSUL SPOLIA OPIMA CEPIT, &c. Illa inscriptio non ideo conjiciebat necessario in unum eundemque annum Cossi spolia opima, ejusque consulatum: sed declarabat tantummodo, eum et consulem fuisse, et spolia opima cepisse; hoc est, duplici nomine clarum haberi, quod et

sare in omnes opiniones licet: quum auctor pugnae, recentibus spoliis in sacra sede positis, Jovem prope ipsum, cui vota erant, Romulumque intuens, haud spernendos falsi tituli testes, se^f A. Cornelium Cossum consulem scripserit.

U. C. 319.
A. C. 433.
M. Cornelio,
L. Papirio Coss.
Pestilentia.

XXI. M. Cornelio Maluginense, L. Papirio Crasso consulibus, exercitus in agrum Veientem ac Faliscum ducti: praedae abactae hominum pecorumque: hostis in agris nusquam inventus, neque pugnandi copia facta. urbes tamen non obpugnatæ, quia pestilentia populum invasit. Et seditiones domi quæsitæ sunt, nec motæ tamen, ab Sp. Mælio tribuno plebis; qui, favore nominis moturum se aliquid ratus, et Minucio diem dixerat, et rogationem de publicandis bonis Servilii Ahalæ tulerat: falsis criminibus a Minucio circumventum Mælium arguens, Servilio cædem civis indemnati objiciens. ⁶quæ vaniora ad populum ipso auctore fuere. Ceterum magis vis morbi ingravescens curæ erat, terroresque ac prodigia; maxime quod crebris motibus terræ ruere in agris nunciabantur tecta. Obsecratio itaque a populo, ⁷dumviris ⁸præeuntibus, est facta. Pestilentior inde annus, C. Julio iterum et L. Virginio consulibus, ⁹tantum metum vastitatis in urbe agrisque fecit, ut non modo prædandi caussa quisquam ex agro Romano non exiret, bellive inferendi memoria Patribus aut plebi esset; sed ultro Fidenates, qui se primo aut oppido, aut montibus, ¹⁰aut muris tenuerant, populabundi descenderent in agrum Romanum. deinde, Veientium exercitu adcito, (nam Falisci perpelli ad instaurandum bellum, neque clade Romanorum, neque sociorum precibus, potuere) duo populi transiere Anienem; atque haud procul Collina porta signa habuere. Trepidatum itaque, non in agris magis, quam in urbe, est. Julius consul in aggere murisque explicat copias. a Virginio senatus in æde Quirini consulitur. Dictatorem dici

U. C. 320.
A. C. 432.
C. Julio II.
L. Virginio Coss.

Bellum
cum Fidenatibus
et Veientibus.

^f *see* Gron. Crev.

magistratu amplissimo functus esset, et rarissimum in bello decus sibi peperisset, quamvis illa decora diversis temporibus ei contigissent. Simile exemplum vid. apud nostrum XXXVIII. 35. Hæc omnia fusius a Perizonio tractata legere operæ pretium est.

⁶ *Quæ vaniora*] Quanquam hic irritos fuisse tribuni conatus Livius affirmat, tamen Ahalam Servillum et Valerius Max. l. V. c. 3. *custodita libertatis civium pœnas exilio suo pependisse* tradit; et Cicero pro domo, n. 86. pulsum urbe, in eamque deinde restitutum memorat.

⁷ *Dumviris*] Librorum Sibyllino-

rum custodibus.

⁸ *Præeuntibus*] Certam verborum, in quæ obsecratio fieret, formulam prius recitantibus, quæ totidem verbis vel a populo, vel a magistratu aliquo referretur. Moris quippe Romanis erat, ut in devotionibus in fœderibus sancendis, et aliis ejusmodi ritibus sacris peragendis, pontifex aliquis, aut sacerdos, prior pronunciaret solennia verba, ne per inscitiam laberetur is, qui ea proferre debebat. Vid. l. VIII. 9.

⁹ *Tantum metum*] Recte censet Tan. Faber expungendam esse vocem *metum*.

¹⁰ *Aut muris*] Castellorum.

¹¹ A. Servilium placet, cui Prisco alii, alii Structo fuisse U. C. 320, cognomen tradunt. Virginius, dum collegam consuleret, A. C. 432. moratus, permittente eo, nocte dictatorem dixit. is sibi ma- Servilius dictor. gistrum equitum Postumum Æbutium Elvam dicit.

XXII. Dictator omnes luce prima extra portam Collinam adesse jubet. quibuscumque vires subpetebant ad arma ferenda, præsto fuere: signa ex ærario prompta feruntur ad dictatorem. Quæ quum agerentur, hostes in loca altiora concessere. eo dictator agmine infesto subit: nec procul Nomento^b signis conlatis, fudit Etruscas legiones. compulit inde in urbem Fidenas, valloque circumdedit. Fidenas ob- Sed neque scalis capi poterat urbs alta et munita; neque pugnatur. in obsidione vis ulla erat, quia frumentum non necessitati modo satis, sed copię quoque, abunde ex ante convecto subficiebat. Ita, expugnandi pariter cogendique ad deditionem spe amissa, dictator in locis, propter propinquitatem notis, ab aversa parte urbis maxime neglecta, quia suapte natura tutissima erat, agere in arcem cuniculum instituit. ipse, diversissimis locis subeundo ad moenia quadri-fariam diviso exercitu, qui alii aliis succederent ad pugnam, continenti die ac nocte proelio ab sensu operis hostes Cuniculo avertebat: donec, perfosso a castris monte, erecta in arcem capit. via est; ¹² intentisque Etruscis ad vanas a certo periculo minas, clamor supra caput hostilis captam urbem ostendit. Eo anno C. Furius Pacilus et M. Geganius Macerinus censores ¹³ villam publicam in campo Martio ¹⁴ probaverunt: ibique primum census populi est actus.

XXIII. Eosdem consules insequenti anno refectos, Ju- U. C. 321. lium tertium, Virginium iterum, apud Macrum Licinium A. C. 431. invenio. Valerius Antias et ¹⁵ Q. Tubero M. Manlium et C. Julio Q. Sulpicium consules in eum annum edunt. ceterum in III. L. Vir- tam discrepanteⁱ editione et Tubero et Macer libros linteos ginio II. auctores profitentur: neuter, tribunos militum eo anno fu- Coss. isse, traditum a scriptoribus antiquis dissimulat. Licinio libros haud dubie sequi linteos placet: ¹⁶ et Tubero incertus

⁸ Q. Crev.

^b Numento Gron.

ⁱ discrepanti Gron. Crev.

¹¹ Q. Servilium] Vulgo A. Servilium. Sigonius monuit mutandum esse prænomen, ex capp. 45. et 46. infra, et Fastis Capitolinis.

¹² Intentis ad vanas a certo periculo minas] Intentis ad vanas minas, de periculo certo non cogitantibus.

¹³ Villam publicam] Villam in campo Martio ad publicos usus, puta excipiendos legatos, censum agendum etc. ædificatam.

¹⁴ Probaverunt] Eam ædificandam locaverant: ædificatam probaverunt,

recte et ex ordine factam esse pronuntiaverunt.

¹⁵ Q. Tubero] Hunc scriptorem laudat Dionysius, versus finem libri primi, tanquam acris ingenii virum, et in historia diligentem. Quæ laudes optime quadrant in Tuberone illum, quo accusante Ligarium Cicero defendit, a quo et historiæ scribendæ datam operam esse idem Cicero docet in celebri illa ad Q. fratrem epistola.

¹⁶ Et Tubero sed inter] Particulam et delet Muretus: sed mutat in sit. Eleganter et vere.

U. C. 321.
A. C. 431.

Dictator
Mamercus
Æmilius.

Censuræ
tempus in-
minutum.

veri est. sed inter cetera, vetustate incomperta, hoc quoque in incerto positum. Trepidatum in Etruria est post Fidenas captas, non Veientibus solum exterritis metu similis excidii, sed etiam Faliscis memoria initi primo cum iis belli; quamquam rebellantibus non adfuerant. Igitur quum duæ civitates, legatis ¹⁷ circa duodecim populos missis, inpetrasent, ut ad ¹⁸ Voltumnæ fanum indiceretur omni Etruriæ concilium: velut magno inde tumultu imminente, senatus Mam. Æmilium dictatorem iterum dici jussit. ab eo A. Postumius Tubertus magister equitum est dictus; bellumque tanto majore, quam proximo, conatu adparatum est, quanto plus erat ab omni Etruria periculi, quam ab duobus populis fuerat.

XXIV. Ea res aliquanto expectatione omnium tranquillior fuit. Itaque quum renunciatum a mercatoribus esset, negata Veientibus auxilia, jussosque suo consilio bellum initum suis viribus exsequi, nec adversarum rerum quærere socios, cum quibus ¹⁹ spem integram communicati non sint: tum dictator, ne nequidquam creatus esset, materia quærendæ bello gloriæ adempta, in pace aliquid operis edere, quod monumentum esset dictaturæ, cupiens, censuram minuere parat: seu nimiam potestatem ratus, seu non tam magnitudine honoris, quam diuturnitate, offensus. Concione itaque advocata, *republicam foris gerendam, ait, tutaque omnia præstanda, Deos immortales suscepisse: se, quod intra muros agendum esset, libertati populi Romani consulturum. maximam autem ejus custodiam esse, si magna imperia diuturna non essent; et temporis modus inponeretur, quibus juris inponi non posset. Alios magistratus annuos esse, ²⁰ quinquennalem censuram: grave esse, iisdem per tot annos ²¹ magna parte vitæ obnoxios vivere. se legem laturum, ne plus, quam annua ac semestris, censura esset. Consensu ingenti populi legem postero die pertulit, et, ut reipsa, inquit, sciatis Quirites, quam mihi diuturna non placeant imperia, dictatura me abdicō. Deposito suo magistratu, modo aliorum magistratui inposito, ²² fine alteri, cum gratulatione ac favore ingenti populi*

¹⁷ Circa duodecim populos] Sic plane quatuor e nostris codicibus: et omnis historia id postulat. Male pridem legebatur viginti duos populos.

¹⁸ Voltumnæ] Voltumna videtur fuisse dea quædam, quæ apud Etruscos coleretur. Ad ejus fanum convenire solebant Etrusci populi, quemadmodum Latini ad lucum Ferentina.

¹⁹ Spem integram] Spem belli incipientis nulla adhuc clade imminutam.

²⁰ Quinquennalem censuram: grave esse] Hujus loci sanitas Gronovio debetur: quum vitiose legeretur censuram gravem esse.

²¹ Magna parte vitæ] In plerisque rebus, in quibus vita occupatur. Eodem sensu scripsit Cic. l. I. de Off. n. 4. Nulla pars vitæ . . . vacare officio potest.

²² Fine alteri] Recte videtur Sigonius delere hæc verba, tanquam otiosa.

domum est reductus. Censores, ægre passi, Mamercum, U. C. 331. quod magistratum populi Romani minuisset, ²³ tribu move- A. C. 431. runt, ²⁴ octuplicatoque censu ²⁵ ærarium fecerunt. quam rem ipsum ingenti animo tulisse ferunt, causam potius ignominie intuentem, quam ignominiam; primores Patrum, quamquam ²⁶ deminutum censuræ jus noluisent, exemplo acerbitatis censoriæ obfensos: quippe quum se quisque diutius ac sæpius subjectum censoribus fore cerneret, quam ²⁷ censuram gesturum. Populi certe tanta indignatio coorta dicitur, ut vix a censoribus nullius auctoritate, præterquam ipsius Mamerci, deterri quiverit.

XXV. Tribuni plebis, adsiduis concionibus prohibendo consularia comitia, quum res prope ad interregnum perducta esset, evicere tandem, ut tribuni militum consulari potestate crearentur: victoriæ præmium, quod petebatur, ut plebeius crearetur, nullum fuit. omnes patricii creati sunt, M. Fabius Vibulanus, M. Foslius^k, L. Sergius Fidenas. Pestilentia eo U. C. 332. anno aliarum rerum otium præbuit. ædis^l Apollini pro vale- A. C. 430. tudine populi vota est. multa duumviri ex libris, placandæ M. Fabio, &c. Tr. Deum iræ, avertendæque a populo pestis causa, fecere: Mil. magna tamen clades in urbe agrisque, ²⁸ promiscue homi- Pestilentia. num pecorumque perniciæ, accepta. ²⁹ famem cultoribus agrorum timentes in Etruriam, Pomptinumque agrum, et. Cumas, postremo in Siciliam quoque frumenti causa misere. Consularium comitiorum nulla mentio habita est. Tribuni militum consulari potestate omnes patricii creati sunt, L. Pinarius Mamercinus, L. Furius Medullinus, Sp. U. C. 333. Postumius Albus. Eo anno vis morbi levata, neque a penn- A. C. 429. ria frumenti, quia ante provisum erat, periculum fuit. Con- L. Pinario &c. Tr. silia ad movenda bella in Volscorum Equorumque conciliis, Mil. et in Etruria ad fanum Voltumnæ, agitata. Ibi prolatae in

^k Foslius Gron.

^l ædes Gron. Crev.

²³ Tribu moverunt] E tribu honestiore in ignobiliorem, ignominie causa, transtulerunt. Rusticæ tribus honestiores habebantur urbanis, tum quia vita rustica magno in honore erat apud veteres Romanos; tum quia in urbanas tribus referri jusserat Servius rex, quidquid esset libertini generis, teste Dion. l. IV.

²⁴ Octuplicatoque censu] Octies pluri aestimato ejus censu, quam quanti aestimari revera debebat; ut nempe octies majus tributum penderet.

²⁵ Ærarium fecerunt] Qui ærarius fiebat, ejus nomen ex albo centuriæ suæ delebatur; et ad hoc erat civis tantum, ut pro capite suo tributum nomine æra penderet. Asc. Ped.

in Divin.

²⁶ Deminutum censuræ jus] Quoad diuturnitatem potestatis.

²⁷ Censuram gesturum] Exemplum nempe acerbitatis censoriæ formidolosum cuique erat, quandiu censoribus subjectus foret. Deminutio censuræ juris eo tantum tempore ad quemque pertinere poterat, quo censor futurus esset.

²⁸ Promiscue] Gronovius mavult promiscua.

²⁹ Famem cultoribus agrorum] Non satis apparet cur fames potius timeatur cultoribus agrorum, quam urbi. Gronovius legendum suspicatur: incultus agrorum. Fortasse deperdita est una aut altera vox: absumptis ea clade cultoribus agrorum.

U. C. 323. annum res, decretoque cautum, ne quod ante concilium fieret; nequidquam Veiente populo querente, eandem, qua³⁰ Fidenæ deletæ sint, imminere Veis fortunam. Interim Romæ principes plebis, jam diu nequidquam imminentes spei majoris honoris, dum foris otium esset, cœtus indicere in domos tribunorum plebei^m, ibi secreta consilia agitare: queri, se a plebe adeo spretos, ut, quum per tot annos tribuni militum consulari potestate creentur, nulli umquam plebeio ad eum honorem aditus fuerit. multum providisse suos majores, qui caverint, ne cui patricio plebei magistratus paterent; ³¹ aut patricos habendos fuisse tribunos plebei. adeo se suis etiam sordere, nec a plebe minus, quam a Patribus, contemni. Alii purgare plebem, culpam in Patres vertere: eorum ambitione artibusque fieri, ut obseptum plebi sit ad honorem iter. si plebi respirare ab eorum mixtis precibus minisque liceat, memorem eam suorum iinturam suffragia esse, et ³² parto auxilio imperium quoque adscituram. Placet, tollendæ ambitionis causa tribunos legem promulgare, ne cui ³³ album in vestimentum addere petitionis liceret causa^a. Parva nunc res, et vix serio agenda videri possit, quæ tunc ingenti certamine Patres ac plebem accendit. Vicere tamen tribuni, ut legem perferrent: adparebatque, irritatis animis, plebem ad suos studia inclinaturam. quæ ne libera essent, senatusconsultum factum est, ut consularia comitia haberentur.

Lex de albo in vestimentum non addendo.

U. C. 324. XXVI. Tumultus causa fuit; quem ab Æquis et Volscis Latini atque Hernici nunciarant. T. Quinctius L. F. Cincinnatus (eidem et Penno cognomen additur) et C. Julius Mento, consules facti: nec ultra terror belli est dilatus. ³⁴ Lege sacrata, quæ maxima apud eos vis cogendæ militiæ erat, delectu habito, utrimque validi exercitus profecti in Algidum convenere. ibique, seorsum Æqui, seorsum Volsci,

Bellum cum Æquis et Volscis.

^m plebi Gron.

^a causa liceret Gron. Crev.

³⁰ Fidenæ deletæ sint] Expugnatas Fidenas supra vidimus c. 22. Magna tum procul dubio cædes Fidenatum fuit. Ideo Fidenas hic deletas Veientes oratorie dicunt.

³¹ Aut patricos] Aut, i. e. alioquin. Porro duos l. III. c. 65. memoravit Livius patricos consularesque factos tribunos plebei. Sed quum unicum hoc occurrat exemplum, nulla ejus hoc loco ratio habetur.

³² Parto auxilio] Parto jam tribunitio auxilio adscituram quoque imperium, quod proprium erat patriciorum magistratuum, consulatus nempe, et militaris tribunatus consulari potestate. Tribunorum plebis erat tantum auxilium, non imperium. Vid.

supra II. 33. 35. et 56. * et not. 25. ad III. 30.

³³ Album in vestimentum addere] Intendendæ albedinis causa cretam in togam addere. Togam albam Romani omnes gestabant. At qui petebant aliquem magistratum, ii togam creta addita candentem, seu splendidam reddebant: atque hinc dicebantur candidati.

³⁴ * Lege sacrata] Vid. not. 81. ad c. 33. l. II. et adde X. 38. infra, ubi delectus per omne Samnium habetur nova lege: Ut qui juniorum non convenisset ad imperatorium cœdictum, quique injussu abisset, caput Jovi sacratum esset.

castra communivere; intentiorque, quam umquam ante, U. C. 324.
 muniendi exercendique militem cura ducibus erat. eo plus A. C. 428.
 nuncii terroris Romam adtulere. Senatui dictatorem dici
 placuit: quia, etsi sæpe victi populi, majore tamen conatu,
 quam alias umquam, rebellarent: et aliquantum Romanæ
 juventutis morbo absumtum erat. ante omnia pravitas con-
 sulum, discordiaque inter ipsos, et certamina in consiliis om-
 nibus terrebant. Sunt, qui male pugnatum ab his consuli-
 bus in Algido auctores sint, eamque causam dictatoris
 creandi fuisse. Illud satis constat, ad alia discordes, in uno
 adversus Patrum voluntatem consensisse, ne dicerent dicta-
 torem: donec, quum alia aliis terribiliora adferrentur, nec
 in auctoritate senatus consules essent, Q. Servilius Priscus,
 summis honoribus egregie usus, *Vos, inquit, tribuni plebis,*
quoniam ad extrema ventum est, senatus adpellat, ut in tanto
discrimine reipublicæ dictatorem dicere consules pro potestate
vestra cogatis. Qua voce audita, occasionem oblatam rati
 tribuni augendæ potestatis, secedunt, ³⁵ proque collegio pro-
 nunciant, *placere, consules senatui dicto audientes esse: si*
adversus consensum amplissimi ordinis ultra tendant, in vin-
cula se duci eos jussuros. Consules ab tribunis, quam ab
 senatu, vinci maluerunt; proditum a Patribus summi im-
 perii jus, datumque sub jugum tribuniciæ potestati consu-
 latum memorantes, siquidem cogi aliquid pro potestate ab
 tribuno consules, et (quo quid ulterius privato timendum
 foret?) in vincula etiam duci possent. Sors, ut dictatorem
 diceret, (nam ne id quidem inter collegas convenerat) T.
 Quinctio evenit. is A. Postumium Tubertum, socerum suum, ^{Postumius}
 severissimi imperii virum, dictatorem dixit; ab eo L. Julius ^{dictator.}
 magister equitum est dictus. Simul edicitur et justitium:
 neque aliud tota urbe agi, quam bellum adparari: cognitio
 vacantium militiæ munere post bellum differtur. Ita dubii
 quoque inclinant ad nomina danda. et Hernicis Latinisque
 milites imperati. utrimque ³⁶ enixe obeditum dictatori est.

XXVII. Hæc omnia celeritate ingenti acta: relictoque
 C. Julio consule ad præsidium urbis, et L. Julio magistro
 equitum ad subita belli ministeria, ne qua res, qua eguissent
 in castris, moraretur, dictator, ³⁷ præeunte A. Cornelio pon-
 tifice maximo, ³⁸ ludos magnos tumultus causa vovit: pro-
 fectusque ab urbe, diviso cum Quinctio consule exercitu, ad

³⁵ *Pro . . . collegio*] Tanquam sen-
 tentiam et jussum totius collegii tri-
 bunitii, congregati et præsentis. Eo-
 dem fere modo et sensu *pro collegii*
sententia, infra c. 44.

³⁶ *Enixe*] MSS. et vet. editi *obnixæ*,
 probante Gronovio.

³⁷ *Præeunte*] Vid. not. 8. ad c. 21.

VOL. I.

supra.

³⁸ *Ludos Magnos*] Memoravit Li-
 vius l. I. c. 35. ludos magnos a Tar-
 quinii Prisci temporibus solennes an-
 nuos mansisse. Itaque hic intelli-
 gendi videntur ludi Magni similes,
 qui iisdem diis, eodem apparatu fe-
 rent.

U. C. 324. A. C. 428. **hostes pervenit.** Sicut bina castra hostium, parvo inter se spatio distantia, viderant, ipsi quoque mille ferme passus ab hoste, dictator Tusculo, consul ³⁹ Lanuvio, propiorem locum castris ceperunt. Ita quatuor exercitus, totidem munimenta planitiem in medio, non parvis modo excursionibus ad praelia, sed vel ad explicandas utrimque acies satis patentem, habebant. nec, ex quo castris castra conlata sunt, cessatum a levibus praeliis est; facile patiente dictatore, conferendo vires spem universae victoriae, tentato paullatim eventu certaminum, suos praecipere. Itaque hostes, nulla ⁴⁰ in proelio justo relicta spe, noctu adorti castra consulis, rem in casum ancipitis eventus committunt. Clamor subito ortus, non consulis modo vigiles, exercitum deinde omnem, sed dictatorem quoque ex somno excivit. Ubi praesenti ope res egebant, consul nec animo defecit°, nec consilio: pars militum portarum stationes firmant: pars corona vallum cingunt. In alteris apud dictatorem castris, quo minus tumultus est, eo plus animadvertitur, quid opus facto sit. ⁴¹ misso extemplo ad castra subsidio, cui Sp. Postumius Albus legatus praeficitur, ipse parte copiarum parvo circuitu locum maxime secretum ab tumultu petit, unde ex necopinato aversum hostem invadat. Q. Sulpicium legatum praeficit castris: M. Fabio legato adsignat equites: nec ante lucem movere jubet manum, inter nocturnos tumultus moderatu difficilem. Omnia, quae vel alius imperator prudens et impiger in tali re praeciperet ageretque, praecipit ordine atque agit. illud eximium consilii animique specimen, et ne utquam vulgatae laudis, quod ultro ad obpugnanda castra hostium, unde majore agmine profectos exploratum fuerat, M. Geganium cum cohortibus delectis misit. qui, postquam intentos homines in eventum periculi alieni, pro se incautos neglectis vigiliis stationibusque, est adortus, prius pene cepit castra, quam obpugnari hostes satis scirent. inde, fumo, ut convenerat, datum signum ubi conspectum ab dictatore est, exclamat, capta hostium castra, nunciarique passim jubet.

Obpugnata
consulis
castra.

Castra Æ-
quorum ca-
piuntur.

Vincuntur
hostes.

XXVIII. Et jam lucescebat, omniaque sub oculis erant: et Fabius cum equitatu inpetum dederat, et consul eruptionem e castris in trepidos jam hostes fecerat. Dictator autem, parte altera subsidia et secundam aciem adortus, cir-

° *deficit* Gron. Crev.

³⁹ *Lanuvio*] Optimi codices *Lavinio*. Lege *Lavico*. Vid. Raph. Fabretti primam Apolog. ad Gronovium, p. 116. HEARNIUS.

⁴⁰ *In proelio justo*] In proelio quo explicatae utrimque acies aequo campo aperta vi congrederentur. Vid. not.

³⁷. ad I. 4.

⁴¹ *Misso extemplo ad castra*] Consulis. Quam vocem hic expressam cuperemus, ut sine qua, etsi non obscura, minus integra tamen et rotunda procedit oratio.

cum agenti se ad dissonos clamores ac subitos tumultus hosti U. C. 324.
 undique objecerat victorem peditem equitemque. A. C. 428. Circum-
 venti igitur jam in medio ad unum omnes pœnas rebellionis
 dedissent, ni Vectius Messius ex Volscis, nobilior vir factis,
 quam genere, jam ⁴² orbem volventes suos increpans clara
 voce, *Hic præbituri*, inquit, *vos telis hostium estis indefensi,*
inulti? Quid igitur arma habetis? aut quid ultro bellum in-
tulistis; in otio tumultuosi, in bello segnes? Quid hic stanti-
bus spei est? an Deum aliquem protecturum vos, rapturumque
hinc putatis? Ferro via facienda est. Hac, qua me prægres-
sum videritis, agite, qui visuri domos, parentes, conjuges, libe-
ros estis, ite mecum. Non murus, nec vallum; sed armati
armatis obstant. virtute pares, necessitate, quæ ultimum ac
maximum telum est, superiores estis. Hæc locutum exse-
 quentemque dicta redintegrato clamore secuti, dant impres-
 sionem, qua Postumius Albus cohortes objecerat: et move-
 runt victorem, donec dictator, pedem jam referentibus suis,
 advenit: eoque omne prælium versum est. Uni viro Mes-
 sio fortuna hostium innititur. multa utrimque vulnera, multa
 passim cædes est. Jam ne duces quidem Romani incruenti
 pugnant. Unus Postumius, ictus saxo, perfracto capite,
 acie excessit. non dictatorem humerus vulneratus, non Fa-
 bium prope adfixum equo femur, non brachium abscisum^p
 consulem ex tam ancipiti prælio submovit.

XXIX. Messium inpetus per stratos cæde hostem cum
 globo fortissimorum juvenum extulit ad castra Volscorum,
 quæ nondum capta erant. eodem omnis acies inclinatur.
 Consul, effusus usque ad vallum persecutus, ipsa castra Castra
 vallumque adgreditur: eodem et dictator alia parte co- Volscorum
 pias admovet. non segnior obpugnatio est, quam pugna capta.
 fuerat. Consulem signum quoque intra vallum injecisse
 ferunt, quo milites acrius subirent; repetendoque signo pri-
 mam impressionem factam. Et dictator, proruto vallo, jam
 in castra prælium intulerat. Tum abjici passim arma^q, ac
 dedi hostes cœpti. castrisque et his captis, hostes, præter
 senatores, omnes venundati sunt. Prædæ pars sua cognos-
 centibus Latinis atque Hernicis reddita; partem sub hasta
 dictator vendidit: præpositoque consule castris, ipse, trium-
 phans invectus urbem, dictatura se abdicavit. Egregiæ dicta- Postumius
 turæ tristem memoriam faciunt, qui filium ab A. Postumio, an filium
 quod, occasione bene pugnandi captus, injussu ⁴³ decesserit securi per-
 cussit.

^p abscisum Gron. Crev.

^q arma passim Eæd.

⁴² ^p Orbem volventes] In orbem se
 conglobantes, ita ut periculum foret,
 ne circumventi ab hostibus in medio
 ad unum omnes cæderentur.

⁴³ Decesserit præsidio] Olim dice-

scribit. Reposuit proprium hac in re
 verbum ex conjectura admodum pro-
 babili Gronovius: et firmant Hearnii
 codd.

U. C. 324. præsidio, victorem securi percussum tradunt. ⁴⁴ Nec libet
A. C. 428. credere; et licet, in variis opinionibus. et argumento est,
quod *imperia Manliana*, ⁴⁵ non *Postumiana*, adpellata sint:
quum, qui prior auctor tam sævi exempli foret, ⁴⁶ occupaturus
insignem titulum crudelitatis fuerit. ⁴⁷ *Imperioso* quoque
Manlio cognomen inditum: Postumius nulla tristi nota
est insignitus. C. Julius consul ædem Apollinis, absente
collega, sine sorte dedicavit: ægre id passus Quinctius,
quum, dimisso exercitu, in urbem redisset, nequidquam in
senatu est conquestus. Insigni magnis rebus anno additur,
Karthaginienses in Siciliam trajiciunt. nihil tum ad rem Romanam pertinere visum, quod ⁴⁸ Karthaginienses, tanti hostes futuri, tum primum per seditiones
Siculorum ad partis alterius auxilium in Siciliam exercitum
trajecere.

U. C. 325. XXX. Agitatum in urbe ab tribunis plebis, ut tribuni
A. C. 427. militum consulari potestate crearentur; nec obtineri potuit.
L. Papirio, Consules fiunt L. Papirius Crassus, L. Julius. Æquorum
L. Julio legati foedus ab senatu cum petissent, et pro foedere deditio
Coss. ostentaretur, inducias annorum octo inpetraverunt. Volsco-
rum res, super acceptam in Algido cladem, pertinaci certamine
inter pacis bellicque auctores, in jurgia et seditiones
versa. Undique otium fuit Romanis. ⁴⁹ Legem de multa-
rum æstimatione pergratam populo, quum ab tribunis parari
consules unius ex collegio proditione excepissent, ipsi
præoccupaverunt ferre. Consules L. Sergius Fidenas ite-
rum, Hostus Lucretius Tricipitinus. Nihil dignum dictu
actum his consulibus. Secuti eos consules A. Cornelius
U. C. 326. L. Sergio
A. C. 426. II. Hosto
Lucretio
Coss.

⁴⁴ *Nec libet credere; et licet*] Nec libet credere, et licet non credere, quum non omnes in id consentiant scriptores, sed aliqua sit inter eos opinionum varietas.

⁴⁵ *Non Postumiana*] Postumiana tamen imperia memorat A. Gell. l. I. c. 13.

⁴⁶ *Occupaturus insignem titulum crudelitatis fuerit*] Prior habere, et sibi quodammodo asserere debuerit titulum, quo crudelitas ejus insigniretur et notaretur ad posterum.

⁴⁷ *Imperioso*] L. Manlius, Torquatus, qui filium occidit, pater, Imperiosus cognominabatur, ipso Livio teste, l. VII. 3. et 4. Torquatus ergo hæreditarium *Imperiosi* cognomen habuit a patre.

⁴⁸ *Carthaginienses . . . tum primum*] Herodotus l. VII. narrat Amilcarem, ducem, sive, ut ipse vocat, regem Carthaginiensium, cum trecentis millibus hominum in Sicilia cæsum a Gelone

Syracusanorum rege, eodem die, quo Xerxes apud Salamina devictus est, ac proinde quinquagesimo circiter ante hos consules anno.

⁴⁹ *Legem de multarum æstimatione*] Constat inter scriptores omnes qui de mulctis egerunt, illas primo dictas fuisse certi numeri ovium et boum. Constat quoque lege cautum postea, ut boves ovesque pecunia æstimarentur: boves quidem centenis assibus, id est, una uncia argenti Parisiensi, cum duobus, ut vocant, *grassis*: oves autem denis, id est, uno argenti *grasso*. De reliquis, quo scilicet tempore, et a quibus latæ sint de mulctis leges, magna dissensio est. Lata hoc anno lex, quum ad multarum æstimationem pertinuisse dicatur, videtur egisse de æstimandis pecunia bubus et ovibus, quorum multa dicebatur. Vid. Dion. l. X. A. Gell. l. XI. c. 1. Plut. in Popl. et Festum ad vocem *peculatus*.

Cossus, T. Quinctius Pennus iterum. Veientes in agrum U. C. 327. Romanum excursiones fecerunt. Fama fuit, quosdam ex A. C. 425. Fidenatium juventute participes ejus populationis fuisse: A. Cornelio, cognitioque ejus rei L. Sergio, et Q. Servilio, et Mam. II. Coss. Æmilio permissa. Quidam Ostiam relegati, quod, cur per eos dies a Fidenis afuissent, parum constabat. colonorum additus numerus, agerque iis bello interemptorum adsignatus. Siccitate eo anno plurimum laboratum est: nec coelestes modo defuerunt aquæ, sed terra quoque, ingenito humore egens, vix ad perennes subfecit amnes. defectus alibi aquarum circa torridos fontes rivosque stragem siti pecorum morientium dedit: scabie alia absumpta: vulgatique^r contactu in homines morbi, et primo in agrestes ingruerant servitiaque. urbs deinde inpletur. Nec corpora modo adfecta tabo, sed animos quoque multiplex religio, et pleraque externa, invasit; ⁵⁰novos ritus ⁵¹sacrificandi^a vaticinando inferentibus in domos, quibus quæstui sunt capti superstitione animi: ⁵²donec publicus jam pudor ad primores civitatis pervenit, cernentes in omnibus vicis sacellisque peregrina atque insolita piacula pacis Deum exposcendæ. Datum inde negotium ædilibus, ut animadverterent, ne qui, nisi Romani Dii, neu quo alio more, quam patrio, colerentur. Iræ adversus Veientes in insequentem annum, C. Servilium U. C. 328. Aham, L. Papirium Mugillanum consules, dilatæ sunt. A. C. 424. Tunc quoque, ne confestim bellum indiceretur, neve exercitus mitterentur, religio obstitit. feciales prius mittendos C. Servilio, L. Papirio II. Coss. ad res repetendas censuere. Cum Veientibus nuper acie dimicatum ad Nomentum et Fidenas fuerat: induciæque inde, non pax facta: quarum et dies exierat, et ante diem rebellaverant. Missi tamen feciales: nec eorum, quum more patrum jurati repeterent res, verba sunt audita. Controversia inde fuit, utrum populi jussu indiceretur bellum, an satis esset senatusconsultum. Pervicere tribuni, denunciando inpedituros se delectum, ut ⁵³consules de bello ad

Siccitas.

Externa superstitio.

Veientibus bellum indictum.

^r vulgarique Gron. Crev.^a sacrificando Gron.

⁵⁰ *Novos ritus sacrificandi vaticinando inferentibus per domos*] Circum-euntibus domos, et in eas inferentibus per vaticinationem, tanquam divinitus mente monita, novos sacrificandi ritus.

⁵¹ *Sacrificandi*] Hæc emendatio nititur auctoritate librorum Sigoniorum, duorum MSS. Hearnii, nostrorum omnium, denique editionum Andreæ et Campani. Vulgo *sacrificando*.

⁵² *Donec publicus jam pudor*] Donec pudor jam pro republica, i. e. pudor de hac fœditate superstitionis,

cujus dedecus jam ad rempublicam, non privatos modo, pertinebat, ad primores civitatis pervenit. Sic in re plane simili, XXV. 1. *Deinde ad Patres etiam et ad publicam querimoniam excessit res.*

⁵³ *Consules*] MSS. et vett. editi magno consensu habent, teste Gronovio, *Ut Quintius consul . . . ferret.* Cui lectioni consonat id quod initio statim c. seq. legitur, Quintium tribunum militum ex consulatu creatum esse. At vero supra consules in hunc annum editi sunt C. Servilius, et L. Papirius. Hoc unum suspicari possu-

U. C. 328. **populum ferrent. omnes centuriæ jussere. In eo quoque**
 A. C. 424. **plebs superior fuit, quod tenuit, ne consules in proximum**
annum crearentur.

U. C. 329. **XXXI. Tribuni militum consulari potestate quatuor**
 A. C. 423. **creati sunt, ⁵⁴ T. Quinctius Pennus ex consulatu, C. Furius,**
 T. Quinc- **M. Postumius, A. Cornelius Cossus. ex iis Cossus præfuit**
 tio, &c. Tr. **urbi. tres, delectu habito, profecti sunt Veios, documento-**
 Mil. **que fuere, quam plurimum imperium bello inutile esset. Ten-**
dendo ad sua quisque consilia, quum aliud alii videretur,
aperuerunt ad occasionem locum hosti. incertam namque
aciem, signum aliis dari receptui, ⁵⁵ aliis cani jubentibus, in-
vasere opportune Veientes: castra propinqua turbatos ac
terga dantes acceperunt. plus itaque ignominie, quam cladis,
est acceptum. Mœsta civitas fuit¹, vinci insueta: odisse
tribunos, poscere dictatorem, in eo verti spes civitatis. et
quum ibi quoque religio obstaret, ⁵⁶ ne non posset nisi ab
consule dici dictator, augures consulti eam religionem exe-
mere. A. Cornelius dictatorem Mam. Æmilius dixit: et
ipse ab eo magister equitum est dictus. Adeo, simul for-
tuna civitatis virtute vera eguit, nihil censoria animadversio
⁵⁷ effecit, quo minus regimen rerum ex notata indigne domo
peteretur. Veientes, re secunda elati, missis circum Etru-
riæ populos legatis, jactando tres duces Romanos ab se uno
proelio fusos, ⁵⁸ quum tamen nullam publici consilii societa-
tem movissent, voluntarios undique ad spem prædæ adscive-
runt. Uni Fidenatium populo rebellare placuit: et, tam-
quam nisi ab scelere bellum ordiri nefas esset, sicut legatorum
antea, ita tum novorum colonorum cæde imbutis armis,
Veientibus sese conjungunt. Consultare inde principes duo-
rum populorum, Veios an Fidenas sedem belli caperent.
Fidenæ visæ opportuniore. itaque, trajecto Tiberi, Veientes
Fidenas transtulerunt bellum. Romæ terror ingens erat.
adcito exercitu ab Veis, eoque ipso ab re male gesta per-
culso, castra locantur ante portam Collinam, et in muris

In castra
compulsi
Rom. a Ve-
ientibus.

Mamercus
Æmilius
dictator.

Fidenates
rebellant.

¹ fuit del. Gron. Crev.

mus, alterutrum ex his consulibus in magistratu mortuum esse, et ei T. Quintium suffectum: quod tamen a Livio notari debuisset.

⁵⁴ * *T. Quinctius Pennus ex consulatu*] T. Quintius, non anno superiore, sed biennio ante consul fuisse memoratus est. Itaque vel hæ voces *ex consulatu* delendæ sunt, vel intelligendum est T. Quintium, alterutro ex prioribus consulibus mortuo, suffectum consulem tertium fuisse.

⁵⁵ * *Aliis cani*] Videtur excidisse vox *bellicum*.

⁵⁶ *Ne non posset*] Hanc scripturam, quæ a Sigonio est, tuentur scripti omnes nostri. Libenter tamen cum Gronovio deleverimus *non*. * *Obstaret, ne posset dici* idem est ac *vetaret dici*.

⁵⁷ *Effecit*] Melius fortasse legeremus cum Tan. Fabro et Gronovio *effecit*.

⁵⁸ * *Quum . . nullam publici consilii societatem movissent*] Quum ab nulla civitate impetrassent, ut se iis publico consilio sociam adjungeret.

armati dispositi, et justitium in foro, tabernæque clausæ: U. C. 329.
fiuntque omnia castris, quam urbi, similia. A. C. 423.

XXXII. Tum trepidam civitatem, præconibus per vicos dimissis, dictator ad concionem advocatam increpuit, *quod* Dictatoris animos ex tam levibus fortunæ momentis suspensos gererent, ut, oratio. *parva jactura accepta, quæ ipsa non virtute hostium, nec ignavia Romani exercitus, sed discordia imperatorum, accepta sit, Veientem hostem* ⁵⁹ *sexies victum, pertimescant, Fidenasque prope sæpius captas quam obpugnatas. Eosdem et Romanos et hostes esse, qui per tot secula fuerint: eosdem animos, easdem corporis vires, eadem arma gerere. se quoque eundem dictatorem Mam. Æmilium esse, qui ante* ⁶⁰ *Veientium Fidenatiumque, adjunctis Faliscis,* ⁶¹ *ad Nomentum exercitus fuderit: et magistrum equitum A. Cornelium eundem in acie fore, qui priore bello tribunus militum, Larte Tolumnio rege Veientium in conspectu duorum exercituum occiso, spolia opima Jovis Feretrii templo intulerit. Proin memores, secum triumphos, secum spolia, secum victoriam esse; cum hostibus scelus legatorum contra jus gentium intersectorum, cædem in pace Fidenatium colonorum, inducias ruptas, septimam infelicem defectionem, arma caperent. Simul castra castris conjunxissent, satis confidere, nec sceleratissimis hostibus diuturnum ex ignominia exercitus Romani gaudium fore; et populum Romanum intellecturum, quanto* ⁶² *melius de republica meriti sint, qui se dictatorem tertium dixerint; quam eos, qui, ob ereptum censuræ regnum, labem secundæ dictaturæ suæ inposuerint. Votis deinde nuncupatis profectus, mille et quingentos passus citra Fidenas castra locat: dextra montibus, læva Tiberi amne septus. T. Quinctium Pennum legatum occupare montes jubet, occultumque id jugum capere, quod ab tergo hostibus foret. Ipse postero die, quum Etrusci pleni animorum* ⁶³ *ab pristini diei meliore occasione, quam pugna, in aciem processissent, conctatus parumper, dum speculatores referrent Quinctium evasisse in jugum propinquum arcis Fidenarum, signa profert: peditumque aciem instructam pleno gradu in*

⁵⁹ *antea Gron. Crev.*

⁵⁹ *Series victum]* Intellige non prælio tantum et acie victum, sed bello. Hinc infra in hac ipsa oratione hanc numerat dictator *septimam infelicem defectionem*: et l. V. c. 4. Appius de hisdem Veientibus, *septies rebellant*.

⁶⁰ *Ad Nomentum]* Pugna illa promoenibus Fidenarum pugnata narratur capp. 17. et 18. Alia est pugna haud procul Nomento, quæ descripta est c. 22. et rursus memorata c. 30. Sed quæ nihil ad Mam. Æmilium

pertineat.

⁶¹ *Melius . . . meriti sint, . . . quam eos, qui]* Monet Tan. Faber delendam esse vocem *eos*: alioquin solæcam orationem fore. Campanus edidit, *quam si qui*. Procul dubio *et* *eos* a Livio esse non potest.

⁶² *Ab pristini diei meliore occasione, quam pugna]* Ab pristini diei successu, qui potius bona occasio, quam prospera pugna, dici debebat. Vid. n. 3. ad V. 54.

U. C. 329. A. C. 423. hostem inducit: magistro equitum præcipit, ne injussu pugnam incipiat: se, quum opus sit, equestri auxilio signum daturum. tum ut memor regiæ pugnae, memor opimi doni, Romulique ac Jovis Feretrii, rem gereret. Legiones inpetu ingenti configunt. Romanus odio accensus, inpium Fidenatem, prædonem Veientem, ruptores induciarum, cruentos legatorum infanda cæde, respersos sanguine colonorum suorum, perfidos socios, inbelles hostes compellans, factis simul dictisque odium expiit.

Fidenates
erumpunt
facibus ar-
mati.

XXXIII. Concusserat primo statim congressu hostem: quum repente, patefactis Fidenarum portis, nova erumpit acies, inaudita ante id tempus invisitataque^x. ignibus armata ingens multitudo, facibusque ardentibus tota conluens, velut fanatico instincta cursu, in hostem ruit: formaque insolitæ pugnae Romanos parumper exterruit. Tum dictator, magistro equitum equitibusque, tum ex montibus Quinctio adcito, prælium ciens, ipse in sinistrum cornu, ⁶³quod, incendio similis quam prælio, territum cesserat flammis, adcurrit: claraque voce, *Fumone victi, inquit, velut examen apum loco vestro exacti, inermi cedetis hosti? Non ferro exstinguetis ignes? non faces has ipsas pro se quisque, si igni, non telis, pugnandum est, ereptas ultro inferetis? Agite, nominis Romani ac virtutis patrum vestraeque memores, vertite incendium hoc in hostium urbem; et suis flammis delete Fidenas, quas vestris beneficiis placare non potuistis. Legatorum hoc vos vestrorum colonorumque sanguis, vastatique fines monent.* Ad imperium dictatoris mota cuncta acies: faces partim emissæ excipiuntur, partim vi eripiuntur: utraque acies arniatur igni. Magister equitum et ipse novat pugnam equestrem. frenos ut detrahant equis, imperat: et ipse princeps, calcaribus subditis evectus, effreno equo in medios ignes infertur: et alii concitati equi libero cursu ferunt equitem in hostem. Pulvis elatus, mixtusque fumo, lucem ex oculis virorum equorumque aufert. ea, quæ militem terruerat, species nihil terruit equos. ruinæ igitur similem stragem eques, quacumque pervaserat, dedit. Clamor deinde accidit novus: qui quum utramque mirabundam in se aciem vertisset, dictator exclamat, *Quinctium legatum et suos ab tergo hostem adortos*: ipse, redintegrato clamore, infert acrius signa. Quum duæ acies, duo diversa prælia, circumventos Etruscos et a fronte et ab tergo urgerent, neque in castra retro, neque in montes, unde se novus hostis objecerat, iter fugæ esset, ⁶⁴et equitem passim liberi frenis dispulissent

Vincuntur
Veientes et
Fidenates.

^x invisitataque Gron. Crev.

⁶³ Quod incendio similis, quam acies.

prælio] Quod quum videretur potius
aliquod incendium, quam præliantum

⁶⁴ Et equitem] Et equitatum Ro-
manum liberi frenis equi per totum

equi, Veientium maxima pars Tiberim effusi petunt. ^{Fi-} U. C. 329. denatium qui superant, ad urbem Fidenas tendunt. ^{Infert} A. C. 423. pavidos fuga in mediam cædem: obtruncantur in ripis: alios, in aquam compulsos, gurgites ferunt: etiam peritos nandi lassitudo et vulnera et pavor degravant; pauci ex multis tranant. alterum agmen fertur per castra in urbem. eadem⁷ et Romanos sequentes inpetus rapit; Quinctium maxime, et cum eo degressos modo de montibus, recentissimum ad laborem militem, quia ultimo proelio advenerat.

XXXIV. Hi, postquam mixti hostibus portam intravere, ^{Capti Fi-} in muros evadunt; suisque capti oppidi signum ex muro ^{denæ.} tollunt. Quod ubi dictator conspexit, (jam enim et ipse in deserta hostium castra penetraverat) cupientem militem discurrere ad prædam, spe injecta majoris in urbe prædæ, ad portam ducit; receptusque intra muros, in arcem, quo ruere fugientium turbam videbat, pergit. Nec minor cædes in urbe, quam in proelio, fuit; donec, abjectis armis, nihil præter vitam petentes, dictatori deduntur. Urbs castraque diripiuntur. Postero die ⁶⁵ singulis captivis ab equite ad centurionem sorte ductis, et, quorum eximia virtus fuerat, binis, aliis sub corona venundatis, exercitum victorem opulentumque præda triumphans dictator Romam reduxit: jussuque magistro equitum abdicare se magistratu, ipse deinde abdicat die sextodecimo, reddito in pace imperio, quod in bello trepidisque rebus acceperat. ⁶⁶ ^{Classi} ² quoque ^{Classibus} ad Fidenas pugnatum cum Veientibus, quidam annales re- ^{pugnatum} ^{ad Fidenas.} tulere: rem æque difficilem atque incredibilem; nec nunc lato satis ad hoc amne; et tum aliquanto, ut a veteribus accepimus, artiore: nisi in trajectu forte fluminis prohibendo, aliquarum navium concursum in majus (ut fit) celebrantes, navalis victoriæ vanum titulum adpetivere.

XXXV. Insequens annus tribunos militares consulari ^{U. C. 330.} potestate habuit A. Sempronium Atratinum, L. Quinctium ^{A. C. 422.} Cincinnatum, L. Furium Medullinum, L. Horatium Barba- ^{A. Sempro-} ^{nio, &c. Tr.} tum. Veientibus annorum viginti induciæ datæ, et Æquis ^{Mil.}

⁷ *codem Gron. Crev.*

² *Classibus Ead.*

passim campum diffudissent, ita ut undique objiceretur fugientibus hostibus.

⁶⁵ *Singulis*] Quum Romani, non quidem omnes, sed tantum ab equite ad centurionem, sorte duxissent singulos captivos sibi addicendos; quorum autem eximia virtus fuerat, binos.

⁶⁶ *Classibus*] *Vetustius fuit, inquit in voce Prociecta Festus, multitudinem hominum, quam navium, classem appellari. Itaque et classis*

prociecta dicitur apud Festum *ibid.* et apud Gellium l. I. c. 11. pro *acie instructa*: et *classes* quoque usurpavit Virgilius l. VII. v. 716. pro equestribus copiis. Quum igitur incredibile ipsi Livio videatur navali pugna dimicatum esse apud Fidenas, verisimile est veteres scriptores, qui *classibus pugnatum* retulerunt, nihil aliud voluisse, quam exercitibus instructis, vel, si quis maluerit, equestribus copiis dimicatum.

U. C. 381. triennii, quam plurimum annorum petissent. Et ab seditio-
 A. C. 421. nibus urbanis otium fuit. Annum insequentem, neque bello
 foris, neque domi seditione insignem, ludi bello voti cele-
 brem, et tribunorum militum adparatu, et finitimorum con-
 cursu, fecere. Tribuni consulari potestate erant Ap. Clau-
 dio, &c. Tr. dius Crassus, Sp. Nautius Rutilus, L. Sergius Fidenas, Sex.
 Mil. Julius Julus. ⁶⁷ spectaculum comitate etiam hospitem, ad
 quod publico consensu venerant, advenis gratius fuit. Post
 ludos conciones seditiosæ tribunorum plebi fuerunt, objur-
 gantium multitudinem, *quod, admiratione eorum, quos odisset,*
 Queruntur *stupens, in æterno se ipsa teneret servitio : et non modo ad*
 Tr. Pl. quod *spem consulatus in partem revocandam adspirare non auderet,*
 in tribunis *sed ne in tribunis quidem militum creandis (quæ communia es-*
 militum *sent comitia Patrum ac plebis) aut sui aut suorum meminisset.*
 creandis *Desineret ergo mirari, cur nemo de commodis plebis ageret : eo*
 plebei præ- *inpendi laborem ac periculum, unde emolumentum atque honos*
 terirentur. *speretur. Nihil non adgressuros homines, si magna conatis*
magna præmia proponantur. Ut quidem aliquis tribunus ple-
bis ruat cæcus in certamina periculo ingenti, fructu nullo; ex
quibus pro certo habeat, Patres, adversus quos tenderet, bello
inexpiabili se persecuturos; apud plebem, pro qua dimicaverit,
nihilo se honoratiorem fore, neque sperandum, neque postulan-
dum esse. Magnos animos magnis honoribus fieri. ⁶⁸ *neminem*
se plebeium contemturum, ubi contemni desissent. Experien-
dam rem denique in uno aut altero esse, sitne aliquis plebeius
ferendo magno honori; an portento simile miraculoque sit, for-
tem ac strenuum virum aliquem existere ortum ex plebe.
Summa vi expugnatum esse, ut tribuni militum consulari po-
testate et ex plebe crearentur. Petisse viros domi militiaeque
spectatos: primis annis sugillatos, repulsos, risui Patribus
fuisse: desisse postremo præbere ad contumeliam os. Nec se
videre, cur non lex quoque abrogetur, qua id liceat, quod num-
quam futurum sit. minorem quippe ruborem fore in juris ini-
quitate, quam si per indignitatem ipsorum prætereantur.

XXXVI. Hujus generis orationes, cum adsensu auditæ,
 incitavere quosdam ad petendum tribunatum militum, alium
 alia de commodis plebis laturum se in magistratu profiten-
 tem. Agri publici dividendi coloniarumque deducendarum
 ostentatæ spes; et vectigali possessoribus agrorum inposito,
 in stipendium militum erogandi æris. Captatum deinde

⁶⁷ Spectaculum] Spectaculum, ad
 quod finitimi publico consensu vene-
 rant, advenis illis gratius fuit, prop-
 ter comitatem etiam Romanorum,
 qui eos hospitio excipiebant. Cete-
 rum multo elegantius id videtur,
 quod Gronovius a Rhemano monstra-
 tum subjicit: Spectaculum comitate

etiam hospitii, in quam publice con-
 senserant (Romani,) advenis gratius
 fuit.

⁶⁸ Neminem] Neminem plebeium
 abjecte de se ipso sensurum, et pusillo
 futurum animo, si magnis honoribus
 eorum erigerentur animi.

tempus ab tribunis militum, quo per discessum hominum ab U. C. 331. urbe, quum Patres clandestina denunciatione revocati ad A. C. 421. diem certam essent, senatusconsultum fieret, absentibus tribunis plebi^a: ut, quoniam Volscos in Hernicorum agros prædatum exisse fama esset, ad rem inspiciendam tribuni militum proficiscerentur, consulariaque comitia haberentur. Profecti Ap. Claudium, filium decemviri, præfectum urbis relinquunt, inpigrum juvenem, et jam inde ab incunabulis imbutum odio tribunorum plebisque. tribunis plebi nec cum absentibus iis, qui senatusconsultum fecerant, nec cum Appio, transacta re, quod contenderent, fuit.

XXXVII. Creati consules sunt^b C. Sempronius Atratinus, Q. Fabius Vibulanus. Peregrina res, sed memoria digna, traditur eo anno facta: Vulturum, Etruscorum urbem, quæ nunc Capua est, ab Samnitibus captam; Capuamque ab duce eorum Capye, vel (quod propius vero est) a campetri agro adpellatam. Cepere autem, prius bello fatigatis Etruscis, in societatem urbis agrorumque accepti: deinde festo die graves somno epulisque incolas veteres novi coloni nocturna cæde adorti.⁶⁹ His rebus actis, consules ii, quos diximus, Idibus Decembribus magistratum occepere. Jam non solum, qui ad id missi erant, retulerant inminere Volscum bellum; sed legati quoque ab Latinis et Hernicis nunciabant, *Non ante unquam Volscos nec ducibus legendis, nec exercitui scribendo, intentiores fuisse. vulgo fremere, aut in perpetuum arma bellumque oblivioni danda, jugumque accipiendum; aut iis, cum quibus de imperio certetur, nec virtute, nec patientia, nec disciplina rei militaris cedendum esse.* Haud vana adtulere: sed nec perinde Patres moti sunt; et C. Sempronius, cui ea provincia sorti^c evenit, ⁷⁰ tamquam constantissima re, fortuna fretus, ⁷¹ quod victoris populi adversus victos dux esset^d, omnia temere ac negligenter egit. adeo ut disciplinæ Romanæ plus in Volco exercitu, quam in Romano esset. Ergo fortuna, ut sæpe alias, virtutem est secuta. ⁷² Primo prælio, quod ab Sempronio incaute in-

U. C. 332.
A. C. 420.
C. Sempronio, Q. Fabio Coss.

Capua occupata a Samnitibus.

Bellum cum Volscis.

^a plebis Gron. Crev. it. mox tribunis plebis. ^b sunt del. Eæd. ^c sorte Eæd. ^d populi—esset leg. populi exercitum adversum victos durisset. Eæd.

⁶⁹ *His rebus actis*] Hoc frigidum, atque adeo delendum Gronovio videtur: nec immerito fortasse.

⁷⁰ *Tamquam constantissima re, fortuna fretus*] Sic dedit Gronovius, quum in MSS. suis reperiret *tamquam constantissimæ rei fortuna*. Tres e nostris *fortuna*. Vid. not. 50. ad VI. 13. infra.

⁷¹ *Quod victoris*] Gronovius testatur vocem *exercitum* abesse a tribus

MSS. (quam etiam quatuor e nostris ignorant) in uno autem legi: *Quod victoris populi adversus victos dux esset*. Quæ lectio optima videtur, et amplectenda. In vulgata offendit *et durisset*.

⁷² *Primo prælio*] Hoc primum ultimumque prælium est a Sempronio commissum. Deinde hoc membrum, *concursum est*, omnino supervacaneum videtur. Si illud resocemus, vocem

U. C. 392. A. C. 420. **Premuntur Romani.** consuleteque commissum est, non subsidiis firmata acie, non equite apte locato, concursus est. clamor indicium primum fuit, quo res inclinatura esset. excitatio crebriorque ab hoste sublatus; ab Romanis dissonus, impar, segnius^e sæpe iteratus, ⁷³ incerto clamore prodidit pavorem animorum. Eo ferocior inlatus hostis, urgere scutis, micare gladiis: altera ex parte nutant circumspectantibus galeæ, et incerti trepidant, adplicantque se turbæ. Signa nunc resistentia deseruntur ab antesignanis, nunc inter suos manipulos recipiuntur. nondum fuga certa, nondum victoria erat. tegi magis Romanus, quam pugnare. Volscus inferre signa, urgere aciem, plus cædis hostium videre, quam fugæ.

Equites pugnam restituunt. XXXVIII. Jam omnibus locis creditur. nequidquam Sempronio consule objurgante atque hortante, nihil nec imperium, nec majestas valebat: dataque mox terga hostibus forent, ni Sex. Tempanius, ⁷⁴ decurio equitum, labente jam re, præsentis animo subvenisset. qui quum magna voce exclamasset, *ut equites, qui salvam rempublicam vellent esse, ex equis desilirent*; omnium turmarum equitibus, velut ad consulis imperium motis, ⁷⁵ *Nisi hæc*, inquit, *armata cohors sistat inpetum hostium, actum de imperio est. Sequimini pro vexillo cuspidem meam. ostendite Romanis Volscisque, neque equitibus vobis ullos equites, nec peditibus esse pedites pares.* Quum clamore comprobata adhortatio esset, vadit alte cuspidem gerens. quacumque incedunt, vi viam faciunt: eo se inferunt objectis parmis, ubi suorum plurimum laborem vident. restituitur omnibus locis pugna, in quæ eos inpetus tulit: nec dubium erat, quin, si tam pauci simul obire omnia possent, terga daturi hostes fuerint.

XXXIX. Et quum jam parte nulla sustinerentur, dat signum ⁷⁶ Volscus^f imperator, ut parmatibus, novæ cohorti hostium, locus detur, donec inpetu inlati ab suis excludantur. Quod ubi est factum, interclusi equites: nec percurrere eadem, qua transierant, posse; ibi maxime confertis hostibus, qua viam fecerant: et consul legionesque Roma-

^e segnis, Gron. Crev.

^f Volscis Gron.

que primo, accurata et rotunda fuit oratio: *Prælio, quod ab Sempronio incaute inconsulteque commissum est, non subsidiis firmata acie, non equite apte locato, clamor indicium primum fuit, quo res inclinatura esset.*

⁷³ *Incerto clamore*] Ferri non potest *Clamor . . . prodidit incerto clamore.* Itaque vel duo hæc postrema verba omnino delenda sunt, vel pro his legendum *incertus.* (*Clamor . . . dissonus, impar, segnis, sæpe iteratus, incertus prodidit pavorem animorum.* Et sic prorsus edidit Campanus.

⁷⁴ *Decurio equitum*] Turmæ in decurias dividebantur. Decuriæ præfectus vocabatur decurio.

⁷⁵ *Nisi hæc . . . armata cohors*] Ingeniose Gronovius: *parmata.* Sic c. seq. *Ut parmatibus, novæ cohorti hostium.* Equites non scuta aut clypeos, sed parmas gerebant rotundas, leviores ac minores scutis clypeisque.

⁷⁶ *Volscus imperator*] Vulgo *Volscis.* Correximus ex auctoritate quatuor MSS. a Gronovio memoratorum, trium ab Hearnio; quibus consonant nostri, Andreas, et Campanus.

næ, quum, quod tegumen modo omnis exercitus fuerat; U. C. 332.
 nusquam viderent, ne tot fortissimos viros interclusos ob- A. C. 420.
 primeret hostis, tendunt in quemcumque casum. Diversi
 Volsci, hinc consulem ac legiones sustinere, altera fronte
 instare Tempanio atque equitibus. qui quum sæpe conati
 nequissent perrumpere ad suos, tumulto quodam occupato,
 in orbem se tutabantur, nequaquam inulti. Nec pugnae finis
 ante noctem fuit. consul quoque, nusquam remisso cer-
 tamine, dum quidquam superfuit lucis, hostem tenuit: nox
 incertos diremit: tantusque ab imprudentia eventus utraque
 castra tenuit pavor, ut, relictis sauciis et magna parte inpe- Uterque
 dimentorum, ambo pro victis exercitus se in montes proxi- exercitus
 mos reciperent. Tumulus tamen circumsessus ultra mediam castra dese-
 noctem est. ⁷⁷ quo^s quum circumsedentibus nunciatum es- rit.
 set, castra deserta esse, victos rati suos, et ipsi, qua quem-
 que in tenebris pavor tulit, fugerunt. Tempanius metu in-
 sidiarum suos ad lucem tenuit. ⁷⁸ digressus deinde ipse cum
 paucis speculatum, quum ab sauciis hostibus sciscitando
 comperisset, castra Volscorum deserta esse, lætus ab tumulto
 suos devocat, et in castra Romana penetrat. ubi quum vasta
 desertaque omnia, atque eandem, quam apud hostes, foedita-
 tem invenisset, priusquam Volscos cognitus error reduceret,
⁷⁹ quibus poterat sauciis ductis secum, ignarus quam regio-
 nem consul petisset, ad urbem proximis itineribus pergit.

XL. Jam eo fama pugnae adversae castrorumque deser-
 torum perlata erat: et ante omnia deplorati erant equites,
 non privato magis, quam publico, luctu: Fabiusque consul,
 terrore urbi quoque injecto, stationem ante portas agebat:
 quum equites, procul visi non sine terrore ab dubiis, qui-
 nam essent, mox cogniti, tantam ex metu lætitiā fecere,
 ut clamor urbem pervaderet gratulantium, salvos victores-
 que redisse equites: et ex mœstis paullo ante domibus,
 quæ ⁸⁰ conclamaverant suos, procurreretur in vias; pavidæ-
 que matres ac conjuges, oblitæ præ gaudio decoris, obviam
 agmini obcurrerent, in suos quæque, simul corpore atque
 animo vix præ gaudio compotes, effusæ. Tribunos plebi^b,
 qui M. Postumio et T. Quinctio diem dixerant, ⁸¹ quod ad
 Veios eorum opera male pugnatum esset, occasio visa est.

^s quo del. Gron.

^b plebis Crev.

⁷⁷ Quo quum circumsedentibus] Sic MSS. omnes et veteres editi, teste Gronovio. Consentunt tres e nostris. In vulgatis deest quo.

⁷⁸ Digressus] Sigonius merito mal-
 let digressus.

⁷⁹ Quibus poterat] Vid. not. 15. ad
 c. 29. l. 1.

⁸⁰ Conclamaverant] Pro deploratis

ac desperatis habuerant. Moris erat antiquis, antequam mortuos sepulcro conderent, ter eorum nomina magna voce inclamare. Virgil. VI. Æn. v. 506. Et magna Manes ter voce voca-
 vi. Inde conclamari dicuntur ii, qui mortui creduntur.

⁸¹ Quod ad Veios] Quinto ante
 anno. Vid. supra c. 31.

U. C. 332. per recens odium Sempronii consulis renovandæ in eos in-
 A. C. 430. vidis. Itaque, advocata concione, quum proditam Veis
 rempublicam esse ab ducibus, proditum deinde, quia illis
 inpune fuerit, in Volscis ab consule exercitum, traditos ad
 cædem fortissimos equites, deserta foede castra, vociferati
 essent: ⁸² C. Julius, unus ex tribunis, Tempanium equitem
 Tr. Pl. vocari jussit: coramque eis, *Sexte Tempani, inquit, quæro*
 Tempani- um interro- *de te, arbitrerisne C. Sempronium consulem aut in tempore*
 gat de Sem- *pugnam inisse, aut firmasse subsidiis aciem, aut ullo boni con-*
 pronio Coa. *sulis functum officio? et, tunc ipse, victis legionibus Romanis,*
tuo consilio equitem ad pedes deduxeris, restituerisque pug-
nam? excluso deinde ab acie nostra tibi atque equitibus num
aut consul ipse subvenerit, aut miserit præsidium? postero de-
nique die ecquid præsidii usquam habueris? an tu cohorsque
in castra vestra virtute perruperitis? ecquem in castris con-
sulem, ecquem exercitum inveneritis? an deserta castra, relic-
tos saucios milites? Hæc pro virtute tua fideque, qua una hoc
bello respublica stetit, dicenda tibi sunt hodie. Denique, ubi
C. Sempronius, ubi legiones nostræ sint? desertus sis, an de-
serueris consulem exercitumque? victi denique simus, an vice-
rimus?

Respondet XLI. Adversus hæc Tempanii oratio incompta fuisse di-
 Tempanius. citur; ceterum militariter gravis, non suis vana laudibus,
 non crimine alieno læta: *Quanta prudentia rei bellicæ in C.*
Sempronio esset, non militis de imperatore ⁸³ existimationem¹
esse, sed populi Romani fuisse, quum eum comitiis consulem
legeret. Itaque ne ab se imperatoria consilia, neu consulares
artes exquirere, ⁸⁴ quæ pensitanda quoque magnis animis at-
que ingeniis essent; sed, quod viderit, referre posse. Vidisse
autem se prius, quam ab acie intercluderetur, consulem in pri-
ma acie pugnantem, adhortantem, inter signa Romana telaque
hostium versantem: postea se^k, ab conspectu suorum ablatum,
ex strepitu tamen et clamore sensisse, usque ad noctem extrac-
tam certamen: nec ad tumulum, quem ipse ⁸⁵ tenuerat, præ
multitudine hostium credere perrumpi potuisse. Exercitus ubi
esset, se nescire: arbitrari, velut ipse in re trepida loci præsi-
dio se suosque sit tutatus, sic consulem servandi exercitus causa
loca tutiora castris cepisse. Nec Volscorum meliores res esse
credere, quam populi Romani. Fortunam¹ noctemque omnia

¹ *æstimationem* Gron. Crev. ^k *se del.* Eæd. ¹ majorem interpunctionem
 post *Fortunam* habet Gron.

⁸² C. Julius] Sic nomen hujus
 tribuni efferunt Andreas, Campanus,
 et in Annalibus Plinius. Vulgo C.
 Julius. Sed Julia gens erat patricia,
 nec proinde quisquam ex ea tribunus
 plebis fieri poterat.

⁸³ *Æstimationem*] Judicium. MSS.
 tres Gronovii et omnes nostri habent,

existimationem: cujus vocis crebrior
 usus est in eo qui hic requiritur sen-
 su.

⁸⁴ *Quæ pensitanda*] Quæ vel mag-
 ni animi magnæque ingenia mature
 etiam expendere opus haberent.

⁸⁵ *Tenuerat*] Magis placeret *te-*
 nuerat.

erroris mutui inpleſſe. precantemque deinde, ne ſe feſſum U. C. 332. labore ac vulneribus tenerent, cum ingenti laude, non vir- A. C. 420. tutis magis, quam moderationis, dimiſſum. Quum hæc agerentur, jam conſul via Lavicana ad fanum Quietis erat. eo miſſa plauſtra jumentaque alia ab urbe exercitum, adſectum prælio ac via nocturna, excepere. Paulo poſt in urbem eſt ingreſſus conſul, non ab ſe magis enixe amovens culpam, quam Tempanium meritis laudibus ferens. Mœſtæ civitati ab re male geſta et iratæ ducibus M. Poſtumi-
us reus objectus, qui tribunus militum pro conſule ad Veios fuerat, decem millibus ⁸⁶ æris gravis damnatur. T. Quinctium collegam ejus, quia et in Volſcis conſul auſpicio dictatoris Poſtumii Tuberti, et ad Fidenas legatus dictatoris alterius Mam. Æmilii, reſ proſpere geſſerat, totam culpam ejus temporis in prædamnatum collegam transferentem, omnes tribus abſolverunt. profuiſſe ei Cincinnati patris memoria dicitur, venerabilis viri, et exactæ jam ætatis Capitolinus Quinctius, ſuppliciter orans, ne ſe, brevi reliquo vitæ ſpatio, tam tristem nuncium ferre ad Cincinnatum paterentur.

XLII. Plebs tribunos plebi^m abſentes, Sex. Tempanium, A. Sellium, Sex.ⁿ Antiftium, et Sp. Icilium^o, fecit; ⁸⁷ quos et pro centurionibus ſibi præfecerant, Tempanio auctore, equites. Senatus, quum odio Sempronii conſulare nomen obfenderet, tribunos militum conſulari poteſtate creari juſſit. creati ſunt L. Manlius Capitolinus, Q. Antonius Merenda, L. Papirius Muſgillanus. Principio ſtatim anni L. Hortenſius tribunus plebis C. Sempronio conſuli anni prioris diem dixit. quem quum quatuor collegæ, inſpectante populo Romano, orarent, ne imperatorem ſuum innoxium, in quo nihil præter fortunam reprehendi poſſet, vexaret: ægre Hortenſius pati, tentationem eam credens eſſe perſeverantiæ ſuæ; nec precibus tribunorum, quæ in ſpeciem modo jactentur, ſed auxilio confidere reum. itaque modo ad eum converſus, *Ubi illi patricii ſpiritus, ubi ſubnisi et fidens innocentiae animus eſſet?* quærebat. *ſub tribunicia um-*

U. C. 333.
A. C. 419.
L. Manlio,
&c. Tr. Mil.
Sempro-
nius accu-
ſatur ab
Hortenſio.

^m plebis Gron. Crev.

ⁿ L. Ead.

^o Sex. Pomptium Ead.

⁸⁶ *Æris gravis*] Aſſium libralium, qui in ſolvendo non numerabantur, ſaltem ubi grandior ſumma erat, ſed appendebantur. Inde orta eſt appellatio *æris gravis* quod diſtinguendum eſt ab *ære rudi*, quo nomine æs non ſignatum intelligitur. Decem aſſium millia ſequant quindecim argenti marcas Paris. cum quinque uncia.

⁸⁷ Quos et pro centurionibus ſibi præfecerant . . . equites] In illa nimi-

rum nocte, quam intercluſi a cætero exercitu in turrulo ab hoſtibus circumſeſſo ſine certis ducibus egerant. Pro centurionibus autem dicit Lælius, non centuriones, quia nulli erant centuriones apud equites, ſed proprii erant illi pedestrium copiarum. Sed hi equites, quum ſine equis tum eſſent, pro pedestribus copiis haberi poterant et voluerant, atque ideo ſibi quosdam quaſi centuriones præfecerant.

U. C. 333. *bra consularem virum delituisse. modo ad collegas, Vos autem,*
 A. C. 419. ⁸⁸ *si reum perago, quid acturi estis? an erepturi jus populo, et*
eversuri tribuniciam potestatem? Quum illi, et de Sempronio
et de omnibus summam populi Romani potestatem esse, dice-
rent, nec se iudicium populi tollere aut velle, aut posse; sed, si
preces suæ pro imperatore, qui sibi parentis esset loco, non va-
luissent, se vestem cum eo mutaturos: tum Hortensius, Non
videbit, inquit, plebs Romana sordidatos tribunos suos. C.
Sempronium nihil moror, quando hoc est in imperio consecutus,
ut tam carus esset militibus. Nec pietas quatuor tribunorum,
quam Hortensii tam placabile ad justas preces ingenium,
pariter plebi Patribusque gratior fuit. Non diutius fortuna
Æquis indulsit, qui ambiguam victoriam Volscorum pro
sua amplexi fuerant.

Donatur
precibus
Tempanii.

U. C. 334.
A. C. 418.
Num. Fa-
bio, T.
Quinctio
Coss.

Duplicatus
quæstorum
numerus.

XLIII. Proximo anno N. Fabio Vibulano, T. Quinctio, Capitolini filio, Capitolino consulibus, ductu Fabii, cui sorte ea provincia evenerat, nihil dignum memoratu actum. quum trepidam tantum ostendissent aciem Æqui, turpi fuga funduntur. haud magno consulis decore. itaque triumphus negatur. Ceterum ob Sempronianæ cladis levatam ignominiam, ut ovans urbem intraret, concessum est. Quemadmodum bellum minore, quam timuerant, dimicatione erat perfectum, sic in urbe ex tranquillo necopinata moles discordiarum inter plebem ac Patres exorta est, coepta ab duplicando quæstorum numero. quam rem, (ut, præter duos urbanos quæstores, duo consulibus ad ministeria belli præsto essent) a consulibus relatum, quum et Patres summa ope adprobassent, consulibus tribuni plebis certamen intulerunt, ut pars quæstorum (nam ad id tempus patricii creati erant) ex plebe fieret. Adversus quam actionem primo et consules et Patres summa ope adnisi sunt: concedendo deinde, ut, quemadmodum in ⁸⁹ tribunis consulari potestate creandis usi sunt, adæque in quæstoribus liberum esset arbitrium populi, quum parum proficerent, totam rem de augendo quæstorum numero omittunt. Excipiunt omissam tribuni, aliæque subinde, inter quas et agrariæ legis, seditiosæ actiones exsistunt: propter quos motus quum senatus consules, quam tribunos, creari mallet, neque posset per intercessionem tribunicias senatusconsultum fieri; respublica a consulibus ad interregnum, neque id ipsum (nam coire patricos tribuni prohibebant) sine certa-

9 in del. Grön. Crev.

⁸⁸ *Si reum perago]* Si ad ultimum persto in accusando Sempronio; si reum perseveranter insequor, nec abisto ab accusatione. Particula *per* in compositione indicat absolutionem quamdam perfectionemque rei ad ul-

timum provectæ.

⁸⁹ *Tribunis creandis . . . usi sunt]* Hæ postremæ voces *usi sunt*, et supervacaneæ sunt, nec sapere videntur. Livianam elegantiam.

mine ingenti, redit. Quum pars major insequentis anni U. C. 334. per novos tribunos plebi⁹ et aliquot interreges certaminibus A. C. 418. extracta esset, modo prohibentibus tribunis patricios coire ad prodendum interregem, modo interregem interpellantibus, ne senatusconsultum de comitiis consularibus faceret; postremo L. Papirius Mugillanus, proditus interrex, castigando nunc Patres, nunc tribunos plebi, *desertam omissamque ab hominibus rempublicam, Deorum providentia curaque exceptam*, memorabat, *Veientibus induciis et cunctatione Æquorum stare.* ⁹⁰ *Unde si quid increpet terroris, sine patricio magistratu placere rempublicam obprimi? non exercitum, non ducem scribendo exercitui esse? an bello intestino bellum externum propulsaturos? Quæ si in unum conveniant, vix Deorum opibus, quin obruatur Romana res, resisti posse: quin illi, remittendo de summa quisque juris,* ⁹¹ *mediis copularent concordiam: Patres, patiundo tribunos militum pro consulibus fieri: tribuni plebis, non intercedendo, quo minus quatuor quæstores* Quæstura promiscua plebi ac Patribus. *promiscue de plebe ac Patribus libero suffragio populi fierent.*

XLIV. Tribunicia primum comitia sunt habita. creati U. C. 335. tribuni consulari potestate omnes patricii, L. Quinctius Cincinnatus tertium, L. Furius Medullinus iterum, M. Manlius, A. Sempronius Atratinus. Hoc tribuno comitia quæstorum habente, petentibusque inter aliquot plebeios filio U. C. 417. L. Quinctio III. &c. Tr. Mil. Antistii tribuni plebis, et fratre alterius tribuni plebis Sex. Quæstores patricii omnes creati. Pompilii, nec potestas, nec suffragatio horum valuit, quin, quorum patres avosque consules viderant, eos nobilitate præferrent. ⁹² Furere omnes tribuni plebis, ante omnes Pompilius Antistiusque, repulsa suorum accensi, *Quidnam id rei esset? non suis beneficiis, non Patrum injuriis, non denique* ⁹³ *usurpandi libidine, quum liceat, quod ante non licuerit, si non tribunum militarem, ne quæstorem quidem quemquam ex plebe factum. non valuisse patris pro filio, fratris pro fratre preces, tribunorum plebis, potestatis sacrosanctæ, ad auxilium libertatis creatæ. Fraudem profecto in re esse, et A. Sempronium comitiis plus artis adhibuisse, quam fidei. Ejus injuria queri suos honore dejectos.* Itaque quum in ipsum, et innocentia tutum et magistratu, in quo tunc erat, inpetus fieri non posset, flexere iras in C. Sempronium, patruelem Atratini:

⁹ plebis Gron. Crev. it. paullo post.

⁹⁰ * *Unde si quid increpet terroris]* Unde si fragor armorum, si belli minus insonuerint. Sic plane Cic. pro Mur. n. 22. Simul atque increpuit suspicio tumultus.

⁹¹ * *Mediis]* Per mediam aliquam consilii viam, qua utrique aliquid de suo jure remitterent, alterique alteris

aliquid concederent.

⁹² *Furere omnes tribuni plebis, ante omnes]* Prius illud omnes delendum videtur.

⁹³ * *Usurpandi libidine]* Ut expleant naturale desiderium fruendi eo jure quod novum concessum sit.

U. C. 336.
A. C. 417.
C. Sempronius accusatus et damnatus.

Vestalis suspecta ob cultum amœnorem.

U. C. 396.
A. C. 416.
Agr. Menenius, &c. Tr. MII.

Servorum conjuratio.

eique ob ignominiam Volsci belli, adjutore collega M. Canuleio, diem dixere. Subinde ab iisdem tribunis mentio in senatu de agris dividendis inlata est, (cui actioni semper acerrime C. Sempronius restiterat) ratis, id quod erat, aut deposita causa leviolem futurum apud Patres reum, aut perseverantem sub iudicii tempus plebem obfensurum. Adversæ invidiæ objici maluit, et suæ nocere causæ, quam publicæ deesse: stetitque in eadem sententia, *Ne qua largitio, cessura in trium gratiam tribunorum, fieret. nec tum agrum plebi, sed sibi invidiam, quæri. Se quoque subiturum eam tempestatem forti animo. nec senatui tanti se civem, aut quemquam alium debere esse, aut in parcendo uni malum publicum fiat.* Nihilo demissiore animo, quum dies venit, causa ipse pro se dicta, nequidquam omnia expertis Patribus, ut mitigarent plebem, ⁹⁴ quindecim millibus æris damnatur. Eodem anno Postumia, virgo Vestalis, de incestu causam dixit, crimine innoxia; ob suspicionem propter cultum amœniorem ingeniumque liberius, quam virginem decet, ⁹⁵ parum abhorrens famam. Ampliatam, deinde absolutam, pro collegii sententia pontifex maximus abstinere joci, colique sancte potius, quam scite, jussit. Eodem anno a Campanis Cumæ, quam Græci tum urbem tenebant, capiuntur. ⁹⁶ Insequens annus tribunos militum consulari potestate habuit, Agrippam Menenium Lanatum, P. Lucretium Tricipitinum, Sp. Nautium Rutilum^r.

XLV. Annus, ⁹⁷ felicitate populi Romani, periculo potius ingenti, quam clade, insignis. Servitia, urbem ut incenderent distantibus locis, conjurarunt; populoque ad opem passim ferendam tectis intento, ut arcem Capitoliumque armati occuparent. Avertit nefanda consilia Jupiter: indicioque duorum comprehensi fontes pœnas dederunt. indicibus ⁹⁸ dena millia gravis æris, quæ tum divitiæ habebantur, ex ærario numerata, et libertas præmium fuit. Bellum inde ab Æquis reparari coeptum: et, novos hostes Lavicanos consilia cum veteribus jungere, haud incertis auctoribus

^r Sp. Nautium Rutilum l. C. Servillum Gron. Grev.

⁹⁴ Quindecim millibus æris] Marcis argenti Paris. 23. uncias tribus cum dimidia.

⁹⁵ Parum abhorrens famam] Unus MS. teste Gronovio, habet eam pro famam. Quum autem in iis quæ præcedunt, nescio quid pingue et redundas esse videatur, inde ille legendum putat: *Ab suspicionem, propter cultum amœniorem parum abhorrens. Eam ampliatam* Porro ampliari dicitur reus, cujus causa nondum satis liquet, ideoque in alium diem rursum disceptanda remittitur.

titur.

⁹⁶ Insequens annus tribunos militum c. p. habuit annus] Cuius patet posterius hoc annus supervacuum esse.

⁹⁷ Felicitate] Qui annus ut insignis esset periculo potius ingenti, quam clade, effectum est felicitate populi Romani. Fecit fortuna populi Romani, ut quamvis periculum ingens, nulla tamen clades foret.

⁹⁸ Dena millia gravis æris] Marcæ argenti Parisienses quindecim cum quinque uncia.

Romam est adlatum. Æquorum jam velut anniversariis armis adsuerat civitas. Lavicos legati missi quum responsa inde retulissent dubia, quibus, nec tum bellum parari, nec diuturnam pacem fore, adpareret: Tusculanis negotium datum, *adverterent animos, ne quid novi tumultus Lavicis oriretur.* Ad insequentis anni tribunos militum consulari potestate, inito magistratu, legati ab Tusculo venerunt, L. Sergium Fidenatem, M. Papirium Mugillanum, C. Servilium, Prisci filium, quo dictatore Fidenæ captæ fuerant. Nunciabant legati, Lavicanos arma cepisse, et cum Æquorum exercitu depopulatos agrum Tusculanum castra in Algido posuisse. Tum Lavicanis bellum indictum: factoque senatusconsulto, ut duo ex tribunis ad bellum proficiscerentur, unus res Romæ curaret, certamen subito inter tribunos exortum. se quisque belli ducem potiolem ferre, curam urbis, ut ingratam ignobilemque, adspernari. Quum parum decorum inter collegas certamen mirabundi Patres conspicerent, Q. Servilius, *Quando nec ordinis hujus ulla, inquit, nec reipublicæ est verecundia, patria majestas altercationem istam dirimet. filius meus extra sortem urbi præerit. Bellum utinam, qui adpetunt, consideratius concordiusque, quam cupiunt, gerant.*

XLVI. Delectum haberi non ex toto passim populo placuit. decem tribus sorte ductæ sunt; ex his scriptos juniores duo tribuni ad bellum duxere. Coepta inter eos in urbe certamina, cupiditate eadem imperii, multo inpensius in castris accendi: nihil sentire idem, pro sententia pugnare: sua consilia velle, sua imperia sola rata esse: contemnere in vicem, et contemni. donec, castigantibus legatis, tandem ita comparatum est, ut alternis diebus summam imperii haberent. Quæ quum adlata Romam essent, dicitur Q. Servilius, ætate et usu doctus, precatus ab Diis immortalibus, ne discordia tribunorum damnosior reipublicæ esset, quam ad Veios fuisset: et, velut haud dubia clade imminente, instituisse filio, ut milites scriberet, et arma pararet. Nec falsus vates fuit. nam ductu L. Sergii, cujus dies imperii erat, loco iniquo sub hostium castris, quum, quia simulato metu receperat se hostis ad vallum, spes vana expugnandi castra eo traxisset, repentino impetu Æquorum ⁹⁹ per supinam vallem fusi sunt, multique ¹ in ruina majore quam fuga oppressi obtruncatique: castraque, eo die ægre retenta, postero die, circumfusus jam magna ex parte hostibus, per aversam portam fuga turpi deseruntur. duces legatique, et quod circa signa roboris de exercitu fuit, Tusculum petiere.

⁹⁹ Per supinam vallem] Supina supino corpore.
 vallis est quibus est a tergo, qui ex 1^a In ruina majore quam fuga]
 colle in vallem retrocedunt, facie in Quum potius alii super alios ruerent,
 adversum collem directa, ac proinde quam fugerent.

U. C. 337. Palati alii per agros passim multis itineribus, majoris, quam
A. C. 415. accepta erat, cladis nuncii Romam contenderunt. Minus
trepidationis fuit, quod eventus timori hominum congruens
fuerat; et quod subsidia, quæ respicerent in re trepida,
præparata erant ab tribuno militum: jussuque ejusdem,
per minores magistratus sedato in urbe tumultu, speculatores
propere missi nunciavere, Tusculi duces exercitumque esse;
hostem castra loco non movisse. et, quod plurimum animo-

Q. Servilius Priscus; vir, cujus providentiam in republica quum multis
dictator. aliis tempestatibus ante experta civitas erat, tum eventu ejus
belli, quod uni certamen tribunorum suspectum ante rem
male gestam fuerat; magistro equitum creato, a quo ipse
tribuno militum dictator erat dictus, filio suo, ut tradidere
quidam, (nam alii Ahalam Sêrvilium magistrum equitum co
anno fuisse scribunt) novo exercitu profectus ad bellum,
adcitis qui Tusculi erant, duo millia passuum ab hoste locum
castris cepit.

Vincit
hostes.

XLVII. Transierat ex re bene gesta superbia negligen-
tiaque ad Æquos, quæ in Romanis ducibus fuerat. itaque
primo statim prælio quum dictator equitatu inmisso ante-
signanos hostium turbasset, legionum inde signa inferri
propere jussit, signiferumque ex suis unum cunctantem oc-
cidit. Tantus ardor ad dimicandum fuit, ut inpetum Æqui
non tulerint: victique acie quum fuga effusa petissent cas-
tra, brevior tempore et certamine minor castrorum obpug-
natio fuit, quam prælium fuerat. Captis direptisque castris,
quum prædam dictator militi concessisset, secutique fugi-
entem ex castris hostem equites renunciassent, ² omnes La-
vicanos victos, magnam partem Æquorum Lavicos confu-
gisce; postero die ad Lavicos ductus exercitus: oppidum-
que, corona circumdatum, scalis captum ac direptum est.
Dictator, exercitu victore Romam reducto, die octavo,
quam creatus erat, magistratu se abdicavit; et opportune
senatus, priusquam ab tribunis plebi¹ agrariæ seditiones,
mentionem inlata de agro Lavicano dividendo, fierent, cen-
suit frequens, coloniam Lavicos deducendam. coloni ab urbe
mille et quingenti missi bina jugera acceperunt. Captis
Lavicis, ac deinde tribunis militum consulari potestate,
U. C. 338. Agrippa Menenio Lanato, et L. Servilio Structo, et P.
A. C. 414. Lucretio Tricipitino, iterum omnibus his, et Sp. Rutilio
Agr. Mene- Crasso, et insequente¹ anno A. Sempronio Atratino tertium,
nio II. &c. et duobus iterum M. Papirio Mugillano, et Sp. Nautio
Tr. Mil.

¹ plebis Crev.

¹ insequenti Gron. Crev.

² Omnes Lavicanos victos] Nobis minis præcedentis. Certe nihil ea est
suspecta est ultima vox, tanquam opus: et ea suppressa liberius fuit
male nata ex postremis syllabis no- oratio.

Rutilo, biennium tranquillæ externæ res, discordia domi ex agrariis legibus fuit.

U. C. 339.
A. C. 413.
A. Sempromio III. &c.
Tr. Mil.
Discordia ex agrariis legg.

XLVIII. Turbatores vulgi erant ³ Spurii Mæcilius quartum et Metilius tertium tribuni plebis, ambo absentes creati. et quum rogationem promulgassent, ut ⁴ ager ex hostibus captus viritim divideretur, magnæque partis nobilium eo plebiscito publicarentur fortunæ; (nec enim ferme quidquam agri, ut in urbe alieno solo posita, non armis partum erat; nec, quod venisset adsignatumve publice esset, præterquam plebs habebat) atrox plebi Patribusque propositum videbatur certamen: nec tribuni militum, nunc in senatu, ⁵ nunc in conciliis privatis principum cogendis, viam consilii inveniebant; quum Ap. Claudius, nepos ejus, qui decemvir legibus scribendis fuerat, minimus natus ex Patrum concilio⁶, dicitur dixisse, *Vetus se ac familiare consilium domo adferre.* ⁶ *proavum enim suum Ap. Claudium ostendisse Patribus viam unam dissolvendæ tribuniciæ potestatis per collegarum intercessionem. Facile homines novos auctoritate principum de sententia deduci, si temporum interdum potius, quam majestatis, memor adhibeatur oratio.* ⁷ *Pro fortuna illis animos esse. ubi videant, collegas principes agenda rei gratiam omnem ad plebem præoccupasse, nec locum in ea relictum sibi; haud gravate adclinaturos se ad causam senatus,* ⁸ *per quam universo ordini cum prioribus⁹ se Patrum concilient.* Adprobantibus cunctis, et ante omnes Q. Servilio Prisco, quod non degenerasset ab stirpe Claudia, conlaudante juvenem, negotium datur, ut, quos quisque posset ex collegio tribunorum, ad intercessionem perlicerent. Misso senatu, pressantur ab principibus tribuni: suadendo, monendo, pollicendoque gratum id singulis privatim, gratum universo senatui fore, se ad intercessionem comparavere. Posteroque die quum ex composito relatum ad senatum esset de seditione, quam Mæcilius Metiliusque largitione pessimi exempli concirent; eæ orationes a primoribus Patrum habitæ sunt, ut pro se quisque jam nec consilium sibi subpe-

Appii consilium de parandis intercessionibus.

⁶ consilio Crev.

⁹ primoribus Gron. Crev.

³ *Spurii Mæcilius et Metilius]* Ambo nimirum cognomen habebant *Spurii*. Hactenus edebatur *Sp.* Quod recte nobis interpretari visus est Sigonius *Spurii*: atque ita dedimus, ut ambiguitas tolleretur.

⁴ *Ager ex hostibus captus]* Quidquid agri ab urbe condita ex hostibus captum erat, præter id quod venierat, assignatumve publice erat, ut patet ex sequentibus.

⁵ *Nunc in conciliis cogendis]* Videtur delenda præpositio. *Cogen-*

dis conciliis idem est ac cogendo concilia.

⁶ *Proavum]* Proprie abavum. De re ipsa vid. II. 44. supra.

⁷ *Pro fortuna illis animos esse]* Illorum consilia ex fortuna pendere; eos, perinde ut se fortuna det, ita animatos esse.

⁸ *Per quam universo]* Melius videretur quod legi jubet Tan. Faber: *Per quam quum universo ordini, tum primoribus*

U. C. 339. A. C. 413. tere diceret, nec se ullam opem cernere aliam usquam, præterquam in tribunicio auxilio. in ejus potestatis fidem circumventam rempublicam, tamquam privatum inopem, confugere. Præclarum ipsis potestatique esse, non ad vexandum senatum discordiamque ordinum movendam plus in tribunatu virium esse, quam ad resistendum improbis collegis. Fremitus deinde universi senatus ortus, quum ex omnibus partibus curiæ tribuni adpellarentur: tum, silentio facto, ii, qui præparati erant gratia principum, quam rogationem a collegis promulgatam senatus censeat dissolvendæ reipublicæ esse, ei se intercessuros ostendunt. Gratiae intercessoribus ab senatu actæ. Latores rogationis, concione advocata, proditores plebis commodorum ac servos consularium adpellantes, aliaque truci oratione in collegas inveci, actionem deposuere.

U. C. 340. A. C. 412. P. Cornelio, &c. Tr. Mil. **XLIX.** ⁹ Duo adsidua bella insequens annus habuisset, quo P. Cornelius Cossus, C. Valerius Potitus, Q. ⁷ Quinctius Cincinnatus, N. Fabius Vibulanus, tribuni militum consulari potestate fuerunt; ni Veiens bellum religio ¹⁰ principum distulisset, quorum agros Tiberis, super ripas effusus, maxime ruinis villarum vastavit. Simul Æquos triennio ante accepta clades prohibuit Bolanis², suæ gentis populo, præsidium ferre. Excursiones inde in confinem agrum Lavicanum factæ erant, novisque colonis bellum inlatum. quam noxam quum se consensu omnium Æquorum defensuros sperassent, deserti ab suis, ne memorabili quidem bello, per obsidionem levemque unam pugnam et oppidum et fines amiserunt. ¹¹ Tentatum ab L. Sextio tribuno plebis, ut rogationem ferret, qua Bolas³ quoque, sicut Lavicos, coloni mitterentur, per intercessionem collegarum, qui nullum plebiscitum, nisi ex auctoritate senatus, passuros se perferri ostenderunt, discussum est. Bolis insequente anno receptis, Æqui, coloniaque eo deducta, novis viribus oppidum firmarent, tribunis militum Romæ consulari potestate Cn. Cornelio Cossus, L. Valerio Potito, Q. Fabio Vibulano iterum, M. Postumio Regillensi. Huic bellum adversus Æquos permissum est, pravæ mentis homini; quam tamen victoria magis, quam bellum, ostendit. Nam, exercitu inipigre scripto ductoque ad Bolas, quum levibus præliis Æquorum animos fregisset, postremo in oppidum inrupit. deinde ab hostibus

U. C. 341. A. C. 411. Cn. Cornelio, &c. Tr. Mil.

Bolani
victi.

⁷ Q. del. Gron. Crev.
deinceps.

² Volanis Eæd.

³ Volas Eæd. sic semper

⁹ Duo adsidua bella] Dele vocem adsidua, quæ abest a plerisque codd.

¹⁰ Principum] Intellige Velentes principes.

¹¹ Tentatum ab L. Sextio . . .

discussum est] Quod tentaverat L. Sextius . . . discussum est. Hujus

loquendi formæ exempla jam observavimus et explicavimus, not. 88. ad

I. 52. et not. 84. ad IV. 16.

in cives certamen vertit: et, quum inter obpugnationem U. C. 341.
 prædam militis fore edixisset, capto oppido, fidem mutavit. A. C. 411.
 Eam, magis adducor, ut credam iræ caussam exercitui fu-
 isse, quam quod in urbe nuper direpta coloniaque nova mi-
 nus prædicatione tribuni prædæ fuerit. Auxit eam iram,
 postquam, ab collegis arcessitus, propter seditiones tribuni-
 cias in urbem revertit, audita vox ejus in concione stolidi-
 ac prope vecors; qua Sextio tribuno plebis, legem agrariam
 ferenti, simul, Bolas quoque ut mitterentur coloni, laturum M. Postu-
 mili vox sto-
 lida et ve-
 cora.
 se dicenti, ¹² dignos enim esse qui armis cepissent, eorum
 urbem agrumque Bolanum esse; ¹³ *Malum quidem militibus*
meis, inquit, nisi quieverint. quod auditum non concionem
 magis, quam mox Patres, offendit. et tribunus plebis, vir
 acer nec infacundus, nactus inter adversarios superbum in-
 genium inmodicamque linguam, quam irritando agitando-
 que in eas inpelleret voces, quæ invidiæ, non ipsi tantum,
 sed causæ atque universo ordini essent, neminem ex colle-
 gio tribunorum militum sæpius, quam Postumium, in dis-
 ceptionem trahebat. Tum vero secundum tam sævum
 atque inhumanum dictum, *Auditis, inquit, Quirites, sicut* Sextius Tr.
 Pl. in eum
 invehitur.
servis malum minantem militibus? tamen hæc bellua dignior
vobis tanto honore videbitur, quam qui vos, urbe agrisque do-
natos, in colonias mittunt; qui sedem senectuti vestræ prospi-
ciunt; qui pro vestris commodis adversus tam crudeles super-
bosque adversarios depugnant. Incipite deinde mirari, cur
pauci jam vestram suscipiant causam. quid ut a vobis sperent?
an honores, quos adversariis vestris potius, quam populi Ro-
mani propugnatoribus, datis? Ingemuistis modo, voce hujus
audita. quid id refert? Jam, si suffragium detur, hunc, qui
malum vobis minatur, iis, qui agros sedesque ac fortunas stabi-
lire volunt, præferetis.

L. Perlata hæc vox Postumii ad milites multo in castris
 majorem indignationem movit. *Prædæne interceptorem*
fraudatoremque etiam malum minari^b militibus? Itaque
 quum fremitus aperte esset, et quæstor P. Sestius eadem
 violentia coerceri putaret seditionem posse, qua mota erat;
 misso ad vociferantem quemdam militem lictore, quum inde
 clamor et jurgium oriretur, saxo ictus turba excedit; insu-
 per increpante, qui vulneraverat, *habere quæstorem, quod im-*
perator esset militibus minatus. Ad hunc tumultum adcitus

^b minitari Gron. Crev.

¹² Dignos enim esse eorum
 urbem . . . esse] Vitiosa verborum con-
 structio. Amplectenda videtur Tan.
 Fabri conjectura: dignum, i. e. sequum
 enim esse

¹³ *Malum quidem militibus meis]*

Malum quidem habebunt milites mei,
 et gravi poena coercebuntur. Sermo
 minax, et in servos sæpius, quam
 in liberos, usurpatus. Unde infra:
Auditis, Quirites, sicut servis malum
minantem militibus?

U. C. 341. Postumius asperiora omnia fecit acerbis quæstionibus, crudelibus suppliciis. postremo quum modum iræ nullum faceret, ad vociferationem eorum, quos ¹⁴ necari sub crate jusserrat, concursu facto, ipse ad interpellantes poenam vecors de tribunali decurrit. Ibi quum submoventes passim lictores centurionesque vexarent turbam, eo indignatio erupit, ut tribunus militum ab exercitu suo lapidibus cooperiretur. Quod tam atrox facinus postquam est Romam nunciatum, tribunis militum de morte collegæ per senatum quæstiones decernentibus, tribuni plebis intercedebant. sed ea contentio ex certamine alio pendebat; quod cura incesserat Patres, ¹⁵ ne metu quæstionum plebs iraque^c tribunos militum ex plebe crearet: tendebantque summa ope, ut consules crearentur. Quum senatusconsultum fieri tribuni plebis non paterentur, iidem intercederent consularibus comitiis, res ad interregnum rediit. victoria deinde penes Patres fuit.

Ab exercitu
lapidibus
obruitur
Postumius.

U. C. 342.
A. C. 410.
M. Cornelio,
L. Furio Coss.

Quæstio de
Postumii
cæde.

LI. Q. Fabio Vibulano interrege comitia habente, consules creati sunt A.^d Cornelius Cossus, L. Furius Medullinus. His consulibus principio anni senatusconsultum factum est, ut de quæstione Postumianæ cædis tribuni primo quoque tempore ad plebem ferrent; plebesque præficeret quæstioni, quem vellet. ¹⁶ A plebe consensu populi consulibus negotium mandatur. qui, summa moderatione ac lenitate per paucorum supplicium, quos sibimet ipsos conscisse mortem satis creditum est, transacta re, nequivere tamen consequi, ut non ægerrime id plebs ferret. *jacere tamdiu irritas sanctiones, quæ de suis commodis ferrentur: quum interim de sanguine et supplicio suo latam legem confestim exerceri, et tantam vim habere.* Aptissimum tempus erat, vindicatis seditionibus, delinimentum^e animis Bolani agri divisionem objici: quo facto minuissent desiderium agrariæ legis, quæ possesso per injuriam agro publico Patres pellebat. Tunc^f hæc ipsa indignitas angebat animos, non in retinendis modo publicis agris, quos vi teneret, pertinacem nobilitatem esse; sed ne vacuum quidem agrum, nuper ex hostibus captum, plebi dividere; mox paucis, ut cetera, futurum prædæ.

^c iraque l. irata Gron.
^f Tum Eæd.

^d M, Gron. Crev.

^e delinimentum Eæd.

¹⁴ *Necari sub crate*] Hoc supplicii genus clarius describitur l. I. c. 51.

¹⁵ *Ne metu quæstionum plebs iraque*] Hæc lectio sane elegans nititur compluribus MSS. Gronovianis, quatuor nostris, et omnibus editionibus ante Sigonianam. Hæc dedit *irata*: quod amplexæ sunt ceteræ.

¹⁶ *A plebe consensu populi*] Posset

utcumque exponi: plebiscito tributis comitiis lato, quod subsecuta est lex centuriatis comitiis ab universo populo comprobata. At magis placeret, deleta voce *populi*, legere: *A plebe consensu*, i. e. consentientibus suffragiis, *negotium mandatur consulibus*. Vox *consensu* eodem modo absolute ponitur supra l. III. c. 38. *Consensu invisum imperium.*

Eodem anno adversus Volscos, populantes Hernicorum U. C. 342. fines, legiones ductæ a Furio consule, quum hostem ibi non A. C. 410. invenissent, Ferentinum, quo magna multitudo Volscorum Ferenti- se contulerat, cepere. Minus prædæ, quam speraverant, num cap- fuit: quod Volsci, postquam spes tuendi exigua erat, subla- tum. tis rebus, nocte oppidum reliquerunt. postero die prope de- sertum capitur. Hernicis ipse ager dono datus.

LII. Annum modestia tribunorum quietum excepit tribu- U. C. 343. nus plebis L. Icilius, Q. Fabio Ambusto, C. Furio Pacilo A. C. 409. consulibus. Is quum¹⁷ principio statim anni, velut pensum Q. Fabio, nominis familiæque, seditiones agrariis legibus promulgan- C. Furio dis cieret; pestilentia coorta, minacior tamen quam perni- Coss. ciosior, cogitationes hominum a foro certaminibusque pub- Pestilentia. licis¹⁷ ad domum curamque corporum¹⁸ nutriendorum aver- tit. minusque eam damnosam fuisse, quam seditio futura fuerit, credunt. ¹⁹ Defuncta civitate plurimorum morbis, U. C. 344. perpaucis funeribus, pestilentem annum inopia frugum, neg- A. C. 408. lecto cultu agrorum, (ut plerumque fit) excepit, ²⁰ M. Papirio M. Papirio, Atratino, C. Nautio Rutilo consulibus. Jam fames, quam C. Nautio Coss. pestilentia, tristior erat: ni, dimissis circa omnes populos Inopia frugum. legatis, qui Etruscum mare, quique Tiberim adcolunt, ad frumentum mercandum, annonæ foret subventum. Superbe ab Samnitibus, qui Capuam habebant Cumasque, legati pro- hibiti commercio sunt: contra ea benigne ab Siculorum ty- rannis adjuti. maximos commeatus summo Etruriæ studio Tiberis devexit. Solitudinem in civitate ægra experti con- sules sunt: quum, in legationes non plus singulis senatori- bus invenientes, coacti sunt binos equites adjicere. Præ- terquam ab morbo annonaque, nihil eo biennio intestini externive incommodi fuit. at ²¹ ubi hæ sollicitudines disces- sere, omnia, quibus turbari solita erat civitas, domi discor- dia, foris bellum exortum.

LIII. M'.¹ Æmilio, C. Valerio Potito consulibus, bel- U. C. 345. lum Æqui parabant: Volscis, quamquam non publico con- A. C. 407. silio, capessentibus arma, voluntariis mercede secutis mili- Mam. Æmi- tiam. Ad quorum famam hostium (jam enim in Latinum lio, C. Va- lio Coss.

¹⁷ tum Gron.

¹⁸ M'. 1. Mamercus Gron. Crev.

¹⁷ *Ad domum curamque*] Tres e scriptis nostris *ad domum curam*, ablegata particula *que*. Unde pro- clive est efficere, quod voluit Grono- vius, *domum ad curam corporum nu- triendorum avertit*.

¹⁸ *Nutriendorum*] Fovendorum, curandorum. Eodem sensu dicitur l. VII. c. 4. *nutriendum vitium*, i. e. clementibus remediis curandum.

¹⁹ *Defuncta civitate*] Quum civi-

tas a pestilentia ita liberata esset, ut nulla major contigisset clades, quam plurimorum morbi, perpauca funera.

²⁰ *M. Papirio Atratino*] *Atratinus* cognomen fuit Semproniorum, non Papiriorum. Itaque illud delendum hoc loco recte monet Sigonius.

²¹ *Ubi hæ sollicitudines discessere*] Legi jubet Gronovius *decessere*.

U. C. 345.
A. C. 407.
Bellum
cum Æquis.

Recepta a
Romanis
arx Carven-
tana.

Hernicumque transcenderant agrum) delectum habentem Valerium consulem M. Mænius tribunus plebis, legis agrariæ lator, quum impediret, auxilioque tribuni nemo invitus sacramento diceret; repente nunciatur, arcem Carventanam ab hostibus occupatam esse. Ea ignominia accepta quum apud Patres invidiæ Mænio fuit, tum ceteris tribuniis, jam ante præparatis intercessoribus legis agrariæ, præbuit justiore causam resistendi collegæ. Itaque quum res diu ducta per altercationem esset; consulibus Deos hominesque testantibus, *quidquid ab hostibus cladis ignominiaque aut jam acceptum esset, aut inmineret, culpam penes Mænium fore, qui delectum impediret*; Mænio contra vociferante, *si injusti domini possessione agri publici cederent, se moram delectui non facere*; decreto interposito, novem tribuni sustulerunt certamen; pronuntiaveruntque ex collegii sententia, C. Valerio consuli se, ²² *damnum aliamque coërcitionem, adversus intercessionem collegæ, delectus causa detrectantibus militiam inhibenti, auxilio futuros esse*. Hoc decreto consul armatus quum paucis, adpellantibus tribunum, ²³ collum torsisset, metu ceteri sacramento dixere. Ductus exercitus ad Carventanam arcem, quamquam invisus infestusque consuli erat, impigre primo statim adventu, dejectis qui in præsidio erant, arcem recipit. prædatores, ex præsidio per negligentiam dilapsi, occasionem aperuere ad invadendum. Prædæ ex adsiduis populationibus, quod omnia in locum tutum congesta erant, fuit aliquantum. venditum sub hasta consul in ærarium redigere quæstores jussit; tum prædicans participem prædæ fore exercitum, quum militiam non abnuisset. Auctæ inde plebis ac militum in consulem iræ. itaque, quum ex senatusconsulto urbem ovans introinet, alternis inconditi versus militari licentia jactati: quibus consul increpitus, Mæonii celebre nomen laudibus fuit, quum ad omnem mentionem tribuni favor circumstantis populi plausuque et adaensu cum vocibus militum certaret. Plusque ea res, quam ²⁴ prope sollemnis militum lascivia in consulem, curæ Patribus iniecit. et ²⁵ tanquam haud dubius inter tribunos

²² *Damnum*] *Damnum* proprie videtur intelligi de eo quod jacturam aliquam rei familiaris importet. Vid. infra VII. 4. *Damnum inhibenti*, i. e. inferenti: quomodo supra III. 38. *ad imperium inhibendum*.

²³ *Collum torsisset*] Manus injici a lictoribus jussisset. Familiaris locutio, *collo oborto rapere*, id est, per vim injectis in caput et collum manibus.

²⁴ *Prope solennis*] Quæ prope in consuetudinem abierat.

²⁵ *Tanquam haud dubius*] Senatus, qui videret haud dubium inter Tribunos militum honorem Mæonii, si peteret, id est, Mænium haud dubie perventurum esse ad Tribunatum militum, si peteret, spem honoris ei ademisse, indictis consularibus comitiis, in quibus ratio ejus haberi non poterat.

militum ²⁶ honos Mæonii, si peteret, consularibus comitiis est U. C. 346.
exclusus. A. C. 406.

LIV. Creati consules sunt Cn. Cornelius Cossus, L. Furio Medullinus iterum. Non alias ægrius plebs tulit, tribunicia sibi comitia non commissa. eum dolorem quæstoriis comitiis simul ostendit, et ulta est, tunc primum plebeiis quæstoribus creatis: ita ut, in quatuor creandis, uni patricio K. Fabio Ambusto relinqueretur locus; tres plebei, Q. Silius, P. Ælius, P. Pupius clarissimarum familiarum juvenibus præferrentur. Auctores fuisse tam liberi populo suffragii Icilio accipio, ex familia infestissima Patribus tres in eum annum tribunos plebis creatos, multarum magnarumque rerum molem ²⁷ avidissimo adeo populo ostentantes: quam adfirmassent, nihil se moturos, si ne quæstoriis quidem comitiis, quæ sola promiscua plebi Patribusque reliquisset senatus, satis animi populo esset ad id, quod tamdiu vellent, et per leges liceret. Pro ingenti itaque victoria id fuit plebi: ²⁸ quæsturamque eam ²⁹ non honoris ipsius fine aestimabant; sed patefactus ad consulatum ac triumphos locus novis hominibus videbatur. ³⁰ Patres contra, non pro communicatis, sed pro amissis honoribus, fremere: negare, *Si ea ita sint, liberos tollendos esse: qui pulsi majorum loco, cernentesque alios in possessione dignitatis suæ, Salii Flaminesque* ³¹ *nusquam alio, quam ad sacrificandum pro populo, sine imperiis ac potestatibus relinquuntur.* Irritatis utriusque partis animis, quum et spiritus plebes sumsisset, et tres ad popularem causam celeberrimi nominis haberet duces; Patres omnia quæstoriis comitiis, ubi utrumque plebi liceret, similia fore cernentes, tendere ad consulum comitia, quæ nondum promiscua essent. Icilio contra tribunos militum creandos dicere, et tandem aliquando inpartiendos plebi honores.

LV. Sed nulla erat consularis actio, quam inpediendo id,

²⁶ *Honos Mæonii consularibus comitiis est exclusus]* Senatus spem honoris Mænio ademit, indictis consularibus comitiis, in quibus ratio ejus haberi non poterat.

²⁷ *Avidissimo adeo]* Avidissimo proinde; nempe quia multæ et magnæ res ostentabantur.

²⁸ *Quæsturamque eam non honoris ipsius fine aestimabant]* Hæc ipsa lectio est trium e nostris codd. vel optimorum. Alius, *quæsturam namque eam fine*; quod parum differt. Olim editi *quæsturamque non honoris ipsius finem aestimabant*; quam lectionem recte arguit Gronovius, ostenditque eam finem mendosum esse.

Vox *eam* est in omnibus fere scriptis.

²⁹ *Non honoris ipsius fine]* Non honore ipso tenus; non tanti modo, quanti ipse per se quæsturæ honos pretii erat.

³⁰ *Patres . . . non pro communicatis]* Patres fremunt, indignantur pro honoribus, non tanquam communicatis, sed tanquam amissis. Quia e quatuor quæstoriis locis tria plebei tenebant; Patres queruntur non tantum communicatos esse cum plebeiis honores, sed plane amissos sibi.

³¹ *Nusquam alio]* Ad nihil aliud adhibiti.

Cn. Cornelio, L. Furio II. Coss. Quæstores plebei, indeque discordia.

U. C. 346. A. C. 406. Volsci et Æqui bellum inferunt. quod petebant, exprimerent: quum mira opportunitate, Volscos et Æquos prædatum extra fines exisse in agrum Latinum Hernicumque, adfertur. ad quod bellum ubi ex senatusconsulto consules delectum habere occipiunt; obstare tunc enixe tribuni, sibi plebique eam fortunam oblatam memorantes. Tres erant, et omnes acerrimi viri, ³² generosique jamⁱ, ut inter plebeios. duo, singuli singulos, sibi consules adservandos adsidua opera desumunt: uni concionibus data nunc detinentia, nunc concienda, plebs. Nec delectum consules, nec comitia, quæ petebant, tribuni expediebant. inclinante deinde se^k fortuna ad causam plebis, nuncii veniunt, arcem Carventanam, dilapsis ad prædam militibus qui in præsidio erant, Æquos, interfectis paucis custodibus arcis, invasisse. alios recurrentes in arcem, alios palantes in agris cæsos. Ea adversa civitati res vires tribunicie actioni adjecit. nequidquam enim tentati, ut tum denique desisterent inpediendo bello, postquam non cessere nec publicæ tempestati, nec suæ invidiæ, pervincunt, ut senatusconsultum fiat de tribunis militum creandis: certo tamen pacto, ne cuius ratio haberetur, qui eo anno tribunus plebis esset: neve quis reficeretur in annum tribunus plebis; haud dubie Icilius denotante senatu, quos mercedem seditiosi tribunatus ³³ petere consulatum insimulabant. Tum delectus haberi, bellumque omnium ordinum consensu adparari cœptum. Consules ambo profecti sint ad arcem Carventanam, an alter ad comitia habenda substiterit, incertum diversi auctores faciunt: ³⁴ illa pro certo habenda, in quibus non dissentiant, ab arce Carventana quum diu nequidquam obpugnata esset, recessum: Verruginem in Volscis eodem exercitu receptam, populationesque et prædas et in Æquis et in Volscis agro ingentes factas.

Discordia domestica.

Arx Carventana capta ab hostibus.

Frustra a Rom. tentata.

Verrugo recepta a Rom.

ⁱ etiam Gron.^k æ del. Gron. Crev.

³² *Generosique jam*] Qui jam inciperent aliqua generis claritudine nobilitari, ut inter plebeios tamen, apud quos nulla tunc nobilitas erat, quum nullus eorum ad hæc tempora curulem honorem gessisset: nisi forte tres e secundo Decemvirorum collegio, de quibus vid. not. 49. ad III. 35. sed hoc non in exemplum abierat. Ceterum vulgati libri habent hic *generosique etiam*, contra MSS. tum Gronovianorum, tum nostrorum fidem.

³³ *Petere consulatum*] Consulatus nondum patebat plebeiis, proindeque Icilius, quum fieri consules omnino non possent, insimulari quoque non poterant affectati consulatus. Præ-

terea eo senatusconsulto, quo denotati haud dubie Icilius supra dicuntur, excluduntur illi qui eo anno tribuni plebis fuerant, non a consulatu, sed a tribunatu militum. Unde existimamus mendum esse in voce *consulatum*, et ejus loco legi posse *consularem*. Quos *mercedem*, id est, pro mercede *seditiosi tribunatus petere consularem* nempe tribunatum insimulabant. Tam dici potest *tribunatus consularis*, quam *tribuni consulares*: quo nomine illi magistratus appellantur infra, V. 25. et VI. 39.

³⁴ *Illa pro certo habenda*] Sic supra I. 3. Quis rem tam veterem pro certo affirmet?

LVI. Romæ sicut plebis victoria fuit in eo, ut, quæ U. C. 347. mallent, comitia haberent: ita eventu comitiorum Patres A. C. 405. vicere. namque tribuni militum consulari potestate contra C. Julio, &c. Tr. spem omnium tres patricii creati sunt, C. Julius Julus, P. Mil. Cornelius Cossus, C. Servilius Ahala. Artem adhibitam ferunt a patriciis, (cujus eos Icili tum quoque insimulabant) quod turbam indignorum candidatorum intermiscendo dignis, tædio sordium in quibusdam insignium, populum a plebeiis avertissent. Volscos deinde et Æquos, seu Car- Bellum a Ventana arx retenta in spem, seu Verrugine amissum præ- Volscis et Æquis inla- sidium ad iram compulisset, fama adfertur summa vi ad tum. bellum coortos: caput rerum Antiates esse: eorum legatos utriusque gentis populos circumnisse, castigantes ignaviam, quod, abditi intra muros, populabundos in agris vagari Romanos priore anno, et obprimi Verruginis præsidium, passi essent. jam non exercitus modo armatos, sed colonias etiam, in suos fines mitti: nec ipsos modo Romanos sua³⁵ divisa habere, sed Ferentinum etiam de se captum Hernicis donasse. Ad hæc quum inflammarentur animi, ut ad quosque ventum erat, numerus juniorum conscribatur. Ita omnium populorum juvenus Antium contracta, ibi castris positus hostem obperiebantur. Quæ ubi tumultu majore etiam, quam res erat, nunciantur Romam, senatus exemplo (quod in rebus trepidis ultimum consilium erat) dictatorem dici jussit. quam rem ægre passos Julium Corneliumque ferunt; magnoque certamine animorum rem actam: quum primores Patrum, nequidquam conquesti, non esse in auctoritate senatus tribunos militum, postremo etiam tribunos plebei¹ adpellarent, et consulibus quoque ab ea potestate vim super tali re inhibitam referrent: tribuni plebei, læti discordia Patrum, nihil esse in his auxilii dicerent, qui non civium, non denique hominum numero essent; si quando promiscui honores,³⁶ communicata respublica esset, tum se animadversuros, ne qua, superbia magistratuum, irrita senatusconsulta essent; interim patricii, soluti legum magistratumque verecundia, per se quoque tribuniciam potestatem agerent.

LVII. Hæc contentio minime idoneo tempore, quum tantum belli in manibus esset, occupaverat cogitationes hominum: donec, ubi diu alternis Julius Corneliusque, *quam ad id bellum ipsi satis idonei duces essent, non esse æquum, mandatum sibi a populo eripi honorem*, disseruere; tum Ahala

¹ plebi Gron. sic et paullo post.

³⁵ Divisa habere] Suspiciatur Grocietatem reipublicæ gerendæ admissi novius, divisi. Vid. not. 6. ad l. 54. plebei.

³⁶ Communicata respublica] In so-

U. C. 347. Servilius tribunus militum, *Tacuisse se tamdiu, ait, non quia*
A. C. 405. *incertus sententiæ fuerit; (quem enim bonum civem secernere*
sua a publicis consilia?) sed quia maluerit, collegas sua sponte
cedere auctoritati senatus, quam tribuniciam potestatem adver-
sus se implorari paterentur. Tum quoque, si res sineret, liben-
ter se daturum tempus iis fuisse ad receptum nimis pertinacis
sententiæ. sed, quum belli necessitates non expectent humana
consilia, potiore sibi collegarum gratia rempublicam fore:
et, si maneat in sententia senatus, dictatorem nocte proxima
*dicturum: ac, si quis intercedat senatusconsulto,*⁸⁷ *auctoritate*
se fore contentum. Quo facto quum haud inmeritam laudem
P. Corne- gratiamque apud omnes⁸⁸ tulisset, dictatore P. Cornelio
lius dicta- dicto, ipse ab eo magister equitum creatus exemplo fuitVicti portuniora interdum non cupientibus essent. Bellum haudhostes. victor exercitus depopulatus Volscum agrum. cas-
tellum ad lacum Fucinum vi expugnatum: atque in eo tria
millia hominum capta, ceteris Volscis intra mœnia compul-
sis, nec defendentibus agros. Dictator, bello ita gesto, ut
tantum non defuisse fortunæ videretur, felicitate, quam glo-
ria, major in urbem rediit, magistratuque se abdicavit. Tri-
buni militum, mentione nulla comitiõrum consularium ha-
bita, (credo ob iram dictatoris creati) tribunorum militum
comitia edixerunt. Tum vero gravior⁸⁹ cura Patribus in-
cessit; quippe quum prodi causam ab suis cernerent. Ita-
que sicut priore anno per indignissimos ex plebeiis candi-
datos omnium, etiam dignorum, tædium fecerant; sic tum,
U. C. 348. primoribus Patrum splendore gratiaque ad petendum præ-
A. C. 404. paratis, omnia loca obtinere; ne cui plebeio aditus esset.
L. Furio, Quatuor creati sunt, omnes jam functi eo honore, L. Furius
&c. Tr. Medullinus, C. Valerius Potitus, N. Fabius Vibulanus, C.
Mil. Servilius Ahala. hic reffectus continuato honore, quum ob
alias virtutes, tum ob recentem favorem unica moderatione
partum.

⁸⁷ *Auctoritate]* *Auctoritas senatus* est iudicium senatus perscriptum, cui legitima senatusconsulti forma accedere non potuit. Quum enim aut numerus senatorum sufficiens non adesset, aut non loco dieve idoneo, aut edicto non legitimo convocatus esset senatus, aut intercessio fieret senatusconsulto ab eo magistratu, cujus id jus esset; tum senatusconsultum fieri non poterat; iudicium tamen senatus perscribatur, eaque *auctoritas* vocabatur. Hæc fere Dio l. LV. Vid. et ep. secundam l. I. Cic. ad Fam. et septimam l. VIII. Ceterum

hic olim editi præferebant *senatusconsulti auctoritate*. Emendavit Sigonius quod peccaverat editorum ignorantia. Quatuor enim e nostris MSS. habent *sc'*: unde imperiti editores fecerunt *senatusconsulti*, quum debuissent legere *senatusconsulto*.

⁸⁸ * *Tulisset]* Consecutus esset.

⁸⁹ * *Cura Patribus incessit]* Observa verbum *incessit*, etiam pro *invasit* positum, ut hoc loco, cum dandi casu jungi. Sic Virg. Georg. IV. 67. *Nam sæpe duobus Regibus incessit magno discordia motu.*

LVIII. **Eo anno, quia** ⁴⁰ **tempus induciarum cum Veienti** U. C. 348. **populo exierat, per legatos fecialesque res repeti coeptae.** A. C. 404. **quibus venientibus** ⁴¹ **ad finem legatio Veientium obviam fuit.** Petiere, ne prius, quam ipsi senatum Romanum adissent, Veios iretur. Ab senatu impetratum, quia discordia intestina laborarent Veientes, ne res ab iis repeterentur. tantum afuit, ut ex incommodo alieno sua occasio peteretur. Et in Volscis accepta clades, amisso Verrugine præsidio. ubi tantum in tempore fuit momenti, ut, quum præcantibus opem militibus, qui ibi a Volscis obsidebantur, succurri, si maturatum esset, potuisset, ad id venerit exercitus subsidio missus, ut ab recenti cæde palati ad prædandum hostes obprimerentur. Tarditatis causa in senatu magis fuit, quam in tribunis: ⁴² **qui, quia summa vi restare nunciabantur, parum cogitaverunt, nulla virtute superari humanarum virium modum.** Fortissimi milites non tamen, nec vivi, nec post mortem, inulti fuere. Insequenti anno, P. et Cn. Corneliis Cossis, N. Fabio Ambusto, L. Valerio ^{U. C. 349.} Potito, tribunis militum consulari potestate, Veiens bellum ^{A. C. 403.} motum ob superbum responsum Veientis senatus; qui lega- ^{P. et Cn.} tis repetentibus res, ni facerent propere urbe finibusque, ^{Corneliis,} ^{&c. Tr. Mil.} daturus, quod Lars Tolumnius dedisset, responderi iussit. Id Patres ægre passi decrevere, ut tribuni militum de bello indicendo Veientibus primo quoque die ad populum ferrent. Quod ubi primo promulgatum est, fremere juvenus, ^{Decretum} **Nondum debellatum cum Volscis esse:** ^{senatus de} **modo duo præsidia** ^{indicendo} **occisione occisa, et cum periculo retineri.** ^{Veientibus} **Nullum annum** ^{bello.} **esse, quo non acie dimicetur: et,** ⁴⁴ **tamquam pœniteat laboris, novum bellum cum finitimo populo et potentissimo parari, qui omnem Etruriam sit concitaturus.** Hæc sua sponte agitata. insuper tribuni plebis accendunt: **Maximam bellum Patribus cum plebe esse dictitant: eam de industria**

⁴⁰ *Tempus induciarum extera]* Supra c. 35. anno ante hunc undevicesimo *Veientibus annorum viginti induciæ datæ* dicuntur. Itaque nondum earum tempus exierat: nisi forte placuerat harum initium sumi a fine priorum induciarum, quarum dies exisse dicitur anno 328. supra c. 30.

⁴¹ *Ad finem]* Ad fines agri Veientis. Sic infra IX. 6. *ad finem Campanum.*

⁴² *Qui, quis]* Non immerito videtur Gronovius delere voculam *qui*, tanquam nocentem sensui, et male natam ex repetitione *vñ* *quia*. Sensus est: *Quia summa vi restare* i. e. resistere nunciabantur præsidarii milites, parum cogitaverunt Patres nul-

lam virtutem posse plus efficere, quam pateretur humanarum virium modus. Non audiendus hic Clericus, qui pro *nulla virtute* reponere tentat *multitudine*.

⁴³ *Modo duo præsidia]* Videlicet apud Verruginem priore anno, et apud arcem Carventanam tribus ante annis. Quod autem additur *et cum periculo retineri*, eo indicatur arcem Carventanam receptam esse, quod tamen nusquam memoratum est. Porro vox *præsidia* hic accipitur primo præsidariis militibus, deinde pro arcibus ipsis.

⁴⁴ *Tamquam pœniteat laboris]* Tanquam non satis laboris a plebe tolerari putent.

U. C. 349. *vexandam militia trucidandamque hostibus objici: eam procul*
 A. C. 403. *urbe haberi atque ablegari, ne domi per otium memor liberta-*
tis coloniarumque, aut agri publici, aut suffragii libere ferendi
consilia agitet: ⁴⁵ *prensantesque veteranos, stipendia cujusque*
et vulnera ac cicatrices numerabant: quid jam integri esse in
corpore loci ad nova vulnera accipienda? quid super sanguinis,
qui dari pro republica posset? rogitantes. Hæc quum in ser-
 monibus concionibusque interdum agitantes avertissent ple-
 bem ab suscipiendo bello, profertur tempus ferundæ ^m ⁴⁶ le-
 gis: quam, si subjecta invidiæ esset, antiquari adparebat.

Bellum cum
Volscis.

LIX. Interim tribunos militum in Volscum agrum ducere
 exercitum placuit. Cn. Cornelius unus Romæ relictus.
 Tres tribuni, postquam nullo loco castra Volscorum esse,
 nec commissuros se prælio adparuit, tripartito ad devastan-
 dos fines discessere. Valerius Antium petit, Cornelius
 Ecetras: quacumque incessere, late populati sunt tecta
 agrosque, ut distinerent Volscos: Fabius, quod maxime
 petebatur, ad Anxur obpugnandum sine ulla populatione
 accessit. Anxur fuit, quæ nunc Tarracinæ sunt; urbs pro-
 na in paludes. ab ea parte Fabius obpugnationem ostendit.
 Circummissæ quatuor cohortes cum C. Servilio Ahala quum
 imminentem urbi collem cepissent; ex loco altiore, qua
 nullum erat præsidium, ingenti clamore ac tumultu mœnia
 invasere. ad quem tumultum obstupesci, qui adversus Fa-
 bium urbem infimam tuebantur, locum dedere scalas admo-
 vendi, plenaque hostium cuncta erant, ⁴⁷ et inmitis ⁿ diu
 cædes pariter fugientium ac resistentium armatorum atque
 inermium fuit. Cogebantur itaque victi, quia cedentibus
 spei nihil erat, pugnam inire: quum ⁴⁸ pronunciatum re-
 pente, ne quis præter armatos violaretur, reliquam omnem
 multitudinem voluntariam exuit armis: quorum ad duo
 millia et quingenti vivi capiuntur. a cetera præda Fabius
 militem abstinuit, donec collegæ venirent: ab illis quoque
 exercitibus captum Anxur dictitans esse, qui ceteros Vol-
 scos a præsidio ejus loci avertissent. Qui ubi venerunt,
 oppidum vetere fortuna opulentum tres exercitus diripere.
 eaque primum benignitas imperatorum plebem Patribus
 conciliavit. Additum deinde omnium maxime tempestivo

^m *ferenda* Gron. Crev.

ⁿ *inmitis* l. *in muris* Gron.

⁴⁵ * *Prensantesque veteranos*] Et
 veteranorum corpora prensantes os-
 tentantesque.

⁴⁶ *Legis*] De indicendo Veientibus
 bello: quam, si hoc tempore ferretur
 quum ingrata populo erat, rejici ap-
 parebat.

⁴⁷ *Et inmitis diu cædes*] Sic emen-
 dat Gronovius ex MSS. compluribus,

quibus consentiunt tres Hearnii codd.
 et omnes nostri. Vulgo *et in muris*.

⁴⁸ * *Pronunciatum repente . . . cædit*]
 Diditum repente pronunciatumque
 per præcones ducum Romanorum im-
 perium, ne quis præter armatos vio-
 laretur, impulit reliquam omnem
 hostium multitudinem, ut volens et
 sua sponte arma poneret.

principum in multitudinem munere, ut ante mentionem ullam plebis tribunorumve decerneret senatus, ⁴⁹ ut stipendium miles de publico adciperet, quum ante id tempus de suo quisque functus eo munere esset.

U. C. 340.
A. C. 403.
Decretum
militibus
stipendium.

LX. Nihil acceptum umquam a plebe tanto gaudio traditur. Concursum itaque ad curiam esse, prensatasque exeuntium manus, et Patres vere adpellatos; effectum esse fatentibus, ut nemo pro tam munifica patria, donec quidquam virium superesset, corpori aut sanguini suo parceret. ⁵⁰ Quum commoditas juvaret, rem familiarem saltem adquiescere eo tempore, quo corpus addictum atque operatum reipublicæ esset; tum, quod ultro sibi oblatum esset, ⁵¹ non a tribunis plebis umquam agitatam, non suis sermonibus efflagitatum, id efficiebat multiplex gaudium ⁵² cumulationemque gratiam rei. Tribuni plebis, communis ordinum lætitiæ concordiaque soli expertes, negare, ⁵³ *Tam id lætum Patribus universis nec prosperum fore, quam ipsi crederent. consilium specie prima, melius fuisse, quam usu adpariturum. Unde enim eam pecuniam confici posse, nisi tributo populo indicto? ex alieno igitur aliis largitos. neque, id etiamsi celeri ferant, passuros eos, quibus jam emerita stipendia essent, meliore conditione alios militare, quam ipsi militassent; ⁵⁴ et eodem in sua stipendia impensas fecisse, et in aliorum facere.* His vocibus moverunt partem plebis. postremo, indicto jam tributo, edixerunt etiam tribuni, auxilio se futuros, si quis in militare stipendium tributum non contulisset. Patres bene coeptam rem perseveranter tueri: conferre ipsi primi: et, quia nondum argentum signatum erat, ⁵⁵ æs grave plaustis quidam ad ærarium convehentes, ⁵⁶ speciosam etiam collationem faciebant. Quum senatus summa fide

Calumniæ
tribunorum.

Tributum
indictum.
Patres conferunt primi.

⁴⁹ *Ut stipendium miles]* Hic miles sumitur pro pedita. Equiti enim non assignatum est stipendium, nisi quarto post hunc anno. Vid. l. V. c. 7.

⁵⁰ *Quum commoditas juvaret]* Quum illa commoditas multum placebat, quod res familiaris acquiesceret... tum eo efficiebatur multiplex, id est, multo majus gaudium, quod munus hoc ultro sibi oblatum esset. De particulis *quum tum* vid. not. 48. ad c. 21. l. I.

⁵¹ *Non a tribunis plebis unquam agitatam]* Mentio jam aliqua facta erat stipendii militibus constituendi. Vid. supra c. 36. Sed leviter ac semel tantum jactata res in oblivionem abiit.

⁵² *Cumulationemque gratiam rei]* Quemadmodum plurimi et scripti et vett. editi a Gronovio inspecti, ita et

tres e nostris antiquissimi omittunt ultimam vocem.

⁵³ *Tam id lætum Patribus universis]* Supervacanea hic est vox *universis*. Melius fortasse transferretur post particulam *nec*. *Tam id lætum Patribus, nec universis*, i. e. universæ civitati *prosperum fore*.

⁵⁴ *Et eodem]* Et simul in sua stipendia impensas fecisse, quum nihil e publico militantes acceperint; simul in aliorum stipendia impensas facere, quum tributum conferant, unde illis stipendium persolvatur.

⁵⁵ *Æs grave]* Vid. supra not. 86. ad c. 41.

⁵⁶ *Speciosam etiam collationem faciebant]* Efficiebant ut collatio tributi etiam speciem, id est, pompam, dignitatem aliquam haberet, quæ converteret oculos vulgi.

U. C. 349.
A. C. 403.
Plebs sequi-
tur.

ex censu contulisset, primores plebis, nobilium amici, ex composito conferre incipiunt. quos quum et a Patribus conlaudari, et a militari ætate tamquam bonos cives conspici vulgus hominum vidit, repente, spreto tribunicio auxilio, certamen conferendi est ortum. et, lege perlata de indicendo Veientibus bello, exercitum magna ex parte voluntarium novi tribuni militum consulari potestate Veios duxere.

U. C. 350.
A. C. 402.
T. Quinctio, &c. Tr.
Mil.
Obsessi
Veii.

LXI. Fuere autem tribuni T. Quinctius Capitolinus, Q. ° Quinctius Cincinnatus, C. Julius Julus iterum, A. Manlius, L. Furius Medullinus tertium^p, M'. Æmilius Mamercinus. Ab his primum circumsessi Veii sunt; sub cuius initium obsidionis quum Etruscorum concilium ad fanum Voltumnæ frequenter habitum esset, parum constitit, bellone publico gentis universæ tuendi Veientes essent. Ea obpugnatio segnior insequenti anno fuit, parte tribunorum exercitusque ad Volscum advocata bellum. Tribunos militum consulari potestate is annus habuit C. Valerium Potitum tertium, M'. Sergium Fidenatem, P. Cornelium Maluginensem, Cn. Cornelium Cossum, K. Fabium Ambustum, Sp. Nautium Rutilum iterum. Cum Volscis inter Ferentinum atque Ecetram signis conlatis dimicatum. Romanis secunda fortuna pugnae fuit. Artena inde, Volscorum oppidum, ab tribunis obsideri cœpta. inde inter eruptionem tentatam, compulso in urbem hoste, occasio data est Romanis inrumpendi. ⁵⁷præterque arcem cetera capta. in arcem munitam natura globus armatorum concessit. Infra arcem cæsi captique multi mortales. arx deinde obsidebatur: nec aut vi capi poterat, quia pro spatio loci satis præsidii habebat; aut spem dabat deditionis, omni publico frumento, priusquam urbs caperetur, in arcem convecto. tædioque recessum inde foret, ni servus arcem Romanis prodidisset. ab eo milites per locum arduum accepti cepere. a quibus quum custodes trucidarentur, cetera multitudo, repentino pavore obpressa, in deditionem venit. Diruta et arce et urbe Artena, reductæ legiones ex Volscis omnisque vis Romana Veios conversa est. Proditori, præter libertatem, duarum familiarum bona in præmium data. Servius Romanus vocitatus. Sunt, qui Artenam Veientium, non Volscorum, fuisse credant. Præbet errorem, quod ejusdem nominis urbs inter Cære atque Veios fuit: sed eam reges Romani delevere, Cæretumque, non Veientium, fuerat. Altera hæc nomine eodem in Volsco agro fuit, cujus excidium est dictum.

° Q. 1. P. Gron. Crev.

P tertium l. iterum Eæd.

⁵⁷ Præterque arcem] Sexies intra observabit lector.
paucos versus arcem vel arx repeti

EPITOME LIBRI V.

IN obsidione *Veiorum* hibernacula militibus facta sunt. ea res quum esset nova, indignationem tribunorum plebis movit, querentium non dari plebi nec per hiemem militiae requiem. Equites tum primum equis suis merere coeperunt. Quum inundatio ex lacu *Albano* facta esset, vates, qui eam rem interpretaretur, de hostibus captus est. *Furius Camillus* dictator decem annos obsessos *Veios* cepit: simulacrum *Junonis Romae* transtulit: decimam partem praedae *Delphos Apollini* misit. Idem tribunus militum, quum *Faliscos* obsideret, ¹ proditos hostium filios parentibus remisit: statimque deditione facta, *Faliscorum* victoriam justitia consecutus est. Quum alter ex censoribus *C. Julius* decessisset, in locum ejus *M. Cornelius* subfectus est. nec id postea factum est: quoniam eo lustro a *Gallis* *Roma* capta est. *Furius Camillus*, quum ei dies a *L. Appuleio* tribuno plebis dicta esset, in exsilium abiit. Quum *Senones Galli* *Clusium* obsiderent, et legati, a senatu missi ad componendam inter eos et *Clusinos* pacem, pugnantes contra *Gallos* in acie *Clusinorum* stetissent; hoc facto eorum concitati *Senones* urbem infesto exercitu petierunt, fusisque ad *Alliam* flumen *Romanis*, cepere urbem praeter *Capitolium*, in quod se juvenus contulerat: majores natu, cum insignibus honorum, quos quisque gesserat, in vestibulis aedium sedentes, occiderunt. et quum per aversam partem *Capitolii* jam in summum evasissent, proditi clangore anserum, *M. Manlii* praecipue opera dejecti sunt. ² coactis deinde propter famem *Romanis* descendere, ut mille pondo auri darent, et hoc pretio finem obsidionis emerent; *Furius Camillus*, dictator absens creatus, inter pendendum aurum cum exercitu venit, et *Gallos* post sextum mensem urbe expulit, ceciditque. *Aedes* ³ *Aio Loquutio* facta, quo loco ante urbem captam vox audita erat, adventare *Gallos*. Dictum est, ad *Veios* migrandum esse propter incensam et dirutam urbem. quod consilium *Camillo* auctore discussum est. Movit populum vocis quoque omen ex centurione auditae, qui, quum in forum venisset, manipulariis suis dixerat, Sta miles; hic optime manebimus.

¹ *Proditos hostium filios*] Delrius sene in octo libris reperiase testatur proditos a magistris. Itaque legit proditos a magistro hostium filios.

² *Coactis . . . Romanis descendere, ut*] Recte videtur Gronovius adjicere voculam eo ante verbum descendere. *Eo descendere ut*, idem est ac, durissi-

mam hanc conditionem subire, ut . . .

³ *Aio Loquutio*] Liviani libri veteres habebant *Alloquutio*, teste Sigonio. Restitutum est huic novo numini suum nomen ex c. 50. hujus libri. Vocatur a Cicerone *Aius loquens*, l. II. de Divin. n. 69.

T. LIVII PATAVINI

LIBER V.

U. C. 352.
A. C. 400.

Man. Æmi-
lio II. &c.
Tr. Mil.

Veientes
regem
creant.

PACE alibi parta, Romani Veique in armis erant tanta ira odioque, ut victis finem adesse adpareret. Comititia utriusque populi longe diversa ratione facta sunt. Romani auxere tribunorum militum consulari potestate numerum. ¹ octo, quot numquam antea, creati, M'. Æmilius Mamer-
cinus iterum, L. Valerius Potitus tertium, Ap. Claudius Crassus, M. Quinctilius Varus, L. Julius Julus, M. Postu-
mius, M. Furius Camillus, M. Postumius Albinus. Veien-
tes contra tædio annuæ ambitionis, quæ interdum discor-
diarum caussa erat, regem creavere. Obfendit ea res popu-
lorum Etruriæ animos, non majore odio regni, quam ipsius regis. gravis jam is antea genti fuerat opibus superbiaque, quia sollemnia ludorum, quos intermitti nefas est, violenter diremisset: quum ob iram repulsæ, quod suffragio duode-
cim populorum alius sacerdos ei prælatus esset, ² artifices, quorum magna pars ipsius servi erant, ex medio ludicro repente abduxit. Gens itaque, ante omnes alias eo magis dedita religionibus, quod excelleret arte colendi eas, auxilium Veientibus negandum, donec sub rege essent, decrevit. cujus decreti ³ subpressa fama est ^a Veis propter metum regis; qui, a quo tale quid dictum referretur, pro seditionis eum principe, non ⁴ vani sermonis ⁵ auctorem ^b, habebat. Romanis etsi quietæ res ex Etruria nunciaban-
tur, tamen, quia omnibus conciliis eam rem agitari adfere-
batur, ita muniebant, ut ancipitia munimenta essent: alia in urbem et contra oppidanorum eruptiones versa: ⁶ aliis

^a est del. Gron.

^b auctore Crev.

¹ Octo] Sigonius in commentario in Fastos consulares, et Pighius in Annalibus, adversus Livium probant, sex tantum hoc anno tribunos mili-
tum fuisse: M. autem Camillum et M. Postumium Albinum censores fuisse, non tribunos.

² Artifices] Scenicos: eos qui lu-
dicris artibus operam dabant, puta
histriones, tibicines, &c.

³ Suppressa fama est] Verbum est
a nuperis omissum servant vett. editi

et scripti.

⁴ Vani] Inconsiderati, temere ac
sine consilio jactati.

⁵ Auctore] Vulgo auctorem; pa-
rum accurata orationis structura,
quum præcedat *pro seditionis . . . prin-
cipe*. Id, quod edidimus, habent duo
e nostris codd.

⁶ Aliis] Per alia munimenta *frons
in Etruriam spectans obstruebatur ad-
versus auxilia*.

frons in Etruriam spectans auxiliis, si qua forte inde veni- U. C. 352.
rent, obstruebatur. A. C. 400.

II. Quum spes major imperatoribus Romanis in obsidio- Hiberna-
ne, quam in obpugnatione, esset; hibernacula etiam, res cula ad
nova militi Romano, ædificari coepta: consiliumque erat, Veios.
hiemando continuare bellum. quod postquam tribunis
plebis, jam diu nullam novandi res causam invenientibus,
Romam est adlatum, in concionem prosiliunt, sollicitant
plebis animos, *Hoc illud esse dictitantes, quod æra militi-* Tribuno-
bus sint constituta. nec se fefellisse, id donum inimicorum rum Pl.
*veneno inlitum fore. ¹ Venisse libertatem plebis: remotam in querelæ de
perpetuum et ablegatam ab urbe et ab republica juventutem, hiberna
jam ne hiemi quidem aut tempori anni cedere, ac domos et res culis.
invisere suas. Quam putarent continuatæ militiæ causam
esse? nullam profecto aliam inventuros, quam ne quid per fre-
quentiam juvenum eorum, in quibus vires omnes plebis essent,
agi de commodis eorum posset. Vexari præterea et subigi
multo acrius, quam Veientes. quippe illos hiemem sub tectis suis
agere, egregiis muris situque naturali urbem tutantes; militem
Romanum in opere ac labore, nivibus pruinisque obrutum, sub
pellibus durare, ne hiemis quidem spatio, quæ omnium bellorum
terra marique sit quies, arma deponentem. Hoc neque reges,
neque ante tribuniciam potestatem creatam superbos illos consu-
les, neque triste dictatoris imperium, neque inportunos decemvi-
ros injunxisse servitutis, ut perennem militiam facerent, quod
tribuni militum in plebe Romana regnum exercerent. Quidnam
illi consules dictatoresve facturi essent, qui proconsularem imagi-
nem tam sævam ac trucem fecerint? Sed id accidere haud inmerito.
non fuisse ne in octo quidem tribunis militum locum ulli plebeio.
Antea trina loca cum contentione summa patricios explere solitos:
nunc jam octojuges ad imperia obtinenda ire; et ne in turba qui-
dem hæerere plebeium quemquam: qui, si nihil aliud, admoneat
collegas; liberos, et cives eorum, non servos, militare, quos hieme
saltem in domos ac tecta reduci oporteat: et aliquo tempore anni
parentes liberosque ac conjuges invisere, et usurpare libertatem,
et creare magistratus. Hæc taliaque vociferantes adversarium
haud inparem nacti sunt Ap. Claudium, relictum a collegis
ad tribunicias seditiones comprimendas; virum inbutum
jam ab juvena certaminibus plebeiis: quem auctorem
aliquot annis ante fuisse memoratum est, per collegarum
*intercessionem, tribuniciæ potestatis dissolvendæ.**

III. Is tum jam, non promptus ingenio tantum, sed usu Respondet
etiam exercitatus, talem orationem habuit: Si umquam dubi- Ap. Clau-
tatum est, Quirites, utrum tribuni plebis vestra, an sua, caus- dius.
sa seditionum semper auctores fuerint, id ego hoc anno desisse

¹ Venisse] Venundatam esse.

U. C. 352. *dubitari certum habeo. et quum lætor, tandem longi erroris vo-*
 A. C. 400. *bis finem factum esse, tum, quod secundis potissimum vestris re-*
bus hic error est sublatus, et vobis, et propter vos reipublicæ
gratulator. An est quisquam, qui dubitet, nullis injuriis vestris,
si quæ forte aliquando fuerunt, umquam æque, quam munere
Patrum in plebem, quum æra militantibus constituta sunt, tri-
bunos plebis offensos ac concitados esse? quid illos aliud aut
tum timuisse creditis, aut hodie turbare velle, nisi concordiam
ordinum, quam dissolvendæ maxime tribuniciæ potestatis rentur
esse? Sic, hercule, tamquam artifices improbi, opus quærent: qui
et semper ægri aliquid esse in republica volunt, ut sit, ad cuius
curationem a vobis adhibeantur. Utrum enim defenditis, an
inpugnatis plebem? utrum militantium adversarii estis, an
causam agitis? Nisi forte hoc dicitis, Quidquid Patres fa-
ciunt, displicet; sive illud pro plebe, sive contra plebem est. Et,
quemadmodum servis suis vetant domini quidquam rei cum alie-
nis hominibus esse, pariterque in iis beneficio ac maleficio
abstineri æquum censeant: sic vos interdicitis Patribus commer-
cio plebis; ne nos comitate ac munificentia nostra provocemus
plebem, nec plebs nobis dicto audiens atque obediens sit.
Quanto tandem, si quidquam in vobis, non dico civilis, sed hu-
mani esset, favere vos magis, et, quantum in vobis esset, indul-
gere potius comitati Patrum atque obsequio plebis oportuit?
quæ si perpetua concordia sit, quis non spondere au-
sit, maximum hoc imperium inter finitimos brevi futurum
esse?

IV. *Atque ego, quam hoc consilium collegarum meorum, quo*
abducere infecta re a Veiis exercitum noluerunt, non utile so-
lum, sed etiam necessarium fuerit, postea disseram^c: nunc de
ipsa conditione dicere militantium libet. Quam orationem,
non apud vos solum, sed etiam in castris, si habeatur, ipso
exercitu disceptante, æquam arbitror videri posse. in qua si
mihi ipsi nihil, quod dicerem, in mentem venire posset, adver-
sariorum certe orationibus contentus essem. Negabant nuper,
danda esse æra militibus, quia numquam data essent.⁸ quonam
modo igitur nunc indignari possunt, quibus aliquid novi adjec-
tum commodi sit, eis laborem etiam novum pro portione injun-
gi? Nusquam nec opera sine emolumento, nec emolumentum
ferme sine inpena opera est. labor voluptasque, dissimillima
natura, societate quadam inter se naturali sunt juncta. Moles-

^c disseram Gron. Crev.

⁸ Quonam modo igitur] Contendit Appius ex ipsis tribunorum orationibus id sibi suggeri, quod sit alicujus ad tuendam causam suam momenti. Ideo, inquit, negabant tribuni danda esse æra militibus, quia nunquam data essent. Novitatem rei tum exa-

gitabant in orationibus suis. At hæc ipsa rei novitas mihi favet, et ipsis in præsentī causa adversatur. Si enim novi aliquid adjectum commodi militibus est, quomodo indignari possunt tribuni aliquid etiam iis novi laboris accedere?

te antea ferebat miles, se suo sumtu operam reipublicæ præbe- U. C. 352.
 re: gaudebat idem, partem anni se agrum suum colere; quæ- A. C. 400.
 rere, unde domi militiæque se ac suos tueri posset. Gaudet
 nunc, fructui sibi rempublicam esse, et lætus stipendium accipit.
 æquo igitur animo patiatur, se ab domo, ab re familiari, cui
 gravis impensa non est, paullo diutius abesse. An, si ad cal-
 culos eum respublica vocet, non merito dicat? annua æra ha-
 bes, annuam operam ede. An tu æquum censes, militia^d semes-
 tri solidum te stipendium accipere? Invitus in hac parte ora-
 tionis, Quirites, moror: sic enim agere debent, qui, mercenario
 milite utuntur. at nos tamquam cum civibus agere volumus:
 agique tamquam cum patria nobiscum æquum censemur. Aut
 non suscipi bellum oportuit; aut geri pro dignitate populi Ro-
 mani, et perfici quam primum oportet. Perficietur autem, si
 urgemus obsessos: si non ante abscedimus, quam spei nostræ
 finem captis Veiis inposuerimus. Si, Hercules^e, nulla alia
 caussa, ipsa indignitas perseverantiam inponere debuit. Decem
 quondam annos urbs obpugnata est ob unam mulierem ab uni-
 versa Græcia: quam procul ab domo? quot terras, quot maria
 distans? Nos intra vicesimum lapidem, in conspectu prope ur-
 bis nostræ, annuam obpugnationem perferre piget: scilicet, quia
 levis caussa belli est, nec satis quidquam justis doloris est, quod
 nos ad perseverandum stimulet. ⁹Septies rebellarunt, ¹⁰in pace
 numquam fida^f fuerunt: agros nostros millies depopulati sunt:
 Fidenates deficere a nobis coëgerunt: colonos nostros ibi inter-
 fecerunt: auctores fuere contra jus gentium cædis impiæ legato-
 rum nostrorum: Etruriam omnem adversus nos concitare vo-
 luerunt, hodieque id moliuntur: res repetentes legatos nostros,
 haud procul afuit^g, quin violarent.

V. Cum his molliter et per dilationes bellum geri oportet?
 Si nos tam justum odium nihil movet, ne illa quidem, oro vos,
 movent? Operibus ingentibus septa urbs est, quibus intra mu-
 ros coërcetur hostis. agrum non coluit, et culta evastata sunt
 bello. Si reducimus exercitum, quis est, qui dubitet, illos,
 non a cupiditate solum ulciscendi, sed etiam necessitate inposita
 ex alieno prædandi, quum sua amiserint, agrum nostrum inva-
 suros? non differimus igitur bellum isto consilio, sed infra fines
 nostros accipimus. Quid? illud, quod proprie ad milites per-
 tinet, quibus boni tribuni plebis quum stipendium extorquere
 voluerint, nunc consultum repente volunt, quale est? Vallum
 fossamque, ingentis utramque rem operis, per tantum sputii
 duxerunt: castella primo pauca, postea, exercitu aucto, creber-

^d militiæ Gron.^e Hercule Gron. Crev.^f fidi Eæd.^g absuit Eæd.

⁹ Septies rebellarunt] Vid. supra Aliquot scripti e Gronovianis, et duo
 IV. 32. e nostris habent fida.

¹⁰ In pace nunquam fidi fuerunt]

U. C. 362. rima fecerunt: munitiones non in urbem modo, sed in Etru-
 A. C. 400. riam etiam spectantes, si qua inde auxilia veniant, obposuere.
 Quid turres, quid ¹¹ vineas ¹² testudinesque et alium obpugnand-
 arum urbium adparatum loquar? Quum tantum laboris ex-
 haustum sit, et ad finem jam operis tandem perventum; relin-
 quendane hæc censetis, ut ad æstatem rursus novus de integro
 his instituendis exsudetur labor? Quanto est minus opera
 tueri facta, et instare, et perseverare, defungique cura?
 Brevis enim profecto res est, si uno tenore peragitur, nec
 ipsi per intermissiones has intervallaque lentiolem spem
 nostram facimus. loquor de opere, et de temporis jactura.
 Quid? periculi, quod differendo bello adimus, num oblivisci
 nos hæc tam crebra Etruriæ concilia de mittendis Veios
 auxiliis patiuntur? Ut nunc res se habet, irati sunt,
 oderunt, negant missuros: quantum in illis est, capere Veios
 licet. quis est, qui spondeat, eundem, si differtur bellum, ani-
 mum postea fore? quum, si laxamentum dederis, major fre-
 quentiorque legatio itura sit: quum id, quod nunc obfendit
 Etruscos, rex creatus Veiis, spatio interposito mutari^b possit,
 vel consensu civitatis, ut eo reconcilient Etruriæ animos, vel
 ipsius voluntate regis, qui obstarè regnum suum saluti civium
 nolit. Videte, quot res, ¹³ quam inutiles, sequantur illam viam
 cõsili: jactura operum tanto labore factorum, vastatio immi-
 nens finium nostrorum, Etruscum bellum pro Veiente concita-
 tum. Hæc sunt, tribuni, consilia vestra, non, hercule, dissimi-
 lia, ac si quis ægro, qui, curari se fortiter passus, extemplo con-
 valescere possit, ¹⁴ cibi gratia præsentis aut potionis longinquum
 et forsitan insanabilem morbum efficiat.

VI. Si, me Dius fidius, ad hoc bellum nihil pertineret, ad
 disciplinam certe militiæ plurimum intererat, insuere militem
 nostrum, non solum ¹⁵ parata¹ victoria frui; sed, si res etiam
 lentior sit, pati tædium, et quamvis seræ spei exitum exspectare;
 et, si non sit æstate perfectum bellum, hiemem operiri²; nec, sic-
 ut æstivas aves, statim autumnò tecta ac recessum circumspi-
 cere. Obsecro vos, venandi studium ac voluptas homines per
 nives ac pruinas in montes silvasque rapit; belli necessitatibus
 eam patientiam non adhibebimus, quam vel lusus ac voluptas
 elicere solet? Adeone effeminata corpora militum nostrorum
 esse putamus, adeo molles animos, ut hiemem unam durare in

^b spatio mutari interposito Gron. Crev. ¹ parata Ead. ² operiri Ead.

¹¹ Vineas] Vid. not. 94. ad c. 17. l. II.

¹² Testudines] Hic intellige machi-
 nas vineis et usu et forma non absi-
 miles. Vid. Lips. Poliorcet. l. I. dial. 8.

¹³ Quam inutiles] Quam damno-
 sa. Sic sæpe utitur illa voce Cicero.

¹⁴ Cibi gratia] Cibi præsentis vo-

luptate impertienda.

¹⁵ Parata] Editio Clar. Draken-
 borchii præfert parata: optimo sensu.
 Parata victoria frui est tam facile
 vincere, ut potius devolantis in si-
 num victoriæ compos fieri, quam il-
 lam tuis viribus reportare videre.

castris, abesse ab domo non possint? ut, tamquam navale bellum, tempestatibus captandis et observando tempore anni, gerant, non æstus, non frigora pati possint? Erubescant profecto, si quis eis hæc objiciat; contendantque, et animis et corporibus suis virilem patientiam inesse, et se juxta hieme atque æstate bella gerere posse: nec se patrocinium molliæ inertiaeque mandasse tribunis, et meminisse, ¹⁶ hanc ipsam potestatem non in umbra nec in tectis majores suos creasse. Hæc virtute militum vestrorum, hæc Romano nomine sunt digna, non Veios tantum, nec hoc bellum intueri, quod instat; sed famam et ad alia bella et ad ceteros populos in posterum quærere. An mediocre discrimen opinionis secuturum ex hac re putatis? utrum tandem finitimi populum¹ Romanum eum esse putent, cujus si qua urbs primum illum brevissimi temporis sustinuerit inpetum, nihil deinde timeat? an hic sit terror nominis nostri, ut exercitum Romanum non tædium longinquæ ohpugnationis, non vis hiemis ab urbe circumsessæ semel amovere possit, nec finem ullum alium belli, quam victoriam, noverit; nec inpetu potius bella, quam perseverantia, gerat? quæ in omni quidem genere militiæ, maxime tamen in obsidendis urbibus, necessaria est; quarum plerasque, munitionibus ac naturali situ inexpugnabiles, fame sitique tempus ipsum vincit atque expugnat: sicut Veios expugnabit; nisi auxilio hostibus tribuni plebis fuerint, et Romæ invenerint præsidia Veientes, quæ nequidquam in Etruria quærunt. An est quidquam, quod Veientibus optatum æque contingere possit, quam ut seditionibus primum urbs Romana, deinde velut ex contagione castra inpleantur? At, hercule, apud hostes tanta modestia est, ut ¹⁷ non obsidionis tædio, non denique regni, quidquam apud eos novatum sit; non negata auxilia ab Etruscis irritaverint animos. morietur enim ex templo, quicumque erit seditionis auctor. nec cuiquam dicere ea licebit, quæ apud vos inpune dicuntur. ¹⁸ Fustuarium meretur, qui signa relinquit, aut præsidio decedit. Auctores signa relinquendi, et deserendi castra, non uni aut alteri militi, sed

¹ populi Gron. Crev.

¹⁶ Hanc ipsam potestatem] Potestatem tribunitiam, creatam in Sacro monte.

¹⁷ Non obsidionis tædio, non denique regni] Latini scriptores etiam in ea enumeratione quæ duo tantum habent membra, præfigunt sæpe alteri particulam denique. Sic initio statim celebris illius epistolæ Cicero- nis ad Q. fratrem: multi nuntii, fama denique ipsa: id est, fama etiam ipsa. Pariter in hoc Livii loco non denique regni erit, non ipse quoque regni.

¹⁸ Fustuarium] Militaris pœna est, quæ sic a Polyb. describitur l. VI. Accepto fuste tribunus vix leviter attingit damnatum: quo facto, omnes ejusdem legionis milites, quæ fustibus, quæ saxis inibi infra castra sontem, ut plurimum, necant. Sed et si qui evaserint, non tamen salvi propterea sunt: quum neque in patriam iis redire liceat, neque quisquam necessariorum eos ausit tecto recipere. Quamobrem qui semel in hanc calamitatem inciderunt, planissime pereunt.

U. C. 352. *universis exercitibus, palam in concione audiuntur. adeo quid-*
 A. C. 400. *quid tribunus plebi^m loquitur, etsi prodendæ patriæ dissolven-*
dæque reipublicæ est, ¹⁹ adsuestis æqui audire; et, dulcedine
potestatis ejus capti, quælibet sub ea scelera latere sinitis. Re-
liquum est, ut, quæ hic vociferantur, eadem in castris et apud
militēs agant, et exercitus conrumpant, ducibusque parere non
patiantur: quoniam ea demum Romæ libertas est, non senatum,
non magistratus, non leges, non mores majorum, non instituta
patrum, non disciplinam vereri militiæ.

Opera Rom. ad Veios in-
 cendio ab-
 sumta.

VII. Par jam etiam in concionibus erat Appius tribunis
 plebis; quum subito, ²⁰ unde⁹ minime quis crederet, accepta
 calamitas apud Veios et superiorem Appium in caussa, et
 concordiam ordinum majorem ardoremque ad obsidendos
 pertinacius Veios fecit. Nam quum agger promotus ad
 urbem, vineæque tantum non jam injectæ mœnibus es-
 sent, dum opera interdiu fiunt intentius, quam nocte custo-
 diuntur, patefacta repente porta, ingens multitudo, fascibus
 maxime armata, ignes conjecit: horæque momento simul
 aggerem ac vineas, tam longi temporis opus, incendium
 hausit: multique ibi mortales nequidquam opem ferentes,
 ferro ignique absumti sunt. Quod ubi Romam est nuncia-
 tum, mœstitiam omnibus, senatui curam metumque injecit,
 ne tum vero sustineri nec in urbe seditio, nec in castris
 posset, et tribuni plebis velut ab se victæ reipublicæ insul-
 tarent: quum repente, ²¹ quibus census equester erat, equi
 publici non erant adsignati, consilio prius inter sese habi-
 to, senatum adeunt; factaque dicendi potestate, equis se
 suis stipendia facturos promittunt. Quibus quum am-
 plissimis verbis gratiæ ab senatu actæ essent, famaue ea
 forum atque urbem pervasisset, subito ad curiam concursus
 fit plebis. ²² *Pedestris ordinis se, aiunt, nunc esse, operam-*
que reipublicæ extra ordinem polliceri, seu Veios, seu quo
alio ducere velint. si Veios ducti sint, negant, se inde prius,

Equites
 equis suis
 merentes.

Plebs pe-
 destrem mi-
 litiam extra
 ordinem
 profitetur.

^m plebei Crev.

19 *Assuestis æqui audire*] Hanc lec-
 tionem firmavit Rhenanus, quum in
 vetere exemplari reperiret *assuestis*
qui: quod et exstare in quibusdam e
 suis vett. libris Sigonius testis est, et
 in nostris plerisque reperimus. Ante
 Rhenanum *assuescitis audire*.

20 *Unde minime quis crederet*] Le-
 ge, quod minime quis crederet. In-
 fra, XXII. 24. *Ipsæ autem, quod mi-*
nime quis crederet, quum hostis pro-
pius esset . . .

21 * *Quibus census equester erat,*
equi publici non erant assignati] Qui
 eum habebant censum, ea bona, ut
 in equestrem ordinem referri pos-

sent; sed quibus nondum equi pub-
 lici assignati erant a censoribus, nec
 proinde equestris gradus attributus.
 Non enim alii Equites Romani erant,
 quam quibus equus a censoribus as-
 signatus esset: atque is equus dice-
 batur *publicus*, quia et a magistrati-
 bus populi Romani dabatur, et de
 publico emebatur, et alebatur, ut
 memoravit Livius supra I. 48.

22 *Pedestris ordinis*] Locus parum
 fortasse sanus; quem hoc modo
 emendari posse censet Cuperus: *Pe-*
destris ordinis aiunt nunc esse operam
reip. polliceri. Nisi forte quis malit:
Pedestris ordinis vices aiunt nunc esse.

quam capta urbe hostium, redituros esse. Tum vero jam U. C. 352. superfundenti se lætitiæ vix temperatum est. non enim, sicut A. C. 400. equites, dato magistratibus negotio, laudari jussi; neque aut in curiam vocati, quibus responsum daretur, aut limine curiæ continebatur senatus: sed pro se quisque ex superiore loco ad multitudinem, in comitio stantem, voce manibusque significare publicam lætitiā. Beatam urbem Romanam, et invictam, et æternam illa concordia dicere: laudare equites, laudare plebem, diem ipsum laudibus ferre: victam esse fateri comitatem benignitatemque senatus. Certatim Patribus plebique manare gaudio lacrimæ; donec, revocatis in curiam Patribus, senatusconsultum factum est, *Ut tribuni militares, concione advocatâ, peditibus equitibusque gratias agerent: memorem pietatis eorum erga patriam dicerent senatum fore. placere autem, omnibus his voluntariam extra ordinem professis militiam*²³ *æra procedere.* et equi certus numerus æris est adsignatus. Tum primum²⁴ equis merere equites cœperunt. Voluntarius ductus exercitus Stipendium Veios non amissa modo restituit opera, sed nova etiam in- equi ad- stituit. ab urbe commeatus intentiore, quam antea, subvehi signatum. cura; ne quid tam bene merito exercitui ad usum deesset.

VIII. Insequens annus tribunos militum consulari potes- U. C. 353. tate habuit C. Servilium Ahalam tertium, Q. Servilium, L. A. C. 399. Virginium, Q. Sulpicium, A. Manlium iterum, M'. Sergium C. Servilio III. &c. Tr. iterum. his tribunis, dum cura omnium in Veiens bellum in- Mil. tenta est, neglectum Anxuri præsidium vacationibus militum, et Volscos mercatores vulgo receptando,²⁵ proditis repente portarum custodibus, obpressum est. minus militum periit, quia præter ægros lixarum in modum omnes per agros vicinasque urbes negotiabantur. Nec Veis melius gesta res, quod tum caput omnium curarum publicarum erat. nam et duces Romani plus inter se irarum, quam adversus hostes animi, habuerunt: et auctum est bellum adventu repentino Capenatium atque Faliscorum. Hi duo Etruriæ populi, quia proximi regione erant, devictis Veis, bello quoque Romano se proximos fore credentes; Falisci propria etiam caussa infesti, quod Fidenati bello se jam antea inmiscuerant, per legatos ultro citroque missos jurejurando inter se obligati, cum exercitibus necopinato ad

²³ *Æra procedere*] Annos militiæ numerari perinde ac si a tribunis militum lecti essent. Eodem sensu l. XXV. c. 5. dixit Livius *stipendia procedere*.

²⁴ *Equis merere*] Videtur hic interjiciendum *suis*, quemadmodum et in epitome hujus libri, et supra hoc ipso capite legitur. Quinque e nos-

tris codd. habent *equos*: unde suspicari possis, *equo suo*. Huc usque non alii equites fuerant in exercitibus Romanis, quam quibus equi publici assignati essent.

²⁵ *Proditis repente portarum custodibus obpressum est*] Junge sibi invicem *repente obpressum est*.



U. C. 353. A. C. 399. Veios accessere. Forte ea regione, qua M'. Sergius tribunus militum præerat, castra adorti sunt, ingentemque terrorem intulere; quia Etruriam omnem excitam sedibus magna mole adesse Romani crediderant. eadem opinio Veientes in urbe concitavit. Ita ancipiti proelio castra Romana^a obpugnabantur; concursantesque, quum huc atque illuc signa transferrent, nec Veientem satis cohibere intra munitiones, nec suis munimentis arcere vim, ac tueri se ab exteriori poterant hoste. una spes erat, si ex majoribus castris subveniretur, ut diversæ legiones, aliæ adversus Capenatem ac Faliscum, aliæ contra eruptionem oppidanorum pugnarent. Sed castris præerat Virginus, privatim Sergio invisus infestusque. is, quum pleraque castella obpugnata, superatas munitiones, utrimque invehi hostem nunciaretur, in armis milites tenuit: si opus foret auxilio, collegam dictitans ad se missurum. Hujus adrogantiam pertinacia alterius æquabat; qui, ne quam opem ab inimico videretur petisse, vinci ab hoste, quam vincere per civem, maluit. Diu in medio cæsi milites; postremo, desertis munitionibus, perpauci in majora castra, pars maxima atque ipse Sergius Romam pertenderunt. ubi quum omnem culpam in collegam inclinaret, adciri Virginium ex castris, interea præesse legatos placuit. Acta deinde in senatu res est, certatumque inter collegas maledictis. ²⁶pauci reipublicæ, huic atque illi, ut quosque studium privatim aut gratia occupaverunt, adsunt.

Tr. Mil. ante tempus se abdicare coguntur.

IX. Primores Patrum, sive culpa sive infelicitate imperatorum tam ignominiosa clades accepta esset, censuere, *Non expectandum justum tempus comitiorum, sed extemplo novos tribunos militum creandos esse, qui Kalendis Octobribus^o magistratum occiperent.* In quam sententiam quum ²⁷pedibus iretur, ceteri tribuni militum nihil contradicere. at enimvero Sergius Virginusque, propter quos poenitere magistratum ejus anni senatum adparebat, primo deprecari ignominiam, deinde intercedere senatusconsulto: negare, se ante Idus Decembres, sollemnem ineundis magistratibus diem, honore abituros esse. Inter hæc tribuni plebis, quum in concordia hominum secundisque rebus civitatis inviti silentium tenuissent, feroces repente minari tribunis militum, nisi in auctoritate senatus essent, se in vincula eos duci

^a Romana del. Gron. Crev.

^o Octobris Crev.

²⁶ *Pauci reipublicæ*] Pauci, quid publica utilitas postulet, intuentur: plerique huic atque illi favent, prout quemque propensus in hunc vel illum privatim amor aut gratia præoccupaverunt.

²⁷ *Pedibus iretur*] Is senator pedibus ibat in aliquam sententiam, qui non voce aut oratione quid sentiret exponeret, sed solo pedum motu, transeundo scilicet in hanc illamve partem. Vid. not. 81. ad III. 41.

jussuros esse. Tum C. Servilius Ahala tribunus militum: U. C. 353.
Quod ad vos adinet, tribuni plebis, minasque vestras, nã ego A. C. 399.
libenter experirer, quam non plus²⁸ in his juris, quam in vobis
animi, esset. Sed nefas est tendere adversus auctoritatem sena-
tus. proinde et vos desinite inter nostra certamina locum injuriæ
querere: et collegæ aut facient, quod censet senatus, aut, si
pertinacius tendent, dictatorem extemplo dicam, qui eos abire
magistratu cogat. Quum omnium adsensu comprobata ora-
 tio esset, gauderentque Patres, sine tribuniciæ potestatis
 terriculis inventam esse aliam vim majorem ad coërcendos
 magistratus; victi consensu omnium comitia tribunorum
 militum habuere, qui Kalendis Octobribus^p magistratum
 occiperent: seque ante eam^q diem magistratu abdicavere.

X. L. Valerio Potito quartum,²⁹ M. Furio Camillo ite- U. C. 354.
 rum^r, M. Æmilio Mamercino tertium, Cn. Cornelio Cosso A. C. 398.
 iterum, K. Fabio Ambusto, L. Julio Julo, tribunis militum L. Valerio
 consulari potestate, multa domi militiæque gesta. nam et bel- IV. &c. Tr.
 lum multiplex fuit eodem tempore,³⁰ ad^s Veios, et ad Ca- Mil.
 penam, et ad Falerios, et in Volscis, ut Anxur ab hostibus
 recuperaretur: et Romæ simul delectu, simul tributo 'con-
 ferendo, laboratum est: et de tribunis plebei^t cooptandis
 contentio fuit: et haud parvum motum duo judicia eorum,
 qui paullo ante³¹ consulari potestate fuerant, excivere. Om-
 nium primum tribunis militum fuit, delectum haberi; nec
 juniores modo conscripti, sed seniores etiam coacti nomina
 dare, ut urbis custodiam agerent. Quantum autem auge-
 batur militum numerus, tanto majore pecunia in stipen-
 dium opus erat: eaque tributo conferebatur, invitis confe-
 rentibus, qui domi remanebant, quia tuentibus urbem opera
 quoque militari laborandum, serviendumque reipublicæ erat.
 Hæc per se gravia, indigniora ut viderentur, tribuni plebis
 seditiosis concionibus faciebant; ideo æra militibus consti-
 tuta esse arguendo, ut plebis partem militia, partem tributo
 conficerent. Unum bellum³² annum jam tertium trahi, et con-

Tributum
ægre con-
latum.

^p Octobris Crev.
^s et ad Gron.

^q eam ante Gron. Crev.
^t plebi Eæd.

^r iterum del. Gron.

²⁸ In his] In minis vestris.

²⁹ M. Furio Camillo iterum] Vo-
 cem iterum reposuimus, quam Sigo-
 nius perperam expunxerat. Quam-
 vis enim non ex rei veritate, at certe
 ex Livii sententia, Camillus tribuna-
 tum militum gessit cum septem col-
 legis anno ante hunc tertio. Vid.
 Perizon. Anim. Hist. c. 2.

³⁰ Ad Veios] Male huc quædam
 editiones intruserant et ante et ad;
 invitis MSS. plerisque et vet. edi-
 tis.

³¹ Consulari potestate] Ante hæc

verba vel adde, vel supple tribuni mi-
 litum.

³² Annum jam tertium] Quintum
 jam annum Veiens bellum durabat.
 Verum hic numerandi initium sumi-
 tur ab eo anno, quo hibernacula circa
 Veios ædificari cœpta. Quod quidem
 mirum videri potest, quum tribuni,
 quos loquentes facit Livius, augere
 potius dicendo rem, quam minuere
 debuerint. Non ergo sine causa Gla-
 reanus volebat legi annum jam quin-
 tum.

U. C. 354. *sulto male geri, ut diutius gerant. in quatuor deinde bella uno*
 A. C. 398. *delectu exercitus scriptos, et pueros quoque ac senes extractos.*
Jam non æstatis nec hiemis discrimen esse, ne ulla quies um-
quam miseræ plebi sit: quæ nunc etiam vectigalis ad ultimum
facta sit; ut, quum confecta labore, vulneribus, postremo ætate
corpora retulerint, incultaque omnia diutino dominorum desi-
derio domi invencrint, tributum ex adfecta re familiari pen-
dant; æraque militaria, velut fœnore accepta, multiplicia rei-
publicæ reddant. Inter delectum tributumque, et occupatos
 animos majorum rerum curis, comitiis tribunorum plebis
 numerus expleri nequit^u. Pugnatum inde, in loca vacua
 ut patricii cooptarentur. postquam obtineri non poterat,
 tamen labefactandæ³³ legis Treboniæ caussa effectum est,
 ut cooptarentur tribuni plebis C. Lacerius et M. Acutius,
 haud dubie patriciorum opibus.

Duo Tr.
 Mil. anni
 superioris
 accusati.

XI. Fors ita tulit, ut eo anno tribunus plebis Cn.^z Tre-
 bonius esset, qui nomini ac familiæ debitum præstare vide-
 retur Treboniæ legis patrociniū. is, quod petissent Patres
 quidam, primo incepto repulsi, tamen tribunos militum ex-
 pugnassee, vociferans, legem Treboniam sublatam, et coopta-
 tos tribunos plebis non suffragiis populi, sed imperio patri-
 ciorum; et eo revolvit^y rem, ut aut patricii, aut patriciorum
 adseclæ habendi tribuni plebis sint: eripi sacratas leges, ex-
 torqueri tribuniciam potestatem: id fraude patriciorum,
 scelere ac proditione collegarum factum arguere.³⁴ Quum ar-
 derent invidia, non Patres modo, sed etiam tribuni plebis,
 cooptati pariter, et qui cooptaverant; tum ex collegio tres,
 P. Curiatius^z, M. Metilius, et M. Minucius, trepidi rerum
 suarum, in Sergium Virginiumque, prioris anni tribunos mi-
 litares, incurrunt: in eos ab se iram plebis invidiamque, die
 dicta, avertunt. Quibus delectus, quibus tributum, quibus
 diutina militia longinquitasque belli sit gravis, qui clade ac-
 cepta ad Veios doleant, qui amissis liberis, fratribus, propin-
 quis, adfinibus, lugubres domos habeant; iis publici privati-
 que doloris exsequendi jus potestatemque ex duobus noxiis
 capitibus datam ab se, memorant. Omnium namque malo-
 rum in Sergio Virginioque causas esse: nec id accusatorem
 magis arguere, quam fateri reos: qui, noxii ambo, alter in
 alterum causam conferant, fugam Sergii Virginii, Sergius
 proditionem increpans Virginii. Quorum adeo incredibilem
 amentiam fuisse, ut multo verisimilius sit, compacto eam rem

^u nequivit Gron. Crev.

^z C. Eæd.

^y devolvi Eæd.

^z Curiatius Eæd.

³³ *Legis Treboniæ*] Vid. l. III. c. 65. Proba Pighii emendatio, quum legeretur *legis tribunitiæ*.

³⁴ *Quum arderent invidia*] Quum invisi et infames apud populum es-

sent. *Invidia* plerumque sumitur pas- sivo, ut loquuntur Grammatici, sensu, non pro odio quod gerimus, sed pro eo quod in nos quis habet.

et communi fraude patriciorum actam. ³⁵ Ab his et prius U. C. 354. datum locum Veientibus ad incendenda opera, belli trahendi A. C. 398. causa; et nunc proditum exercitum, tradita Faliscis Romana castra. Omnia fieri, ut consenescat ad Veios juvenus: nec de agris, nec de aliis commodis plebis ferre ad populum tribuni, ³⁶ frequentiaque urbana celebrare actiones, et resistere conspirationi patriciorum possint. ³⁷ Præjudicium jam de reis et ab senatu, et ab^a populo Romano, et ab ipsorum collegis factum esse. nam et senatusconsulto eos ³⁸ ab republica remotos esse, et recusantes abdicare se magistratu, dictatoris metu ab collegis coërcitos esse: et populum Romanum tribunos creasse, qui non Idibus Decembribus die sollemni, sed extemplo Kalendis Octobribus magistratum occiperent, quia stare diutius respublica, his manentibus in magistratu, non posset. Et tamen eos, tot judiciis confossos prædamnatosque, venire ad populi judicium; et existimare, defunctos se esse, satisque pœnarum dedisse, quod duobus mensibus citius privati facti sint: neque intelligere, nocendi sibi diutius tum potestatem ereptam esse, non pœnam inrogatam; quippe et collegis abrogatum imperium, qui certe nihil deliquissent. Illos repeterent animos Quirites, quos recenti clade accepta habuissent, quum fuga trepidum, ³⁹ plenum vulnorum ac pavore incidentem portis exercitum viderint, non fortunam aut quemquam Deorum, sed hos duces accusantem. Pro certo se habere, neminem in concione stare, qui illo die non caput, domum, fortunasque L. Virginii ac M. Sergii sit execratus detestatusque. Minime convenire, quibus iratos quisque Deos precatus sit, in iis sua potestate, quum liceat et oporteat, non uti. Numquam Deos ipsos admoveere nocentibus manus. satis esse, si occasione ulciscendi læsos arment.

XII. His orationibus incitata plebs ⁴⁰ denis millibus æris Damnati. gravis reos condemnat, nequidquam Sergio Martem communem belli fortunamque accusante, Virginio deprecante, ne infeliciores domi, quam militiæ, esset. ⁴¹ In hos versa ira populi, cooptationis tribunorum, fraudisque contra legem

^a a Gron. Crev.

³⁵ Ab his] Patriciis. Nondum enim tribuni militum erant Sergius et Virginius, quum opera a Veientibus incensa sunt.

³⁶ Frequentia . . . urbana celebrare actiones] Frequentia urbanæ multitudinis robur et dignitatem conciliare actionibus tribunitiis.

³⁷ Præjudicium jam de reis . . . factum esse] Jam præjudicatam esse reorum causam, et illos, antequam a tribunis dies eis diceretur, damnatos jam esse ab senatu &c.

³⁸ Ab republica remotos] Ab administratione reipublicæ remotos, quum jussi fuerint abdicare se magistratu.

³⁹ Plenum vulnorum ac pavore] Magis placeret, pavoris.

⁴⁰ Denis millibus æris gravis] Id est, argenti marci Parisiens. 15. cum unciiis 5.

⁴¹ In hos versa ira populi] Prius irascebatur populus tribunis suis. At tum ira in Sergium Virginiumque versa delevit ex animis memoriam cooptationis tribunorum.

U. C. 354. Treboniam factæ, memoriam obscuram fecit. Victores
 A. C. 398. tribuni, ut præsentem mercedem judicii plebes haberet,
 legem agrariam promulgant, tributumque conferri prohi-
 bent: quum tot exercitibus stipendio opus esset, ⁴² resque
 militiæ ita prospere gererentur, ut nullo bello veniretur ad
 exitum spei. namque Veii castra, quæ amissa erant, recu-
 perata castellis præsidiisque firmantur. Præerant tribuni
 Bellum multiplex. militum M'. Æmilius et K. Fabius. M.^b Furio in Faliscis,
 et Cn. Cornelio in Capenate agro hostes nulli extra moenia
 inventi: prædæ actæ, incendiisque villarum ac frugum
 vastati fines: oppida^c obpugnata, nec obsessa sunt. At in
 Volscis, depopulato agro, Anxur nequidquam obpugnatum,
 loco alto situm; et, postquam vis irrita erat, vallo fossaque
 obsideri cœptum. Valerio Potito Volsci provincia evene-
 rat. Hoc statu militarium rerum, seditio intestina majore
 mole coorta, quam bella tractabantur. et, quum tributum
 conferri per tribunos non posset, nec stipendium imperato-
 ribus mitteretur, æraque militaria flagitaret miles, haud
 procul erat, quin castra quoque urbanæ seditionis contagio-
 ne turbarentur. Inter has iras plebis in Patres, quum
 tribuni plebis nunc illud tempus esse dicerent stabiliendæ
 libertatis, et ab Sergiis Virginiisque ad plebeios viros fortes
 ac strenuos transferendi summi honoris; non tamen ultra
 processum est, quam ut ⁴³ unus ex plebe, ⁴⁴ usurpandi juris
 Tr. Mil. plebeius. causa, P. Licinius Calvus tribunus militum consulari pōtes-
 U. C. 355. tate crearetur: ceteri patricii creati P. Mænius, L. Titi-
 A. C. 397. nius, P. Mælius, L. Furius Medullinus, L. Publilius Vols-
 P. Licinio cus. Ipsa plebes mirabatur, se tantam rem obtinuisse;
 Calvo, &c. non is modo, qui creatus erat, vir nullis ante honoribus
 Tr. Mil. usus, ⁴⁵ vetus tantum senator, et ætate jam gravis. Nec
 satis constat, cur primus ac potissimus ad novum deliban-
 dum honorem sit habitus. Alii Cn. Cornelii fratris, qui

^b A M. Gron. Crev.

^c inser. nec Eæd.

⁴² * *Resque militiæ ita prospere*] Resque militiæ prospere quidem ge-
 rerentur, sed ita tamen ut nullum
 bellum terminaretur sperata victo-
 ria.

⁴³ *Unus ex plebe . . . P. Licinius*] Probat adversus Livium Perizonius
 omnes Licinii collegas, excepto uno,
 plebeios fuisse. Siquidem gentes Mæ-
 nia, Mælia, Titinia, Publilia, plebeie
 erant, ut constat ex eo quod tribunos
 plebis ex his omnibus gentibus Livius
 ipse memoravit. Vid. Periz. Anim.
 Hist. c. 8.

⁴⁴ * *Usurpandi juris causa*] Ut jure
 suo plebs frui inciperet.

⁴⁵ *Vetus tantum senator*] Hoc pri-

mum loco fit mentio apud Livium
 senatoris plebei. Quo autem tem-
 pore aditus in senatorium ordinem
 plebeis patuerit, non satis constat,
 nec certi quidquam hæc de re apud
 antiquos auctores reperitur. Glare-
 nus in nota ad hunc locum affirmat
 Dionysium l. VII. memorasse senato-
 res ex plebe primum factos anno U.
 C. 263. sed non satis attendit ad
 Dionysii verba, quorum hæc mens
 est; ut inter incommoda quæ in pa-
 tricios ex accusatione et damnatione
 Coriolani derivata sunt, hoc quoque
 notetur, aditum in curiam potuisse
 plebeis. At id illo anno factum esse
 non dicit Dionysius.

tribunus militum priore anno fuerat, ⁴⁶ triplexque stipen- U. C. 355.
dium equitibus dederat, gratia extractum ad tantum hono- A. C. 397.
rem credunt. alii orationem ipsam tempestivam de concor-
dia ordinum, Patribus plebique gratam, habuisse. Hac
victoria comitiorum exsultantes tribuni plebis, quod maxime
republicam inpediebat, de tributo remiserunt conlatum
obedienter, missumque ad exercitum est.

XIII. Anxur in Volscis brevi receptum est, neglectis
die festo custodiis urbis. Insignis annus hieme gelida ac
nivosa fuit, adeo ut viæ clausæ, Tiberis innavigabilis fuerit.
annona ex anteconvecta copia nihil mutavit. Et quia
P. Licinius, ut ceperat haud tumultuose magistratum,
majore gaudio plebis, quam indignatione Patrum, ita etiam
gessit; dulcedo invasit proximis comitiis tribunorum mili-
tum plebeios creandi. Unus M. Veturius ex patriciis can- U. C. 356.
didatis locum tenuit: plebeios alios tribunos militum con- A. C. 396.
sulari potestate omnes fere centuriæ dixere, M. Pomponium, M. Veturio,
C. Duilium, Voleronem Publilium, Cn. Genucium, L. Ati- &c. Tr. Mil.
lium. Tristem hiemem, sive ex intemperie coeli, raptim
mutatione in contrarium facta, sive alia qua de causa, gra-
vis pestilensque omnibus animalibus æstas excepit. cujus Pestilentia.
insanabili ⁴⁷ perniciæ quando nec causa nec finis invenie-
batur, libri Sibyllini ex senatusconsulto aditi sunt. Duum- Lectister-
viri sacris faciundis, ⁴⁸ lectisternio tunc primum in urbe nium pri-
Romana facto, per dies octo Apollinem, Latonamque et mum.
Dianam, Herculem, Mercurium atque Neptunum tribus,
quam amplissime tum adparari poterat, stratis lectis plac-
vere. Privatim quoque id sacrum celebratum est. tota
urbe patentibus januis, promiscuoque usu rerum omnium in
propatulo posito, notos ignotosque passim advenas in hos-
pitium ductos ferunt; et cum inimicis quoque benigne ac
comiter sermones habitos, jurgiis ac litibus temperatum;
vinctis quoque demta in eos dies vincula; religioni deinde
fuisse, quibus eam opem Dii tulissent, vinciri. Interim ad
Veios terror multiplex fuit; tribus in unum bellis conlatis. Proelium
namque eodem, quo antea, modo circa munimenta, quum ad Velos.
repente Capenates Faliscique subsidio venissent, adversus

⁴⁶ *Triplex . . . stipendium*] Triplum
ejus quod pediti dabatur: ut conjicere
ex eo possumus, quod Polyb. l. VI.
hanc servari ævo suo stipendii eque-
stris ad pedestre rationem scribit.

⁴⁷ *Perniciæ*] Hæc vox accipienda
videtur in dandi casu, antique. Pot-
est tamen intelligi in auferendi casu:
cujus quum insanabilis perniciæ es-
set. Sic l. VI. c. 6. absolute ponitur,
tanto de se consensu civitatis. De

ablativi nudi usu vid. Gronov. l. IV.
Observ. c. 17.

⁴⁸ *Lectisternio*] Hic extraordina-
rius fuit supplicandi diis ritus. Ad
epulas dii invitabantur, iisque lecti
sternebantur, in quibus eorum repo-
nebantur simulacra: tum convivium
apponebatur. Val. Max. l. II. c. 1.
observat, Jovis epulo ipsum quidem in
lectulum, Junonem autem et Miner-
vam in sellas ad cœnam invitari.

U. C. 356. A. C. 396. tres exercitus ancipiti praelio pugnatum est. Ante omnia adjuvit memoria damnationis Sergii ac Virginii. itaque ⁴⁹ majoribus castris, unde antea cessatum fuerat, brevi spatio circumductae copiae Capenates, in vallum Romanum versos, ab tergo adgrediuntur. Inde pugna coepta et Faliscis intulit terrorem, trepidantesque eruptio ex castris opportune facta avertit. repulsos deinde insecuti victores ingentem ediderunt caedem. Nec ita multo post jam palantes, ⁵⁰ veluti forte oblatis, populatores Capenatis agri reliquias pugnae absumere: et Veientium refugientes in urbem multi ante portas caesi, dum praeter metu, ne simul Romanus intrumperet, objectis foribus extremos suorum excludere.

Vincunt
Romani.

XIV. Haec eo anno acta. Et jam comitia tribunorum militum aderant, quorum prope major Patribus, quam belli, cura erat; quippe non communicatum modo cum plebe, sed prope amissum, cernentibus summum imperium. Itaque clarissimis viris ex composito praeparatis ad petendum, quos praetereundi verecundiam crederent fore, nihilominus ipsi, perinde ac si omnes candidati essent, cuncta experientes, non homines modo, sed Deos etiam, ⁵¹ excipiebant; in religionem vertentes comitia biennio habita: priore anno intolerandam hiemem prodigiisque divinis similem coortam: proximo non prodigia, sed jam eventus, pestilentiam agris urbiue inlatam haud dubia ira Deum: quos pestis ejus arcendae causa placandos esse, in libris fatalibus inventum sit. Comitibus, auspicato quae fierent, indignum Diis visum honores vulgari, ⁵² discriminaque gentium confundi. Praeterquam majestate petentium, religione etiam adtoniti homines patricios omnes, partem magnam honoratissimum quemque, tribunos militum consulari potestate creavere, L. Valerium Potitum quintum, M. Valerium Maximum, M. Furium Camillum tertium¹, L. Furium Medullinum tertium, Q. Servilium Fidenatem iterum, Q. Sulpicium Camerinum iterum. His tribunis ad Veios nihil admodum memorabile actum est. tota vis in populationibus fuit. Duo summi imperatores, Potitus a Falernis, Camillus a Capena, praedas ingentes

U. C. 357.
A. C. 395.
L. Valerio
V. &c. Tr.
Mil.

¹ iterum Gron.

⁴⁹ Majoribus castris] E majoribus castris: et forsitan excidit praepositio.

⁵⁰ Veluti forte oblatis, populatores] Suspectum est nobis *et veluti*, cujus vocis nullus hic sensus est. Forsitan scriptum fuerat *Uti*: quod librarii interpretati fuerint *veluti*, quum legere debuissent *quingenti*. *Populatores* autem de quibus hic agitur, sunt Romani. Sensus ergo est: Quingenti Romani, qui ad pabulandum in agrum

Capenatem excesserant, palantes jam Faliscos Capenatesque, reliquias pugnae, forte oblatis, delevere.

⁵¹ Excipiebant] Clarum est ex ipsa re sensum hujus verbi hic esse, ad partes trahebant, in suae causae defensionem adducebant: et sic exposuit Dujatius. Sed hujus acceptionis verbi accipere exempla desideramus.

⁵² Discrimina . . . gentium] Vid. not. 2. ad IV. l.

egere, nulla incolumi relictæ re, cui ferro aut igni noceri U. C. 357.
posset. A. C. 395.

XV. Prodigia interim multa nunciari; quorum pleraque, **Prodigia.**
et quia singuli auctores erant, parum credita spreteque, et
quia, hostibus Etruscis, per quos ea procurarent, aruspices
non erant. in unum omnium curæ versæ sunt, quod lacus in
Albano nemore sine ullis coelestibus aquis, caussave qua **Albanus la-**
alia, quæ rem miraculo eximeret, in altitudinem insolitam **cus in alti-**
crevit. Quidnam eo Dii portenderent prodigio, missi scis- **tudinem in-**
citatum oratores ad Delphicum oraculum: sed propior ⁵³ in- **solitam**
terpres fati oblati senior quidam Veiens, qui, inter cavil- **crecit.**
lantes in stationibus ac custodiis milites Romanos Etrus- **Aruspex**
cosque, vaticinantis in modum ⁵⁴ cecinit, *Priusquam ex lacu* **Etruscus.**
Albano aqua emissa foret, numquam potiturum Veis Roma-
num. Quod primo, velut temere jactum, sperni, agitari de-
inde sermonibus coeptum est; donec unus ex statione Romana
percunctatus proximum oppidanorum, (jam per longinquitatem
belli commercio sermonum facto) quisnam is esset, ⁵⁵ qui
per ambages de lacu Albano jaceret? postquam audivit aru-
spicem esse, vir haud intacti religione animi, caussatus de
privati portenti procuratione, si operæ illi esset, consulere
velle, ad colloquium vatem elicuit. Quumque progressi
ambo a suis longius essent inermes, sine ullo metu; præva-
lens juvenis Romanus senem infirmum, in conspectu om-
nium raptum, nequidquam tumultuantibus Etruscis, ad suos
transtulit. qui quum perductus ad imperatorem, inde Romam
ad senatum missus esset, sciscitantibus, quidnam id esset,
quod de lacu Albano docuisset, respondit: *Profecto tratos* **Ejus re-**
Deos Veienti populo illo fuisse die, quo sibi eam mentem obje- **sponsum de**
cissent, ut excidium patriæ ⁵⁶ fatale proderet. Itaque, quæ **lacu Alba-**
tum cecinerit divino spiritu instinctus, ea se nec, ut indicta sint, **no.**
revocare posse; et tacendo forsitan, quæ Dii immortales vulgari
velint, haud minus, quam celanda effando, nefas contrahi. Sic
igitur libris fatalibus, sic disciplina Etrusca traditum esse, ⁵⁷ ut
quando aqua Albana abundasset, tum, si eam Romanus rite
emisisset, victoriam de Veientibus dari. antequam id fiat, Deos
mœnia Veientium deserturos non esse. Exsequebatur inde,
⁵⁸ *quæ sollemnis derivatio esset. Sed auctorem levem, nec*

⁵³ *Interpres fati*] Qui interpreta-
retur et edoceret deum voluntatem.

⁵⁴ *Cecinit*] Verbum proprium de
vaticinantibus.

⁵⁵ *Qui per ambages*] Qui obscura
quædam et ambagibus involuta dicta
jaceret. Hoc autem obscurum for-
tassee videbatur militi Romano, quod
Etruscus senex non explicarat quo-
nam modo emittenda aqua ex lacu
foret.

⁵⁶ *Fatale*] *Fatale* est quidquid per-
tinet ad fata. Itaque hic *excidium*
fatale est excidium fati decretum.
Paulo infra *libri fatales* sunt libri qui-
bus fata continentur.

⁵⁷ *Ut quando*] Delenda est parti-
cula *ut*, quæ vitiosam orationis struc-
turam facit.

⁵⁸ *Quæ sollemnis derivatio esset*] *Quæ*
legitima et diis accepta derivatio
esset; quonam modo, dii juberent

satis fidum super tanta re Patres rati, decrevere, legatos sortesque oraculi ⁵⁹ Pythici exspectandas.

U. C. 358.

A. C. 394.

L. Julio Ju-
lo II. &c.
Tr. Mil.

Tarquini-
enses novi
hostes ex-
orti.

Apollinis
Delphici re-
sponsum de
lacu Alba-
no.

XVI. Priusquam a Delphis oratores redirent, Albanive prodigii piacula invenirentur, novi tribuni militum consulari potestate, L. Julius Julus, L. Furius Medullinus quartum, L. Sergius Fidenas, A. Postumius Regillensis, P. Cornelius Maluginensis, A. Manlius, magistratum inierunt. Eo anno Tarquinienses novi hostes exorti. quia simul multis^a bellis, Volscorum ad Anxur, ubi præsidium obsidebatur, Æquorum ad Lavicos, qui Romanam ibi coloniam obpugnabant, ad hoc Veienti quoque et Falisco et Capenati bello occupatos videbant Romanos, nec intra muros quietiora negotia esse certaminibus Patrum ac plebis; inter hæc locum injuriæ rati esse, prædatum in agrum Romanum cohortes expeditas mittunt. aut enim passuros inultam eam injuriam Romanos, nec novo bello se onerarent: aut exiguo, eoque parum valido, exercitu persecuturos. Romanis indignitas major, quam cura, populationis Tarquiniensium fuit. eo nec magno conatu suscepta, nec in longum dilata res est. A. Postumius et L. Julius non justo delectu, (etenim ab tribunis plebis impediabantur) sed prope voluntariorum, quos adhortando incitaverant, coacta manu, per agrum Cæretem obliquis tramitibus egressi, redeuntes a populationibus gravesque præda Tarquinienses obpressere. multos mortales obtruncant, omnes exuunt impedimentis; et, receptis agrorum suorum spoliis, Romam revertuntur. Bidduum ad recognoscendas res datum dominis: tertio incognita (erant autem ea pleraque hostium ipsorum) ⁶⁰sub hasta venire; quodque inde redactum, militibus est divisum. Cetera bella, maximeque Veiens, incerti exitus erant. Jamque Romani, desperata ope humana, fata et Deos spectabant, quum legati ab Delphis venerunt, sortem oraculi adferentes, congruentem responso captivi vatis. *Romane, ⁶¹aquam Albanam cave lacu contineri, cave in mare manare suo flumine sinas. emissam per agros rigabis, dissipatamque rivis exstingues. Tum tu insiste audax hostium muris; memor, quam per tot annos obsides urbem, ex ea tibi his, quæ nunc panduntur, fatis victoriam datam. Bello perfecto, donum amplum victor ad mea templa portato: sacraque patria, quorum omissa cura est, instaurata, ut adsolet, facito.*

^a multis simul Gron. Crev.

aquam ex lacu derivari. Vid. cap. seq. responsum oraculi Delphici.

⁵⁹ Pythici] De hoc Apollinis cognomine, et de voce *sortes*, vid. nott. 29. et 24. ad c. 56. l. I.

⁶⁰ Sub hasta] Hasta posita: quod

in auctionibus apud Romanos fieri solebat. Unde sæpe hasta pro auctione ipsa sumitur.

⁶¹ Aquam . . . rigabis] Sic Virg. IV. Georg. v. 115. *et amicos irriget imbres.*

XVII. Ingens inde haberi captivus vates coëptus, eum- U. C. 358.
 que adhibere tribuni militum Cornelius Postumiusque ad A. C. 394.
 prodigii Albani procurationem ac Deos rite placandos
 coëpere. Inventumque tandem est, ubi neglectas ceremo-
 nias intermissumve sollemne Dii arguerent; nihil profecto
 aliud esse, quam magistratus, vitio creatos, ⁶² Latinas sa-
 crumque in Albano monte non rite ⁶³ concepisse. Unam
 expiationem eorum esse, ut tribuni militum abdicarent se
 magistratu, auspicia de integro repeterentur, et interreg-
 num iniretur. Ea ita facta sunt ex senatusconsulto. In-
 terreges tres deinceps fuere, L. Valerius, Q. Servilius Fide-
 nas, M. Furius Camillus. Numquam desitum interim tur-
 bari, comitia interpellantibus tribunis plebis, donec conve-
 nisset prius, *ut major pars tribunorum militum ex plebe crea-*
retur. Quæ dum aguntur, concilia Etruriæ ad fanum Vol-
 tumnæ habita, postulantibusque Capenatibus ac Faliscis, ut
 Veios communi animo consilioque omnes Etruriæ populi
 ex obsidione eriperent, responsum est: *antea se id Veienti-*
bus negasse, quia, unde consilium non petissent super tanta re,
auxilium petere non deberent. nunc jam ⁶⁴ *pro se fortunam suam*
illis negare; ⁶⁵ *maxime in ea parte Etruriæ.* ⁶⁶ *Gentem in-*
visitatam ^x, *novos adcolas Gallos esse, cum quibus nec pax satis*
fida, nec bellum pro certo sit: sanguini tamen nominique et
præsentibus periculis consanguineorum id dari, ut, si qui ju-
ventutis suæ voluntate ad id bellum eant, non impediant. Eum

^x *invisitatam* Gron. Crev.

⁶² *Latinas*] Ferias. De earum in-
 stitutione ac ritu hæc fere habet Dion.
 l. IV. Tarquinius Superbus post ictum
 cum Latinis fœdus, (de quo noster l.
 I. c. 52.) cui et Hernici, et quidam e
 Volscis adscripti sunt, ut ejus fœderis
 memoria nunquam aboleretur, com-
 mune horum omnium populorum sa-
 crum instituit, quod Jovi Latiari quot-
 annis in monte Albano fieret: con-
 stituit quid quæque civitas in id sa-
 crum præbere, quid ex eo recipere
 deberet; ut agnos aliæ, aliæ caseos,
 &c. afferrent; ex tauro autem, com-
 muni omnium victima, suam quisque
 populus, eamque certam ac designa-
 tam portionem acciperet. Hujus sa-
 cri participes erant septem supra qua-
 draginta populi: Romani præerant.
 Hoc dum celebraretur, ab omni vi ac
 bello cessabatur. Tarquinius unum
 diem iis feriis dicaverat: alterum ad-
 jectum esse post exactos reges; ter-
 tium, post plebem Patribus reconcili-
 atam anno 261. idem Dion. auctor est
 sub finem l. VI. Quartum additum

esse post legem de plebeio consulatu
 latam Plut. scribit in Camillo. Mos
 erat, ut consules non ante in provin-
 cias proficiscerentur, quam has ferias
 indixissent et celebrassent.

⁶³ *Concepisse*] Nota proprietatem
 verbi. Feriæ enim Latinæ *conceptivæ*
 erant: i. e. non statos ac certos habe-
 bant in annō ac mense dies, sed quot-
 annis agebantur iis diebus, in quos
 consules indixissent.

⁶⁴ *Pro se fortunam suam*] Non se,
 sed præsentem rerum suarum statum
 negare Veientibus auxilia.

⁶⁵ *Maxime in ea parte*] Qua in
 parte, non definitur. Fortasse legen-
 dum est *maxima in parte.*

⁶⁶ *Gentem invisitatam*] Antiquissi-
 mus e nostris codd. *invisitatam.* Ce-
 terum non videntur debuisse Galli
 appellari ab Etruscis *gens invisitata*,
 sive *invisitata*, aut *novi accolæ*, quum
 ante ducentos jam annos, ipso teste
 Livio infra c. 34. Galli et in Italiam
 transgressi sint, et cum Tuscis rem
 habuerint.

U. C. 358. magnum advenisse hostium numerum, fama Romæ erat.
A. C. 394. eoque mitescere discordiæ intestinæ metu communi, ut fit, coeptæ.

P. Licinio
obfertur tri-
bunatus
Mil.

XVIII. Haud invitis Patribus P. Licinium Calvum prærogativa tribunum militum non petentem creant, moderationis expertæ in priore magistratu virum, ceterum jam tum exactæ ætatis: ⁶⁸ omnesque deinceps ex collegio ejusdem anni refici adparebat, L. Titinium, P. Mænium, P. Mælium, Cn. Genucium, L. Atilium: qui ⁶⁹ priusquam renunciarentur, ⁷⁰ jure vocatis tribubus permissu interregis P. Licinius Calvus ita verba fecit: *Omen concordiæ, Quirites, ⁷¹ rei maxime in hoc tempus utili, memoria nostri magistratus vos his comitiis petere in insequentem annum video. Si collegas eosdem refici-*

⁶⁷ *Prærogativa . . . creant*] Legendum videtur *creat*: et ita habet codex e biblioth. Victor. *Prærogativa centuria* est centuria sorte educta, quæ prima rogaretur suffragium. Hinc patet jam tum immutatum esse ordinem suffragiorum ab Servio institutum, de quo supra I. 43. sed quonam tempore hæc mutatio facta fuerit, Livius non docet. Aliquando *prærogativæ* quoque *tribus* mentio fit in comitiis etiam centuriatis. *Prærogativa* igitur *tribus* est ea ex qua educebatur centuria prærogativa. Postquam enim centuriæ, quæ primo nihil ad tribuum distributionem pertinuerant, in iis sunt inclusæ, (qua de re vid. not. 32. ad I. 43.) duplicem in comitiis centuriatis sortitionem factam fuisse volunt, primam inter tribus, quarum quæ prima sorte exiret, prærogativa tribus diceretur; alteram inter centurias prærogativæ tribus, earumque quæ prima educebatur, prærogativa centuria vocabatur, ac prima suffragium forebat. Post eam deinde primæ classis centuriæ, tum secundæ, suo quæque ordine ad suffragium ferendum vocabantur, ut patet ex Phil. II^a. n. 82.

⁶⁸ *Omnes . . . ex collegio ejusdem anni*] Ex iis quorum nomina sequuntur, tres quidem, qui appellantur primi, collegæ fuerunt P. Licinii Calvi. At duo postremi non eodem quo Licinius anno, sed sequente tribunatum gesserunt. Vid. supra 12. et 13.

⁶⁹ *Priusquam renunciarentur jure vocatis tribubus*] Priusquam præco renunciaret ad jure vocatas tribus nomina eorum, qui prærogativæ suffragiis ad tribunatum vocabantur.

Moris enim erat ut, post suffragium ab unaquaque tribu vel centuria latum, præco sententiam ejus clara voce renunciaret.

⁷⁰ *Jure vocatis tribubus*] Tribus, centuriæ omnes in comitiis præter prærogativam tribum, centuriam, *jurevocatæ* dicebantur, quod in his sequente populo prærogativarum voluntatem, jure omnia complerentur, ut quidem vult Asconius Ped. in II. contra Verrem; at probabilius fortasse, quod illæ jam jure, hoc est, legitimo inter se ordine, non sorte prælatæ postpositæve, ad suffragium ferendum vocarentur. *Tribus* ergo *jurevocatæ* in comitiis centuriatis, qualia sunt hæc, de quibus hoc loco Livius agit, intelligendæ sunt eæ tribus, ex quibus centuriæ non sorte, sed suo quæque ordine, ut quæque maximi erat census, ad suffragium ferendum citabantur. Nisi si forte ob illam tribuum centuriarumque in tota hac re comitiali consortionem, hæc duo vocabula, *centuriæ* et *tribus*, promiscue interdum usurpabantur, quod censet Gronovius, l. IV. Observ. c. 1. Hoc si admittatur, *jurevocatas tribus* simplicius exponere poterimus ipsas *jurevocatas* centurias.

⁷¹ *Rei maxime . . . utili memoria nostri magistratus*] Andreas: *rei maxime . . . utilissime memoria*. Unde videtur legendum, *rei maxime . . . utili e memoria*. Hæc adjecta præpositio multo clariorem sensum efficit. Video, inquit Licinius, vos e memoria nostri magistratus concordissime acti petere in his comitiis concordiæ (rei maxime in hoc tempus utili) omen in insequentem annum, dum eosdem collegas reficitis.

tis, etiam usu meliores factos, me jam non eundem, sed umbram U. C. 358.
nomenque P. Licinii relictum videtis. vires corporis adfertæ, A. C. 394.
sensus oculorum atque aurium hebetes, memoria labat, vigor
animi obtusus. En vobis, inquit, juvenem, filium tenens, ef- Ejus filio,
figiem atque imaginem ejus, quem vos antea tribunum militum petente
ex plebe primum fecistis. Hunc ego, institutum disciplina mea, patre, man-
vicarium pro me Reipublicæ do dicoque. Vosque quæso, Qui- datur.
rites, delatum mihi ultro honorem huic petenti, meisque pro eo
adjectis precibus, mandetis. Datum id petenti patri; filius U. C. 359.
que ejus P. Licinius tribunus militum consulari potestate A. C. 393.
cum iis, quos supra scripsimus, declaratus. Titinius Genu- P. Licinio,
cusque tribuni militum, profecti adversus Faliscos Capena- &c. Tr.
tesque, dum bellum majore animo gerunt, quam consilio, Mil.
præcipitavere in insidias. Genucius, morte honesta teme- Apud Falis-
ritatem luens, ante signa inter primores cecidit. Titinius, cos male
in editum tumulum ex multa trepidatione militibus con- res gesta.
lectis, aciem restituit; nec se tamen æquo loco hosti com-
misit. Plus ignominie erat, quam cladis, acceptum; quæ
prope in eladem ingentem vertit; tantum inde terroris non
Romæ modo, quo multiplex fama pervenerat, sed in castris
quoque fuit ad Veios. Ægre ibi miles retentus a fuga est,
quum pervasisset castra rumor, ducibus exercituque cæso,
victorem Capenatem ac Faliscum Etruriæque omnem ju-
ventutem haud procul inde abesse. His tumultuosiora Ro-
mæ, jam castra ad Veios obpugnari, jam partem hostium
tendere ad urbem agmine infesto, crediderant: concursum-
que in muros est, et matronarum, quas ex domo conciverat
publicus pavor, obsecrationes in templis factæ: precibus-
que ab Diis petitem, ut exitium ab urbis tectis templisque
ac mœnibus Romanis arcerent, Veiosque eum averterent
terrorem, si sacra renovata rite, si procurata prodigia es-
sent.

XIX. ⁷² Jam ludi Latinæque instauratæ erant: jam ex
 lacu Albano aqua emissa in agros, Veiosque fata adpete-
 bant. Igitur, fatalis dux ad excidium illius urbis ⁷³ servan-
 dæque patriæ, M. Furius Camillus dictator dictus magistrum Camillus
 equitum P. Cornelium Scipionem dixit. Omnia repente dictator.
 mutaverat imperator mutatus. alia spes, alius animus homi-
 num, fortuna quoque alia urbis videri. Omnium primum
 in eos, qui a Veiiis in illo pavore fugerant, more militari

7 *Romans manibus* Gron. Crev.

⁷² *Jam ludi Latinæque*] Latinæ
 feriae, et ludi qui eas comitari sole-
 bant, quique proinde, quum instaura-
 rentur Latinæ, quas supra c. 17. non
 rite conceptas esse scripsit Livius, et
 ipsi instaurandi erant. Porro ludos

in Latinis feriis fieri solitos esse auc-
 tor est Dion. sub finem l. VI.

⁷³ *Servandæque patriæ*] Et ad ser-
 vandam patriam. * Alludit ad erep-
 tam Gallis a Camillo Romam.

U. C. 369.
A. C. 393.

Cuniculum
in arcem
Veiorum
aglt.

Deliberatio
de præda
Veiorum.

animadvertit, effecitque, ne hostis maxime timendus militi esset. deinde, indicto delectu in diem certam, ipse interim Veios ad confirmandos militum animos intercurrit: inde Romam ad scribendum novum exercitum redit, nullo detrectante militiam. Peregrina etiam juvenus, Latini Her- nique, operam suam pollicentes ad id bellum, venerunt: quibus quum gratias in senatu egisset dictator, satis jam omnibus ad id bellum paratis, ⁷⁴ ludos magnos ex senatusconsulto vovit Veiiis captis se facturum; ædemque ⁷⁵ Matutæ matris refectam dedicaturum, jam ante ab rege Ser. Tullio dedicatam. Profectus cum exercitu ab urbe exspectatione hominum majore, quam spe, in agro primum Nepesino cum Faliscis et Capenatibus signa confert. Omnia ibi summa ratione consilioque acta fortuna etiam, ut fit, secuta est. non prælio tantum fudit hostes, sed castris quoque exiit, ingentique præda est potitus; cujus pars maxima ⁷⁶ ad quæstorem redacta est: haud ita multum militi datum. Inde ad Veios exercitus ductus, densioraque castella facta; et a procursationibus, quæ multæ temere inter murum ac vallum fiebant, edicto, ne quis injussu pugnaret, ad opus milites traducti. Operum fuit omnium longe maximum ac laboriosissimum, cuniculus in arcem hostium agi coeptus. quod ne intermitteretur opus, neu sub terra continuus labor eodem conficeret, in partes sex munitorum numerum divisit: sensæ horæ in orbem operi adtributæ sunt: nocte ac die numquam ante omisum, quam in arcem viam facerent.

XX. Dictator, quum jam in manibus videret victoriam esse, urbem opulentissimam capi, tantumque prædæ fore, quantum non omnibus in unum conlatis ante bellis fuisset; ne quam inde aut militum iram ⁷⁷ ex malignitate prædæ partitæ, aut invidiam apud Patres ex prodiga largitione caperet, literas ad senatum misit: *Deum immortalium benignitate, suis consiliis, patientia militum, Veios jam fore in potestate populi Romani. quod de præda faciendum censerent?* Duæ senatum distinebant sententiæ: ⁷⁸ senis P. Licinii, quem primum dixisse a filio interrogatum ferunt, *edici palam placere populo, ut, qui particeps esse prædæ vellet, in castra Veios iret*: altera Ap. Claudii, qui largitionem novam, pro-

⁷⁴ *Ludos Magnos*] Vid. not. 38. ad c. 27. l. IV.

⁷⁵ *Matutæ matris*] Hæc fuit Ino, Semeles soror, Bacchi matertera, Athamantis uxor. De ea vid. Ovid. IV. Metam. et VI. Fast. et Cic. Tusc. l. I. n. 28.

⁷⁶ *Ad quæstorem redacta est*] Quæstorei tradita est et in publicum redacta.

⁷⁷ *Ex malignitate prædæ partitæ*] Ex maligna, id est, nimium parca prædæ partitione: si nimium parcus militibus in dividenda præda videretur.

⁷⁸ *Senis P. Licinii*] Sigonius e vett. libris legit, *una senis*: eique assentitur unus e regis codd. non spernendæ ille quidem fidei, et Victorinus.

digam, inæqualem, inconsultam arguens, si semel nefas du- U. C. 359.
cerent, captam ex hostibus in ærario exhausto bellis pecu- A. C. 393.
niam esse, auctor erat stipendii ex ea pecunia militi nume-
randi, ut eo minus tributi plebes conferret: *Ejus enim doni societatem sensuras æqualiter omnium domos: non avidas in direptiones manus otiosorum urbanorum prærepturas fortium bellatorum præmia esse: quum ita ferme eveniat,*⁷⁹ *ut segnior sit prædator, ut quisque laboris periculique præcipuam petere partem soleat.* Licinius contra, suspectam et invisam semper eam pecuniam fore, aiebat; caussasque criminum ad plebem, seditionum inde ac legum novarum, præbituram. Satius igitur esse, reconciliari eo dono plebis animos: exhaustis atque exinanitis tributo tot annorum subcurri: et sentire prædæ fructum ex eo bello, in quo prope consenuerint. gratius id fore læti-
usque, quod quisque sua manu ex hoste captum domum retulerit, quam si multiplex alterius arbitrio accipiat. Ipsum dictatorem⁸⁰ fugere invidiam ex eo criminaque. eo delegasse ad senatum. Senatum quoque debere rejectam rem ad se permittere plebi, ac pati habere, quod cuique fors belli dederit. Hæc tutior visa sententia est, quæ popularem senatum faceret. Edictum itaque est, ad prædam Veientem, quibus videretur, in castra ad dictatorem proficiscerentur.

XXI. Ingens profecta multitudo replevit castra. Tum dic- Veiorum
tator, auspicato egressus, quum edixisset, ut arma milites ca- excidium.
perent, *Tuo ductu, inquit, Pythice Apollo, tuoque numine instinctus pergo ad delendam urbem Veios: tibi que hinc decumam² partem prædæ voveo. Te simul, Juno Regina, quæ nunc Veios colis, precor, ut nos victores in nostram, tuamque mox futuram, urbem sequare: ubi te dignum amplitudine tua templum accipiat.* Hæc precatus, superante multitudine, ab omnibus locis urbem adgreditur, quo minor ab cuniculo ingruentis periculi sensus esset. Veientes, ignari se jam ab suis vaticiniis, jam ab externis oraculis proditos, jam in partem prædæ suæ vocatos Deos,⁸¹ alios, votis ex urbe sua evocatos, hostium templa novasque sedes spectare, seque ultimum illum diem agere; nihil minus timentes, quam subrutis cuni-

² decimam Gron. Crev.

⁷⁹ *Ut segnior*] Ut, quo quisque ad laborem capessendum periculaque adeunda promptior est, eo segnior plerumque sit ad prædandum.

⁸⁰ * *Fugere invidiam ex eo, criminaque*] Vitare velle ne ex eo sibi invidia criminationesque creentur.

⁸¹ *Alios (deos) votis . . evocatos*] Docet Macrobius l. III. Saturn. c. 9. morem Romanorum arcanum et multis ignotum fuisse, ut, quum obsiderent urbem hostium, eamque jam

capi posse confiderent, certo carmine evocarent tutelares deos: quod aut aliter urbem capi posse non crederent, aut, si posset, nefas aestimarent deos habere captivos. Numinibus autem evocatis, urbes exercitusque hostium devovebant. Utrumque carmen, sive evocandis diis, sive devovendis urbibus exercitibusque hostium, ibidem recitatur: atque urbs Veii nominatim hoc ritu devota fuisse memoratur.

U. C. 369. A. C. 398. culo moenibus arcem jam plenam hostium esse, in muros pro se quisque armati discurrent; mirantes quidnam id esset, quod, quum tot per dies nemo se ab stationibus Romanis movisset, tum, velut repentino icti furore, inprovidi currerent ad muros. Inseritur huic loco fabula: immolante rege Veientium, vocem aruspiciis dicentis, *qui ejus hostiae exta*⁸² *prosecuisset, ei victoriam dari*, exauditam in cuniculo, movisse Romanos milites, ut, adaperto cuniculo, exta raperent, et ad dictatorem ferrent. Sed in rebus tam antiquis, si, quæ similia veri sint, pro veris accipiantur, satis habeam. Hæc, ad ostentationem scenæ, gaudentis miraculis, aptiora, quam ad fidem, neque adfirmare, neque refellere est operæ pretium^a. Cuniculus, delectis militibus eo tempore plenus, in sede Junonis, quæ in Veientana arce erat, armatos repente edidit. et pars aversos in muris invadunt hostes: pars claustra portarum revellunt: pars, quum ex tectis saxa tegulæque a mulieribus ac servitiis jacerentur, inferunt ignes. Clamor omnia variis terrentium ac paventium vocibus, mixto mulierum ac puerorum ploratu, complet. Momento temporis dejectis ex muro undique armatis, patefactisque portis, quum alii agmine irruerent, alii desertos scanderent muros, urbs hostibus inpletur, omnibus locis pugnatur. Deinde, multa jam edita cæde, senescit pugna: et dictator præcones edicere jubet, ut ab inermi abstineatur. is finis sanguinis fuit. Dedi inde inermes cœpti: et ad prædā miles permissu dictatoris discurret. quæ quum ante oculos ejus aliquantum spe atque opinione major, majorisque pretii rerum ferretur, dicitur manus ad cælum tollens precatus esse: *ut, si cui Deorum hominumque nimia sua fortuna populi-que Romani videretur, ut eam invidiam lenire*,⁸³ *quam minimo suo privato incommodo publicoque, populo Romano liceret*^b.

^a operæ pretium est Gron. Crev. ^b lenire suo privato incommodo, quam minimo publico populi Romani liceret. Eæd.

82 *Prosecuisset*] Verbum sacrificiorum proprium: in quibus exta victimarum dissecta aris imponebantur. Nonius, c. 3. *Prosecta, exta quæ aris dantur, ex fbris pecudum dissecta.*

83 *Quam minimo*] Potest exponi, *quam minimo fieri posset publico incommodo.* Quo quidem sensu melior esset scriptura codicis regii omnium nostrorum antiquissimi, et Sorbonici, quam firman aliquot e Gronovianis: *ut eam invidiam lenire quam minimo suo privato incommodo publicoque populi Romani liceret*: id est, ut ipse populusque Romanus defungerentur quam minimo fieri posset infortunio.

Sed quia et Val. Max. l. I. c. 5. et Plut. in Cam. ita hoc votum concipiunt, ut dictator in se solum derivari voluerit quidquid mali reipublicæ impenderet; et in consimilibus votis idem precantur Cippus apud Ovid. XV. Metam. v. 572. Paulus Æmilhus apud Livium XLV. 41. et Velleium l. I. ideo vulgata lectio retinenda videtur, et ita interpretanda ut accipiat *quam pro potius quam*: quemadmodum l. III. c. 40. *C. Claudii oratio fuit precibus, quam jurgio similis.* Optat itaque Camillus ut ea invidia leniatur privato suo infortunio potius, quam vel minimo civitatis incommodo.

⁸⁴ Convertentem se inter hanc venerationem, traditur me- U. C. 359.
morise, prolapsus cecidisse: idque omen pertinuisse post- A. C. 393.
ea eventu rem conjectantibus visum ad damnationem ip-
sius Camilli, captæ deinde urbis Romanæ, quod post pau-
cos accidit annos, cladem. Atque ille dies cæde hostium ac
direptione urbis opulentissimæ est consumptus.

XXII. Postero die libera corpora dictator ⁸⁵ sub corona
vendidit. ea sola pecunia in publicum redigitur, haud sine
ira plebis. et quod retulere secum prædæ, nec duci, qui ad
senatum, malignitatis auctores quærendo, rem arbitrii sui
rejecisset; nec senatui, sed Liciniæ familiæ, ex qua filius
ad senatum retulisset, pater tam popularis sententiæ auctor
fuisset, acceptum referebant. Quum jam humanæ opes
egestæ a Veiiis essent, amoliri tum Deum dona ipsosque Dii Veiiis
Deos, sed colentium magis, quam rapientium, modo, cœ- ablati.
pere; namque delecti ex omni exercitu juvenes, pure lau-
tis^c corporibus, candida veste, quibus deportanda Romam
Regina Juno adsignata erat, venerabundi templum inferre,
primo religiose admoventes manus: quod id signum more
Etrusco, nisi certæ gentis sacerdos, adtrectare non esset so-
litus. dein quum quidam, seu spiritu divino tactus, seu ju-
venali^d joco, *Visne Romam ire Juno?* dixisset, adnuisse ce-
teri Deam conclamaverunt: inde fabulæ adjectum est, vo-
cem quoque dicentis, *Velle*, auditam. motam certe sede sua
parvi molimenti adminiculis, ⁸⁶ sequentis modo accepimus
levem ac facilem translato fuisse: integramque in Aventi-
num, æternam sedem suam, quo vota Romani dictatoris vo-
caverant, perlatam, ubi templum ei postea idem, qui vove-
rat, Camillus dedicavit. Hic Veiorum occasus fuit, urbis
opulentissimæ Etrusci nominis, magnitudinem suam vel ul-
tima clade indicantis: quod ⁸⁷ decem æstates hiemesque
continuas circumsessa, quum plus aliquanto cladum intulis-
set, quam accepisset, postremo, jam fato tum denique ur-
gente, operibus tamen, non vi, expugnata est.

XXIII. Romam ut nunciatum est, Veios captos, quam-
quam et prodigia procurata fuerant, et vatam responsa, et
Pythicæ sortes notæ; et, quantum humanis adjuvari consi-
liis potuerat res, ducem M. Furium, maximum imperato-

^c lotis Gron. Crev.

^d juvenili Eæd.

⁸⁴ *Convertentem se*] Solebant Ro-
mani post preces convertere se
et circumagere in dextram partem,
ut testatur Plut. in Cam.

⁸⁵ *Sub corona*] Vid. not. 98. ad c.
17. l. II.

⁸⁶ *Sequentis modo*] Tanquam non
auferretur, sed sua sponte sequere-
tur.

⁸⁷ *Decem æstates hiemesque conti-
nuas*] Veii decimo quidem anno post-
quam obsideri cœpti erant, ab Roma-
nis capti sunt. At hibernacula tertio
demum obsidionis anno ædificari
cœpta. Itaque octo, non decem æs-
tates hiemesque continuas circum-
sessi fuere.

U. C. 359. rum omnium, legerant; tamen, quia tot annis varie ibi bel-
 A. C. 393. latum erat, multæque clades acceptæ, velut ex insperato
 inmensum gaudium fuit: et, priusquam senatus decerneret,
 plena omnia templa Romanarum matrum, grates Diis agen-
 tium, erant. Senatus in quatrimum, quot dierum nullo
 ante bello, supplicationes decernit. Adventus quoque dicta-
 toris, omnibus ordinibus obviam effusis, celebratior, quam
 ullius umquam antea fuit: triumphusque omnem consue-
 tum honorandi diei illius* modum aliquantum excessit.
 Maxime conspectus ipse est, curru equis albis juncto ur-
 bem invectus: ⁸⁸ parumque id non civile modo, sed huma-
 num etiam, visum. Jovis Solisque equis æquiparari dicta-
 torem, in religionem etiam trahebant: triumphusque ob
 eam unam maxime rem clarior, quam gratior, fuit. Tum
 Junoni Reginæ templum in Aventino locavit, ⁸⁹ dedicavit-
 que Matutæ Matri†. atque, his divinis humanisque rebus
 gestis, dictatura se abdicavit. Agi deinde de Apollinis do-
 no coeptum. cui se decumam‡ vovisse prædæ partem quum
 diceret Camillus, pontifices solvendum religione populum
 censerent; haud facile inibatur ratio jubendi referre præ-
 dam populum, ut ex ea pars debita in sacrum secerneretur.
 tandem eo, quod levissimum videbatur, decursum est, ut,
 qui se domumque religione exsolvere vellet, quum sibimet
 ipse prædam æstimasset suam, decumæ pretium partis in
 publicum deferret: ut ex eo donum aureum, dignum am-
 plitudine templi ac numine Dei, ex dignitate populi Roma-
 ni fieret. Ea quoque conlatio plebis animos a Camillo alie-
 navit. Inter hæc pacificatum legati a Volscis et Æquis ve-
 nerunt: inpetrataque pax, magis ut fessa tam diutino bello
 adquiesceret civitas, quam quod digni peterent.

Dictator
triumphat.

Decima
prædæ pars
Apollini
data.

U. C. 360. XXIV. Veiiis captis, sex tribunos militum consulari pot-
 A. C. 392. estate insequens annus habuit, duos P. Cornelios, Cossum
 P. Cornelio et Scipionem, M. Valerium Maximum iterum, K. Fabium
 Cosso, &c. Ambustum tertium, L. Furium Medullinum quintum, Q.
 Tr. Mil. Servilium tertium. Corneliis Faliscum bellum, Valerio ac
 Varia bella. Servilio Capenas sorte evenit. ab iis non urbes vi aut operi-
 bus tentatæ, sed ager est depopulatus, prædæque rerum
 agrestium actæ. nulla felix arbor, nihil frugiferum in agro
 relictum. Ea clades Capenatem populum subegit. pax pe-

* illius diei Gron. Crev.
 Gron. Crev.

† matris Crev.

‡ decimam sic semper

⁸⁸ * Parum . . . non civile modo, sed humanum etiam] Parum conveniens non solum civis modestiæ, sed etiam hominis conditioni.

⁸⁹ * Dedicavitque Matutæ matris] Supple, templum, sive ædem. Dicebant locare templum alicui deo; de-

dicare templum alicujus Dei. † Ultima quidem vox, nempe ædem, exstat in uno ex MSS. Hearnii. Ceterum hic vulgo legitur Matutæ matri: sed Andreas, et duo ex Hearnii codd. itemque e nostris tres habent matris. Et sic solet loqui Livius.

tentibus data. In Faliscis bellum restabat. Romæ interim U. C. 360. multiplex seditio erat: cujus leniendæ caussa coloniam in A. C. 392. Volscos, quo tria millia civium Romanorum scriberentur, Seditio do- deducendam censuerant: triumvirique ad id creati terna ju- mi. gera et ⁹⁰ septunces viritim diviserant. Ea largitio sperni coëpta; quia spei majoris avertendæ solatium objectum censebant. Cur enim relegari plebem in Volscos, quum Veios trans- pulcherrima urbs Veii agerque Veientanus in conspectu sit, migrare uberior ampliorque Romano agro? Urbem quoque urbi Ro- plebs Ro- mæ, vel situ, vel magnificentia publicorum privatorumque mana cupit. tectorum ac locorum, præponebant. quin ⁹¹ illa quoque actio movebatur, quæ post captam utique Romam a Gallis celebra- torior fuit, transmigrandi Veios. Ceterum, partim plebi, partim senatui destinabant habitandos Veios; ⁹² duasque urbes communis reipublicæ incolæ a populo Romano posse. ⁹³ Adversus quæ quum optimates ita tenderent, ut *morituros* Obsistunt se citius dicerent in conspectu populi Romani, quam quidquam optimates earum rerum rogaretur. quippe nunc in una urbe tantum dis- sensionum esse, quid in duabus fore? Victamne ut quisquam victrici patriæ præferret? sineretque, majorem fortunam cap- tis esse Veiiis, quam incolumibus fuerit? Postremo, se relinqui a civibus in patria posse: ⁹⁴ ut relinquant patriam atque cives, nullam vim unquam subacturam; et T. Sicinium (is enim ex tribunis plebis rogationis ejus lator erat) conditorem Veios sequantur, relicto Deo Romulo, Dei filio, parente et auctore urbis Romæ.

XXV. Hæc quum foedis certaminibus agerentur, (nam partem tribunorum plebis Patres in suam sententiam traxe- rant) nullæ res alia manibus temperare plebem coge- bat, quam quod, ubi rixæ committendæ caussa clamor ortus es- set, principes senatus, primi turbæ obferentes se, peti, fe- riri, atque occidi jubebant. ab horum ætatibus dignitatibus- que et honoribus violandis dum abstinebatur, et ad reliquos similes conatus verecundia iræ obstabat; Camillus idemti-

⁹⁰ Septunces] Septem uncias, id est, septem duodecimas jugeri partes.

⁹¹ Illa quoque actio movebatur] Ad populum quoque agi incipiebat de illa re, quæ post captam præcipue a Gallis Romam majore animorum motu et frequentioribus vulgo studiis agitata est, nempe de migrando Veios.

⁹² Duasque urbes communis reipublicæ] Olim editi communes. Merito mutavit Gronovius; eamque emendationem firmant quatuor Hearnii codices.

⁹³ Adversus quæ quum optimates] Pendet oratio usque ad hæc verba,

nulla res alia plebem manibus temperare coge- bat] Ideo sequentem oratiunculam parenthesi includimus. Quum autem nimium distaret posterius hujus periodi membrum a priore, ob eam rem, absoluta oratiuncula optimatum, Livius revocat prioris membri memoriam his verbis, hæc quum foedis certaminibus agerentur.

⁹⁴ Ut relinquant patriam atque cives] Non Patribus relinquendi erant cives, qui ardebant abire, ut observat Tan. Faber. Utrum hic peccaverit aliquid librariorum manus, an Livius ipse styli calore abreptus, aliis dijudicandum permittimus.

U. C. 360.
A. C. 392.
Religiō in-
jecta a Ca-
millo de
decima
prædæ
Veientanæ.

Donum A-
pollini de-
cretum.

Ad id ma-
tronaū au-
rum suum
conferunt.

Seditio red-
integrata.

U. C. 361.
A. C. 391.

dem omnibus locis concionabatur: *Haud mirum id quidem esse, fieri civitatem, quæ, ⁹⁵ damnata voti, omnium rerum potiore^a curam, quam religione se exsolvendi, habeat. Nihil de conlatione dicere, ⁹⁶ stipis verius, quam decumæ; quando ea se quisque privatim obligaverit, liberatus sit populus. Enimvero, illud se tacere, suam conscientiam non pati: quod ex ea tantum præda, quæ rerum moventium sit, decuma designetur: ⁹⁷ urbis atque agri capti, quæ et ipsa voto contineatur¹, mentionem nullam fieri.* Quum ea disceptatio, anceps senatui visa, delegata ad pontifices esset; adhibito Camillo, visum collegio, ⁹⁸ quod ejus ante conceptum votum Veientium fuisset, et post votum in potestatem populi Romani venisset, ejus partem decumam Apollini sacram esse. Ita in æstimationem urbs agerque venit: pecunia ex ærario prompta, et tribunis militum consularibus, ut aurum ex ea coëmerent, negotium datum. cujus quum copia non esset, matronæ, coetibus ad eam rem consultandam habitis, et communi decreto pollicitæ tribunis militum aurum et omnia ornamenta sua, in ærarium detulerunt. Grata ea res, ut quæ maxime senatui umquam, fuit: honoremque ob eam munificentiam ferunt matronis habitum, ut ⁹⁹ pilento ad sacra ludosque, carpentis festo profestoque uterentur. Pondere ab singulis auri accepto æstimatoque, ut pecuniæ solverentur, crateram auream fieri placuit, quæ donum Apollini Delphos portaretur. Simul ab religione animos remiserunt, integrant seditionem tribuni plebis: incitatur multitudo in omnes principes, ante alios in Camillum. Eum prædam Veientanam publicando sacrandoque ad nihilum redegissee. ¹absentes ferociter increpant: præsentium, quum se ultro iratis obferrent, verecundiam habent. Simul extrahi rem ex ²eo anno viderunt, tribunos plebis latores legis in annum eosdem reficiunt. et Patres hoc idem ³de intercessoribus legis adnisi. ita tribuni plebis magna ex parte iidem refectioni.

^a priorem Gron. Crev.

¹ contineantur Crev.

² ex del. Gron. Crev.

⁹⁵ *Damnata voti*] Adstricta et obligata ad persolvendum votum, cujus eam dii compotem fecerant.

⁹⁶ *Stipis verius, quam decumæ*] Hæc est mens Camilli, ut dicat tam anguste et tenuiter in decimam contulisse privatos, ut stipem eam, quam decimam appellari verius sit. Stipem conferunt qui nihil debentes, quantum volunt, exile plerumque ac minutum, ultro conferunt.

⁹⁷ *Urbis atque agri capti, quæ et ipsa voto contineantur*] Vulgo *contineantur*: mendo manifesto. *Quæ*.... *ip-sæ* intelliguntur de urbe atque agro, ac proinde accipi debent in numero

multitudinis, genere neutro. *Contineantur* existat in Vict. cod. et editione Campani.

⁹⁸ *Quod ejus*] Quod ex tota illa præda.

⁹⁹ *Pilento . . . carpentis*] Ex hoc loco apparet pilenta fuisse carpentis elegantiora ac molliora. Virgil. *Æn.* l. VIII. v. 666. *Pilentis matres in molibus*, id est, pensilibus, ut interpretatur Servius. Pilentum quatuor rotis instructum erat, teste Isid. l. XX. c. 12.

¹ *Absentes*] Principes absentes ferociter increpat multitudo.

² *De intercessoribus legis*] Intellige

XXVI. Comitibus tribunorum militum Patres summa ope U. C. 361.
evicerunt, ut M. Furius Camillus crearetur. propter bella A. C. 391.
simulabant parari ducem, sed largitioni tribuniciae adversa- M. Furio
rius quærebatur. Cum Camillo creati tribuni militum con- Camillo
sulari potestate, L. Furius Medullinus sextum, C. Æmilius, IV. &c.
L. Valerius Publicola, Sp. Postumius, P. Cornelius iterum, Tr. Mil.
Principio anni tribuni plebis nihil moverunt, donec M. Fu-
rius Camillus in Faliscos, cui id bellum mandatum erat,
proficisceretur. differendo deinde elanguit res: et Camillo,
quem adversarium maxime metuebant¹, gloria in Faliscis Bellum
crevit. Nam, quum primo moenibus se hostes tenerent, tu- Faliscum.
tissimum id rati, populatione agrorum atque incendiis villa-
rum coëgit eos egredi urbe; sed timor longius progredi
prohibuit. Mille fere passuum ab oppido castra locant;
nulla re alia fidentes ea satis tuta esse, quam difficultate
aditus, asperis confragosisque circa, et partim artis, partim
arduus viis. Ceterum Camillus, captivum indicem ex agris
secutus ducem, castris multa nocte motis, prima luce ali-
quanto superioribus locis se ostendit. Trifarum Romani
muniebant. alius exercitus proelio intentus stabat. Ibi in-
pedire opus conatos hostes fundit fugatque; tantumque inde
pavoris Faliscis injectum est, ut, effusa fuga² castra sua,
quæ propiora erant, prælati, urbem peterent. Multi cæsi
vulneratique, priusquam paventes portis inciderent. castra
capta; præda ad quæstores redacta cum magna militum
ira: sed, severitate imperii victi, eandem virtutem et ode-
rant, et mirabantur. Obsidio inde urbis, et munitiones, et
interdum per occasionem inpetus oppidanorum in Romanas
stationes, proeliaque parva fieri; et teri tempus, neutro in-
clinata spe; quum frumentum copiaeque aliæ ex ante con-
vecto largius obsessis, quam obsidentibus, subpeterent. Vi-
debaturque æque diuturnus futurus labor, ac Veis fuisset;
⁴ ni fortuna imperatori Romano simul et cognitæ rebus bel-
licis virtutis specimen et³ maturam victoriam dedisset.

XXVII. ⁵ Mos erat Faliscis, eodem magistro liberorum

¹ metuerant Gron. Crev.

² et del. Crev.

tribunos plebei, amicos Patrum, et
intercedentes rogationi collegarum
suorum.

3 * *Castra sua . . . prælati*] Præter
castra sua ablati.

4 *Ni fortuna*] Sensus esse debet:
Nisi imperatori Romano simul fortu-
na, simul specimen virtutis, quæ cog-
nita jampridem erat rebus bellicis,
sed tum fidei experimento claruit,
maturam victoriam dedisset. Dele-
vimus particulam et ante maturam
victoriam, quia illa a vett. editis et

compluribus scriptis abest, et præter-
ea sensum corrumpit. Majora mo-
litor Gronovius, emendatque: *ni for-
tuna imperatoris Romani simul, et
cognitæ re non bellica virtutis speci-
men, et maturam victoriam dedisset.*
Sane est aliquid quod desideres in
vulgata lectione. Sed nihil audemus
sine libris.

5 * *Mos erat Faliscis*] Hoc ideo ob-
servat Livius, quia apud Romanos res
aliter se habebat. Diversa erant præ-
ceptorum paedagogorumque munia.

U. C. 361.
A. C. 391.
Magistri
Faliscæ ju-
ventutis
scelus et
pœna.

Falisci de-
dunt se
Romanis.

et comite uti : simulque plures pueri, quod hodie quoque in Græcia manet, unius curæ demandabantur. principum liberos, sicut fere fit, qui scientia videbatur præcellere, erudiebat. Is quum in pace instituisset pueros ante urbem lusus exercendique causa producere ; nihil eo more per belli tempus intermisso, ⁶ tum, modo brevioribus, modo longioribus spatiis, trahendo eos a porta, lusu sermonibusque variatis, longius solito, ubi res dedit, progressus, inter stationes eos hostium castraque inde Romana in prætorium ad Camillum perduxit. ibi scelesto facinori scelestiorem sermonem addidit : *Falerios se in manus Romanis tradidisse ; quando eos pueros, quorum parentes capita ibi rerum sint, in potestatem dediderit. Quæ ubi Camillus audivit, Non ad similem, inquit, tui nec populum, nec imperatorem, scelestus ipse cum scelesto munere venisti. Nobis cum Faliscis, quæ pacto fit humano, societas non est. quam ingeneravit natura, utrisque est, eritque. Sunt et belli, sicut pacis, jura : justeque ⁷ ea, non minus quam fortiter, didicimus gerere. Arma habemus, non adversus eam ætatem, cui etiam captis urbibus parcitur : sed ⁸ adversus armatos, et ipsos, qui, nec læsi, nec lacessiti a nobis, castra Romana ad Veios obpugnarunt. Eos tu, quantum in te fuit, novo scelere vicisti : ego Romanis artibus, virtute, opere, armis, sicut Veios, vincam. Denudatum deinde eum, manibus post tergum inligatis, reducendum Falerios pueris tradidit : virgasque eis, quibus proditorem agerent in urbem verberantes, dedit. Ad quod spectaculum concursu populi primum facto, deinde a magistratibus de re nova vocato senatu, tanta mutatio animis est injecta, ut, qui modo, efferrati odio iraque, Veientium exitum pene, quam Capenatium pacem, mallent, apud eos pacem universa posceret civitas. Fides Romana, justitia imperatoris, in foro et curia celebrantur : consensuque omnium legati ad Camillum in castra, atque inde permissu Camilli Romam ad senatum, qui dederent Falerios, proficiscuntur. Introducti ad senatum ita locuti traduntur : *Patres conscripti, ⁹ victoria, cui nec Deus, nec homo quisquam invideat, victi a vobis et imperatore vestro, dedimus nos vobis ; rati, quo nihil victori pulchrius est, melius nos sub imperio vestro, quam legibus nostris, victuros. Eventu hujus belli duo salutaria exempla prodita humano generi sunt.**

Præceptores publice docebant : puerorum comitandorum privatimque instituendorum cura ad pædagogos pertinebat. Nec simul plures pueri unius magistri curæ edocendi demandabantur : sed suus cujusque familiæ pueris pædagogus præerat.

⁶ *Tum modo*] Sic dedit Gronovius, cui adstipulantur duo ex MSS. Hearnii. Antea *dum modo*.

⁷ *Ea*] Bella. Observa exemplum orationis grammaticas leges spernentis.

⁸ *Adversus armatos et ipsos*] Adversus eos qui, ut nos sumus armati, ita et ipsi quoque arma gerant.

⁹ *Victoria, cui nec deus, nec homo quisquam invideat*] Quia nimirum illa victoria fortunæ non est, sed virtutis ac fidei.

Vos fidem in bello, quam præsentem victoriam, maluistis: nos, U. C. 361. fide provocati, victoriam ultro detulimus. Sub ditione vestra A. C. 391. sumus. Mittite, qui arma, qui obsides, qui urbem patentibus portis accipiant. Nec vos fidei nostræ, nec nos imperii vestri pænitebit. Camillo et ab hostibus et a civibus gratiæ actæ. Faliscis in stipendium militum ejus anni, ut populus Romanus tributo vacaret, pecunia imperata. Pace data, exercitus Romam reductus.

XXVIII. Camillus meliore multo laude, quam quum triumphantem albi per urbem vexerant equi, ¹⁰ insignis justitia fideque, hostibus victis, quum in urbem redisset, ¹¹ tacite ejus verecundiam non tulit senatus, quin sine mora voti liberaretur: crateramque auream donum Apollini Delphos ^{Missi Delphos legati cum dono.} legati qui ferrent, L. Valerius, L. Sergius, A. Manlius, ¹² longa una nave, haud procul freto Siculo a piratis Liparensium excepti, devehuntur Liparas. Mos erat civitatis, velut publico latrocinio partam prædam dividere. forte eo anno in summo magistratu erat Timasitheus quidam, Romanis vir similior, quam suis. qui, legatorum nomen, donumque, et Deum, cui mitteretur, et doni causam veritus ipse, multitudinem quoque, quæ semper ferme regenti est similis, religionis justæ inplevit: adductosque in publicum hospitium legatos, cum præsidio etiam navium Delphos prosecutus, Romam inde sospites restituit. ^{Timasithes Liparensis religio.} Hospitium cum eo senatusconsulto est factum, donaque ¹³ publice data. ^{Bellum cum Æquis.} Eodem anno in Æquis varie bellatum: adeo ut in incerto fuerit et apud ipsos exercitus et Romæ, vicissent, victine essent. Imperatores Romani fuere ex tribunis militum C. Æmilius, Sp. Postumius. Primo rem communiter gesserunt: fuis inde acie hostibus, Æmilium præsidio Verruginem obtinere placuit, Postumium fines vastare. Ibi eum, incomposito agmine negligentius ab re bene gesta euntem, adorti Æqui, terrore injecto, in proximos compulere tumulos: pavorque inde Verruginem etiam ad præsidium alterum est perlatus. Postumius, suis in tutum receptis, quum concione advocata terrorem increparet ac fugam; fusos esse ab ignavissimo et fugacissimo hoste; conclamat universus exercitus, merito se ea audire, et fateri admissum flagitium:

¹⁰ *Insignis justitia fideque hostibus victis]* Insignis victoria ex hostibus per justitiam et fidem reportata.

¹¹ *Tacite ejus verecundiam]* Gronovius legit *tacti*, id est tacentis, non querentis. Etiam tacens, solo adspectu, admonebat voti non exsoluti: quam verecundiam non tulit senatus, statimque dedit operam ut respublica voti liberaretur.

¹² *Longa . . . nave]* Longis navibus, quas et Græci vocant *μάρπες*, opponuntur onerariæ, quæ Græce sæpe *τρογγύλας*, i. e. rotundæ dicuntur. Illis ad bella, his ad negotiationem et exportationem mercium, commestuum &c. utebantur. Illæ remis, hæ velis agebantur.

¹³ *Publice]* Publico jussu: jussu senatus populi que Romani.

U. C. 361. sed eosdem conrecturos esse, neque diuturnum id gaudium
 A. C. 391. hostibus fore. Poscentes, ut confestim inde ad castra hos-
 tium duceret, (in conspectu erant posita in plano) nihil poe-
 nae recusabant, ni ea ante noctem expugnassent. Conlau-
 dados corpora curare, paratosque esse quarta vigilia jubet.
 et hostes, ¹⁴ nocturnam fugam ex tumulo Romanorum ut ab
 ea via, quae ferebat Verruginem, excluderent, fuere obvii:
 praeliumque ante lucem (sed luna perniox erat) commissum
 est: et ¹⁵ haud incertius diurno proelio fuit. Sed clamor
 Verruginem perlatus, quum castra Romana crederent ob-
 pugnari, tantum iniecit pavoris, ut, nequidquam retinente
 atque obsecrante Æmilio, Tusculum palati fugerent. Inde
 fama Romam perlata est, Postumium exercitumque occi-
 sum. Qui, ¹⁶ ubi prima lux metum insidiarum effuse se-
 quentibus sustulit, quum perequitasset aciem, promissa re-
 petens, tantum iniecit ardoris, ut non ultra sustinuerint in-
 petum Æqui. caedes inde fugientium, qualis ubi ira magis,
 quam virtute, res geritur, ad perniciem hostium facta est:
 tristemque ab Tusculo nuncium, nequidquam exterrita ci-
 vitate, literae a Postumio ¹⁷ laureatae sequuntur: victoriam
 populi Romani esse; Æquorum exercitum deletum.

XXIX. Tribunorum plebis actiones quia nondum inve-
 nerant finem, et plebs continuare latoribus legis tribuna-
 tum, et Patres reficere intercessores legis adnisi sunt. sed
 U. C. 362. plus suis comitiis plebs valuit. quem dolorem alti Patres
 A. C. 390. sunt, senatusconsulto facto, ut consules, invisus plebi ma-
 gistratus, crearentur. Annum post quintum decimum crea-
 ti consules L. Lucretius Flavius, Ser. Sulpicius Camerinus.
 L. Lucretio, Principio hujus anni, ferociter, quia nemo ex collegio in-
 Ser. Sulpi- tercessurus erat, coortis ad perferendam legem tribunis ple-
 cio Cosa. bis, nec segnius ob id ipsum consulibus resistentibus, omni-
 que civitate in unam eam curam conversa, Vitelliam
 coloniam Romanam in suo agro Æqui expugnant. colono-
 rum pars maxima incolumis, quia nocte proditione oppi-
 dum captum liberam per aversa urbis fugam dederat, Ro-
 mam perfergere. L. Lucretio consuli ea provincia evenit.

¹⁴ *Nocturnam fugam*] Ut Roma-
 nos, si per noctem fugere ex tumulo
 vellent, excluderent ab ea via quae
 ducebat ad oppidum Verruginem.

¹⁵ *Haud incertius*] Non fuit qui-
 dam incertum et anceps magis, quam
 praelium diurnum fuerat; sed ingenti-
 tis pavoris, atque adeo fugae, alteri
 exercitui, qui Verruginem praesidio
 obtinebat, causa et origo fuit. Cete-
 rum quatuor e nostris codd. et vet.
 editi habent *praelium*, quomodo dedi-
 mus: Gronovius *proelio*. Libenter hanc
 vocem omnino recideremus.

¹⁶ *Ubi prima lux*] Ubi prima lux
 fecit, ut nullae jam insidiae metuendae
 Romanis essent, si effuse sequerentur.
Sequentibus non potest hic ex-
 poni *illis qui sequebantur*. Nondum
 enim Romani sequebantur eos hostes,
 quos nondum terga vertisse ex tota
 hac narratione patet.

¹⁷ *Laureata*] Lauro involutus:
 quod solitum Romanis ducibus de re
 a se bene gesta ad senatum scribenti-
 bus. Lictores quoque lauro coronati
 laureatos fasces victoriam adeptis im-
 peratoribus praeferebant.

is, cum exercitu profectus, acie hostes vicit; victorque Ro-
mam ad majus aliquanto certamen redit^a. Dies dicta erat
tribunis plebis biennii superioris A. Virginio et Q. Pompo-
nio: quos defendi Patrum consensu ad fidem senatus perti-
nebat. neque enim eos aut vitæ ullo crimine alio aut gesti
magistratus quisquam arguebat, præterquam quod, gratifi-
cantes Patribus, rogationi tribuniciæ intercessissent. Vicit
tamen gratiam senatus plebis ira; et pessimo exemplo in-
noxii¹⁸ denis millibus gravis æris condemnati sunt. id ægre
passi Patres. Camillus palam¹⁹ sceleris plebem arguere: *Camillus
quæ, jam in suos versa, non intelligeret, se pravo judicio de-
tribunis intercessionem sustulisse; intercessione sublata, tribuni-
ciam potestatem evertisse. Nam, quod illi sperarent, effrena-
tam licentiam ejus magistratus Patres laturos, falli eos. Si
tribunicia vis tribunicio auxilio repelli nequeat, aliud telum
Patres inventuros esse. Consulesque increpabat, quod²⁰ fide
publica decipi tribunos eos taciti tulissent, qui senatus
auctoritatem secuti essent. Hæc propalam concionabundus
in dies magis augebat iras hominum.*

U. C. 362.
A. C. 390,
Duo Tr. Pl.
accusati,
et dampni.
Camillus
invehitur
in plebem
Rom.

XXX. Senatum vero incitare adversus legem haud de-
sistebat: *ne aliter descenderent in forum, quam dies ferendæ le-
gis venisset, quam ut qui meminissent, sibi pro aris focisque et
Deum templis ac solo, in quo nati essent, dimicandum fore.
Nam quod ad se privatim adtineat, si suæ gloriæ sibi inter di-
micationem patriæ meminisse sit fas, sibi amplum quoque esse,
urbem ab se captam frequentari, quotidie se frui monumento
gloriæ suæ, et ante oculos habere urbem latam in triumpho suo,
insistere omnes vestigiis laudum suarum. sed nefas ducere, de-
sertam ac relictam ab Diis immortalibus incolere urbem; et in
captivo solo²¹ habitare populum Romanum, et victrice patria
victam mutari.* His adhortationibus principis concitati Pa-
tres, senes juvenesque, quum ferretur lex, agmine facto
in forum venerunt: dissipatique per tribus, suos quisque
tribules prensantes, orare cum lacrimis coepere, *Ne eam pa-
triam, pro qua fortissime felicissimeque ipsi ac patres eorum
dimicassent, desererent, Capitolium, ædem Vestæ, cetera cir-
ca templa Deorum ostentantes. Ne exsilem, extorrem popu-
lum Romanum ab solo patrio ac Diis penatibus in hostium ur-*

Senatum
incitat ad-
versus le-
gem de mi-
grando
Veios.

^a redit Gron. Crev.

18 *Denis millibus gravis æris*] Id est, argenti marcis Paris. 15. cum unciis 5.

19 ° *Sceleris*] *Scelus* propria significatione est id quod adversatur pietati. Porro contra pietatem est in suos ver-
si, suos violare.

20 ° *Fide publica decipi*] In fraudem impelli fiducia promissi ab senatu

auxilii, quod illis præstitum non fue-
rit.

21 *Habitare*] Andreas edidit *hospitari*: quod verissimum putamus. Hoc enim verbum proprie dicitur de incolentibus solum alienum. Plinius l. XVII. c. 20. de castanea: *translata nescit hospitari, pavetque novitatem.*

U. C. 362. *bem agerent; eoque rem adducerent, ut melius fuerit, non capi*
 A. C. 390. *Veios, ne Roma desereretur.* Quia non vi agebant, sed precibus, et inter preces multa Deorum mentio erat, religiosum parti maximæ fuit. et legem ²² una plures tribus antiquarunt, quam jusserunt. Adeoque ea victoria læta Patribus fuit, ut postero die, referentibus consulibus, senatusconsultum fieret, ut agri Veientani septena jugera plebi dividerentur; nec patribus familiæ tantum, sed ut omnium in domo liberorum caput ratio haberetur; vellentque in eam spem liberos tollere.

U. C. 363.
 A. C. 389.
 L. Valerio
 Potito, M.
 Manlio
 Coss.

Volsiniense
 bellum.

M. Cornelius
 censor
 subfectus.

XXXI. Eo munere delenita plebe, nihil certatum est, quo minus consularia comitia haberentur. creati consules L. Valerius Potitus, M. Manlius, ²³ cui Capitolino postea etiam^o fuit cognomen. Hi consules magnos ludos fecere, quos M. Furius dictator voverat Veienti bello. Eodem anno ædes Junonis Reginae, ab eodem dictatore eodemque bello vota, dedicatur: celebratamque dedicationem ingenti matronarum studio tradunt. Bellum haud memorabile in Algido cum Æquis gestum est, fuis hostibus prius pene, quam manus consererent. Valerio, quod perseverantior cædendis in fuga fuit, triumphus; Manlio, ut ovans ingrederetur urbem, decretum est. Eodem anno novum bellum cum Volsiniensibus exortum: quo propter famem pestilentiamque in agro Romano, ex siccitate caloribusque nimis ortam, exercitus duci nequivit. ob quæ Volsinienses, Salpinatibus adjunctis superbia elati, ultro agros Romanos incursavere. Bellum inde duobus populis indictum. ²⁴ C. Julius censor decessit: in ejus locum M. Cornelius subfectus. quæ res postea religioni fuit; quia eo lustro Roma est capta. Nec deinde um-

^o etiam del. Crev.

²² *Una plures*] Sic dedit Sigonius, cui assentiuntur duo e codd. Hearnii. Olim legebatur *unam*. *Sensus est: eæ tribus quæ antiquabant, vicere unius tribus numero. Porro *antiquare* verbum solenne est, quo populus significabat se non accipere legem. *Antiquo*, id est, antiqua probo, nihil novi statui volo.

²³ *Cui Capitolino postea fuit cognomen*] Gronovius ex tribus MSS. legi jusserat *postea etiam fuit*. Nempe, inquit, alterius Capitolini Quintii dudum mentio facta fuerat. Sed hoc nimis e longinquo petatum est. Itaque hoc additamentum, quod scripti omnes nostri et vett. editi omittunt, erasimus. De cognomine Capitolini ea videtur mens fuisse Livii, ut id M. Manlio datum esse ob Capitolium servatum intelligat: quod quidem

clarius exprimit infra VI. 17. *quem prope caelestem, cognomine certe Capitolino Jovi parem fecerint*. Tamen constat cognomen hoc non novum incepisse ab hoc M. Manlio. Etenim l. IV. supra c. 42. creatur tribunus militum *L. Manlius Capitolinus*. Itaque Manlii primo Capitolini cognominati sunt, ut observat Sigonius in lib. de Nominibus Romanis, quod in Capitolio habitarent. Sed nimirum M. Manlius cognomen hoc, hæreditarium sibi relictum, proprio et peculiari jure sibi asseruit insigni illo facto erepti e Gallorum manibus Capitolii: quemadmodum fere Scipio Æmilianus cognomen Africani.

²⁴ *C. Julius censor*] Hujus collegam fuisse L. Papirium Cursorem discimus ex c. 34. l. IX. infra.

quam in demortui locum censor subficitur. consulibusque U. C. 363.
morbo implicitis placuit, per interregnum renovari auspicia. A. C. 389.
Itaque, quum ex senatusconsulto consules magistratu se
abdicassent, interrex creatur M. Furius Camillus; qui P.
Cornelium Scipionem, is deinde L. Valerium Potitum inter-
regem prodidit. ab eo creati sex tribuni militum consulari
potestate; ut, etiamsi cui eorum incommoda valetudo fuis-
set, copia magistratum reipublicæ esset.

XXXII. Kalendis Quinctilibus magistratum occepere U. C. 364.
L. Lucretius, Ser. Sulpicius, M. Æmilius, L. Furius Me- A. C. 388.
dullinus septimum, Agrippa Furius, C. Æmilius iterum. L. Lucretio
Ex his L. Lucretio et C. Æmilio Volsiniensis^p provincia &c. Tr.
evenit: Salpinates Agrippæ Furio et Ser. Sulpicio. Prius Mil.
cum Volsiniensibus pugnatum est: bellum numero hostium Volsinien-
ingens, certamine haud sane asperum fuit. Fusa concursu ses victi.
primo acies in fugam: millia octo armatorum ab equitibus
interclusa, positis armis, in deditionem venerunt. Ejus belli
fama effecit, ne se pugnae committerent Salpinates. mœni-
bus armati se tutabantur. Romani prædas passim et ex
Salpinati agro, et ex Volsiniensi, nullo eam vim arcente,
egerunt: donec Volsiniensibus fessis bello ea conditione,
ut res populo Romano redderent, stipendiumque ejus anni
exercitui præstarent, in viginti annos induciæ datæ. Eo-
dem anno M. Cædicius de plebe nunciavit tribunis, se in
nova via, ubi nunc sacellum est, supra ædem Vestæ, vocem Vox divini-
noctis silentio audisse clariorem humana, quæ magistrati- tus missa
bus dici juberet, Gallos adventare. Id, ut fit, propter auc- de Gallo-
toris humilitatem spretum, et quod longinqua, eoque igno- rum adven-
tior, gens erat. Neque Deorum modo monita, ²⁵ ingruente tu.
fato, spreta; sed humanam quoque opem, quæ una erat, M.
Furium ab urbe amovere. qui, die dicta ab L. Appuleio Camillus
tribuno plebis ²⁶ propter prædam Veientanam, filio quoque accusatus
adolescente per idem tempus orbatus, quum, aditis domum in exilium
²⁷ tribulibus clientibusque^q, (magna pars plebis erat) per- abit.
cunctatus animos eorum, responsum tulisset, *se conlaturos,*

^p Volsinienses Gron. Crev.

^q et clientibus quæ magna Eæd.

²⁵ *Ingruente fato*] Fato pestem
moliente Romanis, et eos, quo facilius
perirent, excæcante.

²⁶ *Propter prædam Veientanam*] Ex ea Camillum tribunus arguebat
quædam intervertisse: adeoque val-
vas quasdam æreas ex hostibus captas
domi ejus visas esse jactabatur. Plut.
in Cam.

²⁷ *Tribulibus et clientibus, quæ
magna pars*] Quatuor regii codd. et
Sorbonicus, Andreas, et alii vett. edi-

ti, *Tribulibus clientibusque (magna
pars plebis erat)*. Sane sæpe Livius
supprimit relativum, ut supra I. I.
observavimus in plerisque scriptis le-
gi: *Brevi stirps quoque virilis ex novo
matrimonio fuit: Ascanium parentes
dixere nomen*: omisso *et* cui, quod
vulgo editi addunt. Et infra hoc li-
bro c. 35. *Ubi nunc Brizia ac Verona
urbes sunt*, (locos tenuere Libui) consi-
dunt.

U. C. 364. *quanti damnatus esset, ²⁸ absolvere eum non posse, in exilium*
 A. C. 308. *abiit: precatus ab Diis immortalibus, si innoxio sibi ea inju-*
ria feret, primo quoque tempore desiderium sui civitati ingrata
facerent. absens ²⁹ quindecim millibus gravis æris damnatur.

Legati Clu-
sini auxili-
um petunt
contra Gal-
los.

Tuscorum
antiquæ
opes.

XXXIII. Expulso cive, quo manente, si quidquam hu-
manorum certi est, capi Roma non potuerat; adventante
fatali urbi clade, legati ab Clusinis veniunt, auxilium ad-
versus Gallos petentes. Eam gentem traditur fama, dulce-
dine frugum maximeque vini, nova tum voluptate, captam,
Alpes transisse, agrosque ab Etruscis ante cultos possedis-
se: et invexisse in Galliam vinum inliciendæ gentis causa
Aruntem Clusinum, ira corruptæ uxoris ab Lucumone, cui
tutor is fuerat ipse, præpotente juvene, et a quo expeti pœ-
næ, nisi externa vis quæsita esset, nequirent. hunc transe-
untibus Alpes ducem, auctoremque Clusium obpugnandi
fuisse. Equidem haud abnuerim, Clusium Gallos ab Arun-
te, seu quo alio Clusino, adductos: sed eos, qui obpugna-
verint Clusium, non fuisse, qui primi Alpes transierint, sa-
tis constat. ducentis quippe annis ante, quam Clusium ob-
pugnarent, urbemque Romam caperent, in Italiam Galli
transcenderunt: nec cum his primum Etruscorum, sed mul-
to ante cum iis, qui inter Apenninum Alpesque incolebant,
sæpe exercitus Gallici pugnare. Tuscorum ante Roma-
num imperium late terra marique opes patuere. mari supero
inferoque, quibus Italia insulæ modo cingitur, quantum
potuerint, nomina sunt argumento; quod alterum Tuscum
communi vocabulo gentis, alterum Hadriaticum mare, ab
Hadria Tuscorum colonia, vocavere Italicæ gentes. Græci
eadem Tyrrhenum atque Hadriaticum vocant. ³⁰ Ii in
utrumque mare vergentes incoluere urbibus duodenis ter-
ras: prius cis Apenninum ad inferum mare, postea trans
Apenninum, totidem, quot capita originis erant, coloniis
missis: quæ trans Padum omnia loca, excepto Venetorum
angulo, qui sinum circumcolunt maris, usque ad Alpes te-
nuere. Alpini quoque ea gentibus hand dubie origo est,
maxime Rætis: quos loca ipsa efferarunt, ne quid ex anti-
quo, præter sonum linguæ, nec eum incompactum, retine-
rent.

²⁸ * *Absolvere eum*] Efficere ut ab-
solveretur. Probabile enim non est
tribules et clientes Camilli ei dixisse,
se non posse suffragio suo eum absol-
vere. Sed nimirum, quemadmodum
damnare reum dicitur accusator qui
efficit ut reus damnetur, eodem sensu
hi videntur respondisse Camillo se
non posse eum absolvere, quia major
pars populi ira et indignatione adver-

sus eum inflammata adduci ad eum
absolvendum non posset.

²⁹ *Quindecim millibus gravis æris*
Id est, argenti maris Parisiensibus
²³ uncis tribus cum dimidia.

³⁰ *Ii vergentes*] Tusci incolu-
ere terras vergentes in utrumque ma-
re duodenis in quaque regione urbi-
bus.

XXXIV. De transitu in Italiam Gallorum hæc accipimus. U. C. 364. A. C. 388. Transitus Gallorum in Italiam.
 Prisco Tarquinio Romæ regnante, Celtarum, quæ pars Gal-
 liæ tertia est, penes Bituriges summa imperii fuit. ii re-
 gem Celtico dabant. Ambigatus is fuit, virtute fortunaque
 quum sua, tum publica, præpollens, quod imperio ejus Gal-
 lia adeo frugum hominumque fertilis fuit, ut abundans mul-
 tudo vix regi videretur posse. Hic magno natu ipse jam,
 exonerare prægravante turba regnum cupiens, Bellovesum
 ac Sigovesum, sororis filios, inpigros juvenes, missurum se
 esse, in quas Dii dedissent auguriis sedes, ostendit. Quan-
 tum ipsi vellent numerum hominum, excirent, ne qua gens
 arcere advenientes posset. Tum Sigoveso sortibus dati
 Hercynii¹ saltus: Belloveso haud paullo lætior in Ita-
 liam viam Dii dabant. Is, ²¹ quod ejus² ex populis abun-
 dabat, Bituriges, Arvernos, Senones, Æduos, Ambarros,
 Carnutes, Aulercos, excivit. Profectus ingentibus peditum
 equitumque copiis, in Tricastinos venit. Alpes inde obpo-
 sitæ erant; quas inexsuperabiles vias haud equidem miror,
 nulla dum via (³² quod quidem continens memoria sit, nisi
 de Hercule fabulis credere libet) superatas. Ibi quum velut
 septos montium altitudo teneret Gallos, circumspectarent-
 que, quamam per juncta coelo juga in altum orbem terrarum
 transirent, ³³ religio etiam tenuit, quod adlatum est, advenas
 quærentes agrum ab Salyum gente obpugnari. Massilienses
 erant hi, navibus a Phocæa profecti. Id Galli fortunæ
 suæ omen rati adjuvare, ut, quem primum in terram egressi
 occupaverant, locum ³⁴ patentibus silvis communirent. ipsi
 per Taurinos saltusque invios Alpes³ transcenderunt: fusi-
 que acie Tuscis haud procul Ticino flumine, quum, in quo
 consederant, agrum Insubrium adpellari audissent, ³⁵ cogno-
 mine Insubribus pago Æduorum⁴: ibi, omen sequentes
 loci, condidere urbem: Mediolanum adpellarunt.

XXXV. Alia subinde manus Cenomanorum, Elitovio
 duce vestigia priorum secuta, eodem saltu, favente Bellove-
 so, quum transcendisset Alpes, ³⁶ ubi nunc Brixia ac Verona

¹ Hercynii Gron. Crev.
 Alps transac. Ead.

² eis Ead.
⁴ Heduarum Gron.

³ ipsi Taurino saltu invias

³¹ Quod eis ex populis abundabat,
 Bituriges] Bituriges, Arvernos, &c.
 non quidam universos sedibus exci-
 tos, sed quod eis ex populis abunda-
 bat. Loco *est eis* mallems *hic*.

³² Quod quidem continens memoria
 est] Quod factum esse, vel circa quod
 certa fides sit ex monumentis a tem-
 pore rei gestæ ad nostrum ævum
 transmissis. Sic supra III. 10. *id fides*
obierit.

³³ Religio] Quod ibi repertum ab

his est fortunæ suæ omen.

³⁴ Patentibus sylvis] Quo in loco
 nihil aliud tum erat, quam patentes
 sylvæ.

³⁵ Cognomine] Melius cum Grono-
 vio legeris cognominem: * qui eodem
 nomine esset, quo Insubres Æduorum
 gentis pagus. De voce *pagus* vid. not.
 3. ad I. 1. supra.

³⁶ Ubi nunc Brixia ac Verona urbes
 sunt] Illustrissimus vir Scipio Maffei,
 l. 1^o. operis Italica lingua scripti, cui

U. C. 364. urbes sunt, (³⁷ locos tenuere Libui) considunt. ³⁸ post hos
 A. C. 388. Salluvii, prope antiquam gentem Lævos Ligures, incolentes
 circa Ticinum amnem. ³⁹ Penino deinde Boii Lingonesque
 transgressi, quum jam inter Padum atque Alpes omnia te-
 nerentur, Pado ratibus trajecto, non Etruscos modo, sed
 etiam Umbros, agro pellunt: intra Apenninum tamen sese
 tenuere. Tum Senones, recentissimi advenarum, ab Utente
 flumine usque ad ⁴⁰ Æsim fines habuere. Hanc gentem
 Clusium, Romamque inde, venisse comperio. id parum cer-
 tum est, solamne, an ab omnibus Cisalpinorum Gallorum
 populis adjutam. Clusini, novo bello exterriti, quum mul-
 titudinem, quum formas hominum invisitatas^x cernerent et
 genus armorum, audirentque, sæpe ab iis, cis Padum ultra-
 que, legiones Etruscorum fusas, quamquam adversus Ro-
 manos nullum eis jus societatis amicitiaeve erat, nisi quod
 Veientes consanguineos adversus populum Romanum non
 defendissent, legatos Romam, qui auxilium ab senatu pete-
 rent, misere. De auxilio nihil inpetratum. legati tres M.
 Fabii Ambusti filii missi, qui senatus populique Romani
 nomine agerent cum Gallis, ne, a quibus nullam injuriam
 accepissent, socios populi Romani atque amicos obpugna-
 rent. Romanis eos bello quoque, si res cogat, tuendos esse:
 sed melius visum, bellum ipsum amoveri, si posset; et Gal-
 los, novam gentem, pace potius cognosci, quam armis.

Clusini a
Gallis ob-
pugnati.

Legatos a
Romanis
ad Gallos
inpetrant.

^x *invisitatas* Gron. Grev.

titulus est *Verona illustrata*, multis probat Veronam Cenomanorum non fuisse: nec spernendis argumentis convellit, quidquid e veteribus scriptoribus affertur ad contribuendam Cenomanis illam urbem. Hunc speciatim Livii locum tractat, et refingendum censet ex Plinio, qui l. III. c. 19. Brixiam et Cremonam Cenomanis attribuit, Veronam Rhetis Euganeis. Hic igitur itidem legendum putat, *ubi nunc Brixia et Cremona urbes sunt*. Qui rem penitus inspicere cupierit, adeat ipsum Maffei doctissimum opus.

³⁷ *Locos tenuere Libui*] Quos quidem locos antea tenebant Libui. Ceterum res non caret difficultate, ut mox dicemus.

³⁸ *Post hos Salluvii*] Salluvii, qui post hos transiere, considunt prope antiquam gentem Lævos Ligures, sive e Ligurum genere, incolentes circa Ticinum amnem. Sigonius et Gronovius docent in compluribus scriptis haberi præter antiquam. Quibus si aliquid dandum est, legamus propter eodem sensu quo prope. Ceterum

totus hic locus totus Geographos. Eum varii variis conjecturis sollicitaverunt; ad liquidum emendasse se confidit Jac. Gronovius, I^a. Dissert. Epistol. ad calcem II. tomi Liviani. Utrum res ei successerit ex sententia, aliorum sit judicium. Nos unum hoc offendit in vulgata lectione, quod Libui dicuntur eos tenuisse olim locos, qui a Cenomanis occupati sunt: quum Libuorum populum Gallicum esse, et incoluisse loca Alpibus subjecta infra Salassos indicet Livius ipse, l. XXI. c. 38. Salluvios cum J. Fr. Gronovio existimamus in nomen Lævorum, quibus se immiscuerant, transisse.

³⁹ *Penino*] Jugo. Unde nomen Alpibus inditum sit *Peninis* docet Livius ibid.

⁴⁰ *Æsim*] Olim *Athesim*. Correxerit Sigonius, cui adstipulatur antiquissimus e nostris codd. ceteris eodem alludentibus. *Æsis* a Strabone l. V. dicitur divisisse Galliam a cetera Italia.

XXXVI. Mitis legatio, ni præferoces legatos, Gallisque U. C. 364. magis quam Romanis similes, habuisset. quibus, postquam A. C. 388. mandata ediderunt in concilio Gallorum, datur responsum: *Etsi novum nomen audiant Romanorum, tamen credere viros fortes esse, quorum auxilium a Clusinis in re trepida sit implo- ratum. et, quoniam legatione adversus se maluerint, quam ar- mis, tueri socios, ne se quidem pacem, quam illi adferant, adspernari, si Gallis, egentibus agro, quem latius possi- deant, quam colant, Clusini, partem finium concedant: ali- ter pacem impetrari non posse. Et responsum coram Romanis accipere¹ velle: et, si negetur ager, coram iisdem Romanis di- micaturos, ut nunciare domum possent, quantum Galli virtute ceteros mortales præstarent. Quodnam id jus esset, agrum a possessoribus petere, aut minari arma? Romanis quærenti- bus, et, quid in Etruria rei Gallis esset? quum illi se in armis jus ferre, et omnia fortium virorum esse, ferociter di- cerent, accensis utrimque animis ad arma discurritur, et prælium conseritur. Ibi, jam urgentibus Romanam urbem fati, legati contra jus gentium arma capiunt. nec id clam esse potuit, quum ante signa Etruscorum tres nobilissimi fortissimique Romanæ juventutis pugnarent. tantum emi- nebat peregrina virtus. Quin etiam Q. Fabius, evectus extra aciem equo, ⁴¹ ducem Gallorum, ferociter in ipsa sig- na Etruscorum incursantem, per² latus transfixum hasta, occidit: spoliaque ejus legentem Galli agnovere, perque totam aciem, Romanum legatum esse, ⁴² signum datum est. Omissa inde in Clusinos ira, receptui canunt, minantes Ro- manis. Erant, qui extemplo Romam eundum censerent. vicere seniores, ut legati prius mitterentur questum injurias postulatumque, ut pro jure gentium violato Fabii dederen- tur. Legati Gallorum quum ea, sicut erant mandata, ex- posuissent, senatui nec factum placebat Fabiorum, et jus Galli postu- lant ut le- gati Rom. sibi dedan- tur. ⁴³ decerneret in tantæ nobilitatis viris, ⁴⁴ ambitio obstabat. Itaque, ne penes ipsos culpa esset cladis forte Gallico bello acceptæ, cognitionem de postulatis Gallorum ad populum rejiciunt. ubi tanto plus gratia atque opes valere, ut, quo- rum de poena agebatur, tribuni militum consulari potestate in insequentem annum crearentur. Quo facto, haud secus*

Legati con-
tra Gallos
arma ca-
piunt.

Galli postu-
lant ut le-
gati Rom.
sibi dedan-
tur.

Eluditur
eorum pos-
tulatio.

¹ se accipere Gron. Crev.

² per del. Gron.

⁴¹ Ducem Gallorum] Quemdam
e ducibus. *terficerentur.*

⁴² Signum datum est] Hoc est, jus-
su imperatoris per totam aciem, sin-
gulis ad proximos perferentibus, nun-
ciatum est: eodem modo quo signum
ante pugnam datur. Sic fere XXI.

14. Signo dato, ut omnes puberes in-

⁴³ Decernerent] Patres. Vulgo de-
cernerent: minus apposite. Quatuor
e nostris scriptis habent id quod edi-
dimus.

⁴⁴ Ambitio] Præsumptio in potentes fa-
vor.

U. C. 365.
A. C. 367.
Tribus Fabiis, &c.
Tr. Mil.

quam dignum erat, infensi Galli, bellum propalam minantes, ad suos redeunt. Tribuni militum cum tribus Fabiis creati Q. Sulpicius Longus, Q. Servilius quartum, Ser. Cornelius Maluginensis.

Negligenter paratur bellum in Gallos.

Romam Galli contendunt.

XXXVII. Quum tanta moles mali instaret, (adeo obæcat animos fortuna, ubi vim suam ingruentem refringi non vult) civitas, quæ adversus Fidenatem ac^a Veientem hostem aliosque finitimos populos, ultima experiens auxilia, dictatorem multis tempestatibus dixisset; ea tunc, invisitato^b atque inaudito hoste ab Oceano terrarumque ultimis oris bellum ciente, nihil extraordinarii imperii aut auxilii quæsivit. Tribuni, quorum temeritate bellum contractum erat, summæ rerum præerant: delectumque nihilo adcuratorem, quam ad media bella haberi solitus erat, (extenuantes etiam famam belli) habebant. Interim Galli, postquam accepere, ⁴⁵ ultro honorem habitum violatoribus juris humani, elusamque legationem suam^c esse, flagrantem ira, cuius inpotens est gens, confestim signis convulsis, citato agmine iter ingrediuntur. Ad quorum prætereuntium raptim tumultum quum exterritæ urbes ad arma concurrerent, fugaque agrestium fieret, Romam se ire, magno clamore significabant; quacumque ibant, equis virisque longe ac late fuso agmine inmensum obtinentes loci. Sed, antecedente fama nunciisque Clusinorum, deinceps inde aliorum populorum, plurimum terroris Romam celeritas hostium tulit. quippe quibus, velut tumultuario exercitu raptim ducto, sægre ad undecimum lapidem obcursum est, qua flumen Alia, Crustuminiis montibus præalto defluens alveo, haud multum infra viam Tiberino amni miscetur. Jam omnia contra circaque hostium plena erant, et nata in vanos tumultus gens, truci cantu clamoribusque variis, horrendo cuncta compleverant sono.

Vincunt Romanos ad Alliam.

XXXVIII. Ibi tribuni militum, non loco castris ante capto, non præmunito vallo, quo receptus esset, non Deorum saltem, si non hominum, memores, nec auspicato, nec litato, instruunt aciem ⁴⁶ deductam^d in cornua, ne circumveniri multitudine hostium possent. nec tamen sequari frontes poterant, quum extenuando infirmam et vix cohærentem

^a et Gron. Crev.

^b inusitato Eæd.

^c suam legationem Eæd.

^d diductam Eæd.

⁴⁵ * *Ultro honorem habitum*] Non modo nullam indictam esse ponam, sed etiam honorem habitum iis qui violassent jus ad totam generis humani societatem pertinens. De voce *ultro* vid. not. 39. ad I. 5.

⁴⁶ * *Diductam*] Proba quidem vox,

et huic apta loco, quæ designat aciem divergentem, in diversa hinc inde præductam. † Sed Andreas, Campanus, et scripti tum nostri quatuor, tum aliquot Gronoviani, habent *deductam*: id est, parum densam, longiorem quam latiorē.

mediam aciem haberent. Paullum erat ab dextera editi loci, U. C. 365. quem subsidiariis repleti placuit; eaque res, ut initium pa- A. C. 387. voris ac fugæ, sic una salus fugientibus fuit. Nam Bren- nus, regulus Gallorum, in paucitate hostium artem maxime timens, ratus ad id captum superiorem locum, ut, ubi Galli cum acie legionum recta fronte concucurrissent^e, subsidia in aversos transversosque inpetum darent, ad subsidiarios signa convertit: si eos loco depulisset, haud dubius, facilem in æquo campi tantum⁴⁷ superanti multitudini^f victoriam fore. adeo non fortuna modo, sed ratio etiam, cum barbaris stabat. In altera acie nihil simile Romanis, non apud duces, non apud milites, erat. pavor fugaque occupaverat animos,⁴⁸ et tanta hominum oblivio, ut multo major pars Veios, in hostium urbem, quam Tiberis arceret, quam recto itinere Romam ad conjuges ac liberos fugerent. Parumper subsi- diarios tutatus est locus. in reliqua acie⁴⁹ simul est clamor, Turpis Ro- manorum fuga. proximis ab latere, ultimis ab tergo, auditus, ignotum hos- tem prius pene quam viderent, non modo non tentato cer- tamine, sed ne clamore quidem reddito, integri intactique fugerunt. Nec ulla cædes pugnantium fuit. terga cæsa suomet ipsorum certamine in turba inpedientium fugam. Circa ripam Tiberis, quo armis abjectis totum sinistrum cornu⁵⁰ defugit, magna strages facta est: multosque, inpe- ritos nandi aut invalidos, graves lorice aliisque tegminibus hausere gurgites. maxima tamen pars incolumis Veios per- fugit; unde non modo præsidii quidquam, sed ne nuncius quidem cladis, Romam est missus. Ab dextro cornu, quod procul a flumine et magis sub monte steterat, Romam om- nes petiere, et, ne clausis quidem portis urbis, in arcem con- fugerunt.

XXXIX. Gallos quoque velut obstupefactos miraculum Galli spoliis victoriæ tam repentinæ tenuit. et ipsi pavore defixi primum lectis Ro- steterunt, velut ignari, quid accidisset. deinde insidias ve- mam eunt. reri; postremo cæsorum spolia legere, armorumque cumu- los, ut mos eis est, coacervare. Tum demum, postquam ni- hil usquam hostile cernebatur, viam ingressi, haud multo ante solis occasum ad urbem Romam perveniunt. ubi

^e concucurrissent Gron. Crev.

^f multitudine Eæd.

⁴⁷ *Superanti multitudine*] Omnes nostri codices et Andreas, *superanti*, *multitudini*; Campanus, *superante multitudine*. Hoc postremum, verum videtur. Supra c. 21. *Hæc precatus, superante multitudine, ab omnibus lo- cis urbem aggreditur.*

⁴⁸ *Et tanta hominum oblivio*] Lege cum Gronovio, *et tanta omnium obli- vio*. Et sic dedit Campanus. Inter- dum altera ex his vocibus in alterius

locum temere irrepsit: ut infra c. 51. ubi legitur, et recte quidem, *jam om- nium primum*, unus e reglis codici- bus, non pessimæ notæ, habet *jam hominum primum*.

⁴⁹ *Simul est clamor*] Simul atque clamorem quasi ab latere venientem proximi, quasi ab tergo venientem ultimi accipere.

⁵⁰ *Defugit*] Gronovius mallet *dis- fugit*.

U. C. 365.

A. C. 387.

Romano-
rum pavor.Capitolium
militaris
juventus
occupat.

quum prægressi equites, non portas clausas, non stationem pro portis excubare, non armatos esse in muris, retulissent; aliud priori simile miraculum eos sustinuit; noctemque veriti et ignotæ situm urbis, inter Romam atque Anienem consedere, exploratoribus missis circa mœnia aliasque portas, quænam hostibus in perdita re consilia essent. Romani, quum pars major ex acie Veios petisset⁵¹, nemo superesse quemquam præter eos, qui Romam refugerant, crederet, complorati omnes, pariter vivi mortuique, totam prope⁵² urbem lamentis inpleverunt. Privatos deinde luctus stupescit publicus pavor, postquam hostes adesse nunciatum est. mox ululatus cantusque dissonos, vagantibus circa mœnia turmatim barbaris, audiebant. Omne inde tempus suspensos ita tenuit animos usque ad lucem alteram, ut itemtidem jam in urbem futurus videretur inpetus⁵³ primo adventu, quo accesserant ad urbem. mansuros enim ad Alliam fuisse, nisi hoc consilii foret. Deinde sub occasum solis, quia haud multum diei supererat, ante noctem rati se invasuros; tum in noctem dilatum consilium esse, quo plus pavoris inferrent. Postremo lux adpropinquans exanimare: timorique perpetuo ipsum malum⁵⁴ continens fuit, quum signa infesta portis sunt inlata. Nequaquam tamen ea nocte, neque insequenti die similis illi, quæ ad Alliam tam pavidè fugerat,⁵⁵ civitas fuit. Nam quum defendi urbem posse, tam parva relictæ manu, spes nulla esset, placuit, cum conjugibus ac liberis juventutem militarem senatusque robur in arcem Capitoliumque concedere^a; armisque et frumento conlatis, ex loco inde munito Deos hominesque et Romanum nomen defendere. ⁵⁶Flaminem sacerdotesque Vestales sacra publica a cæde, ab incendiis procul auferre: nec ante deseri cultum eorum, quam non superessent, qui colerent. Si arx Capitoliumque, sedes Deorum, si senatus, caput publici consilii, si militaris juventus superfuerit imminenti ruinæ urbis, facilem jacturam esse seniorum, relictæ in urbe utique perituræ turbæ. et, quo id æquiore animo de plebe multitudo ferret, senes triumphales consularesque si-

⁵¹ petiisset Gron. Crev.^a consedere Eæd.

⁵¹ * *Urbem lamentis impleverunt*] Dederunt causam lamentis, quibus urbs impleta est.

⁵² *Primo adventu*] Supple ex sequentibus, *rati sunt se invasuros*. His vocibus *primo adventu . . . deinde sub occasum solis . . . tum . . . postremo*, designantur quatuor velut gradus ac temporum discrimina, quibus explicatur *et itemtidem*. Hujus loci in vulgatis distinctio admodum vitiosa

est. Andreas eam interpunctionem habet, quam secuti sumus.

⁵³ * *Continens*] Sine ullo intervallo conjunctum.

⁵⁴ * *Civitas*] Cives, Romani. Sensus est, Romanos ea nocte et insequenti die longè alios se præstitisse, quam fuerant ad Alliam, unde tam pavidè fugerant.

⁵⁵ *Flaminem*] Quirinalem, ut patet ex c. sequenti.

mul se cum illis palam dicere obituros; nec his corporibus, U. C. 365. quibus non arma ferre, non tueri patriam possent, oneratu- A. C. 387. ros inopiam armatorum.

XL. Hæc inter seniores morti destinatos jactata solatia. Versæ inde adhortationes ad agmen juvenum, quos in Capitolium atque in arcem prosequabantur, commendantes virtuti eorum juventæque urbis per trecentos sexaginta annos omnibus bellis victricis, quæcumque reliqua esset, fortunam. Digredientibus, qui spem omnem atque opem secum ferebant, ab iis, qui captæ urbis non superesse statuerant exitio; quum ipsa res speciesque miserabilis erat, tum muliebris fletus et concursatio incerta, nunc hos nunc illos sequentium, rogantiumque viros natosque, cui se fato darent, ⁵⁶ nihil, quod humanis superesset malis, relinquebant. magna pars tamen earum in arcem suos prosecutæ sunt, nec prohibente ullo; nec vocante: quia, quod utile obsessis ad minuendam inbellem multitudinem, id parum humanum erat. Alia maxime plebis turba, quam nec capere tam exiguus collis, nec alere in tanta inopia frumenti poterat, ex urbe effusa velut agmine jam uno petiit Janiculum. inde pars per agros dilapsi, pars urbes petunt finitimas, sine ullo duce aut consensu, suam quisque spem, sua consilia, communibus deploratis, exsequentes. Flamen interim Quirinalis virginesque Vestales, omissa rerum suarum cura, quæ sacrorum secum ferenda, quæ (quia vires ad omnia ferenda deerant) relinquenda essent, consultantes, quisve ea locus fideli adservaturus custodia esset; optimum ducunt, condita in doliolis sacello proximo ædibus flaminis Quirinalis, ubi nunc despui religio est, defodere: cetera inter se onere partito ferunt via, quæ sublicio ponte ducit ad Janiculum. In eo clivo eas quum L. Albinus, de plebe Romana homo, Albinus conspexissent, plaustro conjugem ac liberos vehens inter pietas. ceteram turbam, quæ inutilis bello urbe excedebat: ⁵⁷ salvo etiam tum discrimine divinarum humanarumque rerum, inreligiosum ratus, sacerdotes publicos sacraque populi Romani pedibus ire, ferrique; se ac suos in vehiculo conspici; descendere uxorem ac pueros jussit, virgines sacraque in plastrum inposuit: et Cære, quo iter sacerdotibus erat, pervexit.

XLI. Romæ interim, satis jam omnibus, ut in tali re, ad

⁵⁶ * *Nihil, quod humanis superesset malis, relinquebant*] Nihil relinquebant, quod humana omnia mala possent adjicere ad præsentem Romanorum calamitatem.

⁵⁷ * *Salvo etiam tum discrimine*] Quum, etiam in tanto malo, servaretur discrimen divinarum humanarum-

que rerum, et humana divinis cedere juberentur. Plerumque magna calamitas omnia jura confundit ac turbat, nec quisquam est ullius nisi fugæ propriæque salutis memor. Albinus etiam tum divina jura sibi et suis necessitudinibus anteponit.

U. C. 365. luendam arcem compositis, turba seniorum, domos regressa,
 A. C. 367. adventum hostium obstinato ad mortem animo exspectabat.
 Senes mor- qui eorum curules gesserant magistratus, ut in fortunæ pri-
 tem expec- stinæ honorumque aut virtutis insignibus morerentur, quæ
 tant domi. augustissima vestis est ⁵⁸ tensas ducentibus triumphantibus-
 ve, ea vestiti medio ædium eburneis sellis sedere. Sunt,
 qui, M. Fabio pontifice maximo ⁵⁹ præfante carmen, devo-
 visse eos se pro patria Quiritibusque Romanis, tradant.
 Galli, et quia interposita nocte a contentione pugnae remi-
 serant animos, et quod nec in acie ancipiti usquam certave-
 rant prælio, nec tum inpetu aut vi ⁶⁰ capiebant urbem, sine
 ira, sine ardore animorum ingressi postero die urbem paten-
 te Collina porta, in forum perveniunt, circumferentes ocu-
 los ad templa Deum arcemque, solam belli speciem tenen-
 tem. Inde, modico relicto præsidio, (ne quis in dissipatos
 ex arce aut Capitolio inpetus fieret) dilapsi ad prædam va-
 cuis obcursu hominum viis, pars in proxima quæque tecto-
 rum agmine ruunt; pars ultima, velut ea demum intacta et
 referta præda, petunt. inde rursus ipsa solitudine absteriti,
 ne qua fraus hostilis vagos exciperet, in forum ac propin-
 qua foro loca conglobati redibant: ubi eos, plebis ædificiis
 obseratis, patentibus atriis principum, major prope cuncta-
 tio tenebat aperta, quam clausa, invadendi. adeo baud secus
 quam venerabundi intuebantur in ædium vestibulis seden-
 tes viros, præter ornatum habitumque humano augustiorem,
 majestate etiam, quam vultus gravitasque oris præ se fere-
 bat, simillimos Diis. Ad eos velut simulacra versi quum
 starent, M. Papirius unus ex his dicitur Gallo, barbam
 suam, ut tum omnibus promissa erat, permulcenti, scipione
 eburneo in caput incusso iram movisse; atque ab eo initium
 cædis ortum, ceteros in sedibus suis trucidatos. Post prin-
 cipum cædem nulli deinde mortalium parci, diripi tecta,
 exhaustis injici ignes.

Galli diri-
piunt ur-
bem.

Sors mise-
randa Ro-
manorum.

XLII. Ceterum, ⁶¹ seu non omnibus delendæ urbis libido
 erat, seu ita placuerat principibus Gallorum, et ostentari
 quædam incendia terroris caussa, si compelli ad deditionem
 caritate sedium suarum obsessi possent; et non omnia con-
 cremari tecta, ut, quodcumque superesset urbis, id pignus

⁵⁸ *Thensas ducentibus*] Thensæ sunt sacra vehicula, quibus simulacra deorum ludis Circensibus in Circum ad pulvinar deferebantur. Ante ipsas lora tendebantur, quæ fortasse manu tenebant principes viri, atque ideo ducere eas dicebantur. Vid. Ascon. in III^{am}. contra Vefrem.

⁵⁹ * *Præfante carmen*] Vid. not. 8. ad IV. 21.

⁶⁰ *Capiebant urbem ingressi urbem*] Ingrata repetitio. Dele posterius illud *urbem*.

⁶¹ *Seu non omnibus*] Placeret legere cum Gronovio *omnis*. * Seu temere, et quia ita libebat, factum ut non omnem delere urbem vellent; sive id consilio faciebant, principibusque Gallorum ita placuerat

ad flectendos hostium animos haberent; nequaquam perinde U. C. 365.
 atque in capta urbe prima die aut passim aut late vagatus A. C. 387.
 est ignis. Romani, ex arce plenam hostium urbem cernentes, vagosque per vias omnes cursus, quum alia atque alia parte nova aliqua clades oriretur,⁶² non mentibus solum consipere, sed ne auribus quidem atque oculis satis constare poterant. Quocumque clamor hostium, mulierum puerorumque ploratus, sonitus flammæ, et fragor ruentium tectorum⁶³ avertisset, paventes ad omnia, animos oraque et oculos flectebant, velut ad spectaculum a fortuna positi occidentis patriæ, nec ullius rerum suarum relictæ, præterquam corporum, vindices. tanto ante alios miserandi magis, qui umquam obsessi sunt, quod interclusi a patria obsidebantur, omnia sua cernentes in hostium potestate. Nec tranquillior nox diem tam foede actum excepit: ⁶⁴lux deinde noctem inquietam insecuta est. nec ullum erat tempus, quod a novæ semper cladis alicujus spectaculo cessaret. Nihil tamen, tot onerati atque obruti malis, flexerunt animos, quin, etsi omnia flammis ac ruinis æquata vidissent, quamvis inopem parvumque, quem tenebant, collem, libertati relictum, virtute defenderent; et jam, quum eadem quotidie acciderent, velut adsueta malis, abalienaverant ab sensu rerum suarum animos; arma tantum ferrumque in dextris, velut solas reliquias spei suæ, intuentes.

XLIII. Galli quoque, per aliquot dies in tecta modo urbis nequidquam bello gesto, quum inter incendia ac ruinas captæ urbis nihil superesse, præter armatos hostes, viderent, nequidquam tot cladibus territos, nec flexuros ad deditionem animos, ni vis adhiberetur; experiri ultima, et inpetum facere in arcem statuunt. Prima luce, signo dato multitudo omnis in foro instruitur. inde, clamore sublato ac ⁶⁵testudine facta, subeunt. adversus quos Romani nihil te- ^{Galli arcem frustra ob-}
 mere nec trepide, ad omnes aditus stationibus firmatis, qua ^{pugnant.}
 signa ferri videbant, ea robore virorum obposito scandere

⁶² *Non mentibus solum consipere*] Non solum mentium compotes esse non poterant, sed ne aures quidem atque oculos ab inquieta agitatione continere. *Consipere* verbum est rarissimum, pro quo librarii hoc loco obtruserant *conspicere*. Lipsius emendavit hic, et apud A. Gell. I. VII. c. 3. in oratione Catonis pro Rhodiis. Observa quoque *non solum* pro *non solum* non, ut supra I. 40. et IV. 3.

⁶³ *Avertisset*] Malletus cum Gronovio *advertisset*, id est, oculos et attentionem animi advocasset: et ita habet antiquissimus e nostris, sed a se-

cunda manu.

⁶⁴ *Lux deinde noctem inquietam insecuta est*] Hoc illepidum et frigidum est. Quid enim attinet observare lucem nocti successisse? Videtur excidisse aliquod epitheton, quod voci lux adjunctum foret. Nisi forte totum hoc membrum pro centone ab aliena manu assuto haberi debet. Certe eo deleta nihil hic desideres.

⁶⁵ *Testudine facta*] Scutis super capita densatis. Hujus testudinis descriptionem vide apud nostrum, XLIV. 9.

U. C. 365. hostem sinunt: quo successerit magis in arduum, eo pel-
 A. C. 387. posse per proclive facilius rati. Medio fere clivo restitere:
 atque inde ex loco superiore, qui prope sua sponte in hos-
 tem inferebat, inpetu facto, strage ac ruina fudere Gallos:
 ut numquam postea nec pars, nec universi tentaverint tale
 pugnae genus. Omissa itaque spe per vim atque arma sube-
 undi, obsidionem parant: cujus ad id tempus inmemores,
 et, quod in urbe fuerat, frumentum ⁶⁶ incendiis urbis ab-
 sumserant, et ex agris per ipsos dies raptum omne Veios
 erat. Igitur, exercitu diviso, partim per finitimos populos
 praedari placuit, partim obsideri arcem; ut obsidentibus
 frumentum populatorum agrorum praebere. Proficiscentes
 Gallos ab urbe ad Romanam experiendam virtutem fortuna
 ipsa Ardeam, ubi Camillus exsulabat, duxit: qui moestior
 ibi fortuna publica, quam sua, quam Diis hominibusque ac-
 cusandis ⁶⁷ senesceret, indignando mirandoque ubi illi viri
 essent, qui secum Veios Faleriosque cepissent, qui alia bella
 fortius semper, quam felicius, gessissent; repente audit,
 Gallorum exercitum adventare, atque de eo pavidos Ardea-
 tes consultare. nec secus quam divino spiritu tactus, quum
 se in mediam concionem intulisset, abstinere suetus ante
 talibus conciliis;

Populato-
 res Galli in
 Ardeatium
 agro.

Ad eos ob-
 primendos
 Camillus
 Ardeates
 incitat.

XLIV. *Ardeates, inquit, veteres amici, novi etiam cives
 mei, quando et vestrum beneficium ita tulit, et fortuna hoc egit
 mea, nemo vestrum conditionis meae oblitum me huc processisse
 putet: sed res ac periculum commune cogit, quod quisque pos-
 sit in re trepida praesidii, in medium conferre. Et quando ego
 vobis pro tantis vestris in me meritis gratiam referam, si nunc
 cessavero? aut ubi usus erit mei vobis, si in bello non fuerit?
 Hac arte in patria steti; et, invictus bello, in pace ab ingratis
 civibus pulsus sum. Vobis autem, Ardeates, fortuna oblata
 est, et ⁶⁸ pro tantis pristinis populi Romani beneficiis, quanta
 ipsi meministis, (nec enim exprobranda apud memores sunt)
 gratiae referendae, et huic urbi decus ingens belli ex hoste com-
 muni pariendi. Quae effuso agmine adventat, gens est, cui na-
 tura corpora animosque magna magis, quam firma, dederit. eo
 in certamen omne plus terroris, quam virium, ferunt. Argu-
 mento sit clades Romana. patentem cepere urbem; ex arce
 Capitolioque his exigua resistitur manu. Jam obsidionis ta-
 edio victi abscedunt, vagique per agros palantur, cibo vinoque
 raptim hausto repleti. Ubi nox adpetit, prope rivos aquarum,
 sine munimento, sine stationibus ac custodiis, passim ferarum
 ritu sternuntur, nunc ab secundis rebus magis etiam solito in-*

⁶⁶ Incendiis urbis] Vox urbis me-
 cito videtur Gronovio resecanda:
 quum praecesserit in urbe.

ceret.

⁶⁷ Senesceret] Mœrore contabes-

⁶⁸ Pro tantis pristinis populi Ro-
 mani beneficiis] Vid. supra IV. 9, 10,
 11.

cauti. Si vobis in animo est tueri mœnia vestra, nec pati hæc omnia Galliam fieri, prima vigilia capite arma frequentes: me sequimini ad cædem, non ad pugnam. nisi vinctos^b somno, velut^c pecudes, trucidandos tradidero, non recuso eundem Ardeæ rerum mearum exitum, quem Romæ habui. U. C. 365. A. C. 387.

XLV. Æquis iniquisque persuasum erat, tantum bello virum neminem usquam ea tempestate esse. Concione dimissa, corpora curant, intenti, quam mox signum daretur. quo dato, primæ silentio noctis^k ad portas Camillo præsto fuere. Egressi, haud procul urbe, sicut^l prædictum erat, castra Gallorum, intuta neglectaque ab omni parte nacti, Galli ab Ardeatibus cæsi. clamore invadunt. Nusquam proelium, omnibus locis cædes est: nuda corpora et soluta somno trucidantur. extremos tamen pavor cubilibus suis excitos, quæ aut unde vis esset, ignaros, in fugam, et quosdam in hostem ipsum improvidos tulit. magna pars in agrum Antiatem delati, incursione ab oppidanis in palatos facta, circumveniuntur. Similis in agro Veienti Tuscorum facta strages est: qui urbis, jam prope quadringentesimum annum vicinæ, obpressæ ab hoste invisitato^m inauditoque, adeo nihil miseritiⁿ sunt, ut in agro Romanum eo tempore incursiones facerent, plenique prædæ Veios etiam, præsidiumque et spem ultimam Romani nominis, in animo habuerint obpugnare. Viderant eos milites Romani, vagantes per agros et congregatos agmine, prædam præ se agentes, et castra cernebant haud procul Veiiis posita. inde primum miseratio sui, deinde⁶⁹ indignitas, atque ex ea ira animos cepit, *Etruscisne etiam, a quibus bellum Gallicum in se avertissent, ludibrio esse clades suas? Vix temperavere animis, quin extemplo inpetum facerent: 70 compressique a Cædicio centurione, quem sibimet ipsi præfecerant, rem in noctem sustinuerunt. Tantum par Camillo defuit auctor, cetera eodem ordine eodemque fortunæ eventu gesta. quin etiam, ducibus captivis, qui cædi nocturnæ superfuerant, ad aliam manum Tuscorum ad Salinas profecti, nocte insequenti ex improviso majorem cædem edidere, duplicique victoria ovantes Veios redeunt.* Tuscorum strages in agro Veienti.

XLVI. Romæ interim plerumque obsidio segnis et utrimque silentium esse, ad id tantum intentis Gallis, ne quis hostium evadere inter stationes posset: quum repente juvenis Romanus admiratione in se cives hostesque convertit. Sacrificium erat statum in Quirinali colle genti Fabiæ.

^b vinctos Gron. Crev.

^c veluti Eæd.

^k noctis silentio Eæd.

^l sicuti Eæd.

^m invisitato Eæd.

ⁿ miserti Eæd.

69 * Indignitas] Indignatio. Vid. not. 99. ad l. 40.

70 Compressique a Cædicio] Parum interest: sed tamen elegantius vide-

tur, quod duo e nostris habent: Compressi a Q. Cædicio. Certe particula que non satis huic loco convenit.

U. C. 365.
A. C. 387.
Fabius
Dorso.

Veios con-
veniunt pa-
lantes Ro-
mani.

Arcessunt
Camillum.

ad id faciendum C. Fabius Dorso, ⁷¹ Gabino cinctu, sacra manibus gerens, quum de capitolio descendisset, per medias hostium stationes egressus, nihil ad vocem cujusquam terroremve motus, in Quirinalem collem pervenit. ibique omnibus sollemniter peractis, eadem revertens similiter constanti vultu graduque, satis sperans propitios esse Deos, quorum cultum ne mortis quidem metu prohibitus deseruisset, in Capitolium ad suos rediit, seu adtonitis Gallis miraculo audaciæ, seu religione etiam motis, cujus haudquaquam neglegens est gens. Veiis interim non animi tantum in dies, sed etiam vires, crescebant: nec Romanis solum eo convenientibus ex agris, ⁷² qui a^o prælio adverso aut clade captæ urbis palati fuerant, sed etiam ex Latio voluntariis confluentibus, ut in parte prædæ essent. Maturum jam videbatur, repeti patriam eripique ex hostium manibus: sed corpori valido caput deerat. Locus ipse admonebat Camilli, et magna pars militum erat, qui ductu auspicioque ejus res prospere gesserant: et Cædicius ⁷³ negare, se commissurum, cur sibi aut Deorum aut hominum quisquam imperium finiret potius, quam ipse memor ordinis sui posceret imperatorem. Consensu omnium placuit, ab Ardea Camillum adciri; sed antea consulto senatu, qui Romæ esset. adeo regebat omnia pudor, ⁷⁴ discriminaque rerum prope perditis rebus servabant. Ingenti periculo transeundum per hostium custodias erat. ad eam rem Pontius Cominius, ingiger juvenis, operam pollicitus, incubans cortici, secundo Tiberi ad urbem defertur. inde, qua proximum fuit a ripa, per præruptum, eoque neglectum hostium custodiæ, saxum in Capitolium evadit: et, ad magistratus ductus, mandata exercitus edit. Accepto inde senatus decreto, ut et, ⁷⁵ comitiis curiatis revocatus de exilio, ⁷⁶ jussu populi Camillus dictator ex-

^o aut Gron. Crev.

⁷¹ *Gabino cinctu*] Cinctus Gabinus fuit, quum una togæ lacinia supra humerum sinistrum in tergum rejecta, infra humerum dextrum ita revocabatur ad pectus, ut hominem cingeret: unde toga brevior et adstrictior fiebat. De hujus moris origine vid. Servium ad VII. *Æn.* v. 612. Eo habitu consul Jani portam reserat apud Virgil. loco supra memorato. Eodem ambo Decii se devovent pro exercitibus Romanis, apud nostrum, VIII. 9. et X. 28.

⁷² *Qui aut prælio*] Duo e nostris libris, qui a prælio, ut volebat Gronovius.

⁷³ *Negare se commissurum cur*] Usitatius foret ut. Quoquomodo le-

gas, sensus apertus est. Cædicius declarat sibi curæ fore ne exspectet dum sibi ab alio aliquo sive deo sive homine finiatur imperium, sed potius ut ipse posceret imperatorem, eique libens pareret.

⁷⁴ *Discrimina . . rerum servabant*] Quod cujusque rei jus, quid senatus auctoritate, quid populi jussu statui deberet, distinguebant. Vid. not. 57. ad c. 40. supra.

⁷⁵ *Comitiis curiatis*] Quæ quidem Veiis præter morem haberentur, ut ex sequentibus patet.

⁷⁶ *Jussu populi Camillus dictator diceretur*] Hoc notandum. Dictator enim dici debebat ab eo magistratu, cujus summa erat potestas. Sed ne-

templo diceretur, militesque haberent imperatorem, quem U. C. 385. vellent, eadem ⁷⁷ degressus nuncius Veios contendit: missi- A. C. 387. que Ardeam legati ad Camillum, Veios eum perduxere: seu Camillus dictator dictur. (quod magis credere libet, non prius profectum ab Ardea, quam comperit legem latam; quod nec injussu populi ⁷⁸ mutari finibus posset, nec, nisi dictator dictus, auspicia in exercitu habere) lex curiata lata est, dictatorque absens dictus.

XLVII. Dum hæc Veii agebantur, interim arx Romæ Capitoli Capitoliumque in ingenti periculo fuit. namque Galli, seu ^{periculum.} vestigio notato humano, qua nuncius a Veii pervenerat, seu sua sponte animadverso ad Carmentis saxorum ^P adscensu æquo, nocte sublustri, quum primo inermem, qui tentaret viam, præmisissent, tradentes inde arma, ubi quid iniqui esset, alterni innisi, sublevantesque in vicem et trahentes alii alios, prout postularet locus; tanto silentio in summum evasere, ut non custodes solum fallerent, sed ne canes quidem, sollicitam animal ad nocturnos strepitus, excitarent. ⁷⁹ Anseres non fefellere, quibus sacris Junoni in summa ino- ^{Anseres.} pia cibi tamen abstinebatur. quæ res saluti fuit. Namque clangore eorum alarumque crepitu excitus M. Manlius, qui ^{M. Manlii} triennio ante consul fuerat, vir bello egregius, armis adrep- ^{virtus.} tis, simul ad arma ceteros ciens, vadit; et, dum ceteri trepidant, Gallum, qui jam in summo constiterat, umbone ictum deturbat. Cujus casus prolapsi quum proximos sterneret, trepidantes alios, armisque omiseis saxa, quibus adhærebant, manibus amplexos, trucidat. jamque et alii congregati telis missilibusque saxis proturbare hostes, ruinaque tota prolapsa acies in præceps deferri. Sedato deinde tumultu, reliquum noctis (quantum in turbatis mentibus poterat, quum præteritum quoque periculum sollicitaret) quieti datum est. Luce orta, vocatis classico ad concilium militibus ad tribunos, quum et recte et perperam facto pretium deberetur; Manlius primum ob virtutem laudatus donatusque, non ab tribunis solum militum, sed consensu etiam militari:

^P saxum Gron. Crev.

cessitas cogebat a solito more in quibundam recedere. Plutarchus in Cam. sine ulla mentione legis curiatæ, qua Camillus ab exilio revocaretur, eum dictatorem dictum esse scribit ab iis qui in arce obsidebantur.

⁷⁷ Degressus] Olim digressus. Mutavit hic, ut alibi saepe, Sigonius. Vid. not. 30. ad III. 8. et not. 90. ad IV. 17.

⁷⁸ Mutari finibus] E peregrino

solo in fines Romanos, sive in locum qui Romanæ ditionis esset, transire.

⁷⁹ Anseres non fefellere] Docet Plut. sub finem libri de fortuna Romanorum, suo adhuc ævo, in memoriam ejus rei, solenni pompa gestari solitum esse canem in furca suffixum, anserem vero in lectica et veste stragula velut triumphantem.

U. C. 365. cui universi selibras farris et ⁸⁰ quartarios vini ad ædes ejus,
 A. C. 387. quæ in arce erant, contulerunt. rem dictu parvam, ceterum
 inopia fecerat eam argumentum ingens caritatis, quum, se
 quisque victu suo fraudans, detractum corpori atque usibus
 necessariis ad honorem unius viri conferret. Tum vigiles
 ejus loci, qua fefellerat adscendens hostis, citati: et quum
 in omnes more militari se animadversurum Q. Sulpicius tri-
 bunus militum pronunciasset; consentiente clamore mili-
 tum, in unum vigilem conjicientium culpam, deterritus, a
 ceteris abstinuit: reum haud dubium ejus noxæ, adproban-
 tibus cunctis, de saxo deiecit. Inde intentiores utrimque
 custodiæ esse; et apud Gallos, quia vulgatum erat, inter
 Veios Romanque nuncios commeare; et apud Romanos, ab
 nocturni periculi memoria.

Fames et
 pestilentia.

XLVIII. Sed ante omnia obsidionis bellicque mala ⁸¹ fa-
 mes utrimque exercitum urgebat: Gallos pestilentia etiam,
 quum loco jacente inter tumulos castra habentes, tum ab
 incendiis torrido et vaporis pleno, cineremque, non pulverem
 modo, ferente, quum quid venti motum esset. quorum into-
 lerantissima gens, humorique ac frigori adsueta, quum æstu
 et angore vexata⁹, vulgatis velut in pecua morbis morere-
 tur^r, jam pigritia singulos sepeliendi promiscue acervatos
 cumulos hominum urebant: bustorumque inde Gallicorum
 nomine insignem locum fecere. Induciæ deinde cum Ro-
 manis factæ, et colloquia permissu imperatorum habita: in
 quibus quum idemtidem Galli famem objicerent, eaque ne-
 cessitate ad deditionem vocarent, dicitur avertendæ ejus
 opinionis causa multis locis panis de Capitolio jactatus esse
 in hostium stationes. Sed jam neque dissimulari, neque
 ferri ultra fames poterat. Itaque, dum dictator delectum per
 se Ardeæ habet, magistrum equitum L. Valerium a Veiiis
 abducere exercitum jubet, parat, instruitque, quibus haud
 impar adoriatur hostes: interim Capitolinus exercitus, statio-
 nibus vigiliisque fessus, superatis tamen humanis omnibus
 malis, quum famem unam natura vinci non sineret, diem de
 die prospectans, ecquod auxilium ab dictatore adpareret;
 postremo spe quoque jam, non solum cibo, deficiente, et,
⁸² quum stationes procederent, prope obruentibus infirmum

⁹ vexati Gron. Crev.

^r morerentur Eæd.

⁸⁰ Quartarios vini] Quartarius
 haud multum excedit eum modulum
 vini, vel aquæ, quem dicimus
 poisson.

⁸¹ Fames utrimque exercitum]
 Placeret magis utrumque. Et sic
 habet unus e codd. Hearnii, itemque
 noster Victorinus.

⁸² Quum stationes procederent]
 Quum stationum in orbem euntium
 ordo procederet. Procedere dicitur
 eleganter, continuari, addi, connu-
 merari, computari, ut observat Gro-
 novius in nota ad hunc locum. Sic
 dicuntur *æra*, *stipendia* procedere.
 Ceterum hanc lectionem, quam Rhe-

corpus armis, vel dedi, vel redimi se, quacumque pac-^{U. C. 365.}
tione possent, jussit; jactantibus non obscure Gallis, haud^{A.C. 387.}
magna mercede se adduci posse, ut obsidionem relin-
quant. Tum senatus habitus, tribunisque militum nego-^{Paciscun-}
tium datum, ut paciscerentur. Inde inter Q. Sulpicium^{tur Romani}
tribunum militum et Brennum regulum Gallorum colloquio^{cum Gallis.}
transacta res est, et ⁸³ mille pondo auri pretium populi gen-
tibus mox imperaturi factum. Rei, sceddissimæ per se,
adjecta indignitas est. pondera ab Gallis adlata iniqua,
et, tribuno recusante, additus ab insolente Gallo pon-
deri gladius: auditaque intoleranda Romanis vox, *Væ vic-*
tis esse.

XLIX. Sed ⁸⁴ Diique et homines prohibuere redemptos^{Dictatoris}
vivere Romanos. nam forte quadam, prius quam infanda^{adventus.}
merces perficeretur, per altercationem nondum omni auro
adpenso, dictator intervenit; auferrique aurum de medio, et
Gallos submoveri jubet. Quum illi renitentes pactos dice-
rent sese, negat eam pactionem ratam esse, quæ, postquam
ipse dictator creatus esset, injussu suo ab inferioris juris
magistratu facta esset: denunciatque Gallis, ut se ad prælium
expediant. Suos in acervum conjicere sarcinas, et arma aptare,
ferroque, non auro, recuperare patriam jubet, in conspectu
habentes fana Deum, et conjuges, et liberos, et solum patriæ
deforme belli malis, et omnia, quæ defendi repetique et ul-
cisci ⁸⁵ fas sit. Instruit deinde aciem, ut loci natura patie-
batur, in semirutæ solo urbis, et natura inæquali; et omnia,
quæ arte belli secunda suis eligi præpararive poterant, pro-
vidit. Galli, nova re trepidi, arma capiunt, iraque magis,
quam consilio, in Romanos incurrunt. Jam verterat fortuna,
jam Deorum opes humanaque consilia rem Romanam adju-
vabant. igitur primo concursu haud majore momento fusi
Galli sunt, quam ad Alliam vicerant. Justiore altero deinde^{Vincit}
prælio ad octavum lapidem Gabina via, quo se ex fuga^{Gallos.}
contulerant, ejusdem ductu auspicioque Camilli vincuntur.
Ibi cædes omnia obtinuit. castra capiuntur, et ne nuncius
quidem cladis relictus. Dictator, recuperata ex hostibus
patria, triumphans in urbem redit: interque jocos militares,
quos inconditos jaciunt, Romulus ac parens patriæ condi-

nanus e suo codice protulit, firmant
tres e nostris optimi: vulgati ma-
le exhibebant *stationibus*: male iti-
dem Sigonius invehebat in *statio-*
nes.

⁸³ *Mille pondo auri*] Mille libræ
Romanæ auri: quæ redeunt ad mar-
cas nostrates 1562. cum quatuor un-
ciis.

⁸⁴ *Diique et homines prohibuere*]

Polybius tamen et initio lib. I. et li-
bro II. c. 18. tradit Gallos fœdere
cum Romanis facto conditionibus
quibus voluerant, redditaque iis urbe,
ad patrias sedes rediisse: nec ullam
mentionem facit Camilli ejusque de
Gallis victoriarum.

⁸⁵ *Fas sit*] Leges sanctissimæ ju-
beant.

U. C. 365. torque alter urbis haud vanis laudibus appellatur. Servatam
A. C. 387. deinde bello patriam iterum in pace haud dubie servavit,
quum prohibuit migrari Veios, et tribunis rem intentius
agentibus post incensam urbem, et per se inclinata magis
plebe ad id consilium. eaque caussa fuit non abdicandæ post
triumphum dictaturæ, senatu obsecrante, ne rempublicam in
incerto relinqueret statu.

Senatus-
consultum
de rebus ad
religionem
spectanti-
bus.

L. Omnium primum, ut erat diligentissimus religionum
cultor, quæ ad Deos immortales pertinebant, retulit; et se-
natusconsultum facit, *Fana omnia, quod ea hostis possedisset,
restituerentur,*⁸⁶ *terminarentur, expiarenturque, expiatioque
eorum in libris per duumviros quæreretur. Cum Cæretibus
hospitium publice¹ fieret, quod sacra populi Romani ac sacer-
dotes recepissent, beneficioque ejus populi non intermissus honos
Deum immortalium esset: ludi Capitolini fierent, quod Jupiter
optimus maximus suam sedem atque arcem populi Romani in re
trepida tutatus esset: collegiumque ad eam rem M. Furius
dictator constitueret ex iis, qui in Capitolio atque arce habita-
rent.* Expiandæ etiam vocis nocturnæ, quæ nuncia cladis
ante bellum Gallicum audita neglectaque esset, mentio in-
lata, jussumque templum in Nova via Aio Locutio fieri.
Aurum, quod Gallis ereptum erat, quodque ex aliis templis
inter trepidationem⁸⁷ in Jovis cellam conlatum, quum, in
quæ referri oporteret, confusa memoria esset, sacrum omne
judicatum, et sub Jovis sella poni jussum. Jam ante in eo
religio civitatis adparuerat, quod, quum in publico deesset
aurum, ex quo summa pactæ mercedis Gallis confieret, a
matronis conlatum acceperant, ut sacro auro abstineretur.
Matronis gratiæ actæ, honosque additus, ut earum, sicut
virorum, post mortem sollemnis laudatio esset. Iis peractis,
quæ ad Deos pertinebant, quæque per senatum agi pot-
erant; tum demum, agitantibus tribunis plebem adsiduis con-
cionibus, ut, relictis ruinis, in urbem paratam Veios trans-
migrarent, in concionem, universo senatu prosequente,
escendit², atque ita verba fecit:

Rursus mo-
vetur actio
transmi-
grandi
Veios.

Camillus
dissuadet.

LI. *Adeo mihi acerbæ sunt, Quirites, contentiones cum tri-
bunis plebis, ut nec tristissimi exsiliis solatium aliud habuerim,
quoad Ardeæ vixi, quam quod procul ab his certaminibus*

¹ hostes possedissent Gron. Crev. ² publice hospitium Eæd. ³ ascendit Eæd.

⁸⁶ Terminarentur] Conceptis ver-
bis templorum fines terminabantur.
Romulus, l. I. c. 10. templum iis regic-
nibus quas modo animo metatus sum,
dedico.

⁸⁷ In Jovis cellam . . . sub Jovis
sella] Cella est sacrarium, quod Gal-

lice dicimus une chapelle. Sella est
sedes in qua posita erat statua. Hoc
discrimen scripturæ diligenter obser-
vatum est in scriptis nostra, et in
Gronovii editione; in quibusdam
aliis, magno sensus dispendio, neg-
lectum.

eram : et ob eandem hæc, ⁸⁸ non, si ^z me senatusconsulto populi- U. C. 385.
 que jussu revocaretis, rediturus umquam fuerim. Nec nunc A. C. 387.
 me, ut redirem, mea voluntas mutata, sed vestra fortuna per-
 pulit. quippe, ut in sua sede maneret patria, id agebatur ; non
 ut ego utique in patria essem. et nunc quiescerem ac tacerem
 libenter, nisi hæc quoque pro patria dimicatio esset ; cui deesse,
 quoad vita subpetat, aliis turpe, Camillo etiam nefas est. Quid
 enim repetimus ? quid obsessam ex hostium manibus eripuimus,
 si recuperatam ipsi deserimus ? et quum, victoribus Gallis,
 capta tota urbe, Capitolium tamen atque arcem Diique et ho-
 mines Romani tenuerint, habitaverint ; victoribus Romanis,
 recuperata urbe, arx quoque et Capitolium deseretur¹ ? et plus
 vastitatis huic urbi secunda nostra fortuna faciet, quam adversa
 fecit ? Equidem, si nobis cum urbe simul positæ traditæque per
 manus religiones nullæ essent, tamen tam evidens numen hac
 tempestate rebus adfuit Romanis, ut omnem negligentiam
 divini cultus exemtam hominibus putem. Intuemini enim horum
 deinceps annorum vel secundas res, vel adversas : invenietis
⁸⁹ omnia[†] prospere evenisse sequentibus Deos, adversa spernen-
 tibus. Jam omnium primum Veiens bellum (per quot annos,
 quanto labore gestum !) non ante cepit finem, quam monitu
 Deorum aqua ex lacu Albano emissa est. Quid hæc
 tandem urbis nostræ clades nova ? num ante exorta est,
 quam spreta ⁹⁰ vox cælo emissa de adventu Gallorum ? quam
 gentium jus ab legatis nostris violatum ? quam a nobis,
 quam vindicari deberet, eadem negligentia Deorum prætermis-
 sum ? Igitur victi captique ac redempti tantum pœnarum Diis
 hominibusque dedimus, ut terrarum orbi documento essemus.
 Adversæ deinde res admonuerunt religionum. Confugimus in
 Capitolium ad Deos, ad sedem Jovis optimi maximi : sacra in
 ruina rerum nostrarum alia ⁹¹ terræ celavimus, alia, avecta in
 finitimas urbes, amovimus ab hostium oculis. Deorum cultum,

^z si l. nisi Gron.

¹ describitur Gron. Crev.

⁸⁸ * Non rediturus umquam fue-
 rim] Certo consilio apud animum
 meum statuerim nunquam redire, et-
 iam si me revocaretis. † Andreas et
 Campanus, et, teste Hearnio, Sigo-
 nius edidit non si : quibus adstipula-
 tur unus ejusdem Hearnii codex,
 cujus in margine hæc lectio adscribi-
 tur : et servant omnes nostri. Vulgo
 non nisi : quod ineptum est. Quo
 enim alio modo redire in patriam
 Camillus poterat, nisi senatuscon-
 sulto populi que jussu revocatus ? At
 quomodo edidimus, nervosa etiam
 oratio est. His adde quod apud
 bonos Latinitatis auctores nunquam

hæc duæ voces non nisi sese mutuo
 tangunt, sed inter eas semper aliquid
 inseritur.

⁸⁹ * Omnia prospere evenisse ad-
 versa] Malleamus prospera.

⁹⁰ Vox cælo emissa] Gronovio ma-
 gis placeret cælo missa ; et firmat
 suam emendationem consimilibus e
 Livio exemplis : ut infra VII. 26.
 Ut augurium cælo missum lætus acce-
 pit tribunus : et XXVI. 19. Imperia
 consiliaque velut sorte oraculi missa.

⁹¹ Terræ celavimus] Usitatus es-
 set terra : quod et exstare in margine
 unius MS. testatur Gronovius.

U. C. 385. *deserti ab Diis hominibusque, tamen non intermisimus. Reddere igitur patriam, et victoriam, et antiquum belli decus amissum: et in hostes, qui cæci avaritia in pondere auri fœdus ac fidem fefellerunt, verterunt terrorem fugamque et cædem.*

LII. *Hæc culti neglectique numinis tanta monumenta in rebus humanis cernentes, ecquid sentitis, Quirites, quantum vixdum e² naufragiis prioris culpæ cladisque emergentes paremus nefas? Urbem auspicato inauguratoque conditam habemus: nullus locus in ea non religionum Deorumque est plenus: sacrificiis sollemnibus non dies magis statim, quam loca sunt, in quibus fiant. Hos omnes Deos, publicos privatosque, Quirites, deserturi estis? ⁹² Quam par vestrum factum est, quod in obsidione nuper in egregio adolescente C. Fabio, non minore hostium admiratione, quam vestra, conspectum est; quum inter Gallica tela degressus ex arce sollemne Fabiæ gentis in colle Quirinali obiit? An gentilicia sacra ne in bello quidem intermitteri, publica sacra et Romanos Deos etiam in pace descri placet? et pontifices flaminesque neglegentiores publicarum religionum esse, quam privatus in sollemni gentis fuerit? Forsitan aliquis dicat, aut Veiis ea nos facturos, aut huc inde missuros sacerdotes nostros, qui faciant: quorum neutrum fieri salvis ceremoniis potest. et ne omnia generatim sacra omnesque percenseam Deos; in ⁹³ Jovis epulo num alibi, quam in Capitolio, ⁹⁴ pulvinar suscipi potest? Quid de æternis Vestæ ignibus ⁹⁵ signoque, quod imperii pignus custodia ejus templi tenetur, loquar? quid de ancilibus vestris, Mars Gradive, ⁹⁶ tuque Quirine pater? hæc omnia in profano deseri placet sacra, æqualia urbi, quædam vetustiora origine urbis? Et videte, quid inter nos ac majores intersit. illi sacra quædam ⁹⁷ in monte Albano Lavinioque³ nobis facienda tradiderunt. An ex hostium ur-*

² ex Gron. Crev.

³ Lavinioque Crev.

⁹² *Quam par vestrum factum est, quod*] Supple. ei facto, quod. ⁹³ Nisi quis forte malit: *Quam par vestro factum est, quod.*

⁹³ *Jovis epulo*] Vid. not. 48. ad c. 13. sup.

⁹⁴ *Pulvinar suscipi*] Pulvinar est lectus alicui deo stratus. Hic sumi videtur pro ipsa celebritate lectisternii. Itaque *pulvinar suscipi* idem est ac *lectisternium institui*. De lectisternio vid. not. 48. ad c. 13. supra.

⁹⁵ *Signoque*] Palladio, quod ab Ænea in Italiam advectum esse, vulgaris opinio est. Vid. Dion. libb. I. et II. et Plut. in Cam.

⁹⁶ *Tuque Quirine pater*] Observan-

dum ancilia non Martis tantum Gradivi, sed etiam Quirini patris sacra hoc loco haberi: cujus rei fortasse aliud testimonium ægre reperiatur. Sed nimirum Mars et Quirinus duo sunt nomina ejusdem dei, ut diximus ad I. 20. supra.

⁹⁷ *In monte Albano, Lavinioque*] Tum in monte Albano, tum in eo in quo Lavinium conditum est. Lavinium erat in colle quodam situm, teste Dionys. l. I. Hic ergo ipse collis dicitur hoc loco *mons Lavinus*, ut apud Virgilium *Lavina littora*. Vulgati habent hic *Lavinioque*. Mutavimus ex auctoritate quatuor nostrorum codd.

bibus Romam ad nos transferri sacra ⁹⁸ *religiosum fuit: hinc U. C. 383. sine piaculo in hostium urbem Veios transferemus? Recordamini, agitedum, quoties sacra instaurentur, quia aliquid ex patrio ritu negligentia casuve prætermisum est. Modo quæ res, post prodigium Albani lacus, nisi instauratio sacrorum auspiorumque renovatio, adfectæ Veienti bello reipublicæ remedio fuit? At etiam, tamquam veterum religionum memores, et peregrinos Deos transtulimus Romam, et instituimus novos. Juno Regina, transvecta a Veiis, nuper in Aventino quam insigni ob excellens matronarum studium celebrique dedicata est die? Aio Locutio templum, propter cœlestem vocem exauditam in Nova via, jussimus fieri: Capitolinos ludos sollemnibus aliis addidimus; collegiumque ad id novum, auctore senatu, condidimus. Quid horum opus fuit suscipi, si una cum Gallis urbem Romanam relicturi fuimus? si non voluntate mansimus in Capitolio per tot menses obsidionis? si ab hostibus metu renti sumus? De sacris loquimur et de templis: quid tandem de sacerdotibus? Nonne in mentem venit, quantum piaculi committatur? Vestalibus nempe una illa sedes est, ex qua eas nihil umquam, præterquam urbs capta, movit. Flamini Diali noctem unam manere extra urbem nefas est. Hos Veientes pro Romanis facturi estis sacerdotes, et Vestales tuæ te deserent, Vesta? et flamen peregre habitando in singulas noctes tantum sibi reique publicæ piaculi contrahet? Quid alia, quæ auspicato agimus omnia fere intra pomerium, cui oblivioni, aut cui negligentiae damus? Comitia curiata, ⁹⁹ quæ rem militarem continent; comitia centuriata, quibus consules tribunosque militares creatis, ubi auspicato, nisi ubi adsolent, fieri possunt? Veiosne hæc transferemus? an comitiorum causa populus tanto incommodo in desertam hanc ab Diis hominibusque urbem conveniet?*

LIII. Sed res ipsa cogit vastam incendiis ruinisque relinquere urbem, et ad integra omnia Veios migrare, nec hic ædificando inopem plebem vexare. Hanc autem jactari magis causum, quam veram esse, ut ego non dicam, adparere vobis, Quirites, puto; qui meministis, ante Gallorum adventum, salvis tectis publicis privatisque, stante incolumi urbe, hanc eandem rem actam esse, ut Veios transmigraremus. Et videte, quantum inter meam sententiam vestramque intersit, tribuni. Vos, etiamsi tunc faciendum non fuerit, nunc utique faciendum putatis: ego contra, (nec id mirati sitis prius, quam, quale sit, audieritis) etiamsi tunc migrandum fuisset, incolumi tota urbe,

⁹⁸ *Religionum fuit*] Religioni habuimus, nefas esse duximus.

⁹⁹ *Quæ rem militarem continent*] Centuriatis comitiis potestas; curiatis imperium proprie dictum mandaba-

tur. De discrimine potestatis et imperii vid. not. 24. ad II. 56. De lege curiata vid. c. 38. l. IX. et Cic. Ep. ad Fam. I. 9.

U. C. 365. *nunc has ruinas relinquendas non censerem. Quippe tum caus-*
 A. C. 387. *sa nobis in urbem captam migrandi victoria esset, gloriosa no-*
bis ac posteris nostris; nunc hæc migratio nobis misera ac tur-
pis, Gallis gloriosa est. non enim reliquisse victores, sed amis-
se victi, patriam videbimur. hoc ad Alliam fuga, hoc capta
urbs, hoc circumsessum Capitolium necessitatis inposuisse, ut
desereremus penates nostros, exsiliumque ac fugam nobis ex eo
loco conscisceremus, quem tueri non possemus. et Galli evertere
potuerunt Romam, quam Romani restituere non videbuntur
potuisse? Quid restat, nisi ut, si^b jam novis copiis veniant,
(constat enim vix credibilem multitudinem esse) et habitare in
capta ab se, deserta a vobis, hac urbe velint, sinatis? Quid?
si non Galli hoc, sed veteres hostes vestri, Æqui Volscive, fa-
ciant, ut^c commigrent Romam, velitisne illos Romanos, vos
Veientes esse? ¹ an malitis hanc solitudinem vestram, quam
urbem hostium, esse? non equidem video, quid magis nefas sit.
Hæc scelera, quia piget ædificare^d, hæc dedecora pati parati
estis? Si tota urbe nullum melius ampliusve tectum fieri possit,
quam ² casa illa conditoris est nostri, non in casis, ritu pasto-
rum agrestiumque, habitare est satius inter sacra penatesque
vestros, quam exsulatum publice ire? Majores nostri, convenæ
pastoresque, quum in his locis nihil, præter silvas paludesque,
esset, novam urbem tam brevi ædificarunt^e: nos, Capitolio, arce
incolumi, stantibus templis Deorum, ædificare incensa^f piget?
et, quod singuli facturi fuimus, si ædes nostræ deflagrassent,
hoc in publico incendio universi recusamus facere?

LIV. *Quid tandem? si fraude, si casu Veiis incendium or-*
tum sit, ventoque (ut fieri potest) diffusa flamma magnam par-
tem urbis absumat; Fidenas inde, aut Gabios, aliamve quam
urbem quæsituri sumus, quo transmigemus? Adeo nihil tenet
solum patriæ, nec hæc terra, quam matrem adpellamus; sed in
superficie tignisque caritas nobis patriæ pendet? Equidem, fa-
tebor vobis, ³ etsi minus injuriæ vestræ, quam meæ calamitatis,

^b si del. Gron. Crev.
 verunt Eæd.

^c uti Eæd.
^f incensam Eæd.

^d reædificare Eæd.

^e ædifica-

¹ *An malitis]* An contra placebit hoc solum potius vastum et desertum remanere, dummodo vestræ ditionis sit, quam incolis et frequentari ab hostibus, hostiumque urbem dici et esse.

² *Casa conditoris nostri]* Casa in qua Romulus habitabat, quum pastoritiam vitam ageret; e lignis et arundine compacta; humilis, absque ulla contignatione. Ea erat ad Palatinum montem, et ut sacra servabatur ab iis quibus ea cura mandabatur. Quum quid vetustatis aut tempesta-

tum injuria vitiatum foret, id sarciebatur quam proxime fieri poterat ad pristinae formæ similitudinem. Hæc fere Dion. l. I.

³ *Etri minus injuriæ vestræ, quam meæ calamitatis meminisse juvat]* Hæc est mens Camilli, ut dicturus de exilio suo, cujus mentio ingrata populo futura erat, vitare conetur aurium offensionem, atque ideo exilium suum non tam injuriæ civium, quam suo cuidam infelici fato tribuat. Sed desideratur particula negans ante verbum juvat. *Etri meminisse haud ju-*

meminisse juvat, quum abessem, quotiescumque patria in men- U. C. 365.
tem veniret, hæc omnia obcurrerant, colles, campique, et Tibe- A. C. 387.
ris, et adsueta oculis regio, et hoc cælum, sub quo natus educa-
tusque essem. quæ vos, Quirites, nunc moveant potius caritate
sua, ut maneatis in sede vestra, quam postea, quum reliqueri-
tis ea, macerent desiderio. Non sine caussa Dii hominesque
hunc urbi condendæ locum elegerunt, saluberrimos colles, flu-
men opportunum, quo ex mediterraneis locis fruges devehantur,
quo maritimi commeatus accipiantur; mare vicinum ad commo-
ditates, nec expositum nimia propinquitate ad pericula classium
externarum: regionum Italiæ medium, ad incrementum urbis
natum unice locum. Argumento est ipsa magnitudo tam novæ
urbis. trecentessimus sexagesimus quintus annus urbis, Quirites,
agitur: inter tot veterrimos populos tamdiu bella geritis; quum
interea, ne singulas loquar urbes, non conjuncti cum Æquis
Volsci, tot tam valida oppida, non universa Etruria, tantum
terra marique pollens, atque inter duo maria latitudinem obti-
nens Italiæ, bello vobis par est. Quod quum ita sit, quæ (ma-
lum) ratio est, ⁴ expertis alia experiri, quum jam, ut virtus ves-
tra transire alio possit, fortuna certe loci hujus transferri non
possit? Hic Capitolium est, ubi quondam capite humano in-
vento responsum est, eo loco caput rerum summamque imperii
fore. hic, ⁵ quum augurato liberaretur Capitolium, Juventas
Terminusque maximo gaudio patrum nostrorum moveri se non
passi. hic Vestæ ignes, hic ancilia cælo demissa, hic omnes pro-
pitii manentibus vobis Dii.

L.V. Movisse eos Camillus quum⁶ alia oratione, tum ea, quæ ad religiones pertinebat, maxime dicitur. sed rem dubiam decrevit⁶ vox opportuna emissas⁷; quod, quum senatus post paullo de his rebus in⁷ curia Hostilia haberetur, cohortesque, ex præsidiis revertentes, forte agmine forum

⁸ tum Gron. Crev.

⁹ opportune vox emissas Ead.

vat, dicturus erat injuriæ vestræ: sed parit verbo, et rem mollit dicendo minus injuriæ vestræ, quam meæ calamitatis, id est, exilii mei, quod verius dixerim a fatali quadam mea calamitate, quam ab injuria vestra ortum. Sic l. IV. c. 32. *Etrusci pleni animorum ab pristini dici meliore occasione, quam pugna.* Scripturus erat Livius *ab pristini dici prospera pugna.* Sed ne graviore appellatione rem dictu levem extollat, subjicit *meliore occasione quam pugna*, id est, re ita gesta, ut verius dici possit bona occasio, quam secunda pugna.

⁴ *Expertis alia experiri*] Plurimi scripti inserunt *latos* ante *et* *alia*. Inde efficit Gronovius *expertis lares alios*

experiri, et exponit *lares alios expertis*, id est, lares alios quam quos experti tam feliciter sumus. Sed durior compositio videtur, nec satis Liviana. In vulgato acquiescamus, donec quid melius inventum fuerit. *Expertis*: nempe hujus loci ac situs commoditatem.

⁵ *Quum augurato liberaretur Capitolium*] Quum per auguria id ageretur, ut libera a ceteris religionibus area Capitolina esset tota Jovis. Vid. supra l. 55.

⁶ *Vox emissas*] Temere, ab eo homine qui nullo modo præsentem disceptionem intueretur.

⁷ *Curia Hostilia*] Vid. supra, l. 30.

U. C. 365. transirent, centurio in comitio exclamavit: *Signifer, statue*
 A. C. 387. *signum: hic manebimus optime.* qua voce audita, et senatus,
accipere se omen, ex curia egressus, conclamavit, et plebs
 circumfusa adprobavit. Antiquata deinde lege, promiscue
 Instauratio urbs aedificari coepta. Tegula publice praebita est: saxi
 urbis. materiaeque caedendae, unde quisque vellet, jus factum:
 8^o praedibus acceptis, eo anno aedificia perfecturos. Festina-
 tio curam exemit vicos dirigendi, dum, omisso sui alieni-
 que discrimine, in vacuo aedificant. Ea est causa, ut ve-
 teres cloacae, primo per publicum ductae, nunc privata pas-
 sim subeant tecta; formaque urbis sit 9^o occupatae magis,
 quam divisae, similis.

8^o *Praedibus acceptis*] Ea lege, ut
 qui aedificabant, praedes darent, qui
 sponderent eo anno aedificia perfectum
 iri.

9^o *Occupatae magis, quam divisae*]

Magis occupatae a singulis, prout cui-
 que libuit hanc vel illam partem sibi
 vindicare, quam divisae sub arbitris,
 qui suum cuique locum certa lege et
 norma assignarent terminarentque.

EPITOME LIBRI VI.

RES adversus Volscos et Æquos et Prænestinos prospere gestas continet. Quatuor tribus additæ sunt, Stellatina, Sabatina, Tromentina, ¹ Arniensis. M. Manlius, qui Capitolium a Gallis defenderat, quum obstrictos ære alieno liberaret, nexos exsolveret, crimine adfectati regni damnatus, de saxo Tarpeio dejectus est: in cujus notam ² senatusconsultum factum est, ne cui de Manlia gente Marco cognomen esset. C. Licinius et ³ L. Sertius tribuni plebis legem promulgarunt, ut consules etiam ex plebe fierent, qui ex Patribus creabantur. eamque legem cum magna contentione, repugnantibus Patribus, quum iidem tribuni plebis per quinquennium soli magistratus fuissent, pertulerunt; et primus ex plebe consul L. Sertius creatus est. Lata est et altero lex, ne cui plus quingentis jugeribus agri liceret possidere.

¹ *Narnienses*] Vid. not. 30. ad c. 5. hujus libri.

² *Senatusconsultum factum, ne cui de Manlia gente*] Hic aliquid intercidisse bene monet Jac. Gronovius. Id agnoscet quisquis c. 30. hujus li-

bri adire voluerit. In his quæ sequuntur pro voce *cognomen* reponendum est procul dubio *prænomen*.

³ *L. Sertius*] Si semper hoc libro scribitur hujus tribuni nomen. Male ergo hic vulgo legitur *L. Sertius*.

T. LIVII PATAVINI

LIBER VI.

U. C. 365. **QUÆ** ab condita urbe Roma ¹ ad captam eandem urbem
A. C. 387. Romani sub regibus, primum, consulibus deinde ac dictato-
Rerum an- bella, domi seditiones, quinque libris exposui; res quum
tiquarum vetustate nimia obscuras, velut ^a quæ magno ex intervallo
obscuritas. loci vix cernuntur; tum quod parvæ ^b et ² raræ per eadem
tempora literæ fuere, una custodia fidelis memoriæ rerum
gestarum: et quod, etiamsi quæ in commentariis pontifi-
cum aliisque publicis privatisque erant monumentis, incen-
sa urbe pleræque interiire. ³ Clariora deinceps certioraque
Clarior jam certiorque historia Ro- ab secunda origine, velut ab stirpibus lætius feraciusque
mana. renatæ urbis, gesta domi militiæque exponentur. Ceterum
quo primo adminiculo erecta erat, eodem innisa M. Furio
principe stetit. neque eum abdicare se dictatura, ⁴ nisi anno
circumacto, passi sunt. Comitia in insequentem annum
tribunos habere, quorum in magistratu capta urbs esset, non
placuit: res ad interregnum rediit. Quum civitas in opere
ac labore adsiduo reficiendæ urbis teneretur, interim Q. Fa-
bio, simul primum magistratu abiit, ab C. Marcio tribuno
plebis dicta dies est, quod legatus in Gallos, ad quos mis-
sus erat orator, contra jus gentium pugnasset. cui judicio
eum mors, adeo opportuna, ut voluntariam magna pars cre-
deret, subtraxit. Interregnum initum. P. Cornelius Sci-
pio interrex, et post eum M. Furius ⁵ Camillus iterum. Is
tribunos militum consulari potestate creat, L. Valerium
Publicolam ^c iterum, L. Virginium, P. Cornelium, A. Man-
U. C. 366. L. Valerio
A. C. 386. II. &c. Tr.
Mil. ^a veluti Gron. Crev. ^b parvæ del. Eæd. ^c Poplicolam Eæd.

¹ *Ad captam eandem urbem*] Mur-
retus delet postremam vocem: quæ
revera abest ab uno et altero codicum
nostrorum, nec ullo modo necessaria
est.

² *Raræ . . . litteræ fuere*] Vix quid-
quam literis consignabatur.

³ *Clariora deinceps*] Clariora erunt,
id est, distinctiora, notiora, et certio-
ra, quæ deinceps exponentur gesta
domi militiæque, ab secunda origine
urbis, quæ, velut arbor excisa lætiores
ab stirpibus feracioresque ramos rur-

sum emittit, ita post cladem sæcun-
diorum virtutum magnarumque rerum
proventu refluuit.

⁴ *Nisi anno circumacto*] Non, an-
no elapso a dictatura accepta, sed cir-
cumacto anno currente, ut dictator
pariter cum tribunis militum magis-
tratum deponeret. Hoc probant ea
verba, quæ proxime sequuntur.

⁵ *Camillus iterum*] Jam Camillus
interrex fuerat tertio ante hunc anno.
Vid. l. V. c. 31. ubi Scipio quoque eo-
dem anno interrex fuisse memoratur.

lium, L. Æmilius, L. Postumius. Hi ex interregno quum U. C. 366. extemplo magistratum inissent, nulla de re prius, quam de reli- A. C. 386. gionibus, senatum consulere. In primis fœdera ac leges (erant autem eæ duodecim tabulæ et quædam regiæ leges) conquiri, quæ comparerent, jusserunt: ⁶ alia ex eis edita etiam in vulgus: quæ autem ad sacra pertinebant, a pontificibus maxime, ut religione obstrictos haberent multitudinis animos, suppressa. Tum ⁷ de diebus religiosis agitari cœptum, diemque ante diem xv Kalendas Sextiles, duplici clade insignem, (quo die ad Cremeram Fabii cæsi, quo deinde ad Alliam cum exitio urbis fœde pugnatum) a posteriore clade Allensem adpellarunt, insignemque rei nulli publice privatimque agendæ fecerunt. ⁸ Quidam, quod postridie Idus Quinctiles non litasset Sulpicius tribunus militum, ⁹ neque inventa pace Deum post diem tertium objectus hosti exercitus Romanus esset, etiam postridie Idus rebus divinis suspensederi jussum: inde, ut postridie Kalendas quoque ac Nonas eadem religio esset, traditum, putant.

II. Nec diu licuit quietis consilia erigendæ ex tam gravi casu reipublicæ secum agitare. Hinc Volsci, veteres hostes, ad extinguendum nomen Romanum arma ceperant, hinc Etruriæ principum ex omnibus populis conjurationem de bello, ad fanum Voltumnæ factam, mercatores adferebant. novus quoque terror accesserat defectione Latinorum Hernicorumque, qui, post pugnam ad lacum Regillum factam, ¹⁰ per annos prope centum numquam ambigua fide in amicitiam ^d populi Romani fuerant. Itaque quum tanti undique terrores circumstarent, adpareretque omnibus, non odio solum apud hostes, sed contemptu etiam inter socios nomen Romanum laborare; placuit eisdem auspiciis defendi rempublicam, quibus recuperata esset, dictatoremque dici M. Furium Camillum. Is dictator C. Servilium Ahalam ^{Camillus} magistrum equitum dixit: justitioque indicto, delectum ju- ^{dictator III.} niorum habuit, ita ut seniores quoque, quibus aliquid roboris superesset, ¹¹ in verba sua juratos centuriaret. Exerci-

^d amicitia Gron. Crev.

⁶ *Alia ex eis*] Alia earum legum capita publicarunt: quæ ad sacra pertinebant, suppressa.

⁷ *De diebus religiosis*] Religiosi dies dicuntur, teste A. Gell. IV. 9. tristi omine infames impeditique, in quibus et res divinas facere, et rem quampiam novam exordiri temperandum est.

⁸ *Quidam, quod postridie*] De ea re vid. A. Gell. V. 17.

⁹ *Neque inventa pace deum*] Et, licet placati dii non essent, licet nulla

impetrata essent signa propitiæ deum voluntatis.

¹⁰ *Per annos prope centum*] Latini semper in fide manserant post pugnam ad Regillum lacum, a qua hic annus est centesimus duodecimus ex Livio, centesimus nonus ex Dionysio: Hernici, post fœdus cum Romanis ictum Sp. Cassio et Proculo Virginio consulibus, ante annos prope centum, sive octo supra nonaginta.

¹¹ *In verba sua juratos centuriaret*] In centurias distribueret, post-

U. C. 366. tum conscriptum armatumque trifariam divisit. partem
 A. C. 366. unam in agro Veiente Etruriæ obposuit: alteram ante urbem castra locare jussit. ¹² tribunus militum his A. Manlius, illis, qui adversus Etruscos mittebantur, L. Æmilius præpositus: tertiam partem ipse ad Volscos duxit. nec procul ab Lanuvio ¹³ (*ad Mæcium* * is locus dicitur) castra obpugnare est adortus. Quibus, ab contemptu (quod prope omnem deletam a Gallis Romanam juventutem crederent) ad bellum profectis, tantum Camillus auditus imperator terroris intulerat, ut vallo se ipsi, vallum congestis arboribus sepirent, ne qua intrare ad munimenta hostis posset. Quod ubi animadvertit Camillus, ignem in objectam sepem conjici jussit. et forte erat vis magna venti versa in hostem. itaque non aperuit solum incendio viam, sed, flammis in castra tendentibus, vapore etiam ac fumo crepituque viridis materiæ flagentis, ita consternavit hostes, ut minor moles superantibus vallum in castra Volscorum Romanis fuerit, quam transcendentibus sepem incendio absumtam fuerat. Fuis hostibus cæsisque, quum castra inpetu cepisset dictator, prædam militi dedit, quo minus speratam, minime^f largitore duce, eo militi gratiorem. persecutus deinde fugientes, quum omnem Volscum agrum depopulatus esset, ad deditionem Volscos ¹⁴ septuagesimo demum anno subegit. Victor ex Volscis in Æquos transiit, et ipsos bellum molientes: exercitum eorum ad Bolas obpressit; nec castra modo, sed urbem etiam adgressus, inpetu primo cepit.

Volscorum
castra capit.

Dedunt se
Volsci.

Sutrium a
Tuscia ob-
sessum.

III. Quum in ea parte, in qua caput rei Romanæ Camillus erat, ea fortuna esset, aliam in partem terror ingens ingruerat. Etruria prope omnis armata Sutrium, socios populi Romani, obsidebat: quorum legati, opem rebus adfectis orantes, quum senatum adissent, decretum ¹⁵ tulere, ut dictator primo quoque tempore auxilium Sutrinis ferret. Cujus spei moram quum pati fortuna obsessorum non potuisset, confectaque ¹⁶ paucitas oppidanorum, opere, vigiliis, vulneribus, quæ semper eosdem urguebant, per pactionem

* *Mæcium* Gron. Crev.

^f *minime* l. a *minime* Eæd.

quam juravissent se jussu Camilli dictatoris conventuros, neque injussu abituros.

¹² *Tribunus militum*] Campanus *tribuni*, ut et aliquot codd. MSS. In nostris ambigua scriptura est, *tr. mil.* Gronovius merito legendum putat: *tribuni militum his A. Manlius, illis qui adversus Etruscos mittebantur, L. Æmilius præpositi.*

¹³ *Ad Mæcium*] Campanus et Andreas *ad Metium*. Verum hujus loci nomen Sigonius et Jac. Gronovius esse

existimant, *ad Mæcium*.

¹⁴ *Septuagesimo demum anno*] Numerus mendosus. Legendum censet Sigonius *septimo et centesimo*: ut numeraverit Livius ab eo anno, quo Volsci, jam ante a Tarquinio Superbo lacessiti, bellum renovaverant, Ap. Claudio et P. Servilio consulibus, u. c. 259.

¹⁵ *Tulere*] Abstulere, impetravere.

¹⁶ * *Paucitas oppidanorum*] Oppidani, qui pauci erant.

urbe hostibus tradita, inermes cum singulis emissi vestimentis, miserabili agmine penates relinquerent; eo forte tempore Camillus cum exercitu Romano intervenit. cui quum se moesta turba ad pedes provolvisset, principumque orationem necessitate ultima expressam, fletus mulierum ac puerorum, qui exsilii comites trahebantur, excepisset; parcere lamentis Sutrinis iussit: Etruscis se luctum lacrimasque ferre. Sarcinas inde deponi, Sutrinisque ibi considere, modico praesidio relicto, arma secum militem ferre jubet. Ita expedito exercitu profectus ad Sutrium, id quod rebatur, soluta omnia rebus (ut fit) secundis invenit: nullam stationem ante moenia, patentes portas, victorem vagum praedam ex hostium tectis egerentem. Iterum igitur eodem die Sutrium capitur: victores Etrusci passim trucidantur ab novo hoste, neque se conglobandi, coeundique in unum, aut arma capiendi datur spatium. quum pro se quisque tenderent ad portas, si qua forte se in agros ejicere possent, clausas (id enim primum dictator imperaverat) portas inveniunt. Inde alii arma capere, alii, quos forte armatos tumultus occupaverat, convocare suos, ut proelium inirent. quod accensum ab desperatione hostium fuisset; ni praeco- nes, per urbem dimissi, poni arma, et parci inermi jussissent, nec praeter armatos quemquam violari. Tum etiam, quibus animi ¹⁷ in spe ultima obstinati ad decertandum faerant, postquam data spes vitae est, jactare passim arma, inermesque, quod tutius fortuna fecerat, se hosti obferre. Magna multitudo in custodias divisa: oppidum ante noctem redditum Sutrini inviolatum integrumque ab omni clade belli, quia non vi captum, sed traditum per conditiones fuerat.

IV. Camillus in urbem triumphans rediit, trium simul ^{Triumphat.} bellorum victor. Longe plurimos captivos ex Etruscis ante currum duxit. quibus sub hasta venundatis, tantum aeris redactum est, ut, pretio pro auro matronis persoluto, ex eo, quod supererat, tres paterae aureae factae sint: quas, cum titulo nominis Camilli, ¹⁸ ante Capitolium incensum in Jovis cella constat ante pedes Junonis positas fuisse. Eo anno in civitatem accepti, qui Veientium Capenatiumque ac Faliscorum per ea bella transfugerant ad Romanos, agerque iis novis civibus adsignatus. ¹⁹ revocati quoque in urbem senatusconsulto a Veiiis, qui aedificandi Romae pigritia,

¹⁷ * *In spe ultima*] Tum quum spes ultima eis fuerat in armis et certamine sita.

¹⁸ *Ante Capitolium incensum*] Syllanis temporibus, L. Cornelio Scipione et C. Norbano Cosa. anno ab u. c. 669.

¹⁹ *Revocati . . . a Veiiis, qui . . . Veios se contulerant*] Recte observat Gronovius supervacaneum esse *a Veiiis*. Et vero harum duarum vocum loco Victorinus codex habet *claves*.

U. C. 366. occupatis ibi vacuis tectis, Veios se contulerant. et primo
A. C. 386. fremitus fuit adspernantium imperium: dies deinde præsti-
tuta capitalisque poena, qui non remigrasset Romam, ex
ferocibus universis singulos, metu suo quemque, obedientes
fecit. Et Roma quum frequentia crescere, tum tota simul
exurgere ædificiis, et republica inpensas adjuvante, et æ-
dilibus velut publicum exigentibus opus, et ipsis privatis
(admonebat enim desiderium usus) festinantibus ad effec-
tum operis. intraque annum nova urbs stetit. Exitu anni
comitia tribunorum militum consulari potestate habita-
U. C. 367. creati T. Quinctius Cincinnatus, Q. Servilius Fidenas quin-
A. C. 385. tum, L. Julius Julius, L. Aquillius²⁰ Corvus, L. Lucretius
T. Quinc- Tr. Tricipitinus, Ser. Sulpicius Rufus. Exercitum alterum in
tlo, &c. Tr. Mil. Æquos, non ad bellum, (victos namque se fatebantur) sed
ab odio ad pervastandos fines, ne quid ad nova consilia re-
linquerent virium, duxere: alterum in agrum Tarqui-
niensem. Ibi oppida Etruscorum Cortuosa et Contene-
bra²⁰ vi capta dirutaque. Ad Cortuosam nihil certaminis
fuit. improviso adorti, primo clamore atque inpetu cepere:
direptum oppidum atque incensum est. Contenebra paucos
dies obpugnationem sustinuit; laborque continuus, non die
non nocte remissus, subegit eos. quum in sex partes divisus
exercitus Romanus²¹ senis horis in orbem succederet præ-
lio, oppidanos eosdem²² integro semper certamini paucitas
fessos objiceret; cessere tandem, locusque invadendi urbem
Romanis datus est. Publicari prædam tribunis placebat:
sed imperium, quam consilium, segnius fuit. dum cunctan-
tur, jam militum præda erat; nec, nisi²³ per invidiam, adi-
mi poterat. Eodem anno, ne privatis tantum operibus cre-
sceret urbs,²⁴ Capitolium quoque saxo quadrato subtruc-
tuma est: opus vel in hac magnificentia urbis conspicien-
dum.

Capitolii
substructio.

V. Jam et tribuni plebis, civitate ædificando occupata,
²⁵conciones suas frequentare legibus agrariis conabantur.
ostentabatur in spem Pomptinus ager, tum primum, post
Tribb. pl. molitiones. accisas a Camillo Volscorum res, possessionis haud ambi-

²⁰ Aquilius Gron. Crev.

²⁰ *Vi capta dirutaque*] Tres e nostr. eodd. ut et duo a Jac. Gronovio al- legati, abdicant *dirutaque*.

²¹ *Senis horis in orbem succede- ret prælio*] Ita capesseret prælium, ut in singula senarum horarum spatia singulæ exercitus partes sibi in or- bem succederent.

²² *Integro semper*] Semper novo, in quo semper adversus integros hos- tes dimicandum esset.

²³ *Per invidiam*] Ita ut invidia in- de otiretur, ita ut odium militis ex- citaretur in duces.

²⁴ *Capitolium saxo quadrato substructum est*] Renovata sunt Capi- tolilii fundamenta, et e saxo quadrato structa.

²⁵ *Conciones suas frequentare*] Ad conciones suas frequentem civium multitudinem allicere.

guæ. Criminabantur, *multo eum*²⁶ *infestio- U. C. 367.*
re esse, quam a Volscis fuerit; ab illis enim tantum, quoad A. C. 385.
vires et arma habuerunt, incursiones eo factas. nobiles ho-
mines in possessionem agri publici grassari: nec, nisi, ante-
quam omnia præcipiant, divisus sit, locum ibi plebi fore.
 Haud magno opere plebem moverant, et infrequentem in
 foro propter ædificandi curam, et²⁷ eodem exhaustam in-
 pensis, eoque agri inmemorem, ad quem instruendum vires
 non essent. In civitate plena religionum, tum etiam ab re-
 centi clade superstitiosis principibus,²⁸ ut renovarentur aus-
 picia, res ad interregnum rediit. interreges deinceps M.
 Manlius Capitolinus, Ser. Sulpicius Camerinus, L. Valerius
 Potitus. Hic demum tribunorum militum consulari potes-
 tate comitia habuit. L. Papirium, C. Cornelium, C. Ser- U. C. 368.
 gium, L. Æmilium iterum, L. Menenium, L. Valerium A. C. 384.
 Publicolam^h tertium creat. hi ex interregno magistratum L. Papirio,
 occepere. Eo anno ædes Martis, Gallico bello vota, dedi- &c. Tr. Mil.
 cata est a T. Quinctio duumviro sacris faciundis. Tribus
 quatuor²⁹ ex novis civibus additæ,³⁰ Stellatina, Tromenti-
 na, Sabatina, Arniensis¹: eæque³¹ viginti quinque tribuum
 numerum explevere.

VI. De agro Pomptino ab L. Sicinio tribuno plebis ac-
 tum ad frequentiore jam populum, mobilioremque ad cu-
 piditatem agri, quam fuerat. Et de Latino Hernicoque
 bello mentio facta in senatu, majoris belli cura, quod Etru-
 ria in armis erat, dilata est. Res ad Camillum tribunum
 militum consulari potestate rediit. collegæ additi quinque,
 Ser. Cornelius Maluginensis, Q. Servilius Fidenas sextum, U. C. 369.
 L. Quinctius Cincinnatus, L. Horatius Pulvillus, P. Valerius. A. C. 383.
 Principio anni aversæ curæ hominum sunt a bello Etrusco, M. Furio
 quod fugientium ex agro Pomptino agmen repente inlatum Camillo V.
 in urbem adtulit, Antiates in armis esse, Latinorumque po- &c. Tr. Mil.
 Antiates in
 armis.

^h *Poplicolam* Gron. Crev.

¹ *Narniensis* Eæd.

²⁶ *Infestio- rem esse*] Invadi acrius,
 et plebi Romanæ certius adimi.

²⁷ *Eodem*] In eandem rem, id est,
 in ædificandum.

²⁸ * *Ut renovarentur auspicia, res
 ad interregnum rediit*] Interregnum
 non inibatur, nisi quando nulli erant
 in republica curules Magistratus. Pa-
 tricij coibant, et per se ipsi auspicato
 interregem prodebant. Itaque nova
 plane erant auspicia interregis; et
 nulla ex parte pendebant ab auspiciis
 magistratuum anni præcedentis: et
 si quid in his vitii esset, nihil ad illa
 hoc vitium pertinere poterat.

²⁹ *Ex novis civibus*] Vid. supra c. 4.

³⁰ *Stellatina, Tromentina*] *Stellatina*
 tribus ab agro, sive campo Stellate
 dicta est, non eo qui in Campania,
 sed eo qui in Etruria fuit inter Ca-
 penam et Veios. *Sabatina* a Sabate
 lacu, qui itidem in Etruria. *Tromen-*
tina, a Tromento campo. Hæc omnia
 constant ex Festo. Tromentum cam-
 pum volunt et ipsum in Etruria fuis-
 se. De nomine sequentis tribus am-
 bigitur. *Narniensem* alii, alii *Arni-*
ensem legi volunt: et eam illi quidem a
 Narnia Umbriæ oppido, hi ab Arno
 Etruriæ fluvio dictam esse existimant.

³¹ *Viginti quinque tribuum*] Vid.
 supra II. 21.

U. C. 389. *palos juventutem submittere ad id bellum; eo abnuentes*
 A. C. 383. *publicam fuisse consilium, quod non prohibitos tantum-*
modo voluntarios dicerent militare, ubi vellent. Desierant
jam ulla contemni bella. itaque senatus Dīs agere gratias,
 Camillo re- *quod Camillus in magistratu esset: dictatorem quippe di-*
 gimen om- *cendum eum fuisse, si privatus esset. et collegæ fateri, regi-*
 nium rerum *men omnium rerum, ubi quid bellici terroris ingruat, in viro*
 collegæ per- *uno esse: sibi que destinatum in animo esse, Camillo submittere*
 mittunt. *imperium. nec quidquam de majestate sua detractum credere,*
quod majestati ejus viri concessissent. Conlaudatis ab senatū
tribunis, et ipse Camillus, confusus animo, gratias egit.
Ingens, inde ait, onus a populo Romano sibi, qui se dictato-
rem jam quartum creasset, magnum a senatu talibus de se
judiciis ejus ordinis, maximum tam honoratorum collegarum
obsequio injungi. Itaque si quid laboris vigiliarumque adjici
possit, certantem secum ipsum adniscurum, ut tanto de se con-
sensu civitatis opinionem, quæ maxima sit, etiam constantem
efficiat. Quod ad bellum atque Antiates adtineat, plus ibi
minarum, quam periculi, esse. se tamen, ut nihil timendi, sic
nihil contemnendi auctorem esse. Circumsederi urbem Roma-
nam ab invidia et odio finitimorum: itaque et dutibus pluri-
bus et exercitibus administrandam rempublicam esse. Te, in-
quit, P. Valeri, socium imperii consilique, legiones mecum
adversus Antiatem hostem ducere placet: te, Q. Servili, altero
exercitu instructo paratoque, in urbe castra habere; intentum
sive Etruria se interim, ut nuper, sive nova hæc cura, Latini
atque Hernici, moverint. Pro certo habeo, ita rem gesturum,
ut patre, avo, teque ipso ac sex tribunatibus dignum est. Ter-
tius exercitus ex caussariis senioribusque a L. Quinctio scri-
batur, qui urbi mœnibusque præsidio sit. L. Horatius arma,
tela, frumentum, quæque belli alia tempora poscent, provi-
deat. Te, Ser. Corneli, præsidem hujus publici consilii, cas-
todem religionum, comitiorum, legum, rerum omnium urbana-
rum, collegæ facimus. Cunctis in partes muneris sui benign-

32 * *Eo abnuentes]* Ea ratione titantes ut abnuerent

33 *Jam quartum]* Ter tantum dictator fuerat Camillus: nisi Livius velit hanc esse quasi quartam dictaturam, præpterea quod et illam deferendam ei fuisse, si privatus foret, dixerunt Patres; et ejus magistratus quamvis nomine caruerit, potestatem tamen vimque complexus est, quum regimen omnium rerum penes eum foret. Ceterum ne sic quidem satis decore videtur Camillus quartam sibi dictaturam arrogare. * Omnino repemendum existimamus jam tertium.

34 * *Tanto de se consensu civitatis]* Hæc absolute dicta intellige. Quum tantus sit de se consensus civitatis: quum civis tam unanimi consensu de se (Camillo) bene judicent.

35 * *Nova hæc cura]* Hi qui novam nobis sollicitudinem creant.

36 *Caussariis]* Quibus, ob imbecillam valetudinem, vacatio militiæ esse debuisset.

37 *Quæque belli alia]* Quasque alia belli necessitas poscet. Ceterum hic locus videtur aliquid celare vitæ. Scripti habent *bellica* vel *bellis* tempora.

ne pollicentibus operam, Valerius, socius imperii lectus, ad- U. C. 369.
 jecit; M. Furium sibi pro dictatore, seque ei pro magistro A. C. 368.
 equitum futurum. Proinde, quam opinionem de unico impe-
 ratore, eam spem de bello haberent. Se vera bene sperare,
 Patres, et de bello, et de pace universaque republica, erecti
 gaudio, fremunt: nec dictatore umquam opus fore reipublicæ,
 si tales viros in magistratu habeat, tam concordibus junctos
 animis, parere atque imperare juxta paratos, laudemque con-
 ferentes potius in medium, quam ex communi ad se trahen-
 tes.

VII. Justitio indicto, delectuque habito, Furius ac Vale-
 rius ad Satricum profecti: quo non Volscorum modo ju-
 ventutem Antiates ex nova subole lectam, sed ingentem
 Latinorum Hernicorumque conciverant ex integerrimis diu-
 tina pace populis. itaque novus hostis veteri adjunctus com-
 movit animos militis Romani. Quod, ubi aciem jam in-
 struenti Camillo centuriones renunciaverunt, turbatas mili-
 tum mentes esse, segniter arma capta, cunctabundosque et ³⁸ re-
 sistentes egressos castris esse; quin voces quoque auditas, cum
 centenis hostibus singulos pugnaturos; et ægre inermem tantam
 multitudinem, nedum armatam, sustineri posse; in equum in-
 silit, et, ante signa obversus in aciem, ordines interequitans,
Quæ tristitia, milites, hæc, quæ insolita cunctatio est? Hostem, Oratio Ca-
an me, an vos ignoratis? Hostis est quid aliud, quam perpetua milli ad mi-
materia virtutis gloriæque vestræ? Vos contra, me duce, (ut lites.
Falerios Veiosque captos, et in capta patria Gallorum legiones
cæsas taceam) modo trigeminæ victoriæ triplicem triumphum
ex his ipsis Volscis, et Aëquis, et ex Etruria egistis. An me,
quod non dictator vobis, sed tribunus, signum dedi, non agnos-
citis ducem? neque ego maxima imperia in vos desidero: et vos
in me nihil, præter me ipsum, intueri decet. neque enim dicta-
tura mihi umquam animos fecit, ut ne exsilium quidem ademit.
Idem igitur omnes sumus: et, quum eadem omnia in hoc bel-
lum adferamus, quæ in priora adtulimus, eundem eventum
belli expectemus. Simul concurreritis, quod quisque didicit, ac
consuevit, faciet. Vos vincetis, illi fugient.

VIII. Dato deinde signo, ex equo desilit, et proximum Vincit Vol
 signiferum, manu adreptum, secum in hostem rapit; infer, ³⁰⁸
 miles, clamitans, signum. quod ubi videre ipsum Camillum,
 jam ad munera corporis senecta invalidum, vadentem in
 hostes, procurrunt pariter omnes, clamore sublato, *Sequere*
imperatorem, pro se quisque clamantes. Emissum etiam sig-
 num Camilli jussu in hostium aciem ferunt; idque ut re-
 peteretur, concitatos antesignanos. Ibi primum pulsum
 Antiatem, terroremque non in primam tantum aciem, sed
 etiam ad subsidiarios perlatum. nec vis tantum militum mo-

38^a Resistentes] Identidem sistentes gradum.

U. C. 369. A. C. 389. vebat, excitata præsentia ducis, sed quod Volscorum animis nihil terribilius erat, quam ipsius Camilli forte oblata species. Ita, quocumque se intulisset, victoriam secum haud dubiam trahebat. maxime id evidens fuit, quum, in lævum cornu, prope jam pulsum, adrepto repente equo cum scuto pedestri, abvectus, conspectu suo prælium restituit, ostentans vincentem ceteram aciem. Jam inclinata res erat, sed turba hostium et fuga inpediebatur, et longa cæde conficienda multitudo tanta fesso militi erat: quum repente ingentibus procellis fusus imber certam magis victoriam, quam prælium, diremit. Signo deinde receptui dato, nox insecuta, quietis Romanis, perfecit bellum. Latini namque et Hernici, relictis Volscis, domos profecti sunt, malis consiliis pares adepti eventus. Volsci, ubi se desertos ab eis videre, quorum fiducia rebellaverant, relictis castris, mœnibus Satrici se includunt. quos primo Camillus vallo circumdare, et aggere atque operibus obpugnare est adortus. Quæ postquam nulla eruptione inpediri videt; minus esse animi ratus in hoste, quam ut in eo tam lentæ spei victoriam exspectaret, cohortatus milites, ne, tamquam Veios obpugnantes, in opere longinquo sese tererent, victoriam in manibus esse; ingenti militum alacritate mœnia undique adgressus, scalis oppidum cepit. Volsci abjectis armis sese dediderunt.

Satricum
capitur.

Bellum
cum Etrus-
cis Sutrium
obsidenti-
bus,

IX. Ceterum animus ducis rei majori, Antio, imminebat. id caput Volscorum, eam fuisse originem proximi belli. Sed quia nisi magno adparatu, tormentis machinisque, tam valida urbs capi non poterat; relicto ad exercitum collega, Romam est profectus, ut senatum ad excidendum Antium hortaretur. Inter sermonem ejus (credo, rem Antiatem diuturniorem manere, Diis cordi fuisse) legati ab Nepete ac Sutrio, auxilium adversus Etruscos petentes, veniunt, brevem occasionem esse ferendi auxilii memorantes. eo vim Camilli ab Antio fortuna avertit. Namque quum ea loca obposita Etruriæ, et velut claustra inde portæque essent; et illis occupandi ea, quum quid novi molirentur, et Romanis recuperandi tuendique cura erat. Igitur senatui cum Camillo agi placuit, ut, omisso Antio, bellum Etruscum susciperet.³⁹ Legiones urbanæ, quibus Quinctius præ-

³⁹ *Legiones urbanæ, quibus Quinctius præfuerat*] Quinctius præerat exercitui ex causariis senioribusque conscripto. Vid. supra c. 6. Eum traditum esse Camillo, quum alter exercitus e junioribus validisque a Q. Servilio scriptus præsto casset, non est verisimile. Itaque hic rescribendum videtur, quibus Q. Servilius præ-

fuerat. Tamen paulo infra Quinctius, non Servilius, mittitur ad eum exercitum, quem Camillus in Volscis relinquebat. Itaque et aliam permutationem exercituum factam esse necesse est, ita ut Servilius præfuerit exercitui Quinctiano, qui ad urbem retentus sit. Sic nodum hunc solvit J. Fr. Gronovius.

fuerat, ei decernuntur. quamquam expertum exercitum ad- u. c. 369.
suetumque imperio, qui in Volscis erat, mallet, nihil recu- A. C. 383.
savit: Valerium tantummodo imperii socium depoposcit.
Quinctius Horatiusque ⁴⁰successores Valerio in Volscis
missi. Profecti ab urbe Sutrium Furius et Valerius partem
oppidi jam captam ab Etruscis invenere; ex parte altera,
interseptis itineribus, ægre oppidanos vim hostium ab se
arcentes. Quum Romani auxilii adventus, tum Camilli no-
men celeberrimum apud hostes sociosque, et in præsentia
rem inclinatam sustinuit, et spatium ad opem ferendam de-
dit. Itaque diviso exercitu, Camillus collegam, eam in
partem circumductis copiis, quam hostes tenebant, mœnia
adgredi jubet, non tanta spe scalis capi urbem posse, quam
ut, aversis eo hostibus, et oppidanis jam pugnando fessis
laxaretur labor, et ipse spatium intrandi sine certamine
mœnia haberet. Quod quum simul utrimque factum esset,
ancepsque terror Etruscos circumstaret, et mœnia summa
vi obpugnari, et intra mœnia esse hostem viderent; porta
se, quæ una forte non obsidebatur, trepidi uno agmine eje-
cere. Magna cædes fugientium et in urbe et per agros est
facta. plures a Furianis intra mœnia cæsi: Valeriani expe-
ditiores ad persequendos fuere; nec ante noctem, quæ con-
spectum ademit, finem cædendi fecere. Sutrio recepto re-
stitutoque sociis, Nepete exercitus ductus, quod per dedi-
tionem acceptum jam totum Etrusci habebant.

X. Videbatur plus in ea urbe recipienda laboris fore; non
in eo solum, quod tota hostium erat, sed etiam quod, parte
Nepesinorum prodente civitatem, facta erat deditio. Mitti Nepete re-
tamen ad principes eorum placuit, ut secernerent se ab cipitur.
Etruscis, fidemque, quam inplorassent ab Romanis, ipsi
præstarent. Unde quum responsum adlatum esset, *nihil*
suae potestatis esse, Etruscos mœnia custodiasque portarum te-
nere; primo populationibus agri terror est oppidanis admo-
tus: deinde, postquam deditiois, quam societatis, fides
sanctior erat, fascibus sarmentorum ex agro conlatis, duc-
tus ad mœnia exercitus, completisque fossis scalæ admotæ,
et clamore primo inpetuque oppidum capitur. Nepesinis
inde edictum, ut arma ponant; parcique jussum inermi.
Etrusci pariter armati atque inermes cæsi. Nepesinorum
quoque auctores deditiois securi percussi: innoxiae multitu-
dini redditæ res, oppidumque cum præsidio relictum. Ita,
duabus sociis urbibus ex hoste receptis, victorem exercitum
tribuni cum magna gloria Romam reduxerunt. Eodem an- A Latinis
no ab Latinis Hernicisque res repetitæ, quæsitumque, cur Hernicis-
que res re-
petitæ.

⁴⁰ Successores Valerio in Volscis Volcos: quomodo dedit Campanus,
missi] Intellige Valerio, qui erat in et servat Victor. codex.
Volcis. Melius tamen videretur in

U. C. 369. per eos annos militem ex instituto non dedissent? Respon-
 A. C. 383. sum frequenti utriusque gentis concilio est, nec culpam in eo
*publicam, nec consilium fuisse, quod suæ juventutis aliqui apud
 Volscos militaverint. eos tamen ipsos pravi consilii poenam ha-
 bere, nec quemquam ex his reducere esse. Militis autem non
 dati causam, terrorem adsidium a Volscis fuisse, quam pes-
 tem adhaerentem lateri suo tot super alia aliis bellis exhaustiri
 nequisset.* ⁴¹ Quæ relata Patribus magis tempus, quam causam,
 non visa belli habere.

U. C. 370.
 A. C. 382.
 A. Manlio
 II. &c. Tr.
 Mil.
 Bellum
 Volscum.

M. Manlii
 pravae molitiones.

XI. Insequenti anno, A. Manlio, P. Cornelio, T. et L. Quinctiis Capitolinis, L. Papirio Cursore iterum, C. Sergio iterumque tribunis consulari potestate, grave bellum foris, gravior domi seditio exorta: bellum a Volscis, adjuncta Latinorum atque Hernicorum defectione; seditio, unde minime timeri potuit, a patriciæ gentis viro et inclitæ famæ, M. Manlio Capitolino: qui nimius animi, quum alios principes sperneret, uni invideret, eximio simul honoribus atque virtutibus, M. Furio; ægre ferebat, solum eum in magistratibus, solum apud exercitus esse; tantum jam eminere, ut iisdem auspiciis creatos, non pro collegis, sed pro ministris habeat: quum interim, si quis vere æstimare velit, a M. Furio recuperari patria ex obsidione hostium non potuerit, nisi a se prius Capitolium atque arx servata esset: et ille, inter aurum accipiendum et spem pacis solutis animis, Gallos adgressus sit; ipse armatos capientesque arcem depulerit: illius gloriæ pars virilis apud omnes milites sit, qui simul vicerint; suæ victoriæ neminem omnium mortalium socium esse. His opinionibus inflato animo, ad hoc vitio quoque ingenii vehemens et inpotens, postquam inter Patres non, quantum æquum censebat, excellere suas opes animadvertit; ⁴² primum omnium ex Patribus popularis factus, cum plebeiis¹ magistratibus consilia communicare; criminando Patres, adliciendo ad se plebem, ⁴³ jam aura, non consilio, ferri, famæque magnæ malle, quam bonæ esse: et, non contentus agrariis legibus, quæ materia semper tribunis plebi seditioum fuisset, ⁴⁴ fidem

¹ plebis Gron. Crev.

⁴¹ Quæ relata Patribus] Hoc responsum relatum Patribus visum quidem est idoneam ac legitimam belli causam præbere: sed ab eo tamen indicendo abstinere suavit tempus parum opportunum.

⁴² Primum omnium] Id est, primus: et fortasse sic scripserat Livius. Sane duo codices, Jac. Gronovii alter, alter Hearnii, et duo e nostris habent primus. Ceterum quod hic traditur a nostro, Manlium primum e Patribus popularem factum, id non omni

ex parte verum videtur. Dux enim ante Sp. Cassius, patricius, triumphalis, ter consul, popularibus sese actionibus jactaverat.

⁴³ Jam aura, non consilio ferri] Jam aura favoris popularis ferri, non consilio et ratione gubernari.

⁴⁴ Fidem moliri] Labefactare creditarum pecuniarum jura, solutionisque necessitatem. Porro hæc optima sane lectio debetur Sigonio. Prius: Idem moliri.

moliri cepit. acriores quippe aeris alieni stimulos esse, qui non U. C. 370.
egestatem modo atque ignominiam minentur, sed ⁴⁵ nervo ac A. C. 382.
vinculis corpus liberum territent. et erat aeris alieni magna vis,
⁴⁶ re damnosissima etiam divitibus, ædificando contracta.
Bellum itaque Volscum, grave per se, oneratum Latinorum
atque Hernicorum defectione, in speciem causæ jactatum,
ut major potestas quæreretur. Sed ⁴⁷ nova consilia Manlii
magis compulere senatum ad dictatorem creandum. Crea-
tus A. Cornelius Cossus magistrum equitum dixit T. Quinc-
tium Capitolinum.

A. Corne-
lius Cossus
dictator.

XII. Dictator, etsi majorem dimicationem propositam
domi, quam foris, cernebat; tamen, seu quia celeritate ad
bellum opus erat, seu victoria triumphoque dictaturæ ipsi
vires se additurum ratus, delectu habito, in agrum Pompti-
num, quo a Volscis exercitum indictum audierat, pergit.
Non dubito, præter satietatem, tot jam libris adsidua bella
cum Volscis gesta legentibus illud quoque subcursurum,
(quod mihi percensenti propiores temporibus harum rerum
auctores miraculo fuit) unde toties victis Volscis et Æquis Unde Vol-
subfecerint milites. quod quum ab antiquis tacitum præter- scis et Æ-
missumque sit; cujus tandem ego rei præter opinionem, quis toties
quæ sua cuique conjectanti esse potest, auctor sim? Simile fecerint mi-
veri est, aut intervallis bellorum, sicut nunc in delectibus lites.
fit Romanis, alia atque alia subole juniorum ad bella in-
stauranda toties usos esse: aut non ex iisdem semper popu-
lis exercitus scriptos, quamquam eadem semper gens bel-
lum intulerit: aut innumerabilem multitudinem liberorum
capitum in eis fuisse locis, ⁴⁸ quæ nunc, vix seminario exi-
guo militum relicto, servitia Romana ab solitudine vindic-
cant. Ingens certe, (quod inter omnes auctores convenit)
quamquam nuper Camilli ductu atque auspicio accisæ res
erant, Volscorum exercitus fuit. ad hoc Latini Hernicique
accesserant, et Circeiensium quidam, et coloni etiam a Ve-
litis Romani. Dictator¹ castris eo die positis, postero cum
auspicato prodisset, hostiaque cæsa pacem Deum adorasset,

¹ Velitis. Romanus Dictator Gron. Crev.

⁴⁵ Nervus] Nervus est vinculi lig-
nei genus, in quod pedes arctabantur.
In nervum ac vincula conjiciebantur
debitorum a creditoribus suis, si illis
addicti a iudice fuissent.

⁴⁶ Re damnosissima] Correctio
Freinsheimii, quam firmant tres codd.
Hearnii. Vulgo res.

⁴⁷ Nova consilia] Consilia novan-
darum rerum.

⁴⁸ Quæ nunc . . . servitia] Quæ
nunc id solum vetat deserta ac sola
esse, quod ea servi Romanorum fre-

quentent. Ceterum hoc quoque ad
illa, quæ a Livio dicta sunt, addi po-
test, ne nimium miremur renascentes
illos post tot damna et clades exerci-
tus, in horrida illa vetustate et fla-
grantissima populorum libertate, quot
cujusque regionis, aut vici, aut oppidi
cives essent, tot fuisse milites; quum
nulla ars, nullum studium homines
ab armis avocaret, et in negotiis pub-
licis, quæ ex communi civium om-
nium sententia tractabantur, suam
quisque rem agi intelligeret.

U. C. 370.
A. C. 382.
Dictatoris
oratio ad
milites.

lætus ad milites, jam arma ad ⁴⁹propositum pugnae signum, sicut edictum erat, luce prima capientes, processit: *Nostra victoria est, milites, inquit, si quid Dii vatesque eorum in futurum vident. itaque, ut decet certae spei plenos, et cum imparibus manus conserturos, pilis ante pedes positis, gladiis tantum dextras armemus: ne procurri quidem ab acie velim, sed obnissos vos stabili gradu inpetum hostium excipere. Ubi illi vana injecerint missilia, et effusi stantibus vobis se intulerint, tum micent gladii, et veniat in mentem unicuique, Deos esse, qui Romanum adjuvent; Deos, qui secundis avibus in praelium miserint. Tu, T. Quincti, equitem intentus ad primum initium moti certaminis teneas: ubi hæere jam aciem conlato pede videris, tum terrorem equestrem occupatis alio pavore infer: invectusque ordines pugnantium dissipa. Sic eques, sic pedes, ut præceperat, pugnant: nec dux legiones, nec fortuna fefellit ducem.*

Victi Vol-
sci.

XIII. Multitudo hostium ⁵⁰nulli rei, præterquam numero, freta, et oculis utramque metiens aciem, temere praelium iniit, temere onisit: clamore tantum missilibusque telis et primo pugnae inpetu ferox, gladios et conlatum pedem et vultum hostis, ardore animi micantem, ferre non potuit. Impulsa frons prima, et trepidatio subsidiis inlata, et suum terrorem intulit eques: rupti inde multis locis ordines, motaque omnia, et fluctuanti similis acies erat. deinde, postquam, cadentibus primis, jam ad se quisque perventuram caedem cernebat, terga vertunt. Instare Romanus; et, donec armati confertique abibant, peditum labor in persequendo fuit. postquam jactari arma passim, fugaque per agros spargi aciem hostium animadversum est; tum equitum turmae emissæ, ⁵¹dato signo, ne, in singulorum morando cæde, spatium ad evadendum interim multitudini darent. satis esse, missilibus ac terrore impedire ^mcursum, obequitandoque agmen teneri, dum adsequi pedes et ⁵²justa cæde conficere hostem posset. Fugæ sequendique non ante noctem finis fuit: capta quoque ac direpta eodem die castra Volscorum,

^m impediri Gron. Crev.

⁴⁹ *Propositum pugnae signum*] Signum illud erat sagum coccineum, quod supra prætorium, sive tabernaculum imperatoris, expandebatur. Plut. in Fab.

⁵⁰ *Nulli rei freta*] Usitatus esset *nulla re*; et sic Gronovius et Vict. codex. Tamen in not. 70. ad IV. 37. ubi Gronovius edidit *tanquam constantissima re fortuna fretus*, observavimus in scriptis legi *tanquam constantissimæ rei*; quædam etiam habere *fortunæ*. Et L. VIII. c. 22. scripti omnes

Gronovio inspecti, et plerique e nostris exhibent *infidæ societati freta*. Unde dubitatio oriri potest, an Livius cum dandi casu nomen *fretus* interdum non junxerit. Tutius tamen putamus pervulgatam loquendi formam sequi.

⁵¹ *Dato signo*] Vid. not. 42. ad c. 36. l. V. et not. 15. ad II. 20.

⁵² *Justa cæde*] Plena cæde, quæ non carperet hostem, sed conficeret. Vid. not. 27. ad I. 4.

prædaque omnis, præter libera corpora, militi concessa est. U. C. 370. Pars maxima captivorum ex Latinis atque Hernicis fuit: A. C. 382. nec hominum de plebe, ut credi posset mercede militasse, sed principes quidam juventutis inventi, ⁵³ manifesta fides, publica ope Volscos hostes adjutos. Circeiensium quoque quidam cogniti, et coloni a Velitris: Romamque omnes missi percunctantibus primoribus Patrum eadem, quæ dictatori, defectionem sui quisque populi, haud perplexe indicavere.

XIV. Dictator exercitum in stativis tenebat, minime dubius, bellum cum his populis Patres jussuros; quum major domi exorta moles coëgit adiri Romam eum, gliscente in dies seditione, quam solito magis metuendam auctor faciebat. non enim jam orationes modo M.^a Manlii, sed facta, ^{Manliana} popularia in speciem, tumultuosa eadem, qua mente fierent, ^{seditio.} ⁵⁴intuenda erant. Centurionem, nobilem militaribus factis, ⁵⁵judicatum pecuniæ quum duci vidisset, medio foro cum caterva sua adcurrit, et manum injecit: vociferatusque de superbia Patrum, ac crudelitate sceneratorum, et miseriis plebis, virtutibus ejus viri fortunaque; *Tum vero ego, inquit, nequidquam hac dextra Capitolium arcemque servaverim, si civem commilitonemque meum, tamquam Gallis victoribus captum, ⁵⁶in servitutem ac vincula duci videam.* Inde rem creditor palam populo solvit, ⁵⁷libraque et ære liberatum emit-

^a M. del. Gron. Crev.

⁵³ *Manifesta fides*] Quod manifestum argumentum erat.

⁵⁴ *Intuenda*] Lege cum Gronovio *intuenti*: id est, si quis intueretur, ^oqua mente fierent.

⁵⁵ *Judicatum pecuniæ*] Pecuniæ creditæ, nec solutæ, nomine damnatum. Judicatis autem pecuniæ triginta dies dabantur, conquirendæ pecuniæ causa quam dissolverent. Quibus elapsis, nisi dissolverant, addicebantur creditori. Vid. A. Gell. l. XX. c. 1. Quum igitur hic centurio statim duci dicatur, intelligendum est eum non modo judicatum, sed etiam addictum fuisse.

⁵⁶ *In servitutem ac vincula duci*] Addictus creditori debitor sexaginta dies habebatur in vinculis. Ac, nisi interea pactus foret, capite poenas dabat, aut trans Tiberim peregre venumibat. Quin etiam, si plures forent, quibus reus addictus esset, secare, si vellent, atque partiri corpus addicti sibi hominis permittebat lex duodecim tabularum. Dissecti tamen hoc modo hominis nullum exemplum me-

moratur. Hæc omnia habet A. Gell. loco supra allato.

⁵⁷ *Libra et ære liberatum emit*ti] Ex iis quæ supra annotavimus, patet magnam in nexos creditoribus fuisse potestatem, nec herili absimilem. Ut igitur liberaretur ille centurio pecuniæ judicatus, mancipationem quamdam fieri oportebat, qua suum in debitoris corpus dominium creditor in Manlium transferret, qui eum deinde *emitteret*, sive manumitteret. Optimo autem et plenissimo jure dominium in accipientem transferebatur, quum per æs et libram venditio fieret, hoc nimirum ritu. Aderat libripens, qui libram tenebat manu: aderant quinque testes, cives Romani, puberes. Emptor, teste Bœt. in Top. Cic. nummum æreum tenens, ita dicebat: Hunc ego hominem ex jure Quiritium meum esse aio, isque mihi emptus est hoc ære æneaque libra. Deinde æreo nummo percutiebat libram, indeque æs ei dabat, a quo mancipio accipiebat, quasi pretii loco. Hæc autem consuetudo inde ducta

U. C. 370. tit, Deos atque homines obtestantem, ut *M. Manlio, libera-*
 A. C. 382. *tori suo, parenti plebis Romanae, gratiam referant.* Acceptus
 extemplo in tumultuosam turbam et ipse tumultum auge-
 bat, cicatrices acceptas Veienti, Gallico, aliisque deinceps
 bellis ostentans. *Se militantem, se restituentem eversos penates,*
⁵⁸ *multiplici jam sorte exsoluta, mergentibus semper sortem usuris,*
obrutum faenore esse: videre lucem, forum, civium ora, M. Man-
lii opera: omnia parentum beneficia ab illo se habere: illi devo-
vere corporis vitaeque ac sanguinis quod supersit. quodcumque
sibi cum patria, penatibus publicis ac privatis juris fuerit, id
cum uno homine esse. His vocibus instincta plebes quum jam
 unius hominis esset, addita alia commotioris ad omnia tur-
 banda consilii res. Fundum in Veienti, caput patrimonii,
⁵⁹ subiecit praëconi: *Ne quem vestrum, inquit, Quirites, do-*
nec quidquam in re mea supererit, judicatum addictumve duci
patiar. Id vero ita accendit animos, ut per omne fas ac
 nefas secuturi vindicem libertatis viderentur. Ad hoc domi,
 concionantis in modum, sermones pleni criminum in Patres:
 inter quos, ⁶⁰ quum omisso discrimine, vera an vana ja-
 ceret, ⁶¹ *thesauros Gallici auri occultari a Patribus jecit:*
nec jam possidendis publicis agris contentos esse, nisi pecu-
niam quoque publicam avertant: ea res si palam fiat, exsolvi
plebem aere alieno posse. Quæ ubi objecta spes est, enimvero
 indignum facinus videri, quum conferendum ad redimendam
 civitatem a Gallis aurum fuerit, ⁶² tributo collationem fac-
 tam: idem aurum, ex hostibus captum, in paucorum præ-
 dam cessisse. Itaque ⁶³ exsequebantur quærendo, ubi tantæ
 rei furtum occultaretur: differenteque, et tempore suo se
 indicaturum dicente, ceteris omissis, eo versæ erant omnium
 curæ: adparebatque, nec veri indicii gratiam mediam, nec
 falsi obfensionem fore.

erat, quod veteres Romani, quum non-
 dum æs signatum haberent, postea-
 que etiam quum assibus libralibus
 uterentur, appendebant æs, non nu-
 merabant.

⁵⁸ *Multiplici jam sorte]* Exsoluta
 jam per usuras ea pecuniæ summa,
 quæ multis partibus exsuperaret sor-
 tem, sive id quod debiti caput erat;
 usuris sese semper supra sortem quo-
 dammodo coactervantibus, eamque
 quasi deprimantibus, ac vetantibus
 emergere.

⁵⁹ *Subiecit praëconi]* Praëconis voce
 venalem proponi jussit.

⁶⁰ *Quum omisso discrimine]* Quum
 jaceret multa, *omisso discrimine, vera*
an vana, supple, jaceret. Omisit Li-
 vivius vocem *multa*, vel aliam aliquam
 similem, ob eam causam, quod hæc vo-

ces *vera an vana* vicinæ sunt verbo
jaceret, a quo et ipsæ reguntur.

⁶¹ *Thesauros Gallici auri]* Fortasse
 huic criminationi ansam præbuerat
 aurum quod Gallis ereptum erat, sub
 Jovis sella positum: quæ de re vid. su-
 pra V. 50. Id enim vulgo notum non
 fuisse, admodum verisimile est, sed
 primores Patrum rem inter se silentio
 pressisse. Unde liberior dabatur Man-
 lio facultas arguendi Patres illud au-
 rum in suam prædam vertisse.

⁶² *Tributo collationem factam]* Su-
 pra V. 50. scripsit Livius a matronis
 collatum aurum, ut summa pactæ
 mercedis Gallis confieret; nulla tri-
 buti mentione facta.

⁶³ *Exsequebantur]* Instabant: rem
 ulterius quasi persequabantur et in-
 vestigabant. * Vid. not. 90. ad III. 20.

XV. Ita suspensis rebus dictator, additis ab exercitu, in u. c. 370. urbem venit. postero die senatu habito, quum, satis perich- A. C. 382. tatus voluntates hominum, discedere senatum ab se vetuis- Dictator in urbem ad- set, stipatus ea multitudine, sella in comitio posita, viato- citus. rem ad M. Manlium misit: qui, dictatoris jussu vocatus, Manlium quum signum suis dedisset, adesse certamen, agmine ingen- vocat. ti ad tribunal venit. Hinc senatus, hinc plebs, suum quis- que intuentes ducem, velut in acie constiterant. Tum dic- tator, silentio facto, *Utinam, inquit, mihi Patribusque Ro- manis ita de ceteris rebus cum plebe conveniat, quemadmodum, quod ad te adinet eamque rem, quam de te sum quaesiturus, contenturum satis confido. Spem factam a te civitati video, fide incolumi, ex thesauris Gallicis, quos primores Patrum occident, creditum solvi posse. Cui ego rei tantum abest ut impedimento sim, ut contra te, M. Manli, adhorter, liberes fo- nore plebem Romanam: et istos, incubantes publicis thesauris, ex praeda clandestina evolvas. Quod nisi facis, sive quod et ipse in parte praedae sis, sive quia vanum indicium est, in vit- tula te duci jubebo, nec diutius patiar, a te multitudinem fal- laci spe concitari. Ad ea Manlius, nec se fefellisse, ait, non ad- versus Volscos toties hostes, quoties Patribus expediat, nec adver- sus Latinos Hernicosque, quos falsis criminibus in arma agunt, sed adversus se ac plebem Romanam, dictatorem creatum esse. Jam, omisso bello, quod simulatum sit, in se impetum fieri; jam dictatorem profiteri patrocinium foeneratorum adversus plebem: jam sibi ex favore multitudinis crimen et perniciem quaeri. Ob- fendit, inquit, te, A. Corneli, vosque, Patres conscripti, cir- cumfusa turba lateri meo? Quin eam adducitis a me singuli vestris beneficiis, ⁶⁴ intercedendo, eximendo de terro cives ves- tros, prohibendo judicatos addictosque duci, ex eo, quod adfluit opibus vestris, sustinendo necessitates aliorum? Sed quid ego vos, de vestro inpendatis, hortor? ⁶⁵ Sortem aliam ferte. de ca- pite deducite, quod usuris pernumeratum est: jam nihilo mea turba, quam ullius, conspectior erit. At enim, quid ita solus ego civem etram ago? nihilo magis, quod respondeam, habeo, quam si quaeras, quid ita solus Capitolium arcemque servave- rim. Et tum universis, quam potui, opem tuli, et nunc singu-*

^o quod L. ait Gron. Crev.

⁶⁴ *Fide incolumi*] Ita ut creditores nihil ex eo, quod mutuum dedissent, amitterent.

⁶⁵ *Intercedendo*] Spondendo, fideju- bendo. Sic Cic. secunda Phil. c. 45. *Tantum enim se pro te intercessisse.*

⁶⁶ *Sortem aliam ferte*] Haec verba lucem a proximo sequentibus mutu- antur. Si enim de capite deduxeris, quod usuris pernumeratum est, sors

alia erit; tanto nempe minor, quan- tum usuris solutum fuerit. MSS. Gro- novii et Hearnii, et omnes nostri, Campanus, Andreas, habent *sortem aliquam*: quod interpretatur Grono- vius, sorte tandem aliqua contenti estote, nec eam renovate semper ana- tocismis, ^o addendo ad sortem usuras non expensas.

U. C. 370. *lis feram. Nam quod ad thesauros Gallicos adtinet, rem,*
 A. C. 382. *suapte natura facilem, difficilem interrogatio facit. cur enim*
quæritis, quod scitis? cur, quod in sinu vestro est, excuti jubetis
potius, quam ponatis, nisi aliqua fraus subest? Quo magis
argui præstigias jubetis vestras, eo plus vereor, ⁶⁷ ne abstuleritis
observantibus etiam oculos. Itaque non ego, vobis ut
indicem prædas vestras, sed vos id cogendi estis, ut in medium
proferatis.

Manlius in
 carcerem
 missus.

XVI. Quum mittere ambages dictator juberet, et aut
⁶⁸ peragere verum indicium cogeret, aut fateri facinus insi-
 mulati falso crimine senatus, ⁶⁹ oblatæque vani furti invidiæ;
 negantem, arbitrio inimicorum se locuturum, in vincula
 duci jussit. Adreptus a viatore, *Jupiter*, inquit, *optime maxi-*
me, Junoque Regina, ac Minerva, ceterique Dii Deæque, qui
Capitolium arcemque incolitis, siccine vestrum militem ac præ-
sidem sinitis vexari ab inimicis? Hæc dextra, qua Gallos fudi
a delubris vestris, jam in vinculis et catenis erit? Nullius nec
oculi nec aures indignitatem ferebant: sed ⁷⁰ invicta sibi
quædam patientissima justî imperii civitas fecerat. nec ad-
versus dictatoriam vim aut tribuni plebis, aut ipsa plebs,
adtollere oculos aut hiscere audebant. Conjecto in carce-
rem Manlio, satis constat, magnam partem plebis vestem
mutasse, multos mortales capillum ac ⁷¹ barbam promisisse,
obversatamque vestibulo carceris mœstam turbam. Dicta-
tor de Volscis triumphavit: invidiæque magis triumphus,
quam gloriæ, fuit. Quippe domi, non militiæ, partum
eum; actumque de cive, non de hoste, fremebant: unum
defuisse tantum superbiæ, quod non M. Manlius ante cur-
rum sit ductus. Jamque haud procul seditione res erat: cu-
jus leniendæ caussa, postulante nullo, largitor voluntarius

⁶⁷ *Ne abstuleritis observantibus etiam oculos]* Ne tanta arte furta vestra occultetis, ut fallatis oculos etiam eorum, qui rem diligentius observare velint. *Auferre oculos* proprie dicitur de præstigiatoribus, qui fallunt oculos spectantium. Bene igitur hoc verbo utitur Livius, quum supra præstigiatorum mentionem fecerit.

⁶⁸ *Peragere verum indicium]* Absolvere cœptum indicium, idque verum probare.

⁶⁹ *Oblatæque vani furti invidiæ]* Et vocati in invidiam senatus vana et nullis argumentis nixa furti criminatione.

⁷⁰ *Invicta sibi quædam fecerat]* Ita verebatur quædam imperia, ut eorum vim sibi ipsa invictam faceret.

⁷¹ *Barbam promisisse]* Credidit ergo Livius jam tum in usu apud Romanos fuisse, ut barbam raderent. Tamen Plin. l. VII. c. 59. affirmat, auctore Varrone, tonsores in Italiam ex Sicilia venisse anno demum u. c. 454. (qui ex calculo Catoniano est 452.) id est, annis amplius octoginta post conjectum in carcerem Manlium: antea intonsos fuisse Romanos. Atque id adstruit Varro, l. II. de re Rust. c. 11. ex antiquorum statuis, *quod pleræque, inquit, habent capillum et barbam magnam.*

^{*} Non radebant quidem barbam veteres Romani, teste ipso Livio, supra V. 41. sed tamen eam attondere aliquatenus et componere soliti erant; in luctu neglectam promissamque fluere sinebant. Vid. supra II. 23.

repente senatus factus, ⁷² Satricum coloniam duo millia ci- U. C. 370.
vium Romanorum deduci jussit. bina jugera et semisses A. C. 382.
agri adsignati. Quod quum et parvum et paucis datum, et
mercedem esse prodendi M. Manlii interpretarentur; reme-
dio irritatur seditio. et jam magis insignis et ^p sordibus ⁷³ et
facie reorum turba Manliana erat, amotusque post trium-
phum abdicatione dictaturæ terror et linguam et animos
liberaverat hominum.

XVII. Audiebantur itaque propalam voces exprobrantium ^{Querelæ ad}
multitudini, *quod defensores suos semper in præcipitem locum* ^{multitudi-}
favore tollat, deinde in ipso discrimine periculi destituat. ^{nem de pro-} Sic
Sp. Cassium, in agros plebem vocantem, sic Sp. Mælium, ab
ore civium famem suis inpensis propulsantem, obpressos; sic
M. Manlium, mersam et obrutam fœnore partem civitatis in
libertatem ac lucem extrahentem, prodilum inimicis. Saginare
plebem populares suos, ut jugulentur. Hoccine patiendum
fuisse, si ad nutum dictatoris non responderit ^{Manlius e} *vir consularis?*
Fingerent mentitum ante, atque ideo non habuisse, quod tum
responderet: cui servo umquam mendacii pœnam vincula
fuisse? Non observatam esse memoriam noctis illius, quæ pene
ultima atque æterna nomini Romano fuerit? non speciem ag-
minis Gallorum, per ⁷⁴ *Tarpeiam rupem scandentis? non ipsius*
M. Manlii, qualem eum armatum, plenum sudoris ac sangui-
nis, ipso pene Jove erepto ex hostium manibus, vidissent? Seli-
brisne farris gratiam servatori patriæ relatam? et quem prope
cœlestem, 75 cognomine certe Capitolino Jovi parem, fecerint,
eum pati vinctum in carcere, in tenebris, obnoxiam carnificis
arbitrio ducere animam? Adeo in uno omnibus satis auxiliū
fuisse, nullam opem in tam multis uni esse? Jam ne nocte
quidem turba ex eo loco dilabebatur, refracturosque carce-
rem minabantur: quum 76 remisso, id quod erepturi erant,
ex senatusconsulto Manlius vinculis liberatur. quo facto non
seditio finita, sed dux seditioni datus est. Per eosdem dies ^{carcere edu-}
^{citur.}

^p et del. Gron. Crev. ⁹ in præcipitem semper locum Eæd. ^r responderet
Eæd. ^a remisso eo quod Eæd.

⁷² Satricum] Duo MSS. Hearnii, et unus e nostris, Sutrium: cum quibus consentit Velleius, l. I. c. 14.

⁷³ Et facie reorum] Et habitu mæsto, sordidato, squalido, qualis reorum esse solebat. ^a Livius infra VIII. 37. eodem sensu eademque forma dixit specie reorum.

⁷⁴ Tarpeiam rupem] Saxum Capitolini montis, cui nomen a Tarpeia virgine, quæ ibi sepulta erat. Vid. Plut. in Rom.

⁷⁵ Cognomine Capitolino Jovi parem fecerint] Vid. not. 23. ad V. 31. supra.

⁷⁶ Remisso eo quod erepturi erant] Hic solæca erat oratio: remisso id quod. Campanus et unus ex Hearnii codd. et unus itidem e nostris pro varia lectione habent remisso eo. Duo neque id, neque eo, agnoscunt; quod per nos licet amplectaris, legasque remisso quod.

U. C. 370.
A. C. 352.

Latinis et Hernicis, simul ⁷⁷ colonis Circetensibus et a Velitris, purgantibus se Volsci crimine belli, captivosque repentibus, ut ⁷⁸ suis legibus in eos animadverterent, tristia responsa reddita; tristiora colonis, quod cives Romani patriæ obpugnandæ nefanda consilia inissent¹. Non negatum itaque tantum de captivis; sed, ⁷⁹ in quo ab sociis tamen temperaverant, denunciatum senatus verbis, facerent propere ex urbe, ab ore atque oculis populi Romani, ne nihil eos legationis jus, externo non civi comparatum tegeret.

U. C. 371.
A. C. 351.
Ser. Cornelio III.
&c. Tr.
Mil.

XVIII. Recrudescente Manliana seditione, sub exitu anni comitia habitâ, creatique tribuni militum consulari potestate ex Patribus Ser. Cornelius Maluginensis tertium, P. Valerius Potitus iterum, ⁸⁰ M. Furius Camillus², Ser. Sulpicius Rufus iterum, C. Papirius Crassus, T. Quinctius Cincinnatus secundum. Cujus principio anni et Patribus et plebi peropportune externa pax data: plebi, quod non advocata delectu spem cepit, dum tam potentem haberet ducem, foenoris expugnandi; Patribus, ne quo externo terrore advocarentur animi ab sanandis domesticis malis. Igitur, quum pars utraque acrior aliquanto coorta esset. ⁸¹ in³ propinquum certamen aderat et Manlius⁴. advocata domum plebe, cum principibus novandarum rerum interdium noctuque consilia agitât, plenior aliquanto animorum irarumque, quam antea fuerat. Iram accenderat ignominia recens in animo ad contumeliam inexperto: spiritus dabat, quod nec ausus esset idem in se dictator, quod in Sp. Mælio Cincinnatus Quinctius fecisset; et vinculorum suorum invidiam non dictator modo abdicando dictaturam fugisset, sed ne senatus quidem sustinere potuisset. His simul inflatus exacerbatusque jam per se accensos incitabat plebis animos: *Quousque tandem ignorabitis vires vestras, quas natura ne bel-*

¹ inissent Gron. Crev. ² Camillus quintum Eæd. ³ esset; jam in Eæd. ⁴ aderat: et Manlius Eæd.

⁷⁷ Colonis Circeiensibus et a Velitris] Circeiensibus et Veliternis. Eodem modo locutus est supra Livius, hoc ipso libro, c. 12. et coloni etiam a Velitris: ⁸ et rursum c. 13. † Oñm in editis deerat particula a. Eam adjecit Sigonius, et tenent quatuor e scriptis nostris.

⁷⁸ Suis legibus] Observat Dujatius hoc Latinos quidem et Hernicos dicere potuisse, qui suis legibus uterentur; non autem Circeienses et Veliternos, qui, utpote coloni Romani, Romanas leges haberent. Nisi forte, quia non omnes e Romanis erant, sed veteribus incolis admisti,

aliquid ex pristino jure retinuerant.

⁷⁹ In quo ab sociis tamen temperaverant] Quibus verbis minisque erga socios, Latinos Hernicosque, licet noxios et jure increptos, tamen abstulerant.

⁸⁰ M. Furius Camillus quintum] Lege sextum. Vid. not. 29. ad c. 10. l. V.

⁸¹ Jam in propinquum certamen aderat: et Manlius] In propinquum tempus. Ceterum particulam jam, quam Gronovius a suis aliquot libris abesse testatur, ignorant itidem quinque e nostris. Unde considerandum

luas quidem ignorare voluit? numerate saltem, quot ipsi sitis, U. C. 371.
 quot adversarios habeatis. Si singuli singulos adgressuri esse- A. C. 381.
 tis, tamen acrius crederem vos pro libertate, quam illos pro Oratio se-
 dominatione, certaturos. ⁸² Quot enim clientes circa singulos ditiosa
 fuistis patronos, tot nunc adversus unum hostem eritis. Manlii.
 Ostendite modo bellum; pacem habebitis. Videant vos paratos ad
 vim; jus ipsi remittent. Audendum est aliquid universis, aut
 omnia singulis patienda. Quousque me circumspectabitis? Ego
 quidem nulli vestrum deero. ne fortuna mea desit, videte. Ipse
 vindex vester, ubi visum inimicis est, nullus repente fui: et vi-
 distis in vincula duci universi cum, qui a singulis vobis vincula
 depuleram. Quid sperem, si plus in me audeant inimici? an
 exitum Cassii Mæliique exspectem? Bene facitis, quod abomi-
 namini: Dii prohibebunt hæc: sed nunquam propter me de
 cælo descendent. Vobis dent mentem, oportet, ut prohibeatis:
 sicut mihi dederunt armato togatoque, ut vos a barbaris hosti-
 bus, a superbis defenderem civibus. Tam parvus animus tanti
 populi est, ⁸³ ut semper vobis auxilium adversus inimicos satis
 sit? nec ullum, nisi quatenus imperari vobis sinatis, certamen
 adversus Patres noritis? Nec hoc natura insitum vobis est, sed
 usu possidemini. Cur enim adversus externos tantum animorum
 geritis, ut imperare illis æquum censeatis? quia consuestis cum
 eis pro imperio certare, adversus hos tentare magis, quam tueri,
 libertatem. Tamen qualescumque duces habuistis, qualescumque
 ipsi fuistis, omnia adhuc, quantacumque petistis, obtinuistis seu
 vi, seu fortuna vestra. tempus est, etiam ² majora conari. Experi-
 mini modo et vestram felicitatem, et me (ut spero) feliciter exper-
 tum: minore negotio, qui imperet Patribus, inponetis, quam,
 qui resisterent imperantibus, inposuistis. Solo æquandæ sunt
 dictaturæ consulatusque, ut caput adtollere Romana plebes
 possit. Proinde adeste, prohibete jus de pecuniis dici. ego me
 patronum profiteor plebis, quod mihi cura mea et fides nomen
 induit. Vos si quo insigni magis imperii honorisve nomine
 vestrum adpellabitis ducem, eo utemini potentiore ad obtinenda
 ea, quæ vultis. Inde de regno agendi ortum initium dicitur:
 sed nec cum quibus, nec quem ad finem consilia pervene-
 rint, sat planum traditur.

² jam Gron. Crev.¹

venit, an non ille recte suspicetur ¹ ad-
 aderat et non esse a Livio. Certe
 rotunda est hæc oratio: Quum pars
 utraque . . . coorta esset in propinquum
 certamen.

⁸² Quot enim] Ante hæc verba
 suppleri opus est ex sensu integrum
 orationis membrum, quale esset hoc:
 sed longe aliter res se habet: longe
 alia vobis dimicandi conditio propo-

sita est. Quot enim . . .

⁸³ Ut semper vobis auxilium] Ut
 nihil aliud desideretis adversus inimi-
 cos, quam auxilium, quo a vobis eo-
 rum vim et injurias arceatis; ² nec
 unquam adversus Patres certetis, nisi
 de terminis illorum in vos imperio
 statuendis: quum hoc vobis potius
 propositum esse debeat, ut ipsi illis
 imperetis.

U. C. 371.
A. C. 361.
Senatus de
coërcendo
Manlio
agitat.

XIX. At in parte altera senatus de ⁸⁴secessione, in domum privatam, plebis, forte etiam in arce positam, ⁸⁵et imminenti mole libertati, agitatur. Magna pars vociferantur, *Servilio Ahala opus esse, qui non in vincula duci jubendo irriter publicum hostem, sed unius jactura civis finiat intestinum bellum.* Decurritur ad leniorem verbis sententiam, vim tamen eandem habentem, ⁸⁶*Ut videant magistratus, ne quid ex perniciosis consiliis M. Manlii respublica detrimenti capiat.* Tum tribuni consulari potestate, tribunique plebi ^a (⁸⁷nam et, quia eundem et suæ potestatis, quem libertatis omnium, finem cernebant, Patrum auctoritati se dediderant) hi tum omnes, quid opus facto sit, consultant. Quum præter vim et cædem nihil cuiquam obcurreret, eam autem ingentis dimicationis fore adpareret; tum M. Mænius et Q. Publilius tribuni plebis, *Quid Patrum et plebis certamen facimus, quod civitatis esse adversus unum pestiferum civem debet? Quid cum plebe adgredimur eum, quem per ipsam plebem tutius adgredi est, ut suis ipse oneratus viribus ruat? Diem dicere ei nobis in animo est. nihil minus populare quam regnum est. Simul multitudo illa non secum certari viderint, et ex ⁸⁸advocatis iudices facti erunt, et accusatores de plebe, patricium reum intuebuntur, et regni crimen in medio; nulli magis, quam libertati, favebunt, suæ.*

Manlio dies
dicitur a
Tr. Pl.

XX. Adprobantibus cunctis, diem Manlio dicunt. quod ubi est factum, primo commota plebs est, utique postquam sordidatum reum viderunt; nec cum eo non modo Patrum quemquam, sed ne cognatos quidem aut adfines, postremo ne fratres quidem A. et T. Manlios: quod ad eum diem numquam usu venisset, ut in tanto discrimine non et proximi vestem mutarent. Ap. Claudio in vincula ducto, C. Claudium inimicum Claudiamque omnem gentem sordidatam fuisse. consensu obprimi popularem virum, quod primus a Patribus ad plebem defecisset. Quum dies venit, quæ, præter coetus multitudinis seditiosasque voces, et largitionem et fallax indicium, pertinentia proprie ad regni crimen ab accusatoribus objecta sint reo, apud neminem auctorem invenio. nec dubito haud parva fuisse, quum damnandi mora plebi non in caussa, sed in loco, fuerit.

^a plebei Crev.

⁸⁴ *Secessione*] Hæc est invidiosa et atrox appellatio, quæ defectionem notat, et rupta debiti legibus et magistratibus obsequii jura.

⁸⁵ *Et imminenti mole libertati*] Et periculo, quod immineret libertati.

⁸⁶ *Ut videant magistratus*] Vid.

supra l. III. c. 4.

⁸⁷ *Nam et quia*] Dele supervacuum voculam *et*, quam omittunt duo e nostris codicibus: vel lege *nam et hi*, nempe tribuni plebis.

⁸⁸ *Advocatis*] Vid. not. I. ad III. 44.

Illud notandum videtur, ut sciant homines, quæ et quanta U. C. 371.
 decora foeda cupiditas regni ⁸⁹ non ingrata solum, sed invisa A. C. 381.
 etiam, reddiderit. Homines prope quadringentos produxisse
 dicitur, quibus sine fœnore ⁹⁰ expensas pecunias tulisset,
 quorum bona venire, quas duci addictos prohibuisset. Ad hæc, ⁹¹
 decora quoque belli non commemorasse tantum, sed protulisse etiam
 conspicienda; spolia hostium cæsorum ad triginta, dona imperatorum
 ad quadraginta: in quibus insignes duas ⁹² murales coronas, civicas octo. ⁹³
 Ad hæc servatos ex hostibus cives produxisse; inter quos ⁹⁴ C.
 Servilium magistrum equitum absentem nominatum. et quum ea quoque,
 quæ bello gesta essent, pro fastigio rerum oratione etiam magnifica,
 facta dictis æquando, memorasset, nudasse pectus insigne cicatricibus
 bello acceptis; et identidem, Capitolium spectans, Jovem Deosque
 alios devocasse ad auxilium fortunarum suarum: precatusque esse,
 ut, quam mentem sibi Capitolinam arcem protegenti ad salutem
 populi Romani dedissent, eam populo Romano in suo discrimine
 darent: et orasse singulos universosque, ut Capitolium atque arcem
 intuentes, ut ad Deos immortales versi, de se judicarent. In
 Campo Martio quum ⁹⁵ centuriatim populus citaretur, et reus,
 ad Capitolium tendens, ab hominibus ad Deos preces avertisset;
 adparuit tribunis, nisi oculos quoque hominum liberassent ab tanti
 memoria decoris, numquam fore in præoccupatis beneficio animis
 vero crimini locum. Ita producta die, in Poetelinum

⁸⁹ *Non ingrata solum . . reddiderit]* Non solum fructu gratiæ iis debitæ privaverit. *Ingratum* hic sumitur *reddidit*, pro eo cui gratia non persolvitur.

⁹⁰ *Expensas pecunias tulisset]* Pecuniam dedisset. *Expensum* ferre est in tabulas accepti et expensi referre, quasi datum ac solutum: sive, ut habet Ascon. in III^{am} contra Verrem, scribere se pecuniam dedisse. Sumitur simpliciter pro *solvere*, *dare pecuniam*.

⁹¹ *Decora quoque belli]* De his Manlii decoribus agit quoque Plinius, Hist. Nat. l. VII. c. 28. In quibusdam dissentit a Livio, quædam addit, quæ nosse operæ pretium sit. *Ante decimum septimum annum*, inquit, *bina ceperat spolia*. *Primus omnium eques coronam muralem acceperat*, VI. civicas, XXXVII. dona: XXIII. cicatrices adverso corpore exceperat: P. Servilium magistrum equitum servaverat, ipse vulneratus humerum ac femur.

⁹² *Murales coronas]* *Muralis* erat

corona, qua donabatur ab imperatore, qui primus murum subiisset, inque oppidum hostium per vim ascendisset. Idcirco quasi muri pinnis decorata erat. Fieri ex auro solebat. *Civica corona* appellabatur, quam civis civi, a quo servatus erat in prælio, testem vitæ salutisque perceptæ dabat. Ea fiebat e fronde querna, vel ilignea. Vid. A. Gell. l. V. c. 6. et Plin. l. XVI. c. 4.

⁹³ *Ad hæc . . . cives produxisse]* Olim produxit. Mutavit Rhenanus. Legi quoque jussit Sigonius *ad hæc* pro *ad hoc*: parvo discrimine; sed tamen invitis omnibus nostris MSS.

⁹⁴ *C. Servilium magistrum equitum]* Qui magister equitum fuerat, Camillo dictatore, sexto ante anno. Vid. supra c. 2. Plinius eum vocat P. Servilium.

⁹⁵ *Centuriatim]* Judicium perduellionis centuriatis comitiis exercebatur. Aliud exemplum exstat apud nostrum, l. XLIII. c. 16.

U. C. 371. lucum ⁹⁶ extra portam Nomentanam^b, unde conspectus in
 A. C. 381. Capitolium non esset, concilium populi indictum est. ibi
 Damnatur. crimen valuit, et obstinatis animis triste iudicium, invisum-
 que etiam iudicibus, factum. Sunt qui per duumviros, qui
 de perduellione anquirerent, creatos, auctores sint damna-
 tum. tribuni^c de saxo Tarpeio dejecerunt: locusque idem
 in uno homine et eximiae gloriae monumentum et poenae
 ultimae fuit. Adjectae mortuo notae sunt: publica una;
 quod, quum domus ejus fuisset, ubi nunc ⁹⁷ aedes atque
 officina Monetæ est, latum ad populum est, ne quis patri-
 cius in arce aut Capitolio habitaret: gentilicia altera; quod
 gentis Manliæ decreto cautum est, ne quis deinde M.
 Manlius vocaretur. Hunc exitum habuit vir, nisi in libera
 civitate natus esset, memorabilis. Populum brevi, postquam
 periculum ab eo nullum erat, per se ipsas recordantem vir-
 tutes, desiderium ejus tenuit. pestilentia etiam brevi conse-
 cuta, nullis obcurrentibus tantæ cladis caussis, ex Manliano
 supplicio magnæ parti videri orta: violatum Capitolium esse
 sanguine servatoris. nec Diis cordi fuisse poenam ejus obla-
 tam prope oculis suis, a quo sua templa erepta e manibus
 hostium essent.

U. C. 372. XXI. Pestilentiam inopia frugum, et vulgatam utriusque
 A. C. 380. mali famam anno insequente multiplex bellum excepit, L.
 L. Valerio quarto, A. Manlio tertium, Ser. Sulpicio tertium,
 IV. &c. Tr. L. Lucretio, L. Æmilio tertium, M. Trebonio, tribunis mi-
 Mil. litum consulari potestate. Hostes novi, præter Volscos
 velut sorte quadam prope in æternum exercendo Romano
 Novi hostes militi datos, Circeiosque et Velitras colonias jamdiu molien-
 Lanuvini. tes defectionem, et suspectum Latium, Lanuvini etiam, quæ
 fidelissima urbs fuerat, subito exorti. Id Patres rati con-
 temtu accidere, quod Veliternis civibus suis tamdiu inpu-
 nita defectio esset, decreverunt, ut primo quoque tempore
 ad populum ferretur de bello eis indicendo. ad quam
 militiam quo paratior plebes esset, quinqueviros Pomp-
 Nepete co- tino agro dividendo, et triumviros Nepete coloniæ de-
 lonia. ducendæ creaverunt. Tum, ut bellum juberent, latum ad

^b Flumentanam Gron. Crev.

^c sint. damnatum tribuni Gron.

⁹⁶ Extra portam Flumentanam] Porta Flumentana ibatur in campum Martium, eratque illa admodum vicina Capitolio, quod proinde ex ea conspici poterat. Ideo Nardinus, l. IV. doctissimi operis, cui titulus est, *Roma vetus*, c. 4. censet hic legendum esse potius extra portam Numentanam, sive Nomentanam, quæ quidem porta a Capitolio remotissima fuit, ducebatque in eum locum, cui agger Ser. Tullii conspectum Capitolii ce-

terorumque collium adimebat. Et quidem duo e nostris antiquissimi habent *Numentanam*: sed in uno littera *N* est a secunda manu.

⁹⁷ Aedes atque officina Monetæ] Aedes Junonis Monetæ, de qua vid. infra VII. 28. et officina cudendi numismatis, cui *monetæ* nomen inditum est a Junone Moneta, cujus ad ædem cudebatur et asservabatur.

populum est: et, nequidquam dissuadentibus tribunis plebis, U. C. 372.
omnes tribus bellum jusserunt. Adparatum eo anno bellum A. C. 380.
est; exercitus propter pestilentiam non eductus. eaque
cunctatio colonis spatium dederat deprecandi senatum; et
magna hominum pars eo, ut legatio supplex Romam mit-
teretur, inclinabat: ni privato (ut fit) periculo publicum
implicitum esset, auctoresque defectionis ab Romanis, metu
ne, soli crimini subjecti, piacula iræ Romanorum dederen-
tur, avertissent colonias a consiliis pacis. Neque in senatu
solum per eos legatio impedita est, sed magna pars plebis
incitata, ut prædatum in agrum Romanum exirent. hæc
nova injuria exturbavit omnem spem pacis. De Prænesti-
norum quoque defectione eo anno primum fama exorta:
arguentibusque eos Tusculanis, et Gabinis, et Lavicanis,
quorum in fines incursatum erat, ⁹⁸ ita placide ab senatu re-
sponsum est, ut minus credi de criminibus, quia nollent ea
vera esse, adpareret.

XXII. Insequenti anno Sp. et L. Papirii, novi tribuni U. C. 373.
militum consulari potestate, Velitras legiones duxere; qua- A. C. 379.
tuor collegis Ser. Cornelio Maluginense quartum, Q. Servi- Sp. et L.
lio, Ser. Sulpicio, ⁹⁹ L. Æmilio quartum, tribunis ad præsi- Papiriis,
dium urbis, et si qui ex Etruria novi motus nunciarentur, &c. Tr.
(omnia enim inde suspecta erant) relictis. Ad Velitras Mil.
adversus majora pene auxilia Prænestinorum, quam ipsam
colonorum multitudinem, secundo prælio pugnatum est; Veliterni
ita ut propinquitas urbis hosti et caussa maturioris fugæ, et victi.
unum ex fuga receptaculum esset. Oppidi obpugnatione
tribuni abstinere; quia et anceps erat, nec in perniciem
coloniae pugnandum censebant. Literæ Romam ad sena-
tum cum victoriæ nunciis, acriores in Prænestinum, quam
in Veliternum hostem, missæ. Itaque ex senatusconsulto
populique jussu bellum Prænestinis indictum: qui, con- Prænestinis
juncti Volscis, anno insequente Satricum, coloniam populi bellum in-
Romani pertinaciter a colonis defensam, vi expugnarunt, fœ- dictum.
deque in captis exercuere victoriam. Eam rem ægre passi Ro- U. C. 374.
mani, M. Furium Camillum septimum tribunum militum crea- A. C. 378.
vere. additi collegæ A. et L. Postumii Regillenses, ac L. Fu- M. Furio
rius, cum L. Lucretio et M. Fabio Ambusto. Volscum Camillo
bellum M. Furio extra ordinem decretum. adjutor ex tribu- VII. &c. Tr.
nis sorte L. Furius datur; ¹ non tam e republica, quam ut Mil.
collegæ materia ad omnem laudem esset; ² et publice quod Bellum
Volscum.

⁹⁸ * *Ita placide . . ut*] Placide qui-
dem, sed ita ut.

⁹⁹ *L. Æmilio quartum, tribunis*]
Vox tribunis, quam inducendam cen-
suit Muretus, abest a duobus Hear-
nii codd. et ab uno e nostris.

¹ *Non tam e republica, quam ut*]

Particula *ut* eventus designatur, non
consilium: quod hic nullum esse po-
test, quum sorte res decreta sit.

² * *Et publice . . . et privatim*] Et in
iis quæ ad rempublicam spectant, et
in privatis erga collegam consilia
factisque.

U. C. 874. rem temeritate ejus prolapsam restituit; et privatim, quod
 A. C. 878. ex errore gratiam potius ejus sibi, quam suam gloriam, petiit. Exactæ jam ætatis Camillus erat, comitiisque jurare parato in verba excusandæ valetudini solita consensus populi restiterat: sed vegetum ingenium in vivido pectore vigeat, virebatque integris sensibus, et civiles jam res haud magnopere obeuntem bella excitabant. Quatuor legionibus quaternum millium scriptis, exercitu indicto ad portam Esquilinam in posterum^d diem, ad Satricum profectus. Ibi eum expugnatores colonie haudquaquam perculsi, fidentes militum numero, quo aliquantum præstabant, obperiebantur. postquam adpropinquare Romanos senserunt, extemplo in aciem procedunt, nihil dilaturi, quin periculum summæ rerum facerent: ita paucitati hostium nihil artes imperatoris unici, quibus solis confiderent, profuturas esse.

XXIII. Idem ardor et in Romano exercitu erat, et in altero duce: nec præsentis dimicationis fortunam ulla res, præterquam unius viri consilium atque imperium, morabatur: qui occasionem juvandarum ratione virium trabendo bello quærebat. Eo magis hostis instare; nec jam pro castris tantum suis explicare aciem, sed procedere in medium campi, et vallo prope hostium signa inferendo, superbam fiduciam virium ostentare. Id ægre patiebatur Romanus miles; multo ægrius alter ex tribunis militum L. Furius, ferox quum ætate et ingenio, tum multitudinis, ex incertissimo sumentis animos, spe inflatus. Hic per se jam milites incitados insuper instigabat elevando, qua una poterat, ætate auctoritatem collegæ: *Juvenibus bella data, dictitans, et cum corporibus vigere et deflorescere animos; cunctatorem ex acerrimo bellatore factum; et, qui adveniens castra urbesque primo inpetu rapere sit solitus, eum residem intra vallum tempus terere: quid accessurum suis, decessurumve hostium viribus sperantem? quam occasionem, quod tempus, quem^e insidiis instruendis locum? frigere ac torpere senis consilia. Sed Camillo quum^o vitæ satis, tum gloriæ esse. quid adtinere, cum mortali corpore uno, civitatis, quam immortalem esse deceat, pati consenescere vires?* His sermonibus tota in se averterat castra. et, quum omnibus locis posceretur pugna, *Sustinere, inquit, M. Furi, non possumus inpetum militum^f: et hostis, cujus animos cunctando auximus, jam minime toleranda superbia insultat. Cede unus omnibus, et patere te vinci consilio, ut maturius bello vincas.* Ad ea Camillus: *Quæ bella suo unius auspicio gesta ad eam diem essent, negare in eis neque*

L. Furi te-
meritas.

Camilli mo-
deratio.

^d posteram Gron.^e tum Gron. Crev.^f militum impetum Eaed.^g Insidiis instruendis] Sic recte Gronovius. Libri habebant instructum.

*se, neque populum Romanum, aut consilii sui, aut fortunæ per- U. C. 374.
nituisse. nunc scire, se collegam habere jure imperioque parem, A. C. 372.
vigore ætatis præstantem. Itaque se, quod ad exercitum adti-
neat, regere consuesse, non regi. collegæ imperium se non posse
inpedire. Diis bene juvantibus ageret, quod e republica duce-
ret. Ætati suæ se veniam etiam petere, ne in prima acie esset.
quæ senis munia in bello sint, iis se non defuturum. Id a Diis
immortalibus precari, ne qui casus suum consilium laudabile
efficiat. Nec ab hominibus salutaris sententia, nec a Diis
tam piæ preces auditæ sunt. primam aciem auctor pugnae Pugna cum
instruit, subsidia Camillus firmat, validamque stationem Volscia.
pro castris obponit. ipse edito loco ⁴ spectator intentus in
eventu alieni consilii constitit.*

XXIV. Simul primo concursu concrepuere arma, hostis
dolo, non metu, pedem retulit. lenis ab tergo clivus erat
inter aciem et castra: et quod multitudo subpeditabat, ali-
quot validas cohortes in castris armatas instructasque reli-
querant, quæ inter commissum jam certamen, ubi vallo ad-
propinquasset hostis, erumperent. Romanus, cedentem Primo Ro-
hostem effuse sequendo in locum iniquum pertractus, ⁵ op- manis in-
portunus huic eruptioni fuit. versus itaque in victorem ter- prospera.
ror, ⁶ et novo hoste, et supina valle Romanam inclinavit
aciem. Instant Volsci recentes, qui e castris inpetum fe-
cerant; integrant et illi pugnam, qui simulata cesserant
fuga. Jam non recipiebat se Romanus miles; sed, inme-
mor recentis ferociæ veterisque decoris, terga passim dabat,
atque effuso cursu castra repetebat: quum Camillus, sub-
jectus a circumstantibus in equum, et raptim subsidiis ob-
positis, *Hæc est, inquit, milites, pugna, quam poposcistis?
Quis homo, quis Deus est, quem accusare possitis? ⁷ vestra illa
temeritas, vestra ignavia hæc est. Secuti alium ducem, sequi-
mini nunc Camillum; et, quod ductu meo soletis, vincite.
Quid vallum et castra spectatis? neminem vestrum illa, nisi
victorem, receptura sunt. Pudor primo tenuit effusos: inde,
ut circumagi signa, obvertique aciem viderunt in hostem,
et dux, præterquam quod tot insignis triumphis, etiam æ-
tate venerabilis, inter prima signa (ubi plurimus labor peri-*

⁸ ab Gron. Crev.

⁴ Spectator intentus in eventum] Pla-
ceret magis in eventum.

⁵ Opportunus huic eruptioni fuit] Com-
modam adversus se occasionem
erumpentibus hostibus patefecit.

⁶ Et novo hoste, et supina valle] Tum
novo hoste subito e castris
erumpente, tum ipsa iniquitate loci
Romanos premente, in vallem quæ ab
tergo erat retrocedentes. Supra: le-
nis ab tergo clivus erat inter aciem

(Volscorum) et castra. Ex illo clivo
pelluntur Romani. Supina vallis est,
ut jam monuimus, ad IV. 46. quibus
est a tergo, qui ex tumulo in vallem
retrocedunt.

⁷ Vestra illa temeritas, vestra igna-
via hæc est] Nota voculas illa, quæ præ-
teritum tempus; hæc, quæ præsens
indicat. Vestra temeritas fuit, quum
pugnam inconsulte lacestistis: vestra
nunc ignavia est, quum fugitis.

U. C. 374. culumque erat) se obferebat, increpare singuli se quisque et
 A. C. 378. alios, et adhortatio in vicem totam alacri clamore pervasit
 aciem. Neque alter tribunus rei defuit: sed, missus a col-
 lega restituentem peditum aciem ad equites, non castigando,
 (ad quam rem leviolem auctorem eum culpæ societas fece-
 rat) sed, ab imperio totus ad preces versus, orare singulos
 universosque, ut se, ⁸ *reum fortunæ ejus diei, crimine exime-*
rent. Abnuente ac prohibente collega, temeritatis me omnium
potius socium, quam unius prudentiæ, dedi. Camillus in utra-
que vestra fortuna suam gloriam videt: ego, ni restituitur
pugna, (quod miserrimum est) fortunam cum omnibus, infamiam
solus sentiam. Optimum visum est, ⁹ in fluctuantem
aciem tradi equos, et pedestri pugna invadere hostem.
Eunt insignes armis animisque, qua premi parte maxime
peditum copias vident. nihil, neque apud duces, neque
apud milites, remittitur a summo certamine animi. Sensit
ergo eventus virtutis enisæ opem: et Volsci, qua modo si-
mulato metu cesserant, ea in veram fugam effusi, magna
pars et in ipso certamine, et post in fuga cæsi: ¹⁰ ceteri in
castris, quæ capta eodem inpetu sunt, plures tamen capti,
quam occisi.

Victi Vol-
sci.

XXV. Ubi in recensendis captivis quum Tusculani ali-
 quot noscitarentur, secreti ab aliis ad tribunos adducuntur,
 percunctantibusque fassi, publico consilio se militasse. cu-
 jus tam vicini belli metu Camillus motus, *extemplo se Ro-*
mam captivos ducturum, ait, ne Patres ignari sint, Tusculanos
ab societate descisse. castris exercituique interim, si videatur,
præsit collega. Documento unus dies fuerat, ne sua consilia
melioribus præferret. nec tamen aut ipsi, aut in exercitu
cuiquam satis placato animo Camillus laturus culpam ejus
videbatur, qua data in tam præcipitem casum respublica
esset; et quum ^h in exercitu, tum Romæ constans omnium
fama erat, quum varia fortuna in Volscis gesta res esset,
adversæ pugnæ fugæque in L. Furio culpam, secundæ de-
cus omne penes M. Furium esse. Introductis in senatum
captivis, quum bello persequendos Tusculanos Patres cen-
suissent, Camilloque id bellum mandassent; adiutorem sibi
ad eam rem unum petit: permissoque, ut ex collegis opta-

Bellum
Tusculanis
indictum.

^h tum Gron. Crev.

⁸ *Reum*] Qui præstare deberet fortunam ejus diei. *Reus* est sæpe is quem Gallice dicimus *responsable*. Vid. infra not. ad IX. 9.

⁹ *In fluctuantem aciem*] Recte videtur emendare Gronovius *inter fluctuantem aciem*: i. e. dum fluctuat acies, necdum satis a trepidatione et fuga sese collegit. *Tradi equos*, i. e.

relinqui equos, et tradi asservandos calonibus.

¹⁰ *Ceteri in castris . . plures tamen*] Ceteri in castris cæsi, imo plures capti quam occisi. Corrigit Livius per particulam *tamen* id quod non expressit quidem, sed in mente habuit. Vid. not. 3. ad V. 54.

ret, quem vellet, contra spem omnium L. Furium optavit. U. C. 374. qua moderatione animi quum collegæ levavit infamiam, A. C. 378. tum sibi gloriam ingentem peperit. Nec fuit cum Tusculanis bellum: pace constanti vim Romanam arcuerunt, ^{A Tusculanis pace constanti propulsum.} quam armis non poterant. Intransibiles fines Romanis, non demigratum ex propinquis itineris¹ locis, non cultus agrorum intermissus: patentibus portis urbis, togati obviam frequentes imperatoribus processere: commeatus exercitui comiter in castra ex urbe et ex agris devehitur. Camillus, castris ante portas positis, eademne forma pacis, quæ in agris ostentaretur, etiam intra mœnia esset, scire cupiens; ingressus urbem, ubi patentes januas, et tabernis apertis proposita omnia in medio vidit, intentosque opifices suorumque operi, et ludos literarum strepere discentium vocibus, ac repletas semitas, inter vulgus aliud, puerorum et mulierum huc atque illuc euntium, qua quemque suorum usum causæ ferrent: nihil usquam, non pavidis modo, sed ne mirantibus quidem simile; circumspiciebat omnia, inquirens oculis, ubinam bellum fuisset. adeo¹¹ nec amotæ rei usquam, nec oblatæ ad tempus vestigium ullum erat: sed ita¹² omnia constanti^k tranquilla pace, ut eo vix fama belli perlata videri posset.

XXVI. Victus igitur patientia hostium, senatum eorum vocari jussit. *Soli adhuc, inquit, Tusculani, vera arma verasque vires, quibus ab ira Romanorum vestra tutaremini, invenistis. ite Romam ad senatum. æstimabunt Patres, utrum plus ante pœnæ, an nunc veniæ meriti sitis.* ¹³ *non præcipiam gratiam publici beneficii. deprecandi potestatem a me habueritis; precibus eventum vestris senatus, quem videbitur, dabit.* Postquam Romam Tusculani venerunt, senatusque paullo ante fidelium sociorum mœstus in vestibulo curiæ est conspectus, moti extemplo Patres, vocari eos jam tum hospitaliter magis, quam hostiliter, jussere. Dictator Tusculanus ita verba fecit: *Quibus bellum indixistis, intulistisque, Patres conscripti, sicut nunc videtis nos stantes in vestibulo curiæ vestræ, ita armati paratique obviam imperatoribus legionibusque vestris processimus. Hic noster, hic plebis nostræ habitus fuit, eritque semper, nisi si quando a vobis, proque vobis, arma acceperimus. Gratias agimus et ducibus vestris et exercitibus, quod oculis magis, quam auribus, crediderunt; et, ubi nihil*

¹ itineri Gron. Crev.^k constante Eæd.

¹¹ *Nec amotæ rei usquam*] Nullum usquam erat vestigium rei cujusquam aut amotæ, ut a periculo ingruentis belli tuta præstaretur; aut oblatæ et in medium promptæ, ut ad propulsandum bellum usui esset.

¹² *Omnia constante tranquilla pace*]

(Omnia erant tranquilla, pacem constanter et omnimode tuentibus Tusculanis.

¹³ *Non præcipiam*] Non præcerpam quidquam e gratia ejus beneficii, quod totum vos senatui debere decet.

U. C. 374. hostile erat, ne ipsi quidem fecerunt. Pacem, quam nos præ-
 A. C. 378. stitimus, eam a vobis petimus: bellum eo, sicubi est, avertatis,
 precamur. In nos quid arma polleant vestra, si patiendo ex-
 periundum est, inermes experiemur. Hæc mens nostra est;
 Dii immortales faciant, tam felix, quam pia. Quod ad cri-
 mina adinet, quibus moti bellum indixistis; etsi revicta rebus
 verbis confutare nihil adinet; tamen, etiamsi vera sint, vel
 fateri nobis ea, quum tam evidenter pœnituerit, tutum censemus.
 Peccetur in vos, dum digni sitis, quibus ita satisfiat. Tantum
 fere verborum ab Tusculanis factum. Pacem in præsentia,
 nec ita multo post civitatem etiam, inpetraverunt. ab Tus-
 culo ¹⁴ legiones reductæ.

XXVII. Camillus consilio et virtute in Volscis bello,
 felicitate in Tusculana expeditione, utrobique singulari ad-
 versus collegam patientia et moderatione insignis, magis-
 tratu abiit; creatis tribunis militaribus in insequentem an-
 num, L. et P. Valeriis, Lucio quintum, Publio tertium, et
 C. Sergio tertium, L. Menenio secundum, Sp. Papirio,
 Ser. Cornelio Maluginense. Censoribus quoque eguit an-
 nus, ¹⁵ maxime propter incertam famam æris alieni; adgra-
 vantibus summam etiam invidiæ ejus tribunis plebis, quum
 ab iis elevaretur, quibus fide magis, quam fortuna, debent-
 tium laborare creditum videri expediebat. Creati censores
 C. Sulpicius Camerinus, Sp. Postumius Regillensis, cœp-
 taque jam res morte Postumii, ¹⁶ quia collegam suffici cen-
 sori religio erat, interpellata est. Igitur quum Sulpicius
 abdicasset se magistratu, censores alii, vitio creati, non ges-
 serunt magistratum. tertios creari (velut Diis non accipi-
 entibus in eum annum censuram) religiosum fuit. Eam
 vero ludificationem plebis tribuni ferendam negabant.
¹⁷ Fugere senatum testes, tabulas publicas, census cujusque,
 quia nolint conspici summam æris alieni, quæ indicatura sit,
 demersam partem a parte civitatis: quum interim obæratam
 plebem objectari aliis atque aliis hostibus. Passim jam sine

U. C. 375.
 A. C. 377.
 L. et P.
 Valeriis,
 &c. Tr. Mil.
 Maximum
 æs alienum
 Romæ.

Tribb. Pl.
 seditiosa
 oratio.

¹ facient Gron.

¹⁴ *Legiones reductæ*] Magis place-
 ret verbum in hac re proprium *re-*
ductæ, quod Sigonius affert e vett.
 libris, et nos in uno e nostris inveni-
 mus.

¹⁵ *Maxime propter incertam famam*] Maxime propter varios et incertos
 rumores de magnitudine æris alieni,
 ex eo ortos quod hinc tribuni plebis
 augerent rem verbis, et exaggerando
 invidiosiore etiam, quam veritas
 ferebat, facerent; illinc rem extenua-
 rent, et ejus invidiam mollire ac mi-
 nuere conarentur ii, quibus expediebat

sic existimari, solutionem creditarum
 pecuniarum ideo potius impeditam
 esse, quod fides, quam quod fortuna
 debentes deficeret. Ut autem in hac
 varietate sermonum dispici posset,
 quid verum foret, nihil satius erat,
 quam singulorum facultates per cen-
 sum inspicere.

¹⁶ *Quia collegam suffici censori re-*
ligio erat] Vid. supra V. 31.

¹⁷ *Fugere senatum*] Nolle senatum
 testes habere census cujusque, tabulas
 publicas.

ullo discrimine bella quæri. ab Antio Satricum, ab Satrico U. C. 375. Velitras, inde Tusculum legiones ductas. Latinis, Hernicis, A. C. 377. Prænестinis jam intentari arma; civium magis quam hostium odio; ut in armis terant plebem, nec respirare in urbe, aut per otium libertatis meminisse sinant, aut consistere in concione, ubi aliquando audiant vocem tribuniciam, de levando fœnore et fine aliarum injuriarum agentem. Quod si sit animus plebi memor patrum libertatis, se nec addici quemquam civem Romanum ob creditam pecuniam passuros, neque delectum haberi; donec, inspecto ære alieno, initaque ratione minuendi ejus, sciat unusquisque, quid sui, quid alieni sit: supersit sibi liberum corpus, an id quoque nervo debeatur. Merces seditionis proposita confestim seditionem excitavit. nam et ad dicebantur multi, et ad Prænестini famam belli novas legiones scribendas Patres censuerant. quæ utraque simul auxilio tribunicio et consensu plebis inpediri cœpta. Nam neque duci addictos tribuni sinebant, neque juniores nomina dabant. Quum Patribus ¹⁸ minor præsens cura creditæ pecuniæ juris exsequendi, quam delectus, esset; quippe jam a Præneste ¹⁹ profectos hostes ^m in agro Gabino ⁿ consedis se nunciabatur; interim tribunos plebis fama ea ipsa irritaverat magis ad susceptum certamen, quam deterruerat. neque aliud ad seditionem exstinguendam in urbe, quam prope inlatum mœnibus ipsis bellum, valuit.

Bellum
Prænesti-
num.

XXVIII. Nam quum esset Prænестinis nunciatum, nullum exercitum conscriptum Romæ, nullum ducem certum esse, Patres ac plebem in semetipsos versos: occasionem rati duces eorum, raptim agmine acto, pervastatis ²⁰ protinus agris, ad portam Collinam signa intulere. Ingens in urbe trepidatio fuit. conclamatum *ad arma*, concursusque in muros atque portas est: tandemque, ab seditione ad bellum versi, dictatorem T. Quinctium Cincinnatum creavere. Is magistrum equitum A. Sempronium Atratinum dixit. Quod ubi auditum est, (tantus ejus magistratus terror erat) simul hostes a mœnibus recessere, et juniores Romani ad edictum sine retractatione ^o convenere. Dum conscribitur Romæ exercitus, castra interim hostium haud procul Allia flumine posita: inde agrum late populantes, fatalem se urbi Romanæ locum cepisse, inter se jactabant: similem pavorem inde ac fugam fore, ac bello Gallico fuerit. Etenim, si diem, contactum religione, insignemque nomine ejus loci, time-

T. Quinctius dicta-
tor.

^m profectus hostis Crev.
Ead.

ⁿ Sabino Gron. Crev.

^o detractatione

18 *Minor præsens cura*] Gronovius legit, minus præsens, i. e. minus urgens.

quam et expressit in editione sua Clericus. Vulgo profectos hostes; minus eleganter.

19 *Profectus hostis*] Hanc esse MSS. suorum lectionem monuit Gronovius,

20 *Protinus*] Uno tenore prout in cedebant.

U. C. 375. ant Romani, quanto ²¹ magis Alliensis die Alliam ipsam, monumentum tantæ cladis, reformidatu-
 A. C. 377. ros? Species profecto his ibi truces Gallorum sonumque vocis in oculis atque in auribus fore. Has inanium rerum inanes ipsas volventes cogitationes, fortunæ loci delegaverant spes suas. Romani contra, Ubicumque esset Latinus hostis, satis scire, eum esse, quem, ad Regillum lacum devictum, ²² centum annorum pace obnoxia tenuerint. Locum, insignem memoria cladis, irritaturum se potius ad delendam memoriam dedecoris, quam ut timorem faciat, ne qua terra sit nefasta victoriæ suæ. Quin ²³ ipsi sibi? Galli si obferantur illo loco, se ita pugnatu-
 ros, ut Romæ pugnaverint in repetenda patria, ut postero die ad Gabios; tunc, quum effecerint, ne quis hostis, qui moenia Romana intrasset, nuncium secundæ adversæque fortunæ domum perferret.

XXIX. His utrimque animis ad Alliam ventum est. Dictator Romanus, postquam in conspectu hostes erant instructi intentique, Videsne tu, inquit, A. Semproni, loci fortuna illos fretos ad Alliam constitisse? ²⁴ nec illis Dii immortales certioris quidquam fiduciæ, majorisve quod sit auxilii, dederint. At tu, fretus armis animisque, concitatis equis invade mediam aciem: ego cum legionibus in turbatos trepidantesque inferam signa. Adeste, Dii testes fœderis, et expetite pœnas, debitas simul vobis violatis, nobisque ²⁵ per vestrum numen deceptis. Non equitem, non peditem sustinere Prænestini. Vincuntur
 Prænestini. primo inpetu ac clamore dissipati ordines sunt. Dein, postquam nullo loco constabat acies, terga vertunt; consternatique, et præter castra etiam sua pavore prælati, non prius se ab effuso cursu sistunt, quam in conspectu Præneste fuit. Ibi ²⁶ ex fuga dissipati, locum, quem tumultuario opere communirent, capiunt: ne, si intra moenia se recepissent, extemplo ureretur ager, depopulatisque omnibus obsidio urbi inferretur. Sed, postquam, direptis ad Alliam castris, victor Romanus aderat, id quoque munimentum relictum: et, vix moenia tuta rati, oppido se Præneste includunt. Octo præterea oppida erant sub ditione Prænestinorum. ad ea circumlatum bellum: deincepsque, haud

Oppida
 Prænesti-
 norum cap-
 ta.

P sibi del. Gron.

²¹ Magis Alliensis die] Magis quam Allensem diem. Fortasse melius videatur duas ultimas voces, quæ profecto supervacaneæ sunt, omnino delere.

²² Centum annorum] Vide supra not. 10. ad c. 2.

²³ Ipsi sibi Galli] Inseruimus vocem sibi, quam in scriptis et procis editis exstare testatur Gronovius, et habent duo e nostris.

²⁴ Nec illis] Magis placeret Ne

illis.

²⁵ Per vestrum numen deceptis] Qui quum confiderentus fœderi cui vestrum numen advocatum fuerat, delusi sumus a fœdifragis Prænestinis. Sic l. I. c. 9. per fûs ac fidem decepti.

²⁶ Ex fuga dissipati] Quum dissipati hac illac ex fuga fuissent, jam in unum colligentes se, ibi locum capiunt.

magno certamine captis, Velitras exercitus ductus. Eæ U. C. 375. quoque expugnatae. tum ad caput belli Præneste ventum. A. C. 377. Id non vi, sed per deditionem, receptum est. T. Quinctius, semel acie victor, binis castris hostium, novem oppidis vi captis, Præneste in deditionem accepto, Romam revertit: triumphansque signum, Præneste devectum, Jovis Impera- Jupiter Imperator. toris in Capitolium tulit. Dedicatum est inter cellam Jovis ac Minervæ; tabulaque sub eo fixa, monumentum rerum gestarum, his ferme incisa literis fuit: *Jupiter atque Divi omnes hoc dederunt, ut T. Quinctius dictator*²⁷ *oppida novem caperet.* Die vicesimo⁹, quam creatus erat, dictatura se abdicavit.

XXX. Comitia inde habita tribunorum militum consulari potestate; quibus æquatus patriciorum plebeiorumque numerus. Ex Patribus creati P. et C. Manlii, cum L. Ju- U. C. 376. lio: plebes C. Sextilium, M. Albinium, L. Antistium dedit. A. C. 376. Manliis, quod genere plebeios; gratia Julium anteibant, P. et C. Manliis, Volsci provincia,²⁸ sine sorte, sine comparatione, extra or- &c. Tr. dinem data: cujus et ipsos postmodo et Patres, qui dede- Mil. rant, poenituit. Inexplorato pabulatum cohortes misere. quibus velut circumventis, quum id falso nunciatum esset, dum, præsidio ut essent, citati feruntur, ne auctore quidem adservato, qui eos, hostis Latinus pro milite Romano, frustratus erat, ipsi in insidias præcipitavere. Ibi dum iniquo loco sola virtute militum restantes cæduntur, cæduntque, castra interim Romana, jacentia in campo, ab altera parte hostes invasere. Ab ducibus utrobique proditæ temeritate atque inscitia res.²⁹ quidquid superfuit fortunæ populi Romani, id militum etiam sine rectore stabilis virtus tutata est. Quæ ubi Romam sunt relata, primum dictatorem dici placebat: deinde, postquam quietæ res ex Volscis adferebantur, et adparuit, nescire eos victoria et tempore uti, revocati etiam inde exercitus ac duces: otiumque inde, quantum a Volscis, fuit. id modo extremo anno tumultuatum, quod Prænestini concitatis Latinorum populis rebellarunt.

⁹ vigesima Gron. Crev.

²⁷ *Oppida novem caperet*] Testatur Festus in voce *Tricentem tertium*, scriptum fuisse in hac tabula T. Quintium novem urbes per novem dies, et decimam Præneste cepisse. Et profecto hoc voluerat Livius, si per libentarios licuisset.

²⁸ *Sine sorte, sine comparatione*] Ita ut tribuni militum nec sortirentur, nec compararent, i. e. communi consensu inter se constituerent, quis ad bellum egredi, quis Romæ manere deberet.

²⁹ *Quidquid superfuit fortunæ populi Romani*] Hoc nimis elate inflatæque in re sane levi dictum esse, recte observat Gronovius. Lege cum eo: *Quidquid superfuit*, nempe de his exercitibus, *fortunæ populi Romani, et militum etiam sine rectore stabilis virtus, tutata est.* Solet Livius, quæ insperatam salutem in aliquo periculo attulerunt, ea fortunæ populi Romani delegare. Vid. I. 46. II. 40. et alibi sæpius. Victorinus cōdex habet *fortuna*.

Eodem anno ³⁰ Setiam, ipsis querentibus penuriam hominum, ³¹ novi coloni adscripti. Rebusque haud prosperis bello, domestica quies, quam tribunorum militum ex plebe gratia majestasque inter suos obtinuit, solatium fuit.

U. C. 377.
A. C. 375.
Sp. Furio,
&c. Tr.
Mil.
Seditiones
ob æs alie-
num.

Volscorum
agri devas-
tantur.

XXXI. Insequentis anni principia statim seditione ingenti arserunt, tribunis militum consulari potestate Sp. Furio, Q. Servilio secundum, C. Licinio, P. Cloelio, M. Horatio, L. Geganio. Erat autem et materia et causa seditionis æs alienum: cujus noscendi gratia Sp. Servilius Priscus, Q. Cloelius Sículus censores facti; ne rem agerent, bello impediti sunt. namque trepidi nuncii primo, fuga deinde ex agris legiones Volscorum ingressas fines, popularique passim Romanum agrum, adtulere. In qua trepidatione tantum affuit, ut civilia certamina terror externus cohiberet, ut contra eo violentior potestas tribunicia impediendo delectui esset: donec conditiones inpositæ Patribus, ne quis, quoad bellatum esset, tributum daret, aut jus de pecunia credita diceret. Eo laxamento plebi sumto, mora delectui non est facta. Legionibus novis scriptis, placuit, duos exercitus in agrum Volscum legionibus divisus duci. Sp. Furius, M. Horatius dextrorsus maritimam oram atque Antium, Q. Servilius et L. Geganius læva ad montes Ecetram pergunt. Neutra parte hostis obvius fuit. Populatio itaque non illi vagæ similis, quam Volscus latrocinii more, discordia hostium fretus, et virtutem metuens, per trepidationem raptim fecerat; sed ³² ab justo exercitu justa ira facta, spatio quoque temporis gravior. Quippe a Volscis, timentibus, ne interim exercitus ab Roma exiret, incursiones in extrema finium factæ erant: Romano contra etiam in hostico morandi causa erat, ut hostem ad certamen eliceret. Itaque, omnibus passim tectis agrorum, vicisque etiam quibusdam exustis, non arbore frugifera, non satis in spem frugum relictis, omni, quæ extra mœnia fuit, hominum pecudumque præda abacta, Romam utrimque exercitus reducti.

XXXII. Parvo intervallo ad respirandum debitoribus dato, postquam quietæ res ab hostibus erant, ³³ celebrari de integro jurisdictio; et tantum abesse spes veteris levandi fœnoris, ut tributo novum fœnus contraheretur in murum, a censoribus locatum saxo quadrato faciundum. cui succumbere oneri coacta plebes; quia, quem delectum impedi-

¹ erat causa Gron. Crev.

³⁰ Setiam] Hoc Sigonio debetur. Antea etiam. Thuanæus codex servat vestigium literæ S ante etiam, sed junctæ cum voce præcedenti.

³¹ Novi coloni] Jam eo coloni missi fuerant quarto ante anno, quod ex

Velleio sub finem lib. I. colligitur.

³² Ab justo exercitu, justa ira] Vid. not. 52. ad c. 18. supra.

³³ Celebrari . . . jurisdictio] Jus assidue dici coepit de pecuniis creditis.

rent, non habebant tribuni plebis. Tribunos etiam militares U. C. 378.
 patricios omnes, coacta principum opibus, fecit, L. Æmi- A. C. 374.
 lium, P. Valerium quartum, C. Veturium, Ser. Sulpicium, L. Æmilio
 L. et C. Quinctios Cincinnatos. Iisdem opibus obtinuerunt, V. & C. Tr.
 ut adversus Latinos Volcosque, qui conjunctis legionibus Mil.
 ab Satricum castra habebant, nullo inpediente omnibus ju-
 nioribus sacramento adactis, tres exercitus scriberent: unum
 ad præsidium urbis; alterum, qui, si qui alibi motus existi-
 tisset, ad subita belli mitti posset; tertium longe validissi-
 mum P. Valerius et L. Æmilius ad Satricum duxere: ubi
 quum aciem instructam hostium loco æquo invenissent, ex-
 templo pugnatum: et, ut nondum satis claram victoriam, Volsci et
 sic prosperæ spei pugnam imber ingentibus procellis fusus Latini fusi.
 diremit. Postero die iterata pugna: et aliquamdiu æqua
 virtute fortunaque Latinæ maxime legiones, longa societate
 militiam Romanam edoctæ, restabant. eques inmissus ordi-
 nes turbavit; turbatis signa peditum inlata: quantumque
 Romana se invexit acies, tantum hostes gradu demoti. et
 ut semel inclinavit pugna, jam intolerabilis Romana vis
 erat. Fusi hostes quum Satricum, quod duo millia inde
 aberat, non castra, peterent, ab equitatu maxime cæsi. cas-
 tra capta direptaque. Ab Satrico nocte, quæ proelio pro-
 xima fuit, fugæ simili agmine petunt Antium: et quum Ro-
 manus exercitus prope vestigiis sequeretur, plus tamen ti-
 mor, quam ira, celeritatis habuit. Prius itaque mœnia in-
 traverere hostes, quam Romanus extrema agminis carpere aut
 morari posset. inde aliquot dies vastando agro absumti, nec
 Romanis satis instructis adparatu bellico ad mœnia adgre-
 dienda, nec illis ad subeundum pugnae casum.

XXXIII. Seditio tum inter Antiates Latinosque coorta;
 quum Antiates, victi malis subactique bello, in quo et nati
 erant, et consenuerant, deditionem spectarent; Latinos ex
 diutina pace nova defectio recentibus adhuc animis ferocio-
 res ad perseverandum in bello faceret. finis certaminis fuit,
 postquam utrisque adparuit, nihil per alteros stare, quo mi-
 nus incepta persequerentur. Latini profecti a societate pa-
 cis, ut rebantur, inhonestæ sese vindicaverunt. Antiates,
 incommodis arbitris salutarium consiliorum remotis, urbem
 agrosque Romanis dedunt. Ira et rabies Latinorum, quia
 nec Romanos bello lædere, nec Volcos in armis retinere
 potuerant, eo erupit, ut Satricum urbem, quæ receptaculum
 primum eis adversæ pugnae fuerat, igni concremarent: nec
 aliud tectum ejus superfuit urbis, (quum faces pariter sacris
 profanisque injicerent) quam matris Matutæ templum. In-
 de eos nec sua religio, nec verecundia Deum arcuisse dici-
 tur, sed vox horrenda, edita templo cum tristibus minis, ni
 nefandos ignes procul delubris amovissent. Incensos ea ra-

U. C. 378.
A. C. 374.
Tusculum a
Latinis cap-
tum.

A Romanis
receptum.

bie inpetus Tusculum tulit, ob iram, quod, deserto communi concilio Latinorum, non in societatem modo Romanam, sed etiam in civitatem, se dedissent. Patentibus portis quum improvise incidissent, primo clamore oppidum præter arcem captum est. in arcem oppidani refugere cum conjugibus ac liberis, nunciosque Romam, qui certiores de suo casu senatum facerent, misere. Haud segnius, quam fide populi Romani dignum fuit, exercitus Tusculum ductus. L. Quinctius et Ser. Sulpicius tribuni militum duxere. ³⁴ clausas portas Tusculi, Latinosque simul obsidentium atque obsessorum animo hinc moenia Tusculi^a tueri vident, illinc arcem obpugnare; terrere una ac pavere. Adventus Romanorum mutaverat utriusque partis animos. Tusculanos ex ingenti metu in summam alacritatem, Latinos ex prope certa fiducia mox capiendæ arcis, quoniam oppido potirentur, in exiguum de se ipsis spem verterat. Tollitur ex arce clamor ab Tusculanis: excipitur aliquanto majore ab exercitu Romano. Utrimque urgentur Latini: nec inpetus Tusculanorum, decurrentium ex superiore loco, sustinent: nec Romanos, subeuntes moenia molientesque obices portarum, arcere possunt. Scalas prius moenia capta; inde effracta claustra portarum. et quum anceps hostis et a fronte et a tergo urgeret; nec ad pugnam ulla vis, nec ad fugam loci quidquam superesset; in medio cæsi ad unum omnes. Recuperato ab hostibus Tusculo, exercitus Romam est reductus.

XXXIV. Quanto magis prosperis, eo anno bellis tranquilla omnia foris erant, tanto in urbe vis Patrum in dies miseriæque plebis crescebant; ³⁵ quum eo ipso, quod necesse erat solvi, facultas solvendi impediretur. Itaque, quum jam ex re nihil dari posset, fama et corpore, judicati atque addicti, creditoribus satisfaciebant, ³⁶ pœnaque in vicem fidei cesserat. Adeo ergo obnoxios submiserant, animos non infimi solum, sed principes etiam plebis, ut non modo ad tribunatum militum inter patricios petendum, quod tanta vi, ut liceret, tetenderant; sed ne ad plebeios quidem magistratus capessendos petendosque ulli viro acri experienti-

^a *Tusculi* del. Gron.

³⁴ *Clausas portas Tusculi*] Hic supervacanea est vox *Tusculi*: eadem opportuniore loco a nobis paulo infra inserta fuit, auctoribus compluribus MSS. tum Gronovianis, tum nostris: *moenia Tusculi*.

³⁵ *Quum eo ipso*] Quum necessitas ipsa solvendi sine mora facultatem solvendi impediret. Si tempus datum esset debitoribus, si non institissent illis magna acerbitate creditores, sol-

vere potuissent. At quum cogerentur statim repræsentare pecunias quas mutuas acceperant, ea ipsa necessitate ad summas angustias redigebantur.

³⁶ *Pœna . . in vicem fidei cesserat*] In locum solutionis pœna successerat. Debitores quum fidem solutionis præstare non possent, pœna a lege indicta creditoribus satisfaciebant.

que animus esset: possessionemque honoris, usurpati modo U. C. 373. a plebe per paucos annos, recuperasse in perpetuum Patres A. C. 374. viderentur. Ne id nimis lætum parti alteri esset, parva (ut plerumque solet) rem ingentem moliundi causa intervenit.

M. Fabii Ambusti, potentis viri, quum inter sui corporis Fabiarum homines, tum etiam ad plebem, quod haudquaquam inter id sororum genus contemtor ejus habebatur, filiae duæ nuptæ, Ser. Sulpicio major, minor C. Licinio Stoloni erat, inlustri quidem, viro tamen plebeio: eaque ipsa adfinitas haud sprete gratiam Fabio ad vulgum quæsierat. Forte ita incidit, ut, in Ser. Sulpicii tribuni militum domo sorores Fabiæ quum inter se (ut fit) sermonibus tempus tererent, lictor Sulpicii, quum is de foro se domum reciperet, forem (ut mos est) virga percuteret. quum ad id, moris ejus insueta, expavisset minor Fabia, risui sorori fuit, miranti ignorare id sororem. Ceterum is risus stimulos parvis mobili rebus animo muliebri subdidit: frequentia quoque prosequentium rogantiumque, *numquid vellet?* credo fortunatum matrimonium ei sororis visum; suique ipsam ³⁷ malo arbitrio, quo a proximis quisque minime anteiri vult, poenituisse. Confusam eam ex recenti morsu animi quum pater forte vidisset, percunctatus, *satin' salvæ?* ³⁸ avertentem causam doloris (quippe nec satis piam adversus sororem, nec admodum in virum honorificam) elicuit comiter sciscitando, ut fateretur, eam esse causam doloris, quod juncta inpari esset, nupta in domo, quam nec honos nec gratia intrare posset. Consolans inde filiam Ambustus bonum animum habere jussit: eosdem prope diem domi visuram honores, quos apud sororem videat. Inde consilia inire cum genero cœpit, adhibito L. Sextio, strenuo adolescente, et cujus spei nihil præter genus patricium deesset.

XXXV. Occasio videbatur rerum novandarum propter ingentem vim æris alieni; cujus levamen mali plebes, nisi suis in summo imperio locatis, nullum speraret. Adcingendum ad eam cogitationem esse. conando agendoque jam eo gradum fecisse plebeios, unde, si porro adnitantur, ³⁹ pervenire ad summa^t, et Patribus æquari, tam honore, quam virtute, possent. In præsentia tribunos plebis fieri placuit,

^t *summam* Grov.

³⁷ * *Malo arbitrio*] Per illam iudicandi et sentiendi pravitatem, qua . . .

³⁸ *Avertentem causam doloris*] Veritentem alio ac dissimulantem causam doloris, *elicuit ut fateretur*, i. e. compulit fateri. Sic Cicero, l. II. de Orat. n. 13. *Tu quem ego . . . nunquam elicere potui ad disputandum.* Et nos- ter supra c. 31. *Ut hostem eliceret ad*

certamen.

³⁹ *Pervenire ad summa*] Sic Andreas, Campanus, unus e MSS. Hearnii, et quinque e nostris. Gronovianæ editiones *ad summam*: non recte, ut putamus. Horat. Epist. II. 1. *Venimus ad summum fortunæ*, non *ad summam*.

U. C. 379. quo in magistratu sibimet ipsi viam ad ceteros honores aperirent. ⁴⁰ creatique tribuni C. Licinius et L. Sextius promulgavere leges omnes adversus opes patriciorum, et pro commodis plebis: unam de ære alieno, ut, deducto eo de capite, quod usuris pernumeratum esset, id, quod superesset, triennio æquis portionibus persolveretur: alteram de modo agrorum, ne quis plus ⁴¹ quingenta jugera agri possideret: tertiam, ne tribunorum militum comitia fierent, consulumque ⁴² utique alter ex plebe crearetur. cuncta ingentia, et quæ sine certamine maximo obtineri non possent. Omnium igitur simul rerum, quarum inmodica cupido inter mortales est, agri, pecuniæ, honorum, discrimine proposito, conterriti Patres quum trepidassent, publicis privatisque consiliis nullo remedio alio, præter expertam multis jam ante certaminibus intercessionem, invento, collegas adversus tribunicias rogationes comparaverunt. qui, ubi tribus ad suffragium ineundum citari a Licinio, Sextioque viderunt, stipati Patrum præsidiis, nec recitari rogationes, nec sollemne quidquam aliud ad sciscendum plebi fieri passi sunt. Jamque frustra sæpe concilio advocato, quum pro antiquatis rogationes essent; *Bene habet, inquit Sextius. quandoquidem tantum intercessionem pollere placet, isto ipso telo tutabimur plebem. Agitedum, comitia indicite, Patres, tribunis militum creandis. faxo, ne juvet vox ista, VETO, qua nunc concinentes collegas nostros tam læti auditis.* Haud irritæ cecidere minæ: comitia, præter ædilium tribunorumque plebis, nulla sunt habita. Licinius Sextiusque, tribuni plebis relecti, nullos curules magistratus creari passi sunt. eaque solitudo magistratum, et plebe reficiente duos tribunos, et his comitia tribunorum militum tollentibus, per quinquennium urbem tenuit.

Nulli curules magistratus per quinquennium.

XXXVI. Alia bella opportune quievire: Veliterni coloni, ⁴³ gestientes otio, quod nullus exercitus Romanus esset, et agrum Romanum aliquoties incuravere, et Tusculum obpugnare adorti sunt. eaque res, Tusculanis veteribus sociis, novis civibus, opem orantibus, verecundia maxime non

⁴⁰ *Creatique tribuni C. Licinius, et L. Sextius*] Hic Dodwellus præter Livii mentem, ut putamus, sed apte ad rationes annorum sequentium, inserit annum unum, cui tribunos consulari potestate assignat L. Papirium, L. Menenium, Ser. Sulpicium, Ser. Cornelium, memoratos a Diodoro ad annum Olympiadis CIII. primum. Quibus rationum momentis adductus id faciat Dodwellus, vide apud ipsum, dissert. X. de Cyclis Romanorum, sect. 82.

⁴¹ *Quingenta jugera agri*] Jugerum ducentos et quadraginta in longitudinem pedes, centum et viginti in latitudinem habebat. Testes Quintilian. l. I. Instit. c. 9. Varro, l. I. de re Rustica, c. 10. et Isidor. l. XV. c. 15.

⁴² *Utique*] Certe. Ut necesse esset alterum saltem e consulibus ex plebe creari.

⁴³ *Gestientes otio*] Impatientes otii, et motum armaque alacri cupiditate appetentes.

Patres modo, sed etiam plebem, movit. Remittentibus tri- U. C. 385.
 bunis plebis, comitia per interregem sunt habita; creatique A. C. 367.
 tribuni militum L. Furius, A. Manlius, Ser. Sulpicius, Ser. L. Furio II.
 Cornelius, P. et C. Valerii, haudquaquam tam obédientem Mil. &c. Tr.
 in delectu, quam in comitiis, plebem habuere: ingentique
 contentione exercitu scripto profecti, non ab Tusculo modo
 submovere hostem, sed intra suamet ipsum moenia compu-
 lere. obsidebanturque haud paullo vi majore Velitræ, quam Velitræ ob-
 Tusculum obsessum fuerat: nec tamen ab eis, a quibus ob- sessæ.
 sideri cœptæ erant, expugnari potuere. Ante novi creati
 sunt tribuni militum: Q. Servilius, C. Veturius^u, A. et M. U. C. 386.
 Corneli, Q. Quinctius, M. Fabius. nihil ne ab his quidem A. C. 366.
 tribunis ad Velitras memorabile factum. In majore disci- Q. Servilio
 mine domi res vertebantur: nãm præter Sextium Licinium- III. &c. Tr. Mil.
 que latores legum, jam octavum tribunos plebis refectos,
 Fabius quoque tribunus militum, Stolonis socer, quarum
 legum auctor fuerat, earum suasorem se haud dubium
 ferebat. et, quum octo ex collegio tribunorum plebis primo
 intercessores legum fuissent, quinque soli erant: et (ut
 ferme solent, qui a suis desciscunt) ⁴⁴ capti, et stupentes
 animi, vocibus alienis id modo, quod domi præceptum
 erat, intercessionis suæ prætendebant: *Velitris in exercitu
 plebis magnam partem abesse: in adventum militum comitia
 differri debere, ut universa plebes de suis commodis suffragiam
 ferret.* Sextius Liciniusque, cum parte collegarum, et uno
 ex tribunis militum Fabio, artifices jam tot annorum usu
 tractandi animos plebis, primores Patrum productos inter-
 rogando de singulis, quæ ferebantur ad populum, fatiga-
 bant: *Auderentne postulare, ut, quum bina jugera agri plebi Tr. Pl. ora-
 dividerentur, ipsis plus quingenta jugera habere liceret? Ut tio pro legi-
 singuli prope trecentorum civium possiderent agros, plebeio bus suis.*
 homini vix ad tectum necessarium, aut locum sepulturæ, suus
 pateret ager? *An placeret, scœnore circumventam plebem ⁴⁵ po-
 tius^x, quam forte^y creditum solvat, corpus in nervum ac sup-
 plicia dare: et gregatim quotidie de foro addictos duci, et re-
 pleri vinctis nobiles domos? et, ubicumque patricius habitet,
 ibi carcerem privatum esse?*

XXXVII. Hæc indigna miserandaque auditu quum

^u add. iterum Gron. Crev.

^x ni potius Eæd.

^y sortem Eæd.

⁴⁴ * *Capti et stupentes animi*] Vox animi est in gignendi casu. Velut attonitos et stupore defixos animos gerentes, utentes vocibus non suis, sed iis quas sibi dictatas reddebant.

⁴⁵ *Ni potius quam sortem*] Amplectenda videtur Gronovii conjectura, quæ librorum etiam quorundam fir-

mari auctoritate ab eo dicitur: et, resecta particula ni, legendum, *Potius quam sorte creditum solvat*: i. e. potius quam sola sorte soluta sine usuris creditoribus plebes satisfaciat. Hoc enim volebat lex quam duo tribuni ferebant, ut sorte contenti creditores essent.

U. C. 386. apud timentes sibimet ipsos, majore audientium indignatione, quam sua, increpuissent: atqui nec agros occupandi modum, nec fœnore trucidandi plebem alium Patribus umquam fore, adfirmabant, nisi alterum ex plebe consulem, custodem suæ libertatis, plebes^a fecisset. Contemni jam tribunos plebis^a, quippe quæ potestas jam suam ipsa vim frangat intercedendo. Non posse æquo jure agi, ubi imperium penes illos, penes se auxilium tantum sit. nisi imperio communicato,⁴⁶ numquam plebem in parte pari reipublicæ fore: nec esse, quod quisquam satis putet, si plebeiorum ratio comitiis consularibus habeatur: nisi alterum consulem utique ex plebe fieri necesse sit, neminem fore. An jam memoria exisse, quum tribunos militum idcirco potius, quam consules, creari placuisset, ut et plebeiis pateret summus honos,⁴⁷ quatuor et quadraginta annis neminem ex plebe tribunum militum creatum esse? ⁴⁸ Qui crederent, duobusne in locis sua voluntate impertituros^b plebi honorem, qui ⁴⁹ octona loca tribunis militum creandis occupare soliti sint? et ad consulatum viam fieri passuros, qui tribunatum septum tam diu habuerint? Lege obtinendum esse, quod comitiis per gratiam nequeat; et seponendum extra certamen alterum consulatum, ad quem plebi sit aditus. quoniam in certamine relictus, præmium semper potentioris futurus sit. Nec jam posse dici id, quod antea jactare soliti sint, non esse in plebeiis idoneos viros ad curules magistratus. Numquid enim socordius aut segnius rempublicam administrari post P. Licinii Calvi tribunatum, qui primus ex plebe creatus sit, quam per eos annos gesta sit, quibus præter patricos nemo tribunus militum fuerit? quin contra patricos aliquot damnatos post tribunatum, neminem plebeium. Quæstores quoque, sicut tribunos militum,⁵⁰ paucis ante annis ex plebe cæptos creari: nec ullius eorum populum Romanum pœnituisse. Consulatum superesse plebeiis: eam esse arcem libertatis, id columen. si eo perventum sit, tum populum Romanum vere exactos ex urbe reges, et stabilem libertatem suam existimaturum. Quippe ex illa die in plebem ventura omnia, quibus patricii excellant, imperium atque honorem, gloriam belli, genus, nobilitatem, magna ipsis fruenda, majora liberis relinquenda. Hujus generis orationes ubi accipi vide-

^a plebs Gron. Crev.
Crev.

^a plebi Gron. plebei Crev.

^b impertituros Gron.

⁴⁶ * Nunquam plebem in parte pari reipublicæ fore] Nunquam plebem pari cum Patribus jure in republica fruturam.

⁴⁷ Quatuor et quadraginta annis] Ab anno 311. ad 355.

⁴⁸ Qui crederent duobusne in locis] Gronovius expungit has voces qui crederent. Tan. Faber legit: Quid! crederentne duobus in locis . . .

⁴⁹ * Octona loca] Hoc semel contigisse memoravit Livius supra V. l. idque parum probabiliter, ut observamus in nota ad illum locum.

⁵⁰ Paucis ante annis] Totis quadraginta. (vide l. IV. c. 54.) Nisi forte intelligendum est, paucis ante annis quam tribuni consulares ex plebe fierent.

re; novam rogationem promulgant, ut pro duumviris sacris faciendis decemviri creentur; ita ut ⁵¹ pars ex plebe, pars ex Patribus fiat: omniumque earum rogationum comitia in adventum ejus exercitus differunt, qui Velitras obsidebat.

XXXVIII. Prius circumactus est annus, quam a Velitris reducerentur legiones. ita suspensa de legibus res ad novos tribunos militum dilata. nam plebis tribunos eosdem, duos utique, quia ^c legum latores erant, plebes reficiebant. Tribuni militum creati T. Quinctius, Ser. Cornelius, Ser. Sulpicius, Sp. Servilius, L. Papirius, L. Veturius. Principio statim anni ad ultimam dimicationem de legibus ventum: et, quum tribus vocarentur, nec intercessio collegarum latoribus obstaret, trepidi Patres ad duo ultima auxilia, summum imperium summumque ad civem, decurrunt. Dictatorem dici placet. dicitur M. Furius Camillus, qui magistrum equitum L. Æmilium cooptat. Legum quoque latores, adversus tantum adparatum adversariorum, et ipsi causam plebis ingentibus animis armant: concilioque plebis indicato, tribus ad suffragium vocant. Quum dictator, stipatus agmine patriciorum, plenus iræ minarumque consedisset, atque ageretur res solito primum certamine inter se tribunorum plebi ^d, ferentium legem intercedentiumque, et, quanto jure potentior intercessio erat, tantum vinceretur favore legum ipsarum latorumque, et, ⁵² *Uti rogas*, primæ tribus dicerent; tum Camillus, *Quandoquidem*, inquit, *Quirites*, jam vos tribunicia libido, non potestas, regit, et intercessionem, secessione quondam plebis partam, vobis eadem vi facitis irritam, qua peperistis; non reipublicæ magis universæ, quam vestra causa, dictator intercessionem adero, eversumque ⁵⁴ vestrum auxilium imperio tutabor. Itaque, si C. Licinius et L. Sextius intercessionem collegarum cedunt; nihil patricium magistratum inseram concilio plebis. si adversus intercessionem, tamquam captæ civitati leges inponere tendent, vim tribuniciam a se ipsa dissolvi non patiar. Adversus ea quum contemtim tribuni plebis rem nihilo segnius peragerent, tum percitus ira Camillus lictores, qui de medio plebem emoverent, misit. et addidit minas, si pergerent, sacramento omnes juniores adacturum, exercitumque extemplo ex urbe educturum.

U. C. 386.
A. C. 366.
T. Quinctio, &c. Tr. Mil.

Dictator
creatur Camillus IV.

Certamen
inter dictatorem et
tribunos.

^c qui Gron. Crev.

^d plebsi Crev.

⁵¹ *Pars*] Dimidia.

⁵² *Uti rogas*] Id est, fiat uti rogas. Fuit hæc solennis vox, qua populus jubebat, sive sciscebat id quod ab aliquo magistratu rogaretur.

⁵³ *Vestrum auxilium imperio tutabor*] Potestatem tribunitiam, quæ

auxilii vobis ferendi causa instituta est, imperio dictatorio tutabor. Penes tribunos, ut jam aliquoties observatum est, auxilii jus; imperium penes patricos magistratus, consules, tribunos militum consulari potestate, dictatores, erat.

U. C. 387. Terrorem ingentem incusserat plebi; ducibus plebis accendit magis certamine animos, quam minuit. sed, re neutro inclinata, magistratu se abdicavit; seu quia vitio creatus erat, ut scripsere quidam: seu quia tribuni plebis tulerunt ad plebem, idque plebs^c scivit, ut, si M. Furius pro dictatore quid egisset, ⁵⁴ quingentum millium ei multa esset. Sed auspiciis magis, quam novi exempli rogatione, deterritum ut potius credam, quum ipsius viri facit ingenium, tum quod ei subsectus est exemplo P. Manlius dictator: quem quid creari adtinebat ad id certamen, quo M. Furius victus esset? et quod eundem M. Furium dictatorem insequens annus habuit, haud sine pudore certe fractum priore anno in se imperium repetiturum: simul quod eo tempore, quo promulgatum de multa ejus traditur, aut et huic rogationi, qua se ⁵⁵ in ordinem cogi videbat, obsistere potuit; aut ne illas quidem, propter quas et hæc lata erat, impedire: et, quoad usque ad memoriam nostram tribuniciis consularibusque certatum viribus est, dictaturæ semper altius fastigium fuit.

P. Manlius
dictator.

C. Licinius
primus ma-
gister equi-
tum de
plebe.

Sextii et
Licinii
Tribb. Pl.
oratio de
conjunctim
ferendis ro-
gationibus
suis.

XXXIX. Inter priorem dictaturam abdicatam novamque a Manlio initam, ab tribunis velut per interregnum concilio plebis habito, adparuit, quæ ex promulgatis plebi, quæ latoribus gratiora essent. nam de fœnore atque agro rogationes jubebant, ⁵⁶ de plebeio consulatu ⁵⁷ antiquabant. et perfecta utraque res esset, ni tribuni se in omnia simul consulere plebem dixissent. P. Manlius deinde dictator rem in causam plebis inclinavit, ⁵⁸ C. Licinio, qui tribunus militum fuerat, magistro equitum de plebe dicto. Id ægre Patres passos accipio; dictatorem propinqua cognatione Licinii se apud Patres excusare solitum, simul negantem magistri equitum majus, quam tribuni consularis, imperium esse. Licinius Sextiusque, quum tribunorum plebi creandorum indicta comitia essent, ita se gerere, ut negando jam sibi velle continuari honorem, acerrime accenderent^f ad id, quod dissimulando petebant, plebem. *Nonum se annum jam velut^g in aciem^h adversus optimates maximo privatim periculo,* ⁵⁹ *nullo publice emolumento stare. consenuisse jam secum et ro-*

^c plebes Gron. Crev.
Gron. Crev.

^f accederent Gron.

^g veluti Crev.

^h acie

⁵⁴ *Quingentum millium*] Supple æris. Asses 500000. æstimandi sunt marcis argenti nostratibus 781. cum duabus uncias.

⁵⁵ *In ordinem cogi*] Vid. not. 52. ad III. 35.

⁵⁶ *De plebeio consulatu*] Plures scripti habent *de plebeio consule*.

⁵⁷ *Antiquabant*] *Antiquare* verbum solenne est, quo populus Romanus

significabat se non accipere legem. *Antiquo*, i. e. antiqua probo, nihil novi statui volo. * Vid. not. 22. ad V. 30.

⁵⁸ *C. Licinio, qui tribunus militum fuerat*] Undecimo ante anno. Hunc C. Licinium cave cum Plutarcho credas eundem esse cum C. Licinio Stollone, tribuno plebis, legum novarum latore.

⁵⁹ *Nullo publice emolumento*] Hæc-

*gationes promulgatas, et vim omnem tribuniciæ potestatis. Pri- U. C. 387.
mo intercessione collegarum in leges suas pugnatum esse : dein- A. C. 365.
de ablegatione iuventutis ad Veliternum bellum : postremo dic-
tatorium fulmen in se intentatum. Jam nec collegas, nec bel-
lum, nec dictatorem obstare ; quippe qui etiam omen plebeio
consuli, magistro equitum ex plebe dicendo, dederit. se ipsam
plebem et commoda morari sua. Liberam urbem ac forum a
creditoribus, liberos agros ab injustis possessoribus extemplo, si
velit, habere posse. Quæ munera quando tandem satis grato
animo æstimaturos, si, inter accipiendas de suis commodis ro-
gationes, spem honoris latoribus earum incidant ? non esse mo-
destiæ populi Romani id postulare, ut ipse fœnore levetur, et in
agrum injuria possessum a potentibus inducatur ; per quos ea
consecutus sit, senes tribunicios non sine honore tantum, sed
etiam sine spe honoris, relinquat. Proinde ipsi primum statu-
erent apud animos, quid vellent : deinde comitiis tribuniciis de-
clararent voluntatem. Si conjunctim ferri ab se promulgatas
rogationes vellent, esse, quod eosdem reficerent tribunos plebis :
perlaturus enim, quæ promulgaverint. sin, quod cuique priva-
tim opus sit, id modo accipi velint ; opus esse nihil invidiosa
continuatione honoris ; nec se tribunatum, nec illos ea, quæ
promulgata sint, habituros.*

XL. Adversus tam obstinatham orationem tribunorum
quum, præ indignitate rerum, stupor silentiumque inde ce-
teros Patrum defixisset ; Ap. Claudius Crassus, nepos de-
cemviri, dicitur odio magis iraque, quam spe, ad dissuaden-
dum processisse, et locutus in hanc fere sententiam esse :
*Neque novum, neque inopinatum mihi sit, Quirites, si, quod
unum familiæ nostræ semper objectum est ab seditiosis tribunis,
id nunc ego quoque audiam : Claudia genti jam inde ab initio
nil antiquius in republica Patrum majestate fuisse ; semper
plebis commodis adversatos esse. Quorum alterum ⁶⁰ neque nego,
neque inficias eo¹, nos, ex quo adsciti sumus simul in civitatem
et Patres, enixe operam dedisse, ut per nos aucta potius, quam
inminuta, majestas earum ⁶¹ gentium, inter quas nos esse voluistis,
dici vere posset. Illud alterum pro me majoribusque meis con-*

Adversus
eos Ap.
Claudii
oratio.

¹ non ego non ceteri Claudii inficiamur Crev.

nus in nota ad hunc locum affirmat MSS. et veteres editos præferre *publica*. Sed Thuanus cod. servat *publice*. Et id postulat antitheseos ratio : *maximo privatim periculo, nullo publice emolumento*.

⁶⁰ *Non ego, non ceteri Claudii inficiamur*] Revocavimus veterem hanc lectionem, quam expressit Andreas, assentiente uno e MSS. Hearnii. Campanus quoque, et unus e regis codd. consonant, nisi quod pro duplici non

geminant neque. Vulgo editi nunc habent *neque ego, neque inficias eo* : quod nobis inficetum visum est. Quum enim duo hæc verba ejusdem sint plane sensus, non possunt sibi invicem quasi exadversum collocari. Jac. Gronovius propius ad vulgatam lectionem emendat : *neque ego*, id est, ne ego quidem, *inficias eo*. Favetque ejus conjecturæ Sorbon. codex, in quo legitur *neque ego, neque inficias eo*.

⁶¹ *Gentium*] Vid. not. 2. ad IV. 1.

U. C. 387. *tendere ausim, Quirites, (nisi, quæ pro universa republica fiant,*
 A. C. 365. *ea plebi, tamquam aliam incolenti urbem, adversa quis putet)*
nihil nos, neque privatos, neque in magistratibus, quod incom-
modum plebi esset, scientes fecisse: nec ullum factum dictumve
nostrum contra utilitatem vestram (etsi quædam contra volun-
tatem fuerint) vere referri posse. An hoc, si Claudiae familiae
non sim, nec ex patricio sanguine ortus, sed unus Quiritium
quilibet, qui modo me duobus ingenuis ortum, et vivere in libe-
ra civitate sciam, reticere possim? L. illum Sextium et C. Li-
cinium, perpetuos (si Diis placet) tribunos, tantum licentiæ no-
vem annis, quibus regnant, sumsisse, ut vobis negent potestatem
liberam suffragii, non in comitiis, non in legibus jubendis, se
permissuros esse? ⁶² *Sub conditione, inquit, nos reficietis decimum*
tribunos. ⁶³ *Quid est aliud dicere, quod petunt alii, nos adeo fas-*
tidimus, ut sine mercede magna non accipiamus. Sed quæ tandem
ista merces est, qua vos semper tribunos plebis habeamus? ut
rogationes, inquit, nostras, seu placent, seu displicent, seu uti-
les, seu ⁶⁴ *inutiles sunt, omnes conjunctim accipiatis. Obsecro vos,*
Tarquinius tribuni plebis, putate me ex media concione unum ci-
vem subclamare: Bona venia vestra liceat ex his rogationibus
legere, quas salubres nobis censemur esse; antiquare alias.
⁶⁵ *Non, inquit, licebit. Tu de fœnore atque agris, quod ad vos*
omnes pertinet, jubeas; et hoc portenti non fiat in urbe Roma-
na, uti L. Sextium atque hunc C. Licinium consules, quod in-
dignaris, quod abominaris, videas? Aut omnia accipe: aut
nihil fero. Ut si quis ei, quem urgeat fames, venenum ponat
cum cibo; et aut abstinere eo, quod vitale sit, jubeat, aut mor-
tiferum vitali admisceat. Ergo, si esset libera hæc civitas, non
tibi frequentes subclamassent? Abi hinc cum tribunatibus ac
rogationibus tuis. quid? si tu^k non tuleris, quod commodum
est populo adcipere, nemo erit, qui ferat illud? Si quis patri-
cus, si quis (quod illi volunt invidiosius esse) Claudius diceret,
Aut omnia accipite, aut nihil fero; quis vestrum, Quirites,
ferret? Numquamne vos res potius, quam auctores, spectabi-

^k tu del. Gron. Crev.

⁶² *Sub conditione, inquit]* Uterlibet e tribunis legum latoribus. Sæpe hoc modo *inquit* absolute ponitur, ut intelligatur quilibet contradicturus. Sic infra hoc ipso c. *Ut rogationes, inquit, nostras . . . accipiatis: et rursus, Non, inquit, licebit. Et l. XXXIV. c. 3. Ut auro et purpura fulgeamus, inquit.*

⁶³ *Quid est aliud dicere]* Nonne hoc idem est, ac si dicerent? *Dicere* hic sustinet vicem nominativi cadentis in verbum est. *Dicere, quod alii petunt, nos fastidimus, quid aliud est?*

sive idem est, supple, atque id quod dicunt tribuni, sese sub conditione refici velle decimum tribunos.

⁶⁴ *Inutiles]* Damnosæ. Sic l. III. c. 33. *qui consensus privatis interdum inutilis, id est, exitiosus esset. Vid. et V. 5.*

⁶⁵ *Non, inquit, licebit. Tu de fœnore]* Respondentes facit tribunos Appius, non iis quidem verbis, quæ ipsi protulerant; sed quomodo, quoque sensu jactatas ab iis voces et accipiebat ipse, et a populo accipi volebat.

tis? sed omnia semper, quæ magistratus ille dicet, secundis au- U. C. 387.
ribus, quæ ab nostrum quo dicentur, adversis accipietis? At A. C. 385.
hercule ⁶⁶ sermo est minime civilis. Quid? Rogatio qualis est,
quam a vobis antiquatam indignantur? sermoni, Quirites,
simillima. Consules, inquit, rogo, ne vobis, quos velitis, facere
liceat. An aliter rogat, qui utique alterum ex plebe fieri con-
sulem jubet; nec duos patricios creandi potestatem vobis per-
mittit? Si hodie bella sint, quale Etruscum fuit, quum Porsena
Janiculum insedit; quale Gallicum modo, quum præter Capi-
tolium atque arcem omnia hæc hostium erant, et consulatum
⁶⁷ cum hoc M. Furio et ¹ quolibet alio ex Patribus L. ille Sex-
tius peteret; possetisne ferre, Sextium haud pro dubio consulem
esse, Camillum de repulsa dimicare? Hoccine est in commune
honores vocare, ut duos plebeios fieri consules liceat, duos patri-
cios non liceat? et alterum ex plebe creari necesse sit, utrumque
ex Patribus præterire liceat? Quænam ista societas, quænam
consortio est? Parum est, si, cujus pars tua nulla adhuc fuit,
in partem ejus venis, nisi partem petendo totum traxeris? Ti-
meo, inquit, ne, si duos licebit creari patricios, neminem creetis
plebeium. ⁶⁸ Quid est dicere aliud, quia ^m indignos vestra vo-
luntate creaturi non estis, necessitatem vobis creandi, quos non
vultis, inponam? Quid sequitur, nisi ut ne beneficium quidem
debeat populo, si cum duobus patriciis unus petierit plebeius, et
lege se, non suffragio, creatum dicat?

XLI. Quomodo extorqueant, non quomodo petant honores,
quærent: et ita maxima sunt adepturi, ⁶⁹ ut nihil ne pro mini-
mis quidem debeant; et occasionibus potius, quam virtute,
⁷⁰ petere honores maluntⁿ. Est aliquis, qui se inspici, æstimari

¹ aut Gron.

^m nisi quia Gron. Crev.

ⁿ malint Eæd.

⁶⁶ * Sermo est minime civilis] Ser-
mo est qui minime deceat cives, me-
mores se cum civibus agere, qui pari
jure libertatis fruuntur, in quos mini-
me liceat imperioso genere sermonis
uti.

⁶⁷ Cum hoc M. Furio, et quolibet]
Vulgo aut quolibet: sed rē et præfe-
runt Andreas, Campanus, tres Hear-
nii codd. et omnes nostri. Quod qui-
dem sine ulla dubitatione admisimus.
Ut enim recte argumentatur Appius,
necesse est ut plebeius unus consula-
tum petat cum duobus patriciis.

⁶⁸ Quid est dicere aliud, nisi] Sigo-
nius inseruit ultimam vocem ex vete-
ribus, ut ait, libris. Sed eam igno-
rant Sorbonicus codex, et antiquissi-
mus Thuanæus. Nobis placeret vete-
rem lectionem restitui, mutato tan-
tum duarum vocum ordine. Quid est

aliud dicere, quia . . . Plane ut supra,
hoc ipso c. Quid est aliud dicere,
quod petunt alii, nos . . . fastidimus.

⁶⁹ Ut nihil ne pro minimis quidem
debeant] Hujus loci videtur hæc esse
sententia. Ita maxima quæque, con-
sulatum nempe, sunt adepturi plebei,
ut nihil pro iis debeant, ne tanquam
minimis quidem: i. e. ut ne tantum
quidem vobis pro iis debeant, quan-
tum pro minimis deberi æquum esset.
Non absimilis locus reperitur supra
IV. 54. Patres non pro communicatis,
sed pro amissis honoribus fremere: i. e.
Patres fremunt, indignantur pro hono-
ribus, non tanquam communicatis,
sed tanquam amissis.

⁷⁰ Petere honores malint] Thua-
næus codex malunt: et id potius vi-
detur.

U. C. 387. *fastidiat; qui certos sibi uni honores inter dimicantes competi-*
 A. C. 385. *tores æquum censeat esse; qui se arbitrio vestro eximat; qui*
vestra necessaria suffragia pro voluntariis, et serua pro liberis
*faciat. Omitto Licinium Sextiumque,*⁷¹ *quorum annos in per-*
petua potestate, tamquam regum in Capitolio, numeratis: quis
est hodie in civitate tam humilis, cui non via ad consulatum
facilior per istius legis occasionem, quam nobis ac liberis nostris,
fiat? si quidem nos, ne quam volueritis quidem, creare interdum
poteritis; istos, etiam si nolueritis, necesse sit. De indignitate
satis dictum est: (etenim dignitas ad homines pertinet) quid de
religionibus atque auspiciis, quæ propria Deorum immortalium
contentio atque injuria est, loquar? Auspiciis hanc urbem con-
ditam esse, auspiciis bello ac pace, domi militiæque, omnia geri,
quis est, qui ignoret? Penes quos igitur sunt auspicia more
majorum? nempe, penes Patres. nam plebeius quidem magis-
tratus nullus auspicato creatur. Nobis adeo propria sunt aus-
picia, ut non solum, quos populus creat patricios magistratus,
non aliter, quam auspicato, creet; sed nos quoque ipsi sine
*suffragio populi auspicato interregem prodamus, et*⁷² *privatim*
auspicia habeamus, quæ isti ne in magistratibus quidem habent.
Quid igitur aliud, quam tollit ex civitate auspicia, qui, plebeios
consules creando, a Patribus, qui soli ea habere possunt, aufert?
*Eludant nunc licet religiones. Quid enim est,*⁷³ *si pulli non*
*pascentur? si ex cavea tardius exierint?*⁷⁴ *si occinuerit avis?*
Parva sunt hæc: sed parva ista non contemnendo majores nostri
maximam hanc rem fecerunt. Nunc nos, tamquam jam nihil
pace Deorum opus sit, omnes ceremonias polluimus. Vulgo ergo
*pontifices, augures, sacrificuli reges creentur: cuilibet*⁷⁵ *apicem*
Dialem, dummodo homo sit, inponamus: tradamus ancilia, pene-

⁷¹ Quorum annos . . . in Capitolio numeratis] Videntur hæc intelligenda de clavis numeri annorum indicibus, de quibus Liv. infra VII. 3. Ibi ille docet clavum quotannis figi solitum dextro lateri ædis Jovis Opt. Max. Eum, inquit, clavum, quia raræ per ea tempora littæræ erant, notam numeri annorum fuisse ferunt. Sensus igitur hujus loci erit: quorum annos in perpetua potestate, tanquam regum, per novem continuos clavos Capitolino parieti affixos, numeratis. Hujus loci a nemine huc usque intellecti hanc interpretationem debemus Cl. Dodwello: quem vide Dissert. XI. de Cyclis Roman. Sect. 76.

⁷² Privatim] Privatim et publice opponuntur; at non privatim, in magistratibus. Fortasse legendum est privati.

⁷³ Si pulli non pascentur] De auspicio, quod e pullis gallinaceis captare solebant Romani, vid. infra X. 40.

⁷⁴ Si occinuerit avis] E cantu quoque avium omnia sibi læta tristiave fingeant Romani. Vid. nostrum loco modo memorato, et Val. Max. l. I. c. 4. Aves, quæ cantu auspicia dabant, occides dicebantur, quales corvus, cornix, noctua.

⁷⁵ Apicem Dialem] Apex proprie dicebatur, in summo flaminis pileo virga e felicis arbore, laneo filo religata; quod quidem filum apiculum vocabatur. Interdum tamen, ut hoc loco, Apex sumitur pro ipso pileo. Apex autem dictus est ab eo quod comprehendere vinculo antiqui opere dicebant. Vid. Festum in vocibus Apex et Apiculum, et Servium tum ad II. Æn. v. 683. tum ad VIII. v. 664.

Italia, Deos, Deorumque curam, quibus nefas est. non leges U. C. 387.
auspicato ferantur, non magistratus creentur: nec centuriatis A. C. 365.
⁷⁶ *nec curiatis*^o *comitiis Patres auctores fiant. Sextius et Lici-*
nus, tamquam Romulus ac Tatius, in urbe Romana regnent,
quia pecunias alienas, quia agros dono dant. Tanta dulcedo
est ex alienis fortunis prædandi: nec in mentem venit, altera
lege solitudines vastas in agris fieri pellendo finibus dominos:
altera fidem abrogari, cum qua omnis humana societas tollitur.
Omniū rerum causa vobis antiquandas censeo istas rogationes.
Quod faxitis, Deos velim fortunare.

XLII. Oratio Appii ad id modo valuit, ut tempus roga-
tionum jubendarum proferretur. Refecti decimum iidem Decemviri
tribuni, Sextius et Licinius, de decemviris sacrorum ⁷⁷ sacrorum
parte de plebe creandis legem pertulere. creati quinque Pa- ex plebe, et
trum, quinque plebis: graduque eo jam via facta ad consu- ex Patribus.
latum videbatur. Hac victoria contenta plebes cessit Pa-
tribus, ut, in præsentia consulum mentione omissa, tribuni
militum crearentur. creati A. et M. Cornelii iterum, M. Ge- U. C. 388.
ganius, P. Manlius, L. Veturius, P. Valerius sextum. A. C. 364.
Quum præter Velitrarum obsidionem, tardi magis rem A. et M.
exitus, quam dubii, quietæ externæ res Romanis essent; Cornelius,
fama repens belli Gallici adlata, perpulit civitatem, ut M. &c. Tr.
Furius dictator quintum diceretur. is T. Quinctium Pennum Mil.
magistrum equitum dixit. Bellatum cum Gallis eo anno Camillus
circa Anienem flumen, ⁷⁸ V. Dictator. auctor est Claudius; inclitamque
in ponte pugnam, qua T. Manlius Gallum, cum quo provo- Bellum
catus manus conseruit, in conspectu duorum exercituum Gallicum.
cæsum torque spoliavit, tum pugnatum. Pluribus auctoribus
magis adducor, ut credam, decem haud minus post annos ea
acta: hoc autem anno in Albano agro cum Gallis, dictatore
M. Furio, signa conlata. Nec dubia, nec difficilis Romanis Vincuntur
(quamquam ingentem Galli terrorem memoria pristinae Galli.
cladis adtulerant) victoria fuit. multa millia barbarorum in
acie, multa captis castris cæsa: palati alii Apuliam maxime
petentes, quum ⁷⁹ fuga se longinqua, tum quod passim eos
⁸⁰ simul pavor terrorque distulerant, ab hoste sese tutati
sunt. Dictatori, consensu Patrum plebisque, triumphas

^o *nec curiatis* del. Gron.

⁷⁶ *Nec curiatis*] Has voces, quæ
exstant in vet. editis, et in MSS.
Hearnii et nostris, omittunt Grono-
vianæ editiones, operarum, ut videtur,
incuria.

⁷⁷ *Ex parte*] Dimidia. Vid. not.
81. ad II. 13.

⁷⁸ *Auctor est Claudius*] Claudius
Quadrigarius, ut patebit ex not. 53.
ad VII. 10. infra. De illo agemus ad

VIII. 19.

⁷⁹ *Fuga se longinqua . . . ab hoste*
se se tutati sunt] Vacat aut prius *se*,
aut posterius *se se*. Hoc potius deleri
placet.

⁸⁰ *Simul pavor terrorque*] *Pavor*,
qui insidebat menti. *Terror*, qui a
novis subinde occurrentibus hostibus
accidebat.

U. C. 368. A. C. 364. Rogationes tribunorum acceptæ. decretus. Vixdum perfunctum eum bello atrocior domi seditio excepit: et per ingentia certamina dictator senatusque victus, ut rogationes tribuniciae acciperentur; et comitia consulum adversa nobilitate habita, quibus L. Sextius de plebe primus consul factus. Et ne is quidem finis certaminum fuit. quia patricii ⁸¹ se auctores futuros negabant, prope secessionem plebis res terribilesque alias minas civilium certaminum venit: quum tamen per dictatorem conditionibus sedatae discordiae sunt, concessumque ab nobilitate plebi de consule plebeio; a plebe nobilitati de praetore uno, qui jus in urbe diceret, ex Patribus creando. Ita ab diutina ira tandem in concordiam redactis ordinibus, ⁸² quum dignam eam rem senatus censeret esse, meritoque id, si quando umquam alias, Deum immortalium caussa libenter facturos fore, ut ⁸³ ludi maximi fierent, et dies unus ad ⁸⁴ triduum adjiceretur; ⁸⁵ recusantibus id munus aedilibus plebis, conclamatum a patriciis est juvenibus, se id honoris Deum immortalium caussa libenter acturos, ⁸⁶ ut aediles fierent. Quibus quum ab universis gratiae actae essent, factum senatusconsultum, ut duo viros aediles ex Patribus dictator populum rogaret: Patres auctores omnibus ejus anni comitiis fierent.

81 * *Se auctores futuros*] Vid. not. 16. ad I. 17.

82 *Quum dignam*] Quum dignam eam rem senatus censeret esse, ob quam ludi maximi fierent, diesque unus ad triduum Latinarum adjiceretur; meritoque id . . . sibi esse faciendum.

83 *Ludi maximi*] Ludi quam magnificentissimi. De his ludis accipienda videntur quae legimus L. VII. c. 15. *Ludi votivi, quos M. Furius dictator voverat, facti.* Itaque verisimile est hoc ludos ante concordiam restitutam Camillum vovisse; (quo etiam tempore, si Plutarcho credimus, aedem Concordiae vovit) ejus votum, redactis in concordiam ordinibus, Patres ratum habuisse. Aliter censet Gronov. quem vid. l. IV. Observ. c. 25.

84 *Triduum*] Latinarum: quae vox fortasse incuria librariorum excidit. Ceterum triduum de quo hic

agit Livius, non aliud esse quam triduum Latinarum, ex Plutarcho probatur, qui in vita Cam. auctor est unum diem hoc tempore Latinis, quae triduo antea conficiebantur, adjectum esse. De Latinis feriis vid. not. 62. ad c. 17. l. V.

85 *Recusantibus*] Ferias Latinas ludi comitari solebant, quorum curatio penes aediles plebis primo fuit, teste Dion. l. VI. extremo. Ludos quoque a Camillo votos ab iisdem aedilibus fieri senatus jubebat. Quum igitur et ludis votivis, et adjecto illo in singulos annos ad Latinas die, novorum sibi successoribusque suis sumptuum necessitatem injungi intelligerent aediles, recusarunt aggravatum munus. De ludis, qui Latinarum diebus fieri solebant, vid. not. 72. ad V. 19.

86 *Ut aediles*] Ea lege, ut.

EPITOME LIBRI VII.

DUO novi magistratus adjecti sunt, prætura et curulis ædilitas. Pestilentia civitas laboravit, eamque insignem fecit mors Furii Camilli. cujus remedium et finis quum per novas religiones quæreretur, ludi scenici tunc primum facti sunt. Quum dies L. Manlio dicta esset a M. Pomponio tribuno plebis propter delectum acerbe actum, et ¹ T. Manlium filium rus relegatum sine ullo crimine; adolescens ipse, cujus relectio patri objiciebatur, venit in cubiculum tribuni, strictoque gladio coëgit eum in verba sua jurare, non perseveraturum se in accusatione. Quum telluris hiatu tota ad ultimum territa patria foret, tunc omnia pretiosa missa sunt in præaltam voraginem urbis Romanæ. in eam Curtius armatus, sedens equo, se præcipitavit, eaque expleta est. T. Manlius adolescens, qui patrem a tribunicia vexatione vindicaverat, contra Gallum, provocantem aliquem ex militibus Romanis, in singulare certamen descendit, eique occiso torquem aureum detraxit; quem ipse postea tulit, et ex eo Torquatus est nuncupatus. Duæ tribus additæ, Pomptina et Publilia. Licinius Stolo lege ab ipso lata damnatus est, quod ² plus quingentis jugeribus agri possideret. M. Valerius tribunus militum Gallum, a quo provocatus erat, insidente galeæ corvo, et unguibus rostroque hostem infestante, occidit, et ex eo Corvi nomen accepit; consulque proximo anno, quum annos viginti tres haberet, ob virtutem creatus est. Amicitia cum Karthaginiensibus juncta. Campani, quum urgerentur a Samnitibus bello, auxilio adversus eos a senatu petito, quum id non inpetrarent, urbem atque agros populo Romano dediderunt. ob quam caussam ea, quæ populi Romani facta essent, defendi bello adversus Samnites placuit. Quum ab A. Cornelio consule exercitus in iniquum locum deductus in magno discrimine esset, P. Decii Muris tribuni militum opera servatus est. qui, occupato colle super id jugum, in quo Samnites consederant, occasionem consuli in æquiores locum evadendi dedit: ipse ab hostibus circumsusus erupit. Quum milites Romani, qui Capuæ in præsidio

¹ T. Manlium filium rus relegatum] Adjecimus vocem rus, quam in veteribus libris exstare Sigonius affirmat. Habet quoque eam unus ex Hearnii codd.

² Plus quingentis jugeribus] Sic dedit Sigonius, quum prave antea legeretur, plus quingentorum jugerum. Magis Livianum foret, plus quingenta jugera.

erant relictī, de ea occupanda urbe conspirassent, et, detecto consilio, metu supplicii a populo Romano defecissent; per M. Valerium Corvum dictatorem, qui consilio suo eos a furore revocaverat, patriæ restituti sunt. Res præterea contra Hernicos, et Gallos, et Tiburtes, et Privernates, et Tarquinienses, et Samnites, et Volscos prospere gestas continet.

T. LIVII PATAVINI

LIBER VII.

ANNUS hic erit insignis ¹ novi hominis consulatu, insignis U. C. 389. novis duobus magistratibus, prætura et curuli ædilitate. A. C. 363. Hos sibi patricii quæsiere honores pro concesso plebi L. Sextio, altero consulatu. Plebes consulatum L. Sextio, cujus lege L. Æmilio partus erat, dedit: Patres præturam Sp. Furio M. filio Primus de Camillo; ædilitatem Cn. Quinctio Capitolino et P. Corne- plebe consul. lio Scipioni, suarum gentium viris, ² gratia campestri ³ ce- Prætor et perunt. L. Sextio collega ex Patribus datus L. Æmilius ædiles curu- Mamercinus. Principio anni et de Gallis, quos primo les primum palatos per Apuliam congregari jam fama erat, et de Herni- creati. corum defectione agitata mentio. Quum de industria omnia, ne quid per plebeium consulem ageretur, proferrentur, silentium omnium rerum ac justitio simile otium fuit: nisi quod non patientibus tacitum tribunis, quod pro consule uno plebeio tres patricos magistratus, curulibus sellis prætextatos tamquam consules sedentes, nobilitas sibi sumsisset, prætorem quidem etiam jura reddentem, et ⁴ collegam consulibus, atque iisdem auspiciis creatum, verecundia inde inposita est senatui ex Patribus jubendi ædiles curules creari. primo, ut alternis annis ex plebe fierent, convenerat: postea promiscuum fuit. Inde, L. Genucio et Q. Servilio U. C. 390. consulibus, et ab seditione et a bello quietis rebus, ne A. C. 362. quando a metu ac periculis vacarent, pestilentia ingens L. Genucio, orta. Censorem, ædilem curulem, tres tribunos plebis Q. Servilio Coss. Pestilentia.

¹ *Novi hominis*] *Novus homo* dicebatur, cujus e majoribus nemo curulem magistratum gesserat, qui nullam habebat proinde majorum imaginem. *Novo homini* opponebatur *nobilis*. Vld. not. 57. ad c. 34. l. I.

² *Gratia campestri*] Quia comitia centuriata, quibus consules, prætores, censores creabantur, habebantur in campo Martio; inde *gratia campestris* sumitur pro favore populari, quo honores sibi quis aliiave a populo consequebatur.

³ *Ceperunt*] Effecerunt ut Capitolinus et Scipio caperent. Quidam libri: *dederunt*.

⁴ *Collegam consulibus, atque iisdem*

auspiciis creatum] Ideo collega consulibus dicebatur prætor, quia iisdem auspiciis creabatur, ut docet Messalla apud Gell. XIII. 14. Iisdem autem auspiciis creari, non est iisdem tantum comitiis, sed etiam captatis, ut videtur, eodem modo ac ritu auspiciis creari, ob eamque causam ejusdem ordinis ac generis auspicia habere. Porro auspicia consulum ac prætorum ejusdem ordinis erant, ut constat ex loco A. Gellii supra memorato, quamvis, ubi diversa iis auspicia contingerent, consulum auspicia magis rata essent: cujus rei insigne testimonium extat apud Val. Max. l. II. c. 8.



U. C. 390. mortuos ferunt, pro portione et ex multitudine alia multa
 A. C. 362. funera fuisse, maximeque eam pestilentiam insignem mors
 Camilli ⁵quam matura, tam acerba, M. Furii fecit. Fuit enim
 mors. vere vir unicus in omni fortuna: princeps pace belloque
 prius, quam exsulatum iret; clarior in exsilio vel desiderio
 civitatis, quæ capta absentis inploravit opem, vel felicitate,
 qua restitutus in patriam secum patriam ipsam restituit.
 Par deinde ⁶per quinque et viginti annos (tot enim postea
 vixit) titulo tantæ gloriæ fuit, dignusque habitus, quem
 secundum a Romulo conditorem urbis Romanæ fer-
 rent.

U. C. 391. II. Et hoc insequenti anno, C. Sulpicio Petico, C.
 A. C. 361. Licinio Stolone, consulibus, pestilentia fuit. eo nihil dignum
 C. Sulpicio, memoria actum, nisi quod pacis Deum exposcendæ causa
 L. Licinio ⁷tertio tum post conditam urbem lectisternium fuit. et
 Cons. [quum vis morbi nec humanis consiliis nec ope divina leva-
 Ludi sceni- retur, victis superstitione animis, ⁸ludi quoque scenici, nova
 ci primi. res bellicoso populo, (nam circi modo spectaculum fuerat)
 inter alia cœlestis iræ placamina instituti dicuntur. Cete-
 rum parva quoque (ut ferme principia omnia) et ea ipsa
 peregrina res fuit. ⁹Sine carmine ullo, ¹⁰sine imitandorum
 carminum actu, ludiones ex Etruria adciti, ad tibicinis mo-
 dos saltantes, haud indecoros motus more Tusco dabant.
 imitari deinde eos juvenus, simul inconditis inter se jocu-
 laria fundentes versibus, cœpere; nec absoni a voce motus
 erant. Accepta itaque res sæpiusque usurpando excitata.
¹¹vernaculis artificibus, quia hister Tusco verbo ludio voca-
 batur, nomen histrionibus inditum: qui non, sicut ante,
¹²Fescennino versu similem incompositum temere ac rudem

⁵ * *Quam matura, tam acerba*] Hæc
 duo sibi invicem adversantur. Nam
acerbum proprie dicitur de fructibus
 nondum maturis, quorum ideo *acer-*
bus est sapor. Hinc mors juvenum
acerba, qui ante diem rapiuntur. At
 eorum virorum, quos nunquam mori
 cuperent omnes, semper *acerba* mors
 est, etiamsi illi maturitatem ævi natu-
 ræque attigerint.

⁶ *Per quinque et viginti annos*] Be-
 ne se habet hic numerus, si ratio ha-
 beatur anni ejus quem inseruit Hen-
 ricus Dodwellus ante anarchiam. Vid.
 not. 40. ad VI. 35.

⁷ *Tertio tum . . . lectisternium fuit*] Lectisternium in urbe Romana pri-
 mum fuit anno u. c. 356. Vid. supra
 V. 13. Quo tempore autem secundo
 factum fuerit, Livius non docet.

⁸ *Ludi . . . scenici*] Ludi qui in *scena*
 agerentur, quales Comædia, Tragedia,

&c. *Scena* autem proprie est umbra-
 culum ex ramis arborum curvatis, et
 inter se mutuo implicitis factum, a
σχῆμα umbra. Quoniam autem in ejus-
 modi umbraculis Attica juvenus in-
 conditos versus jacere cœperat, ideo,
 postquam ludus in artem vertit, *scena*
 quoque vocata est pars theatri velo
 tecta, in qua histriones fabulas age-
 bant.

⁹ *Sine carmine ullo*] Quia nimi-
 rum versus lingua Tusca pronun-
 ciati, a Romanis intellecti non fuis-
 sent.

¹⁰ *Sine imitandorum carminum ac-*
tu] Nullo gestu motuque corporis,
 qualis comitari carmina, illaque respon-
 dere debet.

¹¹ *Vernaculis artificibus*] Domes-
 tici, id est, Romanis ludionibus, sive
 actoribus.

¹² *Fescennino versu*] Non jam te-

alternis jaciebant; sed inpletas modis ¹³ saturas, descripto U. C. 391. jam ad tibicinem cantu, motuque congruenti peragebant. A. C. 361.

¹⁴ Livius post aliquot annos, qui ¹⁵ ab saturis ausus est primus argumento fabulam serere, (idem scilicet, id quod omnes tum erant, suorum carminum actor) dicitur, quum sæpius revocatus vocem obtudisset, venia petita puerum ad canendum ante tibicinem quum statuisset, ¹⁶ canticum egisse aliquanto magis vigente ^a motu, quia nihil vocis usus inpediebat. inde ¹⁷ ad manum cantari histrionibus coeptum, ¹⁸ diverbiaque tantum ipsorum voci relictæ. Postquam lege hac fabularum ab risu ac soluto joco res avocabatur, et ludus in artem paullatim verterat; juvenis, histrionibus fabellarum actu relicto, ipsa inter se more antiquo ridicula intexta versibus jactitare coepit: ¹⁹ quæ inde exodia postea

^a *vigenti* Gron. Crev.

mere jaciebant incompositum ac rudem versum, similemque Fescennino versu, i. e. versui. Fortasse scripserat Livius *versum*, quomodo habent duo scripti a Gronovio inspecti, et Victor. codex. Porro *Fescenninus* versus a Fescennia Etruriæ urbe dictus est, ex qua Romam est allatus. De eo vid. Hor. in Ep. 1^a. l. II.

¹³ *Saturas*] *Satura* proprie notat lancem onustam uva passa, polenta, et omnigena ciborum ac frugum varietate, quæ sacris Cereris inferebatur. Inde ea voce designata est rerum mixtura quædam et quasi farrago; ac porro genus hoc poematis, quod multis et variis rebus refertum erat. Dramaticum fuit, ut clare ex hoc loco patet. *Modi* autem hic intelligendi sunt modulatio quædam ac descriptio cantus motusque corporum affectibus dramaticis congruens. Dum igitur dicit Livius *impletas modis saturas*, eas vult justæ descripti ad tibicinem cantus motusque modulatione conditas, suam quamdam perfectionem attigisse.

¹⁴ *Livius*] Livius Andronicus, M. Livii Salinatoris libertus, fabulam docere coepit C. Claudio Centone, M. Sempronio Tuditano Coss. anno u. c. 512.

¹⁵ *Ab saturis*] Relictis saturis, connectere fabulam ex variis actibus, qui tamen omnes ad unum et idem argumentum, sive unam quamdam actionem primariam referrentur. * Adverte verbum *serere* hic esse a *sero*, *serui*, *serum*, quod plane diversum est a verbo *sero*, *seri*, *satum*, idem significante quod *semino*. Prius illud usurpavit

quoque Livius infra XXV. 6. *Fato, cujus lege immobilis rerum humanarum ordo scribitur.*

¹⁶ *Canticum*] *Canticum* ab uno homine canebatur ad tibicinis modos. Quum autem tibicinem post actum quemque cecinisse appareat ex iis verbis, quibus Plautus in *Pseudolo* actum primum concludit, canticum subjici solitum esse cuique comœdiæ actui verisimile est. Porro *canticum agere* est gesticulationem cantico convenientem peragere.

¹⁷ *Ad manum cantari*] Institutum, ut histrionis gesticulationi, quæ saltando fiebat et loquaci manu, cantando responderetur: quum antea idem et caneret, et saltaret.

¹⁸ *Diverbia*] *Diverbium* dicitur, quando diversi verba faciunt: ac nihil aliud est, quam actus et scenæ, ex quibus ipsum fabulæ corpus constat. Opponitur choro et cantico.

¹⁹ *Quæ inde exodia*] *Exodium* vox Græca exitum significans. *Exodiarius*, inquit vetus Juvenalis scholiastes, *in fine ludorum intrabat, quod ridiculus foret: ut, quidquid lacrymarum ac tristitiæ coëgissent et tragicis affectibus, hujus spectaculi risus detergeret.* *Exodium* igitur ex eo dictum est quod in exitu, sive fine ludorum ageretur. At vocula *inde*, hic interposita, significare videtur *exodii* appellationem ex eo deductam esse, quod juvenis fabulis egressa quodammodo, sive, ut ipse Livius scribit, fabellarum actu relicto, ad hos jocos rediisset: quæ quidem hujus appellationis origo parum probabilis est. Tres scripti e nostris, in-

U. C. 391.
A. C. 361.
Exodia:
Atellanæ.

adpellata, ²⁰ consertaque fabellis potissimum Atellanis sunt. Quod genus ludorum ab Oscis acceptum tenuit juven-
tus, nec ab histrionibus pollui passa est. Eo institutum
manet, ut actores Atellanarum nec ²¹ tribu moveantur, et
stipendia, tamquam expertes artis ludicræ, faciant. Inter
aliarum parva principia rerum, ludorum quoque prima origo
ponenda visa est: ut adpareret, ²² quam ab sano initio
res in hanc vix opulentis regnis tolerabilem insaniam venerit.

U. C. 392.
A. C. 360.
Cn. Genu-
cio, L. Æ-
milio II.
Coss.

Manlius
dictator
clavum
pangit.

III. Nec tamen ludorum primum initium, procurandis
religionibus datum, aut religione animos, aut corpora mor-
bis levavit. quin etiam, quum medios forte ludos ²³ circus
Tiberi superfuso inrigatus inpedisset, id vero, velut aversis
jam Diis adspernantibusque placamina iræ, terrorem ingen-
tem fecit. Itaque Cn. Genucio, L. Æmilio Mamercino
secundum consulibus, quum piaculorum magis conquisitio
animos, quam corpora morbi, adficerent, repetitum ex
seniorum memoria dicitur, ²⁴ pestilentiam quondam clavo
ab dictatore fixo sedatam. Ea religione adductus senatus
dictatorem clavi figendi causa dici jussit. dictus L. Man-
lius Imperiosus, L. Pinarium magistrum equitum dixit.
Lex vetusta est, priscis literis verbisque scripta, ut, ²⁵ qui
prætor maximus sit, Idibus Septembribus clavum pan-
gat. ²⁶ Fixa ^b fuit ²⁷ dextro lateri ædis Jovis optimi maximi,

^b *Fixus* Gron. Crev.

ter quos Thuanæus, ignorant *et inde*.
Itaque illud eradas licet.

²⁰ *Consertaque fabellis*] Constant
ex fabellis Atellanis. Inde promiscue
usurpantur *exodium* et *Atellana*. Sæpe
etiam ambo vocabula junguntur, ut
apud Sueton. in Tib. c. 45. *Atellanico*
exodio, et apud Juven. Sat. VI. v. 71.
Exodio . . . Atellanæ Autonoes. Porro
Atellanæ fabella ab *Atella* Oscorum
civitate, ubi primum actitatæ sunt,
nomen traxerant. Jocis et salibus,
modestis tamen primo et ingenuis,
commendabantur. *Oscæ* lingua age-
bantur, postquam etiam *Oscæ* gens
esse desierat: unde dicebantur quo-
que *Osci ludi*. *Oscæ* autem gens in
Campania fuit, in duos populos
divisa, Auruncos nempe et Sidici-
nos.

²¹ *Tribu moveantur*] Vid. not. 23.
ad c. 24. l. IV.

²² *Quam ab sano initio*] Quam mo-
dico et arcto sumptu peragi cœpta res
excesserit deinde in hanc, quam nos-
tro ævo videmus, sumptuum insani-
am, quæ vix opulentis regnis, nedum
privatis ædiliū patrimonii, qui lu-
dos suis impensis faciendos curant,

tolerabilis foret.

²³ *Circus*] Itaque ludi etiam scenici
primo in Circo acti sunt.

²⁴ *Pestilentiam quondam*] Hæc non
eo sensu intelligenda videntur, ut cla-
vus jam antea, pestilentie sedandæ
causa, a dictatore fixus fuisse dicatur;
sed pestilentia quodam anno esse se-
data, quum clavus annorum index non
ab ordinario magistratu, sed a dicta-
tore fixus esset. Unde argumentaban-
tur clavum ab dictatore fixum levan-
do morbo salubrem fuisse. Vid. infra
VIII. 18. aliud exemplum, aliamque
causam dictatoris clavi figendi causa
creati.

²⁵ *Qui prætor maximus sit*] Qui
imperium summum in civitate habeat.
Prætor proprie is qui præsit.

²⁶ *Fixus fuit*] Figi solitus erat.
MSS. fere omnes habent *fixæ*, ut refe-
ratur ad legem. Utrovis modo legas,
parvi refert, quum et legem et clavum
ibidem fixa esse admodum verisimile
videatur.

²⁷ *Dextro lateri ædis*] Capitolinum
templum tres ædes pares continebat
communibus inclusas lateribus: me-
diam, Jovis; a lateribus, alteram Ju-

²⁸ ex qua parte^c Minervæ templum est. Eum clavum, quia U. C. 392., raræ per ea tempora literæ erant, notam numeri annorum A. C. 360. fuisse ferunt: eoque Minervæ templo ²⁹ dicatam legem, ^{Clavus annorum index.} quia numerus Minervæ inventum sit. Volsiniis quoque clavos, indices numeri annorum, fixos in templo Nortiæ, Etruscæ Deæ, comparere, diligens talium monumentorum auctor ³⁰ Cincius adfirmat. M. Horatius consul ³¹ ex lege templum Jovis optimi maximi dedicavit anno post reges exactos: a consulibus postea ad dictatores, quia majus imperium erat, sollemne clavi figendi translatum est. Intermisso deinde more, digna etiam per se visa res^d, propter quam dictator crearetur. qua de caussa creatus L. Manlius, ^{Manlius delectum habere conatur, frustra.} perinde ac reipublicæ gerendæ; ac non solvendæ religione, gratia creatus esset, bellum Hernicum adfectans, delectu acerbo juventutem agitavit; tandemque, omnibus in eum tribunis plebis coortis, seu vi, seu verecundia victus, dictatura abiit.

IV. Neque eo minus principio insequentis anni, Q. Servilio Ahala, L. Genucio consulibus^e, dies Manlio dicitur a ^{U. C. 393. A. C. 359. Q. Servilio II. L. Genucio II. Cons. Manlio dies dicta.} M. Pomponio tribuno plebis. ³² Acerbitas in delectu, non damno modo civium, sed etiam laceratione corporum lata, partim virgis cæsis, qui ad nomina non respondissent, partim in vincula ductis, invisæ erat: et ante omnia invisum ipsam ingenium atrox, cognomenque Imperiosi grave liberæ civitati, ab ostentatione sævitæ adscitum; quam non magis in alienis, quam in proximis, ac sanguine ipse suo exerceret, criminique ei tribunus inter cetera dabat, *quod filium juvenem, nullius probri compertum, extorrem urbe, domo, penatibus, foro, luce, congressu æqualium prohibitum, in opus servile, prope in carcerem atque in ergastulum, dederit:* ^{Acerbitas ejus in filium.}

^c ea ex parte, qua Gron. Crev. ^d est res Eæd. ^e secundum consulibus Eæd.

nonis, alteram Minervæ. Hinc lex, quæ hoc loco dicitur fixa fuisse dextro lateri ædis Jovis optimi maximi, infra dicitur Minervæ templo dicata.

²⁸ *Ea ex parte qua*] Scripti omnes nostri, ut et aliquot a Gronovio allegati, *ea qua parte*: unde proclive est efficere *ex qua parte*.

²⁹ *Dicatam*] Assignatam, et quasi consecratam.

³⁰ *Cincius*] L. Cincius Alimentus, sic enim integre expressum nomen ejus est a Livio, XXI. 38. æqualis Fabii Pictoris, bello Punico secundo captus ab Annibale, teste Livio ibidem. Hunc scriptorem historiarum valde probabiliter judicat Vossius, l. I. de Histor. Lat. c. 4. non diversum esse ab illo L. Cincio Alimento qui præturam gessisse

memoratur a Livio, XXVI. 23. anno ejusdem belli nono. Græca lingua scripsisse eum historiam a primordio urbis docet Dionys. l. I.

³¹ *Ex lege templum*] Videtur hic legendum esse *templo*, ut recte admonet Gronovius. Sensus igitur erit: M. Horatius, ex lege quæ supra allata est, dedicavit, sive cum solennibus cærimoniis fixit, clavum templo Jovis optimi maximi, ea ex parte nimirum, ut supra legitur, qua Minervæ templum est.

³² *Acerbitas in delectu*] Manlii acerbitas in delectu, quam senserant cives non multis modò irrogatis sibi, quæ proinde damnum, sive jacturam rei familiaris importarent, sed et laceratione corporum.

U. C. 393. *ubi summo loco natus dictatorius juvenis quotidiana miseria*
 A. C. 359. *disceret, vere imperioso patre se natum esse. At quam ob*
noxam? quia infacundior sit, et lingua inpromptus. Quod
*naturæ damnum utrum*³³ *nutriendum patri, (si quidquam in eo*
humani esset) an castigandum ac vexatione insigne faciendum
fuisse? ne mutas quidem bestias minus alere ac fovere, si quid
ex progenie sua parum prosperum sit. At, Hercule, L. Man-
lium, malum malo augere filii, et tarditatem ingenii insuper
premere; et, si quid in eo exiguum naturalis vigoris sit, id
exstinguere vita agresti et rustico cultu, inter pecudes ha-
bendo.

Filli ejus
 pietas.

V. Omnium potius his criminationibus, quam ipsius juvenis, irritatus est animus: quin contra, se quoque parenti causam invidiæ atque criminum esse, ægre passus, (ut omnes Dii hominesque scirent, se parenti opem latam, quam inimicis ejus, malle) capit consilium, rudis quidem atque agrestis animi, et quamquam³⁴ non civilis exempli, tamen pietate laudabile. Inscientibus cunctis, cultro subcinctus, mane in urbem, atque a porta domum confestim ad M. Pomponium tribunum pergit: janitori, *opus esse sibi domino ejus convento extemplo*, ait. *nunciaret, T. Manlium L. filium esse.* Mox introductus, (etenim percitum ira in patrem spes erat aut criminis aliquid novi, aut consilii ad rem agendam, deferre) salute accepta redditaque, *esse ait, quæ cum eo agere arbitris remotis velit.* Procul inde omnibus abire jussis, cultrum stringit: et, super lectum stans ferro intento, nisi, in quæ ipse concepisset verba, juraret, *se patris ejus accusandi causa concilium plebis numquam habiturum*, se eum extemplo transfixurum minatur. Pavidus tribunus (quippe qui ferrum ante oculos micare, se solum, inermem; illum prævalidum juvenem, et, quod haud minus timendum erat, stolide ferocem viribus suis cerneret) adjurat, in quæ adactus est verba; et præ se deinde tulit, ea vi subactum se incepto destitisse. Nec perinde, ut maluisset plebes, sibi suffragii ferendi de tam crudeli et superbo reo potestatem fieri; ita ægre habuit, filium id pro parente ausum. eoque id laudabilius erat, quod animum ejus tanta acerbitas patria nihil a pietate avertisset. Itaque non patri modo remissa causæ dictio est, sed ipsi etiam adolescenti ea res honori fuit. et quum eo anno primum placuisset,³⁵ tribunos militum ad legiones suffragio fieri, (³⁶ nam et antea, sicut nunc,

³³ *Nutriendum*] Mollihus remediis et paterna indulgentia medicandum. Vid. IV. 52. supra.

³⁴ *Non civilis*] Abhorrentis ab iis legibus, quibus civilis societas continetur.

³⁵ *Tribunis militum ad legiones*] ...

Ut legionibus præessent. Sex in unaquaque legione tribuni militum erant, teste Polyb. l. VI. iique principem in legione locum tenebant.

³⁶ *Nam et antea, sicut nunc*] Magis placeret: nam antea, sicut et nunc

³⁷ quos Rufulos vocant, imperatores ipsi faciebant) ³⁸ secundum in sex locis tenuit, nullis domi militiæque ad conciliandam gratiam meritis; ut qui rure et procul coetu hominum juventam egisset.

VI. Eodem anno, seu motu terræ, seu qua vi alia, forum medium ferme specu vasto conlapsum in inmensam altitudinem dicitur: neque eam voraginem conjectu terræ, quum pro se quisque gereret, expleri potuisse prius, quam Deum monitu quæri coeptum, quo plurimum populus Romanus posset? Id enim illi loco dicandum, vates canebant, si rempublicam Romanam perpetuam esse velent. Tum M. Curtium, juvenem bello egregium, castigasse ferunt dubitantes, an ullum magis Romanum bonum, quam arma virtusque, esset. Silentio facto, templa Deorum immortalium, quæ foro imminent, Capitoliumque intuentem, et manus nunc in cælum, nunc in patentes terræ hiatus ad Deos Manes porrigentem, se devovisse: equo deinde quam poterat maxime exornato insidentem, armatum se in specum inmisisse, donaque ac fruges super eum a multitudine virorum ac mulierum congestas; lacumque Curtium, non ab antiquo illo T. Tatii milite Curtio Metto, sed ab hoc adpellatum. Cura non deesset, si qua ad verum via inquirentem ferret: nunc ³⁹ fama rerum standum est, ubi certam derogat vetustas fidem. et lacus nomen ab hac recentiore insignitius fabula est. Post tanti prodigii procurationem, eodem anno de Hernicis consultus senatus, quum feciales ad res repetendas nequidquam misisset, primo quoque die ferendum ad populum de bello indicendo Hernicis censuit; populusque id bellum frequens jussit. L. Genucio consuli ea provincia sorte evenit. In expectatione civitas erat, quod primus ille de plebe consul bellum suis auspiciis gesturus esset; perinde ut eveniret res, ita communicatos honores pro bene aut secus consulto habitura. Forte ita tulit casus, ut Genucius ad hostes magno conatu profectus, in insidias præcipitaret^f; legionibus necopinato pavore fuis, consul circum-

Vorago in foro.

In eam se M. Curtius inmittit.

Bellum cum Hernicis.

Genucius male rem gerit.

^f præcipitaretur Gron. Crev.

³⁷ Quos Rufulos vocant] Ruffuli, sive Ruffuli appellabantur, inquit Festus, tribuni militum a consule facti, non a populo: de quorum jure quod Rutilius Rufus legem tulerit, Ruffuli, ac post Rutuli, sive potius Rutili, appellati sunt. Alii sunt comitiati, inquit Asc. in Divin. qui Romæ comitiis designantur.

³⁸ Secundum in sex locis] Si legiones quatuor, ut moris erat, hoc anno scriptæ sunt, quatuor et viginti tribu-

nis militum opus erat. Sed per hæc tempora dictatores et consules, perquam paucis suffragio populi relictis locis, reliqua sui beneficii faciebant, teste Livio, IX. 30.

³⁹ Fama rerum standum est] Olim famæ. Sigonius emendari jussit, eique favent quatuor e nostris codd. antiquissimi, ut et usus Latini sermonis. Sic noster infra l. VIII. extremo: quo satis certo auctore stetur.

U. C. 393.
A. C. 359.

Appius
Claudius
dictator.

ventus ab insciis, quem interfecissent, occideretur. Quod ubi est? Romam nunciatum, nequaquam tantum publica calamitate mœsti Patres, quantum feroces infelici consulis plebeii ductu, fremunt omnibus locis: *Irent, crearent consules ex plebe, transferrent auspicia, quo nefas esset. Potuisse Patres plebiscito pelli honoribus suis: num etiam in Deos immortales inauspicatam legem valuisse? Vindicasse ipsos suum numen, sua auspicia. quæ ut primum ⁴⁰contacta sint ab eo, a quo nec jus nec fas fuerit, deletum cum duce exercitum documento fuisse, ne deinde, turbato ⁴¹gentium jure, comitia haberentur.* His vocibus curia et forum personat. Ap. Claudium, quia dissuaserat legem, majore nunc auctoritate eventum reprehensi ab se consilii incusantem, dictatorem consensu patriciorum Servilius consul dicit, delectusque et iustitium indictum.

VII. Priusquam dictator legionesque novæ in Hernicos venirent, ductu C. Sulpicii legati res per occasionem gesta egregie est. In Hernicos, morte consulis contemptim ad castra Romana cum haud dubia expugnandi spe succedentes, hortante legato, et plenis iræ atque indignitatis militum animis, eruptio est facta. Multum ab spe adeundi valli res Hernicis afuit; adeo turbatis inde ordinibus abscessere. Dictatoris deinde adventu novus veteri exercitus jungitur, et copiae duplicantur: et pro concione dictator laudibus legati militumque, quorum virtute castra defensa erant, simul audientibus laudes meritas, tollit animos; simul ceteros ad æmulandas virtutes acuit. Neque segnius ⁴²ad hostes bellum adparatur, qui, et parti ante decoris memores, neque ignari auctarum virium hostis, suas quoque vires augent. Omne Hernicum nomen, omnis militaris ætas excitur. quadringenariæ octo cohortes, lecta robora virorum, scribuntur. Hunc eximium florem juventutis eo etiani, quod, ut duplex acciperent stipendium, decreverant, spei animorumque inplevere. Inmunes quoque operum militarium erant, ut, in unum pugnae laborem reservati, ⁴³plus sibi, quam pro virili parte, adnitendum scirent. Extra ordinem etiam in acie locati, quo conspectior virtus esset. Dum millium planicies castra Romana ab Hernicis

³ est del. Gron.

⁴⁰ * *Contacta*] Polluta. Supra IV. 16. *bona contactu preliis regni mergandi.* Et XXIX. 18. *milites contactos sacrilegio.*

⁴¹ *Gentium jure*] Jure ac discrimine generis et familiarum. Vid. not. 2. ad IV. 1.

⁴² * *Ad hostes*] Apud hostes. *Ad*

recte dicitur pro *apud*: at non contra.

⁴³ * *Plus sibi quam pro virili parte annitendum*] Plus sibi annitendum quam quantum in singula virorum capita satis esset; unum quemlibet ex sese instar duorum pluriumve esse debere.

dirimebat: ibi pari ferme utrimque spatio in medio pugna-
tum est. Primo stetit ambigua spe pugna; nequidquam
sæpe conatis equitibus Romanis inpetu turbare hostium
aciem. Postquam equestris pugna ⁴⁴effectu, quam conati-
bus, vanior erat; consulto prius dictatore equites, permissu
deinde ejus, relictis equis, ⁴⁵clamore ingenti^b provolant
ante signa, et novam integrant pugnam. neque sustineri
poterant, ni extraordinariæ cohortes pari corporum animo-
rumque robore se objecissent.

VIII. Tunc inter primores duorum populorum res geri-
tur. quidquid hinc aut illinc ⁴⁶communis Mars belli aufert,
multiplex, quam pro numero, damnum est: vulgus aliud ar-
matorum, velut delegata primoribus pugna, eventum suum
in virtute aliena ponit. multi utrimque cadunt, plures vul-
nera accipiunt. Tandem equites alius alium increpantes,
quid deinde restaret, quærendo, si neque ex equis pepulissent
hostem, neque pedites quidquam momenti facerent? quam ter-
tiam expectarent pugnam? quid ante signa feroces prosiluis-
sent, et alieno pugnarent loco? His inter se vocibus concitati,
clamore renovato, inferunt pedem: et primum gradu move-
runt hostem, deinde pepulerunt; postremo jam haud dubie
avertunt: ⁴⁷neque, tam vires pares quæ superaverit res, fa-
cile dictu est, nisi quod perpetua fortuna utriusque populi et
extollere animos, et minuere potuit. Usque ad castra fugi-
entes Hernicos Romanus sequitur: castrorum obpugnatione,
quia serum erat diei, abstinuere. ⁴⁸Diu non perlitatum te-
nuerat dictatorem, ne ante meridiem signum dare posset:
eo in noctem tractum erat certamen. Postero¹ die deserta
fuga castra Hernicorum, et saucii relictis quidam inventi;
agmenque fugientium ⁴⁹ab signis, quum præter moenia eo-
rum infrequentia conspecta signa^k essent, fusum, ac per
agros trepida fuga palatum est. Nec Romanis incruenta
victoria fuit. quarta pars militum amissa; et, ubi haud
minus jacturæ fuit, aliquot equites Romani cecidere.

^b ingenti del. Gron.

¹ Postera Gron. Crev.

^k signa conspecta Emd.

⁴⁴ * *Effectu quam conatibus vanior*] Conatu haud levis, effectum propemodum irrita.

⁴⁵ *Clamore ingenti*] Ultimam vocem, insertam a Sigonio, exturbatam postea a Gronovio, revocavimus ex auctoritate septem nostrorum codd.

⁴⁶ *Communis Mars belli*] Sigonius affirmat libros habere bello; sed mendose. Nihil usitatus ea forma loquendi, quam ille in contextum immisit.

⁴⁷ *Neque tam vires pares*] Placeret magis tam parces vires; qui ordo ser-

vatur in uno MS. teste Gronovio.

⁴⁸ * *Diu non perlitatum tenuerat dictatorem*] Sic supra IV. 49. *Tentatum ab L. Sextio . . . discussum est.* Vid. ibi not. 11.

⁴⁹ *Ab signis*] Legendum videtur, *ab Signinis.* *Agmen fugientium Hernicorum fusum est ab Signinis, quum præter moenia eorum, id est, Signinorum infrequentia Hernicorum signa conspecta essent.* Signia erat colonia Romana, non longe ab Hernicorum terris.

U. C. 394.
A. C. 358.
C. Sulpicio
II. C. Lici-
nio II. Cos.
Bellum
cum Tibur-
tibus.
T. Quinc-
tius Pennus
dictator.

Bellum
Gallicum.

IX. Insequenti anno, quum C. Sulpicius et C. Licinius Calvus consules in Hernicos exercitum duxissent, neque inventis in agro hostibus, Ferentinum urbem eorum vi cepissent, revertentibus inde eis Tiburtes portas clausere. Ea ultima fuit caussa, quum multæ antea querimonie ultro citroque jactatæ essent, cur, per feciales rebus repetitis, bellum Tiburti populo indiceretur. Dictatorem T. Quinctium Pennum eo ante fuisse, satis constat, et magistrum equitum Ser. Cornelium Maluginensem. Macer Licinius comitiorum habendorum caussa, et ab Licinio consule dictum scribit, quia, collega ⁵⁰ comitia bello præferre festinante, ut continuaret consulatum, obviam eundum pravæ cupiditati fuerit. Quæsita ea propriæ familiæ laus leviolem auctorem Licinium facit. quum mentionem ejus rei in vetustioribus annalibus nullam inveniam, magis, ut belli Gallici caussa dictatorem creatum arbitrer, inclinât animus. eo certe anno Galli ad tertium lapidem ⁵¹ Salaria via trans pontem Anienis castra habuere. Dictator, quum ⁵² tumultus Gallici caussa justitium edixisset, omnes juniores sacramento adegit, ingentique exercitu ab urbe profectus, in citeriore ripa Anienis castra posuit. Pons in medio erat, neutris eum rumpentibus, ne timoris indicium esset. Proelia de occupando ponte crebra erant; nec, qui potirentur, incertis viribus, satis discerni poterat. Tum eximia corporis magnitudine in vacuum pontem Gallus processit; et quantum maxima voce potuit, *Quem nunc, inquit, Roma virum fortissimum¹ habet, procedat, agedum, ad pugnam, ut noster duorum eventus ostendat, utra gens bello sit melior.*

X. Diu inter primores juvenum Romanorum silentium fuit, quum et abnuere certamen vererentur, et præcipuam

¹ fortissimum virum Gron. Crev.

⁵⁰ * Comitia bello præferre] Comitia habere antequam ad bellum iretur.

⁵¹ Salaria via] Salaria via appellata est, auctore Festo, quia Sabini per eam sal a mari deferbant. Incipiebat a porta Collina.

⁵² Tumultus Gallici] Quid sit proprie tumultus, docet Cic. VIII^a. Phil. numeris 2. et 3. his verbis. *Potest bellum esse sine tumultu: tumultus esse sine bello non potest. Quid enim est aliud tumultus, nisi perturbatio tanta, ut major timor oriaturs unde etiam nomen ductum est tumultus.* (Tumultus nempe videtur Ciceroni dictus esse, quasi timor multus; licet hodie docti deducant potius a *tumeo*.) Itaque majores nostri tumultum Italicum, quod erat domesticus; tumultum Gallicum, quod erat Italiae finitimus;

præterea nullum tumultum nominabant. Gravius autem tumultum esse, quam bellum, hinc intelligi licet, quod bello vacationes valent, tumultu non valent. Idem aliud agendo describit ea quæ tumultum comitari solebant, V^a. Phil. n. 31. *Tumultum, inquit, decerni, justitium indici, saga sumi dico oportere, delectum haberi sublati vacationibus in urbe et in Italia.* Et eodem modo Livius infra c. 28. *Quum (quod per magnos tumultus solet) justitio indicto, delectus sine vacationibus habitus esset.* Quæ tamen omnia ita accipienda sunt, ut tumultus, præter hanc strictiorem et maxime propriam significationem, etiam laxiore sensu quamlibet perturbationem ac trepidationem denotet. Vid. c. 26. l. II.

sortem periculi petere nollent. tum T. Manlius, L. filius, qui U. C. 394. patrem a vexatione tribunicia vindicaverat, ex statione ad A. C. 368. dictatorem pergit: *Injussu tuo, inquit, imperator, extra ordinem numquam pugnaverim, non si certam victoriam videam.* Singulare certamen T. Manlii cum Gallo. *Si tu permittis, volo ego illi belluæ ostendere, quando adeo ferox præsulat hostium signis, me ex ea familia ortum, quæ Gallorum agmen ex rupe Tarpeia dejecit.* Tum dictator, *Macte virtute, inquit, ac pietate in patrem patriamque, T. Manli, esto. Perge, et nomen Romanum invictum, juvantibus Diis, præsta.* Armant inde juvenem æquales.⁵³ pedestre scutum capit,⁵⁴ Hispano cingitur gladio, ad propiorem habili pugnam. Armatum adornatumque adversus Gallum stolidè lætum, et (quoniam id quoque memoria dignum antiquis visum est) linguam etiam ab inrisu exserentem, producunt. Recipiunt inde se ad stationem: et duo in medio armati,⁵⁵ spectaculi magis more, quam lege belli, destituuntur, nequaquam visu ac specie æstimantibus pares. Corpus alteri magnitudine eximium, versicolori veste pictisque et auro cælatis refulgens armis: media in altero militaris statura, modicaque in armis habilibus magis quam decoris species. non cantus, non exultatio armorumque agitatio vana, sed pectus, animorum iræque tacitæ plenum, omnem ferociam in discrimen ipsum certaminis distulerat. Ubi constitere inter duas acies, tot circa mortalium animis spe metuque pendentibus, Gallus, velut moles superne imminens,⁵⁶ projecto læva scuto, in advenientis arma hostis vanum⁵⁷ cæsim cum ingenti sonitu ensem dejecit. Romanus, mucrone subrecto,⁵⁸ quum scuto scutum^m imum perculisset,

^m scutum scuto Gron. Crev.

⁵³ * *Pedestre scutum capit*] Pro parma nimirum, quam equites gerebant. De parma vid. not. 75. ad IV. 38. † In hac pugna describenda secutus est Livius Claudium Quadrigarium, cujus verba vid. apud A. Gellium, IX. 13.

⁵⁴ *Hispano . . . gladio*] Gladius Hispanicus brevitate agilis erat, *pariterque*, inquit Polyb. l. VI. *et ad punctum lædendum excellens, et ad cæsim ex utraque parte ferendum vehemens.* Constat enim lamina valida et firma. Eo Romani milites utebantur. *Hispanici* appellatio indicat eum Romanos ab Hispanis accepisse. Sed his temporibus quodnam Romanis cum Hispania commercium erat? Et Polybius testis est Romanos bello Annibalico gladios Hispanos pro patriis assumere cœpisse. Dicamus igitur cum Lipsio Livium, sive potius Quadrigarium hic indicare voluisse gladi-

um pedestrem, qui diversus erat ab equestri: quum autem illo ævo quo scribebat Quadrigarius, gladius Romanorum pedester *Hispanicus* et esset, et vociferetur, illum scriptorem locutum esse ex suæ ætatis consuetudine, quamvis gladius quo Manlius usus est, non fuerit revera Hispanicus, sed ex veteri Romanorum more. Vid. Lips. l. III. de Milit. Rom. Dial. 3.

⁵⁵ * *Spectaculi . . . more*] Alludit Livius ad gladiatorum pugnas.

⁵⁶ *Projecto*] Ante se prolato.

⁵⁷ *Cæsim*] Gallis gladii prælongi erant, ac sine mucronibus: teste Livio, l. XXII. c. 46. Itaque cæsim tantum ferire poterant hostem.

⁵⁸ *Quum scutum scuto imum perculisset*] Ut de gradu hostem dejiceret, et, occasione data ex incerto et vacillanti ejus motu, sese posset inter corpus ejus armaque insinuare.

U. C. 394. A. C. 358. **totoque corpore** ⁵⁹ interior periculo vulneris factus, insinuasset se inter corpus armaque, uno alteroque subinde ictu ventrem atque inguina hausit, et in spatium ingens ruentem porrexit hostem. jacentis inde corpus, ab omni alia vexatione intactum, uno torque spoliavit: quem respersum cruore collo circumdedit suo. Defixerat pavor cum admiratione Gallos. Romani, alacres ab statione obviam militi suo progressi, gratulantes laudantesque ad dictatorem perducunt. ⁶⁰ Inter carminum prope modum incondita quædam militarilyer joculantes, Torquati cognomen auditum; celebratum deinde posteris etiam familiæque honori fuit. Dictator coronam auream addidit donum, mirisque pro concione eam pugnam laudibus tulit.

Galli in
Campaniam trans-
eunt.

U. C. 395.
A. C. 357.
C. Poetelio,
M. Fabio
Cos.

Q. Servilius
dictator.

Pugna a-
trox cum
Gallis.

XI. Et, Hercule, tanti ea ad universi belli eventum momenti dimicatio fuit, ut Gallorum exercitus proxima nocte, relictis trepide castris, in Tiburtem agrum, atque inde, societate belli facta, commeatuque benigne ab Tiburtibus adjutus, mox in Campaniam transierit. Ea fuit causa, cur proximo anno C. Poetelius Balbus consul, quum collegæ ejus M. Fabio Ambusto Hernici provincia evenisset, adversus Tiburtes jussu populi exercitum duceret. ad quorum auxilium quum Galli ex Campania redissent, foedæ populationes in Lavicano, Tusculanoque, et Albano agro, haud dubie Tiburtibus ducibus, sunt factæ. Et, quum adversus Tiburtem hostem duce consule contenta respublica esset, Gallicus tumultus dictatorem creari coëgit. creatus Q. Servilius Ahala T. Quinctium magistrum equitum dixit; et ex auctoritate Patrum, si prospere id bellum evenisset, ⁶¹ ludos magnos vovit. Dictator, ad continendos proprio bello Tiburtes consulari exercitu jusso manere, omnes juniores, nullo detrectante militiam, sacramento adegit. Pugnatum haud procul porta Collina est totius viribus urbis, in conspectu parentum conjugumque ac liberorum. quæ magna, etiam absentibus, hortamenta animi, tum subjecta oculis, simul verecundia misericordiaque militem accendebant. Magna utrimque edita cæde, avertitur tandem acies Gallorum. fuga Tibur, ⁶² sicut arcem belli Gallici, petunt: palati a consule Poetelio haud procul Tibure excepti, egressis ad opem ferendam Tiburtibus, simul cum his intra portas compelluntur. Egregie quum ab dictatore, tum ab consule res

⁵⁹ Interior periculo vulneris] Intra ictum gladii, i. e. propior hosti, quam ut gladio ejus, qui prælongus erat, ac cæsim tantum feriebat, posset vulnerari.

⁶⁰ Inter carminum] Inter joculantes militariter incondita quædam prope carminum modum.

⁶¹ Ludos magnos] Vid. not. 38. ad c. 27. l. IV.

⁶² Sicut arcem belli Gallici, petunt] Melius videtur id quod Campanus edidit, et habet quoque unus e codd. Hearnii: sicut arcem belli, Galli petunt.

gesta est. Et consul alter Fabius præliis primum parvis, U. C. 395.
 postremo una insigni pugna, quum hostes totis adorti co- A. C. 357.
 piis essent, Hernicos devincit^a. Dictator, consulibus in se- ^{Hernici}
 natu et apud populum magnifice conlaudatis, et suarum ^{victi,}
 quoque rerum illis remisso honore, dictatura se abdicavit.
 Pœtelius de Gallis Tiburtibusque geminum triumphum egit.
 Fabio satis visam, ut ovans urbem iniret. Inridere Pœtelii
 triumphum Tiburtes: *Ubi enim eum secum acie conflixisse?*
spectatores paucos fugæ trepidationisque Gallorum, extra portas
egressos, postquam in se quoque fieri inpetum viderint, et sine
discrimine obvios cædi, recepisse se intra urbem. Eam rem
triumpho dignam visam Romanis? ne nimis mirum magnum-
que censerent, tumultum exciere in hostium portis, majorem ip-
sos trepidationem ante mœnia sua visuros.

XII. Itaque insequenti anno, ⁶³ M. Popillio Lœnate, Cn. U. C. 396.
 Manlio consulibus, primo silentio noctis ab Tibure agmine A. C. 356.
 infesto profecti, ad urbem Romam venerunt. terrorem re- ^{M. Popillio,}
 pente ex somno excitatis subita res et nocturnus pavor ^{Cn. Manlio}
 præbuit: ad hoc multorum inascitia, qui, aut unde, hostes
 advenissent. Conclamatum tamen celeriter ad arma est, et
 portæ stationibus, murique præsiidiis firmati: et ubi prima
 lux mediocrem multitudinem ante mœnia, neque alium,
 quam Tiburtem, hostem ostendit, duabus portis egressi con- ^{Tiburtes ad}
 sules utrimque aciem subeuntium jam muros adgrediuntur: ^{Romæ mœ-}
 adparuitque occasione magis, quam virtute, fretos venisse. ^{nia victi.}
 adeo vix primum inpetum Romanorum sustinuerunt. Quin
 etiam bono fuisse Romanis adventum eorum constabat,
 orientemque jam seditionem inter Patres et plebem metu
 tam propinqui belli compressam. Alius adventus hostium
 fuit proximo bello, agris, quam urbi, terribilior. Popula-
 bundi Tarquinienses fines Romanos, maxime qua ex parte ^{Tarquini-}
 Etruriam adjacent, peragrare: rebusque nequidquam re- ^{ense bel-}
 petitis, novi consules C. Fabius et C. Plautius jussu populi ^{lum.}
 bellum indixere; Fabioque ea provincia, Plautio Hernici ^{U. C. 397.}
 evenere. Gallici quoque belli fama increbrescebat. Sed ^{A. C. 355.}
 inter multos terrores solatio fuit pax Latinis petentibus ^{C. Fabio,}
 data, et magna vis militum ab iis ex foedere vetusto, quod ^{C. Plautio}
 multis intermiserant annis, accepta. quo præsidio quum ^{Coss.}

^a devicit Gron. Crev.

⁶³ M. Popillio Lœnate] Hic Popil-
 lius Lœnatis sibi cognomen in hoc
 magistratu ceperit, ut discimus ex
 Cic. in Bruto, n. 14. Licet aliquid
 etiam, inquit ille, de M. Popillii inge-
 nio suspicari, qui quum consul esset,
 eodemque tempore sacrificium publicum
 cum læna faceret, quod erat Flamen

Carmentalis, plebei contra Patres con-
 citatione et seditione nunciata, ut erat
 læna amictus, ita venit in concionem,
 seditionemque, quum auctoritate, tum
 oratione sedavit. Et sane infra, hoc
 ipso c. Livius seditionis orientis men-
 tionem facit. Læna erat vestis cras-
 sior, instar duplicis togæ.

U. C. 397.
A. C. 355.

Sulpicius
dictator.

Bellum
Gallicum.

Dictatoris
cunctatio.

Ingrata mi-
litibus.

Sex. Tullii
ad dictato-
rem oratio
militum no-
mine.

fulta res Romana esset, levius fuit, quod Gallos mox Præ-
neste venisse, atque inde circa Pedum consedis-
se, auditum est. Dictatorem dici C. Sulpicium placuit. consul ad id
aditus C. Plautius dixit. magister equitum dictatori addi-
tus M. Valerius. Hi robora militum, ex duobus consulari-
bus exercitibus electa, adversus Gallos duxerunt. Lentius
id aliquanto bellum, quam parti utrique placebat, fuit. quum
primo Galli tantum avidi certaminis fuissent, deinde Ro-
manus miles, ruendo in arma ac dimicationem, aliquantum
Gallicam ferociam vinceret; dictatori neutiquam placebat,
quando nulla cogeret res, fortunæ se committere adversus
hostem, quem tempus deteriore in dies et locus alienus
faceret, sine præparato commeatu, sine firmo munimento
morantem. ad hoc iis animis corporibusque, quorum omnis
in inpetu vis esset, parva eadem languesceret mora. His
consiliis dictator bellum trahebat, gravemque edixerat pœ-
nam, si quis injussu in hostem pugnasset. Milites, ægre id
patientes, primo in stationibus vigiliisque inter se dictato-
rem sermonibus carpere; interdum Patres communiter in-
crepare, quod non jussissent per consules geri bellum.
*Electum esse eximium imperatorem, unicum ducem, qui nihil
agenti sibi de cælo devolaturam in sinum victoriam censeat.*
Eadem deinde hæc interdum propalam, ac ferociora his, jac-
tare; *se injussu imperatoris aut dimicatu-
ros, aut agmine Ro-
mam ituros.* Inmiscerique militibus centuriones: nec ⁶⁴ in
circulis modo fremere, sed jam ⁶⁵ in principiis ac ⁶⁶ prætorio
in unum sermones confundi, atque in concionis magnitudi-
nem crescere turba, et vociferari ex omnibus locis, *ut exem-
plo ad dictatorem iretur: verba pro exercitu faceret Sex. Tul-
lius, ut virtute ejus dignum esset.*

XIII. ⁶⁷ Septimum primum pilum jam Tullius ducebat;
neque erat in exercitu, qui quidem pedestria stipendia fe-
cisset, vir factis nobilior. is, præcedens militum agmen, ad
tribunal pergit; mirantique Sulpicio non turbam magis,
quam turbæ principem Tullium, imperiis obedientissimum
militem, ⁶⁸ *Scilicet, dictator, inquit, condemnatum se universus*

⁶⁴ *In circulis*] In cœtibus militum
passim inter se colloquentium.

⁶⁵ *In principiis*] *Principia* locus
erant in castris, ubi prætorium, et
præcipuorum ducum, puta legatorum,
tribunorum tentoria, et signa milita-
ria fixa erant. Ibi consilium militare
habebatur, atque etiam interdum fere
potissimi ducum imperia expecta-
bant.

⁶⁶ *Prætorio*] *Prætorium* est taber-
naculum imperatoris, qui olim præ-
tor dicebatur. Hic non ipsum taber-

naculum intelligendum videtur, sed
propinqua ei loca.

⁶⁷ *Septimum primum pilum*] Tunc
jam septimum primipili centurio erat.
De primipili centurione vid. not. 45.
ad c. 27. l. 11.

⁶⁸ *Scilicet*] Reddit rationem sui
facti Tullius, et hæc est vis vocis *sci-
licet*. Quod me cum hoc militum ag-
mine ad tribunal tuum venisse vides,
ejus rei hæc scilicet causa est, quod
exercitus &c.

*exercitus a te ignaviae ratus, et prope ignominiae causa⁶⁹ destitutum sine armis, oravit me, ut suam causam apud te agerem. Equidem, sicubi loco cessum, si terga data hosti, si signa foede amissa objici nobis possent, tamen hoc a te inpetrari æquum censerem, ut nos virtute culpam nostram corrigere, et abolere flagitii memoriam nova gloria patereris. Etiam ad Alliam fusæ legiones eandem, quam per pavorem amiserant, patriam, profectæ postea ab Veiiis, virtute recuperare. nobis, Deum benignitate, felicitate tua populique Romani, et res et gloria est integra. Quamquam⁷⁰ de gloria vix dicere ausim, si nos et hostes haud secus, quam fœminas, abditos intra vallum omnibus contumeliis eludunt; et tu imperator noster, quod ægrius patimur, exercitum tuum sine animis, sine armis, sine manibus judicas esse; et prius, quam expertus nos esses, de nobis ita desperasti, ut te mancorum ac debiliū ducem judicares esse. Quid enim aliud esse causæ⁷¹ credemus, cur veteranus dux, fortissimus bello, compressis, quod aiunt, manibus sedeas? utcumque enim se habet^o res, te de nostra virtute dubitasse videri, quam nos de tua, ⁷²verius est. Sin autem non tuum istuc, sed publicum est consilium, et consensus aliquis Patrum, non Gallicum bellum, nos ab urbe, a Penatibus nostris ablegatos tenet; quæso, ut ea, quæ dicam, non a militibus imperatori dicta censeas, sed a plebe Patribus; quæ, sicut vos vestra habeatis consilia, sic se sua habituram dicat. Quis tandem succenseat, milites nos esse, non servos vestros? ad bellum, non in exilium, missos? si quis det signum, in aciem educat, ut viris ac Romanis dignum sit, pugnatu-
 ros? si nihil armis opus sit, otium Romæ potius, quam in castris, acturos? hæc dicta sint Patribus. Te, imperator, milites tui oramus, ut nobis pugnandi copiam facias. quam^p vincere cupimus, tum te duce^q vincere; tibi lauream insignem deferre; tecum triumphantes urbem inire; tuum sequentes currum Jovis optimi maximi templum gratantes ovantesque adire. Orationem Tullii exceperunt preces multitudinis; et undique, ut signum daret, ut capere arma juberet, clamabant.*

XIV. Dictator, quamquam rem bonam exemplo haud probabili actam cernebat, tamen facturum, quod milites vel-
 lent, se recepit; Tulliumque secreto, quænam hæc res sit, aut quo acta more, percunctatur. Tullius magnopere a dictatore petere, ne se oblitum disciplinæ militaris, ne sui, neve imperatoriæ majestatis, crederet: multitudini concitatae,

^o habeat Gron. Grev.

^p tum Eæd.

^q duce te Eæd.

69 *Destitutum sine armis*] Alludit ad militare pœnæ genus, quo ii, qui loco cesserant, ignominiae causa distincti atque etiam aliquando tunicati, dstrictis gladiis, stare aliquamdiu jubebantur. Vid. Liv. XXVII. 13. et Sueton. in Aug. c. 24.

70^o *De gloria vix dicere ausim*] Gloriam quidem nobis integram esse vix dicere ausim.

71 *Credemus*] Sic scripti et vet. editi. Vulgo *credemus*.

72^o *Verius*] Æquius, decorum magis.

U. C. 397. *quæ ferme* ⁷³ *auctoribus similis esset, non subtraxisse se ducem;*
 A. C. 355. ⁷⁴ *ne quis alius, quales mota creare multitudo soleret, existeret.*
nam se quidem nihil non arbitrio imperatoris acturum. ⁷⁵ *illi*
quoque tamen videndum magnopere esse, ut exercitum in potes-
tate haberet. Differri non posse adeo concitatos animos. ipsos
sibi locum ac tempus pugnandi sumturos, si ab imperatore non
detur. Dum hæc loquuntur, jumenta forte pascentia extra
vallum Gallo abigenti duo milites Romani ademerunt. In
eos saxa coniecta a Gallis: deinde ab Romana statione cla-
mor ortus, ac procursum utrimque est. ⁷⁶ *Jamque haud pro-*
cul justo proelio res erant, ni celeriter diremtum certamen
per centuriones esset. Adfirmata certe eo casu Tullii apud
dictatorem fides est. nec recipiente jam dilationem re, in
posterum diem edicatur, acie pugnatu-ros. Dictator tamen,
ut qui magis animis, quam viribus, fretus ad certamen de-
scenderet, omnia circumspicere atque agitare cœpit, ut arte
aliqua terrorem hostibus incuteret. Solerti animo rem no-
vam excogitat, qua deinde ⁷⁷ *multi nostri atque externi im-*
peratores, nostra quoque quidam ætate, usi sunt. Mulis
⁷⁸ *strata detrahi jubet: binisque tantum* ⁷⁹ *centunculis relic-*
tis, agasones, partim captivis, partim agrorum armis orna-
tos, inponit. His fere mille effectis centum admiscet equi-
tes. et nocte super castra in montes evadere, ac silvis se oc-
cultare jubet: ⁸⁰ *neque inde ante moveri* ⁸¹ *, quam ab se acci-*
perent signum. Ipse, ubi inluxit, in radicibus montium
extendere aciem cœpit ⁸² *sedulo, ut adversus montes con-*
sisteret hostis. Instructo ⁸² *vani terroris adparatu, qui qui-*
dem terror plus pene veris viribus profuit, primo credere

⁷³ *movere* Crev.

⁸² *Instructo jam* Gron.

⁷³ *Auctoribus]* Ducibus, iis quo-
rum auctoritate et consilio regitur.

⁷⁴ *Ne quis alius, quales mota crea-
re multitudo soleret]* Ne quis alius ta-
lis dux exoriretur, quales sunt ii quos
motu creare multitudo solet. Qui-
dam editi *qualem*; minus aut elegan-
ter, aut proprie. Quam expressimus,
Gronovio duce, scripturam, eam fir-
mat unus e regiis codd.

⁷⁵ *Illi quoque tamen]* Tamen in
eo rem esse, ut dictatorem quoque ip-
sum oporteat magnopere cavere, ne
exercitum regere et in officio conti-
nere non possit.

⁷⁶ *Jamque haud procul justo præ-
lio res erant]* Mallemus erat.

⁷⁷ *Multi nostri . . . imperatores]* Ut
Marius adversus Teutonas pugnatu-
rus. Vid. Frontin. l. II. Strateg. c.
4.

⁷⁸ *Strata]* Olitellas.

⁷⁹ *Centunculis]* Pannis, qui ex

utraq; parte penderent.

⁸⁰ *Neque inde ante movere]* Hæc
est lectio duorum e codd. nostris an-
tiquissimorum, et unius a Jac. Gro-
novio inspecti. Editi hactenus habe-
bant *moveri*. Sed *movere* eleganter
dicitur intellecto *se*. Sic apud A.
Gell. l. IV. c. 6. *terram movere*: et
in senatusconsulto ibidem memorato,
hastas Martias movere. Sic Cic. de
Fin. l. II. n. 31. *moventem* voluptatem
opponit *stanti*. Vid. et nostrum infra
X. 4.

⁸¹ *Sedulo]* Data opera. Sic l. XXII.
c. 25. *et in ducendo bello sedulo tempus*
terere. Vid. et XXIII. 23. et XXXIII.
11.

⁸² *Instructo vani terroris apparatu]*
Hic editi addunt voculam *jam*, quam
neque Gronovius, neque nos ullo in
scripto reperimus. Ideo delendam
censuimus.

duces Gallorum, non descensuros in æquum Romanos; U. C. 397. deinde, ubi ⁸³ degressos repente viderunt, et ipsi avidi cer- A. C. 355. taminis in prælium ruunt: priusque pugna cœpit, quam signum ab ducibus daretur.

XV. Acrinus invasere Galli dextrum cornu: neque sustineri potuissent, ni forte eo loco dictator fuisset, Sex. Tul- Prælium lium nomine increpans rogitansque: *Siccine pugnatu- quo vincun- tes spopondisset? ubi illi clamores sint arma poscentium? ubi minæ injussu imperatoris prælium inituros? en ipsum imperatorem clara voce vocare ad prælium, et ire armatum ante prima signa. ecquis sequeretur eorum, qui modo ducturi fuerint; in castris feroces, in acie pavidum?* Vera audiebant. itaque tantos pudor stimulos admovit, ut ruerent in hostium tela, alienatis a memoria periculi animis. Hic primo inpetus prope vecors turbavit hostes: eques deinde emissus turbatos avertit. Ipse dictator, ⁸⁴ postquam labantem una parte vidit aciem, ⁸⁵ signa in lævum cornu confert, quo turbam hostium congregari cernebat; et iis, qui in monte erant, signum, quod convenerat, dedit. Ubi inde quoque novus clamor ortus, et tendere obliquo monte ad castra Gallorum visi sunt; tum metu, ne excluderentur, omissa pugna est, cursuque effuso ad castra ferebantur. ubi quum obcurrisset eis M. Valerius, magister equitum, (qui, ⁸⁶ profligato dextro cornu, obequitabat hostium munimentis) ad montes silvasque vertunt fugam: plurimique ibi a fallaci equitum specie ⁸⁷ agasonibusque excepti sunt: et eorum, quos pavor pertulerat in silvas, atrox cædes post sedatum prælium fuit. Nec alius post M. Furium, quam C. Sulpicius, justiorem de Gallis egit triumphum. Sulpicius auri quoque ex Gallicis spoliis satis magnum pondus, saxo triumphat. quadrato septum, in Capitolio sacravit. Eodem anno et a consulibus vario eventu bellatum. nam Hernici a C. Plau- Hernici tio devicti subactique sunt. Fabius collega ejus incaute victi. atque inconsulte adversus Tarquinienses pugnavit: nec Contra Tar- in acie tantum ibi cladis acceptum, quam quod trecen- quinienses tos septem milites Romanos captos Tarquinienses inmola- res male runt. qua fœditate supplicii aliquanto ignominia populi Ro- gesta. mani insignitior fuit. Accessit ad eam cladem et vastatio

⁸³ Degressos]. Sic bene Sigonius pro digressos. Vid. not. 30. ad III. 8. supra.

⁸⁴ Postquam labantem una parte vidit aciem] Intellige aciem hostium, quæ labare incipit ab una parte, id est, a sinistro cornu suo, quo invaserant dextrum cornu Romanorum.

⁸⁵ Signa in lævum cornu confert] Venit cum iis signis copisque quas circa se habebat ad lævum cornu sui

exercitus, adversus quod congregari et conglobari videbat hostes.

⁸⁶ Profligato dextro cornu] Qui leget attentius hujus pugnae descriptionem, facile agnoscet hic pro dextro cornu reponendum esse sinistro.

⁸⁷ Agasonibusque] Sigonius testatur legi in vett. libb. agasonibus sine et quæ: et ei assentiuntur duo e nostris. Nempe fallax illa equitum species nihil aliud erat, quam agasones multis impositi.

U. C. 397. Romani agri, quam Privernates, Veliterni deinde, incursione
 A. C. 355. repentina fecerunt. Eodem anno ⁸⁸ duæ tribus, ⁸⁹ Pomptina
 et ⁹⁰ Publilia, additæ. ⁹¹ Ludi votivi, quos M. Furius dicta-
 Lex de am- tor voverat, facti: et de ambitu ab C. Poetelio tribuno ple-
 bitu tum bis, auctoribus Patribus, tum primum ad populum latum
 primum est: eaque rogatione novorum maxime hominum ambitio-
 lata. nem, qui nundinas et ⁹² conciliabula obire soliti erant, com-
 pressam credebant.

U. C. 398. XVI. Haud æque læta Patribus insequenti anno, C.
 A. C. 354. Marcio, Cn. Manlio consulibus, ⁹³ de unciario fœnore a M.
 C. Marcio, Duilio, L. Mænio tribunis plebis rogatio est perlata: et
 Cn. Manlio plebs aliquanto eam cupidius scivit accepitque. ⁹⁴ Ad bella
 II. Coss. nova, priore anno destinata, Falisci quoque hostes exorti,
 duplici crimine: quod et cum Tarquiniensibus juvenus eo-
 rum militaverat; et eos, qui Falerios perfugerant, quum
 male pugnatum est, repetentibus fecialibus Romanis non
 reddiderant. Ea provincia Cn. Manlio obvenit: Marcus
 exercitum in agrum Privernatem, integrum pace longinqua,
 induxit: militemque præda inplevit. Ad copiam rerum
 addidit munificentiam, quod, nihil in publicum secernendo,
 augenti rem privatam militi favit. Privernates quum ante
 Bellum cum Falis- moenia sua castris permunitis consedissent; vocatis ad con-
 cis et Pri- cionem militibus, *Castra nunc, inquit, vobis hostium, urbem-*
 vernatibus. *que prædæ do, si mihi pollicemini, vos fortiter in acie operam*
 Privernates *navaturos, nec prædæ magis, quam pugnae, paratos esse.* Sig-
 victi. *num poscunt ingenti clamore: ⁹⁵ celsique et spe haud dubia*
feroces in prælium vadunt. Ibi ante signa Sex. Tullius, de
quo ante dictum est, exclamat: Adspice, Imperator, inquit,
quemadmodum exercitus tuus tibi promissa præstet: piloque
posito, stricto gladio in hostem inpetum facit. Sequuntur

⁸⁸ *Duæ tribus additæ*] Tum septem et viginti tribus factæ sunt. Vid. VI. 5. supra.

⁸⁹ *Pomptina*] Nomen traxit a Pomptino agro prope urbem Pometiam.

⁹⁰ *Publilia*] Alias *Popillia*. Hujus nominis origo parum certa est.

⁹¹ *Ludi . . . quos M. Furius*] Vid. not. 83. ad c. 42. l. VI.

⁹² *Conciliabula*] Loca paulo celebriora, in quibus jus etiam dicebatur. Vid. Turn. l. I. Advers. c. 11.

⁹³ *De unciario fœnore*] Quid sit unciarium fœnus, clare et eleganter exponit Dujatius his fere verbis. Usuræ centesimæ, quibus in centenos nummos unus per singulos menses, duodecim proinde per singulos annos penduntur, mensura sunt reliquarum, et fœnebris, ut ita dicam, As. Hæ

maximæ fuere apud veteres Romanos usuræ. Minores eam habent ad centesimas rationem, quam habent portiones assis ad assem in uncias distributum. Hinc sæpe mentio apud scriptores occurrit de bessibus, semissibus, &c. usuris. Unciaria igitur usura est duodecima pars centesimæ, quum unum pro centenis in annum penditur. Hæc fuse probata reperies apud Gronovium l. III. de Pec. vet. c. 13. Ceterum hanc legem de unciario fœnore adscribit duodecim tabulis Tacitus VI. Ann. c. 16.

⁹⁴ * *Ad bella*] Melius legeretur: *Ad bella priore anno destinata, Falisci quoque novi hostes exorti.*

⁹⁵ * *Cels.*] Elatis animis. Sic fere Horat. A. P. v. 342. *celsi Ramnes.*

Tullium antesignani omnes, primoque inpetu avertere hos- U. C. 398.
tem: fusum inde ad oppidum persecuti, quum jam scalas A. C. 354.
moenibus admovent, in deditionem urbem acceperunt.
triumphus de Privernatibus actus. Ab altero consule nihil
memorabile gestum: nisi quod legem, novo exemplo ad Su- Lex de vi-
trium in castris tributim ⁹⁶ de vicesima eorum, qui manumit- cesima ma-
terentur, tulit. Patres, quia ea lege. haud parvum vectigal numisso-
inopi ærario additum esset, auctores fuerunt. Ceterum rum, in
tribuni plebis, non tam lege, quam exemplo, moti, ne quis castris lata.
postea ⁹⁷ populum sevocaret, capite sanxerunt. nihil enim
non per milites, juratos in consulis verba, quamvis pernicio-
sum populo, si id liceret, ⁹⁸ ferri posse. Eodem anno C. Li- C. Licinius
cinius Stolo a M. Popillio Lænate sua lege ⁹⁹ decem milli- sua lege
bus æris est damnatus, quod mille jugerum agri cum damnatus.
filio possideret, ¹ emancipandoque filium fraudem legi fecis-
set.

XVII. Novi consules inde, ² M. Fabius Ambustus secun- U. C. 399.
dum et M. Popillius Lænas secundum ³, duo bella habuere. A. C. 353.
Facile alterum cum Tiburtibus, quod Lænas gessit: qui, M. Fabio
hoste in urbem compulso, agròs vastavit. Falisci Tarquini- Ambusto
ensesque alterum consulem ⁴ prima pugna fuderunt. inde ter- II. M. Po-
ror maximus fuit, quod sacerdotes eorum, facibus ardentibus pillio II.
⁴ anguibusque prælatis, incessu furiali militem Romanum Coss.
insueta turbaverunt specie: et tunc quidem velut lymphati Fabius a
et adtoniti munimentis suis trepido agmine inciderunt; de- Faliscis
inde, ubi ⁵ consul ⁶ legatique ac tribuni puerorum ritu vana fusus
restituit
aciem.

¹ iterum Gron. Crev.

² consules Gron.

⁹⁶ De vicesima] Ut, quum quis
servum manumitteret, vicesimam par-
tem pretii ejus ærario dependeret.
Hoc vectigal ad inferiorum etiam Prin-
cipum ætatem permansit.

⁹⁷ Populum sevocaret] Abductum
ab urbe, a magistratibus ac tribunis,
populum in concilium vocaret.

⁹⁸ Ferri posse] Olim æri. Emen-
davit Sigonius certissima conjectura,
quam firmant Hearnii codd. et unus
e nostris. Ita habuit quoque Thua-
næus a prima manu.

⁹⁹ Decem millibus æris] Id est,
marcis argenti Parisiensibus 15. cum
unciis 5.

¹ Emancipando] E manu emittendo
per imaginariam venditionem ter repe-
titam. Lege enim Romuli cautum
erat, ac deinde in XII. tabulas ab De-
cemviris relatum, ut, si pater filium
ter, filiam et ceteros liberos, i. e. ne-
potes neptesve e filio, semel vendidis-
set, manumissi postea ab emptore, sui
juris fierent, ille trina manumissione,

hi unica. Ad cujus emancipationis
imaginem postea institutum, ut, his
simulato et dicis causa peractis vendi-
tionibus et manumissionibus, liberi e
potestate patris exirent. Hoc autem
Stolonis commentum non abhorrebat
a jurisprudentum placitis, ut observat
Dujatius. Sed ideo nulla illius eman-
cipationis habita ratio est, quia eam in
fraudem legis factam apparebat.

² M. Fabius Ambustus secundum, et
M. Popillius Lænas iterum] Campa-
nus et Andreas et nostri codd. habent:
M. Fabius Ambustus II. et M. Popil-
lius Lænas II. Et sic scripsisse Li-
vium probabile est, nec inepta affec-
tatione huic adjecisse vocem *secun-
dam*, illi *iterum*.

³ Prima pugna] Initio pugnae.

⁴ Anguibus] Id est, ut scribit Flo-
rus de Fidenatibus agens, l. I. c. 12.
*discoloribus serpentum in modum vit-
tis*.

⁵ Consul] Vulgo consules. Sed unus
tantum consul adversus Faliscos Tar-

U. C. 399. A. C. 353. miracula paventes inridebant increpabantque, vertit animos repente pudor; et in ea ipsa, quæ fugerant, velut cæci ruebant. Discusso itaque vano adparatu hostium, quum in ipsos armatos se intulissent, averterunt totam aciem: castrisque etiam eo die potiti, præda ingenti parta, victores reverterunt, militaribus jocis quum adparatum hostium, tum suum increpantes pavorem. Concitatur deinde omne nomen Etruscum, et, Tarquiniensibus Faliscisque ducibus, ad Salinas perveniunt. Adversus eum terrorem dictator C. Marcius Rutilus primus de plebe dictus, magistrum equitum item de plebe C. Plautium dixit. Id vero Patribus indignum videri, etiam dictaturam jam in promiscuo esse: omnique ope inpediebant, ne quid dictatori ad id bellum decerneretur, pararetur. eo promptius cuncta, ferente dictatore, populus jussit. Profectus ab urbe, utraque parte Tiberis, ratibus exercitu, quocumque fama hostium ducebat, trajecto, multos populatores agrorum vagos palantes obpressit. Castra quoque, necopinato adgressus, cepit. et, octo millibus hostium captis, ceteris aut cæsis, aut ex agro Romano fugatis, sine auctoritate Patrum, populi jussu, triumphavit. Quia nec per dictatorem plebeium, ⁶ nec per consulem, comitia consularia haberi volebant, et alter consul Fabius bello retinebatur, res ad interregnum redit. Interreges deinceps Q. Servilius Ahala, M. Fabius, Cn. Manlius, C. Fabius, C. Sulpicius, L. Æmilius, Q. Servilius, M. Fabius Ambustus. In secundo interregno orta contentio est, quod duo patricii consules creabantur: intercedentibusque tribunis, interrex Fabius aiebat, *in duodecim tabulis legem esse, ut, quodcumque postremum populus jussisset, id jus ratumque esset; ⁷ jussum populi et suffragia esse.* Quum ⁸ intercedendo tribuni nihil aliud, quam ut differrent comitia, valuissent; duo patricii consules creati sunt, C. Sulpicius Peticus tertium, M. Valerius Publicola: eodemque die magistratum inierunt.

U. C. 400. A. C. 352. C. Sulpicio III. M. Valerio Coss. XVIII. Quadringentesimo anno, quam urbs Romana cõdita erat, quinto tricesimo, quam a Gallis recuperata, ⁸ ablato ⁹ post undecimum annum a plebe consulatu, patricii

² Quumque Gron. Crev.

quiniensesque pugnabat, ut ex præcedentibus patet. Andreas, Campanus, et unus ex MSS. Hearnii habent quomodo edidimus: tres e nostris cos. duo cons.

⁶ Nec per consulem] Plebeium. Andreas edidit, nec per Popillium consulem: et sic unus e nostris codd.

⁷ Jussum populi] Suffragia quoque esse jussum populi. Populum, dum

suffragia init, non minus jubere, quam si rogationem aliquam scisceret antiquaretve.

⁸ Ablato post undecimum annum] Plebeis a consulatu exclusis post undecimum annum, quam ad illum admitti cœperant.

⁹ Post undecimum annum] Ante Sigonium editi post nonum. Ille jussit legi post undecimum, assentienti-

consules ambo ex interregno magistratum iniere, C. Sulpicius Peticus tertium, M. Valerius Publicola. Empulum eo anno ex Tiburtibus haud memorando certamine captum; sive duorum consulum auspicio bellum ibi gestum est, ut scripsere quidam; seu per idem tempus Tarquiniensium quoque sunt vastati agri ab Sulpicio consule, quo Valerius adversus Tiburtes legiones duxit. Domi majus certamen consulibus cum plebe ac tribunis erat. Fidei jam suæ, non solum ¹⁰ virtutis, ducebant esse, ut accepissent duo patricii consulatum, ita ambobus patriciis mandare. quin aut toto cedendum esse, si plebeius jam magistratus consularis fiat, aut totum possidendum, quam possessionem integram a patribus accepissent. Plebes contra fremit: *Quid se vivere, quid in parte civium censi: si, quod duorum hominum virtute, L. Sextii ac C. Licinii, partum sit, id obtinere universi non possint? Vel reges, vel decemviros, vel, si quod tristius sit imperii nomen, patiendum esse potius, quam ambos patricios consules videant, nec in vicem pareatur atque imperetur; sed pars altera, in æterno imperio locata, plebem nusquam alio natam, quam ad serviendum, putet.* Non desunt tribuni auctores barbarum; sed ¹¹ inter concitatos per se omnes vix duces eminent. Aliquoties frustra in campum descensum quum esset, multique per seditiones acti comitiales dies; postremo victæ perseverantia consulum plebis eo dolor erupit, ut tribunos, *actum esse de libertate* vociferantes, *relinquendumque non campum jam solum, sed etiam urbem captam atque obpressam regno patriciorum,* moesta plebs sequeretur. Consules, relictii a parte populi, per infrequentiam comitia nihilo segnius perficiunt. creati consules ambo patricii, M. Fabius Ambustus tertium, T. Quinctius. In quibusdam annalibus pro T. Quinctio M. Popillium consulem invenio.

XIX. Duo bella eo anno prospere gesta. cum Tiburtibusque ad deditionem pugnatum. Sassula ex his urbs capta: ceteraque oppida eandem fortunam habuissent, ni universa gens, positis armis, in fidem consulis venisset. Triumphatum de Tiburtibus: alioquin mitis victoria fuit. In Tarquinienses acerbe sævitum, multis mortalibus in acie cæsis. ex ingenti captivorum numero trecenti quinquaginta octo delecti, nobilissimus quisque, qui Romam mitterentur: vulgus aliud trucidatum. Nec populus in eos, qui missi Ro-

U. C. 400.

A. C. 352.

Ambo Coss. patricii.

U. C. 401.

A. C. 351.

M. Fabio III. T.

Quinctio

Coss.

Triumphus de Tiburtibus: supplicia de Tarquiniensibus.

bus quatuor Hearnii MSS. Unus e nostris habet *post duodecimum*. Sed præstat sequi Sigonianam emendationem. Hic enim est undecimus annus elapsus post creatum primum e plebe consulem.

¹⁰ Virtutis] Strenuitatis, fortitu-

dinis.

¹¹ Inter concitatos] Ita erant omnes per se concitati, ut non minor in ceteris ardor animorum, quam in ducebus appareret, ac proinde nullum fere discrimen conspiceretur inter duces et reliquam multitudinem.

U. C. 401. mam erant, mitior fuit. medio in foro omnes virgis cæsi ac
 A. C. 351. securi percussi. id pro inmolatis in foro Tarquiniensium
 Fœdus cum Romanis pœnæ hostibus redditum. Res bello bene gestæ,
 Samniti- ut Samnites quoque amicitiam peterent, effecerunt. Legatis
 bus. eorum comiter ab senatu responsum: fœdere in societatem
 accepti. Non eadem domi, quæ militiæ, fortuna erat plebi
 Romanæ. nam etsi, unciario fœnore facto, levata usura erat,
 sorte ipsa obruebantur inopes, ¹² nexumque inibant. eo nec
 patricios ambo consules, neque comitiorum curam, ¹³ publi-
 cave studia præ privatis incommodis plebs ad animum ad-
 mittebat. Consulatus uterque apud patricios manet. Con-
 sules creati C. Sulpicius Peticus quartum, M. Valerius
 Publicola iterum. In bellum Etruscum intentam civitatem,
 quia Cæritem populum misericordia consanguinitatis Tar-
 quiniensibus adjunctum fama ferebat, legati Latini ad Vol-
 scos convertere, nunciantes, exercitum conscriptum arma-
 tumque jam suis finibus imminere: inde^y populabundos in
 agrum Romanum venturos esse. Censuit igitur senatus,
 neutram neglegendam rem esse: utroque legiones scribi,
 consulesque sortiri provincias jussit. Inclinavit deinde pars
 major curæ in Etruscum bellum; postquam literis Sulpicii
 consulis, cui Tarquinii provincia evenerat, cognitum est, de-
 populatum agrum circa Romanas salinas, prædæque partem
 in Cæritum fines avectam, et haud dubie juventutem ejus
 populi inter prædatores fuisse. Itaque Valerium consulem,
 Volscis obpositum, castraque ad finem Tusculanum haben-
 tem, revocatum inde senatus dictatorem dicere jussit. T.
 Manlium L. filium dixit. Is, quum sibi magistrum equitum
 A. Cornelium Cossum dixisset, consulari exercitu conten-
 tus, ex auctoritate Patrum ac populi jussu Cæritibus bellum
 indixit.

U. C. 402. C. Sulpicio
 A. C. 350. IV. M. Va-
 lerio II. Coas.
 T. Manlius
 dictator.

XX. Tum primum Cærites, tamquam in verbis hostium
 vis major ad bellum significandum, quam in suis factis, qui
 per populationem Romanos laccessierant, esset, verus belli
 terror invasit: et, quam non suarum virium ea dimicatio
 esset, cernebant. Pœnitebatque populationis, et Tarqui-
 nienses exsecrabantur defectionis auctores. nec arma, aut
 bellum quisquam adparare, sed pro se quisque legatos mitti
 jubebat ad petendam erroris veniam. Legati senatum quum
 adissent, ab senatu rejecti ad populum, Deos rogaverunt,
 quorum sacra bello Gallico accepta rite procurassent, ut
 Romanos florentes ea sui misericordia caperet, quæ se re-
 bus adfectis quondam populi Romani cepisset; conversique

Cærites bel-
 lum depre-
 cantur.

^y deinde Gron. Crev.

¹² Nexumque inibant] Vid. not. 29.
 ad II. 23. supra.

¹³ Publica . . studia] Studia fac-
 tionum in republica.

ad delubra Vestæ, hospitium flaminum Vestaliumque ab se U. C. 402. caste ac religiose cultum invocabant. ¹⁴ *Eane meritos, cre-* A. C. 350.
deret quisquam, hostes repente sine caussa factos? aut, si quid
hostiliter fecissent, consilio id magis, quam ¹⁵ *furore lapsos, fe-*
cisse, ut sua vetera beneficia, locata præsertim apud tam gratos,
novis conrumperent maleficiis? florentemque populum Roma-
num ac felicissimum bello sibi desumerent hostem, cujus adflicti
amicitiam cepissent? ne adpellarent consilium, quæ vis ac ne-
cessitas adpellanda esset. Transeuntes agmine infesto per
agrum suum Tarquinienses, quum præter viam nihil petissent,
traxisse quosdam agrestium, populationis ejus, quæ sibi crimini
detur, comites. Eos, seu dedi placeat, dedere se paratos esse;
seu supplicio adfici, daturos pœnas. ¹⁶ *Cære, sacrarium populi*
Romani, deversorium sacerdotum, ac receptaculum Romano-
rum sacrorum, intactum inviolatumque crimine belli, hospitio
Vestalium cultisque Diis darent. Movit populum non tam
caussa præsens, quam vetus meritum, ut maleficii, quam be-
neficii, potius inmemores essent. Itaque pax populo Cæri- Pacem im-
ti data, induciasque in centum annos factas in senatuscon- petrant.
sultum referri placuit. In Faliscos, eodem noxios crimine, Faliscis bel-
vis belli conversa est: sed hostes nusquam inventi. Quum lum inla-
populatione peragrati fines essent, ab obpugnatione urbium tum.
temperatum: legionibusque Romam reductis, reliquum an-
ni muris turribusque reficiendis consumtum, et ædes Apol-
linis dedicata est.

XXI. Extremo anno comitia consularia certamen Pa- Discordiæ
 trum ac plebis diremit, tribunis negantibus passuros comi- de consula-
 tia haberi, ni secundum Liciniam legem haberentur; dicta- tu plebeio.
 tore obstinato tollere potius totum e republica consulatum,
 quam promiscuum Patribus ac plebi facere. Prolatandis
 igitur comitiis quum dictator magistratu abisset, res ad in-
 terregnum rediit. Infestam inde Patribus plebem interre-
 ges quum accepissent, ad undecimum interregem seditioni-
 bus certatum est. Legis Liciniæ patrocinium tribuni jacta-
 bant. Propior dolor plebi scœnoris ingravescentis erat:
¹⁷ curæque privatæ in certaminibus publicis erumpebant.
 Quorum tædio Patres L. Cornelium Scipionem interregem
 concordiae caussa observare legem Liciniam comitiis consu-

¹⁴ *Eane meritos*] An credere quisquam posset, eos qui tam insigne beneficium in Romanos contulissent, hostes repente sine causa factos?

¹⁵ *Furore*] Captis et alienatis mentibus.

¹⁶ *Cære . . . intactum . . . crimine belli, hospitio restalium . . darent*] Salvam præstarent Cæritum civitatem in gratiam præbiti vestalibus hospitii,

eam habendo innoxiam ab illati belli crimine.

¹⁷ *Curæ . . privatæ*] Curæ et dolores de privatis incommodis erumpebant in certaminibus de republica. Nempe odia plebeiorum adversus patricos acerbiora, atque adeo certamina pervicaciora faciebant privatæ, quas ab illis patiebantur, injuriæ.

U. C. 403. laribus jussere. P. Valerio Publicolæ datus e plebe colléga
 A. C. 349. C. Marcius Rutulus. Inclinatorum semel in concordiam ani-
 P. Valerio, mis, novi consules, fœnebrem quoque rem, quæ distingere
 C. Marcio unanimos videbatur, levare adgressi, solutionem alieni æris
 II. Coss. in publicam curam verterunt; quinqueviris creatis, ¹⁸ quos
 mensarios ab dispensatione pecuniæ adpellarunt. Meriti
 æquitate curaque sunt, ut per omnium annalium monumen-
 ta celebres nominibus essent. Fuere autem C. Duilius, P.
 Decius Mus, M. Papirius, Q. Publilius, et Ti. Æmilius: qui
 rem, difficillimam tractatu, et plerumque parti utrique, sem-
 per certe alteri, gravem, quum alia moderatione, tum in-
 pendio magis publico, quam jactura, sustinuerunt. ¹⁹ tarda
 enim nomina, et inopitiora inertia debitorum, quam facul-
 tatibus, aut ærarium, mensis cum ære in foro positis, dis-
 solvit, ut populo prius caveretur; aut æstimatio æquis re-
 rum pretiis liberavit: ut non modo sine injuria, sed etiam
 sine querimoniis partis utriusque, exhausta vis ingens æris
 alieni sit. Terror inde vanus belli Etrusci, quum conjuras-
 se duodecim populos fama esset, dictatorem dici coëgit.
 dictus in castris (eo enim ad consules missum senatuscon-
 sultum est) C. Julius, cui magister equitum adjectus L. Æ-
 milius. Ceterum foris tranquilla omnia fuere.

C. Julius
dictator.

XXII. Tentatum domi per dictatorem, ut ambo patricii
 consules crearentur, rem ad interregnum perduxit. duo in-
 terreges C. Sulpicius et M. Fabius interpositi obtinere,
 quod dictator frustra tetenderat, mitiore jam plebe ob re-
 cens meritum levati æris alieni, ut ambo patricii consules
 crearentur. creati ipse C. Sulpicius Peticus, qui prior inter-
 regno abiit, et T. Quinctius Pennus. quidam Kæsonem, alii
²⁰ Caium nomen Quinctio adjiciunt. Ad bellum ambo pro-
 fecti, Faliscum Quinctius, Sulpicius Tarquiniense, nusquam
 acie congresso, hoste, cum agris magis, quam cum homini-
 bus, urendo populandoque gesserunt bella: cujus lentæ vel-
 ut tabis senio victa utriusque pertinacia populi est, ut pri-

U. C. 404.
 A. C. 348.
 C. Sulpicio
 V. T.
 Quinctio
 Coss.

¹⁸ Quos mensarios ab dispensatione pecuniæ adpellarunt] Mensa enim di-
 citur pro abaco argentariorum. Men-
 sarii tamen differunt ab argentariis:
 quia mensarius rei nummarie publicæ
 curator est, argentarius privatae. Ita-
 que mensarii creabantur a populo:
 (vid. infra XXIII. 21.) argentarii
 sponte sua, suo nomine, negotiationem
 suam, tanquam ceteri mercatores,
 exercebant.

¹⁹ Tarda enim nomina] Debita,
 quæ tardius et ægrius solvebantur,
 non quia inopia laborarent debitores,
 sed quia inertes ac negligentes essent,

aut pecunia ex ærario præbita soluta
 sunt, ita tamen, ut prius populo, i. e.
 ærario publico caveretur; aut prædiis
 domibusve debitoris æquo pretio æsti-
 matis, et creditori traditis, expedita
 sunt. Nomen sæpe accipitur pro de-
 bito, quia creditor in tabulas expensi
 et accepti refert nomen ejus, cui pe-
 cuniam expensam tulit.

²⁰ Caium nomen] Olim Caium cog-
 nomen. Mutavit Sigonius, eo motus
 quod Caius prænomen est, non cog-
 nomen. Nomen autem in omnia con-
 venit, et sumi potest pro prænomine.

mum a consulibus, dein permissu eorum ab senatu inducias U. C. 404. peterent. in quadraginta annos inpetraverunt. Ita, posita A. C. 348. duorum bellorum, quæ imminebant, cura, dum aliqua ab ar- Inducias 40. annorum mis quies esset, quia solutio æris alieni multarum rerum cum Tar- mutaverat dominos, censum agi placuit. ceterum quum cen- quiniensi- bus et Fa- soribus creandis indicta comitia essent, professus censuram lias. se petere C. Marcius Rutilus, qui primus dictator de plebe fuerat, concordiam ordinum turbavit. quod videbatur qui- dem tempore alieno fecisse; quia ambo tum forte patricii consules erant, qui rationem ejus se habituros negabant. Sed et ipse constantia inceptum obtinuit, et tribuni, omni vi recuperando jus consularibus comitiis amissum, adjuve- runt; et quum ipsius viri majestas nullius honoris fastigium non æquabat, tum per eundem, qui ad dictaturam aperuis- set viam, ²¹ censuram quoque in partem vocari plebes vole- bat. Nec variatum comitiis est, quin cum Manlio Cnæo C. Marcius censor Marcius crearetur. Dictatorem quoque hic annus primus cen- sor de ple- habuit M. Fabium, nullo terrore belli, sed ne Licinia lex be- comitiis consularibus observaretur. Magister equitum dic- M. Fabius tatori additus Q. Servilius. nec tamen dictatura potentior dictator. eum consensum Patrum consularibus comitiis fecit, quam censoriis fuerat.

XXIII. M. Popillius Lænas a plebe consul, a Patribus U. C. 405. L. Cornelius Scipio datus. Fortuna quoque inlustriorem A. C. 347. plebeium consulem fecit. Nam quum ingentem Gallorum M. Popillio exercitum in agro Latino castra posuisse nunciatum esset; III. L. Cor- Scipione gravi morbo implicito, Gallicum bellum Popillio nelio Cor- extra ordinem datum. Is, in pigre exercitu scripto, quum Bellum Gallicum. omnes extra portam Capenam ad Martis ædem convenire armatos juniores jussisset, signaque eodem quæstores ex æ- rario deferre, quatuor expletis legionibus, quod superfuit militum, P. Valerio Publicolæ prætori tradidit; auctor Pa- tribus scribendi alterius exercitus, quod ad incertos belli eventus subsidium reipublicæ esset. Ipse, jam satis omni- bus instructis comparatisque, ad hostem pergit; cujus ut prius nosceret vires, quam periculo ultimo tentaret; in tu- mulo, quem proximum castris Gallorum capere potuit, val- lum ducere cœpit. Gens ferox et ingenii avidi ad pugnam, quum, procul visis Romanorum signis, ut extemplo præ- lium initura, explicuisset aciem; postquam neque in æ- quum demitti agmen vidit, et quum loci altitudine, tum val-

²¹ Censuram quoque] Legendum censet Gronovius: Censuræ quoque in partem vocari plebes volebat. Sed nihil mutatione opus. Vulgatam tuetur Liv. l. IV. c. 35. Ad speciem consulatus in partem revocandam. Id revocamus

in partem, quod, quum antea totum esset in aliorum potestate, revocamus et retrahimus communicandum nobiscum, ita ut pars quoque ejus aliqua ad nos pertineat.

U. C. 405.
A. C. 347.
Vincuntur
Galli, sed
difficulter.

lo etiam integri²² Romanos, perculosos pavore rata, simul opportuniore²³, quod intenti tum maxime operi essent, truci clamore adgreditur. Ab Romanis nec opus intermissum, (triarii erant, qui muniebant) et ab hastatis principibusque, qui pro munitoribus intenti armatique steterant, proelium initum. Præter virtutem locus quoque superior adjuvit, ut pila omnia hastæque non, tamquam ex æquo missa, vana (quod plerumque fit) caderent, sed omnia²⁴ librata ponderibus figerentur; oneratique telis Galli, quibus aut corpora transfixa, aut prægravata inhærentibus gerebant scuta, quum cursu pene in adversum subissent, primo incerti resistere: dein, quum ipsa cunctatio et his animos minuisset, et auxisset hosti, impulsus retro ruere alii super alios, ²⁵ stragemque inter se cæde ipsa foediorum dare. adeo præcipiti turba obtriti plures, quam ferro necati.

XXIV. Necdum certa Romanis victoria erat. alia in campum degressis supererat moles. Namque multitudo Gallorum, sensum omnem talis damni exsuperans, velut nova rursus exoriente acie, integrum militem adversus victorem hostem ciebat. stetitque subpresso inpetu Romanus; et quia iterum fessis subeunda dimicatio erat, et quod consul, dum inter primores incautus agitatur, lævo humero²⁶ matari prope trajecto, cesserat parumper ex acie. Jamque omissa cunctando victoria erat, quum consul, vulnere adligato, re-
vectus ad prima signa, *Quid stas, miles?* inquit. *Non cum Latino Sabinoque hoste res est, quem victum armis socium ex hoste facias. In belluas strinximus ferrum. hauriendus, aut dandus est sanguis. Propulistis a castris, ²⁷ supina valle præcipites existis, stratis corporibus hostium superstatitis. Complete eadem strage campos: qua montes replestis. Nolite expectare, dum stantes vos fugiant. inferenda sunt signa, et vadendum in hostem.* His adhortationibus iterum coorti pellunt loco primos manipulos Gallorum; cuneis deinde in medium agmen perrumpunt. Inde barbari dissipati, quibus nec certa imperia, nec duces essent, vertunt inpetum in suos; fusique per campos, et præter castra etiam sua fuga prælati, quod editissimum inter æquales tumulos obcurrerat oculis, arcem Albanam petunt. ²⁸ Consul, non ultra cas-

²² tegi Gron. Crev.

²² * Opportuniores] Vid. not. 5. ad VI. 24.

²³ Librata ponderibus] Ipso pondere adjuncta ut dirigerentur certius, et gravius infigerentur corporibus.

²⁴ Stragemque inter se . . . dare] Et ruina sterni ac devolvi supra se mutuo.

²⁵ Matari] Sive materi. Hoc enim

modo legitur hæc vox apud plerosque scriptores. Telum fuit Gallorum proprium, ad longioris lanceæ formam. Vid. Voss. de vitiis sermonis, l. I. c. 2.

²⁶ Supina valle] Vid. not. 6. ad c. 24. l. VI.

²⁷ Consul non ultra] Hunc locum Gronovius affirmat in vet. libb. sic

tra insecutus, (quia et vulnus degravabat, et subijcere exer- U. C. 405.
citum pugna^a fessum tumultis ab hoste occupatis nolebat) A. C. 347.
præda omni castrorum militi data, victorem exercitum,
opulentumque Gallicis spoliis, Romam reduxit. Moram
triumpho vulnus consulis adtulit. eademque causa dictato-
ris desiderium senatui fecit, ut esset, qui ægris consulibus
comitia haberet. Dictator L. Furius Camillus dictus, addi- Dictator L.
to magistro equitum P. Cornelio Scipione, reddidit Patri- Furius Ca-
bus possessionem pristinam consulatus. ipse ob id meritum millus.
ingenti Patrum studio creatus consul, collegam Ap. Clau-
dium Crassum dixit.

XXV. Priusquam inirent novi consules magistratum,
triumphus a Popillio de Gallis actus magno favore plebis:
mussantesque inter se rogitabant, *num quem plebeii consulis
pæniteret?* Simul dictatorem increpabant, qui legis Liciniæ
spretae mercedem consulatum, privata cupiditate, quam
publica injuria, foediorum, cepisset, ut se ipse consulem dic-
tator crearet. Annus multis variisque motibus fuit insignis. U. C. 406.
Galli ex Albanis montibus, quia hiemis vim pati nequive- A. C. 346.
rant, per campos maritimæque loca vagi populabantur. Ma- L. Furio,
re infestum classibus Græcorum erat, oraque litoris Antia- Ap. Claudio
tis, Laurensque tractus, et Tiberis ostia: ut prædones mari- Coss.
timi, cum terrestribus congressi, ancipiti semel prælio de-
certarint, dubiique discesserint in castra Galli, Græci retro
ad naves, victos se, an victores, putarent. Inter hos^b longe
maximus exstitit terror, concilia populorum Latinorum ad
lucum Ferentinæ habita: responsumque haud ambiguum
imperantibus milites Romanis datum, *absisterent imperare
iis, quorum auxilio egerent. Latinos pro sua libertate po-
tius, quam pro alieno imperio, laturos arma.* Inter duo si-
mul bella externa, defectione etiam sociorum senatus an-
xius, quum cerneret metu tenendos, quos fides non tenuis-
set, extendere omnes imperii vires consules delectu habendo
jussit. civili quippe standum exercitu esse, quando ²⁸ socia-
lis cœtus desereret. Undique, non urbana tantum, sed Scribuntur
etiam agresti juventute, decem legiones scriptæ dicuntur decem le-
quaternum millium et ducenorum peditum, equitumque tre- giones.

^a pugna—nolebat) sublata parenthesi lege: pugna fessum novo labori nolebat, a
persequendo hoste continuit; tumultis ab hoste occupatis. præda etc. Gron. Crev.
^b hæc Eæd.

legl. Consul non ultra castra insecu-
tus, quod et vulnus degravabat, et sub-
jicere exercitum tumultis ab hoste occu-
patis nolebat, præda omni castrorum
militi data.... Atque hæc lectio sane
concinnior et elegantior vulgata vi-
detur. Nostri omnes MSS. consen-
tunt cum Gronovianis.

²⁸ Socialis cœtus] Offendit Grono-

vium vox cœtus; quæ profecto minus
proprie hic usurpata videtur. Fortas-
se deleri posset, ut male inserta ab
imperito aliquo emendatore, qui non
videret post nomen socialis, supplen-
dum esse ex priore membro exercitus.
Atque eam ab uno ex MSS. suis ab-
esse testatur Hearnius.

U. C. 406. cenorum. ²⁹ Quem nunc novum exercitum, si qua externa
A. C. 346. vis ingruat, hæ vires populi Romani, quas vix terrarum ca-
pit orbis, contractæ in unum haud facile efficiant: adeo in
quæ laboramus sola crevimus, divitias, luxuriamque. Inter
Alter con- cetera tristia ejus anni, consul alter Ap. Claudius in ipso
sul moritur. belli adparatu moritur: redierantque res ad Camillum; cui
unico consuli, vel ob aliam dignationem haud subjiciendam
dictaturæ, vel ob ³⁰ omen faustum ad Gallicum tumultum
cognominis, dictatorem adrogari haud satis decorum visum
est Patribus. Consul, duabus legionibus urbi præpositis,
octo cum L. Pinario prætore divisis, memor paternæ virtu-
tis, Gallicum sibi bellum extra sortem sumit: prætorem ma-
Bellum ritimam oram tutari, Græcosque arcere litoribus jussit. et,
Gallicum. quum in agrum Pomptinum descendisset, (quia neque in
campis congregi nulla cogente re volebat, et prohibendo
populationibus, quos rapto vivere necessitas cogeret, satis
domari credebat hostem) locum idoneum stativis delegit.

XXVI. Ubi quum stationibus quieti tempus tererent,
Gallus processit, magnitudine atque armis insignis: quati-
ensque scutum hasta, quum silentium fecisset, provocat per
interpretem unum ex Romanis, qui secum ferro decernat.
M. Valerii M. erat Valerius tribunus militum, adolescens, qui haud in-
cum Gallo digniorem eo decore se, quam T. Manlium, ratus, prius scis-
singulare citatus consulis voluntatem, in medium armatus processit.
certamen. Minus insigne certamen humanum numine interposito Deo-
rum factum. namque conserenti jam manum Romano cor-
Corvus.vus repente in galea consedit, in hostem versus. quod pri-
mò, ut augurium cælo missum, lætus accepit tribunus. pre-
catus deinde, *Si divus, si diva esset, qui sibi* ³¹ *præpetem mi-*
sisset, volens propitius adesset. Dictu mirabile, tenuit non
solum ales captam semel sedem, sed, quotiescumque certa-
men initum est, levans se alis, os oculosque hostis rostro et
unguibus adpetiit: donec territum prodigii talis visu, ocu-
lisque simul ac mente turbatum, Valerius obtruncat. corvus
e conspectu elatus orientem petit. Hactenus quietæ utrim-
que stationes fuere. postquam spoliare corpus cæsi hostis
tribunus cœpit, nec Galli se statione tenuerunt, et Roma-

²⁹ Quem nunc novum exercitum] Observanda sedulo est vox *novum*, si quis mentem Livii assequi velit. Augusto quidem imperante, ipso pacis tempore, 23. vel etiam 25. legiones, teste Dione, l. LV. per provincias sparsæ erant. At vult Livius, si novo exercitu in subita re opus sit, haud facile tantum militum armari posse, quantum tunc consules subito scrip-
sere.

³⁰ Omen faustum cognominis] Vere et proprie loquitur Livius, dum cognominis hic, non nominis mentio-
nem facit. Ille enim Gallorum vic-
tor, proprio et peculiari cognomine
vocabatur *Cumillus*, *Furii* nomen cum
multis aliis habuit commune. Vid.
Perizon. Animadv. Hist. c. 2.

³¹ *Præpetem*] Alitem felicitis augu-
rii.

norum cursus ad victorem etiam ocior fuit. Ibi, circa ja- U. C. 406.
 centis Galli corpus contracto certamine, pugna atrox con- A. C. 346.
 citatur. Jam non manipulis proximarum stationum, sed le-
 gionibus utrimque effusis res geritur. Camillus lætum mi- Prælium
 litem victoria tribuni, lætum tam præsentibus ac secundis committi-
 Diis, ire in prælium jubet: ostentansque insignem spoliis tur, quo
 tribunum, *Hunc imitare, miles, aiebat: et circa jacentem Galli victi.*
ducem sterne Gallorum catervas. Dii hominesque illi ad-
 fuere pugnae; depugnatumque haudquaquam certamine am-
 biguo cum Gallis est. adeo ³² duorum militum eventum, in-
 ter quos pugnatum erat, utraque acies animis perceperat.
 Inter primos, quorum concursus alios exciverat, atrox præ-
 lium fuit: alia multitudo, priusquam ad conjectum teli ve-
 niret, terga vertit. Primo per Volscos Falernumque agrum
 dissipati sunt: inde Apuliam ac ³³ mare inferum^d petierunt.
 Consul, concione advocata, laudatum tribunum decem bu-
 bus^e aureaque corona donat. ipse, jussus ab senatu bellum
 maritimum curare, cum prætore junxit castra. ibi, quia res
 trahi segnitia Græcorum non committentium se in aciem
 videbantur^f, dictatorem comitiorum caussa T. Manlium Tor- T. Manlius
 quatum ex auctoritate senatus dixit. Dictator, magistro dictator.
 equitum A. Cornelio Cosso dicto, comitia consularia^g ha-
 buit, æmulumque decoris sui absentem M. Valerium Cor- U. C. 407.
 vum (id enim ille deinde cognominis fuit) summo favore po- A. C. 345.
 puli, tres et viginti natum annos, consulem renunciavit. col- M. Valerio,
 lega Corvo de plebe M. Popillius Lænas quartum consul M. Popillio
 futurus datus est. Cum Græcis a Camillo nulla memorabi- IV. Coss.
 lis gesta res: nec illi terra, nec Romanus mari bellator erat.
 Postremo, quum litoribus arcerentur, aqua etiam præter ce-
 tera necessaria usui deficiente, Italiam reliquere. Cujus po-
 puli ea, cujusque gentis classis fuerit, nihil certi est. maxi-
 me Siciliæ fuisse tyrannos crediderim. nam ulterior Græcia,
 ea tempestate intestino fessa bello, jam ³⁴ Macedonum opes
 horrebat.

XXVII. Exercitibus dimissis, quum et foris pax et domi

^c præceperat Crev. ^d superum Eæd. ^e lobus Gron. Crev. ^f videbatur
 Eæd. ^g consul-ria comitia Eæd.

³² *Duorum militum eventum*
utraque acies animis præceperat} Utra-
 que acies ex eventu singularis inter
 duos milites certaminis capto omine,
 præsagiebat animis eundem quoque
 eventum fore universæ inter duos ex-
 ercitus pugnae. Gronovius ex duabus
 editionibus jusserat legi *perceperat*.
 Nobis potior fuit ceterarum editionum
 auctoritas, quam firmat unus quoque
 e regiis codd. quum sensus ejus scrip-

turæ quam retinemus, clarissimus op-
 timusque est.

³³ *Mare Superum}* Sic olim lege-
 batur, teste Glareano. *Mare Inferum*
 obtrudere nescio qui emendatores, re-
 clamante ipso locorum situ. Apuliam
 enim mare Superum alluit. Dujatius
 edidit quoque *mare superum*.

³⁴ *Macedonum opes horrebat}* Hoc
 ipso tempore Philippus Alexandri
 Magni pater Olynthum expugnabat.

U. C. 407. concordia ordinum otium esset, ne nimis lætæ res essent,
A. C. 345. pestilentia civitatem adorta coëgit senatum imperare decem-
viris, ut libros Sibyllinos inspicerent; eorumque monita
lectisternium fuit. Eodem anno Satricum ab Antiatribus
colonia deducta, restitutaque urbs, quam Latini diruerant.

Fœdus cum
Karthagini-
ensibus.

U. C. 408.
A. C. 344.
T. Manlio,
C. Plautio
Coss.

et cum Karthaginiensibus legatis Romæ fœdus ictum, quum
amicitiam ac societatem petentes venissent. Idem otium
domi forisque mansit T. Manlio Torquato, C. Plautio con-
sulibus: ³⁵ semunciarium tantum ex unciario fœnus factum,
et ³⁶ in pensiones æquas triennii, ita ut quarta præsens esset,
solutio æris alieni dispensata est. ³⁷ et sic quoque parte
plebis adfecta, fides tamen publica privatis difficultatibus
potior ad curam senatui fuit. Levatæ maxime res, quia
tributo ac delectu supersessum. Tertio anno post Satricum

U. C. 409.
A. C. 343.
M. Valerio
II. C. Pœ-
telio Coss.

Bellum
cum Vol-
scis.

restitutum a Volscis, M. Valerius Corvus, secundum consul
cum C. Pœtelio factus, quum ex Latio nunciatum esset,
legatos ab Antio circumire populos Latinorum ad concitan-
dum bellum; priusquam plus hostium fieret, Volscis arma
inferre jussus, ad Satricum exercitu infesto pergit. quo
quum Antiates aliique Volsci præparatis jam ante, si quid
ab Roma moveretur, copiis obcurrissent, nulla mora inter
infensos diutino odio dimicandi facta est. Volsci, ferocior
ad rebellandum, quam ad bellandum, gens, certamine victi,
fuga effusa Satrici mœnia petunt. et, ne in muris quidem
satis firma spe, quum corona militum cincta jam scalis cape-
retur urbs, ad quatuor millia militum, præter multitudinem
inbellem, sese dedidere. Oppidum dirutum atque incen-
sum: ab æde tantum Matris Matutæ abstinere ignem.
Præda omnis militi data. Extra prædam quatuor millia
deditorum habita. eos vinctos consul ante currum trium-
phans egit: venditis deinde magnam pecuniam in ærarium
redegit. Sunt, qui hanc multitudinem captivam servorum
fuisse scribant: idque magis verisimile est, quam deditos
veniisse.

U. C. 410.
A. C. 342.
M. Fabio,
Ser. Sulpi-
cio Coss.
Dictator L.
Furius.

XXVIII. Hos consules secuti sunt M. Fabius Dorso,
Ser. Sulpicius Camerinus. Auruncum inde bellum ab re-
pentina populatione coëptum. metuque, ne id factum populi
unius, consilium omnis nominis Latini esset, dictator velut
adversus armatum jam Latium L. Furius creatus, magis-

³⁵ *Semunciarium . . fœnus*] Ut pro
centenis nummis dimidius nummus
in singulos annos penderetur. Vid.
not. 93. ad c. 16. supra.

³⁶ *In pensiones æquas triennii, ita
ut quarta præsens esset*] Totum æs
alienum quatuor pensionibus solvi
jussum est, ita ut quarta pars statim
repræsentaretur; tres reliqui quadran-

tes sub finem primi, secundi, et tertii
anni numerarentur.

³⁷ * *Et sic quoque*] Et quamvis post
talia concessa levamenta pars plebis
adhuc laboraret, fidem tamen publi-
cam, cujus interest solvi creditum, se-
natus potiore habuit difficultatibus
molestiisque privatis.

trum equitum Cn. Manlium Capitolinum dixit. et quum, U. C. 410.
 (quod per magnos tumultus fieri solitum erat) justitio in- A. C. 342.
 dicto, delectus ³⁸ sine vacationibus habitus esset; legiones,
 quantum maturari potuit, in Auruncos ductæ. ibi prædo- Aurunci
 num magis, quam hostium, animi inventi. Prima itaque victi.
 acie debellatum est^a. Dictator tamen, quia et ultro bellum
 intulerant, et sine detrectatione se certamini obferebant,
 Deorum quoque opes adhibendas ratus, inter ipsam dimica-
 tionem ædem ³⁹ Junoni Monetæ vovit: cujus, ⁴⁰ damnatus Juno Mo-
 voti quum victor Romam revertisset, dictatura se abdicavit. neta.
 Senatus duumviros ad eam ædem pro amplitudine populi
 Romani faciendam creari jussit. locus in arce destinatus,
 quæ area ædium M. Manlii Capitolini fuerat. Consules,
 dictatoris exercitu ad bellum Volscum usi, Soram ex hosti-
 bus, incautos adorti, ceperunt. Anno post, quam vota erat,
 ædes Monetæ dedicatur, C. Marcio Rutilo tertium, T. Man- U. C. 411.
 lio Torquato secundum consulibus. Prodigium extemplo A. C. 341.
 dedicationem secutum, ⁴¹ simile vetusto montis Albani pro- C. Marcio
 digio. namque et lapidibus pluit, et nox interdiu visa in- III. T.
 tendi: librisque inspectis, quum plena religione civitas esset, Manlio II.
 senatui placuit, dictatorem feriarum constituendarum caussa Coss.
 dici. Dictus P. Valerius Publicola. magister equitum ei Q.
 Fabius Ambustus datus est. Non tribus tantum supplica-
 tum ire placuit, sed finitimos etiam populos; ordoque iis,
 quo quisque die supplicarent, statutus. Judicia eo anno
 populi tristitia in foeneratores facta, quibus ab ædilibus dicta
 dies esset, traduntur. Et res, haud ulla insigni ad memo-
 riam caussa, ad interregnum rediit. Ex interregno, ⁴² ut id
 actum videri posset, ambo patricii consules creati sunt, M. U. C. 412.
 Valerius Corvus tertium, A. Cornelius Cossus. A. C. 340.

XXIX. Majora jam hinc bella, et viribus hostium, et M. Valerio
 longinquitate vel regionum, vel temporum ⁴³ spatio, quibus III. A. Cor-
 nelio Coss.

^a est del. Gron. Crev.

³⁸ * *Sine vacationibus*] Nulla habita-
 ratione vacationum: coactis ad mili-
 tiam etiam iis qui in assuetis et mi-
 noris periculi bellis vacationem mili-
 tiæ habebant.

³⁹ *Junoni Monetæ*] Scriptum a
 multis est, inquit Cic. l. I. de Div. n.
 101. quum terræ motus factus esset, ut
 me plena procuratio fieret, vocem ab
 arce Junonis ex arce exstitisse: quocir-
 ca Junonem illam appellatam Mone-
 tam: nempe a monendo. Unde col-
 ligi potest ædem ante ædificatam fu-
 isse, quam Juno Monetæ nomine in-
 signiretur; hæcque verba ædem Ju-
 noni Monetæ vovit, eodem modo acci-
 pienda esse, ac si scripsisset Livius:

Ædem Junoni, quæ Moneta postea
 appellata est, vovit.

⁴⁰ *Damnatus voti*] Vid. not. 95. ad
 V. 25.

⁴¹ *Simile vetusto prodigio*] Vid.
 I. 31.

⁴² * *Ut id actum videri posset*] Ita
 ut id voluisse, id spectasse Patres vi-
 deri possent: nempe quod sequitur,
 ut ambo patricii consules fierent.

⁴³ *Spatio*] Recte observat Grono-
 vius vocem illam redundare, quum
 longinquitas et longinquus tam de
 tempore, quam de loco dicantur. Sic
 l. I. c. 31. longinquo morbo implicatus.
 Et V. 11. et 15. longinquitas belli.

U. C. 412.
A. C. 340.

Samnitici
belli origo.

bellatum est, dicentur. namque eo anno adversus Samnites, gentem opibus armisque validam, mota arma. Samnitium bellum, ancipiti Marte gestum, Pyrrhus hostis, Pyrrhum Poeni secuti. Quanta rerum moles? quoties in extrema periculorum ventum, ut in hanc magnitudinem, quæ vix sustinetur, erigi imperium posset? Belli autem causa cum Samnitibus, Romanis, quum societate amicitiaque juncti essent, extrinsecus venit; non orta inter ipsos est. Samnites Sidicinis injusta arma, quia viribus plus poterant, quum intulissent, coacti inopes ad opulentiorum auxilium confugere, Campanis sese conjungunt. Campani magis nomen ad præsidium sociorum, quam vires, quum adtulissent, fluentes luxu ab duratis usu armorum in Sidicino pulsi agro, in se deinde molem omnem belli verterunt. namque Samnites, omissis Sidicinis, ipsam arcem finitimorum Campanos adorti, unde æque facilis victoria, prædæ atque gloriæ plus esset, Tifata, imminentes Capuæ colles, quum præsidio firmo occupassent, descendunt inde quadrato agmine in planitiem, quæ Capuam Tifataque interjacet. ibi rursus acie dimicatum: adversoque proelio Campani intra mœnia compulsi, quum, robore juventutis suæ adciso, nulla propinqua spes esset, coacti sunt ab Romanis petere auxilium.

Campani a
senatu Ro-
mano auxi-
lium pe-
tunt.

XXX. Legati, introducti in senatum maxime in hanc sententiam locuti sunt: *Populus nos Campanus legatos ad vos, Patres conscripti, misit; amicitiam in perpetuum, auxilium præsens a vobis petitem. quam si secundis rebus nostris petissemus, sicut cæpta celerius, ita infirmiore vinculo contracta esset. tunc enim, ut qui ex æquo nos venisse in amicitiam meminissemus, amici forsitan pariter ac nunc, subjecti atque obnoxii vobis minus essemus. nunc, misericordia vestra conciliati, auxilioque in dubiis rebus defensi, beneficium quoque acceptum colamus, oportet; ne ingrati atque omni ope divina humanaque indigni videamur. Neque, Hercule, quod Samnites priores amici sociique vobis facti sunt, ad id valere arbitror, ne nos in amicitiam accipiamur: sed ut vetustate et gradu honoris nos præstent. neque enim fœdere Samnitium, ne qua nova jungeretis fœdera, cautum est. Fuit quidem apud vos semper satis justa causa amicitiae, velle eum vobis amicum esse, qui vos adpeteret. Campani, etsi fortuna præsens magnifice loqui prohibet, non urbis amplitudine, non agri ubertate, ulli populo¹ præterquam vobis cedentes, haud parva (ut arbitror) accessio bonis rebus vestris in amicitiam venimus vestram. Æquis Volscisque, æternis hostibus hujus urbis, quandocumque se moverint, ab tergo erimus: et, quod vos pro salute nostra priores feceritis, id nos*

¹ populi ulli Crev.

pro imperio vestro et gloria semper faciemus. Subactis iis U. C. 412. gentibus, quæ inter nos vosque sunt, quod propediem futurum A. C. 340. spondet et virtus et fortuna vestra, continens imperium usque ad nos habebitis. Acerbum ac miserum est, quod fateri nos fortuna nostra cogit. Eo ventum est, Patres conscripti, ut aut amicorum, aut inimicorum Campani simus. Si defenditis, vestri: si deseritis, Samnitium erimus. Capuam ergo et Campaniam omnem vestris an Samnitium viribus accedere malitis, deliberate. Omnibus quidem, Romani, vestram misericordiam, vestrumque auxilium æquum est patere; iis tamen maxime, qui, eam inplorantibus aliis auxilium dum supra vires suas præstant, ⁴⁴ omnes ipsi in hanc necessitatem venerunt. quamquam pugnâvimus verbo pro Sidicinis, re pro nobis, quum videremus finitimum populum nefario latrocinio Samnitium peti; et, ubi conflagrassent Sidicini, ad nos trajecturum illud incendium esse. Nec enim nunc, quia dolent injuriam acceptam Samnites, sed quia gaudent oblatam sibi esse causam, obpugnatum nos veniunt. An, si ultio iræ hæc, et non occasio cupiditatis explenda esset, parum fuit, quod semel in Sidicino agro, iterum in Campania ipsa legiones nostras cecidere? Quæ est ista tam infesta ira, quam per duas acies fusus sanguis explere non potuerit? Adde huc populationem agrorum, prædas hominum atque pecudum actas, incendia villarum ac ruinas, omnia ferro ignique vastata. Hiscine ira expleri non potuit? Sed cupiditas explenda est. ea ad obpugnandam Capuam rapit. aut delere urbem pulcherrimam, aut ipsi possidere volunt. Sed vos potius, Romani, beneficio vestro occupate eam, quam illos habere per maleficio sinatis. Non loquor apud recusantem iusta bella populum; sed tamen, si ostenderitis auxilia vestra, ne bello quidem arbitror vobis opus fore. Usque ad nos contemptus Samnitium pervenit, supra non escendit. Itaque umbra vestri auxilii, Romani, tegi possumus: quidquid deinde habuerimus, quidquid ipsi fuerimus, vestrum id omne existimaturi. Vobis arabitur ager Campanus, vobis Capua urbs frequentabitur: conditorum, parentum, Deorum immortalium numero nobis eritis. Nulla colonia vestra erit, quæ nos obsequio erga vos fideque superet. ⁴⁵ Adnuite, Patres conscripti, nutum numenque vestrum invictum Campanis, et jubete sperare, incolumen Capuam futuram. Qua frequentia omnium generum multitudinis prosequente creditis nos illinc profectos? quam omnia votorum lacrimarumque plena reliquisse? in qua nunc expectatione senatum populum-

⁴⁴ Omnes ipsi] Vox omnes redundat. Et eam omittit unus e nostris scriptis.

⁴⁵ Annuite nutum numenque vestrum] Sic compellant Campani Romanos tanquam deos quosdam, tan-

quam Jovem ipsum, cujus nutu vertuntur ac reguntur omnia. Numen ab eadem origine est, a verbo nempe nutre, et divinam gubernationem ac voluntatem denotat, ut monuimus ad I. 55. supra.

U. C. 412. *que Campanum, conjuges, liberosque nostros esse? Stare omnem multitudinem ad portas, viam hinc ferentem prospectantes, certum habeo, quid illis nos, Patres conscripti, sollicitis ac*
 A. C. 340. *⁴⁶pendentibus animi renunciare jubeatis. Alterum responsum salutem, victoriam, lucem, ac libertatem; alterum ominari horreo, quæ ferat. Proinde ut aut de vestris futuris sociis atque amicis, aut nusquam ullis futuris nobis, consulite.*

Negatur
auxilium
Campaniæ.

XXXI. Submotis deinde legatis, quum consultus senatus esset, etsi magnæ parti urbs maxima opulentissimaque Italiæ, uberrimus ager marique propinquus ad varietates annonæ horreum populi Romani fore videbatur; tamen tanta utilitate fides antiquior fuit, responditque ita ex auctoritate senatus consul: *Auxilio vos, Campani, dignos censet senatus: sed ita vobiscum amicitiam institui par est, ne qua vetustior amicitia ac societas violetur. Samnites nobiscum fœdere juncti sunt. itaque arma, Deos prius, quam homines, violatura, adversus Samnites vobis negamus. Legatos, sicut fas jusque est, ad socios atque amicos precatum mittemus, ne qua vobis vis fiat. Ad eâ princeps legationis, (sic enim domo mandatum adtulerant) Quandoquidem, inquit, nostra tueri adversus vim atque injuriam justa vi non vultis, vestra certe defendetis. Itaque populum Campanum, urbemque Capuam, agros, delubra Deûm, divina humanaque omnia in vestram, Patres conscripti, populique Romani ditionem dedimus; quidquid deinde patiemur, dediticii vestri passuri. Sub hæc dicta omnes, manus ad consules tendentes, pleni lacrimarum in vestibulo curiæ procubuerunt. Commoti Patres vice fortunarum humanarum, si ille præpotens opibus, populus, luxuria superbiaque clarus, a quo paullo ante auxilium finitimi petissent, adeo infractos gereret animos, ut se ipse suaque omnia potestatis alienæ faceret: tum jam ⁴⁷fides agi visa, deditos non prodi, nec facturum æqua Samnitium populum censebant, si ⁴⁸agrum urbemque, per deditionem factum populi Romani, obpugnarent. Legatos itaque extemplo mitti ad Samnites placuit. data mandata, ut preces Campanorum, ⁴⁹responsum senatus amicitiae Samnitium memor, deditionem postremo factam, Samnitibus exponerent. Peterent pro societate amicitiaque, ut dediticiis suis parcerent: neque in eum agrum, qui populi Romani factus esset, hostilia arma inferrent. Si leniter agendo parum proficerent, denunciarent Samnitibus populi*

Accipitur
illorum de-
ditio.

Legatio
Rom. ad
Samnites.

⁴⁶ *Pendentibus animi]* Hoc emendatum est ex Sigonii et Gronovii sententia. Olim animis.

⁴⁷ * *Fides agi visa]* Fidei interesse visum est.

⁴⁸ *Agrum urbemque . . . factam]* Lege facta.

⁴⁹ *Responsum . . . memor]* Responsum, ex quo appareret senatum retinuisse memoriam amicitiae Samnitium. Audacius adhuc dixit Livius, I. 28. *Exempli parum memoris legum humanarum.*

Romani senatusque verbis, ut Capua urbe Campanoque agro abstinerent. Hæc legatis agentibus in concilio Samnitium adeo est ferociter responsum, ut non solum gesturos se esse dicerent id bellum, sed magistratus eorum e curia egressi, stantibus legatis, præfectos cohortium vocarent; iisque clara voce imperarent, ut prædatum in agrum Campanum ex templo proficiscerentur.

XXXII. Hac legatione Romam relata, positis omnium aliarum rerum curis, Patres, fecialibus ad res repetendas missis, belloque, quia non redderentur, sollemni more indicato, decreverunt, ut primo quoque tempore de ea re ad populum ferretur: jussuque populi consules ambo cum duobus ab urbe exercitibus profecti, Valerius in Campaniam, Cornelius in Samnium, ille ad montem Gaurum, hic ad Saticulam castra ponunt. Priori Valerio Samnitium legiones (eo namque omnem belli molem inclinaturam censebant) obcurrunt. simul in Campanos stimulabat ira, tam promptos nunc ad ferenda, nunc ad arcessenda adversus se auxilia. Ut vero castra Romana viderunt, ferociter pro se quisque signum duces poscere, adfirmare, eadem fortuna Romanum Campano laturum opem, qua Campanus Sidicino tulerit. Valerius, levibus certaminibus, tentandi hostis caussa, haud ita multos moratus dies, signum pugnae proposuit, paucis suos adhortatus: *Ne novum bellum eos novusque hostis terret. quidquid ab urbe longius proferrent arma, magis magisque in inbelles gentes eos prodire. Ne Sidicinorum Campanorumque cladibus Samnitium aestimarent virtutem. qualescumque inter se certaverint, necesse fuisse alteram partem vinci. Campanos quidem haud dubie magis nimio luxu fluentibus rebus mollitiaque sua, quam vi hostium, victos esse. Quid autem esse duo prospera in tot seculis bella Samnitium adversus tot decora populi Romani, qui triumphos pene plures, quam annos ab urbe condita, numeret? qui omnia circa se, Sabinos, Etruriam, Latinos, Hernicos, Æquos, Volscos, Auruncos, domita armis habeat? qui ⁵⁰ Gallos, tot præliis cæsos, postremo in mare ac naves fuga compulerit? Quum gloria belli ac virtute sua quemque fretos ire in aciem debere, tum etiam intueri, cujus ductu auspicioque ineunda pugna sit. ⁵¹ utrum qui audiendus duntaxat magnificus adhortator sit, verbis tantum ferox, ope-*

Bellum
cum Sam-
nitibus.

Consul Ro-
manus suos
ad prælium
hortatur.

⁵⁰ Gallos . . . in mare ac naves fuga compulerit] Recte observat Dujatius nihil usquam in iis quæ præcedunt dictum esse a Livio de Gallis in mare ac naves compulsis. Hæc convenirent magis in Græcos, de quibus supra, c. 26. Omnino aliquid hic est vitii, aut Livii levis incuria.

⁵¹ Utrum, qui audiendus] Potest

quidem exponi: utrum is cujus ductu auspicioque ineunda pugna sit, ejusmodi sit imperator, cujus audienda tantum verba sint, non etiam facta spectanda. Multum tamen blanditur Freinsheimii conjectura: *Utrum, qui audendi duntaxat magnificus adhortator sit.*

U. C. 412. *rum militarium expers; an qui et ipse tela tractare, procedere ante signa, versari media in mole pugnae sciat. Facta mea, non dicta, vos, milites, inquit, sequi volo; nec disciplinam modo, sed exemplum etiam, a me petere.* ⁵² *Non factionibus modo nec per coitiones usitatas nobilibus, sed hac dextra, mihi tres consulatus summamque laudem peperit. Fuit, quum hoc dici poterat: Patricius enim eras, et a liberatoribus patriae ortus: et, eodem anno familia ista consulatum, quo urbs haec consulem, habuit. Nunc jam nobis Patribus vobisque plebeiis promiscuus consulatus patet; nec generis, ut ante, sed virtutis est praemium. proinde summum quodque spectate, milites, decus. Non, si mihi novum hoc Corvi cognomen Diis auctoribus homines dedistis, Publicolarum vetustum familiae nostrae cognomen memoria excessit. Semper ego plebem Romanam militiae domique, privatus, in magistratibus parvis magnisque, aequae tribunus ac consul, eodem tenore per omnes deinceps consulatus, colo atque colui. nunc, quod instat, Diis bene juvantibus, novum atque integrum de Samnitibus triumphum mecum petite.*

Valerius
Corvus fa-
miliaris
militi dux.

Proelium
cum Sam-
nitibus
atrox.

XXXIII. Non alias militi familiarior dux fuit, omnia inter infimos militum haud gravate munia obeundo. In ludo praeterea militari, quum velocitatis viriumque inter se aequales certamina ineunt, comiter facilis vincere ac vinci vultu eodem; nec quemquam adspernari parem, qui se obferret; factis benignus ⁵³ pro re, dictis haud minus libertatis alienae, quam suae dignitatis, memor: et quo nihil popularius est, quibus artibus petierat magistratus, iisdem gerebat. Itaque universus exercitus, incredibili alacritate adhortationem prosecutus ducis, castris egreditur. Proelium, ut quod maxime umquam, pari spe, utrimque aequis viribus, cum fiducia sui, sine contemptu hostium, commissum est. Samnitibus ferociam augebant novae res gestae et ⁵⁴ paucos ante dies geminata victoria; Romanis contra quadringentorum annorum decora, et conditae urbi aequalis victoria: utrisque tamen novus hostis curam addebat. pugna indicio fuit, quos gesserint animos. namque ita conflixerunt, ut aliquamdiu in neutram partem inclinarent acies. Tum consul, trepidationem injiciendam ratus, quando vi pelli non poterant, equitibus inmissis turbare prima signa hostium conatur. quos ubi nequidquam tumultuantes in spatio exiguo volvere turmas vidit, nec posse aperire in hostes viam, revector ad antesignanos legionum, quum de-

⁵² *Non factionibus modo]* Vox modo, quae paulo ante praecessit, illinc videtur hunc in locum temere irrepisse.

⁵³ *Pro re]* Pro varia rerum, temporum, personarumque ratione.

⁵⁴ *Paucos ante dies]* Si de gemina

victoria a Samnitibus ex Campanis reportata hic agit Livius, de quo dubitare vix licet, brevius justo videtur intervallum ab his certaminibus ad hoc tempus assignare, ut facile colligi potest ex iis quae inter utrumque tempus acta fuisse ipse memoravit.

siluisset ex equo, *Nostrum, inquit, peditum illud, milites, est* U. C. 412. *opus. agitedum, ut me videritis, quacumque incessero in aciem* A. C. 340. *hostium, ferro viam facientem, sic pro se quisque obvios sternite. Illa omnia, qua nunc erectæ micant hastæ, patefacta strage vasta cernelis.* Hæc dicta dederat, quum equites consulis jussu discurrunt in cornua, legionibus in mediam aciem aperiunt viam. Primus omnium consul invadit hostem; et, cum quo forte contulit gradum, obtruncat. Hoc spectaculo ⁵⁵ accensi dextra lævaque, ante se quisque, memorandum prælium cient^k. Stant obnisi Samnites, quamquam plura accipiunt, quam inferunt, vulnera. Aliquamdiu jam pugnatum erat: atrox cædes circa signa Samnitium, fuga ab nullo parte erat. adeo morte sola vinci destinaverant animis. Itaque Romani, quum ⁵⁶ et fluere jam lassitudine vires sentirent, et diei haud multum superesset^l, accensi ira concitant se in hostem. Tum primum referri pedem atque inclinari rem in fugam adparuit; tum capi, occidi Samnis. nec superfuissent multi, ni nox victoriam magis, quam prælium, diremisset. Et Romani fatebantur, numquam cum pertinaciorē hoste conflictum: et Samnites, quum quæreretur, quænam prima caussa tam obstinatos movisset in fugam? *oculos sibi Romanorum ardere visos, aiebant, vesanosque vultus et furentia ora: inde plus, quam ex alia ulla re, terroris ortum.* quem terrorem non pugnae solum eventu, sed nocturna profectione, confessi sunt. Postero die vacuis hostium castris Romanus potitur: quo se omnis Campanorum multitudo gratulabunda effudit.

Vincuntur
Samnites in
Campania.

XXXIV. Ceterum hoc gaudium magna prope clade in Samnio fœdatum est. nam ab Saticula profectus Cornelius consul exercitum incaute in saltum, cava valle pervium, circaque insessum ab hoste, induxit: nec prius, quam recepto tuto signa non poterant, imminentem capiti hostem vidit. ⁵⁷ Dum id moræ Samnitibus est, quoad totum in vallem infimam ⁵⁸ demitterent agmen, P. Decius tribunus militum conspicit unum editum in saltu collem, imminentem hostium castris, aditu arduum inpedito agmini, expeditis haud difficilem. Itaque consuli terrore animi, *Videsne tu, inquit, A.*

Cornelii
consulis in
Samnio periculum.

^k cient Gron. Crev.

^l superesse Eæd.

⁵⁵ *Accensi . . . quisque . . . cient*] Melius *cient*: quod præfert Campanus, et unus e nostris codd. Sic supra: *pro æ quisque obvios sternite*, non *sternere*, non *sternat*.

⁵⁶ *Et fluere*] Septem Gronoviani MSS. quinque e nostris, hoc quod edidimus firman. Editi vulgo habent *fluere*, quod minus placebat.

⁵⁷ *Dum id moræ Samnitibus est*]

Cunctantibus Samnitibus, et expectantibus dum consul totum agmen demisisset in vallem, ubi eum facillime oppressuri sibi videbantur.

⁵⁸ *Demitteret*] Hanc lectionem, quæ priscorum editorum est, tuentur sex codd. nostri. Gronovius dederat *demitterent*, et intellexerat de Samnitibus; quod miramur excidisse summo viro.

U. C. 412.
A. C. 340.

Corneli, cacumen illud supra hostem? Arx illa est spei salutis-que nostræ, si eam, quam cæci reliquere Samnites, inpigre capimus. Ne^m tu mihi plus, quam unius legionis⁵⁹ principes hastatosque, dederis. cum quibus ubi evasero in summum, perge hinc omni liber metu, teque et exercitum serva. neque enim moveri hostis, subjectus nobis ad omnes ictus, sine sua pernicie poterit. Nos deinde aut fortuna populi Romani, aut nostra virtus expediet. Conlaudatus ab consule, accepto præsidio, vadit occultus per saltum; nec prius ab hoste est visus, quam loco, quem petebat, adpropinquavit. Inde admiratione paventibus cunctis, quum omnium in se vertisset oculos, et spatium consuli dedit ad subducendum agmen in æquiores locum, et ipse in summo constitit vertice. Samnites, dum huc illuc signa vertunt, utriusque rei amissa occasione, neque insequi consulem, nisi per eandem vallem, in qua paullo ante subjectum eum telis suis habuerant, possunt; nec erigere agmen in captum super se ab Decio tumultum. Sed quum ira in hos magis, qui fortunam gerendæ rei eripuerant, tum propinquitas loci atque ipsa paucitas incitat: et nunc circumdare undique collem armatis volunt, ut a consule Decium intercludant; nunc viam patefacere, ut degressos in vallem adorianantur. incertos quid agerent, nox obpressit. Decium primum spes tenuit, cum subeuntibus in adversum collem ex superiore loco se pugnaturum: deinde admiratio incessit, quod nec pugnam inirent, nec, si ab eo consilio iniquitate loci deterrerentur, opere se valloque circumdarent. Tum centurionibus ad se vocatis, *Quænam illa inscitia belli ac pigritia est? aut quonam modo isti ex Sidicinis Campanisque victoriam pepererunt? Huc atque illuc⁶⁰ signa moveri, ac modo in unum conferri, modo educi videtis. opus quidem incipit nemo, quum jam circumdati vallo potuerimus esse. Tum vero nos similes istorum simus, si diutius hic moremur, quam commodum sit. Agitedum, ite mecum; ut, dum lucis aliquid superest, quibus locis præsidia ponant, qua pateat hinc exitus, exploremus.* Hæc omnia sagulo gregali amictus, centurionibus item manipularium militum habitu ductis, ne ducem circumire hostes notarent, perlustravit.

XXXV. Vigiliis deinde dispositis, ceteris omnibus⁶¹ tes-

^m Nec Gron. Crev.

⁵⁹ *Principes Hastatosque*] De his vid. VIII. 8. infra. Duo illa corpora effloiebant numerum hominum circiter 2400.

⁶⁰ *Signa . . . modo*] *Signa . . . modo in unum conferri*, quasi quiescere intra castra statuerint Samnites; *modo educi*, quasi iidem parent invadere

Romanos.

⁶¹ *Tesseram*] Tessera proprie est tabella exigua, in qua inscribatur signum, seu symbolum nocturnum. Ea sub occasum solis, antequam ponerentur vigilie, a tribuno dabatur militi cuidam, (cui ob id ipsum *tesseræ* nomen erat) perque singulos

seram dari jubet: ubi ⁶² *secundæ vigiliæ buccina datum signum esset, armati cum silentio ad se convenirent*^a. Quo ubi, sicut edictum erat, taciti convenerunt, *Hoc silentium, milites, inquit, omisso militari adsensu, in me audiendo servandum est. ubi sententiam meam vobis peregero, tum, quibus eadem placebunt, in dextram partem tacili transibitis: quæ pars major erit, eo stabitur consilio. Nunc, quæ mente agitem, audite. Non fuga delatos, nec inertia relictos hic vos circumvenit hostis. virtute cepistis locum; virtute hinc, oportet, evadatis. Veniendo huc exercitum egregium populi Romani servastis; erumpendo hinc vosmet ipsos servate. digni estis, qui pauci pluribus opem tuleritis, ipsi nullius auxilio egueritis. Cum eo hoste res est, qui hesterno die delendi omnis exercitus fortuna per socordiam usus non sit; hunc tam opportunum collem imminentem capiti suo non ante viderit, quam captum a nobis; nos tam paucos ⁶³ tot ipsi millibus hominum nec adscensu arcuerint; nec tenentes locum, quum diei tantum superesset, vallo circumdederint. quem videntem ac vigilantem sic eluseritis, sopitum, oportet, fallatis; immo necesse est. In eo enim loco res sunt nostræ, ut vobis ego magis necessitatis vestræ index, quam consilii auctor, sim. neque enim, maneatis, an abeatis hinc, deliberari potest; quum, præter arma et animos armorum memores, nihil vobis fortuna reliqui fecerit, fameque et siti moriendum sit, si plus, quam viros ac Romanos decet, ferrum timeamus. Ergo una est salus erumpere hinc atque abire. id aut interdiu aut nocte faciamus, oportet. Ecce autem aliud minus dubium. quippe si lux expectetur, quæ spes est, non vallo perpetuo fossaque nos septurum hostem? qui nunc corporibus suis subjectis undique cinxerit, ut videtis, collem. Atqui, si nox opportuna est eruptioni, sicut est, hæc profecto noctis aptissima hora est. Signo secundæ vigiliæ convenistis, quod tempus mortales somno altissimo premit. per corpora sopita vadetis; vel silentio incautos fallentes, vel sentientibus clamore subito pavorem injecturi. Me modo sequimini, quem secuti estis. ego eandem, quæ duxit*

U. C. 412.
A. C. 340.
Oratio Decii ad milites.

^a venirent Gron. Crev.

ordine manipulos ibat, donec ad tribunum ante noctem referretur. Hunc morem descriptum vid. apud Polyb. l. VI. et fuse expositum a Lipsio, l. V. de Mil. Rom. dial. 9. Hæ autem tessere non ad vigilias solum adhibebantur, sed et ad imperia et mandata ducum, et quidquid denique vellent celeriter per omnem exercitum innotescere: ut patet tum ex hoc loco, tum ex c. sequenti.

⁶² *Secundæ vigiliæ*] Tota nox in quatuor vigilias dividebatur, quarum

quælibet tribus horis constabat. Itaque secunda vigilia incipit cum quarta noctis hora.

⁶³ *Tot ipsi millibus hominum*] Elegantius est quod subjicit Jac. Gronovius: *tot ipsi millia hominum*. Sic XXVIII. 28. *tota legio, millia hominum quatuor*. Et in nomina, quibus numeri designantur, facile vitium irrepit, quia sæpe exprimuntur per notas, quas postea pro captu librarius interpretatur.

U. C. 412. *huc, sequar fortunam. Quibus hæc salutaria videntur, agite-*
 A. C. 340. *dum, in dextram partem pedibus transite.*

Decius ad
exercitum
incolumis
redit.

Vincuntur
Samnites.

XXXVI. Omnes transierunt, vadentemque per intermis-
 sa custodiis loca Decium secuti sunt. Jam evaserant me-
 dia castra, quum superscandens vigilum strata somno cor-
 pora miles offenso scuto præbuit sonitum, quo excitatus
 vigil quum proximum movisset, erectique alios concitarent,
 ignari cives an hostes essent, præsidium erumperet, an con-
 sul castra cepisset: Decius, ⁶⁴ quum non fallerent, clamorem
 tollere jussis militibus, torpidos somno insuper pavore exa-
 nimat; quo præpediti, nec arma inpigre capere, nec obsis-
 tere, nec insequi poterant. Inter trepidationem tumultum-
 que Samnitium, præsidium Romanum, obviis custodibus
 cæsis, ad castra consulis pervadit. Aliquantum supererat
 noctis, jamque in tuto videbantur esse; quum Decius, *Macti*
virtute, inquit, milites Romani, este. vestrum iter ac reditum
omnia secula laudibus ferent. Sed ad conspiciendam tantam
virtutem luce ac die opus est. nec vos digni estis, quos cum tan-
ta gloria in castra reduces silentium ac nox tegat. hic lucem
quieti opperiamur. Dictis obtemperatum. atque ubi primum
 inluxit, præmisso nuncio ad consulem in castra, ingenti
 gaudio ⁶⁵ concitantur: et, ⁶⁶ tessera data, incolumes reverti,
 qui sua corpora pro salute omnium haud dubio periculo ob-
 jecissent, pro se quisque obviam effusi laudant, gratulantur,
 singulos universosque servatores suos vocant: Diis laudes
 gratesque agunt, Decium in cælum ferunt. Hic Decii cas-
 trensis triumphus fuit, incedentis per media castra cum ar-
 mato præsidio, coniectis in eum omnium oculis, et omni
 honore tribunum consuli æquantibus. Ubi ad prætorium
 ventum est, consul classico ad concionem convocat: orsus-
 que meritas Decii laudes, interfante ipso Decio, distulit con-
 cionem: qui auctor omnia posthabendi, dum occasio in ma-
 nibus esset, perpulit consulem, ut hostes, et nocturno pavo-
 re adtonitos, et circa collem ⁶⁷ castellatim dissipatos, adgre-
 deretur. credere etiam aliquos, ad se sequendum emissos,
 per saltum vagari. Jussæ legiones arma capere: egressæ-
 que castris, quum per exploratores notior jam saltus esset,
 via patentiore ad hostem ducuntur. quem incautum impro-
 viso adortæ, quum palati passim Samnitium milites, plerique
 inermes, nec coire in unum, nec arma capere, nec recipere
 intra vallum se possent, paventem primum in castra com-
 pellunt: deinde castra ipsa, turbatis stationibus, capiunt.
 Perfertur circa collem clamor: fugatque ex suis quemque

⁶⁴ * *Quum non fallerent*] Quoniam
non fefellerant hostem, sed auditi
fuerant.

⁶⁵ *Concitantur*] Milites castrorum.

⁶⁶ *Tessera data*] Nuncio per exer-
citum didito, tesserae ope.

⁶⁷ *Castellatim*] Sparsim per glo-
bos.

præsidii. ita magna pars absenti hosti cessit. quos intra U. C. 412. vallum egerat pavor, (fuere autem ad triginta millia) omnes A. C. 340. cæsi; castra direpta.

XXXVII. Ita rebus gestis, consul, advocata concione, Decius do-
P. Decii non cœptas solum ante, sed cumulas nova vir-^{natus.}
tute laudes peragit: et præter militaria alia dona, aurea co-
rona eum et centum bubus, ⁶⁸eximioque uno albo opimo
auratis cornibus, donat. Milites, qui in præsidio simul fue-
rant, duplici frumento in perpetuum, in præsentia singulis
bubus binisque ⁶⁹privis tunicis donati. Secundum consulis
donationem, legiones ⁷⁰gramineam coronam obsidionalem,
clamore donum adprobantes, Decio inponunt. altera corona,
ejusdem honoris index, a præsidio suo inposita est. His de-
coratus insignibus bovem eximium Marti immolavit; cen-
tum boves militibus dono dedit, qui secum in expeditione
fuerant. iisdem militibus legiones libras farris et ⁷¹sextarios
vini contulerunt: omniaque ea ingenti alacritate per cla-
morem militarem, indicem omnium adsensus, gerebantur.
Tertia pugna ad Suessulam commissa est: ⁷²qua fugatus a
M. Valerio Samnitium exercitus, omni robore juventutis
domo adcito, certamine ultimo fortunam experiri statuit.
Ab Suessula nuncii trepidi Capuam, inde equites citati ad
Valerium consulem, opem oratum, veniunt. Confestim
signa mota: relictisque impedimentis castrorum valido præsi-
dio, raptim agitur agmen: nec procul ab hoste locum per-
exiguum (ut quibus, præter equos, ceterorum jumentorum
calonumque turba abesset) castris cepit. Samnitium exer-
citus, velut haud ulla mora pugnae futura esset, aciem in-
struit: deinde, postquam nemo obvius ibat, infestis signis
ad castra hostium succedit. ibi ut militem in vallo vidit,
missique ab omni parte exploratum, quam in exiguum or-
bem contracta castra essent, paucitatem inde hostium colli-
gentes, retulerunt; fremere omnis acies, complendas esse
fossas scindendumque vallum, et in castra inrumpendum.

Tertia pug-
na cum
Samnitibus.

⁶⁸ *Eximio*] Vid. not. 52. ad c. 7. l. I.

⁶⁹ *Privis tunicis*] Potest exponi: quæ suæ cujusque ac propriæ forent. Sic Hor. Ep. 1. l. I. *Quem ducit pri-va triremis*. Sed quum hæc vox necessaria non sit hoc loco, eamque ignoent quinque e nostris scriptis, eam libenter deletemus.

⁷⁰ *Gramineam coronam obsidionalem*] *Obsidionalis* corona est, inquit A. Gell. l. V. c. 6. *quam ii, qui liberati sunt ab obsidione, dant ei duci qui liberavit. Ea corona graminea est: ob-servarique solitum, ut fieret e gramine,*

quod in eo loco generatum esset, intra quem clausi erant qui obsidebantur. Observat Plin. l. XXII. c. 4. ceteras coronas ab imperatore militibus dari solitas, hanc solam a militibus imperatori.

⁷¹ *Sextarios vini*] *Sextarius* est sexta pars congi, proindeque capiebat plus sexdecim vini uncias. Itaque superat eam mensuram, quam vocamus *chopine*.

⁷² *Qua, fugatus*] Qua fortunam experiri statuit is exercitus Samnitium, qui a M. Valerio prius fugatus fuerat.

U. C. 412. transactumque ea temeritate bellum foret, ni duces continu-
 A. C. 340. issent inpetum militum. Ceterum, quia multitudo sua
⁷³ commeatibus gravis, et prius sedendo ad Suessulam, et
 tum ° certaminis mora, haud procul ab rerum omnium ino-
 pia esset; placuit, dum inclusus paveret hostis, frumenta-
 tum per agros militem duci. interim et Romano, qui expe-
 ditus, quantum humeris inter arma geri posset frumenti,
 secum adtulisset, defutura omnia. Consul palatos per agros
 quum vidisset hostes, stationes infrequentes relictas, paucis
 milites adhortatus, ad castra obpugnanda ducit. quæ quum
 primo clamore atque inpetu cepisset, pluribus hostium in
 tentoriis suis, quam in portis valloque, cæsis, signa captiva
 in unum locum conferri jussit; relictisque ⁷⁴ duabus legioni-
 bus custodiæ et præsidii causa, gravi edicto monitis, ut,
 donec ipse revertisset, præda abstinerent; profectus agmine
 instructo, quum præmissus eques velut ⁷⁵ indagine dissipatos
 Samnites ageret, cædem ingentem fecit. nam neque quo
 signo coirent inter se, neque, utrum castra peterent, an lon-
 giorum intenderent fugam, territis constare poterat. Tan-
 tumque fugæ ac formidinis fuit, ut ad quadraginta millia
 scutorum, nequaquam tot cæsis, et signa militaria cum iis,
 quæ in castris capta erant, ad centum septuaginta ad con-
 sulem deferrentur. Tum in castra hostium reditum: ibique
 omnis præda militi data.

XXXVIII. Hujus certaminis fortuna et Faliscos, quum
 in induciis essent, foedus petere ab senatu coëgit; et Lati-
 nos, jam exercitibus comparatis, ⁷⁶ ab Romano in Pelignum
 vertit bellum. Neque ita rei gestæ fama Italiæ se finibus
 tenuit: sed Karthaginienses quoque legatos gratulatum Ro-
 mam misere cum coronæ aureæ dono, quæ in Capitolio in
 Jovis cella poneretur. fuit ⁷⁷ pondo viginti quinque. Con-
 sules ambo de Samnitibus triumpharunt, sequente Decio in-
 signi cum laude donisque: quum incondito militari joco

Karthagini-
enses legati.

Consules
trium-
phant.

° tunc Gron. Crev.

⁷³ Commeatibus gravis] Quæ oneri
esset commeatibus: i. e. quæ nimiam
commeatum copiam absumeret.

⁷⁴ Duabus legionibus] Hic aliquid
vitii latere putat Jac. Gronovius, quia
verisimile non videatur duas legiones,
quæ consularis erat exercitus, præsidio
castris relictas. Legi posse censet vel
duabus cohortibus, vel, si major nu-
merus placeat, duobus millibus. Illud
certe constat, vulgatam lectionem
stare non posse.

⁷⁵ Indagine] Indaginis nomine
proprie intelligitur plagarum, seu re-

tium quidam velut orbis, quibus a ve-
natoribus feras indagantibus saltus
nemorave cinguntur, ne qua feris pa-
teat effugium. Hoc exemplo Samnites
palantes atque dispersos undique co-
gere et in unum colligere voluit Va-
lerius ut in medio caderentur. DU-
JATIUS.

⁷⁶ Ab Romano in Pelignum vertit
bellum] Induxit, ut omisso bello quod
paraverant adversus Romanos, in Pe-
lignos verterent arma.

⁷⁷ Pondo viginti quinque] Marca-
rum nostrarum 30. cum semuncia.

haud minus tribuni celebre nomen, quam consulum, esset. U. C. 412. Campanorum deinde ⁷⁸ Suessanorumque auditæ legationes: A. C. 340. precantibusque datum, ut præsidium eo in hiberna mitteretur, quo Samnitium excursiones arcerentur. ⁷⁹ Jam tum minime salubris militari disciplinæ Capua instrumento omnium voluptatum delentis militum animos avertit a memoria patriæ: inibanturque consilia in hibernis eodem scelere adimendæ Campanis Capuæ, ⁸⁰ per quod illi eam antiquis cultoribus ademissent: *neque inmerito suum ipsorum exemplum in eos versurum. Cur autem potius Campani agrum Italiæ uberrimum, dignam agro urbem, qui nec se nec sua tutari possint, quam victor exercitus haberet, qui suo sudore ac sanguine inde Samnites depulisset? An æquum esse, dediticios suos illa fertilitate atque amœnitate perfrui; se, militando fessos, in pestilente atque arido circa urbem solo luctari, aut in urbe insidentem tabem crescentis in dies fœnoris pati?* Hæc agitata occultis conjurationibus, necdum vulgata in omnes consilia, invenit novus consul C. Marcius Rutilus, cui Campana sorte provincia evenerat, Q. Servilio collega ad urbem relicto. Itaque quum omnia ea, sicut gesta erant, per tribunos comperta haberet, et ætate et usu doctus (quippe qui jam quartum consul esset, dictatorque et censor fuisset) optimum ratus, differendo spem, quandocumque vellent, consilii exsequendi, militarem inpetum frustrari; rumorem dissipat, in iisdem oppidis et anno post præsidia hibernatura. divisa enim erant per Campaniæ urbes, manaverantque a Capua consilia in exercitum omnem. Eo laxamento cogitationibus dato, quievit in præsentia seditio.

XXXIX. Consul, educto in æstiva milite, dum quietos Samnites habebat, exercitum purgare ⁸¹ missionibus turbulentorum hominum instituit, aliis emerita dicendo stipendia esse, alios graves jam ætate, aut viribus parum validos. quidam ⁸² in commeatus mittebantur, singuli primo, deinde et cohortes quædam, quia procul ab domo ac rebus suis hibernassent. Per speciem etiam militarium usum, ⁸³ quum alii alio mitterentur, magna pars ablegati. quam multitudinem consul alter Romæ prætorque, alias ex aliis fingendo moras, retinebat. Et primo quidem, ignari ludificationis, mi-

⁷⁸ *Suessanorumque*] Juhet Sigonius legi *Suessulanorumque*: nec fortasse sine causa. Suessula enim propius a Capua abest, quam Suessa, et ad eam pugnatum jam cum Samnitibus est.

⁷⁹ *Jam tum*] Hoc dictum est propter hiberna Annibalis, cujus exercitus Capuæ corruptus est. SIGONIUS.

⁸⁰ *Per quod illi eam antiquis cultoribus ademissent*] Vid. l. IV. c. 37. su-

pra-

⁸¹ * *Missionibus*] Mittendo a signis, solvendo militia eos qui turbulento et factioso ingenio erant.

⁸² *In commeatus*] In quæ cuique liberet loca, dato commeatu.

⁸³ *Quum alii alio mitterentur*] Quatuor has voces, quæ sane parum necessariae sunt, omittit Andreas.

Rom. militum de occupanda Capua consilia.

U. C. 413. A. C. 339. C. Marcio IV. Q. Servilio Coss.

Arte eluduntur.

U. C. 413. nime inviti domos revisebant. Postquam neque reverti ad
 A. C. 339. signa primos, nec ferme alium, quam qui in Campania hibernassent, præcipueque ex iis seditionis auctores mitti viderunt; primum admiratio, deinde haud dubius timor incessit animos, consilia sua emanasse: ⁸⁴ *jam quæstiones, jam indicia*^p, *jam occulta singulorum supplicia, inpotensque et crudele consulum ac Patrum in se regnum passuros*. Hæc, qui in castris erant, occultis sermonibus serunt^q, ⁸⁵ nervos conjurationis ejectos arte consulis cernentes. Cohors una, quum haud procul Anxure esset, ad Lautulas saltu angusto inter mare ac montes consedit, ad excipiendos, quos consul aliis atque aliis (ut ante dictum est) caussis mittebat. Jam valida admodum numero manus erat; nec quidquam ad justum exercitus formam, præter ducem, deerat. incompositi itaque prædantes in agrum Albanum perveniunt, et sub jugo Albæ longæ castra vallo cingunt. Perfecto inde opere, reliquum diei de imperatore sumendo sententiis decertant, nulli ex præsentibus satis fidentes. *Quem autem ab Roma posse exciri? quem Patrum aut plebis esse, qui aut se tanto periculo sciens obferat, aut cui ex injuria insanientis exercitus causa recte committatur?* Postero die, quum eadem deliberatio teneret, ex prædatoribus vagis quidam compertum adtulerunt, T. Quinctium in Tusculano agrum colere, urbis honorumque inmemorem. Patriciæ hic vir gentis erat: cui quum militiæ, magna cum gloria actæ, finem pes alter ex vulnere claudus fecisset, ruri agere vitam procul ambitione ac foro constituit. Nomine audito, extemplo agnovere virum: et, quod bene verteret, adciri jusserunt. Sed parum spei erat, voluntate quidquam facturum. vim adhiberi ac metum placuit. Itaque silentio noctis quum tectum villæ, qui ad id missi erant, intrassent; somno gravem^r Quinctium obpressum, nihil medium, aut imperium atque honorem, aut, ⁸⁶ ubi restitaret, mortem, ne sequeretur, denunciantes, in castra pertraxerunt. Imperator extemplo adveniens adpellatus: insigniaque honoris exterrito subitæ rei miraculo deferunt, et ad urbem ducere jubent. Suo magis inde inpetu, quam consilio ducis, convulsis signis, infesto agmi-

Seditiosorum exercitus colligitur.

Eligunt ducem T. Quinctium.

^p *judicia* Gron.

^q *ferunt* Gron. Crev.

^r *gravi* Eæd.

⁸⁴ *Jam quæstiones, jam indicia*] *Quæstio* est capitis judicium. Itaque male hic olim edebatur, *jam judicia*. Moniti a Gronovio, qui in optimis quibusque scriptis legi testatur *indicia*, assentientibus tribus regiis, hanc vocem reposuimus. Intellige cum eodem Gronovio *indicia* et insontium, qui aliquid comperissent, et magis proprie illorum qui ejusdem culpæ

conscii, fide publica data, alios indicarent.

⁸⁵ *Nervos conjurationis ejectos*] Mallet Puteamus *exsectos*. Sed vulgaris sensus commodus est: ejectos eos, qui nervi, i. e. robur ac firmamentum conjurationis erant.

⁸⁶ *Ubi restitaret. . . . ni sequeretur*] Alterutrum ex his vacat.

ne ad lapidem octavum ⁸⁷ viæ, quæ nunc Appia est, perve-
 niunt: issentque confestim ad urbem, ni venire contra ex-
 ercitus dictatoremque adversus se M. Valerium Corvum
 dictum audissent, et magistrum equitum L. Æmilium Ma-
 mercinum.

XL. ⁸⁸ Ubi primum in conspectum ventum est, arma sig-
 naque agnovere; extemplo omnibus memoria patriæ iras
 permulsit. Nondum erant tam fortes ad sanguinem civilem,
 nec, præter externa, noverant bella: ultimaque rabies seces-
 sio ab suis habebatur. itaque jam duces, jam milites utrim-
 que, congressus quærere ad colloquia. Quinctius, quem ar-
 morum etiam pro patria satietas teneret, nedum adversus pa-
 triam; Corvus, omnes caritate cives, præcipue milites, et
 ante alios suum exercitum, complexus, ad colloquium pro-
 cessit. Cognito ei extemplo haud minor ab adversariis ve-
 recundia, quam ab suis silentium, datum: *Deos, inquit, in-*
mortales, milites, vestros publicos, meosque, ab urbe proficiscens
ita adoravi, veniamque supplex poposci, ut mihi de vobis con-
cordiæ partæ gloriam, non victoriam, darent. Satis fuit erit-
que, unde belli decus pariat: hinc pax petenda est. Quod
Deos immortales inter nuncupanda vota expoposci, ejus me com-
potem voti vos facere potestis; si meminisse vultis, non vos in
Samnio, nec in Volscis, sed in Romano solo castra habere: si
illos colles, quos cernitis, patriæ vestræ esse, si hunc exercitum
civium vestrorum: si me consulem vestrum, cujus ductu auspi-
cioque priore anno bis legiones Samnitium fudistis, bis castra
vi cepistis. Ego sum M. Valerius Corvus, milites, cujus vox
nobilitatem beneficiis erga vos, non injuriis, sensistis; nullius
superbæ in vos legis, nullius crudelis senatusconsulti auctor;
in omnibus meis imperiis in me severior, quam in vos. Ac si
cui genus, si cui sua virtus, si cui etiam majestas, si cui hono-
res subdere spiritus potuerunt; iis eram natus, id specimen mei
dederam, ea ætate consulatum adeptus eram, ut potuerim, tres
et viginti annos natus, consul Patribus quoque ferox esse, non
solum plebi. Quod meum factum dictumve consulis gravius,
quam tribuni, audistis? eodem tenore duo insequentes consula-
tus gessi; eodem hæc imperiosa dictatura geretur: ⁸⁹ ut neque
in hos meos et patriæ meæ milites mitior, quam in vos, horreo

Dictatoris
ad seditio-
sos oratio.

⁸⁷ Viæ, quæ nunc Appia est] Jac. Gronovius ex uno MS. legendum cen-
 set, viæ, ex solenni Liviano more. Sic
 supra c. 9. Galli ad tertium lapi-
 dem Salaria viâ . . . castra habuere.
 Firmant hanc emendationem duo ex
 codd. Hearnii, et unus e nostris, et
 Campanus.

⁸⁸ Ubi primum . . . ventum est, ar-
 ma] Legendum videtur, monente J.

Frid. Gronovio: Ubi primum . . . ven-
 tum, et arma. Similem nævum emen-
 davit Jac. Gronovius, supra II. 39.

⁸⁹ Ut neque in hos . . . mitior]
 Suspiciamus hic aliquid mendi subes-
 se. Sensus patet: ita ut ne in hos
 quidem meos et patriæ meæ milites
 mitior futurus sim, vel futura sit hæc
 dictatura quam gero, quam in vos . . .
 hostes.

U. C. 413. *dicere, hostes. Ergo vos prius in me strinxeritis ferrum, quam*
 A. C. 339. *in vos ego. istinc signa canent, istinc clamor prius incipiet at-*
que inpetus, si dimicandum est. Inducite in animum, quod non
induxerunt patres avique vestri; non illi, qui in Sacrum mon-
tem secesserunt; non hi, qui postea Aventinum insederunt. Ex-
spectate, dum vobis singulis, ut olim Coriolano, matres conju-
gesque crinibus passis obviam ab urbe veniant. Tum Volscorum
legiones, quia Romanum habebant ducem, quieverunt; vos, Ro-
manus exercitus, ne destiteritis in pio bello? T. Quincti, quo-
cumque istic loco, seu volens, seu invitus, constitisti, si dimican-
dum erit, tum tu in novissimos te recipito: fugeris etiam hones-
tius, tergumque civi dederis, quam pugnaveris contra patriam.
Nunc ad pacificandum bene atque honeste inter primos stabis,
*et colloqui hujus salutaris interpretis fueris.*⁹⁰ *Postulate æqua,*
et ferte: quamquam vel iniquis standum est potius, quam in-
pias inter nos conseramus manus. T. Quinctius plenus lacri-
 T. Quinc-
 tius suos ad
 pacem hor-
 tatur.
 marum, ad suos versus, *Me quoque, inquit, milites, si quis*
usus mei est, meliorem pacis, quam belli, habetis ducem. Non
enim illa modo Volscus aut Samnis, sed Romanus, verba fecit;
vester consul, vester imperator, milites: cujus auspicia pro vo-
bis experti nolite adversus vos velle experiri. Qui pugnarent
vobiscum infestius, et alios duces senatus habuit: qui maxime
vobis, suis militibus, parceret, cui plurimum vos imperatori
vestro crederetis, eum elegit. Pacem, etiam qui vincere pos-
sunt, volunt. quid nos velle oportet? quin, omissis ira et spe,
fallacibus auctoribus, nos ipsos nostraque omnia cognita per-
mittimus fidei.

Seditio
 composita.

XLI. Adprobantibus clamore cunctis, T. Quinctius, ante
 signa progressus, in potestate dictatoris milites fore dixit:
 oravit¹, ut caussam miserorum civium susciperet: suscep-
 tamque eadem fide, qua rempublicam administrare solitus
 esset, tueretur. Sibi se privatim nihil cavere: nolle alibi,
 quam in innocentia, spem habere. Militibus cavendum, quod
 apud Patres semel plebi, iterum legionibus cautum sit, ne frau-
 di secessio esset. Quinctio conlaudato, ceteris bonum ani-
 mum habere jussis, dictator, equo citato ad urbem revec-
 tus, auctoribus Patribus, tulit ad populum in luco Petelino,
 ne cui militum fraudi secessio esset. Oravit etiam bona
 venia Quirites, ne quis eam rem joco seriove cuiquam ex-
 probraret.⁹¹ Lex quoque sacrata militaris lata est, ne cujus

¹ non Gron. Crev.

¹ oravitque Ead.

⁹⁰ *Postulate æqua, et ferte]* Si vā
ferre hic dictum est, quemadmodum
 vulgatum illud *ferre condiciones*, pa-
 rum differt ab eo quod præcessit *pos-*
tulate. Hinc nobis in mentem venie-
 bat, num posset exponi, *perferte*, ac-
 cipite æquas] *condiciones*. Tunc ratio

antitheseos expedita et clara esset.
 Sed veremur ne hanc interpretatio-
 nem non patiatur Latini sermonis
 proprietas.

⁹¹ *Lex sacrata]* Vid. not. 81. ad c.
 33. l. II.

militis scripti nomen, nisi ipso volente, deleretur. additum- U. C. 413. que legi, ne quis, ubi tribunus militum fuisset, postea ⁹² or- A. C. 339. dinum ductor esset. Id propter P. Salonium postulatum est ab conjuratis; qui alternis prope annis et tribunus militum, et primus centurio erat, quem nunc primipili adpellant. Huic infensi milites erant, quod semper adversatus novis consiliis fuisset, et ⁹³ ne ^a particeps eorum esset, qui ab Lautulis fugissent. Itaque quum hoc unum propter Salonium ab senatu non inpetraretur; tum Salonius, obtestatus Patres conscriptos, ne suum honorem pluris, quam concordiam civitatis, aestimarent, perpulit, ut id quoque ferretur. Æque inpotens postulatum fuit, ⁹⁴ ut de ^x stipendio equitum (merebant autem ⁹⁵ triplex ea tempestate) æra demerentur, quod adversati conjurationi fuissent.

XLII. Præter hæc invenio apud quosdam, L. Genucium, tribunum plebis, tulisse ad populum, ne fœnerare liceret: item aliis plebiscitis cautum, ne quis eundem magistratum intra decem annos caperet; neu duos magistratus uno anno gereret; utique liceret consules ambos plebeios creari. quæ si omnia concessa sunt plebi, adparet, haud parvas vires defectionem habuisse. Aliis annalibus proditum est, neque dictatorem Valerium dictum, sed per consules omnem rem actam: neque, antequam Romam veniretur, sed Romæ, eam multitudinem conjuratorum ad arma consternatam esse; nec in T. Quinctii villam, sed in ædes C. Manlii, nocte inpetum factum, eumque a conjuratis comprehensum, ut dux fieret: inde ad quartum lapidem profectos loco munito consedissee. nec ab ducibus mentionem concordiae ortam; sed repente, quum in aciem armati exercitus processissent, salutationem factam: et permixtos dextras jungere, ac complecti inter se lacrimantes milites coepisse, coactosque consules, quum viderent aversos a dimicatione militum animos, retulisse ad Patres de concordia reconcilianda. adeo nihil, præterquam seditionem fuisse, eamque compositam, inter antiquos rerum auctores constat. Et hujus fama seditionis,

^a *et ne l. nec Gron. Crev.*

^x *de del. Gron.*

⁹² *Ordinum ductor*] Centurio. Vid. not. 28. ad c. 23. l. II.

⁹³ *Nec particeps*] Lege cum Gronovio: *Et, ne particeps eorum esset, ab Lautulis fugisset.* * Nempe adleverat et proruperat conjuratio per illos qui ad Lautulas substitierant, aliosque ab consule missos exceperant. Licet ergo opinari Salonium ipsum exceptum cum aliis, quod tum quoque illud flagitium improbaret, ab

tumultuantibus fuga se subduxisse, eosque habuisse offensos. † Scripti et prius editi habuerunt *et ne.* Reliqua sunt a conjectura.

⁹⁴ * *Ut de stipendio equitum . . . æra demerentur*] Ut aliquid detraberetur de stipendio quod equitibus dabatur.

⁹⁵ * *Triplex*] Triplum ejus quod pedes accipiebat. † Vid. not. 46. ad c. 12. l. V.

U. C. 413. et susceptum cum Samnitibus grave bellum, aliquot popu-
A. C. 339. los ab Romana societate avertit : et, præter Latinorum infi-
dum jam diu foedus, Privernates etiam Norbam atque Se-
tiam, finitimas colonias Romanas, incursione subita depu-
pulati sunt.

EPITOME LIBRI VIII.

LATINI cum Campanis defecerunt, et, missis legatis ad senatum, conditionem tulerunt, ut, si pacem habere vellent, alterum ex Latinis consulem facerent. Qua legatione perlata, prætor eorum Annius de Capitolio ita prolapsus est, ut exanimaretur. T. Manlius consul filium, quod contra edictum adversus Latinos, quamvis prospere, pugnasset, securi percussit. Laborantibus in acie Romanis, ¹ P. Decius, tunc consul cum Manlio, devovit se pro exercitu: et, concitato equo quum in medios hostes se intulisset, interfectus morte sua Romanis victoriam restituit. Latini in deditionem venerunt. T. Manlio in urbem reverso nemo ex juventute obviam processit. Minucia virgo Vestalis incesti damnata est. Ausonibus victis, in oppidum ex iis captum Cales colonia deducta est. ² Item Fregellæ colonia deductæ sunt. Veneficium complurium matronarum deprehensum est: quarum plurimæ statim epotis medicaminibus perierunt. Lex de veneficio tunc primum constituta est. Privernatibus, quum rebellassent, victis civitas data est. Palæpolitani, bello et obsidione victi, in deditionem venerunt. ³ Q. Publilio, qui eos obscederat, primo et imperium prolatum, et pro consule decretus triumphus. Plebs nexu liberata est propter L. Papirii creditoris libidinem, qui C. Publilio debitori suo stuprum inferre voluerat. Quum L. Papirius dictator reversus in urbem ab exercitu esset propter auspicia repetenda, Q. Fabius magister equitum, occasione rei bene gerendæ invitatus, contra edictum ejus prospere adversus Samnites pugnavit. Ob eam causam quum dictator de magistro equitum supplicium sumturus videretur, Fabius Romam profugit: et, quum causa parum proficeret, populi precibus donatus est. Res præterea contra Samnites prospere gestas continet.

1 P. Decius tunc consul cum Manlio] Adjecit Sigonius vocem consul, quæ recte ei necessaria visa est.

2 Item Fregellæ colonia deductæ sunt] Vel legendum est, Fregellæ colonia deducta est, quemadmodum lib. X. c. 3. colonia Carseoli deducta erat; vel, resectis aliquot vocibus in iis quæ præcedunt, in oppidum ex iis captum Cales, item Fregellas, coloniæ deductæ

sunt.

3 Q. Publilio ... primo et imperium prolatum, et proconsule] Hujus loci emendatio debetur Sigonio, quum prius legeretur: Q. Publilio ... primum imperium prolatum, et per consules ei decretus triumphus. Suam lectionem formavit Sigonius ex Capitolinis tabulis et Livio ipso infra c. 23. et c. 26.

T. LIVII PATAVINI

LIBER VIII.

U. C. 414. **J**AM consules erant C. Plautius secundum, L. Æmilius
A. C. 388. Mamercinus; quum Setini Norbanique Romam, nuncii de-
C. Plautio fectionis Privernatium, cum querimoniis acceptæ cladis ve-
II. L. Æmi- nerunt. Volscorum item exercitum, duce Antiati populo,
lio Coss. consedissee ad Satricum, adlatum est. utrumque bellum Plau-
Victi Pri- tio sorte evenit. Prius ad Privernum profectus extemplo
vernates. acie confligit. haud magno certamine devicti hostes: oppi-
dum captum redditumque Privernatibus, præsidio valido in-
posito: agri ¹ partes duæ ademptæ. Inde victor exercitus
Satricum contra Antiates ductus. Ibi magna utrimque cæ-
de atrox prælium fuit: et quum tempestas eos, neutro in-
clinata spe, dimicantes diremisset, Romani, nihil eo certa-
mine tam ambiguo fessi, in posterum diem prælium parant.
Cum Vol- Volscis, recensentibus quos viros in acie amisissent, haud-
scis dubio quaquam idem animus ad iterandum periculum fuit. nocte
Marte pug- pro victis Antium agmine trepido, sauciis ac parte inpedi-
natum. mentorum relicta, abierunt. Armorum magna vis tum in-
ter cæsa corpora hostium, tum in castris inventa est. *Ea*
Lus mater. ² *Luæ matri dare se*, consul dixit: finesque hostium usque
ad oram maritimam est depopulatus. Alteri consuli Æmi-
lio, ingresso ³ Sabellum agrum, non castra Samnitium, non
legiones usquam obpositæ. ferro ignique vastantem agros
legati Samnitium pacem orantes adeunt, a quo rejecti ad se-
natum, potestate facta dicendi, positis ferocibus animis, pa-
cem sibi ab Romanis, bellicque jus adversus Sidicinos pe-
tierunt. *quæ se eo justius petere*, ⁴ *quod et in amicitiam popu-*

² et del. Gron.

¹ * *Partes duæ*] Duæ tertiæ partes, trientes duo. † Vid. not. 81. ad II. 13. supra.

² *Luæ matri*] Ram Turnebus et post eum Dujatius credunt habitam esse uxorem Saturni, ex A. Gell. XIII. 21. ubi vulgo legitur *Laciam Saturni*, corrupte pro *Luam*. *Lus mater* igitur eadem est, quæ sæpius *Ops* et *Rhea* nominatur, et putatur esse Ter-

ra ipsa. De Lus matre mentio iterum occurrit apud nostrum, XLV. 33.

³ *Sabellum agrum*] Samniticum agrum. Samnites, alio nomine *Sabellus* dictos esse testis est Plin. l. III. c. 12. quia nempe a *Sabinis orti* erant, ut memorat Varro de Ling. Lat. l. VI. c. 3.

⁴ *Quod et in amicitiam*] Particula *et* exstat in aliquot scriptis, teste Gro-

li *Romani secundis suis rebus, non adversis, ut Campani, venissent: et adversus Sidicinos sumerent arma, suos semper hostes, populi Romani numquam amicos. qui nec, ut Samnites, in pace amicitiam, nec, ut Campani, auxilium in bello petissent, nec in fide populi Romani, ⁵ nec in ^b ditione essent.*

II. Quum de postulatis Samnitium Ti. Æmilius prætor senatum consulisset, reddendumque his foedus Patres censuissent, prætor Samnitibus respondit: *Nec quo minus perpetua cum eis amicitia esset, per populum Romanum stetisse: nec contradici, quin, quoniam ipsos belli culpa sua contracti lædium ceperit, amicitia de integro reconcilietur. Quod ad Sidicinos adtineat ^c, nihil intercedi, quo minus Samniti populo pacis bellique liberum arbitrium sit.* Foedere icto, quum domum revertissent, extemplo inde exercitus Romanus deductus, annuo stipendio et trium mensium frumento accepto; quod pepigerat consul, ut tempus induciis daret, quoad legati redissent. Samnites, copiis iisdem, quibus usi adversus Romanum bellum fuerant, contra Sidicinos profecti, haud in dubia spe erant mature urbis hostium potiundæ. Tum ab Sidicinis deditio prius ad Romanos cœpta fieri est: dein, postquam Patres ut seram eam ultimaque tandem necessitate expressam adspernabantur, ad Latinos jam sua sponte in arma motos facta est. ne Campani quidem (adeo injuriæ Samnitium, quam beneficii Romanorum, memoria præsentior erat) his se armis abstinuere. Ex his tot populis unus ingens exercitus, duce Latino fines Samnitium ingressus, plus populationibus, quam proeliis, cladium fecit. et, quamquam superiores certaminibus Latini erant, haud invitæ, ne sæpius dimicandum foret, agro hostium excesse-
re. Id spatium Samnitibus datum est Romam legatos mittendi. qui quum adissent ^d senatum, conquesti eadem se foederatos pati, quæ hostes essent passi, precibus infimis petiere, ut satis ducerent *Romani victoriam, quam Samnitibus ex Campano Sidicinoque hoste eripuissent: ne vinci etiam se ab ignavissimis populis sinerent. Latinos Campanosque, si sub ditione populi Romani essent, pro imperio arcerent Samniti agro; sin imperium abnuerent, armis coërcerent.* Adversus hæc responsum anceps datum, quia fateri pigebat, in potestate sua Latinos jam non esse, timebantque, ⁶ ne arguendo abalienarent: *Campanorum aliam conditionem esse, qui non*

Latini vastant Samnitium agros.

Id queruntur Samnites apud Romanos.

Responsum Romano- rum anceps.

^b in del. Gron.

^c adtinet Gron. Crev.

^d adissent Eæd.

novio. Eam quatuor quoque e nostris servant. Unde admittendam duximus.

⁵ *Nec in ditione*] Reposuimus particulam in, quæ abest a Gronovianis editionibus, sed reperitur in veteri-

bus, et in MSS. Hearnii, et in omnibus nostris.

⁶ *Ne arguendo abalienarent*] Ne arguendo Latinos exuti obsequii, eos ab se prorsus abalienarent, et ad apertam rebellionem incitarent.

U. C. 414. *frædere, sed per deditionem, in fidem venissent: itaque Campanos, seu velint, seu nolint, quieturos. in frædere Latino⁷ nihil esse, quo⁸ bellare, cum quibus ipsi velint, prohibeantur.*

III. Quod responsum sicut dubios Samnites, quidnam facturum Romanum censerent, dimisit, ita Campanos metu abalienavit; Latinos, velut nihil jam non concedentibus Romanis, ferociores fecit. Itaque, per speciem adversus Samnites belli parandi crebra concilia indicentes, omnibus consultationibus inter se principes occulte Romanum coquebant bellum. huic quoque adversus servatores suos bello Campanus aderat. Sed quamquam omnia de industria celabantur, priusque, quam moverentur Romani, tolli ab tergo Samnitem hostem volebant; tamen per quosdam, privatis hospitibus necessitudinibusque conjunctos, indicia conjurationis ejus Romam emanarunt. jussisque ante tempus consulibus abdicare se magistratu, quo maturius novi consules adversus tantam molem belli crearentur, religio incessit, ab eis, quorum imminutum imperium esset, comitia haberi. Itaque interregnum initum. duo interreges fuerunt, M. Valerius ac M. Fabius. Creati consules, T. Manlius Torquatus tertium, P. Decius Mus⁹. ⁸ Eo anno Alexandrum, Epiri regem, in Italiam classem adpulisse constat. quod bellum, si prima satis prospera fuissent, haud dubie ad Romanos pervenisset. Eadem ætas rerum Magni Alexandri est: quem, sorore hujus ortum, in alio tractu orbis, invictum bellis juvenem, fortuna morbo exstinxit. Ceterum Romani, etiam defectio sociorum nominisque Latini haud dubia erat; tamen, tamquam de Samnitibus, non de se, curam agerent, decem principes Latinorum Romam evocaverunt, quibus imperarent quæ vellent. Prætores tum duos ⁹ Latium habebat⁸, L. Annium Setinum et L. Numisium⁹ Circeiensem, ambo ex coloniis Romanis: per quos, præter Signiam Velitrasque, et ipsas colonias Romanas, Volsci etiam exciti ad arma erant. eos nominatim evocari placuit. Haud cuiquam dubium erat, super qua re adcirentur. itaque, concilio prius

Latini occulte moluntur bellum in Rom.

U. C. 415.
A. C. 337.
T. Manlio
III. P. Decio
Coss.

X. Principes Latinorum Romam evocati.

⁷ quod Crev. ⁸ Is creavit consules T. Manlium Torquatulum tertium, P. Decium Murem. Gron. Crev. ⁹ Latini habebant Ead. ^h Numisium Ead.

⁷ Nihil esse, quod prohibeantur] Gronovius ex unius codicis auctoritate legi jussit quo. Sed non videmus, cur consensum librorum hic spernere debeamus. Nihil esse quod, id est, propter quod. Usitatissimum est hoc loquendi genus.

⁸ Eo anno Alexandrum, Epiri regem, classem in Italiam appulisse constat] Hic parum diligentem fuisse Livium putat Henr. Dodwellus, expedi-

tionemque Alexandri Epiriensis rejiciendam potius esse in annum ab hoc qui nunc agitur octavum, quo memorat Livius infra c. 17. victoriam Alexandri de Lucanis et Samnitibus. Vid. Dissert. X. doctissimi viri de cyclis Rom. Sect. 76.

⁹ Latini habebant] Aliquot scripti, nec numero, nec auctoritate spernendi, Latium habebat.

habito, prætores, quam Romam proficiscerentur, evocatos U. C. 415. se ab senatu docent Romano, et, quæ actum iri secum cre- A. C. 337. dant, quidnam ad ea responderi placeat, ¹⁰ referunt.

IV. Quum aliud aliū censerent, tum Annius: Quamquam ipse ego retuli, quid responderi placeret, tamen magis ad summam rerum nostrarum pertinere arbitror, quid agendum nobis, quam quid loquendum sit. facile erit, explicatis consiliis, adcommodare rebus verba. Nam, si etiam nunc sub umbra fœderis, æqui servitutem pati possumus, quid abest, quin, proditiā, Sidicinis, non Romanorum solum, sed Samnitium quoque dicta paramus, respondeamusque Romanis, nos, ubi innuerint, posituros arma? Sin autem tandem libertatis desiderium remordet animos, si fœdus est, ¹¹ si societas æquatio juris est, si consanguineas nos Romanorum esse, quod olim pudebat, nunc gloriari licet, si socialis illis exercitus is est, quo adjuncto duplicent vires suas, quem sacernere ab se consules ¹² bellis propriis ponendis sumendisque nolint; cur non omnia æquantur? cur non alter ab Latinis consul datur? ubi pars virium, ibi et imperii pars est? Est quidem nobis hoc per se haud nimis amplum, quippe concedentibus, Romam caput Latio esse, sed, ut amplum videri posset, diuturna patientia fecimus. Atqui, si quando unquam consociandi imperii, usurpandæ libertatis tempus optastis, en hoc tempus adest, et virtute vestra, et Deum benignitate vobis datum. Tentastis patientiam negando militem, quis dubitat exarsisse eos, quum ¹³ plus ducentorum annorum morem solveremus? pertulerunt tamen hunc dolorem. Bellum nostro nomine cum Pelignis gessimus, qui ne nostrorum quidem finium nobis per nos tuendorum jus antea dabant, nihil intercesserunt. Sidicinos in fidem receptos, Campanos ab se ad nos descisse, exercitus nos parare adversus Samnites fœderatos suas audierunt, nec moverunt se ab urbe. Unde hæc illis tanta modestia, nisi a conscientia virium et nostrarum, et suarum? Idoneos auctores habeo, quærentibus de nobis Samnitibus ita responsum ab senatu Romano esse, ut facile appareret, ne ipsos quidem jam postulare, ut Latium sub Romano imperio sit.

¹⁰ * Referunt] Expendendum proponunt, deliberare jubent, Vid. not. 72. ad III. 39.

¹¹ Si societas æquatio juris est] Falsa definitio societatis. Multi enim obnoxia pace et impari fœdere in societatem veniebant. Fortasse Livius scripserat, si societas, ea nempe, quæ est Romanos inter et Latinos, æquatio juris est. Lib. XXXIX. c. 37. Si fœdus ratum est, si societas et amicitia ex æquo observatur. GRONOVIVS. * Attamen quum Livius sæpe in orationi-

bus, non tam, quid verum sit, quam quid ad præsentem causam accommodatum, intueatur, nobis Gronoviana emendatio non omnino videtur esse necessaria.

¹² Bellis propriis ponendis] Componendis, pace commutandis. Qui enim pacem haud obnoxiam cupit, is viribus iis instructus esse debet, quibus bellum possit gerere.

¹³ Plus ducentorum annorum] Si a Tarquinio Superbo numeres, non multum a ducentis annis res abierit.

U. C. 416.
A. C. 337.

¹⁴ *Usurpate modo postulando eo, quod illi vobis taciti concedunt. Si quem hoc metus dicere¹ prohibet, en ego ipse, audiente non populo Romano modo senatuque, sed Jove ipso, qui Capitolium incolit, profiteor me dicturum; ut, si nos in fœdere ac societate esse velint, consulem alterum ab nobis¹⁵ senatusque partem accipiant. Hæc ferociter non suadenti solum, sed pollicenti, clamore et adsensu omnes permiserunt, ut ageret diceretque, quæ e republica nominis Latini fideque sua viderentur.*

Legati Latini
superba oratio in
senatu Rom.

V. Ubi est Romam ventum, in Capitolio¹⁶ eis senatus datus est. Ibi quum T. Manlius consul egisset cum eis ex auctoritate Patrum, ne Samnitibus fœderatis bellum inferrent; Annius, tamquam victor armis Capitolium cepisset, non legatus, jure gentium tutus, loqueretur, *Tempus erat, inquit, T. Manli, vosque Patres Conscripti, tandem jam vos nobiscum nihil pro imperio agere, quam florentissimum Deum benignitate nunc Latium armis virisque, Samnitibus bello victis, Sidicinis Campanisque sociis, nunc etiam Volscis adjunctis, videretis; colonias quoque vestras Latinum Romano prætulisse imperium. Sed quoniam vos, regno inpotenti finem ut inponatis, non inducitis in animum; nos, quamquam armis possumus adserere Latium in libertatem, consanguinitati tamen hoc dabimus, ut conditiones pacis feramus æquas utrisque, quoniam vires quoque æquari Diis immortalibus placuit. Consulem alterum Roma, alterum ex Latio creari oportet: senatus partem æquam ex utraque gente esse: unum populum, unam rempublicam fieri: et, ut imperii eadem sedes sit, idemque omnibus nomen, quoniam ab alterutra parte concedi necesse est; quod utrisque bene vertat, sit hæc sane patria potior, et Romani omnes vocemur. Forte ita accidit, ut parem ferociæ hujus et Romani consulem T. Manlium haberent: qui adeo non tenuit iram, ut, si tanta dementia Patres conscriptos cepisset, ut ab Setino homine leges acciperent, gladio cinctum in senatum venturum se esse, palam diceret, et, quemcumque in curia Latinum vidisset, sua manu interempturum. et, conversus ad simulacrum Jovis, *Audi, Jupiter, hæc scelera*, inquit, ¹⁷ *audite,**

T. Manlii
plena indignationis
responsio.

¹ *dicere metus* Gron. Crev.

¹⁴ *Usurpate modo postulando eo, quod illi vobis taciti concedunt*] Vobis illi taciti concedunt, ne sub eorum jam imperio sitis. Superest tantum ut vos id aperte postulando, in illius juris possessionem Latium inducatia. *Usurpare* non est id Latine quod Gallice dicimus *usurper*, sed usum alicujus rei capessere. Sic supra in hac ipsa oratione, *usurpanda libertatis*.

¹⁵ *Senatusque partem*] Dimidiam: ut clare exprimit idem Annius, c. seq.

senatus partem æquam ex utraque gente esse. Vid. et not. 81. ad II. 13. supra.

¹⁶ *Eis senatus*] Intellige Annium et collegas. Supra dictum est decem principes Latinorum Romam evocatos. Vulgo editi habent *ei*. Sed *ei* eis præferunt aliquot scripti a Gronovio inspecti, et quatuor e nostris. Et mox sequitur *egisset cum eis*.

¹⁷ *Audite, Jus Fasque*] Sic supra, I. 32. *Audiat Fas*. Vid. ibi not. 38.

jus fasque. Peregrinos consules et peregrinum senatum in tuo, U. C. 415. Jupiter, augurato templo, captus atque ipse obpressus, visurus A. C. 337. es? Hæccine fœdera Tullus Romanus rex cum ¹⁸ Albanis, patribus vestris, Latini, hæc L. Tarquinius vobiscum postea fecit? Non venit in mentem pugna apud Regillum lacum? adeo et cladium veterum vestrarum et beneficiorum nostrorum erga vos obliti estis?

VI. Quum consulis vocem subsecuta Patrum indignatio esset, proditur memoriæ, adversus crebram inplorationem Deum, quos testes fœderum sæpius invocabant consules, vocem Annii, spernentis numina Jovis Romani, auditam. certe, quum commotus ira se ab vestibulo templi citato gradu proriperet, lapsus per gradus, capite graviter ob-
 fenso, inpactus imo ita est saxo, ut ¹⁹ sopiretur. Exanima-
 tum auctores quoniam non omnes sunt, mihi quoque in in-
 certo relictum sit: sicut inter fœderum raptorum testatio-
 nem ingenti fragore cœli procellam effusam. nam et vera
 esse, et apte ²⁰ ad repræsentandam iram Deum ficta pos-
 sunt. Torquatus, missus ab senatu ad dimittendos lega-
 tos, quum jacentem Annium vidisset, exclamat, ita ut po-
 pulo Patribusque audita vox pariter sit, *Bene habet. Dii*
²¹ *pium movere^k bellum. Est cœleste numen! es, magne Ju-*
piter! haud frustra te patrem Deum hominumque hac sede
sacravimus. Quid cessatis, Quirites, vosque, Patres conscripti,
arma capere Diis ducibus? Sic stratas legiones Latinorum
dabo, quemadmodum legatum jacentem videtis. Adsensu po-
puli excepta vox consulis tantum ardoris animis fecit, ut
legatos proficiscentes cura magistratum magis, qui jussu
consulis prosequerentur, quam jus gentium, ab ira inpetu-
que hominum tegeret. ²² *Consensit et senatus bellum:*
consulesque, duobus scriptis exercitibus per Marsos Pelig-
nosque profecti, adjuncto Samnitium exercitu, ad Capuam,
quo jam Latini sociique convenerant, castra locant. Ibi in
quiete utrique consuli eadem dicitur visa species viri mayo-
ris, quam pro humano habitu, augustiorisque, dicentis:
Ex una acie imperatorem, ex altera exercitum Diis manibus
matricque Terræ deberi; utrius exercitus imperator legiones
hostium, superque eas se devovisset, ejus populi partisque victo-
riam fore. Hos ubi nocturnos visus inter se consules contu-
 sum.

Legatus
Latinus
lapsu gravi
sopitus.

Bellum La-
tinum.

Spectrum
per quie-
tem utrique
consuli vi-
sum.

^k *movete* Gron. Crev.

¹⁸ * *Albanis, patribus vestris, Latini*] Nempe Latini ab Alba oriundi erant, ut observat Tarquinius Superbus, l. l. c. 52. Vid. et c. 3. ejusdem libri I.

¹⁹ * *Sopiretur*] Vid. not. 6. ad l. 41.

²⁰ * *Ad repræsentandam iram deum*] Ut præsens interfuisse videatur nu-

men et ira deorum.

²¹ * *Pium movete bellum*] Incipite adversus numinis vestri contemptores pium justumque bellum; signum quodammodo dare bello.

²² * *Consensit et senatus bellum*] Vid. not. 43. et 44. ad l. 32.

U. C. 415. lerunt; placuit ²³averruncandæ Deam iræ victimas cædi:
 A. C. 337. simul ut, si extis eadem, quæ somno visa fuerant, portende-
 rentur, alteruter consulum fata impleret. Ubi responsa
 aruspicum insidenti jam animo tacite religioni congruerunt;
 tum, adhibitis legatis tribunisque, et imperiis Deam propa-
 lam expositis, ne mors voluntaria consulis exercitum in
 acie terreret, comparant inter se, ut, ab utra parte cedere
 Romanus exercitus cœpisset, inde se consul devoveret pro
 populo Romano Quiritibusque. ²⁴Agitatum etiam in con-
 silio est, ut, si quando umquam severo ullum imperio bel-
 lum administratum esset, tunc uti disciplina militaris ad
 priscos redigeretur mores. Curam acuebat, quod adversus
 Latinos bellandum erat, lingua, moribus, armorum genere,
 institutis ante omnia militaribus congruentes: milites mili-
 tibus, centurionibus centuriones, tribuni tribunis compares
 collegæque, ²⁵iisdem præsiidiis, sæpe iisdem manipulis per-
 mixti fuerant: per hæc ne quo errore milites caperentur,
 edicunt consules, ne quis extra ordinem in hostem pugna-
 ret.

Ne quis
extra ordi-
nem pug-
naret, edi-
citur.

Manlium
Cœs. filium
Geminus
provocat ad
singulare
certamen.

VII. Forte inter ceteros turmarum præfectos, qui explo-
 ratum in omnes partes dimissi erant, T. Manlius consulis
 filius super castra hostium cum suis turmalibus evasit, ita
 ut vix teli jactu ab statione proxima abesset. ibi Tusculani
 erant equites. præerat Geminus¹ Metius, vir tum genere
 inter suos, tum factis, clarus. Is ubi Romanos equites, in-
 signemque inter eos præcedentem consulis filium, (nam om-
 nes inter se, utique inlustres viri, noti erant) cognovit,
*Unane, ait, turma Romani cum Latinis sociisque bellum ges-
 turi estis? quid interea consules, quid duo exercitus consulares
 agent? Aderunt in tempore, Manlius inquit, et cum illis ade-
 rit Jupiter ipse, fœderum a vobis violatorum testis, qui plus
 potest, polletque. Si ad Regillum lacum ad satietatem vestram
 pugnavimus, hic quoque efficiemus profecto, ne nimis acies
 vobis et conlata signa nobiscum cordi sint. Ad ea Geminus,
 paullulum ab suis equo^m proventus, Visne igitur, dum dies
 ista venit, qua magno conatu exercitus moveatis, interea tu ipse
 congregari mecum, ut nostro duorum jam hinc eventu cernatur,
 quantum equës Latinus Romano præstet? Movet ferocem
 animum juvenis seu ira, seu detrectandi certaminis pudor,*

¹ Geminus. sic semper Gron. Crev.

^m eo Gron.

²³ * *Avetruncandæ*] Veteres *ver-
runcare* dicebant pro *vertere* et *aver-
runcare* pro *avertere*. Atque illa ver-
ba propria manserunt in sacris.

²⁴ *Agitatum etiam in consilio est,*
ut tunc uti disciplina] Sigonius
 admonet legendum esse *tunc utique,*
 quod est, tunc omnino, tunc maxime:

ne vel ut vacet, vel uti. Nec impro-
 babilis conjectura est. Tamen non
 rara occurrunt exempla geminatæ
 particulæ *ut*, ubi semel expressa suf-
 ficeret. Vid. not. ad XXII. 11.

²⁵ * *Iisdem præsiidiis*] Iisdem in ex-
 ercitiis. Vid. infra not. I. ad IX.
 24.

seu inexsuperabilis vis fati. oblitus itaque imperii patrii, con- U. C. 415.
sulumque edicti, præceps ad id certamen agitur, quo, vince- A. C. 337.
ret, an vinceretur, haud multum interesset. equitibus ceteris
velut ad spectaculum submotis, spatio, quod vacui interjace-
bat campi, adversos concitant equos: et, quum infestis cus-
pidibus concurrissent, Manlii cuspis super galeam hostis,
Metii trans cervicem equi elapsa est. Circumactis deinde
equis, quum prior ad iterandum ictum Manlius consurrexis- Vincit Man-
set; spiculum inter aures equi fixit. ad cuius vulneris sen- lius.
sum quum equus, prioribus pedibus erectis, magna vi caput
quateret, excussit equitem: quem cuspide parmaque inni-
sum, adtollentem se ab gravi casu, Manlius ab jugulo, ita
ut per costas ferrum emineret, terræ adfixit. spoliisque le-
ctis ad suos revectus, cum ovante gaudio turma in castra,
atque inde ad prætorium ad patrem, tendit, ²⁶ ignarus fati
futurique, laus an poena merita esset, *Ut me omnes, inquit,
pater, tuo sanguine ortum vere ferrent, provocatus equestria
hæc spolia capta ex hoste cæso porto.* Quod ubi audivit con- A patre se-
sul, extemplo, filium aversatus, concionem classico advocari curi percu-
iussit. quæ ubi frequens convenit, *Quandoque*^o, inquit, tu, titur.
*T. Manli, neque imperium consulare, neque majestatem patriam
veritus, adversus edictum nostrum extra ordinem in hostem pu-
gnasti, et, quantum in te fuit, disciplinam militarem, qua stetit
ad hanc diem Romana res, solvisti, meque in eam necessitatem
adduxisti, ut aut reipublicæ mihi, aut mei meorumque oblivis-
cendum sit; nos potius nostro delicto plectemur, quam respubli-
ca tanto suo damno nostra peccata luat. triste exemplum, sed
in posterum salubre^r juventuti, erimus. Me quidem quum in-
genita caritas liberam, tum²⁷ specimen istud virtutis, deceptum
vana imagine decoris, in te movet. Sed quum aut morte tua
sancienda sint consulum imperia, aut impunitate in perpetuum
abroganda; ne te quidem, si quid in te nostri sanguinis est, re-
cusare censeam, quin disciplinam militarem, culpa tua prolap-
sam, poena restituas. I, lictor, deliga ad palum.* Exanimati
omnes tam atroci imperio, nec aliter quam in se quisque
destrictam^p cernentes securim, metu magis, quam modes-
tia, quievere. Itaque, ²⁸ velut emerso ab admiratione animo,

²⁶ facti Crev. ^o Quandoquidem Gron. Crev. ^p districtam Eæd.

²⁶ Ignarus facti] Sic habent vete-
res editi, et tres e scriptis nostris vel
optimi: melius, quam quomodo vulgo
editur fati. Ignarus facti, i. e. igna-
rus quale esset id quod fecerat: cre-
dens factum suum laude dignum esse,
quum revera poena dignum esset.

²⁷ Specimen . . virtutis deceptum]
Specimen istud virtutis quod edidisti
deceptus vana imagine decoris. Pos-
set quoque et deceptum referri ad te

quod sequitur: sed ut simplicior ora-
tio, ita impeditior structura fieret.

²⁸ Velut emerso ab admiratione ani-
mo, quum silentio defixi stetissent]
Hæc sibi non bene conveniunt. Stant
enim silentio defixi, qui admirantur,
non quorum emersus est ab admira-
tione animus, id est, e stupore, qui
primo oppresserat, expergefactus.
Suspicamur luxatum esse potius lo-
cum, quam corruptum, sicque omnia

U. C. 413. quum silentio defixi stetissent; repente, postquam cervice
A. C. 337. cæsa fusus est cruor, tum libero conquestu coortæ voces
sunt, ut neque lamentis, neque execrationibus parceretur:
spoliisque contectum juvenis corpus, quantum militaribus
studiis funus ullum concelebrari potest, structo extra val-
lam rogo cremaretur: Manlianaque imperia non in præ-
sentia modo horrenda, sed exempli etiam tristici in posterum
essent.

VIII. Fecit tamen atrocitas poenæ obedientiorem duci
militem: et, præterquam quod custodiæ vigiliæque et ordo
stationum intentioris ubique curæ erant, in ultimo etiam
certamine, quum descensum in aciem est, ea severitas pro-
fuit. ²⁹ Fuit autem ⁹ civili maxime bello pugna similis.
adeo nihil apud Latinos dissonum ab Romana re, præter
animos, erat. Clipeis antea ³⁰ Romani usi sunt: deinde,
postquam ³¹ stipendiarii facti sunt, ³² scuta pro clipeis fece-
re: ³³ et, quod antea phalanges similes Macedonicis, hoc
postea manipulatim structa acies coepit esse. Postremo in
plures ordines instruebantur. ³⁴ ordo sexagenos milites, duos

⁹ enim Gron.

in ordinem revocari posse: itaque
quum silentio defixi stetissent, repente,
postquam cervice cæsa fusus est cruor,
velut emerso ab admiratione animo,
tum, sive potius tam libero conquestu
coortæ voces sunt, ut neque lamentis,
neque execrationibus parceretur. Si-
mile vitium pari remedio curare cona-
bimur l. XXII. c. 38. et alibi.

²⁹ Fuit autem] Vulgo fuit enim.
Sed ⁹ autem exhibent septem codd.
nostri, et quatuor a Gronovio allegati.

³⁰ Romani usi sunt] Sic habet op-
timus e nostris MSS. cum Victorino:
sic et Gronovii edidere. Alii Roma-
nis: male.

³¹ Stipendiarii] Stipendiarius vul-
go est is qui stipendium solvit. Hic
contra sumitur pro eo qui stipendium
accipit. Postquam stipendiarii facti
sunt, i. e. postquam stipendia de pub-
lico accipere coepere.

³² Scuta pro clipeis fecere] Quum
ante pars scutis, pars clipeis uteren-
tur, ut constat ex l. I. c. 43. omnes
postea scutis usi sunt. De discrimine
inter scutum et clypeum vid. not. 20.
ad locum modo memoratum.

³³ Et, quod antea phalanges . . . hoc]
Elegantius legi videretur, quod monet
Gronovius, Et, quæ antea phalanges
. . . hæc postea . . . acies. Et vero duo e
nostris libris habent hæc. Sensus est:
Legio Romana erat primo similis pha-
langi Macedonicæ, et tota simul con-

jectim, nullis relictis inter ordines
intervallis, in acie stabat. Postea per
manipulos divisos spatiis a se invicem
strui in acie ac pugnare coepit: post-
remo in plures ordines distribui, qui
in quolibet manipulo duo erant. Ce-
terum manipuli quidem fuere jam sub
Romulo, atque etiam ante urbem con-
ditam, ut constat ex testimonio Auc-
toris libri de Orig. gentis Rom. ex
Ovid. l. III. Fast. v. 117. et Plut. in
Rom. Verum hoc vult Livius, mani-
pulos primo divisos in pugna et secre-
tos a se invicem non fuisse, nec inter
eos relictis intervalla. Sic et ipsa illa
Macedonum phalanx, quamvis om-
nia devincta et juncta in acie haberet,
habuit tamen discrimina sua et sec-
tiones usque ad centurias et decu-
rias.

Quæ sequuntur in Livio, quum in
multis vitata videantur, duplici modo
edi curavimus: ac 1^o. textum ipsum
Livii, qualis in vulgatis habetur; 2^o.
eundem textum a Lipsio emendatum
exhibemus. In eo interpretando Lip-
sium quoque sequimur, qui de toto
hoc loco fuse disseruit l. II. de Mil.
Rom. Dial. 3.

³⁴ Ordo sexagenos milites et duos]
Nihil certius hac Lipsii emendatione.
Polyb. l. VI. aperte in quolibet mani-
pulo duas distinguit partes, dextram
et sinistram: cuique parti suum cen-
turiationem, suumque signiferum assig-

centuriones, vexillarium unum habebat. prima acies ³⁵ hastati erant, ³⁶ manipuli quindecim, distantes inter se modicum spatium: manipulus leves vicos milites, aliam turbam scutorum habebat. leves autem, qui ³⁷ hastam tantum ³⁸ gæsaque gererent, vocabantur. Hæc prima frons in acie florem juvenum pubescentium ad militiam habebat. Robustior inde ætas totidem manipulorum, ³⁹ quibus principibus est nomen, hos sequebantur, scutati omnes, insignibus maxime armis. hoc ⁴⁰ triginta^r manipulorum agmen ⁴¹ antepilanos adpellabant, quia ⁴² sub signis jam alii ⁴³ quindecim ⁴⁴ ordines locabantur: ⁴⁵ ex quibus ordo unusquisque tres partes habebat. earum unamquamque ⁴⁶ primum ⁴⁷ pilum vocabant. ⁴⁸ Tribus ex vexillis constabat. vexillum

^r viginti Crev.

nat. Hoc unum discrepat, quod apud eum ordo est sexagenam militum, hic sexagenum et duorum. Sed hunc numerum firmum esse et verum ex eo patet, quod infra in tribus vexillis, sive ordinibus, centum et octoginta sex homines numerantur.

³⁵ *Hastati*] Eos Varro l. IV. de Lingua Lat. vult ab eo dictos, quod *primi*, sive potius *primo hastis pugnabant*. Hastæ autem illæ intelligendæ sunt hastæ jaculatoriæ, quæ postea apud levem tantum armaturam remanserunt. Hastati enim hoc jam tempore, de quo Livius nunc agit, licet antiquum obtinerent nomen, videntur tamen non jam hastis, sed gladiis et pilis pugnasse: ac leves illi viceni milites, qui unicuique manipulo Hastatorum admisti erant, hastam tantum gæsaque gerentes, fuisse videntur reliquis veterum Hastatorum. Polyb. l. VI. diserte attribuit Hastatis ævi sui gravem armaturam.

³⁶ *Manipuli decem*] Non quindecim: ut sint in tota legione triginta manipuli. Sic Cincius apud A. Gell. XVI. 4. sic Ovid. l. III. Fast. v. 127. sic Polyb. l. VI.

³⁷ *Hastam*] Jaculatoriam.

³⁸ *Gæsa*] *Gæsum*, sive *Gerum* telum Gallicum erat totum e ferro. Vid. Voss. de Vitiis Sermonis, l. I. c. 2.

³⁹ *Quibus Principibus est nomen*] Hi nimirum videntur olim principem in acie locum tenuisse: atque inde illis nomen. Vid. Lips. lib. II. de Milit. Rom. Dial. 1. et lib. IV. Dial. 2.

⁴⁰ *Viginti*] Ex ante dictis.

⁴¹ *Antepilanos appellabant*] Quia ipsos sequebantur decem alii manipuli, qui singuli in tres partes divide-

bantur, et earum partium unamquamque primam Pilum vocabant. Quia igitur ante Pilum positi illi, Antepilani dicti.

⁴² *Sub signis*] Cuique manipulo sua erant signa. Sed sæpe signa simpliciter poni videntur pro præcipuis legionis signis, quæ quidem videntur fuisse apud Triarios. Aquilæ certe, quod commune erat totius legionis signum, præpositus erat centurio primipili, sive centurio primi Triariorum ordinis.

⁴³ *Decem*] Manipuli.

⁴⁴ *Ordine*] Sic Lipsius, quum vulgo legatur ordines. Mellius fortasse vox ordines omnino deleteretur, quod et ipse Lipsius monet.

⁴⁵ *Ex quibus unusquisque*] Manipulus.

⁴⁶ *Primam*] E tribus illis partibus cujusque manipuli primam vocabant Pilum. Absurda est vulgata lectio: earum unamquamque primum pilum vocabant. Quid enim stultius, quam singulas partes primas dicere?

⁴⁷ *Pilum*] Pilum proprium fuerat primo telum Triariorum: unde et *Pilanos* eos, et totum illum ordinem *Pilum* appellabant. Postea pilo Hastati et Principes usi: Triarii vero pro pilis assumpserunt hastas. Vid. Polyb. l. VI. Porro pili hastile erat trium cubitorum: ferrum extabat ad cubitum et semissem. Itaque justa longitudo totius pili erat quatuor cubitorum cum semisse, sive septem fere pedum. Accuratiorem pili descriptionem vide apud Polyb. l. VI. et ad eam notas Lipsii, l. III. de Mil. Rom. Dial. 4.

⁴⁸ *Tribus ex vexillis constabat*] U.

U. C. 414.
A. C. 337.

⁴⁹centum octoginta sex homines erant. Primum vexillum
⁵⁰triarios ducebat, veteranum militem spectatæ virtutis: se-
cundum ⁵¹rorarios, minus roboris ætate factisque: tertium
⁵²accensos, minimæ fiduciæ manum. eo et in postremam
aciem rejiciebantur. Ubi his ordinibus exercitus instructus
esset, hastati omnium primi pugnam inibant. si hastati pro-
figare hostem non possent, pede presso eos retrocedentes
⁵³in intervalla ordinum principes recipiebant. tum princi-
pum pugna erat; ⁵⁴hastati sequebantur. triarii sub vexillis
considebant, ⁵⁵sinistro crure porrecto, ⁵⁶scuta innisa humeris,
hastas ⁵⁷subrecta cuspide ⁵⁸in terra fixas, ⁵⁹haud secus quam
vallo septa inhorreret acies, tenentes. Si apud principes quo-
que haud satis prospere esset pugnatum, a prima acie ad tria-
rios sensim referebantur. inde *rem ad triarios redisse*, quum
laboratur, proverbio increbruit. Triarii consurgentes, ubi in
intervalla ordinum suorum principes et hastatos recepissent,
extemplo compressis ordinibus velut claudebant vias: uno-
que continenti agmine, jam nulla spe post relicta, in hostem
incidebant: id erat formidolosissimum hosti, quum, velut
victos insecuti, novam repente aciem exsurgentem auo-
tam numero cernebant. Scribebantur autem quatuor fere
legiones ⁶⁰quinis millibus peditum, equitibus in singulas

Qui nume-
rus copia-
rum in ex-
ercitibus.

* Creverius totum hunc locum inde a verbis *ordo sexagenos* ex emendatione
Lipsii textui inseruit, ita tamen, ut textum vulgatum una retineret. [†]*continente*
Gron. Crev.

nusquisque manipulus, quum tres ha-
beret partes, tria quoque habebat vex-
illa.

⁴⁹*Centum octoginta sex homines
erant*] In tribus vexillis. Merito era-
dit hic Lipsius vocem *vexillum*. Si
enim in quoque vexillo homines cen-
tum octoginta sex, erunt in sola hac
tertia acie 5580.

⁵⁰*Triarios*] Sic dictos, teste Var-
rone, quod in acie tertio ordine loca-
bantur.

⁵¹*Rorarios*] Rorarii milites inde
dicti videntur, quod quum leviter ar-
mati essent, quemdam tantummodo
missilium velut rorem spargerent.

⁵²*Accensos*] *Accensos* interpretatur
Festus, qui ad censum legionum adji-
ciebantur: i. e. qui extra numerum
extraque ordinem legioni jam comple-
tæ adscribebantur, ut in locum de-
mortuorum militum subrogarentur,
interim jaculis missilibusque telis pug-
naturi. Vid. not. 24. ad I. 43.

⁵³*In intervalla ordinum*] Quæ qui-
dem ita disposita erant, ut responde-
rent manipulis Hastatorum. Itaque
Hastati retrocedentes, in illas vias

recta incidebant. Similiter Principum
manipuli opposita habebant a tergo
Triariorum intervalla.

⁵⁴*Hastati sequebantur*] In secun-
dam aciem post Principes recepti.

⁵⁵*Sinistro crure porrecto*] Et ge-
nu dextero innixi, ut habetur in c.
seq.

⁵⁶*Scuta innixa humeris*] A situ
ipso sic subsidentium Triariorum scu-
ta in humeros inclinabantur.

⁵⁷*Subrecta cuspide*] Plerique libri
sub erecta: quod plane vitiosum erat.
Correxit Gronovius ex uno e suis MSS.
cui assentiuntur duo codd. unus Hear-
nio, alter nobis inspectus.

⁵⁸*In terra fixas*] Magis placeret
cum Jac. Gronovio legere *in terram*:
quomodo edidit Campanus, et servat
Victor. codex.

⁵⁹*Haud secus quam*] Bene Grono-
vius, *ut haud secus quam*. Et sic unus
e nostris MSS.

⁶⁰*Quinis millibus peditum*] Si ad-
mittantur Lipsianæ emendationes,
quas supra attulimus, unaquæque le-
gio habebit in prima acie Hastatos
1240. in secunda, Principes 1240. in

⁶¹ legiones trecentis. ⁶² alterum tantum ex Latino delectu ad, U. C. 415. jiciebatur, qui ea tempestate hostes erant Romanis, eodem, A. C. 337. que ordine instruxerant aciem: nec vexilla cum vexillis tantum, universi hastati cum hastatis, principes cum principibus; sed centurio quoque cum centurione, si ordines turbati non essent, concurrendum sibi esse sciebant. Duo primipili ex utraque acie inter triarios erant: Romanus corpore haudquaquam satis validis, ceterum strenuus vir peritusque militiae: Latinus viribus ingens bellatorque primus; notissimi inter se, quia pares semper ordines duxerant. Romano, haud satis fidenti viribus, jam Romae permissum erat ab consulibus, ut subcenturionem sibi, quem vellet, legeret, qui tutaretur eum ab uno destinato hoste. isque juvenis, in acie oblati, ex centurione Latino victoriam tulit. Pugnatum est haud procul radicibus Vesuvii montis, qua via ad Vesperim ferebat. Pugna cum Latinis.

IX. Romani consules prius, quam educerent in aciem, immolaverunt. Decio ⁶³ caput jecinoris a ⁶⁴ familiari parte ⁶⁵ caesum aruspex dicitur ostendisse; alioqui acceptam Diis hostiam esse: Manlium egregie litasse. *Atqui bene habet,* inquit Decius, *si ab collega litatum est.* Instructis, sicut ante dictum est, ordinibus, processere in aciem. Manlius dextro, Decius laevo cornu praerat. primo utrimque aequis viribus, eodem ardore animorum gerebatur res: deinde ab laevo cornu hastati Romani, non ferentes impressionem La-

⁶¹ semper pares Gron. Crev. ⁶³ jecinoris Ead.

tertia, Triarios 630. Rotarios totidem, totidemque Accensos. In universum omnis legio erit peditum 4340. Itaque legendum hic *quaternis* millibus, non *quinis*. Et sane his temporibus, ac diu etiam postea, legio nunquam non fere quaternis millibus peditum censetur. Exempla passim suppetunt.

⁶¹ Legiones] Parum hic necessaria videtur vox *legiones*, ut quae in superiore versu reperitur.

⁶² Alterum tantum] *Alterum tantum* est, ex ipsa verborum vi, secunda quaedam summa priori aequalis, adeoque modo intelligi debet tantumdem, modo duplum, quemadmodum haec apud nos locutio *une fois autant*. Si v. g. ad quatuor *alterum tantum* adjicere velis, addes alia quatuor. At si datis uni homini, v. g. quatuor assibus, alii *alterum tantum* dare cupis, octo asses dabis. Priore modo hic usurpatur *alterum tantum*. Ut plurimum enim, teste Polybio, l. VI. quatuor legionibus Romanis par numerus peditum e Latinis, duplex eorum

adjiciebatur. Si ergo in quatuor legionibus homines erant 18560. adjiciebantur e Latino delectu 19760. paulum scilicet excedente Latinorum numero, ob duplicem equitum numerum. *Alterum tantum* posteriore sensu positum reperitur quum alibi saepius, tum infra X. 46.

⁶³ Caput jecinoris] Quid in jecinore caput appellaverint, haud satis constat. Fortasse summam ejus partem, quae et convexa est, et angustior infima. Quanquam vix intelligitur, quomodo haec pars potuerit interdum abesse, quod de capite jecinoris haud raro narrant scriptores.

⁶⁴ Familiari parte] In jecinore familiarem partem, et hostilem, sive partem inimici distinguebant. Ex illa eventus suos, ex hac hostium fata colligebant.

⁶⁵ Caesum] Vel incisum, sectum; vel decisum, ita ut omnino abesset. Harduinus in notis ad Plin. XI. 37. interpretatur, victimarii cultro per imprudentiam laesum.

U. C. 415.
A. C. 337.
Decius se
devovet.

tinorum, se ad principes recuperare. In hac trepidatione Decius consul M. Valerium magna voce inclamat: *Deorum*, inquit, *ope, Valeri, opus est. agedum, pontifex publicus populi Romani*,⁶⁶ *præi verba, quibus me pro legionibus devoceam.* Pontifex eum togam prætextam sumere jussit, et, velato capite, manu subter togam ad mentum exserta, super telum subjectum pedibus stantem sic dicere. *Jane, Jupiter, Mars pater, Quirine, Bellona, Lares*,⁶⁷ *Divi Novensiles, Diæ Indigetes, Divi, quorum est potestas nostrorum hostiumque, Diique Manes, vos precor, veneror*,⁶⁸ *veniam peto feroque, uti populo Romano Quiritium vim victoriamque prosperetis; hostesque populi Romani Quiritium terrore, formidine, morteque adficiatis.* Sicut verbis nuncupavi, ita pro⁶⁹ *republica Quiritium, exercitu, legionibus, auxiliis populi Romani Quiritium, legiones auxiliaque hostium mecum Diis Manibus Tellurique devo-*veo. Hæc ita precatus, lictores ire ad T. Manlium jubet, matureque collegæ se devotum pro exercitu nunciare. Ipse, incinctus⁷⁰ cinctu Gabino, armatus in equum insiluit, ac se in medios hostes inmisit. Conspectus ab utraque acie⁷¹ aliquanto augustior humano visu, sicut cœlo missus piaculum omnis Deorum iræ, qui pestem ab suis aversam in hostes ferret; ita omnis terror pavorque cum illo latus signa primo Latinorum turbavit; deinde in totam penitus aciem pervasit. Evidentissimum id fuit, quod, quacumque equo invectus est, ibi, haud secus quam pestifero sidere icti, pavebant: ubi vero conruit obrutus telis, inde jam haud dubie consternatæ cohortes Latinorum⁷² fugam ac vastitatem late fecerunt. Simul et Romani, exsolutis religione animis, velut tum primum signo dato coorti. pugnam integram ediderunt. nam et rorarii procurrebant inter antepilanos, addiderantque vires hastatis ac principibus: et triarii, genu dextro innisi, nutum consulis ad consurgendum expectabant.

X. Procedente deinde certamine, quum aliis partibus multitudo superaret Latinorum, Manlius consul, audito

66 * *Præi verba*] Vid. not. 8. ad IV. 21.

67 *Divi Novensiles*] Qui sint hi Novensiles, haud sane liquet. Romanam e Sabinis a Tatius rege advecti creduntur.

68 *Veniam peto feroque*] Hoc a vobis peto, et me jam impetrasse et quasi abstulisse confido.

69 *Republica Quiritium*] Gronovius legit: *Republica populi Romani Quiritium.*

70 *Cinctu Gabino*] Vid. not. 71. ad V. 46.

71 *Aliquanto augustior humano visu*] Plane assentimur Gronovio eliminanti ultimam vocem. *Humanus* apud optimos Latinitatis auctores interdum pro *homine* sumitur. Cic. l. XIII. ad Att. ep. 21. *Potsum falli, ut humanus.* Ovid. l. II. Fast. v. 503.

Pulcher, et humano major, trabecque decorus

Romulus in media visus adesse via.

72 *Fugam ac vastitatem . . . fecerunt*] Fugiendo vasta omnia desertaque reliquerunt.

eventu collegæ, quum, ut jus fasque erat, lacrimis non minus quam laudibus debitis prosecutus tam memorabilem mortem esset; paullisper addubitavit, an consurgendi jam triariis tempus esset: deinde, melius ratus integros eos ad ultimum discrimen servari, adensos ab novissima acie ante signa procedere jubet. Qui ubi subiere, extemplo Latini, tamquam idem adversarii fecissent, triarios suos excitaverunt: qui aliquamdiu pugna atroci quum et semet ipsi fatigassent, et hastas aut præfregissent, aut hebetassent, pellerent vi tamen hostem, debellatum jam rati, perventumque ad extremam aciem; tum consul triariis, *Consurgite nunc, inquit, integri adversus fessos, memores patriæ parentumque et conjugum ac liberorum; memores consulis pro vestra victoria morte occumbentis.* Ubi triarii consurrexerunt integri, refulgentibus armis, nova ex improviso exorta acies, receptis in intervalla ordinum antepilanis, clamore sublato ⁷³ principia Latinorum perturbant. hastisque ora fodientes, primo robore virorum cæso, per alios manipulos, velut inermes, prope intacti evasere; tantaque cæde perrupere cuneos, ut vix quartam partem relinquerent hostium. Samnites quoque, sub radicibus montis procul instructi, præbuere terrorem Latinis. Ceterum inter omnes cives ⁷⁴ sociosque præcipua laus ejus belli penes consules fuit: quorum alter omnes minas periculaque ab Diis superis inferisque in se unum vertit: alter ea virtute eoque consilio in prælio fuit, ut facile convenerit inter Romanos Latinosque, qui ejus pugnae memoriam posteris tradiderunt, utrius partis T. Manlius dux fuisset, ejus futuram haud dubie fuisse victoriam. Latini ex fuga se Minturnas contulerunt. castra secundum prælium capta, multique mortales ibi vivi obpressi, maxime Campani. Decii corpus ne eo die inveniretur, nox quærentes obpressit. postero die inventum inter maximam hostium stragem, coopertum telis; funusque ei par morti, celebrante collega, factum est. Illud adjiciendum videtur, licere consuli dictatorique et prætori, quum legiones hostium devoveat, non utique se, sed quem velit ex ⁷⁵ legione Romana scripta civem, devovere: si is homo, qui devotus est, moritur, probe factum videri: ni moritur, tum signum septem pedes altum, aut majus, in terram defodi, et ⁷⁶ piaculum hostia cædi. Ubi illud signum defossum erit, eo magistratum Romanum escendere fas non esse. Sin autem sese devovere

Vincunt
Romani.

Devotio-
num leges.

7 hostiam Crev.

73 *Principia Latinorum*] Primam aciem.

74 *Socios*] Samnites, de quibus modo dictum est, intellige.

75 *Legione Romana scripta*] Fortasse adjicitur *scripta*, ut excludantur

subitarii et tumultuarii milites.

76 *Piaculum hostiam cædi*] Sic complures scriptos habere affirmat Gronovius. *Cædi hostiam*, quæ sit *piaculum*. Hactenus edebatur *hostia*.

U. C. 415. ⁷⁷volet, sicuti Decius devovit; ni moritur, ⁷⁷neque suum;
A. C. 387. neque publicum divinum pure faciet, qui sese devoverit.
Vulcano arma sive cui alii Divo vovere⁷⁸ volet, ⁷⁸sive hos-
tia sive quo alio volet, jus est⁷⁹. Telo, super quod stans
consul precatus est, hostem potiri, fas non est: si potiatur,
Marti ⁷⁹suovetaurilibus piaculum fieri.

XI. Hæc, (etsi omnis divini humanique moris memoria
⁸⁰abolevit, nova peregrinaque omnia priscis ac patriis præ-
ferendo) haud ab re duxi, verbis quoque ipsis, ut tradita
nuncupataque sunt, referre. Romanis post proelium demum
factum Samnites venisse subsidio, expectato eventu pugnae,
apud quosdam auctores invenio. Latinis quoque ab Lavinio
auxilium, dum deliberando terunt tempus, victis demum
ferri coeptum. et, quam jam portis prima signa et pars
agminis esset egressa, nuncio adlato de clade Latinorum,
quam conversis signis retro in urbem rediretur, prætorem
eorum nomine Milonium⁸¹ dixisse ferunt, *pro paulula via
magnam mercedem Romanis esse solvendam*. Qui Latinorum
pugnae superfuerant, multis itineribus dissipati, quum se in
unum conglobassent, Vescia urbs eis receptaculum fuit. Ibi
in conciliis ⁸¹Numisius imperator eorum, adfirmando com-
munem vere Martem belli utramque aciem pari cæde prostra-
visse, victoriaeque nomen tantum penes Romanos esse, ⁸²ceteram
pro victis fortunam et illos gerere: funesta duo consulum præ-
toria, alterum parricidio filii, alterum consulis devoti cæde,
trucidatum exercitum omnem; cæsos hastatos principesque;
stragem ⁸³et ante signa et post signa factam; triarios postremo
rem restituisse. Latinorum etsi pariter adcisæ copiae sint, ta-
men supplemento vel Latium propius esse, vel Volscos, quam
Romam. Itaque, si videatur eis, se, ex Latinis et ex Volscis
populis juvenute propere excita, rediturum infesto exercitu Ca-
puam esse; Romanosque, nihil tum minus quam proelium ex-
spectantes, necopinata adventu perculsurum. Fallacibus literis

⁷⁷ devovere Gron. Crev.

⁷⁸ esto Crev.

⁷⁹ Millionium Gron. Crev.

⁷⁷ * Neque suum, neque publicum
divinum] Neque sua, privata, sacra,
neque publica.

⁷⁸ Sive hostia, sive quo alio volet]
Seu velit hostia cæsa devotionem hanc
armorum suorum peragi, sive alio ali-
quo ritu sacro.

⁷⁹ Suovetaurilibus] Vid. not. 35. ad
I. 44.

⁸⁰ Abolevit] Exolevit, periit.

⁸¹ Numisius] An Numicius? quo-
modo supra, c. 3. Ceterum in eo
parvi refert, quod veri sit. Illud ma-
gis notandum videtur vocem Numi-
sius pendere quodammodo, nec ha-
bere, cui innitatur, verbum finiti mo-

di. Simile plane exemplum rursum
occurrit l. XXVI, c. 12.

⁸² * Ceteram pro victis fortunam et
illos gerere] Ceteram illorum fortu-
nam talem esse, ut et ipsi pro victis
haberi debeant.

⁸³ Et ante signa, et post signa] Et
Antesignanorum, et Postsignanorum.
De Antesignanis vid. not. 17. ad c. 20.
l. II. supra. Postsignani vero, de qui-
bus hic sermo est, fortasse intelli-
gendi sunt Accensi, quos ab novissima
acie consul Manlius excitaverat. Præ-
cipua enim legionis signa penes Tri-
arios fuisse videntur, ut observavimus
supra.

circa Latium nomenque Volscum missis, quia, qui non interfuerant pugnae, ad credendum temere faciliores erant, tumultuarius undique exercitus raptim conscriptus convenit. Huic agmini Torquatus consul ad Trifanum (inter Sinuessam Minturnasque is locus est) occurrit. prius, quam castris locus caperetur, sarcinis utrimque in acervum coniectis, pugnatum debellatumque est. adeo enim adcisae res sunt, ut consuli, victorem exercitum ad depopulandos agros eorum ducenti, dederent se omnes Latini, deditionemque eam Campani sequerentur. Latium Capuaeque agro multati. Latinus ager, Privernati addito agro, et Falernus, qui populi Campani fuerat, usque ad Vulturum flumen, plebi Romanae dividitur. bina in Latino jugera, ⁸⁴ita ut dodrantem ex Privernati complerent, data; terna in Falerno, quadrantibus etiam pro longinquitate adjectis. Extra poenam fuere Latinorum Laurentes Campanorumque equites, quia non deciverant. Cum Laurentibus renovari foedus jussum. renovaturque ex eo quotannis post diem decimum Latinorum. Equitibus Campanis civitas data: monumentoque ut esset, aeneam tabulam in sede Castoris Romae fixerunt. vectigal quoque eis Campanus populus jussus pendere in singulos quotannis (fuere autem mille et sexcenti) ⁸⁵denarios nummos quadringenos quinquagenos.

XII. Ita bello gesto, praemiis poenaeque pro cuiusque merito persolutis, T. Manlius Romam rediit: cui venienti seniores tantum obviam exisse constat; juventutem, et tunc, et omni vita deinde, aversatam eum exsecratamque. Antiates in agrum Ostiensem, Ardeatem, Solonium incursiones fecerunt. Manlius consul, quia ipse per valetudinem id bellum exsequi nequierat, dictatorem L. Papirium Cras-
sum, qui tum forte erat praetor, dixit: ab eo magister
equitum L. Papirius Cursor dictus. Nihil memorabile adversus Antiates ab dictatore gestum est, quum aliquot menses stativa in agro Antiati habuisset. Anno insigni victoria de tot ac tam potentibus populis, ad hoc consulum alterius nobili morte, alterius sicut truci, ita claro ad memoriam, imperio, successere consules Ti. Aemilius Mamercinus et
Q. Publilius Philo; neque in similem materiam rerum, et

U. C. 416.
A. C. 337.
Novum exercitum conscribunt Latini.

Rursus victi dedunt se.

L. Papirius dictator.

U. C. 416.
A. C. 336.
Ti. Aemilio,
Q. Publilio
Coss.

⁸⁴ Ita ut dodrantem] Tres ex Latino agro quadrantes, unus ex Privernati divisus est; ita ut ex quatuor jugerum millibus, v. g. ter mille ex Latino, mille ex Privernati data fuerint.

⁸⁵ Denarios nummos] Jos. Scaliger, Dissertat. de re nummaria Antiquorum, censet *et* denarios abundare. Neque enim Livius *denarium nummum*, sed *denarium* tantum vocare

solet: neque adhuc denarius Romae signatus erat. Sed de Campanis hic agitur, apud quos fortasse jam tum denarius in usu erat. Et vero quales intelligemus fuisse hos nummos sic rude appellatos? Utamur ergo vulgata lectione, et interpretemur denarios Campanos: quorum tamen pretium et pondus definire non conamur.

U. C. 416.
A. C. 386.
Latinorum
rebellio.

Q. Publilius
dictator.

Tres leges
fert adver-
sas nobili-
tati.

ipsi aut suarum rerum, aut partium in republica magis, quam patriæ, memores. Latinos, ob iram agri amissi rebellantes, in campis ⁸⁶ Fenectanis fuderunt, castrisque exuerunt. Ibi Publilio, cujus ductu auspicio^c res gestæ erant, in deditionem accipiente Latinos populos, quorum ibi juvenus cæsa erat, Æmilius ad Pedum exercitum duxit. Pedanos tuebatur^d Tiburs, Prænestinus, Veliternusque populus: venerant et ab Lanuvio^e Antioque auxilia. Ubi quum proeliis quidem superior Romanus esset, ad urbem ipsam Pedum castraque sociorum populorum, quæ urbi adjuncta erant, integer labor restaret; bello infecto repente omisso, consul, quia collegæ decretum triumphum audivit, ipse quoque triumphum ante victoriam flagitator Romam rediit. Qua cupiditate ⁸⁷ obfensis Patribus, negantibusque, nisi Pedito capto aut dedito, triumphum, hinc alienatus ab senatu Æmilius seditiosis tribunatibus similem deinde consulatum gessit. Nam neque, quoad fuit consul, criminari apud populum Patres destitit, collega haudquaquam adversante, quia et ipse de plebe erat: (materiam autem præbebat criminibus ⁸⁸ ager in Latino Falernoque agro maligne plebei divisus) et, postquam senatus, finire imperium consulibus cupiens, dictatorem adversus rebellantes Latinos dici jussit, Æmilius, ⁸⁹ cujus tum fasces erant, collegam dictatorem dixit: ab eo magister equitum Junius Brutus dictus. Dictatura popularis, et orationibus in Patres criminosus, fuit, et quod tres leges secundissimas plebei, adversas nobilitati, tulit: unam, ⁹⁰ ut plebiscita omnes Quirites tenerent: alteram, ⁹¹ ut legum, quæ comitiis centuriatis ferrentur, ante initum suffragium Patres auctores fierent: tertiam, ut alter utique ex plebe, quum eo ventum sit, ut ⁹² utrumque plebeium consulem fieri liceret, censor crearetur. Plus eo anno domi

^c auspicioque Gron. Crev.

^d tuebantur Eæd.

^e Lavinio Eæd.

⁸⁶ *Fenectanis*] Hujus nominis nusquam alias mentio occurrit. Ideo in eo aliquid esse vitii plerique crediderunt. Unus e nostris MSS. exhibet *Ferentanis*. Unde firmatur Dujatii conjectura *Ferentinis*. Ferentinum urbs est Latii, et de aqua et luco Ferentinæ mentio facta a Livio est, supra I. 51. et alibi.

⁸⁷ *Offensis Patribus*] Proba emendatio Sigonii, quam firmant Andræ et Campani editiones, et scripti nostri. Quidam libri *offensus*: mendose.

⁸⁸ *Ager in Latino Falernoque agro*] Melius abesset vox *agro*, ut observat Gronovius.

⁸⁹ *Cujus tum fasces erant*] In urbe fasces uni tantum consuli præfereban-

tur, isque præcipua obibat consulatus munia.

⁹⁰ *Ut plebiscita*] Eandem jam legem tulerant consules M. Valerius, et M. Horatius post liberatam a Decemvirorum tyrannide rempublicam. Vid. l. III. c. 55. Eadem et renovata est postea a Q. Hortensio dictatore, occasione secessionis in Janiculum, anno 466.

⁹¹ *Ut legum*] Primis urbis Romanæ temporibus longe aliter se res habebat. Ita enim ratum erat, quod populus jussisset, si Patres auctores fierent. Vid. l. I. c. 17.

⁹² *Utrumque plebeium consulem*] Vid. supra VII. 42.

acceptum cladis ab consulibus ac dictatore, quam ex victoria eorum bellicisque rebus foris auctum imperium, Patres credebant.

XIII. Anno insequenti, L. Furio Camillo, C. Mænio U. C. 417. consulibus, quo insignitius omissa res Æmilio, superioris A. C. 335. anni consuli, exprobraretur, Pedum armis virisque et omni L. Furio, C. Mænio vi expugnandum ac delendum senatus fremit; coactique Cons. novi consules ⁹³ omnibus eam rem præverti, proficiscuntur.

Jam Latio is status erat rerum, ut neque bellum neque pa- Latini nec cem pati possent. ad bellum opes dcerant: pacem ob agri bellum, nec ademti dolorem aspernabantur. Mediis consiliis standum pacem pati possunt.

videbatur, ut oppidis se tenerent; ne lacesitus Romanus caussam belli haberet; et, si cujus oppidi obsidio nunciata esset, undique ex omnibus populis auxilium obsessis ferretur. Neque tamen, nisi admodum a paucis populis, Pedani Vincuntur adjuti sunt. Tiburtes Prænestinique, quorum ager propior a consuli- erat, Pedum pervenere. Aricinos ⁹⁴ Lanuvinosque^f et Ve- bus.

lternos, Antiatribus Volscis se conjungentes, ad Asturæ flu- men Mænius, inprovviso adortus, fudit. Camillus ad Pedum cum Tiburtibus, maxime valido exercitu, ⁹⁵ majore mole, quamquam æque prospero eventu, pugnat. Tumultum ma- xime repentina inter proelium eruptio oppidanorum fecit: in quos parte exercitus conversa, Camillus non compulit solum eos intra mœnia, sed eodem etiam die, quum ipsos auxiliaque eorum perculisset, oppidum scalis cepit. Placuit inde, jam majore conatu animoque ab unius expugnatione urbis ad perdomandum Latium victorem circumducere exercitum. nec quievare ante, quam, expugnando aut in dedi- tionem accipiendo singulas urbes, Latium omne subegere. Latium

Præsidii inde dispositis per recepta oppida, Romam ad subactum. destinatum omnium consensu triumphum decessere. ad- ditus triumpho honos, ut statuæ equestres eis, rara illa ætate res, in foro ponerentur. ⁹⁶ Prius, quam comitiis

in insequentem annum consules rogarent, Camillus de La- Camillus tinis populis ad senatum retulit, atque ita disseruit: refert ad *Patres conscripti, quod bello armisque in Latio agendum fuit, senatum de id jam Deum benignitate ac virtute militum ad finem venit. Latio. cæsi ad Pedum Asturamque sunt exercitus hostium: oppida La- latina omnia, et Antium ex Volscis, aut vi capta, aut recepta in*

^f *Laviniosque* Gron. Crev.

⁹³ * *Omnibus eam rem præverti*] Id negotium ante omnia alia, omnibus aliis postpositis, curare et peragere.

⁹⁴ *Lavinios*] Sic duo e nostris codicibus; unus *Lavinios*. Ceterum ante Sigonium editi exhibebant *Lanuvios*. Ille emendandum esse hoc nomen admonuit.

VOL. I.

⁹⁵ * *Majore mole . . . pugnat*] Ma- jores difficultates in pugna exsuperan- das habuit.

⁹⁶ *Priusquam . . consules rogarent*] Priusquam rogarent populum novos consules, sive, priusquam comitia novis consulibus creandis haberent, supple, ii qui tum consules erant.

H h

U. C. 417. *deditionem, præsidiis tenentur vestris. Reliqua consultatio est,*
 A. C. 335. *quoniam rebellando sæpius nos sollicitant, quoniam modo perpetua pæce quietos obtineamus. Dii immortales ita vos potentes hujus consilii fecerunt, ut, sit Latium deinde, an non sit, in vestra manu posuerint. Itaque pacem vobis, quod ad Latinos adtinet, parare in perpetuum, vel sæviendo, vel ignoscendo, potestis. Vultis crudeliter consulere in deditos victosque? licet delere omne Latium, vastas inde solitudines facere, unde sociali egregio exercitu per multa bella magnaue sæpe usi estis. Vultis exemplo majorum augere rem Romanam, victos in civitatem accipiendo? materia crescendi per summam gloriam subpeditat. certe id firmissimum longe imperium est, quo obedientes gaudent. Sed maturato opus est, quidquid statuere placet. tot populos inter spem metumque suspensos animi habetis: et vestram itaque de eis curam quam primum absolvi, et illorum animos, ⁹⁷ dum expectatione stupent, seu pœna, seu beneficio, præoccupari oportet. ⁹⁸ Nostrum est fuit efficere, ut omnium rerum vobis ad consulendum potestas esset. vestrum est decernere, quod optimum vobis rei publicæ sit.*

Senatus-
consulta de
Latinis.

XIV. Principes senatus relationem consulis de summa rerum laudare; sed, quum aliorum caussa alia esset, ita expediri posse consilium, dicere, ut pro merito cujusque statueretur, si de singulis nominatim referrent populis. Relatum igitur de singulis decretumque. Lanuvinis civitas data sacraque sua reddita cum eo, ut ædes lucusque Sospitiæ Junonis communis ⁹⁹ Lanuvinis municipibus cum populo Romano esset. Aricini Nomentanique et Pedani eodem jure, quo Lanuvini, in civitatem accepti. Tusculanis servata civitas, quam habebant; ¹ crimenque rebellionis a publica

§ add. enim Gron. Crev.

⁹⁷ * *Dum expectatione stupent]* Dum expectatio sortis suæ et iudicii vestri illos velut torpidos defigit.

⁹⁸ *Nostrum enim]* Vox enim abest a pluribus libris, teste Gronovio. Nostri omnes, Campanus, et codd. Hearni illam omittunt. Nec sane hic ea quidquam opus est.

⁹⁹ *Lanuvinis municipibus]* Lanuvinis, qui cives Romani modo facti erant. *Municipes,* inquit Gell. l. XVI. c. 13. *sunt cives Romani ex municipiis, suo jure et legibus suis utentes, muneri tantum cum populo Romano honorarii participes, a quo munere capessendo appellati videntur, nullis aliis necessitatibus, neque ulla populi Romani lege adstricti.* Illi igitur, ut addit paulo infra Gellius, *honorem civitatis Romanæ capiebant, sive honestabantur nomine et jure civium Ro-*

manorum: oneribus illius conditionis non subiciebantur, quum legibus suis, non Romanis uterentur. Unde municipiorum conditio magis libera erat, et minus obnoxia, quam coloniarum, quæ jura institutaque omnia populi Romani, non sui arbitrii, habebant. Porro quibusdam municipiis data erat civitas cum suffragii latione: horumque municipiorum cives pleno jure cives Romani erant, et aditum quoque ad honores populi Romani habebant. Erant et quibus civitas sine suffragii latione data erat, quorum primum fuere Cærites.

¹ * *Crimenque rebellionis]* Noluerunt Romani crimen rebellionis fraudi et damno esse reipublicæ Tusculanorum, sed ejus criminis poenam in paucos auctores verterunt.

fraude in paucos auctores versum. In Veliternos, veteres U. C. 417. cives Romanos, quod toties rebellassent, graviter sævitum: A. C. 335. et muri dejecti, et senatus inde abductus, jussique trans Tiberim habitare: ut ejus, qui cis Tiberim deprehensus esset, usque ad mille pondo ² clarigatio esset; nec prius, quam ære persoluto, is, qui cepisset, extra vincula captum haberet. In agrum senatorum coloni missi: quibus adscriptis, speciem antiquæ frequentiæ Velitræ receperunt. Et Antium nova colonia missa cum eo, ut Antiatibus permitteretur, si et ipsi adscribi coloni vellent. naves inde longæ abactæ, interdictumque mari Antiati populo est, et civitas data. Tiburtes Prænestinique agro multati, neque ob recens tantum rebellionis, commune cum aliis Latinis, crimen; sed quod, tædio imperii Romani, cum Gallis, gente efferata, arma quondam consociassent. Ceteris Latinis populis ³ connubia commerciaque et concilia inter se ademerunt. ⁴ Campanis, equitum honoris caussa, quia ^h cum Latinis rebellare nolissent, Fundanisque et Formianis, quod per fines eorum tuta pacataque semper fuisset via, civitas sine suffragio data. Cumanos Suessulanosque ejusdem juris conditionisque, cujus Capuam, esse placuit. Naves Antium partim in navalia Romæ subductæ, partim incensæ, rostrisque earum subgestum, in foro exstructum, adornari placuit: Rostraque ⁵ id templum adpellatum. Rostra unde dicta.

XV. C. Sulpicio Longo, P. Ælio Pæto consulibus, quum U. C. 418. omnia non opes magis Romanæ, quam beneficiis parta gratia bona pace obtineret, inter Sidicinos Auruncosque bellum A. C. 334. ortum. Aurunci, a T. Manlio consule in deditionem accepti, nihil deinde moverant: eo petendi auxilii ab Romanis C. Sulpicio, P. Ælio Cosa. caussa justior fuit. Sed prius, quam consules ab urbe (jusserat enim senatus defendi Auruncos) exercitum educe-

^h qui Gron. Crev.

² *Clarigatio*] *Clarigatio* hoc loco est jus hominis prehendi, ita ut corpus ejus quasi pignori opponatur, dum certam pecuniæ summam exsolverit. Vid. plura de hac voce in Lexico Matth. Martinii. Decreverat igitur senatus, ut Veliternum civem, qui cis Tiberim repertus esset, cuilibet liceret prehendere, et in vinculis retinere; donec mille pondo, sive mille libras Romanas æris, mille asses solvisset. Mille autem asses æstimamus una libra argenti Romana, uncis Parisiensibus duodecim cum dimidia.

³ *Connubia, commerciaque, et concilia inter se ademerunt*] Quemadmodum postea quibusdam Hernicorum

populis, infra l. IX. c. 43. et Macedonibus, l. XLV. c. 29.

⁴ *Campanis, equitum honoris caussa, qui*] Hæc est scriptura duorum codd. a Jac. Gronovio inspectorum, et trium e nostris antiquissimorum, nisi quod pro *qui* retinent omnes *et quia*, quod habent vulgo editi libri. Idem vulgati libri præferunt *Campanis equitibus*: quod vitiosum esse recte judicavit Jac. Gronovius, quia supra c. 11. iis datam esse civitatem Romanam jam dictum est. Hic datur omnibus Campanis in gratiam et honorem equitum.

⁵ *Id templum*] Vide not. 19. ad II. 56. et not. 74. ad III. 17.

- U. C. 418. rent, fama adfertur; Auruncos metu oppidum deseruisse,
A. C. 334. profugosque cum conjugibus ac liberis Suessam commu-
nisse, quæ nunc Aurunca adpellata; moenia antiqua eorum
urbemque ab Sidicinis deletam. Ob ea infensus consulibus
senatus, quorum cunctatione proditi socii essent, dictatorem
C. Claudius dici jussit. dictus C. Claudius Regillensis, magistrum equi-
dictator. tum C. Claudium Hortatorem dixit. Religio inde injecta
de dictatore: et, quum augures vitio creatum videri dixis-
sent, dictator magisterque equitum se magistratu abdic-
runt. Eo anno Minucia Vestalis, suspecta primo propter
mundiorem justo cultum, insinulata deinde apud pontifices
ab indice servo; quum decreto eorum jussa esset sacris abs-
tinere, ⁶ familiamque in potestate habere; facto judicio, viva
sub terram ad portam Collinam ⁷ dextra via strata defossa
Scelerato campo, credo, ab incesto id ei loco nomen factum.
Prætor ple- Eodem anno Q. Publilius Philo prætor primum de plebe,
beius. adversante Sulpicio consule, qui negabat, rationem ejus se
habiturum, est factus; senatu, quum in summis imperiis id
non obtinuisset, minus in prætura tendente.
- U. C. 419. XVI. Insequens annus, L. Papirio Crasso, K. Duilio
A. C. 333. consulibus, Ausonum magis novo, quam magno bello fuit
L. Papirio, insignis. ea gens Cales urbem incolebat. Sidicinis finitimis
Kæsone arma conjunxerat: unoque proelio haud sane memorabili
Duilio Coss. duorum populorum exercitus fusus, propinquitate urbium
et ad fugam pronior, et in fuga ipsa tutior fuit. nec ta-
men omissa ejus belli cura Patribus, quia toties jam Si-
dicini aut ipsi moverant bellum, aut moventibus auxi-
lium tulerant, aut caussa armorum fuerant. Itaque omni
ope adnisi sunt, ut maximum ea tempestate imperatorem
U. C. 420. M.¹ Valerium Corvum consulem quartum facerent. col-
A. C. 332. lega additus Corvo M. Atilius Regulus. et, ne forte casu
M. Valerio erraretur, petatum ab consulibus, ut extra sortem Corvi
IV. M. A- ea provincia esset. Exercitu victore a superioribus con-
tilio Coss. sulibus accepto, ad Cales, unde bellum ortum erat, pro-

¹ M. I. T. Gron.

⁶ *Familiam . . . in potestate habere*] Servos retinere in sua potestate, nec eos manumittere, ut scilicet quæstio ex eis haberi posset. Moribus enim Romanis quæstio de liberis hominibus non habebatur. In crimine autem incestus de servis in dominum quaerebatur, teste Cic. pro Mil. n. 59.

⁷ *Dextra via*] Ad dextram partem viæ. Pro *strata*, quæ vox hic obscura est, legi jubet Jac. Gron. *Salaria*. Et vero *Salaria* via a porta Collina incipiebat. Vid. II^{am} Dissert. Epistolic. Jac. Gronovii ad calcem II. tom. Li-

viani. Hanc emendationem firmat et illustrat locus ex Actis Martyrum a Lipsio allatus, Syntagm. de Vesta, not. l. in c. 13. quam hic exscribemus. "Legimus in Martyrum Actis, "de Daria, quæ Chrysanto nupsit, "olim vestalis, jussam eum marito a "Numeriano Imperatore, via Sala- "ria, in Arenario deponi, atque illic "vixisse terra et lapidibus obrui. In "quo videntur quasi vestalem cum "stupratore suo punire voluisse, certe "ad veterem penam adspexisse."

fectus, quum, hostes, ab superioris etiam certaminis memoria pavidos, clamore atque inpetu primo fudisset; moenia ipsa obpugnare est adgressus. et militum quidem is erat ardor, ut jam inde cum scalis succedere ad muros vellent, evasurosque contenderent. Corvus, quia id arduum factum erat, labore militum potius, quam periculo, peragere inceptum voluit. itaque aggerem et vineas egit, turresque muro admovit: quarum usum forte oblata opportunitas prævertit. namque M. Fabius, captivus Romanus, quum, per negligentiam custodum festo die vinculis ruptis, per murum inter opera Romanorum, religata ad pinnam muri recte suspensus, manibus se demisisset; perpulit imperatorem, ut vino epulisque sopitos hostes adgrederetur. nec majore certamine capti cum urbe Ausones sunt, quam acie fusi erant. Præda capta ingens est. præsidioque inposito Calibus reductæ Romam legiones. Consul ex senatusconsulto triumphavit: et, ne Atilius expers gloriæ esset, jussi ambo consules adversus Sidicinos ducere exercitum. Dictatorem ante ex senatusconsulto comitiorum habendorum causa dixerunt L. Æmilium Mamercinum. is magistrum equitum Q. Publilium Philonem dixit. Dictatore comitia habente, consules creati sunt T. Veturius, Sp. Postumius. Etsi belli pars cum Sidicinis restabat; tamen, ut beneficio prævenirent desiderium plebis, de colonia deducenda Cales retulerunt: factoque senatusconsulto, ut duo millia quingenti homines eo scriberentur, triumviros coloniae deducendæ agroque dividendo creaverunt K. Duilium, T. Quinctium, M. Fabium.

XVII. Novi deinde consules, a veteribus exercitu accepto, ingressi hostium fines, populando usque ad moenia atque urbem pervenerunt. Ibi, quia, ingenti exercitu comparato, Sidicini et ipsi pro extrema spe dimicaturi enise videbantur, et Samnium fama erat conciri ad bellum; dictator ab consulibus ex auctoritate senatus dictus P. Cornelius Rufinus; magister equitum M. Antonius. Religio deinceps, vitio eos creatos: magistratuque se abdicaverunt. et, quia pestilentia insecuta est, ⁸ velut omnibus eo vitio contactis auspiciis, res ad interregnum rediit. ab interregno initio per quintum demum interregem M. Valerium Corvum creati consules A. Cornelius iterum et Cn. Domitius. Tranquillis rebus, fama Gallici belli ⁹ pro tumultu valuit, ut

U. C. 420.

A. C. 332.

Cales Ausonum oppidum capitur.

Triumphat M. Valerius.

Dictator L. Æmilius.

U. C. 421.

A. C. 331.

T. Veturio, Sp. Postumio Coss.

P. Cornelius dictator.

U. C. 422.

A. C. 330.

A. Cornello II. Cn. Domitio Coss.

⁸ *Velut omnibus eo vitio contactis auspiciis*] Velut eo vitio non dictatoris modo, sed et consulum quoque auspicia contacta essent, a consulibus comitia haberi in insequentem annum noluerunt Patres: consulibusque aut

abdicare jussis, aut post elapsum annum suum magistratu abeuntibus, res ad interregnum rediit. Vid. not. 28. ad VI. 5.

⁹ *Pro tumultu*] Si nolis has voces cum Tan. Fabro delere, expone, quasi

U. C. 422. dictatorem dici placeret. Dictus M. Papirius Crassus, et
 A. C. 330. magister equitum P. Valerius Publicola. a quibus ¹⁰ quum^k
 M. Papirius delectus intentius, quam adversus finitima bella, haberetur,
 dictator. exploratores missi adtulerunt, quieta omnia apud Gallos
 esse. Samnium quoque jam alterum annum turbari novis
 consiliis suspectum erat. eo ex agro Sidicino exercitus
 Alexander Alexandri Epirensis in Lucanos traxit: qui duo populi ad-
 Epirensis. versus regem, ¹¹ exscensionem a Pæsto facientem, signis
 conlatis pugnaverunt. eo certamine superior Alexander, in-
 certum qua fide culturus, si perinde cetera processissent, pa-
 cem cum Romanis fecit. Eodem anno census actus, novique
 Novæ tri- cives censi: ¹² tribus propter eos additæ ¹³ Mæcia et ¹⁴ Scap-
 bus, Mæcia tia: censores addiderunt Q. Publilius Philo, Sp. Postumius.
 et Scaptia. Romani facti Acerrani, lege ab L. Papirio prætore lata,
 qua civitas sine suffragio data. Hæc eo anno domi militiæ-
 que gesta.

U. C. 423. XVIII. Fœdus insequens annus seu intemperie cœli,
 A. C. 329. seu humana fraude fuit, M. Claudio Marcello, C. Valerio
 M. Claudio, consulibus. Flaccum Potitumque varie in annalibus cogno-
 C. Valerio men consulis invenio: ceterum, in eo, parvi refert, quid veri
 Coss. sit. illud pervelim, (nec omnes auctores sunt) proditum fal-
 so esse, venenis absumptos, quorum mors infamem annum
 pestilentia fecerit. sicut proditur tamen res, ne cui aucto-
 rum fidem abrogaverim, exponenda est. Quum primores
 Veneficia civitatis ¹⁵ similibus morbis, eodemque ferme omnes eventu,
 matrona- morerentur; ancilla quædam ad ¹⁶ Q. Fabium Maximum
 rum. ædilem curulem, indicaturam se causam publicæ pestis,
 professa est, si ab eo fides sibi data esset, haud futurum
 noxæ indicium. Fabius confestim rem ad consules, consu-
 les ad senatum referunt: consensuque ordinis fides indici
 data. Tum patefactum, muliebri fraude civitatem premi,
 matronasque eâ venena coquere; et, si sequi extemplo ve-
 lint, manifesto deprehendi posse. Secuti indicem, et co-
 quentes quasdam medicamenta, et recondita alia, invene-

^k dum Gron.

tumultus ingens magnique periculi
 minæ exortæ essent.

¹⁰ Quum delectus] Vulgo dum.
 Sed vett. editi et scripti quam plurimi
 exhibent cum.

¹¹ Exscensionem a Pæsto] Exscen-
 sionem in Lucaniam ab ea parte ubi
 Pæstum est. Sic et infra, XXXI. 24.
 Ab Dipyllo accessit: id est, accessit ad
 urbem, Athenas nempe, ab ea parte,
 qua porta illa est, quæ appellatur Di-
 pylon.

¹² Tribus . . . additæ] Tuncque no-

vem et viginti tribus factæ. Vid. su-
 pra VII. 15.

¹³ Mæcia] A Castro Mæcio, quod
 non procul a Lanuvio fuit.

¹⁴ Scaptia] A Scaptia urbe, quæ
 videtur fuisse haud procul Pædo.

¹⁵ * Similibus morbis, eodemque fer-
 me omnes eventu] Similes erant mor-
 bi, et idem plerumque eorum even-
 tus, nempe mors.

¹⁶ Q. Fabium Maximum] Qui post-
 ea Maximus appellatus est. Vid. IX.
 46.

runt. quibus in forum delatis, et ad viginti matronis, apud U. C. 423.
 quas deprehensa erant, per viatorem adcitis, duæ ex eis, A. C. 329.
 Cornelia ac Sergia, patriciæ utraque gentis, quum ea medicamenta salubria esse contenderent, ab confutante indice bibere jussæ, ut se falsum commentam arguerent; spatio ad conloquendum sumto, quum, submoto populo, in conspectu omnium rem ad ceteras retulissent; haud abnuentibus et illis bibere, epoto medicamento, suamet ipsæ fraude omnes interierunt. comprehensæ extemplo earum comites magnum numerum matronarum indicaverunt: ex quibus ad centum septuaginta damnatæ. Neque de veneficiis ante eam diem Romæ quæsitum est. Prodigii ea ¹⁷ res loco habita; captisque magis mentibus, quam consceleratis, similis visa. Itaque, memoria ex annalibus repetita, ¹⁸ in secessionibus quondam plebis ¹⁹ clavum ab dictatore fixum, alienatasque discordia mentes hominum eo piaculo compotes sui fecisse, dictatorem clavi figendi causa creari placuit. creatus Cn. Clavi figendi causa creatus dictator.
 Quinctilius magistrum equitum L. Valerium dixit: qui, fixo clavo, magistratu se abdicaverunt.

XIX. ²⁰ Creati consules L. Papirius Crassus iterum, L. U. C. 425.
 Plautius Venno. cujus principio anni legati ²¹ ex Volscis A. C. 327.
 Fabraterni, et Lucani, Romam venerunt, orantes, ut in L. Papirio
 fidem reciperentur. si a Samnitium armis defensi essent, se II. L. Plautio Coss.
 sub imperio populi Romani fideliter atque obedienter futuros. Missi tum ab senatu legati, denunciatumque Samnitibus, ut ¹ eorum populorum finibus vim abstinerent. valuitque ea legatio, non tam quia pacem volebant Samnites, quam quia nondum parati erant ad bellum. Eodem anno Priver- Bellum Privernas.
 nas bellum initum: cujus socii Fundani, dux etiam fuit Fundanus^m, Vitruvius Vaccus; vir non domi solum, sed

¹ ut del. Gron.

^m Fundanus fuit Gron. Crev.

¹⁷ *Res . . . captis . . . magis mentibus, quam consceleratis, similis visa*] Res similis magis visa amentiae et furori, quam sceleri; potius tribuenda visa est alienatis per furorem ab iratis diis immissum mentibus, quam sua sponte ad tantum scelus ruentibus.

¹⁸ *In secessionibus quondam*] Tres huc usque fuere secessiones plebis militumve; nec ulla in iis clavi a dictatore fixi mentio.

¹⁹ *Clavum ab dictatore fixum, alienatasque discordia mentes hominum eo piaculo compotes sui fecisse*] Ut hic locus se habet, redundat *et* que et eo piaculo. Si pro *fecisse* legas *fuisse*, sic expones: et mentes hominum alienatas discordia, in furorem et dementiam veras per discordiam, compotes sui fuisse, sive ad sanitatem revocatas

esse eo piaculo, nempe clavi a dictatore fixi.

²⁰ *Creati consules*] Annum circa hæc tempora interjiciendum esse consentiunt interpretes omnes. Hic eum interponendum esse Dodwellus existimat, Dissert. X. de Cyclis Roman. sect. 78. et 79. et in eum consules edit L. Papirium, Sp. F. Cursorem, C. Poetelium, C. F. Libonem Visolum. Vid. not. 45. ad c. 24. infra.

²¹ *Ex Volscis Fabraterni et Lucani*] Nihil ad Volscos pertinent Lucani: et præterea scribit Livius infra c. 25. Lucanis nihil antehac fuisse cum populo Romano. Itaque amplectenda videtur allata a Gronovio conjectura Alb. Rubenii, qui legi jubet *Poluscani*. Polusca enim fuit urbs in Volscis. Vid. supra II. 33.

U. C. 425.
A. C. 327.

Victi Pri-
vernates.

etiam Romæ, clatus. ædes fuere in Palatio ejus, quæ Vacci prata, diruto ædificio publicatoque solo, adpellata. Adversus hunc, vastantem effuse Setinum Norbanumque et Coranum agrum, L. Papirius profectus, haud procul castris ejus consedit. Vitruvio nec, ut vallo se teneret adversus validiorem hostem, sana constare mens, nec, ut longius a castris dimicaret, animus subpetere. vix tota extra portam castrorum explicata acie, fugam magis retro, quam prælium aut hostem, spectante milite, sine consilio, sine audacia depugnat: et ut levi momento nec ambigue est victus; ita, brevitate ipsa loci facilique receptu in tam propinqua castra, haud ægre militem a multa cæde est tutatus: nec fere quisquam in ipso certamine, pauci in turba fugæ extremæ, quum in castra ruerent, cæsi; primisque tenebris Privernum inde petitum agmine trepido, ut muris potius, quam vallo, sese tutarentur. A Priverno Plautius alter consul, pervastatis passim agris prædaque abacta, in agrum Fundanum exercitum inducit. Ingrediendi fines senatus Fundanorum obcurrit; *negant, se pro Vitruvio sectamque ejus secutis precatum venisse, sed pro Fundano populo; quem extra culpam belli esse, ipsum* ²² *Vitruvium judicasse, quum receptaculum fugæ Privernum habuerit, non patriam Fundos. Priverni igitur hostes populi Romani quærendos persequendosque esse, qui simul a Fundanis ac Romanis,* ²³ *utriusque patriæ inmemores, defecerint.* ²⁴ *Fundanis pacem esse, et animos Romanos, et gratam memoriam acceptæ civitatis. Orare se consulem, ut bellum ab innoxio populo abstineat: agros, urbem corpora ipsorum, conjugumque, ac liberorum suorum, in potestate populi Romani esse, futuraque.* Conlaudatis Fundanis, consul, literisque Romam missis, in officio Fundanos esse, ad Privernum flexit iter. Prius animadversum in eos, qui capita conjurationis fuerant, a consule scribit ²⁵ Claudius: ad trecentos quinquaginta ex conjuratis vinctos Romam missos; eamque deditionem ab senatu non acceptam: quod egentium atque humilium poena defungi velle Fundanum populum censuerint.

Privernum
obsidetur.

XX. Privernum duobus consularibus exercitibus quum

²² *Vitruvium judicasse*] Sic Gronovius legi jussit ex tribus MSS. quibus assentiuntur quinque e nostris. Ceteri *indicasse*.

²³ *Utriusque patriæ*] Et Fundorum, et Romæ. Quotquot enim cives Romani erant, ii Romam patriam habebant. Sed ii qui nascebantur in municipiis, alteram quoque patriam habebant, nempe eam urbem in qua nati erant.

²⁴ *Fundanis pacem esse*] Omnes

nostri codd. ut Sigoniani, *Fundis*.

²⁵ *Claudius*] Hic videtur esse Q. Claudius Quadrigarius, æqualis Sisennæ, auctore Velleio, II. 9. qui proinde floruerit Syllanis temporibus. Hujus sæpe meminit A. Gellius; ac spectatim l. IX. c. 13. laudat in eo *simplicem et incomptam orationis antiquæ suavitatem*. Eum, non expresso tamen nomine, indicari simul et exscribi a Livio supra l. VII. c. 10. monuimus in not. 53. ad illum locum.

obsideretur, alter consul comitiorum caussa Romam revocatus. Carceres eo anno in circo primum statuti. Nondum perfunctos cura Privernatis belli tumultus Gallici fama atrox invasit, haud ferne umquam neglecta Patribus. Ex templo igitur consules novi, L. Æmilius Mamercinus et C. U. C. 426. Plautius, eo ipso die, Kalendis Quinctilibus, ²⁶ quo magis- A. C. 326. tratum^a inierunt, comparare inter se provincias jussi; et L. Æmilio Mamercinus, cui Gallicum bellum evenerat, scribere exerci- II. C. Plau- tio Cons. tum sine ulla vacationis venia. quin opificum quoque vulgus et sellularii, minime militiæ idoneum genus, exciti dicuntur: Veiosque ingens exercitus contractus, ut inde obviam Gallis iretur. longius discedi, ne alio itinere hostis falleret ad urbem incedens, non placuit. Paucos deinde post dies, satis explorata temporis ejus quiete, ²⁷ a Gallis Priver- Privernum num omnis conversa vis. Duplex inde fama est: alii vi captum. captam urbem, Vitruviumque vivum in potestatem venisse: alii, priusquam ultima adhiberetur vis, ²⁸ ipsos se in deditio- nem consulis ²⁹ caduceum præferentes permisisse, auctores sunt, Vitruviumque ab suis traditum. Senatus, de Vitruvio Privernatibusque consultus, consulem Plautium, dirutis Priverni muris, præsidioque valido inposito, ad triumphum arcessit; Vitruvium in carcerem adservari jussit, quoad consul redisset; tum verberatum necari. ædes ejus, quæ essent in Palatio, diruendas, bona ³⁰ Semoni Sanco censuerunt consecranda: quodque æris ex eis redactum est, ex eo ænei orbes facti, positi in Sacello Sanci ³¹ versus^o ædem Quirini. De senatu Privernate ita decretum, ut, qui senator Priverni post defectionem ab Romanis mansisset, trans Tiberim lege eadem, qua Veliterni, habitaret. His ita decretis, usque ad triumphum Plautii silentium de Privernati-

^a *magistratus* Gron.

^o *adversus* Crev.

²⁶ *Quo magistratum inierunt*] Vulgo editi *magistratus*. Sed et perpetuus Livii mos id postulat quod expressimus; et ita habent Campanus, Sigonius, tres MSS. Hearnii, quatuor nostri.

²⁷ *A Gallis*] Quæ prius in Gallos parata erat, adversus Privernum omnis conversa vis.

²⁸ *Ipsos se in deditioem consulis . . . permisisse*] Recte videtur Dujatius emendare, *consuli*. Vox illa non tota pro more solito scripta erat, sed tantum *cons.* ut habent quatuor e nostris.

²⁹ *Caduceum*] Virgam pacis indicem, quam ii qui pacem petitori veniebant, gestare præ manibus soliti erant. Vid. plura in not. ad XXVI. 17.

³⁰ *Semoni Sanco*] Observavimus in

not. 74. ad II. 31. *Sancum* eundem esse ac *dium*, sive *deum Fidium*. Idem et Hercules erat, testibus Festo in voce *Propter viam*, et Varr. l. IV. de lingua Latina, sed Hercules Sabinus, ut colligitur ex Varr. loco memorato, et Dion. l. II. qui *Sancum* Sabinæ regionis genium fuisse perhibet. Nempe suum quæque fere gens Herculem habuit. *Semonem* interpretantur vulgo Heroem, quasi *semihominem*: minorem diis, majorem hominibus. Vid. Matth. Martin. Lexicon. Prope ejus, quicumque tandem is sit, sacellum, ædes Quirini fuit.

³¹ *Adversus ædem Quirini*] Andreas, Campanus, aliquot Hearnii MSS. et nostri omnes in hanc lectionem consentiunt. Vulgo *versus ædem*.

U. C. 426.
A. C. 326.
Cos. refert
ad senatum
de Privernatibus.

bus fuit: post triumphum consul, necato Vitruvio sociisque ejus noxæ, apud satiatos jam suppliciis nocentium tutam mentionem de Privernatibus ratus; *Quoniam auctores defectionis, inquit, meritas pœnas et ab Diis immortalibus et a vobis habent, Patres conscripti, quid placet de innoxia multitudine fieri? Equidem, etsi meæ partes exquirendæ magis sententiæ, quam dandæ sunt; tamen, quum videam, Privernates vicinos Samnitibus esse, unde nunc nobis incertissima pax est; quam minimum irarum inter nos illosque relinqui velim.*

Privernatis
legati re-
sponsa fe-
rocia.

XXI. Quum ipsa per se res anceps esset, prout cujusque ingenium erat, atrocius mitiusve suadentibus; tum incertiora omnia unus ex Privernatibus legatis fecit, magis conditionis, in qua natus esset, quam præsentis necessitatis, memor: qui, interrogatus a quodam tristioris sententiæ auctore, *quam pœnam meritos Privernates censeret? eam, inquit, quam merentur, qui se libertate dignos censeant.* cujus quum feroci responso infestiores factos videret consul eos, qui ante Privernatium causam inpugnabant; ut ipse benigna interrogatione mitius responsum eliceret, *Quid, si pœnam, inquit, remittimus vobis, qualem nos pacem vobiscum habituros speremus? Si bonam dederitis, inquit, et fidam, et perpetuam: si malam, haud diuturnam.* Tum vero minari, *nec id ambigue, Privernatem,* ³² *quidam, et illis vocibus ad rebellandum incitari pacatos populos: pars melior senatus* ³³ *ad meliora responsum^p trahere, et dicere, Viri, et liberi, vocem auditam. an credi posse, ullum populum, aut hominem denique, in ea conditione, cujus cum pœniteat, diutius, quam necesse sit, mansurum? Ibi pacem esse fidam, ubi voluntarii pacati sint: neque eo loco, ubi servitutem esse velint, fidem sperandam esse.* In hanc sententiam maxime consul ipse inclinavit animos, idemtidem ad ³⁴ principes sententiarum consulares, uti exaudiri posset a pluribus, dicendo, ³⁵ *Eos demum, qui nihil, præterquam de libertate, cogitent^q, dignos esse, qui Romani fiant.* Itaque et in senatu causam obtinuerunt, et ex auctoritate Patrum latum ad populum est, ut Privernatibus civitas daretur. Eodem anno Anxur trecenti in coloniam missi sunt: bina jugera agri acceperunt.

Privernatibus civitas datur.

^p responsa Gron. Crev.

^q cogitant Gron.

³² Quidam] Supple, dixere.

³³ Ad meliora responsa] Legendum videtur cum Gronovio: ad molliora responsum trahere. Et quidem duo e nostris libris habent *responsus*: a secunda tamen manu.

³⁴ Principes sententiarum consulares] Princeps sententiæ alicujus est is qui primus in senatu eam sententiam dixit: consulares autem primi roga-

bantur sententiam. Itaque principes sententiarum consulares sunt consulares viri, qui primi diversas illas sententias, quæ senatum distrahebant, de Privernatibus dixerant.

³⁵ Eos demum, qui . . . cogitent] Editi habebant *cogitant*: minus commode. Campanus, et quatuor MSS. Hearnii, et omnes nostri id, quod edidimus, firman.

XXII. Secutus est annus nulla re belli domive insignis, U. C. 427. P. Plautio Proculo, P. Cornelio Scapula consulibus; præ- A. C. 325. terquam quod Fregellas (³⁶ Sidicinorum is ager, deinde P. Plautio, Volscorum fuerat) colonia deducta; et populo ³⁷visceratio P. Cornelio data a M. Flavio in funere matris. Erant, qui, per speciem Coss. honorandæ parentis, meritam mercedem populo solutam interpretarentur; quod eum, die dicta ab ædilibus, crimine stupratæ matrisfamilie absolvisset. Data visceratio in præteritam judicii gratiam, honoris etiam ei causa fuit: tribunatumque plebei, proximis comitiis, absens petentibus præfertur. Palæpolis fuit haud procul inde, ubi nunc Neapolis Palæpolis sita est. duabus urbibus populus idem habitabat. Cumis erant oriundi. Cumani ab Chalcide Euboica originem trahunt. Classe, qua advecti ab domo fuerant, multum in ora maris ejus, quod adcolunt, potuere. Primo in ³⁸insulas Ænariam et Pithecusas egressi, deinde in continentem ausi sedes transferre. Hæc civitas, quum suis viribus, tum Samnitium ³⁹infida adversus Romanos societate freta, sive pestilentie, quæ Romanam urbem adorta nunciabatur, fidens, multa hostilia adversus Romanos, agrum Campanum Falernumque incolentes, fecit. Igitur, L. Cornelio Lentulo, Q. Publilio U. C. 428. Philone iterum consulibus, fecialibus Palæpolim ad res re- A. C. 324. petendas missis, quum relatum esset a Græcis, gente lingua L. Cornelio, magis strenua, quam factis, ferox responsum; ex auctori- Q. Publilio tate Patrum populus Palæpolitani bellum fieri jussit. Inter II. Coss. consules provinciis comparatis, bello Græci persequendi Palæpolitani bellum inferitur. Publilio evenerunt; Cornelius altero exercitu Samnitibus, si qua se moverent, obpositus. Fama autem erat, ⁴⁰defectioni Campanorum imminentes admoturos castra. ibi optimum visum Cornelio stativa habere. Ab utroque consule, exiguam spem pacis cum Samnitibus esse, certior fit senatus.

XXIII. ⁴¹Publilius, duo millia Nolanorum militum et quatuor Samnitium, magis Nolanis cogentibus, quam voluntate Græcorum, recepta Palæpolim^r, miserat: Cornelius, delectum indictum a magistratibus, universum Samnium erectum, ac vicinos populos, Privernatem, Fundanumque, et

^r Palæpoli Gron. Crev.

³⁶ Sidicinorum] Hoc a Sigonii conjectura est. Antea Signinorum.

³⁷ Visceratio] Crudæ carnis distributio. Viscera enim non tantum intestina dicimus, inquit Servius ad I. Æn. v. 215. sed quidquid sub corio est. Unde idem Servius ad III. Æn. v. 622. ait viscera proprie carnes esse.

³⁸ Insulas Ænariam et Pithecusas] Has quas distinguit Livius insulas plurimi unam faciunt.

³⁹ Infida . . . societate freta] Vid. not. 50. ad VI. 13.

⁴⁰ Defectioni Campanorum imminentes] Intentos in defectionem Campanorum, quos brevi descituros ab Romanis sperabant.

⁴¹ Publilius . . . miserat] Supple litteras, quibus nuntiabat duo millia Nolanorum recepta esse in urbe Palæpoli. Similis plane locutio occurrit infra l. XXXVI. c. 8.

U. C. 428.
A. C. 324.
Legati ad
Samnites.

Palæpolis
obsessa.

M. Clau-
dus dicta-
tor.

Formianum, haud ambigue sollicitari. Ob hæc quum legatos mitti placuisset prius ad Samnites, quam bellum fieret; responsum redditur ab Samnitibus ferox. ⁴² Ultro incusabant injurias Romanorum: neque eo negligentius ea, quæ ipsis objicerentur, purgabant. *Haud ullo publico consilio auxiliove juvare Græcos: nec Fundanum Formianumve a se sollicitatos. quippe minime pœnitere se virium suarum, si bellum placeat. Ceterum non posse dissimulare, ægre pati civitatem Samnitium, quod Fregellas, ex Volscis captas dirutasque ab se, restituerit Romanus populus, coloniamque in Samnitium agro inposuerit, quam coloni eorum Fregellas adpellent. Eam se contumeliam injuriamque, ni sibi ab iis, qui fecerint, dematur, ipsos omni vi depulsuros esse.* Quum Romanus legatus ad disceptandum eos ad communes socios atque amicos vocaret: *Quid perplexe agimus?* inquit. *Nostra certamina, Romani, non verba legatorum, nec hominum quisquam disceptator, sed campus Campanus, in quo concurrendum est, et arma, et communis Mars belli decernet. Proinde inter Capuam Suessulamque castra castris conferamus: et, Samnis Romanusne imperio Italiam regat, decernamus.* Legati Romanorum quum se, non quo hostis vocasset, sed quo imperatores sui duxissent, ituros esse respondissent; jam Publilius, inter Palæpolim Neapolimque loco opportune capto, diremerat. hostibus societatem auxilii mutui; qua, ut quisque locus premeretur, inter se usi fuerant. Itaque quum et comitiorum dies instaret, et, Publilium, imminentem hostium muris, advocari ab spe capiendæ in dies urbis, haud e republica esset; actum cum tribunis est, ad populum ferrent, ut, quum Publilius Philo consulatu abisset, pro consule rem gereret, quoad debellatum cum Græcis esset. L. Cornelio (quia ne eum quidem in Samnium jam ingressum revocari ab inpetu belli placebat) literæ missæ, ut dictatorem comitiorum caussa diceret. dixit M. Claudium Marcellum. ab eo magister equitum dictus Sp. Postumius. Nec tamen ab dictatore comitia sunt habita, quia, vitione creatus esset, in disquisitionem venit. consulti augures, vitiosum videri dictatorem, pronunciaverunt. Eam rem tribuni suspectam infamemque criminando fecerunt. *Nam neque facile fuisse id vitium nosci,* ⁴³ *quum consul oriens* ⁴⁴ *nocte silentio diceret*

⁴ *oriens* Gron.

⁴² * *Ultro*] Vid. not. 39. ad I. 5.

⁴³ *Quum consul oriens nocte*] Sic emendavit Gronovius, quum vulgo ederetur *oriens nocte*: manifesto errore. Etenim is qui auspicaturus erat, post mediam noctem surgebat, teste Festo in voce *Silentio*. *Oriri* autem apud veteres usurpabatur pro *surgere*,

ut apparet ex hac formula, quam Gronovius e Velio longo affert, quæ quidem id de quo hic agitur proprie tangit: *Consul oriens magistrum populi dicat*. Ceterum quum antiquissimus reglorum codd. habeat *oriens nocte*, libenter legeremus *oriens de nocte*, usitatissima apud Latinos lo-

dictatorem: neque ab consule cuiquam publice privatimve de U. C. 428. ea re scriptum esse: nec quemquam mortalium exstare, qui se A. C. 324. vidisse aut audisse quid dicat, quod auspiciū dirimeret: neque augures divinare Romæ sedentes potuisse, quid in castris consuli vitii obvenisset. Cui non adparere, quod plebeius dictator sit, id vitium auguribus visum? Hæc aliaque ab tribunis nequidquam jactata: tamen ad interregnum res redit: dilatisque alia atque alia de causa comitiis, quartusdecimus demum interrex L. Æmilius consules creat C. Poetelium, U. C. 429. L. Papirium Mugillanum. Cursorem in aliis annalibus in- A. C. 323. venio. C. Poetelio II. L. Papirio Cosa. Alexandri Epirensis fata.

XXIV. ⁴⁵ Eodem anno Alexandriam in Ægypto proditum conditam; Alexandrumque, Epiri regem, ab exsule Lucano interfectum, ⁴⁶ sortes Dodonæi Jovis eventu adfirmasse. Adcito ab Tarentinis in Italiam data ⁴⁷ dictio erat, *caveret Acherusiam aquam Pandosiamque urbem: ibi fatis ejus terminum dari.* Eoque ocius transiit in Italiam, ut quam maxime procul abesset urbe Pandosia in Epiro et Acheronte anni, quem ex Molosside fluentem in ⁴⁸ stagna inferna accipit Thesprotius¹ sinus. Ceterum (ut ferme fugiendo in media fata ruitur) quum sæpe Bruttias Lucanasque legiones fudisset; Heracleam Tarentinorum coloniam,

¹ *Thesprotinus* Gron.

quendi forma. Horat. I. Ep. 2. v. 32. *surgunt de nocte latrones.* Cic. pro Muren. n. 22. *Vigilas tu de nocte.*

⁴⁴ *Silentio*] *Silentio surgere quum dicitur, significat non interpellari quominus rem gerat,* inquit Festus in voce *Sinistrum*. Apud eum vide in vocibus *Silentio* et *Solida sella*, quomodo providerent ii qui in auspicio erant, ne quid strepitus oriretur, quod auspicia turbaret. Hinc *silentium* dicitur in auspiciis, quod omni vitio caret. Vid. et Cic. II. de Div. n. 71.

⁴⁵ *Eodem anno Alexandriam in Ægypto proditum conditam*] Inter doctos constat non conditam esse Alexandriam hoc anno, quo conditor ejus Alexander Babylone mortuus est, sed sex septemve ante annis. Suspiciatur Plinius in Annal. ad annum 420. errorem Livii, vel eorum quos hic ille sequitur, ortum esse ex omisso illo L. Papirii Cursoris, et C. Poetelii consulatu, de quo supra ad c. 19. Ad illos enim consules Alexandriam conditam refert Solinus, Polyhist. c. 35. Quos quum non memoraverit Livius, in consules hujus anni, L. Papirium Mugillanum, C. Poetelium iterum, nominum similitudine deceptus, male

rejecit conditæ Alexandriæ tempus.

⁴⁶ *Sortes Dodonæi Jovis*] Jam observavimus ad l. I. c. 56. *sortes* interdum sumi pro quovis oraculi responso, etiam voce edito. Hic possunt intelligi veræ sortes. Constat enim ex Cic. de Div. l. I. n. 76. et l. II. n. 69. apud Dodonam, præter columbas, et quercum vaticinantem, et Dodonæum æs, etiam sortes locum habuisse. Porro sortes illæ, fuere tali, aut tessere, aut schedulæ certis litteris, vel vocibus, vel notis inscriptæ. Eas alibi jaciebat ipse consultor, alibi ex urna extrahebat puer. Earum deinde notas interpretabantur sacerdotes, indeque oraculi responsum concinnabant. Vid. Ant. Vandale, Dissertat. de oraculorum origine et auctoribus, c. 14.

⁴⁷ *Dictio*] Responsum oraculi. Eodem sensu hanc vocem usurpavit Pacuvius. Vid. l. II. ad Herenn. n. 42.

⁴⁸ *Stagna inferna*] Vox *inferna* videtur esse propria appellatio stagni alicujus; fortasse Acherusiae ipsius paludis, cui hoc nomen inditum esse potuit a populari opinione, quæ Acherontem fluvium in infernas sedes per eam paludem delabi fingeat.

U. C. 429. ⁴⁹ Consentiam ex Lucania, Sipontumque, Bruttiorum Teri-
 A. C. 323. nam, alias inde Messapiorum ac Lucanorum cepisset urbes,
 et trecentas familias inlustres in Epirum, quas obsidum nu-
 mero haberet, misisset, haud procul Pandosia urbe ⁵⁰ inmi-
 nente^a Lucanis ac Bruttiis finibus tris tumulos, aliquantum
 inter se distantes, insedit; ex quibus incursiones in omnem
 partem agri hostilis faceret. et ducentos ferme Lucanorum
 exsules circa se pro fidis habebat, ut pleraque ejus generis
 ingenia sunt, cum fortuna mutabilem gerentes fidem. Imbres
 continui, campis omnibus inundantes, quum interclusissent
 trifariam exercitum a mutuo inter se auxilio, duo praesidia,
 quae sine rege erant, improviso hostium adventu obprimun-
 tur: deletisque eis, ad ipsius obsidionem omnes conversi.
 Inde ab Lucanis exsulibus ad suos nuncii missi sunt: pac-
 toque reditu promissum est, regem, aut vivum, aut mor-
 tuum, in potestatem daturus. Ceterum cum delectis ipse,
 egregium facinus ausus, per medios erumpit hostes, et du-
 cem Lucanorum cominus congressum obtruncat: contra-
 hensque suos ex fuga palatos, pervenit ad amnem, ruinis
 recentibus pontis, quem vis aquae abstulerat, indicantem
 iter. quem quum incerto vado transiret agmen, fessus metu
 ac labore miles, increpans nomen abominandum fluminis,
Jure Acheros vocaris, inquit. quod ubi ad aures accidit
 regis; adjecit extemplo animum fati suis; substititque du-
 bius, an transiret. Tum Sotimus ⁵¹ minister ex regis pue-
 ris, *quid in tanto discrimine periculi cunctaretur* interrogans,
 indicat, Lucanos insidiis quærere locum. Quos ubi respexit
 rex procul grege facto venientes, stringit gladium, et per
 medium amnem transmittit equum. Jamque in vadum
 egressum eminus veruto Lucanus exsul transfigit. lapsum
 inde cum inhærente telo corpus exanime detulit amnis in
 hostium praesidia. Ibi foeda laceratio corporis facta. nam-
 que, praeciso medio, partem Consentiam misere: pars ipsis
 retenta ad ludibrium. quae quum jaculis saxisque procul
 incesceretur, mulier una, ⁵² ultra humanarum irarum fidem
 saevienti turbæ inmixta, ut parumper sustinerent precata,

^a imminentes Gron. Crev.

⁴⁹ *Consentiam ex Lucanis Sipontumque*] Observat Dujatius neutram ex his urbibus in finibus Lucanorum includi: ac pro *Consentia* suspicatur legendum *Potentiam*, pro *Siponto Metapontum*, quae haud dubie Lucanorum urbes sunt. Et vero ex iis, quae infra de laceratione corporis regii narrantur, Metapontus videtur in Alexandri potestate fuisse, non item Consentia.

⁵⁰ *Imminentes*] Campanus, Andreas, MSS. Hearnii et nostri, *imminente*; quod magis placet.

⁵¹ *Minister ex regis pueris*] Armiger, ex illa cohorte puerorum nobilium, qui apud reges varia munia obibant, memorata a Curtio, l. VIII. c. 21.

⁵² *Ultra humanarum irarum fidem*] Ultra quam credi potest humanam iram progredi.

fleus ait, *virum sibi liberosque captos apud hostes esse: spe-* U. C. 429.
rare, corpore regio utcumque mulcato se suos redempturam. Is A. C. 323.
 finis lacerationi fuit. sepultumque Consentiae, quod mem-
 brorum reliquum fuit, cura mulieris unius: ossaque Meta-
 pontum ad hostes remissa; inde Epirum devecta ad Cleopa-
 train uxorem sororemque Olympiadem: quarum mater
 Magni Alexandri altera, soror altera fuit. Hæc de Alex-
 andri Epirensis tristi eventu, quamquam Romano bello for-
 tuna eum abstinuit, tamen, quia in Italia bella gessit, paucis
 dixisse satis sit.

XXV. Eodem anno ⁵³ lectisternium Romæ, quinto post ^{Quintum}
 conditam urbem, iisdem, quibus ante, placandis habitum ^{lectister-}
 est Diis. Novi deinde consules jussu populi quum misis- ^{nium.}
 sent, qui indicerent Samnitibus bellum; et ipsi majore co-
 natu, quam adversus Græcos, cuncta parabant; et alia nova
 nihil tum animo tale agitantibus accesserunt auxilia. Lu-
 cani atque Apuli, quibus gentibus nihil ad eam diem cum
 Romano populo fuerat, in fidem venerunt, arma virosque
 ad bellum pollicentes. foedere ergo in amicitiam accepti.
 Eodem tempore etiam in Samnio res prospere gesta. tria
 oppida in potestatem venerunt, Allifæ, Callifæ, Ruffrium:
 aliusque ager primo adventu consulum longe lateque est
 pervastatus. Hoc bello tam prospere commisso, alteri quo-
 que bello, quo Græci obsidebantur, jam finis aderat. nam,
 præterquam quod, ⁵⁴ interseptis munimentis hostium, pars
 parti abscissa erat, ⁵⁵ foediora aliquanto intra muros iis,
 quibus hostis territabat, patiebantur: et velut capti a suis-
 metipsis præsiidiis, indigna jam liberis quoque ac conjugi-
 bus, et quæ captarum urbium extrema sunt, patiebantur.
 Itaque quum, et a Tarento et a Samnitibus, fama esset, nova
 auxilia ventura, Samnitium plus, quam vellent, intra moenia
 esse rebantur: Tarentinorum juventutem, Græci Græcos,
 haud minus per quos Samniti Nolanoque, quam ut Roma-
 nis hostibus resisterent, expectabant. Postremo levissi-
 mum malorum deditio ad Romanos visa. Charilaus et
 Nymphius, principes civitatis, communicato inter se consilio,
 partes ad rem agendam divisere, ut alter ad imperatorem

⁵³ *Lectisternium quinto]* Ter-
 tio factum fuerat anno 391. Vid. VII.
 2. Quarto autem quando factum fue-
 rit, nusquam docet Livius.

⁵⁴ *Interseptis munimentis]* Muni-
 menta hic intelligimus brachia a Pa-
 læpoli ad Neapolim ducta, per quæ
 ultro citroque commeari et sibi invi-
 cem auxilium ferre Græci possent.
 Vid. supra c. 23. Hæc igitur muni-
 menta, sive brachia fuerant intersep-
 ta, sive interrupta, intercisa ab Ro-

manis, qui medio inter utramque ur-
 bem loco capto societatem mutui au-
 xilii hostibus diremerant.

⁵⁵ *Fœdiora aliquanto]* Hunc totum
 locum sic legit Gronovius. *Fœdiora*
aliquanto intra muros iis, quibus hostis
territabat, et, velut capti a suismet
ipsi præsiidiis, indigna jam in liberis
quoque ac conjugibus, et quæ captarum
urbium extrema sunt, patiebantur.

U. C. 429.
A. C. 323.

Palæpolis
tradita.

Romanorum transfugeret, alter subsisteret ad præbendam opportunam consilio urbem. Charilaus fuit, qui ad Publium Philonem venit: et, *quod bonum, faustum, felix^x Palæpolitani populoque Romano esset, tradere se, ait, mœnia statuisset. Eo facto utrum ab se prodita, an servata, patria videatur, in fide Romana positum esse. sibi privatim nec pacisci quidquam, nec petere: publice petere, quam pacisci, magis, ut, si successisset inceptum, cogitaret populus Romanus, potius cum quanto studio periculoque reditum in amicitiam suam esset, quam qua stultitia et temeritate de officio decesum.* Conlaudatus ab imperatore tria millia militum ad occupandam eam partem urbis, quam Samnites insidebant, accepit: ⁵⁶ præsidio ei L. Quinctius tribunus militum præpositus.

XXVI. Eodem tempore et Nymphius prætorem Samnitium arte adgressus perpulerat, ut, quoniam omnis Romanus exercitus aut circa Palæpolim aut in Samnio esset, sineret se classe circumvehi ad Romanum agrum, non oram modo maris, sed ipsi urbi propinqua loca depopulaturum. Sed, ut falleret, nocte proficiscendum esse, extemploque ⁵⁷ naves deducendas. quod quo maturius fieret, omnis juvenus Samnitium, præter necessarium urbis præsidium, ad litus missa. ubi dum Nymphius in tenebris et multitudine semet ipsa impediens, sedulo aliis alia imperia turbans, terit tempus; Charilaus, ex composito ab sociis in urbem receptus, quum summa urbis Romano milite inplesset, tolli clamorem jussit: ad quem Græci, signo accepto a principibus, quiescere. Nolani per aversam partem urbis via Nolam ferente effugiunt. Samnitibus exclusis ab urbe, ut expeditior in præsentia fuga, ita foedior, postquam periculo evaserunt, visa: quippe qui inermes, nulla rerum suarum non relictæ inter hostes, ludibrium non externis modo, sed etiam popularibus, spoliati atque egentes domos rediere. ⁵⁸ Haud ignarus opinionis alterius, qua hæc proditio ab Samnitibus facta traditur, quum auctoribus hoc dedi, quibus dignius credi est, tum foedus Neapolitanum (eo enim deinde summa rei Græcorum venit) similis vero facit, ipsos in amicitiam redisse.

^x *felixque* Gron. Crev.

⁵⁶ *Præsidio ei*] Huic militum manui.

⁵⁷ *Naves deducendas*] In mare. Verbum hac in re proprium, cui opponitur *subducere* in siccum.

⁵⁸ *Haud ignarus*] Sensus est: Proditionem Palæpolis alii Palæpolitani auctoribus, alii Samnitibus auctoribus factam esse tradiderunt. Me, ut Palæpolitani ducibus factam esse cre-

dam, quum scriptorum auctoritas movet, qui id tradiderunt, tum foedus Neapolitanum. Græcorum enim illorum rei summa a Palæpoli Neapolim deinde translata est. SIGONIVS. Foedus nempe Neapolitanum iis legibus ictum erat, quæ venientibus sponte in amicitiam potius, quam vi aut aliena proditione domitis dictæ viderentur.

Publilio triumphus decretus; ⁵⁹ quod satis credebatur, obsi- U. C. 429.
dione domitos hostes in fidem venisse. Duo singularia hæc A. C. 323.
ei viro primum contigere; prorogatio imperii non ante in
ullo facta, ⁶⁰ et acto honore triumphus.

XXVII. Aliud subinde bellum cum alterius oræ Græcis
exortum. namque Tarentini, quum rem Palæpolitānam vana Tarentino-
spe auxilii aliquamdiu sustinuissent, postquam Romanos rum indig-
urbe potitos acceperē, velut destituti, ac non qui ipsi natio in Ro-
destituissent, increpare Palæpolitānos: ira atque invidia manos.
in Romanos furere; eo etiam, quod Lucanos et Apulos
(nam utraque eo anno societas cœpta est) in fidem po-
puli Romani venisse adlatum est. *quippe propemodum per-
ventum ad se esse: jamque in eo rem fore, ut Romani
aut hostes, aut domini habendi sint. Discrimen profecto
rerum suarum in bello Samnitium eventusque ejus verti. eam
solam gentem restare, nec eam ipsam satis validam, quando
Lucanus defecerit. quem revocari adhuc, inpellique ad abo-
lendam societatem Romanam posse, si qua ars serendis dis-
cordiis adhibeatur.* Hæc consilia quum apud cupidos rerum
novandarum valuissent; ex juventute quidam Lucanorum Concitans
pretio adsciti, clari magis inter populares, quam honesti, Lucanos.
inter se mulcati ipsi virgis, quum corpora nuda intulissent
in civium cœtum, vociferati sunt, se, quod castra Romana
ingredi ausi essent, a consule virgis cæsoꝝ, ac prope securi
percussos esse. Deformis suapte natura res quum speciem
injuriae magis, quam doli, præ se ferret, concitati homines
cogunt clamore suo magistratus senatum vocare: et alii,
circumstantes concilium, bellum in Romanos poscunt: alii
ad concitandam in arma multitudinem agrestium discurrunt:
tumultusque etiam sanos ⁶¹ consternante animos, decernitur,
ut societas cum Samnitibus renovaretur; legatique ad eam
rem mittuntur*. Repentina res ⁶² quia quam causam nul-
lam, tam ne fidem quidem habebat, coacti a Samnitibus et
obsides dare, et præsidia in loca munita accipere, cæci
fraude et ira nihil recusarunt. Dilucere deinde brevi
fraus cœpit, postquam criminum falsorum auctores Taren-
tum commigravere: sed, amissa omni de se potestate, nihil
ultra, quam ut pœniteret frustra, restabat.

XXVIII. Eo anno plebi Romanæ velut aliud initium

* mittuntur Gron. Crev.

⁵⁹ Quod satis credebatur] Quod, et si Palæpolis vi capta non fuerat, tamen satis credebatur obsidione domitos hostes esse et ad deditionem compulsoꝝ: atque adeo victoriam hanc triumpho non indignam esse.

⁶⁰ Et acto honore triumphus] Et triumphus post exactum magistra-

tum. Huc usque nemo nisi in magistratu triumphaverat.

⁶¹ Consternante] Ad furorem incitante.

⁶² Quia, quam causam nullam] Quia, quemadmodum causam nullam habebat, ita ne credibilis quidem videbatur.

U. C. 429. libertatis factum est, ⁶³ quod necti' desierunt: mutatum
 A. C. 323. autem jus ob unius fœneratoris simul libidinem, simul cru-
 Papirii delitatem insignem. L. Papirius is fuit: cui quum se C.
 fœneratoris Publilius ob æs alienum paternum nexum dedisset; ⁶⁴ quæ
 fœda libido. ætas formaque misericordiam elicere poterat, ad libidinem
 et contumeliam animum accenderunt: et, florem ætatis
 ejus fructum adventicium crediti ratus, primo perlicere ado-
 lescentem sermone incesto est conatus: dein, postquam
 aspernabantur flagitium aures, minis territare, atque idemti-
 dem admonere fortunæ: postremo, quum ingenuitatis ma-
 gis, quam præsentis conditionis, memorem videret, nudari
 jubet, verberaque adferri. Quibus laceratus juvenis, quum
 se in publicum proripuisset, libidinem crudelitatemque con-
 querens fœneratoris; ingens vis hominum, quum ætatis
 miseratione atque indignitate injuriæ accensa, tum suæ
 conditionis liberûmque suorum respectu in forum; atque
 inde, agmine facto, ad curiam concurrit. et quum consules,
 tumultu repentino coacti, senatum vocarent, introëntibus
 in curiam Patribus laceratum juvenis tergum, procumbentes
 ad singulorum pedes, ostentabant. Victum eo die ob inpo-
 tentem injuriam unius ingens vinculum fidei: jussique con-
 sules ferre ad populum, ne quis, nisi qui noxam meruisset,
 donec pœnam lueret, in compedibus aut in nervo teneretur:
 pecuniæ creditæ bona debitoris, non corpus, obnoxium es-
 set. Ita nexi soluti; ⁶⁵ cautumque in posterum, ne necte-
 rentur.

Nexi soluti,
 cautumque
 ne necte-
 rentur.

XXIX. Eodem anno, quum satis per se ipsum Samni-
 tium bellum et defectio repens Lucanorum, auctoresque de-
 fectionis Tarentini sollicitos haberent Patres, accessit, ut et
 Vestinus populus Samnitibus sese conjungeret. quæ res
 sicut eo anno sermonibus magis passim hominum jactata,
 quam in publico ullo concilio est; ita insequentis anni con-
 sulibus, L. Furio Camillo iterum, ⁶⁶ Junio Bruto Scaevæ,
 nulla prior potiorque visa est, de qua ad senatum referrent.
 et, quamquam ⁶⁷ nova res erat, tamen tanta cura Patres in-
 cessit, ut pariter eam susceptam neglectamque timerent: ne
 aut impunitas eorum lascivia superbiaque, aut bello pœnæ

U. C. 430.
 A. C. 322.
 L. Furio II.
 D. Junio
 Coss.

7 ligari nexi Gron.

⁶³ Quod necti desierunt] Quod in
 servitutem dari creditoribus debitores
 desierunt. Sigonius jusserrat legi, quod
 ligari nexi desierunt, eique obsecuti
 fuerant plerique editores, quum ab-
 surda esset hæc emendatio. Qui enim
 nexi sunt, eos certe nihil jam opus est
 ligari. Restitui mus veterem lectio-
 nem, quam tuentur quatuor e MSS.
 nostris vel optimi.

⁶⁴ Quæ ætas poterant] Sic

Andreas et Campanus. Vulgati pot-
 erat: vitiose.

⁶⁵ Cautumque in posterum, ne nec-
 terentur] Id tamen jus non omnino
 pro firmo stetit. Siquidem opus fuit
 eam legem renovari quadraginta fere
 post annis, tum quum plebes in Jani-
 culum secessit.

⁶⁶ Junio] Lege D. Junio.

⁶⁷ Nova] Recens: ex qua proinde
 nihildum acceptum fuerat damni.

expetitæ metu propinquo atque ira concirent finitimos populos. Et erat genus omne abunde bello Samnitibus par, Marsi Pelignique et Marrucini: quos, si Vestinus adtingeretur, omnes habendos hostes. Vicit tamen pars, quæ in præsentia videri potuit majoris animi, quam consilii: sed eventus docuit, fortes fortunam juvare. Bellum ex auctoritate Patrum populus adversus Vestinos jussit. Provincia ea Bruto, Samnium Camillo sorte evenit. Exercitus utroque ducti, et cura tuendorum finium hostes prohibiti conjungere arma. Ceterum alterum consulem L. Furium, cui major moles rerum inposita erat, morbo gravi implicatum fortuna bello subtraxit: jussusque dictatorem dicere rei gerendæ causa, longe clarissimum bello ea tempestate dixit L. Papirium Cursorem; a quo Q. Fabius Maximus Rullianus magister equitum est dictus: par nobile rebus in eo magistratu gestis, discordia tamen, qua prope ad ultimum dimicationis ventum est, nobilior. Ab altero consule in Vestinis multiplex bellum, nec usquam vario eventu, gestum est. nam et pervastavit agros, et, populando atque urendo tecta hostium sataque, in aciem invitos extraxit: et ita proelio uno adcidit Vestinorum res, haudquaquam tamen incruento milite suo, ut non in castra solum refugerent hostes, sed, jam ne vallo quidem ac fossis freti, dilaberentur in oppida, situ urbium mœnibusque se defensuri. Postremo oppida quoque ⁶⁸ vi expugnare ² adortus, primo Cutinam ingenti ardore militum ⁶⁹ aut vulnerum ira, quod haud fere quisquam integer proelio excesserat, scalis cepit: deinde Cingiliam. utriusque urbis prædam militibus, quod eos neque portæ, neque muri hostium arcuerant, concessit.

U. C. 430.
A. C. 322.
Vestinis
bellum in-
dictum.

L. Papirius
dictator.

XXX. In Samnium incertis itum auspiciis est: cujus rei vitium non in belli eventum, quod prospere gestum est, sed in rabiem atque iras imperatorum vertit. namque Papirius dictator, a pullario monitus, quum ad auspicium repetendum Romam proficisceretur, magistro equitum denunciavit, ut sese loco teneret, neu, absente se, cum hoste manum consereret. Fabius quum post profectionem dictatoris per exploratores comperisset, perinde omnia soluta apud hostes, ac si nemo Romanus in Samnio esset; seu ferox adolescens indignitate accensus, quod omnia in dictatore viderentur reposita esse; seu occasione bene gerendæ rei induc-

Fabius M.
E. absente
dictatore,
rem bene
gerit.

² *obpugnare* Gron.

⁶⁸ *Vi expugnare est adortus*] Gronovius edidit *vi obpugnare*: nulla tamen ratione allata, cur recesserit a reliquis editionibus; quæ, ut et omnes MSS. nostri, habent *expugnare*. Ceterum eam lectionem, quam ille expressit, non improbaremus, si satis firma ali-

qua auctoritate niteretur. Non rara enim ejus exempla occurrunt apud Livium, sicut l. X. c. 46. et alibi sæpius.

⁶⁹ *Aut vulnerum ira*] Lege omnino *ac vulnerum ira*, auctoribus duobus Hearnii MSS. et Campano.

U. C. 430. tus; exercitu instructo paratoque profectus ad Imbrinium,
 A. C. 322. (ita vocant locum) acie cum Samnitibus conflixit. ea fortuna pugnae fuit, ut nihil relictum sit, quo, si adfuisset dictator, res melius geri potuerit: non dux militi, non miles duci defuit. Eques etiam, auctore L. Cominio tribuno militum, qui aliquoties inpetu capto perrumpere non poterat hostium agmen, detraxit frenos equis; atque ita concitatos calcaribus permisit, ut sustinere eos nulla vis posset. per arma, per viros late stragem dedere. Secutus pedes inpetum equitum, turbatis hostibus intulit signa. Viginti millia hostium caesa eo die traduntur. Auctores habeo, bis cum hoste signa conlata, dictatore absente, bis rem egregie gestam. Apud antiquissimos scriptores una haec pugna invenitur: in quibusdam annalibus tota res praetermissa est. Magister equitum, ut ex tanta caede, multis potitus spoliis, congesta in ingentem acervum hostilia arma subdito igne concremavit: seu votum id Deorum cuipiam fuit; seu credere libet
⁷⁰ Fabio auctori, eo factum, ne suae gloriae fructum dictator caperet, nomenque ibi scriberet, aut spolia in triumpho ferret. Literae quoque de re prospere gesta ad senatum, non ad dictatorem, missae, argumentum fuere minime cum eo communicatis laudes^a. Ita certe dictator id factum accepit, ut, laetis aliis victoria parta, praese ferret iram tristitiamque. Misso itaque repente senatu, se ex curia proripuit: tum vero, non Samnitium magis legiones, quam maiestatem dictatoriam et disciplinam militarem, a magistro equitum victam et eversam dictitans, si illi inpune spretum imperium fuisset. Itaque plenus minarum iraeque, profectus in castra, quum maximis itineribus isset, non tamen praevenire famam adventus sui potuit. Praecucurrerant enim ab urbe, qui nunciarent, dictatorem avidum poenae venire, alternis pene verbis T. Manlii factum laudantem.

Dictator indignatur.

Fabii oratio ad milites.

XXXI. Fabius, concione extemplo advocata, obtestatus milites est, *ut, qua virtute rempublicam ab infestissimis hostibus defendissent, eadem se, ⁷¹ cuius ductu auspicioque vicissent, ab inpotenti crudelitate dictatoris tutarentur. Venire amentem invidia, iratum virtuti alienae felicitatique, furere, quod, se absente, res publica egregie gesta esset: malle, si mutare fortunam posset, apud Samnites, quam Romanos, victoriam esse. Imperium dictitare spretum, tamquam non eadem mente pug-*

^a laudem Gron. Crev.

⁷⁰ Fabio] Intellige Fabium Pictorem, scriptorem rerum Romanarum.

⁷¹ Cuius ductu auspicioque vicissent] Hic non omnino accurate loquentem facit Fabium Livius. Ductu quidem magistri equitum vicerant

Romani, sed auspicio dictatoris. Si quidem magister equitum ipse non habebat auspicia, sed imperio dictatoris et auspiciis suberat. Vid. Perizon. Animadv. Histor. c. 7.

nari vetuerit, qua pugnatum doleat: et ~~hæc~~ invidia impedire U. C. 430.
 virtutem alienam voluisse, cupidissimisque arma ablaturum A. C. 322.
 fuisse militibus, ne, se absente, moveri possent: et nunc id
 furere, id ægre pati, quod sine L. Papirio, non inermes, non
 manci milites fuerint, quod se Q. Fabius magistrum equitum
 duxerit, ac non accensum dictatoris. Quid illum facturum
 fuisse, si, quod belli casus ferunt, Marsque communis, adversa
 pugna evenisset; qui sibi, devictis hostibus, republica bene
 gesta, ita ut non ab illo unico duce melius geri potuerit, suppli-
 cium magistro equitum minetur? Neque illum magistro equi-
 tum infestiores, quam tribunis militum, quam centurionibus,
 quam militibus esse. si possit, in omnes sæviturum fuisse: quia
 id nequeat, in unum sævire. Etiam invidiam, tamquam ignem,
 summa petere; in caput consilii, in ducem incurrere. si se simul
 cum gloria rei gestæ extinxisset, tunc victorem, velut in capto
 exercitu dominantem, quidquid licuerit in magistro equitum, in
 militibus ausurum. Proinde adessent in sua causa omnium
 libertati. Si consensum exercitus eundem, qui in prælio fuerit,
 in tuenda victoria videat, et salutem unius omnibus curæ esse;
 inclinaturum ad clementiorem sententiam animum. Postremo
 se vitam fortunasque suas illorum fidei virtutique permit-
 tere.

XXXII. Clamor e tota concione ortus, uti bonum animum
 haberet: neminem illi vim adlaturum, salvis legionibus Ro-
 manis. Haud multo post dictator advenit: classicoque ex-
 templo ad concionem advocavit. Tum, silentio facto, præco
 Q. Fabium magistrum equitum citavit. qui simul ex inferio-
 re loco ad tribunal accessit, tum dictator, *Quæro, inquit, Dictatoris*
 de te, Q. Fabi, quum summum imperium dictatoris sit, pare- *oratio ad*
 antque ei ⁷² consules, regia potestas, prætores iisdem auspiciis, *M. E.*
 quibus consules, creati; æquum censeas, necne, magistrum
 equitum dicto audientem esse? Itemque illud interrogo, quum
 me incertis auspiciis profectum ab domo scirem, utrum mihi
 turbatis religionibus res publica in discrimen committenda fue-
 rit, an auspicia repetenda, ne quid dubius Diis agerem? Simul
 illud, quæ dictatori religio impedimento ad rem gerendam fue-
 rit, num ea magister equitum solutus ac liber potuerit esse?
⁷³ Sed quid ego hæc interrogo? quum, si ego tacitus abissem,
 tamen tibi ad voluntatis interpretationem meæ dirigenda tua
 sententia fuerit. Quin tu respondes, vetuerimne, te quidquam

⁷² Consules, regia potestas] Vid. not. 9. ad IV. 2. supra.

⁷³ Sed quid ego] Quasi diceret: sed quid ego te ad disceptationem ipsius rei voco, quum quæ partes non aliam sint, quam ut pareas; quum ita tibi voluntas mea pro lege esse debuerit,

ut, etiamsi ego tacitus abissem, ea tibi conjectura investiganda, et ad eam dirigenda sententia tua fuerit; nec proinde quidquam ad te pertineat disquisitio earum rationum, propter quas a pugna abstinendum fuerat.

U. C. 430. *rei, me absente, offerre? vetuerimne, signa cum hostibus con-*
 A. C. 322. *ferre? quo tu imperio meo spreto, incertis auspiciis, turbatis*
religionibus, adversus morem militarem disciplinamque majorum
et numen Deorum, ausus es cum hoste conflagere. Ad hæc, quæ
interrogatus es, responde. extra ea, cave, vocem mittas. Accede,
lictor. Adversus quæ singula^b quum respondere haud facile
esset, et nunc quereretur, eundem accusatorem capitis sui
ac judicem esse; modo, vitam sibi eripi citius, quam gloriam
rerum gestarum, posse, vociferaretur; purgaretque se invi-
cem, atque ultro accusaret: tunc Papirius, redintegrata ira,
spoliari magistrum equitum, ac virgas et secures expediri
jussit. Fabius, fidem militum inplorans, lacerantibus ves-
tem lictoribus, ad triarios, tumultum jam⁷⁴ in concione mis-
centes, sese recepit. Inde clamor in totam concionem est
perlatus: alibi preces, alibi minæ audiebantur. qui proximi
forte tribunal steterant, quia subjecti oculis imperatoris
noscitari poterant, orabant, ut parceret magistro equitum,
neu cum eo exercitum damnaret. Extrema concio et circa
Fabium globus increpabant inclementem dictatorem: nec
procul seditione aberant. ne tribunal quidem satis quietum
erat. Legati circumstantes sellam orabant, ut rem in pos-
terum diem differret, et iræ suæ spatium, et consilio tempus
daret: Satis castigatam adolescentiam Fabii esse: satis defor-
matam victoriam: ne ad extremum finem supplicii tenderet:
neu⁷⁵ unico juveni, neu patri ejus, clarissimo viro, neu Fabia
genti eam injungeret ignominiam. Quum parum precibus,
parum caussa proficerent, intueri savientem concionem jube-
bant. ita irritatis militum animis subdere ignem ac materiam
seditioni, non esse ætatis, non prudentiæ ejus. neminem id Q.
Fabio, ⁷⁶ pœnam deprecanti suam, vitio versurum, sed dictato-
ri, si obcæcatus ira infestam multitudinem in se pravo certami-
ne movisset. Postremo, ⁷⁷ ne id se gratiæ dare Q. Fabii cre-
deret, se jusjurandum dare paratos esse; non videri e republica,
in Q. Fabium eo tempore animadverti.

Virgas et
securas ex-
pediri
jubet.
Fabius se
recipit ad
triarios.

XXXIII. His vocibus quum in se magis incitarent dic-
tatores, quam in magistrum equitum placarent, jussi de
tribunali descendere legati: et, silentio nequidquam per
præconem tentato, quum, præ strepitu ac tumultu, nec ip-

^b add. Q. Fabio Gron. Crev.

⁷⁴ *In concione]* Otiosæ voces, ac
fortasse huc retractæ ex sequenti ver-
su, ubi legitur *in totam concionem*.
Eas tamen delere si cui durum vide-
bitur, mitius licet huic loco consule-
re, et emendare cum Tan. Fabio: *tu-*
multu jam concionem miscentes.

⁷⁵ *Unico juveni]* Juveni, cujus
virtus singularis et unica esset.

⁷⁶ *Pœnam deprecanti suam]* Sup-
plicium effugere conanti. Is *depreca-*
tur, qui precatur ne quid contingat.

⁷⁷ *Ne id se gratiæ dare Q. Fabii*
crederet] Ne crederet se ideo sic lo-
qui, quia gratiam Fabii demereri vel-
lent; se in his quæ dicerent spectare
Fabii gratiam et amicitiam.

aius dictatoris, nec adparitorum ejus vox audiretur; nox, U. C. 430. velut in prælio, certamini finem fecit. Magister equitum, A. C. 322. jussus postero die adesse, quum omnes adfirmarent, infestius Papirium exarsurum, agitatum contentione ipsa exacerbatumque, clam ex castris Romam profugit: et, patre Romam auctore M. Fabio, qui ter jam consul dictatorque fuerat, ^{fugit.} vocato extemplo senatu, quum maxime conquereretur apud Patres vim atque injuriam dictatoris, repente strepitus ante curiam lictorum submoventium auditur: et ipse infensus aderat, postquam comperit profectum ex castris, cum expedito equitatu secutus. Iterata deinde contentio^c: et prendi ^{Sequitur dictator.} Fabium Papirius^d jussit. Ubi quum, deprecantibus primoribus Patrum atque universo senatu, perstaret in incepto inmitis animus; tum pater M. Fabius, *Quandoquidem, inquit, Fabii pater Tr. Pl. appellat.* *apud te nec auctoritas senatus, nec ætas mea, cui orbitatem paras, nec virtus nobilitasque magistri equitum, a te ipso nominati, valet, nec preces, quæ sæpe hostem mitigavere, quæ Deorum iras placant; tribunos plebis adpello, et provoco ad populum. 78 eumque tibi, fugienti exercitus tui, fugienti senatus judicium, judicem fero, qui certe unus plus, quam tua dictatura, potest polletque. Videro, cessurusne provocationi sis, 79 cui Rex Romanus Tullus Hostilius cessit.* Ex curia in concionem itur. quo cum paucis dictator, cum omni agmine principum magister equitum quum escendisset; deduci eum de rostris Papirius in partem inferiorem jussit. Secutus pater, *Bene agis, inquit, quum eo nos deduci jussisti, unde et privati vocem mittere possemus.* Ibi^e primo non tam perpetuæ orationes, quam altercatio, exaudiebantur. Vicit deinde strepitum vox et indignatio Fabii senis, increpantis superbiam crudelitatemque Papirii: *Se quoque dictatorem Romæ fuisse, nec a se quemquam, ne plebis quidem hominem, non centurionem, non militem, violatum; Papirium, tamquam ex hostium ducibus, sic ex Romano imperatore victoriam et triumphum petere. 80 Quantum interesset inter moderationem antiquorum, et novam superbiam crudelitatemque. Dictatorem Quinctium Cincinnatum in L. Minucium consulem, ex obsidione a se ereptum, non ultra sævisse, quam ut legatum eum ad exercitum pro consule relinqueret. M. Furium Camillum in L. Furio, qui, contempta sua senectute et auctoritate, foedissimo cum eventu pugnasset, non solum in*

^c add. est Gron. Crev.^d Papirius Fabium Eæd.^e In Eæd.

78 ^a *Eum . . . tibi . . . judicem fero]* Ei, tanquam judici, ut te sistas postulo. Vid. not. 4. ad III. 24.

79 ^a *Cui . . . Tullus Hostilius cessit]* Tum cessit provocationi Tullus Hostilius, quum Horatii causam a duumviris damnati retractari a populo sivit, ad quem reus provocarat.

80 *Quantum interesset]* Magis Livianum videretur: *Quantum interesse:* quod monet Gronovius. Et vero antiquissimus e nostris MSS. habet *quantum esse inter*, a prima manu: recentior scriptura allevit *et* esse litteram *t*.

U. C. 420. *præsentia moderatum iræ esse, ne quid de collega secus populo*
 A. C. 322. *aut senatui scriberet; sed, quum revertisset, potissimum ex tri-*
bunis consularibus habuisse, quem ex collegis, optione ab senatu
data, socium sibi imperii delegerit. Nam populi quidem, penes
quem potestas omnium rerum esset, ne iram quidem umquam
atrociorem fuisse in eos, qui temeritate atque inscitia exercitus
amisissent, quam ut pecunia eos multaret. capite anquisitum ob
rem bello male gestam de imperatore nullo ad eam diem esse.
Nunc ducibus populi Romani, quæ ne victis quidem bello fas
fuerit, virgas et secures victoribus, et justissimos meritis trium-
phos intentari. Quid enim tandem passurum fuisse filium
suum, si exercitum amisisset: si fusus, fugatus, castris exutus
fuisset? quo ultra iram violentiamque ejus excessuram fuisse,
quam ut verberaret necaretque? Quam conveniens esse, prop-
ter Q. Fabium civitatem in lætitia, victoria, supplicationibus,
ac gratulationibus esse: eum, propter quem Deum delubra pa-
teant, aræ sacrificiis fument, honore, donis cumulentur, nuda-
tum virgis lacerari in conspectu populi Romani; intuentem
*Capitolium atque arcem, Deosque ab se*⁸¹ *duobus præliis haud*
frustra advocatos? Quo id animo exercitum, qui ejus ductu
auspiciisque vicisset, laturum? quem luctum in castris Roma-
nis, quam lætitiā inter hostes fore? Hæc, simul jurgans,
querens, Deum hominumque fidem obtestans, et complexus
filium, plurimis cum lacrimis agebat.

Dictatoris
oratio.

XXXIV. Stabat cum eo senatus majestas, favor populi, tribuniciū auxilium, memoria absentis exercitus. Ex parte altera⁸² imperium invictum populi Romani, et disciplina rei militaris, et dictatoris edictum pro numine semper observatum, et Manliana imperia, et posthabita filii caritas publicæ utilitati, jactabantur. Hoc etiam L. Brutum, conditorem Romanæ libertatis, antea in duobus liberis fecisse. nunc patres comes, et senes faciles⁸³ de alieno imperio spreto, tamquam rei parvæ, disciplinæ militaris eversæ juventuti gratiam facere. Se tamen perstaturum in incepto: nec ei, qui adversus dictum suum, turbatis religionibus ac dubiis auspiciis, pugnasset, quidquam ex justa pœna remissurum. Majestas imperii perpetua ne esset, non esse in sua potestate. L. Papirium nihil de ejus jure deminuturum. optare, ne potestas tribunicia, inviolata ipsa, violet intercessione sua Romanum imperium, neu populus

81 *Duobus præliis*] Supra c. 30. potiore habuisse videtur Livius fidem eorum auctorum, qui semel tantum pugnasse Fabium tradidere. Sed hic loquentem inducit patrem ex ea opinione, quæ magis causæ suæ fa-
veat.

82 *Imperium invictum populi Romani*] Imperii, quod a populo magis-

tratibus ducibusque commissum populi nomine geratur; majestas huc usque inviolata.

83 *De alieno*] Legit Tan. Faber: *dictatorio*. Felicissima conjectura. Sensus enim optimus est, et apprimè congruit et numerus ei forma litterarum.

¹ *in se potissimum dictatorem et jus dictaturæ exstinguat. Quod* U. C. 436.
si fecisset; non L. Papirium, sed tribunos, sed pravam populi A. C. 322.
judicium, nequidquam posteros accusaturos: quum, polluta
semel militari disciplina, non miles centurionis, non centurio
tribuni, non tribunus legati, non legatus consulis, non magister
equitum dictatoris pareat imperio; nemo hominum, nemo Deo-
rum verecundiam habeat; non edicta imperatorum, non auspi-
cia observentur; sine commeatu vagi milites in pacato, in hos-
tico errent, inmemores sacramenti, licentiu sola se, ubi velint,
exauctorent; infrequentia deserantur signa; neque convenia-
tur ad edictum, nec discernatur, interdium nocte, æquo iniquo
loco, jussu injussu imperatoris pignent; et non signa, non ordi-
nes servent; latrocinii modo cæca et fortuita, pro sollemni et
⁸⁴ *sacrata militia sit. Horum criminum vos reos in omnia se-*
cula obferte, tribuni plebi: ⁸⁵ vestra obnoxia capita pro licentia
Q. Fabii¹ objicite.

XXXV. Stupentes tribunos et suam jam vicem magis
 anxios, quam ejus, cui auxilium ab se petebatur, liberavit
 onere consensus populi Romani, ad preces et obtestationem
 versus, ut sibi poenam magistri equitum dictator remitteret.
 Tribuni quoque, inclinatam rem in preces subsecuti, orare
 dictatorem insistunt, ut veniam errori humano, veniam ado- P. R. exo-
 lescentiæ Q. Fabii daret: satis eum poenarum dedisse. rat dictato-
 Jam ipse adolescens, jam pater M. Fabius contentionis rem.
 obliti, procumbere ad genua, et iram deprecari dictatoris.
 Tum dictator, silentio facto, *Bene habet, inquit, Quirites.*
vicit disciplina militaris, vicit imperii majestas, quæ in discrimi-
ne fuerunt, an ulla post hanc diem essent. Non noxæ eximitur
Q. Fabius, qui contra edictum imperatoris pugnavit; sed, noxæ
damnatus, donatur populo Romano; donatur tribuniciæ potes-
tati, precarium non justum auxilium ferenti. Vive, Q. Fabi, fe-
licior hoc consensu civitatis ad tuendum te, quam, qua paullo
ante exultabas, victoria. vive, id facinus ausus, cujus tibi ne pa-
rens quidem, si eodem loco fuisset, quo fuit L. Papirius, veni-
am dedisset. Mecum, ut voles, reverteris in gratiam: populo
Romano, cui vitam debes, nihil majus præstiteris, quam si hic
tibi dies satis documenti dederit, ut bello ac pace pati legitima
imperia possis. Quum se nihil morari magistrum equitum
pronunciasset, degressum eum ⁸⁶ templo lætus senatus, læ-
tior populus, circumfusi, ac gratulantes hinc magistro equi-
tum, hinc dictatori, prosecuti sunt: firmatumque imperium

¹ add. Romanus Gron. Crev.

² Q. Fabio Eæd.

⁸⁴ *Sacrata*] Militia sacrata habebatur ob sacramentum militare.

⁸⁵ *Vestra obnoxia capita*] Vestra capita obstringite tot criminibus, ut

gratificemini Q. Fabio, et licentiam ejus tueamini.

⁸⁶ *Templo*] Rostris. Vid. supra c. 14.

U. C. 490.
A. C. 322.

militare haud minus periculo Q. Fabii, quam supplicio miserabili adolescentis Manlii, videbatur. Forte ita eo anno evenit, ut, quotiescumque dictator ab exercitu recessit, hostes in Samnio moverentur. ceterum in oculis exemplum erat Q. Fabius M. Valerio legato, qui castris praeerat, ne quam vim hostium magis, quam trucem dictatoris iram, timeret. Itaque, frumentatores quum, circumventi ex insidiis, caesi loco iniquo essent, creditum vulgo est, subveniri eis ab legato potuisse, ni tristia edicta exhorruisset. ea quoque ira alienavit a dictatore militum animos, jam ante infensos, quod inplacabilis Q. Fabio fuisset; et, quod suis precibus negasset, ejus populo Romano veniam dedisset.

Legiones
Romanae de
industria
male pug-
nant.

Dictator
comior
factus.

Samnites
vincit.

XXXVI. Postquam dictator, praeposito in urbe L. Papirio Crasso magistro equitum, Q. Fabio vetito quidquam pro magistratu agere, in castra rediit; neque civibus satis laetus adventus ejus fuit, nec hostibus quidquam adtulit terroris. namque postero die, seu ignari venisse dictatorem, seu, adesset an abesset, parvi facientes, instructa acie ad castra accesserunt. Ceterum tantum momenti in uno viro L. Papirio fuit, ut, si ducis consilia favor subsecutus militum foret, debellari eo die cum Samnitibus potuisse, pro haud dubio habitum sit: ita instruxit aciem loco ac subsidiis, ita omni arte bellica firmavit. cessatum a milite, ac de industria, ut obtrectaretur laudibus ducis, inpedita victoria est. Plures Samnitium cecidere: plures Romani vulnerati sunt. Sensit peritus dux, quae res victoriae obstaret: temperandum ingenium suum esse, et severitatem miscendam ⁸⁷ comitati. Itaque, adhibitis legatis, ipse, ⁸⁸ circum saucios milites inserens in tentoria caput, singulos, ut sese haberent, rogicans, curam eorum nominatim legatis, tribunisque, et ⁸⁹ praefectis demandabat: rem per se popularem ita dexter egit, ut, medendis corporibus, animi multo prius militum imperatori reconciliarentur: nec quidquam ad salubritatem efficacius fuerit, quam quod grato animo ea cura accepta est. Refecto exercitu, cum hoste congressus haud dubia spe sua militumque, ita fudit fugavitque Samnites, ut ille ultimus eis dies conferendi signa cum dictatore fuerit. Incessit deinde, qua duxit praedae spes, victor exercitus; perlustravitque hostium agros, nulla arma, nullam vim, nec apertam, nec insidiis, expertus. Addebat alacritatem, quod dictator praedam omnem edixerat militibus: nec ira magis

⁸⁷ Comitati] Mallet Gronovius: comitate.

⁸⁸ Circum saucios milites] Omnes saucios milites ex ordine circumiens.

⁸⁹ Praefectis] Praefectis sociorum. Hi erant numero, jure, et potestate tribunis militum pares, et eadem omnia in socios usurpabant, quae isti in cives.

publica, quam privatum compendium, in hostem acuebat. U. C. 430. His cladibus subacti Samnites pacem a^b dictatore petiere: A. C. 322. cum quo pacti, ut singula vestimenta militibus, et annum stipendium darent; quum ire ad senatum jussi essent, secuturos se dictatorem responderunt, unius ejus fidei virtutisque causam suam commendantes. ita deductus ex Samnitibus exercitus.

XXXVII. Dictator triumphans urbem est ingressus: et, U. C. 431. quum se dictatura abdicare vellet, jussu Patrum, priusquam A. C. 321. abdicaret, consules creavit C. Sulpicium Longum iterum, C. Sulpicio II. Q. Æmilio Cerretanum. Samnites, infecta pace, quia de milio Coss. conditionibus agebatur, inducias annuas ab urbe retulerunt. nec earum ipsarum sancta fides fuit: adeo, postquam Papi- rium abisse magistratu nunciatum est, adrecti ad bellandum animi sunt. C. Sulpicio, Q. Æmilio (⁹⁰ Aulium quidam an- nales habent) consulibus¹, ad defectionem Samnitium Apu- lum novum bellum accessit. Utroque exercitus missi. Sul- picio Samnites, Apuli Æmilio sorte evererunt. Sunt, qui non ipsis Apulis bellum inlatum, sed socios ejus gentis po- pulos ab Samnitium vi atque injuriis defensos scribant. Ce- terum fortuna Samnitium, vix a se ipsis eo tempore propul- santium bellum, propius ut sit vero, facit, non Apulis ab Samnitibus arma inlata, sed cum utraque simul gente bel- lum Romanis fuisse. nec tamen res ulla memorabilis acta: ager Apulus Samniumque evastatum: hostes nec hic, nec illic inventi. Romæ nocturnus terror ita ex somno trepi- danı repente civitatem excivit, ut Capitolium atque arx, moeniaque et portæ, plena armatorum fuerint. et quum concursatum conclamatumque ad arma omnibus locis esset, prima luce nec auctor, nec caussa terroris comparuit. Eo- dem anno de Tusculanis Flavia rogatione populi fuit judi- cium. M. Flavius tribunus plebis tulit ad populum, ut ⁹¹ in

Judicium
de Tuscula-
nia.

^b ab Gron. Crev.
Crev.

¹ consulibus, *Aulium quidam annales habent*, ad etc.

⁹⁰ *Aulium quidam annales habent*] Quod quidem verius, nec immerito fortasse, videtur Sigonio, Pighio, Gronovio: tum quia hic consul ple- belus esse debuit, quum Sulpicius foret patricius: Æmilia autem gens patri- cia erat, Aulia plebeia: tum quia l. IX. capp. 15. 16. 22. et 23. ubi de eo- dem homine agitur, Campanus et Andreas nusquam *Æmilium*, sed vel *Aurelium*, vel *Aulum*, vel *Altum*, vel *Aulium* denique habent: unde merito colligitur Livium his locis revera scripsisse *Aulium*. Consentiant Capi- tolino Fasti, ubi de ejus morte agunt,

ad annum 438. Non possumus tamen assentiri doctissimis viris, qui totam hanc parenthesin, *Aulium quidam annales habent*, quæ ubique exstat, e Liviano textu exturbant. Nec adeo mirum est Livium hic hæsitare in illo nomine; postea ei sententiæ quæ verisimilior ipsi visa est, sine ulla du- bitationis nota adhæsisse.

⁹¹ *In Tusculanos . . quorum eorum*] In Tusculanos, non omnes quidem, sed in illos eorum, sive ex eis, quorum ope ac consilio . . Solennis erat formu- la, *qui eorum*. Exempla vide apud nostrum XXIII. 26. et XXVI. 34.

U. C. 431. A. C. 321. Tusculanos animadverteretur; quorum eorum ope ac consilio Veliterni Privernatesque populo Romano bellum fecissent. Populus Tusculanus cum conjugibus ac liberis Romam venit. ea multitudo, veste mutata, et ⁹² specie reorum, tribus circuit, genibus se omnium advolvens. plus itaque misericordia ad poenae veniam impetrandam, quam causa ad crimen purgandum valuit. Tribus omnes, praeter Polliam, antiquarunt legem. Polliae sententia fuit, puberes verberatos necari, conjuges liberosque sub corona lege belli venire: memoriamque ejus irae Tusculanis in poenae tam atrocis auctores mansisse ad ^k patrum aetatem constat, nec quemquam ferme ex Pollia tribu candidatum ⁹³ Papiriam ferre solitum.

U. C. 432.
A. C. 320.
Q. Fabio,
L. Fulvio
Coss.
A. Cornelius dicta-
tor.

Nocte castra relinquit.

XXXVIII. Insequenti anno, Q. Fabio, ⁹⁴ L. Fulvio consulibus, A. Cornelius Arvina dictator et M. Fabius Ambustus magister equitum, metu gravioris in Samnio belli (conducta enim pretio a finitimis juvenus dicebatur) intentiore delectu habito, egregium exercitum adversus Samnites duxerunt. Castra in hostico incuriose ita posita, tamquam procul abesset hostis: quum subito advenere Samnitium legiones tanta ferocia, ut vallum usque ad stationem Romanam inferrent. Nox jam adpetebat: id prohibuit munimenta adoriri. nec dissimulabant, orta luce postero die facturos. Dictator, ubi propiorem spe dimicationem vidit, ne militum virtuti damno locus esset, ignibus crebris relictis, qui conspectum hostium frustrarentur, silentio legiones educit: nec tamen fallere propter propinquitatem castrorum potuit. Eques extemplo insecutus ita institit agmini, ut, donec lucesceret, proelio abstineret. ne pedestres quidem copiae ante lucem castris egressae. Eques, luce demum ausus incursare in hostem, carpendo novissimos, premendoque iniquis ad transitum locis, agmen detinuit. interim pedes equitem adsecutus; et totis jam copiis Samnis urgebat. Tum dictator, postquam sine magno incommodo progredi

^k in Crev.

Porro Tusculani rebellaverant cum ceteris Latinis: ac rebellionis poenam pauci auctores sustinuerant. Vid. supra c. 14. Nihil de iis postea ad hoc usque tempus Livius habet. Sed illos circa haec tempora rursus rebellasse colligitur ex Plinio. Vid. not. ad c. sequens.

⁹² *Specie reorum*] Vid. not. 73. ad VI. 17. supra.

⁹³ *Papiriam ferre*] Tribus Papiriae suffragium ferre, sive impetrare. In Papiriam nempe tribum Tusculani recepti plurimum in ea poterunt. Idem

narrat Val. Max. l. IX. c. 10.

⁹⁴ *L. Fulvio*] De eo sic habet Plinius, l. VII. c. 48. *Est et L. Fulvius inter insignia exempli, Tusculanorum rebellantium consul, eodemque honore, quum transisset, exornatus confestim a populo Romano: qui solus eodem anno, quo fuerat hostis, Romae triumphavit ex iis quorum consul fuerat.* Haec conciliare cum Livii narratione de Tusculanis haud facile est. Triumphum Fulvio tribuunt Capitolini Fasti, sed de Samnitibus.

non poterat, eum ipsum, in quo constiterat, locum castris U. C. 492.
 dimetari jussit. ⁹⁵ id vero, circumfuso undique equitatu, ut A. C. 320.
 vallum peteretur, opusque inciperet, fieri non poterat. Ita-
 que, ubi neque eundi, neque manendi copiam esse videt, in-
 struit aciem, impedimentis ex agmine remotis. instruunt
 contra et hostes, et animis et viribus pares. auxerat id ma-
 xime animos, quod, ignari ⁹⁶ loco iniquo, non hosti, cessum,
 velut fugientes ac territos terribiles ipsi secuti fuerant. Id
 aliquamdiu æquavit pugnam, jam pridem desueto Samnite Prælium
 clamorem Romani exercitus pati. At, hercule, illo die ab atrox com-
 hora diei tertia ad octavam ita anceps dicitur certamen ste- mittitur.
 tisse, ut neque clamor, ut primo semel concursu est subla-
 tus, iteratus sit; neque signa promota loco, retrove recepta;
 neque recursum ab ulla sit parte. In suo quisque gradu ob-
 nixi, urgentes scutis, ⁹⁷ sine respiratione ac respectu pugna-
 bant. fremitus æqualis, tenorque idem pugnae ⁹⁸ in defatiga-
 tionem ultimam aut noctem spectabat. Jam viris vires,
 jam ferro sua vis, jam consilia ducibus deerant: quum sub-
 ito Samnitium equites, quum, turma una longius provecta,
 accepissent, impedimenta Romanorum procul ab armatis sine
 præsidio, sine munimento stare, aviditate prædæ inpetum fa-
 ciunt. Quod ubi dictatori trepidus nuncius adtulit; *Sine*
modo, inquit, sese præda præpediant. alii deinde super alios,
 diripi passim ferrique fortunas militum, vociferabantur. Tum
 magistro equitum adcito, *Vides tu, inquit, M. Fabi, ab hos-*
tium equite omissam pugnam? hærent inpediti impedimentis
nostris. Adgredere, quod inter prædandum omni multitudini
evenit, dissipatos: raros equis insidentes, raros, quibus ferrum
in manu sit, invenies: equosque dum præda onerant, cæde iner-
mes, cruentamque illis prædam redde. Mihi legiones peditum-
que pugna curæ erunt: penes te equestre sit decus.

XXXIX. Equitum acies, qualis quæ esse instructissima Vincuntur
 potest, invecta in dissipatos inpeditosque hostes, cæde Samnites.
 omnia replet. inter sarcinas omissas repente, objacentes pe-
 dibus fugientium consternatorumque equorum, neque pug-
 nae, neque fugæ satis potentes, cæduntur. Tum, deleto
 prope equitatu hostium, M. Fabius, circumductus paullu-
 lum alis, ab tergò pedestrem aciem adoritur. clamor inde
 novus accidens et Samnitium terruit animos; et dictator,
 ubi respectantes hostium antesignanos, turbataque signa, et

⁹⁵ *Id vero*] Id vero, nempe ut pe-
 terentur ligna ad struendum vallum,
 fieri non poterat ob circumfusum un-
 dique equitatum hostilem.

⁹⁶ *Loco iniquo non hosti cessum*]
 Ideo cessare Romanos, quod in loco
 iniquo essent, non quod hostem time-
 rent.

⁹⁷ *Sine . . . respectu*] Ita ut nemo
 respectaret, id est, retrorsum caput
 oculosque flecteret.

⁹⁸ *In defatigationem ultimam aut*
noctem spectabat] Eo rem adducere
 videbatur, ut certamen dirimi non
 posset, nisi aut defatigatione ultima,
 aut nocte.

U. C. 492.
A. C. 320.

fluctuantem aciem vidit, tum adpellare, tum adhortari milites, tribunos ⁹⁹ principesque ordinum nominatim ad iterandam secum pugnam vocare. Novato clamore, signa inferuntur: et, quidquid progrediebantur, magis magisque turbatos hostes cernebant. Eques ipse jam primis erat in conspectu: et Cornelius, respiciens ad manipulos militum, quod manu, quod voce poterat, monstrabat, vexilla se suorum parmasque cernere equitum. Quod ubi auditum simulque visum est, adeo repente laboris, per diem pene totum tolerati, vulnerumque obliti sunt, ut haud secus, quam si tum integri e castris signum pugnae accepissent, concitaverint se in hostem. nec ultra Samnis tolerare terrorem equitum, peditumque vim potuit: partim in medio caesi, partim in fugam dissipati sunt. Pedes restantes ac circumventos cecidit: ab equite fugientium strages est facta; inter quos et ipse imperator cecidit. Hoc demum proelium Samnitium res ita infregit, ut omnibus conciliis fremerent, *minime id quidem mirum esse, si in pio bello, et contra foedus suscepto, infestioribus merito Diis quam hominibus, nihil prospere agerent. expiandum id bellum magna mercede, luendumque esse.* ¹ *Id referre tantum, utrum supplicia noxio paucorum, an omnium innoxio praebeant sanguine:* audebantque jam quidam nominare auctores armorum. Unum maxime nomen per consensum clamantium Brutuli Papii exaudiebatur. vir nobilis potensque erat, haud dubie proximarum induciarum ruptor. De eo coacti referre praetores decretum fecerunt, *Ut Brutulus Papius Romanis dederetur, et cum eo praeda omnis Romana, captivique ut Romam mitterentur; quaeque res per feciales ex foedere repetitae essent, secundum jus fasque restituerentur.* Feciales Romam, ut censuerunt, missi, et corpus Brutuli exanime: ipse morte voluntaria ignominiae se ac supplicio subtraxit. Placuit cum corpore bona quoque ejus dedi. nihil tamen earum rerum, praeter captivos, ac si qua cognita ex praeda sunt, acceptum est: ceterarum rerum irrita fuit deditio. dictator ex senatusconsulto triumphavit. Hoc bellum a consulibus bellatum, quidam auctores sunt, eosque de Samnitibus triumphasse: Fabium etiam in Apuliam processisse, atque inde magnas praedas egisse.

Pacem
erant.

Negant Ro-
mani.

XL. Nec discrepat, quin dictator eo anno A. Cornelius fuerit. id attribuitur, belline gerendi causa creatus sit; an ut esset, qui ludis Romanis, quia L. Plautius praetor gravi

⁹⁹ *Principes . . . ordinum*] Praecipuos ordinum ductores, primores centurionum.

¹ *Id referre tantum*] Hoc unum interesse, differre; hanc unam optio-

nem dari, utrum noxio paucorum, an omnium innoxio sanguine poenas luant. Sic XXVIII. 10. *Ubi quisque mortem oppeteret, id referre.*

morbo forte implicatus erat, ² signum mittendis quadrigis da- U. C. 432.
 ret; functusque eo haud sane memorandi imperii ministerio, A. C. 320.
 se dictatura abdicaret. nec facile est, aut rem rei, aut auc-
 torem auctori præferre. Vitiatam memoriam funebribus
 laudibus reor, falsisque imaginum titulis, dum familia ad se
 quæque famam rerum gestarum honorumque fallente men-
 dacio trahunt. Inde certe et singulorum gesta, et publica
 monumenta rerum confusa. nec quisquam æqualis tempori-
 bus illis scriptor exstat, quo satis certo auctore stetur.

² *Signum mittendis quadrigis*] Sig- munere fungitur consul l. XLV. c. l.
 num, quo dato quadrigæ e carceribus infra.
 emissæ corripere Cerci spatia. Hoc

EPITOME LIBRI IX.

T. VETURIUS et **Sp. Postumius** apud **Caudinas Furcas**, deducto in locum artum exercitu, quam nulla spes evadendi esset, fœdere cum **Samnitibus** facto, et sexcentis equitibus **Romanis** obsidibus datis, ita exercitum abduxerunt, ut omnes sub jugum mitterentur. iidemque, auctore **Sp. Postumio** consule, (qui in senatu suaserat, ut eorum deditione, quorum culpa tam deforme fœdus ictum erat, publica fides liberaretur) cum duobus tribunis plebis et omnibus, qui fœdus spoponderant, dediti **Samnitibus**, non sunt recepti. nec multo post, fusis a **Papirio Cursore** **Samnitibus** et sub jugum missis, receptisque sexcentis equitibus **Romanis**, qui obsides dati erant, pudor prioris flagitii abolitus est. Tribus duæ adjectæ sunt, **Ufentina** et **Falerina**. **Suessa** et **Pontia** coloniae deductæ sunt. **Ap. Claudius** censor aquam perduxit: viam stravit, quæ **Appia** vocata est: libertinorum filios in senatum legit. Ideoque, quoniam is ordo videbatur inquinatus indignis, sequentis anni consules ¹ in senatu legendo observaverunt, quemadmodum ante per proximos censores observatum fuerat. Res præterea contra **Apulos**, **Etruscos**, **Umbros**, **Marsos**, **Pelignos**, **Æquos** et **Samnites**, quibus fœdus erat restitutum, prospere gestas continet. **Flavius** scriba, libertino patre natus, ædilis curulis fuit per forensem factionem creatus: quæ quum comitia et campum turbaret, et in iis propter nimias vires dominaretur, a **Q. Fabio** censore in quatuor tribus redacta est, quas urbanas adpellavit. Ea-que res **Fabio Maximo** nomen dedit. ² In hoc libro mentio **Alexandri Magni**, qui temporibus his fuit; et, æstimatis populi **Romani** viribus, quæ tunc erant, colligitur, si **Alexander** in **Italiam** trajecisset, non tam facilem ei victoriam de populo **Romano** fore, quam de iis gentibus, quas ad **Orientem** imperio suo subjecerat.

¹ In senatu legendo observaverunt, quemadmodum ante . . . observatum fuerat] Non hæc satis Latina videtur oratio. Aut aliquid vitii est, aut is qui has epitomas redegit, malus est Latinitatis auctor.

² In hoc libro mentio **Alexandri Magni**] Tota hæc postrema perio-

duæ adjecta est a Sigonio ex MSS. nisi quod ille sic in iis legi testatur: In hoc libro mentionem habet (supple **Li-vius**) **Alexandri magni**. Quod cur mutatum sit, non videmus. Sic enim accuratior est oratio, et primum hoc membrum aptius respondet iis quæ sequuntur.

T. LIVII PATAVINI

LIBER IX.

U. C. 483. **SEQUITUR** hunc annum nobilis clade Romana Caudina
A. C. 319. pax, T. Veturio Calvino, Sp. Postumio consulibus. Sam-
T. Veturio nites eo anno imperatorem C. Pontium, Herennii filium,
II. Sp. Pos- habuerunt, ¹ patre longe prudentissimo natum, primum
tumio II. ipsum bellatorem ducemque. Is, ubi legati, qui ad dedendas
Coss. res missi erant, pace infecta redierunt, *Ne nihil actum, in-*
Pontii Sam- quit, *hac legatione censeatis, expiatum est, quidquid ex fœdere*
nititis oratio. *rupto irarum in nos cœlestium fuit. Satis scio, quibuscumque*
Diis cordi fuit, subigi nos ad necessitatem dedendi res, quæ a
nobis ex fœdere repetitæ fuerant, iis non fuisse cordi tam super-
be ab Romanis fœderis expiationem spretam. Quid enim ultra
fieri ad placandos Deos mitigandosque homines potuit, quam
quod nos fecimus? Res hostium in præda captas, quæ belli
jure nostræ videbantur, remisimus: auctores belli, quia viros
non potuimus, perfunctos jam fato dedidimus: bona eorum, ne
quid ex contagione noxæ remaneret penes nos, Romam portavi-
mus. Quid ultra tibi, Romane, quid fœderi, quid Diis arbi-
tris fœderis debeo? quem tibi tuarum irarum, quem meorum
suppliciorum judicem feram, neminem, neque populum, neque
privatum, fugio. ² Quod si nihil cum potentiore juris humani
relinquitur inopi, at ego ad Deos vindices intolerandæ super-
biæ confugiam; et precabor, ut iras suas vertant in eos, qui-
bus non suæ redditæ res, non alienæ adcumulatæ satis sint;
quorum sævitiam non mors noxiorum, non deditio exanimato-
rum corporum, non bona sequentia domini deditionem exsati-
ent. Placari nequeunt ³, nisi hauriendum sanguinem lanian-
daque viscera nostra præbuerimus. Justum est bellum, Sam-
nites, quibus necessarium; et pia arma, quibus nulla nisi in
armis relinquitur spes. Proinde, ³ quum rerum humanarum
maximum momentum sit, quam propitiis rem, quam adversis

² nequeam Gron. Crev.

¹ *Patre longe prudentissimo*] Vi-
ros ille sapientissimos cognorat, Ar-
chytam et Platonem, teste Cic. de
Sen. n. 41.

² *Quod si nihil cum potentiore*] Quod si nihil est inopi, infirmiori ad-
versus potentiores præsidii in legibus

humanis.

³ *Quum rerum humanarum maxi-*
mum momentum sit] Quum id maxi-
me dominetur in rebus humanis,
quum res humanæ maxime ex eo
pendeant, quam propitiis, quam ad-
versis diis homines rem agant.

agant Diis, pro certo habete, priora bella adversus Deos magis, quam homines, gessisse; hoc, quod instat, ducibus ipsis Diis gesturos.

II. Hæc, non læta magis, quam vera, vaticinatus, exercitu educto, circa Caudium castra, quam potest occultissime, locat: inde ad Calatiam, ubi jam consules Romanos castraque esse audiebat, milites decem pastorum habitu mittit: pecoraque diversos, alium alibi, haud procul Romanis pascere jubet præsidiis: ubi inciderint in prædatores, ut idem omnibus sermo constet, *legiones Samnitium in Apulia esse, Luceriam omnibus copiis circumsedere: nec procul abesse, quin vi capiant.* ⁴ Jam is etiam rumor ante, de industria vulgatus, venerat ad Romanos; sed fidem auxere captivi, eo maxime, quod sermo inter omnes congruebat. Haud erat dubium, quin ⁵ Lucerinis opem Romanus ferret, bonis ac fidelibus sociis; simul ne Apulia omnis ad præsentem terrorem deficeret. ⁶ ea modo, qua irent, consultatio fuit. Dux ad Luceriam ferebant viæ; altera ⁷ præter oram superi maris patens aperta, sed, quanto tutior, tanto fere longior; altera per Furculas Caudinas brevior. Sed ita natus locus est. saltus duo alti angusti silvosque sunt, montibus circa perpetuis inter se juncti. jacet inter eos satis patens clausus in medio campus, herbidus aquosusque, per quem medium iter est. Sed ante, quam venias ad eum, intrandæ primæ angustiae sunt: et aut eadem, qua te insinuaveris, retro via repetenda; aut, si ire porro pergas, per alium saltum artio-rem inpeditionemque evadendum. In eum campum ⁸ via alia per cavam rupem, Romani, demisso agmine, quum ad alias angustias protinus pergerent, septas dejectu arborum, saxorumque ingentium ⁹ objacentem molem ^b invenere. Quum

Samnites
ad Caudi-
um castra
locant.

Capti frau-
de loci Ro-
mani.

^b objacente mole Gron.

⁴ Jam is etiam rumor] Aliquot scripti, jam et is rumor.

⁵ Lucerinis . . . bonis ac fidelibus sociis] Supra l. VIII. c. 25. Apuli memorantur fœdere in amicitiam a Romanis accepti. At c. 37. ejusdem libri cum Apulis geritur bellum: et c. 40. anno proxime præcedente, quidam, inquit Livius, auctores sunt Fabium (consulem) in Apuliam processisse, atque inde magnas prædas egisse. Cum illis auctoribus consentiunt Capitolini Fasti, qui Q. Fabium de Apulia triumphasse testantur. Auctor vero libri de Viris Illustribus eum etiam de Lucerinis triumphum egisse scribit. Ex his omnibus sequitur parum apparere, cur hic Lucerini dicantur boni ac fideles socii Romanorum.

⁶ Ea modo] Id unum in dubitationem consultationemque venit, qua via eundum esset.

⁷ Præter oram Superi maris] Non facile intelligitur quomodo ab urbe Campaniæ Calatia ad mediterraneam Apuliæ urbem Luceriam euntibus Superi maris ora legenda sit. Hæc igitur aut mendosa sunt, aut incuriose a Livio scripta.

⁸ Via alia . . . ad alias angustias] Hæc sibi mutuo respondent. Quum Romani per alteram ex duabus illis viis demisso agmine, ad alteram pergerent.

⁹ Objacentem molem] Hæc est vetus lectio, quam sine causa mutaverat Sigonius, legique jusserat *objacente mole*.

K k 2



U. C. 483. A. C. 319. **fraus hostilis adparuisset, præsidium etiam in summo saltu conspicitur. Citati inde retro, qua venerant, pergunt repetere viam. eam quoque clausam sua obice armisque inveniunt. sistunt inde gradum sine ullius imperio: stuporque omnium animos, ac velut torpor quidam insolitus membra tenet: intuentesque alii alios (quum alterum quisque compotem magis mentis^e ac consilii ducerent) diu immobiles silent. Deinde ubi prætoria consulum erigi videre, et expedire quosdam utilia operi, quamquam ludibrio fore munientes, perditis rebus ac spe omni ademta, cernebant; tamen, ne culpam malis adderent, pro se quisque, nec hortante ullo nec imperante, ad muniendum versi, castra propter aquam vallo circumdant; sua ipsi opera laboremque irritum (præterquam quod hostes superbe increpabant) cum miserabili confessione eludentes. Ad consules moestos, ne advocantes quidem in consilium, (quando nec consilio nec auxilio locus esset) sua sponte legati ac tribuni conveniunt: militesque ad prætorium versi, opem, quam vix Dii immortales ferre poterant, ab ducibus exposcunt.**

Consilium
expedire
non pos-
sunt.

III. Querentes magis, quam consultantes, nox obpressit. quum pro ingenio quisque fremerent: ¹⁰ alius, per obices viarum; alius, per adversa montium, per silvas, ¹¹ qua ferri arma poterunt, eamus. Modo ad hostem pervenire liceat, quem per ¹² annos jam prope triginta vincimus; omnia æqua et plana erunt Romano, in perfidum Samnitum pugnanti. alius, Quo, aut qua eamus? Num montes moliri sede sua paramus? Dum hæc imminebunt juga, qua tu ad hostem venies? Armati, inermes, fortes, ignavi, pariter omnes capti atque victi sumus. Ne ferrum quidem ad bene moriendum oblaturus est hostis: sedens bellum conficiet. His in vicem sermonibus, qua cibi, qua quietis inmemor, nox traducta est. Ne Samnitibus quidem consilium in tam lætis subpetebat rebus. itaque universi Herennium Pontium, patrem imperatoris, per literas consulendum censent. Jam is gravis annis non militaribus solum, sed civilibus quoque, abscesserat muneribus: in corpore tamen adfecto vigeabat vis animi consiliique. Is, ubi accepit, ad Furculas Caudinas inter duos saltus clausos esse exercitus Romanos, consultus ab nuncio filii, censuit, omnes inde quam primum inviolatos dimittendos. quæ ubi

Herennii
discordia
responsa.

^e magis mentis compotem ac Gron. Crev.

¹⁰ *Alius per obices viarum, alius per adversa montium*] Muretus ex auctoritate suorum codicum delebat alterum *alius*: et subscribit unus e nostris.

¹¹ *Qua ferri arma poterunt*] Florique libri *poterant*. Correxerunt Grono-

vius: atque ejus emendationem firmat antiquissimus regionum codicum, et Sorbonicus.

¹² *Annos jam prope triginta*] Annus hic ab initio Samnitici belli vigesimus secundus agitur.

spreta sententia est, iterumque, eodem remeante nuncio, con- U. C. 493.
sulebatur, censuit, ad unum omnes interficiendos. Quæ ubi A. C. 319.
tam discordia inter se, velut ex ancipiti oraculo, responsa
data sunt; quamquam filius ipse in primis jam animum
quoque patris consenuisse in adfecto corpore rebatur;
tamen consensu omnium victus est, ut ipsum in consilium
adciret. Nec gravatus senex plaustro in castra dicitur ad-
vectus, vocatusque in consilium ita ferme locutus esse, ut
nihil sententiæ suæ mutaret; causas tantum adjiceret:
*Priore se consilio, quod optimum duceret, cum potentissimo po-
pulo per ingens beneficium perpetuam firmare pacem amicitiam-
que: altero consilio in multas ætates, quibus, amissis duobus
exercitibus, haud facile receptura vires Romana res esset, bel-
lum differre: tertium nullum consilium esse. Quum filius
aliique principes percunctando exsequerentur, Quid si media
via consilii caperetur; ut et dimitterentur incolumes, et leges
iis jure belli victis inponerentur? ista quidem sententia, inquit,
ea est, quæ neque amicos parat, neque inimicos tollit. Servate
modo, quos ignominia irritaveritis. ea est Romana gens, quæ
victa quiescere nesciat. Vivet semper in pectoribus illorum,
quidquid istuc præsens necessitas inusserit; neque eos ante
multiplices pœnas expetitas a vobis quiescere sinet.*

IV. Neutra sententia accepta. Herennius domum e
castris est avectus. Et in castris Romanis quum frustra
multi conatus ad erumpendum capti essent, et jam omnium
rerum inopia esset; victi necessitate legatos mittunt, qui
primum pacem æquam peterent: si pacem non inpetrarent,
uti provocarent ad pugnam. Tum Pontius, *debellatum esse,* Leges a
respondit: *et, quoniam ne victi quidem ac capti fortunam fa-* Pontio dic-
teri scirent, inermes cum singulis vestimentis sub jugum missu- tæ Roma-
rum: alias conditiones pacis æquas victis ac victoribus fore; nis.
*si^d agro Samnitium decederetur, coloniæ abducerentur, suis
deinde legibus Romanum ac Samnitem æquo fœdere victurum.*
His conditionibus paratum se esse fœdus cum consulibus ferire:
si quid eorum displiceat, legatos redire ad se vetuit. Hæc
quum legatio renunciaretur, tantus gemitus omnium subito
exortus est, tantaque mœstitia incessit, ut non gravius ac-
cepturi viderentur, si nunciaretur, omnibus eo loco mortem
obpetendam esse. Quum diu silentium fuisset, nec consu-
les aut pro fœdere tam turpi, aut contra fœdus tam neces-
sarium hiscere possent; tum L. Lentulus, qui tum princeps Lentulo
legatorum virtute atque honoribus erat, Patrem meum, in- suadente.
quit, consules, sæpe audiivi memorantem, se in Capitolio unum
non fuisse auctorem senatui redimendæ auro a Gallis civitatis,
quando nec fossa valloque ab ignavissimo ad opera ac munien-
dum hoste clausi essent; et erumpere si non sine periculo magno,

^d si del. Gron. Crev.

U. C. 498. *tamen sine certa perniciē possent. Quod si, ut illis decur-*
 A. G. 319. *rere ex Capitolio armatis in hostem licuit, (quo sæpe modo ob-*
sessi in obsidentes eruperunt) ita nobis æquo aut iniquo loco
dimicandi tantummodo cum hoste copia esset, non mihi paterni
animi indoles in consilio dando deesset. Equidem mortem pro
patria præclaram esse fateor: et me vel devovere pro populo
Romano legionibusque, vel in medios me inmittere hostes para-
tus sum. Sed hic patriam video, hic quidquid Romanarum
legionum est. quæ, nisi pro se ipsis ad mortem ruere volunt,
quid habent, quod morte sua servant? Tecta urbis, dicat ali-
quis, et mœnia, et eam turbam, a qua urbs incolitur. immo,
hercule, produntur ea omnia, deleta hoc exercitu, non servan-
tur. Quis enim ea tuebitur? Inbellis videlicet atque inermis
multitudo? tam, hercule, quam a Gallorum impetu defendit.
An a Veïis exercitum Camillumque ducem implorabunt? Hic
omnes spes opesque sunt, quas servando patriam servamus: de-
dendo ad necem patriam deserimus ac prodimus. At fœda
atque ignominiosa deditio est. Sed ea caritas patriæ est, ut tam
ignominia eam, quam morte nostra, si opus sit, servemus. Sub-
eat ergo ista, quantacumque est, indignitas; et pareatur
necessitati, quam ne Dii quidem superant. Ite, consules, re-
dimite armis civitatem, quam auro majores vestri redemerunt.

Accipiun-
tur.

V, Consules profecti ad Pontium in colloquium, quum de fœdere victor agigaret, negarunt, injussu populi fœdus fieri posse: nec sine fecialibus ceremoniæque alia sollemni. Itaque non, ut vulgo credunt, Claudiusque etiam scribit, fœdere pax Caudina, sed ¹³ per sponsionem, facta est. Quid enim aut sponsoribus in fœdere opus esset aut obsidibus, ubi precatione res transigitur? per quem populum fiat, quo minus legibus dictis stetur, ut eum ita Jupiter feriat, quemadmodum a fecialibus porcus feriatur. Sponponderunt consules, legati, quæstores, tribuni militum; nominaque omnium, qui sponponderunt, exstant: ubi, si ex fœdere acta res esset, præterquam duorum fecialium, non exstarent; et propter necessariam fœderis dilationem obsides etiam sexcenti equites imperati, qui capite luerent, si pacto non staretur. Tempus inde statutum tradendis obsidibus exercituque inermi mittendo. Redintegravit luctum in castris consulum adventus, ut vix ab iis abstinerent manus, quorum temeritate in eum locum deducti essent; quorum ignavia fœdus inde, quam venissent, abituri. illis non ducem locorum, non exploratorem fuisse: belluarum modo cæcos in foveam missos. Alii alios intueri, contemplari arma mox tradenda, et inermes futuras dextras, obnoxiaque corpora hosti. pro-

13* *Per sponsionem*] Spondentibus bus, tribunis, fœdus factum iri.
 tantum consulibus, legatis, quæstori-

ponere sibi met ipsi ante oculos jugum hostile, et ludibria U. C. 432.
victoris, et vultus superbos, et per armatos inermium iter. A. C. 319.
Inde foedi agminis miserabilem viam, per sociorum urbes
¹⁴reditum in patriam ac^e parentes, quo sæpe ipsi majores-
que eorum triumphantes venissent. Se solos sine vulnere,
sine ferro, sine acie victos: sibi non stringere licuisse gla-
dios, non manum cum hoste conferre: sibi nequidquam ar-
ma, nequidquam vires, nequidquam animos datos. Hæc fre-
mentibus hora fatalis ignominie advenit, omnia tristiora ex-
periundo factura, quam quæ præceperant animis. Jam pri-
mum cum singulis vestimentis inermes extra vallum exire
jussi, et primi traditi obsides, atque in custodiam abducti.
Tum a consulibus ¹⁵abire lictores jussi, paludamenta-
que detracta; tantam inter ipsos, qui, paullo ante eos exsecrantes,
dedendos lacerandosque censuerant, miserationem fecit, ut,
suae quisque conditionis oblitus, ab illa deformatione tantæ
majestatis, velut ab nefando spectaculo, averteret oculos.

Sub jugum
mittuntur
Romani.

VI. Primi consules prope seminudi sub jugum missi:
tum, ut quisque gradu proximus erat, ita ignominie objec-
tus: tum deinceps singulæ legiones. circumstabant armati
hostes, exprobrantes eludentesque: gladii etiam plerisque
intentati: et vulnerati quidam necatique, si vultus eorum
indignitate rerum acrior victorem offendisset. ita traducti
sub jugum, et, quod pene gravius erat, per hostium oculos.
quum e saltu evasisent, etsi, velut ab inferis extracti, tum
primum lucem adspicere visi sunt, tamen ipsa lux ita de-
forme intuentibus agmen omni morte tristior fuit. Itaque,
quum ante noctem Capuam pervenire possent, incerti de fi-
de sociorum, et quod pudor præpediebat, circa viam haud
procul Capua ¹⁶omnium egeni^f corpora humi prostrave-
runt. Quod ubi est Capuam nunciatum, evicit miseratio
justa sociorum superbiam ingenitam Campanis. confestim
insignia sua consulibus, fasces, lictores, arma, equos, vesti-
menta, commeatus militibus benigne mittunt: et venienti-
bus Capuam cunctus senatus populusque, obviam egressi,
justis omnibus hospitalibus, privatisque et publicis fungun-
tur officiis: neque illis sociorum comitas, vultusque benigni,
et adloquia non modo sermonem elicere, sed ne, ut ocu-

Capuam ve-
niunt.

^e ad Crev.

^f egena Ead.

¹⁴ *Reditum in patriam ad paren-
tes*] Sic edidit Campanus. Vulgo *ac
parentes*. Sed quum ipsa ratio et
Livii perpetua consuetudo postulent
ad, et id etiam reperiri in uno scripto
Gronovius affirmet, admisimus.

¹⁵ *Abire lictores jussi, paludamen-
taque detracta . . . miserationem fe-
cis*] Procul dubio *fecerunt*. De palu-

damento vid. not. 47. ad l. II. c. 49.
supra.

¹⁶ *Omnium egena corpora*] Hæc
lectio, quæ editos ante Sigonium ob-
tinebat, quam tuentur duo e Grono-
vianis, tres e nostris scriptis antiquis-
simi, merito placuit magis Gronovio,
quam ea quam subjecerat Sigonius,
omnium egeni.

U. C. 488. los quidem adtollerent, aut consolantes amicos contra intue-
 A. C. 319. rentur, efficere poterant. Adeo super moerorem pudor qui-
 dam fugere conloquia et coetus hominum coge-
 bat. Postero die quum juvenes nobiles, missi a Capua, ut proficiscentes
 ad finem Campanum prosequerentur, revertissent; vocati-
 que in curiam percunctantibus majoribus natu, *multo sibi*
mæstiores et abjectioris animi visos, referrent; *adeo silens, ac*
prope mutum agmen incessisse: tacere indolem illam Romanam,
ablatisque cum armis animos. non reddere salutem, non salu-
tantibus dare responsum, non hiscere quemquam præ metu potu-
*isse, tamquam ferentibus adhuc cervicibus jugum,*¹⁷ *sub quo*
emissi essent. Habere Samnites victoriam, non præclaram so-
lum, sed etiam perpetuam. cepisse enim eos non Romam, sicut
ante Gallos, sed, quod multo bellicosius fuerit, Romanam vir-
tutem ferociamque.

Ofilii de
 Romano-
 rum silentio
 iudicium.

Luctus Ro-
 mæ.

VII. Quum hæc dicerentur audirenturque, et deploratum
 pene Romanum nomen in concilio sociorum fidelium esset;
 dicitur Ofilius Calavius, Ovii filius, clarus genere factisque,
 tum etiam ætate verendus, longe aliter se habere rem dixis-
 se: *Silentium illud obstinatum, fixosque in terram oculos, et*
surdas ad omnia solatia aures, et pudorem intuendæ lucis,
¹⁸ *ingentem molem irarum ex alto animo^c cientis indicia esse:*
aut Romana se^b ignorare ingenia, aut silentium illud Samni-
tibus flebiles brevi clamores gemitusque excitaturum; Caudi-
næque pacis aliquanto Samnitibus, quam Romanis, tristiores
memoriam fore. Quippe suos quemque eorumⁱ animos habitu-
rum, ubicumque congressuri sint: saltus Caudinos non ubique
Samnitibus fore. Jam^k Romæ etiam^l sua infamis clades
erat. Obsessos primum audierunt: ¹⁹tristior deinde igno-
miniosæ pacis magis, quam periculi, nuncius fuit. Ad fa-
mam obsidionis delectus haberi coeptus erat: dimissus de-
inde auxiliorum adparatus, postquam deditionem tam foede
factam acceperunt: extemploque sine ulla publica auctori-
tate consensum in omnem formam luctus est. Tabernæ
circa forum clausæ, justitiumque in foro sua sponte coep-

^c animi Gron. Crev.

^b se Romana Eæd.

ⁱ eorum l. coram Eæd.

^k Jam et Eæd.

^l etiam del. Eæd.

17 *Sub quod emissi*] Non videmus cur Gronovius contra scriptorum omnium fidem dederit *sub quo*. Utrumque enim Latine dicitur.

18 *Ingentem molem irarum ex alto animi cientis indicia esse*] Nulla hic, ut recte observat Gronovius, obscuritas, nisi a positu verborum. *Indicia esse animi cientis* ac velut spirantis *ex alto* et quasi profundo sui (alte enim in pectus injuria descenderat) *ingen-*

tem molem irarum. Scripti tamen habent *ex alto animo*: sed minus commode. Primæ editiones dedere *animi*: iis obsequimur.

19 *Tristior . . . magis*] Sufficiebat *tristior*. Sed eodem modo Justinus l. III. c. 2. *Non inventione earum magis, quam exemplo clarior*. Sic et *potius* jungitur cum alla voce comparativi gradus, supra in præfatione Livii, l. I. et apud Cic. Ep. 2^a. l. IX. ad Fam.

tam prius, quam indictum: ²⁰ lati clavi, ²¹ annuli aurei posi- U. C. 433.
 ti; pene moestior exercitu ipso civitas esse: nec ducibus A. C. 319.
 solum atque auctoribus sponsoribusque pacis irasci, sed in-
 noxios etiam milites odisse, et negare urbe tectisque accipi-
 endos. Quam concitationem animorum fregit adventus
 exercitus, etiam iratis miserabilis. non enim tamquam in
 patriam revertentes ex insperato incolumes, sed captorum
 habitu vultuque ingressi sero in urbem, ita se in suis quis-
 que tectis abdiderunt, ut postero atque insequentibus diebus
 nemo eorum forum aut publicum adspicere vellet. Consu-
 les, in privato abditi, nihil pro magistratu agere, nisi quod
 expressum senatusconsulto est, ut dictatorem dicerent co-
 mitiorum causa. Q. Fabium Ambustum dixerunt, et P. Q. Fabius
 Ælium Pætum magistrum equitum. quibus vitio creatis, dictator.
 subfecti M. Æmilius Papus dictator, L. Valerius Flaccus M. Æmilius
 magister equitum. Nec per eos comitia habita; et, quia dictator.
 tædedat populum omnium magistratum ejus anni, res ad
 interregnum rediit. Interreges Q. Fabius Maximus, M. Interreg-
 Valerius Corvus. is consules creavit Q. Publilium Philo- num.
 nem et L. Papirium Cursorem iterum, haud dubio con- U. C. 434.
 sensu civitatis, quod nulli ea tempestate duces clariores es- A. C. 318.
 sent. Q. Publilio
 III. L. Papi-
 rio II. Cosa

VIII. Quo creati sunt die, eo (sic enim placuerat Patri-
 bus) magistratum inierunt, ²² sollemnibusque senatusconsul-
 tis perfectis, de pace Caudina retulerunt. et Publilius, penes
 quem fasces erant, *Dic Sp. Postumi*, inquit. Qui ubi sur-
 rexit, eodem illo vultu, quo sub jugum missus erat, *Haud* Postumii
sum ignarus, inquit, *consules, ignominiae, non honoris causa* magnanima
me primum excitatum jussumque dicere, non tamquam senato- sententia.
rem, sed tamquam reum qua infelicis belli, qua ignominiosae
pacis. Ego tamen, quando neque de noxa nostra neque de poena
retulistis, omissa defensione, quæ non difficillima esset apud
haud ignaros fortunarum humanarum necessitatumque, senten-
tiam de eo, de quo retulistis, paucis peragam. quæ sententia
testis erit, mihine, an legionibus vestris pepercerim, quum me

²⁰ *Lati clavi*] *Latus clavus* erat tunica purpureis quibusdam in modum clavorum,isque latis et amplis, orbibus, vel intextis, vel insutis, ornata. *Latus clavus* erat senatorum insigne: *angustus clavus*, equitum.

²¹ *Annuli aurei*] Annulum aureum senatores et equites Romanos gestasse constat, sed non vetustioribus reipublicæ temporibus, quibus usum annulorum rarissimum fuisse, eosque primo ferreos gestari solitos esse tradit Plinius L. XXXIII. c. 1. Et re quidem ipsa hæc prima mentio apud Li-

vium annulorum aureorum occurrit: nec ex hoc loco colligendum est tum vulgares admodum fuisse. Vid. et not. 5. ad c. 46. infra.

²² *Solennibus senatusconsultis*] Erant quædam ad religiones pertinentia, de quibus consul magistratum iniens ex solenni more senatum consulebat. Cic. post reditum ad Quir. n. 11. *Kalendis Januariis P. Lentulus consul, simul ac de solenni religione retulit, nihil humanarum rerum sibi prius, quam de me agendum judicavit.*

U. C. 434. *seu turpi seu necessaria sponsione obstrinxi. Qua tamen,*
 A. C. 318. *quando injussu populi facta est, non tenetur populus Romanus;*
nec quidquam ex ea, præterquam corpora nostra debentur
Samnitibus. Dedamur per feciales nudi vinctique: exsolva-
mus religione populum, si qua obligavimus; ne quid divini hu-
manive obstet, quo minus justum piumque de integro ineatur
bellum. Interea consules exercitum scribere, armare, educere
placet; nec prius ingredi hostium fines, quam omnia justa in
deditionem nostram perfecta erunt. Vos, Dii immortales, pre-
cor quæsoque, si vobis non fuit cordi, Sp. Postumium, T. Ve-
turium consules cum Samnitibus prospere bellum gerere; at vos
satis habeatis, vidisse nos sub jugum missas, vidisse sponsio-
ne infami obligatos, videre nudos vinctosque hostibus deditos,
omnem iram hostium nostris capitibus excipientes. Novos con-
sules legionesque Romanas ita cum Samnite gerere bellum veli-
tis, ut omnia ante nos consules bella gesta sunt. Quæ ubi
dixit, tanta simul admiratio miseratioque viri incessit om-
nes^m, ut modo vix crederent, illum eundem esse Sp. Pos-
tumium, qui auctor tam foedæ pacis fuisset: modo misera-
rentur, quod vir talis etiam præcipuum apud hostes suppli-
cium passurus esset ob iram diremtæ pacis. Quum omnes,
²³ *laudibus modo prosequentes virum, in sententiam ejus*
²⁴ *pedibus irent; tentata paullisper intercessio est ab L. Li-*
vio et Q. Mælio, ²⁵ tribunis plebis: qui, neque exsolvi religio-
ne populum, aiebant, deditione sua, nisi omnia Samnitibus,
qualia apud Caudium fuissent, restituerentur: neque se pro eo,
quod, spondendo pacem, servassent exercitum populi Romani,
pœnam ullam meritos esse; neque ad extremum, quum sacro-
sancti essent, dedi hostibus violari posse.

Interce-
dunt duo
tribuni.

Postumii
adversus
Tribb. ora-
tio.

IX. Tum Postumius, ²⁶ *Interea dedite, inquit, profanos*
nos, quos salva religione potestis: dedetis deinde et istos sacro-
sanctos, quum primum magistratu abierint; sed, si me audia-
tis, prius, quam dedantur, hic in comitio virgis cæsos, ²⁷ hanc
jam ut intercalatæ pœnæ usuram habeant. Nam quod deditio-

^m homines Gron. Crev.

²³ *Laudibus modo]* Laudes tantummodo in eum congerebant: at censebant nihilominus eum hostibus dedendum.

²⁴ *Pedibus irent]* Vid. supra l. V. c. 9.

²⁵ *Tribunis plebis]* Qui quum apud Caudium spondidissent, postea ad urbem reversi, tribuni plebis facti erant. Si tempore Caudinæ pacis tribuni plebis fuissent, non potuissent esse ad exercitum, quum tribunis plebis non liceret diem integrum ab urbe abesse.

²⁶ *Interea dedite]* Jac. Gronovius ex uno scripto affert: *Dedite interea, dedite, inquit.* Verbum geminatum valet ad exprimendam Postumii constantiam. Assentiuntur tres e nostris antiquissimi.

²⁷ *Hanc jam ut intercalatæ pœnæ usuram habeant]* Ut, quemadmodum debitor pro mora solutionis usuram pendit creditori, ita vos, pro intercalata et dilata in annum pœna quæ illis debetur, ac deditione, virgarum plagas his exsolvatis.

ne nostra negant exsolvi religione populum, id istos magis, ne U. C. 434.
 dedantur, quam quia ita se res habeat, dicere, quis adeo juris A. C. 318.
 fecialium expers est, qui ignoret? Neque ego inficias eo, Patres
 conscripti, tam sponsiones quam fœdera sancta esse apud eos
 homines, apud quos ²⁸ juxta divinas religiones fides humana
 colitur: sed injussu populi nego quidquam sanciri posse, quod
 populum teneat. An, si eadem superbia, qua sponsionem istam
 expresserunt nobis Samnites, coegissent nos verba legitima de-
 dentium urbes nuncupare, deditum populum Romanum vos tri-
 buni diceretis, et ²⁹ hanc urbem, templa, delubra, fines, aquas,
 Samnitium esse? Omitto deditionem, quoniam de sponsione
 agitur. quid tandem, si spopondissemus, urbem hanc relicturum
 populum Romanum? si incensurum? si magistratus, si sena-
 tum, si leges non habiturum? si sub regibus futurum? ³⁰ Dii
 meliora, inquis! atqui non indignitas rerum sponsionis vincu-
 lum levat. Si quid est, in quo^a obligari populus possit, in
 omnia potest. et ne illud quidem, quod quosdam forsitan mo-
 veat, refert, consul, an dictator, an prætor spoponderit. Et
 hoc ipsi etiam Samnites judicaverunt, quibus non fuit satis
 consules spondere, sed legatos, quæstores, tribunos militum
 spondere coegerunt. Nec a me nunc quisquam quæsierit, quid
 ita spoponderim? quam id nec consulis jus esset; nec illis
 spondere pacem, quæ mei non erat arbitrii, nec pro vobis, qui
 nihil mandaveratis, possem. Nihil ad Caudium, Patres con-
 scripti, humanis consiliis gestum est. Dii immortales et ves-
 tris et hostium imperatoribus mentem ademerunt. nec nos in
 bello satis cavimus; et illi male partam victoriam male perdi-
 derunt, dum vix locis, quibus vicerant, credunt, dum quacum-
 que conditione arma viris in arma natis auferre festinant.
 An, si sana mens fuisset, difficile illis fuit, dum senes ab domo
 ad consultandum arcessunt, mittere Romam legatos? cum se-
 natu, cum populo, de pace ac fœdere agere? Tridui iter expe-
 ditis erat. interea in induciis res fuisset, donec ab Roma lega-
 ti aut victoriam illis certam, aut pacem adferrent. ea demum
 sponsio esset, quam populi jussu spopondissemus. Sed neque
 vos tulissetis, nec nos spopondissemus: nec fas fuit alium rerum
 exitum esse, quam ut^o illi, velut somnio lætiore, quam quod
 mentes eorum capere possent, nequidquam eluderentur: et nos-
 trum exercitum eadem, quæ impedierat, fortuna expediret: va-
 nam victoriam vanior irritam faceret pax; sponsio interponere-

^a quod Gron. Crev.^o ut et Crev.

²⁸ Juxta divinas religiones] Eodem modo, eadem reverentia, ac divinæ religiones.

²⁹ Hanc urbem, templa, delubra] Alludit ad formulam deditionis: cujus exempla vid. supra VII. 31. et I. 38.

³⁰ Dii meliora, inquis] Unus ex Hearnii codd. itemque unus e nostris, et Campanus, habent inquit: nempe quilibet contradicturus. Vid. not. 62. ad VI. 40. supra.

U. C. 434. *tur, quæ neminem, præter sponsorem, obligaret. Quid enim vo-*
 A. C. 318. *biscum, Patres conscripti, quid cum populo Romano actum est? quis*³¹ *vos adpellare potest? quis se a vobis dicere deceptum? hostis? an civis? Hosti nihil spopondistis: civem neminem spondere pro vobis jussistis. Nihil ergo vobis nec nobiscum est, quibus nihil mandastis; nec cum Samnitibus, cum quibus nihil egistis. Samnitibus sponsores nos sumus,*³² *rei satis locupletes. in id, quod nostrum est; in id, quod præstare possumus, corpora nostra et animos; in hæc sæviant, in hæc ferrum, in hæc iras acuant. Quod ad tribunos adtinet, consulite, utrum præsens deditio eorum fieri possit, an in diem differatur. nos interim, T. Veturi, vosque ceteri, vilia hæc capita luendæ spon-*
sionis feramus, et nostro supplicio liberemus Romana arma.

Sponsores
 pacis de-
 duntur.

X. Movit Patres conscriptos tum caussa, tum auctor; nec ceteros solum, sed tribunos etiam plebei, ut se in senatus dicerent fore potestate. Magistratu inde se extemplo abdicaverunt, traditique fecialibus cum ceteris Caudium ducendi. Hoc facto senatusconsulto, lux quædam adfulsisse civitati visa est. Postumius in ore erat; eum laudibus ad cælum ferebant: devotioni P. Decii consulis, aliis claris facinoribus æquabant. *Emersisse civitatem ex obnoxia pace illius consilio et opera: ipsum se cruciatibus et hostium iræ obferre, piaculæque pro populo Romano dare. Arma cuncti spectant et bellum.*³³ *En unquam futurum, ut congredi armatis cum Samnite liceat?* In civitate, ira odioque ardente, delectus prope omnium voluntariorum fuit. rescriptæ ex eodem milite novæ legiones, ductusque ad Caudium exercitus. Prægressi feciales, ubi ad portam venere, vestem detrahi pacis sponsoribus jubent, manus post tergum vinciri. Quum adparitor verecundia majestatis Postumium laxè vinciret, *Quin tu, inquit, adducis lorum, ut justa fiat deditio?* Tum, ubi in coetum Samnitium et ad tribunal ventum Pontii est, A. Cornelius Arvina fecialis ita verba fecit: *Quandoque hîc homines injussu populi Romani Quiritium fœdus ictum iri spoponderunt, atque ob eam rem*³⁴ *noxam nocuerunt; ob eam rem, quo populus Romanus scelere inpio sit solutus, hosce homines vobis dedo.* Hæc dicenti feciali Postumius genu femur, quanta maxime, poterat vi, perculit, et clara voce ait, *se Samnitem civem esse, illum legatum; fecialem a se contra jus gentium violatum; eo justius bellum gesturos.*

31 * *Vos appellare*] Vos quodammodo in jus vocare, a vobis suo jure aliquid postulare. Eodem modo infra in oratione Pontii: *Sed quid ego te appello?* et, *Populum Romanum appello.*

32 *Rei satis locupletes*] Debitores idonei solvendo. *Reus* dicitur qui-

cunque debet: qui quid promisit spoponditve, quod præstare teneatur. Vid. Festum.

33 * *En unquam*] Nunquamne. Sic infra X. 8. *En unquam fando audistis.*

34 *Noxam nocuerunt*] Culpam commiserunt.

XI. Tum Pontius, *Nec ego istam deditionem accipiam, inquit, nec Samnites ratam habebunt. Quin tu, Sp. Postumi, si Deos esse censes, aut omnia irrita facis, aut pacto stas? Samniti populo omnes, quos in potestate habuit, aut pro eis pax debetur. Sed quid ego te adpello, qui te captum victori, cum qua potes fide, restituis? Populum Romanum adpello; quem si sponsionis ad Furculas Caudinas factæ poenitet, restituat legiones intra saltum, quo septæ fuerunt. Nemo quemquam deceperit: omnia pro infecto sint: recipiant arma, quæ per pactionem tradiderunt: redeant in castra sua. quidquid pridie habuerunt, quam in conloquium est ventum, habeant. tum bellum et fortia consilia placeant, tunc sponsio et pax repudietur. Ea fortuna, iis locis, quæ ante pacis mentionem habuimus, geramus bellum: nec populus Romanus consulum sponsionem, nec nos fidem populi Romani accusemus. Numquamne caussa³⁵ defiet, cur victi pacto non stetis? Obsides Porsenæ dedistis; furto eos subduxistis: auro civitatem a Gallis redemistis; inter accipiendum aurum cæsi sunt: pacem nobiscum pepigistis, ut legiones vobis captas restitueremus; eam pacem irritam facitis, et semper aliquam fraudi speciem juris inponitis. Non probat populus Romanus ignominiosa pace legiones servatas? ³⁶ pacem sibi habeat, legiones captas victori restituat: hoc fide, hoc foederibus, hoc fecialibus ceremoniis dignum erat. Ut tu quidem, quod petisti, per pactionem habeas, tot cives incolumes; ego pacem, ³⁷ quam hosti tibi remittendo pactus sum, non habeam: hoc tu, A. Corneli, hoc vos, feciales, juris gentibus dicitis? Ego vero istos, quos dedi simulatis, nec accipio; nec dedi arbitror; nec moror, quo minus in civitatem obligatam ³⁸ sponsione commissa, iratis omnibus Diis, quorum eluditur numen, redeant. Gerite bellum, quando Sp. Postumius modo legatum fecialem genu perculit. Ita Dii credent, Samnitem civem Postumium, non civem Romanum esse, et a Samnite legatum Romanum violatum. eo vobis justum in nos factum esse bellum. Hæc ludibria religionum non pudere in lucem proferre? et vix pueris dignas ambages senes*

U. C. 434.
A. C. 318.
Pontii non
accipientis
deditionem
oratio.

³⁵ * Defiet] Deerit. A verbo *deseri*, *desio*. † Sigonius maluerat *desicet*. Sed primæ editiones, antiquissimus regiorum codicum, Thuanæus, et duo e Gronovianis, *desiet*: idque probum est. Gronovius exempla allegat e Plauto: *Menæchm.* Act. I. Sc. 4. *Neque deflat, neque supersit*: *Rud.* Act. IV. sc. 4. v. 63. *ut deflat dies*.

³⁶ Pacem sibi habeat] Hæc parum accommodata ad rem præsentem dicta videntur. Id enim Pontius defert Romanis, quod repudiabant, quod si præstarent, jam nullomodo ab his postulari poterat, ut legiones captæ Sam-

nitibus restituerentur. Gronovius legit: *Pacem ne habeat*.

³⁷ Quam hosti tibi remittendo] Nihil huc facit vox *hosti*. Lege cum Gronovio: *quam hoc tibi remittendo pactus sum*. Firmant ejus conjecturam Campanus et unus ex MSS. Hearnii.

³⁸ Sponsione commissa] Committi verbum jurisconsultorum est, apud quos *committi pæna* dicitur, quæ debetur; *committi stipulatio*, quæ locum et effectum habet, ita ut ex ea aliquid debeatur.

U. C. 434. *ac consulares fallendæ fidei exquirere? I, lictor, deme. vincla*
 A. C. 318. *Romanis: moratus sit nemo, quo minus, ubi visum fuerit, abe-*
ant. Et illi quidem, forsitan et publica, sua certe liberata
 fide, ab Caudio in castra Romana inviolati redierunt.

XII. Samnitibus, pro superba pace infestissimum cer-
 nentibus renatum bellum, omnia, ³⁹ quæ deinde venerunt,
 non in animis solum, sed prope in oculis esse: et sero ac
 nequidquam laudare senis Pontii utraque consilia; inter
 quæ se media lapsos victoriæ possessionem pace incerta
 mutasse, et, beneficii et maleficii occasione amissa, pugna-
 tuos cum eis, quos potuerint in perpetuum vel inimicos
 tollere, vel amicos facere. adeoque, nullodum certamine in-
 clinatis viribus, post Caudinam pacem animi mutaverant,
 ut clariorem inter Romanos deditio Postumium, quam
 Pontium incruenta victoria inter Samnites, faceret: et
 geri posse bellum Romani pro victoria certa haberent,
 Samnites simul rebellasse et vicisse crederent Romanum.
 Inter hæc Satricani ad Samnites defecerunt, et Fregellæ
 colonia necopinato adventu Samnitium (fuisse et Satrica-
 nos cum iis satis constat) nocte occupata est. timor inde
 mutuus utrosque usque ad lucem quietos tenuit: lux pug-
 næ initium fuit; quam aliquamdiu æquam, et quia pro
 aris ac focis dimicabatur, et quia ex tectis adjuvabat inbel-
 lis multitudo, tamen Fregellani sustinuerunt. Fraus deinde
 rem inclinavit, quod vocem audiri præconis passi sunt; *In-*
columem abiturum, qui arma posuisset. ea spes remisit a cer-
 tamine animos, et passim arma jactari coëpta. Pertinacior
 pars armata per aversam portam erupit; tutiorque eis auda-
 cia fuit, quam incautus ad credendum ceteris pavor: quos
 circumdatos igni, nequidquam Deos fidemque invocantes,
 Samnites concremaverunt. Consules, inter se partiti pro-
 vincias, Papirius in Apuliam ⁴⁰ ad Luceriam pergit, ubi
 equites Romani obsides ad Caudium dati custodiebantur:
 Publilius in Samnio substitit adversus ⁴¹ Caudinas legiones.
 Distendit ea res Samnitium animos; quod nec ad Luceriam
 ire, ne ab tergo instaret hostis, nec manere, ne Luceria in-
 terim amitteretur, satis audebant. Optimum visum est com-
 mittere rem fortunæ, et transigere cum Publilio certamen.
 Itaque in aciem copias educunt.

Prælio vin-
 cuntur
 Samnites a
 Publilio.

XIII. Adversus quos Publilius consul quum dimicaturus
 esset, prius adloquendos milites ratus, concionem advocari

³⁹ *Quæ deinde venerunt*] Imo eve-
 nerunt, ut duo e nostris libris habent,
 et postulat usus Latini sermonis.

⁴⁰ *Ad Luceriam*] Supra c. 2. ante
 Caudinam pacem Lucerini dicuntur
 boni fidelesque Romanorum socii.
 Sed nimirum intelligendum est eos

postea in Samnitium potestatem ve-
 nisse, quamvis id Livius non memo-
 raverit.

⁴¹ *Caudinas legiones*] Samnitium
 exercitum, qui ad Caudium rem ges-
 serat.

jussit. ceterum sicut ingenti alacritate ad prætorium concurre- U. C. 484.
 sunt est, ita præ clamore poscentium pugnam nulla adhorta- A. C. 518.
 tio imperatoris audita est. Suus cuique animus memor ignominie adhortator aderat. Vadunt igitur in proelium urgentes signiferos: et, ne mora in concursu pilis emittendis stringendisque inde gladiis esset, pila, velut dato ad id signo, abjiciunt, strictisque gladiis cursu in hostem feruntur. Nihil illic imperatorie artis ordinibus aut subsidiis locandis fuit: omnia ira militaris prope vesano impetu egit. Itaque non fusi modo hostes sunt; sed, ⁴² ne castris quidem suis fugam impedire ausi, Apuliam dissipati petiere: Luceriam tamen, coacto rursus in unum agmine, est perventum. Romanos ira eadem, quæ per mediam aciem hostium tulerat, et in castra pertulit. ibi plus, quam in acie, sanguinis accedis factum, prædæque pars major ira corrupta. Exercitus alter cum Papirio consule locis maritimis pervenerat Arpos per omnia pacata, Samnitium magis injuriis et odio, quam beneficio ullo populi Romani. Nam Samnites, ea tempestate in montibus vicatim habitantes, campestra et maritima loca, contempto cultorum molliore atque, ut evenit fere, locis^p simili genere, ipsi montani atque agrestes depulabantur. quæ regio si fida Samnitibus fuisset, aut pervenire Arpos exercitus Romanus nequisset, ⁴⁵ aut interjecta inter Romam et Arpos, penuria rerum omnium, exclusos a com meatibus absumsisset. ⁴⁴ Tum quoque profectos inde ad Luceriam, juxta obsidentes obsessosque, inopia vexavit. Papirius omnia ab Arpis Romanis subpeditabantur; ceterum adeo obsidet Luceriam. exigue, ut militi, occupato stationibus vigiliisque et opere, eques folliculis in castra ab Arpis frumentum veheret; interdum obscursu hostium cogreretur, abjecto ex equo frumento, pugnare. ⁴⁵ obsessis^q prius, quam alter consul victore exercitu advenit, et com meatus ex montibus Samnitium invecti erant, et auxiliâ intromissa. Artiora omnia adventus Publilii fecit; qui, obsidione delegata in curam collegæ, vacuus per agros cuncta infesta com meatibus hostium fece-

^p loci Gron. Crev.

^q et obsessis Eæd.

⁴² *Ne castris quidem suis*] Ne in castra quidem sua ausi se recipere, ne fuga difficilior fieret.

⁴³ *Aut interjecta*] Supple, illa regio: quæ si inimica Romanis fuisset, interjecta inter Romam et Arpos, interceptisset com meatus, qui Roma subvehi potuissent; ac proinde absumpsisset Romanum exercitum penuria rerum omnium laborantem. Itaque minime opus est mutare *absumpsisset* in *absumpsissent*, quod vult Gronovius.

novipa.

⁴⁴ *Tum quoque*] Atque etiam licet, ut modo diximus, regio illa fida non esset Samnitibus, sed pacata Romanis.

⁴⁵ *Et obsessis*] Duo codd. unus Gronovio, alter nobis inspectus, omitunt particulam *et*: quæ revera obest potius quam juvat. Postquam de obsidentibus locutus est Livius, transit ad obsessos.

U. C. 434.
A. C. 318.

rat. Itaque quum spes nulla esset, diutius obsessos inopiam laturos, coacti Samnites, qui ad Luceriam castra habebant, undique contractis viribus, signa cum Papirio conferre.

XIV. Per id tempus, parantibus utrisque se ad proelium, legati Tarentini interveniunt, denunciantes Samnitibus Romanisque, ut bellum omitterent. per utros stetisset, quo minus discederetur ab armis, adversus eos se pro alteris pugnatos. Ea legatione Papirius audita, perinde ac motus dictis eorum, cum collega se communicaturum respondit: adcitoque eo, quum tempus omne in adparatu consumsisset, conlocutus de re haud dubia, ⁴⁶signum pugnae proposuit. Agentibus divina humanaque, quae adsolent, quum acie dimicandum est, consulibus, Tarentini legati obscurare, responsum exspectantes, quibus Papirius ait: *Auspicia secunda esse, Tarentini, pullarius nunciat. litatum praeterea est egregie. auctoribus Diis, ut videtis, ad rem gerendam proficiscimur.* Signa inde ferri jussit, et copias eduxit, vanissimam increpans gentem, quae, suarum inpotens rerum praeter domesticis seditionibus discordiisque, aliis modum pacis ac belli facere aequum censeret. Samnites ex parte altera, quum omnem curam belli remisissent, quia aut pacem vere cupiebant, aut expediebat simulare, ut Tarentinos sibi conciliarent, quum instructos repente ad pugnam Romanos conspexissent, vociferari, ⁴⁷*se in auctoritate Tarentinorum manere, nec descendere in aciem, nec extra vallum arma ferre. Deceptos potius, quodcumque casus ferat, passuros, quam ut sprevisse pacis auctores Tarentinos videantur. Accipere se omen,* consules aiunt, *et eam precari mentem hostibus, ut ne vallum quidem defendant.* Ipsi, inter se partitis copiis, succedunt hostium munimentis, et, simul undique adorti, quum pars fossas explerent, pars vellerent vallum, atque in fossas prorruerent, nec virtus modo insita, sed ira etiam, exulceratos ignominia stimulare animos, castra invasere: et pro se quisque, *non haec furculas, nec Caudium, nec saltus invios esse, ubi errorem fraus superbe vicisset; sed Romanam virtutem, quam nec vallum, nec fossae arcerent,* memorantes, caedunt pariter resistentes fusosque, inermes atque armatos, servos, liberos, puberes, inpuberes, homines, jumentaue. nec ullum superfuisset animal, ni consules receptui signum dedissent, avidosque caedis milites e castris hostium imperio ac minis expulissent. Itaque apud infensos ob interpellatam dulcedinem irae confestim oratio habita est, ut doceretur

Iterum vincuntur
Samnites a
Coss.

⁴⁶ Signum pugnae] Tunicam purpuream. Vid. not. 49. ad c. 12. l. VI.

⁴⁷ Se in auctoritate Tarentinorum

manere] Se Tarentinis pacis auctoribus, pacem suadentibus, usque obsequi velle.

miles, minime cuiquam militum consules odio in hostes cessisse, U. C. 434. aut cessuros: quin duces, sicut belli, ita insatiabilis supplicii, A. C. 318. futuros fuisse, ne respectus equitum sexcentorum, qui Luceriae obsides tenerentur, præpedisset animos: ne desperata venia hostes cæcos in supplicia eorum ageret, perdere prius, quam perire, optantes. Laudare ea milites, lætarique obviam itum iræ suæ esse, ac fateri, omnia patienda potius, quam proderetur salus tot principum Romanæ juventutis.

XV. Dimissa concione, consilium habitum, omnibusne copiis Luceriam premerent, an altero exercitu et duce Apulica, gens dubiæ ad id voluntatis, tentarentur. Publilius consul, ad peragrandam profectus Apuliam, aliquot expeditione una populos aut vi subegit, aut conditionibus in societatem accepit. Papirio quoque, qui obsessor Luceriæ ^{Luceria capta.} restiterat, brevi ad spem eventus respondit. nam, insecsis omnibus viis, per quas commeatus ex Samnio subvehebantur, fame domiti Samnites, qui Luceriæ in præsidio erant, legatos misere ad consulem Romanum, ut, receptis equitibus, qui causa belli essent, absisteret obsidione. His Papirius ita respondit: *Debuisse eos Pontium, Herennii filium, quo auctore Romanos sub jugum misissent, consulere, quid victis patiendum censeret. ceterum, quoniam ab hostibus in se æqua statui, quam in se ipsi ferre, maluerint, nunciare Luceriam jussit, arma, sarcinas, jumenta, multitudinem omnem inbellem intra mœnia relinquerent: militem se cum singulis vestimentis sub jugum missurum, ulciscentem inlatam, non novam inferentem ignominiam.* ^{Sub jugum missi Samnites.} Nihil recusatum. septem millia militum sub jugum missa, prædaque ingens Luceriæ capta, receptis omnibus signis armisque, quæ ad Caudium ⁴⁸ amiserant; et, quod omnia superabat gaudia, equitibus recuperatis, quos pignora pacis custodiendos Luceriam Samnites dederant. Haud ferme alia mutatione subita rerum clarior victoria populi Romani est: siquidem etiam (quod quibusdam in annalibus invenio) Pontius, Herennii filius, Samnitium imperator, ut expiaret consulum ignominiam, sub jugum cum ceteris est missus. Ceterum id minus miror, obscurum esse de hostium duce dedito missoque sub jugum: id magis mirabile est, ambigi, Luciusne Cornelius dictator cum L. Papirio Cursore, magistro equitum, eas res ad Caudium, atque inde Luceriam gesserit, ultorque unicus Romanæ ignominiae, ⁴⁹ haud sciam an justissimo triumpho ad eam ætatem secundum Furium Camillum, triumphaverit, an consulum Papiriique præcipuum id decus sit. Sequitur hunc errorem alius error, Cursorne Papirius proximis comitiis cum ⁵⁰ Q. Aulio Cerretano iterum,

⁴⁸ *Amiserant*] Quidam scripti, inter quos duo e nostris, *amissa* erant.

⁴⁹ *Haud sciam an*] Fortasse. Vld.

VOL. I.

not. 12. ad II. 2. et not. 66. ad III. 60.

⁵⁰ *Q. Aulio Cerretano iterum*] Aulium in quibusdam annalibus consu-

L I

U. C. 435. ob rem bene gestam Luceriae continuato magistratu, consul
 A. C. 317. tertium creatus sit; an L. Papirius Mugillanus, et in cog-
 L. Papirio nomine erratum sit.
 III. Q. Au-
 lio II. Coss.

XVI. Convenit, jam inde per consules reliqua belli perfecta. Aulius cum ⁵¹ Ferentanis uno secundo proelio debellavit; urbemque ipsam, quo se fusa contulerat acies, obsidibus imperatis, in deditionem accepit. Pari fortuna consul alter cum Satricanis, qui cives Romani post Caudinam cladem ad Samnites defecerant, praesidiumque eorum in urbem acceperant, rem gessit. nam quum ad moenia Satriei admotus esset exercitus, legatisque, missis ad pacem cum precibus petendam, triste responsum ab consule redditum esset, *nisi praesidio Samnitium interfecto aut tradito, ne ad se remearent*; plus ea voce, quam armis inlatis, terroris colonis injectum. Itaque ⁵² subinde exsequentes quaerendo a consule legati, quonam se pacto paucos et infirmos crederet praesidio tam valido et armato vim adlaturos, ab iisdem consilium petere jussi, quibus auctoribus praesidium in urbem accepissent, discedunt: aegreque inpetrato, ut de ea re consuli senatum, responsaque ad se referri sineret, ad suos redeunt. Duæ factiones senatum distinebant; una, cujus principes erant defectionis a populo Romano auctores; altera, fidelium civium. certatum ab utrisque tamen est, ut ad reconciliandam pacem consuli opera navaretur. Pars altera (quum praesidium Samnitium, quia nihil satis praeparati erat ad obsidionem tolerandam, excessurum proxima nocte esset) ⁵³ enunciare consuli satis habuit, qua noctis hora, quaque porta, et quam in viam egressurus hostis foret. altera, quibus invitis descitum ad Samnites erat, eadem nocte portam etiam consuli aperuerunt, ⁵⁴ armatosque clam hostes in urbem acceperunt. Ita duplici proditione et praesidium Samnitium, insessis circa viam silvestribus locis, necopinato

lem cum C. Sulpicio reperiri supra observavit Livius VIII. 37. Eos annales hic sequitur, dum Aulium consulem iterum scribit.

⁵¹ *Ferentanis*] Gronovius legi jubet *Forentanis*. Sed iidem fuisse videntur *Ferentani* et *Forentani*, a *Ferento* sive *Forento*, Apuliae oppido. Horatius quidem, l. III. Od. 4. *Ferentum* appellat. Vid. Cellar. Geogr. Ant. l. II. c. 9.

⁵² *Subinde exsequentes*] Ita edidit Gronovius, quum reperiret in scriptis *subinde exsequantur*, vel *exsequuntur*. Antea edebatur *subinde quum exsequerentur*; quod servat unus e nostris codd. nec operæ pretium fuerat mutari.

⁵³ *Enunciare*] Hoc verbum proprie dicitur de iis qui arcana produnt: sic l. XXXIX. c. 10. *Si coacta caritate ejus, silenda enunciasset*. Et Cic. pro Rosc. Amer. n. 110. *Ceterorum legatorum consilia et voluntatem Chrysogono enunciat*. Hæc fere Gronovius. Vid. et not. ad XXV. 9. infra.

⁵⁴ *Armatosque clam hostes in urbem acceperunt*] Hi hostes intelligendi sunt ipsi Romani, oppugnatores urbis, qui et paulo infra eodem nomine designantur: *ab urbe plena hostium*, nempe Romanorum. Totum hoc membrum, quo carebant vulgo editi, primus addidit Galentius. Sed liber ejus habuit *clam hoste*, quod interpretis licet *clam Samnite, hoste Roma-*

obpressum est, et ab urbe plena hostium clamor sublatus; U. C. 495. momentoque unius horæ cæsus Samnis^r, Satricanus captus, A. C. 317. et omnia in potestate consulis erant. Qui, quæstione habita, quorum opera defectio esset facta, quos fontes comperit, virgis cæsos securi percussit: præsidioque valido imposito, arma Satricanis ademit. Inde ad triumphum decessisse Romam Papirium Cursorem scribunt, qui eo dace Luceriam receptam, Samnitesque sub jugum missos auctores sunt. Et fuit vir haud dubie dignus omni bellica laude, non animi solum vigore, sed etiam corporis viribus excellens. Papirii Cursoris laudes. Præcipua pedum pernicitas inerat,⁵⁵ quæ cognomen etiam dedit: victoremque cursu omnium ætatis suæ fuisse ferunt: et seu⁵⁶ virium vi, seu exercitatione multa, cibi vinique eundem capacissimum: neo cum ullo asperiores (quia ipse invicti ad laborem corporis esset) fuisse militiam pediti pariter equitque. Equites etiam aliquando ausqs ab eo petere, ut sibi pro re bene gesta laxaret aliquid laboris: quibus ille, *Ne nihil remissum dicatis, remitto, inquit, ne utique dorsum demulceatis, quum ex equis descendetis.* et vis erat in eo viro imperii ingens pariter in socios civesque. Prænестinus prætor per timorem segnius ex subsidiis suos duxerat in primam aciem. quem quum inambulans ante tabernaculum vocari jussisset, lictorem expedire securim jussit. ad quam vocem exanimi stante Prænestino, *Agedum, lictor, excide radicem hanc, inquit, incommodam ambulantibus:* perfusumque ultimi supplicii metu, multa dicta, dimisit. Haud dubie illa ætate, qua nulla virtutum feracior fuit, nemo unus erat vir, quo magis innisa res Romana staret.⁵⁷ quin eum parem destinant animis Magno Alexandro ducem, si arma, Asia perdomita, in Europam vertisset.

^r Samnis cæsus Gron. Crev.

norum. Libri Gronoviani et nostri *clam nocte*: quod certo vitiosum est, quum præcesserit *eadem nocte*. Nihil melius quam vulgata lectio, si sua ei ex scriptis constet auctoritas.

⁵⁵ *Quæ cognomen etiam dedit*] Hic ita loquitur Livius, quasi cognomen Cursoris huic primum Papirio inditum esset. Ipse tamen L. VI. c. 11. L. Papirium Cursorem tribunum militum habet, quem et antea tribunum fuisse militum memorat ejusdem libri c. 5. et censorem eo lustro, quo urbs capta est, infra c. 34. Prior ille Papirius Cursor hujus nostri avus fuisse videtur.

⁵⁶ *Virium vi*] Parum usitata sane locutio, et cujus haud facile fortasse aliud exemplum reperias. Dicitur tamen, non absimili figura loquendi,

robar virium.

⁵⁷ *Quin eum parem destinant animis*] Quidam editi habebant mendose *destinarent*: quod intelligendum fuisset de Romanis illis qui tum vivebant, quibus tamen ne fama quidem Alexandrum cognitum fuisse se arbitrari dicit Livius infra c. 18. Hinc ansam arripuit Petrus Bayle in dictionario suo, ubi de Alexandro Magno agit, nota O, increpandi paulo durius Livii. Sed vera hujus loci lectio est, *destinant*, quam præferunt veteres editi omnes, scripti nostri, plurimique e Gronovianis. Sensus est: ubi quaeritur hodie, an aliquem Romani ducem opponere potuissent parem Alexandro, destinatur, nominatur potissimum Papirius Cursor.

U. C. 435.
A. C. 317.
Disputatio
de Alexan-
dro M. et
Romanis.

Alexandri
et ducum
Rom. colla-
tio.

XVII. Nihil minus quæsitum a principio hujus operis videri potest, quam ut plus justo ab rerum ordine declinarem; varietatibusque distinguendo opere, et legentibus velut deverticula amœna, et requiem animo meo quærerem: tamen ⁵⁸ tanti regis ac ducis mentio, quibus sæpe tacitis cogitationibus volutavit animum, eas evocat in medium: ut quærere libeat, quinam eventus Romanis rebus, si cum Alexandro foret bellatum, futurus fuerit. Plurimum in bello pollere videntur militum copia et virtus, ingenia imperatorum, fortuna per omnia humana, maxime in res bellicas, potens. Ea, et singula intuenti et universa, sicut ab aliis regibus gentibusque, ita ab hoc quoque, facile præstant invictum Romanum imperium. Jam primum, ut ordiar ab ducibus comparandis, haud equidem abnuo, egregium ducem fuisse Alexandrum; sed clariorem tamen eum facit, ⁵⁹ quod unus fuit, quod adolescens in incremento rerum, nondum alteram fortunam expertus, decessit. Ut alios reges claros ducesque omittam, magna exempla casuum humanorum; ⁶⁰ Cyrum, quem maxime Græci laudibus celebrant, quid, nisi longa vita, sicut Magnum modo Pompeium, vertenti præbuit fortunæ? Recenseam duces Romanos, nec omnes omnium sætatum, sed ipsos eos, cum quibus consulibus aut dictatoribus Alexandro fuit bellandum; M. Valerium Corvum, C. Marcium Rutilum, C. Sulpicium, T. Manlium Torquatum, Q. Publilium Philonem, L. Papium Cursorem, Q. Fabium Maximum, duos Decios, L. Volumnium, M'. Curium. Deinceps ingentes sequuntur viri, ⁶¹ si Punicum Romano prævertisset bellum, seniorque in Italiam trajecisset. Horum in quolibet tum indoles eadem, quæ in Alexandro erat, animi ingeniique; tum disciplina militaris, jam inde ab initiis urbis tradita per manus, in artis perpetuis præceptis ordinatæ modum venerat. Ita reges gesserant bella; ita deinde exactores regum Junii Valeriique; ita deinceps Fabii, Quinctii, Corneli; ita Furius Camillus, ⁶² quem juvenes ii*, quibus cum Alexandro dimican-

* duo Gron.

⁵⁸ *Tanti regis ac ducis mentio*] Postquam semel mentionem feci tanti regis ac ducis, Alexandri, hinc data occasione facile adducor ut in medium proferam eas cogitationes quas sæpe, perpendens ea quæ ad illum regem ejusque res gestas pertinent, animo volutavi.

⁵⁹ *Quod unus fuit*] Quod solus sine collega res gessit. Intuetur Livius Romanos duces, quibus additi collegæ aut partem laudis detrahebant, aut etiam impedimentum rebus gerendis

afferebant. Vide ea quæ in hanc sententiam disputat noster infra sub finem c. 18.

⁶⁰ *Cyrum*] Sequitur hic Livius Herodotum, apud quem Cyrus a Tomyri Massagetarum regina victus cæsusque est.

⁶¹ *Si Punicum*] Si Alexander prius cum Pœnis bellum, quam cum Romanis gessisset.

⁶² *Quem juvenes, ii*] Quem ii quibuscum Alexandro bellandum erat, juvenes senem viderant. Ceterum hic

dum erat, senem viderant. Militaria opera pugnando obe- U. C. 435.
 unt Alexandro (nam ea quoque haud minus clarum eum A. C. 317.
 faciunt) cessisset videlicet in acie oblatus par Manlius Tor-
 quatus, aut Valerius Corvus, insignes ante milites, quam du-
 ces? cessissent Decii, devotis corporibus in hostem ruentes?
 cessisset Papirius Cursor, illo corporis robore, illo animi? vic-
 tus esset consiliis juvenis unius, ne singulos nominem, sena-
 tus ille, ⁶³ quem qui *ex regibus constare* dixit, unus ⁶⁴ veram
 speciem Romani senatus cepit? Id vero erat periculum, ne
 solertius, quam quilibet unus ex iis, quos nominavi, castris
 locum caperet, commeatus expediret, ab insidiis præcave-
 ret, tempus pugnae deligeret, aciem instrueret, subsidiis fir-
 maret. Non cum Dario rem esse dixisset: quem, mulierum
 ac spadonum agmen trahentem, inter purpuram atque au-
 rum, oneratum fortunæ adparatibus suæ^t, prædam verius,
 quam hostem, nihil aliud quam bene ausus vana contem-
 nere, incruentus devicit. Longe alius Italiæ, quam Indiæ,
 per quam temulento agmine comissabundus incessit, visus
 illi habitus esset, saltus Apuliæ ac montes Lucanos cernenti
 et vestigia recentia domesticæ cladis, ubi avunculus ejus
 nuper Epiri rex Alexander absumtus erat.

XVIII. Et loquimur de Alexandro nondum merso se-
 cundis rebus, quarum nemo intolerantior fuit. qui, si ex
 habitu novæ fortunæ novique, ut ita dicam, ingenii, quod
 sibi victor induerat, spectetur, Dario magis similis, quam
 Alexandro, in Italiam venisset, et exercitum Macedoniæ
 oblitum degenerantemque jam in Persarum mores adduxis-
 set. Referre in tanto rege piget superbam mutationem
 vestis, et desideratas humi jacentium adulationes, ⁶⁵ etiam
 victis Macedonibus graves, nedum victoribus; et fœda
 supplicia, et inter vinum et epulas cædes amicorum, et va-
 nitatem ementiendæ stirpis. Quid, si vini amor in dies
 fieret acrior? quid, si trux ac præfervida ira? (nec quid-
 quam dubium inter scriptores refero) nullane hæc damna
 imperatoriis virtutibus ducimus? Id vero periculum erat,

^t *sua apparatibus* Gron. Crev.

edidimus ii, ubi vulgati habent duo, ex auctoritate antiquissimi nostri co-
 dicis, ad quem alludunt alii, tum Gronovio, tum nobis excussit, in qui-
 bus legitur *hii*. Nimirum *et* ii sump-
 tum pro nota numeri peperit errorem
 vulgatæ lectionis: quæ quidem ma-
 nifeste vitiosa est. Non enim soli
 duo, sed fere omnes ii qui recensentur
 a Livio, juvenes Camillum senem
 viderant.

⁶³ *Quem qui ex regibus*] Hic fuit
 Cineas, Pyrrhi regis legatus. Vid. in-

fra XIII. 34.

⁶⁴ *Veram speciem Romani senatus
 cepit*] Vera sub imagine Romanum
 senatum sibi exhibuit: veram sena-
 tus Romani notionem assecutus est.
 Sic Horat. Sat. 3. l. II. v. 208. *Qui
 species alias veris . . . capiet*: id est,
 qui imagines rerum, sive notiones sibi
 finget diversas a veris.

⁶⁵ *Etiā victis Macedonibus gra-
 ves*] Quas Macedones, etiamsi victi
 fuissent, gravate tulissent, nedum eas
 tolerare possent victores.

U. C. 435.
A. C. 317.

Fortunæ
Alexandri
collatio cum
fortuna P.
Rom.

quod levissimi ex Græcis, qui Parthorum quoque contra nomen Romanum gloriæ favent, diotitare solent, ne majestatem nominis Alexandri (quem ne fama quidem illis notum arbitror fuisse) sustinere non potuerit populus Romanus, et, adversus quem Athenis, in civitate fracta Macedonum armis, cernente tum maxime prope fumantes Thebarum ruinas, concionari libere ausi sint homines, (id quod ex monumentis orationum patet) adversus eum nemo ex tot proceribus Romanis vocem liberam missurus fuerit. Quantalibet magnitudo hominis concipiatur animo, unius tamen ea magnitudo hominis erit, collecta paullo plus decem annorum felicitate: quam qui eo extollunt, quod populus Romanus, etsi nullo bello, multis tamen proeliis victus sit, Alexandro nullius pugnae non secunda fortuna fuerit; non intelligunt, se hominis res gestas, et ejus juvenis, cum populi jam ⁶⁶ octingentesimum bellantis annum rebus conferre. Miremur, si, quum ex hac parte ⁶⁷ secula plura numerentur, quam ex illa anni, plus in tam longo spatio, quam in ætate tredecim annorum, fortuna variaverit? Quin tu hominis cum homine, et ducis cum duce, fortunam cum fortuna confers? Quot Romanos duces nominem, quibus nunquam adversa fortuna pugnae fait? Paginas in annalibus magistratum fastisque percurrere licet, consulum, dictatorumque, quorum nec virtutis, nec fortunæ ullo die populum Romanum poenituit. Et, quo sint mirabiliores, quam Alexander aut quisquam rex, denos vicanosque dies quidam dictaturam, nemo plus quam annum consulatum gessit: ab tribunis plebis delectus impediti sunt: post tempus ad bella ierunt: ante tempus comitiorum causa revocati sunt: in ipso conatu rerum circumegit se annus: collegæ nunc temeritas, nunc pravitas, impedimento aut damno fuit: male gestis rebus alterius successum est: tironem aut mala disciplina institutum exercitum acceperunt. At, Hercule, reges non liberi solum impedimentis omnibus, sed domini rerum temporumque, trahunt consiliis cuncta, non sequuntur. Invictus ergo Alexander cum invictis ducibus bella gessisset, et eadem fortunæ pignora in discrimen detulisset. immo etiam eo plus periculi subisset, quod Macedones unum Alexandrum habuissent, multis casibus non solum obnoxium, sed etiam obferentem se: Romanis multi fuissent, Alexandro, vel glo-

⁶⁶ Octingentesimum] Numerat Livius ad suam usque ætatem. Scribebat autem hæc circa annum u. c. plus minus 735.

⁶⁷ Secula plura] Magno consensu viri docti *secula* hic intelligunt ætates, sive *γυναῖς*, quales in quolibet centum annorum spatio ternæ continentur,

ita ut in 735. annis duo et viginti secula numerentur. Nec aliter dixerit vere Livius plura secula ex una parte numerari, quam ex altera annos. Et quidem Servius ad hæc Virgillii verba, *Æn. VIII. v. 508. seclisque effrita senectus*, observat esse qui dicant *seculum triginta annos habere*.

ria, vel rerum magnitudine, pares; ⁶⁸ quorum suo quisque ^{U. C. 495.}
fato, sine publico discrimine, viveret morereturque. ^{A. C. 377.}

XIX. Restat, ut copiae copiis comparentur vel numero, ^{Collatio copiarum.}
vel militum genere, vel multitudine auxiliorum. Censeban-
tur ejus ætatis lustris ducena quinquagena millia capitum.
Itaque, in omni defectione sociorum Latini nominis, urbano
prope delectu decem scribebantur legiones. quaterni quini-
que exercitus sæpe per eos annos in Etruria, in Umbria,
Gallis hostibus adjunctis, in Samnio, in Lucanis gerebant
bellum. ⁶⁹ Latium deinde omne cum Sabinis, et Volscis, et
Æquis, et omni Campania, et parte Umbriæ Etruriæque, et
Picentibus, et Marsis, Pelignisque, ac Vestinis atque Apu-
lis, adjunctaque omni ora Græcorum inferi maris a Thuriis
Neapolim et Cumas, et inde Antio atque Ostiis tenus Sam-
nites, aut socios validos Romanis, aut fractos bello invenis-
set hostes. Ipse trajecisset mare cum veteranis Macedoni-
bus, non plus triginta millibus hominum et quatuor millibus
equitum, maxime Thessalorum. hoc enim roboris erat.
Persas, Indos, aliasque si adjunxisset gentes, impedimentum
majus, quam auxilium, traheret. Adde, quod Romanis ad
manum domi supplementum esset: Alexandro, (quod post-
ea Hannibali accidit) alieno in agro bellanti, exercitus con-
senuisset. Arma, clipeus ⁷⁰ sarissæque illis; Romano scutum,
majus corpori tegumentum, et ⁷¹ pilum, haud paullo, quam
hasta, vehementius ictu missuque telum. Statarius uterque
miles, ordines servans: sed illa phalanx immobilis, et unius
generis: Romana acies distinctior, ex pluribus partibus
constans: facilis partienti, quacumque opus esset, facilis
jungenti. Jam in opere quis par Romano miles? quis ad
tolerandum laborem melior? Uno proelio victus Alexander,
bello victus esset. Romanum, quem Caudium, quem Can-
nae non fregerunt, quæ fregisset acies? Næ ille sæpe, et-
iamsi prima prospere evenissent, Persas et Indos et inbellem
Asiam quæsisset, et cum feminis sibi bellum fuisse dixis-
set: quod Epiri regem Alexandrum, mortifero vulnere ic-
tum, dixisse ferunt, sortem bellorum in Asia gestorum ab
hoc ipso juvene cum sua conferentem. Equidem, quum
per annos quatuor et viginti primo Punico bello classibus
certatum cum Poenis recordor, vix ætatem Alexandri sub-

⁶⁸ *Quorum suo quisque fato*] Quo-
rum unusquisque sibi viveret, sibi
moreretur, ita ut ex vita ejus aut
morte nihil discriminis respublica sen-
tiret; ita ut, viveretne ille an more-
retur, respublicæ parum interesset.

⁶⁹ *Latium deinde omne*] Latinos
deinde omnes cum Sabinis et Vol-
scis . . . atque Apulis, et Samnites, ad-

juncta omni ora Græcorum Inferi ma-
ris a Thuriis ad urbes Neapolim et
Cumas, et inde Antio atque Ostiis te-
nus, hos omnes aut socios validos . .

⁷⁰ *Sarissæ*] Prælongæ hastæ, Ma-
cedonum propriæ.

⁷¹ *Pilum*] Vid. ejus descriptionem
in not. 47. ad VIII. 8.

U. C. 435. A. C. 317. fecturam fuisse reor ad unum bellum. et forsitan quum et foederibus vetustis juncta Punica res Romanæ esset, et timor par adversus communem hostem duas potentissimas armis virisque urbes armaret, simul Punico Romanoque obrutus bello esset. Non quidem Alexandro duce, nec integris Macedonum rebus, sed experti tamen sunt Romani Macedonem hostem adversus Antiochum, Philippum, Persen, ⁷² non modo cum clade ulla, sed ne cum periculo quidem suo. ⁷³ Absit invidia verbo^a, et ⁷⁴ civilia bella sileant, ⁷⁵ numquam ab equite hoste, numquam a peditate, numquam aperta acie, numquam æquis, utique numquam nostris locis laboravimus. ⁷⁶ Equitem, sagittas, saltus inpeditos, avia com meatibus loca gravis armis miles timere potest. Mille acies, graviores quam Macedonum atque Alexandri, avertit, avertetque; modo sit perpetuus hujus, qua vivimus, pacis amor et civilis cura concordiae.

U. C. 436. A. C. 316. M. Fostius, L. Plautio
Coss. XX. M. Fostius Flaccinator inde et L. Plautius Venno consules facti. Eo anno ab frequentibus Samnitium populis de foedere renovando legati, quum senatum humi strati movissent, rejecti ad populum haudquaquam tam efficaces habebant preces. Itaque, foedere negato^x, induciæ biennii, quum per aliquot dies fatigassent singulos precibus, inpetratæ. Et ex Apulia Teanenses Canusinique populationibus fessi, obsidibus L. Plautio consuli datis, in deditionem venerunt. Eodem anno primum ⁷⁷ præfecti ⁷⁸ Capuæ creari

^a vero Gron. Crev.

^x de foedere negatum Ead.

⁷² Non modo cum clade ulla] Non modo non. Vid. not. 31. ad II. 23.

⁷³ Absit invidia verbo] Non sit mihi neque Romanis invidia, si verum dixerō: liceat nobis, sine invidiæ aut offensionis metu, ex vero gloriari.

⁷⁴ Civilia bella sileant] De civilibus bellis non fiat mentio.

⁷⁵ Nunquam ab equite] Hæc verba non possunt eo exponi sensu, ut Romani nunquam ab equitatu peditatue hostili victi fuisse dicantur: quum et ipse Livius cap. præc. agnoscat, et res ipsa clamet Romanos multis præliis victos esse. Hæc igitur fuisse videtur mens Livii. Nunquam ob eam causam laboravimus, quod hostis aut equitatum, aut peditatum nostro meliorem haberet. Quod tamen non accurate verum esse probat ille Annibalis equitatus longe Romano superior, ipso teste Livio, XXI. 47. et XXVI. 38. Hic nempe deflexit nostrum a vero Romanæ laudis nimius amor. Quonam enim modo qui Abiliensis Cannensisque cladum memi-

nerit, jactare potest Romanos nunquam aperta acie laborasse?

⁷⁶ Equitem] Numerosum equitatum; præsertim in patentibus campis, Romanus miles gravis armis timere potest. Alludit haud dubie ad Parthicum equitatum, et Crassi cladem.

⁷⁷ Præfecti] Creari cepti a populo Romano præfecti, qui Capuam ad jura reddenda mitterentur. Hic Livius conditionem, ac fortasse originem præfecturarum paucis tangit. Præfecturæ erant Italiæ oppida, quæ non legibus suis, non a magistratibus e corpore suo creatis regebantur; sed præfectos quotannis Roma missos accipiebant, quorum esset in oppido summa potestas, quique jus ibi dicerent. Capuam hoc jugum, quod nunc volens accipit, postea excussisse ex eo colligitur, quod bello Punico secundo capta a Romanis iterum in præfecturæ formam redigitur.

⁷⁸ Capuam] Vulgo Capua. Sed Andreas, quinque e nostris codd. et

cepti, legibus ab L. Furio prætore datis: quum utrumque U. C. 496.
 ipsi pro remedio ægris rebus discordia intestina petissent. A. C. 316.
 Et ⁷⁹ duæ Romæ additæ tribus, ⁸⁰ Ufentina ac ⁸¹ Falerina. Tribus no-
 Inclinatorum semel in Apulia rebus, ⁸² Teates quoque Apuli ad ⁷⁹
 novos consules, C. Junium Bubulcum, Q. Æmiliam Bar- U. C. 437.
 bulam, foedus petiit venerunt, ⁸³ pacis per omnem Apu- A. C. 315.
 liam præstandæ populo Romano auctores. id audacter spon- C. Junio,
 dendo inpetravere, ut foedus daretur: neque ut æquo tamen Q. Æmilio
 foedere, sed ut in ditione populi Romani essent. Apulia Cos.
 perdomita, (nam ⁸⁴ Forento quoque valido oppido Junius
 potitus erat) in Lucanos perrectum. inde repentino adventu
 Æmilii consulis Nerulum vi captum. Et postquam res
 Capuæ stabilitas Romana disciplina fama per socios vul-
 gavit; Antiatibus quoque, qui se sine legibus certis, sine
 magistratibus agere querebantur, dati ab senatu ad jura sta-
 tuenda ipsius ⁸⁵ coloniae patroni: nec arma modo, sed jura
 etiam Romana late pollebant.

XXI. C. Junius Bubulcus et Q. Æmilius Barbula con- U. C. 438.
 sules exitu anni non consulibus ab se creatis, Sp. Nautio et A. C. 314.
 M. Popillio, ceterum dictatori L. Æmilio legiones tradide- Sp. Nautio,
 runt. Is, cum L. Fulvio magistro equitum ⁸⁶ Saticulam M. Popillio
 obpugnare adortus, rebellandi causam Samnitibus dedit. Cos.
 Duplex inde terror inlatus Romanis. hinc Samnis, magno L. Æmilius
 exercitu coacto ad eximendos obsidione socios, haud pro- dictator.
 cul castris Romanorum castra posuit: hinc Saticulani mag-
 no cum tumultu, patefactis repente portis, in stationes hos-
 tium incurrerunt. Inde pars utraque, spe alieni magis auxi-
 lii, quam viribus freta suis, justo mox prælio inito Roma-
 nos urgent. et, quamquam anceps dimicatio erat, tamen

7 *venere* Gron. Crev.

quatuor a Gronovio allegati habent
Capuam: longe elegantius et clarius.

⁷⁹ *Duæ . . . additæ tribus*] Tunc-
 que una et triginta tribus factæ. Vid.
 VIII. 17.

⁸⁰ *Ufentina*] Sive Oufentina, ab
 Ufente, sive Oufente fluvio in Volacis,
 qui non longe a Tarracina in mare
 labitur. Vid. Festum.

⁸¹ *Falerina*] Ab agro Falerno, ut
 videtur.

⁸² *Teates . . . Apuli*] Plerique in-
 terpretum in voce *Teates* mendum
 esse existimant. Teate enim oppi-
 dum non in Apulia, sed in Marruci-
 nis est. Dujatius suspicatur *Uriates*
Apuli.

⁸³ *Pacis . . . populo Romano præ-
 standæ auctores*] Promittentes sese
 effecturos ut per omnem Apuliam pax
 cum Romanis servaretur.

⁸⁴ *Forento*] Ante Gronovium editi
 præferebant *Tarento*: mendose. Ne-
 que enim Tarentum in Apulia est:
 nec de urbe tam celebri adeo frigide
 loqueretur Livius. Correxerunt Gronovius
 vestigiis MSS. codicum insistens, qui
 exhibent *Forento* vel *torento*. Obser-
 vavimus in not. 51. ad c. 16. idem op-
 pidum videri dictum quoque fuisse
Ferentum.

⁸⁵ *Coloniarum patroni*] Urbes enim,
 ac postea, aucto imperio, provincias
 etiam et regna patronos Romæ habe-
 bant.

⁸⁶ *Saticulam*] Sic recte Sigonius,
 quum veteres editi haberent *Satricu-
 lam*. Sic et infra, ubi nunc legitur
Saticulani, quidam editi habebant
Satriculani, quidam etiam mendosius
Satricani.

U. C. 498. utrimque tutam aciem dictator habuit; quia et locum haud
A. C. 314. facilem ad circumveniendum cepit, et ⁸⁷ diversa statuit signa. Infestior tamen in erumpentes incessit: nec magno certamine intra moenia compulit. Tum totam aciem in Samnites obvertit. ibi plus certaminis fuit. Victoria sicut sera, ita nec dubia, nec varia fuit. Fusi in castra Samnites, extinctis nocte ignibus, tacito agmine abeunt: et, spe abjecta Saticulae tuendae, Plistiam ipsi, socios Romanorum, ut parem dolorem hosti redderent, circumsidunt.

U. C. 439. XXII. Anno circumacto, bellum deinceps ab dictatore
A. C. 313. Q. Fabio gestum est. ⁸⁸ Consules novi, sicut superiores,
L. Papirio Romae manserunt: Fabius, ad accipiendum ab Aemilio ex-
IV. Q. Pub- ercitus, ad Saticulam cum supplemento venit. neque enim
lilio IV. Samnites ad Plistiam manserant: sed, aditis ab domo no-
Coss. vis militibus, multitudine freti, castra eodem, quo antea, loco posuerunt: lacescentesque proelio Romanos avertens ab obsidione conabantur. Eo intentius dictator in moenia hostium versus, ⁸⁹ id bellum tantum ducere, quod urbem obpugnabat: securior ab Samnitibus agere, stationibus modo obpositis, ne qua in castra vis fieret. Eo ferocius ⁹⁰ adequitare^a Samnites vallo, neque otium pati. et quum jam prope in portis castrarum esset hostia, nihil consulto dictatore, magister equitum Q. Aulus Cerretanus, magno tumultu cum omnibus turmis equitum evectus, submovit hostem. tum in minime pertinaci genere pugnae ⁹¹ sic fortuna exercuit opes, ut insignes^a utrimque clades et clara ipsorum ducum ederet funera. Prior Samnitium imperator, agre patiens, ⁹² quo tam ferociter adequitasset, inde se fundi fugarique, orando hortandoque equites proelium integravit. in quem, insignem inter suos cientem pugnam, ma-

Q. Fabius
dictator.

Proelium
equestre
cum Sam-
nitibus.

^a obequitare Gron.

^a insignis Gron. Crev.

⁸⁷ *Diversa statuit signa*] Obversam utrimque in hostes aciem.

⁸⁸ *Consules novi*] L. Papirius Cursor IV. Q. Publius Philo IV. memorati. Fastis Capitolinis, Diodoro, l. XIX. et aliis. Horum nomina per librariorum incuriam deesse videntur, non ipsius Livii, qui in nominibus consulum reddendis diligens est.

⁸⁹ *Id bellum tantum ducere*] Id tantummodo pro bello habebat, quod urbem oppugnaret: Samnitium exercitus contemnebat. Sic l. XXVIII. c. 32. Scipio milites adhortans ait, *immemorem esse rerum suarum gestarum, qui id bellum ducat*. Conjecturam hanc Gronovii, qui legi jussit *tantum pro tanti*, firmannt quidam Hearnii codices. Sed iidem addunt verbum inutile *nitebatur*.

⁹⁰ *Adequitare . . . vallo*] Sigonius dederat *adequitare*: quod non displiceret per se ipsum. Sed auctoritatem sequimur plurimorum Gronovii et Hearnii codicum, et nostrorum omnium, et primarum quoque editionum, Campani nempe et Andreae.

⁹¹ *Sic fortuna*] Sic fortuna exercuit vim suam . . . In his quae sequuntur, legendum videtur vel *insignes utrimque clades*, vel melius fortasse *insignem utrimque cladem*. Haec enim verba refecti non possunt, nisi ad utriusque ducis mortem. *Insignes* autem *utrimque clades* majus aliquid sonare viderentur.

⁹² *Quo tam ferociter adequitasset*] Libri habent *quod*: sed ratio postulat *quo*, ut recte observavit Gronovius, qui et ita edidit.

gister equitum Romanus infesta cuspide ita permisit equum, ut uno ictu exanimem equo præcipitaret: nec, ut fit, ad ducis casum perculsa magia, quam irritata, est multitudo. Omnes, qui circa erant, in Aulium, temere invectum per hostium turmas, tela conjecerunt. ⁹³ Fratri præcipuum decus uli Samnitium imperatoris dederunt. is victorem detractum ex equo magistrum equitum, plenus mœroris atque iræ, trucidavit: nec multum afuit, quin corpore etiam, quia inter hostiles ceciderat turmas, Samnites potirentur. Sed extemplo ad pedes descensum ab Romanis est, coactique idem Samnites facere. et repentina acies circa corpora ducum pedestre proelium iniit, quo haud dubie superat Romanus: recuperatumque Aulii corpus, mixta cum dolore lætitia, victores in castra referunt. Samnites, duce amisso, et per equestre certamen tentatis viribus, omissa Saticula, quam nequidquam defendi rebantur, ad Plistiæ obsidionem redeunt; intraque paucos dies Saticula Romanus per deditionem, Plistia per vim Samnis potitur.

XXIII. Mutata inde belli sedes est. ad Soram ex Samnio Apuliaque traductæ legiones. Sora ad Samnites defecerat, interfectis colonis Romanorum. quo quum prior Romanus exercitus, ad ulciscendam civium necem recuperandamque coloniam, magnis itineribus ⁹⁴ prævenisset^b, et sparsi per vias speculatores, sequi legiones Samnitium, nec jam procul abesse, alii super alios, nunciarent; obviam itum hosti, atque ad Lautulas ancipiti proelio dimicatum est. non cædes, non fuga alterius partis, sed nox incerta, victi victoresne essent, diremit. Invenio apud quosdam, adversam eam pugnam Romanis fuisse, atque in ea cecidisse Q. Aulium, magistrum equitum. Subfectus in locum Aulii C. Fabius magister equitum cum exercitu novo ab Roma advenit; et, per præmissos nuncios consulto dictatore, ubi subsisteret, quove tempore, et qua ex parte hostem adgrederetur, substitit occultus, ad omnia satis exploratis consiliis. Dictator, quum per aliquot dies post pugnam continuisset suos intra vallum, obsessi magis quam obsidentis modo, signum repente pugnae proposuit; et, efficacius ratus ad accendendos virorum fortium animos, nullam alibi, quam in semet ipso, cuiquam relictam spem, de magistro equitum novoque exercitu militem celavit. et, tanquam nulla, nisi in

Soræ defec-
tio ad Sam-
nites.

^b *pervenisset* Crev.

⁹³ *Fratri*] Præcipuum decus uli Samnitium imperatoris penes fratrem ejus esse voluerunt.

⁹⁴ *Pervenisset*] Plurimi quidem MSS. habent *prævenisset*, ut edidit Gronovius. Noster tamen Victorinus

assentitur turbæ editorum, servatque *pervenisset*, quod et simplicius visum est et clarius. Nec veto necesse est legi *prævenisset*, quum processerit *prior*.

U. C. 439. eruptione, spes esset, *Locis*, inquit, *angustis*, *militēs*, *depre-*
 A. C. 318. *hensi*, nisi quam victoria patefecerimus, viam nullam habemus.
Stativa nostra munimento satis tuta sunt; sed inopia eadem in-
festa. nam et circa omnia defecerunt, unde subvehi commeatus
poterant; et, si homines juvare velint, iniqua loca sunt. Ita-
que non frustrabor ego vos, castra hic relinquendo, in quæ, in-
fecta victoria, sicut pristino die, vos recipiatis. armis muni-
menta, non munimentis arma tuta esse debent. Castra habeant
*repetantque,*⁹⁵ *quibus operæ est trahere bellum: nos omnium*
rerum respectum, præterquam victoriæ, nobis abscindamus.
Ferte signa in hostem: ubi extra vallum agmen excesserit, cas-
tra, quibus imperatum est, incendant: damna vestra, milites,
omnium circa, qui defecerunt, populorum præda sarcientur.
⁹⁶ *Et oratione* dictatoris, quæ necessitatis ultimæ index erat,
 milites accensi vadunt in hostem, et respectus ipse arden-
 tium castrorum, quamquam proximis tantum (ita enim jus-
 serat dictator) ignis est subditus, haud parvum fuit irrita-
 mentum. Itaque, velut vecordes inlati, signa primo inpetu
 hostium turbant; et in tempore, postquam ardentia procul
 vidit castra magister equitum, (id convenerat signum) hosti-
 um terga invadit. ita circumventi Samnites, qua potest quis-
 que, fugam per diversa petunt. Ingens multitudo, in unum
 metu conglobata, ac semet ipsam turba inpediens, in medio
 cæsa. Capta hostium castra direptaque; quorum præda
 onustum militem in Romana castra dictator reducit, haud-
 quaquam tam victoria lætum, quam quod, præter exiguam
 deformatam incendio partem, cetera contra spem salva in-
 venit.

Victoria de
Samniti-
bus.

U. C. 440. XXIV. Ad Soram inde reditum; novique consules M.
 A. C. 312. Poetelius, C. Sulpicius exercitum ab dictatore Fabio acci-
 M. Poetelio, piunt, magna parte veterum militum dimissa, novisque co-
 C. Sulpicio hortibus in supplementum adductis. Ceterum, quum prop-
 III. Coes. ter difficilem urbis situm nec obpugnandi satis certa ratio
 iniretur, et aut tempore longinqua, aut præceps periculo
 victoria esset; Soranus transfuga, clam ex oppido profectus,
 quum ad vigiles Romanos penetrasset, duci se extemplo ad
 consules jubet, deductusque traditurum urbem promittit.
 Visus inde (quum, quonam modo id præstaturus esset, per-
 cunctantes doceret) haud vana adferre, perpulit, prope ad-
 juncta moenibus Romana castra ut sex millia ab oppido
 removerentur: fore, ut minus intentæ in custodiam urbis
 diurnæ stationes ac nocturnæ vigiliæ essent. ipse inse-

Sora obses-
sa capitur.

^c *Ea Gron.*

⁹⁵ *Quibus operæ est*] Quibus expo-
dit, vel, quibus vacat. Vid. not. 70. ad
I. 24.

⁹⁶ *Et oratione*] Sic Campanus, et

aliquot Gronovii codices, et quinque
e nostris: melius quam ut vulgo, *et*
oratione.

quenti nocte, sub oppido silvestribus locis cohortibus insi- U. C. 440.
dere jussis, decem milites delectos secum per ardua ac pro- A. C. 312.
pe invia in arcem ducit; pluribus, quam pro numero viro-
rum, missilibus telis eo conlatis. Ad hæc saxa erant, et
temere jacentia (ut fit) in aspretis, et de industria etiam,
quo locus tutior esset, ab oppidanis congesta. Ubi quum
constituisset Romanos, semitamque angustam et arduam,
erectam ex oppido in arcem, ostendisset; *Hoc quidem ad-
scensu, inquit, vel tres armati quamlibet multitudinem arcu-
erint: vos et decem numero, et, quod plus est, Romani, Roma-
norumque fortissimi viri estis, et locus pro vobis, et nox erit, quæ
omnia ex incerto majora territis ostentat. Ego jam terrore om-
nia implebo; vos arcem intenti tenete.* Decurrit inde, quanto
maxime poterat, cum tumultu, *ad arma, et pro vestram fidem,
cives!* clamitans, *arx ab hostibus capta est; ite, defendite.*
Hæc incidens principum foribus, hæc obviis, hæc excur-
rentibus in publicum pavidis increpat. Acceptum ab uno
pavorem plures per urbem ferunt. Trepidi magistratus,
missis ad arcem exploratoribus, quum tela et armatos tenere
arcem multiplicato numero audirent, avertunt animos a spe
recuperandæ arcis. Fuga cuncta complentur, portæque ab
semisomnis ac maxima parte inermibus refringuntur: qua-
rum per unam ⁹⁷ præsidium Romanum clamore excitatum
inrumpit, et concursantes ⁹⁸ per viam pavidos cædit. Jam
Sora capta erat, quum consules prima luce advenere; et,
quos reliquos fortuna ex nocturna cæde ac fuga fecerat, in
deditionem accipiunt. Ex his ducentos viginti quinque,
qui omnium consensu destinabantur et infandæ colonorum
cædis et defectionis auctores, vinctos Romam deducunt.
ceteram multitudinem incolumem, præsidio inposito, Soræ
relinquunt. Omnes, qui Romam deducti erant, virgis in
foro cæsi, ac securi percussi summo gaudio plebis; cujus
maxime intererat, tutam ubique, quæ passim in colonias mit-
teretur, multitudinem esse.

XXV. Consules, ab Sora profecti, in agros atque urbes
Ausonum bellum intulerunt. mota namque omnia adventu Ausones
Samnitium, quum apud Lautulas dimicatum est, fuerant, bello appe-
titi.
conjuracionesque circa Campaniam passim factæ. nec Ca-
pua ipsa crimine caruit. ⁹⁹ quin Romam quoque et ad prin-
cipum quosdam inquirendos ventum est. Ceterum Auso-
num gens proditione urbium, sicut Sora, in potestatem ve-

⁹⁷ *Præsidium Romanum*] Cohor-
tes, quæ supra dicuntur silvestribus
locis sub oppido insediisse. *Præsidium*
nonnunquam apud Livium nihil aliud
est, quam militum manus. Vid. supra
VII. 34. 36. et 37.

⁹⁸ *Per vias*] Sic voluerat Sigo-
nius: et firmant quinque e scriptis
nostris. Vulgo *per viam*.

⁹⁹ *Quin Romam quoque*] Hoc fustius
narratur c. seq.

U. C. 440.
A. C. 312.

nit. Ausona, et Minturnæ, et Vescia, urbes erant: ex quibus principes juventutis duodecim numero, in prodicionem urbium suarum conjurati, ad consules veniunt: docent, suos, jampridem exoptantes Samnitium adventum, simul ad Lautulas pugnatum audierunt, pro victis Romanos habuisse, juventute, armis⁴ Samnites jecisse. fugatis inde Samnitibus, incerta pace agere, nec claudentes portas Romanis, ne arcescant bellum; et obstinatos claudere, si exercitus admoveatur. In ea fluctuatione animorum obprimi incautos posse. His auctoribus mota propius castra: missique eodem tempore¹ circa tria oppida milites, partim armati, qui occulti propinqua mœnibus insiderent loca; partim togati, tectis veste gladiis, qui sub lucem apertis portis urbes ingrederentur.² Ab his³ simul custodes trucidari coepti, simul datum signum armatis, ut ex insidiis concurrerent. ita portæ occupatæ, triaque oppida eadem hora eodemque consilio capta. Sed, quia absentibus ducibus inpetus est factus, nullus modus cœdibus fuit; deletaque Ausonum gens, vix certo defectionis crimine, perinde ac si internecivo⁵ bello certasset.

Ausones
deleti.

XXVI. Eodem anno, prodito hostibus Romano præsidio, Luceria Samnitium facta. nec diu proditoribus impunita res fuit. Haud procul inde exercitus Romanus erat: cujus primo inpetu urbs, sita in plano, capitur. Lucerini ac Samnites ad internecionem cæsi. eoque ira processit, ut Romæ quoque, quum de colonis mittendis Luceriam consuleretur senatus, multi delendam urbem censerent. Præter odium, quod execrabile in bis captos erat, longinquitas quoque adhorrere a relegandis tam procul ab domo civibus inter tam infestas gentes cogebat. Vicit tamen sententia, ut mitterentur coloni. duo millia et quingenti missi. Eodem anno, quum omnia infida Romanis essent, Capuæ quoque occultæ principum conjurationes factæ. De quibus quum ad senatum relatum esset, haudquaquam neglecta res est. quæstiones decretæ, dictatoremque quæstionibus exercendis dici placuit. C. Mænius dictus. is M. Fostium magistrum equitum dixit. Ingens erat magistratus ejus terror.³ itaque sive timore ejus, seu conscientia, Calavios, Ovium Noviumque, (ea capita conjurationis fuerant) priusquam nomi-

C. Mænius
dictator
quæstioni-
bus exer-
cendis.

⁴ et armis Gron. Crev.

⁵ ite Ræd.

⁶ internecino Ræd.

¹ Circa tria oppida] Ad tria simul oppida.

² Ab his] Mallerus ab his: nomen a togatis, quorum mentio propior est.

³ Itaque sive timore ejus, seu conscientia] Quamplurimi tum Gronovii, tum Hearnii codices, et omnes

nostri, Andreas, Campanus, habent Itaque sive timor, seu conscientia vis. Proba lectio inquit Gronovius, si legas morte, hoc modo: Itaque sive timor, seu conscientia vis Calavios . . . morte haud dubie ab ipsis concitis judicio subtrahit.

natentur apud dictatorem, mors haud dubie ab ipsis con- U. C. 440.
scita iudicio subtrahit. Deinde, ut quaestioni Campanae A. C. 312.
materiali decessit, ⁴ versa Romam interpretando res: non
nominatim, qui Capuae, sed in universum, qui usquam co-
issent conjurassentve adversus rempublicam, quaeri senatum
jussisse: et coitiones, honorum adipiscendorum causa fac-
tas, adversus rempublicam esse: latiorque et re et personis
quaestio fieri; haud abnuente dictatore, sine fine ulla qua-
estionis suae jus esse. Postulabantur ergo nobiles homines.
adpellantibusque tribunos nemo erat auxilio, ⁵ quin nomina
reciperentur. Inde nobilitas, nec hi ⁶ modo, in quos crimen
intendebatur, sed universi simul, negare, nobilium id cri-
men esse, quibus, si nulla obstetur fraude, pateat via ad
honorem; sed hominum novorum. ipsos adeo dictatorem
magistrumque equitum reos magis, quam quaesitores ido-
neos ejus criminis esse: intellecturosque ita id esse, simul
magistratu abissent. Tum enimvero Maenius, jam famae
magis, quam imperii, memor, progressus in concionem ita
verba fecit; *Et omnes anteactae vitae vos conscios habeo, Qui-
rites, et hic ipse honos, delatus ad me, testis est innocentiae meae.
neque enim, quod saepe alias, quia ita tempora postulabant rei-
publicae, qui bello clarissimus esset, sed qui maxime procul ab
his coitionibus vitam egisset, dictator deligendus exercendis
quaestionibus fuit. Sed quoniam quidam nobiles homines (qua
de causa, vos existimare, quam me ⁶ pro magistratu quidquam
incompertum dicere, melius est) primum ipsas expugnare qua-
estiones omni ope adnisi sunt: dein, postquam ad id parum po-
tentes erant, ne causam dicerent, in praesidia adversariorum,
adpellationem et tribuniciam auxilium, patricii confugerunt;
postremo repulsi inde (adeo omnia tutiora, quam ut innocen-
tiam suam purgarent, visa) in nos intraverunt, et privatis dicta-
torem poscere reum verecundiae non fuit: ut omnes Dii homi-
nesque sciant, ab illis, etiam quae non possint, tentari, ne ratio-
nem vitae reddant; me obviam ire crimini, et obferre me ini-
micis reum, dictatura me abdicco. Vos quaeso, consules, si vo-* Abdicat se
bis datum ab senatu negotium fuerit, in me primum et hunc M. dictatura.

§ 4 Gron. Crev.

⁴ *Versa Romam interpretando res]* Romae quoque quaestiones exerceri coeptae, quum eam esse senatuscon- sulti vim dictator interpretaretur, ut sibi negotium datum esse diceret in- quirere, non in eos nominatim qui Capuae, sed in eos omnes qui usquam coissent conjurassentve adversus rem- publicam.

⁵ *Quia nomina eorum reciperentur]* Quominus inter reos referrentur.

Accusator deferbat nomen ejus quem accusandum susceperat: Magistratus, cujus erat quaerere de illo crimine quod reo objiciebatur, nomen ejus re- cipiebat, sive referendum curabat in tabulas publicas.

⁶ *Pro magistratu]* Dum gerit per- sonam magistratus, cujus gravitate indignum est quidquam incompertum dicere.

U. C. 440. *Foslium quaestiones exerceatis; ut adpareat, innocentia nostra*
 A. C. 312. *nos, non majestate honoris, tutos a criminationibus istis esse.*
 Abdicat inde se dictatura, et post eum confestim Foslius
 Reus factus *senatu mandata res est*) rei facti, adversus nobilium testimo-
 absolvitur. *nia egregie absolvuntur.* Publilius etiam Philo, multiplica-
 tis summis honoribus, post res tot domi belloque gestas,
 ceterum invisus nobilitati, causam dixit, absolutusque est.
 Nec diutius, ut fit, quam dum recens erat, quaestio per clara
 nomina reorum viguit. inde labi coepit ad viliora capita,
 donec coitionibus factionibusque, adversus quas comparata
 erat, obpressa est.

Proelium
 cum Sam-
 nitibus.

XXVII. Earum fama rerum, ⁷ magis tamen spes Cam-
 panæ defectionis, in quam conjuratum erat, Samnites, in
 Apuliam versos, rursus ad Caudium revocavit: ut inde ex
 propinquo, si qui motus occasionem aperiret^h, Capuam Ro-
 manis eriperent. Eo consules cum valido exercitu vene-
 runt. et primo circa saltus, quum utrimque ad hostem ini-
 qua via esset, cunctati sunt: deinde Samnites per aperta
 loca brevi circuitu in loca plana, Campanos campos, agmen
 demittunt, ibique primum ⁸ castra in conspectu hostibus
 data: deinde levibus proeliis, equitum sæpius, quam pedi-
 tum, utrimque periculum factum: nec aut eventus eorum
 Romanum, aut moræ, qua trahebant bellum, poenitebat.
 Samnitium contra ducibus, et carpi parvis quotidie damnis,
 et senescere dilatione belli vires suæ videbantur. itaque in
 aciem procedunt, equitibus in cornua divisus: quibus præ-
 ceptum erat, intentiores ad respectum castrorum, ne qua eo
 vis fieret, quam ad proelium, starent: ⁹ aciem pediti tutam
 fore. Consulⁱ Sulpicius in dextro, Poetelius in lævo
 cornu consistunt. Dextra pars, qua et Samnites raris ordi-
 nibus, aut ad circumeundos hostes, aut ne ipsi circumiren-
 tur, constiterant, latius patefacta stetit. Sinistris, præter-
 quam quod confertiores steterant, repentino consilio Poetelii
 consulis additæ vires: qui subsidiarias cohortes, quæ inte-
 græ ad longioris pugnae casus reservabantur, in primam
 aciem extemplo emisit; universisque hostem primo inpetu
 viribus impulit. Commota pedestri acie Samnitium, eques
 in pugnam subcedit. in hunc, transverso agmine inter duas
 acies se inferentem, Romanus equitatus concitat equos;
 signaque et ordines peditum atque equitum confundit, do-

^h *aperirent* Gron. Crev.

ⁱ *Consules* Eaed.

⁷ *Magis tamen spes*] Sic unus Heer-
 nli codex, Sigonius, aliique. Vulgo
spe.

⁸ *Castra in conspectu hostibus data*] Merito Gronovius legendum putat, in

conspectum.

⁹ *Aciem pediti tutam fore*] Mallet
 Gronovius *pediti*, et exponit: Pede-
 ipse solus per se satis tutam præsta-
 bit aciem ex sese constantem.

nec universam ab ea parte avertit aciem. In eo cornu non U. C. 440.
 Poetelius solus, sed Sulpicius etiam, hortator adfuerat, avec- A. C. 312.
 tus ab suis nondum conserentibus manus ad clamorem, ab
 sinistra parte prius exortum. unde, haud dubiam victoriam
 cernens, quum ad suum cornu tenderet cum mille ducentis
 viris, dissimilem ibi fortunam invenit: Romanos loco pul-
 sos, victorem hostem signa in perculsos inferentem. Cete-
 rum omnia mutavit repente consulis adventus. nam et con-
 spectu ducis reffectus militum est animus: et, majus quam
 pro numero auxilium, ¹⁰ advenerant^k fortes viri: et partis
 alterius victoria audita, mox visa etiam, praelium restituit.
 Tota deinde jam vincere acie Romanus, et, omisso certa- Vincunt
 mine, caedi capique Samnites; nisi qui Maleventum, cui Romani.
 nunc urbi Beneventum nomen est, perfugerunt. Ad tri-
 ginta millia caesa aut capta Samnitium, proditum memo-
 riae est.

XXVIII. Consules, egregia victoria parta, protinus inde
 ad Bovianum obpugnandum legiones ducunt: ibique hi-
 berna egerunt, donec ab novis consulibus L. Papirio Cur- U. C. 441.
 sore quintum, C. Junio Bubulco iterum, nominatus dictator A. C. 311.
 C. Poetelius cum M. Foslio magistro equitum exercitum l. Papirio
 accepit. Is, quum audisset arcem Fregellanam ab Samniti- V. C. Junio
 bus captam, omisso Boviano ad Fregellas pergit. ¹¹ unde, II. Coss.
 nocturna Samnitium fuga sine certamine receptis Fregellis, Poetellus
 praesidioque valido inposito, in Campaniam reditum maxime
 ad Nola armis repetendam. eo se intra moenia, sub ad-
 ventum dictatoris, et Samnitium omnis multitudo et Nolani
 agrestes contulerant. Dictator, urbis situ circumspecto,
 quo apertior aditus ad moenia esset, omnia aedificia (et fre-
 quenter ibi habitabatur) circumjecta muris incendit. nec ita
 multo post, sive a Poetelio dictatore, sive ab C. Junio con-
 sule, (nam utrumque traditur) Nola est capta. Qui captae
 decus Nolae ad consulem trahunt, adjiciunt, Atinam et Ca-
 latiam ab eodem captas; Poetelium autem, pestilentia orta,
 clavi figendi caussa dictatorem dictum. Suessa et Pontiae
 eodem anno coloniae deductae sunt. Suessa Auruncorum
 fuerat: Volsci Pontias, insulam sitam in conspectu litoris
 sui, incoluerant. et, Interamna et Casinum ut deducerentur
 coloniae, senatusconsultum factum est. sed triumviros crea-
 vere, ac misere colonorum quatuor millia insequentes consu- U. C. 442.
 les M. Valerius, P. Decius. A. C. 310.
 M. Valerio,
 P. Decio
 Coss.

^k *advenerat* Gron. Crev.

¹⁰ *Advenerat, fortes viri*] Optimus
 codex a Gronovio allegatus, *advenc-*
rant: unus e nostris, *venerant*. Alter-
 utrum admittandum videtur. Supra
 III. 5. *quia aerum auxilium post pra-*

lium venerant. Sic enim illo loco
 legendum esse monuimus, et eden-
 dum curavimus.

¹¹ *Unde nocturna*] Quo ex loco
 quum noctu Samnites fugissent.

U. C. 442.
A. C. 310.

Ap. Clau-
dius et C.
Plautius
Censores.
Appia via.

Potitia gens
intra an-
num ex-
stincta.

U. C. 443.
A. C. 309.
C. Junio
III. Q. Æ-
milio II.
Coss.

XXIX. Profligato fere Samnitium bello, priusquam ea cura decederet Patribus Romanis, Etrusci belli fama exorta est. nec erat ea tempestate gens alia, cujus secundum Gallicos tumultus arma terribiliora essent, quum propinquitate agri, tum multitudine hominum. Itaque, altero consulum in Samnio reliquias belli persequente, P. Decius, qui graviter æger Romæ restiterat, auctore senatu ¹² dictatorem C. Junium Bubulcum dixit. is, prout rei magnitudo postulabat, omnes juniores sacramento adigit: arma, quæque alia res poscit, summa industria parat: ¹³ nec tantis adparatibus elatus de inferendo bello agit, quieturus haud dubie, nisi ultro arma Etrusci inferrent. Eadem in comparando cobi-bendoque bello consilia et apud Etruscos fuere. neutri fini-bus egressi. et censura clara eo anno Ap. Claudii, et C. Plautii fuit; memoris tamen felicioris ad posteros nomen Appii, quod ¹⁴ viam munivit, et ¹⁵ aquam in urbem duxit, eaque unus perfecit; quia, ¹⁶ ob infamem atque invidiosam senatus lectionem verecundia victus, collega magistratu se abdicaverat. Appius, jam inde antiquitus insitam pertina-ciam familiæ gerendo, solus censuram obtinuit. Eodem Appio auctore, ¹⁷ Potitii, gens ¹, cujus ad aram Maximam Herculis familiare sacerdotium fuerat, servos publicos, mi-nisterii delegandi causa, sollemnia ejus sacri docuerat. Traditur inde dictu mirabile, et quod dimovendis statu suo sacris religionem facere posset, quum duodecim familiæ ea tempestate Potitiorum essent, puberes ad triginta, omnes intra annum cum stirpe extinctos: nec nomen tantum Poti-tiorum interisse, sed censorem etiam Appium, memori Deum ira, post aliquot annos luminibus captum.

XXX. Itaque consules, qui eum annum secuti sunt, C. Junius Bubulcus tertium et Q. Æmilius Barbula iterum, initio

¹ Potitia gens Gron. Crev.

¹² Dictatorem C. Junium Bubul-cum] Hic miratur Glareanus, nec sine causa, nominari a Livio dictato-rem sine magistro equitum. Sed mo-net Sigonius in Fastis Capitolinis edi in hunc annum dictatorem C. Sulpi-cium Longum cum magistro equitum C. Junio Bubulco: atque ad hunc modum refingendum esse quod hic in Livio peccavit librariorum manus.

¹³ Nec, tantis apparatibus] Nec cogitat de inferendo bello, elatus tan-tis apparatibus: i. e. non eo elatus est tantis apparatibus, ut cogitaret de lacessendis ultro hostibus.

¹⁴ Viam] Quæ ab ejus nomine Appia vocitata est. Ipse eam ab urbe Capuam usque deduxit. Postea ad

Brundisium producta est. Ejus structuræ descriptionem vide in An-tiquitate schematicis illustrata per Dominum Bern. de Montfaucon, Tom. IV. parte II. c. I.

¹⁵ Aquam in urbem duxit] Prima hæc aqua arcuato opere in urbem perducta traditur. Ab Aniene deriva-batur. Eam ab auctore operis aquam Claudiam dixerunt.

¹⁶ Ob infamem atque invidiosam senatus lectionem] Quia ita senatum legerant, ut sibi malam famam odia-que civium comparassent. De ea lec-tione senatus vid. init. c. seq. et c. 46. hujus libri.

¹⁷ Potitia gens, cujus ad aram Maximam Herculis] Vid. l. I. c. 7.

anni questi apud populum, deformatum ordinem prava lec-^{U. C. 448.}
 tione senatus, qua potiores aliquot lectis ¹⁸ præteriti essent; ^{A. C. 309.}
 negaverunt, eam lectionem se, quæ sine recti pravique discrimi-
 mine ¹⁹ ad gratiam ac ^m libidinem facta esset, observaturos:
 et senatum extemplo citaverunt eo ordine, qui ante censo-
 res Ap. Claudium et C. Plautium fuerat. Et duo imperia
 eo anno dari coepta per populum, utraque pertinentia ad
 rem militarem: unum, ut ²⁰ tribuni militum seni deni in
 quatuor legiones a populo crearentur; quæ antea, perquam
 paucis suffragio populi relictis locis, dictatorum et consu-
 lum ferme fuerant beneficia. tulere eam rogationem tribuni
 plebei L. Atilius, C. Marcius. Alterum, ut duumviros na-^{Duumviri}
 valcs ²¹ classis ornandæ reficiendæque caussa idem populus ^{navales cre-}
 juberet. lator hujus plebisciti fuit M. Decius tribunus ple-^{ati.}
 bis. Ejusdem anni rem dictu parvam præterirem, ni ad
 religionem visa esset pertinere. Tibicines, quia prohibiti a ^{Tibicines}
 proximis censoribus erant in æde Jovis vesci, quod traditum ^{abest.}
 antiquitus erat, ægre passi, Tibur uno agmine abierunt:
 adeo ut nemo in urbe esset, qui sacrificiis præcineret.
²² Ejus rei religio tenuit senatum; legatosque Tibur mise-
 runt, ut darent operam, ut hi homines Romanis restitueren-
 tur. Tiburtini, benigne polliciti, primum aditos eos in
 curiam hortati sunt, uti reverterentur Romam: postquam
 percelli nequibant, consilio, haud abhorrente ab ingeniis
 hominum, eos adgrediuntur. Die festo alii alios ²³ per spe-
 ciem celebrandarum cantu epularum caussa invitant, et vino,
 cujus avidum ferme genus est, oneratos sopiunt: atque ita
 in plaustra somno vinctos ⁿ conjiciunt, ac Romam depor-^{Revehun-}
 tant. nec prius sensere, quam, plaustris in foro relictis, ple-^{tur Ro-}
 nos crapulæ eos lux obpressit. Tunc concursus populi fac-^{mam.}

^m et Gron. Crev.

ⁿ victos Eæd.

¹⁸ *Præteriti*] Deleti ex albo se-
 natorum. Censores recitabant ex
 scripto nomina senatorum: quosque
 in recitando præterissent, il jam sena-
 tores non erant.

¹⁹ *Ad gratiam et libidinem*] Ita
 ut nihil aliud spectassent censores,
 quam ut gratum alicui facerent, et
 voluntatem pro ratione haberent.

²⁰ *Tribuni militum seni deni*] Jam
 antea tribuni militum suffragio populi
 facti erant. Vid. supra VII. 5. Sed
 nunc populi jus amplificatur. Primo
 enim e quatuor et viginti tribunis sex
 tantum a populo creati erant; hic
 sedecim, ita ut octo tantum consuli-
 bus aut dictatoribus deligendi relin-
 querentur. Vid. not. 38. ad locum su-
 pra memoratum.

²¹ *Classis ornanda*] Hæc prima
 Romanæ classis mentio apud Livium
 occurrit. Quod enim l. IV. c. 34. le-
 gitur, *Classibus ad Fidenas pugnatum*,
 id alio sensu exponendum esse visum
 est.

²² *Ejus rei religio tenuit senatum*] Ex
 ea re religio quædam, et decorum
 iræ metus tetigit senatum.

²³ *Per speciem celebrandarum cantu
 epularum caussa*] Merito delere vide-
 tur Jac. Gronovius ultimam vocem
caussa, quæ plane otiosa est. Et qui-
 dem eam omittit unus e MSS. Hear-
 nil, itemque unus e nostris. Mox
 pro his duabus vocibus *somno vinctos*
 complures libri habent solummodo
vinctos.

U. C. 443. tus, inpetratoque, ut manerent, datum, ut triduum quotan-
 A. C. 309. nis ornati, cum cantu atque hac, quæ nunc sollemnis est, licentia per urbem vagarentur: restitutumque in æde vescendi jus iis, qui sacris præcinerent. Hæc inter duorum ingentium bellorum curam gerebantur.

Res gestæ
 in Samnio.

XXXI. Consules inter se provincias partiti; Junio Samnites, Æmilio novum bellum Etruria sorte obvenit. In Samnio ²⁴ Cluvium, præsidium Romanum, quia nequiverat vi capi, obsessum fame in deditionem acceperant Samnites, verberibusque foedum in modum laceratos occiderant deditos. Huic infensus crudelitati Junius, nihil antiquius obpugnatione Cluviana ratus, quo die adgressus est mœnia, vi cepit, atque omnes puberes interfecit. Inde victor exercitus Bovianum ductus. caput hoc erat Pentrorum Samnitium, longe ditissimum atque opulentissimum armis virisque. ²⁵ Ibi quia haud tantum irarum erat, spe prædæ milites accensi, oppido potiuntur. minus itaque sævitum in hostes est: prædæ plus pene, quam ex omni Samnio umquam, egestum, benigneque omnis militi concessa. Et postquam præpotentem armis Romanum nec acies subsistere ullæ, nec castra, nec urbes poterant; omnium principum in Samnio eo curæ sunt intentæ, ut insidiis quæreretur locus, ²⁶ si qua licentia populando effusus exercitus excipi ac circumveniri posset. Transfugæ agrestes et captivi quidam, pars forte, pars consilio oblatis, congruentia ad consulem adferentes, quæ et vera erant, pecoris vim ingentem in saltum avium compulsam esse, perpulerunt, ut prædatum eo expeditæ ducerentur legiones. Ibi ingens hostium exercitus itinera occultus insederat, et, postquam intrasse Romanos vidit saltum, repente exortus cum clamore ac tumultu incautos invadit. Et primo nova res trepidationem fecit, dum arma capiunt, sarcinas congerunt in medium: dein, postquam, ut quisque liberaverat se onere, aptaveratque armis, ad signa undique cōbant, et notis ordinibus in vetere disciplina militiæ, jam sine præcepto ullius sua sponte struebatur acies, consul, ad ancipitem maxime pugnam advectus, desilit ex equo, et Jovem, Martemque atque alios testatur Deos, se nullam suam gloriam inde, sed prædam militi quærentem, in eum locum devenisse. neque in se aliud, quam nimiam ditandi ex

24 * *Cluviam præsidium Romanum*] Cluviam urbem à Romanis militibus defensam. *Præsidium* hic, ut et alibi sæpius, sumitur pro loco quem insident milites, non pro militibus ipsis.

25 * *Ibi quia*] Milites, quos consul accenderat spe prædæ, quia ibi non

tam acer erat iræ stimulus, quam ad Cluviam.

26 * *Si qua licentia populando*] Mallemus *populandi*: ut sensus sit; si qua, id est, si quo loco exercitus, per vagam populandi licentiam effusus, excipi insidiis et circumveniri posset.

hoste militis curam, reprehendi posse: ab eo se dedecore nullam rem aliam, quam virtutem militum, vincituram. conuiteretur modo uno animo omnes invadere hostem, victum acie, castris exutum, nudatum urbibus, ultimam spem furto insidiarum tentantem, et loco, non armis, fretum. Sed quem esse jam virtuti Romanæ inexpugnabilem locum? Fregellana arx, Soranaque, et ubicumque iniquo successum erat loco, memorabantur. His accensus miles, omnium inmemor difficultatum, vadit adversus imminentem hostium aciem. ibi paululum^o laboris fuit, dum in adversum olivum erigitur agmen: ceterum, postquam prima signa planiciem summam ceperunt, sensitque acies æquo se jam institisse loco, versus extemplo est terror in insidiatores, easdemque latebras, quibus se paullo ante texerant, palati atque inermes fuga repetebant: sed ²⁷ loca difficilia, hosti quæsitæ, ipsos tum sua fraude impediabant. Itaque ergo perpaucis effugium paruit: cæsa ad viginti millia hominum, victorque Romanus ad oblatam ultro ab hoste prædam pecorum discurrit.

XXXII. Dum hæc geruntur in Samnio, jam omnes Etruriæ populi præter Arretinos^p ad arma ierant, ab ob-
pugnando Sutrio, quæ urbs, socia Romanis, velut claustra Etruriæ erat, ingens orsi bellum. Eo alter consulum Æmilius cum exercitu ad liberandos obsidione socios venit. Advenientibus Romanis, Sutrini commeatus benigne in castra ante urbem posita advexere. Etrusci diem primum consultando, maturarent, traherentne bellum, traduxerunt. Postero die, ubi celeriora, quam tutiora, consilia magis placuere ducibus, sole orto signum pugnae propositum est, armatique in aciem procedunt. Quod postquam consuli nunciatum est, extemplo ²⁸ tesseram dari jubet, ut prandeat miles, firmatisque cibo viribus arma capiat. dicto paretur. Consul, ubi armatos paratosque vidit, signa extra vallum proferri jussit, et haud procul hoste instruxit aciem. Aliquamdiu intenti utrimque steterunt, exspectantes ut ab adversariis clamor et pugna inciperet. et prius sol meridie se inclinavit, quam telum hinc aut illinc emissum est. inde, ne infecta re abiretur, clamor ab Etruscis oritur, concinuntque tubæ, et signa inferuntur. Nec segnius ab Romanis pugna initur. concurrunt infensis animis. numero hostis, virtute Romanus superat. Anceps prælium multos utrimque, et fortissimum quemque, absumit: nec prius inclinata res est, quam secunda acies Romana ad prima signa, integri fessis, suc-

Etrusci Sutrium obpugnant.

^o *paullulum* Gron. Crev.

^p *Arretinos* Gron.

²⁷ *Loca difficilia hosti quæsitæ*] Id impediti, suamet ipsi fraude circum-
egerant Samnites, ut hostem, Romanum, in loca difficilia pertraherent. ²⁸ *Tesseram dari*] Vid. not. 61. ad VII. 35.
Sed tum ipsa illa difficultate locorum

U. C. 443.
A. C. 309.

cesserunt. Etrusci, quia nullis recentibus subsidiis fulta prima acies fuit, ante signa circaque omnes ceciderunt. nullo umquam proelio fugæ minus, nec plus cædis fuisset, ni obstinatos mori Tuscos nox texisset; ita ut victores prius, quam victi, pugnandi finem facerent. Post occasum solis signum receptui datum est: nocte ²⁹ ab utroque in castra reditum. Nec deinde quidquam eo anno rei memoria dignæ apud Sutrium gestum est; quia et ex hostium exercitu prima tota acies deleta uno proelio fuerat, subsidiariis modo relictis, vix quod satis esset ad castrorum præsidium: et apud Romanos tantum vulnerum fuit, ut plures post proelium saucii decesserint, quam ceciderant in acie.

U. C. 444.
A. C. 308.
Q. Fabio II.
C. Marcio
Coss.

XXXIII. Q. Fabius insequentis anni consul, bellum ad Sutrium excepit. collega Fabio C. Marcius Rutilus datus est. Ceterum et Fabius supplementum ab Roma adduxit, et novus exercitus domo aditus Etruscis venit. Permulti anni jam⁹ erant, quum inter patricios magistratus tribunosque^r nulla certamina fuerant: quum ex ea familia, ³⁰ quæ velut fatalis tum tribunis ac plebi erat, certamen oritur.

Ap. Claudius censuram ultra legitimum tempus retinet.

Ap. Claudius censor, circumactis decem et octo mensibus, quod ³¹ Æmilia lege finitum censuræ spatium temporis erat, ³² quum C. Plautius collega ejus magistratu se abdicasset, nulla vi compelli, ut abdicaret, potuit. P. Sempronius erat tribunus plebis; qui finiendæ censuræ intra legitimum tempus actionem susceperat, non popularem magis, quam justam; nec in vulgus, quam optimo cuique, gratiorem. Is, quum idemtidem legem Æmiliam recitaret, auctoremque ejus Mam. Æmilium dictatorem laudibus ferret; qui quinquennalem ante censuram, et ³³ longinquitate potestatem dominantem, intra sex mensium et anni coëgisset spatium: *Dic, agedum, inquit, Ap. Claudii, quidnam facturus fueris, si eo tempore, quo C. Furius et M. Geganius censores fuerunt, censor fuisses. Negare Appius, interrogationem tribuni magno opere ad causam pertinere suam. nam, etsi tenuerit lex Æmilia eos censores, quorum in magistratu lata esset,*

⁹ jam anni Gron. Crev.

^r add. plebis Ead.

²⁹ Ab utroque in castra reditum] Lege omnino ab utroque.

³⁰ Quæ velut fatalis tum tribunis] Si hæc est vera hujus loci lectio, sensus erit: quæ velut fato data erat adversaria tribunis ac plebi. At Gronovius testatur in plerisque MSS. et vett. editis legi: *quæ velut fatalis cum tribunis ac plebe erat*: et consentiunt omnes nostri: ut aliquid excidisse videatur.

³¹ Æmilia lege] Vid. supra IV. 24.

³² Quum C. Plautius] Hoc loco et

in oratione Sempronii mox secutura ea dicit Livius, ex quibus colligi debere videatur C. Plautium non abdicasse se censura, nisi circumactis decem et octo mensibus. Et quidem sic memorat Frontinus de Aquæductibus, l. I. Videndum an hæc conciliari facile possint cum iis, quæ de ejusdem Plautii abdicatione superius scripta sunt, c. 29.

³³ Longinquitate potestatem] Melius fortasse legeretur *potestatis*.

quia post illos censores creatos eam legem populus jussisset, U. C. 444. quodque postremum jussisset, id jus ratumque esset; non tamen A. C. 308. aut se, aut eorum quemquam, qui post eam legem latam creati censores essent, ³⁴ teneri ea lege potuisse.

XXXIV. Hæc sine ullius adsensu cavillante Appio, En, P. Sempronii Tr. Pl. oratio in Claudium. inquit, Quirites, illius Appii progenies, qui, decemvir in annum creatus, altero anno se ipse creavit: tertio, nec ab se, nec ab ullo creatus, privatus fasces et imperium obtinuit. nec ante continuando abstinit magistratu, quam obruerent¹ cum male parta, male gesta, male retenta imperia. Hæc est eadem familia, Quirites, cujus vi atque injuriis compulsi, extorres patria, Sacrum montem cepistis: hæc, adversus quam tribunicium auxilium vobis comparastis: hæc, propter quam duo exercitus Aventinum insedistis: hæc, quæ scænebres leges; hæc, quæ agrarias semper impugnavit: hæc connubia Patrum et plebis interrupit: hæc plebi ad curules magistratus iter obsepsit. hoc est nomen multo, quam Tarquiniorum, infestius vestræ libertati. Itane tandem, Ap. Claudii, quum ³⁵ centesimus jam annus sit ab Mam. Æmilio dictatore, tot censores fuerint, nobilissimi fortissimique viri, nemo eorum duodecim tabulas legit? nemo id jus esse, quod postremo populus jussisset, scivit? Immo vero omnes sciverunt; et ideo Æmilia potius legi paruerunt, quam illi antiquæ, qua primum censores creati erant, ³⁶ quia hanc postremam jusserat populus: et quia, ubi duæ contrariæ leges sunt, semper antiquæ obrogat nova. An hoc dicis, Appi, non teneri Æmilia lege populum? an populum teneri, te unum ex legem esse? Tenuit Æmilia lex violentos illos censores, C. Furium et M. Geganium; qui, quid iste magistratus in republica mali facere posset, indicarunt: quum, ira finita potestatis, Mam. Æmilium, principem ætatis suæ belli domique, ærarium fecerunt: tenuit deinceps omnes censores intra centum annorum spatium: tenet C. Plautium collegam tuum iisdem auspiciis, eodem jure creatum. An hunc non, ut qui optimo jure censor creatus esset, populus creavit? tu unus eximius es, in quo hoc præcipuum ac singulare valeat? ³⁷ Quem tu regem sacrificio-

¹ obruerunt Gron. Crev.

¹ populus del. Ræd.

³⁴ Teneri ea lege potuisse] Ideo se teneri Æmilia lege non potuisse contendit Appius, quia, ut qui optimo jure, seu optima lege, creatus esset censor. Eam autem legem, quæ quinquennale tempus censuræ largiretur, optimam de censura legem esse dicebat, non legem Æmiliam, quæ intra decem et octo menses censuram finiret. Hæc Appium cavillatum esse cognoscimus ex responsione Sempronii. Forsitan hic aliquot voces exciderunt, quibus hæc Appii argumenta-

tio breviter tangeretur.

³⁵ Centesimus jam annus] Imo, centesimus vigesimus quartus. Sed rotundis fere numeris utitur Livius.

³⁶ Quia hanc postremam jusserat] Quædam editiones adjiciunt populus: quæ vox alicujus est adjumenti ad claritatem, licet paulo ante expressa hic suppleri possit.

³⁷ Quem tu regem sacrificiorum] Quem tu regem sacrificulum creaveris, sive, qui rex sacrificulus creatus fuerit, urgens vim ipsius vocabuli, et

U. C. 444. *rum crees, amplexus regni nomen, ut qui optimo jure rex Romæ*
 A. C. 308. *creatus sit, creatum se dicet? quem semestri dictatura, quem*
interregno quinque dierum contentum fore putes? quem clavi
figendi, aut ludorum causa dictatorem audacter crees? Quam
isti stolidos ac socordes videri creditis eos, qui intra vicesimum
diem, ingentibus rebus gestis, dictatura se abdicaverunt, aut qui
vitio creati abierunt magistratu? Quid ego antiqua repetam?
³⁸ *Nuper intra decem annos C. Mænius dictator, quia, quam*
quæstiones severius, quam quibusdam potentibus tutum erat,
exerceret, contagio ejus, quod quærebat ipse¹, criminis objectata
ab inimicis est, ut privatus obviam iret crimini, dictatura se
abdicavit. Nolo ego istam in te modestiam: ne degeneraveris a
familia imperiosissima et superbissima: non die, non hora citius,
quam necesse est, magistratu abieris; modo ne excedas finitum
tempus. Satis est, aut diem, aut mensem censuræ adjicere? Tri-
cennium, inquit, et sex menses ultra, quam licet Æmilia lege, cen-
suram geram, et solus geram. hoc quidem juxta regno simile est.
An collegam subrogabis, quem ne in demortui quidem locum
subrogari fas est? ³⁹ *Pœnitet enim, quod antiquissimum sol-*
lemne, et solum ab ipso, cui fit, institutum Deo, ab nobilissimis
antistitibus ejus sacri ad servorum ministerium religiosus censor
deduxisti. gens antiquior originibus urbis hujus, hospitio Deo-
rum immortalium sancta, propter te ac tuam censuram intra
annum ab stirpe extincta est: nisi universam rempublicam eo
nefario obstrinxeris, quod ominari etiam reformidat animus.
Urbs eo lustro capta est, quo, demortuo collega C. Julio cen-
sore, L. Papirius Cursor², ne abiret magistratu, M. Cornelium
Maluginensem collegam subrogavit. Et quanto modestior il-
lius cupiditas fuit, quam tua, Appi? Nec solus, nec ultro fini-
tum lege tempus L. Papirius censuram gessit, tamen neminem
invenit, qui se postea auctorem sequeretur. omnes deinceps cen-
sores post mortem collegæ se magistratu abdicarunt. Te, nec
quod dies exit³ censuræ, nec quod collega magistratu abiit, nec

¹ ipsi Gron. Crev.² Censor Gron.³ exiit Gron. Crev.

nomen regni jactitans, Appii exemplo dicet se creatum esse, ut qui optimo jure rex Romæ creatus sit, et eodem jure sibi regiam potestatem, quo Appius quinquennalem censuram, vindicabit. De rege sacrificulo vid. supra II. 2. Quod additur, dictatura semestri, et quinque dierum interregno non fore contentos homines, id non satis videtur accuratum. Quum enim nunquam aut dictatura ultra sex menses, aut interregnum ultra quinque dies excurrisset, Appiana cavillatio ad ea munera ultra hos temporum fines

producenda locum habere non poterat.

³⁸ *Nuper intra decem annos*] Quintus hic annus agitur ab eo, quo Mænius dictator Livius exhibuit. At Fasti Capitolini totis decem ante hanc Sempronii actionem annis eum dictatorem habent. Videtur igitur auctores alios secutus esse Livius in memoranda ipsa Mæнии dictatura, alios in hac Sempronii oratione concinnanda. Vid. Pigh. l. V. Annal. ad ann. u. c. 433.

³⁹ *Pœnitet enim*] Non enim satis tibi est. Hæc ironice dicta accipe.

lex, nec pudor coërcet: virtutem in superbia, in audacia, in con- U. C. 444.
temtu Deorum hominumque ponis. Ego te, Ap. Claudii, pro A. C. 308.
istius magistratus majestate ac verecundia, quem gessisti, non
modo manu violatum, sed ne verbo quidem inclementiori a me
adpellatum vellem: sed et hæc, quæ adhuc egi, pervicacia tua
et superbia coëgit me loqui; et, nisi Æmiliæ legi parueris, in
vincula duci jubebo: nec, quum ita comparatum a majoribus
sit, ut, comitiis censoriis ⁴⁰ *nisi duo confecerint legitima suffra-*
gia, ⁴¹ *non renunciato altero comitia differantur, ego te, qui so-*
lus censor creari non possis, solum censuram gerere patiar.
 Hæc taliaque quum dixisset, prendi censorem, et in vincula duci jussit. Adprobantibus sex tribunis actionem collegæ, tres adpellanti Appio auxilio fuerunt; summaque invidia omnium ordinum solus censuram gessit.

XXXV. Dum ea Romæ geruntur, jam Sutrium ab Etruscis obsidebatur: consulique Fabio, imis montibus du- ^{Fabii pro-}
 centi ad ferendam opem sociis tentandasque munitiones, si ^{lium cum}
 qua posset, acies hostium instructa occurrit; quorum in- ^{Etruscia.}
 gentem multitudinem quum ostenderet subjecta late plani-
 cies; consul, ut loco paucitatem suorum adjuvaret, flectit
 paullulum in clivos agmen, (aspreta erant strata saxis) inde
 signa in hostem obvertit. Etrusci, omnium, præterquam
 multitudinis suæ, qua sola freti erant, inmemores, proelium
 ineunt adeo raptim et avide, ut, abjectis missilibus, quo ce-
 lerius manus consererent, stringerent gladios, videntes in
 hostem. Romanus contra nunc tela, nunc saxa, quibus eos
 adfatim locus ipse armabat, ingerere. Igitur ⁴² scuta galeæ-
 que ictæ quum etiam, quos non vulneraverant, turbarent,
 (neque subire erat facile ad propiorem pugnam, neque mis-
 silia habebant, quibus eminus rem gererent) stantes et
 expositos ad ictus quum jam satis nihil tegeret, quosdam
 etiam pedem referentes, fluctuantemque et instabilem aciem,
 redintegrato clamore, strictis gladiis hastati et principes
 invadunt. eum inpetum non tulerunt Etrusci, versisque sig-
 nis, fuga effusa castra repetunt. Sed equites Romani, præ-
 vecti per obliqua campi, quum se fugientibus obtulissent,
 omisso ad castra itinere, montes petunt. Inde inermi pene
 agmine ac vexato vulneribus in silvam Ciminiam penetra-
 tum. Romanus, multis millibus Etruscorum cæsis, duo-
 dequadragenta signis militaribus captis, castris etiam hos-

⁴⁰ * *Nisi duo confecerint legitima suffragia*] Nisi duo plene consequuti fuerint eum suffragiorum numerum qui lege præscriptus est.

⁴¹ * *Non renunciato altero*] Altero, qui confecit legitima suffragia, non

tamen renunciato, non declarato cen-
 sore.

⁴² *Scuta galeæque ictæ*] Ictus lapi-
 dum, quibus percutiebantur scuta et
 galeæ.

U. C. 444. tium cum præda ingenti potitur. Tum de persequendo
A. C. 308. hoste agitari coeptum.

Ciminia
sylva.

XXXVI. Silva erat Ciminia magis tum invia atque horrenda, quam nuper fuere ⁴³ Germanici saltus, nulli ad eam diem ne mercatorum quidem adita. eam intrare haud fere quisquam, præter ducem ipsum, audebat. aliis omnibus claudis Caudinæ nondum memoria aboleverat. ⁴⁴ Tum ex iis, qui aderant, (consulis fratrem M. Fabium, Kæsonem alii, C. Claudium quidam matre eadem, qua consulem, genitum tradunt) speculatum se iturum professus, brevique omnia certa adlaturum. Cære educatus apud hospites, Etruscis inde literis eruditus erat, linguamque Etruscam probe noverat. Habeo auctores, vulgo tum Romanos pueros, sicut nunc Græcis, ita Etruscis literis erudiri solitos. Sed propius est vero, præcipuum aliquid fuisse in eo, qui se tam audaci simulatione hostibus inmiscuerit. servus ei dicitur comes unus fuisse, nutritus una, eoque haud ignarus linguæ ejusdem: nec quidquam aliud proficiscentes, quam summatim regionis, quæ intranda erat, naturam, ac nomina principum in populis acceperere; ne qua inter colloquia insigni nota hæsitantes deprehendi possent. Iere pastorali habitu, agrestibus telis, falcibus gæsisque binis armati. Sed neque commercium linguæ, nec vestis armorumve habitus sic eos texit, quam quod ⁴⁵ abhorrebat ab fide, quemquam externum Ciminios saltus intraturum. Usque ad Camertes Umbros penetrasse dicuntur. ibi, qui essent, fateri Romanum ausum: introductumque in senatum consulis verbis egisse de societate amicitiaque: atque inde comi hospitio acceptum, nunciare Romanis jussum, commeatum exercitui dierum triginta præsto fore, si ea loca intrasset; juventutemque Camertium Umbrorum in armis paratam imperio futuram. Hæc quum relata consuli essent, impedimentis prima vigilia præmissis, legionibus post impedimenta ire jussis, ipse substitit cum equitatu: et, luce orta, postero die obequitavit stationibus hostium, quæ extra saltum dispositæ erant: et, quum satis diu tenuisset hostem, in castra sese recepit; portaque altera egressus, ante noctem agmen adsequitur. Postero die, luce prima, juga Ciminii montis tenebat. inde, contemplatus opulenta Etruriæ arva, milites emittit. Ingenti jam abacta præda, tumultuariæ agrestium Etrusco-

⁴³ Germanici saltus] Hercynia sylva.

⁴⁴ Tum ex iis qui aderant] Tum ex iis qui aderant unus, consulis fratrem fuisse tradunt, eumque M. Fabium vocant alii, alii Cæsonem Fabium, quidam Claudium, matre eadem qua

consulem, genitum, professus est se iturum. Hic abruptam quamdam, sed non inconcinnam brevitatem secutus est Livius. Aliquot exempla similia affert Gron. l. IV. Observ. c. 4.

⁴⁵ Abhorrebat a fide] Credi non poterat.

rum cohortes, repente a principibus regionis ejus concitatæ, U. C. 444. Romanis obcurrunt, adeo incompositæ, ut vindices præda- A. C. 308. rum prope ipsi prædæ fuerint. Cæsis fugatisque iis, late depopulato agro, victor Romanus, opulentusque rerum omnium copia, in castra rediit. Eo forte quinque legati cum duobus tribunis plebis venerant, denunciatum Fabio senatus verbis, ne saltum Ciminium transiret. lætati serius se, quam ut impedire bellum possent, venisse, nuncii victoriæ Romam revertuntur.

XXXVII. Hac expeditione consulis motum latius erat, quam profligatum, bellum. vastationem namque sub Ciminii montis radicibus jacens ora senserat, conciveratque indignatione non Etruriæ modo populos, sed Umbriæ finitima. Ita- Ingens Etruscorum exercitus colligitur. que, quantus non umquam antea, exercitus ad Sutrium venit: ⁴⁶ neque e^a silvis tantummodo promota castra, sed etiam aviditate dimicandi quam primum in campos delata acies: deinde instructa primo suo stare loco, ⁴⁷ relicto hostibus ad instruendum^a contra spatium: dein^b, postquam detrectare hostem sentire pugnam, ad vallum subeunt. Ubi postquam stationes quoque receptas intra munimenta sentire, clamor repente circa duces ortus, ut *eo sibi e castris cibaria ejus diei deferri juberent*; ⁴⁸ *mansuros se sub armis, et aut nocte, aut certe luce prima castra hostium invasuros*. Nihil quietior Romanus exercitus imperio ducis continetur. decima erat fere diei hora, quum cibum capere consul milites jubet; præcipit, ut in armis sint, quacumque diei noctisque hora signum dederit. Paucis milites adloquitur, Samnitium bella extollit, elevat Etruscos: *nec hostem hosti, nec multitudinem multitudini comparandam ait esse. Præterea telum aliud occultum scituros in tempore: interea taceri opus esse*. His ambagibus prodi simulabat hostes, quo animus militum multitudine territus restitueretur: et, quod sine munimento consederant, verisimilius erat, quod simulabatur. Curati cibo corpora quieti dant, et quarta fere vigilia sine tumultu excitati arma capiunt. Dolabræ caloni- bus dividuntur ad vallum proruendum fossasque implendas. intra munimenta instruitur acies: delectæ cohortes ad portarum exitus conlocantur. dato deinde signo paullo ante lu-

^a in Gron.^a *instruendam* Gron. Crev.^b *deinde* Eand.

⁴⁶ *Neque e silvis tantummodo promota castra*] Quædam editiones hic mendose exhibent in *silvis*. Sed vetustissimæ Andree et Campani, et sex nostri codices MSS. cum tribus Hearni, id habent quod edidimus, et ratio postulat.

⁴⁷ *Relicto hostibus*] Omnes et scrip-

ti, et vetustius cusi habent *hostium*: ut admittenda videatur Gronovii conjectura, *relicto, hostilem (aciem) ad instruendam contra, spatium*.

⁴⁸ *Mansuros*] Pernoctaturos. Sic Horat. Sat. 5. l. 1. *In Mamurrarum laari deinde urbe manemus*.

U.C. 444.
A. C. 308.
Etrusci ob-
pressi in
castris.

cem, quod æstivis noctibus sopitæ maxime quietis tempus est, proruto vallo erupit acies: stratos passim invadit hostes: alios immobiles, alios semisomnos in cubilibus suis, maximam partem ⁴⁹ ad arma trepidantes, cædes obpressit. paucis armandi se datum spatium est. Eos ipsos, non signum certum, non ducem sequentes, fundit Romanus, fugatos eques persequitur. ad castra, ad silvas diversi tendebant. Silvæ tutius dedere refugium. nam castra in campis sita eodem die capiuntur. aurum argentumque jussum referri ad consulem: cetera præda militis fuit. Cæsa aut capta eo die hostium millia ad sexaginta. Eam tam claram pugnam trans Ciminiam silvam ad Perusiam pugnatam, quidam auctores sunt; metuque in magno civitatem fuisse, ne interclusus exercitus tam infesto saltu, coortis undique Tuscis Umbrisque, obprimeretur. Sed, ubicumque pugnatum est, res Romana superior fuit: itaque a Perusia, et Cortona, et Arretio, quæ ferme capita Etruriæ populorum ea tempestate erant, legati, pacem foedusque ab Romanis petentes, inducias in triginta annos inpetraverunt.

Classis Ro-
mana.

XXXVIII. Dum hæc in Etruria geruntur, consul alter C. Marcius Rutilus Allifas de Samnitibus vi cepit. multa alia castella vicique, aut deleta hostiliter, aut integra in potestatem venere. Per idem tempus et classis Romana a P. Cornelio, quem senatus maritimæ oræ præfecerat, in Campaniam acta, quum adpulsa Pompeios esset; ⁵⁰ socii inde navales ad depopulandum agrum Nucerinum profecti, proximis raptim vastatis, unde reditus tutus ad naves esset, dulcedine (ut fit) prædæ longius progressi, excivere hostes. Palatis per agros nemo obvius fuit, quum occidione occidi possent: redeuntes agmine incauto haud procul navibus adsecuti agrestes exuerunt præda, partem etiam occiderunt: quæ superfuit cædi, trepida multitudo ad naves compulsa est. Profectio Q. Fabii trans Ciminiam silvam quantum Romæ terrorem fecerat, tam lætam famam in Samnium ad hostes tulerat: *interclusum Romanum exercitum obsideri, cladisque imaginem Furculas Caudinas memora- bant. eadem temeritate avidam ulteriorum semper gentem in saltus invios deductam, septam non hostium magis armis, quam locorum iniquitatibus esse.* Jam gaudium invidia quadam miscebatur, quod belli Romani decus ab Samnitibus fortuna ad Etruscos avertisset. itaque armis virisque ad obterendum C. Marcium consulem concurrunt; protinus inde Etruriam

Anceps
prælium
cum Samni-
tibus.

⁴⁹ * *Ad arma trepidantes*] Cum trepidatione et plena tumultus festinatione discurrentes ad arma.

⁵⁰ * *Socii . . . navales*] Classarii milites. Vid. not. ad XXI. 49. infra.

per Marsos ac Sabinos petitori, si Marcius dimicandi po- U. C. 444.:
testatem non faciat. Obvius iis consul fuit. dimicatum A. C. 308.
proelio utrimque atroci, atque incerto eventu est. et quum
anceps cædes fuisset, adversæ tamen rei fama in Romanos
vertit, ob amissos quosdam equestris ordinis, tribunosque
militum, atque unum legatum, et (quod insigne maxime
fuit) consulis ipsius vulnus. Ob hæc etiam aucta fama (ut
solet) ingens terror Patres invasit, dictatoremque dici pla-
cebat: nec, quin Cursor Papirius diceretur, in quo tum
summa rei bellicæ ponebatur, dubium cuiquam erat: sed
nec in Samnium nuncium perferri, omnibus infestis, tuto
posse; nec vivere Marcium consulem satis fidebant. Alter
consul ⁵¹ Fabius infestus privatim Papirio erat: quæ ne ira
obstaret bono publico, legatos ex consularium numero mit-
tendos ad eum senatus censuit: qui sua quoque eum, non
publica solum, auctoritate moverent, ut memoriam simulta-
tium patriæ remitteret. Profecti legati ad Fabium quum
senatusconsultum tradidissent, adjecissentque orationem
convenientem mandatis, consul, demissis in terram oculis,
tacitus ab incertis, quidnam acturus esset^c, legatis recessit.
nocte deinde ⁵² silentio (ut mos est) L. Papirium dictatorem Fabius Pa-
pirium dic-
torem
dicit.
dixit: cui quum ob animum egregie victum legati gratias
agerent, obstinatum silentium obtinuit, ac sine responso ac
mentionem facti sui legatos dimisit, ut adpareret, insignem
dolorem ingenti comprimi animo. Papirius C. Junium
Bubulcum magistrum equitum dixit: atque ei, ⁵³ legem cu-
riatam de imperio ferenti, triste omen ⁵⁴ diem diffidit, quod
Faucia curia fuit ⁵⁵ principium, duabus insignis cladibus,
captæ urbis, et Caudinæ pacis: ⁵⁶ quod utroque anno eadem
curia^d fuerat principium. Macer Licinius tertia etiam cla-
de, quæ ad Cremeram accepta est, ⁵⁷ abominandam eam cu-
riam facit.

XXXIX. Dictator postero die, auspiciis repetitis, pertu-

^c esset acturus Gron. Crev.

^d ejusdem curiæ Eæd.

⁵¹ *Fabius infestus privatim Papirio erat*] Nempe hic Fabius consul est ille ipse quem magistrum equitum Papirius dictator ultimo supplicio afficere voluerat, ut fuse narravit Livius l. VIII. supra c. 30. et seq.

⁵² *Silentio*] Vid. not. 44. ad VIII. 23.

⁵³ *Legem curiatam de imperio ferenti*] Ferenti de solenni more legem ad populum curiatim convocatum, qua sibi daretur imperium militare. Magistratibus enim rem militarem attingere non licebat, priusquam comitiis curiatis imperium militare po-

pulus ipsis mandasset. Hinc l. V. c. 52. comitia curiata dicuntur rem militarem continere.

⁵⁴ *Diem diffidit*] Rem in posterum diem rejicere coegit.

⁵⁵ *Principium*] *Principium* est hic idem quod *prærogativa*. Centuria, curia, tribus *principium* dicebatur, quæ prima rogabatur suffragium. Vid. Gron. l. IV. Observ. c. 1.

⁵⁶ *Quod utroque anno*] Gronovius ibid. legi jubet: *quo utroque anno eadem curia fuerat principium*.

⁵⁷ *Abominandam*] Male ominatam.

U. C. 444.
A. C. 308.

Res in E-
truria bene
gesta.

lit legem: et, profectus eum legionibus, ad terrorem tra-
ducti silvam Ciminiam exercitus nuper scriptis, ad Longu-
lam pervenit: acceptisque a Marcio consule veteribus mili-
tibus, in aciem copias eduxit. nec hostes detrectare visi
pugnam. instructos deinde armatosque (quum ab neutris
proelium inciperet) nox oppressit. Quieti aliquamdiu, nec
suis diffidentes viribus, nec hostem spernentes, stativa in
propinquo habuere. ⁵⁸ Interea res in Etruria gestæ. nam et
cum Umbrorum exercitu acie depugnatum est; (fusi tamen
magis, quam cæsi, hostes, quia coeptam acriter non tolera-
runt pugnam) et ad Vadimonis lacum Etrusci, ⁵⁹ lege sacra-
ta coacto exercitu, ⁶⁰ quum vir virum legisset, quantis num-
quam alias antea simul copiis, simul animis, dimicarunt:
tantoque irarum certamine gesta res est*, ut ab neutra parte
emissa sint tela. gladiis pugna coepit, et, acerrime commis-
sa, ipso certamine, quod aliquamdiu anceps fuit, accensa
est: ut non cum Etruscis toties victis, sed cum aliqua nova
gente, videretur dimicatio esse. Nihil ab ulla parte move-
tur fugæ: cadunt ⁶¹ antesignani: et, ne nudentur propug-
natoribus signa, fit ex secunda prima acies. Ab ultimis de-
inde subsidiis cietur miles: adeoque ad ultimum laboris ac
periculi ventum est, ut equites Romani, omissis equis, ad
primos ordines peditum per arma, per corpora evaserint: ea
velut nova inter fessos exorta acies turbavit signa Etrusco-
rum. Secuta deinde inpetum eorum, ⁶² utcumque adfecta
erat, cetera multitudo tandem perrumpit ordines hostium.
Tunc vinci pertinacia coepta, et averti manipuli quidam:
et, ut semel dedere terga, etiam certiolem capessere fugam.

* res gesta est Gron. Crev.

⁵⁸ Interea res in Etruria gestæ] Totum hoc ab veteribus editis aberat. Adjecit Sigonius in quibusdam scriptis repertum, ubi tamen præpostere collocata erant hæc verba. Scilicet præfixa illa erant huic membro, quod paulo post sequitur, et ad Vadimonis lacum. Sigonius ea in ordinem quoque suum reposuit.

⁶⁰ Lege sacrata] Recte observat Dujatius hanc legem videri quid simile fuisse ei, qua Samnites delectum habuisse memorantur infra, l. X. c. 38. Ut nempe qui juniorum non convenisset ad imperatorium edictum, quæque injussu abisset, caput Jovi sacrum esset. Lex enim sacrata, ut jam ex Festo observavimus ad c. 38. l. II. est ea qua sancitum est, qui quid adversus eam fecerit, sacer alicui deorum sit.

⁶⁰ Quum vir virum legisset] Vir virum legere dicebatur, quum in delectu habendo aliquot primo ab imperatore lecti milites, singuli singulos notos sibi, quorumque virtuti confiderent, legebant; hi deinceps alios numero pares sibi, sicque eodem semper ritu ac tenore, donec is copiarum numerus efficeretur, qui opus erat. Vid. infra X. 38.

⁶¹ Antesignani] Prima acies, qui apud Romanos Hastati erant. Vid. not. 17. ad c. 20. l. II. In eorum locum succedit secunda acies, nempe Principes apud Romanos, qui hoc pacto sunt prima acies. Idem intellege factum etiam apud Etruscos.

⁶² Utcumque adfecto erat] Quantumcumque, quantumlibet ægra et fatigata erat.

Ille primum dies fortuna veteri abundantes Etruscorum fre- U. C. 444.
git opes. cæsum in acie, quod roboris fuit; castra eo inpe- A. C. 308.
tu capta direptaque.

XL. Pari subinde periculo gloriæque eventu bellum in Samnitibus erat; qui, præter ceteros belli adparatus, ut acies sua fulgeret novis armorum insignibus, fecerunt. Duo Samnitium acies insignibus armis fulgens.
exercitus erant: scuta alterius auro, alterius argento cæla-
verunt. Forma erat scuti: summum latius, qua pectus at-
que humeri teguntur, ⁶³ fastigio æquali; ad imum cuneatior, mobilitatis causa. ⁶⁴ spongia pectori tegumentum: et ⁶⁵ si-
nistrum crus ocrea tectum. galeæ cristatæ, quæ speciem magnitudini corporum adderent. tunicæ auratis militibus versicolores, argentatis linteæ candidæ. his dextrum cornu datum: illi in sinistro consistunt. Notus jam Romanis adparatus insignium armorum fuerat; doctique a ducibus erant, *horridum militem esse debere; non cælatum auro et argento, sed ferro et animis fretum. quippe illa prædam verius, quam arma, esse; nitentia ante rem, deformia inter sanguinem et vulnera. Virtutem esse militis decus, et omnia illa victoriam sequi; et ditem hostem quamvis pauperis victoris præmium esse.* His Cursor vocibus instinctos milites in proelium ducit. dextro ipse cornu consistit; sinistro præfecit magistrum equitum. Simul est concursus, ingens fuit cum hoste certamen; non segnius inter dictatorem et magistrum equitum, ab utra parte victoria inciperet. Prior forte Junius commovit hostem, lævo dextrum cornu, ⁶⁶ sacratos more Samnitium milites, eoque candida veste et paribus candore armis insignes. *eos se Orco mactare* Junius dictitans, quum intulisset signa, turbavit ordines, et haud dubie inpulit aciem. Quod ubi sensit dictator, *Ab lævone cornu victoria incipiet? inquit, et dextrum cornu, dictatoris acies, ⁶⁷ alienam pugnam, sequetur, non partem maximam victoriæ trahet?* Concitat milites. nec peditum virtuti equites, aut legatorum studia ducibus cedunt. M. Valerius a dextro, P. Decius ab lævo cornu, ambo consulares ad equites in cornibus positos evadunt: adhortatique eos, ut partem secum capessere decore, in transversa latera hostium incurrunt. Is novus ad-

⁶³ * Fastigio æquali] Summa pars scuti erat quadrata, æqualibus inter se lineis terminata.

⁶⁴ Spongia] Videtur intelligenda lorica in spongiæ formam texta: quemadmodum *squama* dicebatur, teste Isid. l. XVIII. c. 13. *lorica ex laminis ferreis aut æreis concatenata in modum squamarum.*

⁶⁵ Sinistrum crus ocrea tectum] Non raro apud antiquos una tantum

ocrea militi assignatur: ac pro vario populorum more alii sinistrum crus, alii dextrum tegebant. De ea re vide Lips. l. III. de Mil. Rom. dial. 7.

⁶⁶ * Sacratos . . . milites] Vid. not. 59. ad c. 39. supra.

⁶⁷ * Alienam pugnam sequetur] Pugnam ab aliis profligatam ipsa tantummodo prosequitur, et aliena virtute vincet.

U. C. 444.
A. C. 308.
Vincitur.

Samnites
gladiatores.

ditus terror quum ex parte utraque circumvasisset aciem, et ad terrorem hostium legiones Romanæ, redintegrato clamore, intulissent gradum, tum fuga ab Samnitibus cœpta. Jam strage hominum armorumque insignium campi repleri; ac primo pavidos Samnites castra sua accepere: deinde ne ea quidem retenta. captis direptisque ante noctem injectus ignis. Dictator ex senatusconsulto triumphavit. cujus triumpho longe maximam speciem captiva arma præbuere. tantum magnificentiae visum in iis, ut aurata scuta dominis⁶⁸ argentariarum^f ad forum ornandum dividerentur. inde natum initium dicitur fori ornandi ab ædilibus, quum⁶⁹ tensæ ducerentur. Et Romani quidem ad honorem Deum insignibus armis hostium usi sunt: Campani, ab superbia et odio Samnitium,⁷⁰ gladiatores (quod spectaculum inter epulas erat) eo ornatu armarunt, ⁷¹ Samnitiumque nomine compellarunt. Eodem anno cum reliquis Etruscorum ad Perusiam, quæ et ipsa induciarum fidem ruperat, Fabius consul nec dubia nec difficili victoria dimicat. ipsum oppidum (nam ad moenia victor accessit) cepisset, ni legati dedentes urbem exissent. Præsidio Perusiæ inposito, legationibus Etruriæ amicitiam petentibus præ se Romam ad senatum missis, consul, præstantiore etiam, quam dictator, victoria triumphans, urbem est invectus. Quin etiam devictorum Samnitium decus magna ex parte ad legatos, P. Decium et M. Valerium, est versum: quos populus proximis comitiis ingenti consensu consulem alterum, alterum prætorem declaravit.

U. C. 445.
A. C. 307.
Q. Fabio
III. P. Decio II. Coss.

Bene res
gesta contra Samnites.

XLI. Fabio ob egregie perdomitam Etruriam continuatur consulatus; Decius collega datur. Valerius prætor quartum creatus. Consules partiti provincias. Etruria Decio, Samnium Fabio evenit. Is profectus ad Nuceriam Alfaternam, tum pacem petentes, quod uti ea, quum daretur, noluisent, adspersatus, obpugnando ad deditionem subegit. Cum Samnitibus acie dimicatum. haud magno certamine hostes victi: neque ejus pugnae memoria tradita foret, ni Marsi eo primum proelio cum Romanis bellassent. Secuti Marsorum defectionem Peligni, eandem for-

^f *argentariorum* Gron.

⁶⁸ *Argentariarum*] Officinarum, in quibus argentea vasa fabricantur, et venalia prostant. Harum rursus mentionem facit Livius, XXVI. 27. et XL. 51. Libri habent *argentariorum*. Sed *argentarii* sunt iidem ac *mensarii*, quos vel servos fuisse, vel tabernas splendido fulgentes ornatu habuisse nullo modo probabile est. Ideo perlevi mutatione jussit legi Muretus *argentariarum*. Ejus emendationem ad-

misit in contextum Clericus.

⁶⁹ *Thensæ*] Vid. not. 58. ad c. 41. l. V.

⁷⁰ *Gladiatores*] Hoc primum loco gladiatores memorat Livius.

⁷¹ *Samnitium*] Apud Romanos quoque hoc nomine gladiatores designabantur. Horat. Ep. 2. l. II. *Cedimur, et totidem plagis consumimus hostem, Lento Samnites ad lumina prima duello.*

tunam habuerunt. Decio quoque alteri consuli secunda U. C. 445.
belli fortuna erat. Tarquiniensem metu subegerat frumen- A. C. 307.
tum exercitui præbere, atque inducias in quadraginta annos Contra E-
petere. Volsiniensium castella aliquot vi cepit: quædam truscos.
ex iis diruit, ne receptaculo hostibus essent: circumferen-
doque passim bello, tantum terrorem sui fecit, ut nomen
omne Etruscum fœdus ab consule peteret. Ac de eo qui-
dem nihil inpetratum. induciæ annuæ datæ. stipendium ex-
ercitui Romano ab hoste in eum annum pensum, et binæ
tunicæ in militem exactæ. ea merces induciarum fuit.
Tranquillas res jam Etruscis turbavit repentina defectio
Umbrorum, gentis integræ a cladibus belli, nisi quod trans-
itum exercitus ager senserat. Ii, concitata omni juventute
sua, et magna parte Etruscorum ad rebellionem compulsæ,
tantum exercitum fecerant, ut, relicto post se in Etruria
Decio, ad obpugnandam inde Romam ituros, magnifice
de se, ac contemtim de Romanis loquentes, jactarent.
Quod inceptum eorum ubi ad Decium consulem perlatum
est, ad urbem ex Etruria magnis itineribus pergit, et in agro
Pupiniensi ad famam intentus hostium consedit. Nec Ro-
mæ spernebatur Umbrorum bellum: et ipsæ minæ metum
fecerant expertis a Gallica clade, quam intutam urbem in-
colerent. Itaque legati ad Fabium consulem missi sunt, ut,
si quid laxamenti a bello Samnitium esset, in Umbriam
propere exercitum duceret. Dicto paruit consul, magnisque
itineribus ad Mevaniam, ubi tum copiæ Umbrorum erant,
perrexit. Repens adventus consulis, quem procul Umbria
in Samnio bello alio occupatum crediderant, ita exterruit Contra
Umbros, ut alii recedendum ad urbes munitas, quidam Umbros.
omittendum bellum censerent. ⁷² Plaga una (Materinam
ipsi adpellant) non continuit modo ceteros in armis, sed
confestim ad certamen egit. castra vallantem Fabium adorti
sunt. Quos ubi effusos ruere in munimenta consul vidit,
revocatos milites ab opere, prout loci natura tempusque pa-
tiebatur, ita instruxit: cohortatusque prædicatione vera
qua in Tuscis, qua in Samnio partorum decorum, exiguam
adpendicem Etrusci belli conficere jubet: et vocis inpiæ
pœnas expetere, qua se urbem Romanam obpugnatu-
ros minati sunt. Hæc tanta sunt alacritate militum audita, ut
clamor, sua sponte ortus, loquentem interpellaverit ducem.
ante imperium deinde ⁷³ concentu tubarum ac cornuum

⁷² *Plaga una*] Unus ex populis iis, in quos Umbrorum gens divisa erat. *Plagam* hic cum Dujatio intelligimus *regionem*. Addit Livius, *Materinam ipsi appellat*, quia nempe hoc nomen ignobile erat, nec fortasse nisi

in ipsa regione notum.

⁷³ *Concentu*] Plenius ac melius quidam codices habent, teste Gronovio: *ante concentum tubarum*. Adstipulatur Campani editio.

U. C. 445. cursu effuso in hostem feruntur. Non tamquam in viros
 A. C. 307. aut armatos incurrunt: (⁷⁴ mirabilia dictu!) signa primo
 eripi coepta signiferis; deinde ipsi signiferi trahi ad consu-
 lem, armatique milites ex acie in aciem transferri. et, sicubi
 est certamen, scutis magis, quam gladiis, geritur res. Um-
 bonibus ⁷⁵ incussa que ala sternuntur hostes. plus capitur
 hominum, quam caeditur: atque una vox ponere arma ju-
 bentium per totam fertur aciem. Itaque inter ipsum certa-
 men facta deditio est a primis auctoribus belli. postero in-
 sequentibusque diebus et ceteri Umbrorum populi deduntur.
 Ocriculani sponsione in amicitiam accepti.

U. C. 446.
 A. C. 306.
 Ap. Clau-
 dio, L. Vo-
 lumnio
 Coss.

Sallentini
 victi.

Samnites
 victi.

XLII. Fabius, alienae sortis victor belli, in suam provin-
 ciam exercitum reduxit. itaque ei, ob res tam feliciter ges-
 tas, sicut priore anno populus continuaverat consulatum, ita
 senatus in insequentem annum ⁷, quo Ap. Claudius, L. Vo-
 lumnus consules fuerunt, prorogavit, maxime Appio adver-
 sante, imperium. Appium censorem petisse consulatum,
 comitiaque ejus ab L. Furio tribuno plebis interpellata, do-
 nec se censura abdicavit, in quibusdam annalibus invenio.
 Creatus consul, quum collegae novum bellum, Sallentini
 hostes decernerentur, Romae mansit, ut urbanis artibus opes
 augeret, quando belli decus penes alios esset. Volumnium
 provinciae haud poenituit. multa secunda proelia fecit: ali-
 quot urbes hostium vi cepit. praedae erat largitor, et benigni-
 tatem per se gratam comitate adjuvabat; militemque iis
 artibus fecerat et periculi et laboris avidum. Q. Fabius
 proconsul ad urbem Allifas cum Samnitium exercitu signis
 conlatis configit. minime ambigua res fuit. Fusi hostes,
 atque in castra compulsi. nec castra forent retenta, ni exi-
 guum superfuisset diei: ante noctem tamen sunt circumses-
 sa, et nocte custodita, ne quis elabi posset. Postero die,
 vixdum luce certa, deditio fieri coepta: et pacti, qui Sam-
 nitium forent, ut cum singulis vestimentis emitterentur. Hi
 omnes sub jugum missi. sociis Samnitium nihil cautum. ad
 septem millia ⁷⁶ sub corona venire. qui se civem Hernicum
 dixerat, seorsum in custodia habitus. Eos omnes Fabius
 Romam ad senatum misit: et, quum quaesitum esset, de-
 lectu, an voluntarii pro Samnitibus adversus Romanos bel-
 lassent, per Latinos populos custodiendi dantur. jussique
 eam integram rem novi consules, P. Cornelius Arvina, Q.
 Marcius Tremulus, (ii enim jam creati erant) ad senatum

⁸ senatus insequente anno Gron. Crev.

⁷⁴ *Mirabilia dictu*] Unus e nostris, XXX. c. 34. *Ala deinde et umbonibus*
 quemadmodum Sigonii vetus liber, *pulsantes.*
mirabile dictu.

⁷⁵ *Incussa . . . ala*] Incusso lacerto. ⁷⁶ *Sub corona*] Vid. not. 96. ad c.
 17. l. II.
 Eadem locutio rursus occurrit l.

referre. id ægre passi Hernici, concilium populorum omnium habentibus Anagninis in circo, quem Maritimum vocant, præter Alatrinatem, Ferentinatemque, et Verulanum, omnes Hernici nominis populo Romano bellum indixerunt.

U. C. 447.
A. C. 305.
P. Cornelio, Q. Marcio
Cos.

XLIII. In Samnio quoque, quia decesserat inde Fabius, novi motus exorti. Calatia et Sora, præsidiaque, quæ in iis Romana erant, expugnata: et in captivorum corpora militum fœde sævitum. itaque eo P. Cornelius cum exercitu missus. Marcio novi hostes (jam enim Anagninis Hernicisque aliis bellum iussum erat) decernuntur. Primo ita omnia opportuna loca hostes inter consulum castra interceperunt, ut pervadere expeditus nuncius non posset, ⁷⁷ et per aliquot dies incerti rerum omnium, suspensique de statu alterius, uterque consul ageret, Romamque is metus manaret; adeo ut omnes juniores sacramento adigerentur, atque ad subita rerum duo iusti scriberentur exercitus. ⁷⁸ Ceterum Hernicum bellum nequaquam pro præsentis terrore ⁷⁹ ac vetustate gentis gloriæ fuit. nihil usquam dictu dignum ausi, trinis castris intra paucos dies exuti, triginta dierum ⁸⁰ inducias, ita ut ad senatum Romam legatos mitterent, pacti sunt bimestri stipendio frumentoque, et singulis in militem tunicis. Ab senatu ad Marcium rejecti, cui senatusconsulto permissum de Hernicis erat: isque eam gentem in deditionem accepit. Et in Samnio alter consul superior viribus, locis inpeditiore erat. Omnia itinera obsepserant hostes, saltusque pervios ceperant, ne qua subvehi commeatus possent: neque eos, quum quotidie signa in aciem consul proferret, elicere ad certamen poterat: satisque adparebat, neque Samnitum certamen præsens, nec Romanum dilationem belli laturum. Adventus Marcii, qui, Hernicis subactis, maturavit collegæ venire auxilio, moram certaminis hosti exemit. nam, ut qui ne alteri quidem exercitui se ad certamen credidissent pares, conjungi utique passi duos ^b consulares exercitus nihil crederent superesse spei, advenientem incomposito agmine Marcium adgrediuntur. Raptim conlatæ sarcinæ in medium; et, prout tempus patiebatur, in-

Bellum
Hernicum.

^b duo Gron. Crev.

⁷⁷ *Et per aliquot dies*] Expeditior videtur unius codicis allata a Gronovio scriptura a qua non multum abit optimus e nostris... *nuncius non posset. Per aliquot dies incerti rerum omnium... uterque consul agere: Romamque is metus manaret.*

⁷⁸ *Ceterum Hernicum bellum*] Reliqua Hernici belli. Vocem *ceterum*

hic accipimus pro nomine, non pro adverbio.

⁷⁹ *Ac vetustate gentis gloriæ*] Magis placeret, quod subjicit Gronovius: *ac vetusta gentis gloria.*

⁸⁰ *Inducias... pacti sunt bimestri stipendio*] Inducias impetraverunt ea lege ut bimestre stipendium exercitui Romano præberent.

U. C. 447. structa acies. Clamor primum in stativa perlatus, dein
 A. C. 305. conspectus procul pulvis, tumultum apud alterum consulem
 in castris fecit. isque, confestim arma capere jussis, raptim-
 que eductis in aciem militibus, transversam hostium aciem,
 atque alio certamine occupatam, invadit; clamitans, *sum-
 mum flagitium fore, si alterum exercitum utriusque victoriae
 compotem sinerent fieri, nec ad se sui belli vindicarent decus.*
 Victi Sam- Qua inpetum dederat, perrumpit; aciemque per mediam in
 nites. castra hostium tendit, et vacua defensoribus capit atque in-
 cendit. Quæ ubi flagrantia Marcianus miles conspexit, et
 hostes respexere, tum passim fuga coepta Samnitium fieri.
 sed omnia obtinet cædes, nec in ullam partem tutum perfu-
 gium est. Jam, triginta millibus hostium cæsis, signum
 receptui consules dederant, conligebantque in unum copias,
 in vicem inter se gratantes: quum repente visæ procul hos-
 tium novæ cohortes, quæ in supplementum scriptæ fuerant,
 integravere cædem. in quas, nec jussu consulum, nec signo
 accepto, victores vadunt; *malo tirocinio inbuendum Samni-
 tem*, clamitantes. Indulgent consules legionum ardori, ut
 qui probe scirent, novum militem hostium inter perculsos
 fuga veteranos ne tentando quidem satis certamini fore. Nec
 eos opinio fefellit. omnes Samnitium copiae, veteres novæ-
 que, montes proximos fuga capiunt. eo et Romana erigitur
 acies; nec quidquam satis tuti loci victis est; et de jugis,
 quæ ceperant, funduntur: jamque una voce omnes pacem
 petebant. Tum, trium mensium frumento imperato, et an-
 nuo stipendio, ac singulis in militem tunicis, ad senatum
 pacis oratores missi. Cornelius in Samnio relictus. Mar-
 cius de Hernicis triumphans in urbem rediit; statuaque
 equestris in foro decreta est, quæ ante templum Castoris
 posita est. Hernicorum tribus populis, Alatrinati, Verula-
 no, Ferentinati, ⁸¹ quia maluerunt, quam civitatem, suæ le-
 ges redditæ: connubiumque inter ipsos, quod aliquamdiu
 soli Hernicorum ¹ habuerunt, permissum. Anagninis, qui-
 que arma Romanis intulerant, civitas sine suffragii latione
 data: concilia connubiaque adempta: ⁸² et magistratibus,
 præterquam sacrorum curatione, interdictum. Eodem anno
 aedes Salutis a C. Junio Bubulco censore locata est, quam
 consul bello Samnitium voverat. ab eodem collegaue ejus
 M. Valerio Maximo viæ per agros publica inpena factæ.

¹ *Hernicorum soli* Gron. Crev.

⁸¹ * *Quia maluerunt quam civita-
 tem*] Quia suis legibus vivere malue-
 runt, quam cives Romani fieri.

⁸² *Et magistratibus, præterquam
 sacrorum curatione, interdictum*] Et
 interdictum est iis qui magistratum

apud Anagninos gererent, ne quid-
 quam negotii publici agerent, præter
 sacrorum curationem. Ita Anagnia
 in formam fere præfecturæ redacta.
 De præfecturis diximus ad c. 20. su-
 pra.

Et ⁸³ cum Karthaginiensibus eodem anno foedus tertio renovatum: legatisque eorum, qui ad id venerant, comiter munera missa.

U. C. 447.
A. C. 305.
Karthaginienses legati.

XLIV. Dictatorem idem annus habuit P. Cornelium Scipionem, cum magistro equitum P. Decio Mure. ab iis, propter quæ creati erant, comitia consularia habita, quia neuter consulum potuerat bello abesse. Creati consules L. Postumius, Ti. Minucius. Hos consules Piso Q. Fabio et P. Decio subgerit, biennio exempto, quo Claudium Voluminiumque, et Cornelium cum Marcio consules factos tradidimus. memoriane fugerit in annalibus digerendis, an consulto binos consules, falsos ratus, transcenderit, incertum est. Eodem anno in campum Stellatem agri Campani Samnitium incursiones factæ. Itaque ambo consules, in Samnium missi, quum diversas regiones, Tifernum Postumius, Bovianum Minucius, petissent; Postumii prius ductu ad Tifernum pugnatum. Alii haud dubie Samnites victos, ⁸⁴ ac viginti millia^k hominum capta tradunt: alii Marte æquo discessum, et Postumium, metum simulantem nocturno itinere, clam in montes copias abduxisse: hostes secutos duo milia inde locis munitis et ipsos consedissee. Consul, ut stativa tuta copiosaue (et ita erant) petisse videretur, postquam et munimentis castra firmavit, et omni adparatu rerum utilium instruxit; relicto firmo præsidio, de vigilia tertia, qua duci proxime potest, expeditas legiones ad collegam, et ipsum adversus alios sedentem, ducit. ibi, auctore Postumio, Minucius cum hostibus signa confert; et, quum anceps proelium in multum diei processisset, tum Postumius integris legionibus defessam jam aciem hostium inproviso invadit. Itaque, quum lassitudo ac vulnera fugam quoque præpedissent, occidione occisi hostes, signa unum et viginti capta: atque inde ad castra Postumii perrectum. Ibi duo victores exercitus perculsum jam fama hostem adorti fundunt fugantque: signa militaria sex et viginti capta, et imperator Samnitium Statius Gellius, multique alii mortales, et castra utraque capta: et ⁸⁵ Bovianum, ubi postero die coeptum obpugnari,

P. Cornelius dictator.

U. C. 448.
A. C. 304.

L. Postumio, Ti. Minucio Coss.

Coss. in Samnium eunt.

Samnites vincuntur.

^k add. inde Gron.

⁸³ Cum Carthaginiensibus . . . foedus tertio renovatum] Tria foedera Romanorum cum Carthaginiensibus ante Punica bella memorat Polyb. l. III. Primum refert ad primum constitutæ in urbe Roma libertatis annum. Secundum quo tempore ietum fuerit, non docet. Tertium Pyrrhi bello factum fuisse scribit. Livius unius tantum ante hoc tempus foederis meminit, l. VII. c. 27.

⁸⁴ Ac viginti millia hominum] Vulgati addunt inde ante hominum: sed contra scriptorum fidem.

⁸⁵ Bovianum, ubi postero die captum] Vacat omnino particula ubi. Sed et tres e libris nostris antiquissimi, quemadmodum nonnulli e Gronovianis, habent capta. Inde suspicamur: Bovianum urbs postero die capta obpugnari. Quod Glareanus miratur Bovianum, quod supra c. 31. captum

U. C. 448. brevi capitur. magnaue gloria rerum gestarum consules
A. C. 304. triumpharunt. Minucium consulem, cum vulnere gravi re-
latum in castra, mortuum, quidam auctores sunt, et M. Ful-
vium in locum ejus consulem subfectum: et ab eo, quum
ad exercitum Minucii missus esset, Bovianum captum.
Eodem anno Sora, Arpinum, Censennia, recepta ab Samni-
tibus. ⁸⁶ Herculis magnum simulacrum in Capitolio positum
dedicatumque.

U. C. 449. XLV. P. Sulpicio Saverione, ⁸⁷ P. Sempronio Sopho
A. C. 303. consulibus, Samnites, seu finem, seu dilationem belli quæ-
P. Sulpicio, rentes, legatos de pace Romam misere. quibus suppliciter
P. Sempro- agentibus responsum est, *nisi sæpe bellum parantes pacem*
nio Coss. *petissent Samnites, oratione ultro citroque habita, de pace*
Pacem pe- *transigi potuisse. nunc, quando verba vana ad id locorum fue-*
tunt Sami- *rint, rebus standum esse. P. Sempronium consulem cum ex-*
tes, *ercitu brevi in Samnio fore: eum, ad bellum pacemne inclinent*
animi, falli non posse: comperta omnia senatui relaturum:
decedentem ex Samnio consulem legati sequerentur. Eo anno
quum pacatum Samnium exercitus Romanus, benigne præ-
bito commeatu, peragrasset, foedus antiquum Samnitibus
redditum. Ad Æquos inde veteres hostes, ceterum per
multos annos sub specie infidæ pacis quietos, versa arma
Romana: quod, incolumi Hernico nomine, missitaverant
simul cum iis Samniti auxilia; et, post Hernicos subactos,
universa prope gens, sine dissimulatione consilii publici, ad
hostes desciverat: et postquam, icto Romæ cum Samniti-
bus foedere, feciales venerant res repetitum, *tentationem*
aiebant esse, ut, terrore incusso belli, Romanos se fieri pateren-
tur: quod quantopere optandum foret, Hernicos docuisse:
quam, quibus licuerit, suas leges Romanæ civitati præoptave-
rint: quibus legendi, quid mallerent, copia non fuerit, pro pœna
necessariam civitatem fore. Ob hæc vulgo in conciliis jac-
tata, populus Romanus bellum fieri Æquis jussit: consules-
que ambo, ad novum profecti bellum, quatuor millibus a
castris hostium consederunt. Æquorum exercitus, (ut qui
suo nomine permultos annos inbelles egissent) tumultuario
similis, sine ducibus certis, sine imperio, trepidare. alii ex-
eundum in aciem, alii castra tuenda censent: movet pleros-
que vastatio futura agrorum, ac deinceps cum levibus præ-

Bellum
cum Æquis.

dicitur, hic rursus capi, quamvis nulla
defectionis facta fuerit mentio, id non
insolitum Livio est, qui res ejusmodi
vetustas et tenues non maxima sæpe
diligentia persequitur. Vid. et not.
5. ad c. 2. hujus libri.

⁸⁶ *Herculis magnum simulacrum]*
Sic sane plerique codices, In non-
nullis tamen magni: recte. Nam hoc

cognomine Hercules colebatur, ut sa-
tis liquet ex Arnobio aliisque. HERNI-
CIUS.

⁸⁷ *P. Sempronio Sopho]* Huic ex om-
nibus Romanis uni *Σόφος* cognomen a
populo inditum est, ob excellentem
juris scientiam. Pomponius, de Orig.
juris.

sidiis urbium relictarum excidia. Itaque, postquam inter U. C. 449. multas sententias una, quæ, omissa cura communium, ad A. C. 303. respectum suarum quemque rerum vertisset, audita; ut prima vigilia diversi e castris ad deportanda omnia tuendaque moenibus in urbes abirent; cuncti eam sententiam ingenti adsensu acceperunt. Palatis hostibus per agros, prima luce Romani, signis prolatis, in acie consistunt; et, ubi nemo obvius ibat, pleno gradu ad castra hostium tendunt. Ceterum, postquam ibi neque stationes pro portis, nec quemquam in vallo, nec fremitum consuetum castrorum animadverterunt; insolito silentio moti, metu insidiarum subsistunt. transgressi deinde vallum, quum deserta omnia invenissent, pergunt hostem vestigiis sequi: sed vestigia, in omnes æque ferentia partes, ut in dilapsis passim, primo errorem faciebant; post, per exploratores compertis hostium consiliis, ad singulas urbes circumferendo bello, unum et quadraginta oppida intra dies quinquaginta omnia obpugnando ceperunt; quorum pleraque diruta atque incensa, nomenque Æquorum prope ad internecionem deletum. De Æquis triumphatum: exemploque eorum clades fuit, ut Marrucini, Marsi, Peligni, Frentani mitterent Romam oratores pacis petendæ amicitiaque. iis populis foedus petentibus datum.

XLVI. Eodem anno Cn. Flavius Cn. filius scriba, patre C. Flavius libertino, humili fortuna ortus, ceterum callidus vir et fa-^{ædilis cu-} cundus, ædilis curulis fuit. Invenio in quibusdam annali-^{culis.} bus, ⁸⁸ quum adpareret ædilibus, fierique se ⁸⁹ pro tribu ædilem videret, ⁹⁰ neque accipi nomen, ⁹¹ quia scriptum faceret; ⁹² tabulam posuisse, et jurasse, se scriptum non facturum. quem aliquanto ante desisse¹ scriptum facere, arguit Macer Licinius, tribunatu ante gesto triumviratibusque, ⁹³ nocturno altero, altero colonis deducendæ. Ceterum (id quod haud discrepat) contumacia adversus contemnentes humilitatem

¹ antea desisse Gron. Crev.

⁸⁸ Quum appareret ædilibus] Quum inter apparitores ædillum esset. Scribæ enim erant ex apparitorum numero. Plutarchus eos ἀνέμεικτος vocat in Cat. Min.

⁸⁹ Pro tribu] Hæc videtur esse solennis loquendi formula, quæ idem valeat, quod in prærogativa tribu: ita ut nempe tribus prærogativa vocetur τριβὴς tribus; pro autem eodem modo sumatur, quo in illis usitatissimis locutionibus pro tribunali, pro rostris, et apud Cic. l. II. in Verr. n. 127. pro suffragio. Sic in fragmentis legum antiquarum apud Frontinum: Tribus Sergia principium fuit. Pro

tribu Sex. L. F. Varro primus sciit. Vid. Gron. l. IV. Observ. c. 1.

⁹⁰ Neque accipi nomen] Neque rationem sui haberi ab eo qui comitis præerat, tanquam legitimi candidati.

⁹¹ Quia scriptum faceret] Quod scribæ ministerio fungeretur. Scriptum hic a scriptus, ills.

⁹² Tabulam] Quæ erat velut insigne ministerii sui. Scribæ enim rationes publicas, leges, actaque in tabulis scribebant.

⁹³ Nocturno] Triumviri nocturni incendiis per urbem arcendis præerant.

U. C. 449. suam nobiles certavit: ⁹⁴ civile jus, repositum in penetralibus pontificum, evulgavit, ⁹⁵ fastosque circa forum in albo proposuit, ut ⁹⁶ quando lege agi posset, sciretur: ædem Concordiæ in area Vulcani summa invidia nobilium dedicavit; coactusque consensu populi Cornelius Barbatus pontifex maximus ⁹⁷ verba præire, quum more majorum negaret, nisi consulem aut imperatorem, posse templum dedicare. Itaque ex auctoritate senatus latum ad populum est, ne quis templum aramve injussu senatus aut tribunorum plebei partis majoris dedicaret. Haud memorabilem rem per se, nisi documentum sit adversus superbiam nobilium plebeiae libertatis, referam. Ad collegam ægrum visendi causa Flavius quum venisset, consensuque nobilium adolescentium, qui ibi adsidebant, adurrectum ei non esset, curulem adferri sellam eo jussit, ⁹⁸ ac sede honoris sui anxios invidia inimicos spectavit. Ceterum Flavium dixerat ædilem forensis factio, Ap. Claudii censura vires nacta, qui ⁹⁹ senatum primus ¹ libertinorum filiis lectis inquinaverat. et postquam eam lectionem nemo ratam habuit, ² nec in curia adeptus erat, quas petierat, opes urbanas; humilibus per omnes tribus divisus, ³ forum et campum corrupit. tantumque Flavii comitia indignitatis habuerunt, ut plerique nobilium ⁴ annulos aureos et ⁵ phaleras deponerent. Ex eo tempore in duas partes

⁹⁴ *Civile jus*] Legis actiones: i. e. solennes quasdam formulas a jurisconsultis compositas, quibus inter se homines in jure disceptarent. Hic actionum liber a Flavio prolatus, *jus civile Flavianum* appellabatur. Pompon. de Orig. juris.

⁹⁵ *Fastos*] Kalendarium, quo tota dierum fastorum nefastorumque ratio continebatur. Vid. not. 33. ad l. 19. et Cic. pro Mur. n. 25. et ad Att. l. VI. ep. 1.

⁹⁶ *Quando lege agi posset*] Quibus diebus possent legitimæ actiones ad persequendum jus suum suscipi.

⁹⁷ *Verba præire*] Vid. not. 8. ad IV. 21.

⁹⁸ *Ac sede*] Et e sede.

⁹⁹ *Senatum primus*] Campanus edidit primum.

¹ *Libertinorum*] Constat Cicero- nis temporibus ac deinceps *libertinos* ac *libertos* pro iisdem acceptos fuisse: ita tamen ut *libertus* ad patronum, *libertinus* ad ingenuum referretur. Itaque dicebatur *homo libertinus*; non vero *libertinus meus*, *libertinus Cæsaris*, sed *libertus meus*, *libertus Cæsaris*. At his temporibus, de quibus nunc

agit Livius, libertinos vocatos fuisse Suetonius ait in Claudio, c. 24. non ipsos qui manumitterentur, sed ingenuos, i. e. eos qui Suetonii ævo pro ingenuis habebantur, ex his *procreatos*. Sunt tamen e doctis quidam, qui Suetonium hac in re erroris insimulent, contendantque *libertinum* eundem semper fuisse, qui et *libertus* appellabatur.

² *Nec in curia adeptus erat . . . opes urbanas*] Recte admonet Gronovius otiosam hic esse vocem *urbanas*, cui ut locus esset, oporteret factam fuisse mentionem quarundam diversi generis opum, v. g. opum apud exercitum. Legit igitur: *Nec in curia adeptus erat, quas petierat opes, urbanis humilibus . . .*

³ *Forum et campum*] Comititia tributa, quæ in foro, et comitia centuriata, quæ in campo Martio habebantur.

⁴ *Annulos aureos*] Vid. not. 21. ad c. 7. supra.

⁵ *Phaleras*] Ornamenti genus, quod proprium fuisse tum Equitum insigne colligitur ex Plinio, l. XXXIII. c. 1. Annulos aureos tunc a solis senatori-

discessit civitas. aliud integer populus, fautor et cultor bonorum, aliud forensis factio tenebat; donec ⁶ Q. Fabius et P. Decius censores facti: et Fabius, simul concordiae causa, simul ne humillimorum in manu comitia essent, omnem forensem turbam excretam ⁷ in quatuor tribus coniecit, urbanasque eas adpellavit. adeoque eam rem acceptam gratis animis ferunt, ut Maximi cognomen, quod tot victoriis non pepererat, ⁸ hac ordinum temperatione pareret. Ab eodem institutum dicitur, ⁹ ut equites Idibus Quinctilibus transveherentur.

U. C. 449.
A. C. 303.

Forensis
turba in tri-
bus urbanas
conjecta.

bus, nec universis, sed eorum nobilissimis, gestatos fuisse idem scriptor affirmat ibidem.

⁶ Q. Fabius et P. Decius censores facti] Sigonius et Pighius ex fragmentis Fastorum Capitolinorum eos hoc ipso anno censuram gessisse volunt. Ac sane alium huic censuræ annum assignare ex ipso Livio difficile foret. Hoc tamen notatu dignum, biennio ante censores memorari C. Junium Bubulcum, M. Valerium Maximum, supra c. 43. quum ex solito more non crearentur, nisi quinquennio quoque, censores.

⁷ In quatuor tribus coniecit] Eas nempe, in quas Servius rex urbem discreverat, idemque jam tum, teste Dion. Hal. l. IV. referri jusserat, quidquid esset libertini generis. Itaque Fabius nihil hic instituit novi, sed veterem morem, ab Appio censore spretum ac violatum, reduxit. Quod autem infra additur eas tribus urba-

nas appellatas esse a Fabio, ita ut id nominis, non a conditore Servio, sed hoc demum tempore acceperint, id parum videtur verisimile.

⁸ Hac ordinum temperatione] Ita temperando res, ut discrimina ordinum ac dignitatum rite servarentur.

⁹ Ut Equites Idibus Quinctilibus transveherentur] Ex hoc instituto Equites Romani quotannis Idibus Quinctilibus, i. e. die 15^a. mensis qui postea Julius appellatus est, per turmas distincti, olea coronati, et tra-beati, equis insidentes, ab æde Martis extra urbem, sive, ut alii volunt, ab æde Honoris in Capitolium solenni pompa transvehebantur. Ita describit hanc transvectionem Equitum Dionys. l. VI. qui et eam post pugnam ad Rêgillum lacum institutam esse scribit. Vid. quoque Auctorem de Vir. Illustr. in Fab. Rulliano, et Val. Max. II. 2.

EPITOME LIBRI X.

COLONIÆ deductæ sunt ¹ *Sora, et Alba, et Carseoli. Marsi in deditionem accepti sunt. Collegium augurum ampliatur, ut essent novem, quam antea quaterni fuissent. Lex de provocatione ad populum a Valerio consule* ² *tunc tertium lata est. Duæ tribus adjectæ sunt, Aniensis et Terentina. Samnitibus bellum indictum, et adversus eos sæpe prospere pugnatum est. Quam adversus Etruscos, Umbros, Samnites, Gallos, P. Decio et Q. Fabio ducibus, pugnaretur, Romanusque exercitus in maximo esset discrimine, P. Decius, secutus exemplum patris, devovit se pro exercitu, et morte sua victoriam ejus pugnae populo Romano dedit. Papirius Cursor Samnitium exercitum, qui jurejurando obstrictus, quo majore constantia virtutis pugnaret, in aciem descenderat, fudit. Census actus est. lustrum conditum. censa sunt civium capita ducenta sexaginta duo millia, et trecenta viginti duo.*

¹ *Sora, ac Alba, Carseoli. Marsi in deditionem accepti]* Vulgo hic locus male interpungitur: *Sora ac Alba. Carseoli Marsi.* Sed *Carseoli* nomen est urbis, non populi, ut patet ex c. 3.

hujus libri. Libenter quoque deleremus particulam *ac* ante *Alba*.

² *Tunc tertium lata est]* Olim *tunc primum.* Correxit Sigonius ex Livii et historiae fide.

T. LIVII PATAVINI

LIBER X.

U. C. 450. **L. GENUCIO**, Ser. Cornelio consulibus, ab externis ferme
 A. C. 302. bellis otium fuit. ¹ Soram atque Albam coloniae deductae.
 L. Genucio, ² Albam in Æquos sex millia colonorum scripta. Sora agri
 Ser. Corne- Volsci fuerat; sed possederant Samnites. eo quatuor millia
 lio Coss. hominum missa. Eodem anno ³ Arpinatibus Trebulanisque
 civitas data. Frusinates tertia parte agri damnati, quod
 Hernicos ab eis sollicitatos compertum: capitaque conjura-
 tionis ejus, quæstione ab consulibus ex senatusconsulto habi-
 ta, virgis cæsi ac securi percussi. Tamen, ne prorsus inbellem
 Latrones in agerent annum, parva expeditio ⁴ in Umbria facta est; quod
 spelunca nunciabatur, ex spelunca quadam excursiones armatorum
 obpressi. in agros fieri. In eam speluncam penetratum cum signis
 est: et ex eo loco obscuro multa vulnera accepta, maxime-
 que lapidum ictu; donec, altero specus ejus ore (nam per-
 vius erat) invento, utræque fauces congestis lignis accensæ:
 ita intus fumo ac vapore ad duo millia armatorum, ruentia
 novissime in ipsas flammæ, dum evadere tendunt, absumpta.
 U. C. 451. ⁵ Marcis Livio Dentre et Æmilio consulibus, redintegratum
 A. C. 301. Æquicum bellum. Coloniam, ægre patientes velut arcem
 M. Livio, suis finibus inpositam, summa vi expugnare adorti, ab ipsis
 M. Æmilio colonis pelluntur. Ceterum tantum Romæ terrorem fe-
 Coss. cere, quia vix credibile erat, tam adfectis rebus solos per se
 Æquos ad bellum coortos, ut tumultus ejus causa dictator
 C. Junius diceretur C. Junius Bubulcus. is, cum M. Titinio magis-
 dictator. tro equitum profectus, primo congressu Æquos subegit, ac,
 Æquos sub- igit,

¹ *Soram atque Albam coloniae*] Supra l. IX. c. 23. Sora jam tum colonia Romana esse dicitur. Itaque non nunc primum deducitur hæc colonia, sed suppletur.

² *Albam in Æquos*] Albam Fucentis intellige, a qua *Albenses*, ut ab Alba Longa *Albani*. Eam urbem in Marsis fuisse consentiunt omnes. Livius in Æquis ponit eodem errore, quo infra c. 3. Carseolos, qui Æquorum erant, ut ipse agnoscit c. 12. hujus quoque libri, Marsis adscribere vi-

detur. Nisi si vicinorum populorum fines sæpe mutati. DUJATII.

³ *Arpinatibus*] Arpinum in Volscis patria fuit Marci et Ciceronis.

⁴ *In Umbria*] Unus Hearnii codex in Umbriam: quod magis placet.

⁵ *Marcis Livio Dentre et Æmilio*] Utrique prænomen erat *Marcus*. Libri habent *M.* quod legendum esse *Marcis* recte monet Gronovius: ut supra IV. 48. *Spurii Macilinus et Metilius*.

die octavo triumphans in urbem quum redisset, ædem Salutis, quam consul voverat, censor locaverat, dictator dedicavit. U. C. 451. A. C. 301.

II. Eodem anno classis Græcorum, ⁶ Cleonymo duce Lacedæmonio, ad Italiæ litora adpulsa, ⁷ Thurias urbem in Sallentinis cepit. Adversus hunc hostem consul Æmilius missus proelio uno fugatum compulit in naves. Thuriae redditæ veteri cultori: Sallentinoque agro pax parta. Junium Bubulcum dictatorem missum in Sallentinos, in quibusdam annalibus invenio: et Cleonymum prius, quam confligen- ^{Cleonymus} dum esset cum Romanis, Italia excessisse. circumvectus ^{Lacon.} inde Brundisii promontorium, medioque sinu Hadriatico ventis latus, quum læva inportuosa Italiæ litora, dextra Illyrii Liburnique et Istri, gentes feræ, et magna ex parte latrociniis maritimis infames, terrerent, penitus ad litora Venetorum pervenit: ibi expositis paucis, qui loca explorarent, quum audisset, tenue prætentum litus esse; quod transgressis stagna ab tergo sint, inrigua æstibus maritimis; ⁸ agros haud procul proximos campestres cerni; ulteriora colles; inde esse ostium fluminis præalti, quo circumagi naves in stationem tutam vidisse: (Meduacus amnis erat) eo invectam classem subire flumine adverso jussit. Gravissimas navium non pertulit alveus fluminis. in leviora navigia transgressa multitudo armatorum ad frequentes agros, tribus maritimis Patavinorum vicis colentibus eam oram, pervenit. Ibi egressi, levi præsidio navibus relicto, vicos expugnant, inflammant tecta, hominum pecudumque prædas agunt, et dulcedine prædandi longius usque a navibus procedunt. Hæc ubi Patavium sunt nunciata, (semper autem eos in armis adcolæ Galli habebant) in duas partes juventutem dividunt. altera in regionem, qua effusa populatio nunciabatur; altera, ne cui prædonum obvia fieret, ⁹ altero itinere ad stationem navium (¹⁰ millia autem quatuordecim ^a ab oppido aberat) ducta. In naves parvas, custodibus inter-

^a quindecim Gron. Crev.

⁶ *Cleonymo . . . Lacedæmonio*] Hic sine dubio est Cleonymus Cleomenis regis filius, Arei regis patruus, quem postea Pyrrhus in regnum revocare tentavit. Vid. Plut. in Agide et in Pyrrho, et Pausaniam in Att. et in Lacon. De ejus rebus gestis in Italia, hæc collegit Henr. Valesius. In prologo l. XV. Trogi Pompeii legitur: *Cleonymi deinde Spartani res gesta Corcyra, et in Illyrico, et in Italia.* Athenæus, l. XIII. c. 8. obsides puellas a Metapontinis cum exegisse auctor est. A Tarentinis autem in auxilium vocatus fuerat, ut testatur Strabo, l. VI. Sed rem totam urberius ex-

plicat Diodor. l. XX.

⁷ *Thurias . . . in Sallentinis*] *Thuria*, sive *Thuri* eadem urbs fuit, quæ prius *Sybaris*, postea a Romanis coloniam eo deducantibus *Copia* dicta est. Ceterum a Sallentinis Tarentino sinu dividitur.

⁸ *Agros haud procul*] Agros haud procul cerni, quorum proximi campestres essent et in planitiem porrecti, ulteriora colles esse.

⁹ *Altero itinere*] Mallet Gronovius *alio*.

¹⁰ *Millia . . . quindecim*] Quinque leucas.

U. C. 451. A. C. 301. emtis, impetus factus; territique nautæ coguntur naves in alteram ripam amnis transjicere. et in terra prosperum æque in palatos prædatores proelium fuerat: refugientibusque ad stationem Græcis Veneti obsistunt. Ita in medio circumventi hostes cæsique; pars capti classem indicant regemque Cleonymum tria millia abesse. Inde, captivis proximo vico in custodiam datis, pars fluviatiles naves, ad superanda vada stagnorum apte planis alveis fabricatas, pars captiva navigia armatis complent. profectique ad classem, immobiles naves, et loca ignota plus, quam hostem, timentes, circumvadunt: fugientesque in altum acrius, quam repugnantes, usque ad ostium amnis persecuti, captis quibusdam incensisque navibus hostium, quas trepidatio in vada intulerat, victores revertuntur. Cleonymus, vix quinta parte navium incolumi, nulla regione maris Hadriatici prospere adita, discessit. Rostra navium spoliaque Laconum, in sede Junonis veteri fixa, multi supersunt, qui viderunt. Patavii ¹¹ monumentum navalis pugnae eo die, quo pugnatum est, quotannis sollemni certamine navium in flumine oppidi medio exercetur.

III. Eodem anno Romæ cum Vestinis, petentibus amicitiam, ictum est foedus. Multiplex deinde exortus terror. Etruriam rebellare, ab Arretinorum seditionibus motu orto, nunciabatur: ubi Cilnium genus præpotens, divitiarum invidia pelli armis coeptum: simul ¹² Marsos agrum vi tueri, in quem colonia Carseoli deducta erat, quatuor millibus hominum scriptis. Itaque propter eos tumultus dictus M. Valerius M. Valerius Maximus dictator, magistrum equitum sibi legit M. Æmilium Paullum. id magis credo, quam Q. Fabium ea ætate atque eis honoribus Valerio subjectum. ¹³ ceterum ex Maximi cognomine ortum errorem haud abnuerim. Profectus dictator cum exercitu proelio uno Marsos fundit. compulsis deinde in urbes munitas, Miloniam, Plestinam, Fresiliam, intra dies paucos cepit: et parte agri multatis Marsis foedus restituit. Tum in Etruscos versum bellum. et, quum dictator auspicioꝝ repetendorum caussa profectus Romam esset, magister equitum, pabulatum egressus,

M. Valerius
dictator.

Etruscum
bellum.

¹¹ *Monimentum navalis pugnae . . . solenni certamine navium . . . exercetur*] Magis placeret solenne certamen, ut *monimentum* intelligatur per appositionem dictum. Nam nec recte dicitur *monimentum exerceri*: et quemadmodum hoc loco volumus, sic supra Livius, I. 13. *monumentum ejus pugnae . . . Curtium lacum appellarunt*.

¹² *Marsos agrum vi tueri, in quem colonia Carseoli deducta erat*] Vid. not.

^{2.} ad c. l. supra.

¹³ *Ceterum ex Maximi*] Hic magni errores implicant et nominum, et temporum: unde et aliqua apud Livium obscuritas. Vid. Sigon. in Fast. Capit. et Pighii Annales: qui ambo ex Fastorum fragmentis inserendum hic annum unum censent, quo dictatores sine consulibus fuerint 1^o. Q. Fabius Maximus, deinde M. Valerius Corvus.

ex insidiis circumvenitur; signisque aliquot amissis, foeda U. C. 461.
 militum cæde ac fuga in castra est compulsus. qui terror A. C. 301.
 non eo tantum a Fabio abhorret, quod si qua alia arte cognomen suum æquavit, tum maxime bellicis laudibus: sed etiam, quod, memor Papirianæ sævitiae, numquam, ut dictatoris injussu dimicaret, adduci potuisset.

IV. Nunciata ea clades Romam majorem, quam res erat, terrorem excivit. nam, ut exercitu deleta, ita justitium indictum; custodiæ in portis, vigiliæ vicatim exactæ; arma, tela in muros congesta. Omnibus junioribus sacramento adactis, dictator, ad exercitum missus, omnia spe tranquilliora et composita magistri equitum cura, castra in tutiorem locum redacta, cohortes, quæ signa amiserant, extra vallum sine tentoriis destitutas invenit; exercitum avidum pugnae, quo maturius ignominia aboleretur. Itaque confestim castra inde in agrum Rusellanum promovit. Eo et hostes secuti.¹⁴ et quamquam ex bene gesta re summam et in aperto certamine virium spem habebant; tamen insidiis quoque, quas feliciter experti erant, hostem tentant. Tecta semirutæ vici, per vastationem agrorum deusti, haud procul castris Romanorum aberant. Ibi abditis armatis, pecus in conspectu præsidii Romani, cui præerat Cn. Fulvius legatus, propulsam. ad quam inlecebram quum moveretur nemo ab Romana statione, pastorum unus, progressus sub ipsas munitiones, inclamat alios, cunctanter ab ruinis vici pecus propellentes, *quid cessarent, quum per media castra Romana tuto agere possent?* Hæc quum legato Cærites quidam interpretarentur, et per omnes manipulos militum indignatio ingens esset^b, nec tamen injussu¹⁵ movere auderent^c; jubet peritos linguæ adtendere animum, pastorum sermo agresti, an urbano, propior esset. Quum referrent, sonum linguæ, et corporum habitum, et nitorem, cultiora, quam pastoralia, esse; *ite igitur, dicite, inquit, detegant nequidquam conditas insidias: omnia scire Romanum: nec magis jam dolo capi, quam armis vinci, posse.* Hæc ubi audita sunt, et ad eos, qui considerant in insidiis, perlata, consurrectum repente ex latebris est, et in patentem ad conspectum undique campum prolata signa. Visa legato major acies, quam quæ ab suo præsidio sustineri posset. itaque propere ad dictatorem auxilia adciturum mittit; interea ipse inpetus hostium sustinet.

V. Nuncio adlato, dictator signa ferri, ac sequi armatos

^b militum ingens esset indignatio Gron. Crev. ^c se auderent Gron.

¹⁴ Et quamquam] Particulam et insertam a Sigonio ignorant quinque nostri codices: nec sane illa quidquam opus est. Eo et hostes secuti, quamquam...

¹⁵ Movere auderent] Vulgati habent movere se. Sed prænomen se omittunt omnes nostri scripti, et sex Gronovio inspecti. Simile exemplum vide supra VII. 14.

U. C. 461. jubet. sed celeriora prope omnia imperio erant. Rapta
A. C. 301. extemplo signa armaque; et vix ab inpetu et cursu tene-
bantur. quum ira ab accepta nuper clade stimulabat, tum
concitator accidens clamor ab increcente certamine. Ur-
guent itaque alii alios, hortanturque signiferos, ut ocius eant.
quo magis festinantes videt dictator, eo inpensius retentat
agmen, ac sensim incedere jubet. Etrusci contra, ¹⁶ prin-
cipio exciti pugnae, omnibus copiis aderant. Et super alios
alii nunciant dictatori, omnes legiones Etruscorum capes-
sisse pugnam; nec jam ab suis resisti posse: et ipse cernit
ex superiore loco, in quanto discrimine praesidium esset.
Ceterum, satis fretus esse etiam nunc tolerando certamini
legatum, nec se procul abesse periculi vindicem, quam
maxime vult fatigari hostem, ut integris adoriatur viribus
fessos. Quamquam lente procedunt, jam tamen ad inpe-
tum capiendum, equiti utique, modicum erat spatium. pri-
ma incedebant signa legionum, ne quid occultum aut repen-
tinum hostis timeret: sed reliquerat intervalla inter ordines
peditum, qua satis laxo spatio equi permitti possent. ¹⁷ Pa-
riter sustulit clamorem acies; et emissus eques libero cursu
in hostem invehitur, ¹⁸ incompositisque adversus equestrem
procellam subitum pavorem obfundit. Itaque, ut prope
serum auxilium jam pene circumventis, ita universa requies
data est. integri accipere pugnam: nec ea ipsa longa, aut
anceps fuit. Fusi hostes castra repetunt, inferentibusque
jam signa Romanis cedunt, et in ultimam castrorum par-
tem conglobantur. Haerent fugientes in angustiis porta-
rum: pars magna aggerem vallumque conscendunt, si aut
ex superiore loco tueri se, aut superare aliqua et evadere
possent. Ferte quodam loco male densatus agger pondere
¹⁹ superstantium ^d in fossam procubuit: atque ea quum
Deos pandere viam fugae conclamassent, plures inermes,
quam armati, evadunt. Hoc proelio fractae iterum Etrus-
corum vires: et, pacto annuo stipendio, et duum mensium
frumento, permissum ab dictatore, ut de pace legatos mit-
terent Romam. Pax negata: induciae biennii datae. dicta-
tor triumphans in urbem rediit. Habeo auctores, sine ullo
memorabili proelio pacatam ab dictatore Etruriam esse, se-
ditionibus tantum Arretinorum compositis, et Cilnio genere

^d *superstantium* Gron.

16 * *Principio exciti pugnae*] Prin-
cipio statim pugnae a suis insidiatori-
bus commissae exciti e castris.

17 *Pariter*] Uno eodemque tem-
pore.

18 * *Incompositis . . adversus*] Quum
incompositi essent praeparati ardore pug-
nandi, atque adeo imparati ad exci-

piendum equitatus effuso cursu inva-
denti impetum.

19 *Superstantium*] Haec est scrip-
tura nostrorum omnium codicum, ut
et Sigoniani. Vulgo *superstantium*:
quod fortasse mendum est operarum
per multas deinceps editiones, ut fit,
propagatum.

cum plebe in gratiam reducto. Consul ex dictatura factus M. Valerius. non petentem, atque adeo etiam absentem, creatum ²⁰ credidere quidam; et per interregem ea comitia facta. id unum non ambigitur, consulatum cum Appuleio Pansa gessisse.

VI. M. Valerio et Q. Appuleio consulibus, satis pacatæ U. C. 452. foris res fuere. Etruscum ²¹ adversa^a belli res et induciæ A. C. 800. quietum tenebant: Samnitum, multorum annorum cladibus M. Valerio domitum, hauddum foederis novi poenitebat. Romæ quo- V. Q. Appuleio Coss. que plebem quietam et exoneratam deducta in colonias multitudo præstabat. tamen, ne undique tranquillæ res essent, certamen injectum inter primores civitatis. patricios Certamen plebeiosque, ab tribunis plebis Q. et Cn. Ogulniis, qui, inter patricios et plebeios, de sacerdotiis, undique criminandorum Patrum apud plebem occasionibus quæsitis, postquam alia frustra tentata erant, eam actionem susceperunt, qua non infimam plebem accenderent, sed ipsa capita plebis, consulares triumphalesque plebeios: quorum honoribus nihil, præter sacerdotia, quæ nondum promiscua erant, deesset. Rogationem ergo promulgarunt, ut, quum quatuor augures, quatuor pontifices ea tempestate essent, placeretque augeri sacerdotum numerum, quatuor pontifices, quinque augures, de plebe omnes, adlegerentur. Quemadmodum ad quatuor augurum numerum, nisi morte duorum, id redigi collegium potuerit, non invenio; quum inter augures constet, ²² inparem numerum debere esse, ut tres antiquæ tribus, Ramnes, Titienses, Luceres, suum quæque augurem habeant; aut, si pluribus sit opus, pari inter se numero sacerdotes multiplicent: sicut multiplicati sunt, quum ad quatuor quinque adjecti novem numerum, ut terni in singulas essent, expleverunt. Ceterum, quia de plebe adlegebantur, juxta eam rem ægre passi Patres, quam quum consulatum vulgari viderent. Simulabant ad Deos id magis, quam ad se, pertinere: ipsos visuros, ne sacra sua pol-

^a *adversæ* Gron. Crev.

²⁰ *Credidere quidam*] Magis placeret tradidere: et eo ducit unus e nostris libris, in quo legitur *tra credidere*. Nimirum librarius dum dubitat utrum apponere deberet, utriusque verbi primam syllabam expressit, ut eligeret peritus lector.

²¹ *Adversæ belli res*] Testatur Gronovius scriptos plerosque, et antiquius editos omnes habere *adversæ*. Consentunt quinque e nostris MSS. Atque quum in eodem versu paulo ante jam reperitur vocabulum *res*, illud hic temere additum esse suspicatur idem Gronovius, Liviumque dedisse hoc loco *adversæ belli*, ut alibi *incerta*

belli, subita belli.

²² *Imparem numerum*] Nempe ternarium, vel e ternario factum. Hæc enim est Livii mens, non sat accurate fortasse ab auctore explicata. Constat tres esse primo debere augures, ut suum quæque tres antiquæ tribus augurem habeant: si pluribus sit opus, sacerdotum, i. e. augurum numerum ita debere ampliari, ut par sit augurum numerus in nnaquaque antiquarum illarum tribuum. Unde colligitur illud collegium ad numerum *quatuor* redigi non potuisse nisi morte duorum.

U. C. 452. **laentur, id se optare tantum, ne qua in rempublicam clades**
 A. C. 300. **veniat. Minus autem tetendere, adeuerti jam tali genere**
certaminum vinci. et cernebant, adversarios non id, quod
olim vix speraverint, adfectantes magnos honores, sed om-
nia jam, in quorum spem dubiam erat certatum, tamen
adeptos, multiplices consulatus, censurasque et triumphos.

VII. Certatum tamen suadenda dissuadendaque lege in-
 ter Ap. Claudium maxime ferunt, et inter P. Decium Mu-
 rem, qui quum eadem ferme de jure Patrum ac plebis, quæ
 pro lege Licinia quondam contraque eam dicta erant, quum
 plebeis consulatus rogabatur, disseruissent; ²³ retulisse di-
 citur Decius parentis sui speciem, qualem eum multi, qui in
 concione erant, viderant, incinctum Gabiso cultu, super te-
 lum stantem, quo se habitu pro populo ac legionibus Ro-

Decii oratio
 de sacerdo-
 tiis cum
 plebe com-
 munican-
 dia.

manis^f devovisset. *tum P. Decium consulem purum piunique*
Deis immortalibus visum, æque ac si T. Manlius collega ejus
deuoveretur. eundem P. Decium, qui sacra publica populi
Romani faceret, legi rite non potuisse? id esse periculum, ne
suas preces minus audirent Dii, quam Ap. Claudii? castius
eum sacra privata facere, et religiosius Deos colere, quam se?
²⁴ *quem poenitere votorum, quæ pro republica nuncupaverint tot*
consules plebei, tot dictatores, aut ad exercitus euntes, aut inter
ipsa bella? Numerarentur duces eorum annorum, quibus ple-
beiorum ductu et auspicio res geri cæptæ sunt: numerarentur
triumphi. ²⁵ *jam ne nobilitatis quidem suæ plebeios poenitere.*
pro certo habere, si quod repens bellum oriatur, non plus spei
fore senatui populoque Romano in patriciis, quam in plebeis
ducibus. Quod quum ita se habeat, cui Deorum hominumque
indignum videri potest, inquit, eos viros, quos vos sellis curuli-
bus, toga prætexta, ²⁶ tunica palmata, et ²⁷ toga picta, et ²⁸ co-

^f Romanis abest Gron. Crev,

²³ *Retulisse . . . parentis sui spe-*
ciem] Revocasse et vi orationis præ-
 sentem quodammodo ob oculos stitisse
 imaginem parentis sui.

²⁴ *Quem poenitere votorum]* Ideo
 nampe neminem poenituit illorum
 votorum, quia apparuit ex prospero
 bellorum eventu vota accepta diis
 fuisse.

²⁵ *Jam ne nobilitatis quidem suæ*
plebeios poenitere] Nobilitas apud Ro-
 manos ducebatur ab majorum honori-
 bus. Itaque ii plebei quorum patres
 consulatum, aut præturam, aut cen-
 suram, aut diotaturam gesserant, no-
 biles erant.

²⁶ *Tunica palmata]* Tunica intex-
 tis palmis ornata. Eam triumphantes
 gestabant.

²⁷ *Toga picta]* Toga purpurea,
 quæ diversarum rerum figuras acu-
 pictas haberet. Eam primo purpu-
 ream vocitatum, ac fuisse sine pictura
 tradit Festus in voce *Picta*. Et sane
togam pictam et togam purpuream
 promiscue usurpasse Livius videri
 potest, si quis contulerit c. 15. l.
 XXX. cum c. 11. l. XXXI. Toga pic-
 ta erat et ipsa triumphantium insig-
 ne. De toga picta fuse disserit Ald.
 Manut. in *Quæstis per Ep. De toga*.

²⁸ *Corona triumphali]* Quam anti-
 quitus e lauro fuisse, postea ex auro
 fieri coeptam scribit Gell. l. V. c. 6.
 Dionys. Hal. l. III. ad tempora usque
 Tarquinii Prisci refert originem coro-
 narum aurearum a regibus primum,
 deinde a triumphantibus gestatarum.

rona triumphali laureaue honoreritis, ²⁹ quorum domos spo- U. C. 452.
 liis hostium affixis insignes inter alias feceritis, pontificalia A. C. 300.
 atque auguralia insignia adjicere? qui, ³⁰ Jovis optimi maximi
 ornatu decoratus, curru aurato per urbem vectus in Capitolium
 adscenderit, si conspiciatur cum ³¹ capide ac ³² lituo, capite ve-
 lato victimam cædat, auguriumve ex arce capiat? Cujus ima-
 ginis titulo consulatus, censuraque, et triumphus, æquo animo
 legetur; si auguratum aut pontificatum adjeceritis, non susti-
 nebunt legentium oculi? Equidem (pace dixerim Deum) eos
 nos jam populi Romani beneficio esse spero, qui sacerdotiis non
 minus reddamus dignatione nostra honoris, quam acceperimus;
 et Deorum magis, quam nostra causa expetamus, ut, quos pri-
 vatim colimus, publice colamus.

VIII. Quid autem ego sic adhuc egi, tamquam integra sit
 causa patriciorum de sacerdotiis, et non jam in possessione
 unius amplissimi simul sacerdotii? Decemviros sacris faci-
 undis, carminum Sibyllæ ac fatorum populi hujus interpretes,
 antistites eosdem ³³ Apollinaris sacri ceremoniarumque alia-
 rum, plebeios videmus. Nec tum patriciis ulla injuria facta
 est, quam dumviris sacris faciundis adjectus est propter ple-
 beios numerus: et nunc tribumus, vir fortis ac strenuus, quinque
 augurum loca, quatuor pontificum adjecit, in quæ plebei nomi-
 nentur; non ut vos, Appi, vestro loco pellant, sed ut adjuvent
 vos homines plebei divinis quoque rebus procurandis, sicut in
 ceteris humanis pro parte virili adjuvant. Noli erubescere,
 Appi, collegam in sacerdotio habere, quem in censura, quem in
 consulatu collegam habere potuisti: cujus tam dictatoris magis-
 ter equitum, quam magistri equitum dictator esse potes. Sabi-
 num advenam, principem nobilitatis vestræ, seu Attum Clau-
 sum, seu Ap. Claudium mavultis, illi antiqui patricii in suum
 numerum acceperunt. Ne fastidieris nos in sacerdotum nume-
 rum accipere, multa nobiscum decora adferimus; immo omnia
 eadem, quæ vos superbos fecerunt. L. Sextius primus de plebe

²⁹ Quorum domos spoliis hostium
 affixis insignes . . . feceritis] Mos fuit
 Romanis, ut spolia hostium devicto-
 rum in postibus domorum suarum
 figerent. Vid. infra l. XXIII. c. 23.
 et XXXVIII. 43. Atque ea nec
 emptori refigere licuisse docet Plinius,
 l. XXXV. c. 2.

³⁰ Jovis Optimi Maximi ornatu]
 Corona aurea, sceptro regio, quibus
 triumphantes, quemadmodum ipse
 Jupiter, decorabantur. Quin etiam
 faciem triumphantibus minio illini
 olim solitam, quemadmodum Jovi et
 quibusdam aliis diis, Plinius memo-
 rat, l. XXXIII. c. 7.

³¹ Capide] Capis proculi genus, a
 capiendo. FESTUS.

³² Lituo] Lituus fuit baculus sine
 nodo aduncus, ipso interpretante Li-
 vio, supra l. 13.

³³ Apollinaris sacri] His verbis
 designatur procul dubio peculiare sa-
 crum, quod in honorem Apollinis per
 decemviros sacrorum perageretur.
 Quonam ritu, quo tempore anni, qua
 de causa illud celebraretur, non repe-
 rimus. Neque enim hic aut seculares
 ludi intelligi possunt, qui clarius a
 Livio et insignitius indicarentur, aut
 ludi Apollinares, qui nondum instituti
 erant.

U. C. 452. *consul est factus. C. Licinius Stolo primus magister equitum,*
 A. C. 300. *C. Marcius Rutilus primus et dictator et censor, Q. Publilius Philo primus prætor. Semper ista audita sunt eadem, penes vos auspicia esse,*³⁴ *vos solos gentem habere, vos solos justum imperium et auspiciū domi militiæque. Æque adhuc prosperum plebeium ac patricium fuit, porroque erit.*³⁵ *En umquam fando audistis, patricos primo esse factos, non de cælo demissos, sed qui patrem ciere possent, id est, nihil ultra quam ingenuos? Consulem jam patrem ciere possum, avumque jam poterit filius meus.*³⁶ *Nihil est aliud in re, Quirites, nisi ut omnia negata adipiscamur. certamen tantum patricii petunt, nec curant, quem eventum certaminum habeant. Ego hanc legem, quod bonum, faustum, felixque sit vobis ac reipublicæ,*³⁷ *uti rogas, jubendam censeo.*

Pontifices
et augures
plebei.

Lex de pro-
vocatione
tertio lata.

IX. Vocare tribus extemplo populus jubebat, adparebatque accipi legem: ille tamen dies est intercessione sublatus. postero die, deterritis tribunis, ingenti consensu accepta est. Pontifices creantur suasor legis P. Decius Mus, P. Sempronius Sophus, C. Marcius Rutilus, M. Livius Denter. Quinque augures item de plebe, C. Genucius, P. Ælius Pætus, M. Minucius Fessus, C. Marcius, T. Publilius. Ita octo pontificum, novem augurum numerus factus. Eodem anno M. Valerius consul de provocatione legem tulit, diligentius sanctam. tertio ea tum post reges exactos lata est,³⁸ semper a familia eadem. Causam renovandæ sæpius haud aliam fuisse reor, quam quod plus paucorum opes, quam libertas plebis, poterant. Porcia tamen lex sola pro tergo civium lata videtur: quod gravi poena, si quis verberasset necassetve civem Romanum, sanxit. Valeria lex, quum eum, qui provocasset, virgis cædi, securique necari vetuisset, si quis adversus ea fecisset, nihil ultra, quam inprobe factum, adjecit. Id (qui tum pudor hominum erat) visum, credo, vinculum satis validum legis.³⁹ nunc vix serio ita minetur quisquam. Bellum ab eodem consule haudquaquam memorabile adversus rebellantes Æquos, quum præter animos feroces nihil ex antiqua fortuna haberent, gestum est. Alter consul Appuleius in Umbria Nequinum oppidum circumscdit. locus erat arduus, atque in

³⁴ *Vos solos gentem habere*] Vid. not. 2. ad c. 1. l. IV.

³⁵ * *En umquam*] Nunquamne? ut supra IX. 10.

³⁶ *Nihil est aliud in re*] Hoc unum agitur a patriciis, hoc unum volunt patricii, ut nihil adipiscamur, nisi negatum, nisi postquam ab ipsis negatum fuerit.

³⁷ *Uti rogas*] Vid. not. 52. ad VI. 38.

supra.

³⁸ *Semper a familia eadem*] Primo a Publicola, supra II. 8. Secundo, a Valerio Potito, III. 55.

³⁹ *Nunc vix serio*] Olim vix serio. Feliciter emendavit Pithæus. Quod tunc in sancienda maximi momenti lege satis grave visum est, id hodie in privatis rebus, in domestica disciplina, vix serio minetur quisquam.

parte una præceps, ubi nunc Narnia sita est. nec vi, nec munimento capi poterat. Itaque eam infectam rem Fulvius Pætinus, T. Manlius Torquatus, novi consules, acceperunt. In eum annum quum Q. Fabium consulem non petentem omnes dicerent centuriæ, ipsum auctorem fuisse Macer Licinius ac Tubero tradunt differendi sibi consulatus in bellicosiore annum: eo anno majori se usui reipublicæ fore, urbano gesto magistratu. ita nec dissimulantem, quid mallet, nec petentem tamen, ædilem curulem cum L. Papi-
rio Cursore factum. Id ne pro certo ponerem, vetustior annalium auctor Piso effecit; qui eo anno ædiles curules fuisse tradit ⁴⁰ C. Domitium Cn. F. Calvinum et Sp. Carvili-
um Q. F. Maximum. Id credo cognomen errorem in ædilibus fecisse: secutamque fabulam mixtam ex ædiliciis et consularibus comitiis, convenientem errori. Et lustrum eo anno conditum a P. Sempronio Sopho et P. Sulpicio Saverione censoribus: ⁴¹ tribusque additæ duæ, ⁴² Aniensis ac ⁴³ Terentina. Hæc Romæ gesta.

U. C. 453.
M. A. C. 299.
M. Fulvio,
T. Manlio
Coss.
Tribus no-
væ.

X. Ceterum ad Nequinum oppidum quum segni obsidione tempus tereretur, duo ex oppidanis, quorum erant ædificia juncta muro, specu facto ad stationes Romanas itinere occulto perveniunt: inde ad consulem deducti, præsidium armatum se intra mœnia et muros accepturos confirmant. Nec adspernanda res visa, neque incaute credenda. cum alter eorum (nam alter obses retentus) duo exploratores per cuniculum missi: per quos satis comperta re, trecenti armati, transfuga duce in urbem ingressi, nocte portam, quæ proxima erat, cepere. qua refracta, consul exercitusque Romanus sine certamine urbem invasere. Ita Nequinum in ditionem populi Romani venit. Colonia eo adversus Umbros missa, ⁴⁴ a flumine Narnia adpellata: exercitus cum magna præda Romam reductus. Eodem anno ab Etruscis adversus inducias paratum bellum. ⁴⁵ sed eos alia molientes Gallorum ingens exercitus, fines ingressus, paullisper a proposito avertit. Pecunia deinde, qua multum poterant, freti, socios ex hostibus facere Gallos conantur, ut eo adjuncto exercitu cum Romanis bellarent. De societate haud abnuunt barbari: de mercede agitur. qua pacta acceptaque, quum parata cetera ad bellum essent, sequique Etruscus juberet, infi-

Etrusci
bellum ad-
versus Ro-
manos mo-
liuntur.

⁴⁰ C. Domitium] Hoc prænomen vix reperias in hac gente. Libri discrepant. Lege vel L. vel Cn. Domitium.

⁴¹ Tribusque additæ duæ] Tunc tres et triginta tribus factæ. Vid. IX. 20.

⁴² Aniensis] Fortasse ab Anienæ amne.

⁴³ Terentina] Fortasse a Terento, qui locus erat in campo Martio.

⁴⁴ A flumine Narnia appellata] Fluminis nomen, Nar.

⁴⁵ Sed eos alia molientes] Etruscos nihil de Gallis cogitantes, sed alia molientes, nempe Romanum bellum, Galli invadunt. Fortasse malis cum Glareano legere *Italia molientes*.

U. C. 453. *ciās eūnt, mercedem se belli Romanis inferendi pāstos. quā-*
 A. C. 299. *quid acceperint, accepisse; ne agrum Etruscum vastarent, ar-*
misque lacēsserent cultores. Militaturos tamen se, si utique
Etrusci velint; sed nulla alia mercede, quam ut in partem agri
accipiantur, tandemque aliqua sede certa consistent. Multa de
eo consilia populorum Etruriæ habita. nec perfici quidquam
potuit; non tam quia iumentum agrum, quam quia adcolas
sibi quisque adungere tam effratae gentis homines horre-
bat. ita dimissi Galli pecuniam ingentem sine labore ac
periculo partam retulerunt. Romæ terrorem præbuit fama
Gallici tumultus ad bellum Etruscum adjecti: eo minus
cunctanter fœdus ictum cum Picenti populo est.

T. Manlii
Cos. mors.

M. Valerius
subfectus.

Samnites
rebellant.

XI. T. Manlio consuli Etruria provincia sorte evenit; qui, vixdum ingressus hostium fines, quum exerceretur inter equites, ab rapido cursu circumagendo equo effusus, extemplo prope expiravit. tertius ab eo casu dies finis vitæ consuli fuit. Quo velut omine belli accepto, Deos pro se commisisse bellum memorantes Etrusci sustulere animos. Romæ, tum desiderio viri, tum incommoditate temporis, tristis nuncius fuit: ⁴⁶ ut Patres ab jubendo dictatore consulis subrogandi comitia, ex sententia principum habita, deterruerint. ⁴⁷ M. Valerium consulem omnes sententiæ centuriæque dixere, quem senatus dictatorem dici jussurus fuerat. tum extemplo in Etruriam ad legiones proficisci jussit. Adventus ejus compressit Etruscos, adeo ut nemo extra munimenta egredi auderet, timorque ipsorum obsidioni similis esset. neque illos novus consul vastandis agris urendisque tectis, quum passim non villæ solum, sed frequentes quoque vici, incendiis fumarent, elicere ad certamen potuit. Quum hoc segnius bellum opinione esset, alterius belli, quod multis in vicem cladibus haud inmerito terribile erat, fama Picentium, novorum sociorum, indicio exorta est: *Samnites arma et rebellionem spectare, seque ab*
illis sollicitatos esse. Picentibus gratiæ actæ, ⁴⁸ et magna pars
cursus Patribus ab Etruria in Samnites versa est. Caritas
etiam annonæ sollicitam civitatem habuit: ventumque ad
inopiæ ultimum foret, ut scripsere, quibus ædilem fuisse eo
anno Fabium Maximum placet, nî ejus viri cura, qualis in
bellicis rebus multis tempestatibus fuerat, talis domi tum in
annonæ dispensatione, præparando ac convehendo frumento,

⁴⁶ *Ut Patres ab jubendo]* Ut nihil aliud Patres deterruerit ab jubendo dictatore, quam quod comitia consulis subrogandi ex sententia principum sunt habita: quod comitis electus est is consul quem principes volebant.

⁴⁷ *M. Valerium consulem]* Hic sextus est M. Valerii Corvi consulatus. Vid. Pigh. Annales.

⁴⁸ *Et magna pars cura]* Et Patres huc usque de sola Etruria solliciti, coacti sunt magnam partem curæ vertere in Samniticum bellum.

fuiſſet. Eo anno (nec traditur caſſa) interregnum initum. interreges fuere Ap. Claudius, dein P. Sulpicius. Is comitia conſularia habuit. creavit L. Cornelium Scipionem, Cn. U. C. 454. Fulvium conſules. Principio hujus anni oratores Lucano- A. C. 298. rum ad novos conſules venerunt, queſtum, quia conditioni- L. Cornelia, bus perlicere ſe nequiverint ad ſocietatem armorum, Samnites Cn. Fulvio Coſſ. infeſto exercitu ingreſſos fines ſuos vaſtare, belloque ad bellum cogere. Lucano populo ſatis ſuperque erratum quondam : nunc ita obſtinatos animos eſſe, ut omnia ferre ac pati tolerabilius ducant, quam ut unquam poſtea ⁴⁹ nomen Romanum violent. Orare Patres, ut et Lucanos in fidem uccipiant, et vim atque injuriam ab ſe Samnitium arceant. Se, quamquam, bello cum Samnitibus ſuſcepto, neceſſaria jam facta adverſus Romanos fides ſit, tamen obſides dare paratos eſſe.

XII. Brevis conſultatio ſenatus fuit. ad unum omnes jungendum foedus cum Lucanis, reſque repetendas ab Samni- Foedus cum tibus, cenſent. Benigne reſponſum Lucanis, ictumque foe- Lucania. dus. Feciales miſſi, qui Samnitum decedere agro ſociorum, ac deducere exercitum finibus Lucanis juberent. quibus obviam miſſi ab Samnitibus, qui denunciarent, Si quod adiaſent in Samnio concilium, haud inviolatos abituros. Haec poſtquam audita ſunt Romae, bellum Samnitibus et Patres cenſuerunt, et populus juſſit. Conſules inter ſe provincias partiti ſunt. Scipioni Etruria, Fulvio Samnites obvenerunt; diverſique, ad ſuum quiſque bellum, proficiſcuntur. Scipioni, ſegne bellum et ſimile prioris anni militiae exſpectanti, hoſtes ad Volaterras inſtructo agmine obcurrerunt. Pug- Pugna cum natum majore parte diei, magna utrimque caede. nox incoer- Etruria. tis, qua data victoria eſſet, intervenit: lux inſequens victorem victumque oſtendit. Nam Etrusci ſilentio noctis caſtra reliquerunt. Romanus, egreſſus in aciem, ubi profec- tione hoſtium conceſſam victoriam videt, progressus ad caſtra, vacuis cum plurima praeda (nam et ſtativa trepide deſerta fuerant) potitur. inde in Falicum agrum copiis reduc- tis, quum impedimenta Faleriis cum modico praesidio reli- quiſſet, expedito agmine ad depopulandos hoſtium fines incedit. Omnia ferro ignique vaſtantur; praedae undique actae: nec ſolum modo vaſtum hoſti relictum, ſed caſtellis etiam vicisque inlatus ignis: urbibus obpugnandis temperatum, in quas timor Etruscoſ compulerat. Cn. Fulvii conſulis clara pugna in Samnio ad Bovianum haudquaquam ambi- Samnites guae victoriae fuit. Bovianum inde adgreſſus, nec ita mul- victi. to poſt Aufidenam vi cepit.

⁴⁹ * *Nomen Romanum violent*] De peccare in id quod ſacrum et ſanctum nomine Romano loquuntur, tanquam eſt, puta deos, patriam, parentes, fas ſacro et religioso. *Violare* enim eſt fidemque &c.

U. C. 454.
A. C. 298.

Q. Fabius
invitus con-
sul creatur.

XIII. Eodem anno ⁵⁰ Carseolos colonia in agrum Æquicorum deducta. Fulvius consul de Samnitibus triumphavit. Quum comitia consularia instarent, fama exorta, Etruscos Samnitesque ingentes conscribere exercitus; palam omnibus conciliis vexari principes Etruscorum, quod non Gallos quacumque conditione traxerint ad bellum: increpari magistratus Samnitium, quod ⁵¹ exercitum, adversus Lucanum hostem comparatum, objecerint Romanis: itaque suis sociorumque viribus consurgere hostes ad bellum, et haudquaquam pari defungendum esse certamine. Hic terror, quum illustres viri consulatum peterent, omnes in Q. Fabium Maximum, primo non petentem, deinde, ut inclinata studia vidit, etiam recusantem convertit. *Quid se jam senem, ac perfunctum laboribus laborumque præmiis, sollicitarent? Nec corporis, nec animi vigorem remanere eundem: et fortunam ipsam vereri, ne cui Deorum nimia jam in se, et constantior, quam velint humanæ res, videatur. Et se gloriæ seniorum subcrevisse, et ad suam gloriam consurgentes alios lætum adspicere. nec honores magnos fortissimis viris Romæ, nec honoribus deesse fortes viros.* Acuebat hac moderatione tam justa studia; quæ verecundia legum restringenda ratus, ⁵² legem recitari jussit, qua intra decem annos eundem consulem refici non liceret. Vix præ strepitu audita lex est: tribunique plebis, *nihil id impedimenti futurum*, aiebant: *se ad populum laturos, uti legibus solveretur.* Et ille quidem in recusando perstabat, *quid ergo adtineret leges ferri*, rogitans, *quibus*. ⁵³ *per eosdem, qui tulissent, fraus fieret? Jam regi leges, non regere.* Populus nihilominus suffragia inibat: et, ut quæque ⁵⁴ intro vocata erat centuria, consulem haud du-

⁵⁰ * Carseolos . . . in agrum Æquicolarum] Vid. not. 2. ad c. 1. hujus libri: et observa insuper ex c. 3. hanc coloniam nunc potius suppleri, quam deduci.

⁵¹ Exercitum adversus Lucanum] Omnes nostri MSS. quemadmodum et Gronoviani, carent *rp̄* adversus. Antiquissimus regiorum habet *exercitui Lucanum*: quod idem quum reperiret in aliquot e suis Gronovius, non incommode legi posse putabat *exercitum in Lucanum*.

⁵² Legem . . . qua intra decem annos] Hanc legem reperies c. 42. l. VII. Ejus hæc vis esse debuit, ut solidum decennium inter geminum ejusdem hominis consulatum effluxisse juberetur. Alioquin ea non teneretur Fabius, qui consul ultimum fuit anno 445. et nunc creatur in annum 455. Ceterum ea lex parum diligenter his temporibus servabatur, et aliquoties quum

in aliis, tum in ipso Fabio neglecta fuerat. Sed et doctissimi viri, Sigonius, Pighius, Dodwellus, annum unum per duas ordine dictaturas transactum, etsi non ex Livii mente, at fortasse ex rei veritate inserendum censuere inter eos annos quos 451. et 452. numeravimus: qui annus insititius efficit ut toti decem anni ab ultimo Fabii consulatu jam elapsi sint. Inde judicat idem Dodwellus, Diss. X. de Cyclis Rom. sect. 68. quæ de decennali lege disseruisse memoratur ad populum Fabius, ea Livium in alienum locum transtulisse; et si quid ea in re veri sit, id potius locum habuisse quum in annum 453. consulem eum non petentem populus creare vellet, supra c. 9.

⁵³ Per eosdem qui tulissent] Nempe tribunos plebis.

⁵⁴ Intro vocata] In ovile. Vid. not. 45. ad c. 11. l. III.

bie Fabium dicebat. Tum demum consensu civitatis victus, U. C. 454. *Dii adprobent, inquit, quod agitis, acturique estis, Quirites.* A. C. 298. *Ceterum, quoniam in me, quod vos vultis, facturi estis, in collega sit meæ apud vos gratiæ locus. P. Decium, expertum mihi concordi collegio virum, dignum vobis, dignum parente suo, quaeso, mecum consulem faciatis.* Justa suffragatio visa. omnes, quæ supererant, centuriæ Q. Fabium, P. Decium consules dixere. Eo anno plerisque dies dicta ab ædilibus, quia plus, quam quod lege finitum erat, agri possiderent. nec quisquam ferme est purgatus: ⁵⁵vinculumque ingens immodicæ cupiditatis injectum est.

XIV. Consules novi, Q. Fabius Maximus quartum et U. C. 455. P. Decius Mus tertium, quum inter se agitarent, uti⁵ alter A. C. 297. Samnites hostes, alter Etruscos deligeret; quantæque in Q. Fabio hanc aut in illam provinciam copiæ satis, et uter ad utrum IV. P. Decio III. bellum dux idoneus magis esset; ab Sutrio et Nepete et Coss. Faleriis legati, ⁵⁶auctores, concilia Etruriæ populorum de petenda pace haberi, totam belli molem in Samnium averterunt. Profecti consules, quo expeditiores commeatus essent, et incertior hostis, qua venturum bellum foret, Fabius Ambo Coss. in Samnium legiones ducunt. per Soranum, Decius per Sidicinum agrum, in Samnium legiones ducunt. Ubi in hostium fines ventum est, uterque populabundus effuso agmine incedit. explorant tamen latius, quam populantur. Igitur non fefellere ad Tifernum hostes in occulta valle instructi, quam ingressos Romanos superiore ex loco adoriri parabant. Fabius, impedimentis in locum tutum remotis, præsidioque modico inposito, præmonitis militibus adesse certamen, quadrato agmine ad prædictas hostium latebras subcedit. Samnites, desperato improviso tumultu, quando in apertum semel discrimen evasura esset res, et ipsi acie justa maluerunt concurrere. itaque et in æquum descendunt, ac fortunæ se, majore animo, quam spe, committunt. Ceterum, sive quia Proelium ex omnium Samnitium populis, quodcumque roboris fuerat, contraxerant, seu quia discrimen summæ rerum augebat animos, aliquantum aperta quoque pugna præbuerunt terroris. Fabius, ubi nulla ex parte hostem loco moveri vidit⁵⁷, ⁵⁷M. Fulvium¹ et M. Valerium, tribunos mi-

⁵ ut Gron. Crev.

⁵⁶ videt Eæd.

¹ Maximum filium Crev.

⁵⁵ Vinculumque ingens immodicæ cupiditatis injectum est] Possis supplere possessoribus agrorum. Sed magis placeret legere cupiditati.

⁵⁶ Auctores] Quum nunciassent, edocuisent.

⁵⁷ Maximum filium] Aliquot codices, tum Gronoviani, tum nostri, et

Campani editio, hanc lectionem exhibent. Eandem firmat ipse Livius, a quo mox consul memoratur hos juvenes, *pari comitate utrumque*, laudibus et promissis onerasse. Nimirum, quamvis alter ex his filius esset, nihil tamen ei præcipuum tribuit consul, sed parem in utrumque benignitatem

U. C. 455. litum, cetera quibus ad primam aciem procurrerat, ite ad
 A. C. 297. equites jubet, et adhortari, ut, si quando unquam equestri
*ope adjutam rempublicam meminerint, illo die adnitantur, ut
 ordinis ejus gloriam invictam praestent. Peditum certamine
 immobilem hostem restare; omnem reliquam spem in inpetu esse
 equitum.* et ipsos nominatim juvenes, ⁵⁸ pari comitate utrum-
 que, nunc laudibus, nunc promissis onerat. Ceterum,
⁵⁹ quando ne ea quoque tentata vis proficeret, consilio gras-
 sandum, si nihil vires juvarent, ratus, Scipionem legatum
 hastatos primae legionis subtrahere ex acie, et ad montes
 proximos, quam posset occultissime, circumducere jubet:
 inde adscensu abdito a conspectu erigere in montes agmen,
 aversoque hosti ab tergo repente se ostendere. Equites,
 ducibus tribunis, haud multo plus hostibus, quam suis, ex
 improviso ante signa eVecti, praebuerunt tumultus. Adver-
 sus incitatas turmas stetit inmota Samnitium acies, nec parte
 ulla pelli aut perrumpi potuit. Et, postquam irritum incep-
 tum erat, recepti post signa proelio excesserunt. Crevit ex
 eo hostium animus; nec sustinere frons prima tam longum
 certamen increscentemque fiducia sui vim potuisset, ni
 secunda acies jussu consulis in primum subcessisset. Ibi
 integrae vires sistunt invehentem se jam Samnitem: et
⁶⁰ tempore improvisa ex montibus signa clamorque sublatus
⁶¹ non vero tantum metu terruere Samnitium animos, nam
 et Fabius Decium collegam adpropinquare exclamavit, et
 pro se quisque miles, *adesse alterum consulem, adesse legiones,*
 gaudio alacres fremunt; errorque utilis Romanis oblatus
 fugae formidinisque Samnites inplevit, maxime territos, ne
 ab altero exercitu integro intactoque fessi obprimerentur:
 et, quia passim in fugam dissipati sunt, minor caedes, quam
 pro tanta victoria, fuit. tria millia et quadringenti caesi:
 capti trecenti ^k ferme et triginta: signa militaria capta tria
 et viginti.

Vincunt
Romani.

XV. Samnitibus Apuli se ante proelium conjunxissent, ni

^k ad trecentos Gron. Crev.

ostendit. Ideo nobis vulgata lectio, *M. Fulvium*, minime visa est a Livii manu profecta.

⁵⁸ *Pari comitate utrumque*] Quamvis alter ex his filius esset, nihil tamen ei praecipuum tribuit consul, sed parem in utrumque comitatem ostendit.

⁵⁹ *Quando ne ea quoque tentata vis proficeret*] Hic aliquid mendii latere suspicamur. Sensus esse debet, si forte accideret ut ea quoque vis tentata nihil proficeret.

⁶⁰ *Tempore*] In tempore, tempestive. Sic Cic. l. III. de Offic. n. 58. *Ad caenam tempore venit Canius.*

⁶¹ *Non vero tantum*] Non verum tantum, i. e. a vera causa profectum metum injecerunt Samnitibus. Nam et vanum quoque iis terrorem obtulerunt, nempe advenire alterum consulem cum exercitu. Haec clara sunt, nec sollicitari debuerant parum eleganti Clerici conjectura, qui otiosam immittit vocem, legitque *non vero tantum motos metu.*

P. Decius consul iis ad Maleventum castra objecisset, ex-
tractos deinde ad certamen fudisset. Ibi quoque plus fugæ
fuit, quam cædia: duo millia Apulorum cæsa: spretoque eo
hoste, Decius in Samnium legiones duxit. Ibi duo consu-
lares exercitus, diversis vagati partibus, omnia spatio quin-
que mensium evastarunt. Quadraginta et quinque loca in
Samnio fuere, in quibus Decii castra fuerunt: alterius con-
sulis sex et octoginta. nec valli tantum ac fossarum vestigia
relicta, sed multo illis insigniora monimenta vastitatis circa
regionumque depopulatarum. Fabius etiam urbem Cime-
tram cepit. ibi capta armatorum duo millia quadringenti:
cæsi ferme pugnantes ad quadringentos triginta. Inde, co-
mitiorum causa Romam profectus, maturavit eam rem
agere. quum ⁶² primo vocatæ Q. Fabium consulem dicerent
omnes centuriæ, Ap. Claudius consularis candidatus, vir
acer et ambitiosus, non sui magis honoris causa, quam ut
patricii recuperarent duo consularia loca, quum suis, tum
totius nobilitatis viribus, incubuit, ut se cum Q. Fabio con-
sulem dicerent. Fabius primo, de se eadem fere, quæ prio-
re anno, dicendo, abnuere. circumstare sellam omnis nobi-
litas; orare, ut ex cœno plebeio consulatum extraheret,
majestatemque pristinam tum honori, tum patriciis genti-
bus redderet. Fabius, silentio facto, media oratione studia
hominum sedavit. *facturum enim se fuisse dixit, ut duorum
patriciorum nomina reciperet, si alium, quam se, consulem fie-
ri videret: nunc se sui rationem comitiis, quum contra leges
futurum sit, pessimo exemplo non habiturum.* Ita L. Volumn-
nius de plebe cum Ap. Claudio consul est factus, priore
item consulatu inter se comparati. Nobilitas objectare Fa-
bio, fugisse eum Ap. Claudium collegam, eloquentia civili-
busque artibus haud dubie præstantem.

U. C. 455.
A. C. 297.
Apuli a De-
cio cæsi.

Q. Fabius
consulatum
recusat.

U. C. 456.
A. C. 296.
L. Volumn-
nio II. Ap.
Claudio II.
Coss.

XVI. Comitibus perfectis, veteres consules jussi bellum in
Samnio gerere, prorogato in sex menses imperio. Itaque
insequenti quoque anno, L. Volumnio, Ap. Claudio consuli-
bus, P. Decius, qui consul in Samnio relictus a collega
fuerat, proconsul idem populari non destitit agros, donec
Samnitium exercitum, nusquam se proelio committentem,
postremo expulit finibus. Etruriam pulsi petierunt: et, quod
legationibus nequidquam sæpe tentaverant, id se tanto ag-
mine armatorum, mixtis terrore precibus, acturos efficacius
rati, postulaverunt principum Etruriæ concilium. Quo co-
acto, per quot annos pro libertate dimicent cum Romanis,

Samnites
pulsi fini-
bus suis
Etruriam
petunt.

⁶² *Primo vocatæ . . . omnes centu-
riæ*] Omnes eæ centuriæ, quæ primæ
in ovile vocabantur ad ferendum suf-
fragium. Nimirum eæ centuriæ quæ
primo loco, post prærogativam tamen,

ut apparet ex c. 22. infra, suffragia
inibant, distinguebantur a cæteris, ap-
pellabanturque *primo vocatæ*. Omnes
hic libri mendosi sunt, exhibentque
primo vocatum. Correxerunt Sigonius.

U. C. 456. A. C. 296. exponunt. omnia expertos esse, si suismet ipsorum viribus tolerare tantam molem belli possent: tentasse etiam haud magni momenti finitimarum gentium auxilia: petisse pacem a populo Romano, quam bellum tolerare non possent: rebellasse, quod pax servientibus gravior, quam liberis bellum, esset. Unam sibi spem reliquam in Etruscis restare. Scire, gentem Italiae opulentissimam armis, viris, pecunia, esse: habere adcolas Gallos, inter ferrum et arma natos, feroces quam suapte ingenio, tum adversus Romanum populum: quem captum a se auroque redemptum, haud vana jactantes, memorent. Nihil abesse, si sit animus Etruscis, qui Porsenae quondam majoribusque eorum fuerit, quin Romanos, ⁶³ omni agro cis Tiberim pulsos, dimicare pro salute sua, non de intolerando Italiae regno, cogant. Samnitem illis exercitum paratum, instructum armis, stipendio, venisse: confestim secuturos, vel si ad ipsam Romanam urbem obpugnandam ducant.

Tres in Samnio urbes a Romanis captae.

XVII. Haec eos in Etruria jactantes molientesque bellum domi Romanum urebat. nam P. Decius, ubi comperit per exploratores profectum Samnitium exercitum, advocato consilio¹, Quid per agros, inquit, vagamur, vicatim circumferentes bellum? quin urbes et moenia adgredimur? nullus jam exercitus Samnio praesidet. cessere finibus, ac sibimet ipsi exsilium conscivere. Adprobantibus cunctis, ad Murgantiam, validam urbem, obpugnandam ducit: tantusque ardor militum fuit, et caritate ducis, et spe majoris, quam ex agrestibus populationibus, praedae, ut uno die vi atque armis urbem caperent. ibi duo millia Samnitium et centum pugnantes circumventi captique: et alia praeda ingens capta est. quae ne impedimentis gravibus agmen oneraret, convocari milites Decius jubet. Haccine, inquit, victoria sola, aut hac praeda contenti estis futuri? Vultis vos ⁶⁴ pro virtute spes gerere? omnes Samnitium urbes, fortunaeque in urbibus relictæ, vestrae sunt; quando legiones eorum, tot praeliis fusas, postremo finibus expulistis. Vendite ista, et inlicite lucro mercatorem, ut sequatur agmen. ego subinde subgeram, quæ vendatis. Ad Romuleam urbem hinc eamus, ubi vos ⁶⁵ labor haud major^m, praeda major manet. Divendita praeda, ultro adhortantes imperatorem ad Romuleam pergunt. Ibi quoque sine opere, sine tormentis, simul admota sunt signa, nulla vi deterriti a

¹ concilio Gron.

^m magnus Gron. Crev.

⁶³ * Omni agro cis Tiberim] Intellege agrum ad dextram Tiberis situm, qui homini posito in Etruria cis Tiberim est. Spem faciunt Samnites Etruscis recuperandi quidquid agri a Romanis captum ex Etruria fuerat.

⁶⁴ * Pro virtute spes gerere] Dignas

virtute vestra spes gerere.

⁶⁵ Labor haud magnus] Concinnius est, quod complures MSS. teste Gronovio, et omnes nostri praeferrunt: Labor haud major, praeda major manet.

muris, qua cuique proximum fuit, scalis raptim admotis, in U. C. 456. moenia evasere. captum oppidum ac direptum est. ad duo A. C. 296. millia et trecenti occisi; et sex millia hominum capta; et miles ingenti præda potitus: quam vendere, sicut priorem, coactus, Ferentinum inde, quamquam nihil quietis dabatur, tamen summa alacritate ductus. Ceterum ibi plus laboris ac periculi fuit. et defensa summa vi moenia sunt, et locus erat munimento naturaque tutus: sed evicit omnia adsuetus prædæ miles. ad tria millia hostium circa muros cæsa: præda militis fuit. Hujus obpugnatarum urbium decoris pars major in quibusdam annalibus ad Maximum trahitur. Murgantiam ab Decio, a Fabio Ferentinum Romuleamque obpugnatas tradunt: sunt, qui novorum consulum hanc gloriam faciant. Quidam non amborum, sed alterius, L. Volumnii: ei Samnium provinciam evenisse.

XVIII. Dum ea in Samnio, cujuscumque ductu auspicioque, gererentur; Romanis in Etruria iterum bellum ingens Bellum multis ex gentibus concitur; cujus auctor Gellius Egnatius Etruscum. ⁶⁶ ex Samnitibus erat. Tusci fere omnes consciverant bellum: traxerat contagio proximos Umbriæ populos: et Gallica auxilia mercede sollicitabantur. omnis ea multitudo ad castra Samnitium conveniebat. Qui tumultus repens postquam Romam perlatus est, quum jam L. Volumnius consul cum legionibus secunda ac tertia, sociorumque milibus quindecim profectus in Samnium esset, Ap. Claudium primo quoque tempore in Etruriam ire placuit. duæ Romanæ legiones secutæ, prima et quarta, et sociorum duodecim millia. castra haud procul ab hoste posita. ⁶⁷ Ceterum magis eo profectum est, quod mature ventum erat, ut quosdam spectantes jam arma Etruriæ populos metus Romani nominis comprimeret, quam quod ductu consulis quidquam ibi satis scite aut fortunate gestum sit. Multa Nec quidquam satis scite aut fortunate gerit. proelia locis et temporibus iniquis commissa: spesque in dies graviolem hostem faciebat. et jam prope erat, ut nec duci milites, nec militibus dux satis fideret. Literas ad collegam arcessendum ex Samnio missas, in trinis annalibus invenio. ⁶⁸ piget tamen incertum ponere, quum ea ipsa inter consules populi Romani, jam iterum eodem honore fungentes, discrepatio fuerit: Appio abnuente missas: Volumnio adfirmante, Appii se literis adcitum. Jam Volumnius in Samnio tria castella ceperat, in quibus ad tria

⁶⁶ * *Ex Samnitibus*] Magis place-
ret dux Samnitium.

⁶⁷ *Ceterum magis eo profectum*] *Ceterum eo quod mature ventum erat, id est, maturo ac celeri consulis adventu magis profectum est: sive, ma-*

gis ad id profuit maturus ac celer consulis adventus, ut

⁶⁸ *Piget tamen incertum ponere*] Multo magis placeret certum ponere, i. e. pro certo ponere, scribere.

U. C. 456. millia hostium caesa erant, dimidium fere ejus captum:
 A. C. 296. et Lucanorum seditiones, a plebeiis et agentibus ducibus ortas, summa optimatum voluntate per Q. Fabium proconsulem, missum eo cum veteri exercitu, compreserat. Decio depopulandos hostium agros relinquit. ipse eum suis copiis in Etruriam ad collegam pergit: quem advenientem laeti omnes accepere. ⁶⁹ Appium ex conscientia sua credo animum habuisse haud immerito iratum, si nihil scripserat: inliberali et ingrato animo, si eguerat ope, dissimulantem. Vix enim salute mutua reddita, quum obviam egressus esset, *Satis salva*, inquit, *L. Volumni? ut sese in Samnio res habent? Quae te causa, ut provincia tua excederes, induxit? Volumnius in Samnio res prosperas esse ait, literis ejus aditum venisse. quae si falsa fuerint, nec usus sui sit in Etruria, extemplo conversis signis abiturum. Tu vero abeas*, inquit, *neque te quisquam moratur: etenim minime consentaneum est, quum bello tuo forsitan vix sufficias, ⁷⁰ hic te ad opem ferendam aliis gloriari venisse. Bene, Hercules, verteret, dicere Volumnius: malle frustra operam insuntam, quam quidquam incidisse, cur non satis esset Etruriae unus consularis exercitus.*

Volumnius
 it ad Ap-
 pium.

Altercatio
 Coos.

XIX. Digredientes jam consules legati tribunisque ex Appiano exercitu circumstant: pars imperatorem suum orare, *ne collegae auxilium, quod adciendum ultro fuerit, sua sponte oblatum sperneretur*: plures abeunti Volumnio obsistere atque obtestari, *ne pravo cum collega certamine rempublicam prodat. Si qua clades incidisset, desertori magis, quam deserto, noxiae fore. Eo rem adductam, ut ⁷¹ omne rei bene aut secus gestae in Etruria decus dedecusque ad L. Volumnium sit delegatum. neminem quaesiturum, quae verba Appii, sed quae fortuna exercitus fuerit. Dimitti ab Appio eum, sed a republica et ab exercitu retineri; experiretur modo voluntatem militum.* Haec monendo obtestandoque, prope restitantes consules in concionem pertraxerunt. ibi orationes longiores habitae in eandem ferme sententiam, in quam ⁷² inter paucos certatum verbis fuerat. Et quum Volumnius, causa superior, ne infacundus quidem adversus eximiam eloquen-

ⁿ omnis Crev,

69 Appium ex conscientia sua] Credo Appium, si nihil scripserat, quum sibi conscius esset a se non accitum esse collegam, habuisse animum haud immerito iratum: eundem inliberali et ingrato animo dissimulasse, si eguerat ope, auxiliumque collegae imploraverat.

70 Hic te . . . gloriari venisse] Ma-

gis placet huc, quod praefertur unus Hearnii codex, unus e nostris, et Campanus.

71 Omnis rei . . . decus] Aliquot scripti, tum Gronoviani, tum nostri, habent omni. Lege, omne.

72 Inter paucos certatum verbis fuerat] Coram paucis brevi altercatione certatum fuerat.

tiam collegæ visus esset; cavillansque Appius, sibi acceptum U. C. 466. referre, diceret, *debere, quod ex muto atque elingui facundum* A. C. 296. etiam consulem haberent: priore consulatu, primis utique mensibus, hiscere eum nequisse, nunc jam populares orationes serere. Quam mallem, inquit Volumnius, tu a me strenue facere, quam ego abs te scite loqui didicissem. Postremo conditionem ferre, quæ decretura sit, non orator, (neque enim id desiderare rempublicam) sed imperator uter sit melior. Etruriam et Samnium provincias esse: utram mallet, eligeret. suo exercitu se vel in Etruria, vel in Samnio rem gesturum. Tum militum clamor ortus, ut simul ambo bellum Etruscum susciperent. quo animadverso consensu, Volumnius, Quoniam in collegæ voluntate interpretanda, inquit, erravi; non committam, ut, quid vos velitis, obscurum sit. manere, an abire me velitis, clamore significate. Tum vero tantus est clamor exortus, ut hostes e castris exciret. armis adreptis in aciem descendunt. et Volumnius signa canere, ac vexilla efferri e castris jussit. Appium addubitasse ferunt, cernentem, seu pugnante, seu quieto se, fore collegæ victoriam: deinde veritum, ne sue quoque legiones Volumnium sequerentur, et ipsum flagrantibus suis signum dedisse. Ab neutra parte satis commodè instructi fuerunt. nam et Samnitium dux Pugna cum Samnitibus et Tuscis. Gellius Egnatius pabulatum cum cohortibus paucis ierat; suoque inpetu magis milites, quam cujusquam ductu aut imperio, pugnam capessebant. et Romani exercitus nec pariter ambo ducti, nec satis temporis ad instruendum fuit. Prius occurrit Volumnius, quam Appius ad hostem perveniret. itaque fronte inæquali concursus est: ⁷³ et, velut forte quadam mutante adsueto inter se hostes, Etrusci Volumnio, Samnites, parumper cunctati, quia dux abest, Appio obcurrere. Dicitur Appius in medio pugne discrimine, ita ut inter prima signa manibus ad cœlum sublati conspiceretur, ita precatus esse: *Bellona, si hodie nobis victoriam* ⁷⁴ *duis, ast ego templum tibi voveo.* Hæc precatus, velut instigante Dea, ⁷⁵ et ipse collegæ et exercitus virtutem æquavit. Duces imperatoria opera exsequuntur; et milites, ne ab altera parte prius victoria incipiat, adnituntur. Ergo fundunt fugantque hostes, majorem molem baud facile sustinentes, quam cum qua manus conserere adsueti fuerant.

° *adæquavit* Gron. Crev.

73 *Et velut forte quadam*] Sic habent quatuor e nostris codd. melius quam, ut vulgo editur, *sorte quadam*.

74 *° Duis*] Antiquæ pro *des*.

75 *Et ipse collegæ et exercitus virtutem adæquavit*] Ipse quoque parem

virtuti collegæ, parem virtuti exercitus virtutem præstitit. Et collega Appii, et exercitus virtute insigni erant: ipse huc usque timidus et segnis visus fuerat. Tum dignam et collegæ et exercitus virtute fortitudinem ostendit.

U. C. 456. A. C. 296. **urguendo cedentes, insequendoque effusos compulere ad castra. Ibi, interventu Gellii cohortiumque ⁷⁶ Sabellarum, paulisper recrudit pugna. iis quoque mox fuis, jam a victoribus castra obpugnabantur: et, quum Volumnius ipse portæ signa inferret; Appius, Bellonam victricem idemtidem celebrans, accenderet militum animos, per vallum, per fossas intruperunt. Castra capta direptaque: præda ingens parta et militi concessa est. septem millia ac trecenti hostium occisi, duo millia et centum viginti capti.**

Volumnius
in Sam-
nium redit.

Obprimit
Samnites
prædatores
Campaniæ.

XX. Dum ambo consules omnisque Romana vis in Etruscum bellum magis inclinatur, in Samnio novi exercitus, exorti ad depopulandos imperii Romani fines, per Vescinos in Campaniam Falernumque agrum transcendunt, ingentesque prædas faciunt. Volumnium, magnis itineribus in Samnium redeuntem, (jam enim Fabio Decioque prorogati imperii finis aderat) fama de Samnitium exercitu populationibusque Campani agri ad tuendos socios convertit. Ut in Calenum agrum venit, et ipse cernit recentia cladis vestigia, et Caleni narrant, tantum jam prædæ hostes trahere, ut vix explicare agmen possint^P: itaque jam propalam duces loqui, extemplo eundem in Samnium esse; ut, relictâ ibi præda, in expeditionem redeant, nec tam oneratum agmen dimicationi committant. Ea, quamquam similia veris erant, certius tamen exploranda ratus, dimittit equites, qui vagos prædatores in agros palantes excipiant: ex quibus inquirendo cognoscit, ad Vulturnum flumen sedere hostem; inde tertia vigilia moturum: iter in Samnium esse. His satis exploratis profectus, tanto intervallo ab hostibus consedit, ut nec adventus suus propinquitate nimia nosci posset, et egredientem e castris hostem obprimeret. Aliquanto ante lucem ad castra accessit; gnarosque Oscæ linguæ, exploratum quid agatur, mittit. Intermixti hostibus (quod facile erat in nocturna trepidatione) cognoscunt, infrequentia armatis signa egressa, prædam prædæque custodes exire, ignobile agmen, et sua quemque molientem, ⁷⁷ nullo inter alios consensu, nec satis certo imperio. Tempus adgrediendi aptissimum visum est: et jam lux adpetebat. itaque signa canere jussit; agmenque hostium adgreditur. Samnites, præda inpediti, infrequentes armati, pars addere gradum, ac præse agere prædam, pars stare, incerti utrum progredi, an regredi in castra tutius foret, inter cunctationem obprimun-

^P explicari a. possit Gron. Crev.

⁷⁶ Sabellarum] Samniticarum.

ant. Optaremus inter se, vel inter ip-

⁷⁷ Nullo inter alios consensu] Non videmus quomodo hæc intelligi que-

sos.

tur. et Romani jam transcenderant vallum, cædesque ac tumultus erat in castris. Samnitium agmen, præterquam hostili tumultu, captivorum etiam repentina defectione turbatum erat: qui partim ipsi soluti vinctos solvebant: partim arma in sarcinis deligata rapiebant, tumultumque, prælio ipso terribiliorem, intermixti agmini præbebant. Memorandum deinde edidere facinus: nam Staium Minacium ducem, adeuntem ordines hortantemque, invadunt: dissipatis inde equitibus, qui cum eo aderant, ipsum circumstant, insidentemque equo captum ad consulem Romanum rapiunt. Revocata eo tumultu prima signa Samnitium: præliumque jam profligatum integratum est, nec diutius sustineri potuit. Cæsa ad sex millia hominum: duo millia et quingenti capti: ⁷⁸ in eis tribuni militum quatuor: signa militaria triginta: et, quod lætissimum victoribus fuit, captivorum recepta septem millia et quadringenti; præda ingens sociorum: adcitique edicto domini ad res suas noscendas recipiendasque. Præstituta die, quarum rerum non exstitit dominus, militi concessæ: coactique vendere prædam, ne alibi, quam in armis, animum haberent.

XXI. Magnum ea populatio Campani agri tumultum Romæ præbuerat: et per eos forte dies ex Etruria adlatum erat, post deductum inde Volumnianum exercitum Etruriam concitam in arma, ⁷⁹ et Gellium Egnatium, Samnitium ducem, et Umbros ad defectionem vocari, et Gallos pretio ingenti sollicitari. His nunciis senatus conterritus justitium indici, delectum omnis generis hominum haberi jussit. nec ingenui modo aut juniores sacramento adacti, sed seniorum etiam cohortes factæ, libertinique centuriati. et defendendæ urbis consilia agitabantur; summæque rerum prætor P. Sempronius præerat. Ceterum parte curæ exonerarunt senatum L. Volumnii consulis literæ, quibus cæsos fusosque populatores Campaniæ cognitum est. Itaque et supplicationes ob rem bene gestam consulis nomine decernunt. justitium remittitur, quod fuerat dies decem et octo, supplicatioque perlæta fuit. Tum de præsidio regionis depopulatæ ab Samnitibus, agitari cœptum. Itaque placuit, ut duæ coloniæ circa Vescinum et Falernum agrum deducerentur: una

⁷⁸ *In eis tribuni militum*] An etiam apud Samnites tribuni militum? Intelligendi videntur ductores qui in Samnitium exercitu eodem fere jure ac potestate essent, quo tribuni militum in Romano. Sic Cato in Origin. Annibalem appellat *dictatorem Carthaginensium*, et Maharbalem *magistrum equitum*. Et ipse Livius *dictatorem* apud Pœnos nominat l. XXIII.

c. 13.

⁷⁹ *Et Gellium Egnatium*] Repete ex præcedentibus *concitum in arma*. Nisi quis malit, idque merito, cum Gronovio legere: *Et Gellium Egnatium Samnitium ducem et Umbros ad defectionem vocare, et Gallos ingenti pretio sollicitare*: * ita ut intelligatur Gellius et Umbros et Gallos vocare ad arma.

U. C. 456.
A. C. 296.

Quatuor
gentes in
Etruria
conferunt
arma adver-
sus Rom.

Fabius re-
cusans Cos.
eligitur.

ad ostium Liris fluvii,⁸⁰ quæ Minturnæ adpellata; altera in saltu Vescino, Falernum contingente agrum, ubi Sinope dicitur Græca urbs fuisse, Sinuessa deinde ab colonis Romanis adpellata. Tribunis plebis negotium datum est, ut plebeiscito juberetur P. Sempronius prætor triumviros in ea loca colonis deducendis creare. nec, qui nomina darent, facile inveniebantur, quia in stationem se prope perpetuam infestæ regionis, non in agros, mitti rebantur. Avertit ab eis curis senatum Etruriæ ingravescens bellum, et crebræ literæ Appii, monentis, ne regionis ejus motum neglegerent: *quatuor gentes conferre arma, Etruscos, Samnites, Umbros, Gallos. jam castra bifariam facta esse, quia unus locus capere tantam multitudinem non possit.*⁸¹ Ob hæc, et (jam adpetebat tempus) comitiorum⁹ causa L. Volumnius consul Romanam revocatus: qui prius, quam ad suffragium centurias vocaret, in concionem advocato populo, multa de magnitudine belli Etrusci disseruit. *jam tum, quum ipse ibi cum collega rem pariter gesserit, fuisse tantum bellum, ut nec duce uno, nec exercitu geri potuerit: accessisse postea dici Umbros, et ingentem exercitum Gallorum. Adversus quatuor populos*⁸² *duces*⁸³ *consules illo die deligi meminissent. se, nisi confideret, eum consensu populi Romani consulem declaratum iri, qui haud dubie tum primus omnium ductor habeatur, dictatorem fuisse ex templo dicturum.*

XXII. Nemini dubium erat, quin Q. Fabius omnium consensu destinaretur; eumque et⁸⁵ prærogativæ,⁸⁴ et primo vocatæ omnes centuriæ consulem cum L. Volumnio di-

⁹ (et jam adp. temp. comitiorum) L. Vol. Gron. (et j. a. t.) comitiorum causa L. Vol. Crev. ⁸ duos Gron.

⁸⁰ Quæ Minturnæ appellata] Jam Minturnarum mentionem fecit Livius, supra VIII. 10. et 11. et IX. 25. Itaque non nova hoc loco urbs conditur, sed necesse est jam ante ibi oppidum fuisse, quod tamen alio nomine ante hanc coloniam deductam appellaretur, quemadmodum mox memoratur Sinope urbs Græca Sinuessæ nomen a colonis accepisse. Ubi autem Livius appellavit antea Minturnas, intelligenda scilicet ea est urbs cui postea Minturnæ nomen fuit. Sic et Sinuessam nuncupavit, l. VIII. c. 11. eam urbem quæ tunc temporis Sinope, postea Sinuessa appellata est.

⁸¹ Ob hæc, (et jam adpetebat tempus) comitiorum causa L. Volumnius] Pro hac lectione stant veteres editi, duo scripti e Gronovianis, et omnes nostri. Et sane illa sapit Livianam manum. Gronovius ediderat: Ob

hæc (et jam adpetebat tempus comitiorum) L. Volumnius: minus eleganter, nec satis firma librorum auctoritate. Sensus est: Hac de causa, ad habenda comitia, quorum jam tempus appropinquabat...

⁸² Duces consules] Sigonius dederat duos: fregeratque, ut recte judicat Gronovius, vim sententiæ puerili lusu in numeris quatuor et duo. Antiqui editi et scripti omnes nostri habent duces.

⁸³ Prærogativæ] Reponendum videtur prærogativa. Sigonius quidem in not. ad V. 18. duas fuisse prærogativas centurias putat, unum juniorum, alteram seniorum. Sed locus libri XXVI. Liviani, c. 22. unde videtur hanc opinionem sumpsisse Sigonius, ei potius repugnat.

⁸⁴ Et primo vocatæ] Vid. supra c. 15.

cebant. Fabii oratio fuit, qualis biennio ante: deinde, ut U. C. 456, vincebatur consensu, versa postremo ad collegam P. Decium A. C. 296. pōscendum. *id senectuti suæ adminiculum fore: censura duobusque consulatibus simul gestis expertum se,*⁸⁵ *nīl concordī collegio firmitus ad rempublicam tuendam esse. novo imperii sociō vix jam adsuescere senilem animum posse: cum moribus natīs facilius se communicaturum consilia.* Subscripsit orationi ejus consul, quū meritis P. Decii laudibus, tum, *quæ ex concordia consulum bona, quæque ex discordia mala in administratione rerum militarium evenirent, memorando, quam prope ultimum discrimen suis et collegæ certaminibus nuper ventum foret: admonendo Decium Fabiumque, ut una anima, una mente viverent.*⁸⁶ *esse præterea viros natos militiæ, factis magnos, ad verborum linguæque certamina rudes: ea ingenia consularia esse. Callidos solertesque, juris atque eloquentiæ consultos, qualis Ap. Claudius esset, urbi ac foro præsides habendos, prætoresque ad reddenda jura creandos esse.* His agendis dies est consumtus. postridie ad præscriptum consulis et consularia et prætoris comitia habita. Consules creati Q. Fabius et P. Decius: Ap. Claudius prætor; ⁸⁷ omnes absentes. et L. Volumnio ex senatusconsulto et scito plebis prorogatum in annum imperium est.

XXIII. Eo anno prodigia multa fuerunt: quorum averruncaudorum causa supplicationes in biduum senatus decrevit. Publice ⁸⁸ vinum ac tus^a præbitum. supplicatum iere frequentes viri feminaeque. Insignem supplicationem fecit certamen in sacello Pudicitiae patriciae, quæ in foro ^{Pudicitia} boario est ad ædem rotundam. Herculis inter matronas or- ^{patricia.} tum. Virginiam, Auli filiam, patriciam plebeio nuptam L. Volumnio consuli, matronæ; quod e Patribus enupsisset, sacris arcuerant. Brevis altercatio inde ex iracundia muliebri in contentionem animorum exarsit. quum se Virginia et patriciam et pudicam in patriciæ Pudicitiae templum ingressam, et uni nuptam, ad quem virgo deducta sit; nec se viri honorumve ejus ac rerum gestarum pœnitere, ⁸⁹ vero gloria-retur. Facto deinde egregio magnifica verba adauxit. in vico Longo, ubi habitabat, ex parte sedium, quod satis esset loci modico sacello, exclusit; aramque ibi posuit. et, convo-

^a add. sacrificiis Grøn. Crev.

^a L. abest. Bæd.

⁸⁵ Nil concordī collegio firmius] Nil firmitus, quam si concordī animo collegæ rem gerant.

⁸⁶ Esse præterea] Fabium et Decium, præterquam quod concordia inter se clari sint, esse etiam viros . . .

⁸⁷ Omnes absentes] Fabius et Decius aberant nimirum a campo; Ap-

pius, etiam ab urbe. Simile plane exemplum habetur et L. XXVI. c. 22.

⁸⁸ Vinum ac tus sacrificiis præbitum] Vocem sacrificiis ignorant omnes MSS. a Gronovio inspecti, omnes item nostri, Andreas, et Campanus. Eam inseruit Sigonius.

⁸⁹ Vere] Ex vero.

U. C. 456.
A. C. 296.
Pudicitia
plebeia.

catis plebeis matronis, conquesta injuriam patriciarum, *Hanc ego aram, inquit, Pudicitiae plebeiae dedico: vosque hortor, ut, quod certamen virtutis viros in hac civitate tenet, hoc pudicitiae inter matronas sit: detisque operam, ut haec ara, quam illa, si quid potest, sanctius et a castioribus coli dicatur.* Eodem ferme ritu et haec ara, quo illa antiquior, culta est; ut nulla, nisi spectatae pudicitiae matrona, et quae uni viro nupta fuisset, jus sacrificandi haberet. Vulgata dein religio a pollutis, nec matronis solum, sed omnis ordinis feminis, postremo in oblivionem venit. Eodem anno Cn. et Q. Ogulnii aediles curules aliquot foeneratoribus diem dixerunt: quorum bonis multatis, ex eo, quod in publicum redactum est, aenea in Capitolio limina, et trium mensarum argentea vasa in cella Jovis, Jovemque in culmine cum quadrigis, et ⁹⁰ ad ficum Ruminalem simulacra infantium conditorum Urbis sub uberibus lupae posuerunt; semitamque saxo quadrato a Capena porta ad Martis straverunt. et ab aedilibus plebeiis L. Aelio Pæto et C. Fulvio Curvo, ex multaticia item pecunia, quam exegerunt ⁹¹ pecuariis damnatis, ludi facti; pateræque aureae ad Cereris positæ.

U. C. 457.
A. C. 295.
Q. Fabio
V. P. Decio
IV. Coss.
Inter Coss.
orta contentio de provinciis.

XXIV. Q. inde Fabius quintum et P. Decius quartum consulatum ineunt, tribus consulatibus censuraque collegæ; nec gloria magis rerum, quæ ingens erat, quam concordia, inter se clari. quæ ne perpetua esset, ordinum magis, quam ipsorum, inter se certamen intervenisse reor: patriciis tendentibus, ut Fabius Etruriam extra ordinem provinciam haberet; plebeiis auctoribus Decio, ut ad sortem revocaret. Fuit certe contentio in senatu; et, postquam ibi Fabius plus poterat, revocata res ad populum est. in concione, ut inter militares viros, et factis potius, quam dictis, fretos, pauca verba habita: Fabius, *quam arborem conseruisset, sub ea legere alium fructum, indignum esse, dicere; se aperuisse Ciminiam silvam, viamque per devios saltus Romano bello fecisse. Quid se id ætatis sollicitassent, si alio duce bellum gesturi essent? Nimirum adversarium se, non socium imperii, legisse, sensim exprobrat: et ⁹² invidisse Decium concordibus collegiis tribus.* Postremo, *se tendere nihil ultra, quam ut, ⁹³ si se dignum provincia ducerent, in eam mitterent: in senatus arbitrio se fuisse, et in potestate populi futurum.* P. Decius senatus injuriam querebatur: *quoad potuerint, Patres adnisos, ne plebeiis aditus*

⁹⁰ * *Ad ficum Ruminalem*] Vid. supra I. 4.

⁹¹ *Pecuariis*] *Pecuarii* hic intelligendi videntur publicani, qui pascua publica redimebant.

⁹² *Invidisse Decium*] Noluisset Decium, tertio tum in consulatu colle-

gas eadem concordia inter se agere, qua duos jam consulatus simul gessissent.

⁹³ *Si se dignum*] Nostri omnes scripti, ut aliquot e Gronovianis, carent *et se*.

ad magnos honores esset: postquam ipsa virtus pervicerit, ne in ullo genere hominum inhonorata esset, quæri, quemadmodum irrita sint non suffragia modo populi, sed arbitria etiam fortunæ, et in paucorum potestatem vertantur. Omnes ante se consules sortitos provincias esse; nunc extra sortem Fabio senatum provinciam dare. Si honoris ejus causa: ita eum de se, deque republica meritum esse, ut faveat Q. Fabii gloriæ, quæ modo non sua contumelia splendeat. Cui autem dubium esse, ubi unum bellum sit asperum ac difficile, quum id alteri extra sortem mandetur, quin alter consul pro supervacaneo atque inutili habeatur? Gloriari Fabium rebus in Etruria gestis. velle et P. Decium gloriari: et forsitan, quem ille obrutum ignem reliquerit, ita ut toties novum ex improviso incendium daret, eum se extincturum. Postremo se collegæ honores præmiaque concessurum verecundia ætatis ejus majestatisque; quum periculum, quum dimicatio proposita sit, neque cedere sua sponte, neque cessurum. et, si nihil aliud ex eo certamine tulerit, illud certe laturum, ut, quod populi sit, populus jubeat potius, quam patres gratificentur. Jovem optimum maximum Deosque immortales se precari, ut ita sortem æquam sibi cum collega dent, si eandem virtutem felicitatemque in bello administrando daturi sint. certe id et natura æquum, et exemplo utile esse, et ad famam populi Romani pertinere, eos consules esse, quorum utrolibet duce bellum Etruscum geri recte possit. Fabius, nihil aliud precatus populum, quam ut prius, quam intro vocarentur ad suffragium tribus, Ap. Claudii prætoris adlatas ex Etruria literas audirent, comitio abit. nec minore populi consensu, quam senatus, provincia Etruria extra sortem Fabio decreta est.

Fabio extra
sortem da-
tur Etruria.

XXV. Concursus inde ad consulem factus omnium ferme juniorum: et pro se quisque nomina dabant. tanta cupido erat sub eo duce stipendia faciendi. Qua circumfusus turba, *Quatuor millia, inquit, peditum et sexcentos equites dumtaxat scribere in animo est: hodierno et crastino die qui nomina dederitis, mecum ducam. majori mihi curæ est, ut omnes locupletes reducam, quam ut multis rem geram militibus. Profectus* ^{Fabius in} *apto exercitu, et eo plus fiduciæ ac spei gerente, quod* ^{provinciam} *non desiderata multitudo erat, ad oppidum Abarnam, unde* ^{venit.} *haud procul hostes erant, ad castra Appii prætoris pergit. paucis citra millibus lignatores ei cum præsidio obcurrunt; qui, ut lictores prægredi viderunt, Fabiumque esse consulem acceperunt, læti atque alacres Diis populoque Romano grates agunt, quod eum sibi imperatorem misissent. Circumfusi deinde quum consulem salutarent, quærit Fabius, quo pergerent; respondentibusque, lignatum se ire, ain' tandem, inquit, num castra vallata non habetis? Ad hoc*

94 * Apto] Idoneo, habili, nec ad majorem justo numerum excrecente

U. C. 457. quum subclamatum esset; *duplici quidem vallo, et fossa, et*
 A. C. 295. *tamen in ingenti metu esse: habetis igitur, inquit, adfatim lignorum. redite, et vellite vallum.* Redeunt in castra, terroremque ibi, vellentes vallum, et iis, qui in castris remanserant⁹⁵, militibus, et ipsi Appio fecerunt. Tum pro se quisque alii aliis dicere, *consulis se Q. Fabii facere jussu.* Postero inde die castra mota, et Appius prætor Romam dimissus. inde nusquam stativa Romanis fuere. negabat utile esse, uno loco sedere exercitum: itineribus ac mutatione locorum⁹⁶ nobiliorem ac salubriorem esse. fiebant autem itinera, quanta fieri sinebat hiems haud dum exacta. Vere inde primo, relicta secunda legione ad⁹⁶ Clusium, quod Camars² olim appellabant, præpositoque castris L. Scipione pro prætore, Romam ipse ad consultandum de bello rediit: sive ipse sponte sua, quia bellum ei majus in conspectu erat, quam quantum esse famæ crediderat; sive senatusconsulto adiectus. nam in utrumque auctores sunt. Ab Ap. Claudio prætore retractum quidam videri volunt; quum in senatu et apud populum (id quod per literas assidue fecerat) terrorem belli Etrusci augeret: *non subfecturum ducem unum, nec exercitum unum, adversus quatuor populos.*⁹⁷ *Periculosum esse, sive juncti unum premant, sive id diversi gerant bellum, ne ad omnia simul obire unus non possit.* *Duas se ibi legiones Romanas reliquisse: et minus quinque millia peditum equitumque cum Fabio venisse. sibi placere, P. Decium consulem primo quoque tempore in Etruriam ad collegam proficisci: L. Volumnio Samnium provinciam dari. Si consul malit in suam provinciam ire, Volumnium in Etruriam ad consulem cum exercitu justo consulari proficisci.* Quum magnam partem moveret oratio prætoris, P. Decium censuisse ferunt, ut omnia integra ac libera Q. Fabio servarentur, donec vel ipse, si per commodum reipublicæ posset, Romam venisset, vel aliquem ex legatis misisset; a quo disceret senatus, quantum in Etruria belli esset, quantisque administrandum copiis, et quot per duces esset.

Redit Romam ad consultandum de bello.

XXVI. Fabius, ut Romam rediit, et in senatu et productus ad populum mediam orationem habuit, ut nec augere, nec minuire videretur belli famam; magisque in altero adsumendo duce aliorum indulgere timori, quam suo aut reipublicæ periculo consulere. *ceterum, si sibi adiutorem belli*

⁹⁵ remanserunt Gron.

² Camars Crev.

⁹⁶ Nobiliorem] Multo clarior et aptior huic loco videretur vox *mobiliorem*, id est, celeriore, habiliorem ad motum. Atque illa extat in codice Victorino.

⁹⁶ Clusium, quod Camars olim ap-

pellabant] Nempe Livii ævo cognomen illud exoleverat. Videtur tunc id oppidum appellatum fuisse *Clasium* vel *tua*.

⁹⁷ Periculosum esse] Magis ex Liviano more esset, *periculum esse*.

sociumque imperii darent, quonam modo se oblivisci P. Decii U. C. 457.
consulis per tot collegia experti posse? Neminem omnium secum A. C. 295:
conjugi malle: et copiarum satis sibi cum P. Decio, et num-
quam nimium hostium fore. Sin collega quid aliud malit, at
sibi L. Volumnium darent adiutorem. Omnium rerum arbi-
trium et a populo, et a senatu, et ab ipso collega, Fabio
permissum est. et quum P. Decius se in Samnium vel in
Etruriam proficisci paratum esse ostendisset, tanta lætitia
ac gratulatio fuit, ⁹⁸ ut præciperetur victoria animis, trium-
phusque, non bellum, decretum consulibus videretur. Inve-
nio apud quosdam, extemplo, consulatu inito, profectos in
Etruriam Fabium Deciumque, sine ulla mentione sortis
provinciarum certaminumque inter collegas, quæ exposui.
Sunt, quibus ne hæc quidem certamina exponere satis fue-
rit. adjeçerunt et Appii criminationes de Fabio absente ad
populum, et pertinaciam adversus præsentem consulem
prætoris, contentionemque aliam inter collegas, tendente
Decio, ut suæ quisque provinciæ sortem tueretur. Constare
res incipit ex eo tempore, quo profecti ambo consules ad
bellum sunt. Ceterum, antequam consules in Etruriam per-
venirent, Senones Galli multitudine ingenti ad Clusium ve-
nerunt, legionem Romanam castraque obpugnaturi. Scipio, ^{Galli legio-}
qui castris præerat, loco adjuvandam paucitatem suorum ^{nem Roma-}
militum ratus, ⁹⁹ in colle⁷, qui inter urbem et castra erat, ^{nam cir-}
aciem erexit. Sed, ut in re subita, parum explorato itinere ^{cumveni-}
ad jugum perrexit, quod hostes ceperant, parte alia egressi.
ita cæsa ab tergo legio, atque in medio, quum hostis undi-
que urgueret, circumventa. Deletam quoque ibi legionem,
ita ut nuncius non superesset, quidam auctores sunt; nec
ante ad consules, qui jam haud procul a Clusio aberant, fa-
mam ejus cladis perlatam, quam in conspectu fuere Gallo-
rum equites, pectoribus equorum suspensa gestantes capita,
et lanceis infixæ, ovantesque moris sui carmine. Sunt, qui
Umbros fuisse, non Gallos, tradant; nec tantum cladis ac-
ceptum: et circumventis pabulatoribus cum L. Manlio
Torquato legato Scipionem proprætorem subsidium e cas-
tris tulisse, victoresque Umbros, redintegrato prælio, victos
esse, captivosque eis ac prædam ademptam. Similius vero
est, a Gallo hoste, quam Umbro, eam cladem acceptam;
quod, quum sæpe alias, tum eo anno, Gallici tumultus præ-
cipuus terror civitatem tenuit. Itaque præterquam quod

⁷ collem Crev.

⁹⁸ * *Ut præciperetur victoria animis]* Ut victoriam animis et spe omnes jam tunc sibi desponderent.

⁹⁹ *In collem . . . aciem erexit]* Quo- modo hactenus legebatur, in colle, ora-

tio vel solæca est, vel certe parum clari sensus. Igitur, auctoribus duo- bus scriptis, altero Hearnii, nostro al- tero, dedimus in collem.

U. C. 457. ambo consules profecti ad bellum erant cum quatuor legionibus, et magno equitatu Romano, Campanisque mille equitibus delectis, ad id bellum missis, et ¹ sociorum nominisque Latini majore exercitu, quam Romani; alii duo exercitus haud procul urbe Etruriæ obpositi, unus in Falisco, alter in Vaticano agro. Cn. Fulvius et L. Postumius Megellus, proprætores ambo, stativa in eis locis habere jussi.

Ambo Cons.
in agro
Sentinati.

Etrusci
avocati ad
sua tuenda.

Prælium
cum Gallis
et Samnitibus,

XXVII. Consules ad hostes, transgresso Apennino, ² in agrum Sentinatem pervenerunt. Ibi quatuor millium ferme intervallo castra posita. Inter hostes deinde consultationes habitæ: atque ita convenit, ne unis castris miscerentur omnes, neve in aciem descenderent simul. Samnitibus Galli, Etruscis Umbri adjecti. dies indicta pugna: Samniti² Gallisque delegata pugna: inter ipsum certamen Etrusci Umbrique jussi castra Romana obpugnare. Hæc consilia turbarunt transfugæ Clusini tres, clam nocte ad Fabium consulem transgressi. qui, editis hostium consiliis, dimissi cum donis, ut subinde, ut quæque res nova decreta esset, exploratam perferrent. Consules Fulvio, ut ex Falisco, Postumio, ut ex Vaticano exercitum ad Clusium admoveant, summaque vi fines hostium depopulentur, scribunt. Hujus populationis fama Etruscos ex agro Sentinate ad suos fines tuendos movit. Instare inde consules, ut absentibus iis pugnaretur. per biduum lacesiere proelio hostem. biduo nihil dignum dictu actum. Pauci utrimque cecidere: magisque irritati sunt ad justum certamen animi, quam ad discrimen summa rerum adducta. tertio die descensum in campum omnibus copiis est. Quum instructæ acies starent, cerva fugiens lupum e montibus exacta per campos inter duas acies decurrit: inde diversæ feræ, cerva ad Gallos, lupus ad Romanos cursum deflexit. Lupo data inter ordines via; cervam Galli confixere. Tum ex antesignanis Romanus miles, *Illac fuga, inquit, et cædes vertit: ubi sacram Dianæ feram jacentem videtis. Hinc victor Martius lupus, integer et intactus, gentis nos Martiæ et conditoris nostri admonuit.* Dextro cornu Galli, sinistro Samnites constiterunt. adversus Samnites Q. Fabius³ primam ac tertiam legiones pro dextro cornu; adversus Gallos pro sinistro Decius quintam et sex-

² Samnitibus Gron. Crev.

³ Q. abest. Eæd.

¹ Sociorum nominisque Latini majore exercitu, quam Romani] Merito videtur utrique Gronovio vitium esse in duabus postremis vocibus. Emendat Jac. Gronovius: *etiam Romani alii duo exercitus* . . . Unus e nostris

scriptis duas illas voces omnino omittit. Nihil horum satis placet. Sensus certe clarus est, * Latino exercitu majore, quam quantus erat Romanus.

² In agrum Sentinatem] In Umbria, ad Sentinum oppidum.

tam instruxit. secunda et quarta cum L. Volumnio procon- U. C. 457.
sule in Samnio gerebant bellum. Primo concursu adeo A. C. 295.
æquis viribus gesta res est, ut, si adfuissent Etrusci et Um-
bri, aut in acie, aut in castris, quocumque se inclinassent,
accipienda clades fuerit.

XXVIII. Ceterum, quamquam communis adhuc Mars
belli erat, necdum discrimen fortuna fecerat, qua datura vi-
res esset, haudquaquam similis pugna in dextro lævoque
cornu erat. Romani apud Fabium arcebant magis, quam
inferebant, pugnam; extrahebaturque in quam maxime se-
rum diei certamen: quia ita persuasum erat duci, et Samni-
tes et Gallos primo inpetu feroces esse, quos sustineri satis
sit; longiore certamine sensim residere Samnitium animos:
Gallorum quidem etiam corpora intolerantissima laboris at-
que æstus³ fluere; primaque eorum proelia plus quam viro-
rum, postrema minus quam feminarum esse. In id tempus
igitur, quo vinci solebat hostis, quam integerrimas vires mi-
liti servabat. Ferocior Decius et ætate et vigore animi,
quantumcumque virium habuit, certamine primo effudit. et,
quia lentior videbatur pedestris pugna, equitatum in pug-
nam concitat: et ipse, fortissimæ juvenum turmæ inmixtus,
orat procures juventutis, in hostem ut secum inpetum faci-
ant: duplicem illorum gloriam fore, si ab lævo cornu et ab
equite victoria incipiat. Bis avertere Gallicum equitatum.
iterum longius evectos, et jam inter media equitum agmina
prælium cientes, novum pugnae conterruit genus: ⁴essedis
carrisque superstans armatus hostis ingenti sonitu equorum
rotarumque advenit, et insolitos ejus tumultus Romano-
rum conterruit equos. Ita victorem equitatum velut lym-
phaticus pavor dissipat: sternit inde ruentes equos virosque
inprovida fuga. Turbata hinc etiam signa legionum: mul-
tique inpetu equorum ac vehiculorum raptorum per agmen
obtriti antesignani: et insecuta, simul territos hostes vidit,
Gallica acies nullum spatium respirandi recipiendique se de-
dit. Vociferari Decius, *Quo fugerent? quamve in fuga spem
haberent?* obsistere cedentibus, ac revocare fusos. deinde, ut
nulla vi perculosos sustinere poterat, patrem P. Decium no-
mine compellans, *Quid ultra moror, inquit, familiare fatum?* Decius se
datum hoc nostro generi est, ⁵ *ut luendis periculis publicis pia-* devovet.

³ *Fluere*] Labi, solvi, ex defatiga-
tione deficere. Supra VII. 33. *et flu-
ere jam lassitudine vires, sentirent.*

⁴ *Essedis carrisque*] *Essedum* erat
vehiculi vel currus genus, e quo pug-
nare solebant veteres Galli et Britan-
ni. *Carris* impedimenta plerumque
vehebantur: quanquam et eorum erat

ad pugnam usus, ut ex hoc loco pa-
tet.

⁵ *Ut luendis periculis publicis pia-
cula simus*] Ut simus quasi quædam
victimæ, destinatae ad luendam deûm
iram, et ad excipienda capitibus nos-
tris pericula quæ reipublicæ impen-
dent.

U. C. 457. *cula sinus. Jam ego mecum hostium legiones^b mactandas*
 A. C. 295. *Telluri ac Diis Manibus dabo.* Hæc locutus M. Livium pontificem, quem, descendens in aciem, digredi vetuerat ab se, præire jussit verba, quibus se legionesque hostium pro exercitu populi Romani Quiritium devoveret. Devotus inde eadem precatione eodemque habitu, quo pater P. Decius ad Vesperim bello Latino se jusserrat devoveri. Quum secundum sollemnes precationes adjecisset, *præ se agere sese formidinem ac fugam, cædemque ac cruorem, cælestium, inferorum iras: ⁶ contacturum funebribus diris signa, tela, arma hostium; locumque eundem suæ pestis et Gallorum ac Samnitium fore.* Hæc exsecratus in se hostesque, qua confertissimam cernebat Gallorum aciem, concitat equum: inferensque se ipse infestis telis est interfectus.

XXIX. ⁷ Vix humanæ inde opis videri pugna potuit. Romani, duce amisso, quæ res terrori alias esse solet, sistere fugam, ac novam de integro velle instaurare pugnam, Galli, et maxime globus circumstans consulis corpus, velut alienata mente, vana incassum jactare tela. torpere quidam, et nec pugnae meminisse, nec fugæ. At ex parte altera pontifex Livius, cui lictores Decius tradiderat, jusseratque pro prætorem esse, vociferari, *Vicisse Romanos, ⁸ defunctos consulis fato. Gallos Samnitesque Telluris matris ac Deorum Manium esse. Rapere ad se ac vocare Deciam devotam secum aciem; furiarumque ac formidinis plena omnia ad hostes esse.* Superveniunt deinde his restituentibus pugnam L. Cornelius Scipio et C. Marcius, cum subsidiis ex novissima acie jussu Q. Fabii consulis ad præsidium collegæ missi. ibi auditur P. Decii eventus, ingens hortamen ad omnia pro republica audenda. Itaque quum Galli structis ante se scutis conferti starent, nec facilis pede conlato videretur pugna; jussu legatorum conlecta humi pila, quæ strata inter duas acies jacebant, atque in testudinem hostium conjecta: quibus plerisque in scuta, ⁹ verutis in corpora ipsa fixis, sternitur cuneus; ita ut magna pars integris corporibus ¹⁰ attoniti ceciderent. hæc in sinistro cornu Romanorum fortuna variaverat. ¹¹ Fabius in dextro^c, primo (ut ante dictum est)

Fabius in dextro cornu Samnites vincit.

^b legiones hostium Gron. Crev.

^c add. cornu Gron.

⁶ * *Contacturum funebribus diris signa . . . hostium*] Se devotum diris, velut contagione quadam transmissurum illas in signa hostium.

⁷ * *Vix humanæ . . . opis*] Supra humanam opem potentiamque.

⁸ *Defunctos consulis fato*] Liberatos jam, nec quidquam amplius cælestibus inferisve diis debentes, post consulis mortem.

⁹ *Verutis in corpora ipsa*] Ergo ve-

ruta facilius penetrabant, quam pila; quia nempe teretioris erant mucronis.

¹⁰ * *Attoniti*] Non minus stupentes, quam qui fulmine afflati sunt. Idque intelligit Livius factum divino numine, quod se, ex ejus mente, in hac pugna exeruit.

¹¹ *Fabius in dextro*] Vulgati adjiciunt *cornu*. Sed supervacuum vocem, ut quæ proxime antecesserit,

cunctando extraxerat diem: deinde, postquam neo clamor U. C. 457.
 hostium, nec impetus, nec tela missa, eandem vim habere A. C. 295.
 visa; præfectis equitum jussis ad latus Samnitium circum-
 ducere alas, ut signo dato in transversos, quanto maximo
 possent impetu, incurrerent; sensim suos signa inferre jus-
 sit, et commovere hostem. Postquam non resisti vidit, et
 haud dubiam lassitudinem esse; tum, conlectis omnibus
 subsidiiis, quæ ad id tempus reservaverat, et legiones conci-
 tavit, et signum ad invadendos hostes equitibus dedit. Nec
 sustinuerunt Samnites impetum; præterque aciem ipsam
 Gallorum, relictis in dimicatione sociis, ad castra effuso cur-
 su ferebantur. Galli, testudine facta, conferti stabant. Tum Galli cir-
 Fabius, audita morte collegæ, Campanorum alam, quingen- cumventi.
 tos fere equites, excedere acie jubet, et circumvectos ab ter-
 go Gallicam invadere aciem: tertiæ deinde legionis subse-
 qui principes, et, qua turbatum agmen hostium viderent
 impetu equitum, instare ac territos cedere. Ipse ædem Jovi
 Victori spoliaque hostium quum vovisset, ad castra Samni-
 tium perrexit; quo multitudo omnis consternata agebatur.
 Sub ipso vallo, quia tantam multitudinem portæ non rece-
 pere, tentata ab exclusis turba suorum pugna est. Ibi Gel-
 lius Egnatius imperator Samnitium cecidit. compulsi dein-
 de intra vallum Samnites, parvoque certamine capta castra,
 et Galli ab tergo circumventi. Cæsa eo die hostium viginti
 quinque millia, octo capta. nec Incruenta victoria fuit. Victoria
 Nam ex P. Decii exercitu cæsa septem millia; ex Fabii, Romano-
 mille ac ducenti. Fabius, dimissis ad quærendum collegæ rum cruen-
 corpus, spolia hostium coniecta in acervum Jovi Victori ta.
 cremavit. Consulis corpus eo die, quia obrutum superstra-
 tis Gallorum cumulis erat, inveniri non potuit. postero die
 inventum relatumque est cum multis militum lacrimis. In-
 termissa inde omnium aliarum rerum cura, Fabius collegæ
 funus omni honore laudibusque meritis celebrat.

XXX. Et in Etruria per eosdem dies ab Cn. Fulvio pro Res in E-
 prætore res ex sententia gesta; et, præter ingentem inlatam truria bene
 populationibus agrorum hosti cladem, pugnatum etiam gesta.
 egregie est: Perusinorumque et Clusinorum cæsa amplius
 millia tria^d, et signa militaria ad viginti capta. Samnitium
 agmen, quum per Pelignum agrum fugeret, circumventum
 a Pelignis est. ex millibus quinque ad mille cæsi. Magna
 ejus diei, quò in Sentinati agro bellatum, fama est, ¹² etiam
 vero stanti. sed ¹³ superjecere quidam augendo fidem; qui

^d tria millia Gron. Crev.

respuunt scripti omnes nostri, et ple-
 rique e Gronovianis.

quis stet vero, contentus sit eo quod
 verum est.

¹² Etiam vero stanti] Etiam si

¹³ Superjecere quidam augendo f-

U. C. 457. in hostium exercitu ¹⁴ peditum quadraginta millia trecentos
A. C. 295. triginta, equitum sex millia, mille carpentorum scripsere
fuisse: scilicet cum Umbris Tuscisque, quos et ipsos pug-
næ adfuisse. et, ut Romanorum quoque augerent copias, L.
Volumnium pro consule ducem consulibus, exercitumque
ejus legionibus consulum adjiciunt. In pluribus annalibus
duorum ea consulum propria victoria est. Volumnius in
Samnio interim res gerit, Samnitiumque exercitum, in Ti-
fernum montem compulsum, non deterritus iniquitate loci,
fundit fugatque. Q. Fabius, Deciano exercitu relicto in
Etruria, suis legionibus deductis ad urbem, de Gallis Etrus-
cisque ac Samnitibus triumphavit. milites triumphantem se-
cuti sunt. Celebrata inconditis carminibus militaribus non
magis victoria Q. Fabii, quam mors præclara P. Decii est:
¹⁵ excitataque memoria parentis, æquata eventu publico pri-
vatoque filii laudibus. Data ex præda militibus ¹⁶ æris oc-
togeni bini, sagaque et tunicæ; præmia illa tempestate mi-
litiæ haudquaquam spernenda.

Etrusci et
Samnites
bellum re-
parant.

XXXI. His ita rebus gestis, nec in Samnitibus adhuc,
nec in Etruria pax erat. nam et, Perusinis auctoribus, post
deductum ab consule exercitum rebellatum fuerat: et Sam-
nites prædatum ¹⁷ in agrum Vescinum Formianumque, et
parte alia in Æserninum, quæ* Vulturno adjacent flumini,
descendere. Adversus eos Ap. Claudius prætor cum exer-
citu Deciano missus. Fabius in Etruria rebellante denuo
quatuor millia et quingentos Perusinorum occidit: cepit ad

* quæque Crev.

dem] Quidam superjecere fidem, sive
rem ultra fidem, ultra quam credi
possit, protulere augendo.

¹⁴ Peditum XL. millia CCCXXX.
equitum VI. millia] Hic olim legeba-
tur equitum VI. et XL. millia. Emen-
davit Sigonius, quomodo nunc habe-
tur. Dubitamus tamen, an locum
persanaverit. Omnino aliquis in his
numeris error esse videtur. Neque
enim satis apparet, cur hic, quem
nunc libri præferunt, numerus fidem
excedere Livio videretur, quum et c.
præc. dixerit XXV. millia hostium
cæsa, octo capta; et ex c. 26. supra
colligi possit Romanos ipsos non pau-
ciores fuisse quadraginta hominum
millibus.

¹⁵ Excitataque memoria] Renovata
est memoria patris, quam filii laudes
æquaverant et eventu publico, præ-
clara nempe populi Romani victoria;
et eventu privato, gloriosa scilicet
morte.

¹⁶ Æris octogeni bini] Supple,
nummi librales, sive asses. Porro
82. asses excedunt aliquanto pretium
unius uncie argenti.

¹⁷ In agrum Vescinum Formia-
numque, et parte alia in Æserninum,
quæque Vulturno adjacent flumini]
Sic edebatur ante Sigonium. Sic et
suos habere scriptos testatur Grono-
vius. Ea quæ vulgo nunc libros oc-
cupat lectio, quæ Vulturno adjacent
flumini, procul dubio vitiosa est. Ne-
que enim aut Vescinus ager, aut For-
mianus, Vulturno, sed Liri adjacent.
Præterquam quod *quæ* non satis
commode referretur ad *agerum*. Quum
tamen scripti omnes nostri præferant
adjacet, et unus ex iis, quemadmo-
dum et Sigoniani, ignoret *quæ*, pro-
babilis videtur Gronovii conjectura,
qua Vulturno adjacet flumini: Æser-
ninus nempe ager, qui ultimo nomi-
natus est.

mille septingentos quadraginta: qui redempti singuli ¹⁸ æris U. C. 457. A. C. 295. trecentis decem. præda alia omnis militibus concessa. Samnitium legiones, quum partim Ap. Claudius prætor, partim L. Volumnius pro consule sequeretur, in agrum Stellatam convenerunt. ibi et ¹⁹ Samnitium legiones omnes considunt, et Appius Volumniusque castra conjungunt. Pugnatum infestissimis animis, hinc ira stimulante adversus rebellantes toties, illinc ab ultima jam dimicantibus spe. Cæsa ergo Samnitium sexdecim millia trecenti, capta duo millia septingenti. ex Romano exercitu cecidere duo millia septingenti. Felix annus bellicis rebus, pestilentia gravis, prodigiisque sollicitus. nam, et terram multifariam pluisse, et in exercitu Ap. Claudii plerosque fulminibus ictos, nunciatum est: librique ob hæc aditi. Eo anno Q. Fabius Gurgæ, consulis filius, aliquot matronas ad populum stupri damnatas pecunia multavit. ex quo multaticio ære Veneris ædem, quæ prope circum est, faciendam curavit. Supersunt etiam nunc Samnitium bella, quæ continua per quartum jam volumen Belli Samnitici diuturnitas, et atrocitas. ²⁰ annumque sextum et quadragesimum, a M. Valerio, A. Cornelio consulibus, qui primi Samnio arma intulerunt, agimus: et ne tot annorum clades utriusque gentis laboresque actos nunc referam, quibus nequiverint tamen dura illa pectora vinci; proximo anno Samnites in Sentinati agro, Pelignis, ad Tifernum, Stellatibus campis, suis ipsi legionibus, mixti alienis, ab quatuor exercitibus, quatuor ducibus Romanis cæsi fuerant, imperatorem clarissimum gentis suæ amiserant; socios belli, Etruscos, Umbros, Gallos, in eadem fortuna videbant, qua ipsi erant: nec suis, nec externis viribus jam stare poterant; tamen bello non abstinebant. adeo ne infelicitèr quidem defensæ libertatis tædebat: et vinci, quam non tentare victoriam, malebant. Quinam sit ille,

¹⁸ *Æris trecentis decem*] Assibus 310. qui æstimari possunt circiter quatuor unciis argenti Parisiensibus.

¹⁹ *Samnitium legiones omnes*] Vox *legiones* abest a libris Gronovio inspectis et a nostris. Campanus illam habet, sed omittit *omnes*. Atque hæc expeditissima lectio videtur. Tamen quum unus e codd. nostris habeat *Samnitii*, alius *ad Samnitium*, suspicamur in illa voce latere posse nomen alicujus loci: Liviumque dedisse, *ibi ad* (loci nomen supplere non possumus) *considerant*: recisis duabus vocibus *legiones omnes*, quas ambas prætermittit Victorinus liber.

²⁰ *Annumque sextum et quadragesimum*] Intelligit Livius annum eum,

quo L. Postumius et M. Atilius consules fuerunt, ut patet ex eo quod annum quo Samnites in *Sentinati* *cæsi fuerant*, id est, eum quo Fabius V. Decius IV. consulatum gesserunt, vocet paulo infra *proximum*, sive proxime præcedentem annum. Annus autem quo L. Postumius, M. Atilius Coss. fuere, est quidem ex calculo quem sequimur, septimus et quadragesimus Samnitici belli, ob unum nimirum annum, quem Livius non videtur agnoscere, adjectum, de quo vid. not. 20. ad VIII. 19. Sed Livius, qui ejus rationem non habuit, debuit annum de quo hic agimus, numerare sextum et quadragesimum.

quem non pigeat longinquitatis bellorum scribendo legendoque, quæ gerentes non fatigaverunt?

U. C. 458.
A. C. 294.
L. Postu-
mio II. M.
Atilio Coss.

Samnites
castra Ro-
mana ad-
grediuntur.

XXXII. Q. Fabium, P. Decium, L. Postumius Megellus et M. Atilius Regulus consules secuti sunt. Samnium ambobus decreta provincia est; quia tres scriptos hostium exercitus, uno Etruriam, altero populationes Campaniæ repeti, tertium tuendis parari finibus, fama erat. Postumium valetudo adversa Romæ tenuit: Atilius extemplo profectus, ut in Samnio hostes (ita enim placuerat Patribus) nondum egressos obprimeret. Velut ex composito ²¹ ibi obvium habuere hostem; ubi et intrare, nedum vastare, ipsi Samnitium agrum prohiberentur: et egredi inde in pacata sociorumque populi Romani fines Samnitum prohiberent. Quum castra castris conlata essent, quod vix Romanus toties victor auderet, ausi Samnites sunt (tantum desperatio ultima temeritatis facit) castra Romana obpugnare. et quamquam non venit ad finem tam audax inceptum, tamen haud omnino vanum fuit. Nebula erat ad multum diei densa adeo, ut lucis usum eriperet, non prospectu modo extra vallum adempto, sed propinquo etiam congregientium inter se conspectu. Hac velut latebra insidiarum freti Samnites, vixdum satis certa luce, et eam ipsam premente caligine, ad stationem Romanam in porta segniter agentem vigilias perveniunt. Improviso oppressis nec animi satis ad resistendum, nec virium fuit. Ab tergo castrorum ²² decumana porta inpetus factus. itaque captum ²³ quæstorium: quæstorque ibi L. Opimius Pansa occisus. conclamatum inde ad arma.

XXXIII. Consul, tumultu excitus, cohortes duas sociorum, Lucanam Suessanamque, quæ proximæ forte erant, tueri prætorium jubet: manipulos, legionum ²⁴ principali via inducit. Vixdum satis aptatis armis, in ordines eunt: et clamore magis, quam oculis, hostem noscunt: nec, quantus numerus sit, æstimari potest. Cedunt primo incerti fortu-

²¹ *Ibi obvium habuere hostem*] Consul et exercitus Romanus.

²² *Decumana porto*] Vid. not. 15. ad c. 5. l. III.

²³ *Quæstorium*] Quæstoris tabernaculum, et ejus apparatus copisque destinata sedes. Polybius lib. VI. Quæstorium locat juxta Prætorium in fronte castrorum. At ex hoc loco et quibusdam aliis Lipsius colligit l. V. de Milit. Rom. Dial. 3. Quæstorium primis temporibus fuisse in inferiore castrorum parte, ²⁴ haud procul a Decumana porta.

²⁴ *Principali via*] Lipsio l. IV. de

Milit. Rom. Dial. 1. *Principalis via* eadem est quæ *via Principiorum*, quæ nempe per totam castrorum latitudinem ab una Principali porta ad alteram pertingebat. Sed hic locus repugnat. Siquidem, quum hostes sint in inferiore castrorum parte, non eundem est consuli ad portas Principales in lateribus castrorum sitas, sed per longitudinem castrorum descendendum ad inferiorem partem. Itaque *via Principalis* de qua hic agitur, debuit a fronte castrorum porrigi versus portam Decumanam.

nae suae, et hostem introrsum in media castra accipiunt. in- U. C. 438.
 de quum consul vociferaretur, *expulsine extra vallum, castra* A. C. 294.
deinde sua obpugnaturi essent, rogans; clamore sublato con-
 nisi primo resistunt: deinde inferunt pedem urgentque, et
 impulsos semel terrore eodem agunt, quo coeperunt. Expel-
 lunt extra portam vallumque. inde pergere ac persequi (quia
 turbida lux metum circa insidiarum faciebat) non ausi, libe-
 ratis castris contenti, receperunt se intra vallum trecentis
 ferme hostium occisis. Romanorum stationis primae vigi-
 lumque et eorum, qui circa quaestorium obpressi, periere ad
 ducentos triginta. Animos inde Samnitibus non infelix au-
 dacia auxit; et non modo proferre inde castra Romanum;
 sed ne pabulari quidem per agros suos, patiebantur. retro in
 pacatum Soranum agrum pabulatores ibant. Quarum re-
 rum fama, tumultuosior etiam, quam res erant, perlata Ro-
 mam, coegit L. Postumium consulem, vixdum validum,
²⁵ proficisci ex urbe. Prius tamen, quam exiret, militibus
 edicto Soranum jussis convenire, ipse sedem Victoriae, quam
 aedilis curulis ex multatitia pecunia faciendam curaverat,
 dedicavit. Ita ad exercitum profectus, ab Sora in Samnium
 ad castra collegae perrexit. inde postquam Samnites, diffusi
 duobus exercitibus resisti posse, recesserunt; diversi con-
 sules ad vastandos agros urbesque obpugnandas disce-
 dunt.

XXXIV. Postumius Milioniam obpugnare adortus, vi ^{Urbes Sam-}
 primo atque impetu, dein^f, postquam ea parum procedebant, ^{nitium cap-}
 opere ac ²⁶ vineis demum injunctis muro cepit. Ibi, capta ^{tae.}
 jam urbe, ab hora quarta usque ad octavam fere horam om-
 nibus partibus urbis diu incerto eventu pugnatum est. post-
 remo potitur oppido Romanus. Samnitium caesi tria millia
 ducenti: capti quatuor millia ducenti, praeter praedam aliam.
 Inde ²⁷ Ferentinum ductae legiones: unde oppidani cum om-
 nibus rebus suis, quae ferri agique potuerunt, nocte per
 aversam portam silentio excesserunt. Igitur, simul advenit
 consul, primo ita compositus instructusque moenibus suc-
 cessit, tamquam idem, quod ad Milioniam fuerat, certami-
 nis foret: deinde, ut silentium vastum in urbe, nec arma,
 nec viros in turribus ac muris vidit, avidum invadendi de-

^f deinde Gron. Crev.

²⁵ *Proficisci ex urbe.* Prius tamen
 quam exiret] Hujus loci interpunctio-
 nem mutavimus: quod monemus, ne
 quis id sine consilio factum putet.
 Ratio hujus interpunctionis quam se-
 quimur, sponte occurret cuivis paulo
 attentius legenti.

²⁶ *Vineis*] Vid. not. 94. ad II. 17.

²⁷ *Ferentinum*] Mendi arguit hanc

vocem Gronovius. Ferentinum enim
 alterum in Latium est, alterum in E-
 truria; procul utrumque ab his regio-
 nibus in quibus nunc bellum geritur:
 nec ulla urbs ejus nominis in Samnio
 reperitur. Mirum in modum variant
 scripti. Gronovius suspicatur Tre-
 ventinum, Dujatius Forcatum.

U. C. 456. A. C. 294. **serta moenia militem detinet, ne quam occultam in fraudem incautus rueret. Duas turmas sociorum Latini nominis circumequitare moenia, atque explorare omnia jubet. equites portam unam alteramque ²⁸ eadem regione in propinquo patientes conspiciunt, itineribusque iis vestigia nocturnæ hostium fugæ. Adequitant deinde sensim portis, urbemque ex tuto rectis itineribus perviam conspiciunt: ad consulem referunt, excessum urbe; solitudine haud dubia id ²⁹ perspicuum esse, et recentibus vestigiis fugæ, ac ³⁰ strage rerum in trepidatione nocturna passim relictarum. His auditis, consul ad eam partem urbis, qua adierant equites, circumducit agmen: constitutisque haud procul porta signis, quinque equites jubet intrare urbem, et, modicum spatium progressos, tres manere eodem loco, si tuta videantur; duos explorata ad se referre. Qui ubi redierunt, retuleruntque, eo se progressos, unde in omnes partes circumspectus esset, longe lateque silentium ac solitudinem vidisse; extemplo consul cohortes expeditas in urbem induxit; ceteros interim castra communire jussit. ingressi milites, refractis foribus, paucos graves ætate aut invalidos inveniunt, relictæque, quæ migratu difficilia essent. Ea direpta; et cognitum ex captivis est, communi consilio aliquot circa urbes conscisse fugam; suos prima vigilia profectos. credere, eandem in aliis urbibus solitudinem inventuros. Dictis captivorum fides exstitit: desertis oppidis consul potitur.**

Bellum
Atilio non
facile.

XXXV. Alteri consuli M. Atilio nequaquam tam facile bellum fuit. Quum ad Luceriam duceret legiones, quam obpugnari ad Samnitibus audierat, ad finem Lucerinum ei hostis obvius fuit. ibi ira vires æquavit. Proelium varium et anceps fuit: tristius tamen eventu Romanis; et quia insueti erant vinci, et quia digredientes magis, quam in ipso certamine, senserunt, quantum in sua parte plus vulnorum ac cædis fuisset. Itaque is terror in castris ortus, qui si pugnantes cepisset, insignis accepta clades foret. ³¹ Tum quoque sollicita nox fuit jam invasurum castra Samnitem credentibus, aut prima luce cum victoribus conserendas manus. Minus cladis, ceterum non plus animorum, ad hostes erat. ubi primum inluxit, abire sine certamine cupiunt. Sed via una, et ea ipsa præter hostes, erat: ³² quæ ingressi, præbu-

quam Crev.

²⁸ *Eadem regione in propinquo]* Vicinas sibi invicem in eadem urbis regione.

²⁹ *Perspicuum esse]* Quatuor nostri codices, tres Gronoviani, et omnes vetustiores editi habent *id perspicuum*: ut sic interpungendus ac legendus esse hic locus videatur: *ex-*

cessum urbe: solitudine haud dubia id perspicuum esse.

³⁰ *Strage rerum]* Stratis passim per vias rebus.

³¹ *Tum quoque]* Etiam si minus periculi tum fuerit, quam si is terror pugnantes cepisset.

³² *Quam ingressi]* Hanc lectionem

ere speciem recta tendentium ad castra obpugnanda. Consul U. C. 438. :
 arma capere milites jubet, et sequi se extra vallum: legatis, A. C. 294.
 tribunis, ⁸³ praefectis sociorum imperat, ⁸⁴ quod apud quem-
 que facto opus est. Omnes adfirmant, se quidem omnia factu-
 ros, sed militum jacere animos. tota nocte inter vulnera et gemitus morientium vigilatum esse. Si ante lucem ad castra ventum foret, tantum pavoris fuisse, ut relicturi signa fuerint: nemo pudore a fuga contineri, alioquin pro victis esse. Quæ ubi consul accepit, sibi met ipsi circummeundos adloquendosque milites ratus, ut ad quosque venerat, cunctantes arma capere increpabat; *Quid cessarent, tergiversarenturque? Hostem in castra venturum, ⁸⁵ nisi illi extra castra exissent: et pro tentoriis suis pugnaturos, si pro vallo nollent. armatis ac dimicantibus ⁸⁶ dubiam victoriam esse. ⁸⁷ Qui nudus atque inermis hostem maneat, ei aut mortem, aut servitutem patiendam.* Hæc jurganti increpantique respondebant: *Confectos se pugna hesternæ esse: nec virium quidquam, nec sanguinis superesse. majorem multitudinem hostium adparere, quam pridie fuerit.* Inter hæc adpropinquabat agmen: et, jam breviori intervallo certiora intuentes, vallum secum portare Samnitem adfirmant, nec dubium esse, quin castra circumvallaturi sint. Tunc, enimvero, consul, indignum facinus esse, vociferari, tantam contumeliam ignominiamque ab ignavissimo accipi hoste. *Etiāne circumsedebimur, inquit, in castris, ut fame potius per ignominiam, quam ferro, si necesse est, per virtutem, moriamur? Dii bene verterent, facerentque, quod se dignum quisque ducerent.* Consulem M. Atilium vel solum, si nemo alius sequatur, iturum adversus hostes: casurumque inter signa Samnitium potius, quam circumvallari castra Romana videat. Dicta consulis legati, tribunique, et omnes turmae equitum, et ⁸⁸ centuriones primorum ordinum, adprobavere. Tum pudore victus miles segniter arma capit, segniter e castris egreditur: longo agmine, nec continenti, mæsti ac prope victi procedunt ⁸⁹ adversus^a hostem, nec spe, nec animo certio-rem. Itaque

^a versus Gron.

tuentur Campanus, Sigonius, unus Hearnii codex, et duo e nostris. Vulgo qua.

⁸³ Praefectis sociorum]. Vid. not. 89. ad c. 36. l. VIII.

⁸⁴ Quod apud quemque facto opus est] Magis placeret quod cuique.

⁸⁵ Nisi illi extra castra exissent] Vetus Sigonii liber, assentiente uno e nostris, nisi ipsi: quod placet.

⁸⁶ Dubiam victoriam esse] Victoriam sperari posse: at si quiescant inermes, certam imminere servitutem aut mortem.

⁸⁷ Qui nudus atque inermis] Melius

inermis: quod habent quidam acripti, teste Gronovio. * *Nudus* enim hic intelligi debet *inermis*.

⁸⁸ Centuriones primorum ordinum] Hos, qui et nonnunquam *primi ordines* appellantur, intelligit Lipsius Primopilum, primum Principem, primum Hastatum: sive centuriones primi Triariorum ordinis, primi Principum, primi Hastatorum. Eum adi l. II. de Milit. Rom. dial. 8.

⁸⁹ Adversus hostem] Sic Campanus, Andreas, Sigonius, et sex e nostris. Vulgo *versus hostem*.

U. C. 458. simul conspecta sunt Romana signa, extemplo a primo
 A. C. 294. Samnitium agmine ad novissimum fremitus perfertur, *Exire, id quod timuerint, ad impediendum iter Romanos. Nullam inde ne fugæ quidem patere viam. illo loco aut cadendum esse, aut, stratis hostibus, per corpora eorum evadendum.*

XXXVI. ⁴⁰ In medio sarcinas conjiciunt; armati suis quisque ordinibus instruunt aciem. Jam exiguum inter duas acies erat spatium, et stabant expectantes, dum ab hostibus prius inpetus, prius clamor inciperet. neutris animus est ad pugnandum. Diversique integri atque intacti abissent, ni cedenti instaturum alterum timuissent. sua sponte inter invitos tergiversantesque segnis pugna, clamore incerto atque inpari, cœpit: nec vestigio quisquam movebatur. Tum consul Romanus, ut rem excitaret, equitum paucas turmas extra ordinem inmisit: quorum quum plerique delapsi ex equis essent, et alii turbati; et ab Samnitium acie ad obprimendos eos, qui ceciderant, et ad suos tuendos ab Romanis procursum est. Inde paullulum irritata pugna est, sed aliquanto et inpigre magis, et plures procurrerant Samnites: et turbatus eques sua ipse subsidia territis equis proculcavit. hinc fuga cœpta totam avertit aciem Romanam. Jamque in terga fugientium Samnites pugnabant, quum consul, equo prævectus ad portam castrorum, ac statione equitum ibi obposita, edictoquo, ⁴¹ *ut, quicumque ad vallum tenderet^a, sive ille Romanus, sive Samnis esset, pro hoste haberent*; ⁴² hæc ipsa minitans, obstitit profuse tendentibus suis in castra. Quo pergis, inquit, miles? et hic arma et viros invenies. nec, vivo consule tuo, nisi victor castra intrabis. Proinde elige, cum cive, an hoste, pugnare malis. Hæc dicente consule, equites infestis cuspidibus circumfunduntur, ac peditem in pugnam redire jubent. Non virtus solum consulem, sed fors etiam adjuvit; quod non institerunt Samnites, spatiumque circumgendi signa, vertendique aciem a castris in hostem fuit. Tum alii alios hortari, ut repeterent pugnam: centuriones ab signiferis rapta signa inferre: et ostendere suis, paucos et ordinibus incompositis effuse venire hostes. Inter hæc consul, manus ad cœlum adtollens, voce clara, ita ut exaudiretur, templum Jovi Statori vovet, si constitisset a fuga Romana acies, redintegratoque prælio cecidisset vicissetque

^a pergeret Gron. Crev.

⁴⁰ In medio sarcinas conjiciunt] Lege cum Jac. Gronovio: in medium.

⁴¹ Ut quicumque ad vallum pergeret, . . pro hoste haberent] Haud multum interest. Sed plerique editi, et codices Hearnii, et tres e nostris, ha-

bent ad vallum tenderet. Quidam quoque scripti, et vet. editi præferunt haberetur, non haberent.

⁴² Hæc ipse minitans] Hæc ipse, quæ stationi equitum imperarat, minitans fugientibus.

legiones Samnitium. Omnes undique adnisi ad restituenda pugnam, duces, milites, peditum equitumque vis: ⁴³ numen etiam Deorum respexisse nomen Romanum visum. adeo facile inclinata res, repulsique a castris hostes; mox etiam redacti ad eum locum, in quo commissa pugna erat. Ibi, objacente sarcinarum cumulo, quas conjecerant in medium, hæere inpediti: deinde, ne diriperentur res, orbem armatorum sarcinis circumdant. Tum vero eos a fronte urguere pedites, ab tergo circumvecti equites. ita in medio cæsi captique. Captivorum numerus fuit septem millium ac ducentorum¹, qui omnes nudi sub jugum missi. cæsos ⁴⁴ retulere ad quatuor millia octingentos. Ne Romanis quidem læta victoria fuit. recensente consule biduo acceptam cladem, amissorum militum numerus relatus septem millium ac ducentorum². Dum hæc in Apulia gerebantur, altero exercitu Samnites Interamnam, coloniam Romanam, quæ via Latina est, occupare conati, urbem non tenuerunt: agros depopulati quum prædam aliam inde mixtam hominum atque pecudum, colonosque captos agerent, in victorem incidunt consulem, ab Luceria redeuntem: nec prædam solum amittunt, sed ipsi ⁴⁵ longo atque inpedito agmine incompositi cæduntur. Consul, Interamnam edicto dominis ad res suas noscendas recipiendasque revocatis, et exercitu ibi relicto, comitiorum causa Romam est profectus. Cui de triumpho agenti negatus honos, et ob amissa tot millia militum, et ⁴⁶ quod captivos sine pactione sub jugum misset.

XXXVII. Consul alter Postumius, quia in Samnitibus materia belli deerat, in Etruriam traducto exercitu, primum pervastaverat Volsiniensem agrum: dein¹ cum egressis ad tuendos fines haud procul mœnibus ipsorum depugnat. duo millia octingenti² Etruscorum cæsi: ceteros propinquitas urbis tutata est. In Rusellanum agrum exercitus traductus. ibi non agri tantum vastati, sed oppidum etiam expugnatum: capta amplius duo millia hominum, minus duo millia circa muros cæsa. Pax tamen clarior majorque, quam bellum in Etruria eo anno fuerat, parta est. Tres validissimæ

Etruria a
Postumio
vastata.

¹ trecentorum Gron. Crev. ² septem millia trecenti Eæd. ¹ deinde Eæd.
² CC. Eæd.

⁴³ * Numen etiam deorum respexisse nomen Romanum visum] Dii quoque visi respexisse Romanos.

⁴⁴ * Retulere] Ii quibus datum negotium erat ut cæsorū corpora numerarent.

⁴⁵ Longo ac inpedito agmine] Lege et inpedito. Vitant enim optimi scriptores concursum particulæ ac

cum sequente vocali.

⁴⁶ Quod captivos sine pactione sub jugum misset] Nempe sub jugum missi liberabantur et abire sinebantur. Id ergo indignantur Patres, tot captivos ita remissos esse, ut nihil inde commodi respublica Romana receperisset.

U. C. 468.
A. C. 294.

urbes, Etruriæ capita, Volsinii, Perugia, Arretium, pacem petiere; et, ⁴⁷ vestimentis militum frumentoque pacti cum consule, ut mitti Romam oratores liceret, induciae in quadraginta annos inpetraverunt. multa præsens ⁴⁸ quingentum millium æris in singulas civitates inposita. Ob hasce res gestas, consul quum triumphum ab senatu, moris magis causa, quam spe inpetrandi, petisset, videretque alios, quod tardius ab urbe exisset; alios, quod injussu senatus ex Samnio in Etruriam transisset, partim suos inimicos, partim collegæ amicos, ad solatium æquatæ repulsæ sibi quoque negare triumphum: *Non ita, inquit, Patres conscripti, vestræ majestatis meminero, ut me consulem esse obliviscar. eodem jure imperii, quo bella gessi, bellis feliciter gestis, Samnio atque Etruria subactis, victoria et pace parta, triumphabo.* Ita senatum reliquit. Inde inter tribunos plebis contentio orta: pars intercessuros, ne novo exemplo triumpharet, aiebant; pars auxilio se adversus collegas triumphanti futuros. Jacitata res ad populum est: vocatusque eo consul, quum ⁴⁹ M. Horatium, L. Valerium consules, ⁵⁰ C. Martium Rutilum nuper, patrem ejus, qui tunc censor esset, non ex auctoritate senatus, sed jussu populi triumphasse diceret; adjiciebat, *se quoque laturum fuisse ad populum, ni sciret, mancipia nobilium tribunos plebis legem inpediuros: voluntatem sibi ac favorem consentientis populi pro omnibus jussis esse,* ⁵¹ *ac futura*ⁿ. Posteroque die auxilio tribunorum plebis trium, adversus intercessionem septem tribunorum et consensum senatus, celebrante populo diem, triumphavit. Et hujus anni parum constans memoria est. Postumium, auctor est Claudius, in Samnio captis aliquot urbibus, in Apulia fusum fugatumque, saucium ipsum cum paucis Luceriam compulsum: ab Atilio in Etruria res gestas, eumque triumphasse. Fabius, ambo^o consules in Samnio et ad Luceriam res gessisse, scribit, traductumque in Etruriam exercitum, (sed ab utro consule non adjecit) et ad Luceriam utrimque multos occisos. inque ea pugna Jovis Statoris ædem votam, ut Romulus ante voverat: sed ⁵² fanum tantum, id est locus, templo effa-

Postumius triumphat senatu adversante.

ⁿ futuram Gron. Crev.

^o ambos Esed.

47^o Vestimentis pacti . . . ut] Vid. not. 80. ad IX. 43.

48 Quingentum millium æris] Libræ æris 500000. pares censendæ sunt marcis argenti Parisiensibus 781. cum duabus uncias.

49 M. Horatium, L. Valerium consules] Vid. III. 63.

50 C. Marcium Rutilum] Vid. VII. 17.

51^o Ac futuram] Lege futurum,

vel futura.

52 Fanum . . id est, locus templo effatus] Fanum igitur et ædes, si propria omnino loquerentur, sic differabant, ut fanum esset area nuda et solum alicui deo consecratum; ædes, ipsum ædificium. Hinc Festus: sistere fana quum in condenda urbe dicitur, significat loci in oppido futurorum fanorum constitucere.

tas, sacratus^p fuerat. Ceterum, hoc demum anno ut sedem etiam fieri senatus juberet, bis ejusdem⁵⁵ voti⁵⁴ damnata respublica⁵⁵ in religionem venit.

XXXVIII. Sequitur hunc annum et consul insignis L. U. C. 459. Papirius Cursor, qua paterna gloria, qua sua, et bellum in- A. C. 293. gens victoriaque, quantam de Samnitibus nemo ad eam L. Papirio, diem, præter L. Papirium patrem consulis, pepererat: et for- Sp. Carvi- te eodem conatu adparatuque omni opulentia insignium lio Cosa. armorum bellum adornaverant: et Deorum etiam adhibue- rant opes, ritu quodam sacramenti vetusto velut initiatis militibus, delectu per omne Samnium habito nova lege: ut, qui juniorum non convenisset ad imperatorium edictum, qui- que injussu abisset, caput Jovi sacratum esset. Tum exercitus omnis Aquiloniam est indictus. ad quadraginta millia mili- tum, quod roboris in Samnio erat, convenerunt. Ibi mediis fere castris locus est conseptus cratibus⁵⁶ pluteisque, et lin- teis contectus, patens ducentos maxime pedes in omnes pa- riter partes. Ibi⁵⁷ ex libro vetere linteo lecto sacrificatum, Sacramento sacerdote Ovio Paccio quodam, homine magno natu, qui se adiguntur id sacrum petere adfirmabat ex vetusta Samnitium religio- milites ne; qua quondam usi majores eorum fuissent, quum adi- Samnitium mendæ Etruscis Capuæ clandestinum cepissent consilium. horrendo Sacrificio perfecto, per viatorem imperator adciri jubebat quodam ritu. nobilissimum quemque genere factisque. singuli introduce- bantur. Erat quum alius adparatus sacri, qui perfundere religione animum posset; tum in loco circa omni contecto aræ in medio, victimæque circa cæsæ, et circumstantes cen- turiones strictis gladiis. Admovebatur altaribus miles, ma- gis ut victima, quam ut sacri particeps: adigebaturque jure- jurando, quæ visa auditaque in eo loco essent, non enuncia- turum. Dein jurare cogeatur diro quodam carmine, in exsecrationem capitis familiæque et stirpis composito, nisi isset in proelium, quo imperatores duxissent: et si aut ipse ex acie fugisset, aut, si quem fugientem vidisset, non extemplo occidisset. Id primo quidam abnuentes juraturos se, obtruncati circa altaria sunt: jacentes deinde inter stra-

^p jam sacratus Gron. Crev.

⁵⁵ *Voti damnata*] Voti solutionem debente. Vld. supra V. 25.

⁵⁴ *Damnata republica*] Sic recte Gronovius, cui adstipulatur unus e nostris codd. Olim edebatur, *repub- lica*.

⁵⁵ *In religionem venit*] Religio ex- pascere visa est.

⁵⁶ *Pluteisque*] Plutei sunt vel cra- tes corio crudo intentæ, vel tabulæ

quibus quid præsepitur. FESTUS.

⁵⁷ *Ex libro vetere linteo lecto*] Ex libro vetere linteo, qui lectus fuerat; nempe ab illo Ovio Paccio, qui sacer- dos hujus sacri fuit; et fortasse co- ram imperatore et præcipuis ducum. Posset ultima vox abesse sine sensus dispendio: et quidem eam omittit unus Hearnii codex.

U. C. 459. gem victimarum documento ceteris fuere, ne abnuerent.
 A. C. 293. Primoribus Samnitium ea detestatione obstrictis, decem nominatis ab imperatore, eis dictum, ⁵⁸ ut vir virum legerent, donec sexdecim millium numerum confecissent. ea legio linteata ab integumento consepti, quo sacrata nobilitas erat; adpellata est. His arma insignia data, et cristatae galeae, ut inter ceteros emerent. Paulo plus viginti millium alius exercitus fuit, nec corporum specie, nec gloria belli, nec adparatu linteatae legioni dispar. hic hominum numerus, quod roboris erat, ad Aquiloniam conседit.

Samnium
 vastant
 Coss.

XXXIX. Consules profecti ab urbe: prior Sp. Carvilius, cui veteres legiones, quas M. Atilius, superioris anni consul, in agro Interamnati reliquerat, decretae erant, cum eis in Samnium profectus, dum hostes, ⁵⁹ operati superstitionibus, concilia secreta agunt, Amiternum oppidum de Samnitibus vi cepit. Caesa ibi millia hominum duo ferme atque octingenti: capta quatuor millia ducenti septuaginta. Papirius, novo exercitu (ita decretum erat) scripto, Durniam urbem expugnavit. minus, quam collega, cepit hominum, plus aliquanto occidit. praeda opulenta utrobique est parta. Inde pervagati Samnium consules, maxime depulato Atinate agro, Carvilius ad Cominium, Papirius ad Aquiloniam (ubi summa rei Samnitium erat) pervenit. ⁶⁰ ibi aliquamdiu nec cessatum ab armis est, neque naviter pugnatum: laccessendo quietos, resistantibus cedendo, comminandoque magis, quam inferendo pugnam, dies absumebatur. quod quum inciperetur, remittereturque, omnium rerum etiam parvarum eventus proferebatur in dies. Altera Romana castra viginti millium spatio aberant: et absentis collegae consilia omnibus gerendis intererant rebus: intentiorque Carvilius, quo majore discrimine res vertebatur, in Aquiloniam, quam ad Cominium, quod obsidebat, erat. L. Papirius, jam per omnia ad dimicandum satis paratus, nuncium ad collegam mittit; *sibi in animo esse, postero die, si per auspicia liceret, configere cum hoste. Opus esse, et illum, quanta maxima vi posset, Cominium obpugnare, ne quid laxamenti sit Samnitibus ad subsidia Aquiloniam mittenda.* Diem ad proficiscendum nuncius habuit: nocte rediit, adprobare collegam consulta referens. Papirius, nuncio misso, extemplo concionem habuit; multa de universo genere belli, multa de praesenti hostium adparatu, vana magis specie, quam efficaci ad eventum, disseruit. *Non enim cristas vulnera facere; et*

Papirius
 milites hor-
 tatur.

⁵⁸ [Ut vir virum legerent] Vid. not. 60. ad IX. 39.

⁵⁹ * Operati] Vid. not. 31. ad I. 31.

⁶⁰ * Ibi] Eo loco qui posterior memoratus est, nempe ad Aquiloniam.

per picta atque aurata scuta transire Romanum pilum: et candore tunicarum fulgentem aciem, ubi res ferro geratur, cruentari. Auream olim atque argenteam Samnitium aciem a parente suo occidione occisam: spoliisque ea honestiora victori hosti, quam ipsis arma, fuisse. Datum hoc forsitan nomini familiarique suæ, ut adversus maximos conatus Samnitium obporentur duces; spoliisque ea referrent, quæ insignia publicis etiam locis decorandis essent. Deos immortales adesse propter toties petita foedera, toties rupta: tum, si qua conjectura mentis divinæ sit, nulli umquam exercitui fuisse infestiores, quam qui, nefando sacro mixta hominum pecudumque cæde respersus, ⁶¹ ancipiti Deum iræ devotus, hinc foederum cum Romanis ictorum testes Deos, hinc jurisjurandi adversus foedera suscepti execrationes horrens, invitatus juraverit, oderit sacramentum, uno tempore Deos, cives, hostes metuat.

XL. Hæc, comperta perfugarum indiciis, quum apud infensos jam sua sponte milites disseruisset, simul divinæ humanæque spei pleni, clamore consentienti pugnam poscunt; poenitet in posterum diem dilatum certamen; moram diei noctisque oderunt. Tertia vigilia noctis, jam relatis literis a collega, Papirius ⁶² silentio surgit, et pullarium in auspicium mittit. Nullum erat genus hominum in castris intactum cupiditate pugnae: summi infimique æque intenti erant: dux militum, miles ducis ardorem spectabat. Is ardor omnium etiam ad eos, qui auspicio intererant, pervenit. nam, quum pulli non pascerentur, pullarius, auspicium mentiri ausus, ⁶³ tripudium solistimum consuli nunciavit. Consul lætus auspicium egregium esse, et Deis auctoribus rem gesturos, pronunciat; signumque pugnae proponit. Exeunti jam forte in aciem nunciat perfuga, viginti cohortes Samnitium (quadringenariæ ferme erant) Cominium profectas, quod ne ignoraret collega, extemplo nuncium mittit: ipse signa ocus proferri jubet, subsidiaque suis quæque locis, et præfectos subsidiis adtribuerat. Dextro cornu L. Volumnium, sinistro L. Scipionem, equitibus lega-

Auspicium
mentitur
pullarius.

61 * *Ancipiti deum iræ*] Utrumque minitanti, sive pugnaret contra foedera, sive fugeret adversus susceptum jusjurandum.

62 * *Silentio*] Vid. not. 44. ad VIII. 23.

63 *Tripudium solistimum*] Auspicium e pullis summa religione a Romanis captabatur, hoc modo. Pullos in cavea asservabant ii, qui ex eo ipso dicebantur pullarii. His igitur pullis, quando auspicari opus erat, puls vel offa objiciebatur. Si pulli e cavea egressi non essent, aut progressi offam

non attigissent, inde colligebatur periculum imminere. Sin autem pascerentur, bonum augurium habebatur, præsertim, si iis vescentibus aliquid ex ore decidisset: idque tripudium solistimum appellabatur. Quis enim, inquit Cicero l. II. de Divin. n. 72. quum pascuntur pulli, necesse est aliquid ex ore cadere, et terram pavire, i. e. ferire, terripavium primo, mox tripudium dictum est: hoc quidem jam tripudium dicitur. Solistimum autem dicebatur a solo, quod feriebat offa ex ore pulli decidens.



U. C. 459. A. C. 293. tos alios, Caios Cædicium et Trebonium, præfecit. Sp. Nautium mulos, detractis clitellis, cum ⁶⁴ cohortibus alariis¹ in tumulum conspectum propere circumducere jubet, ⁶⁵ atque inde inter ipsam dimicationem, quanto maxime posset, moto pulvere ostendere. Dum his intentus imperator erat, altercatio inter pullarios orta de auspicio ejus diei, exauditaque ab equitibus Romanis: qui, rem hand spernendam rati, Sp. Papirio fratris filio consulis, ambigi de auspicio, renunciaverunt. Juvenis, ante doctrinam Deos spernentem natus, rem inquisitam, ne quid incompertum deferret ad consulem, detulit. Cui ille, *Tu quidem macte virtute diligentiaque esto: ceterum qui auspicio adest, si quid falsi nunciat, ⁶⁶ in semet ipsum religionem recipit. Mihi quidem tripudium nunciatum, populo Romano exercituique egregium auspiciū est.* Centurionibus deinde imperavit, ut pullarios inter prima signa constituerent. Promovent et Samnites signa; insequitur acies ornata armataque, ⁶⁷ ut hostium quoque magnificentum spectaculum esset. Priusquam clamor tolleretur, concurrereturque, emissio temere pilo ictus pullarius ante signa cecidit. quod ubi consuli nunciatum est, *Dii in prælio sunt, inquit; habet poenam noxium caput.* Ante consulem hæc dicentem corvus voce clara obcinuit. quo lætus augurio consul, adfirmans numquam humanis rebus magis præsentibus interfuisse Deos, signa canere, et clamorem tolli jussit.

Isque ictus
pilo cadit.

XLI. Prælium commissum atrox, ceterum longe disparibus animis. Romanos ira, spes, ardor certaminis, avidos hostiam sanguinis in prælium rapit: Samnitium magnam partem necessitas ac religio invitos magis resistere, quam inferre pugnam, cogit. nec sustinuissent primum clamorem atque inpetum Romanorum, per aliquot jam annos vinci adsueti, ni potentior alius metus insidens pectoribus a fuga

¹ alaribus Gron. Crev.

64 Cohortibus alaribus] Sive alariis. Sic enim habent et hoc loco, et infra c. 48. complures scripti, tum Gronovio, tum nobis exeussi. Et sæpe alarios appellat Tacitus. Utcunque legas, intellige cohortes sociales. Alam enim proprie et signate de sociis in exercitu dici egregie probat Lipsius, l. II. de Milit. Rom. Dial. 7. Ceterum hic deesse videtur nota numeri. Neque enim profecto cohortes omnes alares, id est, pars longe maxima perditum sociorum, ierunt cum Sp. Nautio. Vid. not. ad XXV. 21. et XXVII. 12. ubi de sociali exercitu fusius agemus.

65 Atque inde inter . . . dimicationem] Adjecimus voculam inde, quam in Gronovianis editionibus omittam Campanus, Andreas, et aliæ vetustæ editiones, cum quibusdam Hearnii MSS. et omnibus nostris agnoscunt.

66 In semetipsum religionem recipit] Semetipsum obligat crimine violatæ religionis, et suum caput pœnæ subjicit.

67 Ut hostium quoque] Ut spectaculum illius, licet hostilis, aciei, Romanorum oculos magnificentia sua capere et quodammodo delectare posset.

retineret. Quippe in oculis erat omnis ille occulti paratus U. C. 469. sacri, et armati sacerdotes, et promiscua hominum pecu- A. C. 293. damque strages, et respersæ⁶⁸ fando nefandoque sanguine aræ, et dira execratio, ac furiale carmen, detestandæ familiæ stirpique compositum: his vinculis fugæ obstricti stabant, civem magis, quam hostem, timentes. Instare Romanos a cornu utroque, a media acie, et cedere Deorum hominumque adtonitos metu. repugnatur segniter, ut ab iis, quos timor moraretur a fuga. Jam prope ad signa cædes pervenerat, quum ex transverso pulvis, velut ingentis agminis incessu motus, adparuit. Sp. Nautius (Octavium Metium quidam eum tradunt) dux alaribus cohortibus erat. pulverem majorem, quam pro numero, excitabant: insidentes mutis calones frondosos ramos per terram trahebant: arma signaque per turbidam lucem in primo adparebant: post altior densiorque pulvis equitum speciem cogentium agmen dabat. Fefellitque non Samnites modo, sed etiam Romanos: et consul affirmavit errorem, clamitans inter prima signa, ita ut vox etiam ad hostes accideret, *captum Cominium, victorem collegam adesse; adniterentur vincere prius, quam gloria alterius exercitus fieret.* Hæc insidens equo. inde tribunis centurionibusque imperat, ut viam equitibus patefaciant. Ipse Trebonio Cædicioque prædixerat, ut, ubi se cuspidem erectam quatientem vidissent, quanta maxima vi possent, concitarent equites in hostem. Ad nutum omnia, ut ex ante præparato, sunt. pandantur inter ordines viæ: provolat eques, atque infestis cuspidibus in medium agmen hostium ruit; perrumpitque ordines, quacumque inpetum dedit. Instant Volumnius et Scipio, et perculosos sternunt. Tum, jam Deorum hominumque victa vi, funduntur linteatæ cohortes: pariter jurati injuratique fugiunt, nec quemquam, præter hostes, metuunt.⁶⁹ Peditum agmen, quod superfuit pugnae, in castra ad Aquiloniam compulsum est. nobilitas equitesque Bovianum perfugerunt: equites eques sequitur, peditum pedes: ac diversa cornua, dextrum ad castra Samnitium, lævum ad urbem tendit. Prior aliquanto Volumnius castra cepit: ad urbem Scipioni majore resistitur vi; non quia plus animi victis est, sed melius muri, quam vallum, armatos arcent. inde lapidibus propulsant hostem. Scipio, nisi in primo pavore, priusquam conlegerentur animi trans-

Vici Sam-
nites.

¹ vias Gron. Crev.

⁶⁸ * *Fando nefandoque sanguine*] Et sanguine pecudum, quem fas erat fundi; et hominum sanguine, qui sine scelere effundi non poterat.

⁶⁹ *Peditum agmen, quod superfuit pugnae*] *Peditum agmen*, non totum,

sed quod ejus superfuit pugnae. Eodem fere modo locutus est Livius supra, V. 34. *Is, quod his ex populis abundabat, Bituriges, Arvernos.* Vid. et infra XXVI. 33.

U. C. 459. acta res esset, lentiores fore munitæ urbis obpugnationem
 A. C. 293. ratus, interrogat milites, *Satin' æquo animo paterentur, ab altero cornu castra capta esse: se victores pelli a portis urbis?* Reclamantibus universis, primus ipse, scuto super caput elato, pergit ad portam: secuti alii, testudine facta, in urbem perrumpunt: deturbatisque Samnitibus, qui circa portam erant, muros occupavere. penetrare in interiora urbis, quia pauci admodum erant, non audent.

XLII. Hæc primo ignorare consul, et intentus recipiendo exercitui esse: jam enim præceps in occasum sol erat, et adpetens nox periculosa et suspecta omnia etiam victoribus faciebat. Progressus longius ab dextra castra capta videt: ab læva clamorem in urbe mixtum pugnantium ac paventium fremitu esse. et tum forte certamen ad portam erat. Advectus deinde equo propius, ut suos in muris videt, nec jam integri quidquam esse, quoniam temeritate paucorum magnæ rei parta occasio esset, adciri, quas receperat, copias, signaque in urbem inferri jussit. ⁷⁰ Ingressi proxima ex parte, quia nox adpropinquabat, quievire. nocte oppidum ab hostibus desertum est. Cæsa illo die ad Aquiloniam Samnitium millia triginta trecenti quadraginta: capta tria millia octingenti et septuaginta: signa militaria nonaginta septem. Ceterum illud memoriæ traditur, non ferme alium ducem lætiores in acie visum, seu suopte ingenio, seu fiducia bene gerundæ rei. Ab eodem robore animi neque controverso auspicio revocari a proelio potuit; et in ipso discrimine, quo templa Diis immortalibus voveri mos erat, voverat Jovi Victori, si legiones hostium fudisset, ⁷¹ pocillum mulsi prius, quam temetum biberet, sese facturum. id votum Diis cordi fuit: et auspicia in bonum verterunt.

Pocillum
mulsi vo-
tum Jovi.

XLIII. Eadem fortuna ab altero consule ad Cominium gesta res. Prima luce, ad mœnia omnibus copiis admotis, corona cinxit urbem; subsidiaque firma, ne qua eruptio fieret, portis obposuit. Jam signum dantem eum nuncius a collega trepidus de viginti cohortium adventu et ab inpetu moratus est, et partem copiarum revocare instructam intentamque ad obpugnandum coegit. D. Brutum Scævam legatum cum legione prima et ⁷² decem cohortibus alariis¹ equitatuque ire adversus subsidium hostium jussit: quocumque in loco fuisset obviis, obsisteret ac moraretur; ma-

¹ viginti Gron. Crev.

¹ alaribus Eæd.

⁷⁰ Ingressi proxima ex parte] Ingressi per eam urbis partem quæ proxima fuit venientibus a castris.

⁷¹ Pocillum mulsi facturum] Magis placeret cum Dujatio legere, pocillo mulsi facturum, supple, sacra: quemadmodum apud Virgil. Ecl. III^a.

Quum faciam vitula. Mulsum est vinum melle temperatum, potio laudatissima apud veteres.

⁷² Viginti cohortibus] Aliquot scripti habent decem: atque is numerus sufficere videtur.

numque, si forte ita res posceret, conferret: modo ne ad U. C. 459.
 Cominium eae copiae admoveri possent. Ipse scalas ferri ad A. C. 293.
 muros ab omni parte urbis jussit, ac testudine ad portas Cominium
 successit. simul et refringebantur portae, et vis undique in a Carvilio
 muros fiebat. Samnites, sicut, antequam in maris viderent
 armatos, satis animi habuerunt ad prohibendos urbis aditu
 hostes; ita, postquam jam non ex intervallo nec missilibus,
 sed cominus gerebatur res; et, qui segre successerant ex
 plano in muros, loco, quem magis timuerant, victo, facile
 in hostem inparem ex aequo pugnabant; relictis turribus
 murisque, in forum omnes compulsi, paullisper inde tenta-
 verunt extremam pugnae fortunam. Deinde, abjectis armis,
 ad undecim^a millia hominum et quadringenti in fidem con-
 sulis venerunt. caesa ad quatuor millia trecenti octoginta.
 Sic ad Cominium, sic ad Aquiloniam gesta res. Inde me-
 dio inter duas urbes spatio, ubi tertia expectata erat pug-
 na, hostes non inventi. septem millia passuum quum abes-
 sent a Cominio, revocati ab suis neutri proelio obcurrerunt.
 Primis ferme tenebris quum in conspectu jam castra, jam
 Aquiloniam habuissent, clamor eos utrimque par accidens
 sustinuit: deinde e regione castrorum, quae incensa ab Ro-
 manis erant, flamma late fusa certioris cladis indicio progredi
 longius prohibuit. Eo ipso loco⁷³ prope temere sub ar-
 mis strati passim inquietum omne tempus noctis, expectan-
 do timendoque lucem, egere. prima luce, incerti⁷⁴ quam in
 partem intenderent iter, repente in fugam consternantur,
 conspecti ab equitibus: qui, egressos nocte ab oppido Sam-
 nites persecuti, viderant multitudinem, non vallo, non sta-
 tionibus firmatam. Conspecta et ex muris Aquiloniae ea
 multitudo erat: jamque etiam legionariae cohortes sequeban-
 tur. Ceterum nec pedes fugientes persequi potuit: et ab
 equite novissimi agminis ducenti ferme et octoginta inter-
 fecti. Arma multa pavidi ac signa militaria duodeviginti
 reliquere. alio agmine incolumi, ut ex tanta trepidatione,
 Bovianum perventum est.

XLIV. Laetitia utriusque exercitus Romani auxit et ab
 altera parte feliciter gesta res. uterque ex alterius sententia
 consul captum oppidum diripiendum militi dedit; exhaus-
 tis deinde tectis ignem injecit: eodemque die Aquilonia et
 Cominium deflagraverunt. et consules, cum gratulatione mu-

^a quindecim Gron. Crev.

⁷³ *Prope temere*] Gronovius mallet, *forte temere*: quae loquendi forma apud Livium usitatissima est. *Prope* omittit Campanus.

⁷⁴ *Quam in partem intenderent*

iter] Tres MSS. Gronoviani, quatuor nostri, *tenderent iter*: ut nempe Virgilius, *iter ad naves tendebat Achaes*: et rursus, *Tendere iter pennis*.

U. C. 489.
A. C. 293.

tua legionum suaeque, castra conjungere. In conspectu duorum exercituum et Carvilius suos pro cuiusque merito laudavit donavitque; et Papirius, apud quem multiplex in acie, circa castra, circa urbem, fuerat certamen, Sp. Nautium, Sp. Papirium, fratris filium, et quatuor centuriones, manipulumque hastatorum, armillis aureisque coronis donavit: Nautium propter expeditionem, qua magni agminis modo terruerat hostes: juvenem Papirium propter navatam cum equitatu et in proelio operam, et nocte, qua fugam infestam Samnitibus ab Aquilonia clam egressis fecit: ⁷⁵ centuriones militesque, quia primi portam murumque Aquiloniae ceperat. equites omnes, ob insignem multis locis operam, ⁷⁶ corniculis armillisque argenteis donat. Consilium inde habitum, quum jam tempus esset deducendi ab Samnio exercitus, aut utriusque, aut certe alterius. Optimum visum, quo magis fractae res Samnitium essent, eo pertinacius et infestius agere cetera et persequi: ut perdomitum Samnium insequentibus consulibus tradi posset. Quando jam nullus esset hostium exercitus, qui signis conlatis dimicaturus videretur, unum superesse belli genus, urbium obpugnationes; quarum per excidia militem locupletare praeda, et hostem pro aris ac focis dimicantem conficere possent. Itaque, literis missis ad senatum populumque Romanum de rebus ab se gestis, diversi, Papirius ad Saepinum, Carvilius ad Volaniam obpugnandam legiones ducunt.

Etrusco-
rum rebel-
lio.

XLV. Literae consulum ingenti laetitia et in curia et in concione auditae; et quadridui supplicatione publicum gaudium privatis studiis celebratum est. nec populo Romano magna solum, sed peropportuna etiam, ea victoria fuit; quia per idem forte tempus rebellasse Etruscos adlatum est. Subibat cogitatio animum, quoniam modo tolerabilis futura Etruria fuisset, ⁷⁷ si quid in Samnio adversi venisset; quae, conjuratione Samnitium erecta, quoniam ambo consules omnisque Romana vis aversa in Samnium esset, occupationem populi Romani pro occasione rebellandi habuisset. Legationes sociorum, a M. Atilio praetore in senatum introductae, querebantur, uri et vastari agros a finitimis Etruscis, quod desciscere a populo Romano nollent: obtestabanturque Patres conscriptos, ut se a vi atque injuria communi hostium tutarentur. Responsum legatis, *civem senatui futu-*

⁷⁵ Centuriones militesque] Quatuor centuriones, manipulumque illum Hastatorum, de quibus modo mentio facta est.

⁷⁶ Corniculis] Parum constat de hujus vocis sensu. Suspiciuntur interpretes ornamenta fuisse militaria, argentea vel aurea, ab figura cor-

num non abludentia, quae in capitibus gestanda militibus iis qui strenue aliquid egissent, ab imperatore darentur.

⁷⁷ Si quid . . . adversi venisset] Duo e nostris codd. cum uno e Gronovianis, *evenisset*. Vid. not. 39. ad IX. 12. supra.

rum, ne socios fidei suæ pœniteret: Etruscorum prope diem sam- U. C. 459.
dem fortunam, quam Samnitium, fore. Segnius tamen, quod A. C. 293.
ad Etruriam adtinebat, acta res esset, ni Faliscos quoque,
qui per multos annos in amicitia fuerant, adlatum foret,
arma Etruscis junxisse. Hujus propinquitas populi acuit
curam Patribus, ut feciales mittendos ad res repetendas
censerent. quibus non redditis, ex auctoritate Patrum jussu
populi bellum Faliscis indictum est: jussique consules sor-
tiri, uter ex Samnio in Etruriam cum exercitu transiret.
Jam Carvilius Volanam, et Palumbinum, et Herculaneum
ex Samnitibus ceperat: Volanam intra paucos dies, Palum-
binum eodem, quo ad muros accessit. Ad Herculaneum
bis etiam signis conlatis ancipiti prælio, et cum majore sua,
quam hostium, jactura dimicavit. Castris deinde positis,
mœnibus hostem inclusit. obpugnatum oppidum captum-
que. In his tribus urbibus capta aut cæsa ⁷⁸ ad decem millia
hominum: ita ut parvo admodum plures caperentur. Sor-
tientibus provincias consulibus, Etruria Carvilio evenit se-
cundum vota militum, qui vim frigoris jam in Samnio non
patiebantur. Papirio ad Sæpinum major vis hostium resti-
tit. sæpe in acie, sæpe in agmine, sæpe circa ipsam urbem
adversus eruptiones hostium pugnatum: ⁷⁹ neque obsidio,
neque bellum ex æquo erat: non enim muris magis se Sam-
nites, quam armis ac viris mœnia, tutabantur. Tandem
pugnando in obsidionem justam coëgit hostes: obsidendo-
que vi atque operibus urbem expugnavit, itaque ab ira plus
cædis editum, capta urbe: septem millia quadringenti cæsi:
capta minus tria millia hominum: præda, quæ plurima fuit,
congestis Samnitium rebus in urbes paucas, militi concessa
est.

XLVI. Nives jam omnia opleverant, nec durari extra Papirii tri-
tecta poterat; itaque consul exercitum de Samnio deduxit. ^{umphus.}
Venienti Romam triumphus omnium consensu est delatus.
triumphavit in magistratu, insigni, ut illorum temporum
habitus erat, triumpho. Pedites equitesque insignes donis
⁸⁰ transiere, ac transvecti sunt: multæ ⁸¹ civicæ coronæ,

⁷⁸ Ad decem millia hominum] De-
est in editionibus Gronovianis et ad,
procul dubio per incuriam operarum.

⁷⁹ Neque obsidio, neque bellum]
Multum placet quæ in uno codice,
teste Gronovio, scriptura reperitur:
Neque obsidio, sed bellum ex æquo erat.
Bellum ex æquo, est illud quod aperte
campo, et instructa utrimque acie
geritur. Hanc lectionem firman-
t sequuntur.

⁸⁰ Transiere ac transvecti sunt]
Transiere pedites, *transvecti* sunt equi-
tes.

⁸¹ Civicæ coronæ, vallaresque, ac mu-
rales] De civica et murali corona vid.
ad VI. 29. *Vallaris*, sive *Custretis*
erat corona, quæ donabat eum impe-
rator, qui primus hostium castra
pugnans introierat. Ea corona in-
signe valli habebat. Fieri solebat ex
auro. Hæc Gellius l. V. c. 6.

U. C. 459.
A. C. 293.

vallaresque, ac murales conspectæ. Inspectata spolia Samnitium: et decore ac pulchritudine paternis spoliis, quæ nota frequenti publicorum ornatu locorum erant, comparabantur. nobiles aliquot captivi, clari suis patrumque factis, ducti. ⁸²Æris gravis transvecta vicies centena et ad triginta tria millia*. id æs redactum ex captivis dicebatur. ⁸³argenti, quod captum ex urbibus erat, pondo millia trecenta triginta. omne æs argentumque in ærarium conditum. Militibus nihil datum ex præda est. auctaque ea invidia est ad plebem, quod tributum etiam in stipendium militum conlatum est: quum, si spreta gloria fuisset captivæ pecuniæ in ærarium inlatæ, et militi tum dari ex præda, et stipendium militare præstari potuisset. Ædem Quirini, ⁸⁴quam in ipsa dimicatione votam apud neminem veterem auctorem invenio, (neque, Hercule, tam exiguo tempore perficere potuisset) ab dictatore patre votam, filius consul dedicavit, exornavitque hostium spoliis. quorum tanta multitudo fuit, ut non templum tantum forumque his ornaretur; sed sociis etiam colonisque finitimis, ad templorum locorumque publicorum ornatum, dividerentur. A triumpho exercitum in agrum Vescinum, quia regio ea infesta ab Samnitibus erat, hibernatum duxit. Inter hæc Carvilius consul, in Etruria Troilium primum obpugnare adortus, quadringentos septuaginta ditissimos, pecunia grandi pactos, ut abire inde liceret, dimisit: ceteram multitudinem oppidumque ipsum vi cepit. inde quinque castella, locis sita munitis, expugnavit. Cæsa ibi hostium duo millia quadringenti; minus duo millia capti. Et Faliscis pacem petentibus annuas inducias dedit, pactus ⁸⁵centum millia gravis æris, et stipendium ejus anni militibus. His rebus actis ad triumphum decessit, ut minus clarum de Samnitibus, quam collegæ triumphus fuerat, ita cumulo

Troilium in
Etruria
captum a
Carvilio.

Carvili tri-
umphus.

* vicies centies millies et quingenta triginta tria millia Gron. Crev.

⁸² Æris gravis vicies centies millies, et quingenta tria millia] Immanis summa. Etenim æris gravis vicies centies millies centena millia, ut negligamus quod excurrit, sive asses librales 200000000000. æquant denarios 200000000000. libras argenti Romanas 2000000000. marcas argenti Parisienses 312500000. Itaque hæc lectio, quam inexit Sigonius, stare posse non videtur. Gronovius ex vestigiis MSS. reponit: Æris gravis . . . vicies centena, et ad triginta tria millia. Qui sunt asses 2033000. libræ argenti Romanæ 2033. marcæ nostra-

tes 3176. cum novem semunciis.

⁸³ Argenti . . pondo M.CCCXXX.] Marcæ nostrates 2078. cum una uncia.

⁸⁴ Quam in ipsa dimicatione] In illis quæ includuntur parenthesi Livius opinionem refellit eorum qui crederent ædem Quirini votam ab hoc consule in ipsa ad Aquiloniam dimicatione. Itaque mens scribentis hæc fuit: Ædem Quirini ab dictatore patre votam, non ab hoc consule, utpote quam dedicavit.

⁸⁵ Centum millia gravis æris] Marcas argenti nostrates 156. cum duabus uncis.

Etrusci belli æquatum. ⁸⁶ Æris gravis tulit in ærarium tre- U. C. 459.
centa octoginta⁷ millia: de reliquo ære ædem Fortis For- A. C. 293.
tunæ de manubiis faciendam locavit, prope ⁸⁷ ædem ejus⁸
Dææ ab rege Ser. Tullio dedicatam. et militibus ex præda
⁸⁸ centenos binos asses, et ⁸⁹ alterum tantum centurionibus
atque equitibus (⁹⁰ malignitate collegæ gratius accipientibus
munus) divisit. Favor consulis tutatus ad populum est ⁹¹ L.
Postumium legatum ejus: qui dicta die a M. Cantio⁹ tri-
buno plebis, ⁹² fugerat in legationem (ut fama ferebat) po-
puli judicium: jactarique magis, quam peragi, accusatio
ejus ⁹³ poterat.

XLVII. Exacto jam anno, novi tribuni plebis magistra-
tum inierant: iisque ipsis, quia vitio creati erant, quinque
post dies alii subfecti. Lustrum conditum eo anno est a Lustrum
P. Cornelio Arvina, C. Marcio Rutilo, censoribus: censa conditum.
capitum millia ducenta sexaginta duo trecenta viginti duo.
Censores vicesimi sexti a primis censoribus; ⁹⁴ lustrum un-
devicesimum fuit. Eodem anno coronati primum, ob res
bello bene gestas, ludos Romanos spectaverunt: palmæque
tum primum, translato e Græcia more, victoribus datæ.
Eodem anno ab ædilibus curulibus, qui eos ludos fecerunt,
damnatis aliquot pecuariis, via ⁹⁵ a Martis silice ad Bovillas
⁹⁶ perstrata est. Comitia consularia L. Papirius habuit:
creavit consules Q. Fabium Maximi filium Gurgitem et D.
Junium Brutum Scævam. ipse Papirius prætor factus. Mul-
tis rebus lætus annus vix ad solatium unius mali, pestilen- Pestilentia.

⁷ nonaginta Gron. Crev.

² eidem Ræd.

⁸ Scantio Ræd.

⁸⁶ Æris trecenta nonaginta
millia] Marcas argenti 609. cum tri-
bus unciiis.

⁸⁷ Ædem eidem deæ dedica-
tam] Scripti quamplurimi, Campa-
nus, et Andreas, habent ejus deæ. Et
sane magis solet Livius dicere ædem
alicujus divi dedicatam, quam alicui
divo, ut jam observavimus in not. 89.
ad V. 23. supra.

⁸⁸ Centenos binos asses] Unciam ar-
genti Paris. 1½ cum gravis fere 15.

⁸⁹ Alterum tantum] Duplum. Vid.
not. 62. ad VIII. 8.

⁹⁰ Malignitate collegæ] Quia ma-
lignus, sive nimium parvus collega
nihil militibus suis dederat.

⁹¹ L. Postumium] Eum nempe,
qui consul priore anno fuerat, virum
ingenti contumacis, cujus certamina
cum senatu (supra, c. 37.) videntur
huic accusationi materiam dedisse.

⁹² Fugerat in legationem po-

puli judicium] Legatum se a consule
eligendum curaverat, ut fugeret po-
puli judicium.

⁹³ Poterat] Magis placeret potuerat.

⁹⁴ Lustrum undevicesimum] Nem-
pe a primis censoribus. Hoc lustrum
tricesimum est in fastis Capitolinis,
in quibus nimirum numerantur de-
cem lustra ante primos censores con-
dita. Et sic quoque Livius a fastis
uno lustro discrepat.

⁹⁵ A Martis] A Martis æde. For-
tasse hic aliquod latet vitium. Cam-
panus habet arinatis, unus ex Hearnii
codd. Narniatis: tres e nostris Martis,
omissa vocula a.

⁹⁶ Perstrata] Nota particulam
per, qua indicare voluit Livius hanc
viam velut aliquod complementum
fuisse ejus semitæ, quam a porta Ca-
pena ad Martis stratam fuisse docuit,
supra c. 23.

U. C. 459. tiae urentis simul urbem atque agros subfecit; portentoque
 A. C. 293. jam similis clades erat. et ⁹⁷ libri aditi, quisnam finis, aut
 quod remedium ejus mali ab Diis daretur. Inventum in
 libris, Æsculapium ab Epidauro Romam arcessendum.
 neque eo anno, quia bello occupati consules erant, quidquam
 de ea re actum: præterquam quod unum diem Æsculapio
 supplicatio habita est.

97 * *Libri aditi, quisnam finis*] Libri Sibyllini aditi, ut ex iis disceretur, qui-
 nam finis

FINIS TOMI PRIMI.





